


আহকামে যিন্দেগী

মাওলানা মুহাম্মাদ হেমায়েত উদ্দীন



সতর্কীকরণ

প্রতারণা থেকে রক্ষা পাওয়ার জন্য
“আহকামে যিন্দেগী”-র ৪র্থ সংস্করণ
এবং প্রকাশনায়- মাকতাবাতুল আবরার
দেখে ক্রয় করুন।

সংশোধিত ও পুনর্বিবর্তিত সংস্করণ

আহকামে যিন্দেগী

(জীবনের সব রকমের বিধি-বিধান)



গ্রন্থকার

মাওলানা মুহাম্মাদ হেমায়েত উদ্দীন

শাইখুল হাদীছ, জামিয়া ইসলামিয়া আরাবিয়া

তাঁতীবাজার, ঢাকা-১১০০

মুহাদ্দিছ, জামিয়া ইসলামিয়া দারুল উলূম মাদানিয়া

৩১২, দক্ষিণ যাত্রাবাড়ী, ঢাকা-১২৩৬

প্রকাশনায়

মামতামাতুল আমনাম

ইসলামী টাওয়ার, ১১/১, বাংলাবাজার,

ঢাকা-১১০০

মোবাইল : 01712-306364

আহকামে যিন্দেগী

মাওলানা মুহাম্মাদ হেমায়েত উদ্দীন

প্রথম প্রকাশঃ

রমযান, ১৪১৯ হিজরী, ডিসেম্বর, ১৯৯৮ ইংরেজি, পৌষ, ১৪০৫ বাংলা

দ্বিতীয় সংস্করণঃ

মুহারররম, ১৪২২ হিজরী, এপ্রিল, ২০০১ ইংরেজি, চৈত্র, ১৪০৭ বাংলা

তৃতীয় সংস্করণঃ

রবিউল আউয়াল, ১৪২৮ হিজরী, এপ্রিল, ২০০৭ ইংরেজি, চৈত্র, ১৪১৩ বাংলা

চতুর্থ সংস্করণঃ

সফর, ১৪৩২ হিজরী, জানুয়ারি, ২০১১ ইংরেজি, মাঘ, ১৪১৭ বাংলা

প্রকাশনায়ঃ

মাকতাবাতুল আবরার

কপিরাইট রেজিস্ট্রেশন সার্টিফিকেট নং- ৭৯১৯ তারিখঃ ২০/১০/২০০২

মূল্য : ৩২০.০০ (তিনশত বিশ টাকা মাত্র)

US\$ 30.00

(সর্বস্বত্ত্ব লেখক কর্তৃক সংরক্ষিত)

AHKAME ZINDEGY

(Guide lines for life)

Written by Maolana Md.Hemayet uddin in bengali

Published by Maktabatul Abrar

Islami Tower, 11/1 Banglabazar, Dhaka-1100

সংক্ষিপ্ত সূচীপত্র

প্রথম অধ্যায়ঃ ঈমান ও আকাইদ (৪৫-১১২)

[ঈমান-আকীদা, কুফর, শিরক, বিদআত, রহম, কুসংস্কার, গোনাহে কবীরা, গোনাহে সগীরা ইত্যাদি বিষয়ক]

দ্বিতীয় অধ্যায়ঃ ইবাদাত (১১৩-৩৫৮)

[পবিত্রতা, ইস্তেনজা, উযু, গোসল, তাইয়াম্মুম, হায়েয, নেফাস, নামায, রোযা, হজ্জ, যাকাত, মুনাযাত, এ'তেকাফ, কুরবানী, মান্নত, কছম, আকীকা, খতনা, পর্দা, চুল, নখ, দাড়ি, গোঁফ, বিভিন্ন দিন ও সময়ের আমল ইত্যাদি বিষয়ক]

তৃতীয় অধ্যায়ঃ মুআমালাত (৩৫৯-৪১২)

[লেন-দেন ব্যবসা-বাণিজ্য, অর্থনীতি, শ্রমনীতি, চাকুরী, কৃষি, শিল্প কল-কারখানা, বিভিন্ন পেশা, বিবাহ, তালাক, ওয়াক্ফ, মসজিদ, মাদ্রাসা, কবরস্থান, ওছিয়াত, মীরাহ্, শোফআ, বন্ধক, ঋণ, মামলা-মোকদদমা, বিচার ইত্যাদি বিষয়ক]

চতুর্থ অধ্যায়ঃ মুআশারাত (৪১৩-৫৮০)

[আচার-আচরণ, মানবাধিকার, শিষ্টাচার ও সংস্কৃতি, পরিবার নীতি, সমাজনীতি, রাজনীতি, রাষ্ট্রনীতি, পোশাক-পরিচ্ছদ, সাজ-গোছ, পরিষ্কার-পরিচ্ছন্নতা, সালাম-কালাম, চিঠি-পত্র, মুসাফাহা, মুআনাকা, কদমবৃহী, আদব-কায়দা, পানা-হার, মেহমানদারী, বন্ধুত্ব, হাদিয়া-তোহফা, রোগ শুশ্রূষা, কাফন-দাফন, ঈহালে হওয়াব, কবর যিয়ারত, নিদ্রা, স্বপ্ন ইত্যাদি বিষয়ক]

পঞ্চম অধ্যায়ঃ আখলাকিয়াত (৫৮১-৬৪৮)

[আখলাক-চরিত্র, আধ্যাত্মিক পরিশুদ্ধি, পীর-মুরীদী, যিকির-আযকার, দুআ-দুরুদ, তিলাওয়াত ও তাজবীদ ইত্যাদি বিষয়ক]

বিস্তারিত সূচীপত্র

| বিষয়বস্তু | পৃষ্ঠা নং |
|---|-----------|
| <input type="checkbox"/> হযরত মাওঃ মাহমুদুল হাসান সাহেব (দামাত বারাকাতুহম)-এর কথা | ৩০ |
| <input type="checkbox"/> লেখকের কথা | ৩৩ |
| <input type="checkbox"/> তৃতীয় সংস্করণ প্রসঙ্গ | ৩৬ |
| <input type="checkbox"/> ইল্ম হাছিল (জ্ঞান অর্জন) করা সম্পর্কিত প্রাথমিক কিছু কথা | ৩৭ |
| * ইল্ম কাকে বলে | ৩৭ |
| * ইল্ম হাছিল করার গুরুত্ব | ৩৭ |
| * ইল্মের ফযীলত | ৩৮ |
| * ইল্ম হাছিল করার পদ্ধতি | ৩৮ |
| * (এক) উস্তাদ নির্বাচনের নীতিমালা | ৩৮ |
| * (দুই) গ্রন্থ পাঠের নীতিমালা | ৩৮ |
| * (তিন) ওয়াজ-নছীহত বা দ্বীনী আলোচনা শোনার নীতিমালা | ৪০ |
| * ইল্ম হাছিল করার জন্য যা যা শর্ত ও করণীয় | ৪০ |
| * শিক্ষা গ্রহণ ও শিক্ষা প্রদানের পদ্ধতি | ৪১ |
| * ইল্মের জন্য সফরের মাসআলা | ৪১ |
| * আধুনিক জ্ঞান-বিজ্ঞান ও জাগতিক বিদ্যা অর্জন সম্পর্কে শরীয়তের দৃষ্টিভঙ্গি | ৪২ |
| * তাকলীদ ও মাযহাব অনুসরণ প্রসঙ্গ | ৪২ |

প্রথম অধ্যায়

ঈমান ও আকাইদ

| | |
|--|----|
| <input type="checkbox"/> কয়েকটি পরিভাষার অর্থ | ৪৫ |
| <input type="checkbox"/> যে সব বিষয়ে ঈমান রাখতে হয় | ৪৭ |
| ১. “আল্লাহ”-এর উপর ঈমান | ৪৭ |
| ২. ফেরেশতা সম্বন্ধে ঈমান | ৪৭ |
| ৩. নবী ও রাসূল সম্বন্ধে ঈমান | ৪৮ |
| ৪. আল্লাহর কিতাব সম্বন্ধে ঈমান | ৫০ |
| ৫. আখেরাত সম্বন্ধে ঈমান | ৫১ |
| ৬. তাকদীর সম্বন্ধে ঈমান | ৫৪ |
| <input type="checkbox"/> আল্লাহর সীফাত বা গুণ প্রকাশক ৯৯টি নাম ও তার সাথে সংশ্লিষ্ট আকীদা সমূহ | ৫৬ |

মুসলমানদের আরও কতিপয় আকীদা

| | |
|--|----|
| □ মে'রাজ সম্বন্ধে আকীদা | ৭১ |
| □ আব্বাহর দীদার সম্বন্ধে আকীদা | ৭১ |
| □ কিয়ামতের আলামত সম্বন্ধে আকীদা | ৭২ |
| □ হযরত মাহ্‌দী সম্বন্ধে আকীদা | ৭৩ |
| □ দাজ্জাল সম্বন্ধে আকীদা | ৭৩ |
| □ হযরত ঈসা (আঃ)-এর পৃথিবীতে অবতরণ সম্বন্ধে আকীদা | ৭৪ |
| □ ইয়াজ্জুজ মাজ্জুজ সম্বন্ধে আকীদা | ৭৫ |
| □ আকাশের এক ধরনের ধোঁয়া সম্বন্ধে আকীদা | ৭৫ |
| □ পশ্চিম দিক থেকে সূর্য উদয়ের আকীদা | ৭৬ |
| □ দাব্বাতুল আরদ সম্বন্ধে আকীদা | ৭৬ |
| □ কিয়ামতের পূর্বক্ষণে দুনিয়ার অবস্থা ও কিয়ামত সংঘটিত হওয়া সম্বন্ধে আকীদা | ৭৬ |
| □ ঈছালে ছওয়াব সম্বন্ধে আকীদা | ৭৭ |
| □ দু'আর মধ্যে ওছীলা প্রসঙ্গে আকীদা | ৭৭ |
| □ জিন সম্বন্ধে আকীদা | ৭৭ |
| □ কারামত, কাশ্ফ, এলহাম ও পীর বুয়ুর্গ সম্বন্ধে আকীদা | ৭৭ |
| □ ওলী, আবদাল, গাউছ, কুতুব ইত্যাদি সম্পর্কে ধারণা | ৭৮ |
| □ মাজার সম্বন্ধে আকীদা | ৭৯ |
| □ মাজার সম্বন্ধে ভ্রান্ত ধারণা সমূহ | ৮০ |
| □ সাহাবীদের সম্বন্ধে আকীদা | ৮০ |
| □ রাসূল (সাঃ)-এর বিবি ও আওলাদগণের সম্বন্ধে আকীদা | ৮২ |
| □ আস্বাব/বস্তুর ক্ষমতা সম্বন্ধে আকীদা | ৮২ |
| □ রোগ সংক্রমণ সম্বন্ধে আকীদা | ৮২ |
| □ রাশি ও গ্রহ নক্ষত্রের প্রভাব সম্বন্ধে আকীদা | ৮৩ |
| □ হস্ত রেখা বিচার সম্বন্ধে আকীদা | ৮৩ |
| □ রত্ন ও পাথরের প্রভাব সম্বন্ধে আকীদা | ৮৪ |
| □ তাবীজ ও ঝাড়-ফুক সম্বন্ধে আকীদা | ৮৪ |
| □ নজর ও বাতাস লাগা সম্বন্ধে আকীদা | ৮৫ |
| □ কুলক্ষণ ও সুলক্ষণ সম্বন্ধে আকীদা | ৮৫ |
| □ শরীয়তের আকীদা বিরুদ্ধ কয়েকটি লক্ষণ ও কুলক্ষণের তালিকা | ৮৫ |
| □ আহ্লে সুন্নাত ওয়াল জামাআত সম্বন্ধে আকীদা | ৮৬ |

| | |
|--|-----|
| □ ঈমান সম্পর্কিত কোন বিষয়ে মনে সন্দেহ জাগলে তখন কি করণীয় | ৮৭ |
| □ ঈমান বাড়ে কমে কিভাবে | ৮৮ |
| □ ঈমানের শাখা | ৮৮ |
| □ কতিপয় কুফরী ও তার বিবরণ | ৯১ |
| □ ঈমান পরিপন্থী কিছু আধুনিক ধ্যান ধারণা | ৯৩ |
| □ কতিপয় শিরক | ৯৫ |
| □ কতিপয় বিদআত | ৯৬ |
| □ কতিপয় রসম বা কুসংস্কার ও কুপ্রথা | ৯৭ |
| □ কবীরা গোনাহ বা বড় গোনাহের তালিকা | ৯৯ |
| □ সগীরা গোনাহের বিবরণ ও তার একটি তালিকা | ১০৫ |
| □ মুসলমান হওয়ার বা মুসলমান বানানোর তরীকা | ১১০ |
| □ কাউকে কাফের আখ্যায়িত করা (كافر করা)-এর নীতি | ১১১ |

দ্বিতীয় অধ্যায়

ইবাদত

| | |
|--|-----|
| □ কয়েকটি পরিভাষার ব্যাখ্যা | ১১৩ |
| □ নাপাকীর বর্ণনা | ১১৫ |
| □ শরীর ও কাপড় পাক করার নিয়ম | ১১৭ |
| □ আসবাব/দ্রব্য পাক করার নিয়ম | ১১৯ |
| □ জমিন পাক করার নিয়ম | ১২০ |
| □ খাদ্য দ্রব্য পাক করার নিয়ম | ১২০ |
| □ হাউজ বা ট্যাংকি পাক করার নিয়ম | ১২১ |
| □ নলকূপ পাক করার নিয়ম | ১২২ |
| □ পেশাব/পায়খানার সুন্নাত, আদব ও বিধি-নিষেধ সমূহ | ১২২ |
| □ উযু | |
| * উযুর ফরয, সুন্নাত, মোস্তাহাব ও আদব সমূহ | ১২৫ |
| * উযুর সব অঙ্গের জন্য প্রযোজ্য মাসায়েল | ১৩১ |
| * উযু শেষ হওয়ার পর করণীয় কয়েকটি আমল | ১৩১ |
| * যে সব কারণে উযু মাকরুহ হয় | ১৩৩ |
| * যে সব কারণে উযু ভাঙ্গে না | ১৩৩ |
| * যে সব কারণে উযু ভেঙ্গে যায় | ১৩৪ |

| | |
|---|-----|
| * মায়ূর ব্যক্তির উয়ুর বয়ান | ১৩৫ |
| □ মেসওয়াকের মাসায়েল | ১৩৬ |
| □ গোসলের ফরয, সুন্নাত, মোস্তাহাব ও আদব সমূহ | ১৩৭ |
| * গোসলের ফরয সমূহ | ১৩৮ |
| * যে সব কারণে গোসল ফরয হয় | ১৩৯ |
| * যে সব কারণে গোসল ফরয হয় না | ১৪০ |
| য তাইয়াম্মুমের মাসায়েল | ১৪০ |
| * কি কি বস্তু দ্বারা তাইয়াম্মুম করা জায়েয | ১৪২ |
| * কোন্ অপবিত্রতায় তাইয়াম্মুম করা যায় | ১৪২ |
| * কখন তাইয়াম্মুম করতে হবে | ১৪২ |
| * কোন্ কোন্ কারণে তাইয়াম্মুম নষ্ট হয় | ১৪৪ |
| □ হায়েয নেফাস ও ইস্তেহাযা ইত্যাদি | |
| * হায়েযের পরিচয় | ১৪৪ |
| * হায়েযের সময়সীমা | ১৪৫ |
| * হায়েযের মাসায়েল | ১৪৫ |
| * দুই হায়েযের মধ্যবর্তী স্রাব বা পবিত্রতার কিছু মাসায়েল | ১৪৬ |
| * লিকুরিয়া বা সাদা স্রাবের মাসায়েল | ১৪৭ |
| * হায়েযের অভ্যাস পরিবর্তন হওয়া সংক্রান্ত মাসায়েল | ১৪৭ |
| * হায়েয চলাকালীন ও হায়েয শেষে নামায রোযার মাসায়েল | ১৪৮ |
| * হায়েয চলাকালীন ও হায়েয শেষে সহবাসের মাসায়েল | ১৫১ |
| * নেফাস কাকে বলে | ১৫২ |
| * নেফাসের সময়সীমা | ১৫২ |
| * নেফাসের মাসায়েল | ১৫৩ |
| * হায়েয ও নেফাস উভয়টার ক্ষেত্রে প্রযোজ্য মাসায়েল | ১৫৩ |
| * ইস্তেহাযা কাকে বলে | ১৫৬ |
| * ইস্তেহাযার হুকুম ও মাসায়েল | ১৫৬ |
| * গর্ভপাত ও এম আর বিষয়ক মাসায়েল | ১৫৭ |
| * প্রসবকালীন সময়ের কয়েকটি মাসআলা | ১৫৭ |
| * প্রসূতি সম্পর্কে কয়েকটি মাসআলা | ১৫৮ |

| | |
|---|-----|
| □ মোজায় মাসেহ করার বয়ান | ১৫৯ |
| * মোজায় মাসেহের শর্তসমূহ | ১৫৯ |
| * কোন্ ধরনের মোজায় মাসেহ করা জায়েয | ১৬০ |
| * মোজায় কত দিন মাসেহ করা জায়েয | ১৬০ |
| * মোজায় মাসেহের তরীকা | ১৬০ |
| * যেসব কারণে মোজায় মাসেহ ভঙ্গ হয়ে যায় | ১৬১ |
| □ আযান ও ইকামতের মাসায়েল | ১৬১ |
| * আযানের শর্ত সমূহ | ১৬২ |
| * আযান ইকামতের সুন্নাত ও মোস্তাহাব সমূহ | ১৬২ |
| * আযান ও ইকামতের মাঝে সময়ের ব্যবধান কতটুকু হবে | ১৬৩ |
| * আযান ও ইকামতের শব্দ সমূহ আদায় করার নিয়ম | ১৬৪ |
| * আযান বলার সুন্নাত তরীকা | ১৬৬ |
| * ইকামত বলার সুন্নাত তরীকা | ১৬৬ |
| * আযানের ভুল সমূহ | ১৬৭ |
| * ইকামতের ভুল সমূহ | ১৬৮ |
| * আযান ও ইকামতের জওয়াব প্রসঙ্গ | ১৬৯ |
| * যে সব অবস্থায় আযানের জওয়াব দেয়া উচিত নয় | ১৬৯ |
| * আযান ও ইকামতের শব্দ সমূহ এবং তার জওয়াবের শব্দ সমূহ | ১৭০ |
| * আযানের সময়কার বিশেষ কয়েকটি আমল | ১৭১ |
| □ মসজিদে যাওয়ার সুন্নাত ও আদব সমূহ | ১৭২ |
| * মসজিদে প্রবেশের সুন্নাত ও আদব সমূহ | ১৭৩ |
| * মসজিদের ভিতরের সুন্নাত ও আদব সমূহ | ১৭৩ |
| * মসজিদ থেকে বের হওয়ার সুন্নাত ও আদব সমূহ | ১৭৫ |
| নামায | |
| □ শুরু থেকে শেষ পর্যন্ত নামায পড়ার তরীকা | ১৭৬ |
| □ মুক্তাদীর জন্য খাঁস মাসায়েল | ১৮৩ |
| □ মাছবূকের জন্য খাঁস মাসায়েল | ১৮৩ |
| * মাছবূক এক রাকআত ছুটে গেলে তা কিভাবে পড়বে | ১৮৪ |
| * মাছবূক দুই রাকআত ছুটে গেলে তা কিভাবে পড়বে | ১৮৪ |
| * মাছবূক তিন রাকআত ছুটে গেলে তা কিভাবে পড়বে | ১৮৪ |
| * মাছবূক কোনো রাকআত না পেলো কিভাবে পড়বে | ১৮৫ |

| | |
|---|-----|
| □ ইমামের জন্য খাস মাসায়েল | ১৮৫ |
| □ দুআ/মুনাজাতের আদব ও আমল সমূহ | ১৮৬ |
| (ক) দুআ কবুল হওয়ার জন্য সর্বক্ষণ যা যা করণীয় | ১৮৬ |
| (খ) দুআর সময় বসার আদব | ১৮৬ |
| (গ) দুআর সময় হাত উঠানোর নিয়মাবলী | ১৮৬ |
| (ঘ) দুআ শুরু এবং শেষ করার বাক্য সমূহ | ১৮৭ |
| (ঙ) দুআর সময় মনের অবস্থা যেরকম রাখতে হয় | ১৮৭ |
| (চ) চাওয়ার আদব সমূহ | ১৮৭ |
| (ছ) দুআর বিষয়বস্তু বিষয়ক আদব সমূহ | ১৮৮ |
| (জ) দুআর ভাষা বিষয়ক আদব সমূহ | ১৮৮ |
| □ দুআ সম্পর্কে আরও বিশেষ কয়েকটি কথা | ১৮৮ |
| □ দুআ কবুল হওয়ার বিশেষ কয়েকটি মুহূর্ত | ১৮৯ |
| □ কুরআনে বর্ণিত বিশেষ কয়েকটি মুনাজাত | ১৮৯ |
| □ হাদীছে বর্ণিত বিশেষ কয়েকটি মুনাজাত | ১৯২ |
| □ নামাযে মনোযোগ সৃষ্টির জন্য যা যা করণীয় | ১৯৪ |
| □ ওয়াক্ভিয়া নামায | ১৯৪ |
| □ ফজরের নামায | ১৯৫ |
| * ফজরের নামাযের ওয়াক্ভ | ১৯৫ |
| □ ফজরের দুই রাকআত সুন্নাতে মুআক্কাদার বিশেষ কয়েকটি বিধান | ১৯৫ |
| * ফজরের দুই রাকআত ফরযের বিশেষ কয়েকটি বিধান | ১৯৬ |
| □ জোহরের নামায | ১৯৬ |
| * জোহরের নামাযের ওয়াক্ভ | ১৯৬ |
| * জোহরের চার রাকআত সুন্নাতের বিশেষ বিধান সমূহ | ১৯৬ |
| * জোহরের চার রাকআত ফরযের বিশেষ মাসায়েল | ১৯৭ |
| □ আসরের নামায | ১৯৭ |
| * আসরের ওয়াক্ভ | ১৯৭ |
| * আসরের চার রাকআত ফরযের বিশেষ কয়েকটি মাসআলা | ১৯৭ |
| □ মাগরিবের নামায | ১৯৮ |
| * মাগরিবের ওয়াক্ভ | ১৯৮ |
| * মাগরিবের তিন রাকআত ফরযের বিশেষ কয়েকটি মাসআলা | ১৯৮ |

| | |
|---|-----|
| □ ইশার নামায | ১৯৮ |
| * ইশার ওয়াক্ত | ১৯৮ |
| * ইশার চার রাকআত ফরযের বিশেষ কয়েকটি মাসায়েল | ১৯৮ |
| □ জামাআতের মাসায়েল | ১৯৯ |
| * জামাআত ছাড়ার ওযর সমূহ | ২০১ |
| * কাতারের মাসায়েল | ২০২ |
| □ নামাযে লোকমা দেয়া ও নেয়ার মাসায়েল | ২০৪ |
| □ ইমাম নিযুক্ত করার নীতি ও মাসায়েল | ২০৫ |
| * যাদেরকে ইমাম বানানো মাকরুহ | ২০৬ |
| □ বিতর নামায ও তার মাসায়েল | ২০৬ |
| □ জুমুআর নামায | ২০৮ |
| * জুমুআর জামাআত ওয়াজিব হওয়ার শর্ত সমূহ | ২০৯ |
| * জুমুআ সহীহ হওয়ার শর্ত সমূহ | ২০৯ |
| □ জুমুআর খুতবার সুন্নাত, আদব ও মাসায়েল | ২০৯ |
| * খুতবার জরুরী বিষয় সমূহ | ২১০ |
| * খুতবার সুন্নাত ও আদব সমূহ | ২১১ |
| * খতীবের সাথে সংশ্লিষ্ট কয়েকটি মাসায়েল | ২১২ |
| * খুতবার সময় শ্রোতাদের করণীয় আমল সমূহ | ২১২ |
| □ তারাবীহ্-র নামায ও তার মাসায়েল | ২১৩ |
| * খতম তারাবীহ্-র মাসায়েল | ২১৪ |
| □ ঈদুল ফিতরের নামায | ২১৫ |
| * ঈদুল ফিতরের নামায পড়ার তরীকা | ২১৬ |
| * ঈদুল ফিতরের খুতবা ও তখনকার আমল সমূহ | ২১৬ |
| * ঈদুল ফিতরের খুতবার মধ্যে যে সব বিষয় থাকবে | ২১৬ |
| □ ঈদুল আযহার নামায | ২১৭ |
| * ঈদুল আযহার খুতবা ও তখনকার আমল সমূহ | ২১৭ |
| □ তাহাজ্জুদের নামায | ২১৭ |
| □ তাহিয়াতুল উযূ নামায | ২১৭ |
| □ দুখলুল মসজিদ বা তাহিয়াতুল মসজিদ-এর নামায | ২১৮ |
| □ ইশ্রাক এর নামায | ২১৯ |

| | |
|---|-----|
| □ চাশ্ত এর নামায | ২১৯ |
| □ যাওয়াল বা সূর্য ঢলার নামায | ২২০ |
| □ আওয়াবীন নামায | ২২০ |
| □ সালাতুত তাসবীহ | ২২১ |
| □ এস্তেখারার নামায | ২২২ |
| □ সালাতুল কাতল বা নিহত হওয়াকালীন নামায | ২২৪ |
| □ তওবার নামায | ২২৪ |
| □ সালাতুল হাজত বা প্রয়োজনের মুহূর্তের নামায | ২২৪ |
| □ ভয়াবহ পরিস্থিতির নামায | ২২৫ |
| □ মারাত্মক ধরনের বিপদে কুনূতে নাযেলার আমল | ২২৫ |
| □ সফরের নামায | ২২৬ |
| □ কছরের নামায | ২২৬ |
| □ সালাতুত তালিবে ওয়াল মাতলুব | ২২৭ |
| □ সালাতুল মারীয বা অসুস্থ ব্যক্তির নামায | ২২৭ |
| □ সালাতুল খাওফ বা ভয়কালীন নামায | ২২৯ |
| □ সালাতুল ফাতাহ বা বিজয়ের নামায | ২২৯ |
| □ শোকরের নামায | ২৩০ |
| □ সালাতুল কুছুফ (সূর্য গ্রহণের নামায) | ২৩০ |
| □ সালাতুল খুছুফ (চন্দ্র গ্রহণের নামায) | ২৩১ |
| □ এস্তেস্কার নামায | ২৩১ |
| * নামাযের আহকাম বা শর্ত সমূহ | ২৩২ |
| * নামাযের আরকান | ২৩৩ |
| * নামাযের ওয়াজিব সমূহ | ২৩৩ |
| * নামায ভঙ্গের কারণ সমূহ | ২৩৫ |
| * নামাযের মাকরুহ সমূহ | ২৩৬ |
| * যে সব অবস্থায় নামায ছেড়ে দেয়া যায় | ২৩৮ |
| □ সাজদায়ে সহোর মাসায়েল | ২৪০ |
| □ নামাযের মধ্যে রাকআত নিয়ে সন্দেহ হলে তার মাসায়েল | ২৪২ |
| □ কাযা নামাযের মাসায়েল | ২৪৩ |
| □ উম্রী কাযার মাসায়েল | ২৪৪ |

| | |
|---|-----|
| □ নামাযের ফেদিয়ার মাসায়েল | ২৪৫ |
| □ রমযানের রোযা | ২৪৬ |
| * রোযার নিয়তের মাসায়েল | ২৪৬ |
| * সেহরীর মাসায়েল | ২৪৭ |
| * ইফতার-এর মাসায়েল | ২৪৭ |
| * যে সব কারণে রোযা ভাঙ্গে না এবং মাকরুহও হয় না | ২৪৮ |
| * যে সব কারণে রোযা ভাঙ্গে না তবে মাকরুহ হয়ে যায় | ২৪৯ |
| * যে সব কারণে রোযা ভেঙ্গে যায় এবং শুধু কাযা ওয়াজিব হয় | ২৫০ |
| * যে সব কারণে রোযা ভেঙ্গে যায় এবং কাযা ও কাফ্ফারা উভয়টা ওয়াজিব হয় | ২৫১ |
| * যে সব কারণে রোযা না রাখার অনুমতি আছে | ২৫২ |
| * যে সব কারণে রোযা শুরু করার পর তা ভেঙ্গে ফেলার অনুমতি রয়েছে | ২৫৩ |
| * রমযান মাসের সম্মান রক্ষার মাসায়েল | ২৫৩ |
| * রোযার কাযার মাসায়েল | ২৫৩ |
| * রোযার কাফ্ফারা-র মাসায়েল | ২৫৪ |
| * রোযার ফেদিয়ার মাসায়েল | ২৫৫ |
| □ নফল রোযার মাসায়েল | ২৫৫ |
| □ মান্নতের রোযার মাসায়েল | ২৫৬ |
| □ সুন্নাত এ'তেকাফ (রমযানের শেষ দশকের এ'তেকাফ)-এর মাসায়েল | ২৫৭ |
| * এ'তেকাফের শর্ত সমূহ | ২৫৭ |
| * যে সব কারণে এ'তেকাফ ফাসেদ হয়ে যায় | ২৫৭ |
| * এ'তেকাফের অবস্থায় যে সব জিনিস মাকরুহ | ২৫৮ |
| * এ'তেকাফের মোস্তাহাব ও আদব সমূহ | ২৫৮ |
| □ ওয়াজিব এ'তেকাফ (মান্নতের এ'তেকাফ)-এর মাসায়েল | ২৫৯ |
| □ মোস্তাহাব/নফল এ'তেকাফের মাসায়েল | ২৬০ |
| □ যাকাতের মাসায়েল | |
| * কোন্ কোন্ অর্থ/সম্পদ কি পরিমাণ থাকলে যাকাত ফরয হয় | ২৬০ |
| * যাকাত ফরয হওয়ার শর্ত সমূহ | ২৬১ |
| * যে সব অর্থ/সম্পদের যাকাত আসে না | ২৬২ |
| * যাকাত হিসাব করার তরীকা ও মাসায়েল | ২৬৩ |
| * গরু, ছাগল, হাঁস, মুরগি, প্রভৃতি প্রাণীর যাকাত | ২৬৬ |

| | |
|---|-----|
| * কোন্ কোন্ লোকদেরকে বা কোন্ কোন্ খাতে যাকাত দেয়া যায় না .. | ২৬৭ |
| * যে লোকদেরকে যাকাত দেয়া যায় | ২৬৮ |
| * যাদেরকে যাকাত দেয়া উত্তম | ২৬৮ |
| * যাকাত আদায় করার তরীকা ও মাসায়েল | ২৬৮ |
| □ সদকায়ে ফিত্র/ফিতরা-এর মাসায়েল | ২৬৯ |
| □ কুরবানী | |
| * কুরবানীর ফযীলত | ২৭১ |
| * কাদের উপর কুরবানী দেয়া ওয়াজিব | ২৭১ |
| * কোন্ কোন্ জন্তু দ্বারা কুরবানী করা দুরস্ত আছে | ২৭১ |
| * কুরবানী-র জন্তুর বয়স প্রসঙ্গ | ২৭২ |
| * কুরবানীর জন্তুর স্বাস্থ্যগত অবস্থা প্রসঙ্গ | ২৭২ |
| * শরীকের মাসায়েল এবং একটা পশুতে কয়জন শরীক হতে পারে? | ২৭৩ |
| * কুরবানীর পশু জবেহ করা প্রসঙ্গ | ২৭৩ |
| * গোশ্ত বন্টনের তরীকা | ২৭৪ |
| * কুরবানীর গোশ্ত খাওয়া ও দান করার মাসায়েল | ২৭৫ |
| * কুরবানীর পশুর চামড়া সম্পর্কিত মাসায়েল | ২৭৫ |
| □ আকীকার মাসায়েল | ২৭৬ |
| □ মান্নতের মাসায়েল | ২৭৭ |
| □ কহ্মের মাসায়েল | ২৭৮ |
| □ কহ্মের কাফ্ফারা | ২৭৯ |
| □ হজ্জ | |
| * হজ্জ ও ওমরার ফযীলত | ২৮০ |
| * কাদের উপর হজ্জ ফরয | ২৮০ |
| * হজ্জ ফরয হওয়ার পর না করা বা বিলম্ব করা | ২৮১ |
| * হজ্জের সফরের আদবসমূহ | ২৮১ |
| * উমরাতে যা যা করতে হয় | ২৮৩ |
| * কোন্ প্রকার হজ্জ করা উত্তম | ২৮৩ |
| * এফরাদ হজ্জে যা যা করতে হয় | ২৮৪ |
| * কেরান হজ্জে যা যা করতে হয় | ২৮৫ |

| | |
|---|-----|
| * তামাসু হজ্জে যা যা করতে হয় | ২৮৬ |
| * এহ্রামের মাসায়েল | ২৮৭ |
| * কোথা থেকে এহ্রাম বাধবেন | ২৮৮ |
| * এহ্রাম বাধার তরীকা | ২৮৮ |
| * এহ্রামের অবস্থায় যা যা করা উত্তম | ২৯০ |
| * এহ্রামের অবস্থায় যা যা নিষিদ্ধ | ২৯১ |
| * এহ্রাম অবস্থায় যা যা মাকরুহ | ২৯২ |
| * মক্কা ও হারাম শরীফে প্রবেশের সুন্নাত ও আদব সমূহ | ২৯২ |
| * তওয়াফের তরীকা ও মাসায়েল | ২৯৪ |
| * সায়ীর তরীকা ও মাসায়েল | ২৯৮ |
| * মাথা মুন্ডন করা বা চুল ছাঁটার মাসায়েল | ৩০০ |
| * ৮ই যিলহজ্জ মিনায় গমন ও তথায় অবস্থানের মাসায়েল | ৩০১ |
| * ৯ই যিলহজ্জ আরাফায় গমন ও উকুফে আরাফার মাসায়েল | ৩০২ |
| * মুযদালেফায় গমন ও উকুফে মুযদালেফার মাসায়েল | ৩০৩ |
| * ১০ই যিলহজ্জ থেকে ১৩ই যিলহজ্জ পর্যন্ত সময়ের আহকাম | ৩০৪ |
| * কংকর নিক্ষেপের তরীকা | ৩০৫ |
| * তওয়াফে যিয়ারত | ৩০৬ |
| * বিদায়ী তওয়াফ | ৩০৮ |
| * বদলী হজ্জের মাসায়েল | ৩০৯ |
| * নফল উমরা ও নফল তওয়াফের মাসায়েল | ৩১০ |
| * যে সব কারণে দম বা সদকা দিতে হয় | ৩১০ |
| □ মক্কা মুকাররমায় যিয়ারতের বিশেষ কয়েকটি স্থান | ৩১৬ |
| □ মদীনা মুনাওওয়ারা-র যিয়ারত | ৩১৯ |
| □ মদীনা মুনাওওয়ারায় যিয়ারতের বিশেষ কয়েকটি স্থান | ৩২৩ |
| □ পর্দার আহকাম | ৩২৯ |
| * নারীর মাহরাম | ৩৩০ |
| * পুরুষের মাহরাম | ৩৩০ |
| * খতনার আহকাম | ৩৩২ |
| * গৌফ, দাড়ির মাসায়েল | ৩৩২ |

| | |
|---|-----|
| □ চুল ও শরীরের অন্যান্য পশমের মাসায়েল | ২৩৩ |
| □ নখ কাটার মাসায়েল | ৩৩৪ |
| □ বিশেষ কয়েকটি দিন/রাত ও বিশেষ কয়েকটি সময়ের আমলসমূহ | ৩৩৫ |
| * জুমুআর দিনের বিশেষ কয়েকটি আমল | ৩৩৫ |
| * সকাল সন্ধার বিশেষ কয়েকটি আমল | ৩৩৬ |
| * প্রত্যেক ফরয নামাযের পরের বিশেষ কয়েকটি আমল | ৩৩৯ |
| * আইয়্যামে বীযের আমল (রোযা) | ৩৪১ |
| * আশূরা উপলক্ষে করণীয় আমল সমূহ | ৩৪১ |
| * শবে বরাত- এর আমল সমূহ | ৩৪২ |
| * শবে কদর-এর ফযীলত ও করণীয় | ৩৪৪ |
| * দুই ঈদের রাত | ৩৪৫ |
| * তাকবীরে তাশরীকের বিধান | ৩৪৫ |
| * ঈদের দিনগুলো | ৩৪৬ |
| * ১লা এপ্রিলে এপ্রিল ফুল পালন করা | ৩৪৭ |
| * শাওয়ালের ছয় রোযা | ৩৪৭ |
| * ৯ই যিলহজ্জের রোযা | ৩৪৭ |
| * শবে মেরাজ | ৩৪৮ |
| * ১২ই রবিউল আউয়াল | ৩৪৮ |
| * ফাতেহা ইয়াযদহম | ৩৪৯ |
| * আখেরী চাহার শোমবাহ | ৩৫০ |
| □ মসজিদের অর্থ কড়ি, মসজিদ নির্মাণের পদ্ধতি ও আনুষঙ্গিক বিষয়ের মাসায়েল | ৩৫০ |
| □ মসজিদের ব্যবস্থাপনা ও সংরক্ষণ সম্পর্কিত মাসায়েল | ৩৫২ |
| * মাদ্রাসা সম্পর্কিত নীতিমালা ও মাসায়েল | ৩৫৩ |
| * মসজিদ মাদ্রাসা প্রভৃতি ধর্মীয় প্রতিষ্ঠান বা ধর্মীয় কাজের জন্য চাঁদা কালেকশনের মাসায়েল | ৩৫৬ |
| □ কবরস্থান সম্পর্কিত মাসায়েল | ৩৫৭ |
| □ ঈদগাহ সম্পর্কিত মাসায়েল | ৩৫৭ |
| □ মুতাওয়ালী, মুহতামিম এবং মসজিদ/মাদ্রাসা কমিটির গুণাবলী ও দায়িত্ব কর্তব্য | ৩৫৮ |

তৃতীয় অধ্যায় মুআমালাত

অর্থনীতি

| | |
|--|-----|
| □ সম্পদ উপার্জনের নীতিমালা | ৩৫৯ |
| □ সম্পদ ব্যয়ের নীতিমালা | ৩৬০ |
| □ সম্পদ সঞ্চয় ও সংরক্ষণের মাসায়েল | ৩৬০ |
| □ ব্যবসা-বাণিজ্য করতে টাকা দেয়ার মাসায়েল | ৩৬১ |
| □ কোম্পানী বা যৌথ কারবারের মাসায়েল | ৩৬৩ |
| □ যৌথ ফার্মের মাসায়েল | ৩৬৫ |
| □ মিল/ফ্যাক্টরীর সাথে সম্পর্কিত মাসায়েল ও শ্রমনীতি | ৩৬৬ |
| □ পেশাজীবী শ্রমিক/ব্যবসায়ী শ্রমিকদের মাসায়েল | ৩৬৮ |
| □ ক্রয়-বিক্রয়ের সাধারণ মাসায়েল | ৩৬৯ |
| □ বাকিতে ক্রয়-বিক্রয়ের মাসায়েল | ৩৭২ |
| □ দাম এখন পণ্য পরে- এরূপ ক্রয়-বিক্রয়ের মাসায়েল | ৩৭৩ |
| □ আধুনিক কিছু ব্যবসা-বাণিজ্য ও ক্রয়-বিক্রয় সম্পর্কে শরীয়তের বিধান ... | ৩৭৪ |
| □ চাকুরীজীবীদের বিষয়ে কয়েকটি মাসআলা | ৩৭৮ |
| □ চাকুরী বা বসবাসের জন্য বিদেশ গমনের মাসায়েল | ৩৭৯ |
| □ কয়েকটি আধুনিক পেশা সম্পর্কে শরীয়তের বিধান | ৩৮০ |
| □ বাড়ি/গৃহ নির্মাণ সম্পর্কিত নীতিমালা ও মাসায়েল | ৩৮২ |
| □ ঘর/বাড়ি/দোকান ইত্যাদি ভাড়া দেয়ার মাসায়েল | ৩৮৩ |
| □ ঘর/বাড়ি/দোকান ইত্যাদি ভাড়া নেয়ার মাসায়েল | ৩৮৪ |
| □ যানবাহনের ভাড়া দেয়া/নেয়া সম্পর্কিত মাসায়েল | ৩৮৫ |
| □ হক্কে শোফআর মাসায়েল | ৩৮৭ |
| □ জমি বর্গা দেয়ার মাসায়েল | ৩৮৮ |
| □ গরু, ছাগল, হাঁস, মুরগি রাখালী দেয়ার মাসায়েল | ৩৮৯ |
| □ বন্ধকের মাসায়েল | ৩৮৯ |
| □ আরিয়াত বা কোন বস্তু ধার দেয়া নেয়ার মাসায়েল | ৩৯০ |
| □ আমানতের মাসায়েল | ৩৯১ |
| □ পড়ে পাওয়া জিনিসের মাসায়েল | ৩৯৩ |
| □ ঋণ সম্পর্কিত আদব ও মাসায়েল | ৩৯৪ |

বিবাহ

| | |
|--|-----|
| □ যাদের সাথে বিবাহ হারাম | ৩৯৫ |
| □ যাদের সাথে বিবাহ জায়েয | ৩৯৬ |
| □ পাত্র-পাত্রী নির্বাচনের তরীকা | ৩৯৭ |
| □ বিবাহের পয়গাম/প্রস্তাব দেয়ার তরীকা | ৩৯৭ |
| □ পাত্রী দেখা প্রসঙ্গ | ৩৯৭ |
| □ মহর সম্পর্কিত মাসায়েল | ৩৯৮ |
| □ ওলীর বর্ণনা | ৩৯৯ |
| □ এযেন নেয়ার তরীকা ও মাসায়েল | ৪০০ |
| □ বিবাহের দিন, সময় ও স্থান সম্পর্কে কথা | ৪০১ |
| □ আকদ সম্পন্ন করা বা বিবাহ পড়ানোর তরীকা | ৪০১ |
| □ বিবাহ মজলিসের কয়েকটি রহম ও কুপ্রথা | ৪০৩ |
| □ বাসর রাতের কতিপয় বিধান | ৪০৩ |
| □ ওলীমা বিষয়ক সুন্নাত ও নিয়ম সমূহ | ৪০৩ |

তালাক

| | |
|---|-----|
| □ তালাক দেয়ার মাসায়েল | ৪০৪ |
| □ তালাক দেয়ার তরীকা | ৪০৫ |
| □ ইদ্দতের মাসায়েল | ৪০৫ |
| □ ওয়াক্ফ/সদকায়ে জারিয়ার মাসায়েল | ৪০৭ |
| □ ওছিয়াত | ৪০৮ |
| □ মীরাছ বা উত্তরাধিকার বন্টনের মাসায়েল | ৪০৯ |
| □ মামলা-মোকাদ্দমা, সাক্ষ্য ও বিচার সংক্রান্ত মাসায়েল | ৪১১ |

চতুর্থ অধ্যায়

মুআশারাত

মানবাধিকার

| | |
|---|-----|
| □ মাতা-পিতার জন্য সন্তানের করণীয় তথা মাতা-পিতার অধিকার | ৪১৩ |
| □ সন্তানের জন্য পিতা-মাতার করণীয় তথা সন্তানের অধিকার | ৪১৫ |
| □ উস্তাদের জন্য ছাত্রের করণীয় তথা উস্তাদের হক | ৪১৭ |
| □ ছাত্রের জন্য উস্তাদের করণীয় তথা ছাত্রের হক | ৪২০ |
| □ স্বামীর জন্য স্ত্রীর করণীয় তথা স্বামীর অধিকার সমূহ | ৪২১ |

| | |
|--|-----|
| □ স্ত্রীর জন্য স্বামীর করণীয় তথা স্ত্রীর অধিকার সমূহ | ৪২৪ |
| □ পীর মুরশিদ বা শায়খে তরীকতের সাথে মুরীদদের করণীয় | ৪২৮ |
| □ উলামায়ে কেরাম, মাশায়েখ ও বুযুর্গদের সাথে করণীয় | ৪২৯ |
| □ সাধারণ মানুষের জন্য উলামা ও মাশায়েখদের করণীয় | ৪৩০ |
| □ ছোটদের প্রতি বড়দের করণীয় | ৪৩১ |
| □ ইমামের জন্য মুসল্লী/মুজাদীগণের করণীয় | ৪৩২ |
| □ মুসল্লী/মুজাদীদের জন্য ইমামের করণীয় | ৪৩৩ |
| □ আত্মীয়-স্বজনের সাথে করণীয় তথা আত্মীয়-স্বজনের অধিকার | ৪৩৪ |
| □ প্রতিবেশীর সাথে করণীয় (প্রতিবেশীর অধিকার) | ৪৩৫ |
| □ সাধারণ মুসলমানের অধিকার | ৪৩৫ |
| □ অমুসলমানের হক বা অধিকার | ৪৩৬ |
| □ দুঃস্থ মানুষের জন্য করণীয় তথা দুঃস্থদের অধিকার | ৪৩৭ |
| □ শ্রমিকের প্রতি মালিকের করণীয় তথা শ্রমিকের অধিকার | ৪৩৭ |
| □ মালিকের জন্য শ্রমিকের করণীয় তথা মালিকের অধিকার | ৪৩৯ |
| □ পশুপাখী ও জীবজন্তুর হক বা অধিকার | ৪৩৯ |
| □ চাকর-নওকরদের সাথে করণীয় | ৪৪০ |
| □ ব্যবসায়ী/বিক্রেতার করণীয় তথা ক্রেতার অধিকার | ৪৪০ |
| □ ক্রেতার করণীয় তথা ব্যবসায়ী/বিক্রেতার অধিকার | ৪৪১ |
| আদব, শিষ্টাচার ও সংস্কৃতি | |
| □ সাক্ষাত ও মূলাকাতের সুন্নাত এবং আদব সমূহ | ৪৪১ |
| * সাক্ষা প্রার্থীর করণীয় | ৪৪১ |
| * যার সাক্ষাত প্রার্থনা করা হয় তার কর্তব্য | ৪৪৩ |
| □ টেলিফোনে কথা বলার সুন্নাত ও আদব সমূহ | ৪৪৩ |
| □ সালামের সুন্নাত ও আদব সমূহ | ৪৪৪ |
| * সালাম প্রদান সংক্রান্ত | ৪৪৪ |
| * সালামের জওয়াব সংক্রান্ত | ৪৪৫ |
| □ মুসাফাহার সুন্নাত ও আদব সমূহ | ৪৪৬ |
| □ মুআনাকার মাসায়েল | ৪৪৭ |
| □ কারও আগমনে দাঁড়িয়ে যাওয়া (কেয়াম করা) | ৪৪৭ |

| | |
|---|-----|
| □ মুরব্বী ও গুরুজনের কদমবৃহী এবং হাত কপালে চুমু দেয়া প্রসঙ্গ | ৪৪৮ |
| * কদম বৃহী | ৪৪৮ |
| * হাতে চুমু দেয়া | ৪৪৯ |
| * চেহারা, কপাল ও মাথায় চুমু দেয়া | ৪৪৯ |
| □ চিঠি-পত্রের সুন্নাত ও আদব সমূহ | ৪৪৯ |
| □ মজলিসের সুন্নাত ও আদব সমূহ | ৪৫০ |
| □ কথা বলার সুন্নাত, আদব ও নিয়ম কানুন | ৪৫২ |
| □ আমর বিল মা'রুফ ও নাহি আনিল মুন্কার তথা দাওয়াত, তাবলীগ এবং ওয়াজ-নহীহত ও বয়ান করার সুন্নাত, আদব ও শর্ত সমূহ | ৪৫৪ |
| □ কথা শ্রবণ করার আদব তরীকা | ৪৫৬ |
| □ তর্ক-বিতর্কের ক্ষেত্রে করণীয় | ৪৫৭ |
| □ হাসি-ফুর্তি ও রসিকতা সম্পর্কে বিধি-বিধান | ৪৫৮ |
| □ প্রসংশা বিষয়ক বিধি-বিধান | ৪৫৮ |
| □ হাঁচি সম্পর্কিত বিধি-বিধান | ৪৫৯ |
| □ হাই সম্পর্কিত বিধি-বিধান | ৪৬০ |
| □ পান করার সুন্নাত ও আদব সমূহ | ৪৬০ |
| □ খাওয়ার সুন্নাত ও আদব সমূহ | ৪৬১ |
| □ পাত্র ও বরতনের সাথে সংশ্লিষ্ট বিধি-বিধান | ৪৬৪ |
| □ মজলিসে খাওয়ার সুন্নাত ও আদব সমূহ | ৪৬৪ |
| □ মেহমানের করণীয় বিশেষ আমল সমূহ | ৪৬৫ |
| □ মেজবানের করণীয় বিশেষ আমল সমূহ | ৪৬৭ |
| □ হাদিয়া প্রদান করার আদব-তরীকা | ৪৬৭ |
| □ হাদিয়া গ্রহণ করার নিয়ম পদ্ধতি | ৪৬৮ |
| □ পোশাক-পরিচ্ছদের সুন্নাত, আদব ও বিধি-নিষেধ সমূহ | ৪৬৮ |
| * পোশাকের কাট-ছাঁট বিষয়ক | ৪৬৮ |
| * পোশাকের রং বিষয়ক | ৪৬৯ |
| * পোশাকের সুতা ও বুনন বিষয়ক | ৪৭০ |
| * উচ্চমান ও নিম্ন মানের পোশাক বিষয়ক | ৪৭০ |
| * পোশাক পরিধানের তরীকা বিষয়ক | ৪৭১ |

| | |
|--|-----|
| □ জুতা/স্যাভেল সম্পর্কিত বিধি-বিধান | ৪৭২ |
| □ আরনা-চিরুনির বিধি-বিধান | ৪৭৩ |
| □ তেল, প্রসাধনী ও সাজ-গোছের বিধি-বিধান | ৪৭৪ |
| □ সুরমা, আতর ও সেন্ট ব্যবহারের বিধি-বিধান | ৪৭৪ |
| □ অলংকারের বিধি-বিধান | ৪৭৫ |
| □ মেহেদি ও খেয়াব (কলপ) সম্পর্কিত বিধি-বিধান | ৪৭৫ |
| □ ভালবাসা ও বন্ধুত্বের নীতিমালা | ৪৭৬ |
| □ অমুসলিমদের সাথে কোন্ ধরনের সম্পর্ক রাখতে হবে | ৪৭৭ |
| □ অমুসলিমদের সাথে একত্রে পানাহার এবং তাদের হাতের তৈরী ও রান্না করা খাদ্য-খাবারের মাসায়েল | ৪৭৮ |
| □ সুপারিশ সম্পর্কে নীতিমালা | ৪৭৮ |
| □ বৈধ ও ভাল সুপারিশের জন্য শর্ত | ৪৭৮ |
| □ সুপারিশ মন্দ এবং অবৈধ হয়ে যাওয়ার কারণ সমূহ | ৪৭৮ |
| □ শোয়া এবং ঘুমের সুন্নাত, আদব ও বিধি-নিষেধ সমূহ | ৪৭৯ |
| □ সপ্ন বিষয়ক বিধি-নিষেধ সমূহ | ৪৮৩ |
| □ সহবাসের সুন্নাত, আদব ও বিধি-নিষেধ সমূহ | ৪৮৪ |
| □ হয়েয নেফাস অবস্থায় সংগম ইত্যাদির বিধি-নিষেধ | ৪৮৫ |
| □ জানাবাত (বে-গোসল) অবস্থার বিশেষ বিধি-নিষেধ সমূহ | ৪৮৬ |
| □ ঘরে প্রবেশের ওয়াজিব সুন্নাত ও আদব সমূহ | ৪৮৬ |
| □ ঘর থেকে বের হওয়ার সুন্নাত ও আদব সমূহ | ৪৮৮ |
| □ চলার সুন্নাত ও আদব সমূহ | ৪৮৯ |
| □ যানবাহনের সুন্নাত, আদব ও আমল সমূহ | ৪৯০ |
| □ সফরে যাওয়ার সুন্নাত, আদব ও বিধি-নিষেধ সমূহ | ৪৯১ |
| □ সফর থেকে প্রত্যাবর্তনের আমল সমূহ | ৪৯৪ |
| □ বিপদ-আপদ ও বাল্য মুছীবতের সময় যা যা করণীয় | ৪৯৫ |
| □ অন্যকে বিপদ-আপদ ও মুছীবত গ্রস্ত দেখলে যা যা করণীয় | ৪৯৮ |
| □ নিজের ভাল অবস্থায় বা সুখের অবস্থায় যা যা করণীয় | ৪৯৯ |
| □ অন্যের ভাল অবস্থা দেখলে যা যা করণীয় | ৪৯৯ |
| □ চিকিৎসা বিষয়ক বিধি-বিধান | ৫০০ |

| | |
|--|-----|
| □ খতমে ইউনুস/খতমে শিফা | ৫০১ |
| □ খতমে জালালী | ৫০১ |
| □ খতমে বুখারী | ৫০২ |
| □ খতমে খাজেগান | ৫০২ |
| □ খতমে দুরূদে নারিয়া | ৫০২ |
| □ আসবাব গ্রহণ বা বর্জন সম্পর্কে মাসায়েল | ৫০২ |
| □ রোগী শুশ্রূষার সুনাত ও আদব সমূহ | ৫০৪ |
| □ রোগ অবস্থায় রোগীর যা যা করণীয় | ৫০৫ |
| □ মুমূর্ষ অবস্থায় রোগীর যা যা করণীয় | ৫০৬ |
| □ মুমূর্ষ ব্যক্তির নিকট যারা উপস্থিত থাকে তাদের যা যা করণীয় | ৫০৮ |
| □ মৃত্যু হওয়ার পর করণীয় | ৫০৮ |
| □ কাফন দাফন | |
| □ করব খননের নিয়মাবলী | ৫১১ |
| □ কাফনের কাপড় সংক্রান্ত বিষয় সমূহ | ৫১১ |
| □ কাফনের কাপড়ের পরিমাণ ও তৈরির বিবরণ | ৫১২ |
| □ মাইয়েতকে গোসল প্রদানের তরীকা | ৫১২ |
| □ কাফন পরিধান করানোর নিয়ম (পুরুষের) | ৫১৪ |
| □ কাফন পরিধান করানোর নিয়ম (মহিলার) | ৫১৪ |
| □ জানাযা নামাযের বিবরণ | ৫১৫ |
| □ জানাযা বহন করার নিয়ম সমূহ | ৫১৭ |
| □ জানাযা বহন করার মোস্তাহাব তরীকা | ৫১৭ |
| □ দাফনের নিয়ম-পদ্ধতি | ৫১৮ |
| □ দাফনের পর যা যা করণীয় | ৫১৯ |
| □ মাইয়েতের পরিবারের সাথে অন্যদের যা যা করণীয় | ৫২০ |
| □ কবরের সাথে সংশ্লিষ্ট বিবিধ বিধি-নিষেধ | ৫২১ |
| □ কবর যিয়ারতের আহকাম | ৫২১ |
| □ ঈছালে ছওয়াব ও তার তরীকা | ৫২২ |
| পরিবার নীতি | |
| □ পরিবারে অশান্তি সৃষ্টি হওয়ার কারণ ও তার প্রতিকার | ৫২৩ |
| □ স্ত্রী অবাধ্য হলে তখন যা যা করণীয় | ৫৩১ |

| | |
|--|-----|
| □ স্ত্রীকে শাসন করার পদ্ধতি ও মাসায়েল | ৫৩১ |
| □ স্ত্রীর প্রতি স্বামী রাগান্বিত হলে স্ত্রীর যা যা করণীয় | ৫৩৩ |
| □ স্ত্রীর প্রতি স্বামীর রাগ এলে স্বামীর যা যা করণীয় | ৫৩৪ |
| □ স্ত্রীর কোন কিছু অপছন্দ লাগলে তার প্রতিকার | ৫৩৫ |
| □ স্বামীর কোন কিছু অপছন্দ লাগলে তার প্রতিকার | ৫৩৬ |
| □ স্বামীকে বশীভূত করার পদ্ধতি ও মাসায়েল | ৫৩৬ |
| □ শ্বশুর বাড়িতে বসবাস ও সকলের সাথে মিলে মিশে থাকার নীতি | ৫৩৭ |
| □ পুত্র-বধূর প্রতি শ্বশুর শাশুড়ীর যা যা করণীয় | ৫৩৮ |
| □ সন্তান লালন পালন | |
| □ শিশুর শারীরিক ও স্বাস্থ্যগত পরিচর্যা | ৫৪০ |
| □ শিশুর মানসিক পরিচর্যা | ৫৪৩ |
| □ শিশুদের আদর-সোহাগ প্রসঙ্গ | ৫৪৫ |
| □ সন্তানের নাম রাখা | ৫৪৬ |
| □ সন্তানকে কাপড়-চোপড়, খাদ্য-খাবার ও টাকা-পয়সা ইত্যাদি দেয়া সম্পর্কে কতিপয় নীতি | ৫৪৬ |
| □ সন্তান ও শিশুদের শিক্ষা বিষয়ক নীতি ও মাসায়েল | ৫৪৮ |
| □ সন্তানের দাবী দাওয়া ও জিদ পূরণ করার বিষয় কতিপয় নীতি ও মাসায়েল | ৫৪৯ |
| □ শিশুদের শাসন করার পদ্ধতি ও মাসায়েল | ৫৪৯ |
| □ সন্তানকে সূচরিত্রবান ও দীনদার বানানোর তরীকা | ৫৫০ |
| □ কোন ক্রমেই সন্তানকে সুপথে আনতে না পারলে তখন কি করণীয় | ৫৫৪ |
| □ যার সন্তান মারা যায় তার জন্য কিছু কথা | ৫৫৫ |
| □ যার কোন সন্তান হয় না তার জন্য কিছু কথা | ৫৫৫ |
| □ যার পুত্র সন্তান হয় না তার জন্য কিছু কথা | ৫৫৬ |
| □ সতীনের সন্তান বা স্ত্রীর ভিন্ন ঘরের সন্তানের জন্য যা করণীয় | ৫৫৭ |
| □ জন্ম নিয়ন্ত্রণ সম্পর্কে মাসায়েল | ৫৫৭ |
| □ রান্না-বান্না সম্পর্কিত নীতিমালা | ৫৫৯ |
| □ যে সব পশু পাখী খাওয়া জায়েয ও হালাল | ৫৬০ |
| □ যে সব পশু পাখী খাওয়া জায়েয নয় | ৫৬০ |
| □ হালাল পশু পাখীর যা যা খাওয়া নাজায়েয | ৫৬০ |
| □ মাছ ও পানির অন্যান্য প্রাণী সম্পর্কিত মাসায়েল | ৫৬১ |

| | |
|---|-----|
| □ জবাই করার মাসায়েল | ৫৬১ |
| □ ঘর সাজানো গোছানো ও পরিষ্কার পরিচ্ছন্নতার মাসায়েল | ৫৬৩ |
| সমাজনীতি | |
| □ সমাজ সংস্কার ও নতুন সমাজ গঠনের জন্য যা যা করণীয় | ৫৬৩ |
| □ সমাজে শান্তি শৃংখলা প্রতিষ্ঠার জন্য যা যা করণীয় | ৫৬৪ |
| □ নেতার গুণাবলী | ৫৬৫ |
| □ নেতার দায়িত্ব ও কর্তব্য | ৫৬৬ |
| □ সামাজিক অপরাধ প্রতিকারের জন্য যা যা করণীয় | ৫৬৬ |
| □ পঞ্চায়েত কোন সামাজিক অপরাধের কি শাস্তি দিতে পারেন | ৫৬৭ |
| রাজনীতি ও রাষ্ট্রনীতি | |
| □ রাজনীতি করা ও রাজনৈতিক দলে যোগ দেয়ার বিধান | ৫৬৭ |
| □ হরতাল ও অবরোধ সম্পর্কিত বিধি-বিধান | ৫৬৮ |
| □ অনশন ধর্মঘট প্রসঙ্গ | ৫৬৯ |
| □ সরকারের অনুগত্য বা সরকার উৎখাতের আন্দোলন সম্পর্কে বিধি-বিধান | ৫৬৯ |
| □ বিবদমান পক্ষসমূহের যা যা করণীয় ও যা যা বর্জনীয় | ৫৭০ |
| □ বিবাদ নিরসন ও ঐক্য সংহতি সৃষ্টির জন্য যা যা করণীয় | ৫৭১ |
| □ নির্বাচনে পদপ্রার্থী হওয়া সম্পর্কে শরীয়তের বিধান | ৫৭২ |
| □ ভোটের ক্যান্ডিডেট ও নির্বাচনী প্রচারণার কার্য সম্পর্কে বিধি-বিধান | ৫৭২ |
| □ ভোট প্রদান সম্পর্কে শরীয়তের বিধান | ৫৭৩ |
| □ খলীফা/রাষ্ট্র প্রধানের দায়িত্ব ও কর্তব্য | ৫৭৫ |
| □ কোন পদে লোক নিয়োগের নীতিমালা | ৫৭৫ |
| □ অমুসলিম রাষ্ট্রে সরকারী পদ গ্রহণ সম্পর্কে বিধান | ৫৭৬ |
| □ জেহাদ প্রসঙ্গ | ৫৭৬ |
| □ কয়েকটি বিশেষ রাষ্ট্রনীতি | ৫৭৮ |
| □ মাশওয়ারা বা পরামর্শ বিষয়ক নীতিমালা | ৫৭৯ |

পঞ্চম অধ্যায়

আখলাকিয়াত (তায্কিয়া/তাসাওউফ)

| | |
|---|-----|
| □ কয়েকটি আত্মিক গুণ ও তা অর্জনের পন্থা | |
| * এখলাস ও সহীহ নিয়ত | ৫৮২ |
| * তাকওয়া বা খোদাভীতি | ৫৮২ |

| | |
|---|-----|
| * ছবর | ৫৮৩ |
| * হিল্ম বা সহনশীলতা | ৫৮৩ |
| * তাফবীয বা নিজেকে আল্লাহর উপর সোপর্দ করা | ৫৮৪ |
| * রেযা বিল কাযা বা আল্লাহর ফয়সালা রাযী থাকা | ৫৮৪ |
| * তাওয়াক্কুল (আল্লাহর উপর ভরসা) | ৫৮৫ |
| * শোকর | ৫৮৫ |
| * তাওয়াযু' (বিনয়/নম্রতা) | ৫৮৬ |
| * খুশু খুযু' (স্থিরতা ও একাগ্রতা) | ৫৮৭ |
| * খাওফ বা আল্লাহর ভয় | ৫৮৭ |
| * রজা বা আল্লাহর রহমতের আশা | ৫৮৭ |
| * আল্লাহর মহব্বত ও শওক | ৫৮৮ |
| * হুব্ব ফিল্লাহ ও বুগ্য ফিল্লাহ | ৫৮৯ |
| * দেশাত্তবোধ বা দেশ প্রেম | ৫৮৯ |
| * গায়রত বা আত্মমর্যাদা বোধ | ৫৯০ |
| * যুহুদ বা দুনিয়ার মোহ ত্যাগ | ৫৯০ |
| * মোরাকাবা (আল্লাহর ধ্যান) | ৫৯১ |
| * কানায়াত (অশ্লেষতুষ্টি) | ৫৯১ |
| * ফিকর (চিন্তা-ভাবনা) ও মুহাছাবা (হিসাব-নিকাশ) | ৫৯১ |
| □ কয়েকটি মনের রোগ এবং তা থেকে পরিত্রাণের উপায় | |
| * রিয়া বা লোক দেখানোর মনোভাব | ৫৯২ |
| * হুব্ব জাহ (প্রশংসা ও যশ-প্রীতি) | ৫৯৩ |
| * দুনিয়া এবং মালের মহব্বত | ৫৯৩ |
| * বুখল বা কৃপণতা | ৫৯৪ |
| * হিরুছ বা লোভ লাসসা | ৫৯৫ |
| * এশ্রাফে নফুছ | ৫৯৫ |
| * তাকাক্কুর বা অহংকার | ৫৯৫ |
| * উজ্ব বা আত্মগর্ব | ৫৯৬ |
| * রাগ বা গোস্বা | ৫৯৭ |
| * বুগ্য (বিদ্বেষ/মনোমালিন্য) ও স্বভাব সংকোচন | ৫৯৮ |
| * হাছাদ (হিংসা বা পরশ্রীকাতরতা) ও গেবতা | ৫৯৮ |

| | |
|--|-----|
| * বদগোমানী বা কু-ধারণা রোগ | ৫৯৯ |
| * গোনাহের প্রতি আকর্ষণ | ৬০০ |
| * অবৈধ প্রেম | ৬০০ |
| □ কয়েকটি বদ অভ্যাস ও পাপ-এবং তা বর্জনের উপায় | |
| * গান বাদ্য শ্রবণ | ৬০১ |
| * অশ্লীল উপন্যাস, কবিতা ও নভেল নাটক পাঠ | ৬০২ |
| * সিনেমা, বাইস্কোফ ও অশ্লীল ছায়াছবি দর্শন | ৬০২ |
| * মদ, গাজা, ভাং, আফিম হেরোইন প্রভৃতি নেশা | ৬০২ |
| * বিড়ি, সিগারেট, হুকা ও তামাক সেবন | ৬০৩ |
| * অপব্যয় | ৬০৪ |
| * অমিতব্যয় | ৬০৪ |
| * যেনা | ৬০৪ |
| * হস্তমৈথুন | ৬০৫ |
| * বালক মৈথুন | ৬০৫ |
| * বদনজর | ৬০৫ |
| * গীবত (অপরের দোষ চর্চা) | ৬০৬ |
| * চোগলখোরী (কোটনাগিরি) | ৬০৭ |
| * তোষামোদ বা চাটুকারিতা | ৬০৮ |
| * গালি-গালাজ ও অশ্লীল কথা-বলা | ৬০৮ |
| * রসিকতা ও ব্যঙ্গ-বিদ্রূপ করা | ৬০৯ |
| * রক্ষ কথা বলা | ৬০৯ |
| * মিথ্যা কথা বলা | ৬০৯ |
| * বেশী কথা বলা | ৬১০ |
| * খেলাধূলা করা ও দেখা | ৬১১ |
| □ কয়েকটি খেলা সম্পর্কে স্পষ্ট বর্ণনা | |
| * দাবা ও হুকা পাঞ্জা | ৬১১ |
| * তাশ, পাশা, চোদ্দগুটি ইত্যাদি | ৬১১ |
| * ফুটবল ও ক্রিকেট | ৬১১ |
| * কেরাম বোর্ড, ফ্লাস ও ঘোড় দৌড় | ৬১২ |
| * জুয়া | ৬১২ |

□ কয়েকটি উত্তম চরিত্র

| | |
|--|-----|
| * সততা ও সত্যবাদিতা | ৬১২ |
| * আমানতদারী | ৬১৩ |
| * সদ্যবহার | ৬১৩ |
| * আত্মীয়তা রক্ষা করা | ৬১৩ |
| * অতিথি পরায়ণতা | ৬১৩ |
| * ভ্রাতৃত্ব ও স্নেহ-মমতা | ৬১৪ |
| * ত্যাগ ও বদান্যতা | ৬১৫ |
| * উদারতা | ৬১৫ |
| * হায়া বা লজ্জাশীলতা | ৬১৬ |
| * বড়কে ভক্তি ও শ্রদ্ধা করা | ৬১৬ |
| * ছোটকে স্নেহ করা | ৬১৬ |
| * ক্ষমা ও দয়া প্রদর্শন | ৬১৬ |
| * ইনসাফ ও ন্যায়পরায়ণতা | ৬১৭ |
| * অঙ্গীকার রক্ষা করা | ৬১৭ |
| * পরিষ্কার পরিচ্ছন্নতা | ৬১৭ |
| □ আমার বিল মা'রুফ ও নাহি আনিল মুনকার | ৬১৮ |
| □ আধ্যাত্মিক সংশোধন ও আমল আখলাক হাছিলের জন্য পীর বা শায়খে তরীকতের প্রয়োজনীয়তা | ৬১৮ |
| □ কামেল ও খাঁটি পীরের আলামত | ৬১৯ |
| □ কয়েকটি বিশেষ আমল, যার প্রতি যত্নবান হলে অন্যান্য বহু আমলের পথ খুলে যায় ... | ৬২০ |
| □ কয়েকটি বিশেষ গুনাহ যা থেকে বিরত থাকলে প্রায় সকল গুনাহ থেকে মুক্তি লাভ করা যায় | ৬২১ |
| □ যিকিরের সুন্নাত ও আদব সমূহ | ৬২২ |
| □ কয়েকটি বিশেষ যিকির | ৬২৩ |
| □ দুর্জদ শরীফের বিধি-বিধান প্রসঙ্গ | ৬২৩ |
| □ তওবা এস্টেগফারের নিয়ম পদ্ধতি | ৬২৫ |
| □ তওবার জন্য যে পাঁচটি কাজ করতে হয় | ৬২৫ |
| □ কুরআন তেলাওয়াতের ক্ষেত্রে করণীয় আমল সমূহ | ৬২৫ |
| □ কুরআনের আদব ও আযমত সম্পর্কিত তত্ত্বও কয়েকটি বিধান | ৬২৯ |

| | |
|---|-----|
| □ তাজবীদের বয়ান | ৬৩০ |
| * মাখরাজের বর্ণনা | ৬৩০ |
| * ছিফাতের বর্ণনা | ৬৩১ |
| * ১৮টি ছিফাতের মধ্যে কোন্ কোন্ হরফে কি কি ছিফাত পাওয়া যায় তার একটি নকশা | ৬৩৪ |
| * নূন সাকিন/তানবীনকে পড়ার নিয়ম | ৬৩৫ |
| * মীম সাকীনকে পড়ার নিয়ম | ৬৩৬ |
| * ওয়াজিব গুল্লাহর বিবরণ | ৬৩৭ |
| * মদ-এর বিবরণ | ৬৩৭ |
| * ج এবং الله (আল্লাহ) শব্দ পড়ার নিয়ম | ৬৩৯ |
| * ُ পুর কিংবা বারীক পড়ার নিয়ম | ৬৩৯ |
| * কুলকুলার আহকাম | ৬৪০ |
| * সাক্তাহ-এর বর্ণনা | ৬৪০ |
| * ওয়াক্ফ বা থামার নিয়মনীতি | ৬৪১ |
| * ওয়াক্ফের চিহ্ন সমূহ | ৬৪২ |
| * যে সব স্থানে লেখা হয় এক রকম পড়তে হয় অন্য রকম | ৬৪৩ |
| □ তিলাওয়াতের সাজদা | ৬৪৪ |
| □ তৃতীয় সংস্করণে যা যা পরিবর্তন/পরিবর্ধন করা হয়েছে | ৬৪৭ |
| □ গ্রন্থপঞ্জী | ৬৪৯ |

মজলিসে দাওয়াতুল হক, বাংলাদেশ-এর আমীর
হযরত মাওলানা মাহমুদুল হাসান সাহেব (দামাত বারাকাতুল্হম)-এর কথা

بسم الله الرحمن الرحيم

الحمد لله رب العلمين، والصلوة والسلام على سيد المرسلين وخاتم النبيين،
وعلى آله واصحابه اجمعين - امطالع :

সমস্ত পৃথিবীর মালিক আল্লাহ পাক। তিনিই সবকিছুর স্রষ্টা। তাঁর কোন শরীক নেই। এক বিশেষ উদ্দেশ্যে তিনি মানুষকে সৃষ্টি করে সকলের উপর তাদেরকে শ্রেষ্ঠত্ব দান করেছেন। আর উদ্দেশ্য ও অভিষ্ট লক্ষ্য অর্জন করে শ্রেষ্ঠত্ব বজায় রাখার যথাযথ ব্যবস্থা স্বরূপ পবিত্র কুরআন নাযিল করেছেন। প্রিয় রাসূল হযরত মুহাম্মাদ সাল্লাল্লাহু আলাইহি ওয়াসাল্লামকে সর্বশেষ নবী হিসেবে পাঠিয়েছেন। তাঁর একান্ত মেহনত এবং অবিরাম চেষ্টার ফলে চরম বর্বরতার অবসান ঘটে সভ্যতার স্বর্ণযুগ সৃষ্টি হয় এবং এ কথা অকাট্যভাবে প্রমাণিত হয় যে, বিশ্ব মানবতার উৎকর্ষ সাধন, ইহকাল পরকালের প্রকৃত শান্তি, নিরাপত্তা এবং সফলতা অর্জন-এর একমাত্র পথ হচ্ছে ইসলাম, আল্লাহ এবং তাঁর রাসূল সাল্লাল্লাহু আলাইহি ওয়াসাল্লাম-এর প্রতি সঠিক ঈমান স্থাপন করা এবং পরিপূর্ণ আনুগত্য করা। এর কোন বিকল্প নেই।

এ কথাও আজ সুস্পষ্ট যে, মানুষ ইসলামী জীবন ব্যবস্থা থেকে যে পরিমাণ দূরে সরে রয়েছে সে পরিমাণই ধ্বংসের ছোবলে আক্রান্ত হয়েছে, হচ্ছে এবং হয়ে চলেছে। কেবল মুসলমানরাই নয় বরং সমস্ত বিধর্মীরাও এ ধ্রুব সত্য অনুধাবনে সক্ষম হয়েছে। তাই দেখা যায় যে, এক শ্রেণীর কুচক্রীরা ইসলাম এবং মুসলমানদেরকে নির্মূল করে দেয়ার যতই প্রচেষ্টা চালাচ্ছে, ততই বিধর্মীদের মধ্যে ইসলামী জীবন বিধান গতিশীল এবং সম্প্রসারিত হচ্ছে, অসংখ্য অমুসলিম ইসলামের শীতল ছায়ায় আশ্রয় গ্রহণ করে চলেছে।

এই মুহূর্তে ইসলামী জীবন বিধান এবং ইসলামী হুকুম আহকামের ব্যাপক এবং নিখুঁত প্রচার প্রসারের বিশেষ প্রয়োজন, প্রয়োজন সম-সাময়িক আধুনিক যুগ জিজ্ঞাসার গবেষণামূলক সঠিক উত্তর এবং জ্ঞান চর্চার। একথা সর্বজন স্বীকৃত যে, ব্যাপক প্রচার প্রসারের ক্ষেত্রে জ্ঞানগর্ভ রচনা এবং বই পুস্তকের ভূমিকা অত্যন্ত গুরুত্বপূর্ণ। এ ব্যাপারে মুসলিম মনীষীদের অবদান তুলনাহীন। সর্বযুগে সর্ববিষয়ে বিভিন্ন ভাষায় ইসলামী বিষয়াদির উপর ছোট

বড় এত অধিক পরিমাণ কিতাব এবং বই পুস্তক রচিত হয়েছে যার নজির অন্য কোন ধর্মে বিরল।

তবে একজন সাধারণ মানুষের পক্ষে ইসলাম মোতাবেক স্বীয় জীবন গড়ে তোলার জন্য এতসব ঘাটাঘাটি করা অতি সহজ ব্যাপার নয়। জ্ঞানের এবং সময়ের স্বল্পতার সাথে সাথে ভাষাগত জটিলতাও অনেক ক্ষেত্রে অন্তরায় হয়ে দাঁড়ায়। আমাদের দেশে বাংলা ভাষায় বেহেশতী জেওর সহ অনেক কিতাব ও বই-পুস্তক এ ব্যাপারে যথেষ্ট অবদান রাখছে এতে কোন সন্দেহ নেই। কিন্তু এদেশের প্রেক্ষাপট, তাহবীব তামাদ্দুন, সংস্কৃতি ও সভ্যতার চাহিদা আর বিশেষতঃ আধুনিক বিষয়াদির নিরিখে আকায়েদ, ইবাদাত, মুআমালাত, মুআশারাত এবং আখলাকিয়াতের উপর একটি পূর্ণাঙ্গ কিতাব রচনার যথেষ্ট প্রয়োজন ছিল। আর ছিল বলেই আমি এ বিষয়ের উপর প্রাথমিক কাজও শুরু করেছিলাম, কিন্তু ব্যস্ততা এবং সময়ের স্বল্পতার কারণে কাজে বিলম্ব হতে থাকে। বিশিষ্ট মুহাদ্দিস মাওলানা হাফেজ মুহাম্মাদ হেমায়েত উদ্দীন সাহেব আমার অত্যন্ত ঘনিষ্ঠ এবং আস্থাভাজন ব্যক্তি। তাঁরই ব্যবস্থাপনায় আল্লাহ পাকের অশেষ রহমতে পবিত্র কুরআন প্রকল্প বাস্তবায়ন হতে চলেছে। তাঁর সাথে এ বিষয়ে আলোচনা করার পর আমি অবগত হই যে, তিনি উল্লেখিত বর্ণনা মোতাবেক একখানা কিতাব রচনার কাজ করে যথেষ্ট অগ্রসর হয়ে আছেন। তাই তাঁকেই দ্রুত কাজটির সমাপ্তির জন্য অনুরোধ করি এবং সম্ভাব্য সহযোগিতার প্রতিশ্রুতি দেই।

আল্লাহ পাকের অশেষ রহমত তিনি অত্যন্ত সঠিক সুন্দরভাবে অনুরূপে উক্ত কিতাব রচনার কাজ সমাপ্ত করতে সক্ষম হয়েছেন। যার বিশেষ বৈশিষ্ট্য সমূহ নিম্নরূপঃ

১. আকায়েদ, ইবাদাত, মুআমালাত, মুআশারাত এবং আখলাকিয়াতের অত্যন্ত প্রয়োজনীয় বিষয়াদি সংযুক্ত করেছেন।
২. আধুনিক মাসলা-মাসায়েল এবং সমসাময়িক বিষয়াদির উপর জ্ঞানগর্ভ আলোচনা করেছেন।
৩. সহজ সরল ভাষায় অত্যন্ত সুন্দর সঠিক ও সাবলীলভাবে মাসলা-মাসায়েল উপস্থাপন করেছেন।
৪. তুলনামূলক অপ্রসিদ্ধ মাসলা-মাসায়েলের বরাত উল্লেখ করেছেন, যাতে প্রয়োজনে কেউ মূল কিতাব দেখে নিতে পারেন।

৫. প্রত্যেকটা ক্ষেত্রের দু'আ দু'রুদ ও সংশ্লিষ্ট স্থানে উল্লেখ করেছেন।

৬. প্রত্যেকটা ক্ষেত্রের ফরয, ওয়াজিব, সুন্নাত, মোসরাহাব ও আদাবসবধরনের আহকাম বর্ণনা করেছেন, যেন মানুষ সবগুলো জেনে নিজেদের জীবনকে পূর্ণভাবে ইসলামের আলোকে ঢেলে সাজাতে পারে।

“মজলিসে দাওয়াতুল হক” আল্লাহ পাকের যাবতীয় হুকুম আহকাম ও তাঁর রাসূল সাল্লাল্লাহু আলাইহি ওয়া সাল্লাম-এর সুন্নাতের পুরাপুরি অনুসরণ অনুকরণ এবং আম্র বিল মারুফের সাথে সাথে নাহি আনিল মুন্কারের কর্মসূচী বাস্তবায়নে সর্বপ্রকার প্রচেষ্টা অব্যাহত রেখেছে। দেশের সর্বত্র পবিত্র কুরআনের পরিশুদ্ধ তেলাওয়াত, সুন্নাতের তালীম, আযান একামতের আমলী মশক, ফরয ওয়াজিবের সাথে সাথে সুন্নাত মুস্তাহাব ও আদবের অনুশীলনের প্রতি গুরুত্ব আরোপ করে আসছে। এ সমূহ বিষয়ের উপর জরুরী প্রবন্ধ এবং বই-পুস্তক রচনা এবং প্রকাশের ব্যবস্থাও গ্রহণ করছে।

ইসলামের সর্ব বিষয়ে, বিশেষ করে বর্তমান আধুনিক বিশ্বের প্রেক্ষাপটে সৃষ্ট সমস্যাগুলোর সঠিক সমাধানে “আহকামে যিন্দেগী” কিতাবখানা বিশেষ অবদান রাখবে বলে মজলিসে দাওয়াতুল হক কিতাবখানা প্রকাশে ব্রতী হয়েছে।

“আহকামে যিন্দেগী” নামক এ গ্রন্থখানির ন্যায় বড় বড় বিষয় সহ জীবনের বহু খুঁটিনাটি ব্যবহারিক বিষয় নিয়ে সমৃদ্ধ ও ব্যাপক ভিত্তিক কোন একক গ্রন্থ আমার দৃষ্টিতে পড়েনি। তাই উপমহাদেশ সহ বিশ্বের সর্বত্র প্রচার প্রসারের উদ্দেশ্যে গ্রন্থখানির উর্দু, আরবী ও ইংরেজী অনুবাদ হওয়া আবশ্যিক মনে করি। কোন আগ্রহী ব্যক্তি বা প্রতিষ্ঠান এ কাজে এগিয়ে আসলে ইসলামের একটি বড় খেদমত হবে নিঃসন্দেহে। আল্লাহ আমাদের সকলের সহায় হোন এবং সকলের মেহনতকে কবুল করুন। আমীন!

মাহমুদুল হাসান

আমীর, মজলিসে দাওয়াতুল হক, বাংলাদেশ।

মুহতামিম, জামিয়া ইসলামিয়া দারুল উলূম মাদানিয়া

যাত্রাবাড়ী, ঢাকা-১২০৪

তাং ৬-৯-৯৮ ইং

লেখকের কথা

بسم الله الرحمن الرحيم

الحمد لله رب العلمين ، والصلوة والسلام على سيد المرسلين وخاتم النبيين ،
وعلى اله واصحابه اجمعين - اما بعد :

ইসলাম মানব জীবনের একটি মুকাম্মাল হেদায়াত ও পূর্ণ দিক নির্দেশনা। মানব জীবনের সর্ববৃহৎ বিষয় থেকে শুরু করে ক্ষুদ্র ক্ষুদ্র বিষয়ের ব্যাপারেও ইসলামের দিক নির্দেশনা ও নীতিমালা রয়েছে। জীবনের এমন কোন বিষয় নেই যেখানে ইসলাম নিরব; এমন কোন ক্ষেত্র নেই যেখানে ইসলামের নীতি ও দিক নির্দেশনা অনুপস্থিত। উম্মতের ফুকাহা, উলামা, বুয়ুর্গানে দ্বীন ও মনীষীগণ কুরআন ও হাদীছ থেকে চয়ন করে এসব নীতিমালা ও দিক নির্দেশাবলী বিভিন্ন গ্রন্থে লিপিবদ্ধ করেছেন, মানুষের সামনে তুলে ধরেছেন, যেন মানুষ সেগুলো জেনে সে অনুযায়ী তার পূর্ণ জীবন চলে সাক্ষাতে পারে এবং যেন মানুষ এভাবে পূর্ণ মুসলমান হতে পারে। যার মধ্যে পূর্ণ মান্যতা থাকে সেই তো পূর্ণ মুসলমান।

মানব জীবনের বিভিন্ন দিক ও বিষয় সম্পর্কে উম্মতের এসব লেখনী শত শত গ্রন্থে এবং বিভিন্ন ভাষায় রচিত গ্রন্থ ছড়িয়ে রয়েছে; যার সবটা বোঝা এবং সবটা সংগ্রহ করা সকলের পক্ষে দুঃসাধ্যও বটে। এ প্রেক্ষিতে প্রয়োজন ছিল একটি গ্রন্থে সহজ সরল ভাষায় সব ধরনের তথ্য এবং জীবনের সব আহকাম যথাসাধ্য একত্রিত ভাবে পেশ করার। এরই ভিত্তিতে ‘আহকামে যিন্দেগী’ নামক এ গ্রন্থখানা রচনা ও সংকলনের প্রয়াস।

একটি গ্রন্থেই জীবনের সবকিছু নিয়ে আলোচনা করা ও যাবতীয় হুকুম-আহকাম বিশদ ব্যাখ্যা সহকারে বয়ান করা সম্ভব নয় তা সকলেরই বোধগম্য। তাই এ গ্রন্থে বিরল বিষয়াদি বাদ দিয়ে নিত্য প্রয়োজনীয় বিষয়ের মধ্যেই আলোচনাকে সীমাবদ্ধ রাখা হয়েছে এবং আলোচনা সংক্ষিপ্ত ভাবে করা হয়েছে, দার্শনিক ও বিবরণমূলক আলোচনার বাহুল্য বর্জন পূর্বক ব্যবহারিক ও আমলের সাথে সংশ্লিষ্ট বিষয়কেই প্রাধান্য দেয়া হয়েছে।

মানব জীবনের সাথে সংশ্লিষ্ট বিষয়াদিকে সাধারণতঃ পাঁচ ভাগে বিভক্ত করা হয়- কিছু ঈমান আকীদার সাথে সম্পর্কিত, কিছু ইবাদাতের সাথে

সম্পর্কিত, কিছু মুআমালাত তথা লেন-দেন ও কায়-কারবারের সাথে সম্পর্কিত, কিছু মুআশারাত তথা পারস্পরিক আচার ব্যবহার, পারস্পরিক অধিকার ও সমাজ সামাজিকতার সাথে সম্পর্কিত, আর কিছু আখলাকিয়াত তথা তাকিয়া বা আধ্যাতিক সংশোধন ও চরিত্রের সাথে সম্পর্কিত। আলোচ্য গ্রন্থে জীবনের যাবতীয় হুকুম আহকামের বর্ণনাকে এভাবেই বিন্যস্ত করা হয়েছে। প্রত্যেকটা ক্ষেত্রের দুআ-দুরুদ এবং যিকির-আযকারও সংশ্লিষ্ট স্থানে উল্লেখ করে দেয়া হয়েছে। গ্রন্থটির ভাষা ও বর্ণনা ভঙ্গি সহজ সাবলীল রাখা হয়েছে, যাতে সর্বস্তরের মানুষ এ থেকে সহজে উপকৃত হতে পারেন।

প্রত্যেকটা মাসআলার সাথে দলীল ও বরাত উল্লেখ করলে গ্রন্থের কলেবর বৃদ্ধি পাবে এবং বর্ণনার সাবলীলতা বিনষ্ট হবে- এই আশংকায় সাধারণ, প্রচলিত এবং সুবিদিত মাসায়েলের দলীল বা বরাত উল্লেখ করা হয়নি। বিশেষ বিশেষ ক্ষেত্রে তুলনামূলক অপ্রসিদ্ধ মাসআলার শুধু বরাত উল্লেখ করেই ক্ষান্ত করা হয়েছে। দুআ-দুরুদ ইত্যাদির তর্জমা বর্ণনা করে গ্রন্থের কলেবর বৃদ্ধি করতে চাইনি। কেউ তার প্রয়োজন বোধ করলে উলামায়ে কেরাম থেকে জেনে নিতে পারবেন। আর দুআ-দুরুদ ইত্যাদির বাংলা উচ্চারণ লিখে দেইনি এ কারণে যে, এতে যারা আরবী পড়তে জানেন না তাদের আরবী পড়া না শিখে চলতে থাকাকে সমর্থন বা আরও দীর্ঘায়িত করা হয়। তদুপরি বাংলা উচ্চারণ দেখে কখনই শুদ্ধ পড়া সম্ভব নয় এবং অশুদ্ধ পড়লে অনেক ক্ষেত্রে তা গোনাহের কারণ হয়ে দাঁড়ায়। যারা আরবী পড়তে জানেননা, তাদের প্রতি অনুরোধ আরবী পড়া শিখে নিন, এটা খুব কঠিন বিষয় নয়- একজন ওস্তাদের কাছে আন্তরিকতা সহকারে অল্প কিছু দিন মেহনত করলেই ইনশাআল্লাহ সহীহ ভাবে পড়া শিখতে পারবেন। মনে রাখবেন- সহীহ শুদ্ধভাবে কুরআন পড়তে শেখা ফরয। কুরআন সহীহ শুদ্ধ ভাবে পড়তে শেখার জন্য এবং নামাযের কেরাত, দুআ ইত্যাদি সহীহ শুদ্ধ করার মাধ্যমে বিশুদ্ধ নামায পড়ার জন্য এতটুকু কষ্ট স্বীকার করা কি কর্তব্য নয়? এক্ষেত্রে সহযোগিতা নেয়ার জন্য গ্রন্থের শেষে বর্ণিত তাজবীদের বর্ণনা দেখে নেয়া যাবে।

গ্রন্থখানা রচনা ও সংকলনের কাজে হাত দেয়ার পর মজলিসে দাওয়াতুল হক, বাংলাদেশ-এর আমীর হযরত মাওলানা মাহমুদুল হাসান (দামাত বারাকাতুহুম)-এর সাথে এ বিষয়ে আলোচনা করলে তিনি নিজেই এরূপ

একখানা গ্রন্থ রচনার কাজ শুরু করেছেন বলে জানান। তবে আমার রচনা ও সংকলনের কাজ অনেক দূর অগ্রসর জেনে আমাকে এটি পূর্ণ করার জন্য উৎসাহিত করেন এবং নিজের পরিকল্পনাকে স্থগিত করেন। তিনি গ্রন্থখানা রচনার ক্ষেত্রে মাঝে মধ্যে আমাকে পরামর্শ দিয়েছেন, দিক নির্দেশনা প্রদান করেছেন এবং সর্বশেষ পুরো গ্রন্থের পাভুলিপি দেখে দিয়েছেন। সর্বোপরি মজলিসে দাওয়াতুল হক, বাংলাদেশে-এর পক্ষ থেকে গ্রন্থখানা প্রকাশের উদ্যোগ নিয়েছেন। এসব কিছুর জন্য আমি তাঁর কৃতজ্ঞতা পাশে আবদ্ধ রইলাম।

গ্রন্থের পাভুলিপি দেশের আরও বেশ কয়েকজন সুযোগ্য আলেম ও মুফতীকে দেখিয়ে যাচাই বাছাই করানো হয়েছে। তন্মধ্যে বিশিষ্ট মুহাদ্দিস বন্ধুবর মাওলানা আবু সাবের আব্দুল্লাহ ও বিশিষ্ট মুফতী স্নেহভাজন শাগরেদ মাওলানা মুহিউদ্দীন মা'সুম-এর নাম বিশেষভাবে উল্লেখযোগ্য। আল্লাহ তাঁদেরকে জাযায়ে খায়ের দান করুন। এতদসত্ত্বেও যদি কোন মুহাক্কিক আলেমের দৃষ্টিতে কোন মাসআলায় বা কোন বিষয়ে ভুল-ত্রুটি পরিলক্ষিত হয়, তাহলে আমাদেরকে তা অবহিত করার অনুরোধ রইল। বিশেষ ভাবে যুগ ও আধুনিক অবস্থার পেক্ষাপটে যে সব নতুন গবেষণা প্রসূত মাসায়েল সন্নিবেশিত হয়েছে তার ক্ষেত্রে সুচিন্তিত ও অধিকতর তাহকীক সমৃদ্ধ ভিন্ন মত থাকলে এবং তা আমাদেরকে অবহিত করার কষ্ট স্বীকার করলে বা অন্য কোন ভাবে তা জানতে পারলে পরবর্তী সংস্করণে তার সংশোধনী পেশ করা হবে ইনশাআল্লাহ। আল্লাহ তাআলা এ গ্রন্থখানিকে আমার ও মুসলমান ভাই বোনদের যিন্দেগী গঠন ও নাজাতের ওহীলা করুন। আমীন!

বিনীত

মুহাম্মাদ হেমায়েত উদ্দীন

১৭-৭-৯৮ ইং

তৃতীয় সংস্করণ প্রসঙ্গ

আলহাম্‌দু লিল্লাহ! আহকামে যিন্দেগী কিতাবখানা সর্বস্তরের সাধারণ পাঠক সহ উলামায়ে কেরামের নিকটও গ্রহণযোগ্যতা এবং তাঁদের নেক দুআ লাভের সৌভাগ্য অর্জনে সক্ষম হয়েছে। উলামায়ে কেরামের মাশওয়ারা অনুযায়ী দ্বিতীয় সংস্করণে কিছু মাসআলায় কিঞ্চিত্ত পরিবর্তন এবং বেশ কিছু নতুন বিষয়ের সংযোজন করা হয়েছিল। তৃতীয় সংস্করণে আরও বেশ কিছু মাসআলাকে বিশদভাবে বর্ণনা করা হল এবং আরও কিছু নতুন বিষয় সংযোজন করা হল। বিশেষ বিশেষ স্থানে আরও কিছু বরাত সংযোজন করা হয়েছে। (গ্রন্থের শেষে “তৃতীয় সংস্করণে যা যা পরিবর্তন/পরিবর্ধন করা হয়েছে” শিরোনামে এ সম্পর্কে বিস্তারিত বিবরণ পেশ করা হয়েছে।) সব কিছু মিলিয়ে কিতাব- খানার কলেবর আরও বেশ কিছুটা বৃদ্ধি পেল। এর সাথে সাথে ইতিমধ্যে কাগজের মূল্য অস্বাভাবিকভাবে বৃদ্ধি পাওয়ায় গ্রন্থের মূল্য কিছুটা বৃদ্ধি করতে হয়েছে। আশা করি ক্রেতাগণ বিষয়টাকে ক্ষমাসুন্দর দৃষ্টিতে দেখবেন। এই সংশোধিত ও পরিবর্ধিত সংস্করণটি সর্বতোভাবে পাঠক মহলের নিকট বরণীয় হবে বলে আশা রাখি।

আল্লাহ তাআলা এই কিতাবখানি দ্বারা উম্মতকে আরও অধিক ফায়দা পৌছান এবং এটাকে আমার নাজাতের ওছীলা করুন- এই দুআ করি। আমীন!

বিনীত .

মুহাম্মাদ হেমায়েত উদ্দীন

২২-৩-২০০৬ ইং

চতুর্থ সংস্করণ প্রসঙ্গ

আলহাম্‌দু লিল্লাহ! আহকামে যিন্দেগী-র চতুর্থ সংস্করণ প্রকাশের তাওফীক লাভ হল। উলামায়ে কেরামের মাশওয়ারা অনুযায়ী এই চতুর্থ সংস্করণেও বেশ কয়েকজন বিজ্ঞ মুফতী সাহেবানকে দিয়ে অধিকতর তাহকীক সাপেক্ষে আরও কিছু মাসআলায় কিঞ্চিত্ত পরিবর্তন পরিবর্ধন ও সংযোজন আনা হয়েছে। বহুস্থানে বরাতও সংযোজন করা হয়েছে। প্রয়োজনীয় বেশ কিছু স্থানে রেওয়ায়েতসমূহের বরাতের সাথে সাথে তার গ্রহণযোগ্যতার বিষয়ে তাহকীকও সংযোজন করা হয়েছে। আশা করি এই সংশোধিত ও পরিবর্ধিত সংস্করণটি সর্বতোভাবে পাঠক মহলের নিকট আরও বরণীয় হবে।

আল্লাহ তাআলা এই কিতাবখানা দ্বারা উম্মতকে আরও অধিক ফায়দা পৌছান এবং এটাকে আমার নাজাতের ওছীলা করুন। আমীন!

১৫-১-২০১১ ইং

বিনীত- মুহাম্মাদ হেমায়েত উদ্দীন



ইল্ম হাছিল (জ্ঞান অর্জন) করা সম্পর্কিত প্রাথমিক কিছু কথা

ইল্ম কাকে বলেঃ

ইল্ম-এর শাব্দিক অর্থ জ্ঞান। ইসলামের পরিভাষা অনুসারে কুরআন হাদীছ তথা ইসলামের জ্ঞানকেই ইল্ম বলা হয়। ইল্মের সাথে সাথে আমলও কাম্য। আমল বিহীন ইল্ম ইল্ম হিসেবে আখ্যায়িত হওয়ার যোগ্য নয়।

ইল্ম হাছিল করার গুরুত্বঃ

আবশ্যক পরিমাণ ইল্ম হাছিল করা প্রত্যেক মুসলমান নর নারীর উপর ফরযে আইন। আর ফরয তরক করা কবীরা গোনাহ। আবশ্যক পরিমাণ (যা প্রত্যেকের উপর ফরযে আইন) বলতে বুঝায় নামায, রোযা ইত্যাদি ফরয বিষয় এবং দৈনন্দিন জীবনের প্রয়োজনীয় লেন-দেন ও কায়-কারবার সম্পর্কিত বিষয়াদির মাসআলা-মাসায়েল ও হুকুম-আহকাম জানা। আবশ্যক পরিমাণ অপেক্ষা অতিরিক্ত ইল্ম যা অন্যেরও উপকারার্থে প্রয়োজন, তা হাছিল করা ফরযে কেফায়া অর্থাৎ, কতক লোক অবশ্যই একরূপ থাকতে হবে যারা দ্বীনের সব বিষয়ে সমাধান বলে দিতে পারবেন, নতুবা সকলেই ফরয তরকের পাপে পাপী হবে। তাই এলাকায় প্রয়োজনীয় সংখ্যক বিজ্ঞ আলেম থাকা আবশ্যক।

ইল্মের ফযীলতঃ

* কুরআনে কারীমে ইরশাদ হয়েছেঃ তোমাদের মধ্যে যারা ঈমান এনেছে এবং যাদেরকে (কুরআন-হাদীছের) জ্ঞান দান করা হয়েছে, আল্লাহ তা'আলা তাদের মর্যাদা অনেক উঁচু করে দেন। (সূরা মুজাদালাঃ ১১)

* আল্লাহ যার কল্যাণ চান তাকে দ্বীনী বুঝ (ধর্মীয় জ্ঞান) দান করেন। (বোখারী ও মুসলিম)

* হযরত আবু গিফারী (রাঃ) বলেন যে, রাসূল সাল্লাল্লাহু আলাইহি ওয়াসাল্লাম ইরশাদ করেছেনঃ হে আবু যর! তুমি যদি সকাল বেলায় গিয়ে কুরআনের একটি আয়াত শিক্ষা কর, তাহলে তোমার জন্য তা একশত রাকআত নফল পড়া থেকেও উত্তম। আর যদি যদি সকাল বেলায় গিয়ে ইল্মের একটি অধ্যায় শিক্ষা কর, তাহলে তোমার জন্য তা এক হাজার রাকআত নফল পড়া থেকেও উত্তম। (ইবনে মাজা)

ইল্ম হাছিল করার পদ্ধতিঃ

সাধারণতঃ তিন পদ্ধতিতে ইল্ম হাছিল করা যায়। (এক) নিয়মিত কোন উস্তাদ থেকে। (দুই) দ্বীনী কিতাবাদি পাঠ করে। (তিন) কারও থেকে ওয়াজ নছীহত বা দ্বীনী আলোচনা শুনে কিংবা জিজ্ঞাসাবাদ করে। এই তিনটি পদ্ধতির প্রত্যেকটির ক্ষেত্রে কিছু নীতিমালা রয়েছে। তা হলঃ

(এক) উস্তাদ নির্বাচনের নীতিমালাঃ

১. উস্তাদ হক্কানী ব্যক্তি হতে হবে অর্থাৎ, আহ্লে সুন্নাত ওয়াল জামা'আতের অনুসারী হতে হবে। কোন বাতিল মতবাদে বিশ্বাসী ব্যক্তিকে উস্তাদ বানানো যাবে না।
২. উস্তাদের চিন্তাধারা ঠিক থাকতে হবে। নতুবা ছাত্রের চিন্তাধারাও সঠিক হয়ে গড়ে উঠবে না।
৩. উস্তাদের মধ্যে ইল্ম অনুযায়ী আমল থাকতে হবে।
৪. উস্তাদ আদর্শবান ব্যক্তি হতে হবে এবং তার আখলাক-চরিত্র উন্নত মানের হতে হবে।

(দুই) গ্রন্থ পাঠের নীতিমালাঃ

১. কোন দ্বীনী বিষয় শিক্ষা করার উদ্দেশ্যে পাঠ করার জন্য যখন কোন কিতাব (গ্রন্থ) নির্বাচন করতে হবে, তখন সর্ব প্রথম দেখতে হবে

কিতাবখানার লেখক নির্ভরযোগ্য ব্যক্তি কি-না, তিনি ভাল জানেনওয়াল্লা ব্যক্তি কি-না। যার লেখা কিতাব পাঠ করে ইল্ম হাছিল করা হবে তিনিও উস্তাদের পর্যায়ভুক্ত; অতএব পূর্বের পরিচ্ছেদে উস্তাদ নির্বাচনের যে নীতিমালা বর্ণনা করা হয়েছে কিতাখানার লেখক সেই নীতিমালায় উত্তীর্ণ কি-না তা দেখে নিতে হবে।

২. বিজ্ঞ আলেম নন- এমন ব্যক্তির জন্য কোন বাতিলপন্থী ও বাতিল মতবাদে বিশ্বাসী ব্যক্তি বা প্রতিষ্ঠানের লিখিত বই-পত্র পাঠ করা ঠিক নয়। এরূপ ব্যক্তিদের জন্য বিধর্মীদের কিতাব যেমন তাওরাত, ইঞ্জিল ইত্যাদি পাঠ করাও জায়েয নয়। অনেকে যুক্তি দিয়ে থাকেন- আমরা পাঠ করে ভালটা গ্রহণ করব মন্দটা গ্রহণ করব না, তাহলে কী অসুবিধা? এ যুক্তি এজন্য গ্রহণযোগ্য নয় যে, ভাল/মন্দ সঠিক ভাবে বিচার করার মত পর্যাপ্ত জ্ঞানের অভাব থাকায় তিনি হয়ত মন্দটাকেই ভাল ভেবে গ্রহণ করে বিভ্রান্তি ও গুমরাহী-র শিকার হয়ে যেতে পারেন।
৩. কোন ধর্মীয় গ্রন্থ পাঠ করে কোন বিষয় সন্দেহপূর্ণ মনে হলে বা অস্পষ্ট মনে হলে কিংবা ভালভাবে বুঝতে না পারলে দ্বীনী ইল্ম সম্বন্ধে বিজ্ঞ আলেম ব্যক্তি থেকে সেটা ভালভাবে বুঝে নিতে হবে।
৪. অনেকে দু'চারখানা দ্বীনী পুস্তক পাঠ করেই দ্বীন সম্পর্কে ইজতেহাদ বা গবেষণা শুরু করে দেন, অথচ ইজতেহাদ বা গবেষণা করার জন্য যে শর্ত সমূহ এবং পর্যাপ্ত জ্ঞানের প্রয়োজন তা তার মধ্যে অনুপস্থিত। এটা নিতান্তই বালখিল্যতা। নিজের অজানার বহর সম্পর্কে অজ্ঞ থাকার কারণেই এরূপ মতি বিভ্রাট ঘটে থাকে। এরূপ লোকের গ্রন্থ পাঠ গুমরাহী-র কারণ হতে পারে।
৫. গ্রন্থের মধ্যে কোথাও কোন মাসআলা বা বর্ণনা যদি নিজেদের মাযহাবের খেলাফ মনে হয়, তাহলে সে অনুযায়ী আমল করা যবে না। জানার জন্য সেটা পড়া যাবে, কিন্তু আমল করতে হবে নিজেদের ইমামদের মাযহাব ও মাসায়েল অনুযায়ী। প্রয়োজন বোধ হলে নিজেদের মাযহাব সম্পর্কে বিস্তারিত ব্যাখ্যা বিজ্ঞ আলেম থেকে জেনে নেয়া যাবে। মাযহাব অনুসরণ প্রসঙ্গে দেখুন ৪২ নং পৃষ্ঠা।
৬. দ্বীনী কিতাব (গ্রন্থ)-এর আদব রক্ষা করতে হবে। দ্বীনী কিতাবাদি নীচে রেখে উপরে শয়ন করা বা উপরে বসা থেকে বিরত থাকাই আদব।

(তিন) ওয়াজ-নছীহত বা দ্বীনী আলোচনা শোনার নীতিমালাঃ

১. সর্ব প্রথম দেখতে হবে তার আকীদা-বিশ্বাস ও চিন্তাধারা সहीহ কি-না এবং তিনি হকপছী কি-না। নিজের জানা না থাকলে কোন আলেম থেকে তার সম্পর্কে জেনে নিতে হবে।
২. জেনে নেয়ার পরও তার কোন বক্তব্য সন্দেহপূর্ণ মনে হলে কোন বিজ্ঞ আলেম থেকে সে সম্পর্কে তাহকীক করে নিতে হবে। তাহকীক করার পূর্বে সে অনুযায়ী আমল করা যাবেনা বা তাতে বিশ্বাস স্থাপন করা যাবে না।

ইল্ম হাছিল করার জন্য যা যা শর্ত ও করণীয়ঃ

১. নিয়ত সहीহ করে নিতে হবে অর্থাৎ, আমল করা ও আমল করার মাধ্যমে আল্লাহর সন্তুষ্টি অর্জন করার নিয়তে ইল্ম হাছিল করতে হবে। জ্ঞান অর্জন করে মানুষের সঙ্গে তর্কে বিজয়ী হওয়া বা অহংকার প্রদর্শন কিংবা সম্মান অর্জন প্রভৃতি নিয়ত রাখা যাবে না।
২. কিছু জানি না- এরূপ মনোভাব নিয়ে ইল্ম সন্ধানে থাকতে হবে। জানার জন্য আগ্রহ এবং মনে ব্যাকুলতা থাকতে হবে। আমি অনেক জানি- এরূপ মনোভাব নিয়ে বসলে সেই মনে নতুন ইল্ম ঢুকবেনা। তবে হ্যাঁ এর অর্থ এ নয় যে, বিনা বিচারেই সকলের সব কথা গ্রহণ করতে হবে। বরং কোন বিষয় সন্দেহপূর্ণ মনে হলে অবশ্যই তা তাহকীক করে নিতে হবে।
৩. দ্বীনী ইল্মের আজমত সম্মানবোধ অন্তরে রাখতে হবে। এই ইল্ম শিক্ষা করে কী হবে- এরূপ হীনমন্যতা পরিহার করতে হবে।
৪. গোনাহ থেকে মুক্ত থাকতে হবে। কেননা পাপীদের অন্তরে সঠিক ইল্ম প্রবেশ করে না।
৫. উস্তাদ ও কিতাবের আদব রক্ষা করতে হবে। উস্তাদের সাথে সুসম্পর্ক রাখতে হবে এবং উস্তাদের হক আদায় করতে হবে। এ সম্পর্কে বিস্তারিত জানার জন্য দেখুন ৪১৭ নং পৃষ্ঠা।
৬. উস্তাদের জন্য দুআ করতে হবে। কিতাব পাঠ করে জ্ঞান অর্জন করা হলে সেই কিতাবের লেখকের জন্যও দুআ করা কর্তব্য।
৭. ইল্মের জন্য মেহ্নত করতে হবে।
৮. যতক্ষণ পর্যন্ত কোন বিষয় পরিষ্কার ভাবে বুঝে না আসে, ততক্ষণ পর্যন্ত বার বার উস্তাদকে জিজ্ঞাসা করে কিংবা বার বার পড়ে সেটা পরিষ্কার করে নিতে হবে।

৯. ইল্ম বৃদ্ধির জন্য এবং ভালভাবে বুঝে আসার জন্য আল্লাহর কাছে দূআ করতে হবে।
১০. ইল্ম অর্জন করে এই ইল্ম অন্যকে শিক্ষা দেয়া এবং এই ইল্ম অনুযায়ী আমল করার জন্য অন্যকে দাওয়াত দেয়ার নিয়তও রাখতে হবে।

শিক্ষা গ্রহণ ও শিক্ষা প্রদানের পদ্ধতি :

এ সম্পর্কে ছাত্রের করণীয় এবং উস্তাদের করণীয় শীর্ষক দুইটি পরিচ্ছেদে পরোক্ষভাবে আলোচনা এসে গিয়েছে। দেখুন ৪১৭ ও ৪২০. নং পৃষ্ঠা।

ইল্মের জন্য সফরের মাসআলা :

সফরের কারণে যদি মাতা-পিতা বা স্ত্রী সন্তানাদির ভরণ-পোষণ বা জীবনের আশংকা হয় অর্থাৎ, তার সম্পদ না থাকে এবং তাদের রক্ষণাবেক্ষণের মত কেউ না থাকে, তাহলে ইল্ম অর্জন করার জন্য কোন অবস্থাতেই সফর করতে পারবে না, চাই ফরযে আইন পর্যায়ের ইল্ম হাছিল করার জন্য হোক বা ফরযে কেফায়া পর্যায়ের ইল্ম হাছিল করার জন্য হোক। আর তাদের উপরে এরূপ আশংকা না থাকলে মাতা-পিতা বা স্ত্রীর নিষেধাজ্ঞা মানবেনা। তবে সন্তান যদি দাড়ি বিহীন বালক হয় আর পিতা-মাতা তার চরিত্র নষ্ট হওয়ার আশংকায় সফর করতে নিষেধ করেন তাহলে সে নিষেধাজ্ঞা মান্য করা জরুরী কিম্বা যদি সফরের কারণে সন্তানের জীবনের আশংকা থাকে তাহলেও সন্তানকে মাতা-পিতার নিষেধাজ্ঞা মানতে হবে। আর মোস্তাহাব পর্যায়ের ইল্ম অর্থাৎ, গভীর পাণ্ডিত্য অর্জন করা পর্যায়ের ইল্ম হাছিল করার জন্য সর্বাবস্থায় মাতা-পিতার আনুগত্য করা উত্তম। আর স্ত্রীর আনুগত্য করা না করা স্বামীর ইচ্ছা- করতেও পারে নাও করতে পারে, উভয়টার অবকাশ রয়েছে।

স্ত্রীর ভরণ-পোষণ ও চার মাসে অন্ততঃ একবার তার সঙ্গে মিলন স্ত্রীর অধিকার এবং এটা স্বামীর উপর ওয়াজিব। এ অধিকার আদায়ে ত্রুটি না হলে ইল্মের জন্য সফর করা জায়েয কিংবা যদি স্বেচ্ছায় স্ত্রী তার এ অধিকার ছেড়ে দিয়ে স্বামীকে সফরে যাওয়ার অনুমতি দেয় তাহলেও স্বামীর পক্ষে সফর করা জায়েয হবে। অবশ্য এতসব সত্ত্বেও যদি স্ত্রীর ব্যাপারে চারিত্রিক ফেতনার আশংকা হয় তাহলে সফরে যাওয়া বা সফরে থাকা জায়েয নয়।

(ماخوذ از اسن الفتاوى ج ۱)

আধুনিক জ্ঞান-বিজ্ঞান ও জাগতিক বিদ্যা অর্জন

সম্পর্কে শরী'আতের দৃষ্টিভঙ্গিঃ

বর্তমান যুগের পার্থিব জ্ঞান-বিজ্ঞান যেমন স্বাস্থ্য বিজ্ঞান, চিকিৎসা বিজ্ঞান, প্রকৌশল বিজ্ঞান, অর্থ বিজ্ঞান, রাষ্ট্র বিজ্ঞান, কৃষি বিজ্ঞান, প্রাণী বিজ্ঞান, উদ্ভিদ বিজ্ঞান, বিদ্যুৎ বিজ্ঞান, ভূ-তত্ত্ব বিজ্ঞান, নক্ষত্র বিজ্ঞান, মনস্তত্ত্ব বিজ্ঞান ইত্যাদি বিষয়গুলি শিক্ষা করা যদি ইসলামের উৎকর্ষ সাধন ও মানব কল্যাণের উদ্দেশ্যে হয় তাহলে তা বৈধ, কেননা ভাল উদ্দেশ্যে তা শিক্ষা করা হচ্ছে। এর বিপরীত কোন মন্দ উদ্দেশ্যে এগুলি শিক্ষা করা বৈধ নয়। ফেকাহর পরিভাষায় এগুলিকে 'হারাম লিগাইরিহী' বলে। 'হারাম লি আইনিহী' নয় অর্থাৎ, প্রকৃত প্রস্তাবে এগুলি নিজে হালাল, জায়েয ও মোবাহ, কিন্তু অন্য হারাম কাজের ওছীলা ও মাধ্যম হওয়ার কারণে তা হারাম হয়ে যায়। পক্ষান্তরে উদ্দেশ্য ভাল হলে এগুলিই তখন অনেক নেকীর কাজে পরিণত হয়। (ইংরেজী পড়িবনা কেন? মূল- হাকীমুল উম্মত হযরত মাওলানা আশরাফ আলী থানবী, অনুবাদ হযরত মাওঃ শামসুল হক ফরিদপুরী) এরই ভিত্তিতে হযরত থানবী (রহঃ) লিখেছেন (উক্ত গ্রন্থের পরিশিষ্ট্য দ্রঃ) “ যদি কেউ ইঞ্জিনিয়ারিং শিখে সততা সহকারে মানব সমাজের সেবার মনোবৃত্তি নিয়ে রাস্তা, পুল, ঘর/বাড়ী তৈরী করে মানুষের উপকার করতে পারে, চিকিৎসা বিজ্ঞান শিক্ষা করে মানুষের সেবা করতে পারে, তাহলে তা উচ্চ দরের নেকীর কাজ ও ছওয়াবের কাজ হবে তাতে বিন্দুমাত্র সন্দেহ নেই। পক্ষান্তরে যদি ইঞ্জিনিয়ারিং পড়ে চোরামী ধোঁকাবাজী করে, ব্লাক মার্কেটিং করে, আমানতে খেয়ানত করে, মানুষের বাড়ি-ঘর, পুল, রাস্তা ইত্যাদি নষ্ট করে এবং চিকিৎসা বিজ্ঞান পড়ে গরীব রোগীদের সেবার পরিবর্তে শুধু অর্থগৃধুতার পরাকাষ্ঠা দেখিয়ে গরীবদের রক্ত শোষণ এবং গরীবদের প্রতি দুর্ব্যবহার করে, নতুন আবিষ্কারের মেশিন দ্বারা নিরীহ মানুষদের হত্যা করে, অর্থ শোষণ করে তাদেরকে কঙ্কালসার করে দেয়, তবে সেটা কুরআন হাদীছের সাধারণ সূত্র অনুসারে হারাম হবে, তাতে বিন্দুমাত্র সন্দেহ নেই।

তাকলীদ ও মাযহাব অনুসরণ প্রসঙ্গ

প্রত্যেক মুসলমানের উপর মূলতঃ আল্লাহ এবং তাঁর রাসূল (সাঃ)-এর আনুগত্য ও অনুসরণ করা ফরয। কুরআন এবং হাদীছের অনুসরণের মাধ্যমেই এ ফরয আদায় হবে। কিন্তু সরাসরি যারা কুরআন হাদীছের ভাষা-আরবী

বোঝেন না, কিংবা আরবী ভাষা বুঝলেও কুরআন হাদীছ যথাযথ ভাবে অনুধাবন ও তা থেকে মাসআলা-মাসায়েল চয়ন ও ইজতেহাদ করার জন্য আরবী ব্যাকরণ, আরবী অলংকার, আরবী সাহিত্য, উসূলে ফেকাহ, উসূলে হাদীছ, উসূলে তাফসীর ইত্যাদি যে সব আনুষঙ্গিক শাস্ত্রগুলো বোঝা প্রয়োজন নিয়মতান্ত্রিক ভাবে সেগুলো পাঠ করেননি বা পাঠ করলেও গভীরভাবে এসব বিদ্যায় পারদর্শী হতে পারেননি, তাদের পক্ষে সরাসরি সব মাসআলা-মাসায়েল কুরআন হাদীছ থেকে চয়ন ও ইজতিহাদ (গবেষণা) করে বের করা যেমন সম্ভব নয় তেমনি তা নিরাপদও নয় বরং গভীর বুৎপত্তি ও দক্ষতার অভাবে অনেক ক্ষেত্রে বিভ্রান্তি ও গোমরাহীর শিকার হয়ে যাওয়ার সম্ভাবনাই স্বাভাবিক। তাই এসব শ্রেণীর লোকদের জন্য বিস্তারিত মাসআলা-মাসায়েল ও বিধি-বিধানের জন্য এমন কোন বিজ্ঞ আলেমের শরণাপন্ন হওয়া ব্যতীত গত্যন্তর নেই, যিনি উপরোক্ত বিদ্যাসমূহে পারদর্শী ও দক্ষ হওয়ার ফলে সরাসরি সব মাসআলা-মাসায়েল ও বিধি-বিধান কুরআন হাদীছ থেকে চয়ন ও ইজতিহাদ করে বের করতে সক্ষম। এরূপ বিজ্ঞ ও ইজতিহাদের ক্ষমতা সম্পন্ন আলেম তথা মুজতাহিদ ইমামের শরণাপন্ন হওয়া এবং তিনি কুরআন-হাদীছ থেকে চয়ন ও ইজতিহাদ করে সব মাসআলা-মাসায়েল ও বিধি-বিধান যেভাবে বলেন তার অনুসরণ করাকেই বলা হয় উক্ত ইমামের তাকলীদ করা বা উক্ত ইমামের মাযহাব অনুসরণ করা। তাকলীদ করা তাই উপরোক্ত শ্রেণী সমূহের লোকদের জন্য ওয়াজিব এবং যে ইমামেরই হোক এরূপ যে কোন এক জনেরই তাকলীদ করা ওয়াজিব। উম্মতের ইজ্মা (ঐক্যমত্য) প্রতিষ্ঠিত হয়েছে যে, এক সাথে একাধিক ইমামের অনুসরণ করা যাবেনা, অর্থাৎ, এক এক মাসআলায় এক এক জনের অনুসরণ করা যাবেনা। বরং যে কোন একজন ইমামেরই পুরোপুরি অনুসরণ করতে হবে। এক এক মাসআলায় এক এক জনের অনুসরণ করার অবকাশ নেই এবং সেরূপ করা জায়েযও নয়, কারণ তাতে সুবিধাবাদ ও খাহেশাতের অনুসরণ করার সুযোগ সৃষ্টি হয়ে যায় এবং তার ফলে গোমরাহী-র পথ উন্মুক্ত হয়।

ইতিহাসে অনুরূপ মুজতাহিদ ইমাম অনেকেই অতিবাহিত হয়েছেন। তবে তন্মধ্যে বিশেষভাবে চারজন ব্যাপকভাবে প্রসিদ্ধি ও গ্রহণযোগ্যতা লাভ করেছেন এবং তাদের চয়ন ও ইজতিহাদকৃত মাসআলা-মাসায়েল তথা তাঁদের মাযহাব ব্যাপকভাবে অনুসৃত হয়ে আসছে। তাই আমরা চার ইমাম ও চার

মায়হাব-এর কথা শুনে থাকি। উক্ত চার জন ইমাম হলেন হযরত ইমাম আবু হানিফা (রহঃ), হযরত ইমাম শাফিঈ (রহঃ), হযরত ইমাম মালেক (রহঃ) ও হযরত ইমাম আহমদ ইবনে হাম্বল (রহঃ)। তাদের মায়হাবকেই যথাক্রমে হানাফী মায়হাব, শাফিঈ মায়হাব, মালেকী মায়হাব ও হাম্বলী মায়হাব বলা হয়ে থাকে।

উপরোক্ত সব মায়হাবই হক, তবে অনুসরণ যে কোন একটারই করতে হবে, যেমন পূর্বে বলা হয়েছে। উপমহাদেশের মুসলমানসহ পৃথিবীর অধিক সংখ্যক মুসলমান হযরত ইমাম আবু হানীফা (রহঃ)-এর তথা হানাফী মায়হাব-এর অনুসারী।

অনেকের মনে সন্দেহ জাগে যে, এক আল্লাহ, এক নবী এক কুরআন, তাহলে এত মায়হাব কেন! আসলে ‘মায়হাব’ অর্থ কি তা তারা ভালভাবে খেয়াল করেননা। এখানে মায়হাব অর্থ ধর্ম নয় যে, একাধিক মায়হাব থাকলে ধর্ম একাধিক হয়ে গেল। বরং পূর্বেই বলা হয়েছেঃ বিজ্ঞ ও ইজতিহাদের ক্ষমতা সম্পন্ন আলেম তথা মুজতাহিদ ইমামের ব্যাখ্যাকেই এখানে মায়হাব বলে আখ্যায়িত করা হয়েছে। অতএব বিজ্ঞ ও ইজতিহাদের ক্ষমতা সম্পন্ন আলেম একাধিক থাকার ক্ষেত্রে কোন বিষয়ে তাদের ব্যাখ্যাও একাধিক হতে পারে। এভাবে মায়হাব একাধিক হয়ে গিয়েছে। আরও মনে রাখতে হবে অনুসরণীয় সব ইমামই কুরআন-হাদীছের আলোকে সব ব্যাখ্যা দিয়েছেন। তাদের কারও ব্যাখ্যাই কুরআন-হাদীছের বাইরে নয়। কোন বিষয়ে ইমামদের মধ্যে মতবিরোধ থাকলে সকলের মতের স্বপক্ষেই কুরআন/হাদীছ রয়েছে। অর্থাৎ, কুরআন-হাদীছে সে বিষয়ে একাধিক সূরতের আবকাশ রয়েছে। তাই সব মায়হাবই হক, তবে অনুসরণ যে কোন একটারই করতে হবে, যেমন পূর্বে বলা হয়েছে।

ঈমান হচ্ছে সমস্ত আমলের বুনিয়াদ-যার ঈমান নেই
তার কোন আমল কবুল হয় না।

وَالَّذِينَ كَفَرُوا أَعْمَالُهُمْ كَسَرَابٍ بِقِيعَةٍ. الْآيَةِ

যারা কাফের (অর্থাৎ, যাদের ঈমান ঠিক নেই) তাদের আমল সমূহ
মরুভূমির মরিচিকার ন্যায়। (সূরা নূরঃ ৩৯)



প্রথম অধ্যায় ঈমান ও আকাইদ

কয়েকটি পরিভাষার অর্থঃ

* ঈমানঃ “ঈমান” শব্দের শাব্দিক অর্থ বিশ্বাস করা, স্বীকার করা, ভরসা করা, নিরাপত্তা প্রদান করা ইত্যাদি। শরী‘আতের পরিভাষায় ঈমান বলা হয় রাসূল (সাঃ) কর্তৃক আনীত ঐ সকল বিষয়াদি যা স্পষ্ট ভাবে এবং অবধারিত রূপে প্রমাণিত, সে সমুদয়কে রাসূল (সাঃ)-এর প্রতি আস্থাশীল হয়ে বিশ্বাস করা এবং মুখে তা স্বীকার করা (যদি স্বীকার করতে বলা হয়) আর কুরআন হাদীছ এবং সাহাবায়ে কেরাম ও উম্মতের সর্বসম্মত ব্যাখ্যা অনুযায়ী ধর্মের অবধারিত (বদীহী) বিষয়গুলোর ব্যাখ্যা প্রদান করা। সংক্ষেপে ও সাধারণ ভাবে ইসলামের ধর্মীয় বিশ্বাসকে ঈমান বলা হয়।

* মু'মিন : যার মধ্যে ঈমান আছে তাকে মু'মিন বলা হয়।

* ইসলাম : “ইসলাম” শব্দের শাব্দিক অর্থ মেনে নেয়া, আনুগত্য করা। শরী‘আতের পরিভাষায় ইসলাম বলা হয় (ঈমান সহ) আল্লাহ ও তাঁর রাসূলের আনুগত্যকে মেনে নেয়া। সংক্ষেপে ও সাধারণ ভাবে হযরত মুহাম্মাদ (সাঃ) কর্তৃক আনীত ধর্মকে ইসলাম বলা হয় বা ধর্মীয় কর্মকে ইসলাম বলা হয়।

বিঃ দ্রঃ ‘ঈমান’ ও ‘ইসলাম’ শব্দ দুটো সমার্থবোধক ভাবেও ব্যবহৃত হয়ে থাকে।

* মুসলমান/মুসলিম : ‘ইসলাম’ ধর্ম অনুসারীকে মুসলমান বা মুসলিম বলা হয়।

* কুফর : যে সব বিষয়ের প্রতি বিশ্বাস রাখাকে ঈমান বলা হয়, প্রকাশ্যে তার কোন কিছুকে মুখে অস্বীকার করা বা তার প্রতি অন্তরে বিশ্বাস না রাখা হল কুফর।

* কাফের : যার মধ্যে কুফর থাকে সে হল ‘কাফের’।

* শির্ক : আল্লাহর জাত (সত্তা), তাঁর হিফাত (গুণাবলী) এবং তাঁর ইবাদতে কাউকে শরীক বা অংশীদার বানানো হল শির্ক।

* মুশ্রিক : যে শির্ক করে তাকে বলা হয় মুশ্রিক।

* নেফাক/মুনাফেকী : মুখে ঈমান প্রকাশ করা, প্রকাশ্যে ইসলাম গ্রহণ করা অথচ অন্তরে কুফর প্রচ্ছন্ন রাখা-এরূপ কপটতাকে বলা হয় নেফাক বা মুনাফেকী।

* মুনাফেক : যে মুনাফেকী করে তাকে বলা হয় মুনাফেক।

* মুল্হিদ/যিন্দীক : যে মৌলিক ভাবে ও প্রকাশ্যে ইসলাম এবং ঈমান-এর অনুসারী কিন্তু নামায, রোযা, হজ্জ, যাকাত, জান্নাত, জাহান্নাম ইত্যাদি বদীহী ও অবধারিত বিষয়গুলোর এমন ব্যাখ্যা দেয়, যা কুরআন-হাদীছের স্পষ্ট বিরুদ্ধ, এরূপ লোক প্রকৃত মু'মিন মুসলমান নয়, কুরআনের পরিভাষায় তাকে বলা হয় মুল্হিদ আর হাদীছের পরিভাষায় তাকে বলা হয় যিন্দীক। কারও কারও ব্যাখ্যা মতে সব ধরনের ধর্ম বিরোধী বা মুশ্রিকদেরকেও যিন্দীক বলা হয়। যারা দাহরিয়্যা বা নাস্তিক, তাদেরকেও যিন্দীক বলা হয়ে থাকে।

* মুরতাদ : ইসলাম ধর্মের অনুসারী কোন ব্যক্তি ইসলাম ধর্ম পরিত্যাগ করলে কিংবা ঈমান পরিপন্থী কোন কথা বললে বা ঈমান পরিপন্থী কোন কাজ করলে তাকে মুরতাদ বলে। সংক্ষেপে মুরতাদ অর্থ ধর্মত্যাগী।

* ফাসেক : প্রকাশ্যে যে ব্যক্তি গোনাহে কবীরা করে বেড়ায় তাকে বলা ফাসেক। আবার ব্যাপক অর্থে সব ধরনের অবাধ্যকে ফাসেক বলা হয়। এ হিসেবে একজন কাফেরকেও ফাসেক বলা হতে পারে, যেহেতু সেও অবাধ্য।

* আকীদা : “আকীদা”-এর শাব্দিক অর্থ কোন বিষয়ে দৃঢ় বিশ্বাস স্থাপন করা। ইসলামের পরিভাষায় আকীদা অর্থ দৃঢ় ও মজবূত ঈমান, অকাট্য প্রমাণ ভিত্তিক খবরাখবর ও বিষয়াবলীর প্রতি মনের অটল বিশ্বাস। “আকীদা” শব্দের বহুবচন হল আকাইদ। এ’তেকাদ শব্দটিও আকীদা অর্থেই ব্যবহৃত হয়। এ’তেকাদ শব্দের বহুবচন এ’তেকাদাত।

* আহলে সুন্নাত ওয়াল জামা’আতঃ এর জন্য দেখুন ৮৬ নং পৃষ্ঠা।

যে সব বিষয়ে ঈমান রাখতে হয়

১. “আল্লাহ”-এর উপর ঈমান :

আল্লাহ তা’আলার উপর ঈমান বলতে মৌলিক ভাবে তিনটি বিষয় বিশ্বাস করা ও মেনে নেয়াকে বুঝায় :

(ক) আল্লাহর সত্তা ও তাঁর অস্তিত্বে বিশ্বাস করা।

(খ) আল্লাহর ছিফাত অর্থাৎ, তাঁর গুণাবলীতে বিশ্বাস করা। আল্লাহর গুণাবলী তাঁর গুণবাচক নাম সমূহে ব্যক্ত হয়েছে। (দেখুন ৫৬ নং পৃষ্ঠা)

(গ) তাওহীদ বা আল্লাহর একত্ববাদে বিশ্বাস করা। এই তাওহীদ বা একত্ব আল্লাহর সত্তার ক্ষেত্রে যেমন, তাঁর গুণাবলী ও ইবাদতের ক্ষেত্রেও তেমনি অর্থাৎ, আল্লাহর সত্তা যেমন এক-তাঁর সত্তায় কেউ শরীক নেই, তেমনিভাবে তাঁর গুণাবলীতেও কেউ শরীক নেই এবং একমাত্র তাঁরই ইবাদত করতে হবে, ইবাদতে তাঁর সাথে কাউকে শরীক করা যাবেনা।

তাওহীদের বিপরীত হল শির্ক। অতএব একাধিক মা’বুদে বিশ্বাস করা শির্ক। যেমন অগ্নিপূজক সম্প্রদায় কল্যাণের মা’বুদ হিসেবে ‘ইয়াযদান’ এবং অকল্যাণের মা’বুদ হিসেবে ‘আহরামান’-কে বিশ্বাস করে। এটা শির্ক। এমনিভাবে খৃষ্টানরা তিন খোদা মানে। হিন্দুগণ ব্রহ্মাকে সৃষ্টিকর্তা, বিষ্ণুকে পালনকর্তা এবং মহাদেবকে সংহারকর্তা বলে মানে; এভাবে তারা একাধিক ভগবানে বিশ্বাসী। এ ছাড়াও তারা বহু দেবদেবীতে বিশ্বাস করে, এটা শির্ক।

এমনিভাবে আল্লাহর গুণাবলীতে কোন সৃষ্টিকে শরীক করা, যেমনঃ মানুষের কোন কল্যাণ সাধন কিংবা বিপদ মোচন ইত্যাদি বিষয়ে কোন সৃষ্টিকে ক্ষমতাপ্রাপ্ত মনে করা, এটা শির্ক।

এমনিভাবে আল্লাহর সাথে ইবাদতে কাউকে শরীক করাও শির্ক, যেমন জলের (অর্থাৎ, গঙ্গার) সূর্যের, রামের, যীশুর, দেবতার ইত্যাদির পূজা করা শির্ক।

২. ফেরেশতা সম্বন্ধে ঈমান :

ফেরেশতা সম্বন্ধে এই বিশ্বাস করতে হবে যে, আল্লাহ এক প্রকার নূরের মাখলুক সৃষ্টি করেছেন, যারা পুরুষও নয় নারীও নয়। যারা কাম, ক্রোধ, লোভ ইত্যাদি রিপু থেকে মুক্ত। যারা নিষ্পাপ। আল্লাহর আদেশের বিন্দুমাত্র ব্যতিক্রম তারা করে না। তারা বিভিন্ন আকার ধারণ করতে পারে। তারা সংখ্যায় অনেক। আল্লাহ তাদেরকে বিপুল শক্তির অধিকারী বানিয়েছেন। আল্লাহ তাদেরকে সৃষ্টি করে বিভিন্ন কাজে লাগিয়ে দিয়েছেন। কতিপয় আযাবের কাজে, কতিপয় রহমতের কাজে নিযুক্ত আছে। কতিপয় আমলনামা লেখার কাজে নিযুক্ত, তাদেরকে “কিরামান কাতিবীন” বলা হয়। এমনিভাবে সৃষ্টির বিভিন্ন কাজে ফেরেশতাদেরকে আল্লাহ নিয়োজিত করে রেখেছেন।

ফেরেশতাদের মধ্যে চারজন সর্ব প্রধান। যথাঃ

(এক) জিব্রাইল ফেরেশতা : তিনি ওহী ও আল্লাহর আদেশ বহন করে নবীদের নিকট আসতেন। এছাড়া আল্লাহ যখন যে নির্দেশ প্রদান করেন তা কর্তব্যরত ফেরেশতার নিকট পৌঁছান।

(দুই) মীকায়ীল ফেরেশতা : তিনি মেঘ প্রস্তুত করা ও বৃষ্টি বর্ষাণো এবং আল্লাহর নির্দেশে মাখলুকের জীবিকা সরবরাহের দায়িত্বে নিযুক্ত।

(তিন) ইসরাফীল ফেরেশতা : তিনি রুহ সংরক্ষণ ও সিঙ্গায় ফুৎকার দিয়ে দুনিয়াকে ভাঙ্গা ও গড়ার কাজে নিযুক্ত।

(চার) আযরায়ীল ফেরেশতা : জীবের প্রাণ হরণের কাজে নিযুক্ত তিনি। তাকে ‘মালাকুল মউত’ও বলা হয়। রুহ কব্জ করার সময় তাকে কারও কাছে আসতে হয় না বরং সারা পৃথিবী একটি গ্লোবের মত তার সামনে অবস্থিত, যার আয়ু শেষ হয়ে যায় নিজ স্থানে থেকেই তিনি তার রুহ কব্জ করে নেন। তবে মৃত ব্যক্তি নেককার হলে রহমতের ফেরেশতা আর বদকার হলে আযাবের ফেরেশতা মৃতের নিকট এসে থাকেন এবং মৃত ব্যক্তির রুহ নিয়ে যান।

৩. নবী ও রাসুল সম্বন্ধে ঈমানঃ

জিন ও ইনছানের হেদায়েতের জন্য আল্লাহ আসমান থেকে যে কিতাব প্রেরণ করেন, সেই কিতাবের ধারক বাহক বানিয়ে, সেই কিতাব বুঝানো ও

ব্যাখ্যা দেয়ার জন্য তথা আল্লাহর বাণী হব্‌ছ পৌঁছে দেয়ার জন্য এবং আমল করে আদর্শ দেখানোর জন্য আল্লাহ নির্দিষ্ট সংখ্যক মানুষকে সৃষ্টি করেছেন এবং জিন ও মানব জাতির নিকট তাঁদেরকে প্রেরণ করেছেন। তাঁদেরকে বলা হয় নবী বা পয়গম্বর। এই নবীদের মধ্যে বিশেষ ভাবে যারা নতুন কিতাব প্রাপ্ত হয়েছেন, তাঁদেরকে বলা হয় রাসূল, আর যারা নতুন কিতাব প্রাপ্ত হননি বরং পূর্ববর্তী নবীর কিতাব প্রচারের দায়িত্ব পালন করেছেন, তাঁদেরকে শুধু নবী বলা হয়। তবে সাধারণ ভাবে নবী, রাসূল, পয়গম্বর সব শব্দগুলো একই অর্থে ব্যবহৃত হয়ে থাকে।

নবী ও রাসূলদের প্রতি ঈমান রাখার অর্থ হল প্রধানতঃ নিম্নোক্ত বিষয়াবলীতে বিশ্বাস রাখা।

১. নবীগণ নিষ্পাপ-তাঁদের দ্বারা কোন পাপ সংঘটিত হয়না।
২. নবীগণ মানুষ, তাঁরা খোদা নন বা খোদার পুত্র নন বা খোদার রূপান্তর (অবতার) নন বরং তাঁরা খোদার প্রতিনিধি ও নায়েব। আল্লাহর বাণী অনুসারে জিন ও মানুষ জাতিকে হেদায়েতের জন্য তাঁরা দুনিয়াতে প্রেরিত হন।
৩. নবীগণ আল্লাহর বাণী হব্‌ছ পৌঁছে দিয়েছেন।
৪. নবীদের ছিলছিল হযরত আদম (আঃ) থেকে শুরু করে আমাদের নবী হযরত মুহাম্মাদ সাল্লাল্লাহু আলাইহি ওয়াসাল্লাম-এর উপর শেষ হয়েছে।
৫. আমাদের নবী হযরত মুহাম্মাদ সাল্লাল্লাহু আলাইহি ওয়াসাল্লাম সর্বশ্রেষ্ঠ নবী এবং তিনি খাতামুলনবী অর্থাৎ, তাঁর পর আর কোন নবী আসবে না। অন্য কেউ নবী হওয়ার দাবী করলে সে ভুল এবং কাফের।
৬. নবীগণ কবরে জীবিত। আমাদের নবী সাল্লাল্লাহু আলাইহি ওয়াসাল্লামও কবরে জীবিত আছেন। তাঁর রওয়ায সালাম দেয়া হলে তিনি শুনতে পান এবং উত্তর প্রদান করে থাকেন। অন্য কোন স্থানে থেকে নবীর প্রতি দুরূদ সালাম পাঠ করা হলে নির্ধারিত ফেরেশতারা নবী সাল্লাল্লাহু আলাইহি ওয়াসাল্লাম-এর নিকট তা পৌঁছে দেন।
৭. হযরত আদম (আঃ) থেকে শুরু করে হযরত মুহাম্মাদ সাল্লাল্লাহু আলাইহি ওয়াসাল্লাম পর্যন্ত যত পয়গম্বর এসেছেন, তাঁদের সকলেই হক ও সত্য পয়গম্বর ছিলেন, সকলের প্রতিই ঈমান রাখতে হবে। তবে হযরত মুহাম্মাদ সাল্লাল্লাহু আলাইহি ওয়াসাল্লাম-এর আগমনের পর অন্য নবীর শরী'আত রহিত হয়ে গিয়েছে, এখন শুধু হযরত মুহাম্মাদ সাল্লাল্লাহু আলাইহি ওয়াসাল্লাম-এর শরী'আত ও তাঁর আনুগত্যই চলবে।

৮. নবীদের দ্বারা তাঁদের সত্যতা প্রমাণিত করার জন্য অনেক সময় অনেক অলৌকিক ঘটনা ঘটেছে। এসব অলৌকিক ঘটনাকে 'মু'জিয়া' বলে। মু'জিয়ায় বিশ্বাস করাও ঈমানের অঙ্গীভূত।

৪, আল্লাহর কিতাব সম্বন্ধে ঈমানঃ

আল্লাহ তা'আলা মানব ও জিন জাতির হেদায়েত এবং দিক নির্দেশনার জন্য নবীদের মাধ্যমে তাঁর বাণীসমূহ পৌঁছে দিয়ে থাকেন। এই বাণী ও আদেশ নিষেধের সমষ্টিকে বলা হয় কিতাব। আল্লাহ তা'আলা যত কিতাব দুনিয়াতে পাঠিয়েছেন তার মধ্যে অনেকগুলো ছিল সহীফা (পুস্তিকা) অর্থাৎ, কয়েক পাতার কিতাব।

এক বর্ণনা মতে সর্বমোট ১০৪ খানা কিতাব প্রেরণ করা হয়। তন্মধ্যে চারখানা হল বড় কিতাব। যথাঃ

(এক) তাওরাত বা তৌরীত : যা হযরত মূসা (আঃ)-এর উপর নাযেল হয়।

(দুই) যবুর : যা হযরত দাউদ (আঃ)-এর উপর নাযেল হয়।

(তিন) ইঞ্জীল : যা হযরত ঈসা (আঃ)-এর উপর নাযেল হয়।

উল্লেখ্য যে, আল্লাহর প্রেরিত আসল ইঞ্জীল দুনিয়ার কোথাও নেই। বর্তমানে ইঞ্জীল বা বাইবেল নামে যে গ্রন্থ পাওয়া যায় তা মূলতঃ ঈসা (আঃ) কে আল্লাহ তা'আলা উর্ধ্ব আকাশে উঠিয়ে নেয়ার বহু বৎসর পর কিছু লোক রচনা ও সংকলন করেছিল। তারপর যুগে যুগে বিভিন্ন পাদ্রী ও খৃষ্টান পণ্ডিতগণ তাতে বহু পরিবর্তন, পরিবর্ধন ও সংযোজন করেছে। ফলে এটিকে কোন ক্রমেই আর আসমানী ইঞ্জীল বলে মেনে নেয়া যায়না বরং এ হল মানুষের মনগড়া, বিকৃত এবং মানব রচিত ইঞ্জীল-আসমানী ইঞ্জীল নয়।

(চার) কুরআন : যা আমাদের নবী হযরত মুহাম্মাদ সাল্লাল্লাহু আলাইহি ওয়াসাল্লাম-এর উপর নাযিল হয়। কুরআনকে আল-কুরআন, আল-কিতাব, ফুরকান এবং আল-ফুরকানও বলা হয়।

* আল্লাহর কিতাব বা আসমানী কিতাব সম্বন্ধে ঈমান রাখার অর্থ হল প্রধানতঃ নিম্নোক্ত বিষয়গুলো বিশ্বাস করা :

১. এ সমস্ত কিতাব আল্লাহর বাণী, মানব রচিত নয়।

২. আল্লাহ যেমন অবিনশ্বর ও চিরন্তন, তাঁর বাণীও তদ্রূপ অবিনশ্বর ও চিরন্তন। কুরআন নশ্বর বা সৃষ্ট নয়।

৩. আসমানী কিতাব সমূহের মধ্যে কুরআন শরীফ সর্বশ্রেষ্ঠ।
৪. কুরআন শরীফ সর্বশেষ কিতাব, এর পর আর কোন কিতাব নাযেল হবে না। কিয়ামত পর্যন্ত কুরআন শরীফের বিধানই চলবে। কুরআন শরীফের মাধ্যমে অন্যান্য আসমানী কিতাবের বিধান রহিত হয়ে গিয়েছে।
৫. কুরআন শরীফের হিফাজতের জন্য আল্লাহ তা'আলা ওয়াদা করেছেন, কাজেই এর পরিবর্তন কেউ করতে পারবেনা। কুরআন শরীফকে সর্বদা অবিকৃত বলে বিশ্বাস করতে হবে।

৫. আখেরাত সম্বন্ধে ঈমানঃ

আখেরাত বা পরকাল সম্বন্ধে বিশ্বাস করার অর্থ হল মৃত্যুর পর থেকে শুরু করে কবর ও তার সাথে সংশ্লিষ্ট বিষয়, হাশর-নাশর ও তার সাথে সংশ্লিষ্ট বিষয় এবং জান্নাত জাহান্নাম ও তার সাথে সংশ্লিষ্ট বিষয়-যেগুলো সম্পর্কে ঈমান আনার শিক্ষা দেয়া হয়েছে তার সব কিছুতেই বিশ্বাস করা। অতএব এ পর্যায়ে মোটামুটি ভাবে নিম্নোক্ত বিষয়াবলীতে বিশ্বাস রাখতে হবে।

(এক) কবরের সওয়াব জওয়াব সত্যঃ

কবরে প্রত্যেক মানুষের সংক্ষেপে কিছু পরীক্ষা হবে। মুনকার ও নাকীর নামক দুজন ফেরেশতা কবরবাসীকে প্রশ্ন করবে তোমার রব কে ? তোমার দ্বীন কি ? তোমার রাসূল কে ? সে নেককার হলে এ প্রশ্নাবলীর উত্তর সঠিক ভাবে দিতে সক্ষম হবে। তখন তার কবরের সাথে এবং জান্নাতের সাথে দুয়ার খুলে যোগাযোগ স্থাপন করে দেয়া হবে এবং কিয়ামত পর্যন্ত সে সুখে বসবাস করতে থাকবে। আর নেককার না হলে (অর্থাৎ, কাকের বা মুনাফেক হলে) প্রত্যেক প্রশ্নের উত্তরেই সে বলবে لا ادرى لا ادرى অর্থাৎ, হায় হায় আমি জানি না! তখন জাহান্নামের ও তার কবরের মাঝে দুয়ার খুলে দেয়া হবে এবং বিভিন্ন রকম শাস্তি তাকে দেয়া হবে।

(দুই) কবরের আযাব সত্যঃ

কবর মূলতঃ শুধু নির্দিষ্ট গর্তকে বলা হয় না, কবর বলতে আসলে বুঝায় মৃত্যুর পর থেকে নিয়ে হাশরের ময়দানে পুনর্জীবিত হওয়ার পূর্ব পর্যন্ত সময়কালীন জগতকে। এ জগতকে কবর জগৎ, আলমে বরযখ বা বরযখের জগৎ বলা হয়। মৃত্যুর পর মানুষের মরদেহ যেখানেই যেভাবে থাকুক না কেন সে কবর জগতের অধিবাসী হয়ে যায় এবং বদকার হলে তার উপর আযাব

চলতে থাকে। কবরের এ আযাব মূলতঃ হয় রুহের উপর এবং রুহের সাথে সাথে দেহও সে আযাব উপলব্ধি করে থাকে। তাই দেহ যেখানেই যেভাবে থাকুক না কেন, জ্বলে পুড়ে ছাই বা পঁচে গলে মাটি হয়ে যাক না কেন, তার যে অংশ অবশিষ্ট থাকবে সেটুকু আযাব উপলব্ধি করবে। আর মৌলিক ভাবে আযাব যেহেতু রুহের উপর হবে, তাই কবরের আযাব হওয়ার জন্য এই দেহ অবশিষ্ট থাকাও অপরিহার্য নয়।

(তিনি) পুনরুত্থান ও হাশর ময়দানের অনুষ্ঠান সত্য :

কিয়ামতের সময় সিঙ্গায় ফুঁক দেয়ার পর সবকিছু নেস্ত-নাবুদ হয়ে যাবে। আবার আল্লাহর হুকুমে এক সময় সিঙ্গায় ফুঁক দেয়া হলে আদি অস্তের সব জিন ইনছান ও যাবতীয় প্রাণী পুনরায় জীবিত হয়ে হাশরের ময়দানে একত্রিত হবে।

(চার) আল্লাহুর বিচার ও হিসাব নিকাশ সত্য :

পুনর্জীবিত হওয়ার পর সকলকে আল্লাহ তা'আলার বিচারের সম্মুখীন হতে হবে। তাঁর নিকট সমস্ত কৃতকর্মের হিসাব দিতে হবে।

(পাঁচ) নেকী ও বদীর ওজন সত্যঃ

কিয়ামতের ময়দানে হিসাব-নিকাশের জন্য মিযান বা দাড়িপাল্লা (মাপযন্ত) স্থাপন করা হবে এবং তার দ্বারা নেকী বদী ওজন করা হবে ও ভাল-মন্দ এবং সৎ-অসৎ এর পরিমাপ করা হবে।

(ছয়) আমল নামার প্রাপ্তি সত্য :

কিয়ামতের ময়দানে আমল নামা উড়িয়ে দেয়া হবে এবং প্রত্যেকের আমলনামা তার হাতে গিয়ে পড়বে এবং প্রত্যেকে তার জীবনের ভাল-মন্দ যা কিছু করেছে সব তাতে লিখিত অবস্থায় পাবে। আমলনামা উড়িয়ে দেয়া হবে। তখন নেককারের আমল নামা তার ডান হাতে গিয়ে পৌঁছবে, আর বদকারের বাম হাতে আমল নামা গিয়ে পড়বে।

(সাত) হাউযে কাউছার সত্য :

এই উম্মতের মধ্যে যারা পূর্ণভাবে সুন্নাতের পায়রবী করবে, কিয়ামতের ময়দানে রাসূল সাল্লাল্লাহু আলাইহি ওয়াসাল্লাম তাদেরকে একটি হাউয থেকে পানি পান করাবেন, যার ফলে আর তাদেরকে পিপাসায় কষ্ট দিবে না। এই হাউযকে বলা হয় “হাউযে কাউছার”।

(আট) পুলসিরাত সত্য :

হাশরের ময়দানের চতুর্দিক জাহান্নাম দ্বারা পরিবেষ্টিত থাকবে। এই জাহান্নামের উপর একটি পুল স্থাপন করা হবে, যা চুলের চেয়ে সরু এবং তলোয়ারের চেয়ে ধারালো হবে। এটাকে বলা হয় পুলসিরাত। সকলকেই এই পুল পার হতে হবে।

এই পুরসিরাত হল দুনিয়ার সিরাতে মুস্তাকীমের স্বরূপ। দুনিয়াতে যে যেভাবে সিরাতে মুস্তাকীমের উপর চলেছে, সে সেভাবে পুরসিরাত পর হয়ে যাবে। কেউ বিদ্যুৎ গতিতে, কেউ চোখের পলকে, কেউ দ্রুতগামী ঘোড়ার গতিতে, কেউ দৌড়ে, কেউ হেঁটে, আবার কেউ হামাগুড়ি দিয়ে। মোটকথা, যার যে পরিমাণ নেকী সে সেরকম গতিতে উক্ত পুল পার হবে। আর পাপীদেরকে জাহান্নামের আংটা জাহান্নামের মধ্যে টেনে ফেলে দিবে।

(নয়) শাফা'আত সত্যঃ

পরকালে রাসূল সাল্লাল্লাহু আলাইহি ওয়াসাল্লাম, আলেম, হাফেজ প্রমুখদেরকে বিভিন্ন পর্যায়ে সুপারিশ করার ক্ষমতা দেয়া হবে। রাসূলে কারীম সাল্লাল্লাহু আলাইহি ওয়াসাল্লাম অনেক প্রকারের শাফা'আত বা সুপারিশ করবেন। তন্মধ্যেঃ

১. হাশরের ময়দানের কষ্ট থেকে মুক্তির জন্য। হাশরের ময়দানে কষ্টে সমস্ত মাখলুক যখন পেরেশান হয়ে বড় বড় নবীদের কাছে আল্লাহর নিকট এই মর্মে সুপারিশ করার আবেদন করবে যেন আল্লাহ পাক বিচার কার্য সমাধান করে হাশরের ময়দানের কষ্ট থেকে সকলকে মুক্তি দেন, তখন সকল নবী অপারগতা প্রকাশ করবেন। কারণ আল্লাহ তা'আলা সেদিন অত্যন্ত রাগান্বিত থাকবেন। অবশেষে রাসূল সাল্লাল্লাহু আলাইহি ওয়াসাল্লাম সেই সুপারিশ করবেন। এটাকে শাফা'আতে কুবরা বা বড় সুপারিশ বলা হয়।
২. কোন কোন কাফেরের আযাব সহজ করার জন্য। যেমন রাসূলের চাচা আবু তালেবের জন্য এরূপ সুপারিশ হবে।
৩. কোন কোন মু'মিনকে জাহান্নাম থেকে বের করার জন্য।
৪. যে সব মু'মিন বদ আমল বেশী হওয়ার কারণে জাহান্নামের যোগ্য হয়েছে- এরূপ মু'মিনদের কতকের মাগফেরাতের জন্য।
৫. কোন কোন মু'মিনকে বিনা হিসেবে বেহেশতে প্রবেশ করানোর জন্য।
৬. বেহেশতে মু'মিনদের সম্মান ও মর্যাদা বৃদ্ধির জন্য।

৭. আ'রাফ তথা জান্নাত ও জাহান্নামের মাঝে অবস্থিত প্রাচীরে যারা অবস্থান করবে তাদের মুক্তির জন্য।

(দশ) জান্নাত বা বেহেশত সত্যঃ

আল্লাহ তাআলা তাঁর নেক বান্দাদের জন্য এমন সব নেয়ামত তৈরী করে রেখেছেন যা কোন চোখ দেখেনি, কোন কান শোনেনি, কারও অন্তরে তার পূর্ণ ধারণাও আসতে পারে না। এই সব মহা নেয়ামতের স্থান হল জান্নাত বা বেহেশত। জান্নাত বা বেহেশত কোন কল্পিত বিষয় নয় বরং সৃষ্টরূপে তা বিদ্যমান আছে এবং অনন্ত কাল বিদ্যমান থাকবে। মু'মিনগণও অনন্তকাল সেখানে থাকবেন।

(এগার) জাহান্নাম বা দোষখ সত্যঃ

পাপীদেরকে আল্লাহ আগুন ও আগুনের মধ্যে অবস্থিত সাপ, বিচ্ছু, শৃংখল প্রভৃতি বিভিন্ন শাস্তির উপরকণ দ্বারা আযাব দেয়ার জন্য যে স্থান প্রস্তুত করে রেখেছেন, তাকে বলা হয় জাহান্নাম বা দোষখ। দোষখ আল্লাহর সৃষ্ট রূপে বিদ্যমান রয়েছে এবং অনন্তকাল বিদ্যমান থাকবে। কাফেররা অনন্তকাল তাতে অবস্থান করবে।

জাহান্নামের সাতটি স্তর বা দরজা থাকবে। একেক স্তরের শাস্তির ধরন হবে একেক রকম। অপরাধ অনুসারে যে যে স্তরের উপযোগী হবে তাকে সে স্তরে নিক্ষেপ করা হবে। এ স্তরগুলোর পৃথক পৃথক নাম রয়েছে। যথাঃ (এক) জাহান্নাম (দুই) লাযা (তিন) হুতামা (চার) সায়ীর (পাঁচ) সাকার (ছয়) জাহীম (সাত) হাবিয়া।

৬. তাকদীর সম্বন্ধে ঈমানঃ

যদি যে বিষয়ে ঈমান রাখতে হয়, তা হল তাকদীরের বিষয়ে ঈমান। “তাকদীর” অর্থ পরিকল্পনা বা নকশা। আল্লাহ তা'আলা সবকিছু সৃষ্টি করার পূর্বে সৃষ্টি জগতের একটা নকশাও করে রেখেছেন, সবকিছুর পরিকল্পনাও লিখে রেখেছেন। এই নকশা ও পরিকল্পনাকেই বলা হয় তাকদীর। এই পরিকল্পনা এবং নকশা অনুসারেই সবকিছু সংঘটিত হয় এবং হবে। অতএব ভাল মন্দ সবকিছুই আল্লাহর তরফ থেকে এবং তাকদীর অনুযায়ী সংঘটিত হয়- এই বিশ্বাস রাখতে হবে। ভাল এবং মন্দ উভয়টার সৃষ্টি কর্তা আল্লাহ এই বিশ্বাস রাখা অপরিহার্য। এর বিপরীত কেউ যদি ভাল বা ‘সু’-র জন্য একজন

সৃষ্টিকর্তা আর মন্দ বা “কু”-র জন্য অন্য একজন সৃষ্টিকর্তা মানে তাহলে সেটা ঈমানের পরিপন্থী কুফর ও শিরক হয়ে যাবে। যেমন অগ্নিপূজারীগণ কল্যাণের মা'বুদ হিসেবে ‘ইয়াযদান’ এবং অকল্যাণের মা'বুদ হিসেবে ‘আহরামান’ কে মানে। এটা শিরক। হিন্দুগণ ‘সু’-র সৃষ্টিকর্তা লক্ষ্মীদেবী এবং ‘কু’-র সৃষ্টিকর্তা শনি দেবতাকে মানে। এটা কুফর ও শিরক।

এখানে এ প্রশ্ন করা যাবে না যে, সবই যখন আল্লাহর পরিকল্পনা অনুসারে হয়, তখন আমলের প্রয়োজন কি, যা হওয়ার তা তো হবেই? এ প্রশ্ন করা যাবে না এজন্য যে, আল্লাহ তা'আলা কর্ম জগতের নকশায় লিখে রেখেছেন যে, যদি মানুষ ইচ্ছা করে তাহলে এরূপ আর যদি ইচ্ছা না করে তাহলে এরূপ। এমনিভাবে আল্লাহ মন্দ-এর সৃষ্টিকর্তা হলেও তিনি দায়ী নন বরং মানুষ মন্দ করার জন্য দায়ী এ কারণে যে, তাকে আল্লাহ ক্ষমতা ও ইচ্ছাশক্তি দিয়েছেন, সে নিজের ক্ষমতা ও ইচ্ছা শক্তি মন্দের জন্য ব্যয় করল কেন? এরপরও তাকদীর সম্পর্কে এরূপ প্রশ্নের পর প্রশ্ন উত্থাপন করা যেতে পারে এবং মনে তাকদীর ও ভাগ্য সম্পর্কে নানান প্রশ্ন দেখা দিতে পারে। এ প্রসঙ্গে মনে রাখতে হবে যে, এরূপ প্রশ্ন ও উত্তর নিয়ে ঘাঁটাঘাঁটি করে অনেকে বিভ্রান্ত হয়ে থাকেন, কেননা তাকদীরের বিষয়টি এমন এক জটিল রহস্যময় যার প্রকৃত স্বরূপ উদঘাটন করা মানব মেধার পক্ষে সম্ভব নয় এবং তা উদঘাটনের চেষ্টা করাও নিষিদ্ধ। আমাদের কর্তব্য তাকদীরে বিশ্বাস করা, আর আল্লাহ পাক আমলের দায়িত্ব দিয়েছেন তাই আমল করে যাওয়া।

তাকদীর সম্বন্ধে ঈমান রাখার অর্থ হল নিম্নোক্ত বিষয়াবলীতে বিশ্বাস রাখাঃ

১. সবকিছু সৃষ্টি করার পূর্বেই আল্লাহ তা'আলা সবকিছু লিখে রেখেছেন।
২. সবকিছু ঘটার পূর্বেই আল্লাহ তা'আলা অনাদি-স্ফটানে সেসব কিছু সম্বন্ধে অবহিত এবং তাঁর জানা ও ইচ্ছা অনুসারেই সবকিছু সংঘটিত হয়।
৩. তিনি ভাল ও মন্দ সবকিছুর সৃষ্টিকর্তা। তবে মন্দ সৃষ্টির জন্য তিনি দোষী নন বরং যে মাখলুক মন্দ উপার্জন করবে সে দোষী। কেননা মন্দ সৃষ্টি মন্দ নয় বরং মন্দ উপার্জন হল মন্দ। মন্দ সৃষ্টি এজন্য মন্দ নয় যে, তার মধ্যেও বহু রহস্য এবং বহু পরোক্ষ কল্যাণ নিহিত রয়েছে। তাই ভাল কাজে আল্লাহ সন্তুষ্ট এবং মন্দ কাজে তিনি অসন্তুষ্ট।
৪. আল্লাহ তা'আলা কলম দ্বারা লওহে মাহফুজে (সংরক্ষিত ফলকে) তাকদীরের সবকিছু লিখে রেখেছেন। তাই লওহে, কলম ও লওহে যা কিছু লিখে রাখা হয়েছে সব কিছুতে বিশ্বাস রাখা তাকদীরে বিশ্বাসের অন্তর্ভুক্ত।

৫. মানুষ একদিকে নিজেকে অক্ষম ভেবে নিজেকে দায়িত্বহীন মনে করবে না এই বলে যে, আমার কিছুই করার নেই; তাকদীরে যা আছে তা-ই তো হবে। আবার তাকদীরকে এড়িয়ে মানুষ খোদার পরিকল্পনার বাস্তবায়নকে কিছু করে ফেলতে সক্ষম- এমনও মনে করবে না।
৬. মানুষের প্রতি আল্লাহর যত হুকুম ও আদেশ নিষেধ রয়েছে, তার কোনটি মানুষের সাধ্যের বাইরে নয়। কোনো অসাধ্য বিষয়ে আল্লাহ কোন হুকুম ও বিধান দেননি।
৭. আল্লাহ তা'আলার উপর কোন কিছু ওয়াজিব নয়, তিনি কাউকে কিছু দিতে বাধ্য নন, তাঁর উপর কারও কোন হুকুম চলে না, যা কিছু তিনি দান করেন সব তাঁর রহমত ও মেহেরবানী মাত্র।

আল্লাহর গুণবাচক ৯৯ টি নাম ও তার সাথে সংশ্লিষ্ট আকীদাসমূহ*

১. الْحَيُّ (আল-হায়্যু)- চিরজীব;

২. الْقَيُّومُ (আল-কায্যুম)-স্ব-প্রতিষ্ঠ, সংরক্ষণকারী;

* এ বিশ্বাস করা যে, আল্লাহ তা'আলা চিরজীব। নিজের জীবন না থাকলে তিনি সৃষ্টিকর্তা হবেন কিভাবে?

* আল্লাহ তা'আলা যে চিরকাল থেকে আছেন, তাঁকে কেউ প্রতিষ্ঠিত করেননি। বরং তিনি নিজে নিজে প্রতিষ্ঠিত। সমস্ত সৃষ্টির সত্তা ও গুণাবলীর অস্তিত্ব দানকারী ও তার সংরক্ষণকারী। অর্থাৎ, সবকিছুর অস্তিত্ব তাঁর দ্বারা প্রতিষ্ঠিত। তাঁর অস্তিত্ব কারও দ্বারা প্রতিষ্ঠিত নয়।

৩. الْحَقُّ (আল-হাক্কু)- সত্য

* তিনি প্রতিষ্ঠিত সত্য এবং হক মা'বুদ। তাঁর খোদায়ী এবং শাহানশাহী সত্য ও যথার্থ। তিনি ব্যতীত আর সব মিথ্যা ও বাতিল।

৪. الْأَوَّلُ (আল-আওয়ালু)-প্রথম অর্থাৎ, অনাদি;

৫. الْآخِرُ (আল-আখিরু)-শেষ অর্থাৎ, অনন্ত,

৬. الْبَاقِي (আল-বাকী)-চিরস্থায়ী

* তিনি অনাদিকাল থেকে বিদ্যমান অর্থাৎ, তাঁর অস্তিত্ব অনাদিকাল থেকে বিরাজমান। তাঁর অস্তিত্বে কখনও অনস্তিত্ব ছিল না। তাঁর সত্তা অনাদি।

১. অধিকতর তাহকীকের ভিত্তিতে আহকামে যিন্দেগী ওয় সংস্করণে আসমায়ে হুহনার অর্থে কিছু পরিবর্তন আনা হল এবং স্পষ্টভাবে বোঝার স্বার্থে আসমায়ে হুহনার সাথে সাথে তার সাথে সংশ্লিষ্ট বিশেষ বিশেষ আকীদাসমূহও সংযোজিত করা হল। ৥

* আল্লাহর সত্তা ব্যতীত অন্য কোন কিছু অনাদি নয়। যারা মৌলিক উপাদান, সূরত, বুদ্ধি ও আসমান সমূহকে অনাদি বলে থাকে, ইমাম গাযালীর মতে তারা কাফের।

* তাঁর অস্তিত্ব অবশ্যম্ভাবী হওয়ার কারণেই তাঁর অস্তিত্ব সদা সর্বদা টিকে থাকবে। অর্থাৎ, তিনি চির বাকী, অনন্ত। তিনি যেমন অনাদি, তেমনি অনন্ত। তাঁর অস্তিত্বে যেমন কখনও অনস্তিত্ব ছিল না, কখনও অনস্তিত্ব আসবেও না।

৭. الظَّاهِرُ (আয্-যাহির)-প্রকাশ্য;

৮. البَاطِنُ (আল-বাতিন)-গুপ্ত;

* আল্লাহর অস্তিত্ব দেখা যায় না, তাঁর অস্তিত্ব গোপন। অর্থাৎ, তিনি গুপ্ত।

* তাঁর অস্তিত্ব সুস্ব ও গুপ্ত হওয়া সত্ত্বেও সৃষ্টির অণু-পরমাণু পর্যন্ত তাঁর অস্তিত্বের ও তাঁর কুদরতের নিদর্শন বহন করে চলেছে। এ হিসেবে তিনি প্রকাশ্য।

৯. الْعَلِيمُ (আল-আলীম)-মহাজ্ঞানী;

১০. الْخَبِيرُ (আল-খবীর)-সর্বজ্ঞ;

১১. اللَّطِيفُ (আল-লাতীফ)-সূক্ষ্ম;

* এ বিশ্বাস করা যে, আল্লাহ তা'আলা সমস্ত সৃষ্টিকূলের সর্ববিষয়ে সম্যক অবগত ও জ্ঞানী। কোন কিছু তাঁর থেকে গোপন নয়। ক্ষুদ্র বৃহৎ কোন কিছু তাঁর জানার আওতা থেকে বাইরে নয়।

* সমগ্র মাখলূকের ক্ষুদ্র-বৃহৎ, জাহের-বাতেন সর্ব বিষয়ে তিনি অবগত। অর্থাৎ, তিনি মহাজ্ঞানী। কেউ কেউ বলেছেন যিনি বাতিনী বিষয় জানেন তাকে 'খাবীর' বলে এবং সাধারণ ভাবে জানেনেওয়ালাকে 'আলীম' বলে।

* আল্লাহ তা'আলা যখন সবকিছুর সৃষ্টিকর্তা, তখন সবকিছুর যাবতীয় জ্ঞান অবশ্যই তাঁর থাকবে। স্রষ্টা তাঁর সৃষ্টির বিষয়ে অবগত থাকবেন তা হতে পারেনা।

* আল্লাহর জ্ঞান অনাদি। তিনি অনাদিকাল থেকে সর্ববিষয়ে অবগত। ভবিষ্যতে তাঁর মাখলূকের মধ্যে যা সৃষ্টি হবে বা যেসব অনিত্ব বিষয় ঘটবে, সেসব বিষয়ে তাঁর অনাদি জ্ঞান রয়েছে। অর্থাৎ, তাঁর জ্ঞানে অনিত্ব কোন বিষয়ের জ্ঞান সংযোজিত হয় না। বরং যে কোন ঘটিত অনিত্ব বিষয় সম্বন্ধে অনাদিকাল থেকেই তিনি অবগত।

* গায়েব সম্পর্কিত জ্ঞান আল্লাহর খাস সিফাত বা গুণ। অতীত ও ভবিষ্যতের যাবতীয় বিষয়ের জ্ঞান এই পর্যায়ের অন্তর্ভুক্ত যা একমাত্র আল্লাহই জানেন।

* তিনি সবকিছুর জাহের বাতেন সম্বন্ধে যেমন অবগত, তেমনিভাবে সবকিছুর হাকীকত ও স্বরূপ সম্বন্ধেও অবগত অর্থাৎ, তিনি সর্বজ্ঞ।

* আল্লাহ ব্যতীত অন্য কাউকে হাযির নাযির জানা স্পষ্ট গোমরাহী ও বাতিল পন্থা।

* তিনি সুস্বদর্শী অর্থাৎ, এমন গোপন ও সুস্ব বিষয়ও তিনি অনুভব করেন যেখানে দৃষ্টি পৌছতে সক্ষম নয়।

১২. الْحَكِيمُ (আল-হাকীম) প্রজ্ঞাময়;

* আল্লাহ তা'আলার জ্ঞান পূর্ণত্বের স্তরে উপনীত। যেহেতু তিনি সবকিছুর যাহের বাতেন এবং সবকিছুর প্রকৃত স্বরূপ ও মূল রহস্য সম্বন্ধে অবগত, এ হিসেবে তাঁর জ্ঞান পূর্ণত্বের স্তরে উপনীত। তাঁর এই পূর্ণ জ্ঞানের ভিত্তিতেই তাঁর সব কাজ-কর্ম ও কথা হয়ে থাকে প্রজ্ঞাময়। অতএব তিনি হেকমতওয়ালা বা প্রজ্ঞাময়। হেকমত বলা হয় পূর্ণ জ্ঞানের ভিত্তিতে কাজ-কর্ম এবং কথা যথাযথ ও পাকাপোক্ত হওয়া।

১৩. الْوَاسِعُ (আল-ওয়াছিউ)-সর্বব্যাপী;

* তাঁর জ্ঞান ও দান সবটাই ব্যাপক। তাঁর জ্ঞান ও দানের আওতা থেকে কোন কিছু বাইরে নয়। তিনি তাঁর জ্ঞান ও নেয়ামত দিয়ে সবকিছুকে বেষ্টন করে আছেন- এ অর্থে তিনি সর্বব্যাপী।

১৪. الْمَلِكُ (আল-মালিকু)-অধিপতি, সম্রাট,

১৫. الْمَلِكُ الْمَلِكُ (মালিকুল মুল্ক)-সার্বভৌম ক্ষমতার মালিক;

* তিনি সকলের সম্রাট বা অধিপতি এবং সবকিছুর প্রকৃত মালিক। অতএব তিনি যা যেভাবে ইচ্ছা তৈরি করেন। সবকিছুর ব্যাপারে হস্তক্ষেপ ও সবকিছু পরিচালনার ব্যাপারে তিনি একচ্ছত্র ইচ্ছার অধিকারী।

* তিনি সার্বভৌম ক্ষমতার অধিকারী। অতএব তিনি যেমন ইচ্ছা তেমন হুকুম করবেন, যেমন ইচ্ছা তেমন হস্তক্ষেপ করবেন, কেউ তাঁর হুকুম ও হস্তক্ষেপে বাঁধ সাধতে পারবে না। তিনি রাজাধিরাজ তাই যাকে ইচ্ছা রাজত্ব দান করবেন, যার থেকে ইচ্ছা রাজত্ব ছিনিয়ে নিবেন।

* তিনি সকলের মালিক আর সকলে তাঁর গোলাম। তাই মালিক হিসেবে গোলামকে তিনি যে হুকুম করবেন এবং তাদের ব্যাপারে যে হস্তক্ষেপ করবেন

তাতে জুলুমের প্রশ্ন উঠতে পারে না। বিনা অপরাধেও যদি তিনি কাউকে শাস্তি দেন তাতেও কোন জুলুমের প্রশ্ন উঠতে পারবে না। কারণ জুলুম বলা হয় অন্যের মালিকানায় তার অনুমতি ছাড়া হস্তক্ষেপ করাকে। আর সব কিছুই আল্লাহর মালিকানা। তবে হ্যাঁ নেক কাজের উপর তিনি পুরস্কার দেয়ার ওয়াদা করেছেন। আর সে ওয়াদা অবশ্যই তিনি পূরণ করবেন। আল্লাহ কোন ওয়াদা খেলাপ করেন না।

* আল্লাহ তা'আলা মহা সম্রাট, রাজাধিরাজ। যা ইচ্ছা, যাকে যেমন ইচ্ছা হুকুম করেন, যেমন ইচ্ছা রাজ্য পরিচালনা করেন। এই হুকুম প্রদান ও রাজ্য পরিচালনার জন্য প্রয়োজনীয় বাকশক্তি ('কালাম' ছিফাত) তাঁর রয়েছে। তাই আল্লাহর কালাম ছিফাত প্রমাণিত। বাকশক্তি না থাকা একটি দোষ। আল্লাহ তা'আলা যেহেতু সব দোষ থেকে মুক্ত, তাই তাঁর বাকশক্তি থাকা অপরিহার্য। তবে তাঁর কথা অন্য কারও কথার মত নয়, যেমন তাঁর অস্তিত্ব অন্য কারও অস্তিত্বের মত নয়।

১৬. الْمُعِزُّ (আল-মুইয্যু) সম্মানদাতা;

১৭. الْمُذِلُّ (আল-মুযিল্লু)-অপমানদাতা বা সম্মান হরণকারী;

* তাঁর একচ্ছত্র অধিকার স্বীকৃত। তিনি যাকে ইচ্ছা সম্মান দিবেন, কারণ সম্মান প্রদান তাঁর এখতিয়ারে। তিনি সম্মানদাতা।

* আবার যাকে ইচ্ছা তার থেকে সম্মান ছিনিয়ে নিবেন, কারণ অপমান প্রদান বা সম্মান হরণও তাঁর ইচ্ছাধীন। তিনি অপমানদাতা। তবে আল্লাহ তা'আলা কারও অকল্যাণ করেননা, তাঁর কাছে কল্যাণই কাম্য।

১৮. الْخَافِضُ (আল-খাফিয়ু)-অবনতকারী;

১৯. الرَّافِعُ (আর্-রাফিউ)-উন্নয়নকারী;

* যার যতটুকু সম্মান ও স্তর রয়েছে তার সেই সম্মান ও স্তরকে তিনি নতও করেন। তিনি আল-খাফিয়ু।

* আবার যার যতটুকু সম্মান ও স্তর রয়েছে তার সেই সম্মান ও স্তরকে তিনি উন্নতও করেন। তিনি আর্-রাফিউ। এই নত ও উন্নত করার মধ্যে রিয়ক-হ্রাস বৃদ্ধি করাও অন্তর্ভুক্ত।

২০. الْفَادِرُ (আল-ফাদিরু)-শক্তিশালী;

* তিনি তাঁর কোন কাজে উপকরণের মুখাপেক্ষী নন। কোন আসবাব ছাড়াই তাঁর সবকিছু করার ক্ষমতা রয়েছে। সর্ববিষয়ে তিনি ক্ষমতাবান।

২১. الْمُقْتَدِرُ (আল-মুকতাদির)-পূর্ণ ও স্বয়ংক্রিয় শক্তির অধিকারী;

* তাঁর এই ক্ষমতা স্বয়ংক্রিয় ক্ষমতা এবং ক্রটিমুক্ত ও পূর্ণাঙ্গ ক্ষমতা।

২২. الْقَوِيُّ (আল-ক্বাবিয়্য)-অসীম ও অটুট ক্ষমতার অধিকারী;

* তিনি সীমাহীন ও অনন্ত ক্ষমতার অধিকারী, তাঁর ক্ষমতা কখনও শেষ হবে না এবং কখনও তাতে কোন দুর্বলতা দেখা দেয় না।

২৩. الْمَتِينُ (আল-মাতীনু)-সুস্থিত এবং অসম ক্ষমতার অধিকারী;

* তাঁর ক্ষমতা সুস্থিত ও দৃঢ়, যাতে চিড়ি ধরার বা দুর্বলতা আসার কোন অবকাশ নেই। এবং কেউ তাঁর ক্ষমতার সমকক্ষ নেই।

২৪. الْعَزِيزُ (আল-আযীযু)-পরাক্রমশালী;

* তাঁর ক্ষমতা ও শক্তিবলে তিনি পরাক্রমশালী, সকলকে তিনি পরাভূত করতে সক্ষম, কেউ তাকে পরাভূত করতে বা কেউ তাঁর মোকাবিলা করতে সক্ষম নয়।

২৫. الْمَانِعُ (আল-মানিউ)-প্রতিরোধকারী;

* আল্লাহ যা কিছুই করতে চান তা কেউ প্রতিহত করতে পারে না। তিনি কারও কল্যাণ করতে চাইলে তা কেউ ঠেকাতে পারে না, এমনি ভাবে কারও ক্ষতি করলে তাও কেউ প্রতিহত করতে পারে না। তিনি প্রতিরোধকারী।

২৬. الْقَهَّارُ (আল-কাহ্‌হারু)-মহাপরাক্রান্ত;

* তাঁর ক্ষমতা ও বিক্রমের সামনে সকলে অক্ষম ও পরাভূত। তিনি মহাপরাক্রান্ত।

২৭. الْجَبَّارُ (আল-জাব্বারু)-প্রবল বিক্রমশালী;

* আল্লাহ তা'আলা প্রবল বিক্রমশালী, কেউ তাঁকে অক্ষম করতে সক্ষম নয়।

২৮. السَّمِيعُ (আস্ সামীউ)-সর্বশ্রোতা;

২৯. الْبَصِيرُ (আল-বাজীরু)-সম্যক দ্রষ্টা;

* আল্লাহ তা'আলা সর্বশ্রোতা। সবকিছু তিনি শুনতে পান। একই সাথে আল্লাহ পাক সমস্ত আওয়াজ শুনতে পান; তাঁর জন্য এক আওয়াজ অন্য আওয়াজ শোনার ক্ষেত্রে প্রতিবন্ধক হয়না।

* তিনি সর্বদ্রষ্টা। সবকিছু তিনি দেখতে পান। এমনকি মনের চিন্তা বা কল্পনার গোপনীয় বিষয়ও তার অগোচর বা অদেখা নয়। একই সাথে তিনি সবকিছু দেখতে পান, এক দৃশ্য অন্য দৃশ্য দেখার ক্ষেত্রে প্রতিবন্ধক হয়না।

৩০. الْخَالِقُ (আল-খালিকু)- স্রষ্টা;

৩১. الْمُبْدِئُ (আল-মুবদী)- আদি স্রষ্টা;

৩২. الْبَارِئُ (আল-বারী)- উদ্ভাবনকর্তা;

৩৩. الْمُصَوِّرُ (আল-মুসাওবিরু)- আকৃতিদাতা;

৩৪. الْبَدِيعُ (আল-বাদীউ)-নমুনা বিহীন সৃষ্টিকারী;

* এ বিশ্বাস করা যে, আল্লাহ তা'আলা সমস্ত জগতের সৃষ্টিকর্তা।

* তিনি সৃষ্টিকর্তা এবং আদি সৃষ্টিকর্তা (আল-মুবদী)।

* সবকিছুর নমুনাও আল্লাহ তা'আলা উদ্ভাবন করেছেন। অর্থাৎ, তিনি আল-বারিউ।

* সবকিছুর আকৃতিও আল্লাহ তা'আলা দান করেছেন। অর্থাৎ, তিনি আল-মুসাওবিরু। বিভিন্ন রকম আকৃতি আল্লাহ তা'আলা সৃষ্টি করেছেন। আল্লাহর সৃষ্টি করা এসব আকৃতি একটা অন্যটা থেকে ভিন্ন ও স্বতন্ত্র।

* জগত সৃষ্টি করার সময় তার সামনে কোন আসল বা নমুনা ছিল না। কোন আসল ও নমুনা ছাড়াই তিনি সবকিছু সৃষ্টি করেছেন। অর্থাৎ, তিনি আল-বাদীউ।

* আল্লাহ তা'আলা সবকিছুর সত্তা, সবকিছুর গুণাবলী ও বৈশিষ্ট্য সমুদয়ের সৃষ্টিকর্তা। এমন নয় যে, তিনি শুধু একটি বস্তু সৃষ্টি করেছেন অতপর তার গুণাবলী ও বৈশিষ্ট্য আপনা আপনি সৃষ্টি হয়েছে।

* আল্লাহ তা'আলা মানুষের সৃষ্টিকর্তা, তাদের কর্ম-এরও সৃষ্টিকর্তা। মানুষ তার কর্মের সৃষ্টিকর্তা নয়।

* আল্লাহ তা'আলা যা কিছু সৃষ্টি করেছেন, যা কিছু করেছেন সবকিছুর সাথে তাঁর ইরাদা সংশ্লিষ্ট। তাঁর ইরাদা ব্যতীত কোন কিছু অস্তিত্বে আসতে পারে না। তিনি ইরাদা করেন অতপর সেটাকে সৃষ্টি করেন। এমন নয় যে, তিনি ইরাদা করেন আর সেটা হয় না।

৩৫. النُّورُ (আন নূরু)- জ্যোতির্ময়;

৩৬. الْهَادِي (আল-হাদী)-পথ প্রদর্শক;

* আল্লাহ তা'আলা নূর বা জ্যোতির্ময়, হাদী বা হেদায়েত দানকারী ও পথ প্রদর্শক। তিনি যাকে ইচ্ছা পথ দেখান অর্থাৎ, হেদায়েত দান করেন যাকে ইচ্ছা গোমরাহ করেন। মু'তায়িলাদের মত বক্তব্য ঠিক নয় যে, বান্দার জন্য যা কল্যাণকর আল্লাহর উপর তা করা ওয়াজিব। অতএব হেদায়েত মানুষের জন্য

কল্যাণকর বিধায় সকলকে হেদায়েত করা আল্লাহর উপর ওয়াজিব। তাদের বক্তব্য ঠিক নয় এ কারণে যে, কুরআনে কারীমে আল্লাহু তা'আলা হেদায়েতকে তাঁর ইচ্ছাধীন বলেছেন।

* আল্লাহর ইরাদা অনাদিকাল থেকে বিদ্যমান। যা কিছু তিনি ভবিষ্যতে নির্দিষ্ট সময়ে সৃষ্টি করবেন বা যা তাঁর সৃষ্টির মধ্যে যথাসময়ে ঘটবে তার সাথে তাঁর ইচ্ছা ও ইরাদা অনাদিকাল থেকেই বিজড়িত রয়েছে।

৩৭. الرَّشِيدُ (আর-রাশীদু)- সত্যদর্শী;

* তিনি শুধু পরকালের বিষয়ে পথ প্রদর্শনকারী নন বরং তিনি আর-রাশীদু বা জগতের পথ প্রদর্শনকারী অর্থাৎ, দ্বীনী ও দুনিয়াবী যাবতীয় বিষয়ে পথ প্রদর্শনকারী। এবং তাঁর যাবতীয় পদক্ষেপ সত্য ও সঠিক। তিনি সত্যদর্শী (আর-রাশীদু)।

৩৮. الْمُحْيِي (আল-মুহ্যী)-জীবনদাতা;

* সৃষ্টির সবকিছুর মধ্যে জীবন সঞ্চারণকারীও তিনি। তিনিই জীবনদাতা (আল-মুহ্যী)। অন্য কেউ জীবনদাতা (আল-মুহ্যী) নয়। তিনি ব্যতীত কোন প্রাণীর মধ্যে আপনা আপনি কোন বিবর্তন প্রক্রিয়ায় বা প্রাকৃতিক নিয়মের অধীনে জীবন সঞ্চারণিত হয়নি। যারা ডারউইন উদ্ভাবিত বিবর্তন প্রক্রিয়ায় মানব জীবন সৃষ্টি হওয়ার প্রবক্তা, তারা আল্লাহর এই ছিফাতকে অস্বীকারকারী কাফের।

৩৯. الْوَاحِدُ (আল-ওয়াহিদু)-একক;

৪০. الْأَحَدُ (আল-আহাদু)-এক অদ্বিতীয়;

* তিনি একক। তাঁর কোন দ্বিতীয় অর্থাৎ, শরীক বা সমকক্ষ নেই।^১

১. অধিকাংশ উলামায়ে কেরামের মতে وَاحِدٌ ও أَحَدٌ সমার্থবোধক। কেউ কেউ এতদুভয়ের মধ্যে বিভিন্ন ভাবে পার্থক্য করেছেন। এ ব্যাপারে বিভিন্ন জনের বিভিন্ন উক্তি রয়েছে। যথাঃ

(১) وَاحِدٌ বা একক হল সত্তার ক্ষেত্রে আর أَحَدٌ হল গুণাবলীর ক্ষেত্রে।

(২) وَاحِدٌ অনাদিত্ব ও অনন্ততা বোঝায় আর أَحَدٌ গুণাবলীর ক্ষেত্রে অদ্বিতীয়তার ইংগিত বহন করে।

(৩) وَاحِدٌ সৃষ্টির ও কর্মের ক্ষেত্রে শরীক না থাকা বোঝায়।

এখানে সৃষ্টিকর্মে শরীক না থাকার কথা বর্ণনার ক্ষেত্রে وَاحِدٌ গুণটি ব্যবহার করা হয়েছে। আর أَحَدٌ অনাদিত্ব ও অনন্ততা জ্ঞাপন করে। ৥

* তাওহীদ বা আল্লাহর একত্বে বিশ্বাস করতে হবে। এই তাওহীদ বা একত্ব আল্লাহর সত্তার ক্ষেত্রে যেমন, তাঁর গুণাবলী ও ইবাদতের ক্ষেত্রেও তেমন। অর্থাৎ,

১. আল্লাহর সত্তা যেমন এক, তাঁর সত্তায় যেমন কেউ শরীক নেই,
২. তেমনিভাবে তাঁর গুণাবলীতেও কেউ শরীক নেই এবং
৩. একমাত্র তাঁরই ইবাদত করতে হবে, ইবাদতেও তাঁর সাথে কাউকে শরীক করা যাবে না।

* আর যখন তাঁর শরীক না থাকা প্রমাণিত তখন তাঁর সন্তানাদি না থাকাও প্রমাণিত। কেননা পুত্র পিতার শ্রেণীভুক্তই হয়ে থাকে। অতএব আল্লাহর পুত্র থাকলে সেও খোদায়ীতে শরীক থাকবে। অথচ আল্লাহ শরীক থেকে পবিত্র।

* তাওহীদের বিপরীত হল শিরক। অতএব একাধিক মা'বুদে বিশ্বাস করা শিরক। যেমন অগ্নিপূজক সম্প্রদায় কল্যাণের মা'বুদ হিসেবে 'ইয়াযদান' এবং অকল্যাণের মা'বুদ হিসেবে 'আহরামান' কে বিশ্বাস করে। এটা শিরক। এমনভাবে খৃষ্টানরা তিন খোদা-এর প্রবক্তা। উক্ত তিন খোদা হলঃ পিতা অর্থাৎ, আল্লাহ, পুত্র অর্থাৎ, ঈসা (যীশু) [আঃ] এবং পবিত্রাত্মা অর্থাৎ, হযরত জিব্রাঈল (আঃ) বা মতান্তরে মরিয়াম (মেরি) [আঃ]।

হিন্দুগণ ব্রহ্মাকে সৃষ্টিকর্তা, বিষ্ণুকে পালনকর্তা এবং মহাদেবকে সংহারকর্তা বলে মানে; এভাবে তারা একাধিক ভগবানে বিশ্বাসী। এছাড়াও তারা বহু দেবদেবীতে বিশ্বাস করে, তারা প্রায় ৩৩ কোটি দেবতায় বিশ্বাস করে। এটা শিরক।

এমনিভাবে আল্লাহর গুণাবলীতে কোন সৃষ্টিকে শরীক করা, যেমন মানুষের কোন কল্যাণ সাধন কিংবা বিপদ মোচন ইত্যাদি বিষয়ে কোন সৃষ্টিকে ক্ষমতাপ্রাপ্ত মনে করা, এটা শিরক।

এমনি ভাবে আল্লাহর সাথে ইবাদতে কাউকে শরীক করাও শিরক, যেমন জলের (অর্থাৎ, গঙ্গার), সূর্যের, রামের, যীশুর, দেবতার ইত্যাদির পূজা করা শিরক।

৪১. الْمُقَبِّتُ (আল-মুকীতু)-আহার্যদাতা;

৪২. الرَّزَّاقُ (আল-আররায্যাকু)-রিযিকদাতা;

* আল্লাহ তা'আলা মাখলূকের আহার্য দানকারী। শারীরিক ও আর্থিক উভয় ধরনের আহার্য এর অন্তর্ভুক্ত।

* আল্লাহ তা'আলা রায্যাক অর্থাৎ, রিযিক সৃষ্টিকারী ও রিযিক দানকারী। ইন্দ্রীয়গাহ্য ও অতিরিন্দ্রীয় সব ধরনের রিযিক এর অন্তর্ভুক্ত। আল্লাহ তা'আলা যত মাখলুক সৃষ্টি করেছেন ও করবেন সকলের রিযিকের দায়িত্ব তিনি গ্রহণ করেছেন।

* প্রত্যেকে তার জন্য বরাদ্দকৃত রিযিক পুরোপুরি অর্জন করবে। কেউ তার রিযিক গ্রহণ করবে না বা অন্য কেউ তার রিযিক গ্রহণ করবে তা সম্ভব নয়। কারণ আল্লাহ যার জন্য যে রিযিক বরাদ্দ করেছেন অবশ্যই সে সেটা গ্রহণ করবে অন্য কারও পক্ষে সেটা গ্রহণ করা সম্ভব নয়। রিযিক বলতে হালাল হারাম উভয়টাকে বোঝায়। কেননা রিযিক বলা হয় যা আল্লাহ কোন প্রাণীর জন্য প্রেরণ করেন ও তার কাছে পৌঁছান। তবে সেটি হারাম হলে আল্লাহ তা পছন্দ করেন না।

৪৩. الْبَاسِطُ (আল-বাসিতু)-সম্প্রসারণকারী;

৪৪. الْفَاضِلُ (আল-ফাবিযু)- সংকোচনকারী;

* রিযিকের হ্রাস-বৃদ্ধি আল্লাহর হাতে, তিনি যার জন্য ইচ্ছা রিযিক বৃদ্ধি করে দেন। তিনি সম্প্রসারণকারী (আল-বাসিতু)।

* যার জন্য ইচ্ছা হ্রাস করে দেন। তিনি সংকোচনকারী। তবে এই সংকোচন বা সম্প্রসারণ তাঁর হেকমতের ভিত্তিতে হয়ে থাকে, স্বেচ্ছাচারিতার ভিত্তিতে নয়।

৪৫. الْفَاتِحُ (আল-ফাতাহু)- উন্মুক্তকারী;

* যাদের রিযিক বন্ধ আছে তাদের রিযিকের দুয়ার আল্লাহ তা'আলা খুলে দেন। এমনিভাবে যেকোন বিপদ-আপদ থাকলে বিপদের গিরা আল্লাহ তা'আলা খুলে দেন। তিনি উন্মুক্তকারী।

৪৬. الْخَفِیْظُ (আল-হাফীযু)-সংরক্ষণকারী;

* বিপদ আসার পর তা থেকে তিনি উদ্ধার করেন, আবার বিপদ-মুসীবত আসার পূর্বেও তা থেকে তিনি বান্দাকে হেফাযত ও রক্ষা করেন। তিনি সংরক্ষণকারী।

৪৭. الْمُؤْمِنُ (আল-মু'মিনু)-নিরাপত্তা বিধায়ক;

* তিনি শুধু বিপদ-আপদ থেকে উদ্ধার করা নয় বরং যাবতীয় বিপদ-আপদ থেকে উদ্ধার এবং মাখলুকের জন্য নিরাপত্তা প্রদান ও নিরাপত্তার সরঞ্জাম যোগান দানকারী। এ অর্থে তিনি নিরাপত্তা বিধায়ক।

৪৮. **السَّلَامُ** (আস্-সালাম) নিরাপদ, শান্তিময়;

* তাঁকে বিপদ থেকে উদ্ধার করার প্রয়োজন হয়না। বরং তিনি নিজে বিপদ-আপদ ও দোষ ত্রুটি থেকে মুক্ত ও নিরাপদ এবং শান্তি দানকারী। তিনি নিরাপদ ও শান্তিময়।

৪৯. **الْمُهَيِّمُ** (আল-মুহাইমিনু)-রক্ষক, নেগাহবান;

* আল্লাহ্ তা'আলা সব জিনিসের নেগাহবান ও পাহারাদার। তিনি সকলের সব অবস্থার প্রতি স্বয়ং লক্ষ্য রাখেন।

৫০. **الْوَالِي** (আল-ওয়ালী)-অধিপতি; অভিভাবক;

* শুধু রিযিক প্রদান, বিপদ-আপদ থেকে উদ্ধার ও রক্ষা নয়, তিনি সবকিছুর অধিপতি ও অভিভাবক, সবকিছুর ব্যবস্থাপক, সবকিছু সম্পাদনকারী।

৫১. **الْوَكِيلُ** (আল-ওয়াকীলু)- কর্মবিধায়ক;

* আল্লাহ্ তা'আলা কর্মবিধায়ক অর্থাৎ, তাঁর নিকট যা কিছু সোপর্দ করা হয় তিনি তা সম্পাদনকারী। সে মতে আল্লাহ্‌র উপর কেউ ভরসা করলে তিনি তার কর্ম সম্পাদন করে দেন।

৫২. **الْوَهَّابُ** (আল-ওয়াহ্‌হাবু)- মহানুভবদাতা;

* আল্লাহ্ তা'আলা তাঁর মাখলুককে যা কিছু দেন এক্ষেত্রে তাঁর কোন উদ্দেশ্য বা স্বার্থ নেই, দুনিয়াতে একজন আরেকজনকে দেয়ার পশ্চাতে যেমন কোন উদ্দেশ্য বা স্বার্থ থাকে। আল্লাহ্ তা'আলা কোন উদ্দেশ্য বা স্বার্থ বা বিনিময় ছাড়াই দিয়ে থাকেন। তিনি হলেন মহানুভবদাতা।

৫৩. **الْكَرِيمُ** (আল-কারীমু)-উদারদাতা;

* আল্লাহ্ তা'আলার দানের জন্য সওয়াল করারও প্রয়োজন হয় না। তিনি সওয়াল ছাড়াই নিজ উদারতায় দান ও অনুগ্রহ করে থাকেন। তিনি উদারদাতা।

৫৪. **الْغَنِيُّ** (আল-গানিয়্যু)- অভাবমুক্ত; মুখাপেক্ষীহীন;

* মাখলুকের রিযিক পৌছাতে গিয়ে এবং অন্য কাজ সম্পাদন করতে গিয়ে তাঁর কখনও অভাব দেখা দেয় না, তিনি অভাব মুক্ত। এমনভাবে কোন কাজ সম্পাদন করতে গিয়ে তিনি কারও মুখাপেক্ষীও হন না। তিনি মুখাপেক্ষীহীন।

আসমান জমিনের সবকিছুর যিনি মালিক তাঁর অভাব হতে পারার ধারণা অমূলক। তিনি অভাবী হতে পারেননা।

৫৫. الْمُعْنَى (আল-মুগ্নী)-অভাব মোচনকারী;

* আল্লাহর অভাব হওয়ার প্রশ্ন ওঠে না বরং তিনি সকলের অভাব মোচনকারী অর্থাৎ, তিনি আল-মুগ্নী।

৫৬. الْوَاجِدُ (আল-ওয়াজিদু)-প্রাপক;

* আল্লাহ তা'আলা যা চান তাই পান অর্থাৎ, তাই হয়। এ অর্থে তিনি প্রাপক। কোন কিছু তাঁর থেকে অব্যাহতি পায় না, কোন কিছু তাঁর পর্যন্ত পৌঁছতে সক্ষম নয়। অথবা এর ব্যাখ্যা হল তিনি কারও মুখাপেক্ষী নন।

৫৭. النَّافِعُ (আননাফিউ)-কল্যাণকারী;

৫৮. الصَّارِعُ (আয্যাররু)-অকল্যাণের মালিক;

* তিনি কল্যাণ অ-কল্যাণ সবটার মালিক। তিনি যেমন কল্যাণকারী তেমনি অকল্যাণকারীও। কল্যাণ অকল্যাণ উভয়টা তাঁর হাতে।

৫৯. الْبَرُّ (আল-বারু)-নেকময়;

* কল্যাণ-অ-কল্যাণ সবই আল্লাহর হাতে, তবে তিনি কারও অকল্যাণ করেন না বরং তিনি সকলের সাথে কল্যাণের আচরণ এবং নেকীর মুআমালা করেন তিনি নেকময়। অতএব যার ব্যাপারে আল্লাহ যা করেন তার মধ্যেই তার জন্য কল্যাণ নিহিত।

৬০. الْمُمِيتُ (আল-মুমীতু)-মৃত্যুদাতা;

* আল্লাহ তা'আলা যেমন জীবনদাতা, তেমনি মৃত্যুদাতাও তিনি। নির্ধারিত সময়ে প্রত্যেকের মৃত্যু ঘটবে। কিয়ামতের সময় শিঙ্গায় ফুৎকারের মাধ্যমে সকলের মৃত্যু ঘটবে।

৬১. الْوَارِثُ (আল-ওয়ারিসু)-স্বত্বাধিকারী;

* শিঙ্গায় ফুৎকার দেয়ার পর যখন সবকিছু ধ্বংস হয়ে যাবে, তখন একমাত্র তিনিই থাকবেন সবকিছুর স্বত্বাধিকারী এবং মালিক। বাহ্যিকভাবে যারা দুনিয়ার অনেক কিছুর মালিক বলে মনে হত, তাদের কারও তখন কোন অস্তিত্বও থাকবে না।

৬২. الْمُعِيدُ (আল-মুঈদু)-পুনঃসৃষ্টিকারী;

৬৩. الْبَاعِثُ (আল-বাইছু)-পুনরুত্থানকারী;

৬৪. الْجَامِعُ (আল-জামিউ)-একত্রকরণকারী;

* তারপর তিনি সকলকে পুনরায় সৃষ্টি করবেন। তিনি পুনঃসৃষ্টিকারী। শিঙ্গায় দ্বিতীয় ফুৎকার দেয়ার পর সকলে পুনরায় জীবন লাভ করবে।

* তারপর তিনি সকলের পুনরুত্থান ঘটাবেন। তিনি পুনরুত্থানকারী।

* পুনরুত্থান পূর্বক তিনি সকলকে হাশরের ময়দানে হিসাব-নিকাশের জন্য একত্রিত করবেন। তিনি একত্রকরণকারী।

৬৫. الْحَسِيبُ (আল-হাসীবু)-হিসাব গ্রহণকারী;

৬৬. الْمُحْصِي (আল-মুহসী)-পুংখানুপুংখ হিসাব গ্রহণকারী;

* কিয়ামতের ময়দানে সকলকে একত্রিত করে তিনি সকলের হিসাব গ্রহণ করবেন। তিনি হিসাব গ্রহণকারী।

* এই হিসাব হবে পুংখানুপুংখ রূপে। সে হিসাবে থাকবেনা বিন্দুমাত্র ত্রুটি। কেননা তিনি পুংখানুপুংখ হিসাব গ্রহণকারী। আল-মুহসী-এর আর এক অর্থ হল জগতের সৃষ্টিসমূহের যাবতীয় গণনা ও পরিমিতির ব্যাপারে তিনি সম্যক জ্ঞানী। তাঁর জ্ঞানের আওতা থেকে ক্ষুদ্র-বৃহৎ কোন কিছুই বহির্ভূত নয়।

৬৭. الشَّهِيدُ (আশ্-শাহীদু)-প্রত্যক্ষকারী;

* সবকিছুর পুংখানুপুংখ হিসাব নেয়ার জন্য সবকিছুর যাহের বাতেন প্রত্যক্ষ করা আবশ্যিক এবং এজন্য তার সর্বত্র হাযির নাযির থাকা আবশ্যিক। আল্লাহ তা'আলা সর্বত্র হাযির নাযির এবং তিনি সবকিছুর প্রত্যক্ষকারী। (কেউ কেউ বলেছেন যাহিরী বিষয় জাননেওয়ালাকে আশ্-শাহীদু বলে এবং বাতিনী বিষয় জাননেওয়ালাকে খাবীর বলে।)

৬৮. الرَّقِيبُ (আর্-রাকীবু)-পর্যবেক্ষণকারী;

* তিনি শুধু প্রত্যক্ষ করেননা বরং ভালভাবে পুংখানুপুংখ প্রত্যক্ষ করেন অর্থাৎ, পর্যবেক্ষণ করেন। তিনি পর্যবেক্ষণকারী।

৬৯. الْحَكَمُ (আল-হাকামু)-মীমাংসাকারী;

৭০. الْعَدْلُ (আল-আদলু)-ন্যায়নিষ্ঠ;

৭১. الْمُقْسِطُ (আল-মুকসিতু)-ন্যায়পরায়ণ;

* হিসাব গ্রহণ পূর্বক তিনি ভাল-মন্দ, ন্যায়-অন্যায় সবকিছুর মীমাংসা করবেন। তিনি হলেন মীমাংসাকারী।

* আল্লাহর মীমাংসা অত্যন্ত ন্যায়নিষ্ঠতার সাথে হবে। তিনি ন্যায়নিষ্ঠ ও ন্যায়পরায়ণ।

৭২. الشَّكُورُ (আশ্-শাকুরু)-গুণগ্রাহী;

* তাঁর ন্যায্য বিচারে যে নেককার ও ভাল সাব্যস্ত হবে, তিনি তাকে পুরস্কৃত করবেন। তিনি গুণগ্রাহী। তিনি গুণের মূল্যায়ন করবেন। দুনিয়াতেও

তিনি নেক কাজের কিছু পুরস্কার ও বদকাজের কিছু শাস্তি দিয়ে থাকেন। তবে পূর্ণ পুরস্কার ও পূর্ণাঙ্গ শাস্তি দিবেন পরকালে।

৭৩. الْوَلِيُّ (আল-ওয়ালিয়া)-সাহায্যকারী, বন্ধু, অভিভাবক;

* আখেরাতে আল্লাহ তা'আলা মুমিনদেরকে শাস্তি দান করবেন এবং সাহায্য করবেন। তিনি সাহায্যকারী অভিভাবক অর্থাৎ, মুমিনদের সাহায্যকারী ও মুমিনদের অভিভাবক। দুনিয়াতেও আল্লাহ তা'আলা মুমিনদের অভিভাবক।

৭৪. ذُو الْجَلَالِ وَالْإِكْرَامِ (যুল জালালি ওয়াল ইক্রাম)

আযমত ও জালালের অধিকারী, একরাম করনেওয়ালা ;

* তিনি আযমত ও জালালের অধিকারী অর্থাৎ, তিনি মহিমাময়। তাঁর আযমত ও জালালের সামনে যারা আনুগত্য প্রদর্শন করে এবং তাঁর এতায়াত করে, তিনি তাদের সম্মানিত ও পুরস্কৃত করবেন কারণ তিনি মহানুভব, একরাম করনেওয়ালা।

৭৫. الْوَدُودُ (আল-ওয়াদুদু)-প্রেমময়;

* নেককার লোক এবং নেক কাজকে তিনি ভালবাসেন। এ অর্থে তিনি প্রেমময়।

৭৬. الْمُقَدِّمُ (আল-মুকাদ্দিমু)-অগ্রবর্তীকারী;

৭৭. الْمُؤَخِّرُ (আল-মুআখখিরু)-পশ্চাদবর্তীকারী;

* যারা আল্লাহর দোস্ত তাদেরকে তিনি অগ্রবর্তী করে দেন, তিনি অগ্রবর্তীকারী। আর যারা তাঁর দুশমন, তাদেরকে তিনি পশ্চাদবর্তী করে দেন। তিনি পশ্চাদবর্তীকারী।

৭৮. الْمُنتَقِمُ (আল-মুনতাকিমু)-শাস্তিদাতা;

* নেককার, দোস্ত ও আপন লোকদেরকে তিনি পুরস্কার দান করবেন। পক্ষান্তরে যে বদকার সাব্যস্ত হবে, তাকে তিনি শাস্তি প্রদান করবেন। তিনি হলেন শাস্তিদাতা।

৭৯. الصَّبُورُ (আস্ সাবুরু)-ধৈর্যশীল;

৮০. الْحَلِيمُ (আল-হালীমু)-সহিষ্ণু;

* আল্লাহ তা'আলা পাপের কারণে শাস্তিদাতা। তবে দুনিয়াতে তিনি সব পাপের কারণে শাস্তি দেননা। কারণ তিনি ধৈর্যশীল ও সহিষ্ণু। ধৈর্য ও সহিষ্ণুতার মধ্যে পার্থক্য হল ধৈর্যগুণ যখন নিয়মিত অভ্যাসে পরিণত হয়, তখন সেটাকে সহিষ্ণুতা বলে আখ্যায়িত করা হয়।

৮১. الْعَفْوُ (আল-‘আফুউ)- ক্ষমাকারী;

৮২. الْغَفَّارُ (আল-গাফ্ফারু) পরম ক্ষমাশীল;

৮৩. الْغَفُورُ (আল-গাফুরু)- পরম ক্ষমাকারী;

* আখেরাতে যারা শাস্তি পাওয়ার যোগ্য, তাদের অনেককে আল্লাহ তা‘আলা ক্ষমা করে দিবেন। আল্লাহ তা‘আলা ক্ষমাশীল। ক্ষমার গুণ আল্লাহ তা‘আলার অত্যন্ত বেশী। তিনি পরম ক্ষমাশীল। শিরক ব্যতীত আর সব ধরনের পাপ যার জন্য ইচ্ছা তিনি ক্ষমা করবেন বলে কুরআনে ঘোষণা দিয়েছেন।

৮৪. التَّوَّابُ (আত-তাওয়াবু)-তওবা কবুলকারী;

৮৫. الْمُجِيبُ (আল-মুজীবু)- কবুলকারী;

* ক্ষমা পাওয়ার জন্য আল্লাহ তা‘আলা তওবার নিয়ম করে রেখেছেন। কেউ তওবা করলে আল্লাহ তা‘আলা তার তওবা কবুল করেন। তিনি তওবা কবুলকারী।

* শুধু তওবা নয় যে কোন বিষয়ে দুআ করলে আল্লাহ তা‘আলা তার দুআ কবুল করেন। তিনি কবুলকারী (আল-মুজীবু)।

৮৬. الرَّحِيمُ (আর রহীমু)- অতি দয়ালু;

৮৭. الرَّحْمَنُ (আর রহমানু)-অত্যন্ত দয়াময়;

* সবকিছু আল্লাহর দয়ায় সংঘটিত হয়, কোন কিছু আল্লাহর উপর জরুরী নয়। আল্লাহর উপর কোন কিছু ওয়াজিব বা অবশ্যকরণীয় বলা হলে আল্লাহর এখতিয়ার রহিত হওয়া অবধারিত হয়ে যায়।

৮৮. الرَّؤُفُ (আর-রাউফু) সীমাহীন দয়ালু ;

* রহমত ও দয়াগুণ তাঁর মধ্যে সীমাহীন। তিনি সীমাহীন দয়ালু।

৮৯. الْقُدُّوسُ (আল-কুদ্দুসু) পবিত্র;

* আল্লাহ তা‘আলার সত্তা, তাঁর গুণাবলী ও যাবতীয় কর্ম দোষত্রুটি মুক্ত। তিনি সব ধরনের দোষত্রুটি থেকে পবিত্র (الْقُدُّوسُ)।

৯০. الْجَلِيلُ (আল-জালীলু)- পূর্ণাঙ্গ মহিমাময় ;

* দোষত্রুটি থেকে পবিত্রতা, অনপেক্ষ হওয়ার পরম স্তরে তিনি উন্নীত। তিনি পূর্ণাঙ্গ মহিমাময়।

৯১. الْمَجِيدُ (আল-মাজীদু)- গৌরবময়;

* আল্লাহ তা‘আলার সত্তা, তার গুণাবলী ও কর্ম দোষত্রুটিমুক্ত তো নয়ই বরং আল্লাহর সত্তা, তাঁর গুণাবলী ও যাবতীয় কর্মে তিনি বুয়ুগীর অধিকারী অর্থাৎ, গৌরবময়।

৯২. **الْمُكَبِّرُ** (আল-মুতাকব্বির)- সুউচ্চ, সমুচ্চ গৌরবময়তার অধিকারী;

* আল্লাহ তাআলা তাঁর বুয়ুগী ও গৌরবময়তায় অত্যন্ত উঁচু স্তরে উন্নীত।

তিনি সমুচ্চ মর্যাদার অধিকারী, সুউচ্চ, সুমহান।

৯৩. **الْمُتَعَالَى** (আল-মুতাআলী)-সর্বোচ্চ মর্যাদাবান;

* আল্লাহ তাআলা আলীশান, অর্থাৎ, তিনি তাঁর বুয়ুগী ও গৌরবময়তায় এমন উঁচু মর্যাদার স্তরে উন্নীত, যে পর্যন্ত কারও পৌছা সম্ভব নয়।

৯৪. **الْمَاجِدُ** (আল-মাজীদু)- এককতম মহান;

* আল্লাহ তাআলা তাঁর সত্তা, গুণাবলী ও কর্মের বুয়ুগী এবং গৌরবময়তায় একক। এ ক্ষেত্রে অন্য কেউ তাঁর শরীক নেই। তিনি আল-মাজীদু।

৯৫. **الصَّمَدُ** (আস্ সমাদু)-অনপেক্ষ;

* আল্লাহ তাঁর সত্তা, কর্ম ও গুণাবলী কোন ক্ষেত্রেই কারও মুখাপেক্ষী নন বরং তিনি অনপেক্ষ। কোন ব্যাপারেই তিনি কারও মুখাপেক্ষী নন। বরং অন্য সকলে তাঁর মুখাপেক্ষী।

৯৬. **الْحَمِيدُ** (আল-হামীদু)-প্রশংসিত;

* আল্লাহ তাআলা তাঁর সত্তা, গুণাবলী ও কর্মের প্রেক্ষিতে প্রশংসার্য। অর্থাৎ, তিনি তাঁর সত্তা, গুণাবলী ও কর্মে এমন বুয়ুগী বা গৌরবময়তার অধিকারী, যার প্রেক্ষিতে তিনি প্রশংসা পাওয়ার যোগ্য।

৯৭. **الْكَبِيرُ** (আল-কাবীর)-সর্বাধিক বড়ত্বের অধিকারী;

* আল্লাহ তাআলা সর্বাধিক বড়ত্বের অধিকারী; যার চেয়ে বড় কারও কল্পনা করা যায় না।

৯৮. **الْعَلِيُّ** (আল-আলিয়া)- সর্বোচ্চ মর্যাদাবান;

* আল্লাহ তাআলা সর্বোচ্চ মর্যাদাবান। যার উপর আর কারও মর্যাদা হতে পারে না।

৯৯. **الْعَظِيمُ** (আল-আযীমু)-সর্বোচ্চ মাহারের অধিকারী;

* আল্লাহ তাআলা সর্বোচ্চ মাহারের অধিকারী; যার মাহারের স্তরে কারও পক্ষে পৌছা সম্ভব নয়।

পবিত্র কুরআন ও হাদীছে এ ছাড়া আল্লাহ তাআলার আরও কিছু গুণবাচক নামের উল্লেখ পাওয়া যায়। যেমন-

১. الرَّبُّ (আর রব্বু)- প্রতিপালক; ২. الْمُنْعِمُ (আল মুন্ইমু)- নিয়ামত দানকারী; ৩. الْمُعْطِي (আল মু'তী) দাতা; ৪. الصَّادِقُ (আস্ সাদিকু)- সত্যবাদী; ৫. السَّتَّارُ (আস্ সাত্তারু)- গোপনকারী।

* 'আল-আহমাউল হুছনা'-র যথাযথ বাংলা অনুবাদ হয়না। এখানে যে বাংলা অনুবাদ দেয়া হয়েছে তা ইংগিত মাত্র। আল-আহমাউল হুছনার মধ্য থেকে কিছু সংখ্যক গুণাবলী আল্লাহর জন্য সত্তাগত, অনাদি-অনন্ত ব্যাপক ও অসীম। আর মানুষের জন্য এগুলো আল্লাহ প্রদত্ত অস্থায়ী ও সীমিত।

* কুরআনের বিভিন্ন স্থানে আল্লাহর কতক অঙ্গ-প্রত্যঙ্গের উল্লেখ রয়েছে। যেমন- يَدٌ হাত, وَجْهٌ মুখমণ্ডল, عَيْنٌ চক্ষু। এগুলোর তাৎপর্য সম্বন্ধে আহলে সুন্নাত ওয়াল জামা'আতের অভিমত এই যে, আল্লাহ তা'আলার জাত (সত্তা) ও হিফাত (গুণাবলী) সম্পর্কে আল্লাহ এবং তাঁর রাসূল সাল্লাল্লাহু আলাইহি ওয়াসাল্লাম যা বলেছেন, তার উপর ঈমান রাখতে হবে। আল্লাহর এসব অঙ্গ-প্রত্যঙ্গ আমাদের অঙ্গ-প্রত্যঙ্গের মত নয়, আল্লাহ যেমন তাঁর অঙ্গ-প্রত্যঙ্গও তাঁর শান উপযোগী। এর চেয়ে বিস্তারিত আমাদের জানা নেই।

মুসলমানদের আরও কতিপয় আকীদা

মে'রাজ সম্বন্ধে আকীদা :

আমাদের নবী হযরত মুহাম্মাদ সাল্লাল্লাহু আলাইহি ওয়াসাল্লামকে আল্লাহ তা'আলা একদা রাতে জাগরিত অবস্থায় স্ব-শরীরে মক্কা শরীফ থেকে বায়তুল মুকাদ্দাস পর্যন্ত নিয়ে যান। সেখান থেকে সাত আসমানের উপর এবং সেখান থেকেও আরও উপরে যতদূর আল্লাহর ইচ্ছা নিয়ে যান। সেখানে আল্লাহর সাথে রাসূল সাল্লাল্লাহু আলাইহি ওয়াসাল্লাম কথাবার্তা বলেন। তখনই পাঁচ ওয়াস্ত নামাযের বিধান দেয়া হয় এবং সেই রাতেই রাসূল সাল্লাল্লাহু আলাইহি ওয়াসাল্লাম আবার দুনিয়াতে প্রত্যাবর্তন করেন। একে মে'রাজ বলে।

আরশ কুরছী সম্বন্ধে আকীদা :

'আরশ' অর্থ চেয়ার বা আসন। আল্লাহ যেমন, তাঁর আরশ এবং কুরছীও তেমনই শানের হয়ে থাকবে। সপ্তম আসমানের উপর আরশ ও কুরছী অবস্থিত। হাদীছের বর্ণনা অনুযায়ী আরশ কুরছী এত বিশাল যে, তা সমগ্র আকাশ ও জমিনকে পরিবেষ্টন করে রেখেছে। এখানে উল্লেখ্য যে, আল্লাহ পাক কোন মাখলূকের ন্যায় উঠা-বসা করেন না এবং তিনি কোন নির্দিষ্ট স্থানে

সীমাবদ্ধ নন। মাখলূকের কোন কার্যকলাপ ও আচার-আচরণের সাথে আল্লাহর কোন কার্যকলাপ ও আচার-আচরণের তুলনা হয় না। তারপরও তাঁর আরশ কুরছী থাকার কি অর্থ, তা অনুধাবন করা মানব জ্ঞানের উর্ধ্বে। আমাদেরকে শুধু আরশ কুরছী সম্বন্ধে আকীদা বিশ্বাস রাখতে হবে।

আল্লাহর দীদার সম্বন্ধে আকীদা :

আল্লাহর দীদার বা আল্লাহকে দেখা সম্বন্ধে ইসলামের আকীদা হল দুনিয়ায় থেকে জাগ্রত অবস্থায় এই চর্ম চক্ষুর দ্বারা কেউ আল্লাহকে দেখতে পারেনি এবং পারবে না। তবে বেহেশতবাসীগণ বেহেশতে গিয়ে আল্লাহর দীদার (দর্শন) লাভ করবেন। বেহেশতের অন্যান্য নেয়ামতের তুলনায় এই নেয়ামত (আল্লাহর দীদার) সর্বাপেক্ষা উৎকৃষ্ট ও উপাদেয় মনে হবে। উল্লেখ্য যে, স্বপ্নে আল্লাহকে দেখা যায়, তবে সেটাকে দুনিয়ার চর্ম চক্ষু দ্বারা দেখা বলা হয় না।

কিয়ামতের আলামত সম্বন্ধে আকীদা :

হাদীছে কিয়ামতের বহু ছোট ছোট আলামত বর্ণিত হয়েছে যা দেখে বোঝা যাবে যে, কিয়ামত তথা দুনিয়ার ধ্বংস হওয়ার সময় নিকটবর্তী হয়ে গেছে। এই সব আলামতের মধ্যে রয়েছে যেমনঃ লোকেরা ওয়াক্ফ ইত্যাদি খোদায়ী মালকে নিজের মালের মত মনে করে ভোগ করতে থাকবে, যাকাত দেয়াকে দন্ড স্বরূপ মনে করবে, আমানতের মালকে নিজের মাল মনে করে তাতে হস্তক্ষেপ করবে, পুরুষ স্ত্রীর তাবেদারী করবে, মায়ের নাফারমানী করবে, পিতাকে পর মর্নে করবে, বন্ধু-বান্ধবকে আপন মনে করবে, খারাপ ও বদ লোকেরা রাজত্ব ও সরদারী করবে, অযোগ্য লোকেরা বিভিন্ন কাজের দায়িত্ব প্রাপ্ত হবে, লোকেরা জুলুমের ভয়ে জালেমের তায়ীম সম্মান করবে, নাচ গান ও বাদ্য বাজনার প্রচলন খুব বেশী হবে ইত্যাদি। এগুলোকে বলা হয় কিয়ামতের “আলামতে ছুগরা” বা কিয়ামতের ছোট ছোট আলামত।

কুরআন ও হাদীছে কিয়ামতের কিছু বড় বড় আলামত বর্ণিত হয়েছে, যেগুলোকে “আলামতে কুবরা” বা বড় বড় আলামত বলা হয়। এগুলোর মধ্যে রয়েছে হযরত মাহ্‌দীর আবির্ভাব, দাঙ্কালের-আবির্ভাব, আকাশ থেকে হযরত দ্বিসা (আঃ)-এর দুনিয়াতে অবতরণ, ইয়াজ্জ-মাজ্জের আবির্ভাব, দাঙ্কাতুল আর্দ-এর বহিঃপ্রকাশ, পশ্চিম দিক থেকে সূর্যোদয় ইত্যাদি। হযরত মাহ্‌দীর আবির্ভাবের পর থেকে কিয়ামতের বড় বড় আলামত জাহির হওয়া শুরু হবে।

হযরত মাহ্দী সম্বন্ধে আকীদা :

কিয়ামতের ছোট ছোট আলামত প্রকাশিত হওয়ার পর একটা সময় এমন আসবে, যখন কাফেরদের প্রভাব খুব বেশী হবে, চতুর্দিকে নাসারাদের রাজত্ব কায়েম হবে, খায়বারের নিকট পর্যন্ত নাসারাদের আমলদারী হবে। এমন সময় মুসলমানগণ তাদের বাদশা বানানোর জন্য হযরত মাহ্দীকে তালাশ করবেন এবং এক পর্যায়ে কিছু সংখ্যক নেক লোক মক্কায় বায়তুল্লাহ শরীফে তওয়াফরত অবস্থায় হাজরে আসওয়াদ ও মাকামে ইবরাহীমের মাঝখানে তাঁকে চিনতে পারবেন এবং তাঁর হাতে বায়আত করে তাঁকে খলীফা নিযুক্ত করবেন। এ সময় তাঁর রয়স হবে ৪০ বৎসর। ঐ সময় একটি গায়েবী আওয়াজ আসবে যে, “ইনিই আল্লাহর খলীফা-মাহ্দী।”

হযরত মাহ্দীর নাম হবে মুহাম্মাদ। তাঁর পিতার নাম হবে আবদুল্লাহ। তিনি ফাতেমা (রাঃ)-এর বংশোদ্ভূত অর্থাৎ, সাইয়্যেদ বংশীয় হবেন। মদীনা তাঁর জন্মস্থান হবে। তিনি বায়তুল মুকাদ্দাস হিজরত করবেন। তাঁর দৈহিক গঠন ও আখলাক-চরিত্র রাসূল (সাঃ)-এর অনুরূপ হবে। তিনি নবী হবেন-না তাঁর উপর ওহীও নাযিল হবে না। তিনি মুসলমানদের খলীফা হবেন এবং আধিপত্য বিস্তারকারী নাসারাদের বিরুদ্ধে জিহাদ পরিচালনা করবেন এবং তাদের দখল থেকে শাম, কনষ্ট্যান্টিনোপল (বর্তমান ইস্তাম্বুল) প্রভৃতি অঞ্চল জয় করবেন। তাঁর আমলে দাজ্জালের আবির্ভাব হবে এবং তাঁর আমলেই হযরত ঈসা (আঃ) অবতরণ করবেন। হযরত ঈসা (আঃ)-এর আগমনের পর তিনি ইন্তেকাল করবেন।

দাজ্জাল সম্বন্ধে আকীদা :

দাজ্জাল শব্দের অর্থ প্রতারক, ধোঁকাবাজ। আল্লাহ তা'আলা শেষ যমানায় লোকদের ঈমান পরীক্ষা করার জন্য একজন লোককে প্রচুর ক্ষমতা প্রদান করবেন। তার এক চোখ কানা আর এক চোখ টেরা থাকবে। চুল কৌকড়া ও লাল বর্ণের হবে, সে খাটো দেহের অধিকারী হবে। তার কপালে লেখা থাকবে ر ف ة অর্থাৎ, কাফের। সকল মু'মিনই সে লেখা পড়তে পারবে। ইরাক ও শাম দেশের মাঝখানে তার অভ্যুত্থান হবে। সে ইয়াহুদী বংশোদ্ভূত হবে। প্রথমে সে নবুওয়াতের দাবী করবে। তারপর ইস্পাহানে যাবে, সেখানে ৭০ হাজার ইয়াহুদী তার অনুগামী হবে, তখন খোদায়ী দাবী করবে। লোকেরা চাইলে সে বৃষ্টি বর্ষণ করে দেখাবে, মৃতকে পর্যন্ত জীবিত করে দেখাবে, কৃত্রিম

বেহেশ্ত দোযখ তার সঙ্গে থাকবে, কিন্তু প্রকৃতপক্ষে তার বেহেশ্ত হবে দোযখ আর তার দোযখ হবে বেহেশ্ত। সে আরও অনেক অলৌকিক কাজ দেখাতে পারবে, যা দেখে কাঁচা ঈমানের লোকেরা তার দলভুক্ত হয়ে জাহান্নামী হয়ে যাবে। এক ভীষণ ফেৎনা ও এক ভীষণ পরীক্ষা হবে সেটা। দাজ্জাল একটা গাধার উপর সওয়ার হয়ে ঝড়ের বেগে সমগ্র ভূখন্ডে বিচরণ করবে এবং মক্কা, মদীনা ও বায়তুল মুকাদ্দাস ব্যতীত (এসব এলাকায় সে প্রবেশ করতে পারবে না। ফেরেশতাগণ এসব এলাকার পাহারায় থাকবে।) সবস্থানে ফেৎনা বিস্তার করবে। হযরত মাহ্দীর সময় তার আবির্ভাব হবে। সে সময় হযরত ঈসা (আঃ) আকাশ থেকে অবতরণ করবেন এবং তাঁরই হাতে দাজ্জাল নিহত হবে। অভ্যুত্থানের পর দাজ্জাল সর্বমোট ৪০ দিন দুনিয়াতে থাকবে। দাজ্জালের ফেৎনা থেকে বাঁচার জন্য হাদীছে নিম্নোক্ত দু'আ শিক্ষা দেয়া হয়েছে :

اللَّهُمَّ إِنِّي أَعُوذُ بِكَ مِنْ فِتْنَةِ الْمَسِيحِ الدَّجَالِ -

অর্থাৎ, হে আল্লাহ, আমি তোমার নিকট দাজ্জালের ফেৎনা থেকে পানাহ চাই।

হযরত ঈসা (আঃ)-এর পৃথিবীতে অবতরণ সম্বন্ধে আকীদা :

দাজ্জালের বাহিনী বায়তুল মুকাদ্দাসের চতুর্দিকে ঘিরে ফেলবে এবং মুসলমানগণ আবদ্ধ হয়ে পড়বে। ইত্যবসরে একদিন ফজরের নামাযের ইকামত হওয়ার পর হযরত ঈসা (আঃ) আকাশ থেকে ফেরেশতাদের উপর ভর করে অবতরণ করবেন। বায়তুল মুকাদ্দাসের পূর্ব দিকের মিনারার নিকট তিনি অবতরণ করবেন এবং হযরত মাহ্দী উক্ত নামাযের ইমামতী করবেন। নামাযের পর হযরত ঈসা (আঃ) হাতে ছোট একটা বর্শা নিয়ে বের হবেন। তাঁকে দেখেই দাজ্জাল পলায়ন করতে আরম্ভ করবে। হযরত ঈসা (আঃ) তার পশ্চাদ্ধাবন করবেন এবং “বাবে লুদ” নামক স্থানে গিয়ে তাকে নাগালে পেয়ে বর্শার আঘাতে তাকে বধ করবেন।

মুসলমানদের আকীদা অনুযায়ী হযরত ঈসা (আঃ)-কে আল্লাহ তা'আলা স্ব-শরীয়ে আসমানে উঠিয়ে নেন, তিনি স্বাভাবিক মৃত্যুবরণও করেননি কিংবা ইয়াহুদীরা তাঁকে শূলীতে চড়িয়ে হত্যাও করতে পারেনি। তিনি আকাশে জীবিত আছেন। তিনি উপরোক্ত বর্ণনা অনুযায়ী দাজ্জালের আবির্ভাবের পর দুনিয়াতে আগমন করবেন এবং ৪০ বৎসর রাজত্ব পরিচালনা করার পর

ইন্তেকাল করবেন। তাঁকে আমাদের নবী কারীম সাল্লাল্লাহু আলাইহি ওয়াসাল্লাম-এর রওয়া শরীফের মধ্যে নবী কারীম সাল্লাল্লাহু আলাইহি ওয়াসাল্লাম-এর পার্শ্বেই দাফন করা হবে। হযরত ঈসা (আঃ) নবী হিসেবে আগমন করবেন না বরং তিনি আমাদের নবী কারীম সাল্লাল্লাহু আলাইহি ওয়াসাল্লাম-এর উম্মত হিসেবে আগমন করবেন এবং এই শরী‘আত অনুযায়ীই তিনি জীবন যাপন ও খেলাফত পরিচালনা করবেন।

ইয়া‘জুজ মা‘জুজ সম্বন্ধে আকীদা :

দাজ্জালের ফেতনা ও তার মৃত্যুর পর আসবে ইয়া‘জুজ ও মা‘জুজের ফেৎনা। ইয়া‘জুজ মা‘জুজ^১ অত্যন্ত অত্যাচারী সম্প্রদায়ের মানুষ। তাদের সংখ্যা অনেক বেশী হবে। তারা দ্রুত সারা পৃথিবীতে ছড়িয়ে পড়বে এবং ভীষণ উৎপাত শুরু করবে, হত্যা এবং লুটতরাজ চালাতে থাকবে। তখন হযরত ঈসা (আঃ) ও তাঁর সঙ্গীরা পর্বতে আশ্রয় নিবে। হযরত ঈসা (আঃ) ও মুসলমানরা কষ্ট লাঘবের জন্য আল্লাহর কাছে দুআ করবেন। আল্লাহ তা‘আলা মহামারীর আকারে রোগ ব্যাধি প্রেরণ করবেন। বর্ণিত আছে- সেই রোগের ফলে তাদের গর্দানে এক ধরনের পোকা সৃষ্টি হবে, ফলে অল্প দিনের মধ্যে ইয়া‘জুজ মা‘জুজের গোষ্ঠী সবাই মরে যাবে। তাদের অসংখ্য মৃত দেহের দুর্গন্ধ সর্বত্র ছড়িয়ে পড়বে। তখন হযরত ঈসা (আঃ) ও তাঁর সঙ্গীদের দুআয় আল্লাহ তা‘আলা এক ধরনের বিরাটকায় পাখী প্রেরণ করবেন, যাদের ঘাড় উটের ঘাড়ের মত। তারা মৃতদেহগুলো উড়িয়ে নিয়ে সাগরে বা যেখানে আল্লাহর ইচ্ছা ফেলে দিবে। তারপর বৃষ্টি বর্ষিত হবে এবং সমস্ত ভূ-পৃষ্ঠ পরিষ্কার হয়ে যাবে।

আকাশের এক ধরনের ধোঁয়া সম্বন্ধে আকীদা :

হযরত ঈসা (আঃ)-এর ইন্তেকালের পর কয়েকজন নেককার লোক ন্যায় পরায়ণতার সাথে রাজত্ব পরিচালনা করবেন। তারপর ক্রমান্বয়ে ধর্মের কথা কমে যাবে এবং চতুর্দিকে বে-দ্বীনী শুরু হবে। এ সময় আকাশ থেকে এক ধরনের ধোঁয়া আসবে, যার ফলে মু‘মিন মুসলমানের সর্দির মত ভাব হবে এবং কাফেররা বেহুশ হয়ে যাবে। ৪০ দিন পর ধোঁয়া পরিষ্কার হয়ে যাবে।

১. ইয়া‘জুজ মা‘জুজ বর্তমানে কোন্ দেশের কোথায় কিভাবে রয়েছে, কি তাদের বর্তমান পরিচয়-তা নিশ্চিত করে বলা মুশকিল। এ সম্পর্কে বিস্তারিত জানতে আগ্রহীগণ হযরত মাওলানা হেফজুর রহমান রচিত “কাছাছুল কোরআন” কিতাব পাঠ করতে পারেন। ৯

পশ্চিম দিক থেকে সূর্য উদয়ের আকীদা :

তার কিছু দিন পর একদিন হঠাৎ একটি রাত তিন রাতের পরিমাণ লম্বা হবে। মানুষ ঘুমাতে ঘুমাতে ত্যাগ হয়ে যাবে, গবাদি পশু বাইরে যাওয়ার জন্য চিৎকার শুরু করবে। তারপর সূর্য সামান্য আলো নিয়ে পশ্চিম দিক থেকে উদিত হবে। তখন থেকে আর কারও ঈমান বা তওবা কবুল হবেনা। সূর্য মধ্য আকাশ পর্যন্ত এসে আবার আল্লাহর হুকুমে পশ্চিম দিকে গিয়েই অস্ত যাবে। তারপর আবার যথারীতি পূর্বের নিয়মে পূর্বদিক থেকে উদিত এবং পশ্চিম দিকে অস্ত যেতে থাকবে।

দাঘাতুল আর্দ সম্বন্ধে আকীদা :

পশ্চিম দিক থেকে সূর্য উদয়ের কিছু দিন পর মক্কা শরীফের সাফা পাহাড় ফেটে অদ্বিত আকৃতির এক জন্তু বের হবে। একে বলা হয় “দাঘাতুল আর্দ” (ভূমির জন্তু)। এ প্রাণীটি মানুষের সঙ্গে কথা বলবে। সে অতি দ্রুত বেগে সারা পৃথিবী ঘুরে আসবে। সে মু’মিনদের কপালে একটি নূরানী রেখা টেনে দিবে, ফলে তাদের চেহারা উজ্জ্বল হয়ে যাবে এবং বেঈমানদের নাকের অথবা গর্দানের উপর সীল মেরে দিবে, ফলে তাদের চেহারা মলিন হয়ে যাবে। সে প্রত্যেক মু’মিন ও কাফেরকে চিনতে পারবে। এ জন্তুর আবির্ভাব কিয়ামতের সর্বশেষ আলামত সমূহের অন্যতম। এ জন্তুটির আকার-আকৃতি সম্পর্কে ইবনে কাছীরে বিভিন্ন রেওয়াযাত উদ্ধৃত করা হয়েছে, যার অধিকাংশই নির্ভরযোগ্য নয়। (سار القرآن ১/২)

কিয়ামতের পূর্বক্ষণে দুনিয়ার অবস্থা

ও কিয়ামত সংঘটন সম্বন্ধে আকীদাঃ

দাঘাতুল আর্দ গায়েব হয়ে যাওয়ার পর দক্ষিণ দিক থেকে একটি আরাম দায়ক বায়ু প্রবাহিত হবে। তাতে ঈমানদারদের বগলে কিছু অসুখ হবে এবং তারা মারা যাবে। দুনিয়ায় কোন ঈমানদার ব্যক্তি ও আল্লাহ আল্লাহ করার বা আল্লাহর নাম নেয়ার কেউ অবশিষ্ট থাকবে না। সারা দুনিয়ায় হাবশী কাফেরদের রাজত্ব চলবে। তারা বায়তুল্লাহ শরীফকে শহীদ করে ফেলবে। কুরআন শরীফ দেল থেকে এবং কাগজ থেকে উঠে যাবে। তারপর হঠাৎ একদিন সিঙ্গায় ফুঁক দেয়া হবে এবং কিয়ামত সংঘটিত হবে। সিঙ্গার ফুঁকে প্রথম প্রথম হালকা আওয়াজ হবে। পরে এত কঠোর ও ভীষণ হবে যে, সমস্ত

লোক মারা যাবে। জমিন ও আসমান ফেটে যাবে। পূর্বে যারা মারা গেছে তাদের রুহও বেহশ হয়ে যাবে। সারা দুনিয়া ধ্বংস হয়ে যাবে।

ঈছালে ছওয়াব সম্বন্ধে আকীদা :

“ঈছালে ছওয়াব” অর্থ ছওয়াব রেছানী বা ছওয়াব পৌছানো। মৃত মুসলমানদের জন্য কৃত নামায, রোযা, দান-সদকা, তাসবীহ-তাহলীল, তিলাওয়াত ইত্যাদি শারীরিক ও আর্থিক ইবাদতের ছওয়াব পৌছে থাকে। এক মতে ফরয ইবাদতের দ্বারাও ঈছালে ছওয়াব করা যায়। এতে নিজের যিম্মাদারীও আদায় হবে, মৃতও ছওয়াব পেয়ে যায়।

(إمداد الفتاوى ج ৫ / وأحسن الفتاوى ج ৬ / থেকে গৃহীত)

দুআর মধ্যে ওছীলা প্রসঙ্গে আকীদা :

দুআ কবুল হওয়ার জন্য নবীদের বা কোন জীবিত বা মৃত নেককার লোকের ওছীলা দিয়ে কিংবা কোন নেক কাজের ওছীলা দিয়ে দু‘আ করা জায়েয বরং তা মোস্তাহাব।

(إحسن الفتاوى ج ১ / فى رسالة نبيل الفضيلة بسؤال الوسيلة وإمداد الفتاوى ج ৫ /)

জিন সম্বন্ধে আকীদা :

আল্লাহ তা‘আলা আওনের তৈরী এক প্রকার জীব সৃষ্টি করেছেন, যারা আমাদের দৃষ্টির অগোচরে, তাদেরকে জিন বলে। তাদের মধ্যে ভাল-মন্দ সবরকম হয়। তাদের সন্তানাদিও হয়। তাদের মধ্যে বেশী প্রসিদ্ধ এবং বড় দুষ্ট হল ইবলীস অর্থাৎ, শয়তান। জিন মানুষের উপর আছর করতে পারে।

কারামত, কাশ্ফ, এল্হাম ও পীর বুয়ুর্গ সম্বন্ধে আকীদা :

* বুয়ুর্গ এবং ওলী আউলিয়াদের দ্বারা আল্লাহ তা‘আলা যেসব অসাধারণ কাজ দেখিয়ে থাকেন, তাকে বলা হয় কারামত। আর জাগ্রত বা নিদ্রিত অবস্থায় তাঁরা যে সব ভেদের কথা জানতে পারেন বা চোখের অগোচর জিনিসকে দেলের চোখে দেখতে পারেন, তাকে বলা হয় কাশ্ফ ও এল্হাম। বুয়ুর্গদের কারামত ও কাশ্ফ এল্হাম সত্য। মৃত্যুর পরও কোন বুয়ুর্গের কারামত প্রকাশিত হতে পারে।

* কারামত ও কাশ্ফ এল্হাম হয়ে থাকে বুয়ুর্গ এবং ওলীদের। আর বুয়ুর্গ এবং ওলী বলা হয় আল্লাহর প্রিয় বান্দাকে। শরী‘আতের বরখেলাফ করে কেউ আল্লাহর প্রিয় তথা ওলী বা বুয়ুর্গ হতে পারে না। অতএব যারা

শরী'আতের বরখেলাফ করে যেমন নামায রোযা করে না, গাঁজা, শরাব বা নেশা খায়, বেগানা মেয়েলোককে স্পর্শ করে বা দেখে, গান-বাদ্য করে ইত্যাদি, তারা কখনও বুয়ুর্গ নয়। যদি তারা অলৌকিক কিছু দেখায়ও তবুও তা কারামত নয় বরং বুঝতে হবে হয় সেটা যাদু বা কোনরূপ তুকতাক ও ভেঙ্কিবাজী, কিংবা যে কোন রূপ প্রতারণা। অনেক সময় শয়তান এসব লোকদেরকে গায়েব জগতের অনেক খবর জানিয়ে দেয়। যাতে করে তা শুনে মূর্খ লোকেরা তাদের ভক্ত হয়ে যায় এবং এভাবে তারা বিভ্রান্তির শিকার হয়। এসব দেখে তাদের ধোঁকায় পড়া যাবে না।

* কাশ্ফ এবং এল্হাম যদি শরী'আতের মোযাফেক হয় তাহলে তা গ্রহণযোগ্য, অন্যথায় তা গ্রহণযোগ্য নয়।

* কোন বুয়ুর্গ বা পীর সম্বন্ধে এই আকীদা রাখা শির্ক যে, তিনি সব সময় আমাদের অবস্থা জানেন।

* কোন পীর বা বুয়ুর্গকে দূর দেশ থেকে ডাকা এবং মনে করা যে তিনি জানতে পেরেছেন-এটা শির্ক। কোন পীর বুয়ুর্গ গায়েব জানেন না, তবে কখনও কোন বিষয়ে তাদের কাশ্ফ এল্হাম হতে পারে, তাও আল্লাহর ইচ্ছার উপর নির্ভরশীল।

* কোন পীর বুয়ুর্গের মর্যাদা- চাই সে যতবড় হোক- কোন নবী বা সাহাবী থেকে বেশী বা তাঁদের সমানও হতে পারে না।

ওলী, আবদাল, গাউছ, কুতুব ইত্যাদি সম্পর্কে ধারণা :

বুয়ুর্গানে দ্বীন লিখেছেন যে, মানব জগতে বার প্রকার আউলিয়া বিদ্যমান রয়েছে। যথা :

১. কুতুব : তাঁকে কুত্বুল আলম, কুত্বুল আকবার, কুত্বুল এরশাদ ও কুত্বুল আক্‌তাবও বলা হয়। আলমে গায়েবের মধ্যে তাঁকে আবদুল্লাহ নামে আখ্যায়িত করা হয়। তাঁর দুইজন উযীর থাকেন, যাদেরকে ইমামাইন বলা হয়। ডানের উযীরের নাম আবদুল মালেক এবং বামের উযীরের নাম আবদুর রব। এতদ্ব্যতীত আরও বার জন কুতুব থাকেন, সাতজন সাত একলীমে থাকেন, তাদেরকে কুত্বে বেলায়েত বলা হয়। এই নির্দিষ্ট কুতুবগণ ব্যতীত অনির্দিষ্ট কুতুব প্রত্যেক শহরে এবং প্রত্যেক গ্রামে থাকেন এক এক জন করে।

২. ইমামাইন : ব্যাখ্যা উপরে বর্ণিত হয়েছে।

৩. গাউছ : গাউছ থাকেন মাত্র একজন। কেউ কেউ বলেছেন কুতুবকেই গাউছ বলা হয়। কেউ কেউ বলেন গাউছ ভিন্ন একজন, তিনি মক্কা শরীফে থাকেন।
৪. আওতাদ : আওতাদ চারজন, পৃথিবীর চার কোণে চারজন থাকেন।
৫. আবদাল : আবদাল থাকেন ৪০ জন।
৬. আখ্‌ইয়ার : তারা থাকেন পাঁচশত জন কিংবা সাতশত জন। পৃথিবীর বিভিন্ন স্থানে তাঁরা ভ্রমণ করতে থাকেন। তাঁদের নাম হুসাইন।
৭. আবরার : অধিকাংশ বুয়ুর্গানে দ্বীন আব্দালগণকেই আবরার বলেছেন।
৮. নুকাবা : নুকাবা আলী নামে ৩০০ জন পশ্চিম দেশে থাকেন।
৯. নুজাবা : নুজাবা হাসান নামে ৭০ জন মিসরে থাকেন।
১০. আমূদ : আমূদ মুহাম্মাদ নামে চারজন পৃথিবীর চার কোণে থাকেন।
১১. মুফাররিদ : গাউছ উন্নতি করে ফরদ বা মুফাররিদ হয়ে যান। আর ফরদ উন্নতি করে কুতুবুল আওতাদ হয়ে যান।
১২. মাক্তুম : মাক্তুম শব্দের অর্থ পুশিদা বা লুকায়িত। অর্থ-যেমন তারাও তেমনিই পুশিদা থাকেন।

(تعليم الدين) প্রভৃতির আলোকে গৃহীত)

বিঃ দ্রঃ ওলীদের এই প্রকার এবং এই বিবরণ সম্বন্ধে কুরআন-হাদীছে খুলে কিছু বলা হয়নি, শুধু বুয়ুর্গানে দ্বীনের কাশ্‌ফের দ্বারা এটা জানা গিয়েছে। আর কাশ্‌ফ যার হয় তার জন্য সেটা দলীল- অন্যদের জন্য সেটা দলীল হয়না। অতএব এগুলো নিয়ে বেশী ঘাটা ঘাটি না করাই শ্রেয়। এখানে এসব বর্ণনা পেশ করার উদ্দেশ্য হল একথা জানা যে, এগুলো কুরআন-হাদীছে বর্ণিত বিষয় নয়। সূতরাং ওলীদের সম্পর্কে অনেকে বাড়াবাড়িমূলক যে সব আকীদা রাখেন, যেমন গাউছ কুতুব ইত্যাদি ওলীদের হাতে দুনিয়া পরিচালনার দায়িত্ব থাকে, তাঁরা নিজেদের ইচ্ছামত অনেক কিছু করতে পারেন, এসব আকীদা বর্জন করা চাই। এগুলো কুরআন-হাদীছ দ্বারা প্রমাণিত নয়। এ সম্পর্কে আমার রচিত “ইসলামী আকীদা ও ভ্রান্ত মতবাদ” গ্রন্থে বিস্তারিত আলোচনা করা হয়েছে।

মাজার সম্বন্ধে আকীদা :

“মাযার” শব্দের অর্থ যিয়ারতের স্থান। সাধারণ ভাবে বুয়ুর্গদের কবর যেখানে যিয়ারত করা হয়, তাকে মাযার বলা হয়। সাধারণতঃ কবর যিয়ারত দ্বারা বেশ কিছু ফায়দা হয়। যেমন কল্ব নরম হয়, মৃত্যুর কথা স্মরণ হয়,

আখেরাতের চিন্তা বৃদ্ধি পায় ইত্যাদি। বিশেষভাবে বুয়ুর্গদের কবর যিয়ারত করলে তাদের রুহানী ফয়যও লাভ হয়। মাযারের এতটুকু ফায়দা অনস্বীকার্য, কিন্তু এর অতিরিক্ত সাধারণ মানুষ মাযার ও মাযার যিয়ারত সম্পর্কে এমন কিছু গলত ও ভ্রান্ত আকীদা রাখে, যার অনেকটা শির্ক-এর পর্যায়ভুক্ত, যেগুলো অবশ্যই পরিত্যাজ্য। যেমনঃ

মাযার সম্বন্ধে ভ্রান্ত ধারণা সমূহ :

১. মাযারে গেলে বিপদ-আপদ দূর হয়।
২. মাযারে গেলে আয়-উন্নতিতে বরকত হয়।
৩. মাযারে গেলে ব্যবসা-বাণিজ্য বেশী হয়।
৪. মাযারে সন্তান চাইলে সন্তান লাভ হয়।
৫. মাযারে গেলে মকসূদ হাসেল হয়।
৬. মাযারে মান্নত মানলে উদ্দেশ্য পূরণ হয়।
৭. মাযারে টাকা-পয়সা নযর-নিয়ায দিলে ফায়দা হয়।
৮. মাযারে ফুল, মোমবাতি, আগরবাতি ইত্যাদি দেয়াকে ছওয়াবের কাজ মনে করা ইত্যাদি।

সাহাবীদের সম্বন্ধে আকীদা :

* সকল সাহাবী আদিল অর্থাৎ, নির্ভরযোগ্য, সত্যবাদী, মুত্তাকী, পরহেয্গার, ন্যায়পরায়ণ এবং ইসলাম ও উম্মতের স্বার্থকে নিজের স্বার্থের উর্ধ্বে স্থান দানকারী। প্রত্যেক সাহাবীর মধ্যে হেদায়েতের নূর এবং আলো রয়েছে; কারও মধ্যে অন্ধকার নেই।

* সকল সাহাবী সমালোচনার উর্ধ্বে। তাঁদের সমালোচনা করা, দোষত্রুটি অন্বেষণ করা সম্পূর্ণ অমার্জনীয় অপরাধ। সাহাবীদের সমালোচনাকারীগণ ফাসেক ফাজের ও গুমরাহ্।

* সাহাবীদের প্রতি মহব্বত ও ভক্তি শ্রদ্ধা আহ্লে সুন্নাত ওয়াল জামা'আতের অন্যতম শিয়ার বা প্রতীকী বৈশিষ্ট্য।

* প্রত্যেক সাহাবী সত্যের মাপকাঠি। সাহাবায়ে কেরামের ঈমান ঈমানের কষ্টিপাথর, যার নিরিখে অবশিষ্ট সকলের ঈমান পরীক্ষা করা হবে। আমল এবং দ্বীনের অন্যান্য ক্ষেত্রেও তাঁরা মাপকাঠি। এক কথায় সাহাবায়ে কেরাম হকের মাপকাঠি, তাঁদের নিরিখে নির্ণিত হবে পরবর্তীদের হক বা বাতিল হওয়া।

* যে সব ক্ষেত্রে সাহাবীদের মধ্যে দ্বিমত বা বাহ্যিক বিরোধ দেখা দিয়েছে, সেসব ক্ষেত্রেও প্রত্যেক সাহাবী হক ছিলেন। তাঁদের পারস্পরিক যুদ্ধ-বিগ্রহ এবং সংঘর্ষের ক্ষেত্রে মানুষ হিসেবে তাঁদের কোন পক্ষের এজতেহাদী ভুল-চুক থাকতে পারে, তবে প্রত্যেকের নিয়ত সহীহ ছিল, ব্যক্তি স্বার্থ কিংবা ব্যক্তিগত আক্রোশে তাঁরা সেটা করেননি বরং দ্বীনের খাতিরে এবং এখলাছের সাথেই করেছেন, এই আকীদা-বিশ্বাস রাখতে হবে। একরূপ ক্ষেত্রেও যে কোন একজন বা এক পক্ষের অনুসরণ করলে হেদায়াত, মুক্তি ও নাজাত পাওয়া যাবে। কিন্তু একজনের অনুসরণ করে অন্যজনের দোষ চর্চা করা যাবেনা। দোষ চর্চা করা হারাম হবে।

* সাহাবীদের মর্যাদা সমস্ত ওলী আউলিয়াদের উর্ধ্বে। যিনি উম্মতের সবচেয়ে বড় ওলী (যিনি সাহাবী নন) তার মর্যাদাও একজন নিম্ন স্তরের সাহাবীর সমান হতে পারেনা বরং সাহাবী আর সাহাবী নন-এমন দুই স্তরের মধ্যে মর্যাদার তুলনাই অবান্তর।

* সমস্ত সাহাবীর মধ্যে চারজন সর্বপ্রধান। তন্মধ্যে সর্বপ্রধান (১) হযরত আবু বকর সিদ্দীক (রাঃ) এবং তিনি প্রথম খলীফা। তারপর (২) হযরত ওমর (রাঃ), তিনি দ্বিতীয় খলীফা। তারপর (৩) হযরত ওসমান গনী (রাঃ), তিনি তৃতীয় খলীফা। তারপর (৪) হযরত আলী (রাঃ), তিনি চতুর্থ খলীফা। খলীফা হওয়ার ক্ষেত্রে এই তারতীব অর্থাৎ, এই পর্যায়ক্রম হক ও যথার্থ।

* সকল সাহাবীর প্রতি আল্লাহ তা'আলা চির সন্তুষ্টির খোশ-খবরী দান করেছেন। বিশেষভাবে একসাথে নবী কারীম সাল্লাল্লাহু আলাইহি ওয়াসাল্লাম-এর দ্বারা দশজন সাহাবীর নাম উল্লেখ পূর্বক তাঁদের জান্নাতী হওয়ার সুসংবাদ দেয়া হয়েছে। উক্ত দশজনকে “আশারাতু মুবশ্শারাহু” (সুসংবাদ প্রাপ্ত দশজন) বলা হয়। তাঁরা হলেন (১) হযরত আবু বকর সিদ্দীক (রাঃ), (২) হযরত ওমর (রাঃ), (৩) হযরত ওসমান গনী (রাঃ), (৪) হযরত আলী (রাঃ), (৫) হযরত তালহা (রাঃ), (৬) হযরত যোবায়ের (রাঃ), (৭) হযরত আবদুর রহমান ইবনে আওফ (রাঃ), (৮) হযরত সাআদ ইবনে আবী ওয়াক্কাস (রাঃ), (৯) হযরত সাঈদ ইবনে যায়দ (রাঃ) এবং (১০) হযরত আবু উবায়দা ইবনুল জাররাহ (রাঃ)।

এছাড়াও রাসূল সাল্লাল্লাহু আলাইহি ওয়াসাল্লাম আরও কতিপয় সাহাবী সম্পর্কে বিভিন্নভাবে বিভিন্ন সময়ে জান্নাতী হওয়ার সুসংবাদ প্রদান করেছেন।

রাসূল (সাঃ)-এর আওলাদগণের সম্বন্ধে আকীদা :

রাসূল সাল্লাল্লাহু আলাইহি ওয়াসাল্লাম-এর আওলাদগণের মধ্যে হযরত ফাতেমা (রাঃ) এবং বিবিদের মধ্যে হযরত খাদীজা (রাঃ) ও হযরত আয়েশা (রাঃ)-এর মর্তবা সবচেয়ে বেশী।

আস্বাব/বস্তুর ক্ষমতা সম্বন্ধে আকীদা :

কোন আস্বাব বা বস্তুর নিজস্ব কোন ক্ষমতা নেই। কোন আস্বাব বা বস্তুর নিজস্ব ক্ষমতা আছে- এরূপ বিশ্বাস করা শির্ক। তবে বস্তুর মধ্যে যে ক্ষমতা দেখা যায় বা বস্তু থৈকে যে প্রভাব প্রকাশ পায় তা আল্লাহ তা'আলা কর্তৃক প্রদত্ত, তার নিজস্ব ক্ষমতা নয়। তাই আল্লাহ ক্ষমতা না দিলে বা তার স্বাভাবিক কার্যকারিতা প্রকাশ পাবে না- আল্লাহ পাকের এরূপ ফয়সালা হলেই বস্তুর স্বাভাবিক ক্ষমতা প্রকাশ পায় না। বস্তু সম্বন্ধে এ হচ্ছে আহলে সুন্নাত ওয়াল জামা'আতের আকীদা। আস্বাব গ্রহণ বা বর্জনের বিধান সম্পর্কে জানার জন্য দেখুন ৫০২ নং পৃষ্ঠা।

রোগ সংক্রমণ সম্বন্ধে আকীদা :

সাধারণতঃ ছোঁয়াচে রোগ বা সংক্রামক ব্যাধি সম্বন্ধে যে ধারণা রয়েছে সে ব্যাপারে ইসলামের আকীদা হল- কোন রোগের মধ্যে সংক্রমণের নিজস্ব ক্ষমতা নেই। তাই দেখা যায় তথাকথিত সংক্রামক ব্যাধিতে আক্রান্ত লোকের কাছে যাওয়ার পরও অনেকে আক্রান্ত হয়না, আবার অনেকে না যেয়েও আক্রান্ত হয়ে যায়। এ প্রসঙ্গে সহীহ্ আকীদা হলঃ রোগের মধ্যে সংক্রমণ বা অন্যের মধ্যে বিস্তৃত হওয়ার নিজস্ব ক্ষমতা নেই। কেউ অনুরূপ রোগীর সংস্পর্শে গেলে যদি তার আক্রান্ত হওয়ার ব্যাপারে আল্লাহর ফয়সালা হয়, সে ক্ষেত্রেই সে আল্লাহর হুকুমে আক্রান্ত হবে, অন্যথায় আক্রান্ত হবেনা। কিংবা এরূপ আকীদা রাখতে হবে যে, এসব রোগের মধ্যে স্বাভাবিকভাবে আল্লাহ তা'আলা সংক্রমণের এই নিয়ম রেখে দিয়েছেন। তবে আল্লাহর ইচ্ছা হলে সংক্রমণ নাও ঘটতে পারে। অর্থাৎ, সংক্রমণের এ ক্ষমতা রোগের নিজস্ব ক্ষমতা নয়, এর পশ্চাতে আল্লাহর দেয়া ক্ষমতা এবং তাঁর ইচ্ছার দখল থাকে।

তবে ইসলাম প্রচলিত এসব সংক্রামক রোগে আক্রান্ত লোকদের নিকট যেতে নিষেধ করেছে বিশেষভাবে কুষ্ঠ রোগীর নিকট, এ কারণে যে, উক্ত রোগীর নিকট গেলে আর তার আক্রান্ত হওয়ার খোদায়ী ফয়সালা হওয়ার কারণেই সে আক্রান্ত হলে তার ধারণা হতে পারে যে, উক্ত রোগীর সংস্পর্শে

যাওয়ার কারণেই সে আক্রান্ত হয়েছে। এভাবে তার আকীদা নষ্ট হয়ে যেতে পারে, তা যেন না হতে পারে এ জন্যেই ইসলাম এরূপ বিধান দিয়েছে। তবে কেউ মজবুত আকীদার অধিকারী হলে সে অনুরূপ রোগীর নিকট যেতে পারে। এমনভাবে সংক্রামক রোগে আক্রান্ত লোককেও সুস্থ এলাকার লোকদের নিকট যেতে নিষেধ করা হয়েছে, যাতে অন্য কারও আকীদা নষ্টের কারণ না ঘটে।

রাশি ও গ্রহ নক্ষত্রের প্রভাব সম্বন্ধে আকীদা :

“রাশি” বলা হয় সৌর জগতের কতগুলো গ্রহ-নক্ষত্রের প্রতীককে। এগুলো কল্পিত। এরূপ বারটি রাশি কল্পনা করা হয়। যথাঃ মেঘ, বৃষ, মিথুন, কর্কট, সিংহ, কন্যা, তুলা, বৃশ্চিক, ধনু, মকর, কুম্ভ ও মীন। এগুলোকে বিভিন্ন গ্রহ-নক্ষত্রের প্রতীক সাব্যস্ত করা হয়েছে। জ্যোতিঃশাস্ত্র (অর্থাৎ, ফলিত জ্যোতিষ বা অংগুড়ম্ভুমু-এর ধারণা অনুযায়ী এ সব গ্রহ নক্ষত্রের গতি, স্থিতি ও সঞ্চারণের প্রভাবে ভবিষ্যত শুভ-অশুভ সংঘটিত হয়ে থাকে। নিউমারোলজি বা সংখ্যা জ্যোতিষের উপর ভিত্তি করে এই শুভ-অশুভ নির্ণয় তথা ভাগ্য বিচার করা হয়।

ইসলামী আকীদা অনুসারে গ্রহ-নক্ষত্রের মধ্যে নিজস্ব কোন প্রভাব বা ক্ষমতা নেই। সুতরাং ভাগ্য তথা শুভ-অশুভ গ্রহ নক্ষত্রের প্রভাবে ঘটে এই আকীদা রাখা শিরক। গ্রহ-নক্ষত্রের মধ্যে আল্লাহ কর্তৃক প্রদত্ত এরূপ কোন প্রভাব থাকলে থাকতেও পারে কিন্তু তা নিশ্চিত করে বলা যায় না। যা কিছু বলা হয় সবই কাল্পনিক। যদি প্রকৃতই এরূপ কোন প্রভাব থাকেও, তবুও তা আল্লাহ কর্তৃক প্রদত্ত, গ্রহ নক্ষত্রের নিজস্ব ক্ষমতা নয়। অতএব শুভ-অশুভ মৌলিকভাবে আল্লাহরই ইচ্ছাধীন ও তাঁরই নিয়ন্ত্রণে। গ্রহ-নক্ষত্রের প্রভাব ও রাশি সম্পর্কে বিস্তারিত জানার জন্য দেখুন আমার রচিত “ইসলামী আকীদা ও ভ্রান্ত মতবাদ” নামক গ্রন্থ।

(فتح الملہم ج ۱ / ۵ آپ کے مسائل اور ان کا حل ج ۱ / ۱)

হস্তরেখা বিচার সম্বন্ধে আকীদা :

پالمسٹری (Palmistry) یا ہتھورےھا بچار بیدیار ماڈھامے گنکگن کترک ھے هاتھر رےھا یتھادی دےھے باڡیر بےصے و ڈھت-ڈبےصاےتھر ڈڈ-اڈڈ سڈڈرے بےشےصا دےھا هے، یتسلامے اکرڈ بےصے بےشواس راکھا کفری (آپ کے مسائل اور ان کا حل ج ۱/۱)

রত্ন ও পাথরের প্রভাব সম্বন্ধে আকীদা :

* মণি, মুক্তা, হীরা, চুনি, পান্না, আকীক প্রভৃতি পাথর ও রত্ন মানুষের জীবনে প্রভাব ফেলতে পারে, মানুষের ভাগ্যে পরিবর্তন ঘটায়- এরূপ আকীদা-বিশ্বাস রাখা মুশরিকদের কাজ, মুসলমানদের নয়।

(آپ کے مسائل اور ان کا حل ج ۱/)

তা'বীজ ও ঝাড়-ফুঁক সম্বন্ধে আকীদা :

* তা'বীজ ও ঝাড়-ফুঁক কাজ হওয়াটা নিশ্চিত নয়- হতেও পারে নাও হতে পারে। যেমন দুআ করা হলে রোগ-ব্যাদি আরোগ্য হওয়াটা নিশ্চিত নয়, আল্লাহর ইচ্ছা হলে আরোগ্য হয় নতুবা হয়না। তদ্রূপ তা'বীজ এবং ঝাড় ফুঁকও একটি দুআ বরং তা'বীজের চেয়ে দু'আ বেশী শক্তিশালী। তা'বীজ এবং ঝাড়-ফুঁক কাজ হলেও সেটা তা'বীজ বা ঝাড় ফুঁকের নিজস্ব ক্ষমতা নয় বরং আল্লাহর ইচ্ছাতেই সবকিছু হয়ে থাকে।

* সামান্য কিছু ব্যতিক্রম ছাড়া প্রায় সব তাবীজ ও ঝাড়-ফুঁকই এজতেহাদ এবং অভিজ্ঞতা থেকে উদ্ভূত, কুরআন ও হাদীছে যার ব্যাপারে স্পষ্ট বলা হয়নি যে, অমুক তা'বীজ বা অমুক ঝাড়-ফুঁক দ্বারা অমুক কাজ হবে। অতএব কোন তা'বীজ বা ঝাড়-ফুঁক দ্বারা কাঙ্ক্ষিত ফল লাভ না হলে এরূপ বলার বা এরূপ ভাবার অবকাশ নেই যে, কুরআন-হাদীছ কি তাহলে সত্য নয় ?

* তা'বীজ ও ঝাড়-ফুঁক কুরআন-হাদীছের বাক্যাবলী দ্বারা বৈধ উদ্দেশ্যে করা হলে তা জায়েয। পক্ষান্তরে কোন কুফর শিরকের কথা থাকলে বা এরূপ কোন যাদু হলে তা দ্বারা তা'বীজ ও ঝাড়-ফুঁক হারাম। এমনিভাবে কোন অবৈধ উদ্দেশ্যে হাছিলের জন্য তা'বীজ ও ঝাড়-ফুঁক করা হলে তা জায়েয নয়, যদিও কুরআন-হাদীছের বাক্য দ্বারা তা করা হয়।

* যে সব বাক্য বা শব্দ কিংবা যে সব নকশার অর্থ জানা যায়না, তা দ্বারা তা'বীজ ও ঝাড়-ফুঁক করা বৈধ নয়।

* কোন বিষয়ের তা'বীজ বা ঝাড়-ফুঁকের জন্য কোন নির্দিষ্ট দিন বা সময় রয়েছে বা বিশেষ কোন শর্ত ইত্যাদি রয়েছে- এরূপ মনে করা ঠিক নয়।

* তা'বীজ বা ঝাড়-ফুঁকের জন্য কারও এজাযাত প্রাপ্ত হওয়া জরুরী-এরূপ ধারণাও ভুল।

* তাবীজ বা ঝাড়-ফুঁক দ্বারা ভাল আছর হলে সেটাকে তাবীজ দাতার বা আমেলের বুয়ুগী মনে করা ঠিক নয়। যা কিছু হয় আল্লাহর ইচ্ছাতেই হয়।

(ماخوذ از معارف القرآن، الشامي ج ۶، مرقاة و غايط العوام)

নয়র ও বাতাস লাগা সম্বন্ধে আকীদা :

* হাদীছের বর্ণনা অনুযায়ী নয়র লাগার বিষয়টি সত্য। জান-মাল ইত্যাদির প্রতি বদনয়র লেগে তার ক্ষতি সাধন হতে পারে। আপনজনের প্রতিও আপনজনের বদনয়র লাগতে পারে, এমনকি সন্তানের প্রতি মাতা-পিতারও বদনয়র লাগতে পারে। আর বাতাস লাগার অর্থ যদি হয় জিন ভূতের বাতাস অর্থাৎ, তাদের খারাপ নয়র বা খারাপ আছর লাগা, তাহলে এটাও সত্য; কেননা জিন ভূত মানুষের উপর আছর করতে সক্ষম।

* কেউ কারও কোন ভাল কিছু দেখলে যদি مَا شَاءَ اللَّهُ (মাশা আল্লাহ) বলে, তাহলে তার প্রতি তার বদনয়র লাগে না।

* কারও উপর কারও বদনয়র লেগে গেলে যার নয়র লাগার সন্দেহ হয় তার মুখ, হাত (কনুই সহ) এবং শরীরের নীচের অংশ ধুয়ে সেই পানি যার উপর নয়র লেগেছে তার উপর ঢেলে দিলে খোঁদা চাহতো ভাল হয়ে যাবে।

(كَذَا فِي الْمَرْفَافَةِ بَصُو، حَدِيثٌ مُسْلَم)

* বদনয়র থেকে হেফাযতের জন্য কাল সুতা বাধা বা কালি কিংবা কাজলের টিপ লাগানো ভিত্তিহীন ও কুসংস্কার।

কুলক্ষণ ও সুলক্ষণ সম্বন্ধে আকীদা :

ইসলামী আকীদা মতে কোন বস্তু বা অবস্থা থেকে কুলক্ষণ গ্রহণ করা বা কোন সময়, দিন ও মাসকে খারাপ মনে করা বৈধ নয়। এমনভাবে হাদীছ দ্বারা স্বীকৃত নয়- এরূপ কোন লক্ষণ মানা বৈধ নয়। তবে কেউ কোন বিষয়ে চিন্তা ভাবনা বা দুশ্চিন্তায় রয়েছে এরূপ মুহূর্তে ঘটনাক্রমে বা কিছুটা ইচ্ছাকৃতভাবে খুশী বা সাফল্য সূচক কোন শব্দ শ্রুতিগোচর হলে কিংবা এরূপ কিছু দৃষ্টিগোচর হলে সেটাকে সুলক্ষণ হিসেবে গ্রহণ করা যায়। এটা মূলতঃ কোন শব্দ বা বস্তুর প্রভাবকে বিশ্বাস করা নয়, বরং এটা প্রকৃত পক্ষে আল্লাহর রহমতের আশাকে শক্তিশালী করা।

শরীআতের আকীদা বিরুদ্ধ কয়েকটি লক্ষণ ও কুলক্ষণের তালিকা :

১. হাতের তালু চুলকালে অর্থ-কড়ি আসবে মনে করা।
২. চোখ লাফালে বিপদ-আপদ আসবে মনে করা।
৩. কুকুর কাঁদলে রোগ মহামারী আসবে মনে করা।
৪. এক চিক্রনিত্তে দু'জন চুল আঁচড়ালে উক্ত দু'জনের মধ্যে ঝগড়া লাগবে মনে করা।
৫. কোন বিশেষ পাখি ডাকলে মেহমান আসবে মনে করা।

৬. যাত্রা পথে পেছন থেকে কেউ ডাকলে খারাপ মনে করা।
 ৭. যাত্রা পথে হৌচট খেলে বা মেথর দেখলে বা কাল কলসি দেখলে, কিংবা বিড়াল দেখলে কুলক্ষণ মনে করা।
 ৮. অমুক দিন যাত্রা নাস্তি, অমুক দিন বিবাহ নাস্তি, অমুক দিন ভ্রমণ নাস্তি ইত্যাদি বিশ্বাস করা। মোটকথা কোন দিন সময় বা কোন মুহূর্তকে অশুভ মনে করা।
 ৯. যাত্রার মুহূর্তে কেউ তার সামনে হাঁচি দিলে কাজ হবে না-এরূপ বিশ্বাস করা।
 ১০. পেঁচা ডাকলে ঘর-বাড়ি বিরান হয়ে যাবে মনে করা।
 ১১. জিহ্বায় কামড় লাগলে কেউ তাকে গালি দিচ্ছে বা কেউ তাকে স্মরণ করছে মনে করা।
 ১২. চড়ুই পাখিকে বালুতে গোসল করতে দেখলে বৃষ্টি হবে মনে করা।
 ১৩. দোকান খোলার পর প্রথমেই বাকি দিলে সারা দিন বাকি বা ফাঁকি যাবে মনে করা। বরং প্রথমেই সহযোগিতার নিয়তে কাউকে বাকি দিলে মানুষকে সহযোগিতার ছওয়াব ও বরকতে তার ব্যবসা ভাল হতে পারে।
 ১৪. কোন লোকের আলোচনা চলছে, ইত্যবসরে বা কিছুক্ষণ পরে সে এসে পড়লে এটাকে তাকে দীর্ঘজীবী হওয়ার লক্ষণ মনে করা।
 ১৫. কোন ঘরে মাকড়সার জাল বেশী হলে উক্ত ঘরের মালিক ঋণগ্রস্থ হয়ে পড়বে মনে করা।
 ১৬. আসরের পর ঘরে ঝাড়ু দেয়াকে খারাপ মনে করা।
 ১৭. ঝাড়ু দ্বারা বিছানা পরিষ্কার করলে ঘর উজাড় হয়ে যাবে মনে করা।
 ১৮. কোন বাড়িতে বাচ্চা মারা গেলে সে বাড়িতে গেলে নিজের বাচ্চাও মারা যাবে মনে করা।
 ১৯. ঝাড়ুর আঘাত লাগলে শরীর শুকিয়ে যাবে মনে করা।
 ২০. কোন প্রাণী বা কোন প্রাণীর ডাককে অশুভ বা অশুভ লক্ষণ মনে করা।
- বিঃ দ্রঃ এরূপ আরও বহু গলত আকীদা রয়েছে, উদাহরণ স্বরূপ কয়েকটি উল্লেখ করা হল। (المعالم) ইত্যাদি থেকে গৃহীত)

আহলে সুন্নাত ওয়াল জামা'আত সম্বন্ধে আকীদা :

এক হাদীছে রাসূল সাল্লাল্লাহু আলাইহি ওয়াসাল্লাম ইরশাদ করেছেনঃ অতিশীঘ্র আমার উম্মত তেহাতুর ফিকরায় (দলে) বিভক্ত হয়ে পড়বে, তন্মধ্যে মাত্র একটি দল হবে মুক্তিপ্রাপ্ত (অর্থাৎ, জান্নাতী) আর বাকী সবগুলো ফিরকা হবে জাহান্নামী। জিজ্ঞাসা করা হল ইয়া রাসূলান্নাহ! সেই মুক্তি প্রাপ্ত দল কারা?

রাসূল সাল্লাল্লাহু আলাইহি ওয়াসাল্লাম উত্তরে বললেনঃ তারা হল আমি ও আমার সাহাবীগণ যে মত ও পথের উপর আছি তার অনুসারীগণ। (তিরমিযী, ২য় খণ্ড)

এ হাদীছের মধ্যে যে মুক্তিপ্রাপ্ত বা জান্নাতী দল সম্পর্কে বলা হয়েছে, তাদেরকেই বলা হয় “আহ্লে সুন্নাত ওয়াল জামা‘আত।” নামটির মধ্যে ‘সুন্নাত’ শব্দ দ্বারা রাসূল সাল্লাল্লাহু আলাইহি ওয়াসাল্লাম-এর মত ও পথ এবং ‘জামা‘আত’ শব্দ দ্বারা বিশেষভাবে সাহাবায়ে কেরামের জামা‘আত উদ্দেশ্য। মোটকথা রাসূল সাল্লাল্লাহু আলাইহি ওয়াসাল্লাম এবং সাহাবায়ে কেরামের মত ও পথের অনুসারীদেরকেই বলা হয় আহ্লে সুন্নাত ওয়াল জামা‘আত। ইসলাম ধর্মে বিভিন্ন সময়ে যে সব সম্প্রদায় ও ফিকার উদ্ভব হয়েছে, তন্মধ্যে সর্বযুগে এ দলটিই হল সত্যপ্রিয়ী দল। সর্বযুগে ইসলামের মৌলিক আকাইদ বিষয়ে হকপন্থী গরিষ্ঠ উলামায়ে কেরাম যেভাবে কুরআন, হাদীছ ও সাহাবায়ে কেরামের মত ও পথের অনুসরণ করে আসছে, এ দলটি তারই অনুসরণ করে আসছে। এর বাইরে যারা গিয়েছে, তারা আহ্লে সুন্নাত ওয়াল জামা‘আত বহির্ভূত বিপথগামী ও বাতিলপন্থী সম্প্রদায়। এরূপ বহু বাতিল সম্প্রদায় কালের অতল গর্ভে বিলীন হয়ে গেছে। যারা রয়েছে তারাও বিলীন হবে, হকপন্থী দল চিরকাল টিকে থাকবে।

ঈমান সম্পর্কিত কোন বিষয়ে মনে সন্দেহ জাগলে তখন কি করণীয়

যে সব বিষয়ে ঈমান রাখতে হয়, সে সব বিষয়ে যদি কখনও মনে সন্দেহ এবং ওয়াছওয়াছা দেখা দেয়, যেমন মনে সন্দেহ দেখা দিল যে, (নাউযুবিল্লাহ) আসলেই খোদা বলে কেউ আছেন কি? বা থাকলে তাকে কে সৃষ্টি করল, কোন সৃষ্টিকর্তা ছাড়া তিনি হলেন কি করে? কিংবা সন্দেহ দেখা দিল যে, জান্নাত জাহান্নাম আসলেই আছে কি? এরূপ আল্লাহ, রাসূল, কুরআন, পরকাল, তাকদীর ইত্যাদি যে কোন ঈমান সম্পর্কিত বিষয়ে সন্দেহ আসলে তখন তিনটা আমল করণীয়। যথাঃ

১. আউযুবিল্লাহি মিনাশ শাইত্বানির রজীম পড়ে নেয়া।
২. আমানতু বিল্লাহ (অর্থাৎ, আল্লাহর প্রতি ঈমান আনলাম) পড়ে নেয়া।
৩. উক্ত চিন্তা থেকে বিরত হয়ে অন্য কোন চিন্তা বা কাজে লিপ্ত হওয়া।

(مسلم ج ۱ / ۱)

ঈমান বাড়ে কমে কিভাবে

ঈমান বৃদ্ধি পায় অর্থাৎ, ঈমানের মধ্যে নূর পয়দা হয় এবং ঈমান মজবূত হয় নিম্নোক্ত তরীকায়ঃ

১. ঈমানের আলোচনা দ্বারা
২. ঈমানদারদের সোহবত বা সাহচর্য দ্বারা।
৩. আমল দ্বারা। (ঈমানের শাখাগুলোর উপর আমল করা দ্বারা)

পক্ষান্তরে ঈমান দুর্বল হয়ে যায় এবং ঈমানের নূর কমে যায়, এমনকি কখনও কখনও ঈমান নষ্ট হয়ে যায় নিম্নোক্ত কারণেঃ

১. কুফর দ্বারা।
২. শিরক দ্বারা।
৩. বিদআত দ্বারা।
৪. রহম ও কুসংস্কার পালন দ্বারা।
৫. গোনাহ দ্বারা।

ঈমানের শাখা

ঈমানের পরিচয়ের মধ্যে বলা হয়েছে কতকগুলো বিষয়কে অন্তরে বিশ্বাস করা, মুখে স্বীকার করা এবং আমলে পরিণত করার সমষ্টি হল ঈমান। এ থেকে বোঝা গেল- ঈমানের কিছু বিষয় দেলের দ্বারা সম্পন্ন হয়, কিছু জবানের দ্বারা এবং কিছু হাত, পা ইত্যাদি বাহ্যিক অঙ্গ-প্রত্যঙ্গের দ্বারা। এ সবগুলোরকে ঈমানের শাখা বলা হয়। বড় বড় ইমামগণ হাদীছের ইস্তিত পেয়ে গবেষণা করে কুরআন-হাদীছ থেকে ঈমানের ৭৭টি শাখা নির্ণয় করেছেন। এর মধ্যে দেলের দ্বারা সম্পন্ন হয় ৩০টি। জবানের দ্বারা সম্পন্ন হয় ৭টি আর বাহ্যিক অঙ্গ-প্রত্যঙ্গ দ্বারা সম্পন্ন হয় ৪০টি। আমলের সুবিধার জন্য সংক্ষেপে সবগুলোর বর্ণনা পেশ করা হয়ঃ

দেলের দ্বারা যেগুলো সম্পন্ন হয়ঃ

১. আল্লাহর উপর ঈমান আনা।
২. আল্লাহ চিরন্তন ও চিরস্থায়ী, তিনি ব্যতীত সবকিছু তাঁর মাখলুক-একথা বিশ্বাস করা।
৩. ফেরেশতাদের প্রতি ঈমান আনা।
৪. আসমানী কিতাব সমূহের প্রতি ঈমান আনা।
৫. আল্লাহর প্রেরিত পয়গম্বরদের প্রতি ঈমান আনা।
৬. তাকদীরের উপর ঈমান আনা।

৭. কিয়ামতের উপর ঈমান আনা।
৮. বেহেশতের উপর ঈমান আনা।
৯. দোযখের উপর ঈমান আনা।
১০. আল্লাহর সঙ্গে মহব্বত রাখা।
১১. কারও সাথে আল্লাহর জন্যই মহব্বত রাখা এবং আল্লাহর সন্তুষ্টির জন্যই কারও সাথে দূশমনী রাখা।
১২. রাসূল সাল্লাল্লাহু আলাইহি ওয়াসাল্লাম-এর সাথে মহব্বত রাখা।
১৩. এখলাস। (অর্থাৎ, সব কিছু আল্লাহর উদ্দেশ্যেই করা।)
১৪. তওবা অর্থাৎ, কৃত পাপের জন্য অনুতাপ হয়ে তা পরিত্যাগ করা এবং ভবিষ্যতে তা না করার জন্য সংকল্প করা। তওবা সম্পর্কে বিস্তারিত জানার জন্য দেখুন ৬২৫ নং পৃষ্ঠা।
১৫. আল্লাহকে ভয় করা।
১৬. আল্লাহর রহমতের আশা রাখা।
১৭. আল্লাহর রহমত থেকে নিরাশ না হওয়া।
১৮. হায়া বা লজ্জা।
১৯. শোকর।
২০. অঙ্গীকার রক্ষা করা।
২১. ছবর।
২২. বিনয় নম্রতা ও বড়দের প্রতি সম্মানবোধ।
২৩. স্নেহ-মমতা ও জীবের প্রতি দয়া।
২৪. তাকদীরের উপর তথা আল্লাহর ফয়সালার উপর রাজী থাকা।
২৫. তাওয়াক্কুল করা।
২৬. নিজেকে বড় এবং ভাল মনে না করা।
২৭. হিংসা বিদ্বেষ না রাখা।
২৮. রাগ না করা।
২৯. কারও অহিত চিন্তা না করা, কারও প্রতি কু-ধারণা না করা।
৩০. দুনিয়ার মহব্বত ত্যাগ করা।

বিঃ দ্রঃ ১১ নং থেকে ৩০ নং পর্যন্ত বিষয়গুলি সম্পর্ক পঞ্চম অধ্যায়ে বিস্তারিত আলোচনা করা হয়েছে।

জবানের দ্বারা যেগুলো সম্পন্ন হয়ঃ

১. কালিমায়ে তাইয়্যোবা পড়া।
২. কুরআনে কারীম তিলাওয়াত করা।

৩. ইল্মে দ্বীন শিক্ষা করা।
৪. ইল্মে দ্বীন শিক্ষা দেয়া।
৫. দুআ বা আল্লাহর নিকট প্রার্থনা করা।
৬. আল্লাহর যিকির।
৭. বেহুদা কথা থেকে জবানকে হেফাযত করা।

বহ্যিক অঙ্গ-প্রত্যঙ্গ দ্বারা যেগুলো সম্পন্ন হয়ঃ

১. পবিত্রতা হাছিল করা।
২. নামাযের পাবন্দী করা।
৩. ছদকা, যাকাত, ফিত্রা, দান-খয়রাত, মেহমানদারী ইত্যাদি।
৪. রোযা।
৫. হজ্জ।
৬. এ'তেকাফ (শবে কদর তালাশ করা এর অন্তর্ভুক্ত)।
৭. হিজরত করা অর্থাৎ, দ্বীন ও ঈমান রক্ষার্থে দেশ-বাড়ি ত্যাগ করা।
৮. মান্নত পূরা করা।
৯. কছম করলে তা পূরণ করা আর কছম ভঙ্গ করলে তার কাফ্ফারা দেয়া।
১০. কোন কাফ্ফারা থাকলে তা আদায় করা।
১১. ছতর ঢেকে রাখা।
১২. কুরবানী করা।
১৩. জানাযা ও তার যাবতীয় আনুষঙ্গিক কাজের ব্যবস্থা করা।
১৪. ঋণ পরিশোধ করা।
১৫. লেন-দেন ও কায়-কারবার সততার সাথে এবং জায়েয তরীকা মোতাবেক করা।
১৬. সত্য সাক্ষ্য প্রদান করা। সত্য জানলে তা গোপন না করা।
১৭. বিবাহের দ্বারা হারাম কাজ থেকে বিরত থাকা।
১৮. পরিবার-পরিজনের হক আদায় ও চাকর-নওকরদের সাথে সদ্যবহার করা।
১৯. মাতা-পিতার সাথে সদ্যবহার করা।
২০. ছেলে-মেয়েদের লালন-পালন ও সুশিক্ষার ব্যবস্থা করা।
২১. আরীয়-স্বজনের সাথে সদ্যবহার করা।
২২. উপর ওয়ালার অনুগত হওয়া, যেমন চাকরের প্রভুভক্ত হওয়া।
২৩. ন্যায় ও নিরপেক্ষভাবে বিচার করা।

২৪. মুসলমানদের জামা'আতের সাথে থাকা ও হক্কানী জামা'আতের সহযোগিতা করা, তাদের মত পথ ছেড়ে অন্যভাবে না চলা।
২৫. শরী'আত বিরোধী না হলে শাসনকর্তাদের অনুসরণ করা।
২৬. লোকদের মধ্যে কোন ঝগড়া-বিবাদ হলে তা মিটিয়ে দেয়া।
২৭. সৎ কাজে সাহায্য করা।
২৮. আম্র বিল মারুফ ও নাহি আনিল মুনকার করা তথা সৎ কাজের আদেশ করা ও অসৎ কাজে বাধা দেয়া।
২৯. জিহাদ করা। সীমান্ত রক্ষা করাও এর অন্তর্ভুক্ত।
৩০. হদ তথা শরী'আত নির্ধারিত শাস্তি কায়ম করা।
৩১. আমানত আদায় করা। গনীমতের এক পঞ্চমাংশ বায়তুল মালে জমা করা এর অন্তর্ভুক্ত।
৩২. অভাবগ্রস্তকে কর্জ দেয়া।
৩৩. প্রতিবেশীর হক আদায় করা ও তাদেরকে সম্মান করা।
৩৪. লোকদের সাথে সদ্ব্যবহার করা।
৩৫. অর্থের সদ্ব্যবহার করা।
৩৬. সালামের জওয়াব দেয়া ও সালাম প্রদান করা।
৩৭. যে হাঁচি দিয়ে 'আল হামদুলিল্লাহ' পড়ে তাকে 'ইয়ারহামুকাল্লাল্লাহ' বলা।
৩৮. পরের ক্ষতি না করা। কাউকে কোন রূপ কষ্ট না দেয়া।
৩৯. খেল-তামাশা, ক্রীড়া-কৌতুক ও নাচ গান থেকে দূরে থাকা।
৪০. রাস্তা থেকে কষ্টদায়ক বস্তু দূর করা।

নিম্নে কুফর, শিরক, বিদআত রহম ও গোনাহের বিষয়াদি সম্পর্কে বিবরণ পেশ করা হল, যেন এগুলো থেকে বিরত থাকার মাধ্যমে ঈমানকে রক্ষা করা যায়।

কতিপয় কুফরী ও তার বিবরণ

* যে সব বিষয়ের প্রতি ঈমান আনতে হয় (৪৭ পৃষ্ঠা থেকে ৫৪ পৃষ্ঠা পর্যন্ত দেখুন) তার কোনটি অস্বীকার করা কুফরী।

* কুরআন-হাদীছের অকাট্য দলীল দ্বারা প্রমাণিত কোন বিষয় অস্বীকার করা যেমনঃ নামায রোযা ফরয হওয়াকে অস্বীকার করা, নামাযের সংখ্যা, রাকআতের সংখ্যা, রুকু সাজদার অবস্থা, আযান, যাকাত, হজ্জ, ইত্যাদি বিষয়-এর কোনটি অস্বীকার করা কুফরী।

* কোন মুসলমানকে কাফের আখ্যায়িত করা কুফরী। (احسن الفتاوى ج ১/ ১)

* কুরআন-হাদীছের অকাটা দলীল দ্বারা প্রমাণিত কোন বিষয়ের এমন ব্যাখ্যা দেয়া, যা কুরআন ও হাদীছের স্পষ্ট বিবরণের খেলাফ-এটাও কুফরী।

* কুফর ও ভিন্ন ধর্মের কোন শি'আর বা ধর্মীয় বিশেষ নিদর্শন গ্রহণ করা কুফরী, যেমন হিন্দুদের ন্যায় পৈতা গলায় দেয়া, খৃষ্টানদের ক্রুশ গলায় ঝুলানো ইত্যাদি।

* কুরআনের কোন আয়াতকে অস্বীকার করা বা তার কোন নির্দেশ সম্পর্কে ঠাট্টা-বিদ্রূপ করা কুফরী।

* কুরআন শরীফকে নাপাক স্থানে ও ময়লা আবর্জনার মধ্যে নিক্ষেপ করা কুফরী।

* ইবাদত ও তাযীমের নিয়তে কবরকে চুমু দেয়া কুফরী। ইবাদতের নিয়ত ছাড়া চুমু দেয়া গোনাহে কবীরা।

* দ্বীন ও ধর্মের কোন বিষয় নিয়ে উপহাস ও ঠাট্টা-বিদ্রূপ করা কুফরী। এ জন্যেই নামায রোযা নিয়ে উপহাস করা কুফরী, ইসলামের পর্দা ব্যবস্থাকে তিরস্কার করা বা উপহাস করা কুফরী, দাড়ি টুপি পাগড়ী নিয়ে উপহাস করা কুফরী ইত্যাদি।

* আল্লাহ এবং তাঁর রাসূলের কোন হুকুমকে খারাপ মনে করা এবং তার দোষ-ত্রুটি অন্বেষণ করা কুফরী।

* ফেরেশতাদের সম্পর্কে বিদ্বেষভাব পোষণ করা বা তাদের সম্পর্কে কটুক্তি করা কুফরী।

* হারামকে হালাল মনে করা এবং হালালকে হারাম মনে করা কুফরী।

* কারও মৃত্যুতে আল্লাহর উপর অভিযোগ আনা, আল্লাহকে জালেম সাব্যস্ত করা কুফরী।

* কাউকে কুফরী শিক্ষা দেয়া কুফরী।

* হারাম বস্তু পানাহারের সময় বিসমিল্লাহ বলা, যেনায় লিগু হওয়ার সময় বিসমিল্লাহ বলা কুফরী।

* দ্বীনী ইল্মের প্রতি তুচ্ছ-তাচ্ছিল্য প্রদর্শন ও অবমাননাকর বক্তব্য প্রদান করা কুফরী।

* হক্কানী উলামায়ে কেরামকে দ্বীনী ইল্মের ধারক বাহক হওয়ার দরুণ গালি দেয়া বা তুচ্ছ-তাচ্ছিল্য করা। এটাও কুফরী।

* কেউ প্রকাশ্যে কোন গোনাহ করে যদি বলে যে, আমি এর জন্য গর্বিত তাহলে সেটা কুফরী।

* আল্লাহ ও রাসূল (সাঃ)-এর অবমাননা করা, আল্লাহ ও নবীকে গালি দেয়া এবং তাঁদের শানে বেয়াদবী করা কুফরী।

* যে যাদুর মধ্যে ঈমানের পরিপন্থী কুফর ও শিরকের কথাবার্তা বা কাজকর্ম থাকে তা কুফরী।

(ماخوذ از معارف القرآن جواهر الفقه، احسن الفتاوى ج ۱، امداد الفتاوى ج ۵ و ۶)
 (ماہوار سے آپ کے مسائل اور احکامات وغیرہ)

ঈমান পরিপন্থী কিছু আধুনিক ধ্যান-ধারণা

* জনগণকে সকল ক্ষমতার উৎস মানা, জনগণকে আইনের উৎস মানা ঈমান পরিপন্থী। কেননা ইসলামী আকীদা-বিশ্বাসে আল্লাহকেই সর্বময় ক্ষমতার উৎস স্বীকার করা হয় এবং বিধান দেয়ার অধিকার একমাত্র আল্লাহর।

* প্রচলিত গণতন্ত্রে জনগণকেই সকল ক্ষমতার উৎস এবং জনগণ কর্তৃক নির্বাচিত প্রতিনিধিদেরকে আইন বা বিধানের অথরিটি বলে স্বীকার করা হয়, তাই প্রচলিত গণতন্ত্র-এর ধারণা ঈমান আকীদার পরিপন্থী।

* সমাজতন্ত্রে নিখিল বিশ্বের কোন সৃষ্টিকর্তা বা খোদা আছে বলে স্বীকার করা হয় না, তাই নাস্তিকতা নির্ভর এই সমাজতন্ত্রের মতবাদে বিশ্বাস করা ঈমান আকীদা পরিপন্থী।

* গণতন্ত্র, সমাজতন্ত্র ইত্যাদি তন্ত্রমন্ত্রকে মুক্তির পথ মনে করা এবং একথা বলা যে, ইসলাম সেকেলে মতবাদ, এর দ্বারা বিজ্ঞানের চরম উৎকর্ষের এই যুগে উন্নতি অগ্রগতি সম্ভব নয়- এটা কুফরী।

* “ধর্ম নিরপেক্ষতা”-এর অর্থ যদি হয় কোন ধর্মে না থাকা, কোন ধর্মের পক্ষ অবলম্বন না করা, কোন ধর্মকে সমর্থন দিতে না পারা, তাহলে এটা কুফরী মতবাদ। কেননা ইসলাম ধর্মে থাকতেই হবে, ইসলামের পক্ষ অবলম্বন করতেই হবে, ইসলামী কার্যক্রমকে সমর্থন দিতেই হবে। আর যদি ধর্মনিরপেক্ষতার অর্থ হয় রাষ্ট্রীয়ভাবে ইসলামকে প্রতিষ্ঠিত না করা, তাহলে সে ধারণাও ইসলামী আকীদা-বিশ্বাসের পরিপন্থী। কেননা, ইসলামী আকীদা বিশ্বাসে ক্ষমতা ও সামর্থ্য থাকলে ইসলামী খেলাফত প্রতিষ্ঠা করা ফরয। আর কোন ফরযকে আত্মীকার করা কুফরী। যদি ধর্মনিরপেক্ষতার অর্থ শুধু এতটুকু হয় যে, সকল ধর্মাবলম্বীরা নিজ নিজ ধর্ম-কর্ম পালন করতে পারবে, জোর

জবরদস্তী কাউকে অন্য ধর্মে প্রবেশ করানো যাবে না, তাহলে এতটুকু ধারণা ইসলাম পরিপন্থী হবে না।

* ডারউইন-এর বিবর্তনবাদে বিশ্বাস করা কুফরী অর্থাৎ, একথা বিশ্বাস করা যে, বিবর্তন অনুযায়ী ক্রমান্বয়ে পরিবর্তন হতে হতে এক পর্যায়ে বানর থেকে মানুষ সৃষ্টি হয়েছে। এরূপ বিশ্বাস ইসলাম ও ঈমান পরিপন্থী। ইসলামী আকীদা বিশ্বাসে আল্লাহ তা'আলা নিজ হাতে সর্ব প্রথম হযরত আদম (আঃ) কে সৃষ্টি করেছেন এবং তাঁর থেকেই মনুষ্য জাতির বিস্তৃতি ঘটেছে।

* ইসলাম মসজিদের ভিতর সীমাবদ্ধ থাকবে, ইসলাম ব্যক্তিগত ব্যাপার, ব্যক্তিগত জীবনে এটাকে সীমাবদ্ধ রাখতে হবে, সমাজ বা রাষ্ট্রীয় জীবনে এটাকে টেনে আনা যাবে না- এরূপ বিশ্বাস করা কুফরী। কেননা, এভাবে ইসলামের ব্যাপকতাকে অস্বীকার করা হয়। ইসলামী আকীদা-বিশ্বাস অনুযায়ী কুরআন-হাদীছে তথা ইসলামে মানুষের ব্যক্তিগত, সামাজিক, রাষ্ট্রীয় যাবতীয় ক্ষেত্রের সকল বিষয়ে শাস্ত সুনন্দর দিক নির্দেশনা রয়েছে।

* নামায রোযা, হজ্জ, যাকাত, পর্দা করা ইত্যাদি ফরয সমূহকে ফরয তথা অত্যাৱশ্যকীয় জরুরী মনে না করা এবং গান, বাদ্য, সুদ, ঘুম ইত্যাদি হারাম সমূহকে হারাম মনে না করা এবং এগুলোকে মৌলভীদের বাড়াবাড়ি বলে আখ্যায়িত করা কুফরী। কেননা কোন ফরযকে ফরয বলে অস্বীকার করা বা কোন হারামকে জায়েয মনে করা কুফরী।

* টুপি, দাড়ি, পাগড়ী, মসজিদ, মাদ্রাসা, আলেম মৌলভী ইত্যাদিকে তুচ্ছ জ্ঞান করা, এগুলোকে হয়ে দৃষ্টিতে দেখা, এগুলো নিয়ে ঠাট্টা বিদ্রূপ করা মারাত্মক গোমরাহী। ইসলামের কোন বিষয়- তা যত সামান্যই হোক- তা নিয়ে ঠাট্টা বিদ্রূপ করলে ঈমান নষ্ট হয়ে যায়।

* আধুনিক কালের নব্য শিক্ষিতদের কেউ কেউ মনে করেন যে, কেবল মাত্র ইসলামই নয়- হিন্দু, খৃষ্টান, ইয়াহুদী, বৌদ্ধ নির্বিশেষে যে কোন ধর্মে থেকে মানবতা, মানব সেবা পরোপকার প্রভৃতি ভাল কাজ করলে পরকালে মুক্তি হবে। এরূপ বিশ্বাস করা কুফরী। একমাত্র ইসলাম ধর্ম অনুসরণের মধ্যেই পরকালীন মুক্তি নিহিত- একথায় বিশ্বাস রাখা ঈমানের জন্য জরুরী।

বিঃ দ্রঃ অত্র গল্পে যেসব বিষয়কে কুফরী বলে আখ্যায়িত করা হয়েছে, কারও মধ্যে তা পরিলক্ষিত হলেই তাকে কাকের বলে ফতওয়া দিয়ে দেয়া যাবে না। কেননা কুফরের মধ্যে বিভিন্ন স্তর রয়েছে। যদিও সব স্তরের কুফরী

গোমরাহী এবং যার মধ্যে তা পাওয়া যাবে সে পথভ্রষ্ট, গোমরাহ এবং আহ্লে সুন্নাত ওয়াল জামা'আত বহির্ভূত, তবে কুফরের কোন স্তর পাওয়া গেলে কাউকে কাফের বলে ফতওয়া দেয়া যায় তা বিজ্ঞ উলামা ও মুফতীগণই নির্ণয় করতে পারেন। এ ব্যাপারে সাধারণ মানুষের পক্ষে বিজ্ঞ উলামা ও মুফতীগণের স্মরণাপন্ন হওয়া ব্যতীত নিজেদের থেকে কোন ফতওয়া বা সিদ্ধান্ত প্রকাশ করা সমীচীন হবে না। কাউকে কাফের আখ্যায়িত করার জরুরী কয়েকটি মূলনীতি অত্র অধ্যায় (প্রথম অধ্যায়)-এর শেষে বর্ণনা করা হয়েছে।

কতিপয় শিরুক

* কোন বুয়ুর্গ বা পীর মুরশিদ সম্বন্ধে এই আকীদা রাখা যে, তিনি সব সময় আমাদের অবস্থা জানেন। তিনি সর্বত্র হাযির নাযির।

* কোন পীর বুয়ুর্গকে দূর দেশ থেকে ডাকা এবং মনে করা যে, তিনি জানতে পেরেছেন।

* কোন পীর বুয়ুর্গের কবরের নিকট সন্তান বা অন্য কোন উদ্দেশ্য চাওয়া। সন্তান দেয়ার মালিক আল্লাহ, পীর বুয়ুর্গ নয়।

* পীর বা কবরকে সাজদা করা।

* কোন বুয়ুর্গের নাম অজীফার মত জপ করা।

* কোন পীর বুয়ুর্গের নামে শিরনী, ছদকা বা মান্নত মানা।

* কোন পীর বুয়ুর্গের নামে জানোয়ার জবেহ করা।

* কারও দোহাই দেয়া।

* কারও নামের কছম খাওয়া বা কিরা করা।

* আলীবখ্শ, হোছাইন বখ্শ ইত্যাদি নাম রাখা।

* নক্ষত্রের তা'হীর (প্রভাব) মানা বা তিথি পালন করা,

* জ্যোতির্বিদ, গণক, ঠাকুর বা যার ঘাড়ে জিন এসেছে তার নিকট হাত দেখিয়ে অদৃষ্ট সম্পর্কে জিজ্ঞাসা করা। তাদের ভবিষ্যদ্বাণী ও গায়েবী খবরে বিশ্বাস স্থাপন করা।

* কোন জিনিস দেখে কু-লক্ষণ ধরা বা কু-যাত্রা মনে করা, যেমন অনেকে যাত্রা মুখে কেউ হাঁচি দিলে বা যাত্রা মুখে কোন মেয়ে মানুষ বা কাল কলসি দেখলে বা যাত্রা মুখে হোচট খেলে কু-যাত্রা মনে করে থাকে।

* কোন দিন বা মাসকে অশুভ মনে করা।

* মহররমের তা'জিয়া বানানো।

* এরকম বলা যে, খোদা রসূলের মর্জি থাকলে এই কাজ হবে বা খোদা রাসূল যদি চায় তাহলে এই কাজ হবে। (বরং এভাবে বলা সহীহ যে, খোদা চাইলে হবে বা খোদার মর্জি থাকলে হবে।)

* এরকম বলা যে, উপরে খোদা নীচে আপনি (বা অমুক)

* কাউকে “পরম পূজনীয়” লেখা।

* “কষ্ট না করলে কেষ্ট (শ্রীকৃষ্ণ) পাওয়া যায় না” বলা বা “জয়কালী নেগাহবান ” ইত্যাদি বলা।

* কোন পীর বুয়ুর্গ, দেও পরী, বা ভূত ব্রাহ্মণকে লাভ লোকসানের মালিক মনে করা।

কোন পীর বুয়ুর্গের দরগাহ বা কবরের চতুর্দিক দিয়ে তওয়াফ করা।

* কোন পীর বুয়ুর্গের দরগাহ বা বাড়ীকে কাবা শরীফের ন্যায় আদব-তা'যীম করা।
(ما تَخُذُوا تِلْكَ اَحْسَنَ التَّوَاتُي)

কতিপয় বিদআত

বিদআত অর্থ নতুন সৃষ্টি। শরী'আতের পরিভাষায় বিদআত বলা হয় দ্বীনের মধ্যে কোন নতুন সৃষ্টিকে, অর্থাৎ, দ্বীনের মধ্যে ইবাদত মনে করে এবং অতিরিক্ত হওয়াবের আশায় এমন কিছু আকীদা বা আমল সংযোজন ও বৃদ্ধি করা, যা রাসূল (সাঃ) সাহাবী ও তাবেঈদের যুগে অর্থাৎ, আদর্শ যুগে ছিল না। তবে যেসব নেক কাজের প্রেক্ষাপট সে যুগে হয়নি, পরবর্তীতে নতুন প্রেক্ষাপট সৃষ্টি হওয়ায় নতুন আঙ্গিকে দ্বীনের কোন কাজ করা হয় সেটা বিদআত নয় যেমন প্রচলিত ধর্মীয় প্রতিষ্ঠান ইত্যাদি।

নিম্নে কতিপয় বিদআতের বিষয় চিহ্নিত করে দেখানো হলঃ

* কোন বুয়ুর্গের মাযারে ধুমধামের সাথে মেলা মিলানো।

* ওরস করা।

* কাওয়ালী।

* জন্মবার্ষিকী ও মৃত্যুবার্ষিকী পালন করা।

* মৃতের কুলখানী করা (অর্থাৎ, চতুর্থ দিনে ঈছালে হওয়াব করা)

* মৃতের চেহলাম বা চল্লিশা করা।

* কবরের উপর চাদর দেয়া।

* কবরের উপর ফুল দেয়া।

* কবর পাকা করা।

* কবরের উপর গম্বুজ বানানো।

* কবরের দুই প্রান্তে কাঁচা ডাল লাগানোকে স্থায়ী নিয়মে পরিণত করা। তবে যদি মাঝে মধ্যে এটা করা হয় এবং স্থায়ী নিয়মে পরিণত করা না হয়, তাহলে তার অবকাশ রয়েছে।

* মাযারে চাদর, শামিয়ানা, মিঠাই ইত্যাদি নযরানা দেয়া।

* প্রচলিত মিলাদ অনুষ্ঠান।

* মীলাদ অনুষ্ঠানে কেয়াম করা।

* জানাযার নামাযের পর আবার হাত উঠিয়ে দোয়া করা।

* জানাযা নামাযের পর জোর আওয়াজে কালেমা পড়তে পড়তে জানাযা বহন করে নিয়ে যাওয়া।

* দাফনের পর কবরের কাছে আযান দেয়া।

* ঈদের নামাযের পর মুসাহাফা ও মুআনাকা বা কোলাকুলি করা।

* আযানের পর হাত উঠিয়ে দুআ করা। (احسن الفتاوى ج ১/ ১)

* আযান ইকামতের মধ্যে রাসুল (সাঃ)-এর নাম এলে বৃদ্ধ আঙ্গুলে চুমু দিয়ে চোখে লাগানো। (احسن الفتاوى ج ১/ ১ وراه سنت)

* রমযানের শেষ জুমুআর খুতবায় বিদায় জ্ঞাপন মূলক শব্দ (যেমন আল-বিদা) যোগ করা। “জুমুআতুল বিদা” বলে কোন ধারণা ইসলামে নেই।

* আমীন বলে মুনাজাত শেষ করা নিয়ম। অনেকে কালিমায়ে তাইয়্যেবা বলতে বলতে মুখে হাত বুলান এবং মুনাজাত শেষ করেন-এটা কুরআন সুন্নাহ দ্বারা প্রমাণিত নয়, এটা বিদআত। (احسن الفتاوى ج ১/ ১)

* জানাযার উপর কালিমা ইত্যাদি লেখা বা ফুলের চাদর বিছানো।

(ماخوذ از تعليم الدين. آپ کے مسائل اور ان کا حل. راہ سنت. احسن الفتاوى ج ১/ ১ والفرقان وغيرها)

কতিপয় রসম বা কুসংস্কার ও কুপ্রথা

* বিধবা বিবাহকে দোষণীয় মনে করা।

* বিবাহের সময় সামর্থ্য না থাকা সত্ত্বেও সমস্ত দেশাচার পালন করা এবং অযথা অপব্যয় করা।

* নছব বা বংশের গৌরব করা।

* কোন হালাল পেশাকে অপমানের মনে করা। যেমন দণ্ডীর কাজ করা, মাঝিগিরী বা দর্জিগিরী করা, তেল-লবণের দোকান করা ইত্যাদি।

* বিবাহ শাদিতে হিন্দুদের রহম পালন করা, যেমন ফুল-কুল দ্বারা বৌ বরণ করা, ভরা মজলিসে বউ-এর মুখ দেখানো, গীত গেয়ে স্ত্রী পুরুষ একত্রিত

হয়ে বর কনেকে গোসল দেয়া ইত্যাদি। এগুলি গোনাহের কাজ। বিবাহের অনুষ্ঠানে এসব গোনাহের কাজ করলে বিবাহের বরকত নষ্ট হয়ে যায়।

* মৃত ব্যক্তির ব্যবহৃত কাপড়-চোপড়কে দোষণীয় মনে করা।

* বিনা প্রয়োজনে কুকুর পালন করা। (তবে শিকার ও পাহারার প্রয়োজনে কুকুর পালন করা বৈধ।)

* বিবাহ-শাদি, খতনা ইত্যাদিতে হাদিয়া উপঢৌকন দেয়া। এসব উপঢৌকন প্রদানের পশ্চাতে ভাল নিয়ত থাকে না বা খারাপ নিয়ত থাকে, যেমন না দিলে অসম্মান হয়, দুর্নাম হয় বিধায় দেয়া হয় কিংবা অমুক অনুষ্ঠানে তারা দিয়েছিল তাই দিতে হয় ইত্যাদি উদ্দেশ্যে মানুষ দিয়ে থাকে।

* বিবাহ-শাদিতে পদে পদে শত শত রহম ও কুসংস্কার পালিত হয়, এগুলো বর্জনীয়। প্রত্যেকটা পদে পদে শরীয়তের তরীকা কি তা জেনে বাকী সব পরিত্যাগ করা উচিত।

* শবে বরাতে হালুয়া রুটি করা, পটকা ফুটানো, আতশবাজী করা।

* আশুরায় খিচুড়ি ও শরবত তৈরি এবং বন্টন করা।

* শবে বরাত ও শবে কদরে রাত্র জাগরণের জন্য ফরয ওয়াজিব থেকে বেশী গুরুত্ব সহকারে লোকদের সমবেত করার উদ্যোগ নেয়া।

* শাব্দিক অর্থে “ঈদ মুবারক” বলা খারাপ ছিল না, কিন্তু এটা রহমে পরিণত হয়েছে বিধায় পরিত্যাগ করাই শ্রেয়।

* ঈদগাহে বা মসজিদে যাওয়ার আগেই তাসবীহ বা জায়নামায দিয়ে স্থান দখল করে রাখা।

* মুয়াজ্জিনের জন্য জায়নামায দিয়ে স্থান নির্দিষ্ট করে রাখা।

* মসজিদ, মাদ্রাসা প্রভৃতি ধর্মীয় প্রতিষ্ঠানের জন্য বা ধর্মীয় অন্য কোন কাজের জন্য মজলিসের মধ্যে এমনভাবে চাঁদা আদায় ও দান কালেকশন করা যে, মানুষ শরমে পড়ে বা চাপের মুখে পীড়াপীড়ির কারণে দান করে।

* বিপদ-আপদে যে কোন দান সদকা করলে বিপদ দূরীভূত হয়, কিন্তু গরু ছাগল মোরগ প্রভৃতি কোন প্রাণীই জবাই করতে হবে- যেমন বলাও হয় জানের বদলে জান- এটা একটা রহম। জানের বদলে জান হওয়া জরুরী নয় বরং যে কোন ছদকা হলেই তা বিপদ দূরীভূত হওয়ার সহায়ক।

* তারাবীহতে কুরআন খতম হওয়ার দিন মিষ্টি বিতরণ করাও রহম।

* মাইয়েতের জন্য ঈছালে ছওয়াব করা দুআ করা শরী'আত সম্মত বিষয়, কিন্তু সেটা সম্মিলিত হয়েই করতে হবে এরূপ বাধ্য বাধকতার পেছনে পড়াও রহমে পরিণত হয়েছে। অতএব তা পরিত্যাজ্য।

(ماخوذ از بیشتی زیور، تعلیم الدین، اصلاحی الرسوم، احسن الفتاویٰ وغیرها)

কবীরা গোনাহ বা বড় গোনাহের তালিকা

১. শির্ক।
২. মা-বাপের নাফরমানী করা অর্থাৎ, তাদের হুক আদায় না করা। (বিস্তারিত জানার জন্য দেখুন ৪১৩ নং পৃষ্ঠা।)
৩. “কাত্য়ে রেহ্মী” করা অর্থাৎ, যে সব আল্লীয়দের সাথে রক্তের সম্পর্ক রয়েছে তাদের সাথে অসদ্ব্যবহার করা ও তাদের হুক নষ্ট করা।
৪. যেনা করা অর্থাৎ, নারীর সতীত্ব নষ্ট করা এবং পুরুষের চরিত্র নষ্ট করা। (বিস্তারিত জানার জন্য দেখুন ৬০৪ নং পৃষ্ঠা)
৫. বালকদের সাথে কুকর্ম করা।
৬. হস্ত মৈথুন করা।
৭. প্রাণীর সাথে কুকর্ম করা।
৮. আমানতের খেয়ানত করা। (বিস্তারিত জানার জন্য দেখুন ৬১৩ নং পৃষ্ঠা।)
৯. মানুষ খুন করা।
১০. মিথ্যা তোহ্মত বা অপবাদ লাগানো, বিশেষভাবে যেনার অপবাদ লাগানো।
১১. মিথ্যা সাক্ষ্য দেয়া।
১২. সাক্ষ্য গোপন করা, যখন অন্য কেউ সাক্ষ্য দেয়ার না থাকে।
১৩. যাদু দ্বারা কারও ক্ষতি সাধনের চেষ্টা করা। (দেখুন ৮৪ নং পৃষ্ঠা।)
১৪. যাদু শিক্ষা করা এবং শিক্ষা দেয়া।
১৫. অঙ্গীকার ভঙ্গ করা, ওয়াদা খেলাফ করা, কথা দিয়ে তা ঠিক না রাখা। (বিস্তারিত জানার জন্য দেখুন ৬১৭ নং পৃষ্ঠা।)
১৬. গীবত করা। (বিস্তারিত জানার জন্য দেখুন ৬০৬ নং পৃষ্ঠা।)
১৭. স্বামীর বিরুদ্ধে স্ত্রীকে, মনীষের বিরুদ্ধে চাকরকে, উস্তাদের বিরুদ্ধে শাগরেদকে, রাজার বিরুদ্ধে প্রজাকে, কর্তার বিরুদ্ধে কর্মচারীকে ক্ষেপিয়ে তোলা।
১৮. নেশা করা। (বিস্তারিত জানার জন্য দেখুন ৬০২-৬০৩ নং পৃষ্ঠা।)

১৯. জুয়া খেলা। (বিস্তারিত জানার জন্য দেখুন ৬১২ নং পৃষ্ঠা।)
২০. সূদ অনেক প্রকারের আছে- সরল সূদ, চক্রবৃদ্ধি সূদ ইত্যাদি সর্বপ্রকারের সূদই মহাপাপ। সূদ দাতা, সূদ গ্রহীতা, সূদের লেন-দেনে সাক্ষদাতা ও সূদ বিষয়ক লেন-দেনের দলীল লেখক সকলের প্রতি রাসূল (সাঃ) লানত করেছেন। সকলেরই কবীরা গোনাহ হয়।
২১. ঘুষ বা রেশওয়াত প্রদান ও গ্রহণের কারণে আল্লাহর অভিশাপ অবতীর্ণ হয়, এটা মহাপাপ। তবে জালেমের জুলুমের কারণে নিজের হক আদায় করার জন্য ঠেকায় পড়ে ঘুষ দিলে তা পাপ নয়। কিন্তু ঘুষ দিয়ে কার্য উদ্ধার করার মনোবৃত্তি ভাল নয়। যাদের বেতন ধার্য আছে তারা কর্তব্য কাজ করে দিয়ে অতিরিক্ত যা কিছু নিবে সবই ঘুষ, চাই একটা সিগারেট হোক বা এক কাপ চা বা একটা পানই হোক।
২২. অন্যায়ভাবে কারও স্থাবর বা অস্থাবর সম্পত্তি হরণ বা ভোগ দখল করা।
২৩. অনাথ, এতীম, নিরাশ্রয় বা বিধবার মাল গ্রাস করা।
২৪. খোদার ঘর যিয়ারতকারী তথা হজ্জযাত্রীদের প্রতি দুর্ব্যবহার করা।
২৫. মিথ্যা কছম করা।
২৬. গালি দেয়া। (বিস্তারিত জানার জন্য দেখুন ৬০৮ নং পৃষ্ঠা।)
২৭. অশ্লীল কথা বলা।
২৮. জেহাদের ময়দান থেকে পলায়ন করা।
২৯. ধোকা দেয়া।
৩০. অহংকার করা। (বিস্তারিত জানার জন্য দেখুন ৫৯৫ নং পৃষ্ঠা।)
৩১. চুরি করা।
৩২. ডাকাতি ও লুটতরাজ করা, এমনিভাবে পকেট মারা, ছিনতাই করা।
৩৩. নাচ, গান-বাদ্য সিনেমা ইত্যাদি। (দেখুন ৬০১-৬০২ পৃষ্ঠা।)
৩৪. স্বামীর নাক্ষরমানী করা, অর্থাৎ, স্বামীর হক আদায় না করা। (এ সম্পর্কে বিস্তারিত জানার জন্য দেখুন ৪২১ নং পৃষ্ঠা।)
৩৫. জায়গা যমীর আইল (সীমানা) নষ্ট করা।
৩৬. শ্রমিক থেকে কাজ পূর্ণ নিয়ে তার পূর্ণ মজুরী না দেয়া বা পূর্ণ মজুরী দিতে টাল-বাহানা করা।
৩৭. মাপে কম দেয়া।
৩৮. মালে মিশাল দেয়া।

৩৯. খরীদারকে ধোকা দেয়া।

৪০. দাইয়্যুছিয়াত অর্থাৎ, নিজের বিবিকে বা অধীনস্থ কোন নারীকে পর পুরুষের সঙ্গে মেলামেশা করতে দেয়া, পর পুরুষের বিছানায় যেতে দেয়া, এসবের প্রতি সতুষ্টি থাকা।

৪১. চোগলখুরী করা। (বিস্তারিত জানার জন্য দেখুন ৬০৭ নং পৃষ্ঠা।)

৪২. গণকের কাছে যাওয়া। (আরও জানার জন্য দেখুন ৮৩ নং পৃষ্ঠা।)

৪৩. মানুষ বা অন্য কোন জীবের ফটো আদর করে ঘরে রাখা।

৪৪. পুরুষের জন্য সোনার আংটি পরিধান করা।

৪৫. পুরুষের জন্য রেশমী পোষাক পরিধান করা। (দেখুন ৪৭০ নং পৃষ্ঠা।)

৪৬. শরীরের রূপ ঝলকে-মেয়েলোকদের জন্য এমন পাতলা পোশাক পরিধান করা।

৪৭. মহিলাদের জন্য পুরুষের এবং পুরুষের জন্য মহিলার পোশাক পরিধান করা।

৪৮. গর্বভরে লুঙ্গি, পায়জামা, জামা ও প্যান্ট পায়ের নীচে ঝুলিয়ে চলা। (বিস্তারিত জানার জন্য দেখুন ৪৭১ নং পৃষ্ঠা।)

৪৯. বংশ বদলানো অর্থাৎ, পিতৃ পরিচয় বদলে দেয়া।

৫০. মিথ্যা মোকাদ্দমা করা, মিথ্যা মোকাদ্দমার পরামর্শ প্রদান, তদবীর ও পায়রবী করাও কবীরা গোনাহ।

৫১. মৃত ব্যক্তির শরীয়ত সম্মত ওছিয়াত পালন না করা।

৫২. কোন মুসলমানকে ধোকা দেয়া।

৫৩. গুণ্ডচরবৃত্তি করা, অর্থাৎ, মুসলমান সমাজের এবং মুসলমান রাষ্ট্রের গুণ্ড ভেদ ও দুর্বল পয়েন্টের কথা অন্য সমাজের লোকের কাছে, অন্য রাষ্ট্রের কাছে প্রকাশ করা।

৫৪. কাউকে মেপে দিতে কম দেয়া এবং মেপে নিতে বেশী নেয়া।

৫৫. টাকা বা নোট জাল করা।

৫৬. ইসলামী রাষ্ট্রের সীমান্ত প্রহরায় ত্রুটি করা।

৫৭. দেশের জরুরী রসদ, খাদ্য বা হাতিয়ার চোরাচালান বা পাচার করা।

৫৮. রাস্তা-ঘাটে, ছায়াদার কিম্বা ফলদার বৃক্ষের নীচে মল-মূত্র ত্যাগ করা।

৫৯. বাড়ি-ঘর, আনাচ-কানাচ, থালা-বাসন, কাপড়-চোপড় নোংরা ও গন্ধ করে রাখা।

৬০. হায়েয বা নেফাছ অবস্থায় স্ত্রী সহবাস করা।
৬১. মলদ্বারে স্ত্রী সহবাস করা।
৬২. যাকাত না দেয়া।
৬৩. ইচ্ছা পূর্বক ওয়াস্তিয়া নামায কাযা করা।
৬৪. জুমুআর নামায না পড়া।
৬৫. বিনা ওজরে রোযা ভাঙ্গা।
৬৬. রিয়া তথা লোক দেখানোর জন্য ইবাদত করা।
৬৭. জনগণের কষ্ট হওয়া সত্ত্বেও দাম বাড়ানোর জন্য জীবিকা নির্বাহোপযোগী খাদ্য-দ্রব্য, জিনিসপত্র গোলাজাত করে রাখা।
৬৮. মানুষের কষ্ট হয় এমন খাদ্য-দ্রব্যের মূল্য বৃদ্ধি দেখে খুশী হওয়া।
৬৯. ঘাঁড় বা পাঠার দ্বারা গাভী বা ছাগী পাল দিতে না দেয়া। পাল দেয়ার জন্য বিনিময় গ্রহণ করা জায়েয নয়।
৭০. প্রতিবেশীকে (ভিন্ন জাতির হলেও) কষ্ট দেয়া।
৭১. পাড়া প্রতিবেশীর কী-বৌকে কু-নয়রে দেখা।
৭২. মাল থাকা বা মাল উপার্জনের শক্তি থাকা সত্ত্বেও লোভের বশবর্তী হয়ে সওয়াল করা।
৭৩. জনগণ চায় না তা সত্ত্বেও তাদের নেতৃত্ব দেয়া।
৭৪. কারণ ছাড়াই স্ত্রীর স্বামী সহবাসে অসম্মত হওয়া।
৭৫. পরের দোষ দেখে বেড়ানো।
৭৬. কারও জান, মাল বা ইজ্জতের হানি করা।
৭৭. নিজের প্রশংসা করা।
৭৮. বিনা দলীলে কারও প্রতি বদগোমামী করা। (দেখুন ৫৯৯ নং পৃষ্ঠা।)
৭৯. ইল্মে দীনকে তুচ্ছ মনে করে ইল্মে দীন হাছিল না করা বা হাছিল করে আমল না করা।
৮০. এমন কথা যা রাসূল সাল্লাল্লাহু আলাইহি ওয়াসাল্লাম বলেননি বা এমন কোন কাজ যা রাসূল সাল্লাল্লাহু আলাইহি ওয়াসাল্লাম করেননি- সে সম্পর্কে এক্রপ বলা যে, রাসূল সাল্লাল্লাহু আলাইহি ওয়াসাল্লাম বলেছেন বা রাসূল সাল্লাল্লাহু আলাইহি ওয়াসাল্লাম করেছেন।
৮১. হজ্জ ফরয হওয়া সত্ত্বেও হজ্জ করা ব্যতীত মৃত্যুবরণ করা। তবে মৃত্যুর সময় হজ্জের ওছিয়াত বা ব্যবস্থা সম্পন্ন করে গেলে পাপমুক্ত হতে পারবে।
৮২. কোন সাহাবীকে মন্দ বলা, সাহাবীদের সমালোচনা করা।

৮৩. হযরত আলী (রাঃ)-কে হযরত আবু বকর সিদ্দীক (রাঃ) থেকে শ্রেষ্ঠ বলা।
৮৪. কোন নারীকে তার স্বামীর কাছে গমন ও স্বামীর হুকুম আদায়ে বাধা দেয়া।
৮৫. কোন অন্ধকে ভুল পথ দেখিয়ে দেয়া।
৮৬. পৃথিবীতে অশান্তি সৃষ্টি করা ও অশান্তি ছড়ানো, ফ্যাসাদ করা।
৮৭. কাউকে কোন পাপ কাজে উদ্বুদ্ধ করা ও পাপ কাজে সহযোগিতা করা।
৮৮. কোন গোনাহে সগীরার উপর হটকারিতা করা।
৮৯. পেশাবের ছিটা থেকে সাবধান সতর্ক না থাকা।
৯০. কোন দান-সদকা করে বা হাদিয়া-উপঢৌকন দিয়ে খোঁটা দেয়া।
৯১. অনুগ্রহকারীর না-শুকরী করা।
৯২. কোন মুসলমান ভাইকে ছুরি, চাকু, তলোয়ার ইত্যাদি লৌহ অস্ত্র দ্বারা ইশারা করে ভয় দেখানো।
৯৩. দাবা ও ছক্কা পাঞ্জা খেলা। আরও কতিপয় খেলা রয়েছে যা হারাম ও কবীরা গোনাহ। (বিস্তারিত জানার জন্য দেখুন ৬১১-৬১২ নং পৃষ্ঠা।)
৯৪. বিনা জরুরিতে লোকের সামনে সতর খোলা। (বিস্তারিত জানার জন্য দেখুন ২২৯ নং পৃষ্ঠা।)
৯৫. মেহমানের খাতির ও আদর যত্ন না করা।
৯৬. হাসি-ঠাট্টা করে কাউকে অপমানিত করা।
৯৭. স্বজন প্রীতি করা।
৯৮. অন্যায় বিচার করা।
৯৯. নিজে ইচ্ছা করে, দাবী করে পদপ্রার্থী হওয়া বা পদ গ্রহণ করা। তবে কোন ক্ষেত্রে যদি এমন হয় যে, তিনিই একমাত্র উক্ত পদের যোগ্য, তিনি উক্ত পদ গ্রহণ না করলে বৃহত্তর জনগোষ্ঠীর স্বার্থ নষ্ট হবে, তাহলে সে ক্ষেত্রে পদ চাওয়া হলে তা ভিন্ন কথা।
১০০. ইসলামী রাষ্ট্রের রাষ্ট্রদ্রোহিতা করা।
১০১. নিজের বিবি-বাচ্চার খবর-বার্তা না নিয়ে তাদেরকে নষ্ট হয়ে যেতে দেয়া।
১০২. খতনা না করা মহাপাপ। (বিস্তারিত জানার জন্য দেখুন ৩৩২ নং পৃষ্ঠা।)
১০৩. অসৎ ও অন্যায় কাজ দেখে পারতপক্ষে তাতে বাধা না দেয়া। (বিস্তারিত জানার জন্য দেখুন ৬১৮ নং পৃষ্ঠা।)
১০৪. জালেমের প্রশংসা বা তোষামোদ করা।
১০৫. অন্যায়ের সমর্থন করা।
১০৬. আত্মহত্যা করা।

১০৭. স্বেচ্ছায় নিজের কোন অঙ্গ নষ্ট করা।
১০৮. স্ত্রী সহবাস করে গোসল না করা।
১০৯. প্রিয়জন বিয়োগে সিনা পিটিয়ে বা চিৎকার করে কাঁদা।
১১০. স্ত্রী পুরুষের নাভীর নীচের পশম, বগলের পশম বর্ধিত করে রাখা।
১১১. উস্তাদ ও পীরের সঙ্গে বেয়াদবী করা, হাফেজ ও আলেমের অমর্যাদা করা, তাদের সাথে বেয়াদবী করা।
১১২. প্রাণীর ছবি তৈরি করা বা ব্যবহার করা।
১১৩. গুকের গোস্তু খাওয়া।
১১৪. কোন হারাম দ্রব্য ভক্ষণ করা।
১১৫. ষাড়, কবুতর বা মোরগ ইত্যাদির লড়াই দেয়া।
১১৬. কুরআন শরীফ পড়ে ভুলে যাওয়া। (কোন রোগের কারণে হলে তা ভিন্ন কথা) কেউ কেউ বলেছেন ভুলে যাওয়ার অর্থ এমন হয়ে যাওয়া যে, দেখেও আর পড়তে পারে না।
১১৭. কোন জীবকে আগুন দিয়ে জ্বালিয়ে হত্যা করা কবীরা গোনাহ। তবে সাপ, বিছু, ভীমরুল ইত্যাদি কষ্টদায়ক জীব থেকে বাঁচার আর কোন উপায় না থাকলে ভিন্ন কথা।
১১৮. আল্লাহর রহমত থেকে নিরাশ হওয়া।
১১৯. আল্লাহর আযাব থেকে নির্ভীক হওয়া।
১২০. মৃত প্রাণী খাওয়া।
১২১. হালাল জীবকে আল্লাহর নামে জবাই না করে অন্য কারও নামে জবাই করে বা অন্য কোন উপায়ে মেরে খাওয়া।
১২২. অপব্যয় করা। (বিস্তারিত জানার জন্য দেখুন ৬০৪ নং পৃষ্ঠা।)
১২৩. বখীলী বা কৃপণতা করা। (বিস্তারিত জানার জন্য দেখুন ৫৯৪ নং পৃষ্ঠা।)
১২৪. রাজকীয় ক্ষমতা হাতে থাকা সত্ত্বেও ইসলামী আইন সমর্থন না করে অনৈসলামি আইন সমর্থন করা।
১২৫. ইসলামী আইন হওয়া সত্ত্বেও ইসলামী আইন অমান্য করা বা রাষ্ট্রদ্রোহীতা করা।
১২৬. ছোট জাত, ছোট পেশাদার বলে বা জোলা, তেলি, কুমার, কামার, বান্দীর বাচ্চা ইত্যাদি বড়ো কাউকে তুচ্ছ-তাচ্ছিল্য করা বা খোঁটা দেয়া।
১২৭. বিনা এজ্জাযেৎ বাড়ির ভেতরে বা ঘরের ভেতরে প্রবেশ করা সিংহা তাকানো। (বিস্তারিত জানার জন্য দেখুন ৪৮৬-৪৮৭ নং পৃষ্ঠা।)

১২৮. লুকিয়ে কারও কথা শোনা।

১২৯. ছুরত শেকেলের কারণে বা গরীব হওয়ার কারণে কোন মুসলমানকে টিটকারি বা ঠাট্টা-বিদ্রূপ করা।

১৩০. কোন মুসলমানকে কাফের বলা।

১৩১. কোন মুসলমানের সাথে উপহাস করা।

১৩২. একাধিক স্ত্রী থাকলে তাদের মধ্যে সমতা রক্ষা না করা।

১৩৩. কোন খাদ্যকে মন্দ বলা। (তবে রান্নার ত্রুটি বর্ণনা করা হলে তা খাদ্যকে মন্দ বলার অন্তর্ভুক্ত নয়।)

১৩৪. দুনিয়ার মহব্বত। অর্থাৎ, দ্বীনের মোকাবেলায় দুনিয়াকে প্রাধান্য দেয়া।

১৩৫. দাড়ি বিহীন বালকের প্রতি খাহেশাতের নজরে তাকানো।

১৩৬. গায়রে মাহরাম স্ত্রী লোকের নিকট একা একা বসা।

১৩৭. কাফেরদের রীতিনীতি পছন্দ করা।

(ماخوذ از فتاوى العلامة، لفظاً عن انوار العشار من الصغار والكبار وغيرها)

সগীরা গোনাহের বিবরণ ও তার একটি তালিকা

নিম্নে সগীরা বা ছোট গোনাহের একটি মোটামুটি তালিকা পেশ করা হল। তবে উল্লেখ্য যে, এই তালিকার মধ্যকার অনেক গোনাহকে অনেকে কবীরা গোনাহ বলেও আখ্যায়িত করেছেন। আবার পূর্বে উল্লেখিত কবীরা গোনাহের তালিকায় উল্লেখিত কোন কোন গোনাহকে সগীরা গোনাহ বলেও আখ্যায়িত করা হয়েছে। আসলে একটি গোনাহকে তার চেয়ে বড় গোনাহের তুলনায় ছোট বলা যায়, আবার তার চেয়ে ছোট গোনাহের তুলনায় তাকে বড় গোনাহও বলা যায়। আবার এক হিসেবে কোন গোনাহই ছোট নয়, কেননা সেটাওতো আল্লাহরই নাফরমানী। যেমন ছোট সাপও ধ্বংসকারী, বড় সাপও জীবন ধ্বংসকারী- একরূপ বিচারে কোন সাপই ছোট অর্থাৎ, অবহেলার নয়। অতএব এ দৃষ্টিভঙ্গিতে কোন পাপকেই তুচ্ছ বা ছোট মনে করতে নেই। আর সগীরা বা ছোট গোনাহের উপর হটকারিতা করলে তা কবীরা গোনাহ হয়ে দাঁড়ায়। বাহোক স্বাভাবিক ভাবে যেগুলোকে সগীরা গোনাহ বলা হয় তার একটি মোটামুটি তালিকা এইঃ

১. কোন মানুষ বা প্রাণীকে লানত (অভিশাপ) দেয়া।

২. না জেনে কোন পক্ষে ঝগড়া করা কিংবা জানার পর অন্যায় পক্ষে ঝগড়া করা।

৩. ইচ্ছাকৃত ভাবে নামাযে হাসা বা কোন বিপদের কারণে নামাযের মধ্যে ক্রন্দন করা।
৪. ফাসেক লোকদের সাথে উঠাবসা করা।
৫. মাকরুহ ওয়াক্তে নামায পড়া।
৬. কোন মসজিদে নাপাক প্রবেশ করানো।
৭. মসজিদে পাগল বা এমন ছোট শিশুকে নিয়ে যাওয়া, যার দ্বারা মসজিদের পবিত্রতা নষ্ট হওয়ার আশংকা থাকে।
৮. পেশাব পাখানার সময় কেবলার দিকে মুখ বা পিঠ করে বসা।
৯. উলঙ্গ হয়ে গোসল করা, যদিও আটকা স্থানে এবং লোকদের অগোচরে গোসল করা হোক।
১০. কোন স্ত্রীর সাথে যিহার করলে কাফফারা আদায় করার পূর্বে তার সাথে সহবাস করা।

স্বামী যদি স্ত্রীকে বলে তুমি আমার উপর আমার মাতার পৃষ্ঠ দেশের মত (অর্থাৎ, মাতার পিঠের মত হারাম) এরূপ বলাকে “যিহার” বলা হয়। ইসলামপূর্ব কালে স্ত্রীকে নিজের উপর হারাম করার এটি বিশেষ পদ্ধতি ছিল। এরূপ বললে কাফফারা আদায় করার পূর্বে স্ত্রী হালাল হবে না।

১১. সওমে বেসাল করা অর্থাৎ, এমনভাবে কয়েক দিন রোযা রাখা যে, মধ্যে ইফতরীও করবে না।

১২. মাহরাম পুরুষ ব্যতীত নারীর জন্য সফর করা।

১৩. কেউ ক্রয়ের জন্য কথা-বার্তা বলছে বা বিবাহের প্রস্তাব দিয়েছে এখনও উত্তর মেলেনি এরই মধ্যে অন্য কারও দর বলা বা প্রস্তাব দেয়া।

১৪. বাইরে থেকে শহরে যে মাল আসছে সেটা শহরের বাইরে গিয়ে ক্রয় করা। (এভাবে মধ্যস্বত্ব ভোগীর কারণে শহরে এসে মালের দাম বৃদ্ধি পায়)

১৫. জুমুআর (প্রথম) আযান হওয়ার পর ক্রয়-বিক্রয় করা এবং অন্যান্য দুনিয়াবী কাজ করা। অবশ্য জুমুআর দিকে চলন্ত অবস্থায় বেচা-কেনা করলে তাতে পাপ হবে না, কারণ অনুরূপ ক্রয়-বিক্রয় জুমুআর নামাযের জন্য ব্যাঘাত ঘটায় না।

১৬. শখ করে কুকুর লালন-পালন করা। মালামাল ও ফসল সংরক্ষণের জন্য কিংবা শিকারের উদ্দেশ্যে কুকুর পালন করা জায়েয।

১৭. অতি নগন্য বস্তু চুরি করা।

১৮. দাঁড়িয়ে পেশাব করা।

১৯. গোসল খানায় কিংবা পানির ঘাটে পেশাব করা।
২০. নামাযে সাদল (سل) করা অর্থাৎ, অস্বাভাবিক ভাবে কাপড় ঝুলিয়ে রাখা।
২১. গোসল ফরয- এরূপ অবস্থায় আযান দেয়া।
২২. গোসল ফরয- এরূপ অবস্থায় বিনা ওজরে মসজিদে প্রবেশ করা।
২৩. গোসল ফরয- এরূপ অবস্থায় মসজিদে বসা।
২৪. নামাযের মধ্যে কোমরে হাত রেখে দাঁড়ানো।
২৫. নামাযে লম্বা চাদর এমনভাবে শরীরে জড়ানো যাতে হাত বের করা মুশকিল হয়।
২৬. নামাযে অযথা শরীর নিয়ে খেলা করা অর্থাৎ, বিনা প্রয়োজনে কোন অঙ্গ নাড়াচাড়া করা বা কাপড় ওলট-পালট করা।
২৭. নামাযীর সামনে তার দিকে তাকিয়ে বসা বা দাঁড়ানো।
২৮. নামাযে ডানে বামে অথবা উপরের দিকে তাকানো।
২৯. মসজিদে দুনিয়াবী কথা-বার্তা বলা।
৩০. ইবাদত নয় এরূপ কোন কাজ মসজিদে করা।
৩১. রোযা অবস্থায় স্ত্রীর সাথে নিরাভরণ হয়ে জড়াজড়ি করা।
৩২. রোযা অবস্থায় স্ত্রীকে চুমু দেয়া। (যদি আরও আগে বেড়ে যাওয়ার আশংকা থাকে)।
৩৩. নিকৃষ্ট মাল দ্বারা যাকাত আদায় করা।
৩৪. গলার পশ্চাদিক থেকে প্রাণী জবেহ করা।
৩৫. পঁচা মাছ অথবা মরে ভেসে ওঠা মাছ খাওয়া।
৩৬. বিনা প্রয়োজনে সরকার কর্তৃক দ্রব্যমূল্য নির্ধারণ করে দেয়া।
৩৭. বালেগা বোধ সম্পন্ন নারীর পক্ষে ওলীর এজায়ত ব্যতীত বিবাহ বসা (যদি ওলী অহেতুক বিবাহে বাধা দেয়ার না হয়)।
৩৮. “নেকাহে শেগার” করা। অর্থাৎ এমন বিবাহ যাতে মহরের টাকা পয়সার পরিবর্তে নিজের মেয়েকে বিবাহ দেয়া হয়।
৩৯. স্ত্রীকে একের অধিক তালাক দেয়া।
৪০. স্ত্রীকে বিনা প্রয়োজনে বায়েন তালাক দেয়া এবং (বরং রেজ্‌যী তালাক দেয়া উচিত)।
৪১. হয়েয অবস্থায় তালাক দেয়া। (খোলা তালাক দেয়া যায়। অর্থের বিনিময়ে স্ত্রীকে স্বামী তালাক দিলে তাকে খোলা তালাক বলে।)

৪২. যে তুহরে সহবাস হয়েছে তাতে তালাক দেয়া।
৪৩. তালাকে রেজ্‌যী প্রদত্ত স্ত্রীকে সহবাস ইত্যাদি দ্বারা রুজু করা। (বরং প্রথমে মৌখিক ভাবে রুজু হওয়া চাই।)
৪৪. স্ত্রীকে কষ্ট দেয়ার উদ্দেশ্যে 'ঈলা' করা। 'ঈলা' বলা হয় কোন সময়সীমা নির্ধারণ করা ছাড়া অথবা চার মাস কিংবা তারও বেশী সময়ের জন্য স্ত্রী গমন না করার শপথ করাকে। এরূপ শপথ করার পর চার মাসের মধ্যে শপথ ভঙ্গ করলে অর্থাৎ, স্ত্রী গমন করলে শপথ ভঙ্গ করার কাফ্‌ফারা দিতে হবে এবং স্ত্রী বহাল থাকবে- তালাক হবে না। আর চার মাসের মধ্যে উক্ত স্ত্রীকে ব্যবহার না করলে চার মাস শেষ হওয়ার সাথে সাথে উক্ত স্ত্রী তালাক হয়ে যাবে।
৪৫. সন্তানদেরকে কোন মাল ইত্যাদি দেয়ার ক্ষেত্রে সমতা রক্ষা না করা। (এ সম্পর্কে বিস্তারিত জানার জন্য দেখুন ৫৪৬ নং পৃষ্ঠা।)
৪৬. বিচারক কর্তৃক বাদী বিবাদী উভয় পক্ষের শুনানী ও তাদের প্রতি মনোযোগ প্রদানে সমতা রক্ষা না করা।
৪৭. কোন যিম্মি কাফেরকে কাফের বলে সম্বোধন করা। (যদি সে এরূপ সম্বোধনে কষ্টবোধ করে।)
৪৮. বাদশার এনআম কবুল না করা।
৪৯. যার হালাল সম্পদের পরিমাণ কম-হারামের পরিমাণ বেশী, বিনা ওজরে তাহকীক-তদন্ত ছাড়া তার দাওয়াত ও হাদিয়া গ্রহণ করা।
৫০. কোন প্রাণীর নাক কান প্রভৃতি কেটে দেয়া।
৫১. জবর দখলকৃত জমিতে প্রবেশ করা, এমনকি নামাযের জন্য হলেও।
৫২. কোন মুরতাদ বা অমুসলিম রাষ্ট্রের কাফেরকে তিন দিন পর্যন্ত তওবা করতঃ মুসলমান হওয়ার দাওয়াত প্রদান করার পূর্বে হত্যা করে দেয়া।
৫৩. নামাযে পাঠ করার জন্য কোন বিশেষ সূরা নির্ধারিত করা।
৫৪. নামাযে যে সাজদায়ে তিলাওয়াত ওয়াজিব হয় সেটাকে বিলম্বিত করা বা ছেড়ে দেয়া।
৫৫. বিনা প্রয়োজনে একাধিক মুরদারকে এক কবরে দাফন করা।
৫৬. জানাযার নামায মসজিদের ভিতরে পড়া।
৫৭. ডানে কিংবা বায়ে ফটো রেখে নামায পড়া বা ফটোর উপর সাজদা করা।

৫৮. স্বর্ণের তার দিয়ে দাঁত বাঁধাই করা।
৫৯. মৃত ব্যক্তির চেহারা চুমু দেয়া।
৬০. ইসলাম বিরোধী কোন সম্প্রদায়ের নিকট অস্ত্র বিক্রয় করা।
৬১. বালেগদের জন্য নিষিদ্ধ- এমন কোন পোশাক শিশুদেরকে পরিধান করানো।
৬২. স্ত্রীর সাথে এমন কারও সামনে সংগম করা যে বোবো এবং হুশ রাখে, যদিও সে ঘুমিয়ে থাকে। (খুব ছোট শিশুর বেলায় ভিন্ন কথা)
৬৩. কোন আমীর বা শাসকের অভ্যর্থনায় বের হওয়া।
৬৪. রাস্তায় এমন স্থানে দাঁড়ানো বা বসা, যাতে অন্যদের চলতে অসুবিধা হয়।
৬৫. আযান শোনার পর ওজর বা জরুরী কাজ ব্যতীত ঘরে বসে বসে একামতের অপেক্ষা করতে থাকা।
৬৬. পেট ভরার পরও অতিরিক্ত খাওয়া। (রোযা বা মেহমানের কারণে কিছু বেশী খাওয়া হলে তা ব্যতিক্রম।)
৬৭. ক্ষুধা লাগা ছাড়াও খাওয়া। (রোগের অবস্থা ব্যতিক্রম)
৬৮. খুতবার সময় কথা বলা (বিস্তারিত জানার জন্য দেখুন ২১২ নং পৃষ্ঠা।)
৬৯. মসজিদে মানুষের ঘাড়ের উপর দিয়ে সামনে যাওয়া।
৭০. মানুষের চলার পথে নাপাকী ফেলা।
৭১. মসজিদের ছাদে নাপাকী ফেলা।
৭২. নিজের সাত বৎসরের চেয়ে অধিক বয়স্ক ছেলের সঙ্গে এক বিছানায় শয়ন করা।
৭৩. অহেতুক কাজে ও কথায় সময় নষ্ট করা।
৭৪. কারও প্রশংসায় অতিরঞ্জন করা।
৭৫. কথা বলতে গিয়ে হন্দ মিলানোর কসরৎ করা।
৭৬. হাসি-ফুর্তিতে সীমালংঘন করা।
৭৭. কারও গুপ্ত কথা ফাঁস করা।
৭৮. সাথী-সঙ্গী ও বন্ধু-বান্ধবদের হক আদায়ে ত্রুটি করা।
৭৯. ক্ষমতা থাকা সত্ত্বেও আপনজন ও বন্ধু-বান্ধবকে জুলুম থেকে বিরত না রাখা।
৮০. বিনা ওজরে হজ্জ বা যাকাত আদায়ে বিলম্ব করা। কেউ কেউ এটাকে কবীরা গোনাহের তালিকাভুক্ত করেছেন।

(کتاب ۱۰۹ থেকে গৃহীত)

মুসলমান হওয়ার বা মুসলমান বানানোর তরীকা

* কোন অমুসলমানকে মুসলমান হতে হলে বা তাকে মুসলমান বানাতে হলে তার গোসল করে নেয়া মোস্তাহাব, যদি হদছে আকবার থেকে পাক হয়, অর্থাৎ গোছল ওয়াজিব অবস্থায় না থাকে।

* যে ব্যক্তি মুসলমান হতে চায় সে কালিমায়ে তাইয়েবা কিংবা কালিমায়ে শাহাদাত পাঠ করবে। বোবা হলে ইশারায় তাওহীদ ও রেছালাতের স্বীকৃতি দিবে।

* কালিমার মধ্যে আল্লাহ তা'আলার যে একত্ববাদ ও মুহাম্মাদ (সাঃ)-এর যে রেছালাত (রাসূল হওয়া) সম্বন্ধে স্বীকৃতি রয়েছে তা জেনে বুঝে মেনে নিতে হবে এবং দ্বিধাহীন চিত্তে তা গ্রহণ করতে হবে। কালিমার এই অর্থ ও বিষয়বস্তু উপলব্ধি ব্যতিরেকে কেবল মুখে মুখে কালিমা উচ্চারণ করে নিলেই সে আল্লাহর কাছে মু'মিন ও মুসলমান বলে গণ্য হবে না। (دین کیا ہے)

কালিমায়ে তাইয়েবা এই-

لَا إِلَهَ إِلَّا اللَّهُ مُحَمَّدٌ رَّسُولُ اللَّهِ -

অর্থঃ আল্লাহ ব্যতীত কোন মা'বুদ নেই (অর্থাৎ, তিনি ব্যতীত অন্য কেউ ইবাদত ও বন্দেগী লাভের উপযুক্ত নয়) হযরত মুহাম্মাদ (সাঃ) আল্লাহর (সর্বশ্রেষ্ঠ ও সর্বশেষ) রাসূল।

কালিমায়ে শাহাদাত এই-

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ -

অর্থঃ আমি সাক্ষ্য দিচ্ছি যে, আল্লাহ ব্যতীত কোন মা'বুদ নেই, তিনি একক, তাঁর কোন শরীক বা অংশীদার নেই এবং আরও সাক্ষ্য দিচ্ছি যে, হযরত মুহাম্মাদ (সাঃ) আল্লাহর বান্দা ও রাসূল।

কালিমায়ে তাওহীদ এই-

لَا إِلَهَ إِلَّا أَنْتَ وَاحِدًا لَا ثَانِي لَكَ مُحَمَّدٌ رَّسُولُ اللَّهِ إِمَامُ الْمُتَّقِينَ رَّسُولُ رَبِّ الْعَالَمِينَ -

অর্থঃ (হে আল্লাহ!) তুমি ছাড়া কোন মা'বুদ নেই, তুমি এক- তোমার দ্বিতীয় কেউ নেই। মুহাম্মাদ সাল্লাল্লাহু আলাইহি ওয়াসাল্লাম আল্লাহর রাসূল,

মুজাক্কীদের ইমাম (সরদার), সমস্ত জাহানের প্রতিপালকের প্রেরিত মহামানব বা রাসূল।

কালিমায়ে তামজীদ এই -

لَا إِلَهَ إِلَّا أَنْتَ نُورًا يَهْدِي اللَّهُ لِنُورِهِ مَنْ يَشَاءُ مُحَمَّدٌ رَسُولُ اللَّهِ إِمَامُ
الْمُرْسَلِينَ خَاتَمُ النَّبِيِّينَ -

অর্থঃ (হে আল্লাহ!) তুমি ছাড়া কোন মা'বুদ নেই, তুমি নূর। আল্লাহ নিজ নূর দ্বারা যাকে ইচ্ছা পথ প্রদর্শন করেন। মুহাম্মাদ সাল্লাল্লাহু আলাইহি ওয়াসাল্লাম আল্লাহর রাসূল, সব রাসুলদের সর্দার এবং সর্বশেষ নবী।

* কালেমায়ে তাইয়েবা, কালিমায়ে শাহাদাত, কালিমায়ে তাওহীদ, কালিমায়ে তামজীদ প্রভৃতি কালিমাসমূহ মুখস্ত করা জরুরী নয়, শুধু তার বিষয়বস্তুতে বিশ্বাস করাই যথেষ্ট। (খিরাতুন নবী - ১)

* অতঃপর তাকে ক্রমান্বয়ে ইসলামের জরুরী আকীদা ও আমলের বিষয়ে শিক্ষা দিতে হবে।

* যে কোন মুসলমান অন্য যে কোন অমুসলমানকে মুসলমান বানাতে পারে। এর জন্য কোন আলেম বা বুয়ুর্গ হওয়া শর্ত নয়।

কাউকে কাফের আখ্যায়িত করা (كفر করা)-এর নীতি

১. যখন কেউ প্রকৃতই কাফের হয়ে যায়, তখন তাকে কাফের বলে ফতওয়া দিয়ে দেয়া মুফতীদের কর্তব্য, যাতে অন্য মুসলমান তার আকীদা বিশ্বাসের ব্যাপারে সতর্ক হয়ে যেতে পারে। এরূপ ক্ষেত্রে মুফতীদের কিছু লোকের এ কথার ভয় করা উচিত হবে না যে, মৌলভীরা শুধু ফতওয়াবাজী করে বেড়ায় বা নিজেদের মধ্যে কাদা ছুড়াছুড়ি করে। প্রয়োজনীয় ক্ষেত্রে হক কথা বলা কাদা ছুড়াছুড়ি নয় বরং উম্মতকে হেফাজত করার জন্য এটা বলে দেয়াই জরুরী।
২. যদি কেউ প্রকৃতই কাফের না হয়ে যায়, তাহলে তাকে কাফের আখ্যায়িত করা মহাপাপ। এতে এরূপ ফতওয়া প্রদানকারী স্বয়ং নিজেই কাফের হয়ে যাবে। কাজেই কাফের ফতওয়া প্রদানের ব্যাপারে অত্যন্ত সতর্ক থাকতে হবে-এ ব্যাপারে তাড়াহুড়া সংগত নয়।

৩. কোন মুসলমানের কোন কথা বা কাজ কুফর কি-না- এ ব্যাপারে উভয় দিকের সম্ভাবনা থাকলে তাকে সেই কথা বা কাজের ভিত্তিতে কাফের বলে ফতওয়া দেয়া যাবে না, এমন কি কুফরের দিকটার সম্ভাবনা বেশী থাকলেও এমনকি সেটা কুফর হওয়ার সম্ভাবনা ৯৯ ভাগ আর কুফর না হওয়ার সম্ভাবনা ১ ভাগ হলেও। তবে ইঁা একটি কথা বা একটি কাজও যদি এমন পাওয়া যায় যা নিশ্চিতই কুফরী, তাহলে তার কারণে তাকে কাফের, আখ্যায়িত করা হবে। (জواهرالفقه)

(ইসলাম অর কফর ও জواهرالفقه থেকে গৃহীত।)

বিঃ দ্রঃ কয়েকটি কুফরীর বিবরণ পূর্বে ৯১-৯৩ পৃষ্ঠায় বর্ণনা করা হয়েছে।

প্রথম অধ্যায় সমাপ্ত হল

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ -

আমি জিন ও ইনসানকে আমার ইবাদতের জন্য সৃষ্টি করেছি।

(সূরা : তুর ৫৬)

بِسْمِ اللَّهِ الرَّحْمَنِ الرَّحِيمِ

দ্বিতীয় অধ্যায়

ইবাদাত

কয়েকটি পরিভাষার ব্যাখ্যাঃ

* ফরয : যা অকাট্য দলীল দ্বারা প্রমাণিত এবং যা আল্লাহর পক্ষ থেকে সুনিশ্চিতরূপে করার জন্য আদেশ দেয়া হয়েছে তাকে ফরয বলে। যেমন কালিমা, নামায, রোযা, হজ্জ, যাকাত, জেহাদ, ইল্মে দ্বীন শিক্ষা করা, সত্য কথা বলা ইত্যাদি। ফরয দুই প্রকার (এক) ‘ফরযে আইন’- যে কাজ প্রত্যেক বালগ বুদ্ধিমান নর-নারীর উপর সমানভাবে ফরয। যেমন পাঁচ ওয়াক্তের নামায, আবশ্যিক পরিমাণ ইল্মে দ্বীন শিক্ষা করা ইত্যাদি। (দুই) ‘ফরযে কেফায়া’- যে কাজ কতক লোকে পালন করলে সকলেই গোনাহ থেকে বেঁচে যায়; কিন্তু কেউ পালন না করলে সকলেই ফরয তরকের জন্য পাপী হয়ে যায়। যেমন জানাযার নামায পড়া, মৃত ব্যক্তির কাফন-দাফন করা, আবশ্যিক পরিমাণ অপেক্ষা অতিরিক্ত ইল্মে দ্বীন শিক্ষা করা ইত্যাদি।

* **ওয়াজিবঃ** ওয়াজিব কাজ ফরযের ন্যায় অবশ্য করণীয়। তবে পার্থক্য এতটুকু যে, কেউ ফরয অস্বীকার করলে কাফের হয়ে যায় কিন্তু ওয়াজিব অস্বীকার করলে কাফের হয় না, তবে ফাসেক হয়ে যায়। যেমন বেতরের নামায় পড়া, কুরবানী করা, ফেতরা দেয়া ইত্যাদি।

* **সুন্নাতঃ** যে কাজ রাসূল সাল্লাল্লাহু আলাইহি ওয়াসাল্লাম ও তাঁর সাহাবীগণ করেছেন তাকে সুন্নাত বলে। সুন্নাত দুই প্রকার (এক) ‘সুন্নাতে মুয়াক্কাদা’- যে কাজ রাসূল সাল্লাল্লাহু আলাইহি ওয়াসাল্লাম ও সাহাবীগণ সব সময় করেছেন, বিনা ওজরে কখনও ছাড়েননি। যেমন আযান, ইকামত, খতনা, বিবাহ ইত্যাদি। সুন্নাতে মুয়াক্কাদা ওয়াজিবেরই মত গুরুত্বপূর্ণ, বিনা ওজরে তা ছাড়লে বা ছাড়ার অভ্যাস করলে পাপী হতে হয়। তবে ওজর বশতঃ কখনও ছুটে গেলে কাযা করতে হয় না। (দুই) ‘সুন্নাতে গায়রে মুয়াক্কাদা’- যা রাসূল সাল্লাল্লাহু আলাইহি ওয়াসাল্লাম ও সাহাবীগণ করেছেন তবে ওয়র ছাড়াও কোন কোন সময় তরক করেছেন। সুন্নাতে গায়রে মুয়াক্কাদা’কে ‘সুন্নাতে যায়েদা’-ও বলে। এটা করলে ছওয়াব আছে কিন্তু না করলে আযাব হবে না।

* **মুস্তাহ্‌ছান :** যাকে কুরআন ও সুন্নাহের আলোকে পূর্ববর্তী পরবর্তী উলামায়ে কেরাম ভাল মনে করেছেন।

* **মোস্তাহাব :** যা রাসূল সাল্লাল্লাহু আলাইহি ওয়াসাল্লাম ও সাহাবীগণ করেছেন কিন্তু সব সময় করেননি, কোন কোন সময় করেছেন। এটা করলে ছওয়াব আছে না করলে পাপ নেই। মোস্তাহাবকে ‘নফল’ এবং ‘মানদুব’ ও বলা হয়।

* **হালাল :** শরী‘আতের দৃষ্টিতে যেসব বস্তু ব্যবহার করা বৈধ তাকে হালাল বলা হয়। জায়েয ও হালাল সমার্থবোধক।

* **হারাম :** হারাম হল ফরযের বিপরীত অর্থাৎ, যা নিষিদ্ধ হওয়াটা অকাটা দলীল দ্বারা প্রমাণিত। হারামকে হালাল মনে করলে কাফের হয়ে যায় আর বিনা ওজরে হারাম কাজ করলে কাফের হয় না তবে ফাসেক হয়ে যায়। হারাম কাজ বর্জন করা ফরয। ‘না জায়েয’ ও ‘হারাম’ সমার্থবোধক।

* **মাকরুহ তাহরীমী :** ওয়াজিবের বিপরীত, যা কেউ অস্বীকার করলে কাফের হয় না তবে ফাসেক হয়ে যায়। বিনা ওজরে মাকরুহ তাহরীমী করাও ফাসেকী।

* **মাকরুহ তানযীহী :** যা না করলে ছওয়াব আছে করলে আযাব নেই।

* মোবাহ : যা মানুষের ইচ্ছাধীন, যে ব্যাপারে আল্লাহ মানুষকে করা বা না করার স্বাধীনতা ও এখতিয়ার দিয়েছেন। যেমন মাছ মাংস খাওয়া, পানাহার করা, কৃষি কর্ম করা, ব্যবসা-বাণিজ্য করা, দেশ ভ্রমণ করা ইত্যাদি। তবে মোবাহ কাজের সংগে যদি ভাল নিয়ত সংযুক্ত হয়, তাহলে তা ছওয়াবের কাজ হয়ে যায়। যেমন পানাহার করল এই নিয়তে যে, এতে শরীর-স্বাস্থ্য ভাল থাকবে, তাহলে ইবাদত, ইসলামের খেদমত, জেহাদ ইত্যাদি ভাল ভাবে করা যাবে ইত্যাদি। পক্ষান্তরে মোবাহ কাজের সঙ্গে খারাপ নিয়ত যুক্ত হলে তা পাপের হয়ে যায়; যেমন কোথাও ভ্রমণে গেল বেগানা-নারী দর্শনের উদ্দেশ্যে বা নাজায়েয কিছু দেখা ও করার জন্য তাহলে গোনাহ হবে।

নাপাকীর বর্ণনা

* যে সমস্ত নাপাকী চক্ষু দ্বারা দেখা যায় এবং যা থেকে শরীর, কাপড় ও খাদ্যবস্তু পাক রাখা উচিত তা দুই ধরনেরঃ

(১) নাজাছাতে গলীজা (যে নাপাকীর হুকুম শক্ত) (২) নাজাছাতে খফীফা (যার হুকুম কিছুটা হালকা)

* মানুষের মল মূত্র, মানুষ ও প্রাণীর রক্ত, বীর্য, মদ, সব ধরনের পশুর পায়খানা, সব ধরনের হারাম পশুর পেশাব এবং পাখীর মধ্যে শুধু হাঁস ও মুরগির বিষ্ঠা হল নাজাছাতে গলীজা বা শক্ত নাপাকী।

* গরু, মহিষ, বকরী ইত্যাদি সকল হালাল পশুর পেশাব, কাক চিল ইত্যাদি সকল হারাম পাখির বিষ্ঠা এবং ঘোড়ার পেশাব হল নাজাছাতে খফীফা।

* হাঁস, মুরগি ও পানকৌড়ি ব্যতীত অন্যান্য হালাল পাখির বিষ্ঠা (যেমন কবুতর, চডুই, শালিক ইত্যাদির বিষ্ঠা) এবং বাদুর ও চামচিকার পেশাব পায়খানা পাক। এমনভাবে মশা, মাছি, ছারপোকা এবং মাছের রক্তও পাক।

* নাজাছাতে গলীজার মধ্যে যেগুলো তরল, যেমন রক্ত পেশাব ইত্যাদি, তা এক দেরহাম (গোলকৃত ভাবে একটা কাঁচা টাকা অর্থাৎ, হাতের তালুর নীচ স্থান পরিমাণের সমান) পর্যন্ত শরীর বা কাপড়ে লাগলে মাফ আছে অর্থাৎ, তা না ধুয়ে নামায পড়লে নামায হয়ে যাবে, তবে বিনা ওজরে স্বেচ্ছায় এরূপ করা মাকরুহ। আর এক দেরহাম পরিমাণের চেয়ে বেশী হলে তা মাফ নয় অর্থাৎ, তা পাক না করে নামায পড়া জায়েয নয়।

* নাজাছাতে গলীজার মধ্যে যেগুলো গাঢ় যেমন গোবর, পায়খানা ইত্যাদি তা এক সিকি পরিমাণ পর্যন্ত (অর্থাৎ, ৪.৮৬ গ্রাম পর্যন্ত) কাপড় বা শরীরে লাগলে মাফ কিন্তু তার চেয়ে অধিক পরিমাণ লাগলে মাফ নয়। মাফ-এর অর্থ পূর্বে বয়ান করা হয়েছে।

* নাজাছাতে খফীফা শরীর বা কাপড়ে লাগলে যে অঙ্গে লেগেছে তার চার ভাগের এক ভাগের কম হলে মাফ, আর পূর্ণ চার ভাগের এক ভাগ বা আরও বেশী হলে মাফ নয়। জামার হাতা, কলি, কাপড়ের আঁচল, পায়জামার দুই মুহরীর প্রত্যেকটা ভিন্ন ভিন্ন অঙ্গ (অংশ) বলে গণ্য হবে।

* নাজাছাত কম হোক বা বেশী হোক পানিতে পড়লে সেই পানি নাজাছাত বা নাপাক হয়ে যাবে- নাজাছাতে গলীজা পড়লে পানিও নাজাছাতে গলীজা হয়ে যাবে এবং নাজাছাতে খফীফা পড়লে নাজাছাতে খফীফা হবে। তবে প্রবাহিত পানিতে বা ১০০ বর্গহাত কিংবা তার চেয়ে বড় কোন কুয়া হাউজ ইত্যাদিতে নাপাকী পড়লে তা নাপাক হবে না। তবে নাপাকী পড়ার কারণে তার রং স্বাদ ও গন্ধ পরিবর্তিত হয়ে গেলে নাপাক হয়ে যাবে। যে পানি দ্বারা কোন নাপাক জিনিস ধৌত করা হয়, সে পানি নাপাক হয়ে যায়।

* মৃতকে যে পানি দ্বারা গোসল দেয়া হয় সে পানিও নাপাক।

* রাস্তা-ঘাটে বা বাজারে যে পানি বা কাদার ছিটা কাপড়ে কিংবা শরীরে লাগে তাতে স্পষ্টতঃ কোন নাপাক জিনিস দেখা গেলে তা নাপাক আর স্পষ্টতঃ কোন নাপাক জিনিস দেখা না গেলে নাপাক নয়। এটাই ফতওয়া; তবে মুত্তাকী লোকদের জন্য- যাদের হাতে বাজারে যাওয়ার অভ্যাস নয়, যারা সাধারণতঃ খুব পাক ছাফ থাকেন- তাদের শরীরে বা কাপড়ে এই পানি কাদা লাগলে তাতে কোন নাপাক জিনিস দেখা না গেলেও ধুয়ে নেয়া উচিত।

* পেশাবের অতি ক্ষুদ্র ফোটা যা চোখে দেখা যায় না তার কারণে শরীর কাপড় অপবিত্র হয় না। অনর্থক সন্দেহের কারণে ধৌত করার প্রয়োজন নেই।

* গাভী, বকরী দহন করার সময় যদি দুই একটি লেদা বা সামান্য গোবর দুধের মধ্যে পড়ে এবং সাথে সাথে তা বের করে ফেলা হয় তাহলে তা মাফ। কিন্তু যদি লেদা বা গোবর দুধের সঙ্গে মিশ্রিত হয়ে যায়, তাহলে সম্পূর্ণ দুধ নাপাক হয়ে যাবে, তা খাওয়া জায়েয হবে না।

* উৎপন্ন ফসল মাড়াই করার সময় গরু অথবা অন্য কোন পশু তার উপর পেশাব করলে তা নাপাক হবে না। তবে মাড়াবার সময় ব্যতীত অন্য সময় পেশাব করলে নাপাক হয়ে যাবে।

* কুকুর, শুকর, বানর এবং বাঘ, চিতাবাঘ প্রভৃতি হিংস্র প্রাণীর ঝুটা নাপাক। (খাদ্য বা পানীয় বস্তুতে মুখ লাগিয়ে ত্যাগ করলে তাকে ঝুটা বা উচ্ছিষ্ট বলা হয়)।

* বিড়ালের ঝুটা পাক, তবে মাকরুহ। কোন পানিতে বিড়াল মুখ দিয়ে থাকলে তা দ্বারা উষ্ম করবে না। অবশ্য যদি অন্য পানি না পাওয়া যায় তবে ঐ পানি দ্বারাই উষ্ম করবে। আর দুধ বা তরকারী ইত্যাদি খাদ্য খাবারের মধ্যে মুখ দিয়ে থাকলে যদি মালিক অবস্থাপন্ন হয় তাহলে তা খাবে না- খাওয়া মাকরুহ হবে। যদি গরীব হয় তবে তার জন্য তা খাওয়া মাকরুহ নয়। তবে বিড়াল যদি সদ্য ইঁদুর ধরে এসে তৎক্ষণাৎ কোন পানি বা খাদ্য খাবারে মুখ দেয় তবে তা নাপাক হয়ে যাবে। আর যদি কিছুক্ষণ দেবী করে নিজের মুখ চেটে চুষে পরিষ্কার করে তারপর মুখ দেয় তখন নাপাক হবে না- এখন পূর্বের মাসআলার ন্যায় মাকরুহ হবে।

* যে সব প্রাণী ঘরে থাকে যেমন সাপ, বিচ্ছু, ইঁদুর, তেলাপোকা, টিকটিকি এবং মুরগি- যে গুলো সর্বত্র ছাড়া থাকে- এদের ঝুটা মাকরুহ তানযীহী। ইঁদুর যদি ঝুটির কিছু অংশ খেয়ে থাকে সেদিক দিয়ে কিছুটা ছিড়ে ফেলে অবশিষ্ট অংশ খাবে।

* হালাল পশু ও হালাল পাখীর ঝুটা পাক। ঘোড়ার ঝুটাও পাক। যে কোন রকম পোশা পাখী যদি মরা না খায় এবং তার ঠোটে কোন রকম নাপাকী থাকার সন্দেহ না থাকে তবে তাদের ঝুটাও পাক।

* হালাল পশু ও হালাল জানোয়ারের ঝুটা পাক। তাদের ঘামও পাক। যাদের ঝুটা মাকরুহ তাদের ঘামও মাকরুহ।

* মুসলমান অমুসলমান সব লোকের ঝুটা পাক, তবে কোন নাপাক বস্তু তার মুখে থাকা অবস্থায় পানি উচ্ছিষ্ট করলে ঐ পানি নাপাক হয়ে যাবে।

* জানা অবস্থায় বে-গানা পুরুষের ঝুটা খাদ্য ও পানি নারীর জন্য খাওয়া মাকরুহ। অনুরূপ বে-গানা নারীর ঝুটাও পুরুষের জন্য মাকরুহ। অবশ্য না জানা অবস্থায় খেয়ে ফেললে মাকরুহ হবে না।

৩৬/২/২০১৪

শরীর ও কাপড় পাক করার নিয়ম

* গাঢ় নাজাছাত (যা দেখা যায় যেমন পায়খানা, রক্ত) শরীর বা কাপড়ে লাগলে তা পাক করার নিয়ম হল নাজাছাতকে এমনভাবে ধৌত করবে যেন দাগ না থাকে। একবার বা দুইবার ধোয়ায় দাগ চলে গেলেও পাক হয়ে যাবে

তবে তিনবার ধোয়া মোস্তাহাব। তিনবার ধোয়া সত্ত্বেও এবং নাজাছাত চলে গিয়ে পরিষ্কার হয়ে যাওয়া সত্ত্বেও যদি কিছু দাগ বা দুর্গন্ধ থেকে যায় তাতে কোন দোষ নেই, সাবান প্রভৃতি লাগিয়ে দাগ বা দুর্গন্ধ দূর করা ওয়াজিব নয়।

* পানির মত তরল নাজাছাত শরীর বা কাপড়ে লাগলে তা পাক করার নিয়ম হল তিনবার ধৌত করা এবং প্রত্যেক বার কাপড় ভাল করে নিংড়ানো। তৃতীয়বার খুব জোরে নিংড়াতে হবে। ভালমত না নিংড়ালে কাপড় পাক হবে না।

* কাপড় বা শরীরে গাঢ় কিংবা তরল নাজাছাত লাগলে ধোয়া ব্যতীত অন্য কোন উপায়ে পাক করা যায় না। পানির দ্বারা ধুয়ে যেকোন পাক করা যায় তদ্রূপ পানির ন্যায় তরল এবং পাক (যেমন গোলাপ জল, রস, সিরকা প্রভৃতি) জিনিস দ্বারাও ধুয়ে পাক করা যায়। কিন্তু যেসব জিনিস তৈলাক্ত তা দ্বারা ধুলে পাক হবে না যেমন দুধ, ঘি, তেল ইত্যাদি।

* ওয়াশিং মেশিনে কাপড় ধোয়া হলে মেশিন যেহেতু নিয়ম মত কাপড় নিংড়াতে পারে না এবং নাপাক কাপড়ের সাথে থাকা পাক কাপড় একত্রে ভিজানোর কারণে পাক কাপড়ও নাপাক হয়ে যায়, তাই ধোয়ার পূর্বে বা পরে নাপাক কাপড় গুলিকে পৃথকভাবে নিয়ম মত ধুয়ে পাক করে নিতে হবে। তা না করলে যদি মেশিনেই তিনবার নিয়মমত পানি ঢেলে নিংড়িয়ে নেয়, তবুও চলবে।

* ধোপাগণ সাধারণতঃ অনেক কাপড় একসাথে ভিজিয়ে রাখে। এর মধ্যে কোন কাপড় নাপাক থাকলে পাক কাপড়গুলিও নাপাক হয়ে যাবে, তখন সবগুলিকে নিয়ম মত ধুয়ে পাক করা প্রয়োজন। ধোপাগণ সেরূপ করেন কি না তা নিশ্চিত করে বলা কঠিন। তাই লব্ধির মাধ্যমে কাপড় ধোলাই করার ব্যাপারে সতর্কতা অবলম্বন করা প্রয়োজন। তবে একাত্তই কেউ পাক কাপড় দিলে তা নাপাক হয়েছে ধরা হবে না। পক্ষান্তরে নাপাক কাপড় দিলে তা পাকও ধরা হবে না। ড্রাই ওয়াশ-এর হুকুমও অনুরূপ। (الغسول ۱/ ۲)

* দুই পাল্লা বিশিষ্ট কাপড়ের এক পাল্লা বা তুলা ভরা কাপড়ের এক দিক যদি নাপাক এবং অন্য পাল্লা বা অন্য দিক পাক হয় এমতাবস্থায় উভয় পাল্লা যদি একত্রে সেলাই করা হয় তাহলে পাক পাল্লার উপর নামায পড়া দূরস্ত হবে না। সেলাই করা না হলে নাপাক পাল্লা নীচে রেখে পাক পাল্লার উপর নামায পড়া দূরস্ত হবে; তবে শর্ত এই যে, পাক পাল্লা এত মোটা হওয়া চাই যাতে পাক পাল্লার উপর থেকে নাপাকীর রং দেখা না যায় এবং গন্ধও টের না পাওয়া যায়।

* বিছানার এক কোণ নাপাক এবং বাকী অংশ পাক হলে পাক অংশে নামায পড়া দুরস্ত আছে।

* না ধুয়ে কাফেরদের কাপড়ে বা বিছানায় নামায পড়া মাকরুহ।

* তুলার গদি, তোষক অথবা লেপে যদি মল মূত্র বা অন্য কোন প্রকার নাজাহাত লাগে তাহলে পানি দ্বারা ধৌত করতে হবে। যদি নিংড়ানো কঠিন হয় তাহলে ভাল করে তিনবার পানি প্রবাহিত করতে হবে। প্রতিবার পানি প্রবাহিত করার পর এমনভাবে রেখে দিবে যেন সমস্ত পানি ঝরে যায়, তারপর আবার পানি প্রবাহিত করবে, এভাবে তিনবার করলেই পাক হয়ে যাবে- তুলা ইত্যাদি বের করে ধৌত করার প্রয়োজন নেই। ১৬/১২/১০

আসবাব/দ্রব্য পাক করার নিয়ম - ২৭-০৯-২০/৪

* যদি এমন জিনিসে নাজাহাত (নাপাকী) লাগে যা নিংড়ানো যায় না (যেমন থালা-বাসন, কলস, খাট, মাদুর, জুতা ইত্যাদি) তাহলে তা পাক করার নিয়ম হল একবার তা ধুয়ে এমন ভাবে রেখে দিবে যেন সমস্ত পানি ঝরে যায় এবং পানির ফোটা পড়া বন্ধ হয়ে যায়, তারপর অনুরূপ আর একবার করবে, এভাবে তিনবার ধৌত করলে ঐ জিনিস পাক হয়ে যাবে।

* জুতা বা চামড়ার মোজায় গাঢ় বীর্য, রক্ত, পায়খানা, গোবর ইত্যাদি গাঢ় নাজাহাত লাগলে তা যদি মাটিতে খুব ভালমত ঘষে বা শুকনা হলে নখ বা ছুরি/চাকু দিয়ে খুঁটে সম্পূর্ণ পরিষ্কার করে ফেলা যায় এবং বিন্দুমাত্র নাজাহাত না থাকে তাহলেও তা পাক হয়ে যাবে- না ধৌত করলেও চলবে। কিন্তু পেশাবের ন্যায় তরল নাজাহাত লাগলে পূর্বোক্ত নিয়মে ধোয়া ব্যতীত পাক হবেনা।

* আয়না, ছুরি, চাকু সোনা রূপার অলংকার, থালা-বাসন, বদনা, কলস ইত্যাদি নাপাক হলে ভালমত ঘষে বা মাটি দ্বারা মেজে ফেললেও পাক হয়ে যায়। কিন্তু এই জাতীয় জিনিস নকশীদার হলে উপরোক্ত নিয়মে পানি দ্বারা ধৌত করা ব্যতীত পাক হবেনা।

* নাপাক ছুরি, চাকু বা হাড়ি-পাতিল জ্বলন্ত আগুনের মধ্যে পোড়ালেও পাক হয়ে যায়।

* কুকুর কোন পাত্রে মুখ দিলে তা নাপাক হয়ে যায়। তিনবার ধৌত করলেও তা পাক হয়ে যায় কিন্তু সাত বার ধোয়া উত্তম। আর একবার মাটি দ্বারা মেজে ফেললে আরও বেশী উত্তম।

জমীন পাক করার নিয়ম

* নমীন/মাটিতে কোন নাজাছাত লাগলে তিন বার পানি প্রবাহিত করে দিলে তা পাক হয়ে যাবে।

* জমীন/মাটির উপর কোন নাজাছাত লেগে যদি এমনভাবে শুকিয়ে যায় যে, নাজাছাতের কোন চিহ্ন না থাকে তবুও তা পাক হয়ে যায়-তার উপর নামায পড়া দুরস্ত আছে; তবে ঐ মাটি দ্বারা তায়াম্মুম করা দুরস্ত নয়।

* ইট, সিমেন্ট বা পাথর প্রভৃতি দ্বারা পাকা স্থানও জমীনের হুকুমে, তবে শুধু খালি ইট বিছানো থাকলে তা পূর্বের নিয়মে ধোয়া ব্যতীত পাক হবে না।

* জমীনের সঙ্গে যে ঘাস লাগা আছে তাও জমীনেরই মত অর্থাৎ, শুধু শুকালে এবং নাজাছাতের চিহ্ন চলে গেলে পাক হয়ে যাবে এবং তার উপর নামায পড়া দুরস্ত হবে। কিন্তু কাটা ঘাস ধোয়া ব্যতীত পাক হবে না।

* গোবর দ্বারা লেপা জমীনের উপর পাক বিছানা না বিছিয়ে নামায পড়া দুরস্ত নয়।

খাদ্য দ্রব্য পাক করার নিয়ম

মধু, চিনি, মিছরি, শিরা, তেল, ঘি, ডালডা ইত্যাদি নাপাক হলে তা পাক করার দুইটি নিয়মঃ

১. যে পরিমাণ তেল, শিরা ইত্যাদি, সেই পরিমাণ পানি তাতে মিশ্রিত করে আগুনে জ্বাল দিবে। যখন সমস্ত পানি উড়ে যাবে তখন আবার ঐ পরিমাণ পানি মিশ্রিত করে জ্বাল দিবে, এভাবে তিনবার করলে পাক হয়ে যাবে।

২. তেল ঘি ইত্যাদির সঙ্গে সমপরিমাণ পানি মিশ্রিত করে তাতে নাড়াচাড়া দিলে তেলটা উপরে উঠে আসবে; তারপর আস্তে আস্তে কোন উপায়ে উপর থেকে তেলটা তুলে নিয়ে আবার সমপরিমাণ পানি মিশ্রিত করে আবার অনুরূপ ভাবে তেলটা তুলে নিবে। এভাবে তিনবার করলে পাক হয়ে যাবে। যদি ঘি, ডালডা, তেল জমাট হয় তাহলে তাতে পানি মিশ্রিত করে রৌদ্র বা আগুনের আঁচের উপর রাখবে। এভাবে গলে তেল ঘি ইত্যাদি উপরে ভেসে উঠলে তারপর উপরোক্ত নিয়মে তিনবার পানি দিয়ে তা তুলে নিলে পাক হয়ে যাবে।

* দুধ বা তরকারী ইত্যাদি তরল জিনিসে বিড়াল মুখ দিলে তার মাসআলা পূর্বে বর্ণনা করা হয়েছে।

* যে সব প্রাণীর ঝুটা হারাম বা মাকরুহ তারা যদি রুটি পাউরুটি ভাত ইত্যাদি শক্ত খাবারে মুখ দেয় বা খায়, তাহলে মুখ দেয়ার স্থান থেকে কিছুটা ফেলে দিয়ে অবশিষ্ট অংশ খাওয়া যায়।

হাউজ বা ট্যাংকি পাক করার নিয়ম

* হাউজ বা ট্যাংকি যদি ১০০ বর্গ হাত বা তার চেয়ে বড় হয় তাহলে তাতে কোন নাপাকী পড়লে বা কোন প্রাণী তাতে মারা গেলে তার পানি নাপাক হয় না। আর ১০০ বর্গ হাতের চেয়ে ছোট হলে নাপাক হয়ে যায়। অবশ্য মাছ, ব্যাঙ, কচ্ছপ, কাঁকড়া ইত্যাদি জলজ প্রাণী মরলে তাতে পানি নাপাক হয় না। তবে এ সব প্রাণীও যদি মরে পঁচে গলে যায়, তাহলে তার পানি পান করা বা এ দ্বারা খাদ্য পাকানো দুরন্ত নয়, যদিও উয়ু গোসল করা দুরন্ত আছে।

* সাধারণতঃ হাউজ বা ট্যাংকি দুই ধরনের হয়ে থাকে।

(১) আন্ডার গ্রাউন্ড ট্যাংকি, যাতে সরকারী পানির লাইনের মাধ্যমে পানি এসে ভরে। (২) ছাদে বা উপরে স্থাপিত ও নির্মিত ট্যাংকি, যার থেকে সব কামরায় উয়ু গোসল ইত্যাদির জন্য পানি পৌঁছানো হয়। এই উভয় ধরনের হাউজ বা ট্যাংকিতে এক দিকের পাইপ থেকে পানি আসছে অন্য দিকের পাইপ থেকে সরছে- এমতাস্থায় তাতে যদি কোন নাপাক পড়ে তাহলে অধিকাংশ ফেকাহবিদের মতে সে ট্যাংকির পানি নাপাক হবে না, কারণ সেটা প্রবাহমান পানির পর্যায়ভুক্ত। অবশ্য যদি উক্ত পানিতে নাপাকীর রং, গন্ধ বা স্বাদ পাওয়া যায় তাহলে যতটুকু পানিতে রং, গন্ধ বা স্বাদ পাওয়া যাবে ততটুকু পানি নাপাক হয়ে যাবে। অনুরূপভাবে যদি নাপাক বস্তুটি পানি উভয় দিক থেকে প্রবাহকালে পতিত হয়ে কোন এক দিকের পাইপের পানি বন্ধ হওয়ার পরও তাতে পড়ে থাকে তাহলেও তখন পানি নাপাক হয়ে যাবে।

আর যদি কোন এক দিকের লাইনের পানি বন্ধ থাকা অবস্থায় নাপাকী পতিত হয় তাহলে অধিকাংশ ফকীহের মতে হাউজ/ট্যাংকি নাপাক হয়ে যাবে। অতঃপর তা পাক করার দুইটি নিয়ম যথাঃ

১. যদি হাউজ থেকে ফেলে দেয়ার মত কোন নাপাক বস্তু হয় তাহলে তা ফেলে দেয়ার পর হাউজের এক দিকের পাইপ থেকে পানি প্রবেশ করানো শুরু হবে এবং অন্যদিকের পাইপ থেকে পানি বের করা শুরু হবে। একরূপ করা শুরু করলেই সাথে সাথে হাউজ/ট্যাংকি ও পানি সব পাক হয়ে যাবে। সম্পূর্ণ পানি বা কোন নির্দিষ্ট পরিমাণ পানি বের করা শর্ত নয়।

২. নীচের ট্যাংকি (আন্ডার গ্রাউন্ড ট্যাংকি) হলে সরকারী পাইপ থেকে পানি আসতে আসতে সেটি ভরে গিয়ে যখন মুখ থেকে পানি উপচে পড়া শুরু হবে তখন তা পাক হয়ে যাবে। আর উপরের ট্যাংকি হলে তা থেকে গোসল খানা ইত্যাদিতে যাওয়ার সব লাইন বন্ধ করে দিবে এবং তারপর মেশিনের সাহায্যে তাতে পানি ভরা (তোলা) শুরু করবে। যখন উপরের পাইপ বা মুখ

থেকে পানি উপচে পড়া শুরু হবে তখন উপরের ট্যাংকি এবং তার সাথে সংযুক্ত সব পাইপ পাক হয়ে যাবে। তবে কোন কোন ফকীহের মতে তিনবার আবার কারও মতে একবার নাপাক ট্যাংকি পানিতে ভরে রেখে পানি ফেলে দেয়া আবশ্যিক। এই মতভেদের প্রেক্ষিতে নাপাক বস্তু পতিত হওয়ার সময় হাউজে যে পরিমাণ পানি ছিল সেই পানি হাউজ থেকে বের করার পর হাউজটি পাক হয়েছে বলে মনে করা উত্তম।

(آلات جدیدہ کے شرعی احکام اور احسن الفتاویٰ ج ۲/۱ থেকে গৃহীত)

নলকূপ পাক করার নিয়ম

* যদি নলকূপে নাপাক কাপড় ইত্যাদি এমন বস্তু পতিত হয় যা বের করা সম্ভব, তাহলে তা বের করার পর নাপাক বস্তু পতিত হওয়ার সময় নলকূপে যে পরিমাণ পানি ছিল তা বের করে ফেললে নলকূপ পাক হয়ে যাবে। পেশাব ইত্যাদি তরল নাপাকী পড়লেও এই পরিমাণ পানি বের করলে নলকূপ পাক হয়ে যাবে।

* যদি নলকূপে পায়খানা গোবর ইত্যাদি স্থূল নাপাক বস্তু পতিত হয়, তাহলে নাপাক বস্তুটি মাটিতে রূপান্তরিত হওয়া পর্যন্ত বিলম্ব করতে হবে। অতঃপর পূর্বের নিয়মে পানি বের করে নলকূপটি পাক করতে হবে।

(آلات جدیدہ کے شرعی احکام) ২৩/২/২০০৮

ইস্তেনজার (পেশাব/পায়খানার) সুনাত, আদব ও বিধি-নিষেধ সমূহ

- ১/৩/২০১৭ * ইস্তেনজা খানায় প্রবেশের পূর্বে মাথা ঢেকে নেয়া মোস্তাহাব।
- * টুপি বা কোন কিছু দ্বারা মাথা ঢাকার সময় বিসমিল্লাহ বলে নিবে।
- * জুতা/স্যাভেল পরিধান পূর্বক ইস্তেনজা করা।
- * জুতা/স্যাভেল পরিধান করার সময় বিসমিল্লাহ বলে নিবে।
- * প্রথমে ডান পায়ের জুতা/স্যাভেল পরবে।
- * নামাযের কাপড় ব্যতীত অন্য কাপড়ে ইস্তেনজা করা উত্তম। অন্যথায় নাপাকী থেকে খুব সতর্ক থাকতে হবে। (طحطاری)
- * বিসমিল্লাহ সহ ইস্তেনজা খানায় প্রবেশের দুআ পড়া। খোলা স্থান হলে কাপড় উঁচু করার সময় দুআ পড়তে হয়। আর মনে না থাকলে প্রবেশের পর বা কাপড় উঠানোর পর মনে মনে দুআ পড়া যায়, মুখে উচ্চারণ করে নয়। আল্লাহ, আল্লাহর রাসূলের নাম, ফেরেশতার নাম বা কুরআনের কিছু লিখিত বস্তু নিয়ে ইস্তেনজায় যাওয়া মাকরুহ। অনুরূপ এগুলো উচ্চারণ করাও নিষিদ্ধ।
- * বিসমিল্লাহ সহ ইস্তেনজায় প্রবেশের দুআটি এই-

بِسْمِ اللَّهِ اللَّهُمَّ إِنِّي أَعُوذُ بِكَ مِنَ الْخُبْثِ وَالْخَبَائِثِ -

অর্থঃ হে আল্লাহ! দুষ্ট পুরুষ জিন এবং দুষ্ট মহিলা জিনদের অত্যাচার থেকে তোমার পানাহ চাই।

* প্রথমে বাম পা দিয়ে এস্টেনজায় প্রবেশ করা।

* বসার সময় পা দানিতে প্রথমে ডান পা রাখবে এবং নামার সময় প্রথম বাম পা নামাবে। (তোহফায়ে আবরার)

* প্রয়োজনের অতিরিক্ত সতর না খোলা। (এর সহজ উপায় হল- বসতে বসতে কাপড় উঠানো। দাঁড়ানো অবস্থাতেই সতর খোলা নিষিদ্ধ)

* বসে ইস্তেনজা করা।

* বাম পায়ে ভর করে বসাই আদব। (نور الايضاح)

* উভয় পায়ের মাঝে বেশ ফাঁক রেখে বসা আদব। (طحطاوى)

* কেবলার দিকে মুখ বা পিঠ করে না বসা। এমনভাবে সূর্যের দিকে মুখ করে, বায়ুর বিপরীতে, চলার পথে, কবরস্থানে, ছায়াদার বা ফলদার গাছের নীচে, প্রবাহিত নদী নালায়, বদ্ধ পানিতে, বা মানুষ বসতে পারে এমন ঘাসের উপর ইস্তেনজা না করা।

* নজরকে সংযত রাখা অর্থাৎ, যৌনাঙ্গের দিকে, মল মূত্রের দিকে, এমনভাবে আকাশের দিকে নজর না দেয়া এবং এদিক সেদিক বেশী না তাকানো।

* মলমূত্রের উপর থুথু, কফ, শিকনি না ফেলা। (شرعة الاسلام)

* ডান হাত দিয়ে যৌনাঙ্গ স্পর্শ না করা।

* টিলা-কুলুখ ব্যবহার করা।

* বাম হাত দিয়ে টিলা/কুলুখ ব্যবহার করবে।

* পায়খানার পর তিন বার টিলা/কুলুখ ব্যবহার করা মোস্তাহাব।

* পেশাবের পর টিলা/কুলুখ নিয়ে হাটা চলা করে, কিম্বা কাশি দিয়ে বা নড়াচড়া করে, কিম্বা অভ্যাস অনুযায়ী যে কোন ভাবে পেশাবের কতরা বন্ধ হয়েছে এরূপ নিশ্চিত হতে হবে। মহিলাদের জন্য এটার প্রয়োজন নেই।

* প্রথম টিলা/কুলুখ পেছনের দিক থেকে সামনের দিকে, দ্বিতীয়টি সামনের দিক থেকে পেছনের দিকে, তৃতীয়টি পেছন দিক থেকে সামনের দিকে- এ নিয়মে টিলা/কুলুখ ব্যবহার করা অধিক পবিত্রতার অনুকূল। আর যদি অভ্যাসে বুলানো থাকে তাহলে প্রথমটা সামনের দিক থেকে আরম্ভ করা। মহিলাগণ সর্বদা প্রথমটা সামনের দিক থেকে শুরু করবে।

* পানি ব্যবহারের পূর্বে হাতের কবজি পর্যন্ত ধৌত করা। এক হাদীছের বর্ণনার ভিত্তিতে এ স্থলে উভয় হাত ধৌত করার একটি মতও পাওয়া যায়।

(مراقى الفلاح)

* তারপর পানি দ্বারা ধৌত করা সুন্নাত, নাপাকী এক দেহহামের (হাতের তালুর নীচ স্থান সমপরিমাণ বিস্তৃত) বেশী পরিমাণ স্থান ছড়িয়ে পড়লে পানি দ্বারা এস্তেনজা করা ওয়াজিব।

* পানি ব্যবহার করার সময় প্রথমে বাম হাতের মধ্যমা আঙ্গুল-এর পেট দ্বারা মর্দন করা, তারপর অনামিকাসহ প্রয়োজনে আরও দুই এক আঙ্গুল ব্যবহার করা। মহিলাগণ প্রথমেই দুই আঙ্গুল (মধ্যমা ও অনামিকা) ব্যবহার করবে। (محيط ونور الايضاح)

* রোযা অবস্থায় না হলে পেছনের রাস্তা খুব টিলা করে বসে পানি ব্যবহার করা। (نور الايضاح)

* দুর্গন্ধ সম্পূর্ণ দূর না হওয়া পর্যন্ত পরিষ্কার করতে থাকবে।

* প্রথমে পেছনের রাস্তা তারপর সামনের রাস্তা ধৌত করা। (مراقى الفلاح) দুই রাস্তার মধ্যখানের স্থানটুকুও মধ্যমা বা কনিষ্ঠ আঙ্গুল দ্বারা মর্দন করে ধৌত করা। (مفاتيح الجنان)

* সৌচ কার্যের পর মাটি বা সাবান ইত্যাদি দ্বারা পুনরায় হাত পরিষ্কার করে নেয়া উত্তম।

* রোযা অবস্থায় হলে সতর্কতার জন্য ওঠার পূর্বে কাপড় (বা এ জাতীয় কিছু) ব্যবহার করে কিংবা বাম হাত দ্বারা বার বার ঘষে পেছনের রাস্তার পানি মুছে ফেলা উচিত। আর যাদের রোগের কারণে মলদ্বার বের হয়ে যায় তাদের জন্য জরুরী। রোযাদার না হলেও এরূপ করা মোস্তাহাব। (ضحاوى وشامى)

* যথা সম্ভব দ্রুত এস্তেনজা সেরে বের হয়ে আসা। (مراقى الفلاح)

* বের হওয়ার সময় প্রথমে ডান পা বের করা সুন্নাত।

* বের হয়ে নিম্নোক্ত দুআ পড়বে-

غُفْرَانِكَ الْحَمْدُ لِلَّهِ الَّذِي أَذْهَبَ عَنِّي الْأَذَى وَعَافَانِي۔

অথবা শুধু غُفْرَانِكَ

অর্থ : তোমার নিকট ক্ষমা প্রার্থনা করছি। সমস্ত প্রশংসা আল্লাহর জন্য, যিনি কষ্টদায়ক বস্তুসমূহ আমার থেকে দূর করে দিয়েছেন এবং আমাকে শান্তি দান করেছেন।

* প্রথমে বাম পায়ে জুতা/স্যান্ডেল খোলা সুন্নাত।

০৭/০৩/২০১৭

উযূর ফরয, সুন্নাত, মোস্তাহাব ও আদব সমূহ

(উযূর মধ্যে যা যা করতে হয় তা ধারাবাহিক ভাবে বর্ণনা করা হল)

* ওয়াক্ত আসার পূর্বেই উযূর সামান প্রস্তুত রাখা উত্তম। (مراقى الفلاح)

* মা'যূর না হলে তার জন্য ওয়াক্ত আসার পূর্বে উযূ করে নেয়া উত্তম।

* উযূর পূর্বে পেশাব পাযখানার হাজত থেকে ফারোগ হয়ে নেয়া উত্তম।

* উচু স্থানে বসে উযূ করা আদব।

* পবিত্র স্থানে উযূ করা।

* কেবলামুখী হয়ে উযূ করা আদব।

* পানি ঢেলে নিতে হয়-এমন হলে সে পানির পাত্রটি বাম দিকে রাখা আর পানি হাত দিয়ে তুলে নিতে হয়-এমন পাত্র হলে সেটা ডান দিকে রাখা আদব। (طحاوى)

* প্রথমে উযূর নিয়ত করবে। নাপাকী দূর করার কিংবা পবিত্রতা অর্জন করার বা নামায জায়েয হওয়ার অথবা আল্লাহর নৈকট্য অর্জন করার নিয়ত করবে। নিয়ত করা সুন্নাত।

* নিয়ত মুখেও উচ্চারণ করা মোস্তাহাব। (رد المحتار ج ১)

* নিয়ত আরবীতে হওয়া উত্তম। আরবীতে হওয়া জরুরী নয়।

* নিয়ত আরবীতে এভাবে করা যায়।

نَوَيْتُ أَنْ اتَّوَضَّأَ لِرَفْعِ الْحَدَثِ وَأَسْتَبَاحَةَ لِلصَّلَاةِ وَتَقَرُّبًا إِلَى اللَّهِ تَعَالَى -

অর্থঃ আমি নাপাকী দূর করার, নামায বৈধ করার এবং আল্লাহর নৈকট্য লাভ করার নিয়তে উযূ করছি।

* নিয়ত করার পর এই দুআ পড়া মোস্তাহাব। এই দুআ পড়ে উযূ শুরু করবে, তাহলে ফেরেশতাগণ এই উযূ ভাঙ্গার পূর্ব পর্যন্ত নেকী লিখতে থাকবে-

بِسْمِ اللَّهِ وَالْحَمْدُ لِلَّهِ - (رد المحتار ج ১ / معارف السنن ج ১)

অর্থ : মহান আল্লাহর নামে আরম্ভ করছি এবং সমস্ত প্রশংসা আল্লাহর জন্য তিনি আমাকে ধীন ইসলামের উপর রেখেছেন এজন্য।

* কোন ওজর না থাকলে উযূর মধ্যে অঙ্গ মর্দন করে দেয়ার ক্ষেত্রে অন্যের সহযোগিতা গ্রহণ না করাই আদব। কোন ব্যক্তি স্বেচ্ছায় পানি তুলে দিলে বা পানি ঢেলে দিলেও কোন দোষ নেই।

* তারপর হাতের কবজি ধোয়ার দুআ পড়বে। (মোস্তাহাব) উল্লেখ্য যে, উযূর অঙ্গগুলো ধোয়া বা মাসেহ করার যে সব দুআ বর্ণিত হয়েছে তা হাদীছ দ্বারা প্রমাণিত নয়। অতএব এগুলো পড়াকে সুন্নাত মনে করা যাবে না। তবে বুয়ুর্গানে দ্বীন এগুলো পাঠ করেছেন এবং করেন। তদুপরি এ দুআগুলোর অর্থ ভাল, এ হিসাবে এগুলো পাঠ করাকে মোস্তাহাব বা উত্তম বলা হয়।

* বিসমিল্লাহ সহ হাতের কবজি ধোয়ার দুআটি এভাবে পড়া যায়-

بِسْمِ اللَّهِ اللَّهُمَّ إِنِّي أَسْأَلُكَ الْيُمْنَ وَالْبِرَّكَ وَأَعُوذُ بِكَ مِنَ الشُّؤْمِ وَالْهَلَكَ -

অর্থ : হে আল্লাহ! আমি তোমার নিকট মঙ্গল ও বরকত কামনা করি এবং অমঙ্গল ও ধ্বংস থেকে তোমার কাছে পানাহ চাই।

* তারপর উভয় হাতের কবজি ধৌত করবে। তিনবার ধৌত করা সুন্নাত।

* মেসওয়াক করা সুন্নাত। মেসওয়াক উযূ শুরু করার পূর্বেও করা যায়। মেসওয়াক না থাকলে কিংবা মুখে ওজর থাকলে বা দাঁত না থাকলে আঙ্গুল দিয়ে হলেও ঘষে নেয়া।

* তারপর কুলি করার জন্য বিসমিল্লাহ সহ কুলি করার দুআ পড়বে।

(মোস্তাহাব)

* বিসমিল্লাহ সহ দুআটি এভাবে পড়া যায়-

بِسْمِ اللَّهِ اللَّهُمَّ أَعِنِّي عَلَى تِلَاوَةِ الْقُرْآنِ وَذِكْرِكَ وَشُكْرِكَ وَحُسْنِ عِبَادَتِكَ -

অর্থ : হে আল্লাহ, তুমি আমাকে সাহায্য কর যেন কুরআন তিলাওয়াত করতে, যিকির করতে ও শৌকর আদায় করতে পারি।

* দুআ পড়ার পর কুলি করবে। কুলি করা সুন্নাত এবং তিনবার কুলি করা সুন্নাত। তিনবারের জন্য স্বতন্ত্র ভাবে তিনবার পানি নেয়া উত্তম।

* ডান হাতে কুলির পানি নিবে। (মোস্তাহাব)

* রোযাদার না হলে গড়গড়া করা সুন্নাত।

* তারপর নাকে পানি দেয়ার জন্য বিসমিল্লাহ সহ নাকে পানি দেয়ার দুআ পড়বে। (মোস্তাহাব)

* বিসমিল্লাহ সহ দুআটি এভাবে পড়া যায়-

بِسْمِ اللَّهِ اللَّهُمَّ ارْحَنِي رَائِحَةَ الْجَنَّةِ وَلَا تُرْحِنِي رَائِحَةَ النَّارِ -

অর্থঃ হে আল্লাহ, তুমি আমাকে জান্নাতের সুগন্ধি দান কর এবং জাহান্নামের গন্ধ আমার ভাগ্যে দিও না।

* নাকে পানি দেয়া সুন্নাত।

২০/০৪/২০১৪

* ডান হাত দিয়ে নাকে পানি দেয়া এবং বাম হাত দিয়ে ঝেড়ে ফেলা আদব। (طحاوی)

* রোযাদার না হলে নাকের নরম স্থান পর্যন্ত পানি টেনে নেয়া উত্তম।

* বাম হাতের কনিষ্ঠ আঙ্গুলের অগ্রভাগ দিয়ে নাকের মধ্যে পরিষ্কার করা আদব।

* একরূপ তিনবার নাকে পানি দেয়া এবং ঝেড়ে ফেলা সুন্নাত। তিনবারের জন্য স্বতন্ত্র ভাবে তিনবার পানি নেয়া উত্তম।

* তারপর বিসমিল্লাহ সহ মুখমন্ডল ধৌত করার দুআ পড়বে। (মোস্তাহাব)

* বিসমিল্লাহ সহ দুআটি এভাবে পড়া যায়-

بِسْمِ اللَّهِ اللَّهُمَّ بَيِّضْ وَجْهِي يَوْمَ تَبْيِضُ وَجُوهٌ وَتَسْوَدُ وَجُوهٌ -

অর্থ : হে আল্লাহ, যেদিন (কতক) মানুষের চেহারা উজ্জ্বল এবং (কতক) চেহারা দুঃখ মলিন হবে, সেদিন আমার চেহারাকে উজ্জ্বল করো।

* মুখমন্ডল ধৌত করা ফরয। কপালের উপরিভাগের চুলের গোড়া থেকে চিবুক (খুতনি) পর্যন্ত এবং দুই কানের লতি পর্যন্ত হল মুখমন্ডলের সীমানা।

* ডান হাতে পানি নিয়ে তার সাথে বাম হাত মিলিয়ে কপালের উপরিভাগ থেকে ধোয়া আরম্ভ করা আদব। (مرافى الفلاح)

* মুখে পানি আস্তে লাগাবে। জোরে পানি মারা মাকরুহ।

* পাতলা দাড়ি হলে চামড়াতে পানি পৌঁছাতে হবে। আর ঘন দাড়ি হলে মুখের বেষ্টনীর ভিতরের দাড়ি ধৌত করতে হবে- চামড়াতে পানি পৌঁছানোর প্রয়োজন নেই। দাড়ির উপর থেকে নয়র করলে যদি নীচের চামড়ার রং বুঝা যায় তাহলে তা পাতলা দাড়ি বলে গণ্য হবে, অন্যথায় ঘন দাড়ি বলে গণ্য হবে।

* চেহারার বেষ্টনীর বাইরের ঝুলন্ত দাড়িতে মাসেহ করা সুন্নাত।

(احسن الفتاوى)

* একরূপ তিনবার মুখমন্ডল ধৌত করা সুন্নাত।

* প্রতিবার পুরো মুখমন্ডলে ভাল করে হাত বুলাবে।

* ঘন দাড়ি খেলাল করা সুন্নাত। তিনবার মুখ ধৌত করার পর দাড়ি খেলাল করতে হবে। (طحاوی)

* দাড়ি খেলাল করার তরীকা হল এক কোষ পানি নিয়ে দাড়ির নীচের ভাগের খুতনিতে লাগাবে, তারপর খেলাল করবে। ডান হাতের তালু সামনের দিকে রেখে গলার দিক থেকে দাড়ির নীচ দিয়ে উপর দিকে খেলাল করা নিয়ম। খেলাল তিনবারের বেশী করবে না।

- * তারপর বিসমিল্লাহ সহ ডান হাত ধোয়ার দুআ পড়বে। (মোস্তাহাব)
- * বিসমিল্লাহসহ দুআটি এভাবে পড়া যায়।

بِسْمِ اللَّهِ اللَّهُمَّ أَعْطِنِي كِتَابِي بِيَمِينِي وَحَاسِبْنِي حِسَابًا يَسِيرًا -

অর্থ : হে আল্লাহ, আমার আমলনামা আমার ডান হাতে দিও এবং আমার হিসাব-নিকাশ সহজ করো।

- * ডান হাত কনুইসহ ধৌত করা ফরয।

* আঙ্গুলের অগ্রভাগ থেকে ধোয়া আরম্ভ করা সুন্নাত। (طحاوی) এবং হাতের অগ্রভাগ নীচ করবে যাতে করে ধোয়া পানি আঙ্গুলের অগ্রভাগ দিয়ে গড়িয়ে পড়ে।^১

- * এভাবে তিনবার ধৌত করা সুন্নাত।

- * প্রতিবার ধৌত করার সময় পুরো অঙ্গ ভাল ভাবে মর্দন করবে।

* হাতে আংটি থাকলে ভালভাবে নাড়াচাড়া করে ভিতরে পানি প্রবেশ করানো মোস্তাহাব। আর আংটি চাপা থাকলে অবশ্যই এরূপ করতে হবে। মহিলাদের নাকের অলংকার, চুড়ি ইত্যাদির বেলায়ও এই নিয়ম প্রযোজ্য।

* বাম হাত ধৌত করার মাসআলাও ডান হাতের ন্যায়। তবে বাম হাত ধৌত করার দুআটি (বিসমিল্লাহ সহ) এই-

بِسْمِ اللَّهِ اللَّهُمَّ لَا تُعْطِنِي كِتَابِي بِشِمَالِي وَلَا مِنْ وَرَاءِ ظَهْرِي -

অর্থ হে আল্লাহ, আমার আমলনামা দিওনা আমার বাম হাতে, আর না পেছন দিক থেকে।

* বাম হাত তিনবার ধৌত করার পর উভয় হাতের আঙ্গুল খেলাল করবে। এটা সুন্নাত। (ظهيرية)

* আঙ্গুল খেলাল করার তরীকা হলঃ এক হাতের আঙ্গুলগুলো অন্য হাতের আঙ্গুল সমূহের মধ্যে প্রবেশ করানো কিংবা বাম হাতের আঙ্গুলগুলো এক সাথে ডান হাতের পিঠের দিক থেকে ডান হাতের আঙ্গুলগুলোতে প্রবেশ করানো। এমনভাবে ডান হাতের আঙ্গুলগুলো দিয়ে বাম হাতের আঙ্গুল খেলাল করা।

- * তারপর বিসমিল্লাহ সহ মাথা মাসেহ করার দুআ পড়বে। (মোস্তাহাব)

১. এখানে কনুইর দিক থেকে ধোয়া আরম্ভ করার একটি মতও রয়েছে যেন আঙ্গুলের অগ্রভাগ দিয়ে পানি গড়াতে পারে। তবে উপরোক্ত তরীকায় হাত ধোয়া হলে উভয় মতের উপর আমল হয়ে যায়। ১

* বিসমিল্লাহসহ দুআটি এভাবে পড়া যায়।

بِسْمِ اللَّهِ اللَّهُمَّ أَظْلِنِي تَحْتَ ظِلِّ عَرْشِكَ يَوْمَ لَا ظِلَّ إِلَّا ظِلُّ عَرْشِكَ۔

অর্থ : হে আল্লাহ, যেদিন তোমার আরশের ছায়া ছাড়া আর অন্য কোন ছায়া থাকবে না, সেদিন তোমার আরশের ছায়াতলে আমাকে স্থান দিও।

* মাথা মাসেহের জন্য নতুন পানি নেয়া সুন্নাত। (হাশি' শর' ওতায়ি)

* মাথা মাসেহ করা। পুরো মাথায় মাসেহ করা সুন্নাত। অন্ততঃ মাথার চার ভাগের একভাগ মাসেহ করা ফরয।

* মাথায় মাসেহ করার তরীকা হলঃ দুই হাতের পুরো তালু আঙ্গুলের পেট সহ মাথার অগ্রভাগে রেখে পুরো মাথা জুড়ে পেছনের দিকে টেনে আনা।^১ মাথার অগ্রভাগ থেকে মাসেহ শুরু করা সুন্নাত। (طحطاوى)

* উভয় হাত দ্বারা মাথা মাসেহ করা সুন্নাত। এক হাত দ্বারা মাসেহ করা সুন্নাতের খেলাফ। (فتاوى دارالعلوم ج ১/১)

* তারপর বিসমিল্লাহ সহ কান মাসেহের দুআ পড়বে। (মোস্তাহাব)

* বিসমিল্লাহসহ দুআটি এভাবে পড়া যায়-

بِسْمِ اللَّهِ اللَّهُمَّ اجْعَلْنِي مِنَ الَّذِينَ يَسْتَمِعُونَ الْقَوْلَ فَيَتَّبِعُونَ أَحْسَنَهُ۔

অর্থঃ হে আল্লাহ, যারা (তোমার) কথা শুনে মেনে চলে আমাকে তাদের অন্তর্ভুক্ত কর।

* কান মাসেহ করা (উভয় কান এক সাথে) সুন্নাত। (طحطاوى)

* কান মাসেহ করার তরীকা হলঃ উভয় হাতের কনিষ্ঠা আঙ্গুলের অগ্রভাগ কানের ছিদ্রে প্রবেশ করিয়ে একটু নাড়াচাড়া দেয়া নিয়ম। (مراقى الفلاح)

* তারপর তর্জনী (শাহাদাত আঙ্গুল) এর অগ্রভাগ দ্বারা কানের ভিতরের দিক মাসেহ করবে। অতপর বৃদ্ধা আঙ্গুলের পেট দ্বারা কানের পেছনের ভাগ মাসেহ করবে।

* কান মাসেহের জন্য নতুন পানি নেয়া সুন্নাত। (শামী জ ১/১)

* তারপর বিসমিল্লাহ সহ গর্দান মাসেহের দুআ পড়বে। (মোস্তাহাব)

১. মাসেহ করার এই তরীকাটি সহজ। অন্য একটি তরীকাও বর্ণিত আছে, তা হল- উভয় হাতের তিন আঙ্গুলের পেট (শাহাদাত ও বৃদ্ধা আঙ্গুল ব্যতীত) মাথার অগ্রভাগের উপরে রেখে পেছন দিকে টেনে নিয়ে যাবে। তারপর দুই হাতের তালু মাথার দুই পার্শ্বে রেখে পেছন দিক থেকে সামনে টেনে নিয়ে আসবে। ॥

* বিসমিল্লাহসহ দুআটি এভাবে পড়া যায়-

بِسْمِ اللَّهِ اللَّهُمَّ اغْنِ رَقَبَتِي مِنَ النَّارِ -

অর্থ : হে আল্লাহ, আমার ঘাড়কে জাহান্নামের আগুন থেকে রক্ষা কর।

* অতঃপর গর্দান মাসেহ করবে। (মোস্তাহাব)

* উভয় হাতের তিন আঙ্গুলের পিঠ দ্বারা গর্দান মাসেহ করবে। (কীরী)

* তারপর বিসমিল্লাহ সহ ডান পা ধোয়ার দুআ পড়বে। (মোস্তাহাব)

* বিসমিল্লাহসহ দুআটি এভাবে পড়া যায়-

بِسْمِ اللَّهِ اللَّهُمَّ ثَبِّتْ قَدَمَيَّ عَلَى الصِّرَاطِ يَوْمَ تَزُلُ الْأَقْدَامُ -

অর্থ : হে আল্লাহ, যেদিন অনেক পা পুলসিরাত থেকে পিছলে যাবে সেদিন আমার পদযুগল স্থির রেখ।

* প্রথমে ডান পা ধৌত করবে। পা ধৌত করা ফরয।

* পায়ের অগ্রভাগে পানি ঢালা সুন্নাত।

* বাম হাত দিয়ে পা বিশেষভাবে পায়ের তলা মর্দন করা আদব।

* তিনবার ধৌত করা সুন্নাত।

* প্রতিবার পুরো অঙ্গ ভাল করে মর্দন করবে।

* ডান পা ধৌত করার পর ডান পায়ের আঙ্গুল খেলাল করবে। (সুন্নাত)

* খেলাল করার তরীকা হলঃ বাম হাতের কনিষ্ঠা আঙ্গুল দ্বারা খেলাল করা আদব।

* ডান পায়ের কনিষ্ঠা আঙ্গুল থেকে খেলাল আরম্ভ করা নিয়ম।

* খেলাল করার সময় পায়ের আঙ্গুলের নীচের দিক থেকে আঙ্গুল প্রবেশ করিয়ে খেলাল করবে। (মরাফী ফলাহ)

* তারপর বিসমিল্লাহ সহ বাম পা ধোয়ার দুআ পড়বে। (মোস্তাহাব)

* বিসমিল্লাহসহ দুআটি এভাবে পড়া যায়-

بِسْمِ اللَّهِ اللَّهُمَّ اجْعَلْ ذَنْبِي مَغْفُورًا وَسَعْيِي مَشْكُورًا وَتِجَارَتِي لَنْ تَبُورَ -

অর্থ : হে আল্লাহ, আমার গোনাহ মার্জনা কর, আমার চেষ্টাকে সাফল্য মন্ডিত কর এবং আমার (আখেরাতের) ব্যবসাকে ক্ষতি থেকে রক্ষা কর।

* তারপর ডান পায়ের ক্ষেত্রে বর্ণিত নিয়ম অনুযায়ী বাম পা ধৌত করবে। শুধু বাম পায়ের আঙ্গুল খেলাল করার সময় বৃদ্ধ আঙ্গুল থেকে কনিষ্ঠ আঙ্গুলের দিক খেলাল করা নিয়ম।

উযূর সব অঙ্গের জন্য প্রয়োজ্য মাসায়েলঃ

* উযূর অঙ্গগুলো ধোয়ার সময় জোড়া ও ভাজগুলোতে বিশেষ যত্ন সহকারে পানি পৌঁছাতে হবে।

* উযূর মাঝে মাঝে নিম্নোক্ত দুআ পড়া উত্তম-

اللَّهُمَّ اغْفِرْ لِي ذَنْبِي وَوَسِّعْ لِي فِي دَارِي وَبَارِكْ لِي فِي رِزْقِي -

অর্থঃ হে আল্লাহ, আমার পাপ ক্ষমা কর, আমার ঘরে প্রাচুর্য্য দান কর এবং আমার রিযিকে বরকত দাও।

* উযূর প্রয়োজন মোতাবেক পানি ব্যবহার করবে-কম বা বেশী করবে না। আজকাল টেপে উযূ করতে গেলে প্রচুর পানির অপচয় হয়। তাই সম্ভব হলে কোন পাত্রে পানি নিয়ে উযূ করবে। অন্যথায় টেপের পানি হালকা ভাবে ছেড়ে উযূ করবে এবং প্রয়োজনে মাঝে মধ্যে বন্ধ করে নিবে।

* উযূর মধ্যে কোন জাগতিক কথা-বার্তা না বলা আদব।

* প্রত্যেক অঙ্গকে ফরয পরিমাণের চেয়ে কিছু বেশী ধৌত করা উত্তম। যেমন কনুইর উপরেও কিছুটা ধৌত করা। এটাকে اِطَالَةُ الْعُرَّةِ وَالنَّحْيِلِ (অর্থাৎ, উজ্জ্বলতা ও চমক বৃদ্ধি করা) বলে। কেননা, কিয়ামতের দিন উযূর অঙ্গগুলো উজ্জ্বল হবে।

* উযূর প্রত্যেকটা অঙ্গের শুরুতে কালেমায়ে শাহাদাত এবং শেষে দুর্রুদ শরীফ পড়াকে ফোকাহায়ে কেরাম মোস্তাহাব বলেছেন। কারও কারও মতে অন্ততঃ যে কোন একটি অঙ্গের ক্ষেত্রে আমলটি করে নিলেও চলবে।

উযূ শেষ হওয়ার পর করণীয় কয়েকটি আমল :

* রোযাদার না হলে উযূর অবশিষ্ট পানি বা তার কিয়দাংশ পান করা মোস্তাহাব। এ পানি পান করা অনেক রোগের শেফা। এ পানি কেবলামুখী হয়ে পান করা উত্তম। দাঁড়িয়ে এবং বসে উভয়ভাবে পান করা যায়।

(مطحاوی وحسن الفتاوی ج ۱ / ۱)

* এ পানি পান করার দুআ-

اللَّهُمَّ اشْفِنِي بِشِفَائِكَ وَدَاوِنِي بِدَوَائِكَ وَاعْصِمْنِي مِنَ الْوَهْنِ وَالْأَمْرَاضِ وَالْأَوْجَاعِ -

অর্থ : হে আল্লাহ, আমাকে শেফা দান কর তোমার শেফা দ্বারা, আমার চিকিৎসা করাও তোমার দাওয়াই দ্বারা এবং আমাকে রক্ষা কর দুর্বলতা, রোগ-ব্যাধি ও ব্যথা-বেদনা থেকে।

* উযূর শেষে কালিমায়ে শাহাদাত পড়া মোস্তাহাব এবং এটা দাঁড়িয়ে কেবলামুখী হয়ে, আকাশের দিকে নযর করে পড়া মোস্তাহাব।

(مطّٰوٰى واحسن الفتاوى ج ١ / ١)

* তারপর নিম্নোক্ত দু'আটি পড়া মোস্তাহাব (দাঁড়িয়ে, কেবলামুখী হয়ে এবং আকাশের দিকে নজর করে)।

اَللّٰهُمَّ اجْعَلْنِيْ مِنَ التَّوَّابِيْنَ وَاجْعَلْنِيْ مِنَ الْمُتَطَهِّرِيْنَ وَاجْعَلْنِيْ مِنْ عِبَادِكَ الصّٰلِحِيْنَ وَاجْعَلْنِيْ مِنَ الَّذِيْنَ لَا خَوْفٌ عَلَيْهِمْ وَلَا هُمْ يَحْزَنُوْنَ -

অর্থঃ হে আল্লাহ! আমাকে তওবাকারীদের অন্তর্ভুক্ত কর, পবিত্রতা অর্জনকারীদের অন্তর্ভুক্ত কর, তোমার নেক বান্দাদের অন্তর্ভুক্ত কর এবং এসব লোকদের অন্তর্ভুক্ত কর যাদের থাকবেনা কোন ভয় এবং যারা হবেনা দুঃখীত।

* নিম্নোক্ত দু'আটি পড়াও উত্তম (দাঁড়িয়ে কেবলামুখী হয়ে এবং আকাশের দিকে নজর দিয়ে)।

سُبْحَانَكَ اللّٰهُمَّ وَبِحَمْدِكَ اَشْهَدُ اَنْ لَا اِلَهَ اِلَّا اَنْتَ اَسْتَغْفِرُكَ وَاَتُوْبُ اِلَيْكَ -

অর্থঃ হে আল্লাহ! তোমার স্বপ্রশংস পবিত্রতা বর্ণনা করছি। আমি সাক্ষ্য দিচ্ছি যে, তুমি ব্যতীত কোন মা'বুদ (ইবাদতের যোগ্য) নেই। তোমার নিকট আমি ক্ষমা প্রার্থনা করছি এবং তোমর সামনে তওবা করছি।

* সূরা ক্বদর পড়াও উত্তম। উযূর পর যে সূরা ক্বদর একবার পড়বে সে সিদ্দীকিনদের অন্তর্ভুক্ত হবে। (كسر العمال) দুইবার পড়লে তাকে শহীদদের তালিকাভুক্ত করা হবে। আর তিনবার পড়লে নবীদের সঙ্গে তার হাশর হবে।

(دبلى)

* (উযূর পর রুমাল, তোয়ালিয়া, গামছা ইত্যাদি দ্বারা উযূর পানি অঙ্গ থেকে মুছে নেয়ায় ক্ষতি নেই। তবে খুব মর্দন করে নয় বরং উত্তম হল হালকাভাবে মুছে নেয়া। (احسن الفتاوى ج ١ / ١))

* উযূর পর মাকরুহ ওয়াজু না হলে দুই রাকআত তাহিয়াতুল উযূ নামায পড়ে নেয়া উত্তম। এসম্পর্কে বিস্তারিত জানার জন্য দেখুন ২১৭ নং পৃষ্ঠা।

যে সব কারণে উযু মাকরুহ হয় ২৭-০৩-২০১৭

উযুর মধ্যে নিম্নলিখিত কার্যগুলো করলে উযু মাকরুহ হয়ে যায় অর্থাৎ, করলে উযু ভঙ্গ হয় না তবে ছওয়াব কমে যায়।

১. তারতীব অনুযায়ী উযু না করলে।
২. অপবিত্র স্থানে বসে উযু করলে।
৩. অতিরিক্ত পানি ব্যয় করলে।
৪. উযুতে রত থাকা অবস্থায় জাগতিক কথা-বার্তা বললে। তবে কোন বিশেষ প্রয়োজনে দু একটি কথা বললে কোন আপত্তি নেই।
৫. মুখ অথবা অন্য কোন অঙ্গে জোরে পানি মারলে।
৬. মুখে পানি দেয়ার সময় সুরসুর শব্দ বেরিয়ে আসলে।
৭. তিনবারের অধিক কোন অঙ্গ ধৌত করলে কিংবা অঙ্গগুলো একবার ধুয়ে মুছে ফেললে। তবে কোন কারণবশতঃ এরূপ করলে কোন দোষ নেই। বিনা কারণে করা ঠিক নয়।
৮. ডান হাতে নাক পরিষ্কার করলে।
৯. প্রথমে বাম হাত অথবা বাম পা ধৌত করলে।

যে সব কারণে উযু ভাঙ্গে না

কোন কোন কারণে উযু ভঙ্গ হয় না, তবে সাধারণতঃ উযু ভঙ্গ হয় বলে খ্যাত। যেমনঃ

১. বসে বসে তন্দ্রাচ্ছন্ন হলে উযু ভঙ্গ হয় না।
২. নামাযের সাজদায় তন্দ্রাভূত হয়ে পড়লে উযু ভঙ্গ হয় না। তবে তন্দ্রায় শরীরের অঙ্গ-প্রত্যঙ্গ শিথিল হয়ে এক অঙ্গ অন্য অঙ্গের সাথে মিশে গেলে, যেমন কনুই উরুর সাথে মিশে গেলে অথবা উরু পেটের সাথে মিললে উযু ভঙ্গ হয়ে যায়। তবে মেয়েলোক এর ব্যতিক্রম।
৩. নামাযের মধ্যে মুচকি হাসি দিলে উযু ভঙ্গ হয় না।
৪. উযু করার পর স্ত্রীলোক তার সন্তানকে দুধ পান করালে অথবা স্তন থেকে দুধ নিংড়িয়ে ফেললেও উযু ভঙ্গ হয় না।
৫. নিজের অথবা স্ত্রীলোকের যৌনাঙ্গে দৃষ্টিপাত করলে উযু ভঙ্গ হয় না। তবে ইচ্ছাকৃত এরূপ করা ভাল নয়।
৬. পুরুষ এবং স্ত্রীলোকের শরীর স্পর্শ করলে অথবা চুম্বন করলে উযু ভঙ্গ হয়না।

৭. উযু করার পর লজ্জা স্থানে হাত লাগালে উযু নষ্ট হবে না। তবে ইচ্ছাকৃতভাবে এরূপ করা মাকরুহ।
৮. উযু করার পর নখ কাটলে অথবা পায়ের চামড়া কাটলে অথবা উপড়ালে উযু ভঙ্গ হয় না।
৯. বিড়ি সিগারেট সেবন করলে উযু ভঙ্গ হয় না।
১০. সতর খুললে উযু ভঙ্গ হয় না।
১১. কারও সতর দেখলে উযু ভঙ্গ হয় না।
১২. মহিলাদের সামনের রাস্তা দিয়ে বাতাস বের হলে (যেমন রোগের কারণে এমন হয়ে থাকে, এতে) উযু ভঙ্গ হয়না। (مستحب)

যে সব কারণে উযু ভেঙ্গে যায়

১. প্রস্রাব, পায়খানা করা।
২. পিছনের রাস্তা দিয়ে বাতাস বেরিয়ে আসা।
৩. প্রস্রাব পায়খানা ব্যতীত অন্য কোন বস্তু যেমন কেঁচো, ক্রিমি, পাথরকণা ইত্যাদি অথবা এগুলো ছাড়াও যদি অন্য কোন বস্তু পেশাব অথবা পায়খানার রাস্তা দিয়ে নির্গত হয়, তখন উযু ভঙ্গ হয়ে যাবে।
৪. শরীরের অন্য কোন স্থান থেকে রক্ত, পূঁজ ইত্যাদি বেরিয়ে গড়িয়ে গেলে।
৫. বমি ছাড়াও রক্ত, পিত্ত, খাদ্য অথবা পানি মুখ ভরে নির্গত হলে উযু ভঙ্গ হবে। এসমস্ত বস্তু অল্প অল্প করে কয়েক বার নির্গত হলেও উযু ভঙ্গ হবে যদি সব বারেরটা একত্রে হলে মুখ ভরা পরিমাণ হত বলে মনে হয়।
৬. খুথুতে রক্তের পরিমাণ বেশী হলে কিংবা উযু করার সময় দাঁতের মাড়ি থেকে রক্ত বেরিয়ে আসলে উযু ভঙ্গ হবে। রক্তের পরিমাণ অল্প হলে কোন ক্ষতি নেই তবে রক্ত অধিক পরিমাণে হলে অর্থাৎ, খুথু থেকে রক্তের পরিমাণ বেশী হলে রক্ত বন্ধ না হওয়া পর্যন্ত উযু করতে পারবে না।
৭. বীর্য, মযী অথবা হায়েযের রক্ত দেখা দিলে উযু ভঙ্গ হয়ে যাবে। এর বর্ণনা গোসল অধ্যায়ে করা হবে। উল্লেখ্য যে, বীর্য ও মযীতে পার্থক্য আছে- যৌন সন্তোষের সময় তৃপ্তি হওয়ার প্রাক্কালে অথবা ঘুমন্ত অবস্থায় স্বপ্নদোষ হলে যা নির্গত হয় তা হলো বীর্য আর পুংলিঙ্গের চটপটে ভাব দ্বারা অথবা স্ত্রীলোককে চুম্বন করায় অথবা স্ত্রীলোকের নিকটবর্তী হওয়ায় অথবা কোন খারাপ ধারণার বশবর্তী হলে লিঙ্গের অগ্রভাগ দিয়ে পানির মত যে বস্তু বেরিয়ে আসে, তা হল মযী। বীর্য বের হলে গোসল করা আবশ্যিক হয়। কিন্তু মযী বের হলে গোসল করা আবশ্যিক হয় না তবে উযু ভেঙ্গে যায়।

৮. স্ত্রীলোকের স্তন থেকে বুকের দুধ ব্যতীত অন্য বস্তু বেরিয়ে আসলে এবং ব্যথা হলে উযু ভঙ্গ হবে।
৯. যোনির মধ্যে আঙ্গুল প্রবেশ করালে উযু ভঙ্গ হয়ে যায়।
১০. বেহুঁশ বা পাগল হলে উযু ভঙ্গ হয়ে যায়।
১১. নামাযের মধ্যে এরকম শব্দ সহকারে হাসা যে, পার্শ্বের লোক সে শব্দ শুনতে পায়- এর দ্বারা উযু ভঙ্গ হয়ে যায়।

মা'যূর ব্যক্তির উযুর বয়ান

মা'যূর কে? :

যার নাক বা অন্য কোন যখম থেকে অনবরত রক্ত বইতে থাকে বা অনর্গল পেশাবের ফোঁটা আসতে থাকে, এমনকি নামাযের সম্পূর্ণ ওয়াক্তের মধ্যে এতটুকু সময়ও বিরতি হয় না, যার মধ্যে সে শুধু উযুর ফরয অঙ্গুলো ধুয়ে সংক্ষেপে ফরয নামায আদায় করতে পারে, এরূপ ব্যক্তিকে মা'যূর বলে।

মা'যূর ব্যক্তির হুকুম :

* মা'যূর ব্যক্তিকে প্রত্যেক নামাযের ওয়াক্তে নতুন উযু করতে হবে। যে পর্যন্ত ঐ ওয়াক্ত থাকবে সে পর্যন্ত তার উযু থাকবে অর্থাৎ, ঐ ওজরের কারণে উযু যাবে না। তবে ঐ কারণ ছাড়া উযু ভঙ্গের অন্য কোন কারণ ঘটলে উযু ভঙ্গ হয়ে যাবে।

* মা'যূর ব্যক্তি যে কারণে মা'যূর হয়েছে সে কারণ বন্ধ থাকার সময় উযু ভঙ্গের অন্য কোন কারণ ঘটায় যদি উযু করে, তারপর মা'যূর যে কারণে হয়েছে সে কারণ ঘটে, তাহলেও উযু চলে যাবে অবশ্য মা'যূর যে কারণে হয়েছে সে কারণে যে উযু করবে সেই উযু ওয়াক্তের শেষ পর্যন্ত থাকবে যদি উযু ভঙ্গের অন্য কোন কারণ না পাওয়া যায়।

* যদি এই রক্ত ইত্যাদি (অর্থাৎ, যে কারণে মা'যূর হয়েছে) কাপড়ে লাগে এবং এরূপ মনে হয় যে, নামায শেষ হওয়ার পূর্বে আবার লেগে যাবে, তাহলে ঐ রক্ত ধোয়া ওয়াজিব নয়। অন্যথায় ধুয়ে নিয়ে পাক কাপড়েই নামায পড়তে হবে। তবে রক্ত এক দেরহাম পরিমাণের কম হলে তা না ধুয়েও নামায হয়ে যাবে। হাতের তালু সম্পূর্ণ খুলে তাতে পানি রাখলে যে পরিমাণ স্থানে পানি থাকে তাকে এক দেরহাম-এর পরিমাণ বলা হয়। (বেহশতি জেওর)

* মা'যূর বলে গণ্য হওয়ার জন্য শর্ত হল পূর্ণ এক ওয়াক্ত (শুরু থেকে শেষ পর্যন্ত) এমন অতিবাহিত হওয়া, যার মধ্যে সে ওজর থেকে এতটুকু

বিরতি পায় না যাতে উযূর ফরযগুলো আদায় করে ফরয নামায পড়ে নিতে পারে। এরপর প্রতি ওয়াক্তে সারাক্ষণ সেই ওজর থাকা জরুরী নয় বরং ওয়াক্তের মধ্যে এক বারও যদি পাওয়া যায় তবুও সে মায়ূর বলে গণ্য থাকবে। অবশ্য যদি এমন একটা ওয়াক্ত অতিবাহিত হয়, যার মধ্যে একবারও সে ওজর দেখা যায়নি, তাহলে সে আর মা'যূর থাকল না।

মেসওয়াকের মাসায়েল

মেসওয়াক-এর ভাল বিষয়ক :

১. মেসওয়াক পীলু বা যয়তুনের ডালের হওয়া উত্তম।
২. মেসওয়াক কনিষ্ঠ আঙ্গুলের মত মোটা হওয়া উত্তম।
৩. মেসওয়াক প্রথমে এক বিঘত পরিমাণ লম্বা হওয়া উত্তম।
৪. মেসওয়াক নরম হওয়া মোনাসেব।
৫. মেসওয়াক কম গিরা সম্পন্ন হওয়া উত্তম।
৬. মেসওয়াকের ডাল কাঁচা হওয়া উত্তম।

মেসওয়াক ধরার তরীকা বিষয়ক :

১. মেসওয়াক ডান হাতে ধরা মোস্তাহাব।
২. মেসওয়াক ধরার তরীকা হল : কনিষ্ঠ আঙ্গুল মেসওয়াকের নীচে, বৃদ্ধ আঙ্গুলের অগ্রভাগ মেসওয়াকের উপরের দিকে নীচেয়ে এবং অবশিষ্ট আঙ্গুলগুলো (মধ্যে তিন আঙ্গুল) মেসওয়াকের উপরে রাখবে।

মেসওয়াকের দুআ ও যিকির বিষয়ক :

১. বিসমিল্লাহ বলে মেসওয়াক শুরু করবে।
২. মেসওয়াক শুরু করার সময় দুআ পড়া মোস্তাহাব। দুআটি এই-

بِسْمِ اللَّهِ اللَّهُمَّ اجْعَلْ سِوَاكِي هَذَا مَحِيصًا لِدُنُوبِي وَمَرْضَاةً لَّكَ وَيَبِّضْ
بِهِ وَجْهِي كَمَا يَبْيَضُّ اسْنَانِي -

অর্থ : হে আল্লাহ, এই মেসওয়াক করাকে আমার পাপ মোচনকারী ও তোমার রেজামন্দীর ওহীলা বানাও, আর আমার দাঁতগুলিকে যেমনি তুমি সুন্দর করেছ, তেমনি আমার চেহারাকেও উজ্জ্বল (সুন্দর) কর।

মেসওয়াক করার তরীকা বিষয়ক :

১. মেসওয়াক শুরু করার পূর্বে ভিজিয়ে নেয়া উত্তম।
২. প্রথমে উপরের দাঁতের ডান দিক অতঃপর বাম দিক, তারপর নীচের দাঁতের ডান দিকে অতঃপর বাম দিকে, তারপর দাঁতের ভিতরের দিকে অনুরূপ ভাবে ঘষতে হবে। (رد المحتار ج ১/ ১)
৩. এভাবে তিনবার ঘষা উত্তম। প্রতিবারেই নতুন পানি দিয়ে মেসওয়াক ধুয়ে নেয়া মোস্তাহাব। (رد المحتار ج ১/ ১)
৪. মেসওয়াক দাঁতের অগ্রভাগে, উপর ও নীচের তালুর অগ্রভাগে এবং জিহবার উপরিভাগেও করা উত্তম।
৫. মেসওয়াক দাঁতের উপর চওড়াভাবে ঘষা নিয়ম। ইমাম গায্বালী (রহঃ) উপর নীচ-ভাবে ঘষার কথাও বলেছেন। কমপক্ষে চওড়াভাবে ঘষতে হবে। (مفاتيح الجنان نقلاً عن احياء علوم الدين)

৬. শোয়া অবস্থায় মেসওয়াক করা মাকরুহ।

৭. মেসওয়াক করার পর মেসওয়াক ধুয়ে দাঁড় করিয়ে রাখবে। (الدر المختار)

বিঃ দ্রঃ মেসওয়াক না থাকলে মেসওয়াকের বিকল্প হিসেবে ব্রাশ ব্যবহার করা যায়। এতে মেসওয়াকের ডাল বিষয়ক সুন্নাত আদায় না হলেও মাজা ও পরিষ্কার করার সুন্নাত আদায় হয়ে যাবে। (درس ترمذی) অন্যথায় হাত দিয়ে বা মোটা কাপড় দিয়ে দাঁত মেজে নিতে হবে। হাত দিয়ে মাজার তরীকা হল : ডান হাতের বৃদ্ধ আঙ্গুল দিয়ে ডান পাশের দাঁতের উপরে অতঃপর নীচে, তারপর শাহাদাত (তর্জনী) আঙ্গুল দিয়ে বাম পাশের দাঁতের উপরে অতঃপর নীচে ঘষতে হবে। (اشن الفتاوى ج ১/ ১)

গোসলের ফরয, সুন্নাত, মোস্তাহাব ও আদবসমূহ

(গোসলের যাবতীয় করণীয় বিষয় ধারাবাহিকভাবে বর্ণনা করা হল)

* গোসলখানা নোংরা থাকলে কিংবা গোসলখানার মধ্যে পায়খানা থাকলে বাম পা দিয়ে গোসলখানায় প্রবেশ করবে। আর তার মধ্যে পায়খানা না থাকলে এবং পরিষ্কার পরিচ্ছন্ন থাকলে যে কোন পা দিয়ে প্রবেশ করা যায়।

* গোসলের জন্য কাপড় খোলার সময় নিম্নোক্ত দুআ পড়বে-

بِسْمِ اللَّهِ الَّذِي لَا إِلَهَ إِلَّا هُوَ - (عمل اليوم والليلة)

* তবে গোসলখানা নোংরা থাকলে বা গোসলখানার মধ্যে পায়খানা থাকলে এ দুআটি বাইরে থেকেই কাপড় খোলার সময় পড়বে। (اشن الفتاوى ج ১/ ২)

* গোসলের নিয়ত করা সুন্নাত। (رد المحتار)

* নিয়ত এভাবে করা যায়-

نَوَيْتُ الْغُسْلَ مِنَ الْجَنَابَةِ -

অর্থাৎ, আমি জানাবাত থেকে পবিত্রতা হাছেল করার জন্য গোসলের নিয়ত করছি।

* বসে গোসল করা উত্তম। (أحسن الفتاوى ج ২/ ১)

* আড়াল স্থানে এবং ছতর ঢেকে গোসল করা মোস্তাহাব। আড়াল স্থান হলে উলঙ্গ হয়ে গোসল করা জায়েয তবে মোস্তাহাবের খেলাফ।

* কেবলামুখী হয়ে গোসল না করা উত্তম।

* গোসলের শুরুতে উভয় হাতের কব্জি পর্যন্ত ধৌত করবে। এটা সুন্নাত।

* তারপর পেশাব পায়খানার রাস্তা (তাতে নাপাকী না থাকলেও) ধৌত করা সুন্নাত।

* তারপর শরীরের কোন স্থানে নাপাকী থাকলে তা ধৌত করা সুন্নাত।

* তারপর নামাযের উযুর ন্যায় উযু করবে। এই উযুর মধ্যে উযুর অঙ্গসমূহের দুআ পাঠ করাটা বিতর্কিত, তবে গোসলখানা পরিষ্কার পরিচ্ছন্ন হলে এবং তার মধ্যে পায়খানা না থাকলে দুআগুলো পাঠ করা যায়।

(أحسن الفتاوى ج ২/ ১ والفقه على المذاهب الاربعه)

গোসলের ফরয সমূহ :

১. কুলি করা ফরয। রোযাদার না হলে গড়গড়া করা সুন্নাত এবং তিনবার একরূপ গড়গড়াসহ কুলি করা সুন্নাত। দাঁতের মধ্যে খাদ্যকণা আঁটকে থাকলে তা অপসারণ করবে।

২. নাকের নরম স্থান পর্যন্ত পানি পৌঁছানো ফরয। নাকের মধ্যে শুকনো ময়লা থাকলে তা-ও দূরীভূত করবে। তিনবার একরূপ পানি পৌঁছানো সুন্নাত।

৩. সমস্ত শরীরে পানি পৌঁছানো ফরয। মহিলাদের নাকের ও কানের ছিদ্রে অলংকার না থাকলে তার মধ্যেও পানি পৌঁছাতে হবে। অলংকার থাকলে নাড়াচাড়া দিয়ে ছিদ্রের ভিতরে পানি প্রবেশ করাবে। চুলের বেণী ও খোপা খুলে সমস্ত চুল ভিজাতে হবে। তবে কোন গাম বা আঠালো বস্তু দ্বারা মহিলাদের চুল বেণী বা খোপা করে বাঁধানো থাকলে সে ক্ষেত্রে তা না খুলে গোড়ায় পানি পৌঁছাতে পারলেও চলবে। (বেহেশতী জেওর [বাংলা])

* গোসলের স্থানে পানি জমা হয়-এমন স্থানে গোসল করলে গোসলের পরে অন্যত্র সরে গিয়ে পা ধোয়া সুন্নাত।

* সমস্ত শরীরে পানি পৌঁছানোর সুন্নাত তরীকা হল - প্রথমে ভিজা হাত দ্বারা সমস্ত শরীর ভিজিয়ে নিবে। (مِنِي المصلى) তারপর তিনবার মাথায় পানি ঢালবে। তারপর তিনবার ডান কাঁধে পানি ঢালবে। তারপর বাম কাঁধে তিনবার পানি ঢালবে। প্রতিবার পানি ঢেলে ভাল করে শরীর মর্দন করে পরিষ্কার করা সুন্নাত।

* গোসলের পর পানি মুছে ফেলার কিছু থাকলে তা দিয়ে শরীর মুছে ফেলবে।

* তারপর যথাসম্ভব দ্রুত কাপড় দ্বারা শরীর আবৃত করবে।

* গোসলখানা থেকে বের হওয়ার সময় যদি বাম পা দিয়ে প্রবেশ করে থাকে, তাহলে ডান পা দিয়ে বের হবে।

* বের হওয়ার পর উযূর শেষে যে সব দুআ পড়া মোস্তাহাব এখানেও সেগুলো পড়বে।

* গোসলের পর কোন অঙ্গ ধোয়া হয়নি বা কোথাও শুকনো রয়ে গেছে মনে হলে শুধু সেটা ধুয়ে নিলেই চলবে, পুরো গোসল দোহরানোর প্রয়োজন নেই।

যে সব কারণে গোসল ফরয হয় :

১. যৌন সন্তোগ দ্বারা অথবা অন্য কোন কারণে জোশের সাথে মনী (বীর্য) বের হলে।
২. স্বপ্ন দেখুক বা না দেখুক রাতে অথবা দিনে ঘুমন্ত অবস্থায় বীর্যপাত হলে। তবে শয়নের কাপড়ে বা শরীরে মনীর চিহ্ন না দেখা গেলে গোসল ফরয হয় না।
৩. স্বামীর লিঙ্গের শুধু অগ্রভাগ অর্থাৎ, ঋৎনার স্থানটুকু স্ত্রীর গুপ্তাঙ্গে প্রবেশ করলে (যদিও কিছু বের না হয়)। যেমন সামনের রাস্তার এই হুকুম, তদ্রূপ মহাপাপ হওয়া সত্ত্বেও যদি কেউ পেছনের রাস্তায় প্রবেশ করায় তবুও এই হুকুম।
৪. স্ত্রীলোকের হায়েয হওয়ার পর যখন রক্ত বন্ধ হয় তখন গোসল ফরয হয়।
৫. স্ত্রীলোকের নেফাসের রক্তস্রাব বন্ধ হলে পাক হওয়ার জন্য গোসল ফরয হয়।

যে সব কারণে গোসল ফরয হয় না :

১. যদি কোন রোগের কারণে ধাতু পাতলা হয়ে বা কোন আঘাত খেয়ে বিনা উত্তেজনায ধাতু নির্গত হয় তাতে গোসল ফরয হয় না।
২. স্বামী স্ত্রী শুধু লিঙ্গ স্পর্শ করে যদি ছেড়ে দেয়- কিছু মাত্র ভিতরে প্রবেশ না করায় এবং মনীও বের না হয়, তাতে গোসল ফরয হয় না।
৩. শুধু ময়ী বের হলে তাতে কেবল উযু ভঙ্গ হয় গোসল ফরয হয় না।
৪. ঘুম থেকে উঠার পর যদি স্বপ্ন স্মরণ থাকে কিন্তু কাপড়ে বা শরীরে কোন কিছু দেখা না যায় তবে তাতে গোসল ফরয হয় না।
৫. এস্তেহাযার রক্তের কারণে গোসল ফরয হয় না।

বিঃ দ্রঃ মনী ও ময়ী কাকে বলে তা পূর্বে ১৩৪ নং পৃষ্ঠায় বর্ণনা করা হয়েছে।

তাইয়াম্মুমের মাসায়েল

(ধারাবাহিকভাবে তাইয়াম্মুমের করণীয় বিষয়সমূহ বর্ণনা করা হল)

* পানি না পাওয়ার কারণে যাকে তাইয়াম্মুম করতে হবে পানি পাওয়ার প্রবল ধারণা থাকলে মোস্তাহাব ওয়াজ্ব পার হওয়ার পূর্ব পর্যন্ত অপেক্ষা করা তার জন্য মোস্তাহাব। আর কেউ পানি দেয়ার ওয়াদা করলে অবশ্যই তাকে অপেক্ষা করতে হবে, যদিও ওয়াজ্ব শেষ হওয়ার আশংকা হয়।

* তাইয়াম্মুমের শুরুতে বিসমিল্লাহ বলা সুন্নাত।

* মেসওয়াক করা উযুর ন্যায় তাইয়াম্মুমেরও সুন্নাত।

(الفقه على المذاهب الأربعة)

* নিয়ত করা ফরয। (পবিত্রতা অর্জন করা বা নাপাকী দূর করার নিয়ত করবে। কিম্বা নামায, সাজদায়ে তিলাওয়াত প্রভৃতি এমন মৌলিক ইবাদতের নিয়ত করবে যা পবিত্রতা ব্যতীত সহীহ হয় না।

* নিয়ত মুখেও উচ্চারণ করা উত্তম।

এরূপ বাক্যে নিয়ত করা যায়-

نَوَيْتُ أَنْ أَتَيِّمَ لِرَفْعِ الْحَدَثِ وَاسْتِبَاحَةِ لِلصَّلَاةِ وَتَقَرُّبًا إِلَى اللَّهِ تَعَالَى -

অর্থ : আমি নাপাকী দূর করার, নামায বৈধ করার এবং আল্লাহ তা'আলার নৈকট্য অর্জন করার উদ্দেশ্যে তাইয়াম্মুমের নিয়ত করছি।

* নিয়ত করার পর পবিত্র মাটি বা মাটি জাতীয় বস্তু (যার উপর তাইয়াম্মুম করা যায়)-এর উপর উভয় হাতের তালু মারবে।

* হাত মারার সময় আঙ্গুলগুলো খোলা রাখা সুন্নাত।

* হাত মারার পর উভয় হাত ঐ স্থানে রাখা অবস্থায় একবার সামনের দিকে একবার পেছনের দিকে নিবে। এটা সুন্নাত।

* হাত এমন ভাবে ঝাড়বে, যেন আলগা ধুলা ঝরে যায়।

* পুরো মুখ ঐ হাত দ্বারা মাসেহ করবে। এটা ফরয।

* দাড়ি খেলাল করা সুন্নাত।^১

* আবার মাটিতে অনুরূপভাবে হাত মারবে। (আঙ্গুলের মধ্যে ফাঁক রেখে)

* হাত সামনে এবং পেছনের দিকে নিবে। এটা সুন্নাত।

* এখানেও (হাত মাসেহের পূর্বেই) উয়ূর মত উভয় হাতের আঙ্গুল খেলাল করবে। এটা সুন্নাত। (طحطاوى)

* পূর্বের ন্যায় হাত ঝাড়বে।

* প্রথমে ডান হাত কনুইসহ মাসেহ করবে।

* তারপর বাম হাত কনুইসহ মাসেহ করবে। হাত মাসেহ করা ফরয।

* মসেহ করার সুন্নাত তরীকা হল : বাম হাতের চার আঙ্গুলের পেট (বৃদ্ধ আঙ্গুল ছাড়া) ডান হাতের চার আঙ্গুলের পিঠে রাখবে। তারপর ডান হাতের পিঠের উপর দিয়ে কনুইর দিকে টেনে নিয়ে যাবে। অতঃপর বাম হাতকে উল্টে বাম হাতের তালু এবং বৃদ্ধ আঙ্গুলের পেট দিয়ে ডান হাতের পেটের দিক থেকে আঙ্গুলের দিকে এমনভাবে টেনে নিয়ে যাবে যেন বাম হাতের বৃদ্ধ আঙ্গুলের পেট ডান হাতের বৃদ্ধ আঙ্গুলের পিঠের উপর দিয়ে চলে যায়। অনুরূপভাবে ডান হাত দিয়ে বাম হাত মাসেহ করবে।^২

* আংটি চুড়ি ইত্যাদিকে তার স্থান থেকে সরিয়ে এমনভাবে হাত মাসেহ করবে যেন সব স্থানে মাসেহ করা হয়।

* তায়াম্মুমের এই তারতীব রক্ষা করা সুন্নাত।

১. হযরত ইমাম আবু ইউসুফের মতে তাইয়াম্মুমের মধ্যে দাড়ি খেলাল করা সুন্নাত নয়।

॥ (مراقى الفلاح)

২. এন্বীয়ার মাসেহ করার এই তরীকা হাদীছ দ্বারা প্রমাণিত বলে দাবী করেছেন, অন্য অনেকে তা অস্বীকার করলেও এরূপ করা সুন্নাত তরীকার খেলাফ হবে বলে মন্তব্য করেননি। তবে যে কোন রূপে পুরো হাত মাসেহ করা সম্পন্ন হলেই তাইয়াম্মুমের ফরয আদায় হয়ে যাবে সন্দেহ নেই। ॥

* তাইয়াম্মুমের মধ্যেও উয়ুর ন্যায় একের পর এক অঙ্গগুলো লাগাতার (অর্থাৎ, বেশী বিরতি না দিয়ে) করে যাওয়া সুন্নাত।

* তাইয়াম্মুম উয়ুর ন্যায়, তাই উয়ুর মধ্যে মুখ ও হাত ধোয়ার যে দু'আ পড়া হয়, এমনভাবে উয়ুর শেষে যে সব দু'আ পড়া হয়, তাইয়াম্মুমের বেলায়ও সেগুলো পড়ার হুকুম একই হবে। (كتاب الاذكار)

কি কি বস্তু দ্বারা তাইয়াম্মুম করা জায়েয :

পাক মাটি, কংকর, বালি, চুনা, মাটির তৈরী কাঁচা অথবা পাকা ইট, ধুলা-বালি, মাটি, পাথর ইটের তৈরী দেয়াল, পাকা বাসন, (তেল লেগে না থাকলে)। লাকড়ী বা কাপড়ে অথবা অন্য কোন পাক বস্তুতে ধুলাবালি লেগে থাকলে এসব বস্তু দ্বারা তাইয়াম্মুম করা যাবে। (العالمگیری والدردر المختار)

কোন অপবিত্রতায় তাইয়াম্মুম করা যায় :

উপরে অপ্রকৃত নাপাকীর (নাজাহাতে হুক্মী তথা বে-উযু বে-গোসল হওয়ার অবস্থা) বর্ণনা করা হয়েছে। ছোট বড় যে কোন অপ্রকৃত নাপাকী অবস্থায় তাইয়াম্মুম দ্বারা পবিত্রতা অর্জন করা যায়। তবে প্রকৃত নাপাকীর বেলায় তাইয়াম্মুম করলে যথেষ্ট হবে না বরং ধৌত করতে হবে।

উল্লেখ্য যে, উযু ও গোসলের জন্য এক রকম তাইয়াম্মুমই করতে হবে। এক তাইয়াম্মুমই উভয়ের জন্য যথেষ্ট হবে।

কখন তাইয়াম্মুম করতে হবে :

নিম্নলিখিত কারণগুলো ব্যতীত তাইয়াম্মুম জায়েয নয় :

১. পানি এক মাইল অথবা তদূর্ধ্ব অথবা এর চেয়েও দূর হতে হবে।
২. পানির কূপ আছে, কিন্তু পানি উঠাবার কোন ব্যবস্থা না থাকলে।
৩. পানির নিকট কোন ক্ষতিকর প্রাণী অথবা কোন শত্রু থাকলে এবং কাছে গেলে কোন বিপদের আশংকা থাকলে।
৪. রেলগাড়ী, উড়োজাহাজ অথবা মোটর গাড়ীতে আরোহণ অবস্থায় পানি না পাওয়া গেলে অথবা উযু করার সুযোগ না থাকলে বা উযু করতে গেলে গাড়ী ছেড়ে দেয়ার ভয় থাকলে। তবে রেলগাড়ী বা মোটরে তাইয়াম্মুমের জন্য শর্ত হল (এক) রেলগাড়ীর অন্য কোন ডাক্কায় (বগিতে) পানি নেই (দুই) পথিমধ্যে এক মাইলের (১.৬৩ কিঃ)-এর মধ্যে পানি অর্জন করা যাবে- এরূপ জানা নেই।

৫. পানি ব্যবহার করলে রোগ বৃদ্ধি অথবা রোগ সৃষ্টি অথবা স্বাস্থ্যের উপর প্রতিক্রিয়া সৃষ্টির ভয় হলে। অবশ্য এসব ব্যাপারে অনর্থক সন্দেহ করে তাইয়াম্মুম না করা চাই। তবে রোগ বৃদ্ধি পাওয়ার অথবা রোগ সৃষ্টি হওয়ার ব্যাপারে নিশ্চিত হলে, যেমন, সর্দি, কাশিতে আক্রান্ত লোক শীতকালে ঠান্ডা পানি ব্যবহার করলে ক্ষতি হয়, এমতাবস্থায় গরম পানি দিয়ে গোসল অথবা উয়ূ করা দরকার। গরম পানি সংগ্রহ করতে না পারলে অথবা গরম পানি ব্যবহার করলেও ক্ষতির আশংকা হলে তাইয়াম্মুম করবে।
৬. অল্প পানি থাকায় উয়ূ করলে পিপাসায় কষ্ট করতে হবে অথবা খাবার পাক করতে অসুবিধার সম্ভাবনা আছে।
৭. পানি আছে, কিন্তু নিজে উঠে গিয়ে আনতে সক্ষম নয়, আর পানি এনে দেয়ার জন্য অন্য লোকও না পাওয়া যায়।
৮. যে নামাযের কাযা হয় না, উয়ূ অথবা গোসল করতে গেলে এমন নামায ছুটে যাওয়ার আশংকা দেখা দিলে। যেমন দু-ঈদের নামায, জানাযার নামায। এগুলোতে উয়ূ ব্যতীত তাইয়াম্মুম করা যায়।

(اسلامی فقہ، اسن الفتاویٰ دعلگیری) থেকে গৃহীত)

* উল্লেখ্য, কোন লোকের গোসলের প্রয়োজন, কিন্তু গোসল করলে ক্ষতির আশংকা রয়েছে, উয়ূ করলে কোন ক্ষতি হবে না, তখন সে গোসলের জন্য তাইয়াম্মুম করে নিবে এবং প্রত্যেক নামাযের জন্য নতুন করে উয়ূ করে নামায পড়বে। পানির পরিমাণ যদি অল্প হয় ও মাত্র একবার করে মুখ হাত ও পা ধৌত করা যায়, এমতাবস্থায় তাইয়াম্মুম করবে না- উয়ূর অঙ্গগুলো একবার করে ধৌত করলেই হবে, উয়ূর সুন্নাত অর্থাৎ কুলি করা ও নাকে পানি দেওয়া ছেড়ে দিতে হবে। তাইয়াম্মুম করে নামায আদায় করার পর কোন লোক জানতে পারলে যে পানি নিকটেই আছে, তখন তাকে দ্বিতীয়বার নামায পড়তে হবে না। পানি পাওয়ার জন্য চেষ্টা করে থাকলে তখন এ হুকুম প্রযোজ্য হবে; নতুবা উয়ূ করে দ্বিতীয়বার নামায পড়তে হবে। নামাযের শেষ ওয়াক্তে পানি পাওয়ার সম্ভাবনা থাকলে শেষ ওয়াক্তেই নামায পড়া মোস্তাহাব। যেমন রেলগাড়ী অথবা মোটরে আরোহণ করার পর জানতে পারল যে, নামাযের শেষ ওয়াক্তে রেলগাড়ী অথবা মোটর গাড়ী যথাস্থানে পৌঁছে যাবে যেখানে পানি আছে, তখন বিলম্ব করেই নামায পড়বে। তবে গাড়ী পৌঁছার ব্যাপারে সন্দেহ হলে তাইয়াম্মুম করেই নামায পড়বে।

* কোন লোক পানি অনুসন্ধান করে তাইয়াম্মুম করে নামায আদায় করল, অথচ নামাযের সময় থাকতেই পানি পাওয়া গেল, তখন তাকে দ্বিতীয়বার নামায পড়তে হবে না।

* রেলগাড়ীতে বা উড়োজাহাজে ভ্রমণ করলে মাটি ও পানি না পাওয়া গেলে উযু ও তাইয়াম্মুম ব্যতীত নামায পড়ে নিবে অর্থাৎ, নামাযের নিয়ত ছাড়া শুধু নামাযের মত উঠা-বসা ইত্যাদি করবে। এমনিভাবে কোন লোক জেলখানায় থাকাকালীন পানি ও মাটি না পেলে উযু ও তাইয়াম্মুমবিহীন অনুরূপভাবে নামাযের ন্যায় করবে। তবে উভয় অবস্থায় পানি পাওয়ার পর দ্বিতীয়বার নামায পড়তে হবে। মানুষের সৃষ্ট কোন অপারগতায় কেউ উপনীত হলে এর হুকুমও পূর্ববৎ। যেমন কোন লোকের জেলখানায় থাকা অবস্থায় অন্য কেউ তার উযুর পানি বন্ধ করে দিল, তখন তাইয়াম্মুমের ব্যবস্থাও করতে না পারলে সে অনুরূপভাবে নামাযের ন্যায় করবে।

কোন কোন কারণে তাইয়াম্মুম নষ্ট হয় :

১. যে যে কারণে উযু নষ্ট হয় তাইয়াম্মুমও ঐসব কারণে ভঙ্গ হয়।
২. যে সমস্ত কারণে গোসল ফরয হয় ঐ সমস্ত কারণে তাইয়াম্মুম নষ্ট হয়।
৩. যে সব কারণে তাইয়াম্মুম করা হয়েছিল, ঐসব কারণ রহিত হয়ে গেলে তাইয়াম্মুম ভঙ্গ হয়ে যাবে।
৪. পানি পাওয়ার পর তাইয়াম্মুম ভঙ্গ হয়ে যায়।

হায়েয নেফাস ও ইস্তেহাযা ইত্যাদি

হায়েযের পরিচয় :

প্রতি মাসে বালেগা মেয়েদের যৌনাঙ্গ দিয়ে স্বাভাবিকভাবে যে রক্তস্রাব হয়, তাকে হায়েয বলে। কুরআন ও হাদীছে এই রক্তকে নাপাক বলা হয়েছে।

* সাধারণতঃ ৯ বৎসরের পূর্বে এ রক্ত দেখা দেয় না। ৯ বৎসর বয়সের পূর্বে এ ধরনের রক্ত দেখা দিলে তা হায়েযের রক্ত বলে গণ্য হবে না বরং ইস্তেহাযার রক্ত হিসেবে গণ্য হবে। (تَحْفَةُ خَوَاتِمٍ)

* ৫৫ বৎসর বয়সের পর সাধারণতঃ হায়েযের রক্ত আসে না। অতএব ৫৫ বৎসর পার হওয়ার পরও কোন মেয়েলোকের রক্তস্রাব দেখা দিলে তার রং যদি লাল অথবা কালো হয় তাহলে তাকে হায়েযই মনে করতে হবে। রং যদি হলুদ বা সবুজ বা মেটে হয়, তাহলে তাকে হায়েয গণ্য করা হবে না বরং সেটা ইস্তেহাযা বলে গণ্য হবে। অবশ্য ঐ মেয়েলোকের যদি পূর্বেও হলুদ, সবুজ বা

মেটে বর্ণের রক্তস্রাব হওয়ার অভ্যাস থেকে থাকে তাহলে ৫৫ বৎসরের পরও অনুরূপ বর্ণের রক্তকে হায়েয ধরা হবে। (غواتین کے شرعی احکام)

* হায়েযের সময়সীমার মধ্যে লাল, হলুদে, মেটে, সবুজ, কাল যে কোন প্রকার রং-এর রক্তকে হায়েযের রক্ত বলে গণ্য করা হবে। যখন সম্পূর্ণ সাদা রং দেখা দিবে তখন মনে করতে হবে যে, হায়েয বন্ধ হয়েছে। সাদা রংয়ের পূর্বে সব ধরনের রংই হায়েযের রং। (غواتین کے شرعی احکام)

* রক্ত যোনির ছিদ্রের বাইরে আসার পর (যোনি মুখের চামড়ার বাইরে না এলেও) থেকেই হায়েযের শুরু ধরা হবে। রক্ত ভিতরে থাকার কোন ধর্তব্য নেই। যদি ছিদ্রের মুখে তুলা দিয়ে রাখে তাহলে যতক্ষণ পর্যন্ত বাইরের তুলায় রক্তের দাগ দেখা না যাবে, ততক্ষণ পর্যন্ত নিজেকে পবিত্র মনে করবে। যখন রক্তের চিহ্ন বাইরে ছড়িয়ে পড়বে অথবা ছিদ্রের তুলা সরিয়ে দেয়ার পর রক্ত বের হতে শুরু করবে, তখন থেকে হায়েযের শুরু ধরতে হবে। (شرح و تالیف ১/ ১৮১)

* পবিত্র অবস্থায় যোনির ভেতরে তুলা ঢুকিয়ে ঘুমিয়ে ছিল। সকালে উঠে তার মধ্যে রক্তের দাগ নজরে পড়ল, তাহলে যখন থেকে দাগ নজরে পড়েছে তখন থেকে হায়েযের হিসাব শুরু হবে। (شرح و تالیف)

হায়েযের সময়সীমা :

হায়েযের সময়সীমা কমপক্ষে ৩ দিন ৩ রাত এবং সর্বোচ্চ সময়সীমা ১০ দিন ১০ রাত।

* হায়েযের সময়ে অর্থাৎ হায়েযের দিনগুলোতে সর্বক্ষণ রক্ত আসা জরুরী নয় বরং নিয়মমত রক্ত আসার পর অভ্যাসের দিনগুলিতে বা ১০ দিন ১০ রাতের ভিতরে মাঝে মধ্যে দুই চার ঘন্টা বা এক দিন আধ দিন রক্ত বন্ধ থেকে আবার এলেও সেই মাঝখানের সময়কেও হায়েযের সময় ধরা হবে।

(تحفة غواتین)

হায়েযের মাসায়েলঃ

যেহেতু হায়েযের সর্বনিম্ন সময়সীমা কমপক্ষে ৩ দিন ৩ রাত আর সর্বোচ্চ সময়সীমা ১০ দিন ১০ রাত, অতএব কোন স্ত্রীলোকের ৩ দিন ৩ রাতের কম রক্তস্রাব হলে হায়েযের রক্ত বলে গণ্য হবে না, তাকে ইস্তেহাযার রক্ত ধরা হবে। এমনভাবে ১০ দিন ১০ রাতের অধিক রক্তস্রাব হলে সর্বশেষ যে হায়েয এসেছিল তার চেয়ে যে কয়দিন বেশী হবে সে কয়দিনের রক্ত হায়েযের রক্ত

বলে গণ্য হবে না, তাকে ইস্তেহাযার রক্ত ধরা হবে। ইস্তেহাযার মাসায়েল পরে আলোচনা করা হয়েছে।

* যদি কোন মেয়েলোকের জীবনের প্রথম রক্তস্রাব শুরু হয়েই ১০ দিনের চেয়ে বেশী হয়ে যায়, তাহলে তার ক্ষেত্রে মাসআলা হল সে ১০ দিন ১০ রাত হায়েয গণ্য করবে, অবশিষ্ট দিনগুলো এস্তেহাযা গণ্য করবে। আর যদি এরূপ মেয়েলোকের রক্ত বরাবর জারী থাকে মোটেই বন্ধ না হয়, তাহলে প্রতিমাসে ১০ দিন ১০ রাত হায়েয এবং মাসের অবশিষ্ট দিনগুলো এস্তেহাযা গণ্য করবে। (تحفة خواتین)

দুই হায়েযের মধ্যবর্তী স্রাব বা পবিত্রতার কিছু মাসায়েল :

* দুই হায়েযের মধ্যবর্তী সময়ের মধ্যে কমপক্ষে ১৫ দিন পবিত্র থাকার সময়। অতিরিক্ত কোন সময়সীমা নির্দিষ্ট নেই। অতএব যদি কোন মেয়েলোকের ১ অথবা ২ দিন রক্তস্রাব দেখা দেয়ার পর ১৫ দিন পাক থাকে এবং আবার ১ অথবা ২ দিন রক্ত দেখে তাহলে মাঝখানের ১৫ দিন পবিত্রতার সময় আর এদিক ওদিক যে ১ বা ২ দিন রক্ত দেখেছে তা হায়েয নয় বরং তা ইস্তেহাযা। কারণ ৩ দিনের কম হায়েয হয় না। (خواتین کے شرعی احکام)

* যদি কোন মেয়েলোকের ৩ দিন ৩ রাত রক্ত দেখা দেয়, তারপর ১৫ দিন পাক থাকে; আবার ৩ দিন ৩ রাত রক্ত দেখা দেয়, তাহলে পূর্বের ৩ দিন ৩ রাত এবং পরের ৩ দিন ৩ রাত হায়েয ধরা হবে আর মধ্যকার দিনগুলি পাক থাকার সময়। (خواتین کے شرعی احکام)

* কোন স্ত্রীলোকের ৩ দিনের কম ১ অথবা ২ দিন রক্তস্রাব হয়ে পুনরায় ১ অথবা ২ দিন পাক থাকার পর আবারও যদি রক্তস্রাব দেখা দেয়, সবগুলোকে হায়েয ধরে নিতে হবে।

* কারও ১ অথবা ২ দিন রক্তস্রাব দেখা দেয়ার পর ১৫ দিনের কম অর্থাৎ, ১০/১২ দিন রক্তস্রাব বন্ধ রইল, তারপর আবার রক্তস্রাব দেখা দিল, এমতাবস্থায় যত দিন অভ্যাসের দিন ছিল, ততদিন হায়েয গণনা করা হবে, অবশিষ্ট দিনগুলো ইস্তেহাযা হিসেবে ধরে নিতে হবে।

* যদি কোন মেয়েলোকের এক হায়েয শেষ হওয়ার পর ১৫ দিন অতিবাহিত হওয়ার পর আবার রক্ত দেখা দেয় এবং সে এটাকে হায়েয মনে করে নামায ছেড়ে দিতে থাকে আর ৩ দিন ৩ রাত পূর্ণ হওয়ার পূর্বেই সে রক্ত বন্ধ হয়ে যায় এবং তারপর আবার ১৫/২০ দিন কোন রক্ত দেখা না যায়,

তাহলে (বুঝতে হবে এই রক্ত হায়েযের রক্ত নয়; কেননা ৩ দিন ৩ রাতের কম হায়েয হয় না। অতএব) হায়েয মনে করে যে নামাযগুলো ছেড়ে দিয়েছিল তার কাযা করতে হবে। (تحفة الخواص)

* দুই হায়েযের মধ্যবর্তী কয়েক মাস বা বৎসর পর্যন্ত যদি রক্ত দেখা না দেয়, তবুও পুরো সময়কে পাক ধরতে হবে। (تحفة الخواص)

লিকুরিয়া বা সাদা স্রাবের মাসায়েল :

স্ত্রীলোকের জরায়ু প্রবাহনের ফলে যে রস বা সাদা স্রাব (লিকুরিয়া) নির্গত হয়, এতে উয়ূ নষ্ট হয়, গোসল করা আবশ্যিক হয় না। আজকাল অনেক মহিলাদেরই এ রোগ দেখা যায়। তাই এর মাসায়েল ভালভাবে বুঝে নেয়া চাই।

* যদি সর্বক্ষণ এই স্রাব বের হতে থাকে এবং পুরো ওয়াক্তের মধ্যে এতটুকু সময়ও না পায় যাতে পবিত্র হয়ে নামায পড়ে নিতে পারে, তাহলে সে মায়ূর বলে গণ্য হবে। এমতাবস্থায় সে প্রত্যেক নামাযের সময় নতুন উয়ূ করে নামায আদায় করে নিবে এবং উয়ূর পূর্বে স্রাব ধৌত করে নিবে। এমতাবস্থায় নামাযের মধ্যে স্রাব দেখা দিলেও সে অবস্থায় সে কাপড়েই নামায হয়ে যাবে। আর যদি মাঝে মধ্যে এই স্রাব দেখা দেয় এবং মাঝে মধ্যে বন্ধ থাকে, তাহলে সে বন্ধ থাকার সময়ে নামায পড়ে নিবে। এমতাবস্থায় নামাযের মধ্যে স্রাব দেখা দিলে নামায ছেড়ে দিয়ে পুনরায় উয়ূ করে নামায পড়বে এবং কাপড়ে লেগে থাকলে কাপড়ও পরিবর্তন করে নিবে। (آپ کے مسائل اور ان کے مسائل ج ২/ ১)

হায়েযের অভ্যাস পরিবর্তন হওয়া সংক্রান্ত মাসায়েল :

* কোন স্ত্রীলোকের সাধারণভাবে প্রত্যেক মাসে ৩ দিন রক্তস্রাব হয়, তার হায়েযের সময়সীমা ৩ দিন ধরে নিতে হবে, এটাই তার অভ্যাস। কোন মাসে তার ৭ দিন রক্তস্রাব হলে সেটাকেও হায়েয মনে করতে হবে, কেননা হায়েযের সর্বোচ্চ সীমা ১০ দিন। তবে পরবর্তী কোন মাসে তার রক্তস্রাব ১০ দিনের বেশী হলে যেমন ১২ দিন অথবা ১৫ দিন হলে, তখন পূর্ববর্তী মাসে যে কয়দিন রক্ত এসেছিল সেই কয়দিন হায়েয হিসেবে পরিগণিত হবে। অবশিষ্ট দিনগুলোকে ইস্তেহাযা ধরে নিতে হবে।

* কোন স্ত্রীলোকের হায়েযের অভ্যাস ৩ দিন, কিন্তু একমাসে তার ৪ দিন স্রাব হলো। তার পরবর্তী মাসে ১৫ দিন স্রাব হল, এমতাবস্থায় যেহেতু এক মাসে তার ৪ দিন রক্ত এসেছিল, সে জন্য তার অভ্যাস ৪ দিনই মনে করে

নিতে হবে। অবশিষ্ট দিনগুলোর নামায কাযা করতে হবে। তবে এ কাযা আদায় করার জন্য ১০ দিন বিলম্ব করতে হবে। কেননা ১০ দিন পর্যন্ত অভ্যাস পরিবর্তন হওয়ার সম্ভাবনা রয়েছে। কিন্তু ১০ দিন চলে যাওয়ার পরও রক্ত বন্ধ না হওয়ায় পরিষ্কার ধরে নিতে হবে যে, ৪ দিনের চেয়ে যতগুলো দিন বেশী রক্তস্রাব হয়েছে সেগুলো ইস্তেহাযার রক্ত। আর যে মাসে তার ৮ দিন অথবা ৯ দিন অথবা ১০ দিন রক্তস্রাব হয়, তখন পূর্ববর্তী অভ্যাস ধর্তব্য হবে না। বরং এই ৮ অথবা ৯ অথবা ১০ দিনই তার হয়েয। কেননা ১০ দিন পর্যন্ত হয়েযের সর্বোচ্চ মেয়াদ। মনে করতে হবে তার অভ্যাস পরিবর্তন হয়েছে। অবশ্য ১০ দিনের বেশী রক্তস্রাব হলে পূর্বের মাসের ঐ ৪ দিনকেই তার অভ্যাসের দিন বলে মনে রাখতে হবে।

* কারও অভ্যাস ৩ দিনের। হঠাৎ এক মাসে দেখা গেল ৩ দিনের পরও স্রাব বন্ধ হয়নি, তাহলে গোসল করার দরকার নেই। নামাযও পড়তে হবে না। যদি ১০ দিনের মধ্যে রক্ত বন্ধ হয়ে যায়, তাহলে সেটা হয়েয এবং সব নামায মাফ। মনে করতে হবে অভ্যাসের পরিবর্তন ঘটেছে। আর যদি ১০ দিনের পরে একাদশ দিনে বা দ্বাদশ দিনে বা আরও পরে রক্ত বন্ধ হয়, তাহলে মনে করতে হবে ৩ দিন হয়েয ছিল, বাকিটা ইস্তেহায। তাই গোসল করে ৩ দিন বাদ দিয়ে বাকি দিনের নামায কাযা করতে হবে। (فتح القدیر)

সার কথা এই যে, ১০ দিন পার হয়ে গেলে অভ্যাসের অতিরিক্ত দিনগুলোর রক্তস্রাবকে নিঃসন্দেহে ইস্তেহাযা মনে করতে হবে। কিন্তু ১০ দিনের মধ্যে রক্তস্রাবের অভ্যাস সর্বদা পরিবর্তন হওয়ার সম্ভাবনা রয়েছে। যেমন সর্বদা ৪ দিন রক্তস্রাব হতো, মুহাররম মাসে ৫ দিন আসলো, আবার সফর মাসে ১২ দিন আসলো, তখন ঐ ৫ দিনকেই তার অভ্যাস মনে করতে হবে। কিন্তু সফর মাসে ৯ দিন এসে থাকলে মনে করতে হবে যে, তার অভ্যাস পরিবর্তন হয়ে গিয়েছে। কেননা ১০ দিনের মধ্যে অভ্যাস পরিবর্তন হওয়ার সম্ভাবনা থাকে।

হায়েয চলাকালীন ও হায়েয শেষে নামায রোযার মাসায়েলঃ

* হায়েযের সময় গুলোতে নামায পড়া, রোযা রাখা নিষেধ। তবে নামায ও রোযার মধ্যে একটু পার্থক্য আছে। নামায পরিপূর্ণভাবে মাফ হয়ে যায়, আর কখনো কাযা করতে হয় না। কিন্তু রোযা সাময়িক মাফ হয়। হায়েয শেষে আবার রোযার কাযা করতে হয়। (البحر الرائق ج ১)

* ফরয নামায পড়াকালে যদি হায়েয দেখা দেয়, তাহলে সেই নামায ফাসেদ হয়ে যাবে, সেই চলতি নামাযও মাফ হয়ে যাবে। হায়েয শেষে সেটার কাযা পড়তে হবে না। (تحفة الخواتين، الجوهرة النيرة)

* নফল বা সুন্নাত নামায পড়াকালে রক্ত দেখা দিলে সে নামায ফাসেদ হয়ে যাবে এবং সেটা পরে কাযা করতে হবে। (تحفة الخواتين)

* ওয়াজের নামায এখনো পড়েনি, কিন্তু নামায পড়ার মত সময় এখনো আছে, অর্থাৎ ওয়াজের শেষ অবস্থা, এমতাবস্থায় যদি হায়েয শুরু হয়, তাহলে সেই ওয়াজের নামাযও মাফ হয়ে যাবে, কাযা পড়তে হবে না। (خواتين کے شرعی احکام، تحفة الخواتين)

* রোযা শুরু করার পর যদি হায়েয দেখা দেয়, তাহলে সেটারও পরে কাযা করতে হবে, চাই সেটা ফরয রোযা হোক বা নফল রোযা। (تحفة الخواتين)

* যদি কারও ১০ দিনের কম সময় স্রাব হয় এবং এমন সময় গিয়ে রক্ত বন্ধ হয়, যদি খুব ভাড়াহুড়া করে গোসল করে নেয়, তাহলে পবিত্রতার পর এতটুকু সময় থাকবে, যার মধ্যে একবার ‘আল্লাহু আকবার’ বলে নামাযের নিয়ত বাধা যায়, তাহলেও সেই ওয়াজের নামায ওয়াজিব হবে। এমতাবস্থায় নামায শুরু করার পর যদি ওয়াজ শেষ হয়ে যায়, তবুও নামায পুরা করে নিবে। তবে ফজরের ওয়াজ হলে যদি নামায শুরু করার পর সূর্য উদিত হয়ে যায়, তাহলে সে নামায কাযা করতে হবে। আর যদি সময় তার চেয়ে বাকি হয়, অর্থাৎ, এমন সময় গিয়ে রক্ত বন্ধ হয়, যে খুব ভাড়াহুড়া করে গোসল করে নিয়ে পবিত্রতা অর্জনের পর এতটুকু সময় থাকবে না, যার মধ্যে একবার ‘আল্লাহু আকবার’ বলে নামাযের নিয়ত বাধা যায়, তাহলে সেই ওয়াজের নামায মাফ, তার কাযা করতে হবে না। (تحفة الخواتين)

* যদি পরিপূর্ণ ১০ দিন ১০ রাত হায়েয হয় এবং এমন সময় রক্ত বন্ধ হয়, যার মধ্যে শুধু একবার ‘আল্লাহু আকবার’ বলার সময় আছে, তার পরেই নামাযের সময় শেষ, গোসলেরও সময় নেই। তবুও ঐ ওয়াজের নামায ওয়াজিব হবে। পরে কাযা পড়তে হবে। (تحفة الخواتين)

* যদি রমযান মাসে দিনের বেলায় হায়েয বন্ধ হয়, তাহলে সন্ধ্যা পর্যন্ত রোযাদারের মতই থাকতে হবে, পানাহার করতে পারবে না। অবশ্য পরে এ দিনটির রোযারও কাযা করতে হবে। (شرح الوفاية ج ১)

* যদি কেউ পূর্ণ ১০ দিন ১০ রাত পর রাতের শেষভাগে গিয়ে পবিত্র হয়, যখন পাক হয়েছে তখন রাতের এতটুকু সময়ও হাতে নেই, যার মধ্যে একবার আল্লাহ্ আকবার বলতে পারে। তবুও পরের দিনের রোযা ওয়াজিব। আর যদি ১০ দিনের কমেই হয়ে বন্ধ হয় এবং এতটুকু রাত অবশিষ্ট থাকে, যার মধ্যে তড়িঘড়ি করে গোসল করে নিতে পারে তবে একবার 'আল্লাহ্ আকবার'ও বলা যায় না, তবুও পরের দিনের রোযা ওয়াজিব হবে। এমতাবস্থায় গোসল না করে থাকলে গোসল ছাড়াই রোযার নিয়ত করে নিবে। সকাল বেলায় গোসল করে নিবে। আর যদি সময় তার চেয়েও কম থাকে, অর্থাৎ, গোসল করা পরিমাণ সময়ও না থাকে, তাহলে রোযা জায়েয হবে না। তাই সে রোযা রাখবে না, তবে সারাদিন তাকে রোযাদারের মতই থাকতে হবে। পরে কাযা করতে হবে। (شرح الوفاية ج ১/১)

* ১/২ দিন হায়েয হওয়ার পর রক্ত বন্ধ হয়ে গেলে গোসল ওয়াজিব হয় না। উষু করে নামায পড়তে থাকবে। তবে এখনই সহবাস করা দোরস্ত নয়। যদি ১৫ দিনের মধ্যে আবার স্রাব শুরু হয়, তাহলে প্রমাণিত হবে সেটা হায়েযের সময় ছিল। এমতাবস্থায় হিসাব করে যত দিন হায়েযের সেটাকে হায়েয মনে করবে। এবং এখন গোসল করে নামায পড়তে শুরু করবে। আর যদি পূর্ণ ১৫ দিন রক্ত দেখা না যায়, তাহলে মনে করতে হবে সেটা ইস্তেহাযার রক্ত ছিল। সুতরাং সেই সময়ে বাদ পড়া নামাযগুলোর কাযা পড়তে হবে।

* যদি কোন মেয়েলোকের এক হায়েয শেষ হওয়ার পর ১৫ দিন অতিবাহিত হওয়ার পর আবার রক্ত দেখা দেয় এবং সে এটাকে হায়েয মনে করে নামায ছেড়ে দিতে থাকে আর ৩ দিন ৩ রাত পূর্ণ হওয়ার পূর্বেই সে রক্ত বন্ধ হয়ে যায় এবং তারপর আবার ১৫/২০ দিন কোন রক্ত দেখা না যায়, তাহলে হায়েয মনে করে যে নামাযগুলো ছেড়ে দিয়েছিল তার কাযা করতে হবে। (مَحْفُوظَاتُ)

* হায়েযের অবস্থায় যে কাপড় পরিহিত ছিল, সে কাপড়ে যদি হায়েযের নাপাকী বা অন্য কোন নাপাকী না লেগে থাকে, তাহলে সে কাপড় ব্যবহার করে নামায আদায় করাতে কোন ক্ষতি নেই। যদি কোন স্থানে নাপাকী লেগে থাকে, তাহলে সে স্থানটুকু ধৌত করে তাতে নামায পড়া যাবে, পুরো কাপড় ধৌত করা জরুরী নয়। (مَحْفُوظَاتُ)

হায়েয চলাকালীন ও হায়েয শেষে সহবাসের মাসায়েল :

* হায়েয চলাকালীন সময়ে সহবাস জায়েয নেই। সহবাস ছাড়া আর সব কিছুই জায়েয। অর্থাৎ একসাথে খানা-পিনা করা, বিশ্রাম ও শয্যাগ্রহণ করা সবই জায়েয। (البحر الرائق ج ১/১)

* স্বামী স্ত্রীর হাটু থেকে নাভি পর্যন্ত স্থানে তার কোন অঙ্গ স্পর্শ করে লজ্জিত হাসেল করতে পারবে না। এ অবস্থায় স্বামী-স্ত্রী যৌন তৃপ্তি মেটাতে পারে না, শরীয়ত মতে তা হারাম, হেকিমী মতেও এ অবস্থায় যৌন ব্যবহার স্বাস্থ্যের পক্ষে ক্ষতিকর। স্বামী একরূপ করতে চাইলে স্ত্রীর কর্তব্য স্বামীকে নরমে বুঝিয়ে বিরত রাখবে। হায়েয অবস্থায় স্ত্রীর সম্মতিতে সহবাস হলে স্ত্রীও গোনাহগার হবে।

* স্বামী তার হায়েযা স্ত্রীর নাভীর নীচ হতে হাটু পর্যন্ত স্থানে হাত বা কোন অঙ্গ লাগাবে না। নাভীর উপর থেকে মাথা পর্যন্ত অন্যান্য স্থানে হাত লাগাতে পারবে, চুমু দিতে পারবে। (تحفة الخواص)

* হায়েয অবস্থায় মহিলার শরীর ও মুখের লালা পবিত্র। হ্যাঁ যদি শরীরে রক্ত বা অন্য কোন নাপাকী লাগে তাহলে ভিন্ন কথা। তাহলে শরীর নাপাক হবে। অন্যথায় শুধু হায়েযের কারণে তার শরীর নাপাক বলে গণ্য হবে না। অতএব হায়েয অবস্থায় তার শরীরের সাথে ছোয়া লাগলে বা স্বামী স্ত্রীর মুখের মধ্যে জিহ্বা প্রবেশ করলে তাতে কোন ক্ষতি নেই।

* যদি কারও ১০ দিনের মধ্যেই অভ্যাস মোতাবেক ৫ দিন, ৬ দিন, ৭ দিন, ৮ দিন অথবা ৯ দিনে হায়েয বন্ধ হয়ে যায়, তাহলে গোসল না করা পর্যন্ত তার সাথে সহবাস জায়েয হবে না। হ্যাঁ, যদি এক ওয়াক্ত নামাযের সময় চলে যায় (অর্থাৎ, এতটুকু সময় অতিবাহিত হয়ে যায় যার মধ্যে গোসল সেবে তাকবীরে তাহরীমা বাধতে পারা যায়) এবং তার উপর এক ওয়াক্ত নামাযের কাযা ওয়াজিব হয়, তারপর গোসলের পূর্বেও সহবাস জায়েয হবে। (تحفة الخواص)

(البحر الرائق ج ১/১)

* যদি কারও অভ্যাস অনুযায়ী হায়েযের যে কয়দিন ছিল তার পূর্বেই স্রাব বন্ধ হয়ে যায়, যেমন অভ্যাস ছিল ৫ দিনের; ৪ দিনেই রক্ত বন্ধ হয়ে গেছে। এমতাবস্থায় গোসল করে নামায পড়া ওয়াজিব। কিন্তু সহবাস জায়েয হবে না। কারণ, হতে পারে আবার স্রাব শুরু হয়ে যাবে। ৫ দিন পার হওয়ার পর সহবাস জায়েয হবে। (البحر الرائق ج ১/১)

* যদি পরিপূর্ণ ১০ দিন ১০ রাত হায়েয হয় এবং হায়েয বন্ধ হওয়ার পরও অলসতা বশতঃ স্ত্রী গোসল না করে, তাহলে গোসলের পূর্বেও সহবাস জায়েয হবে। তবে গোসলের পূর্বে সহবাস থেকে বিরত থাকা উত্তম। (تحفة خواتین، البحر الرائق ج ১/ ১)

* ১ বা ২ দিন হায়েয হওয়ার পর রক্ত বন্ধ হয়ে গেলে গোসল ওয়াজিব হয় না। উযু করে নামায পড়তে থাকবে। কেননা হায়েযের সর্বনিম্ন সময় ৩ দিন ৩ রাত। ৩ দিন ৩ রাতের কম স্রাব হলে তা হায়েয বলে গণ্য হয় না। তবে এখনই সহবাস করা দোরস্ত হবে না। কেননা যদি ১৫ দিনের মধ্যে আবার স্রাব শুরু হয়, তাহলে প্রমাণিত হবে সেটা হায়েযের সময় ছিল।

(فتی زبور)

নেফাস কাকে বলেঃ

সন্তান প্রসব হওয়ার পর স্ত্রীলোকের যোনি থেকে যে রক্তস্রাব হয়, তাকে নেফাস বলে।

* এক গর্ভে কয়েকটা সন্তান হলে (৬ মাসের মধ্যে) প্রথম বাচ্চা প্রসবের পর থেকেই নেফাসের মেয়াদ গণনা করা শুরু করা হবে। দ্বিতীয় সন্তান থেকে নয়। (خواتین کے شرعی احکام)

নেফাসের সময়সীমাঃ

* নেফাসের সময়সীমা সর্বোচ্চ ৪০ দিন। ৪০ দিনের পরেও রক্ত আসতে থাকলে সেটা নেফাসের রক্ত বলে গণ্য হবেনা বরং সেটাকে ইস্তেহাযার রক্ত বলে গণ্য করা হবে। ইস্তেহাযা সম্পর্কে পরে আলোচনা করা হয়েছে।

* নেফাসের সর্বনিম্ন সময়ের কোন সীমা নেই। দুই চার ঘন্টা বা দুই চার দিন বা পাঁচ দশ দিন ইত্যাদি যে কোন পরিমাণ সময়ের মধ্যে রক্ত বন্ধ হয়ে যেতে পারে। এমনকি সন্তান প্রসবের পর রক্ত একেবারেই নাও আসতে পারে।

* প্রসবের পর যদি কারও একেবারেই রক্ত না যায়, তবুও তাকে গোসল করতে হবে। এই গোসল ফরয। (تحفة خواتین و شرح و تالیف ج ১/ ১)

* নেফাসের সময়সীমার মধ্যে সর্বক্ষণ রক্ত আসা জরুরী নয় বরং মেয়াদের ভিতরে মাঝে মধ্যে দুই চার ঘন্টা বা দুই এক দিন রক্ত বন্ধ থেকে আবার এলেও সেই মাঝখানের সময়কেও নেফাসের সময় ধরা হবে। (تحفة خواتین)

নেফাসের মাসায়েল :

* ৪০ দিনের কম সময়ের মধ্যে রক্তস্রাব বন্ধ হয়ে গেলে গোসল করে নিতে হবে। নিজেকে পাক মনে করে নামায পড়া আরম্ভ করতে হবে। কোন কোন এলাকায় মহিলাদের মধ্যে প্রচলন আছে যে, ৪০ দিনের আগে রক্ত বন্ধ হলেও ৪০ দিন পর্যন্ত নামায থেকে বিরত থাকে, এটা ঠিক নয়।

* ৪০ দিনেও রক্ত বন্ধ না হলে এবং এটা মহিলার জীবনের প্রথম নেফাস হয়ে থাকলে ৪০ দিনে নেফাস শেষ ধরা হবে এবং গোসল করে নিয়ে নামায পড়া শুরু করতে হবে। ৪০ দিনের অতিরিক্ত দিনগুলোর রক্তস্রাব ইস্তেহাযা হিসেবে ধরে নিতে হবে। সেমতে এস্তেহাযার মাসায়েল অনুযায়ী প্রতি ওয়াক্তে নতুন উযু করে নামায পড়তে থাকবে। আর এটা মহিলার জীবনে প্রথম নেফাস না হয়ে থাকলে পূর্ববর্তী নেফাসে যে কয়দিন রক্তস্রাব এসেছিল সে কয়দিন পরই তাকে পবিত্র ধরা হবে। তার চেয়ে অতিরিক্ত সব দিনগুলোকে এস্তেহাযা ধরে নিতে হবে। অভ্যাসের অতিরিক্ত যে কয়দিনকে সে নেফাস মনে করে নামায ছেড়ে দিয়েছে তার কাযা করতে হবে। (عَفْوَاتَيْن)

* কোন মেয়েলোকের হয়তো ৩০ দিন রক্ত যাওয়ার অভ্যাস ছিল, কিন্তু একবার ৩০ দিন অতিক্রম হওয়ার পরও রক্ত বন্ধ হল না; এমতাবস্থায় এই মেয়েলোক এখন গোসল না করে অপেক্ষা করবে। অতঃপর যদি পূর্ণ ৪০ দিন শেষে বা ৪০ দিনের ভিতর রক্ত বন্ধ হয়, তাহলে এই সব কয় দিনই নেফাসের মধ্যে গণ্য হবে। পক্ষান্তরে যদি ৪০ দিনের বেশী রক্ত জারী থাকে, তাহলে পূর্বের অভ্যাস মোতাবেক ৩০ দিন নেফাসের মধ্যে গণ্য হবে এবং অবশিষ্ট দিনগুলো ইস্তেহাযা বলে গণ্য হবে। ৪০ দিন পর গোসল করে নামায পড়তে থাকবে এবং ৩০ দিনের পরের ১০ দিনের নামাযের কাযা করবে।

(خواتین کے شرعی احکام)

* নেফাসের অবস্থায় সহবাস ও হাটু থেকে নাভি পর্যন্ত স্থান ভোগ করা জায়েয নেই। তবে একসাথে খানা-পিনা বিশ্রাম ও শয্যাগ্রহণ সবই জায়েয।

(مَحْفُوظَاتَيْن)

হায়েয ও নেফাস উভয়টার ক্ষেত্রে প্রযোজ্য মাসায়েল :

(নিম্নের মাসআলাগুলো হায়েয ও নেফাস উভয় অবস্থার জন্য প্রযোজ্য)

* হায়েয, নেফাস অথবা অন্য যে কোন কারণে যে নারীর ওপর গোসল ওয়াজিব হয়ে পড়েছে তার জন্য মসজিদে যাওয়া হারাম। সে কা'বা শরীফ

তওয়াফ করতে পারবে না; কুরআন শরীফ পড়তে পারবে না, স্পর্শ করতে পারবে না। হ্যাঁ, যদি কুরআন শরীফের উপর জুযদান লাগানো থাকে অথবা রুমাল দিয়ে জড়ানো থাকে তাহলে জুযদান অথবা রুমালের উপর দিয়ে স্পর্শ করা জায়েয আছে। অনুরূপভাবে যদি কাগজ বা চামড়ার আস্তর থাকে এবং যদি সেটা কুরআন শরীফের সাথে সেলাই করা না হয় কিংবা আঠা দিয়ে আঁটকানো না থাকে, তাহলে তার উপর দিয়ে স্পর্শ করা জায়েয আছে।

(بہشتی زیور نقلا عن مجمع الانهر ج ۱/)

* যার উয়ূ নেই সেও কুরআন শরীফ স্পর্শ করতে পারবে না। তবে মুখস্থ পড়তে পারবে। (بہشتی زیور)

* যে টাকা পয়সা বা বরতনে বা তাবীজে কুরআনের কোন আয়াত লেখা আছে উল্লেখিত জনেরা সেই টাকা পয়সা, তাবীজ এবং বরতনও স্পর্শ করতে পারবে না। হ্যাঁ, কোন থলি বা পাত্রে রাখলে সে থলি বা পাত্র স্পর্শ করতে পারবে এবং থলি বা পাত্রের গায়ে ধরে উঠাতেও পারবে। (البحر الرائق ج ۱/)

* গায়ের জামা এবং ওড়না দিয়েও কুরআন শরীফ স্পর্শ করা এবং উঠানো জায়েয নয়। হ্যাঁ, গা থেকে আলাদা কাপড় দিয়ে ধরতে ও উঠাতে পারবে। যেমন রুমাল দিয়ে ধরে উঠাতে পারবে। (ایضا)

* যদি পরিপূর্ণ আয়াত তেলাওয়াত না করে বরং কোন একটি শব্দ অথবা আয়াতের অর্ধেকটা তেলাওয়াত করে তাহলে জায়েয আছে। অবশ্য সেই অর্ধেক আয়াতটিও ছোট কোন আয়াতের সমান হতে পারবে না। (ایضا)

* কোন মেয়ে হেফজ করা অবস্থায় হায়েয এসে গেলে এবং মুখস্থ করার জন্য তেলাওয়াতের প্রয়োজনীয়তা দেখা দিলে বা কোন হাফেজা মেয়ে হায়েয অবস্থায় কুরআন হেফজ রাখার জন্য তেলাওয়াত জারী রাখতে চাইলে মনে মনে তেলাওয়াত করবে, মুখে উচ্চারণ করে নয়। (آپ کے مسائل اور ان کا حل ج ۲/)

* সূরা ফাতেহা অথবা কুরআনে কারীমের অন্য কোন দু'আর আয়াত (যেমন আয়াতুল কুরছী) যদি তেলাওয়াতের নিয়তে না পড়ে বরং দু'আর নিয়তে পড়ে, তাহলে কোন গোনাহ নেই। (البحر الرائق ج ۱/)

* দু'আ কুনূত পড়াও জায়েয আছে। (ایضا)

* যদি কোন মহিলা বাচ্চাদেরকে কুরআন শিক্ষা দেন তাহলে তিনি বানান করে পড়াতে পারবেন এবং রিডিং পড়ানোর সময় এক দুই শব্দ করে ভেসে আলাদা আলাদা শ্বাসে পড়তে পারবেন। (ایضا)

* হায়েয নেফাস অবস্থায় কালিমা, দুর্হুদ শরীফ, এস্তেগফার, আল্লাহর নাম নেয়া জায়েয। لَا حَوْلَ وَلَا قُوَّةَ إِلَّا بِاللَّهِ ইত্যাদির ওযীফাও পাঠ করা যায়।

(البحر الرائق ج- ১/১)

* হায়েয নেফাসের অবস্থায় নামাযের সময়ে উযু করে নামাযের স্থানে নামায আদায় পরিমাণ সময় বসে থেকে সুবহানাল্লাহ, লা-ইলাহা ইল্লাল্লাহ পড়তে থাকবে, যেন ইবাদতের অভ্যাস বজায় থাকে। এটা মোস্তাহাব। (ایضا)

* হায়েয অবস্থায় মহিলারা প্রতি নামাযের ওয়াক্তে সত্তর বার এস্তেগফার পাঠ করলে এক হাজার রাকআত নফল নামাযের ছওয়ার পাবে, সত্তরটা গোনাহ মাফ হবে এবং দরজা বুলন্দ হবে। (تذكرة)

* গোসল ফরয ছিল, গোসলের পানি ছিল না, যখন পানি পাওয়া গেছে তখন হায়েয নেফাস শুরু হয়ে গেছে, এমতাবস্থায় আর গোসলের প্রয়োজন নেই। স্রাব থেকে পাক হওয়ার পর একবারেই গোসল করে নিতে পারবে।

(শিশী زیور)

* কোন মহিলার বাচ্চা প্রসব হচ্ছে। কিছু (অর্ধেকের কম) বের হয়েছে। এমন অবস্থায় যদি হুঁশ থাকে, বিবেক সুস্থ থাকে, তাহলে নামায পড়া ওয়াজিব। কাযা করতে পারবে না। আর যদি বাচ্চার ক্ষতি হওয়ার সম্ভাবনা থাকে তাহলে নামায পড়বে না। পরে কাযা পড়বে। অনুরূপভাবে ধাত্রী যদি মনে করে সে নামায পড়তে গেলে সদ্য প্রসূত শিশুটির ক্ষতি হবে, তাহলে সেও নামায কাযা করতে পারবে। (البحر الرائق ج- ১/১ وغيره) সিজারকারী ডাক্তারও এই মাসআলা অনুযায়ী আমল করবেন।

* হায়েয ও নেফাসের পর সত্তর গোসল করে নামায আরম্ভ করতে হবে। রক্তস্রাব বন্ধ হওয়ার পর যত ওয়াক্তের নামায ছুটবে, তার জন্য পাপ হবে।

* হায়েয ও নেফাস অবস্থায় নামায, রোযা ও কুরআন তেলাওয়াত ইত্যাদি নিষিদ্ধ। অবশ্য নামায ও রোযার মধ্যে পার্থক্য এই যে, হায়েয ও নেফাস অবস্থায় যে নামায ছুটে গিয়েছিল সেগুলোর কাযা করতে হবে না, মাফ হয়ে গেল। তবে পবিত্র হওয়ার পর রোযার কাযা আবশ্যিক। হায়েয ও নেফাস অবস্থায় যিক্র, দুর্হুদ, দুআ, এস্তেগফার ও কুরআন শরীফে যে দুআ আছে এগুলো পড়া যায়। স্বামী-স্ত্রী একত্রে উঠা-বসা ও খানা-পিনা করতে পারে, তবে যৌন তৃপ্তি মেটাতে পারে না, শরীয়ত মতে তা হারাম, হেকিমী মতেও এমন করা স্বাস্থ্যের পক্ষে ক্ষতিকর।

ইস্তেহাযা কাকে বলে :

* স্ত্রী-লোকের যৌনঙ্গ থেকে হায়েযের সর্বনিম্ন সময় ৩ দিন থেকে কম অথবা অভ্যাসের অতিরিক্ত ১০ দিনের চেয়ে বেশী যে রক্তস্রাব হয়, তাকে ইস্তেহাযা বলে।

* ৯ বৎসর বয়সের পূর্বে যদি রক্ত আসে, সেটাও ইস্তেহাযা বলে গণ্য।

* গর্ভাবস্থায় যদি রক্ত বের হয় সেটাও ইস্তেহাযা বলে গণ্য।

* প্রসবকালীন সময়ে বাচ্চা প্রসবের পূর্বে যে রক্ত বা পানি বের হয়, সেটাও ইস্তেহাযা। বাচ্চার অর্ধেকটা বের হওয়ার পূর্ব পর্যন্ত যে রক্ত বের হবে সেটাও ইস্তেহাযা।

* নেফাসের সর্বোচ্চ সময় ৪০ দিন পার হওয়ার পরও রক্ত আসতে থাকলে সেই রক্তকেও ইস্তেহাযা বলে গণ্য করা হবে।

ইস্তেহাযার হুকুম ও মাসায়েল :

* ইস্তেহাযার রক্ত এরূপ, যেমন নাক অথবা দাঁত দিয়ে পড়া রক্ত। রোগের কারণেই সাধারণতঃ এরূপ হয়ে থাকে। নাক অথবা দাঁত দিয়ে রক্ত পড়লে যেমন নামায রোযা মাফ হয় না, তদ্রূপ ইস্তেহাযার রক্তের কারণেও নামায রোযা মাফ হয় না।

* ইস্তেহাযার কারণে নামায রোযা মাফ হয় না। অতএব ইস্তেহাযার কারণে নামায রোযা কাযা করতে পারবে না। (شرح الوفاية)

* ইস্তেহাযা অবস্থায় নামায ত্যাগ করা যাবে না। তবে প্রত্যেক নামাযে নতুন করে উযু করতে হবে। উযু করে নামায শুরু করার পর নামাযের মধ্যে রক্ত এসে শরীর বা কাপড়ে লাগলে বা জায়নামাযে লাগলে সে অবস্থায়ই নামায পড়ে নিবে।

* এক উযু দ্বারা কয়েক ওয়াক্তের নামায আদায় করতে পারবে না। অবশ্য কয়েক ওয়াক্তের কাযা নামায এক উযু দ্বারা আদায় করা যাবে।

* যদি ইস্তেহাযা অবস্থায় সর্বক্ষণ রক্ত না আসে বরং এরকম হয় যে, মাঝে মাঝে আসে, মাঝে মাঝে বন্ধও থাকে, তাহলে ওয়াক্ত আসার পর অপেক্ষা করবে, যখন রক্ত বন্ধ থাকবে সে সময় উযু করে নামায পড়ে নিবে।

* ইস্তেহাযা অবস্থায় উযু করে কা'বা শরীফ তওয়াফ করতে পারবে, কুরআন শরীফও স্পর্শ করতে পারবে।

* ইস্তেহাযা অবস্থায় স্বামী তার সাথে সহবাস করতে পারবে। (شرح الوفاية)

গর্ভপাত ও এম আর বিষয়ক মাসায়েল :

* দৈব কোন কারণে গর্ভ পড়ে গেলে তার জন্য গোনাহ হয় না।

* 'এম আর' অর্থ মাসিক নিয়মিত করণ অর্থাৎ, যে কোন কারণে মাসিক বন্ধ হয়ে গেলে যান্ত্রিক উপায়ে গর্ভস্থ রক্ত ইত্যাদি বের করে দেয়ার মাধ্যমে মাসিক নিয়মিত করণ। গর্ভে সন্তান আসার পর গর্ভপাত হলে বা এম আর করলে তার মাসআলা হল :

* গর্ভপাত হলে বা এম আর করা হলে যদি সন্তানের মধ্যে হাত, পা, নখ, প্রভৃতি মানবের কোন অঙ্গ তৈরী হয়ে থাকে, তাহলে সেটাকে বাচ্চা ধরা হবে এবং যে রক্ত বের হবে সেটাকে নেফাসের রক্ত বলে গণ্য করা হবে। এ অবস্থায় নেফাসের আহকাম চালু হবে এবং সন্তানকে গোসল ও কাফন-দাফন দিতে হবে। আর যদি কোন অঙ্গ প্রকাশ না হয়ে থাকে তাহলে সেটার গোসল ও কাফনের প্রয়োজন নেই বা নিয়ম মত দাফনও করা হবে না। তবে যেহেতু সেটা মানুষের অঙ্গ তাই যেখানে সেখানে ফেলে না দিয়ে সম্মানের সাথে কোথাও মাটিতে গেড়ে দেয়া উচিত। আর এ অবস্থায় যে রক্ত বের হবে সেটা নেফাসের রক্ত বলে গণ্য হবে না বরং দেখতে হবে এর পূর্বে যে হয়েছিল তা যদি পনের দিন বা বেশী পূর্বে হয়ে থাকে এবং এখনকার রক্ত কমপক্ষে তিন দিন দীর্ঘায়িত হয়, তাহলে এটা হায়েযের রক্ত বলে গণ্য হবে। কিন্তু যদি এর পূর্বের হায়েয পনের দিনের কম সময় আগে হয়ে থাকে বা এখনকার রক্ত তিন দিনের কম দীর্ঘায়িত হয় তাহলে এটা এস্তেহাযার রক্ত বলে গণ্য হবে এবং এ অবস্থায় এস্তেহাযার হুকুম জারী হবে। (১/১৭১)

* উল্লেখ্য যে, বাচ্চার অঙ্গ প্রকাশ পাওয়ার পর (যার মেয়াদ ১২০ দিন) গর্ভপাত করানো জায়েয নয়। (১/১৭১)

প্রসবকালীন সময়ের কয়েকটি মাসআলা :

* প্রসবের সময় প্রসব কাজে প্রত্যক্ষভাবে লিপ্ত ধাত্রী বা নার্সের সামনে শরীরের এতটুকু খোলা জায়েয, যতটুকু না খুললে নয়। এমনিভাবে প্রসবের সময় বা অন্য কোন সময় ঔষধ লাগানোর স্বার্থেও ততটুকু পরিমাণই খোলা জায়েয- সম্পূর্ণ উলঙ্গ হওয়া জায়েয নয়। এর জন্য উত্তম সূরত হল চাদর দ্বারা প্রসূতির শরীর ঢেকে দিয়ে শুধু প্রয়োজনীয় স্থানটুকু ধাত্রী খুলে প্রয়োজন সেরে নিবে।

* প্রসব কাজে প্রত্যক্ষভাবে জড়িত নয়-এমন কারও সামনে শরীর খোলা জায়েয নয়। অন্যান্য মহিলাদের জন্যও সামনে এসে তার সতর দেখা হারাম।

* ধাত্রীর দ্বারা পেট মর্দন করাতে হলে চাদর বা কাপড়ের নীচ দিয়ে হাত প্রবেশ করিয়ে মর্দন করাবে। নাতীর নীচে কাপড় উন্মুক্ত করে দেয়া জায়েয নয়।

* ধাত্রী বা নার্স যদি অমুসলিম হয়, তাহলে অমুসলিম মহিলাদের সামনে যেহেতু মুখ, হাতের কবজি পর্যন্ত এবং পায়ের টাখনু পর্যন্ত ব্যতীত শরীরের অন্য স্থান খোলা জায়েয নয়, তাই প্রসবের প্রয়োজনে যতটুকু না খুললে নয় তা ব্যতীত মাথা, হাত, চুল প্রভৃতি কোন অঙ্গ পর্দা মুক্ত করা জায়েয হবে না।

(ত্রিবেতী আলাদাওরাক্কে মতলাত)

* নিম্নোক্ত আয়াত লিখে প্রসূতির বাম রানে বেঁধে দিলে আল্লাহ চাহতো আছানীর সাথে প্রসব হবে। প্রসব হওয়ার সাথে সাথে সেটি খুলে দিবে।

(আমাল-ক্রী)

আয়াতটি এই-

إِذَا السَّمَاءُ انشَقَّتْ ۝ وَأَذِنَتْ لِرَبِّهَا وَحُقَّتْ ۝ وَإِذَا الْأَرْضُ مُدَّتْ ۝
وَأَلْقَتْ مَا فِيهَا وَتَخَلَّتْ ۝ (সূরা ইনশিকাকঃ ১-৪)

প্রসূতি সম্পর্কে কয়েকটি মাসআলাঃ

* প্রসূতিকে অছাৎ মনে করা ভিত্তিহীন। প্রসূতি কোন পাত্রে পানাহার করলে বা কোন পাত্র স্পর্শ করলে সেটা না ধুয়ে তাতে পানাহার করা যাবে না-এরূপ ধারণা ভিত্তিহীন।

* নেফাসের রক্ত বন্ধ হয়ে গেলেও ৪০ দিন পর্যন্ত নামায পড়া যাবে না-এটাও ভুল ধারণা। ৪০ দিন হল নেফাসের সর্বোচ্চ মেয়াদ, এর পূর্বেও রক্ত বন্ধ হয়ে গেলে গোসল করে নামায পড়া শুরু করবে। গোসলে ক্ষতির আশংকা থাকলে তাইয়াম্মুম করে নামায পড়বে। অনেকে মনে করে ৪০ দিন যাওয়ার পূর্বে নামায পড়তে হয় না, এ ধারণা ভুল।

* প্রসূতি গোসল না করা পর্যন্ত তার হাতের কোন কিছু খাওয়া যাবে না-এই ধারণা ভুল।

* ৪০ দিন পর্যন্ত স্বামী প্রসূতি-ঘরে প্রবেশ করতে পারবে না- এটা আমাদের সমাজে প্রচলিত ভুল ধারণা।

* যে স্থান দেখা জায়েয নয় প্রসূতিকে গোসল দেয়ার সময় ধাত্রী বা অন্য কোন নারীও সে স্থানে সরাসরি হাত লাগিয়ে মর্দন করে দিতে পারবে না বা সে স্থান দেখতে পারবে না। প্রয়োজনে হাতে গেলার লাগিয়ে বা কোন কাপড় পেঁচিয়ে কাপড়ের মধ্যে হাত ঢুকিয়ে মর্দন করে দিতে পারবে।

* প্রসূতিকে গোসল দেয়ার সময় ধুমধাম করা, নাচ গান করা বা হৈ হুল্লোড় করা সবই কুসংস্কার ও গোনাহের কাজ।

* অনেক স্থানে প্রচলন আছে ৬ দিনের দিন প্রসূতিকে গোসল দিতেই হবে- এই প্রচলন ভিত্তিহীন।

* অনেক স্থানে প্রসিদ্ধ আছে যে, প্রসূতি ঘরে প্রসূতি নারী মারা গেলে তার আরা প্রেতারী হয়ে যায়। এ ধারণা ভুল। বরং হাদীছে এসেছে এ অবস্থায় মৃত্যু হওয়া ফযীলতের। এ অবস্থায় মারা গেলে সে শাহাদাতের মর্যাদা লাভ করে। অতএব যে অবস্থায় মৃত্যু বরণ করলে শাহাদাতের মর্যাদা লাভ হয়, সেটা কখনও খারাপ অবস্থা হতে পারে না।

বি : দ্রঃ স্ত্রীলোকের জরায়ু প্রবাহনের ফলে সে রস নির্গত হয়, এতে গোসল করা আবশ্যিক হয় না। তবে এরূপ ক্ষেত্রে প্রত্যেক নামাযের সময় নতুন উয়ূ করে নামায আদায় করে নিবে এবং উয়ূর পূর্বে দৌত করে নিবে।

মোজায় মাসেহ করার বয়ান

উয়ূ করার সময় মোজা পরিহিত থাকলে মোজা খুলে পা না ধুয়ে মোজার উপর মাসেহ করে নিলেও চলে, তবে তার জন্য কিছু শর্ত রয়েছে।

মোজায় মাসেহের শর্তসমূহ :

১. পা ধোয়ার পর মোজা পরিধান করবে। চাই পূর্ণ উয়ূ করার পর শেষে পা ধুয়ে মোজা পরিধান করুক কিংবা আগেই পা ধুয়ে মোজা পরিধান করে তারপর উয়ূ ভঙ্গকারী কিছু ঘটায় পূর্বেই উয়ূ পূর্ণ করে নেয়া হোক।
২. মোজা পায়ের টাখনু গিরা ঢাকা হতে হবে।
৩. মোজা এমন হতে হবে যা পরিধান করে উপর্যুপরি অন্ততঃ তিনমাইল পথ চলা যায়।
৪. একটি মোজায় পায়ের ছোট আঙ্গুলের তিন আঙ্গুল পরিমাণ বা তার চেয়ে বেশী ফাঁটা ছেঁড়া থাকতে পারবে না, চলার সময় এ পরিমাণ খুললেও চলবে না।

৫. মোজা এমন হতে হবে যা বাধা ছাড়াই পায়ের উপর আঁটকে থাকে।
৬. মোজা এমন হতে হবে যার ভিতর দিয়ে পানি ভেদ করে শরীরে লাগে না।
৭. কম পক্ষে হাতের ছোট আঙ্গুলের তিন আঙ্গুল পরিমাণ পায়ের অগ্রভাগ থাকতে হবে। অতএব কোন এক পা টাখনু গিরার উপর থেকে কাটা গেলে আর অপর পা ঠিক থাকলে সে অবস্থায় পরিহিত মোজায় মাসেহ করা জায়েয হবে না।
৮. গোসল ফরয হলে মোজায় মাসেহ করা জায়েয নয় বরং তখন মোজা খুলে পা ধৌত করতে হবে।

কোন ধরনের মোজায় মাসেহ করা জায়েয :

* চামড়া, পশম, কাতান প্রভৃতির পায়ের এমন মোটা মোজা, যা অন্ততঃ পায়ের টাখনু গিরা ঢাকা হবে এবং বাধা ছাড়াই পায়ের উপর খাড়া থাকতে পারে এমন হবে, যা পায়ে দিয়ে অন্ততঃ তিন মাইল হাঁটা যাবে তাতে ফাটবে না এবং যা ভেদ করে পানি ভিতরে ঢুকবে না এবং যা দিয়ে পায়ের চামড়া দেখা যাবে না- এমন মোজার উপর মাসেহ করা জায়েয।

* হাত মোজার উপর মাসেহ করা জায়েয নয়।

মোজায় কত দিন মাসেহ করা জায়েয :

* শরয়ী সফরের অবস্থায় তিন দিন তিন রাত পর্যন্ত এবং এরূপ সফর না হলে এক দিন এক রাত পর্যন্ত মাসেহ করা যায়। যে উযু করে মোজা পরিধান করা হবে সে উযু ভঙ্গ হওয়ার সময় থেকে এই তিন দিন তিন রাত ও এক দিন এক রাতের হিসাব ধরা হবে।

* বাড়িতে থাকা অবস্থায় মাসেহ শুরু হয়েছিল এবং একদিন এক রাত পূর্ণ হওয়ার পূর্বেই সফর আরম্ভ হয়েছে, তাহলে তিন দিন তিন রাত পর্যন্ত মাসেহ করতে পারবে।

* পক্ষান্তরে সফরে থাকা অবস্থায় মাসেহ শুরু করা হয়েছিল তারপর একদিন এক রাত পূর্ণ হওয়ার পূর্বেই বাড়িতে চলে এসেছে, তাহলে এক দিন এক রাত হওয়ার পর আর মাসেহ করতে পারবে না।

মোজায় মাসেহের তরীকা :

উভয় হাতের আঙ্গুলগুলো পানিতে ভিজিয়ে উভয় পায়ের পাতার অগ্রভাগে রাখবে, যেন সম্পূর্ণ মোজার উপর আঙ্গুলগুলোর ছাপ পড়ে। অতঃপর হাতের

পাতা শূণ্যে রেখে এবং আঙ্গুলগুলোর মাঝে সামান্য ফাঁক রেখে ক্রমশঃ আঙ্গুলগুলো টেনে পায়ের টাখনার দিকে আনবে। পুরো হাতের পাতা সহ মোজার উপর রেখে টেনে আনলেও দুরস্ত আছে।

যেসব কারণে মোজায় মাসেহ ভঙ্গ হয়ে যায় :

১. যে যে কারণে উয়ূ ভেঙ্গে যায় তাতে মাসেহও ভেঙ্গে যায়।
২. উভয় মোজা বা একটি মোজা খুললেও মাসেহ ভেঙ্গে যায়। একরূপ অবস্থায় উয়ূ থাকলে শুধু পা ধুয়ে আবার মোজা পরিধান করে নিলেই চলে, পুরো উয়ূ দোহরানোর প্রয়োজন হয় না।
৩. মাসেহের মেয়াদ- তিন দিন তিন রাত বা এক দিন এক রাত পূর্ণ হয়ে গেলেও মাসেহ ভেঙ্গে যায়। একরূপ ক্ষেত্রে উয়ূ থাকলে শুধু পা ধুয়ে নিবে।
৪. মোজার ভিতরে পানি ঢুকে সম্পূর্ণ পা বা পায়ের অর্ধেকের বেশী ভিজ়ে গেলে। এ ক্ষেত্রেও উয়ূ থাকলে শুধু পা ধুয়ে নিবে।
৫. মায়ূর ব্যক্তি যদি মাসেহ করে, তাহলে ওয়াজু চলে যাওয়ার পর যেমন তার উয়ূ ভেঙ্গে যায় তদ্রূপ তার মাসেহও ভেঙ্গে যাবে। তবে উয়ূ করার সময় এবং মোজা পরিধান করার সময় ওজর না থাকলে অন্যান্য সুস্থ লোকের ন্যায় সেও মাসেহ করতে পারবে।

(ماخوذ از بیشتی زیور، نور الايضاح والفقہ علی المذاهب الاربعه)

আযান ইকামতের মাসায়েল

* সমস্ত ফরযে আইন নামাযের জন্য পুরুষদের একবার আযান দেয়া সুন্নাতে মুয়াক্কাদায়ে কেফারা। শুধুমাত্র জুমুআর জন্য দুই বার আযান দেয়া আবশ্যিক।

* জেহাদ ইত্যাদি ধর্মীয় কাজে লিপ্ত থাকার দরুণ বা গায়রে এখতিয়ারী (অনিচ্ছাকৃত) কোন কারণ বশতঃ সর্বসাধারণের নামায কাযা হয়ে থাকলে সে নামাযের জন্যও উচ্চস্বরে আযান ইকামত বলা সুন্নাত।

* অলসতা বা বে-খেয়ালি বশতঃ নামায কাযা হয়ে থাকলে সে নামায যেহেতু চুপে চুপে পড়া উচ্চিৎ, তাই তার জন্য আযান ইকামত উচ্চস্বরে নয় বরং চুপে চুপে বলতে হবে, যাতে অন্য লোকেরা নামায কাযা করার মত একটি গোনাহের কথা জানতে না পারে।

* কয়েক ওয়াক্তের নামায এক সাথে কাযা করলে প্রথম ওয়াক্তের জন্য আযান দেয়া সুন্নাত আর বাকী ওয়াক্তগুলোর জন্য পৃথক পৃথক আযান দেয়া সুন্নাত নয় বরং মোস্তাহাব। তবে ইকামত সব ওয়াক্তের জন্যই পৃথক পৃথক সুন্নাত।

* সফর অবস্থায় কাফেলার সমস্ত লোক উপস্থিত থাকলে তাদের জন্য আযান দেয়া মোস্তাহাব, সুন্নাতে মোয়াক্কাদা নয়। তবে ইকামত সকলে উপস্থিত থাকুক বা না থাকুক সর্বাবস্থায় সুন্নাত।

* বাড়িতে, দোকানে, মাঠে বা বিলে একাকী বা জামা'আতে নামায পড়লে আযান দেয়া মোস্তাহাব এবং ইকামত দেয়া সুন্নাত।

* স্ত্রীলোকের আযান ইকামত বলা মাকরুহ। (বেহেশতি জেওর থেকে গৃহীত)

আযানের শর্ত সমূহ

১. ওয়াক্ত হওয়ার পর আযান দিতে হবে-ওয়াক্ত হওয়ার পূর্বে আযান দিলে সে আযান সহীহ হবে না, ওয়াক্ত হওয়ার পর পুনরায় আযান দিতে হবে।
২. আযান আরবী ভাষায় এবং যে সব শব্দে রাসূল সাল্লাল্লাহু আলাইহি ওয়াসাল্লাম থেকে শ্রুত ও বর্ণিত হয়েছে সেভাবে হতে হবে।
৩. আযানের শব্দসমূহ দীর্ঘ বিরতি ব্যতীত একটি শেষ হওয়ার পর পরই অন্যটি বলতে হবে। একটির পর আর একটি বলার মাঝে এতটুকু বিরতি থাকবে যাতে শ্রোতা জওয়াব দিতে পারে।
৪. আযানের শব্দাবলী সহীহ তারতীবে আদায় করতে হবে। তারতীবের খেলাফ হলে আযান মাকরুহ হবে, সে আযান দোহরাতে হবে।

আযান ইকামতের সুন্নাত ও মোস্তাহাব সমূহ

১. মুআয্বিনের ছোট-বড় সব নাপাকী থেকে পবিত্র হওয়া।
২. মুআয্বিনের সজ্জান বালেগ হওয়া। বুঝমান বালক হলেও চলে, তবে মাকরুহ তানযীহী। আর পাগল বা অ বুঝ বালক আযান দিলে সে আযান দোহরাতে হবে।
৩. মুআয্বিনের আওয়াজ আকর্ষণীয় ও উচ্চ হওয়া।
৪. মুআয্বিনের দ্বীনদার পরহেযগার হওয়া।
৫. মসজিদের বাইরে উঁচু স্থানে দাঁড়িয়ে আযান দেয়া এবং ইকামত মসজিদের ভিতরে দেয়া। মসজিদের ভিতরে আযান দেয়া মাকরুহ

তানযীহী।^১ জুমুআর দ্বিতীয় আযানের হুকুম ভিন্ন-সেটা মসজিদের ভিতরেই হবে।

৬. কোন ওজর না থাকলে দাঁড়িয়ে আযান দেয়া।
৭. কেবলামুখী হয়ে আযান ইকামত দেয়া। তবে গাড়ি বা যানবাহনে আযান দেয়ার সময় কেবলামুখী না হলেও সুন্নাতের পরিপন্থী হবে না।
৮. আযান দেয়ার সময় দুই শাহাদাত আঙ্গুল দুই কানের ছিদ্রে প্রবেশ করানো মোস্তাহাব। কানের উপর হাত রেখে ছিদ্র বন্ধ করলেও চলে। ইকামতের মধ্যে কানে আঙ্গুল দেয়া জায়েয তবে সুন্নাত নয়।
৯. আযান ইকামত, ইভয়টিতে عَلَى الصَّلَاةِ বলায় সময় ডান দিকে মুখ ফিরানো এবং عَلَى الْفَلَاحِ বলায় সময় বাম দিকে মুখ ফিরানো সুন্নাত। সীনা বা পায় ঘুরবে না। মাইকে আযান ইকামত দিলেও এটা করা সুন্নাত। (أحسن الفتاوى ২/৩)
১০. আযানের শব্দগুলো টেনে টেনে এবং থেমে থেমে বলা সুন্নাত আর ইকামতের শব্দগুলো জলদী জলদী বলা সুন্নাত।
১১. বিনা প্রয়োজনে এদিক ওদিক না দাঁড়িয়ে বরং ইমামের বরাবর পেছনে দাঁড়িয়ে ইকামত বলা উত্তম।

(শ্ৰী রুশদী 'الفقه على المذاهب الاربعة وأحسن الفتاوى' প্রভৃতি থেকে গৃহীত)

আযান ও ইকামতের মাঝে সময়ের ব্যবধান কতটুকু হবে

* সুন্নাত হচ্ছে আযান ও ইকামতের মাঝে এতটুকু সময়ের ব্যবধান করা, যাতে নিয়মিতভাবে যেসব মুসল্লী জামা'আতে শরীক হয়ে থাকে তারা যেন জামা'আতে শরীক হওয়ার জন্য মসজিদে এসে পৌঁছতে পারে।

* মাগরিবের নামাযের আযান ইকামতের মাঝে ছোট তিন আয়াত তিলাওয়াত পরিমাণ সময়ের ব্যবধান রাখতে বলা হয়েছে। (শ্ৰী ওয়ালীউল্লী)

১. মসজিদের বাইরে এবং উঁচু স্থানে আযান দেয়ার উদ্দেশ্য হল আওয়াজ ছড়িয়ে দেয়া। বর্তমানে মাইকে আযান দেয়ার ব্যাপক প্রচলন ঘটেছে এবং মসজিদের মধ্যে থেকেই সাধারণতঃ মাইকে আযান দেয়া হয়। যেহেতু মাইকে আযান দিলে আওয়াজ এমনিতেই দূরে পৌঁছে যায় এবং বাইরে উঁচু স্থানে আযান দেয়ার যে উদ্দেশ্য তা হাছিল হয়ে যায়- এ প্রেক্ষিতে মসজিদের বাইরে থেকে আযান দেয়ার যে উদ্দেশ্য তা হাছিল হয়ে যায়- এ প্রেক্ষিতে মসজিদের ভিতরে থেকে আযান দিলে মাকরুহ হবে না বলে মনে হয়। তবে মসজিদের ভিতর এত জোরে আওয়াজ করাটা খেলাফে আদব মনে হয়, তাই সম্ভব হলে মসজিদের বাইরে থেকেই মাইকে আযানের ব্যবস্থা করা উত্তম। (أحسن الفتاوى ১/১) ॥

আযান ও ইকামতের শব্দসমূহ আদায় করার নিয়ম

| শব্দসমূহ | আদায় করার নিয়ম |
|---|--|
| <p>اللَّهُ أَكْبَرُ . اللَّهُ أَكْبَرُ</p> <p>আল্লাহ সর্বাপেক্ষা বড়, আল্লাহ সর্বশ্রেষ্ঠ</p> <p>اللَّهُ أَكْبَرُ . اللَّهُ أَكْبَرُ</p> <p>আল্লাহ সর্বমহান, আল্লাহ সর্বমহান</p> | <p>‘আল্লাহ’ ও ‘আকবার’ শব্দের শুরুতে যে হামযাহ্ (আলিফ) রয়েছে, তা শক্তির সাথে শক্তভাবে আদায় হবে। আল্লাহ শব্দের ‘লাম’ প্রথমেই খুব মোটা করে পড়তে হবে। লামের উপর যে আলিফ রয়েছে তাতে মদদে তবায়ী μ হবে, এতে শুধুমাত্র এক আলিফ পরিমাণ টানতে হবে, ‘হা’-র পেশ খুব স্পষ্ট অথচ পাতলা হবে এবং واو مد এর আভাষ দিয়ে আদায় করতে হবে। ‘আকবার’-এর ‘রা’ সাকিন অথচ মোটা করে পড়তে হবে।</p> |
| <p>أَشْهَدُ أَنْ لَا إِلَهَ إِلَّا اللَّهُ</p> <p>আমি সাক্ষ্য দিচ্ছি, আল্লাহ ব্যতীত কোন মাবুদ নেই।</p> <p>أَشْهَدُ أَنْ لَا إِلَهَ إِلَّا اللَّهُ</p> <p>আমি সাক্ষ্য দিচ্ছি, আল্লাহ ব্যতীত কোন মাবুদ নেই।</p> | <p>‘আশ্হাদু’-র শীন উচ্চারণ কালে আওয়াজ মুখের ভেতর ছড়িয়ে পড়বে, آ-এর মধ্যে μ زى مفصل হবে, যা তিন থেকে চার আলিফ পর্যন্ত টানা যাবে, الله শব্দের প্রথম আলিফের মধ্যে যে কোন প্রকার μ (টানা) করা থেকে বিরত থাকতে হবে, $\text{أَشْهَدُ أَنْ لَا إِلَهَ إِلَّا اللَّهُ}$-র ‘$\text{آ}$’ মধ্যে আল্লাহ শব্দের লামের উপর যে আলিফ রয়েছে তাতে مَزى عارضى হবে, এটা পাঁচ আলিফ পর্যন্ত টানা জায়েয আছে। এর অতিরিক্ত টানা থেকে বিরত থাকতে হবে।</p> |
| <p>أَشْهَدُ أَنَّ مُحَمَّدًا رَسُولُ اللَّهِ</p> <p>আমি সাক্ষ্য দিচ্ছি যে, মুহাম্মাদ সাল্লাল্লাহু আলাইহি ওয়া সাল্লাম আল্লাহর রাসূল।</p> <p>أَشْهَدُ أَنَّ مُحَمَّدًا رَسُولُ اللَّهِ</p> <p>আমি সাক্ষ্য দিচ্ছি যে, মুহাম্মাদ সাল্লাল্লাহু আলাইহি ওয়া সাল্লাম আল্লাহর রাসূল।</p> | <p>أَنَّ শব্দের নূন, এবং مُحَمَّد শব্দের তাশদীদ যুক্ত মীমের মধ্যে এক আলিফের অতিরিক্ত গুনাহ করা থেকে বিরত থাকতে হবে। সীনের মধ্যে μ কাজেই এক আলিফের অতিরিক্ত টানা যাবে না। رَسُول শব্দের ‘রা’ মোটা হবে। الله শব্দের হকুম পূর্বে বর্ণিত হয়েছে, (অর্থাৎ, পাঁচ আলিফ পরিমাণ লম্বা করা যাবে)</p> |

| | |
|--|--|
| <p>حَيَّ عَلَى الصَّلَاةِ নামাযের জন্য এসো। حَيَّ عَلَى الصَّلَاةِ নামাযের জন্য এসো।</p> | <p>حَيَّ শব্দের তাশদীদ আদায় করার সময় দুই আলিফ পরিমাণ সময় বিলম্ব করতে হবে। অবশ্য 'ইয়া'-র যবর তাড়াতাড়ি আদায় করতে হবে, এর উপর যেন আওয়ায আটকে না যায়। الصَّلَاةُ এর صاء কে খুব মোটা করে পড়তে হবে। الصَّلَاةُ এর মধ্যে مدعاضی -এর হুকুম পূর্বে বর্ণিত হয়েছে, অর্থাৎ পাঁচ আলিফ পরিমাণ লম্বা করা যাবে।</p> |
| <p>حَيَّ عَلَى الْفَلَاحِ কল্যাণের জন্য এসো। حَيَّ عَلَى الْفَلَاحِ কল্যাণের জন্য এসো।</p> | <p>حَيَّ শব্দ কিভাবে আদায় করতে হবে, এবং فَلاح শব্দের 'লামের' مدعاضی -র হুকুম কি? তা পূর্ব বর্ণিত হয়েছে।</p> |
| <p>الصَّلَاةُ خَيْرٌ مِنَ النَّوْمِ ঘুমের চাইতে নামায উত্তম। الصَّلَاةُ خَيْرٌ مِنَ النَّوْمِ ঘুমের চাইতে নামায উত্তম।</p> | <p>الصَّلَاةُ শব্দের লামের পরে যে আলিফ আছে এতে طبعি হবে। কাজেই আলিফকে অতিরিক্ত লম্বা করা থেকে বিরত থাকতে হবে। النَّوْمُ -এর মধ্যে نالین এতে قصر করা উত্তম, মদ করাও জায়েয আছে, যা সর্বোচ্চ পাঁচ আলিফ পরিমাণ করা যায়।</p> |
| <p>اللَّهُ أَكْبَرُ . اللَّهُ أَكْبَرُ আল্লাহ সর্বাপেক্ষা বড়, আল্লাহ সর্বশ্রেষ্ঠ।</p> | <p>এর হুকুম পূর্বে বর্ণিত হয়েছে।</p> |
| <p>لَا إِلَهَ إِلَّا اللَّهُ আল্লাহ ছাড়া কোন মা'বুদ নেই।</p> | <p>এর হুকুম পূর্বে বর্ণিত হয়েছে।</p> |
| <p>(একামতের শব্দ) قَدْ قَامَتِ الصَّلَاةُ নামায প্রস্তুত, قَدْ قَامَتِ الصَّلَاةُ নামায প্রস্তুত।</p> | <p>قَامَتْ শব্দের কাফের পরে যে আলিফ আছে তাতে طبعি হবে অর্থাৎ, একআলিফ পরিমাণ লম্বা হবে। আর الصَّلَاةُ শব্দের লামে মদে আরযী হবে। তবে ইকামতে জলদী করা উদ্দেশ্য, তাই অল্প টানতে হবে।</p> |

(“আযান ইকামতের ফাযায়েল মাসায়েল ও তাজবীদ” গ্রন্থ থেকে গৃহীত।)

আযান বলার সুন্নাত তরীকা

اَللّٰهُ اَكْبَرُ . اَللّٰهُ اَكْبَرُ দুই তাকবীর এক সাথে এক শ্বাসে বলা, উভয় اَكْبَرُ শব্দের রা-তে সাকিন সহকারে- পেশ সহকারে মিলিয়ে নয়। অর্থাৎ, আল্লাহ্ আকবারুল্লাহ্-বলবে না, বরং রা-তে সাকিন পড়বে। রা-তে যবরও পড়া যায়।

اَللّٰهُ اَكْبَرُ . اَللّٰهُ اَكْبَرُ উপরোক্ত নিয়ম। শেষের اَكْبَرُ ও এই নিয়মে।

অবশিষ্ট প্রত্যেকটা বাক্য এক এক শ্বাসে বলা এবং প্রত্যেকটি বাক্যের শেষে সাকিন করা ও থামা। (حسن الفتاوى ج ২/)

ইকামত বলার সুন্নাত তরীকা

| শব্দ সমূহ | আদায় করার নিয়মাবলী |
|--|---|
| اَللّٰهُ اَكْبَرُ . اَللّٰهُ اَكْبَرُ اَللّٰهُ اَكْبَرُ . اَللّٰهُ اَكْبَرُ | এই চার তাকবীর এক শ্বাসে এবং প্রত্যেকটা রা-তে সাকিন সহকারে বলা। |
| أَشْهَدُ أَنْ لَا إِلَهَ إِلَّا اللَّهُ أَشْهَدُ أَنْ لَا إِلَهَ إِلَّا اللَّهُ | এই দুই বাক্য এক শ্বাসে এবং اَللّٰهُ শব্দের হা-তে সাকিন সহকারে। |
| أَشْهَدُ أَنَّ مُحَمَّدًا رَسُولُ اللَّهِ أَشْهَدُ أَنَّ مُحَمَّدًا رَسُولُ اللَّهِ | উপরোক্ত নিয়ম। |
| حَيَّ عَلَى الصَّلَاةِ حَيَّ عَلَى الصَّلَاةِ | দুই বাক্য এক শ্বাসে এবং صَلَاة শব্দের ে তে সাকিন সহকারে অর্থাৎ, হা সাকিন সহকারে। |
| حَيَّ عَلَى الْفَلَاحِ حَيَّ عَلَى الْفَلَاحِ | দুই বাক্য এক সাথে এক শ্বাসে এবং হা-তে সাকিন সহকারে। |
| قَدْ قَامَتِ الصَّلَاةُ قَدْ قَامَتِ الصَّلَاةُ | দুই বাক্য এক শ্বাসে এবং صَلَاة শব্দের তা-তে সাকিন সহকারে অর্থাৎ, হা-সাকিন উচ্চারণ সহকারে। |
| اَللّٰهُ اَكْبَرُ . اَللّٰهُ اَكْبَرُ لَا إِلَهَ إِلَّا اللَّهُ | এই দুই তাকবীর এবং লাইলাহা ইল্লাল্লাহ এক শ্বাসে এবং উভয় اَكْبَرُ-এর রা-ও শেষ اَللّٰهُ শব্দের হা-সাকিন সহকারে। |

(حسن الفتاوى ج ২/ থেকে গৃহীত)

আযানের ভুলসমূহ

(আযানের মধ্যে প্রচলিত ভুলসমূহ)

১. اللَّهُকে اللَّهُ (মদ করে) পড়া, অর্থাৎ, আল্লাহ শব্দের শুরুতে যে হামযাহ আছে; তা টেনে পড়া।
২. আল্লাহ (اللَّهُ) শব্দের লামকে এক আলিফের চেয়ে অতিরিক্ত টানা।
৩. আল্লাহ (اللَّهُ) শব্দের হা-র পেশকে মাজহুল পড়া অর্থাৎ, আল্লাহো পড়া।
৪. الْكَبِيرَকে الْكَبِيرُ (মদ করে) পড়া। অর্থাৎ, আকবারের শুরুতে যে হামযাহ আছে তা লম্বা করা।
৫. الْكَبِيرَকে الْكَبَارُ পড়া। অর্থাৎ, বা-র পরে আলিফ বৃদ্ধি করা
৬. الْكَبِيرَকে الْكَبِيرُ পড়া অর্থাৎ, রা-র উপর পেশ পড়া।
৭. الْكَبِيرُ শব্দের রা মোটা না করা।
৮. أَشْهَدُকে أَشْهَدُ পড়া। অর্থাৎ, শুরুর আলিফ লম্বা করা।
৯. أَشْهَدُ শব্দের দালের পেশকে মাজহুল অর্থাৎ, আশহাদো পড়া।
১০. اَنَّ এর নুনকে لَا এর লামের সাথে না মিলানো।
১১. لَا কে চার আলিফের চেয়ে বেশী লম্বা করা।
১২. اَللهِ শব্দের লামের খাড়া যবর (আলিফ)-কে এক আলিফের চেয়ে বেশী লম্বা করা।
১৩. اَللهِ শব্দের মধ্যে اَللهِ -র আলিফকে পাঁচ আলিফের চেয়ে লম্বা করা।
১৪. مُحَمَّدًا এর তানবীন (দুই যবর)কে رَسُوْلُ اللهِ বাক্যের রা-র সাথে না মিলানো।
১৫. رَسُوْلُ শব্দের و কে এক আলিফের চেয়ে বেশী লম্বা করা।
১৬. رَسُوْلُ اللهِ বাক্যের মধ্যে اَللهِ শব্দের আলিফকে পাঁচ আলিফের চেয়ে অতিরিক্ত লম্বা করা।
১৭. اَلْصَّلٰوةُকে اَلْصَّلٰوةُ حَيَّ (অর্থাৎ, عَلَى কে لَا পড়া।)
১৮. অথবা اَلْصَّلٰوةُ حَيَّ لَا (অর্থাৎ, عَلَى কে لَا পড়া।)
১৯. اَلْصَّلٰوةُ-র মধ্যে اَلْصَّلٰوةُকে পাঁচ আলিফের চেয়ে অতিরিক্ত টানা।
২০. اَلْصَّلٰوةُ শব্দের শেষে 'হা' কে (অর্থাৎ, ه [গোল তা] কে যা ওয়াক্ফ অবস্থায় 'হা' হয়ে যায়) ফেলে দেয়া।

২১. حَىَّ لَا الْفَلَاَحُ কে حَىَّ عَلَى الْفَلَاَحُ পড়া। অর্থাৎ, عَلَى কে لَا পড়া।
২২. অথবা حَىَّ لَا الْفَلَاَحُ পড়া। অর্থাৎ, عَلَى কে لَا পড়া।
২৩. حَىَّ এর আলিফকে পাঁচ আলিফের অতিরিক্ত টানা।
২৪. حَىَّ শব্দের শেষে 'হা' ফেলে দেয়া।
২৫. الصَّلَوَةُ خَيْرٌ مِنَ النَّوْمِ এর মধ্যে الصَّلَوَةُ শব্দের লাম-কে এক আলিফের চেয়ে বেশী টানা।
২৬. الصَّلَوَةُ শব্দের 'তা'র পেশকে মাজহুল পড়া অর্থাৎ, আসসালাতো পড়া।
২৭. الصَّلَوَةُ শব্দের 'তা' কে লম্বা করা।
২৮. خَيْرٌ শব্দের 'ইয়া' কে মাজহুল পড়া অর্থাৎ, ও এর ন্যায় (খাইরোম) পড়া।
২৯. خَيْرٌ শব্দের 'রা' কে মোটা না করা।
৩০. النَّوْمِ শব্দের و কে পাঁচ আলিফের চেয়ে বেশী লম্বা করা।
৩১. النَّوْمِ শব্দের و কে মাজহুল পড়া অর্থাৎ, নাওম পড়া বরং পড়তে হবে নাউম।
৩২. رَزَل তারাচ্ছুল না করা। অর্থাৎ, দুই ব্যাক্যের মাঝে জওয়াব দেয়ার পরিমাণ সময় না থামা।

(আযান, ইকামতের ফাযায়েল মাসায়েল ও তাজবীদ-গ্রন্থ থেকে গৃহীত)

ইকামতের ভুলসমূহ

১. اكْبُرُ কে اكْبُرُ পড়া, অর্থাৎ, আকবার শব্দের 'রা'-এর মধ্যে পেশ দেয়া।
২. اَللّٰهُ কে اَللّٰهُ পড়া। অর্থাৎ, 'হা' কে পেশ দেয়া।
৩. رَسُوْلُ اللّٰهِ কে رَسُوْلُ اللّٰهِ পড়া। অর্থাৎ, 'হা'-র মধ্যে যের দেয়া।
৪. حَىَّ لَا الصَّلَوَةُ কে حَىَّ عَلَى الصَّلَوَةُ পড়া। অর্থাৎ, عَلَى কে لَا পড়া।
৫. حَىَّ لَا الصَّلَوَةُ কে حَىَّ عَلَى الصَّلَوَةُ পড়া। অর্থাৎ, عَلَى কে لَا পড়া।
৬. الصَّلَوَةُ কে الصَّلَوَةُ পড়া। অর্থাৎ, 'তা' কে যের দেয়া।
৭. حَىَّ لَا الْفَلَاَحُ কে حَىَّ عَلَى الْفَلَاَحُ পড়া। অর্থাৎ, عَلَى কে لَا পড়া।
৮. حَىَّ لَا الْفَلَاَحُ কে حَىَّ عَلَى الْفَلَاَحُ পড়া। অর্থাৎ, عَلَى কে لَا পড়া।
৯. الفلاح কে الفلاح পড়া। অর্থাৎ, 'হা' কে যের দিয়ে পড়া।
১০. الصَّلَوَةُ -এর 'তা' কে قَدْ قَامَتِ الصَّلَوَةُ কে قَدْ قَامَتِ الصَّلَوَةُ পড়া। অর্থাৎ, 'তা' কে পেশ দিয়ে পড়া।
১১. প্রত্যেক শব্দে থামা।

বিঃ দ্রঃ আযান ও ইকামতের শব্দ সমূহকে মিলিয়ে (مِلًّا) পড়তে হবে; কিন্তু শেষ অক্ষরে কোন হরকত প্রকাশ করা যাবে না। সব বাক্যের শেষ শব্দেই শেষে সাকিন তথা জযম হবে। (কানযুল উম্মাল, ১ম খন্ড, পৃঃ ১৫১)

(“আযান ইকামতের ফাযায়েল মাসায়েল ও তাজবীদ” গ্রন্থ থেকে গৃহীত।)

আযান ও ইকামতের জওয়াব প্রসঙ্গ

* আযান ও ইকামতের জওয়াব দেয়া মোস্তাহাব। নারী পুরুষ সকলের জন্যই আযানের জওয়াব দেয়া মোস্তাহাব। যে ব্যক্তি মসজিদের মধ্যে রয়েছে তার জন্যও মুখে জওয়াব দেয়া মোস্তাহাব। পাক নাপাক সকলেরই জন্য আযানের জওয়াব দেয়া মোস্তাহাব। অবশ্য ঋতুবতী মহিলা ও নেফাসওয়ালী মহিলার জন্য আযানের জওয়াব দেয়ার হুকুম নেই।

* যে ব্যক্তি মসজিদের বাইরে রয়েছে তার জন্য ইজাবাত বিল্লিছান অর্থাৎ, মৌখিক জওয়াব (যে সম্পর্কে পূর্বে বলা হল) ছাড়াও ইজাবাত বিল কদম অর্থাৎ, মসজিদে জামা'আতের জন্য গমন-এর মাধ্যমে জওয়াব দেয়া জরুরী। তবে অপরাগতার ক্ষেত্রে শুধু মুখে জওয়াব দেয়াই যথেষ্ট হবে।

* কয়েক স্থানের আযান শোনা গেলে সর্বপ্রথম যে আযান শোনা যায় (নিজের মহল্লার হোক বা ভিন্ন মহল্লার) তার জওয়াব দিলেই যথেষ্ট। তবে সবটার জওয়াব দিতে পারলে ভাল।

* জুমুআর ছানী (দ্বিতীয়) আযানের জওয়াব দিতে হয় না, তবে মনে মনে (মুখে উচ্চারণ ব্যতীত) দেয়া যায়। (فتاوى دارالعلوم)

* যদি কেউ আযানের জওয়াব না দিয়ে থাকে এবং বেশীক্ষণ অতিবাহিত না হয়ে থাকে, তাহলে তখন জওয়াব দিবে।

* উযু অবস্থায় আযান হতে থাকলে উযুও করতে থাকবে আযানের জওয়াবও দিতে থাকবে। (فتاوى محمودية ج ২/ ১)

যে সব অবস্থায় আযানের জওয়াব দেয়া উচিৎ নয়

১. নামাযের অবস্থায়।
২. খুতবার সময়; জুমুআর খুতবা হোক বা বিবাহের খুতবা।
৩. হয়েয অবস্থায়।
৪. নেফাসের অবস্থায়।
৫. দ্বীনী ইল্ম বা শরীয়তের মাসআলা-মাসায়েল শিখবার বা শিক্ষা দেওয়ার সময়। কিন্তু কুরআন তিলাওয়াতের সময় আযান হলে তিলাওয়াত বন্ধ করে তার জওয়াব দেয়া উত্তম বলা হয়েছে। (فتاوى محمودية ج ২/ ১)

৬. স্ত্রী-সহবাস করা অবস্থায়।

৭. পেশাব-পায়খানার সময়।

৮. খানা খাওয়ার সময়।

আযান ও ইকামতের কোন্ বাক্যের কি জওয়াব হবে তার একটা নকশা পেশ করা হলঃ

আযান ও ইকামতের শব্দসমূহ এবং

তার জওয়াবের শব্দসমূহ

| আযান ও ইকামতের শব্দসমূহ | আযান ও ইকামতের জওয়াবের শব্দসমূহ |
|--|--|
| اللَّهُ أَكْبَرُ . اللَّهُ أَكْبَرُ اللَّهُ أَكْبَرُ . اللَّهُ أَكْبَرُ | اللَّهُ أَكْبَرُ . اللَّهُ أَكْبَرُ اللَّهُ أَكْبَرُ . اللَّهُ أَكْبَرُ |
| أَشْهَدُ أَنْ لَا إِلَهَ إِلَّا اللَّهُ أَشْهَدُ أَنْ لَا إِلَهَ إِلَّا اللَّهُ | أَشْهَدُ أَنْ لَا إِلَهَ إِلَّا اللَّهُ أَشْهَدُ أَنْ لَا إِلَهَ إِلَّا اللَّهُ |
| أَشْهَدُ أَنْ مُحَمَّدًا رَسُولُ اللَّهِ أَشْهَدُ أَنْ مُحَمَّدًا رَسُولُ اللَّهِ | أَشْهَدُ أَنْ مُحَمَّدًا رَسُولُ اللَّهِ أَشْهَدُ أَنْ مُحَمَّدًا رَسُولُ اللَّهِ |
| حَيَّ عَلَى الصَّلَاةِ حَيَّ عَلَى الصَّلَاةِ | لَا حَوْلَ وَلَا قُوَّةَ إِلَّا بِاللَّهِ لَا حَوْلَ وَلَا قُوَّةَ إِلَّا بِاللَّهِ |
| حَيَّ عَلَى الْفَلَاحِ حَيَّ عَلَى الْفَلَاحِ | لَا حَوْلَ وَلَا قُوَّةَ إِلَّا بِاللَّهِ لَا حَوْلَ وَلَا قُوَّةَ إِلَّا بِاللَّهِ |
| قَدْ قَامَتِ الصَّلَاةُ قَدْ قَامَتِ الصَّلَاةُ (শুধু ইকামতের শব্দ) | أَقَامَهَا اللَّهُ وَأَذَامَهَا أَقَامَهَا اللَّهُ وَأَذَامَهَا |
| الصَّلَاةُ خَيْرٌ مِنَ النَّوْمِ الصَّلَاةُ خَيْرٌ مِنَ النَّوْمِ (শুধু ফজরের আযানের শব্দ) | صَدَقْتُ وَبَرَرْتُ صَدَقْتُ وَبَرَرْتُ |

| | |
|-------------------------------------|-------------------------------------|
| اللَّهُ أَكْبَرُ . اللَّهُ أَكْبَرُ | اللَّهُ أَكْبَرُ . اللَّهُ أَكْبَرُ |
| لَا إِلَهَ إِلَّا اللَّهُ | لَا إِلَهَ إِلَّا اللَّهُ |

* আযানের বাক্যগুলোর জওয়াব দেয়ার পর (আযান শেষ হওয়ার পর) দুরুদ শরীফ পড়বে। তারপর নিম্নোক্ত দুআ পড়া মোস্তাহাব-

اللَّهُمَّ رَبِّ هَذِهِ الدَّعْوَةُ النَّامَةُ وَالصَّلَاةُ الْقَائِمَةُ ابْنِ مُحَمَّدٍ الْوَسِيلَةَ وَالْفَضِيلَةَ وَابْعَثْهُ مَقَامًا مَحْمُودًا الَّذِي وَعَدْتَهُ إِنَّكَ لَا تَخْلِفُ الْمِيعَادَ -

অর্থ : হে আল্লাহ! এই পরিপূর্ণ আহবান ও অনুষ্ঠিতব্য নামাযের রব, তুমি মুহাম্মাদ (সাঃ) কে দান কর ওহীলা ও শ্রেষ্ঠত্ব এবং তাঁকে পৌঁছাও মাকামে মাহমুদে (প্রশংসনীয় স্থানে) যার ওয়াদা তুমি তাঁর সাথে করেছ। নিশ্চয়ই তুমি ওয়াদা ভঙ্গ করনা।

* তারপর পড়বে-

وَأَنَا أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ - رَضِيتُ بِاللَّهِ رَبًّا وَبِالْإِسْلَامِ دِينًا وَبِمُحَمَّدٍ صَلَّى اللَّهُ عَلَيْهِ وَسَلَّمَ رَسُولًا -

অর্থ : আর আমিও সাক্ষ্য দিচ্ছি যে, আল্লাহ ছাড়া কোন মা'বুদ নেই, তিনি একক- তাঁর কোন শরীক নেই। এবং আমি এও সাক্ষ্য দিচ্ছি যে, অবশ্যই মুহাম্মাদ (সাঃ) তাঁর বান্দা ও তাঁর রাসূল। আমি সন্তুষ্ট আল্লাহ্র প্রতি রব হিসেবে, ইসলামের প্রতি দ্বীন হিসেবে এবং মুহাম্মাদ সাল্লাল্লাহু আলাইহি ওয়াসাল্লামের প্রতি রাসূল হিসেবে।

* উপরোল্লিখিত দুআ (আযান পরবর্তী দুআ) পড়ার সময় হাত উঠানোর কোন প্রমাণ পাওয়া যায় না। (আসন الفتاوى ج ২/ ২)

আযানের সময়কার বিশেষ কয়েকটি আমল

আযানের সময় (বিশেষ প্রয়োজন না থাকলে) কথা-বার্তা না বলাই উত্তম। চুপ থাকাই মোস্তাহাব। (আসন الفتاوى ج ২/ ২)

* আযান শুরু হওয়ার পর ইস্তেন্জায় লিপ্ত হবে না, ইস্তেন্জাখানায় প্রবেশ করবে না। তবে নামাযের জামা'আত ভঙ্গ হওয়ার আশংকা বা বিশেষ কোন ওজর দেখা দিলে ভিন্ন কথা। (فتاوى دارالعلوم)

মসজিদে যাওয়ার সুন্নাত ও আদব সমূহ

১. শরীর পবিত্র করে নিবে।
২. কাপড় পবিত্র করে নিবে।
৩. ঘর থেকে উযু করে মসজিদে যাবে। মসজিদে যেয়ে উযু করার চেয়ে ঘর থেকে উযু করে যাওয়া উত্তম।
৪. ঘর থেকে বের হওয়ার সময় বিসমিল্লাহ ও বের হওয়ার দুআ পড়বে।
বিসমিল্লাহ সহ দুআটি এইঃ

بِسْمِ اللَّهِ تَوَكَّلْتُ عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ -

অর্থ : আল্লাহর নাম নিয়ে বের হলাম। আল্লাহর উপর ভরসা, আল্লাহর সাহায্য ব্যতীত কোন শক্তি লাভ হয় না।

৫. ধীরস্থির ভাবে চলবে।
৬. গান্ধীর্যের সাথে চলবে।
৭. চলার পথে হাসি-তামাশা, ক্রীড়া-কৌতুক ও অহেতুক কাজ থেকে বিরত থাকবে।
৮. চলতে চলতে এই দুআ পড়বে।

اللَّهُمَّ اجْعَلْ فِي قَلْبِي نُورًا وَفِي لِسَانِي نُورًا وَاجْعَلْ فِي سَمْعِي نُورًا
وَاجْعَلْ فِي بَصَرِي نُورًا وَاجْعَلْ مِنْ خَلْفِي نُورًا وَمِنْ أَمَامِي نُورًا
وَاجْعَلْ مِنْ فَوْقِي نُورًا وَمِنْ تَحْتِي نُورًا اللَّهُمَّ اعْطِنِي نُورًا - (কتاب
الاذكار بحواله سلم)

অর্থ : হে আল্লাহ। তুমি দান কর আমার অন্তরে নূর এবং যবানে নূর। দান কর আমার শ্রবণ শক্তিতে নূর, দান কর আমার দৃষ্টিশক্তিতে নূর, দান কর আমার পশ্চাতে নূর এবং আমার সম্মুখে নূর, দান কর আমার উপরে নূর এবং আমার নীচে নূর। হে আল্লাহ! তুমি দান কর আমাকে নূর।

৯. প্রত্যেকটা কদমে কদমে ছাওয়াব হবে-এই বিশ্বাস ও আশা মনে বদ্ধমূল রেখে পথ চলবে।
১০. পথ চলার অন্যান্য আমল পালন করবে। (সংশ্লিষ্ট পরিচ্ছেদ দ্রষ্টব্যঃ পৃষ্ঠা নং ৪৮৯)

মসজিদে প্রবেশের সুন্নাত ও আদব সমূহ

১. নত চোখে, ভীত মনে মসজিদে প্রবেশ করবে।
২. মসজিদে প্রবেশের পূর্বে জুতা খুলে নিবে। জুতা ভিতরে নিতে হলে ঝেড়ে পরিষ্কার পূর্বক নিবে।
৩. প্রথমে বাম পায়ের জুতা তারপর ডান পায়ের জুতা খুলবে।
৪. প্রবেশের পূর্বে বিস্মিল্লাহ পড়বে।
৫. দুরুদ ও সালাম পড়বে।
৬. দুআ পড়বে।

এই তিনটাকে একত্রে এভাবে পড়া যায়-

بِسْمِ اللَّهِ وَالصَّلَاةُ وَالسَّلَامُ عَلَى رَسُولِ اللَّهِ اللَّهُمَّ افْتَحْ لِي أَبْوَابَ رَحْمَتِكَ -

অর্থ : হে আল্লাহ, আমার সমস্ত গোনাহ মাফ কর এবং আমার জন্য তোমার রহমতের দরজা সমূহ খুলে দাও।

দুআর শেষ অংশটুকু এভাবেও পড়া যায়-
اللَّهُمَّ اغْفِرْ لِي ذُنُوبِي وَافْتَحْ لِي أَبْوَابَ رَحْمَتِكَ -

৭. প্রবেশ কালে এই দুআও পড়বে।

رَبِّ أَنْزِلْنِي مُنْزَلًا مُبَارَكًا وَأَنْتَ خَيْرُ الْمُنْزِلِينَ - (الفناوى الظهيرية)

অর্থ : হে আল্লাহ, তুমি কল্যাণকর ভাবে আমাকে অবতরণ করাও, তুমি শ্রেষ্ঠ অবতারণকারী।

মসজিদের ভিতরের সুন্নাত ও আদব সমূহ

১. মসজিদে প্রবেশ করতঃ (নফল) এ'তেকাফের নিয়ত করবে।
২. শয়তান থেকে পানাহ চাওয়ার নিম্নোক্ত দুআ পড়বে :

أَعُوذُ بِاللَّهِ الْعَظِيمِ وَبِوَجْهِهِ الْكَرِيمِ وَسُلْطَانِهِ الْقَدِيمِ مِنَ الشَّيْطَانِ الرَّجِيمِ - (كتاب الاذكار)

৩. যে বা যারা নামাযে রত নয় তাদেরকে এমনভাবে সালাম দিবে যেন নামাযে রত লোকদের নামাযে ব্যাঘাত না ঘটে।
৪. মসজিদে কেউ না থাকলে বা অবসর কেউ না থাকলে এই বলে (আন্তে) সালাম দিবেঃ

السَّلَامُ عَلَيْنَا وَعَلَى عِبَادِ اللَّهِ الصَّالِحِينَ - (معارف القرآن)

৫. হারাম এবং মাকরুহ ওয়াজু না হলে মসজিদে প্রবেশ পূর্বক দুই রাকআত তাহিয়্যাতুল মাসজিদ/দুখুলুল মাসজিদ নামায পড়বে। এই নামায বসার পূর্বেই পড়া উত্তম। এই নামায না পড়লে দুরুদ শরীফ পড়বে এবং নিম্নোক্ত দু'আটি চার বার পাঠ করবে :

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ - (كتاب الاذكار وتنبيه الغافلين)

৬. উপরোক্ত যিকিরসহ অন্যান্য যিকির বেশী বেশী করা উত্তম।

৭. মোনাছিব মত নেক কাজের কথা বলবে এবং গোনাহের কাজ দেখলে বাধা দিবে। এ দায়িত্ব মসজিদের বাইরেও রয়েছে তবে মসজিদে থাকাকালীন এর গুরুত্ব অধিক।

৮. মসজিদে বেচা-কেনা না করা।

৯. কাউকে বেচা-কেনা করতে দেখলে বলবে :

لَا أَرْبَحَ اللَّهُ تِجَارَتَكَ - (ترمذی)

অর্থঃ আল্লাহ যেন তোমার কেনা-বেচায় লাভ না দেন।

১০. কোন হারানো বস্তু তালাশের উদ্দেশ্যে মসজিদে ঘোষণা না দেয়া।

১১. কাউকে উপরোক্ত ঘোষণা করতে শুনলে বলবে :

لَا رَدَّهَا اللَّهُ عَلَيْكَ فَإِنَّ الْمَسَاجِدَ لَمْ تُبْنَ لِهَذَا - (مسلم)

অর্থ : আল্লাহ যেন ওটা তোমার কাছে ফিরিয়ে না দেন। মসজিদতো এ উদ্দেশ্যে বানানো হয়নি।

১২. আল্লাহর যিকির ব্যতীত আওয়াজ উঠু না করা।

১৩. কোন শোরগোল না করা।

১৪. তলোয়ার বা ভীতিমূলক কিছু উন্মুক্ত না রাখা।

১৫. মসজিদে নিজের জন্য কিছু সওয়াল করা নিষেধ এবং এরূপ সওয়ালকারীকে কিছু প্রদান করা মাকরুহ (الفقه على المذاهب الاربعه), তবে কোন হাজতমান্দ ব্যক্তির সহযোগিতার জন্য অন্য কেউ বলে দিতে পারে।

(آکے مسائل اور ان کا حل)

১৬. মসজিদে দুনিয়াবী কথা-বার্তা না বলা। তবে কারও সাথে সাক্ষাৎ হলে সংক্ষেপে হালতপুরছী করা (হাল অবস্থা জিজ্ঞাসাবাদ করা) নিষেধ নয়।

১৭. মসজিদে রাজনৈতিক মিটিং সিটিং করা মসজিদের আদব এহতেরামের খেলাপ। (تأوى رعية ج ২/১)
১৮. মানুষের ঘাড়ের উপর দিয়ে না যাওয়া।
১৯. মসজিদে কোন স্থান দখল নিয়ে ঝগড়া না করা।
২০. কেউ কোন স্থান থেকে প্রয়োজনে উঠে গিয়ে থাকলে এবং আবার সেখানে আসবে বুঝতে পারলে তার স্থান দখল না করা।
২১. কাতারের মধ্যে ঠাসাঠাসি করে কারও উপর চাপ সৃষ্টি না করা।
২২. নামাযরত ব্যক্তির সনুখ দিয়ে অতিক্রম না করা। (নামাযীর সোজা সামনে কেউ বসা থাকলে তিনি এক দিকে সরে যেতে পারেন।)
২৩. মসজিদে কফ, থুথু, শিকনি না ফেলা বা কোনভাবে ময়লা আবর্জনা কিংবা নাপাকী না ফেলা।
২৪. মসজিদে আস্তুল না ফোটানো।
২৫. মসজিদে বায়ু ত্যাগ না করা উত্তম, প্রয়োজন হলে বাইরে এসে বায়ু ত্যাগ করবে।
২৬. শিশু এবং পাগলদেরকে মসজিদে না আনা।^১ (الفقه على المذاهب الاربعه)
২৭. মসজিদের মধ্যে যেনা, চুরি, হত্যা ইত্যাদির হদ্দ বা শাস্তি না দেয়া।
২৮. মসজিদে কিছু কুরআন, হাদীছ, ফেকাহ ইত্যাদি দ্বীনী ইল্মের তালীম করা উত্তম।

মসজিদ থেকে বের হওয়ার সুন্নাত ও আদব সমূহ

১. বের হওয়ার সময় দরজার/সিড়ির কাছে এসে বাইরে অপেক্ষমান শয়তান দলের আক্রমণ থেকে রক্ষা পাওয়ার জন্য নিম্নোক্ত দুআ পড়বে-

اللَّهُمَّ إِنِّي أَعُوذُ بِكَ مِنْ إِبْلِيسَ وَجُنُودِهِ - (كتاب الاذكار)

অর্থ : হে আল্লাহ! আমি তোমার কাছে ইবলীছ ও তার বাহিনী থেকে পানাহ চাই।

২. বিসমিল্লাহ পড়বে।
৩. দুরুদ ও সালাম পড়বে।
৪. বের হওয়ার দুআ পড়বে।

১. যে শিশু এবং পাগল দ্বারা মসজিদ নাপাক হওয়ার প্রবল ধারণা থাকে তাদেরকে মসজিদে নেওয়া মাকরুহ তাহরীমী। এরূপ ধারণা না হলেও মাকরুহ তানবীহী। ॥

এই তিনটাকে একত্রে এভাবে পড়া যায় :

بِسْمِ اللَّهِ وَالصَّلَاةِ وَالسَّلَامِ عَلَى رَسُولِ اللَّهِ اَللّٰهُمَّ اِنِّیْ اَسْأَلُكَ مِنْ فَضْلِكَ۔

অর্থ : হে আল্লাহ! আমার সমস্ত গোনাহ মাফ কর এবং আমার জন্য তোমার অনুগ্রহ (বা রিযিকের) দরজাগুলো খুলে দাও।

শেষ দুআটি اللَّهُمَّ اغْفِرْ لِيْ ذُنُوْبِيْ وَافْتَحْ لِيْ اَبْوَابَ فَضْلِكَ পড়া যায়।

৫. বাম পা আগে বের করবে।
৬. তারপর ডান পা বের করবে।
৭. ডান পায়ে আগে জুতা পরবে।
৮. তারপর বাম পায়ে জুতা পরবে।

বিঃ দ্রঃ মসজিদের সাথে সংশ্লিষ্ট অন্যান্য মাসায়েল জানার জন্য দেখুন ৩৫০-৩৫৩ পৃষ্ঠা।

শুরু থেকে শেষ পর্যন্ত নামায পড়ার তরীকা

(নামাযের মধ্যে যা যা করতে হয় এবং যেভাবে যেভাবে করতে হয়, তার ধারাবাহিক বর্ণনা)

- * নামায পড়ার জন্য পবিত্র স্থানে দাঁড়ানো ফরয।
- * কেবলামুখী হয়ে দাঁড়ানো ফরয।
- * পা দুটো সোজা কেবলামুখী করে রাখা সুন্নাত।
- * পায়ের মাঝখানে সামনে পেছনে সমান ফাঁক রাখবে যাতে পা সোজা কেবলামুখী হয়।
- * দুই পায়ের মাঝখানে হাতের মিলিত চার আঙ্গুলের পরিমাণ ফাঁক রাখা মোস্তাহাব। (حسن الفتاوى ج ১/ ৩)
- * নামাযের নিয়ত বাধার পূর্ব পর্যন্ত হাত ছাড়া অবস্থায় রাখবে। (বাধা মাকরুহ)
- * উভয় পায়ের উপর সমান ভর করে দাঁড়াবে। এক পায়ের উপর সম্পূর্ণ ভর করে দাঁড়ানো মাকরুহ। (شأنی ج ১/ ১)
- * নিয়ত করা ফরয। নিয়তের ক্ষেত্রে প্রচলিত লম্বা চওড়া বাক্য বলা নিষ্প্রয়োজনীয়। ফরযের ক্ষেত্রে শুধু কোন্ ওয়াজের ফরয তার উল্লেখ এবং সুন্নাত নফলের ক্ষেত্রে শুধু নামাযের উল্লেখ করলেই যথেষ্ট। (حسن الفتاوى ج ১/ ৩)

* নিয়ত মুখে উচ্চারণ করা উত্তম।

* নিয়ত আরবীতে বলা ভাল। (বেহেশতী জেওর) আরবীতেই নিয়ত করতে হবে- এমন জরুরী মনে করা ঠিক নয়।

* নিয়ত বাধার সময় কান পর্যন্ত হাত উঠানো সুন্নাতে মুআক্কাদা। হাত উঠানোর সময় পুরুষগণ চাদর পরিহিত থাকলে তার মধ্য থেকে হাত বের করবে। মহিলাগণ কাপড়ের মধ্য থেকে হাত বের করবে না। মহিলাগণ সিনা পর্যন্ত হাত উঠাবে এমনভাবে যেন আঙ্গুলের অগ্রভাগ কাঁধ পর্যন্ত উঠে। (شرح سنیه)

* পুরুষ মহিলা উভয়ের জন্য হাতের তালু আঙ্গুলের পেটসহ কেবলামুখী রাখা (উপর দিকে নয়) সুন্নাত।

* হাতের আঙ্গুলসমূহকে মিলাবে না বরং আঙ্গুল সমূহের মাঝে স্বাভাবিক ফাঁক থাকবে, এটাই সুন্নাত।

* পুরুষের জন্য দুই বৃদ্ধ আঙ্গুলের অগ্রভাগ কানের লতির সাথে লাগানো মোস্তাহাব।

* আল্লাহ্ আকবার (اللَّهُ أَكْبَرُ) বলে নিয়ত বাধবে। এই তাকবীর ফরয। এটাকে তাকবীরে তাহরীমা বলে।

* اللَّهُ এবং كَبَرُ শব্দ দুটোর আলিফে জোর দিয়ে উচ্চারণ করা এবং হা কে সামান্য টানের আভাস দিয়ে উচ্চারণ করা উত্তম।

* হাত উঠিয়ে কানের লতির সাথে বৃদ্ধ আঙ্গুল স্পর্শ করার পর আল্লাহ্ আকবার বলতে শুরু করা উত্তম। হাত উঠাতে উঠাতে বা হাত উঠানো শুরু করার পূর্বেও আল্লাহ্ আকবার বলে নেয়া যায়।

* হাত বাধা সম্পূর্ণ হবে, আল্লাহ্ আকবার বলাও শেষ হবে-এরূপ করা উত্তম।

* কান থেকে হাত সোজা বাধার দিকে নিয়ে যাবে, হাত সোজা নীচের দিকে ছেড়ে দিবে না বা পেছনের দিকে ঝাড়া দিবে না।

* তাকবীরে তাহরীমা বলার সময় স্বাভাবিক ভাবে সোজা দাঁড়ানো থাকবে-মাথা নীচের দিকে ঝুঁকাবে না।

* নাতীর নীচে হাত বাধা সুন্নাত (নাতীর পরেও রাখা যায়।)

* ডান হাতের তালু বাম হাতের পিঠের উপর রাখবে।

* ডান হাতের বৃদ্ধ ও কনিষ্ঠ আঙ্গুল দিয়ে বাম হাতের কবজি ধরা সুন্নাত।

* ডান হাতের অবশিষ্ট তিন আঙ্গুল বাম হাতের পিঠের উপর স্বাভাবিক ভাবে রাখা থাকবে। (মহিলাগণ সিনার উপর ডান হাতের তালু বাম হাতের পিঠের উপর রেখে নিয়ত বাধবে। এটা সুন্নাত)

* উভয় হাত পেটের সাথে চেপে ধরে রাখবে, তাহলে অলসভাব আসবে না।

* ছানা পড়া সুন্নাত। ছানা এই :

سُبْحَانَكَ اللَّهُمَّ وَبِحَمْدِكَ وَتَبَارَكَ اسْمُكَ وَتَعَالَى جَدُّكَ وَلَا إِلَهَ غَيْرُكَ -

* আউযু বিল্লাহি মিনাশ শাইতানির রজীম পড়া সুন্নাত।

* বিসমিল্লাহির রহমানির রহীম পড়া সুন্নাত।

* সুরায়ে ফাতিহা পড়া ওয়াজিব।

* সূরা ফাতিহার প্রত্যেক আয়াতে ওয়াক্ফ করে পড়া উত্তম।

* সূরা ফাতিহার শেষে 'আমীন' পড়া সুন্নাত।

* 'আমীন' আস্তে বলা সুন্নাত। (الدر المختار ج ১/ ১)

* সূরা/কিরাত মিলানোর পূর্বে বিসমিল্লাহ পড়া মোস্তাহাব।

* তারপর সূরা/কিরাত মিলানো ওয়াজিব।

* প্রতি পরবর্তী রাকআতের সূরা/কিরাত তারতীব অনুযায়ী পড়া অর্থাৎ, সামনের থেকে কোন সূরা/কিরাত পড়া, পেছন দিক থেকে না পড়া। এই তারতীব রক্ষা করা ওয়াজিব। এর বিপরীত করলে নামায মাকরুহ হবে তবে সাজদায়ে সহো ওয়াজিব হবে না।

* অধিক সহীহ মতানুসারে এতটুকু শব্দে কিরাত পড়া যেন নিজে শব্দ শুনতে পায়। তাকবীর ইত্যাদির ক্ষেত্রেও এ মাসআলা প্রযোজ্য।

* সূরা إِذَا زُلْزِلَتْ থেকে সূরা নাছ পর্যন্ত এই ছোট সূরাগুলোর ক্ষেত্রে পূর্ববর্তী রাকআতে যেটা পড়া হয়েছে পরবর্তী রাকআতে একটা বাদ দিয়ে তার পরেরটা পড়বে না। ফরয এবং ওয়াজিব নামাযে এরূপ করা মাকরুহ। বাদ দিয়ে পড়তে হলে কমপক্ষে দু'টি বাদ দিয়ে পরেরটা পড়া যাবে।

* সূরা/কিরাত শেষ করার পর একটু বিরতি যোগে দম নিয়ে রুকুতে যাওয়ার তাকবীর বলা সুন্নাত। (درس ترمذی)

* রুকুতে যাওয়ার সময় আল্লাহ আকবার বলা সুন্নাত।

* আল্লাহ আকবার বলে হাত রুকুতে হাটুর দিকে নিয়ে যাবে। হাত সোজা ছেড়ে দিবে না বা পেছনের দিকে ঝাড়া দিবে না।

* রুকুর জন্য ঝাঁকার সাথে সাথে আল্লাহ আকবার বলা শুরু করবে এবং রুকুতে সোজা স্থির হওয়ার সাথে বলা শেষ হবে। এটা সুন্নাত তরীকা।

* রুকুতে পিঠ বরাবর সোজা রাখা সুন্নাত।

* কোমর এবং মাথা এক বরাবর রাখবে-সামনে বা পেছনে ঝুঁকাবে না।

* পাজর থেকে বাহকে পৃথক রাখবে।

* রুকুতে উভয় হাতের আঙ্গুলসমূহ ফাঁক করে রাখা সুন্নাত।

* শক্তভাবে হাটু ধরা সুন্নাত।

* উভয় হাতের কনুই সোজা রাখবে- ভাজ করে রাখবে না। মহিলাগণ উভয় হাতের আঙ্গুলসমূহ মিলিত রেখে হাটুর উপর হাত রাখবে, হাটু ধরবে না এবং হাতের বাহু পাজরের সাথে মিলিত রেখে অঙ্গ ঝুঁকে রুকু করবে এবং হাটু সামনের দিকে ঝুঁকিয়ে রাখবে আর পিঠ সামান্য বাঁকা রাখবে। (حسن الفتاوى ج ৩)

* রুকুতে নজর উভয় পায়ের পাতা বা পায়ের আঙ্গুলের প্রতি নিবদ্ধ রাখা আদব।

* পুরুষগণ রুকুতে দুই টাখনুকে দাঁড়ানোর অবস্থার মত পৃথক রাখবে এবং নারীগণ মিলিয়ে রাখবে। (مشتى زيور)

* রুকুতে سُبْحَانَ رَبِّيَ الْعَظِيمِ পড়া সুন্নাত। এই তাসবীহ তিন/পাঁচ/সাত একরূপ বেজোড় সংখ্যায় পড়া সুন্নাত। এই তাসবীহের অর্থ হল আমার মহান রবের পবিত্রতা বর্ণনা করছি।

* سَمِعَ اللَّهُ لِمَنْ حَمِدَهُ (অর্থাৎ, আল্লাহ শোনে, যে তাঁর প্রশংসা করে।) বলে রুকু থেকে উঠা সুন্নাত।

* সোজা হওয়ার সাথে বলা শেষ হবে। এটা সুন্নাত।

* রুকুর থেকে সোজা স্থির হয়ে দাঁড়ানো ওয়াজিব।

* সোজা হয়ে দাঁড়ানোর পর رَبَّنَا لَكَ الْحَمْدُ (অর্থাৎ, হে আমাদের রব! সকল প্রশংসা তোমার জন্য।) বলা সুন্নাত। رَبَّنَا وَلَكَ الْحَمْدُ বলা আরও উত্তম। তার চেয়ে উত্তম رَبَّنَا لَكَ الْحَمْدُ বলা এবং তার চেয়েও উত্তম হল اللَّهُمَّ رَبَّنَا وَلَكَ الْحَمْدُ (الدر المختار ج ১)।

* সাজদায় যাওয়ার সময় আল্লাহ আকবার বলা সুন্নাত।

* সাজদায় জমীনে কপাল লাগানোর সাথে সাথে 'আকবার' বলা শেষ করবে। এটা সুন্নাত তরীকা।

* সাজদায় যাওয়ার সময় উভয় হাটু একত্রে, তারপর উভয় হাত একত্রে, তারপর নাক এবং তারপর কপাল জমীনে রাখবে। এই তারতীব সুন্নাত। ওজরের সময় হাটুর পূর্বে হাত রাখতে হলে প্রথমে ডান হাত, তারপর বাম হাত, তারপর উভয় হাটু একত্রে রাখবে। (আসন الفتاوى ج ৩/১)

* হাটু জমীনে লাগার পূর্বে কোমর মাথা সামনের দিকে ঝুঁকানো মাকরুহ বরং কোমর সোজা রাখবে। (আসন الفتاوى ج ৩/১)

* সাজদায় যাওয়ার সময় হাটুর উপর হাত দিয়ে ভর না করা, এতে হাটু মাটিতে লাগার পূর্বেই কোমর ও মাথা সামনের দিকে ঝুঁকে যায়। তদুপরি অনেকে এটাকে সুন্নাত মনে করে বিধায় এ থেকে বিরত থাকা উচিত।

* সাজদায় যাওয়ার সময় কাপড় নাড়াচাড়া বা টানাটানি করবে না। এরূপ করা মাকরুহ।

* সাজদায় উভয় হাতের মাঝে চেহারার চওড়া পরিমাণ ফাঁক রাখবে।

* উভয় হাতের সমস্ত আঙ্গুল খুব মিলিয়ে রাখা সুন্নাত।

* উভয় হাতের সমস্ত আঙ্গুলের অগ্রভাগ কেবলামুখী রাখা সুন্নাত।

* উভয় হাতের মধ্যখানে বৃদ্ধ আঙ্গুলদ্বয়ের নখ বরাবর নাক রাখবে।

* নজর নাকের উপর রাখা আদব।

* দুই পায়ের টাখনু কাছাকাছি রাখবে, মিলাবে না। সাজদাতে টাখনু মিলানো বা পৃথক রাখা সম্পর্কে হাদীছে উভয় রকমের বর্ণনা পাওয়া যায়। এতদুভয়ের মাঝে সমন্বয় হল কাছাকাছি রাখবে। (আসন الفتاوى) এছাড়া কয়েকটি যুক্তির ভিত্তিতে এটাকেই প্রাধান্য দেয়া হয়েছে।

* উভয় পা খাড়া রাখবে।

* পায়ের আঙ্গুলসমূহ জমীনের সাথে চেপে ধরে যথাসম্ভব আঙ্গুলের অগ্রভাগ কেবলামুখী করে রাখবে।

* কপালের অধিকাংশ ও নাক জমীনের সংঙ্গে লাগিয়ে রাখা ওয়াজিব।

(আসন الفتاوى ج ৩/১)

* পুরুষগণ পেট রান থেকে, বাহু পাজর থেকে এবং কনুই জমীন থেকে পৃথক রাখবে।

* মহিলাগণ উভয় পা ডান দিকে বের করে দিবে এবং পেট দুই রানের সঙ্গে এবং বাহু পাজরের সঙ্গে মিলিয়ে ও কনুই পর্যন্ত হাত জমীনের সঙ্গে লাগিয়ে খুব চেপে সাজদা করবে।

* সাজদায় سُبْحَانَ رَبِّيَ الْأَعْلَى (আমার মহান রবের পবিত্রতা বর্ণনা করছি) পড়া সুন্নাত। এই তাসবীহ তিন/পাঁচ/সাত-এরূপ বেজোড় সংখ্যায় পড়া সুন্নাত।

* আল্লাহ্ আকবার বলে সাজদা থেকে উঠা সুন্নাত। উঠার সময় প্রথমে কপাল, তারপর নাক, তারপর হাত জমীন থেকে উঠানো সুন্নাত।

* সোজা হয়ে বসার সাথে সাথে আকবার বলা শেষ করবে। এটাই সুন্নাত তরীকা।

* বাম পা বিছিয়ে তার উপর বসা সুন্নাত। মহিলাগণ দুই নিতম্বের উপর বসবে।

* বসার সময় পুরুষের জন্য ডান পা সোজা খাড়া রাখা সুন্নাত।

* ডান পা জমীনের সঙ্গে চেপে ধরে যথা সম্ভব ডান পায়ের আঙ্গুলগুলো কেবলামুখী করে রাখা সুন্নাত। মহিলাগণ উভয় পা ডান দিকে বের করে দিবে।
(شرح سنیه)

* বসার সময় হাতের আঙ্গুলগুলোর মাঝে সামান্য ফাঁক রাখা মোস্তাহাব।
(شرح سنیه) মহিলাগণ আঙ্গুল মিলিয়ে রাখবে। (بیشتری زیور)

* হাতের আঙ্গুলগুলো সোজা কেবলামুখী করে রাখা মোস্তাহাব।

(شرح سنیه و شرح وقایه)

* হাতের আঙ্গুলগুলোর অগ্রভাগ হাটুর কিনারা বরাবর রাখবে।

* বসার সময় নজর কোলের উপর নিবদ্ধ রাখা আদব।

* দুই সাজদার মাঝখানে স্থির হয়ে বসা ওয়াজিব।

* দুই সাজদার মাঝখানে নিম্নোক্ত দুআ পড়া মোস্তাহাব :

اَللّٰهُمَّ اغْفِرْ لِيْ وَارْحَمْنِيْ وَاَرْزُقْنِيْ وَاهْدِنِيْ

اَللّٰهُمَّ اغْفِرْ لِيْ وَارْحَمْنِيْ وَعَافِنِيْ وَاهْدِنِيْ وَاَرْزُقْنِيْ وَاَجْبِرْنِيْ

দ্বিতীয় সাজদায় যাওয়ার এবং সাজদার মধ্যে উপরোক্ত আমল সমূহ (১৮টা) করা।

* দ্বিতীয় সাজদা থেকেও আল্লাহ্ আকবার বলে উঠা সুন্নাত। উঠার সময় প্রথমে কপাল, তারপর নাক, তারপর হাত এবং তারপর হাঁটু জমীন থেকে উঠানো সুন্নাত।

* ২য় সাজদা থেকে উঠে বসা ছাড়াই দাঁড়িয়ে যাওয়া সুন্নাত।

* হাঁটুর উপর হাতে ভর করে উঠা মোস্তাহাব। (اصن الفتاوى ج ۳)

* সোজা হয়ে দাঁড়ানোর সাথে আকবার শব্দের উচ্চারণ শেষ করবে।

* ২য় রাকআতে ২য় সাজদা থেকে উঠে বসে তাশাহুদ পড়া ওয়াজিব।

* তাশাহুদ-এর মধ্যে أَشْهَدُ أَنْ (আশহাদু আল) বলতে বলতে হাতের হলকা বাধা অর্থাৎ, ডান হাতের বৃদ্ধ আঙ্গুলের অগ্রভাগ এবং মধ্যমার অগ্রভাগকে মিলানো এবং কনিষ্ঠ ও অনামিকাকে হাতের তালুর সঙ্গে মিলানো। এটা মোস্তাহাব। 'লাইলাহা' বলতে বলতে শাহাদাত অঙ্গুলিকে উপর দিকে উঠানো, এতটুকু উঠানো যেন তার অগ্রভাগ কেবলামুখী হয়ে যায়। 'ইল্লাল্লাহ' বলার সময় নীচের দিকে নামানো। তবে বৈঠকের শেষ পর্যন্ত রানের সাথে না মিলিয়ে উঁচু করে রাখা নিয়ম। (أحسن الفتاوى ج ১/ ১) এই হলকা বৈঠকের শেষ পর্যন্ত রাখবে। (أشرف الزبير)

* তাশাহুদের পর দুরুদ শরীফ পড়া সুন্নাত।

* তারপর দুআয়ে মাছুরা পড়া মোস্তাহাব।

* তারপর اللَّهُ عَلَيْنَا وَالسَّلَامُ عَلَيْكُمْ وَرَحْمَةُ اللَّهِ বলে উভয় দিকে সালাম ফিরানো ওয়াজিব। (أحسن الفتاوى ج ১/ ৩)

* সালাম ফিরানোর সময় নজর কাঁধের উপর রাখা মোস্তাহাব।

* ডান দিকে সালাম ফিরানোর সময় ডান দিকের ফিরিশতাকে সালাম করার নিয়ত করবে। অনুরূপ বাম দিকে সালাম ফিরানোর সময় বাম দিকের ফিরিশতাকে সালামের নিয়ত করবে।

* উভয় সালাম চেহারা কেবলামুখী থাকা অবস্থায় শুরু করবে। এবং কাঁধে নয়র করে শেষ করবে।

* দ্বিতীয় সালামকে কম দীর্ঘ করা এবং আওয়াজ নীচু করা সুন্নাত।

* সালামের সময় ঘাড় এতটুকু ফিরানো যেন (পিছনে কেউ থাকলে) তার চেহারার উজ্জ পাশ দেখতে পারে। (بدائع الصنائع ج ১/ ১)

* এতক্ষণ দুই রাকআত নামাযের বিবরণ পেশ করা হল। তিন/চার রাকআত বিশিষ্ট নামায হলে দ্বিতীয় রাকআতের বৈঠকে শুধু তাশাহুদ পড়ে তৃতীয় রাকআতের জন্য আল্লাহ্ আকবার বলে উঠবে। আর সুন্নাতে গায়রে মুআক্কাদা বা নফল নামায হলে প্রথম বৈঠকে দুরুদ এবং দুআয়ে মাছুরাও পড়ে তারপর উঠা উত্তম। উল্লেখ্য যে, এ নিয়ম অনুযায়ী প্রথম বৈঠকে দুরুদ এবং দুআয়ে মাছুরা পড়ে উঠলে তৃতীয় রাকআতে ছানা এবং সূরা ফাতেহার পূর্বে আউযুবিল্লাহ পড়াও উত্তম।

* তিন/চার রাকআত বিশিষ্ট নামায ফরয হলে তৃতীয়/চতুর্থ রাকআতে শুধু সূরা ফাতেহা পড়া উত্তম। আর ফরয ব্যতীত অন্যান্য নামাযে ৩য়/৪র্থ রাকআতে সূরা/কিরাত মিলানো ওয়াজিব।

* শেষ বৈঠকে তাশাহ্‌হুদের পর দুরুদ শরীফ পড়া সুন্নাত এবং দুআয়ে মাছুরা পড়া মোস্তাহাব।

মুজাদী-র জন্য খাস মাসায়েল

* মুজাদী ইমামের পেছনে এক্তেদা করার নিয়ত করবে। এক্তেদার নিয়ত ব্যতীত মুজাদীর নামায সহীহ হয় না।

* ইমামের তাকবীরে তাহরীমা- ‘আল্লাহ আকবার’ শেষ হওয়ার পূর্বে মুজাদীর তাকবীর যেন শেষ না হয়।

* ইমামের তাকবীরে তাহরীমা শেষ হওয়ার পর সাথে সাথে মুজাদীর তাকবীরে তাহরীমা বলা উত্তম।

* ইমাম সূরা/কিরাত শুরু করলে মুজাদী ছানা পড়বে না।

* মুজাদী ইমামের পেছনে সূরা ফাতিহা বা কিরাত কোনটা পাঠ করবে না। সূরা ফাতিহার পূর্বে শুরুতে পঠিতব্য বিসমিল্লাহও পাঠ করবে না।

* মুজাদী رَبَّنَا لَكَ الْحَمْدُ না বলে তদস্থলে سَمِعَ اللَّهُ لِمَنْ حَمِدَهُ বলতে বলতে উঠবে। (شرح ص ১৬)

* সালাম ফিরানোর সময় ইমামের আস্‌সালামু বলার পূর্বে মুজাদীর আস্‌সালামু বলা যেন শেষ না হয়।

* ইমামের সালাম ফিরানোর পর সাথে সাথে মুজাদীর সালাম ফিরানো উত্তম।

* ডান দিকে সালাম ফিরানোর সময় ডান দিকের মুসল্লী এবং নেককার জিনদেরকে সালাম করার নিয়ত করবে, ইমাম ডান দিকে থাকলে ইমামকে সালাম করার নিয়তও করবে, আর বাম দিকে সালাম ফিরানোর সময় বাম দিকের মুসল্লী এবং নেককার জিনদেরকে সালাম করার নিয়ত করবে। ইমাম বাম দিকে থাকলে বাম সালামে তাঁরও নিয়ত করবে। আর ইমাম সোজা বরাবর থাকলে উভয় সালামেই তাঁর নিয়ত করবে।

মাছবুকের জন্য খাস মাসায়েল

(যে মুজাদী ইমামের সাথে প্রথম রাকআত থেকে শরীক হতে পারেনি, শুরুর দিকে এক বা একাধিক রাকআত ছুটে গিয়েছে, তাকে মাছবুক বলা হয়)

* ইমামের শেষ বৈঠকে মাছবুক তাশাহ্‌হুদ এমন ধীরে ধীরে পড়বে, যেন তার তাশাহ্‌হুদ শেষ হতে হতে ইমামের দুরুদ ও দুআয়ে মাছুরা শেষ হয়ে যায়। তবে আগেই তাশাহ্‌হুদ শেষ হয়ে গেলে তাশাহ্‌হুদের শেষ বাক্যটা

রাকআতে সূরা/কিরাত মিলাতে হবে এবং বৈঠক না করেই তৃতীয় রাকআতের জন্য উঠবে। তৃতীয় রাকআতে সূরা ফাতিহার সাথে কোন সূরা/কিরাত মিলাতে হবে না।

মাছবুক কোন রাকআত না পেলে কিভাবে পড়বে :

মাছবুক যদি কোন রাকআত না পায় শুধু শেষ বৈঠকে এসে শরীক হয়, তাহলে ইমামের উভয় সালাম ফিরানোর পর উঠে একাকী যেভাবে নামায পড়া হয় সেভাবে পূর্ণ নামায আদায় করবে।

ইমামের জন্য খাস মাসায়েল

* উত্তম লেবাহু পরিধান করে নামায পড়ানো এবং পড়া উত্তম।

(فتاوى محمودية ج ٢/١)

* ইমাম ইমামতের নিয়ত করবেন। নতুবা ইমামতের ছওয়াব অর্জিত হবে না।

* ইমামের জন্য সম্পূর্ণ মেহরাবের মধ্যে দাঁড়ানো মাকরুহ তানযীহী।

(فتاوى محمودية ج ٧/١)

* ইমাম প্রত্যেক উঠা বসা ইত্যাদির তাকবীর **سَمِعَ اللَّهُ لِمَنْ حَمِدَهُ** ও সালাম জোরে বলবেন। প্রয়োজনের চেয়ে খুব বেশী জোরে বলা মাকরুহ।

* জেহরী নামাযে (অর্থাৎ, মাগরিব ইশা ফজর ইত্যাদিতে) প্রথম দু-রাকআতে সূরা/কিরাত জোরে পড়বেন।

* মুসল্লীদের মধ্যে অসুস্থ বা হাজতমান্দ লোক থাকলে হালকা কিরাত পড়বেন। তবে সুন্নাত পরিমাণ ছেড়ে নয়।

* রুকুর থেকে উঠার পর রব্বানা লাকাল হামদ বলবেন না।

* ইমামের জন্য রুকু সাজদায় তাসবীহ তিন/পাঁচবার এমনভাবে পড়া উত্তম, যেন মুক্তাদীগণ সাধারণ ভাবে তিনবার পড়তে পারে। তবে মুক্তাদীগণ কষ্ট বোধ করার আশংকা না থাকলে অধিকও পড়তে পারেন।

* ইমাম দুই সাজদার মধ্যখানে বৈঠকে দুআ পড়বেননা তবে **اللَّهُمَّ اغْفِرْ لِي** -এতটুকু পড়তে পারেন।

* ডান দিকে সালাম ফিরানোর সময় ডান দিকের মুক্তাদী এবং বাম দিকে সালাম ফিরানোর সময় বাম দিকের মুক্তাদীদেরও নিয়ত করবেন।

* ফজর এবং আসর নামাযের সালামান্তে মুসল্লীদের দিকে ফিরে বসবেন। ডান দিক দিয়ে ফেরা এবং ডান দিকের মুসল্লীদের দিকে মুখ করে বসা

উত্তম। তবে বাম দিক দিয়ে ফেরা কিংবা পেছনের দিকে ফিরে সোজা পূর্বমুখী হয়ে বসাও জায়েয। (مراۓ الفلاح)

* ফরয নামাযের পর অন্যত্র সরে সুনাত পড়া উত্তম।

দুআ/মুনাজাতের আদব ও আমল সমূহ

(ক) দুআ কবুল হওয়ার জন্য সর্বক্ষণ যা যা করণীয় :

১. খাদ্য, পানীয়, পোশাক-পরিচ্ছদ ও আয়-উপার্জন হালাল হওয়া।
২. মাতা-পিতার নাফরমানী থেকে বিরত থাকা।
৩. আমর বিল' মারুফ ও নাহি আনিল মুনকার করা তথা ভাল কাজের আদেশ করা ও মন্দ কাজ থেকে বারণ করা।
৪. আত্মীয়দের সাথে সম্পর্ক ছিন্ন না করা।
৫. কোন মুসলমানের সাথে অন্যায়ভাবে তিন দিনের বেশী কথা বন্ধ না রাখা।
৬. গীবত না করা। গীবতকারী ব্যক্তির দুআ কবুল হয় না।
৭. হাছাদ বা হিংসা না করা। হিংসুকের দুআ কবুল হয় না।
৮. বখীলী বা কৃপণতা না করা। কৃপণ ব্যক্তির দুআ কবুল হয় না।
৯. দুআ কবুল হওয়ার জন্য তাড়াহুড়া না করা।
১০. হৃদয় মরে গেলে দুআ কবুল হয় না। উল্লেখ্য-যিকির না করলে, বেশী হাসলে, বেশী কথা বললে হৃদয় মরে যায়।

(খ) দুআর সময় বসার আদব :

১. কেবলামুখী হয়ে বসা।
২. হাঁটু গেড়ে বসা।
৩. আদব, তাওয়াযু ও বিনয়ের সাথে বসা।
৪. পাক-সাফ হয়ে বসা।
৫. উযু সহকারে বসা।
৬. দুআর সময় আসমানের দিকে নজর না উঠানো।

(গ) দুআর সময় হাত উঠানোর নিয়মাবলী :

১. সীনা বা কাঁধ বরাবর হাত উঠানো।
২. উভয় হাতের তালু আসমানের দিকে রাখা মোস্তাহাব।
৩. উভয় হাতের আঙ্গুলসমূহ কেবলামুখী রাখা মোস্তাহাব।
৪. উভয় হাতের মাঝখানে সামান্য পরিমাণ ফাঁক রাখা মোস্তাহাব।

৫. উভয় হাতের আঙ্গুলসমূহ মিলিয়ে নয় বরং সামান্য ফাঁক রাখা মোস্তাহাব।
৬. দুআ শেষ পূর্বক বরকতের জন্য মুখে হাত বুলিয়ে নেয়া।

(ঘ) দুআ শুরু এবং শেষ করার বাক্যসমূহ :

১. দুআর শুরু এবং শেষে আল্লাহর হাম্দ ও ছানা (প্রশংসা) বয়ান করা।
২. দুআর শুরু এবং শেষে দুরুদ ও সালাম পড়া।

বিঃ দ্রঃ এ দুটি আমলের জন্য নিম্নোক্ত বাক্য দিয়ে দুআ শুরু করা যায় :

اَلْحَمْدُ لِلّٰهِ رَبِّ الْعٰلَمِيْنَ وَالصَّلٰةُ وَالسَّلَامُ عَلٰى الْمُرْسَلِيْنَ -

এবং শেষে নিম্নোক্ত বাক্য বলা যায়-

سُبْحَانَ رَبِّكَ رَبِّ الْعِزَّةِ عَمَّا يَصِفُوْنَ وَسَلَامٌ عَلٰى الْمُرْسَلِيْنَ
وَالْحَمْدُ لِلّٰهِ رَبِّ الْعٰلَمِيْنَ -

৩. 'আমীন' বলে দুআ শেষ করা।

(ঙ) দুআর সময় মনের অবস্থা যে রকম রাখতে হয় :

১. এখলাসের সাথে খালেস মনে দুআ করা অর্থাৎ, আল্লাহ ব্যতীত কেউ তার উদ্দেশ্য পূর্ণ করতে পারে না- এই মনোভাব বদ্ধমূল রাখা।
২. দ্ব্যর্থহীন মনোভাব নিয়ে দুআ করা।
৩. আত্মহ এবং অনুপ্রাণিত মনে দুআ করা।
৪. যথাসম্ভব মনোযোগ সহকারে দুআ করা।
৫. নাছোড় মনোভাব নিয়ে দুআ করা।
৬. দুআ কবুল হওয়ার দৃঢ় আশা রাখা।

(চ) চাওয়ার আদবসমূহঃ

১. আল্লাহর আহ্বায়ে হুছনা (উত্তম নাম) ও মহান গুণাবলী উল্লেখ পূর্বক চাইতে হয়।
২. প্রথমে নিজের জন্য, তারপর মাতা-পিতা ও অন্যান্য মুসলমান ভাইদের জন্য চাওয়া। ইমাম হলে জামাআতের সকলের জন্য চাইবেন।
৩. বারবার চাওয়া; অন্ততঃ তিনবার। একই মজলিসে তিনবার বা তিন মজলিসে তিনবার। তবে তিনবার চাওয়ার এই নিয়ম একাকী দুআ করার ক্ষেত্রে প্রযোজ্য।

৪. নিম্নস্বরে চাওয়া। তবে মজলিসের লোকদেরকে শোনানোর প্রয়োজনে জোর আওয়াজে দুআ করা যায়। কিন্তু যদি কোন নামাযী ব্যক্তির নামাযে ব্যাঘাত ঘটে, তাহলে তখন জোর আওয়াজে দুআ করা নিষিদ্ধ।
৫. কোন নেক কাজের উল্লেখ পূর্বক দুআ কবুল হওয়ার জন্য আল্লাহর কাছে আবেদন প্রার্থনা করা।
৬. আশিয়ায়ে কেরাম এবং অন্যান্য নেককার ও বুয়ুর্গদের ওহীলায় দুআ কবুল হওয়ার প্রার্থনা করা।

(ছ) দু'আর বিষয়বস্তু বিষয়ক আদবসমূহঃ

১. আখেরাত ও দুনিয়া উভয় জগতের প্রয়োজন সমূহকে অন্তর্ভুক্ত করে দুআ করা।
২. কোন পাপের বিষয় না চাওয়া।
৩. এমন বিষয় প্রার্থনা না করা, যার সিদ্ধান্ত হয়ে গেছে; (যেমন নারী দুআ করবে না যেন সে পুরুষ হয়ে যায়, কিংবা বেটে মানুষ লম্বা হওয়ার বা কাল মানুষ ফর্সা হওয়ার দুআ করবে না, ইত্যাদি।)
৪. কোন অসম্ভব বিষয়ের দুআ না করা।
৫. নিজের মুখাপেক্ষিতা, প্রয়োজন ও অক্ষমতার বিষয় উল্লেখ করা।

(জ) দুআর ভাষা বিষয়ক আদবসমূহঃ

১. হযরত রাসূল (সাঃ) থেকে বর্ণিত বা কুরআনে বর্ণিত ভাষায় দুআ করা।
২. কথার ছন্দ মিলানোর জন্য কসরত না করা।
৩. কবিতার মাধ্যমে দুআ করলে গানের ভঙ্গি থেকে বিরত থাকা।

দুআ সম্পর্কে আরও বিশেষ কয়েকটি কথা

* দুআ কবুল হওয়ার জন্য ওলী বা মুতাকী হওয়া শর্ত নয়-পাপীদের দুআও আল্লাহ কবুল করে থাকেন। অবশ্য আল্লাহর খাস বান্দাদের দুআ আল্লাহ বেশী কবুল করে থাকেন। অতএব আমি পাপী বা আমি নগণ্য-এরূপ ধারণার বশবর্তী হয়ে দুআ করা ছেড়ে দেয়া সমীচীন নয়।

* কয়েকবার দুআ করে হতাশ হয়ে দুআ করা ছেড়ে দেয়া উচিত নয়। কেননা মানুষের কল্যাণের জন্যই কখনো কখনো দুআ বিলম্বে কবুল হয়।

* দুআ কখনো বৃথা যায় না। কখনও এমন হয় যে, মানুষ যা দুআ করে হুবহু তা পায়। কখনও যা চাওয়া হয় তা না দিয়ে তার পরিবর্তে অন্য কোন

নেয়ামত প্রদান করা হয় অথবা কোন বিপদকে তার থেকে হঠিয়ে দেয়া হয় বা দুআর ওহীলায় তার গোনাহ ক্ষমা করে দেয়া হয় কিংবা দুনিয়াতে যা চাওয়া হয় তা না দিয়ে পরকালের সঞ্চয় হিসেবে তা রেখে দেয়া হয়। মোটকথা-দুআ কখনো বৃথা যায় না, তবে তা কবুল হওয়ার প্রক্রিয়া এক নয়।

* সব সময়ই দুআ করা যায়; তবে এমন কিছু সময় রয়েছে যখন দুআ করলে আল্লাহ তা'আলা বিশেষ ভাবে কবুল করে থাকেন।

দুআ কবুল হওয়ার বিশেষ কয়েকটি মুহূর্ত

- ১। ফরয নামাযের পর।
- ২। শেষ রাতে।
- ৩। রমযান মাসের দিবারাত্রির সব সময়, বিশেষভাবে ইফতারের সময়।
- ৪। কোন নেক কাজ সম্পাদনের পর।
- ৫। সফরের অবস্থায়। বিশেষ ভাবে যদি আল্লাহর দ্বীনের রাস্তায় সফর হয়।
- ৬। শবে কদরে।
- ৭। আরাফার দিনে।
- ৮। জুমুআর রাতে।
- ৯। জুমুআর দিন বিশেষ কোন এক মুহূর্তে। অনেকের মতে এ সময়টি জুমুআর দিন আসরের পর থেকে সূর্য অস্ত যাওয়ার মধ্যে রয়েছে।
- ১০। জুমুআর খুতবা শুরু হওয়া থেকে নামায শেষ হওয়া পর্যন্ত, তবে খুতবা চলাকালীন দুআ করলে মনে মনে করতে হবে অথবা ইমাম খুতবার মধ্যে যে দুআ করবেন তাতে মনে মনে (মুখে কোন প্রকার শব্দ করা ছাড়া) আমীন বলতে হবে।)

কুরআনে বর্ণিত বিশেষ কয়েকটি মুনাজাত

(১) رَبَّنَا ظَلَمْنَا أَنْفُسَنَا وَإِنْ لَمْ تَغْفِرْ لَنَا وَتَرْحَمْنَا لَنَكُونَنَّ مِنَ الْخَاسِرِينَ -

(১) হে আমাদের রব, আমরা নিজেদের প্রতি জুলুম করেছি। যদি তুমি আমাদেরকে ক্ষমা না কর এবং আমাদের প্রতি রহম না কর, তাহলে অবশ্যই আমরা ধ্বংস হয়ে যাব। (সূরা আ'রাফঃ ২৩)

(২) رَبَّنَا فَاعْفُ رْلَنَا ذُنُوبَنَا وَكَفِّرْ عَنَّا سَيِّئَاتِنَا وَتَوَفَّنَا مَعَ الْأَبْرَارِ -

(২) হে আমাদের রব! আমাদের সকল গোনাহ মাফ কর এবং আমাদের সকল দোষ-ত্রুটি দূর করে দাও। আর আমাদেরকে মৃত্যু দাও নেককার লোকদের সাথে। (সূরা আলে ইমরানঃ ১৯৩)

(৩) رَبَّنَا اغْفِرْ لِي وَلِوَالِدَيَّ وَلِلْمُؤْمِنِينَ يَوْمَ يَقُومُ الْحِسَابُ -

(৩) হে আমাদের রব! আমাকে, আমার পিতা-মাতাকে এবং সমস্ত মুমিনকে ক্ষমা কর, যেদিন হিসাব কায়ম হবে। (সূরা ইবরাহীমঃ ৪১)

(৪) رَبِّ ارْحَمْهُمَا كَمَا رَبَّيْنِي صَغِيرًا -

(৪) হে আমার রব! তাঁদের (মাতা-পিতা) উভয়ের প্রতি রহম কর যেমন তাঁরা শৈশবে আমাকে লালন-পালন করেছেন। (বানী ইসরাঈলঃ ২৪)

(৫) رَبَّنَا لَا تَزِرْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً إِنَّكَ أَنْتَ الْوَهَّابُ -

(৫) হে আমাদের রব! আমাদেরকে হেদায়েত করার পর তুমি আমাদের অন্তরসমূহকে বক্র করে দিও না। তুমি তোমার নিকট থেকে আমাদেরকে অনুগ্রহ দান কর। তুমিই সব কিছুর দাতা। (সূরা আলে ইমরানঃ ৮)

(৬) رَبِّ اجْعَلْنِي مُقِيمَ الصَّلَاةِ وَمِنْ ذُرِّيَّتِي رَبَّنَا وَتَقَبَّلْ دُعَاءِ -

(৬) হে আমার রব! আমাকে এবং আমার সন্তানদেরকে নামায কায়মকারী বানাও। (সূরাঃ ইবরাহীমঃ ৪০)

(৭) رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا -

(৭) হে আমাদের পরওয়ারদিগার, আমাদের স্ত্রীদের থেকে এবং আমাদের সন্তানাদি থেকে আমাদেরকে শান্তি দান কর। আর মুত্তাকীদের জন্য আমাদেরকে নেতা (আদর্শ স্বরূপ) বানিয়ে দাও। (সূরাঃ ফুরকানঃ ৭৪)

(৮) رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ -

(৮) হে আমাদের রব! তুমি দুনিয়াতেও আমাদেরকে কল্যাণ দান কর এবং আখেরাতেও। আর জাহান্নামের আগুন থেকে আমাদেরকে রক্ষা কর। (সূরা বাকারাঃ ২০১)

(৭) رَبَّنَا وَاتِنَا مَا وَعَدْتَنَا عَلَىٰ رُسُلِكَ وَلَا تُخْزِنَا يَوْمَ الْقِيَمَةِ إِنَّكَ لَا تُخْلِفُ الْمِيعَادَ -

(৯) হে আমাদের রব! আমাদেরকে তুমি দান কর যা তুমি ওয়াদা করেছ তোমার রাসূলগণের মাধ্যমে এবং কিয়ামতের দিন তুমি আমাদেরকে অপমানিত করো না, নিশ্চয় তুমি ওয়াদা খেলাফ কর না। (আলে ইমরানঃ ১৯৪)

(১০) رَبِّ اشْرَحْ لِي صَدْرِي وَيَسِّرْ لِي أَمْرِي وَاحْلُلْ عُقْدَةً مِّنْ لِّسَانِي يَفْقَهُوا قَوْلِي -

(১০) হে আমার পালনকর্তা! আমার বক্ষ উন্মোচন করে দাও (অর্থাৎ, মনোবল বৃদ্ধি করে দাও, জ্ঞান বহন করার উপযোগী বানিয়ে দাও এবং দ্বীন প্রচার কার্যে হীনমন্যতা এবং বিরোধিতার কারণে সৃষ্ট সংকোচবোধ দূর করে দাও) আর আমার কাজ সহজ করে দাও এবং আমার জিহ্বা থেকে জড়তা দূর করে দাও, যাতে লোকেরা আমার কথা বুঝতে পারে। (সূরা তাহাঃ ১৫-২৮)

(১১) رَبِّ زِدْنِي عِلْمًا -

(১১) হে আমার রব! তুমি আমার ইল্ম বৃদ্ধি করে দাও। (তাহাঃ ১১৪)

(১২) رَبَّنَا اغْفِرْ لَنَا وَلِإِخْوَانِنَا الَّذِينَ سَبَقُونَا بِالْإِيمَانِ وَلَا تَجْعَلْ فِي قُلُوبِنَا غِلًّا لِلَّذِينَ آمَنُوا رَبَّنَا إِنَّكَ رَءُوفٌ رَّحِيمٌ -

(১২) হে আমাদের রব! আমাদেরকে ক্ষমা কর এবং আমাদের সেই ভাইদেরকেও, যারা আমাদের পূর্বে ঈমান এনেছেন। আর ঈমানদারদের প্রতি আমাদের অন্তরে যেন ঈর্ষা না হয়। হে আমাদের রব! নিশ্চয় তুমি বড় স্নেহশীল, করুণাময়। (সূরা হাশরঃ ১০)

(১৩) رَبِّ اغْفِرْ وَارْحَمْ وَأَنْتَ خَيْرُ الرَّاحِمِينَ -

(১৩) হে আমার রব! তুমি ক্ষমা কর এবং রহম কর, তুমিতো শ্রেষ্ঠ দয়ালু। (সূরা মু'মিনূনঃ ১১৮)

(১৪) رَبَّنَا اصْرِفْ عَنَّا عَذَابَ جَهَنَّمَ إِنَّ عَذَابَهَا كَانَ غَرَامًا -

(১৪) হে আমাদের প্রতিপালক! আমাদের থেকে জাহান্নামের শাস্তি হটিয়ে দাও, তার শাস্তিতো নিশ্চিত ধ্বংস। (সূরা ফুরকানঃ ৬৫)

(১৫) رَبِّ هَبْ لِيْ حُكْمًا وَّالْحَقِّنِيْ بِالصَّلٰحِيْنَ -

(১৫) হে আমার প্রতিপালক! আমাকে জ্ঞান দান কর এবং আমাকে নেককার লোকদের অন্তর্ভুক্ত কর। (সূরা ওআরাঃ ৮৩)

(১৬) رَبِّ نَجِّنِيْ مِنَ الْقَوْمِ الظَّالِمِيْنَ -

(১৬) হে আমার রব! আমাকে জালেম সম্প্রদায় থেকে রক্ষা কর। (সূরা কাসাসঃ ২১)

(১৭) رَبِّ اَنْصُرْنِيْ عَلٰى الْقَوْمِ الْمُفْسِدِيْنَ -

(১৭) হে আমার প্রতিপালক! ফ্যাসাদী লোকদের মোকাবেলায় তুমি আমাকে সাহায্য কর। (সূরা আনকাবুতঃ ৩০)

(১৮) رَبَّنَا لَا تَجْعَلْنَا فِتْنَةً لِّلْقَوْمِ الظَّالِمِيْنَ وَنَجِّنَا بِرَحْمَتِكَ مِنَ الْقَوْمِ الْكَافِرِيْنَ -

(১৮) হে আমাদের প্রতিপালক! আমাদেরকে যালেম লোকদের উৎপীড়নের পাত্র বানিওনা এবং তোমার রহমতে কাফের সম্প্রদায় থেকে আমাদেরকে রক্ষা কর। (সূরা ইউনুসঃ ৮৫)

(১৯) رَبَّنَا افْتَحْ بَيْنَنَا وَبَيْنَ قَوْمِنَا بِالْحَقِّ وَاَنْتَ خَيْرُ الْفَاتِحِيْنَ -

(১৯) হে আমাদের প্রতিপালক! তুমি আমাদের মাঝে এবং আমাদের জাতির মাঝে সঠিক ফয়সালা করে দাও। তুমিই সর্বোত্তম ফয়সালাকারী। (সূরা আ'রাফঃ ৮৯)

(২০) رَبَّنَا تَقَبَّلْ مِنَّا اِنَّكَ اَنْتَ السَّمِيْعُ الْعَلِيْمُ -

(২০) হে আমাদের প্রতিপালক! তুমি আমাদের থেকে কবুল কর, নিশ্চয়ই তুমি সব কিছু শুনতে পাও, সব কিছু জান। (সূরাঃ বাকারাঃ ১২৭)

হাদীছে বর্ণিত বিশেষ কয়েকটি মুনাজাত

(১) اَللّٰهُمَّ اِنِّیْ اَسْأَلُكَ الْهُدٰی وَالتَّقٰی وَالعَفَافَ وَالعِغْنٰی -

(১) হে আল্লাহ! আমি তোমার নিকট হেদায়েত, তাকওয়া, অন্যায় থেকে বিরত থাকার তওফীক এবং মনে অভাববোধ না থাকা ও সম্পদের স্বচ্ছলতা প্রার্থনা করছি।

(২) اَللّٰهُمَّ اغْفِرْ لِيْ مَا قَدَّمْتُ وَمَا اَخَّرْتُ وَمَا اَسْرَرْتُ وَمَا اَعْلَنْتُ وَمَا اَنْتَ اَعْلَمُ بِهِ مِنِّيْ ، اَنْتَ الْمُقَدِّمُ وَاَنْتَ الْمُؤَخِّرُ وَاَنْتَ عَلٰى كُلِّ شَيْءٍ قَدِيْرٌ -

(২) হে আল্লাহ! আমার পূর্বের গোনাহ, পরের গোনাহ, প্রকাশ্যকৃত গোনাহ এবং গোপনকৃত গোনাহ আর আমার যত গোনাহ সম্পর্কে তুমি অবহিত আছ, সব ক্ষমা করে দাও। তুমি যাকে চাও আগে রহমতের তওফীক দাও এবং যাকে চাও তাকে পরে দাও। তুমি সব কিছুর ক্ষমতা রাখ।

(৩) اَللّٰهُمَّ اِنَّكَ عَفُوٌّ تَحِبُّ الْعَفْوَ فَاعْفُ عَنِّيْ -

(৩) হে আল্লাহ! তুমি বড়ই ক্ষমাশীল, ক্ষমা করতে তুমি ভালবাস, অতএব আমাকে ক্ষমা করে দাও।

(৪) اَللّٰهُمَّ اِنِّیْ اَسْأَلُكَ عِلْمًا نَافِعًا وَعَمَلًا مُّتَقَبَّلًا وَرِزْقًا طَيِّبًا -

(৪) হে আল্লাহ, আমি তোমার নিকট চাই এমন ইল্ম যা উপকার দিবে, এমন আমল যা কবুল হবে এবং হালাল রিযিক।

(৫) اَللّٰهُمَّ اِنِّیْ اَسْأَلُكَ الصِّحَّةَ وَالْعِفَّةَ وَحُسْنَ الْخُلُقِ وَالرِّضٰی بِالْقَدْرِ -

(৫) হে আল্লাহ, আমি তোমার নিকট সুস্থতা, চারিত্রিক পবিত্রতা, সূচরিত্র এবং তাকদীরে রাজি থাকার তওফীক চাই।

(৬) اَللّٰهُمَّ طَهِّرْ قَلْبِيْ مِنَ النِّفَاقِ وَعَمَلِيْ مِنَ الرِّیَآءِ وَلِسَانِيْ مِنَ الْكِذْبِ وَعَيْنِيْ مِنَ الْخِيَانَةِ ، فَاِنَّكَ تَعْلَمُ خَائِنَةَ الْاَعْيُنِ وَمَا تُخْفِي الصُّدُوْرُ -

(৬) হে আল্লাহ! তুমি পবিত্র করে দাও, আমার অন্তরকে মুনাফেকী থেকে, আমলকে রিয়া থেকে, যবানকে মিথ্যা থেকে এবং দৃষ্টিকে অন্যায় নজর থেকে। তুমিতো চোখের ফাঁকি এবং অন্তরের গোপন বিষয় সম্পর্কে খুবই ওয়াকিফহাল।

(৭) اَللّٰهُمَّ اِنِّیْ اَسْأَلُكَ حُبَّكَ وَحُبَّ مَنْ يُحِبُّكَ وَالْعَمَلَ الَّذِیْ یُبْلِغُنِیْ حُبَّكَ - اَللّٰهُمَّ اجْعَلْ حُبَّكَ اَحَبَّ اِلَیَّ مِنْ نَفْسِیْ وَمَالِیْ وَاهْلِیْ وَمِنْ الْمَآءِ الْبَارِدِ -

(৭) হে আল্লাহ, আমি তোমার কাছে চাই তোমার ভালবাসা এবং তোমাকে যে ভালবাসে তার ভালবাসা আর এমন আমল, যা আমাকে তোমার

ভালবাসায় উপনীত করবে। হে আল্লাহ! আমার জীবন, আমার ধন-সম্পদ এবং আমার পরিবার-পরিজনের চেয়ে এবং ঠাণ্ডা পানির চেয়েও তোমার ভালবাসাকে আমার কাছে অধিক প্রিয় বানিয়ে দাও।

(৮) اللَّهُمَّ اجْعَلْ سِرِّي رَتِي خَيْرًا مِّنْ عَلَانِيَتِي وَاجْعَلْ عَلَانِيَتِي صَالِحَةً۔

(৮) হে আল্লাহ! আমার জাহিরী অবস্থার চেয়ে আমার বাতিনী অবস্থাকে সুন্দর বানিয়ে দাও আর জাহিরী অবস্থাকে দূরস্ত বানিয়ে দাও।

(৯) اللَّهُمَّ إِنِّي أَسْأَلُكَ الْعَافِيَةَ وَالْمُعَافَاةَ فِي الدُّنْيَا وَالْآخِرَةِ۔

(৯) হে আল্লাহ! আমি তোমার নিকট দুনিয়া আখেরাত উভয় জাহানেরই মুক্তি ও নিরাপত্তা কামনা করছি।

(১০) اللَّهُمَّ إِنِّي أَعُوذُ بِكَ مِنَ الْكُفْرِ وَالْفَقْرِ وَعَذَابِ الْقَبْرِ۔

(১০) হে আল্লাহ! আমি তোমার নিকট পানাহ চাই কুফরী থেকে, অভাব-অনটন থেকে এবং কবরের আযাব থেকে।

(শুক্রে মশকুতের মাসাবিহ)

আরও কতিপয় মুনাজাতের জন্য দেখুন ৩৪০ এবং ৫৫৬ নং পৃষ্ঠা।

নামাযে মনোযোগ সৃষ্টির জন্য যা যা করণীয়

১. নামাযে সূরা/কিরাত, দুআ, দুরুদ, ইত্যাদি যা যা পড়া হয় তার প্রত্যেকটা শব্দে শব্দে খেয়াল করে পড়া, বে খেয়ালীর সাথে মুখস্ত থেকে না পড়া। আর ইমামের সূরা/কিরাত শোনা গেলে সে ক্ষেত্রে মনোযোগের সাথে তা শোনা।
২. নামাযের প্রত্যেক রুকন ও কাজ মাসআলা অনুযায়ী হচ্ছে কি-না তার প্রতি খুব খেয়াল রেখে আদায় করা।
৩. আমি আল্লাহর সামনে দাঁড়িয়েছি, আল্লাহ আমার নামাযের সব কিছু দেখছেন, কিয়ামতের দিন এই নামাযের সব কিছুর পুংখানুপুংখ হিসাব তার কাছে দিতে হবে-এই ধ্যান জাগ্রত রাখা।

ওয়াজিয়া নামায

* প্রতিদিন মোট পাঁচ ওয়াজ নামায ফরয। যথাঃ ফজর, যোহর, আসর, মাগরিব ও ইশা। বিতর নামায ওয়াজিব এবং এটা ইশার অধীন।

ফজরের নামায

* ফজরে দুই রাকআত সুন্নাতে মুয়াক্কাদা এবং দুই রাকআত ফরয।

ফজরের নামাযের ওয়াক্তঃ

সুব্হে সাদেক থেকে নিয়ে সূর্যোদয় পর্যন্ত হল ফজরের নামাযের ওয়াক্ত। তবে আলো পরিষ্কার হওয়ার পর সূর্যোদয়ের এতটুকু পূর্বে নামায শুরু করা উত্তম যেন সুন্নাত পরিমাণ কিরাত সহকারে নামায আদায় করার পর যদি নামায ফাসেদ হওয়ার কারণে পুনরায় পড়তে হয়, তাহলে পুনরায় মাছনুন কিরাত যোগে নামায আদায় করা যায়। অর্থাৎ, মোটামুটি সূর্যোদয়ের আধঘন্টা পূর্বে নামায শুরু করলে উত্তম হয়।

ফজরের দুই রাকআত সুন্নাতে মুআক্কাদার বিশেষ কয়েকটি বিধানঃ

* এ দুই রাকআত সুন্নাতে যে কোন সূরা/কিরাত দিয়ে পড়া যায়, তবে তবে প্রথম রাকআতে সূরা কাফিরুন ও দ্বিতীয় রাকআতে সূরা এখলাস পড়া মুস্তাহাব। অথবা প্রথম রাকআতে সূরা বাকারার **قُولُوا آمَنَّا بِاللَّهِ وَمَا أُنزِلَ إِلَيْنَا** الخ আয়াত ও দ্বিতীয় রাকআতে সূরা আলে ইমরানের আয়াত **قُلْ يَا أَهْلَ الْكِتَابِ تَعَالَوْا** আয়াত পড়া মুস্তাহাব। (نَسَائِي - باب الافتاح) **إِلَى كَلِمَةٍ سَوَاءٍ** الخ অন্য সূরা দ্বারাও পড়বে যেন ঐ দুই সূরা দ্বারা পড়াই জরুরী- এরূপ বোধগম্য না হয়। (إسن الفتاوى ج ১/ ৩)

* ফজরের জামা'আত শুরু হয়ে গেলেও যদি আশা থাকে যে, সুন্নাত পড়ে নিয়েও অন্ততঃ শেষ বৈঠকে তাশাহুদে জামা'আতের সাথে শরীক হতে পারব, তাহলে সুন্নাত পড়ে নিবে। তবে এরূপ অবস্থায় সুন্নাত পড়তে হবে মসজিদের বাইরে (ভিতরে জামা'আত হতে থাকলে বারান্দায় পড়া বাইরের হুকুমে) বা পিলার প্রভৃতির আড়ালে। আর যদি শেষ বৈঠকে তাশাহুদেও শরীক হতে পারার আশা না থাকে কিংবা সুন্নাত পড়ার মত অনুরূপ স্থান না পায়, তাহলে সুন্নাত ছেড়ে দিয়ে জামা'আতে শরীক হয়ে যাবে এবং এরূপ ছেড়ে দেয়া সুন্নাত সূর্যোদয়ের পূর্বে পড়া জায়েয নেই। সূর্যোদয়ের পর এবং সূর্য ঢলার পূর্বে পড়ে নেয়া উত্তম, জরুরী নয়। (إسن الفتاوى ج ১/ ৩) আর যদি ফজরের ফরযসহ সুন্নাত কাযা হয়ে থাকে এবং সূর্য ঢলার পূর্বেই কাযা আদায় করা হয় তাহলে সুন্নাতসহ কাযা করবে। (إسن الفتاوى ج ১/ ৪)

* যদি কোন দিন কোন কারণে সুন্নাত পড়ার সময় না থাকে শুধু ফরয পড়ার সময় থাকে, তাহলে শুধু ফরয পড়ে নিবে এবং সুন্নাত উপরোক্ত নিয়মে কাযা করে নিবে।

* এই দুই রাকআত সুন্নাতের নিয়ত এভাবে করা যায়-

আরবীতে : نَوَيْتُ أَنْ أُصَلِّيَ رَكْعَتَي سُنَّةِ الْفَجْرِ :

বাংলায় : ফজরের দুই রাকআত সুন্নাতের নিয়ত করছি।

ফজরের দুই রাকআত ফরযের বিশেষ কয়েকটি বিধানঃ

* সফর বা জরুরতের অবস্থা না হলে ফজরের নামাযে তেওয়ালে মুফাস্সাল অর্থাৎ, সূরা হুজুরাত থেকে সূরা বুরুজ পর্যন্ত সূরাগুলোর মধ্য থেকে কিরাত পড়া সুন্নাত।

* ফজরের দ্বিতীয় রাকআত অপেক্ষা প্রথম রাকআত লম্বা হওয়া উত্তম।

* জুমুআর দিন ফজরের প্রথম রাকআতে সূরা আলিফ-লাম-মীম সাজদাহ এবং দ্বিতীয় রাকআতে সূরা দাহর পড়া মুস্তাহাব। তবে মাঝে মধ্যে ব্যতিক্রম করবে যাতে সাধারণ মানুষ এটাকে জরুরী মনে না করে বসে। (আসন القضاة ج ১/২)

* ফজরের দুই রাকআত ফরযের নিয়ত এভাবে করা যায়।

আরবীতে : نَوَيْتُ أَنْ أُصَلِّيَ رَكْعَتَي فَرْضِ الْفَجْرِ :

বাংলায় : ফজরের দুই রাকআত ফরয নামাযের নিয়ত করছি।

জোহরের নামায

* জোহরে প্রথম চার রাকআত সুন্নাতে মুয়াক্কাদাহ, তারপর চার রাকআত ফরয, তারপর দুই রাকআত সুন্নাতে মুয়াক্কাদাহ।

জোহরের ওয়াক্ত :

সূর্য পশ্চিম আকাশে হেলার পর থেকে প্রতিটি বস্তুর ছায়া (মূল ছায়া বাদে) দ্বিগুণ হওয়া পর্যন্ত। তবে শীতের মওসুমে ওয়াক্তের শুরু ভাগে এবং গরমের মওসুমে দেরীতে পড়া উত্তম। প্রতিটি বস্তুর ছায়া সমপরিমাণ হওয়ার পূর্ব পর্যন্ত যোহরের মোস্তাহাব ওয়াক্ত। (বেহেশতী জেওরঃ ১ম)

জোহরের চার রাকআত সুন্নাতের বিশেষ বিধানসমূহ :

* এই সুন্নাত শুরু করার পর ইমাম ফরযের জামা'আত শুরু করলে দুই রাকআতের কম পড়া হয়ে থাকলে দুই রাকআত পড়ে সালাম ফিরিয়ে জামা'আতে শরীক হয়ে যাবে। (এই দুই রাকআত নফল হয়ে যাবে) এবং এই সুন্নাত পরে পড়ে নিতে হবে। আর তৃতীয় বা চতুর্থ রাকআতে থাকলে সুন্নাত শেষ করে তারপর জামা'আতে শরীক হবে।

* জামা'আত শুরু হওয়ার পর এই সুন্নাত শুরু করবে না বরং জামা'আতে শরীক হয়ে যাবে।

* ফরযের পূর্বে এই সুন্নাত পড়তে না পারলে ফরযের পর প্রথমে পরবর্তী দুই রাকআত সুন্নাত পড়ে নিবে তারপর এই চার রাকআত সুন্নাত পড়বে।

* এই চার রাকআত সুন্নাতের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ أَرْبَعَ رَكَعَاتٍ سُنَّةَ الظُّهْرِ

বাংলায় : জোহরের চার রাকআত সুন্নাতের নিয়ত করছি।

জোহরের চার রাকআত ফরযের বিশেষ মাসায়েল :

* ফজরের ফরযের ন্যায় জোহরের ফরযের কিরাতও তেওয়ালে মুফাস্সাল থেকে হওয়া সুন্নাত। তবে জোহরে তেওয়ালে মুফাস্সালের মধ্যে তুলনামূলক ছোট সূরা পড়া সুন্নাত এবং উভয় রাকআতের কিরাত সমান হওয়া বা প্রথম রাকআতে সামান্য পরিমাণ বেশী হওয়া উভয় রকম করা যায়।

* জোহরের ফরযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ فَرَضَ الظُّهْرِ

বাংলায় : জোহরের ফরয নামাযের নিয়ত করছি।

আসরের নামায

* আসরে প্রথম চার রাকআত গায়রে মুয়াক্কাদা, তারপর চার রাকআত ফরয।

আসরের ওয়াক্ত :

জোহরের ওয়াক্ত শেষ হওয়ার পর থেকে সূর্য অস্ত যাওয়া পর্যন্ত আসরের সময়। তবে সূর্যের হলুদ হয়ে যাওয়ার পর আসরের ওয়াক্ত মাকরুহ হয়ে যায়। এর পূর্ব পর্যন্ত মোস্তাহাব ওয়াক্ত।

আসরের চার রাকআত ফরযের বিশেষ কয়েকটি মাসআলা :

* সফর বা জরুরতের অবস্থা না হলে আসরের নামাযে আওছাতে মুফাস্সাল অর্থাৎ, সূরা তারেক থেকে সূরা বাইয়েনা পর্যন্ত সূরাগুলোর মধ্য থেকে কিরাত পড়া সুন্নাত।

* আসরের ফরয নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ فَرَضَ الْعَصْرِ

বাংলায় : আসরের ফরয নামাযের নিয়ত করছি।

মাগরিবের নামায

* মাগরিবে তিন রাকআত ফরয, তারপর দুই রাকআত সুন্নাতে মুয়াক্কাদা।

মাগরিবের ওয়াক্ত :

সূর্য সম্পূর্ণ অস্ত যাওয়া থেকে নিয়ে পশ্চিম আকাশের লাল বর্ণ শেষ হওয়া পর্যন্ত মাগরিবের ওয়াক্ত (অর্থাৎ, প্রায় সোয়া ঘন্টা)। তবে মাগরিবের নামায দেবী করে পড়া মাকরুহ। আযানের সাথে সাথেই মাগরিবের নামায পড়ে নেয়া উত্তম। (نماز مسنون و বেহেশতী জেওর)

মাগরিবের তিন রাকআত ফরযের বিশেষ কয়েকটি মাসআলা :

* মাগরিবের ফরযে কেছারে মুফাস্সাল অর্থাৎ, সূরা যিলযাল থেকে সূরা নাছ পর্যন্ত সূরাগুলোর মধ্য থেকে কিরাত পড়া সুন্নাত।

* মাগরিবের ফরয নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ فَرَضَ الْمَغْرِبِ

বাংলায় : মাগরিবের ফরয নামাযের নিয়ত করছি।

ইশার নামায

* ইশার নামাযে প্রথম চার রাকআত সুন্নাতে গায়রে মুয়াক্কাদা, তারপর চার রাকআত ফরয, তারপর দুই রাকআত সুন্নাতে মুয়াক্কাদা এবং দুই রাকআত সুন্নাতে গায়রে মুয়াক্কাদাহ।

ইশার ওয়াক্ত :

মাগরিবের ওয়াক্তে বর্ণিত “পশ্চিমাকাশের লাল বর্ণ” শেষ হওয়ার পর সাদা বর্ণ দেখা যায়, তারপর কাল বর্ণ দেখা যায়, হযরত ইমাম আবু হানীফার মতে এখান থেকে শুরু করে সুব্হে সাদিক পর্যন্ত ইশার ওয়াক্ত। কিন্তু রাত্রে এক তৃতীয়াংশ পর্যন্ত মোস্তাহাব ওয়াক্ত, রাত্রি দ্বিপ্রহর পর্যন্ত মোবাহ ওয়াক্ত আর রাত্রে দ্বিপ্রহরের পর থেকে সুব্হে সাদেক পর্যন্ত ইশার মাকরুহ ওয়াক্ত।

ইশার চার রাকআত ফরযের বিশেষ কয়েকটি মাসআলা :

* আওছাতে মুফাস্সাল থেকে কিরাত পড়া সুন্নাত।

* ইশার ফরয নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ فَرَضَ الْعِشَاءِ

বাংলায় : ইশার ফরয নামাযের নিয়ত করছি।

জামা'আতের মাসায়েল

* পাঁচ ওয়াক্তের ফরয নামায জামা'আতের সাথে পড়া সুন্নাতে মুআক্কাদা। অনেক মুহাক্কিক আলেমের মতে ওয়াজিব। বিনা ওজরে জামা'আত তরক করা গোনাহ। যে বিনা ওজরে সর্বদা জামা'আত তরক করে সে ফাসেক।

* পাঁচ ওয়াক্তের ফরয নামাযে ইমাম ব্যতীত একজন মুক্তাদী হলেও জামা'আত হয়ে যায়। চাই সে একজন সমঝদার নাবালেগ হোক বা মেয়েলোক হোক।

* স্ত্রীলোক, নাবালেগ, ক্রীতদাস এবং যাদের জামা'আত তরক করার ওজর রয়েছে তাদের উপর জামা'আত ওয়াজিব নয়।

* জামা'আত সহীহ হওয়ার জন্য ইমামকে মুসলমান হতে হবে, ইমামকে বালেগ ও বোধগম্য হতে হবে। মুক্তাদীকে এজ্জেদার নিয়ত করতে হবে এবং ইমাম ও মুক্তাদীর স্থান একই হতে হবে অর্থাৎ, ইমাম ও মুক্তাদীর মাঝে দুই কাতার পরিমাণ ব্যবধান বা গাড়ী চলার মত রাস্তার ব্যবধান থাকতে পারবে না বা একজন সওয়ারীতে অন্যজন মাটিতে থাকতে পারবে না। কিংবা ইমাম মুক্তাদী ভিন্ন ভিন্ন যানবাহনে থাকলেও হবে না।

* একাকী নামায পড়ার চেয়ে জামা'আতের সাথে নামায পড়লে ২৫ বা ২৭ গুণ বেশী ছওয়াব পাওয়া যায়।

* মহিলাদের জন্য মসজিদ বা ঈদগাহে জামা'আতে নামায পড়তে যাওয়া মাকরুহ ও নিবিদ্ধ। সাহাবাদের যুগ থেকেই এই নিষেধাজ্ঞা চলে আসছে।

(فتاوى دارالعلوم ج ৩/ ২ نقلًا عن الدر المختار)

* যে ব্যক্তি চল্লিশ দিন যাবত তাকবীরে উলার (প্রথম তাকবীরের) সাথে জামা'আতে শরীক হয়ে নামায পড়বে, তার জন্য জাহান্নাম থেকে রক্ষা পাওয়ার এবং মুনাফেকী থেকে মুক্ত থাকার পরওয়ানা লিখে দেয়া হবে। (তিরমিযী) ইমামের কিরাত শুরু করার আগ পর্যন্ত জামা'আতে শরীক হলেও তাকবীরে উলা পেয়েছে ধরা হবে।

* জামা'আত পাওয়ার আশায় মসজিদে এসে যদি দেখে জামা'আত হয়ে গিয়েছে তবুও জামা'আতের ছওয়াব পাওয়া যাবে।

* মসজিদে জামা'আত হয়ে গেলে মসজিদের বাইরে জামা'আত সহকারে নামায পড়তে পারলে উত্তম। এমনকি ঘরে এসে যারা নামায পড়েনি

তাদেরকে নিয়ে জামা'আত করবে। যদি শুধু স্ত্রীকে নিয়েও জামা'আত করা যায় তবুও উত্তম। তবে স্ত্রী একা মুক্তাদী হলে তাকে পিছনে দাঁড়িয়ে দিতে হবে। আর কোনভাবে অন্যত্র জামা'আত করতে না পারলে ফরয নামায মসজিদেই পড়া উত্তম। (نَدْوَى دَارُ الْعُلُوم ج ১/ ৩)

* হযরত ইমাম আবু হানীফা (রহঃ)-এর মতে মসজিদে ফরয নামাযের জন্য ছানী জামা'আত (অর্থাৎ, মসজিদে একবার জামা'আত হয়ে গেলে আবার দ্বিতীয়বার ঐ মসজিদে ঐ নামাযের জন্য জামা'আত) মাকরুহ তাহরীমী। তবে তিন অবস্থায় ছানী জামা'আত বরং আরও অধিক জামা'আত করা মাকরুহ নয়।

(১) যদি মসজিদ এমন হয় যার ইমাম মুআযযিন নির্দিষ্ট নেই। এরূপ অবস্থায় ছানী জামা'আত করা যায়।

(২) যদি প্রকাশ্যে আযান ইকামত ছাড়া প্রথম জামা'আত হয়ে থাকে।

(৩) যদি মসজিদের এলাকার নির্দিষ্ট মুসল্লী ও কর্তৃপক্ষ ব্যতীত অন্যরা প্রথম জামা'আত করে থাকে।

হযরত ইমাম আবু ইউসুফ (রহঃ)-এর মতে এই তিন অবস্থা ছাড়াও সর্বাবস্থায় ছানী জামা'আত করা যায়-মাকরুহ হবে না, যদি প্রথম জামা'আত যে স্থানে হয়েছে সে স্থান পরিবর্তন করে (ঐ মসজিদেই) অন্য স্থানে ছানী (দ্বিতীয়) জামা'আত করা হয়। অনেকে হযরত ইমাম আবু ইউসুফ (রহঃ)-এর মতানুসারে ছানী জামা'আত করে থাকেন, তবে ইমাম আবু হানীফা (রহঃ)-এর মত দলীলের দিক দিয়ে অধিক শক্তিশালী হওয়ার কারণে মুহাক্কিক আলেমগণ তাঁর মতানুসারেই ফতওয়া দিয়ে থাকেন। (نَدْوَى دَارُ الْعُلُوم ج ১/ ৩ ঐশী গোহর)

* একাকী ফরয নামায পড়ার পর যদি মসজিদে জামা'আত হতে দেখা যায় তাহলে তাতে শরীক হওয়া যায়, যদি সেটা জোহর বা ইশার জামা'আত হয়। এরূপ অবস্থায় জামা'আতের সাথে দ্বিতীয়বার যেটা পড়া হবে তা নফল বলে গণ্য হবে।

* যদি জোহরের চার রাকআত সুন্নাত শুরু করার পর জামা'আত শুরু হয়ে যায় তাহলে তার মাসআলা পূর্বে ১৯৬ পৃষ্ঠায় বর্ণনা করা হয়েছে।

* যদি আসর বা ইশার চার রাকআত সুন্নাতে গায়রে মুয়াক্কাদা শুরু করার পর জামা'আত শুরু হয়ে যায়, তাহলে দুই রাকআত পূর্ণ করার পূর্বে হলে দুই রাকআত পূর্ণ করে সালাম ফিরিয়ে জামা'আতে শরীক হয়ে যাবে।

পরে আর এই চার রাকআত বা অবিশিষ্ট দুই রাকআত পড়তে হবে না। আর তৃতীয় রাকআত বা চতুর্থ রাকআতে থাকা অবস্থায় জামাআত শুরু হলে চার রাকআত পূর্ণ করে তারপর জামাআতে শরীক হবে।

* একাকী ফরয নামায শুরু করার পর ঐ নামাযের জামাআত শুরু হলে তখন ছয়টি অবস্থা। যথাঃ

(এক) যদি দুই বা তিন রাকআত ওয়ালা নামায হয় এবং যদি এখনও সে দ্বিতীয় রাকআতের সাজদা না করে থাকে, তাহলে তৎক্ষণাৎ (ডান দিকে এক সালাম ফিরিয়ে ঐ নামায শেষ করে) জামাআতে শরীক হয়ে যাবে।

(দুই) আর যদি দুই বা তিন রাকআত ওয়ালা নামাযের দ্বিতীয় রাকআতের সাজদা করে থাকে, তাহলে ঐ নামাযই পূর্ণ করতে হবে। (জামাআতে শরীক হবে না।)

(তিন) যদি চার রাকআত ওয়ালা নামায হয় এবং প্রথম রাকআতের সাজদা না করে থাকে তাহলে তৎক্ষণাৎ (ডান দিকে এক সালাম ফিরিয়ে ঐ নামায শেষ করে) জামাআতে শরীক হয়ে যাবে।

(চার) কিন্তু যদি এক সাজদাও করে থাকে তবে দুই রাকআত পূর্ণ করে সালাম ফিরিয়ে জামাআতে শরীক হবে। তৃতীয় রাকআতের জন্য দাঁড়ানোর পূর্ব পর্যন্ত এই হুকুম।

(পাঁচ) যদি তৃতীয় রাকআতের জন্য দাঁড়িয়ে থাকে এবং এখনও তৃতীয় রাকআতের সাজদা না করে থাকে তবে ঐ দণ্ডায়মান অবস্থায়ই সালাম ফিরিয়ে (ঐ নামায শেষ করে) জামাআতে শরীক হয়ে যাবে।

(ছয়) যদি তৃতীয় রাকআতের সাজদা করে থাকে বা আরও পড়ে থাকে তাহলে ঐ নামায পূর্ণ করে নিবে। (বেহেশতী জেওর)

জামাআত ছাড়ার ওজরসমূহ

যেসব ওজর থাকলে জামাআত তরক করা যায় সেগুলো নিম্নরূপঃ

১। ছতর ঢাকা পরিমাণ কাপড় না থাকলে।

২। মুশলধারে বৃষ্টি বা প্রচণ্ড ঝড় তুফান হতে থাকলে এবং ছাতা না থাকলে ও কাপড়-চোপড় ভিজ়ে যাওয়ার সম্ভাবনা থাকলে। তবে এরূপ অবস্থায়ও কোনভাবে হাজির হতে পারলে উত্তম।

৩। মসজিদে যাওয়ার পথে ভীষণ কাদা থাকলে এবং চলা কষ্টকর ও জুতা/স্যাণ্ডেল নোংরা হয়ে যাওয়ার সম্ভাবনা থাকলে। তবে এরূপ হওয়া সত্ত্বেও হাজির হতে পারলে উত্তম।

৪। প্রচণ্ড শীতের কারণে মসজিদে গেলে রোগ সৃষ্টি হওয়ার আশংকা বা রোগ বৃদ্ধির আশংকা থাকলে।

৫। মসজিদে গেলে ঘরের মাল-সামান চুরি হওয়ার আশংকা থাকলে।

৬। মসজিদে গেলে শত্রুর সন্মুখীন হওয়ার আশংকা থাকলে।

৭। মসজিদে গেলে ঋণ দাতার সাক্ষাৎ ও তার মাধ্যমে উৎপীড়িত হওয়ার আশংকা থাকলে। অবশ্য তার ঋণ পরিশোধ করার সামর্থ্য থাকলে এটা ওজর বলে গণ্য হবে না।

৮। রাতের বেলায় নামাযের সময় প্রবল ঝড় তুফান আসলে।

৯। অন্ধকার রাতে পথ দেখা না গেলে এবং আলোর ব্যবস্থা না থাকলে।

১০। রোগীর সেবায় রত ব্যক্তি জামা'আতে গেলে যদি রোগী কষ্ট পায় বা চিন্তাযুক্ত হয়, তাহলে জামা'আত তরক করা জায়েয।

১১। খাবার প্রস্তুত হয়েছে বা এখনই হচ্ছে আবার ক্ষুধাও এত বেশী যে, খারার না খেয়ে নামাযে দাঁড়ালে নামাযে মন বসবেনা খাবারের দিকে মন থাকবে-এমন হলে।

১২। নামাযের মনোযোগ নষ্ট হওয়ার মত পেশাব পায়খানার প্রচণ্ড বেগ থাকলে।

১৩। রোগের কারণে চলা ফেরা করতে না পারলে।

১৪। অধিক লেংড়া বা পা কাটা বা অন্ধ হলে। অবশ্য অন্ধ ব্যক্তি অনায়াসে মসজিদে পৌঁছতে সক্ষম হলে তার জন্য জামা'আত ছেড়ে দেয়া উচিত নয়।

১৫। সফরে রওয়ানা হওয়ার সময় জামা'আতে গেলে কাফেলার সঙ্গীদের চলে যাওয়ার সম্ভাবনা থাকলে বা ভ্রমণের যানবাহন সম্পূর্ণ তৈরী এবং জামা'আতে গেলে যানবাহন চলে যাওয়ার ফলে ক্ষতির সম্ভাবনা থাকলে।

(مراقى الفلاح وشرح المنية)

কাতারের মাসায়েল

* মুক্তাদী একজন হলে ইমামের ডান পার্শ্বে ইমামের সমান বা কিঞ্চিৎ পিছনে দাঁড়াবে। ইমামের বাম দিকে বা সোজা পিছনে দাঁড়ানো মাকরুহ।

* মুক্তাদী দুইজন বা বেশী হলে ইমামের পিছনে কাতার বেধে দাঁড়াবে। যদি দুইজন হওয়া অবস্থায় ইমামের পাশে (একজন ডানে পাশে একজন বাম

পাশে) দাঁড়ায়, তাহলে মাকরুহ তানযীহী হবে আর দুইজনের বেশী হওয়া অবস্থায় ইমামের পাশে দাঁড়ালে মাকরুহ তাহরীমী হবে। (فتاوى دارالعلوم ج ১/ ১০৬)

* দুইয়ের অধিক মুক্তাদী হলে ইমামের জন্য আগে দাঁড়ানো ওয়াজিব। অতএব একজন মুক্তাদীকে ডানপার্শ্বে নিয়ে নামায শুরু করার পর যদি আরও মুসল্লী আসে তাহলে প্রথম মোক্তাদীর পিছনে সরে আসা উচিত, যাতে আগন্তুকদের নিয়ে পিছনে কাতার বাধতে পারে। যদি সে পিছনে না সরে তাহলেও আগন্তুক মুসল্লীগণ আস্তে আস্তে হাত দিয়ে তাকে পিছনের দিকে টেনে আনবে। এরূপ না করে আগন্তুক মুসল্লীও যদি ইমামের পার্শ্বে দাঁড়িয়ে যায় তাহলে ইমাম সামনে জায়গা থাকলে আগে বেড়ে যাবে, তবে সাজদার জায়গা থেকে আগে বাড়বে না। অনুরূপভাবে যদি পিছনে জায়গা না থাকে তাহলে মুক্তাদীর অপেক্ষা না করে ইমামেরই আগে বেড়ে যাওয়া উচিত।

* মুক্তাদী যদি একজন স্ত্রীলোক বা একটি নাবালেগা বালিকা হয় তাহলেও তাকে ইমামের পিছনে দাঁড়াতে হবে-ইমামের পার্শ্বে নয়।

* মুক্তাদীদের মধ্যে বালেগ পুরুষ, নাবালেগ, বালেগা নারী- এরূপ বিভিন্ন প্রকারের লোক থাকলে নিম্নোক্ত নিয়ম ও তারতীব অনুসারে কাতার বাধতে হবে। প্রথম পুরুষগণের, তারপর নাবালেগদের, তারপর নাবালেগাদের তারপর বালেগা নারীদের।

* একজন মাত্র অপ্রাপ্ত বয়স্ক ছেলে থাকলে তাকে বয়স্কদের সাথে এক কাতারে দাঁড়িয়ে নিবে এবং একাধিক হলে বড়দের পিছনে কাতারের ব্যবস্থা করবে তারপর নারীদের।

* কোন কাতার পূর্ণ হয়ে যাওয়ার পর একজন মাত্র মুসল্লী আসলে তার জন্য একা একা ভিন্ন কাতারে দাঁড়ানো মাকরুহ। সে অন্য কারও আগমনের অপেক্ষা করবে। অন্য কেউ না আসলে ইমামের সোজা পিছনের লোকটিকে টেনে নিয়ে কাতার বেধে দাঁড়াবে। তবে পিছনে টেনে আনলে মাসআলা না জানার কারণে উক্ত লোকটির যদি এমন কোন কাজ করার সম্ভাবনা থাকে যাতে নামায ফাসেদ হয়ে যাবে বা সে খারাব মনে করে, তাহলে টেনে আনবে না, একা একাই দাঁড়িয়ে যাবে। (فتاوى دارالعلوم ج ১/ ১০৬)

* কাতার সোজা করে এবং মিলে মিলে দাঁড়ানো জরুরী (গুরুত্বপূর্ণ সুন্নাত)। এর জন্য মুসল্লীদের আদেশ ও হেদায়েত করা ইমামের দায়িত্ব এবং মুসল্লীদের তা মান্য করা কর্তব্য। তবে খুব বেশী চাপাচাপি করে কাউকে কষ্ট দেয়াও মোনাছেব নয়।

* আগের কাতারে জায়গা থাকতে পিছনের কাতারে দাঁড়ানো মাকরুহ।

* কাতার বাধার নিয়ম হল প্রথমে একজন ঠিক ইমামের পিছনে দাঁড়াবে, তারপর একজন ডানে একজন বামে- এরূপে ক্রমাগত কাতার পূর্ণ হবে।

* কাতার সোজা করার নিয়ম হল কাঁধে কাঁধে এবং পায়ের টাখনু গিরাকে বরাবর করে দাঁড়ানো। (فتاوى دارالعلوم ج ১/৩)

নামায়ে লোকমা দেয়া ও নেয়ার মাসায়েল

(ভুল সংশোধন করে দেয়াকে লোকমা দেয়া বলা হয়)

* কিরাত বা উঠা বসায় ইমামের ভুল হলে মুক্তাদীগণ লোকমা দিতে পারেন, চাই ফরয নামায হোক বা তারাবীহ ইত্যাদি যে কোন নামায হোক।

* ইমাম যদি এমন কোন লোকের লোকমা গ্রহণ করেন যে তার এজ্জেরা করেনি, তাহলে নামায নষ্ট হয়ে যাবে। একমাত্র মুক্তাদীর লোকমাই গ্রহণ করা যায়।

* পেরেশান করার জন্য ভুল লোকমা দেয়া অন্যায। যেমন তারাবীহতে এক হাফেজকে পেরেশান করার জন্য অন্য হাফেজ কোথাও কোথাও এরূপ করে থাকে বলে শোনা যায়।

* ফরয পরিমাণ কিরাত পড়ার পর কিরাতে বেঁধে গেলে ইমামের রুকুতে চলে যাওয়া উচিত। (এরূপ অবস্থায় এদিক সেদিক থেকে পড়ে বা চুপ চাপ দাঁড়িয়ে থেকে) মুক্তাদীকে লোকমা দেয়ার জন্য বাধ্য করা মাকরুহ (তানযীহী)। ফরয পরিমাণ কিরাত হয়ে যাওয়ার পর লোকমা দেয়াও অনুরূপ মাকরুহ। আর ফরয পরিমাণ কিরাতের পূর্বে বেঁধে গেলে অন্য স্থান থেকে কিরাত পড়বে। (فتاوى دارالعلوم ج ১/২)

* ইমাম উঠার সময় বসে পড়লে বা বসার সময় উঠে গেলে ‘সুবহানাল্লাহ’ বলে লোকমা দেয়া নিয়ম। অনেকে এসব ক্ষেত্রে ‘আল্লাহু আকবার’ বলে লোকমা দিয়ে থাকেন, তাহলে তাতেও নামাযের কোন ক্ষতি হয় না।

* ইমাম চুপে চুপে কিরাত পড়ার নামাযে যদি জোরে কিরাত শুরু করেন বা জোরে কিরাত পড়ার নামাযে চুপে চুপে পড়তে থাকেন, তাহলেও ‘সুবহানাল্লাহ’ বলে লোকমা দিতে হয়।

ইমাম নিযুক্ত করার নীতি ও মাসায়েল

* যোগ্য ও উপযুক্ত লোককে ইমাম নিযুক্ত করা মুসল্লীদের দায়িত্ব। যোগ্য লোক থাকতে অযোগ্যকে ইমাম নিয়োগ করলে গোনাহ হবে। একাধিক যোগ্য লোক থাকলে সর্বাপেক্ষা যোগ্য ব্যক্তিকে ইমাম নিয়োগ করা কর্তব্য। সর্বাপেক্ষা যোগ্যকে বাদ দিয়ে অন্যকে নিযুক্ত করা সুন্নাতের খেলাফ।

* যদি একই পর্যায়ের গুণ ও যোগ্যতা বিশিষ্ট দুই বা ততোধিক ব্যক্তি থাকেন, তাহলে অধিক সংখ্যক মুসল্লী যাকে মনোনীত করবে তিনিই ইমাম নিযুক্ত হবেন।

১। ইমাম নিযুক্ত হওয়ার সবচেয়ে অগ্রগণ্য ব্যক্তি হলেন আলেম অর্থাৎ, যিনি নামাযের মাসায়েল ভাল জানেন, যদি তিনি ফাসেক না হন, কুরআন অশুদ্ধ না পড়েন এবং সুন্নাত পরিমাণ কিরাত তার মুখস্ত থাকে।

২। উপরোক্ত গুণে সমান থাকলে তারপর যার কিরাত ভাল অর্থাৎ, তাজবীদের নিয়ম অনুযায়ী যে কুরআন পড়তে সক্ষম।

৩। তারপর যার তাকওয়া বেশী অর্থাৎ, যিনি হারাম হালাল বেছে চলায় অধিক অভ্যস্ত।

৪। তারপর বয়সে যে বড়।

৫। তারপর যার আখলাক-চরিত্র অধিক উত্তম।

৬। তারপর যার চেহারা অধিক সুন্দর।

৭। তারপর যে বংশের দিক থেকে শরীফ।

৮। তারপর যার আওয়াজ অধিক ভাল।

৯। তারপর যার লেবাস-পোশাক ভাল।

* যার মধ্যে একাধিক গুণ থাকবে সে এক গুণের অধিকারী অপেক্ষা অগ্রগণ্য হবে।

* একজন যদি বড় আলেম হন কিন্তু তার আমল ঠিক না হয় বা কিরাত অশুদ্ধ পড়েন এবং অন্য একজন বড় আলেম নন কিন্তু কিরাত শুদ্ধ পড়েন এবং আমল ভাল, তাহলে এই দ্বিতীয় জনই অগ্রগণ্য হবে।

* কারও বাড়িতে জামা'আত হলে বাড়িওয়ালাই ইমামতের জন্য অগ্রগণ্য। তারপর বাড়িওয়ালা যাকে বলবে সে অগ্রগণ্য। অবশ্য যদি বাড়িওয়ালা একেবারে অযোগ্য হয়, তাহলে অন্য যোগ্য ব্যক্তি অগ্রগণ্য হবে। একই স্থানে বাড়ির মালিক এবং উক্ত বাড়ির ভাড়াটিয়া উপস্থিত থাকলে ভাড়াটিয়াই মালিকের হুকুমে আসবে।

* নির্ধারিত ইমাম থাকলে সে-ই অগ্রগণ্য, তার অমতে অন্য কারও ইমামতী করার অধিকার নেই।

* ইসলামী রাষ্ট্র হলে মুসলমান বাদশাহ বা তার নির্বাচিত প্রতিনিধি উপস্থিত থাকতে অন্য কারও ইমামতের হক নেই।

* যার শাহওয়াত (যৌন উত্তেজনা) প্রবল, চিন্তা বিক্ষিপ্ত থাকার সম্ভাবনা-এরূপ অবিবাহিত লোকের চেয়ে যার বিবি আছে এরকম লোককে ইমাম নিয়োগ করা উত্তম। (فتاوى محمودية ج ২/ ১)

যাদেরকে ইমাম বানানো মাকরুহঃ

যাদেরকে ইমাম বানানো এবং যাদের পিছনে নামায পড়া মাকরুহ তারা হলঃ

১। ফাসেক, অর্থাৎ, যে প্রকাশ্যে গোনাহ করে বেড়ায়। এরূপ লোককে ইমাম নিযুক্ত করা মাকরুহ তাহরীমী।

২। বেদআতীকে ইমাম বানানো মাকরুহ তাহরীমী। অবশ্য ফাসেক ও বেদআতী ব্যতীত উপস্থিত লোকদের মধ্যে যদি অন্য কোন উপযুক্ত ব্যক্তি না থাকে অথবা তাকে ইমাম নিযুক্ত না করলে বা পূর্বে নিযুক্ত হয়ে রয়েছে এখন তাকে বরখাস্ত করতে গেলে ফ্যাসাদ ও কলহ সৃষ্টির আশংকা থাকে তাহলে তার পিছনে নামায পড়া যাবে- এতে মুসল্লীদের গোনাহ হবে না। তবে যাদের কারণে এ ধরনের নিয়োগ দিতে হল বা বরখাস্ত করা গেল না তারা দায়ী হবে।

৩। অন্ধ বা রাতকানাকে ইমাম বানানো মাকরুহ তানযীহী। তবে এরূপ লোক যোগ্য হলে এবং পাক নাপাক সম্বন্ধে সতর্ক হয়ে থাকলে এবং তার ইমামতিতে কারও আপত্তি না থাকলে তার ইমামতী মাকরুহ নয়।

৪। ওলাদুয্যিনা (যেনার সন্তান)-কে ইমাম বানানো মাকরুহ তানযীহী। অবশ্য এরূপ ব্যক্তি ইল্ম ও তাকওয়ার অধিকারী হয়ে থাকলে এবং তার ইমামতীতে মুসল্লীদের আপত্তি না থাকলে তাকে ইমাম বানানো মাকরুহ হবে না।

৫। যে সুশ্রী নব্য যুবকের এখনও দাড়ি ভালমত ওঠেনি, তাকে ইমাম বানানো মাকরুহ (তানযীহী) যদি ফেতনার আশংকা থাকে। ফেতনার আশংকা না থাকলে মাকরুহ নয়।

বিত্র নামায ও তার মাসায়েল

* বিত্র নামায ওয়াজিব এবং তিন রাকআত।

বিতর নামাযের সময়ঃ ইশার নামাযের পর থেকে সুব্হে সাদেক পর্যন্ত বিতর নামাযের সময়। তবে শেষ রাতে তাহাজ্জুদের পরে পড়া উত্তম। কিন্তু যার শেষ রাতে উঠার অভ্যাস নেই বা উঠতে পারার বিশ্বাস নেই, তার জন্য ইশার পর বিতর পড়ে নেয়া উচিত। প্রথম রাতে পড়ে নিলে আর শেষ রাতে পড়ার অনুমতি নেই। (নমাসুন)

* বিতর নামাযে সব রাকআতে সূরা ফাতেহার সাথে সূরা/কিরাত মিলানো ওয়াজিব। যে কোন সূরা/কিরাত মিলানো যায় তবে সূরা আ'লা, কাফেরুন ও ইখলাস দ্বারা পড়া উত্তম। মাঝে মাঝে ব্যতিক্রমও করবে।

(আসন الفتاوى ج ৩/ ৩)

* বিতরে তৃতীয় রাকআতে সূরা মিলানোর পর তাকবীরে তাহরীমার ন্যায় হাত উঠিয়ে আল্লাহ আকবার বলে আবার হাত বেধে দুআয়ে কুনূত পড়তে হবে। তারপর রুকু সাজদা ও বৈঠক পূর্বক নামায শেষ করবে। দুআয়ে কুনূত পড়া ওয়াজিব। দুআয়ে কুনূত এই-

اَللّٰهُمَّ اِنَّا نَسْتَغِيْثُكَ وَنَسْتَغْفِرُكَ وَنُؤْمِنُ بِكَ وَنَتَوَكَّلُ عَلَيْكَ وَنُثْنِيْ عَلَيْكَ الْخَيْرَ وَنَشْكُرُكَ وَلَا نَكْفُرُكَ وَنَخْلَعُ وَنَتْرُكُ مَنْ يَّفْجُرُكَ - اَللّٰهُمَّ اِيَّاكَ نَعْبُدُ وَلَكَ نُصَلِّيْ وَنَسْجُدُ وَآلِيْكَ نَسْعٰى وَنَحْفِدُ وَنَرْجُو رَحْمَتَكَ وَنَخْشٰى عَذَابَكَ اِنَّ عَذَابَكَ بِالْكَفّٰرِ مُلْحِقٌ -

* দুআয়ে কুনূত মুখস্থ না থাকলে মুখস্থ না হওয়া পর্যন্ত তদস্থলে নিম্নোক্ত দুআটি পড়বে। মুখস্থ করার চেষ্টা না করে শুধু সহজ ভেবে এটা পড়তে থাকলে চলবেনা।

رَبَّنَا اٰتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ -
অথবা

(নমাসুন عن কবীর) তিনবার, কিংবা يَا رَبِّ তিনবার পড়বে। اَللّٰهُمَّ اغْفِرْ لِي

* শুধু মাত্র রমযান মাসে বিতরের জামা'আত করা মোস্তাহাব। এই জামা'আতে ইমামের ন্যায় মুক্তাদীও দুআয়ে কুনূত পড়বে।

* বিতরের নিয়ত এভাবে করা যায়-

نَوَيْتُ اَنْ اُصَلِّيَ ثَلَاثَ رَكَعَاتِ الْوُتْرِ :

বাংলায় : তিন রাকআত বিতরের নিয়ত করছি।

জুমুআর নামায

* শুক্রবার দিন জোহরের পরিবর্তে জুমুআর নামায হয়ে থাকে। প্রথমে চার রাকআত “ক্বাবলাল জুমুআ” সুন্নাতে মুআক্কাদা, তারপর জুমুআর খুতবা ফরয, তারপর দুই রাকআত ফরয, তারপর চার রাকআত “বা’দাল জুমুআ” সুন্নাতে মুআক্কাদা, অতঃপর দুই রাকআত সুন্নাতে গায়রে মুআক্কাদা।

* সব মৌসুমেই জুমুআর নামায ওয়াস্ত হওয়ার পর আগে ভাগেই পড়ে নেয়া মোস্তাহাব। (فتاوى دارالعلوم)

* নবী কারীম সাল্লাল্লাহু আলাইহি ওয়াসাল্লাম জুমুআর নামাযে প্রথম রাকআতে সূরা জুমুআ এবং দ্বিতীয় রাকআতে সূরা মুনাফিকুন অথবা প্রথম রাকআতে সূরা আ’লা এবং দ্বিতীয় রাকআতে সূরা গাশিয়া পাঠ করতেন। এরূপ করা মুস্তাহাব। (ترمذى - ابواب الجمعة)

* অসুস্থ ও মা’যূর ব্যক্তিদের জন্য মোস্তাহাব হল জুমুআর জামা’আত হয়ে যাওয়ার পর জোহরের নামায পড়া (আযান ইকামত ও জামা’আত ব্যতীত)। মহিলাগণ জুমুআর জামা’আতের পূর্বেও জোহর পড়ে নিতে পারে।

(احسن الفتاوى ج ١/ ٤)

* চার রাকআত ক্বাবলাল জুমুআর নিয়ত এভাবে করা যায়।

আরবীতে : نَوَيْتُ أَنْ أَصَلِّيَ لِلَّهِ تَعَالَى أَرْبَعَ رَكَعَاتٍ قَبْلَ الْجُمُعَةِ -
বাংলায় : চার রাকআত ক্বাবলাল জুমুআর নামাযের নিয়ত করছি।

* জুমুআর দুই রাকআত ফরযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ لِلَّهِ تَعَالَى رَكْعَتَيِ الْفَرَضِ صَلَوةِ الْجُمُعَةِ :
বাংলায় : জুমুআর দুই রাকআত ফরয নামায পড়ছি।

* চার রাকআত বা’দাল জুমুআ নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ لِلَّهِ تَعَالَى أَرْبَعَ رَكَعَاتٍ بَعْدَ الْجُمُعَةِ .
বাংলায় : চার রাকআত বা’দাল জুমুআ নামাযের নিয়ত করছি।

জুমুআর জামা’আত ওয়াজিব হওয়ার শর্তসমূহঃ

১. আযাদ হওয়া-গোলামের উপর জুমুআ ওয়াজিব নয়।
২. পুরুষ হওয়া-স্ত্রীলোকের উপর জুমুআ ওয়াজিব নয়।
৩. মুকীম হওয়া-মুসাফিরের উপর জুমুআ ওয়াজিব নয়।
৪. সুস্থ হওয়া-অসুস্থ ব্যক্তি যে জুমুআর মসজিদ পর্যন্ত নিজ ক্ষমতায় হেটে

যেতে অক্ষম, তার উপর জুমুআ ওয়াজিব নয়। যে বৃদ্ধ ব্যক্তি বার্ষিকের দরুণ জামে মসজিদে হেটে যেতে অক্ষম কিংবা অন্ধ, তাদেরকেও রোগী মনে করা হবে। অবশ্য অন্ধকে কেউ ধরে নিয়ে যাওয়ার থাকলে তার উপর জুমুআ ওয়াজিব।

৫. যে সব ওজরের কারণে পাঞ্জিগানা নামাযের জামা'আত তরক করা জায়েয (দ্রষ্টব্য পৃষ্ঠা নং ২০১) সে সব ওজর না থাকা-এরূপ কোন ওজর থাকলে জুমুআ ওয়াজিব হয় না।

৬. পাঞ্জিগানা নামায ফরয হওয়ার জন্য যে সব শর্ত রয়েছে তা মৌজুদ থাকা যথাঃ বুদ্ধি সম্পন্ন হওয়া, বালেগ হওয়া, মুসলমান হওয়া।

* যাদের উপর জুমুআ ওয়াজিব নয় তারা জুমুআ পড়ে নিলে তাদের ফরযে ওয়াক্ত অর্থাৎ, জোহর আদায় হয়ে যাবে।

জুমুআ সহীহ হওয়ার শর্তসমূহঃ

(১) শহর (ছোট হোক বা বড়) বা ছোট শহর তুল্য বড় গ্রাম হওয়া। উল্লেখ্য, যে গ্রামে ৩/৪ হাজার লোকের বসতি রয়েছে সেটাকে ছোট শহর তুল্য বড় গ্রাম ধরা হয়। সেখানে জুমুআ জায়েয। কিন্তু বন, চর বা বিলের মধ্যে আবাদী থেকে অনেক দূরে কোন ছোট গ্রাম থাকলে সেখানে জুমুআ দুরন্ত নয়।

(২) জুমুআর নামায ও খুতবা জোহরের ওয়াক্তের মধ্যে হতে হবে।

(৩) খুতবা হওয়া শর্ত। খুতবা নামাযের পূর্বে হওয়া শর্ত।

(৪) জামা'আত হওয়া। অর্থাৎ, খুতবার সময় থেকে ফরযের প্রথম রাকআতের সাজদা পর্যন্ত অন্ততঃ তিনজন বালেগ পুরুষ ইমামের সঙ্গে থাকতে হবে।

(৫) ইজাযাতে আত্মা থাকা। অর্থাৎ, যে স্থানে জুমুআর নামায পড়া হবে সেখানে সর্ব সাধারণের প্রবেশাধিকার থাকা চাই। অতএব জেলখানা, কয়েদখানা, বন্ধ দুর্গ প্রভৃতি স্থানে জুমুআ দুরন্ত নয়।

জুমুআর খুতবার সুন্নাত, আদব ও মাসায়েল

খুতবার জরুরী বিষয়সমূহঃ

১. খুতবা নামাযের পূর্বে হতে হবে।

২. খুতবার নিয়ত থাকতে হবে।

৩. খুতবা জোহরের ওয়াক্তের মধ্যে হতে হবে।

৪. খুতবা কমপক্ষে এমন তিনজন লোকের সামনে হতে হবে যাদের দ্বারা জুমুআ কায়েম হয়।
৫. খুতবা এবং নামাযের মাঝে কোন আজনবী (অসংশ্লিষ্ট) কাজের ব্যবধান ঘটতে পারবে না।
৬. উভয় খুতবাই আরবী ভাষায় হওয়া জরুরী (অর্থাৎ, সুন্নাতে মুআক্কাদা)। আরবী ব্যতীত অন্য কোন ভাষায় খুতবা পড়া বা অন্য কোন ভাষায় পদ্য যোগ করা মাকরুহ তাহরীমী ও বিদআত।

(থেকে গৃহীত) فتاوى دارالعلوم ج ৫، امداد الفتاوى ج ১ / ১ (و نماز سنون)

খুতবার সুন্নাত ও আদবসমূহঃ

১. খুতবার মধ্যে আল্লাহর শোকর বর্ণিত হওয়া সুন্নাত।
২. খুতবার মধ্যে আল্লাহর প্রশংসা বর্ণিত হওয়া সুন্নাত।
৩. খুতবার মধ্যে তাওহীদ ও রেছালাতের সাক্ষ্য বর্ণিত হওয়া সুন্নাত।
৪. খুতবার মধ্যে রাসূল (সাঃ)-এর উপর দুরূদ পাঠ করা সুন্নাত।
৫. খুতবার মধ্যে ওয়াজ নছীহাত বয়ান করা সুন্নাত।
৬. খুতবার মধ্যে দুই একটি আয়াত বা সূরা পাঠ করা সুন্নাত।
৭. দুই খুতবা পড়া সুন্নাত। দ্বিতীয় খুতবায় উপরোক্ত বিষয়গুলোর পুনরাবৃত্তি করা সুন্নাত।
৮. দ্বিতীয় খুতবায় সমস্ত মুসলমান নর-নারীর জন্য দুআ ও এস্তেগফার করা সুন্নাত।
৯. খুতবা অত্যন্ত লম্বা না করা সুন্নাত বরং নামাযের চেয়ে কম রাখবে।
১০. ছানী (দ্বিতীয়) খুতবায় হুজুর সাল্লাল্লাহু আলাইহি ওয়াসাল্লাম-এর আওলাদ, সাহাবীগণ ও হুজুর সাল্লাল্লাহু আলাইহি ওয়াসাল্লাম-এর বিবি সাহেবাগণের প্রতি বিশেষতঃ খোলাফায়ে রাশেদীন এবং হযরত হামযা ও আব্বাস (রাঃ)-এর জন্য দুআ করা মোস্তাহাব। সমসাময়িক মুসলমান বাদশাহর জন্য দুআ করা জায়েয কিন্তু তার মিথ্যা প্রশংসা করা মাকরুহ তাহরীমী।

* রমযান শরীফের শেষ জুমুআর খুতবায় আল বিদা জ্ঞাপন কিংবা বিদায় ও বিচ্ছেদমূলক বিষয় পড়া প্রমাণিত নয় বিধায় তা বিদআত।

(থেকে গৃহীত) فتاوى دارالعلوم ج ৫، ونبی گوهر

খতীবের সাথে সংশ্লিষ্ট কয়েকটি মাসায়েল

* খতীবের উযু গোসলের হাজত থেকে পবিত্র হয়ে নেয়া সুন্নাত।

* খতীব মিস্বরে উঠে কিছুক্ষণ বসবেন, তারপর দাঁড়িয়ে খুতবা দিবেন।

এটাই সুন্নাত।

* খতীবের জন্য প্রথম খুতবার শুরুতে শুধু আউযুবিল্লাহ أَعُوْذُ بِاللّٰهِ مِنَ الشَّيْطَانِ الرَّجِيْمِ চুপে চুপে (জোরে নয়) বলা সুন্নাত। (حسن الفتاوى ج ১/ ৫)

* উপস্থিত মুসল্লীদের দিকে মুখ করে খুতবা দেয়া সুন্নাত। খুতবার সময় ডানে বামে সীনা ঘুরিয়ে রাখা নিষিদ্ধ, তবে শুধু ডানে বামে নজর করা যায়। আর তারগীব-তারহীবের বিষয়বস্তুর প্রেক্ষিতে আওয়াজ ও আন্দাজের মধ্যে পরিবর্তন জায়েয বরং সুন্নাত। (فتاوى ريمية ج ১/ ১)

* দাঁড়িয়ে খুতবা দেয়া সুন্নাত।

* মিস্বরের উপর খুতবা দেয়া সুন্নাত।

* লাঠি হাতে খুতবা দেয়া সুন্নাত (গায়রে মুআক্কাদা)। মিস্বার থাকলেও এটা সুন্নাত। (فتاوى دارالعلوم ج ১/ ৫) তবে মাঝে মধ্যে লাঠি নেয়া পরিত্যাগ করা উচিত, অন্যথায় বিদআত হয়ে যাবে। (حسن الفتاوى ج ১/ ৫)

* খুতবার বই হাতে থাকলে লাঠি বাম হাতে নেয়া উত্তম আর বই হাতে না থাকলে লাঠি ডান হাতে নেয়া উত্তম। (فتاوى ريمية ج ১/ ৩)

* খতীবের জন্য মুখস্ত খুতবা দেয়া বা কিতাব কিংবা অন্য কিছু দেখে খুতবা পড়া সবটাই জায়েয।

* খতীবের জন্য দুই খুতবার মাঝখানে তিন আয়াত পড়া পরিমাণ সময় বসা সুন্নাত।

* লোকে শুনতে পারে এ পরিমাণ আওয়াজের সাথে খুতবা পড়া সুন্নাত। কাছের লোকে শুনতে পারে অন্ততঃ এতটুকু জোরে বলা জরুরী।

* খতীব খুতবার সময়েও নেক কাজের আদেশ এবং বদ কাজের নিষেধ করতে বা মাসআলার কথা বলতে পারেন বরং মুনকার (বদকাজ) দেখলে মুখেই নিষেধ করা তার উপর ফরয। (حسن الفتاوى ج ১/ ৫)

* খতীবের জন্য খুতবার পূর্বে মেহরাবের মধ্যে নামায পড়া মাকরুহ। পড়তে হলে মিস্বরের ডান দিকে পড়বে। (الفقه على المذاهب الاربعه)

* খতীবের জন্য কোন নির্দিষ্ট বিষয়ে খুতবা দেয়া জরুরী নয়।

* খুতবা এবং ইকামতের মাঝখানে প্রয়োজনে সংক্ষিপ্ত ভাবে কোন মাসআলা বলতে পারেন। (আসন الفتاوى ج ১/ ৬)

* খতীব খুতবার পূর্বে সংক্ষিপ্ত ভাবে ওয়াজ-নছীহাত করতে পারেন, এটা জায়েয বরং মোস্তাহাব, যদি মুসল্লীগণ চান। (فتاوى رحيمية ج ১/ ১)

খুতবার সময় শ্রোতাদের করণীয় আমলসমূহ

* জুমুআর দ্বিতীয় আযানের জওয়াব ও তার পরের দুআ জায়েয নেই।

(فتاوى دارالعلوم ج ৫/ ৫)

* যখন খতীব খুতবার জন্য দাঁড়াবেন, তখন থেকে খুতবার শেষ পর্যন্ত নামায পড়া বা কথা-বার্তা বলা মাকরুহ তাহরীমী। অবশ্য যে ব্যক্তি ছাহেবে তারতীব তার জন্য কাযা নামায পড়া জায়েয বরং ওয়াজিব।

* মনোযোগের সাথে খুতবা শ্রবণ করা ওয়াজিব। দূরত্বের কারণে খুতবার আওয়াজ শুনতে না পেলেও চুপ করে কান লাগিয়ে থাকা ওয়াজিব এবং যে কাজ বা কথা দ্বারা খুতবা শোনার ব্যাঘাত ঘটে তা মাকরুহ তাহরীমী। তখন হাঁটা চলা, সালাম করা, সালামের জওয়াব দেয়া, তাসবীহ-তাহলীল ইত্যাদি এমনকি মুখে মাসআলা বলাও নিষিদ্ধ। দান বাস্তব চালানো নিষিদ্ধ। তবে কোন বদকাজ (মুনকার) দেখলে ইশারায় নিষেধ করা ফরয। (আসন الفتاوى ج ১/ ৬)

* সুন্নাতে মুআক্কাদা পড়ার মধ্যে খুতবা শুরু হলে তৃতীয় বা চতুর্থ রাকআতে থাকলে নামায পূর্ণ করে নিবে আর এর পূর্বে থাকলে দুই রাকআত পড়ে সালাম ফিরাবে। (আসন الفتاوى ج ১/ ২) এবং এ সুন্নাত পরে পড়ে নিবে।

* খুতবার সময় নামাযের হালতে বসা আদব এবং কেবলামুখী হয়ে বসবে।

* খুতবার মধ্যে রাসূল সাল্লাল্লাহু আলাইহি ওয়াসাল্লাম-এর নাম মোবারক আসলে মুখে নয় বরং মনে মনে দুরূদ শরীফ পড়া জায়েয।

তারাবীহ-র নামায ও তার মাসায়েল

* রমযান মাসে ইশার নামাযের পর ইশার ওয়াজের মধ্যে যে বিশ রাকআত সুন্নাতে মুআক্কাদা পড়তে হয়, তাকে তারাবীহ-র নামায বলে।

* তারাবীহ-র নামায সুন্নাতে মুআক্কাদা।

* বিশ রাকআত তারাবীহ পড়া সুন্নাতে মুআক্কাদা-আট রাকআত নয়।

* তারাবীহ্-র নামায জামাআতের সাথে পড়া সুন্নাতে মুআক্কাদায়ে কেফায়া। মহিলাদের তারাবীহ্-র জামাআত করা মাকরুহ তাহরীমী।

(الدر المختار)

* প্রতি চার রাকআত তারাবীহ্-র পর এবং বিশ রাকআতের পর বিতরের পূর্বে চার রাকআত পরিমাণ বিশ্রাম করা মোস্তাহাব। জামাআতের লোকদের কষ্ট হওয়ার বা জামাআতের লোক সংখ্যা কম হওয়ার আশংকা হলে এত সময় বিশ্রাম করবে না বরং কম করবে। (فتاوى كبرى)

* এই বিশ্রামের সময় চুপ করে বসে থাকা, তাসবীহ তাহলীল, তিলাওয়াত, দুরুদ পড়া বা নফল নামায পড়া সবই জায়েয। আমাদের দেশে যে সোবহানা যিল মুল্কি ওয়াল মালাকুতি ... তিনবার পড়ার প্রচলন আছে তাও জায়েয, তবে তা-ই পড়া জরুরী নয় বরং এই দুআ কোন হাদীছ দ্বারা প্রমাণিত নয়। এর চেয়ে سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ বারবার পড়তে থাকা উত্তম। এবং এসব দুআ চিৎকার করে নয় বরং নীরবে (কিংবা স্বল্প শব্দে) পড়া মোনাসেব। (فتاوى دارالعلوم ج ১/৬)

* প্রত্যেক চতুর্থ রাকআতে মোনাজাত করা জায়েয আছে, কিন্তু বিশ রাকআতের পর বিতরের পূর্বে দুআ করাই আফযল। (শামসুল হক ফরীদপুরী, দঃ বাংলা বেহেশতী জেওরঃ ১ম) তবে কোথাও প্রতি চার রাকআতের পর মুনাজাত করলে কঠোর ভাবে তাতে বাঁধা দেয়া কিংবা না করা হলে মুসল্লীগণের পক্ষ থেকে ইমামকে করার জন্য হুকুম দেয়া সংগত নয়। (فتاوى دارالعلوم ج ১/৬)

* যদি কেউ মসজিদে এসে দেখেন ইশার জামাআত হয়ে গিয়েছে এবং তারাবীহ শুরু হয়ে গিয়েছে তখন তিনি একা একা ইশা পড়ে নিয়ে তারপর তারাবীহ্-র জামাআত শরীক হবেন। ইত্যবসরে যে কয় রাকআত তারাবীহ ছুটে গিয়েছে তা তিনি তারাবীহ ও বেতর জামাআতের সাথে আদায় করার পর পড়বেন।

খতম তারাবীহ্-র মাসায়েলঃ

* রমযান মাসে তারাবীহ্-র মধ্যে তারতীব অনুযায়ী একবার কুরআন শরীফ খতম করা (পড়া/শুনা) সুন্নাত। (رد المحتار - مبحث صلاة التراويح)

* তারাবীহ্-র খতমের মধ্যে যে কোন একটি সূরার শুরুতে বিসমিল্লাহির রহমানির রহীম জোরে পড়া চাই, নতুবা শ্রোতাদের খতম পূর্ণ হবে না।

* নাবালেগের পিছনে এজেন্দা করা দুরস্ত নয়, চাই ফরয নামাযে হোক বা তারাবীহ্-র নামায হোক।

* ইচ্ছাকৃত ভাবে ভুল লোকমা দিয়ে হাফেজকে পেরেশান করা নিষিদ্ধ।
(فتاوى دارالعلوم ج ১/৬)

* তারাবীহ্‌তে এত দ্রুত তিলাওয়াত করা যে বুঝে আসে না- এরূপ তিলাওয়াত ছওয়াবের পরিবর্তে গোনাহের কারণ হয়ে দাঁড়ায়।
(فتاوى دارالعلوم ج ১/৬)

* হাফেজ সাহেব যদি ভুলে গিয়ে চুপ-চাপ দাঁড়িয়ে অথবা বৈঠকের সময় তাশাহুদেদের আগে বা পরে চিন্তা করতে থাকেন এবং এর মধ্যে এক রাকন পরিমাণ (তিনবার সোবহানাল্লাহ বলার পরিমাণ) সময় অতিবাহিত হয়ে যায়, তাহলে সাজদায়ে সাহো দিতে হবে। (فتاوى دارالعلوم ج ১/৬)

* কোন আয়াত ভুলে থেকে গেলে বা ভুল পড়া হয়ে থাকলে পরবর্তী দুগানায় (দুই রাকআতে) বা পরবর্তী যে কোন দিন সেটা পড়ে নিতে হবে, নতুবা খতম পূর্ণ হবে না। (فتاوى دارالعلوم ج ১/৬)

* খতমের দিন তারাবীহ্-র মধ্যেই খতম করার পর শেষ রাকআতে সূরা বাকারার শুরু থেকে مُفْلِحُونَ পর্যন্ত পড়া মোস্তাহাব। (فتاوى دارالعلوم ج ১/৬)

* তারাবীহ্-র মধ্যে খতমের সময় সূরা এখলাস তিনবার পড়া মাকরুহ। (অর্থাৎ, শরী'আতের বিশেষ নিয়ম মনে করে এরূপ আমল করা মাকরুহ।)

* তারাবীহ্-র মধ্যে সূরা الضُّحَى থেকে শেষ পর্যন্ত সূরাগুলোর পর اللَّهُ أَكْبَرُ বলা মাকরুহ। নামাযের বাইরে এরূপ আমল করা যায়।

* তারাবীহ্-র বিনিময়ে পারিশ্রমিক দেয়া নেয়া জায়েয নয়, তবে হাফেজ সাহেবের যাতায়াত ভাড়া ও খাওয়া দাওয়ার ব্যবস্থা করা বিধেয়।
(فتاوى دارالعلوم ج ১/৬)

ঈদুল ফিতরের নামায

* শাওয়াল মাসের প্রথম তারিখের ঈদকে ঈদুল ফিতর এবং এই দিনে মুসলমানদের একত্রিত হয়ে শোকর আদায়ের জন্য যে দুই রাকআত নামায পড়া হয় তাকে ঈদুল ফিতরের নামায বলে।

* ঈদুল ফিতরের দুই রাকআত নামায ওয়াজিব।

* এই দুই রাকআতে অতিরিক্ত ছয়টি তাকবীর বলা ওয়াজিব।

* খুতবা ব্যতীত জুমুআর নামাযের জন্য যে সব শর্ত, ঈদের নামাযের জন্যও সে সব শর্ত।

* ঈদুল আযহা-র তুলনায় ঈদুল ফিতরের জামাআত একটু দেবী করে পড়া সুন্নাত ।

* ঈদের নামায মাঠে পড়া উত্তম । মহল্লার মসজিদেও জায়েয ।

* কোন ওজর বশতঃ পয়লা শাওয়াল ঈদুল ফিতরের নামায পড়তে না পারলে ২রা শাওয়াল পড়ে নেয়া জায়েয, তবে বিনা ওজরে একরূপ করলে নামায হবে না ।

* ঈদের নামাযে প্রথম রাকআতে সূরা আ'লা এবং দ্বিতীয় রাকআতে সূরা গাশিয়া পড়া উত্তম । (الفقه على المذاهب الاربعة)

* দুই রাকআত ঈদুল ফিতরের নামাযের নিয়ত এভাবে করা যায়-
আরবীতে :

نَوَيْتُ أَنْ أَصَلِّيَ لِلَّهِ تَعَالَى رَكْعَتَي الْوَاجِبِ صَلَوةِ عِيدِ الْفِطْرِ مَعَ سِتَّةِ تَكْبِيرَاتٍ وَاجِبَاتٍ -

বাংলায় : ঈদুল ফিতরের দুই রাকআত নামায ছয়টি ওয়াজিব তাকবীর সহ আদায় করছি ।

ঈদুল ফিতরের নামায পড়ার তরীকা :

* আল্লাহ আকবার বলে নিয়ত বাধবে ।

* তারপর ছানা পড়বে ।

* তারপর নামাযের তাকবীরে তাহরীমার ন্যায় কান পর্যন্ত হাত উঠিয়ে আল্লাহ আকবার বলবে এবং হাত ছেড়ে দিবে। অতঃপর তিনবার সুবহানাল্লাহ বলা যায় পরিমাণ বিলম্ব করে আবার অনুরূপ হাত উঠিয়ে আল্লাহ আকবার বলবে ও হাত ছেড়ে দিবে । আবার অনুরূপ বিলম্ব পূর্বক হাত উঠিয়ে আল্লাহ আকবার বলে হাত বেধে এবং আউযু বিল্লাহ, বিসমিল্লাহ সহ সূরা ফাতিহা ও কিরাত ইত্যাদি সহকারে প্রথম রাক'আত শেষ করে দ্বিতীয় রাকআতের জন্য উঠবে এবং সূরা ফাতেহা ও সূরা/কিরাত মিলিয়ে তারপর প্রথম রাকআতের ন্যায় অতিরিক্ত তিনটি তাকবীর বলবে । এখানে তৃতীয় তাকবীরের পরও হাত ছাড়া অবস্থায় রাখবে । তারপর রুকু'র তাকবীর বলে রুকুতে যাবে এবং যথা নিয়মে এই রাকআত শেষ করবে ।

ঈদুল ফিতরের খুতবা ও তখনকার আমলসমূহঃ

* ঈদুল ফিতরের দুই খুতবা পাঠ করা সুন্নাত। এই খুতবাদ্বয় নামাযের পরে হওয়া সুন্নাত।

* এই খুতবাদ্বয় মিস্রের উপর দাঁড়িয়ে পাঠ করা সুন্নাত।

* দুই খুতবার মাঝখানে জুমু'আর খুতবার ন্যায় কিছুক্ষণ (তিন আয়াত পড়া পরিমাণ সময়) বসা সুন্নাত।

* এই খুতবা শোনা ওয়াজিব যেমন জুমুআর খুতবা শোনা ওয়াজিব। দূরত্বের কারণে খুতবা না শুনতে পেলে চুপ করে কান লাগিয়ে থাকা ওয়াজিব।

ঈদুল ফিতরের খুতবার মধ্যে যেসব বিষয় থাকবেঃ

* জুমুআর খুতবার মধ্যে যে সব বিষয় থাকবে ঈদের খুতবার মধ্যেও সে সব বিষয় থাকবে। পার্থক্য এই যে, মিস্রের উঠে না বসেই ঈদের খুতবা শুরু করা সুন্নাত এবং ঈদুল ফিতরের খুতবার মধ্যে ছদকায়ে ফিতর সম্বন্ধে বর্ণনা করতে হবে আর তাকবীর (আল্লাহ আকবার) বলে ঈদের খুতবা আরম্ভ করা সুন্নাত। প্রথম খুতবার শুরুতে তাকবীর ৯ বার একাধারে এবং দ্বিতীয় খুতবার শুরুতে ৭ বার একাধারে বলা আর সব শেষে মিস্র থেকে অবতরণের সময় ১৪ বার একাধারে বলা মোস্তাহাব।

(بَيْتِيْ كُوْهِرُ دَاخِلِ الْفَتَاوَى ج ٤ / بِحَوَالِهِ دَرَالْمُتَّحَرِّج ١)

বিঃ দ্রঃ ঈদের নামাযের (বা খুতবার) পরে দু'আ (মুনাজাত) করা যদিও নবী কারীম সাল্লাল্লাহু আলাইহি ওয়াসাল্লাম, সাহাবা, তাবেঈন এবং তাবেঈন থেকে বর্ণিত ও প্রমাণিত নয়, কিন্তু অন্যান্য নামাযের পর যেহেতু দু'আ করা সুন্নাত, তাই ঈদের নামাযের পরও দু'আ করা সুন্নাত। (بَيْتِيْ كُوْهِرُ) আহছানুল ফাতাওয়া গ্রন্থকার (৪র্থ খণ্ড, দ্রঃ) খুতবার পর কিংবা নামায ও খুতবা উভয়টার পরও দু'আ করা যেতে পারে বলে যুক্তি পেশ করেছেন।

ঈদুল আযহার নামায

* ~~বিলহ~~ মাসের ১০ই তারিখের ঈদকে ঈদুল আযহা বলে। এই দিনও দুই রাকআত শোকরানা নামায পড়া ওয়াজিব। এটাই ঈদুল আযহার নামায।

* ঈদুল আযহার নামাযের মাসায়েল ঈদুল ফিতরের নামাযের ন্যায়। শুধু নিয়তের মধ্যে “ঈদুল ফিতর” শব্দের স্থলে “ঈদুল আযহা” শব্দ ব্যবহার করতে হবে। এবং ঈদুল ফিতরের নামাযের তুলনায় ঈদুল আযহার নামায একটু আগে ভাগে পড়ে নেয়া সুন্নাত। আর কোন ওজর বশতঃ ১০ই তারিখে

এই নামায না পড়তে পারলে ১১ই বা ১২ই তারিখ পর্যন্তও পড়া যায়, তবে বিনা ওজরে ১০ই তারিখে না পড়া মাকরুহ।

* ঈদুল আযহার নামাযের পর তাকবীরে তাশরীক বলা ওয়াজিব। তাকবীরে তাশরীকের বিধান জানার জন্য দেখুন ৩৪৫ পৃষ্ঠা। (إسن الفرائض ج ১/৬)

ঈদুল আযহার খুতবা ও তখনকার আমলসমূহ

ঈদুল আযহার খুতবাও ঈদুল ফিতরের খুতবার ন্যায়। পার্থক্য এতটুকু যে, ঈদুল আযহার খুতবায় ছদকায়ে ফিতরের বর্ণনার স্থলে কুরবানী ও তাকবীরে তাশরীকের বিধান (৩৪৫ পৃষ্ঠা দ্রষ্টব্য) বর্ণনা করতে হবে।

তাহাজ্জুদের নামায

* ঈশার নামাযের পর থেকে সুব্হে সাদিকের পূর্ব পর্যন্ত যে নফল নামায পড়া হয় তাকে ‘সালাতুল লাইল’ বা ‘তাহাজ্জুদের নামায’ বলা হয়। নফল নামাযের মধ্যে এই প্রকার নফল অর্থাৎ, তাহাজ্জুদের ফযীলত সবচেয়ে অধিক।

* ঈশার নামাযের পর থেকে সুব্হে সাদিকের পূর্ব পর্যন্ত তাহাজ্জুদের সময়। তবে শেষ রাতে তাহাজ্জুদের নামায পড়া উত্তম।

* তাহাজ্জুদের নামায ২ থেকে ১২ রাকআত। নবী কারীম সাল্লাল্লাহু আলাইহি ওয়াসাল্লাম সাধারণতঃ ৮ রাকআত পড়তেন বিধায় এটাকেই উত্তম বলা হয়েছে। পারলে ৮ রাকআত নতুবা ৪ রাকআত আর তাও হিম্মত না হলে ২ রাকআত হলেও পড়বে।

* তাহাজ্জুদের নামাযের কাযা নেই, তবে রাতে পড়তে না পারলে পরের দিন দুপুরের পূর্বে অনুরূপ পরিমাণ নফল পড়ে নেয়া উত্তম। (فتاوى دارالعلوم ج ১/৬)

* তাহাজ্জুদের নামায যে কোন সূরা দিয়ে পাঠ করা যায়, তবে কিরাত লম্বা হওয়া উত্তম।

* দুই রাকআত তাহাজ্জুদের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ رَكْعَتَيِ التَّهَجُّدِ

বাংলায় : দুই রাকাত তাহাজ্জুদের নিয়ত করছি।

তাহিয়্যাতুল উযু নামায

* উযু করার পর অঙ্গ শুকানোর পূর্বেই (৫৮) দুই রাকআত নফল নামায পড়া উত্তম। এই নামাযকে “তাহিয়্যাতুল উযু” বা ‘শুক্কল উযু’ও বলা হয়।

এই নামাযের অনেক ফযীলত, এমনকি এই নামায আদায়কারীর জন্য জান্নাত ওয়াজিব হয়ে যাওয়ার কথাও সহীহ হাদীছে বর্ণিত হয়েছে।

* ফজরের নামাযের ওয়াক্তে বা কোন মাকরুহ কিংবা হারাম ওয়াক্তে এই নামায পড়বে না।

* এই নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ رَكْعَتَيْ تَحِيَّةِ الْوُضُوءِ

বাংলায় : দুই রাকআত তাহিয়্যাতুল উযূর নিয়ত করছি।

দুখূলুল মসজিদ বা তাহিয়্যাতুল মসজিদ-এর নামায

* মসজিদে প্রবেশ করলে এবং মাকরুহ বা হারাম ওয়াক্ত না হলে মসজিদের তথা আল্লাহর তাযীমের উদ্দেশ্যে দুই রাকআত সুন্নাত নামায পড়তে হয়, এই নামাযকে 'তাহিয়্যাতুল মসজিদ' বা 'দুখূলুল মসজিদ' বলা হয়।

* এক দিনে একবার এই নামায পড়াই যথেষ্ট।

* মসজিদে প্রবেশ করে বসার পূর্বেই এই নামায পড়ে নেয়া উত্তম। আগে বসে তারপর এই নামায পড়লেও হয়, তবে তাতে ছওয়ার কমে যায়। কেউ কেউ মনে করে আগে বসে তারপর উঠে এই নামায পড়তে হয়, এ ধারণা ঠিক নয়।

* ওয়াক্ত সংকীর্ণ থাকলে কিংবা প্রবেশ করতঃ দ্রুত অন্য কোন সুন্নাত অথবা ফরয নামায পড়লে সেই ফরয বা সুন্নাতের দ্বারাও এই নামাযের হক আদায় হয়ে যায় এবং তার ছওয়ার লাভ হয়।

* ওয়াক্ত সংকীর্ণ বা নিষিদ্ধ (যেমন ফজরের ওয়াক্ত বা মাকরুহ ওয়াক্ত বা হারাম ওয়াক্ত) হওয়ার দরুণ এই নামায পড়তে না পারলে এর বিকল্প হিসেবে নিম্নোক্ত দু'আটি চারবার পড়ে নিবে :

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ -

* তারপর একবার দূরুদ শরীফ পড়ে নিবে।

* এই নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ لِلَّهِ تَعَالَى رَكْعَتَيْ تَحِيَّةِ الْمَسْجِدِ

বাংলায় : দুই রাকআত তাহিয়্যাতুল মসজিদের/দুখূলুল মসজিদের নিয়ত করছি।

* ইশ্রাক আদায়ের পর থেকে দ্বিপ্রহরের আগ পর্যন্ত এই নামাযের ওয়াক্ত। তবে দিনের এক চতুর্থাংশ যাওয়ার পর অর্থাৎ, আনুমানিক নয়/দশটীর দিকে পড়া উত্তম।

* এই নামায দুই থেকে বার রাকআত। তবে রাসূল (সাঃ) সাধারণতঃ চার রাকআত পাঠ করতেন। মাঝে মধ্যে বেশীও পাঠ করতেন।

* চাশ্ত এর নামায যে কোন সূরা/কিরাত দিয়ে পড়া যায়-

* দুই রাকআত চাশ্তের নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ رَكْعَتَيِ الضُّحَى

বাংলায় : দুই রাকআত চাশ্তের নামাযের নিয়ত করছি।

যাওয়াল বা সূর্য ঢলার নামায

* দুপুরে পশ্চিম আকাশে সূর্য ঢলার পর চার রাকআত নফল আদায় করা হয়; তাকে বলা হয় যাওয়ালের নামায বা সূর্য ঢলার নামায। রাসূল সাল্লাল্লাহু আলাইহি ওয়াসাল্লাম সর্বদা এই নফল আদায় করতেন। সূর্য ঢলার সময় আসমানের রহমতের দরজা খোলা হয় বিধায় তখন এই নফল পাঠের ফযীলত অধিক।

* রাসূল সাল্লাল্লাহু আলাইহি ওয়াসাল্লাম এক সালামেই এই চার রাকআত নফল আদায় করতেন। (نارمسون)

* চার রাকআত যাওয়াল নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ أَرْبَعَ رَكْعَاتِ الزَّوَالِ

বাংলায় : চার রাকআত যাওয়াল নামাযের নিয়ত করছি।

আওয়াবীন নামায

* মাগরিবের ফরয এবং সুন্নাতে পর কমপক্ষে ছয় রাকআত এবং সর্বাপেক্ষা বিশ রাকআত নফলকে আওয়াবীনের নামায বলা হয়। হাদীছে এই ছয় রাকআত আওয়াবীনের ফযীলতে বার বৎসর ইবাদত করার ছওয়াব অর্জিত হওয়ার কথা বর্ণিত আছে। অপর এক হাদীছে বিশ রাকআত পাঠ করলে জান্নাতে আল্লাহ তার জন্য একটা ঘর তৈরী করবেন বলা হয়েছে।

* দুই রাকআত আওয়াবীনের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ رَكْعَتَيِ الْآوَابِينَ

বাংলায় : দুই রাকআত আওয়াবীনের নিয়ত করছি।

সালাতুত তাসবীহ

* চার রাকআত নফল নামায যার প্রত্যেক রাকআতে **سُبْحَانَ اللَّهِ** ৭৫ বার এবং সর্বমোট ৪ রাকআতে ৩০০ বার এই তাসবীহ পাঠ করা হয়, এই নামাযকে সালাতুত তাসবীহ বলে। এই নামায দ্বারা জীবনের ছোট বড় নতুন পুরাতন ইচ্ছাকৃত অনিচ্ছাকৃত গোপন প্রকাশ্য সব রকমের পাপ আল্লাহ মাফ করে দেন। রাসূল সাল্লাল্লাহু আলাইহি ওয়াসাল্লাম তাঁর চাচা আব্বাস (রাঃ)-কে বলেছিলেন : চাচা! পারলে প্রতিদিন এই নামায পড়ুন, তা না পারলে প্রতি সপ্তাহে পড়ুন, তা না পারলে প্রতি মাসে, না পারলে প্রতি বৎসরে, না হয় অন্ততঃ জীবনে একবার হলেও এই নামায পড়ুন।

* চার রাকআত সালাতুত তাসবীহ নফল নামাযের নিয়ত করতঃ যথারীতি সূরা ফাতেহার পর সূরা/কিরাত পাঠ করে তারপর দাঁড়ানো অবস্থাতেই উক্ত তাসবীহ ১৫ বার পড়বে, তারপর রুকুতে গিয়ে রুকুত তাসবীহ পড়ার পর উক্ত তাসবীহ ১০ বার, তারপর রুকু থেকে উঠে 'রুকানা রাকাল হাম্দ' বলার পর উক্ত তাসবীহ ১০ বার, তারপর সাজদায় গিয়ে সাজদার তাসবীহ বলার পর উক্ত তাসবীহ ১০ বার, সাজদা থেকে উঠে দুই সাজদার মাঝখানে বসে ১০ বার পড়বে। তারপর দ্বিতীয় সাজদায় অনুরূপ ১০ বার, তারপর দ্বিতীয় সাজদা থেকে উঠে বসে ১০ বার পড়বে। এই হল ১ রাকআতে ৭৫ বার। এরপর (আল্লাহু আকবার বলা ব্যতীতই) দ্বিতীয় রাকআতের জন্য উঠবে এবং এইরূপে দ্বিতীয় রাকআত পড়বে। যখন দ্বিতীয় রাকআতে আত্মহিয়াতু ... পড়ার জন্য বসবে, তখন আগে উক্ত তাসবীহ ১০ বার পড়বে তারপর আত্মহিয়াতু ... পড়বে। তারপর আল্লাহু আকবার বলে তৃতীয় রাকআতের জন্য উঠবে। অতঃপর তৃতীয় রাকআত ও চতুর্থ রাকআতেও উক্ত নিয়মে উক্ত তাসবীহ পাঠ করবে।^১ কোন এক স্থানে উক্ত তাসবীহ পড়তে সম্পূর্ণ ভুলে গেলে বা ভুলে নির্দিষ্ট সংখ্যার চেয়ে কম থেকে গেলে পরবর্তী যে রুকনেই স্মরণ আসুক সেখানে তথাকার সংখ্যার সাথে এই ভুলে যাওয়া সংখ্যাগুলোও আদায় করে নিবে। আর এই নামাযে কোন কারণে সাজদায়ে সহো ওয়াজিব হলে সেই সাজদা এবং তার মধ্যকার বৈঠকে উক্ত

১. তৃতীয় রাকআতের সাজদা থেকে উঠে তাসবীহ পড়ার পর ৪র্থ রাকআতের জন্য উঠার সময়ও আল্লাহু আকবার বলবে না। (إسنـ النبـ ৩/ ১)

তাসবীহ পাঠ করতে হবে না। তাসবীহের সংখ্যা স্মরণ রাখার জন্য আঙ্গুলে গণনা করা যাবে না তবে আঙ্গুল চেপে চেপে স্মরণ রাখা যেতে পারে।

বিঃ দ্রঃ সালাতুত্ তাসবীহ পড়ার আর একটি নিয়ম রয়েছে। তবে উপরোল্লিখিত নিয়মটি উত্তম।

দ্বিতীয় নিয়মে যদি কেউ পড়তে চায়, তাহলে নিয়ত বাধার পর প্রথম রাকআতে ছানা-সুবহানাকা ... পাঠ করার পর উক্ত দু'আটি ১৫ বার এবং সূরা কিরাত শেষ করে রুকূর পূর্বে ১০ বার পড়বে। তারপর রুকুতে, রুকু থেকে খাড়া হয়ে, প্রথম সাজদায়, দুই সাজদার মাঝখানে এবং দ্বিতীয় সাজদায় পূর্বের নিয়মে ১০ বার করে পড়বে। এ নিয়মে দ্বিতীয় সাজদা থেকে উঠে বসে ১০ বার পড়তে হবে না বরং দ্বিতীয় সাজদা থেকে সোজা দাঁড়িয়ে যাবে। দ্বিতীয়, তৃতীয় এবং চতুর্থ রাকআতেও সূরা কিরাতের পূর্বে ১৫ বার এবং সূরা কিরাতের পর রুকূর পূর্বে ১০ বার করে উক্ত তাসবীহ পাঠ করবে। এ নিয়মে প্রথম এবং শেষ বৈঠকে বসে আতাহিয়াতু-র পূর্বে ১০ বার উক্ত তাসবীহ পাঠ করতে হবে না।

* এই নামায একাকী পড়তে হয়-জামাআতের সাথে এই নামায পড়া দূরস্ত নয়। (نماز سنون)

* মাকরুহ ওয়াক্ত ব্যতীত দিবা রাত্রির যে কোন সময়ে এই নামায পড়া যায়, তবে সবচেয়ে উত্তম হল সূর্য ঢলার পর পড়া, তারপর দিনে, তারপর রাত্রে। (فضائل ذكر)

* যে কোন সূরা দিয়ে এই চার রাকআত নামায পড়া যায়, তবে কেউ কেউ বলেছেন, এই নামাযে সূরা আছর, কাউছার, কাফেরুন ও এখলাছ বা সূরা হাদীদ, হাশ্বর, ছফ ও তাগাবুন পড়া ভাল। (رد المحتار- مطلب في صلاة التسبيح)

* এই চার রাকআত নামাযের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ لِلَّهِ تَعَالَى أَرْبَعَ رَكَعَاتٍ صَلَاةِ التَّسْبِيحِ
বাংলায় : চার রাকআত সালাতুত্ তাসবীহের নিয়ত করছি।

এস্তেখারার নামায

* যখন কোন মোবাহ ও জায়েয কাজের ব্যাপারে সন্দেহ দেখা দেয় (ফরয ওয়াজিব কিংবা নাজায়েয কাজের জন্য এস্তেখারা নেই।) যেমন কোথায় বিবাহ শাদী করব, বিদেশ যাত্রা করব কি-না, বা হজ্জে কোন তারিখে যাব (হজ্জে

যাব কি না-এরূপ এস্তুখারা হয় না) ইত্যাদি বিষয়ে মন স্থির করতে না পারলে বিশেষ এক পদ্ধতিতে আল্লাহর নিকট মঙ্গল প্রার্থনা করাকে এস্তুখারা বলে।

* এস্তুখারার তরীকা হলঃ দুই রাকআত নফল নামায পড়ে মনোযোগের সাথে নিম্নোক্ত দু'আ পাঠ করা, তারপর মনের মাঝে যে দিকে ঝুঁক সৃষ্টি হয় কিংবা যে বিষয়টা অধিক কল্যাণজনক মনে হয়, তাতে কল্যাণ নিহিত রয়েছে মনে করে সেটা করা। এক দিনে মনের অবস্থা এরূপ না হলে সাত দিন করা। তারপরও মন কোন দিকে না ঝুঁকলে ভাল মন্দ বিবেচনা পূর্বক কাজ করে ফেলে এস্তুখারার বরকতে এবং আল্লাহর রহমতে মঙ্গল হবে।

বিঃ দ্রঃ এস্তুখারা রাতের বেলায় করা এবং এস্তুখারার পর শয়ন করা এবং স্বপ্নের মাধ্যমেই এস্তুখারার ফল জানা যাবে-এরূপ জরুরী নয়। এস্তুখারা যে কোন সময় করা যায়। এস্তুখারার পর শয়ন করাও জরুরী নয়-জাগ্রত অবস্থায়ও তার মন যে কোন এক দিকে ঝুঁকে যেতে পারে, আবার স্বপ্নের মাধ্যমেও কিছু জানতে পারে। (إغلاط العوام)

এস্তুখারার দু'আ এই :

اَللّٰهُمَّ اِنِّىْ اَسْتَخِيْرُكَ بِعِلْمِكَ وَاسْتَقْدِرُكَ بِقُدْرَتِكَ وَاَسْأَلُكَ مِنْ فَضْلِكَ الْعَظِيْمِ فَاِنَّكَ تَقْدِرُ وَلَا اَقْدِرُ وَتَعْلَمُ وَلَا اَعْلَمُ وَاَنْتَ عَلَّامُ الْغُيُوْبِ اَللّٰهُمَّ اِنْ كُنْتَ تَعْلَمُ اَنَّ هٰذَا الْاَمْرَ -

(এখানে এস্তুখারার সময় নিজের উদ্দেশ্যের কথা স্মরণ করবে।)

خَيْرٌ لِّىْ فِىْ دِيْنِىْ وَمَعَاشِىْ وَعَاقِبَةِ اَمْرِىْ فَاَقْدِرْهُ لِىْ وَيَسِّرْهُ لِىْ ثُمَّ بَارِكْ لِىْ فِيْهِ وَاِنْ كُنْتَ تَعْلَمُ اَنَّ هٰذَا الْاَمْرَ -

(এখানেও এস্তুখারার সময় নিজের উদ্দেশ্যের কথা স্মরণ করবে।)

شَرٌّ لِّىْ فِىْ دِيْنِىْ وَمَعَاشِىْ وَعَاقِبَةِ اَمْرِىْ فَاَصْرِفْهُ عَنِّىْ وَاصْرِفْنِىْ عَنْهُ وَاَقْدِرْ لِىْ الْخَيْرَ حَيْثُ كَانَ ثُمَّ اَرْضِنِىْ بِهِ -

* এস্তুখারার এই লম্বা দু'আ মুখস্ত না থাকলে সংক্ষিপ্ত এই দু'আটি পড়ে নিবে-

اَللّٰهُمَّ خِرْ لِّىْ وَاخْتَرْ لِّىْ -

* এস্তুখারার উপরোক্ত আরবীতে বর্ণিত দু'আটি পড়া উত্তম, না পারলে মাতৃভাষায়ও দু'আ করা যায়। (اغلاط العوام)

* এস্তুখারার নামায় পড়ার সময় না পেলে শুধু দু'আ পড়াই যথেষ্ট।

সালাতুল কাতল বা নিহত হওয়াকালীন নামায

কোন মুসলমান যদি অবগত হতে পারে যে, তাকে হত্যা করা হবে বা ফাঁসি দেয়া হবে, তার জন্য এই দুই রাকআত নফল নামায পড়ে নেয়া মোস্তাহাব। নামায পাঠ পূর্বক আল্লাহর নিকট ক্ষমা প্রার্থনা করবে। এই নামাযকে 'সালাতুল কাতল' বা নিহত হওয়াকালীন নামায বলে। এই নামাযের জন্য গোসল করে নেয়া মোস্তাহাব।

তওবার নামায

কারও থেকে কোন পাপ সংঘটিত হয়ে গেলে তৎক্ষণাৎ পবিত্রতা অর্জন করে দুই রাকআত নফল নামায পাঠ পূর্বক আল্লাহর নিকট অনুনয়-বিনয় করে ক্ষমা প্রার্থনা করবে। নিজের পাপের প্রতি অনুতপ্ত হবে এবং ভবিষ্যতে না করার জন্য পাকা-পোক্ত ইরাদা করবে, তাহলে আল্লাহ তার পাপকে ক্ষমা করবেন। এই নামাযকে 'সালাতুল তাওবা' অর্থাৎ, তওবার নামায বলে। এর জন্য গোসল করে নেয়া মোস্তাহাব।

সালাতুল হাজাত বা প্রয়োজনের মুহূর্তের নামায

আল্লাহর নিকট বা বান্দার নিকট বিশেষ কোন প্রয়োজন হলে কিংবা শারীরিক মানসিক যে কোন পেরেশানী দেখা দিলে উত্তম ভাবে উযু করে দুই রাকআত নফল নামায পড়বে। অতঃপর আল্লাহর হাম্দ ও ছানা (প্রশংসা) এবং দুরুদ শরীফ পাঠ করে আল্লাহর নিকট দু'আ করবে। বিশেষভাবে হাদীছে নিম্নোক্ত দু'আ পাঠের কথা বর্ণিত আছে-

لَا إِلَهَ إِلَّا اللَّهُ الْحَلِيمُ الْكَرِيمُ ، سُبْحَانَ اللَّهِ رَبِّ الْعَرْشِ الْعَظِيمِ ، الْحَمْدُ لِلَّهِ رَبِّ الْعَالَمِينَ ، أَسْأَلُكَ مُوجِبَاتِ رَحْمَتِكَ ، وَغَرَائِمَ مَغْفِرَتِكَ ، وَالْغَنِيمَةَ مِنْ كُلِّ بَرٍّ وَالسَّلَامَةَ مِنْ كُلِّ إِثْمٍ ، لَا تَدْعُ لِي ذَنْبًا إِلَّا غَفَرْتَهُ ، وَلَا هَمًّا إِلَّا فَرَجْتَهُ ، وَلَا حَاجَةً هِيَ لَكَ رِضًا إِلَّا قَضَيْتَهَا يَا أَرْحَمَ الرَّاحِمِينَ -

ভয়াবহ পরিস্থিতির নামায

* যখন কোন ভয়াবহ পরিস্থিতি আসে তখনও নামায পড়া সুন্যাত। যেমন ঝড়ের সময়, ভূমিকম্পের সময়, অতিরিক্ত বৃষ্টিপাতের সময়, প্লাবনের সময়, কলেরা বসন্ত প্লেগ প্রভৃতি মহামারী ইত্যাদি দেখা দিলে। তবে এই নামাযের জন্য জামাআত নেই- প্রত্যেকেই নিজে নিজে পৃথকভাবে পড়বে এবং নামায পড়ে আল্লাহর দিকে রুজু হয়ে দু'আ করবে।

* এই নামাযের জন্য গোসল করে নেয়া মোস্তাহাব।

মারাত্মক ধরনের বিপদে কুনূতে নাযেলার আমল

মারাত্মক ধরনের বিপদ বা ফেতনার সময় ফজরের নামাযে কুনূতে নাযেলার আমল করা রাসূল (সাঃ) থেকে প্রমাণিত রয়েছে। যেমন- মুসলমানদের উপর শত্রুর আক্রমণ হলে বা যুদ্ধ লাগলে মুসলমানদের জন্য দু'আ এবং শত্রুদের বিরুদ্ধে বদ দু'আ করার উদ্দেশ্যে এ আমল করা হয়ে থাকে। ফজরের নামাযের দ্বিতীয় রাকআতে রুকূর থেকে উঠার পর সোজা দাঁড়িয়ে হাত ছাড়া অবস্থায় কুনূতে নাযেলা পাঠ করা হয়। ইমাম কুনূত পাঠ করবেন আর মুক্তাদীগণ আস্তে আস্তে আমীন বলবেন। দু'আ পাঠ শেষ হলে যথারীতি সাজদা করা হবে। কুনূতে নাযেলা (-এর দু'আ) এভাবে পাঠ করা যায়ঃ

اَللّٰهُمَّ اهْدِنَا فَيْمَنْ هَدَيْتَ ، وَعَافِنَا فَيْمَنْ عَافَيْتَ ، وَتَوَلَّنَا فَيْمَنْ تَوَلَّيْتَ ،
وَبَارِكْ لَنَا فَيْمَا اَعْطَيْتَ ، وَقِنَا شَرَّ مَا قَضَيْتَ ، فَاِنَّكَ تَقْضِيْ وَلَا يُقْضٰى
عَلَيْكَ ، وَاِنَّهُ لَا يَذِلُّ مَنْ وَاَلَيْتَ ، تَبَارَكْتَ رَبَّنَا وَتَعَالَيْتَ - اَللّٰهُمَّ اِنَّا
نَسْتَغِيْثُكَ وَنَسْتَغْفِرُكَ وَلَا نَكْفُرُكَ وَنُؤْمِنُ بِكَ وَنَخْلَعُ مِنْ يَفْحَرُكَ -
اَللّٰهُمَّ اِيَّاكَ نَعْبُدُ وَلكَ نُصَلِّيْ وَنَسْجُدُ وَاِلَيْكَ نَسْعٰى ، وَنَحْفِدُ وَنَرْجُوْ
رَحْمَتَكَ ، وَنَخْشٰى عَذَابَكَ اِنَّ عَذَابَكَ بِالْكَفَّارِ مُلْحِقٌ - اَللّٰهُمَّ عَذَبِ
الْكُفْرَةَ الَّذِيْنَ يَصُدُّوْنَ عَنْ سَبِيْلِكَ وَيُكَذِّبُوْنَ رُسُلَكَ وَيُقَاتِلُوْنَ
اَوْلِيَائَكَ - اَللّٰهُمَّ اغْفِرِ الْمُؤْمِنِيْنَ وَالْمُؤْمِنَاتِ وَالْمُسْلِمِيْنَ وَالْمُسْلِمَاتِ ،
وَاَصْلِحْ ذَاتَ بَيْنِهِمْ ، وَآلِفْ بَيْنَ قُلُوْبِهِمْ ، وَاجْعَلْ فِيْ قُلُوْبِهِمُ الْاِيْمَانَ
وَالْحِكْمَةَ ، وَتَبَتَّهِمْ عَلٰى مِلَّةِ رَسُوْلِ اللّٰهِ صَلَّى اللّٰهُ عَلَيْهِ وَسَلَّمَ وَاَوْرِزْهُمْ
اَنْ يُؤْفُوْا بِعَهْدِكَ الَّذِىْ عَاهَدْتَهُمْ عَلَيْهِ ، وَاَنْصُرْهُمْ عَلٰى عَدُوْكَ وَعَدُوْهِمْ

إِلَهِ الْحَقِّ وَاجْعَلْنَا مِنْهُمْ- اللَّهُمَّ اَنْجِ وَأَنْجِ الْمُسْتَضْعِفِينَ مِنْ الْمُؤْمِنِينَ- اللَّهُمَّ اشْدُدْ وَطَأَتِكَ عَلَى وَاجْعَلْهَا عَلَيْهِمْ سِنِينَ كَسِنِي يُوسُفَ -

প্রথম শূন্য স্থানে যে ব্যক্তি বা যে সম্প্রদায়ের জন্য দু'আ করা হবে তার বা তাদের নাম আর দ্বিতীয় শূন্যস্থানে যে বা যাদের বিরুদ্ধে বদ দু'আ করা হবে তার বা তাদের নাম উল্লেখ করতে হবে।

সফরের নামায

* সফরের উদ্দেশ্যে বাড়ি থেকে বের হওয়ার সময় দুই রাকআত এবং সফর থেকে ফিরে দুই রাকআত নামায পড়া মোস্তাহাব। একে সফরের নামায বলে।

* সফর থেকে ফিরে আগে মসজিদে গিয়ে দুই রাকআত নামায পড়বে তারপর বাড়ি যাবে। এরূপ করা মোস্তাহাব।

* সফরের মধ্যেও যদি কোন স্থানে কিছুকাল অবস্থান করার ইচ্ছা হয়, তবে সেখানে বসার পূর্বেই দুই রাকআত নামায পড়ে নেয়া মোস্তাহাব।

(বেহেশতী জেওরঃ ১ম)

কছরের নামায

* যদি কোন ব্যক্তি মোটামুটি ৪৮ মাইল (৭৭.২৩২ অর্থাৎ, প্রায় সোয়া সাতাত্তর কিলোমিটার) রাস্তা অতিক্রম করে কোন স্থানে যাওয়ার উদ্দেশ্যে নিজ এলাকার লোকালয় থেকে বের হয়, তাকে শরী'আতের পরিভাষায় মুসাফির বলা হয়।

* মুসাফির ব্যক্তি পথিমধ্যে চার রাকআত বিশিষ্ট ফরয নামায (অর্থাৎ, জোহর, আসর ও ঈশার ফরয নামায)-কে দুই রাকআত পড়বে। একে কছরের নামায বলে। তিন রাকআত বা দুই রাকআত বিশিষ্ট ফরয নামায, ওয়াজিব নামায এমনভাবে সুন্নাত নামায পূর্ণ পড়তে হবে। এ হল পথিমধ্যে থাকাকালীন সময়ের বিধান। আর গন্তব্যস্থানে পৌঁছার পর যদি সেখানে ১৫ দিন বা তদুর্ধ্বকাল থাকার নিয়ত হয় তাহলে কছর হবে না- নামায পূর্ণ পড়তে হবে। আর যদি ১৫ দিনের কম থাকার নিয়ত থাকে তাহলে কছর হবে। গন্তব্যস্থান নিজের বাড়ি হলে কছর হবে না, চাই যে কয় দিনই থাকার নিয়ত হোক।

* মুসাফির ব্যক্তি মুকীম ইমামের পিছনে এজ্জেদা করলে কছর হবেনা, পূর্ণ নামাযই পড়তে হবে।

* মুসাফির ব্যক্তির ব্যস্ততা থাকলে ফজরের সুন্নাত ব্যতীত অন্যান্য সুন্নাত ছেড়ে দেয়া দুরস্ত আছে। ব্যস্ততা না থাকলে সব সুন্নাত পড়তে হবে।

* যারা লঞ্চ, স্টীমার, প্লেন, বাস, ট্রাক ইত্যাদির চালক বা কর্মচারী, তারাও অনুরূপ দূরত্বের সফর হলে পথিমধ্যে কছর পড়বে। আর গন্তব্য স্থানের মাসআলা উপরোক্ত নিয়মানুযায়ী হবে।

* ১৫ দিন বা তার বেশী থাকার নিয়ত হয়নি এবং পূর্বেই চলে যাবে চলে যাবে করেও যাওয়া হচ্ছেনা-এভাবে ১৫ দিন বা তার বেশী থাকা হলেও কছর পড়তে হবে।

সালাতুল তালিবে ওয়াল মাতলুব

* যদি কোন ব্যক্তি শত্রুর পশ্চাদ্ধাবনে দ্রুত চলতে থাকে, তাহলে তার জন্য সেই চলন্ত অবস্থায় নামায পড়া জায়েয নয়, সওয়ারীতে থাকলে সওয়ারী থেকে অবতরণ করে তাকে নামায পড়তে হবে। এরূপ ব্যক্তির নামাযকে “সালাতুল তালিব” বলে। (نماز سنون)

* যদি কোন ব্যক্তি শত্রু কর্তৃক তাড়িত হয়ে দ্রুত পথ চলতে থাকে, তাহলে সওয়ারীতে থাকা অবস্থায় চলতে চলতে ইশারায় নামায পড়ে নিতে পারে। আর যদি পায়ে হেটে পথ চলতে থাকে বা পানিতে সাঁতরাতে থাকে, তাহলে এমতাবস্থায় নামায জায়েয নয়। এরূপ ব্যক্তির নামাযকে “সালাতুল মাতলুব” বলে। (نماز سنون)

সালাতুল মারীয বা অসুস্থ ব্যক্তির নামায

* অসুস্থ থাকার কারণে দাঁড়িয়ে নামায পড়তে সক্ষম না হলে বসে নামায পড়বে, বসে রুকু করবে এবং উভয় সাজদা করবে। রুকুর জন্য এতটুকু ঝুঁকবে যেন কপাল হাঁটুর কিনারা বরাবর হয়ে যায়।

* রুকু সাজদা করার ক্ষমতা না থাকলে মাথার ইশারায় রুকু সাজদা করবে। রুকুর তুলনায় সাজদার জন্য মাথা বেশী ঝুঁকাবে। সাজদার জন্য বালিশ ইত্যাদির প্রয়োজন নেই। বরং বালিশ ইত্যাদি উঁচু বস্তুর উপর সাজদা করা ভাল নয়।

* দাঁড়িয়ে নামায পড়তে অনেক কষ্ট হলে বা রোগ বেড়ে যাওয়ার প্রবল আশংকা থাকলে বসে নামায পড়া দুরস্ত আছে।

* কেউ দাঁড়াতে সক্ষম কিন্তু রুকু সাজদা করতে সক্ষম নয় তাহলে সে দাঁড়িয়ে নামায পড়তে এবং রুকু সাজদার জন্য ইশারা করতে পারে। তবে তার জন্য বসে নামায পড়া উত্তম। রুকু সাজদার জন্য ইশারা করবে।

* যদি নিজ ক্ষমতায় বসতে সক্ষম না হয় কিছুতে হেলান দিয়ে বা টেক দিয়ে বসতে সক্ষম হয়, তাহলে হেলান দিয়ে বসে নামায পড়বে। হাঁটু খাড়া রাখতে পারলে খাড়া রাখবে নতুবা হাঁটুর নীচে বালিশ দিয়ে হাঁটু উঁচু করে রাখবে যেন যথাসম্ভব কেবলার দিক থেকে পা ফিরে থাকে।

* যদি হেলান দিয়েও বসতে সক্ষম না হয় তাহলে মাথার নীচে বালিশ ইত্যাদি দিয়ে মাথা উঁচু করে কেবলামুখী করে দিয়ে নামায পড়বে। এরূপ অবস্থায় মাথা উত্তর দিকে দিয়ে ডান কাতে গুয়ে বা মাথা দক্ষিণ দিকে দিয়ে বাম কাতে গুয়ে কেবলার দিকে মুখ করেও নামায পড়া দুরস্ত আছে। এসব অবস্থায়ই মাথার ইশারায় রুকু সাজদা করবে।

* যদি মাথা দ্বারা রুকু সাজদার জন্য ইশারা করার ক্ষমতা না থাকে তাহলে চক্ষুর দ্বারা ইশারায় নামায আদায় হবে না। এরূপ অবস্থায় নামায ফরযও থাকে না। এরূপ অবস্থা পাঁচ ওয়াক্তের বেশী স্থায়ী হলে তার কাযাও করতে হবে না।

* কারও বেহুশ থাকা অবস্থায় পাঁচ ওয়াক্তের বেশী নামায ছুটে গেলে তার কাযা করতে হবে না।

* দাঁড়িয়ে নামায শুরু করার পর যদি এমন হয়ে যায় যে, দাঁড়ানোর শক্তি রইল না, তাহলে অবশিষ্ট নামায বসে পড়বে। রুকু সাজদা করতে পারলে করবে নতুবা ইশারায় রুকু করবে। এমনকি বসতে না পারলে গুয়ে গুয়ে অবশিষ্ট নামায আদায় করে নিবে।

* কেউ বসে নামায শুরু করার পর নামাযের মধ্যেই দাঁড়ানোর শক্তি এসে গেল, তাহলে অবশিষ্ট নামায দাঁড়িয়ে পূর্ণ করবে।

* যদি কেউ মাথার ইশারায় নামায পড়া শুরু করার পর বসে বা দাঁড়িয়ে রুকু সাজদা করার মত শক্তি পায় তাহলে নতুন নিয়ত বেধে নতুন করে পূর্ণ নামায আদায় করতে হবে- পূর্বের নামাযের নিয়ত বাতিল হয়ে যাবে।

* রোগী পেশাব পায়খানার পর পানি দ্বারা এস্তেন্জা করতে সক্ষম না হলে পুরুষ হলে তার স্ত্রী কিংবা স্ত্রী হলে তার স্বামী পানি দ্বারা এস্তেন্জা করিয়ে দিলে ভাল। নতুবা নেকড়ার দ্বারা মুছে ঐ অবস্থায়ই নামায পড়ে নিবে। যদি

নেকড়ার দ্বারা মুহবার মত শক্তি না থাকে (এবং পুরুষের স্ত্রী বা স্ত্রীর স্বামী না থাকে) তাহলেও ঐ অবস্থায় নামায পড়ে নিবে।

* রোগীর বিছানা যদি নাপাক হয় এবং বিছানা বদলাতে যদি রোগীর অতিশয় কষ্ট হয় বা ক্ষতি হয়, তাহলে ঐ বিছানাতেই নামায পড়ে নিবে।

* ডাক্তার চক্ষু অপারেশনের পর নড়াচড়া করতে নিষেধ করলে এমন অবস্থায় গুয়ে-গুয়ে হলেও নামায পড়ে নিবে।

সালাতুল খাওফ বা ভয়কালীন নামায

* মানুষ বা হিংস্র প্রাণী বা অজগর ইত্যাদি শত্রুর সম্মুখীন হওয়ার মুহূর্তে যে নামায পড়া হয়, তাকে বলে 'সালাতুল খাওফ' বা ভয়কালীন নামায।

* ভয়কালীন মুহূর্তে জামা'আতে নামায পড়তে না পারলে একাকী নামায পড়ে নিবে। সওয়ারীতে বসা থাকলে আর নামতে না পারলে সওয়ারীতেই নামায পড়ে নিবে। তখন কেবলামুখী হওয়াও শর্ত নয়। আর যদি এতটুকুও অবকাশ না পায় তাহলে তখন নামায পড়বে না- পরে অবস্থা শান্ত হলে কাযা করে নিবে।

* যে মুহূর্তে যুদ্ধ চলে তখন নামায পড়ার অবকাশ না পেলে বিলম্ব করবে এবং এ অবস্থায় ওয়াক্ত চলে গেলে পরে কাযা করে নিবে। (نارِسُون)

* যুদ্ধ চলাকালে সকলে একত্রে জামা'আতে নামায পড়তে না পারলে মুসলমানদেরকে দুইভাগে বিভক্ত করে আলাদা আলাদা জামা'আত করে নিবে। তবে যদি দলে এমন কোন বয়ূর্ণ থাকেন যার পিছনে সকলেই নামায পড়তে চান এবং এক জামা'আত করতে চান তার জন্যও নিয়ম রয়েছে, বিজ্ঞ আলেম থেকে সে নিয়ম জেনে নিবে।

* নৌকা জাহাজ ইত্যাদি ডুবে গেলে সত্তরণকালে যদি নামাযের ওয়াক্ত যাওয়ার মত হয় এবং কিছুকাল বয়া, বাঁশ, তক্তা ইত্যাদির সাহায্যে হাত পা সঞ্চালন বন্ধ রাখা সম্ভব হয়, তাহলেও সম্ভব হলে মাথার ইশারা দ্বারা নামায পড়ে নিতে হবে।

সালাতুল ফাতাহ বা বিজয়ের নামায

* মক্কা বিজয়ের পর রাসূল সাল্লাল্লাহু আলাইহি ওয়াসাল্লাম আট রাকআত নামায আদায় করেছিলেন, উলামায়ে কেরামের পরিভাষায় এটাকে সালাতুল ফাতাহ বা বিজয়ের নামায বলা হয়। মুসলমান আমীরগণও বিভিন্ন দেশ এবং

নগরী বিজয়ের পর বিজয়ের শোকর স্বরূপ আট রাকআত নামায পড়তেন। হযরত সা'দ ইবনে আবী ওয়াক্কাস (রাঃ) মাদায়েন বিজয় ও খসরুর রাজ প্রাসাদে প্রবেশ করতঃ এক সালামে আট রাকআত নামায আদায় করেছিলেন।

(سيرة المصطفى ج ٣ / نقلًا عن البخاري وروض الانف)

শোকরের নামায

কোন বিশেষ নেয়ামত পাওয়া বা কোন বিশেষ খুশীর খবর প্রাপ্ত হওয়ার মুহূর্তে শোকর স্বরূপ দুই রাকআত নামায পড়ার প্রামাণ্য রাসূল (সাঃ) থেকে পাওয়া যায়। একে শোকরের নামায বলা হয়। একে 'সাজদায়ে শোকর'ও বলা হয়। ইমাম আবু হানীফা (রহঃ)-এর ব্যাখ্যা অনুযায়ী "সাজদায়ে শোকর" কথাটির মধ্যে 'সাজদা' দ্বারা রূপক অর্থে নামায বোঝানো হয়েছে। শোকর স্বরূপ এই দুই রাকআত নামায পড়ে নিবে, শুধু সাজদা করা সুন্নাত নয়। (رد المحتار) তবে সাধারণ ফতওয়া গ্রন্থের বর্ণনা অনুযায়ী উযু সহকারে কেবলামুখী হয়ে একটা সাজদা দেয়ার মাধ্যমেও শোকর আদায় করা যায়।

সালাতুল কুছুফ (সূর্য গ্রহণের নামায)

* সূর্য গ্রহণের সময় মাকরুহ ওয়াক্ত না হলে দুই রাকআত নামায পড়া সুন্নাত।

* সূর্য গ্রহণের নামাযের জন্য গোসল করা মোস্তাহাব।

* এই নামায জামা'আতের সাথে পড়তে হয়। বাদশাহ, তাঁর নায়েব এবং এক বর্ণনা অনুযায়ী মসজিদের ইমাম নিজ নিজ মসজিদে কছুফের নামায পড়াতে পারেন। এরূপ ইমাম না পাওয়া গেলে প্রত্যেকে একা একা পড়বে। আর স্ত্রী লোক নিজ নিজ গৃহে পৃথক পৃথক ভাবে এই নামায আদায় করবে।

* এই নামায সুরা বাকারার ন্যায় অনেক লম্বা কিরাত, লম্বা রুকু ও লম্বা সাজদা সহকারে পড়া সুন্নাত।

* এই নামাযে কিরাত আন্তে পড়া উত্তম।

* নামায শেষে ইমাম কেবলামুখী হয়ে বসে বা লোকদের দিকে মুখ করে দাঁড়িয়ে যতক্ষণ সূর্যের গ্রহণ সম্পূর্ণ না ছুটে ততক্ষণ পর্যন্ত দু'আ করতে থাকবে। অবশ্য কোন নামাযের সময় এসে গেলে দু'আ বন্দ করে নামায পড়ে নিবে। (বেহেশতী জেওর ১ম)

* দুই রাকআত সালাতুল খুছূফের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ رَكْعَتَي صَلَاةِ الْكُسُوفِ

বাংলায় : দুই রাকআত খুছূফের নামায় পড়ছি।

সালাতুল খুছূফ (চন্দ্র গ্রহণের নামায়)

* চন্দ্র গ্রহণের সময়ও দুই রাকআত নামায় পড়া সুন্নাত। তবে এই নামায়ে জামা'আত সুন্নাত নয় বরং প্রত্যেকে পৃথক পৃথকভাবে নামায় পড়বে এবং নিজ ঘরে থেকে পড়বে। মসজিদে যাওয়াও সুন্নাত নয়।

* চন্দ্র গ্রহণের নামায়ের জন্য গোসল করা মোস্তাহাব।

* দুই রাকআত সালাতুল খুছূফের নিয়ত এভাবে করা যায়-

আরবীতে : نَوَيْتُ أَنْ أَصَلِّيَ رَكْعَتَي صَلَاةِ الْخُسُوفِ

বাংলায় : দুই রাকআত খুছূফের নামায় পড়ছি।

এস্তেস্কার নামায়

* যখন অনাবৃষ্টিতে লোকের কষ্ট হতে থাকে, তখন দুই রাকআত নামায় আদায় পূর্বক আল্লাহর নিকট পানির জন্য দরখাস্ত করা এবং দুআ করা সুন্নাত। এই নামায়কে 'এস্তেস্কার নামায়' বলে।

* এস্তেস্কার মোস্তাহাব তরীকা এই যে, দেশের সমস্ত মুসলমান পুরুষ, বালক, বৃদ্ধসহ সম্ভব হলে পায়ে হেঁটে গরীবানা লেবাস-পোশাকে অত্যন্ত বিনয়ের সাথে মাথা নীচু করে ময়দানে হাজির হবে। ময়দানে গমনের পূর্বেই খাঁটি অন্তরে আল্লাহর নিকট তওবা এস্তেগফার করবে। কেননা পাপের দরুণই প্রায়শঃ বৃষ্টি বন্ধ হয় এবং অভাব-অনটন ও দুর্ভিক্ষ দেখা দেয়। কারও হক নষ্ট করে থাকলেও তা আদায় করে যাবে। ময়দানে সাথে কোন কাফেরকে নিবে না। জীব-জানোয়ার সাথে নেয়া যায়, তাতে আল্লাহর রহমত আকর্ষিত হয়। ময়দানে আযান ইকামত ব্যতীত দুই রাকআত নামায় জামা'আতের সাথে আদায় করবে। এই নামায়ে কিরাত উচ্চস্বরে পাঠ করা হয়। নামায়ের পর ঈদের খুতবার ন্যায় দুইটা খুতবা পাঠ করতে হয়। তবে এই খুতবা পড়তে হয় মাটিতে দাঁড়িয়ে এবং হাতে লাঠি বা তলোয়ার নিয়ে। খুতবার পর ইমাম কেবলামুখী হয়ে দাঁড়িয়ে উভয় হাত উঠিয়ে আল্লাহর নিকট পানির জন্য দুআ করবে। উপস্থিত সকলেও দুআ করবে। পরপর তিন দিন একরূপ করা মোস্তাহাব। এই তিন দিন রোযা রাখাও মোস্তাহাব। যদি ময়দানে পৌঁছার পূর্বেই কিংবা

তিন দিন পূর্ণ হওয়ার পূর্বে বৃষ্টি হয়ে যায় তবুও তিন দিন এরূপে পূর্ণ করা মোস্তাহাব। ময়দানে যাওয়ার পূর্বে সদকা খয়রাত করাও মোস্তাহাব।

* রাসূল সাল্লাল্লাহু আলাইহি ওয়াসাল্লাম চাদর মোবারক উল্টিয়েছেন, দু'আর মধ্যে হাতের পিঠ আসমানের দিকে করেছেন এবং হাত এতটুকু উঁচু করেছেন যে, বগল দৃষ্টি গোচরে এসেছে। হযরত ইমাম আবু হানীফা (রহঃ)-এর মতে এগুলো করা জরুরী নয় তবে অবস্থা পরিবর্তনের দিকে ইঙ্গিত ও শুভ লক্ষণ হিসেবে করা যেতে পারে।

* এস্তেস্কার নামাযের জন্য গোসল করা মোস্তাহাব।

(بُشْتِ گُوهر، نمازسنون والفقہ علی المذاهب الاربعہ)

নামাযের ফরয সমূহ

নামাযে তেরটি ফরয। নামায আরম্ভ করার পূর্বে সাতটি ও নামায আরম্ভ করার পর ছয়টি ফরয। নামাযের পূর্বের সাতটিকে নামাযের আহকাম বা শর্ত বলে আর মধ্যেরগুলিকে নামাযের আরকান বলে। এই আরকান বা শর্ত সমূহের কোন একটিও ছুটে গেলে নামায হবে না।

নামাযের আহকাম বা শর্তসমূহ ৫

১. সময় মত নামায পড়া। নামাযের সময় হওয়ার পূর্বে নামায পড়লে নামায হবে না।
২. প্রকৃত অপ্রকৃত সর্ব প্রকার নাপাকী থেকে শরীর পবিত্র হতে হবে। অর্থাৎ, উষু না থাকলে উষু করে নিতে হবে। গোসলের প্রয়োজন হলে গোসল করে নিতে হবে। শরীরে কোন নাপাকী লেগে থাকলে ধৌত করে নিতে হবে।
৩. পোশাক-পরিচ্ছদ পাক হতে হবে। কাপড়ে গাঢ় অথবা পাতলা যে কোন প্রকারের নাপাকী লেগে থাকলে ধৌত করে নিতে হবে।
৪. যে জায়গায় নামায পড়বে তা পাক হতে হবে।
৫. ছতর বা ঢাকবার স্থান ঢাকতে হবে অর্থাৎ, নামাযীর শরীর কাপড় দিয়ে ঢেকে নিতে হবে। পুরুষ এরূপ কাপড় পরিধান করবে যেন নাভি থেকে হাঁটু পর্যন্ত ঢেকে যায়। স্ত্রীলোক এমন কাপড় পরিধান করবে যেন দু হাতের কজি দু পা ও মুখমণ্ডল ব্যতীত সমস্ত শরীর আবৃত হয়ে যায়। যে উড়না এত পাতলা যে, তাতে চুল দেখা যায় তাতে নামায হবে না। পুরুষের পায়ের গিট কাপড়ে ঢেকে গেলে নামায মাকরুহ হবে। স্ত্রীলোকের সমস্ত গিট আবৃত থাকলে নামায মাকরুহ হবে।

৬. কেবলার দিকে মুখ করতে হবে।

৭. নামাযের নিয়ত করতে হবে। হৃদয়ের অনুভূতি দ্বারা অমুক নামায পড়ছি বলে ইচ্ছে করলে এতেই যথেষ্ট হবে, তবে মুখে নিয়ত উচ্চারণ করা উত্তম, এতে হৃদয়ের আকর্ষণ বেড়ে যায়।

নামাযের আরকানঃ

১. তাকবীরে তাহরীমা বলা। অর্থাৎ, নামাযের নিয়ত করার সময় ‘আল্লাহ্ আকবার’ বলা।
২. কিয়াম করা : অর্থাৎ, কোন অসুবিধা না থাকলে সোজা হয়ে দাঁড়ানো।
৩. কিরআত পাঠ করা : পবিত্র কুরআন থেকে কমপক্ষে তিনটি ছোট আয়াত অথবা একটি বড় আয়াত পাঠ করতে হবে।
৪. রুকু করা।
৫. দু’সাজদা করা।
- ৬ শেষ বৈঠকে তাশাহুদ পড়তে যতক্ষণ সময় লাগে ততক্ষণ বিলম্ব করা।

নামাযের ওয়াজিবসমূহ

নামাযের কোন একটি ফরয কাজ ছুটে গেলে নামায হবে না। দ্বিতীয়বার নামায পড়তে হবে। যেমন তাকবীরে তাহরীমা- আল্লাহ্ আকবার বলল না কিংবা সাজদা করল না, বা রুকু করতে ভুলে গেল। এ সমস্ত অবস্থায় নামায হবেই না। তবে নামাযের কোন একটি ওয়াজিব কাজ ভুলে ছুটে গেলে নামায পুরাপুরি ভঙ্গ হবে না। তবে নামাযের একটি কাজ বাদ পড়ায় এ ঘটতি মোচন করার জন্য শরী‘আত সাজদায়ে সাহো বা ভুলের সাজদা দেয়ার নিয়ম করেছে। এ সাজদা ওয়াজিব হলে সে সাজদা আদায় না করলে দ্বিতীয়বার নামায পড়ে নেয়া ওয়াজিব। সাজদায়ে সাহো (ভুলের সাজদা) আদায় করার নিয়মাবলী সামনে আলোচনা করা হবে।

নামাযের ওয়াজিবগুলো নিম্নরূপ :

১. ফরযের প্রথম দুই রাকআত কিরাত পাঠের জন্যে নির্দিষ্ট করা।
২. সূরা ফাতিহা পাঠ করা অর্থাৎ, ফরয নামাযের প্রথম দু’ রাকআতে এবং সুন্নাত ও নফল নামাযের সকল রাকআতে সূরা ফাতিহা পাঠ করা ওয়াজিব।
৩. নফল অথবা বিতর নামাযের সমস্ত রাকআতে সূরা ফাতিহাসহ কোন সূরা বা তিন আয়াত পাঠ করা ওয়াজিব এবং ফরয নামাযের শুধু প্রথম দু’ রাকআতে সূরা ফাতিহাসহ কোন সূরা বা তিন আয়াত পাঠ করা ওয়াজিব।

৪. প্রথমে ফাতিহা পড়া তারপর সূরা/কিরাত পড়া।
৫. নামাযের অঙ্গগুলো ক্রমাগত আদায় করা। অর্থাৎ, অমনোযোগিতা অথবা ভুলবশতঃ নামাযের এক অঙ্গ আদায় করার পর অন্য অঙ্গ আদায় করতে যদি তিন তাসবীহ পরিমাণ বিলম্ব হয়, তখন ভুলের সাজদা দেয়া ওয়াজিব হবে। দুআ ইত্যাদি পড়ার মধ্যে যত বিলম্বই হোক না কেন ভুলের সাজদা দিতে হবে না।
৬. কিয়াম, রুকু, কিরাত ও সাজদার মধ্যে ধারাবাহিকতা ঠিক রাখতে হবে। অর্থাৎ, রুকুর আগে সাজদা অথবা সাজদার আগে কা'দা (বৈঠক) করলে ভুলের সাজদা দেয়া ওয়াজিব হবে।
৭. রুকু ও সাজদার মধ্যে এতটুকু বিলম্ব করা যাতে একবার **سُبْحَانَ رَبِّيَ الْأَعْلَى** অথবা **سُبْحَانَ رَبِّيَ الْعَظِيمِ** পাঠ করতে পারে। এ চেয়ে অতি তাড়াতাড়ি করে রুকু সাজদা করলে নামায হবে না।
৮. কওমা করা। অর্থাৎ, রুকু করার পর সোজা হয়ে দাঁড়ানো। এতে বহুলোক তাড়াহুড়া করে অর্থাৎ, সোজা হয়ে না দাঁড়িয়েই সাজদায় চলে যায়, এরূপ করলে নামায হবে না।
৯. জলসা করা। অর্থাৎ, এক সাজদা করার পর ভাল করে বসা, অতঃপর দ্বিতীয় সাজদা করা।
১০. প্রথম বৈঠকে অর্থাৎ, তিন অথবা চার রাকআত বিশিষ্ট নামাযের দু' রাকআত পড়ার পর তাশাহুদ পাঠ করতে পারা যায় এতটুকু সময় বসা।
১১. উভয় বৈঠকে তাশাহুদ পাঠ করা। অর্থাৎ, দু' রাকআত বিশিষ্ট নামাযে দ্বিতীয় রাকআতে, তিন রাকআত বিশিষ্ট নামাযের দ্বিতীয় ও তৃতীয় এবং চার রাকআত বিশিষ্ট নামাযে দ্বিতীয় ও চতুর্থ রাকআতের বৈঠকে তাশাহুদ পড়তে হবে।
১২. তা'দীলে আরকান। অর্থাৎ, নামাযের অঙ্গগুলো ধীরস্থির ভাবে আদায় করা। কওমা, রুকু, সাজদা ও জলসা ইত্যাদি শান্ত-শিষ্ট ভাবে আদায় করা। নামাযের দুআগুলোও ধীরস্থির ভাবে পড়তে হবে যেন কোন কিছু ছুটতে না পারে।
১৩. যে নামাযে কুরআন পাঠ আন্তে করার বিধান আছে, যেমন জোহর ও আসরের নামাযের কিরাত, আর যে নামাযে জোরে কিরাত পাঠ করার বিধান আছে, যেমন ফজর, মাগরিব ও ইশা, এগুলোতে যথাক্রমে আন্তে ও জোরে সূরা কিরাত পড়তে হবে।

১৪. 'আসসলামু আলাইকুম' বলে নামায শেষ করতে হবে।

১৫. বিতরের তৃতীয় রাকআতে দুআ কুনূত পড়া।

১৬. দু' ঈদের নামাযে অতিরিক্ত ছয় তাকবীর বলা। তবে জামা'আত অতি বড় হলে তাকবীর ছুটে গেলে অথবা অন্য কোন ওয়াজিব ছুটে গেলে ভুলের সাজদা দিতে হবে না।

নামায ভঙ্গের কারণসমূহ

যে সমস্ত কাজ দ্বারা নামায ভঙ্গ হয়ে যায় ও দ্বিতীয়বার নামায পড়তে হয়, সে কাজগুলো হল :

১. ভুলে ইচ্ছা করে কথা বলা।

২. নামায রত অবস্থায় সালাম দেয়া অথবা উত্তর দেয়া।

৩. কেউ হাঁচি দিলে হাঁচির উত্তরে 'ইয়ারহামুকাল্লাহ' বলা। তবে নামাযে নিজের হাঁচি আসলে ভুল করে 'আল-হামদুলিল্লাহ' বললে নামায হয়ে যাবে কিন্তু ইচ্ছা করে এরূপ বলা ঠিক নয়।

৪. নামাযের বাইরে দুআ করা হলে নামাযে থেকে তার উত্তরে 'আমীন' বলা।

৫. কোন দুঃসংবাদ শুনে 'ইল্লালিল্লাহ' বা অন্য কোন দুআ বলা।

৬. কোন সুসংবাদ শুনে 'আল-হামদুলিল্লাহ' অথবা অন্য কোন শব্দ উচ্চারণ করা।

৭. আশ্চর্যজনক কোন কথা শুনে 'সুবহানাল্লাহ' অথবা অন্য কোন বাক্য উচ্চারণ করা।

৮. উহ্ আহ্ শব্দ করা বা উচ্চস্বরে ক্রন্দন করা।

৯. নামাযে থাকাকালীন নামাযের বাইরে কোন ব্যক্তির কুরআন পাঠে লোকমা দেয়া।

১০. নামাযের মধ্যে দেখে কুরআন পাঠ করা।

১১. কোন পুস্তক অথবা লিখিত বস্তু দেখে পাঠ করা। তবে মনে মনে লিখিত বস্তুর মর্ম বুঝে নিলে নামায ভঙ্গ হবে না, কিন্তু এরূপ করা ঠিক নয়।

১২. 'আমলে কাছীর' করা অর্থাৎ, এমন কোন কাজ করা যা অন্য লোক দেখলে নামাযী বলে বুঝতে না পারে যেমন দু'হাতে শরীর চুলকানো অথবা পরিধানের কাপড় দু'হাতে ঠিক করা, ইত্যাদি।

১৩. বিনা প্রয়োজনে জোরে কাশি দেয়া অথবা গলা পরিস্কার করা। ইমাম গলার আওয়াজ পরিস্কার করার জন্য কাশি দিতে পারেন।

১৪. ইচ্ছা করে অথবা ভুল করে কোন বস্তু খাওয়া অথবা পান করা।

১৫. কুরআন পাঠে ভীষণভাবে অর্থ বিকৃত হয়ে যায় এমন ভুল পড়া।
১৬. নামাযের ভিতর হাটা, তবে প্রয়োজনে দুই এক কদম আগে পিছে সরে যায়। সাজদার জায়গা থেকেও আগে বেড়ে গেলে নামায হবে না।
১৭. কিবলার দিক থেকে অন্য দিকে সিনা ফিরানো। কোন কারণ ব্যতীত মুখ ফিরিয়ে নিলেও নামায মাকরুহ হয়ে যাবে।
১৮. এক চতুর্থাংশ ছতর এতটুকু সময় খুলে রাখা যতক্ষণে তিনবার সুবহানাল্লাহ বলা যায়।
১৯. আল্লাহ তা'আলার নিকট এমন বস্তু চাওয়া যা মানুষের নিকট চাওয়া যায়। যেমন পানাহার ইত্যাদি চাওয়া।
২০. আল্লাহ এবং আকবার শব্দের আলিফ বা আকবার শব্দের বা-কে লম্বা করা।
২১. জানাযার নামায ব্যতীত অন্য নামাযে অট্টহাসি হাসা।
২২. ইমামের আগে রুকু অথবা সাজদা করে নেয়া।
২৩. একই নামাযে নারী-পুরুষের একত্রে দণ্ডায়মান হওয়া, আর এই দাঁড়ানো এতটুকু বিলম্ব হওয়া যার মধ্যে একবার সাজদা করা যেতে পারে।
২৪. তাইয়াম্মুমকারী ব্যক্তির পানি পেয়ে যাওয়া।
২৫. পূর্ণ সাজদার মধ্যে উভয় পা যদি মোটেই মাটিতে লাগানো না হয়। তবে পা উঠে গেলে আবার মাটিতে রাখলে অসুবিধা নেই।
২৬. নামাযের মধ্যে সন্তান দুধ পান করলে। তবে দুধ বের না হলে নামায ভঙ্গবে না, কিন্তু তিন বা ততোধিক বার টানলে দুধ বের না হলেও নামায ভেঙ্গে যাবে।
২৭. স্ত্রী নামাযে থাকা অবস্থায় স্বামী তাকে চুম্বন করলে।

নামাযের মাকরুহসমূহ

যে সমস্ত কাজ দ্বারা নামায ভঙ্গ হয় না, তবে দোষণীয়, সে কাজগুলো নিম্নরূপ :

১. শরীরে চাদর না জড়িয়ে উভয় কাঁধে লটকিয়ে ছেড়ে দেয়া অথবা জামা কিংবা শেরওয়ানীর হাতায় হাত না ঢুকিয়ে কাঁধে নিক্ষেপ করা, তেমনি মাফলারের উভয় দিক ছেড়ে দেয়া।
২. কাপড় অথবা কপালে ধুলাবালি লাগার ভয়ে কাপড় টেনে ধরা অথবা মুখে ফুঁক দিয়ে ধুলাবালি সরানো। সাজদার জায়গায় পাথর কনা থাকলে হাত দিয়ে প্রয়োজনে দু'একবার সরালে কোন দোষ নেই।

৩. নিজের শরীর, কাপড় অথবা দাড়ি নিয়ে খেলা করলে। বহু লোক এরূপ করে থাকে, এ থেকে বেঁচে থাকা কর্তব্য।
৪. এমন কাপড় পরিধান করে নামায পড়া যে কাপড় পরে বাজারে অথবা সভা-সমিতিতে যাওয়া অপছন্দনীয় বোধ হয়।
৫. মুখে এমন জিনিস রেখে নামায পড়া যা রাখার ফলে কুরআন পাঠ করা কষ্টকর হয়।
৬. শৈথিল্য অথবা অমনোযোগিতার দরুণ মাথা খালি রেখে অথবা নাভির উপরে খোলা দেহে নামায পড়া। তবে কোন লোক বিনয়ের কারণে খালি মাথায় নামায পড়লে মাকরুহ হবে না, তবে মসজিদের মধ্যে এরূপ করা উচিত নয়, ঘরের মধ্যে করা যায়। মসজিদের ভিতর এরূপ করা হলে অন্য লোকের মন থেকে এর গুরুত্ব উঠে যাবে।
৭. আঙ্গুল মটকানো অথবা এক হাতের আঙ্গুল অন্য হাতের আঙ্গুলে ঢুকিয়ে দেয়া।
৮. বিনা প্রয়োজনে কোমরের কাপড়ে হাত ঢুকিয়ে দেয়া কিংবা বিনা প্রয়োজনে কোমরে হাত রাখা।
৯. সাজদায় দু'হাত কনুই পর্যন্ত বিছিয়ে দেয়া।
১০. এদিক সেদিক দৃষ্টি নিক্ষেপ করা।
১১. এমন লোকের দিকে মুখ করে নামায পড়া, যে লোক তার দিকে মুখ করে আছে বা এমন স্থানে নামায পড়া যেখানে কেউ হাসিয়ে দেয়ার সম্ভাবনা আছে।
১২. হাত অথবা মাথা দ্বারা ইঙ্গিত করে কারও কথার উত্তর দেয়া।
১৩. কোন অসুবিধা ব্যতীত হামাগুড়ি দিয়ে বসা বা দুই পা খাড়া রেখে বসা বা আসন গেড়ে বসা। কোন ওজর থাকলে যে রকম সম্ভব বসা চলে।
১৪. ইচ্ছা করে হাই তোলা অথবা হাই বন্ধ করার চেষ্টা না করা।
১৫. সামনের কাতারে জায়গা থাকা সত্ত্বেও একাকী পিছনে দাঁড়িয়ে নামায পড়া।
১৬. কোন প্রাণীর ছবি যুক্ত কাপড় পরিধানরত অবস্থায় নামায পড়া।
১৭. প্রথম রাকআত অপেক্ষা দ্বিতীয় রাকআতের কিরাত তিন আয়াত বা ততোধিক পরিমাণ লম্বা করা।
১৮. ইমামের পক্ষে একাকী কোন উঁচু স্থানে দাঁড়ানো। তবে এক বিঘত পরিমাণ পর্যন্ত উঁচুতে দাঁড়ালে কোন ক্ষতি নেই।

১৯. এমনভাবে চাদর জড়িয়ে নামায পড়া, যাতে হাত বের করতে অসুবিধে হয়।
২০. অঙ্গ-প্রত্যঙ্গ মোচড়ানো।
২১. টুপী, পাগড়ী, অথবা রুমালের ভাঁজে সাজদা করা। অর্থাৎ, এগুলো পরিধান করার পর সাজদার জন্য জায়গা খোলা রাখতে হবে।
২২. কোন নামাযে বিশেষ সূরা নির্দিষ্ট করে সব সময় সেটা পড়া।
২৩. কুরআনের তারতীবের বিপরীত কুরআন পাঠ করা। অর্থাৎ, পবিত্র কুরআনের সূরাগুলো যে তারতীবে (যে পর্যায়ক্রমে) লেখা হয়েছে-এর ব্যতিক্রম পাঠ করা।
২৪. পেশাব পায়খানার জোর অনুভূতি হওয়া সত্ত্বেও সে অবস্থায় নামায পড়া।
২৫. খুব ক্ষুধা অনুভব হলে এবং খাবার তৈরী থাকলে না খেয়ে নামায পড়া।
২৬. নামাযরত অবস্থায় হারপোকা, মাছি ও পিপড়া মারা। তবে হারপোকা অথবা পিপড়ায় কামড় দিলে তা ধরে ছেড়ে বা সরিয়ে দেয়া যায়। কামড় না দিলে ধরাও মাকরুহ।
২৭. কনুই পর্যন্ত জামা ইত্যাদির হাতা গুটিয়ে নামায পড়া মাকরুহ। জামা যদি এমনিতেই হাতা কাটা হয়, যেমন শার্ট তাহলে তা পরিধান করে নামায পড়া খেলাফে আওলা বা অনুত্তম।

যে সব অবস্থায় নামায ছেড়ে দেয়া যায়ঃ

কোন কোন অবস্থায় নিজেই নামায ছেড়ে দিতে হয়, ছেড়ে না দিলে কবীরা গোনাহ হয়। আবার কোন কোন অবস্থায় নামায ছেড়ে না দিলে সামান্য গোনাহ হয়। সেগুলো নিম্নরূপ :

১. কোন অনিষ্টকারী প্রাণীর ভয় থাকলে। যেমন নামাযরত অবস্থায় সাপ সামনে আসলে নামায ছেড়ে দিয়ে মারতে হবে অথবা বিচ্ছু ও ভীমরুল কাপড়ের ভিতর ঢুকে গেলে তা দংশন করার ভয় থাকলে এ অবস্থায় নামায ছেড়ে দেয়ার অনুমতি রয়েছে। তদ্রূপ বিড়ালে মুরগি ধরলে অথবা ধরে ফেলার সম্ভাবনা থাকলে তখন নামায ভঙ্গ করা যায়।

২. যদি এমন কোন বস্তুর ক্ষতির আশংকা থাকে যার মূল্য অন্ততঃ সাড়ে ৪ রক্তি^১ রূপার সমান, যেমন চুলায় পাতিল থাকলে তা জ্বলে যাওয়ার ভয় থাকলে আর এর মূল্য উক্ত পরিমাণ অথবা তার চেয়ে অধিক হলে তখন নামায ছেড়ে দিয়ে পাতিল নামিয়ে নিতে হবে। এভাবে কুকুর, বিড়াল ও বানর ঘরে

১. ৬ রক্তি-তে ১ আনা এবং ১৬ আনায় ১ ভরি হয়ে থাকে ॥

চুকলে আটা, ডাল, দুধ, ঘি ইত্যাদি ক্ষতি হওয়ার সম্ভাবনা থাকলে নামায ছেড়ে দেয়া যাবে। মসজিদে অথবা ঘরে নামায পড়ছে অথচ কোন বস্তু ভুল বশতঃ এমন স্থানে রেখে এসেছে যেখান থেকে চুরি হয়ে যাওয়ার সম্ভাবনা থাকে তখন নামায ছেড়ে দিয়ে আসবাবপত্র রক্ষা করবে। তবে নামাযীকে নামায আরম্ভ করার পূর্বেই এগুলো রক্ষা করার ব্যবস্থা করে নিতে হবে।

৩. নামায পড়লে যানবাহন ছেড়ে দেয়ার সম্ভাবনা থাকলে আর গাড়ীতে আসবাবপত্র ও শিশু সন্তান থাকলে বা গাড়ী চলে গেলে ক্ষতির আশংকা থাকলে নামায ছেড়ে দিতে পারবে।

৪. নামাযরত অবস্থায় পেশাব পায়খানার চাপ অসহ্য মনে হলে।

৫. নামাযরত অবস্থায় কাউকে বিপদ বা মৃত্যুর হাত থেকে রক্ষা করার প্রয়োজন হলে নামায ছেড়ে দেয়া ফরয, নামায ছেড়ে না দিলে কঠিন গোনাহগার হবে। যেমন কোন অন্ধ যাচ্ছে এবং তার সম্মুখে কূপ অথবা গভীর গর্ত রয়েছে অথবা মোটরগাড়ী বা রেলগাড়ীতে পিষ্ট হয়ে যাওয়ার ভয় আছে, অথবা কারও কাপড়ে আগুন লেগে তাতে জ্বলে যাওয়ার অথবা পুড়ে যাওয়ার উপক্রম হলে অথবা পানিতে কেউ ডুবে যাচ্ছে অথবা ডাকাত কিংবা শতক্রু কাউকে ভীষণভাবে প্রহার করছে এবং সে সাহায্যের জন্য ডাকছে- এসব অবস্থায় নামায ছেড়ে দিয়ে তাকে উদ্ধার করা কর্তব্য, তা না হলে গোনাহগার হতে হবে।

৬. মাতা-পিতা, দাদা-দাদী, নানা-নানী কোন বিপদে পড়ে ডাকলে নামায ছেড়ে দিয়ে তাদের কাছে যাওয়া কর্তব্য। যেমন তাদের কেউ হেঁচট খেয়ে পড়ে গেল অথবা আঘাত পেল এবং তারা ডাকল, এমতাবস্থায় তাদের উদ্ধার করার জন্যে কেউ না থাকলে নামায ছেড়ে দিয়ে তাদেরকে উদ্ধার করতে হবে। যদি তাদের কেউ পায়খানা অথবা পেশাব করতে যাচ্ছে, অথচ তাকে সাহায্য করার জন্য কেউ নেই তাহলে নামায ছেড়ে দিয়ে তাকে সাহায্য করতে হবে। তবে তাকে সাহায্য করার লোক রয়েছে অথবা অনর্থক চীৎকার করছে, তখন নামায ছেড়ে দেয়া যাবে না। যদি সে নফল অথবা সুন্নাত নামায পড়তে থাকে আর সে নামায পড়ছে বলে তারা না জানে (বিপদের সময় ডাকুক কিংবা এমনি ডাকুক) তাহলে এমতাবস্থায় নামায ছেড়ে দিয়ে উত্তর দিতে হবে। তবে নামায পড়ছে বলে জ্ঞাত হলে এবং ডাকলে তখন কোন বিপদের ভয় না হলে নামায ছাড়া যাবে না, নতুবা ছেড়ে দিবে।

* যে কোন নামাযের প্রথম বৈঠকে ভুলে পূর্ণ তাশাহুদ দুই বার পড়লে বা তার এতটুকু অংশ দ্বিতীয়বার পড়লে যা তিন তাসবীহ পরিমাণ হয়ে যায় তাতে সাজদায়ে সাহো ওয়াজিব হবে।

* তাশাহুদের স্থলে ভুলে ছানা বা দুআয়ে কুনূত বা সূরা ফাতিহা পড়লে সাজদায়ে সাহো ওয়াজিব হবে।

* দুআয়ে কুনূতের স্থলে সূরা ফাতিহা বা তাশাহুদ পড়লে সাজদায়ে সাহো ওয়াজিব হয় না।

* ভুলে সূরা ফাতিহার স্থলে তাশাহুদ পড়লে সাজদায়ে সাহো ওয়াজিব হবে।

* মাছবুক ইমামের সাথে সালাম ফিরিয়ে ফেললে সাজদায়ে সাহো ওয়াজিব হবে।

* ইমামের জন্য যে সব নামাযে কিরাত চুপে চুপে পড়া ওয়াজিব, তাতে যদি ইমাম ছোট তিন আয়াত পরিমাণ উচ্চস্বরে পড়ে বা উচ্চস্বরের নামাযে তিন আয়াত পরিমাণ চুপে চুপে পড়ে, তাহলে সাজদায়ে সাহো ওয়াজিব হবে।

* ফরয নামাযের প্রথম বৈঠক না করেই যদি তৃতীয় রাকআতের জন্য দাঁড়াতে উদ্যত হয় এবং শরীরের নীচের অর্ধেক সোজা হওয়ার পূর্বে বসে পড়ে, তাহলে সাজদায়ে সাহো করতে হবে না। আর নীচের অর্ধেক সোজা হয়ে গেলে আর বসবে না-তৃতীয় বা চতুর্থ রাকআত পড়ে শেষ বৈঠকে সাজদায়ে সাহো করবে। সোজা হয়ে দাঁড়ানোর পর বসে তাশাহুদ পড়লে গোনাহ্গার হবে তবে নামায হয়ে যাবে এবং সাজদায়ে সাহো করতে হবে।

* সুন্নাত বা নফল নামাযের প্রথম বৈঠক না করে ভুলে উঠে গেলে তৃতীয় রাকআতের সাজদা না করা পর্যন্ত স্মরণ আসলে বসে যাবে। আর তৃতীয় রাকআতের সাজদা করার পর স্মরণ এল বসবে না- চার রাকআত পূর্ণ করে বসবে এবং এই উভয় অবস্থায় সাজদায়ে সাহো করলে নামায হয়ে যাবে।

* ফরয নামাযের শেষ বৈঠকে তাশাহুদ পড়ার পর ভুলে দাঁড়িয়ে গেলে শরীরের নীচের অর্ধেক সোজা হওয়ার পূর্বে বসে পড়লে সাজদায়ে সাহো করতে হবে না। আর নীচের অর্ধেক সোজা হয়ে গেলেও বসে যাবে, এমনকি ঐ রাকআতের সাজদা করার আগ পর্যন্ত স্মরণ এলেও বসে পড়বে এবং বসে সাথে সাথে সাজদায়ে সাহো করবে। আর যদি ঐ রাকআতের সাজদা করার পর স্মরণ হয় তাহলে আরও এক রাকআত মিলাবে; তাহলে প্রথম দুই/চার রাকআত ফরয এবং শেষ দুই রাকআত নফল হবে। এ অবস্থায় সাজদায়ে

সাহোও করতে হবে। আর যদি ঐ রাকআতে সালাম ফিরায়ে এবং সাজদায়ে সাহো করে তাহলেও নামায হবে কিন্তু অন্যায় হবে। এ অবস্থায় প্রথম দুই/চার রাকআত ফরয হবে এবং শেষের এক রাকআত বৃথা যাবে।

* শেষ বৈঠকে তাশাহুদ পড়ার পূর্বে ভুলে উঠে গেলে শরীরের নীচের অর্ধের সোজা হওয়ার পূর্বে বসে পড়লে সাজদায়ে সাহো করতে হবে না। আর নীচের অর্ধেক সোজা হওয়ার পর স্মরণ এলেও বসে পড়বে এমনকি আর এক রাকআতের সাজদা করার আগ পর্যন্ত স্মরণ এলেও বসে পড়বে এবং সাজদায়ে সাহো করবে। কিন্তু আর এক রাকআতের সাজদা করে ফেললে আর বসবে না বরং আরও এক রাকআত মিলাবে এবং শেষে সাজদায়ে সাহো করবে না। এ অবস্থায় সব রাকআত নফল হয়ে যাবে, ফরয পুনরায় পড়তে হবে।

নামাযের মধ্যে রাকআত নিয়ে সন্দেহ হলে তার মাসায়েল

* যদি নামাযের মধ্যে এরূপ সন্দেহ হয় যে, প্রথম রাকআত না কি দ্বিতীয় রাকআত? তাহলে যে দিকে মন ঝুঁকবে সে দিককে গ্রহণ করবে। যদি কোন এক দিক মন না ঝুঁকে তাহলে এক রাকআতই (অর্থাৎ, কমটাই) ধরতে হবে কিন্তু এই প্রথম রাকআতে বসে তাশাহুদ পড়বে, কেননা হতে পারে প্রকৃত পক্ষে এটাই দ্বিতীয় রাকআত। দ্বিতীয় রাকআতেও বসে তাশাহুদ পড়বে, তৃতীয় রাকআতেও বসে তাশাহুদ পড়বে, (কেননা, হতে পারে প্রকৃত পক্ষে এটাই চতুর্থ রাকআত) তারপর চতুর্থ রাকআতে সাজদায়ে সাহো করবে।

* যদি কারও সন্দেহ হয় যে, দ্বিতীয় রাকআত না তৃতীয় রাকআত, তার হুকুমও এরূপ- যদি মন কোন দিকে না ঝুঁকে তাহলে দ্বিতীয় রাকআত ধরে নিবে এবং এই রাকআতে বসে তাশাহুদ পড়বে এবং এটা বেতর নামায হলে এ রাকআতেও দুআয়ে কুনূত পড়বে। তৃতীয় রাকআতেও বসবে। তারপর চতুর্থ রাকআতে সাজদায়ে সাহো সহকারে নামায শেষ করবে।

* যদি কারও সন্দেহ হয় যে, তৃতীয় রাকআত না চতুর্থ রাকআত, তাহলে তার হুকুম অনুরূপ- কোন দিকে মন না ঝুঁকলে তিন রাকআত ধরে নিবে কিন্তু এই তৃতীয় রাকআতেও বসে তাশাহুদ পড়তে হবে। তারপর চতুর্থ রাকআতে সাজদায়ে সাহো সহকারে নামায শেষ করবে।

* যদি নামায শেষ করার পর সন্দেহ হয় যে, এক রাকআত কম রয়েছে কি-না? তাহলে এই সন্দেহের কোন মূল্য দিবে না, নামায হয়ে গেছে। অবশ্য যদি সঠিক ভাবে স্মরণ আসে যে, এক রাকআত কম রয়েছে গেছে তাহলে দাঁড়িয়ে আর এক রাকআত পড়ে নিবে এবং সাজদায়ে সাহো সহকারে নামায

শেষ করবে। কিন্তু যদি ইতিমধ্যে এমন কোন কাজ করে থাকে যাতে নামায ভঙ্গ হয়ে যায় (যেমন কেবলা থেকে ঘুরে বসে থাকা বা কথা বলে থাকা) তাহলে নতুন নিয়ত বেঁধে সম্পূর্ণ নামায দোহরায়ে পড়তে হবে। আর প্রথম অবস্থায়ও নতুন ভাবে নামায দোহরায়ে নেয়া উত্তম-জরুরী নয়।

বিঃ দ্রঃ রাকআতের সংখ্যা নিয়ে সন্দেহ হওয়ার ব্যাপার যদি কারও ক্ষেত্রে কদাচিৎ হয়ে থাকে তাহলে তার ক্ষেত্রে পূর্বোল্লিখিত নিয়ম প্রযোজ্য হবে না বরং তাকে নতুন নিয়ত বেধে নামায পড়তে হবে।

* সাজদায়ে সাহো করার পরও যদি সাজদায়ে সাহো ওয়াজিব হওয়ার মত আবার কোন ভুল হয়, তাহলে পুনর্বীর সাজদায়ে সাহো করতে হবে না- ঐ পূর্বের সাজদাই যথেষ্ট হবে।

* সাজদায়ে সাহো ওয়াজিব না হওয়া সত্ত্বেও যদি কেউ সাজদায়ে সাহো করে, তাহলে নামায হয়ে যাবে কিন্তু ইচ্ছাকৃতভাবে এরূপ করা ঠিক নয়।

* সাজদায়ে সাহো ওয়াজিব হওয়া সত্ত্বেও যদি সাজদায়ে সাহো না করে উভয় সালাম ফিরিয়ে ফেলে, তারপর কোন কথা বলার পূর্বে বা নামায ভঙ্গ হয়- এমন কোন কিছু করার পূর্বে সাজদায়ে সাহোর কথা স্মরণ হয় তাহলে তখনই যদি ‘আল্লাহু আকবার’ বলে সাজদায়ে সাহো করে তারপর তাশাহুদ, দুরূদ শরীফ ও দুআয়ে মাছুরা পড়ে সালাম ফিরিয়ে নেয়, তবুও নামায হয়ে যাবে।

* শেষ বৈঠকে দুরূদ শরীফ পড়ার পর বা দুআয়ে মাছুরা পড়ার পর সালাম ফিরানোর পূর্বে যদি সাজদায়ে সাহোর কথা স্মরণ হয় তখনই সাজদায়ে সাহো করে নিবে।

কাযা নামাযের মাসায়েল

* কারও কোন ফরয নামায ছুটে গেলে স্মরণ আসা মাত্রই কাযা পড়া ওয়াজিব-বিনা ওজরে কাযা করতে বিলম্ব করা পাপ।

* কাযা নামায পড়ার জন্য কোন নির্দিষ্ট সময় নেই- হারাম ও মাকরুহ ওয়াক্ত ছাড়া যে কোন সময় পড়া যায়।

* কারও যদি এক, দুই, তিন, চার বা পাঁচ ওয়াক্ত নামায কাযা হয় এবং এর পূর্বে তার কোন কাযা নেই, তাহলে তাকে ‘ছাহেবে তারতীব’ বলে। তাকে দুই ধরনের তারতীব রক্ষা করতে হবে-

(১) ওয়াক্তিয়া নামাযের পূর্বে এই কাযাগুলো পড়ে নিতে হবে, অন্যথায় ওয়াক্তিয়া নামায শুদ্ধ হবে না।

(২) এই কাযা নামাযগুলোও ধারাবাহিকভাবে (আগেরটা আগে এবং পরেরটা পরে) পড়তে হবে। ছাহেবে তারতীবের জন্য এই ধরনের তারতীব রক্ষা করা ফরয। যদি কারও যিম্মায় ছয় বা আরও বেশী ওয়াক্তের কাযা থাকে তাহলে সে কাযা রেখে ওয়াক্তিয়া নামায পড়তে পারে এবং কাযা নামাযগুলিও তারতীব ছাড়া পড়তে পারে, সে ছাহেবে তারতীব থাকে না।

* কারও যিম্মায় ছয় বা ততোধিক নামায কাযা ছিল সে কারণে সে ছাহেবে তারতীব ছিল না, সে সব কাযা পড়ে ফেলল, তাহলে সে এখন থেকে আবার ছাহেবে তারতীব হবে। অতএব আবার যদি পাঁচ ওয়াক্ত পর্যন্ত কাযা হয় তাহলে আবার তারতীব রক্ষা করা ফরয হবে।

* বহু সংখ্যক নামাযের অল্প অল্প করে কাযা পড়তে পড়তে পাঁচ ওয়াক্ত বা তার কম চলে আসলেও তারতীব ওয়াজিব হবে না।

* তিন কারণে তারতীব মাফ হয়ে যায়।

(১) ওয়াক্ত যদি এত সংকীর্ণ হয় যে, আগে কাযা পড়তে গেলে ওয়াক্তিয়া নামাযের সময় থাকে না, তাহলে আগে ওয়াক্তিয়া নামায পড়ে নিবে।

(২) কাযা নামায যদি পাঁচ ওয়াক্তের অধিক হয়।

(৩) যদি আগে কাযা পড়তে ভুলে যায়।

* শুধু ফরয এবং বেতরের কাযা পড়ার নিয়ম। নফল বা সুন্নাতের কাযা হয় না। তবে কোন নফল বা সুন্নাত শুরু করে পূর্ণ না করেই ছেড়ে দিলে তার কাযা করতে হবে। সুন্নাতের মধ্যে ফজরের সুন্নাতের ব্যাপারে কিছু ব্যতিক্রম রয়েছে, সে সম্পর্কে জানার জন্য দেখুন ১৯৫ পৃষ্ঠা।

* যদি কোন কারণ বশতঃ দলগুদ্ব লোকের নামায কাযা হয়ে যায় তাহলে তারা ওয়াক্তিয়া নামায যেমন জামা'আতে পড়ত তদ্রূপ কাযা নামাযও জামা'আতে পড়বে। ছিহরিয়া নামাযের কাযার মধ্যে কিরাত চুপে চুপে পড়বে এবং জিহরিয়া নামাযের কাযার মধ্যে কেরাত উচ্চস্বরে পড়বে।

উম্মরী কাযার মাসায়েল

* যদি কোন লোক শয়তানের ধোঁকায় পড়ে জীবনের প্রথম দিকে বা কোন একটা দীর্ঘ সময় বহু নামায ছেড়ে দিয়ে থাকে এবং পরবর্তীতে সে নিয়মিত নামায পড়া শুরু করে, তাহলে বিগত জীবনের এই ছেড়ে দেয়া নামাযগুলো শুধু তওবা দ্বারা মাফ হয়ে যাবে না বরং সব নামাযের কাযা পড়া ওয়াজিব। সাধারণভাবে জীবনের এরূপ দীর্ঘ ছুটে যাওয়া নামাযের কাযাকে 'উম্মরী কাযা' বলা হয়।

* বালেগ হওয়ার পর থেকে যত নামায ছুটে গিয়েছে তার একটা হিসাব করে সবগুলোর কাযা করতে হবে। যথাশীঘ্রই সম্ভব এবং যতবেশী করে সম্ভব এই কাযাগুলো পড়ে নিবে। এক এক ওয়াক্তে কয়েক ওয়াক্তের কাযা পড়ে নিতে পারলেও পড়ে নিবে। এক এক ওয়াক্তে কয়েক ওয়াক্তের কাযা পড়ে নিতে পারলে ভাল। জোহরের কাযা জোহরের ওয়াক্তে, আসরের কাযা আসরের ওয়াক্তে এমনিভাবে ওয়াক্তের কাযা সেই ওয়াক্তেই পড়া জরুরী নয়।

* উম্মরী কাযার নিয়তের মধ্যেও কোন্ নামাযের কাযা করছে তা নির্দিষ্ট করে নিতে হবে। সাধারণভাবে কোন্ দিন কোন্ তারিখের নামায কাযা পড়া হচ্ছে তা মনে করা এবং নির্দিষ্ট করা মুশকিল, তাই নিয়তের মধ্যে নির্দিষ্ট করার সহজ উপায় হল একরূপ নিয়ত করবে-আমার যিম্মায় যতগুলো ফজরের নামায কাযা রয়েছে তার প্রথমটা কাযা করার নিয়ত করছি। এমনিভাবে জোহরের নামাযের কাযা করার ক্ষেত্রেও অনুরূপ নিয়ত করবে যে, আমার যিম্মায় যতগুলি জোহরের নামাযের কাযা রয়েছে তার প্রথমটা কাযা করার নিয়ত করছি। একরূপ প্রত্যেক ওয়াক্তের কাযা করার ক্ষেত্রে এ রকম নিয়ত করে কাযা করতে থাকবে।

নামাযের ফেদিয়ার মাসায়েল

* যদি কারও নামায ছুটে গিয়ে থাকে এবং তার কাযা করার পূর্বে মৃত্যু এসে পড়ে, তাহলে মৃতের ঐ সব নামাযের জন্য ফেদিয়া দেয়ার ওহিয়াত করে যাওয়া তার উপর ওয়াজিব। একরূপ অবস্থায় ওয়ারিছগণ তার পরিত্যক্ত সম্পত্তি থেকে এই ফেদিয়া আদায় করবে। পরিত্যক্ত সম্পত্তির এক তৃতীয়াংশের মধ্যে ফেদিয়া আদায় হলে তা আদায় করা ওয়ারিছদের উপর ওয়াজিব। এক তৃতীয়াংশের মধ্যে আদায় না হলে যতটুকু অতিরিক্ত প্রয়োজন হবে তা সকল ওয়ারিছদের সম্মতিতে হতে হবে। তবে না-বালেগদের সম্মতি হলেও তার অংশ থেকে নেয়া যাবে না।

* ছদকায়ে ফিতর বা ফিতরার পরিমাণ যা, নামাযের ফেদিয়ার পরিমাণও তাই। প্রতি ওয়াক্ত ফরয নামায এবং বিতর নামাযের বদলে এক একটা ফেদিয়া আদায় করতে হবে। প্রতিদিনের পাঁচ ওয়াক্ত নামায এবং বিতর নামায এই ছয়টা নামাযের অর্থাৎ, প্রতিদিনের ছয়টা ফেদিয়া আদায় করতে হবে।

* ছদকায়ে ফিতির যাদেরকে দেয়া যায় নামাযের ফেদিয়াও তাদেরকে দেয়া যায়।

* মৃত ব্যক্তির যিম্মায় কাযা রয়ে গেছে, কিন্তু তিনি ওহিয়াত করে যাননি, এমতাবস্থায় তার বালেগ উত্তরসূরীগণ যদি নিজেদের সম্পত্তি থেকে স্বেচ্ছায় তার ফেদিয়া আদায় করে তাহলেও আশা করা যায় আল্লাহ এর ওহীলায় মৃতকে ক্ষমা করবেন।

রমযানের রোযা

* সুব্হে সাদেক থেকে সূর্যাস্ত পর্যন্ত নিয়ত সহকারে ইচ্ছাকৃতভাবে পান, আহার ও যৌন তৃপ্তি থেকে বিরত থাকাকে রোযা বলা হয়। প্রত্যেক আকেল (বোধ সম্পন্ন), বালেগ (বয়সপ্রাপ্ত) ও সুস্থ নর-নারীর উপর রমযানের রোযা রাখা ফরয।

* ছেলে মেয়ে দশ বৎসরের হয়ে গেলে তাদের দ্বারা (শাস্তি দিয়ে হলেও) রোযা রাখানো কর্তব্য। এর পূর্বেও শক্তি হলে রোযা রাখার অভ্যাস করানো উচিত।

রোযার নিয়তের মাসায়েল :

* রমযানের রোযার জন্য নিয়ত করা ফরয। নিয়ত ব্যতীত সারাদিন পানাহার ও যৌনতৃপ্তি থেকে বিরত থাকলেও রোযা হবে না।

* মুখে নিয়ত করা জরুরী নয়। অন্তরে নিয়ত করলেই যথেষ্ট হবে, তবে মুখে নিয়ত করা উত্তম।

* মুখে নিয়ত করলেও আরবীতে হওয়া জরুরী নয়- যে কোন ভাষায় নিয়ত করা যায়। নিয়ত এভাবে করা যায়-

আরবীতে : نَوَيْتُ بِصَوْمِ الْيَوْمِ অথবা غَدِ نَوَيْتُ بِصَوْمِ

বাংলায় : আমি আজ রোযা রাখার নিয়ত করলাম।

* সূর্য ঢলার দেড় ঘন্টা পূর্ব পর্যন্ত রমযানের রোযার নিয়ত করা দুরন্ত আছে, তবে রাতেই নিয়ত করে নেয়া উত্তম। (জواهرالفقه ج- ১)

* রমযান মাসে অন্য যে কোন প্রকার রোযা বা কাযা রোযার নিয়ত করলেও এই রমযানের রোযা আদায় হবে- অন্য যে রোযার নিয়ত করবে সেটা আদায় হবে না।

* রাতে নিয়ত করার পরও সুব্হে সাদেকের পূর্ব পর্যন্ত পানাহার ও যৌনকর্ম জায়েয। নিয়ত করার সাথে সাথেই রোযা শুরু হয়না, বরং রোযা শুরু হয় সুব্হে সাদেক থেকে।

সেহরীর মাসায়েল :

* সেহরী খাওয়া জরুরী নয় তবে সেহরী খাওয়া সুন্নাত, অনেক ফযীলতের আমল, তাই ক্ষুধা না লাগলে বা খেতে ইচ্ছে না করলেও সেহরীর ফযীলত হাছিল করার নিয়তে যা-ই হোক কিছু পানাহার করে নিবে।

* নিদ্রার কারণে সেহরী খেতে না পারলেও রোযা রাখতে হবে। সেহরী না খেতে পারায় রোযা না রাখা অত্যন্ত পাপ।

* সেহরী-র সময় আছে বা নেই নিয়ে সন্দেহ হলে সেহরী না খাওয়া উচিত। একরূপ সময়ে খেলে রোযা কাযা করা ভাল। আর যদি পরে নিশ্চিত-ভাবে জানা যায় যে, তখন সেহরীর সময় ছিল না, তাহলে কাযা করা ওয়াজিব।

* সেহরীর সময় আছে মনে করে পানাহার করল অথচ পরে জানা গেল যে, তখন সেহরীর সময় ছিল না, তাহলে রোযা হবে না; তবে সারাদিন তাকে রোযাদারের ন্যায় থাকতে হবে এবং রমযানের পর ঐ দিনের রোযা কাযা করতে হবে।

* বিলম্বে সেহরী খাওয়া উত্তম। আগে খাওয়া হয়ে গেলেও শেষ সময় নাগাদ কিছু চা-পানি ইত্যাদি করতে থাকলেও বিলম্বে সেহরী করার ফযীলত অর্জিত হবে।

ইফতার-এর মাসায়েল :

* সূর্য অস্তমিত হওয়ার পর বিলম্ব না করে তাড়াতাড়ি ইফতার করা মোস্তাহাব। বিলম্বে ইফতার করা মাকরুহ।

* মেঘের দিনে কিছু দেবী করে ইফতার করা ভাল। মেঘের দিনে ঈমানদার ব্যক্তির অন্তরে সূর্য অস্ত গিয়েছে বলে সাক্ষ্য না দেয়া পর্যন্ত ছবর করা ভাল। শুধু ঘড়ি বা আযানের উপর নির্ভর করা ভাল নয়, কারণ তাতে ভুলও হতে পারে।

* সূর্য অস্ত যাওয়ার ব্যাপারে সন্দেহ থাকা পর্যন্ত ইফতার করা দুরস্ত নেই।

* সবচেয়ে উত্তম হল খোরমার দ্বারা ইফতার করা, তারপর কোন মিষ্টি জিনিস দ্বারা, তারপর পানি দ্বারা।

* লবণ দ্বারা ইফতার শুরু করা উত্তম-এই আকীদা ভুল।

* ইফতার করার পূর্বে নিম্নোক্ত দু'আ পাঠ করবে। দু'আ পাঠ করা মোস্তাহাব।

اللَّهُمَّ لَكَ صُومْتُ وَعَلَى رِزْقِكَ أَفْطَرْتُ -

* ইফতার করার পর নিম্নের দু'আ পাঠ করবে-

ذَهَبَ الظَّمَاءُ وَابْتَلَّتِ الْعُرُوقُ وَثَبَّتَ الْأَجْرُ إِنْ شَاءَ اللَّهُ -

* ইফতার-এর সময় দু'আ কবুল হয়, তাই ইফতারের পূর্বে বা কিছু ইফতার করে বা ইফতার থেকে সম্পূর্ণ ফারেগ হয়ে দু'আ করা মোস্তাহাব।

(জواهر الفتاوى ج ১/ ১)

* পশ্চিম দিকে প্লেনে সফর শুরু করার কারণে যদি দিন লম্বা হয়ে যায় তাহলে সুব্হে সাদেক থেকে নিয়ে ২৪ ঘন্টার মধ্যে সূর্যাস্ত ঘটলে সূর্যাস্ত পর্যন্ত ইফতার বিলম্ব করতে হবে, আর ২৪ ঘন্টার মধ্যেও সূর্যাস্ত না ঘটলে ২৪ ঘন্টা পূর্ণ হওয়ার সামান্য কিছু পূর্বে ইফতার করে নিবে। (إسن الفتاوى ج ১/ ৬)

* পূর্ব দিকে প্লেনে সফর করলে যখনই সূর্যাস্ত পাবে তখনই ইফতার করবে।

যে সব কারণে রোযা ভাঙ্গে না এবং মাকরুহও হয় না

১। মেসওয়াক করা। যে কোন সময় হোক, কাঁচা হোক বা শুষ্ক।

২। শরীর বা মাথা বা দাড়ি গোঁপে তেল লাগানো।

৩। চোখে সুরমা লাগানো বা কোন ঔষধ দেয়া। (إسن الفتاوى)

৪। খুশবু লাগানো বা তার ঘ্রাণ নেয়া।

৫। ভুলে কিছু পান করা বা আহাৰ করা বা স্ত্রী সঙ্যোগ করা।

৬। গরম বা পিপাসার কারণে গোসল করা বা বারবার কুলি করা।

৭। অনিচ্ছা বশতঃ গলার মধ্যে ধোঁয়া, ধুলাবালি বা মাছি ইত্যাদি প্রবেশ করা।

৮। কানে পানি দেয়া বা অনিচ্ছাবশতঃ চলে যাওয়ার কারণে রোযা ভঙ্গ হয় না, তবে ইচ্ছাকৃতভাবে দিলে সতর্কতা হল সে রোযা কাযা করে নেয়া।

(জواهر الفتاوى)

৯। অনিচ্ছাকৃতভাবে বমি হওয়া। ইচ্ছাকৃতভাবে অল্প বমি করলে মাকরুহ হয় না, তবে এরূপ করা ঠিক নয়।

১০। স্বপ্ন দোষ হওয়া।

১১। মুখে থুথু আসলে গিলে ফেলা।

১২। যে কোন ধরনের ইনজেকশন বা টীকা লাগানো। (জواهر الفتاوى) তবে রোযার কষ্ট যেন বোধ না হয়-এ উদ্দেশ্যে শক্তির ইনজেকশন বা স্যালাইন লাগানো মাকরুহ। (জواهر الفتاوى)

১৩। রোযা অবস্থায় দাঁত উঠালে এবং রক্ত পেটে না গেলে।

১৪। পাইরিয়া রোগের কারণে যে সামান্য রক্ত সব সময় বের হতে থাকে এবং গলার মধ্যে যায় তার কারণে। (১/১২২)

১৫। সাপ ইত্যাদিতে দংশন করলে। (১/১২৩)

১৬। পান খাওয়ার পর ভালভাবে কুলি করা সত্ত্বেও যদি থুথুতে লালভাব থেকে যায়।

১৭। শাহওয়াতের সাথে শুধু নজর করার কারণেই যদি বীর্যপাত ঘটে যায় তাহলে রোযা ফাসেদ হয় না।

১৮। রোযা অবস্থায় শরীর থেকে ইনজেকশনের সাহায্যে রক্ত বের করলে রোযা ভাঙ্গে না এবং এতে রোযা রাখার শক্তি চলে যাওয়ার মত দুর্বল হয়ে পড়ার আশংকা না থাকলে মাকরুহও হয় না। (১/১২৪)

যে সব কারণে রোযা ভাঙ্গে না তবে মাকরুহ হয়ে যায়

১। বিনা প্রয়োজনে কোন জিনিস চিবানো।

২। তরকারী ইত্যাদির লবণ চেখে ফেলা দেয়া। তবে কোন চাকরের মুনিব বা কোন নারীর স্বামী বদ মেজাজী হলে জিহবার অগ্রভাগ দিয়ে লবণ চেখে তা ফেলে দিলে এতটুকুর অবকাশ আছে।

৩। কোন ধরনের মাজন, কয়লা, গুল বা টুথপেস্ট ব্যবহার করা মাকরুহ। আর এর কোন কিছু সামান্য পরিমাণও গলার মধ্যে চলে গেলে রোযা ভঙ্গ হয়ে যাবে। (১/১২৫)

৪। গোসল ফরয-এ অবস্থায় সারা দিন অতিবাহিত করা।

৫। কোন রোগীর জন্য নিজের রক্ত দেয়া। (১/১২৬)

৬। গীবত করা, চোগলখুরী করা, অনর্থক কথাবার্তা বলা, মিথ্যা বলা।

৭। ঝগড়া ফ্যাসাদ করা, গালি-গালাজ করা।

৮। ক্ষুধা বা পিপাসার কারণে অস্থিরতা প্রকাশ করা।

৯। মুখে অধিক পরিমাণ থুথু একত্র করে গিলে ফেলা।

১০। দাঁতে ছোলা বুটের চেয়ে ছোট কোন বস্তু আটকে থাকলে তা বের করে মুখের ভিতর থাকা অবস্থায় গিলে ফেলা।

১১। নিজের উপর নিয়ন্ত্রণ থাকবে না-এরূপ মনে হওয়া সত্ত্বেও স্ত্রীকে চুম্বন করা ও আলিঙ্গন করা। নিজের উপর নিয়ন্ত্রণের আস্থা থাকলে ক্ষতি নেই,

তবে যুবকদের এহেন অবস্থা থেকে দূরে থাকাই শ্রেয়। আর রোযা অবস্থায় স্ত্রীর ঠোট মুখে নেয়া সর্বাবস্থায় মাকরুহ।

১২। নিজের মুখ দিয়ে চিবিয়ে কোন বস্তু শিশুর মুখে দেয়া। তবে অনন্যোপায় অবস্থায় এরূপ করলে অসুবিধা নেই।

১৩। পায়খানার রাস্তা পানি দ্বারা এত বেশী ধৌত করা যে, ভিতরে পানি পৌঁছে যাওয়ার সন্দেহ হয়-এরূপ করা মাকরুহ। আর প্রকৃত পক্ষে পানি পৌঁছে গেলে রোযা ভঙ্গ হয়ে যায়। তাই এ ক্ষেত্রে খুবই সতর্কতা অবলম্বন করা দরকার। এ জন্য রোযা অবস্থায় পানি দ্বারা ধৌত করার পর কোন কাপড় দ্বারা বা হাত দ্বারা পানি পরিষ্কার করে ফেলা নিয়ম।

১৪। ঠোটে লিপিশ্চিক লাগালে যদি মুখের ভিতর চলে যাওয়ার আশংকা হয় তাহলে তা মাকরুহ।

যে সব কারণে রোযা ভেঙ্গে যায় এবং শুধু কাযা ওয়াজিব হয়

১। কানে বা নাকে ঔষধ দিলে।

২। ইচ্ছাকৃতভাবে মুখ ভরে বমি করলে বা অল্প বমি আসার পর তা গিলে ফেললে।

৩। কুলি করার সময় অনিচ্ছাবশতঃ কণ্ঠনালীতে পানি চলে গেলে।

৪। স্ত্রী বা কোন নারীকে শুধু স্পর্শ প্রভৃতি করার কারণেই বীর্যপাত হয়ে গেলে।

৫। এমন কোন জিনিস খেলে যা সাধারণতঃ খাওয়া হয় না। যেমন কাঠ, লোহা, কাগজ, পাথর, মাটি, কয়লা ইত্যাদি।

৬। বিড়ি, সিগারেট বা হুকা সেবন করলে।

৭। আগরবাতি প্রভৃতির ধোঁয়া ইচ্ছাকৃতভাবে নাকে বা হলকে পৌঁছালে।

৮। ভুলে পানাহার করার পর রোযা ভেঙ্গে গেছে মনে করে আবার ইচ্ছাকৃতভাবে কোন কিছু পানাহার করলে।

৯। রাত আছে মনে করে সুব্হে সাদেকের পরে সেহরী খেলে।

১০। ইফতারীর সময় হয়নি, দিন রয়ে গেছে অথচ সময় হয়ে গেছে -এই মনে করে ইফতারী করলে।

১১। দুপুরের পরে রোযার নিয়ত করলে।

১২। দাঁত দিয়ে রক্ত বের হলে তা যদি থুখুর চেয়ে পরিমাণে বেশী হয় এবং কণ্ঠনালীর নীচে চলে যায়।

- ১৩। কেউ জোর পূর্বক রোযাদারের মুখে কোন কিছু দিলে এবং তা কণ্ঠনালীতে পৌঁছে গেলে।
- ১৪। দাঁতে কোন খাদ্য-টুকরা আঁটকে ছিল এবং সুব্হে সাদেকের পর তা যদি পেটে চলে যায় তবে সে টুকরা ছোলা বুটের চেয়ে ছোট হলে রোযা ভেঙ্গে যায় না, তবে এরূপ করা মাকরুহ। কিন্তু মুখ থেকে বের করার পর গিলে ফেললে তা যতই ছোট হোক না কেন রোযা কাযা করতে হবে।
- ১৫। হস্ত মৈথুন করলে যদি বীর্যপাত হয়।
- ১৬। পেশাবের রাস্তায় বা স্ত্রীর যোনিতে কোন ঔষধ প্রবেশ করালে।
- ১৭। পানি বা তেল দ্বারা ভিজা আঙ্গুল যোনিতে বা পায়খানার রাস্তায় প্রবেশ করালে।
- ১৮। শুকনো আঙ্গুল প্রবেশ করিয়ে পুরোটী বা কিছুটা বের করে আবার প্রবেশ করালে। আর যদি শুকনো আঙ্গুল একবার প্রবেশ করিয়ে একবারেই পুরোটী বের করে নেয়-আবার প্রবেশ না করায়, তাহলে রোযার অসুবিধা হয় না।
- ১৯। মুখে পান রেখে ঘুমিয়ে গেলে এবং এ অবস্থায় সুব্হে সাদেক হয়ে গেলে।
- ২০। নসি় গ্রহণ করলে বা কানে তেল ঢাললে।
- ২১। কেউ রোযার নিয়তই যদি না করে তাহলেও শুধু কাযা ওয়াজিব হয়।
- ২২। স্ত্রীর বেহুঁশ থাকা অবস্থায় কিংবা বে-খবর ঘুমন্ত অবস্থায় তার সাথে সহবাস করা হলে ঐ স্ত্রীর উপর শুধু কাযা ওয়াজিব হবে।
- ২৩। রমযান ব্যতীত অন্য নফল রোযা ভঙ্গ হলে শুধু কাযা ওয়াজিব হয়।
- ২৪। এক দেশে রোযা শুরু করার পর অন্য দেশে চলে গেলে সেখানে যদি নিজের দেশের তুলনায় আগে ঈদ হয়ে যায় তাহলে নিজের দেশের হিসেবে যে কয়টা রোযা বাদ গিয়েছে তার কাযা করতে হবে। আর যদি সেখানে গিয়ে রোযা এক দুটো বেড়ে যায় তাহলে তা রাখতে হবে।

যে সব কারণে রোযা ভেঙ্গে যায়

এবং কাযা, কাফ্ফারা উভয়টা ওয়াজিব হয়

- ১। রোযার নিয়ত (রাতে) করার পর ইচ্ছাকৃতভাবে পানাহার করলে।
- ২। রোযার নিয়ত করার পর ইচ্ছাকৃতভাবে স্ত্রী সম্বোগ করলে। স্ত্রীর উপরও কাযা কাফ্ফারা উভয়টা ওয়াজিব হবে। স্ত্রী যোনির মধ্যে পুরুষাঙ্গের অগ্রভাগ প্রবেশ করালেই কাযা ও কাফ্ফারা ওয়াজিব হয়ে যাবে, চাই বীর্যপাত হোক বা না হোক।

৩। রোযার নিয়ত করার পর (পাপ হওয়া সত্ত্বেও) যদি পুরুষ তার পুরুষাঙ্গ স্ত্রীর পায়খানার রাস্তায় প্রবেশ করায় এবং অগ্রভাগ ভিতরে প্রবেশ করে (চাই বীর্যপাত হোক বা না হোক) তাহলেও পুরুষ স্ত্রী উভয়ের উপর কাযা এবং কাফ্ফারা উভয়টা ওয়াজিব হবে।

৪। রোযা অবস্থায় কোন বৈধ কাজ করল যেমন স্ত্রীকে চুম্বন দিল কিংবা মাথায় তেল দিল তা সত্ত্বেও সে মনে করল যে, রোযা নষ্ট হয়ে গিয়েছে; আর তার পরে ইচ্ছাকৃতভাবে পানাহার ইত্যাদি করল, তাহলেও কাযা কাফ্ফারা উভয়টা ওয়াজিব হবে।

যে সব কারণে রোযা না রাখার অনুমতি আছে

১। যদি কেউ শরী'আত সম্মত সফরে থাকে তাহলে তার জন্য রোযা না রাখার অনুমতি আছে; পরে কাযা করে নিতে হবে। কিন্তু সফরে যদি কষ্ট না হয়, তাহলে রোযা রাখাই উত্তম। আর যদি কোন ব্যক্তি রোযা রাখার নিয়ত করার পর সফর শুরু করে তাহলে সে দিনের রোযা রাখা জরুরী।

২। কোন রোগী ব্যক্তি রোযা রাখলে যদি তার রোগ বেড়ে যাওয়ার আশংকা হয় অথবা অন্য কোন নতুন রোগ দেখা দেয়ার আশংকা হয় অথবা রোগ মুক্তি বিলম্বিত হওয়ার আশংকা হয়, তাহলে রোযা ছেড়ে দেয়ার অনুমতি আছে। সুস্থ হওয়ার পর কাযা করে নিতে হবে। তবে অসুস্থ অবস্থায় রোযা ছাড়তে হলে কোন দ্বীনদার পরহেযগার চিকিৎসকের পরামর্শ থাকা শর্ত, কিংবা নিজের অভিজ্ঞতা ও জ্ঞানের ভিত্তিতে হতে হবে, শুধু নিজের কাল্পনিক খেয়ালের বশীভূত হয়ে আশংকাবোধ করে রোযা ছাড়া দুরস্ত হবে না। তাহলে কাযা কাফ্ফারা উভয়টা ওয়াজিব হবে। (রূটী ১৫)

৩। রোগ মুক্তির পর যে দুর্বলতা থাকে তখন রোযা রাখলে যদি পুনরায় রোগাক্রান্ত হওয়ার প্রবল আশংকা হয় তাহলে তখন রোযা না রাখার অনুমতি আছে, পরে কাযা করে নিতে হবে।

৪। গর্ভবতী বা দুগ্ধদায়িনী স্ত্রী লোক রোযা রাখলে যদি নিজের জীবনের ব্যাপারে বা সন্তানের জীবনের ব্যাপারে আশংকা বোধ করে বা রোযা রাখলে দুধ শুকিয়ে যাবে আর সন্তানের সমূহ কষ্ট হবে-এরূপ নিশ্চিত হলে তার জন্য তখন রোযা ছাড়া জায়েয, পরে কাযা করে নিতে হবে।

৫। হায়েয নেকাস অবস্থায় রোযা ছেড়ে দিতে হবে এবং পবিত্র হওয়ার পর কাযা করে নিতে হবে।

যে সব কারণে রোযা শুরু করার পর

তা ভেঙ্গে ফেলার অনুমতি রয়েছে

১। যদি এমন পিপাসা বা ক্ষুধা লাগে যাতে প্রাণের আশংকা দেখা দেয়।

২। যদি এমন কোন রোগ বা অবস্থা দেখা দেয় যে, ওষুধ-পত্র গ্রহণ না করলে জীবনের আশা ত্যাগ করতে হয়।

৩। গর্ভবতী স্ত্রীলোকের যদি এমন অবস্থা হয় যে, নিজের বা সন্তানের প্রাণ নাশের আশংকা হয়।

৪। বেহুঁশ বা পাগল হয়ে গেলে।

* উল্লেখ্য যে, এসব অবস্থায় যে রোযা ছেড়ে দেয়া হবে তার কাযা করে নিতে হবে।

* কেউ যদি অন্যকে দিয়ে কাজ করাতে পারে বা জীবিকা অর্জনের জন্য অন্য কোন কাজ করতে পারে তা সত্ত্বেও সে টাকার লোভে রোদে গিয়ে কাজ করল এবং এ কারণে অনুরূপ পিপাসায় আক্রান্ত হল কিংবা বিনা অপারগতায় আঙনের কাছে যাওয়ার কারণে পিপাসায় আক্রান্ত হল, তাহলে তার জন্যে রোযা ছাড়ার অনুমতি নেই।

রমযান মাসের সম্মান রক্ষার মাসায়েল

* রমযান মাসে দিনের বেলায় লোকদের পানাহারের উদ্দেশ্যে হোটেল রেস্তোরা প্রভৃতি খাবার দোকান খোলা রাখা রমযানের অবমাননা বিধায় তা পাপ। অন্য ধর্মাবলম্বী বা মা'যূর ব্যক্তিদের খাতিরে খোলা রাখার অজুহাত গ্রহণযোগ্য নয়। (نَدْوَى رَمِيَّة ج ১/২)

* কোন কারণ বশতঃ রোযা ভেঙ্গে গেলেও বাকী দিনটুকু পানাহার পরিত্যাগ করে রোযাদারের ন্যায় থাকা ওয়াজিব। (বেহেশতী জেওর)

* দুর্ভাগ্য বশতঃ কেউ যদি রোযা না রাখে তবুও অন্যের সামনে পানাহার করা বা প্রকাশ করা যে, আমি রোযা রাখিনি-এতে দ্বিগুণ পাপ হয়, প্রথম হল রোযা না রাখার পাপ, দ্বিতীয় হল গোনাহ প্রকাশ করার পাপ।

রোযার কাযার মাসায়েল

* রমযানের রোযা কাযা হয়ে গেলে রমযানের পর যথাশীঘ্র কাযা করে নিতে হবে। বিনা কারণে কাযা রোযা রাখতে দেবী করা গোনাহ।

* কাযা রোযার জন্যে সুব্হে সাদেকের পূর্বেই নিয়ত করতে হবে, অন্যথায় কাযা রোযা সহীহ হবে না। সুব্হে সাদেকের পর নিয়ত করলে সে রোযা নফল হয়ে যাবে।

* ঘটনাক্রমে একাধিক রমযানের কাযা রোযা একত্রিত হয়ে গেলে নির্দিষ্ট করে নিয়ত করতে হবে যে, আজ অমুক বৎসরের রমযানের রোযা আদায় করছি।

* যে কয়টি রোযা কাযা হয়েছে তা একাধারে রাখা মোস্তাহাব। বিভিন্ন সময়ে রাখাও দুরস্ত আছে।

* কাযা শেষ করার পূর্বেই নতুন রমযান এসে গেলে তখন ঐ রমযানের রোযাই রাখতে হবে। কাযা পরে আদায় করে নিতে হবে।

রোযার কাফ্ফারা-র মাসায়েল

* একটি রোযার কাফ্ফারা ৬০টি রোযা (একটি কাযা বাদেও)। এই ৬০টি রোযা একাধারে রাখতে হবে। মাঝখানে ছুটে গেলে আবার পুনরায় পূর্ণ ৬০টি একাধারে রাখতে হবে। এই ৬০ দিনের মধ্যে নেফাস বা রমযানের মাস এসে যাওয়ার কারণে বিরতি হলেও কাফ্ফারা আদায় হবে না।

* কাফ্ফারার রোযা এমন দিন থেকে শুরু করবে যেন মাঝখানে কোন নিষিদ্ধ দিন এসে না যায়। উল্লেখ্য, যে পাঁচ দিন রোযা রাখা নিষিদ্ধ বা হারাম তা হল দুই ঈদের দিন এবং ঈদুল আযহার পরের তিন দিন।

* কাফ্ফারার রোযা রাখার মধ্যে হায়েযের দিন (নেফাসের নয়) এসে গেলেও যে কয়দিন সে হায়েযের কারণে বিরতি যাবে তাতে অসুবিধে নেই।

* কাযা রোযার ন্যায় কাফ্ফারার রোযার নিয়তও সুব্হে সাদেকের পূর্বে হওয়া জরুরী।

* একই রমযানের একাধিক রোযা ছুটে গেলে কাফ্ফারা একটাই ওয়াজিব হবে। দুই রমযানের ছুটে গেলে দুই কাফ্ফারা ওয়াজিব হবে।

* কাফ্ফারা বাবত বিরতিহীনভাবে ৬০ দিন রোযা রাখার সামর্থ না থাকলে পূর্ণ খোরাক খেতে পারে- এমন ৬০ জন মিসকীনকে (অথবা এক জনকে ৬০ দিন) দু'বেলা পরিতৃপ্তির সাথে খাওয়াতে হবে অথবা সদকায়ে ফিত্র-য়ে যে পরিমাণ গম বা তার মূল্য দেয়া হয় প্রত্যেককে সে পরিমাণ দিতে হবে। এই গম ইত্যাদি বা মূল্য দেয়ার ক্ষেত্রে একজনকে ৬০ দিনেরটা

এক দিনেই দিয়ে দিলে কাফ্ফারা আদায় হবে না। তাতে মাত্র এক দিনের কাফ্ফারা ধরা হবে।

* ৬০ দিন খাওয়ানোর বা মূল্য দেয়ার মাঝে ২/১ দিন বিরতি পড়লে ক্ষতি নেই।

রোযার ফেদিয়ার মাসায়েল

* “ফেদিয়া” অর্থ ক্ষতিপূরণ। রোযা রাখতে না পারলে বা কাযা আদায় করতে না পারলে যে ক্ষতিপূরণ দিতে হয় তাকে ফেদিয়া বলে। প্রতিটা রোযার পরিবর্তে সাদকায়ে ফিতর (ফিতরা) পরিমাণ পণ্য বা তার মূল্য দান করাই হল এক রোযার ফেদিয়া। (ফিতরা-এর পরিমাণ সম্পর্কে জানার জন্য দেখুন ২৭০ পৃষ্ঠা)

* যার যিম্মায় কাযা রোযা রয়ে গেছে- জীবদ্দশায় আদায় হয়নি, মৃত্যুর পর তার ওয়ারিছগণ তার রোযার ফেদিয়া আদায় করবে। মৃত ব্যক্তি ওছিয়াত করে গিয়ে থাকলে তার পরিত্যক্ত সম্পত্তি থেকে নিয়ম অনুযায়ী এই ফেদিয়া আদায় করা হবে। আর ওছিয়াত না করে থাকলেও যদি ওয়ারিছগণ নিজেদের মাল থেকে ফেদিয়া আদায় করে দেয় তবুও আশা করা যায় আল্লাহ তা কবুল করবেন এবং মৃত ব্যক্তিকে ক্ষমা করবেন।

* অতি বৃদ্ধ/বৃদ্ধা রোযা রাখতে না পারলে অথবা কোন ধ্বংসকারী বা দীর্ঘ মেয়াদী রোগ হলে এবং সুস্থ হওয়ার কোন আশা না থাকলে আর রোযা রাখায় ক্ষতি হওয়ার ভয় থাকলে এমন লোকের জন্য প্রত্যেক রোযার পরিবর্তে ফেদিয়া আদায় করার অনুমতি আছে তবে একরূপ বৃদ্ধ/বৃদ্ধা বা একরূপ রোগী পুনরায় কখনও রোযা রাখার শক্তি পেলে তাদেরকে কাযা করতে হবে এবং যে ফেদিয়া দান করেছিল তার ছওয়াব পৃথকভাবে সে পাবে।

নফল রোযার মাসায়েল

* পাঁচদিন ব্যতীত সারা বৎসর যে কোন দিন নফল রোযা রাখা যায়। উক্ত পাঁচ দিন হল দুই ঈদের দুই দিন এবং ঈদুল আযাহার পরের তিন দিন অর্থাৎ, ১১ই, ১২ই ও ১৩ই যিলহজ্জ। এই পাঁচ দিন যে কোন রোযা রাখা হারাম।

* যে ব্যক্তি প্রত্যেক চন্দ্র মাসের ১৩ই, ১৪ই, ও ১৫ই তারিখে নফল রোযা রাখল, সে যেন সারা বৎসর রোযা রাখল। এটাকে ‘আইয়্যামে বীযের রোযা’ বলে।

* প্রত্যেক সোমবার এবং বৃহস্পতিবারও নবী কারীম সাল্লাল্লাহু আলাইহি ওয়াসাল্লাম নফল রোযা রাখতেন। এতেও অনেক সওয়াব আছে।

* বেলা দ্বিপ্রহরের এক ঘন্টা পূর্ব পর্যন্ত নফল রোযার নিয়ত করা দুরস্ত আছে।

* নফল রোযা শুরু করলে সেটা পুরো করা ওয়াজিব হয়ে যায়। তাই নফল রোযার নিয়ত করার পর সেটা ভাঙলে তার কাযা আদায় করা ওয়াজিব।

* স্বামী বাড়ীতে থাকা অবস্থায় তার বিনা অনুমতিতে স্ত্রীর জন্যে নফল রোযা রাখা দুরস্ত নয়। রাখলে স্বামী হুকুম করলে তা ভেঙ্গে দিতে হবে এবং পরে কাযা করে নিতে হবে।

* মেহমান যদি একা খেতে মনে কষ্ট পায় তাহলে তার খাতিরে মেযবান (বাড়ীওয়ালা) নফল রোযা ভেঙ্গে ফেলতে পারে। ভাঙলে পরে কাযা করে নিতে হবে। তবে এই ভাঙ্গার অনুমতি সূর্য ঢলার পূর্ব পর্যন্ত। (عمدة الرعاية)

মান্নতের রোযার মাসায়েল

* যদি কেউ আল্লাহর নামে রোযা রাখার মান্নত করে তাহলে সেই রোযা রাখা ওয়াজিব হয়ে যায়। তবে কোন শর্তের ভিত্তিতে মান্নত মানলে সেই শর্ত পূরণ হওয়ার পূর্বে ওয়াজিব হয় না- শর্ত পূরণ হলেই ওয়াজিব হয়।

* কোন নির্দিষ্ট দিনে রোযা রাখার মান্নত করলে এবং সেই দিন রোযা রাখলে রাত্রেই নিয়ত করা জরুরী নয়, দুপুরের এক ঘন্টা পূর্ব পর্যন্ত নিয়ত করা দুরস্ত আছে।

* কোন নির্দিষ্ট দিনের রোযা রাখার মান্নত করলে এবং সেই দিন সে রোযা রাখলে মান্নতের রোযা বলে নিয়ত করুক বা শুধু রোযা বলে নিয়ত করুক বা নফল বলে নিয়ত করুক মান্নতের রোযাই আদায় হবে। তবে কাযা রোযার নিয়ত করলে কাযাই আদায় হবে-মান্নতের রোযা আদায় হবে না।

* কোন দিন তারিখ নির্দিষ্ট করে মান্নত না করলে যে কোন দিন সে মান্নতের রোযা রাখা যায়। এরূপ মান্নতের রোযার নিয়ত সুব্হে সাদেকের পূর্বেই হওয়া শর্ত।

* কোন নির্দিষ্ট দিনে বা নির্দিষ্ট তারিখে বা নির্দিষ্ট মাসে রোযা রাখার মান্নত করলে সেই নির্দিষ্ট দিনে বা তারিখে বা মাসে রোযা রাখাই জরুরী নয়- অন্য যে কোন সময় রাখলেও চলবে।

* যদি এক মাস রোযা রাখার মান্নত করে তাহলে পুরো এক মাস লাগাতার রোযা রাখতে হবে।

* যদি কয়েক দিন রোযা রাখার মান্নত করে তাহলে একত্রে রাখার নিয়ত না থাকলে সে কয়দিন ভেঙ্গে ভেঙ্গে রাখলেও চলবে। আর একত্রে রাখার নিয়ত করলে একত্রেই রাখতে হবে।

সুন্নাত এ'তেকাফ (রমযানের শেষ দশকের এ'তেকাফ) এর মাসায়েল

* এ'তেকাফ অর্থ স্থির থাকা, অবস্থান করা। পরিভাষায় জাগতিক কার্যকলাপ ও পরিবার-পরিজন থেকে বিচ্ছিন্ন হয়ে ছওয়াবের নিয়তে মসজিদে বা ঘরের নির্দিষ্ট স্থানে অবস্থান করা ও স্থির থাকাকে এ'তেকাফ বলে।

* রমযানের শেষ দশকে এ'তেকাফ করা সুন্নাতে মুআক্কাদায়ে কেফায়া, অর্থাৎ, বড় গ্রাম বা শহরের প্রত্যেকটা মহল্লা এবং ছোট গ্রামের পূর্ণ বসতিতে কেউ কেউ এ'তেকাফ করলে সকলেই দায়িত্বমুক্ত হয়ে যাবে- আর কেউই না করলে সকলেই সুন্নাত তরকের জন্য দায়ী হবে।

* রমযানের ২০ তারিখ সূর্যাস্তের পূর্ব থেকে ঈদুল ফিতরের চাঁদ দেখা পর্যন্ত এ'তেকাফের সময়।

এ'তেকাফের শর্ত সমূহ

এ'তেকাফের জন্য তিনটি শর্ত; যথা :

(১) এমন মসজিদে এ'তেকাফ হতে হবে যেখানে নামাযের জামা'আত হয়। জুমুআ-র জামা'আত হোক বা না হোক। এ শর্ত পুরুষের এ'তেকাফের ক্ষেত্রে। মহিলাগণ ঘরের নির্দিষ্ট স্থানে এ'তেকাফ করবে।

(২) এ'তেকাফের নিয়ত করতে হবে।

(৩) হায়েয নেফাস শুরু হলে এ'তেকাফ ছেড়ে দিবে।

যে সব কারণে এ'তেকাফ ফাসেদ

তথা নষ্ট হয়ে যায় এবং কাযা করতে হয়

(১) স্ত্রী সহবাস করলে এ'তেকাফ ফাসেদ হয়ে যায়, চাই বীর্যপাত হোক বা না হোক, ইচ্ছাকৃত হোক বা ভুলে হোক। সহবাসের আনুষঙ্গিক কাজ যেমন চুম্বন, আলিঙ্গন, ইত্যাদির কারণে বীর্যপাত হলে এ'তেকাফ ফাসেদ হয়ে যায়। চুম্বন ইত্যাদির কারণে বীর্যপাত না হলে এ'তেকাফ বাতিল হয় না, তবে এ'তেকাফের অবস্থায় তা করা হারাম।

(২) এ'তেকাফের স্থান থেকে শরী'আত সম্মত প্রয়োজন বা স্বাভাবিক প্রয়োজন ছাড়া বের হলে এ'তেকাফ ফাসেদ হয়ে যায়। শরী'আত সম্মত

প্রয়োজন হলে মসজিদের বাইরে যাওয়া যায়; যেমন সে মসজিদে জুমুআর জামা'আত না হলে জুমুআর নামাযের জন্য জামে মসজিদে যাওয়া, ফরয বা সুন্নাত গোসলের জন্য বের হওয়া ইত্যাদি। আর স্বাভাবিক প্রয়োজনেও বের হওয়া যায়; যেমন পেশাব-পায়খানার জন্য বের হওয়া, খাদ্য-খাবার এনে দেয়ার লোক না থাকলে তা আনার জন্য বের হওয়া, মসজিদের ভিতর উয়ূর পানির ব্যবস্থা না থাকলে এবং পানি দেয়ার কেউ না থাকলে উয়ূর পানির জন্য বাইরে যাওয়া।

* যে কাজের জন্য বাইরে যাওয়া হবে সে কাজ সমাপ্ত করার পর সত্বর ফিরে আসবে, বিনা প্রয়োজনে কারও সাথে কথা বলবে না।

* গোসল ফরয হওয়া ছাড়াও আমরা শরীর ঠাণ্ডা করার নিয়তে বা শরীর পরিষ্কার করার নিয়তে সাধারণতঃ যে গোসল করে থাকি, শুধু এরূপ গোসলেরই উদ্দেশ্যে মসজিদ থেকে বের হওয়া যাবে না। তবে কাউকে বলে যদি পথের মধ্যে পানির ব্যবস্থা করে রাখে বা পুকুর ইত্যাদি থাকে আর পেশাব পায়খানা থেকে ফেরার পথে অতিরিক্ত সময় না লাগিয়ে জলদি ঐ পানি গায়ে মাখায় ঢেলে বা ডুব দিয়ে গোসল সেরে চলে আসে তাহলে এ'তেকাফের ক্ষতি হবেনা।

এ'তেকাফের অবস্থায় যে সব জিনিস মাকরুহ

১. এ'তেকাফ অবস্থায় চুপ থাকলে ছওয়াব হয় এই মনে করে চুপ থাকা মাকরুহ তাহরীমী।
২. বিনা জরুরিতে দুনিয়াবী কাজে লিপ্ত হওয়া মাকরুহ তাহরীমী। যেমন ক্রয়-বিক্রয় করা ইত্যাদি। তবে নেহায়েত জরুরত হলে যেমন ঘরে খোরাকী নেই এবং সে ব্যতীত কোন বিশ্বস্ত লোকও নেই-এরূপ অবস্থায় মসজিদে মাল-পত্র উপস্থিত না করে কেনা-বেচার চুক্তি করতে পারে।

এ'তেকাফের মোস্তাহাব ও আদবসমূহ

১. এ'তেকাফের জন্য সর্বোত্তম মসজিদ নির্বাচন করবে। সর্বোত্তম মসজিদ হল মসজিদুল হারাম, তারপর মসজিদে নববী, তারপর বায়তুল মুকাদ্দাস, তারপর যে জামে মসজিদে জামা'আতের এন্তেজাম আছে, তারপর মহল্লার মসজিদ, তারপর যে মসজিদে বড় জামা'আত হয়।
২. নেক কথা ব্যতীত অন্য কথা না বলা।
৩. বেকার বসে না থেকে নফল নামায, তিলাওয়াত ও তাসবীহ তাহলীলে মশগুল থাকা উত্তম।

* এ'তেকাফে খাস কোন ইবাদত করা শর্ত নয়- যে কোন নফল নামায, ফিকির-আযকার, তিলাওয়াত, দ্বীনী কিতাব পড়া, পড়ানো বা যে ইবাদত মনে চায় করতে পারে।

* এ'তেকাফ শুরু করার পর নিজের বা অন্যের জীবন বাঁচানোর তাগিদে অনন্যোপায় অবস্থায় এ'তেকাফের স্থান থেকে বের হলে গোনাহ নেই বরং তা জরুরী, তবে তাতে এ'তেকাফ ভেঙ্গে যাবে।

* কোন শরী'আত সম্মত প্রয়োজনে বা স্বাভাবিক প্রয়োজনে বের হলে ইত্যবসরে কোন রোগী দেখলে বা জানাযায় শরীক হলে তাতে কোন দোষ নেই।

* পারিশ্রমিকের বিনিময়ে এ'তেকাফে বসা অথবা বসানো উভয়টা না-জায়েয ও গোনাহ। (إجماع الفقهاء ج ১/ ১)

* মহিলাদের জন্য মসজিদে এ'তেকাফ করা মাকরুহ তাহরীমী। তারা ঘরে এ'তেকাফ করবে। স্বামী মওজুদ থাকলে এ'তেকাফের জন্য স্বামীর অনুমতি গ্রহণ করতে হবে। স্বামীর খেদমতের প্রয়োজন থাকলে এ'তেকাফে বসবে না। শিশুর তত্ত্বাবধান ও যুবতী কন্যার প্রতি খেয়াল রাখার প্রয়োজনীয়তা থাকলে এ'তেকাফে না বসাই সমীচীন। মহিলাগণ নির্দিষ্ট কোন কামরায় বা ঘরের কোণে এক স্থানে পর্দা ঘিরে এ'তেকাফে বসবে। মহিলাদের জন্য এ'তেকাফের অন্যান্য মাসায়েল পুরুষদেরই ন্যায়।

ওয়াজিব এ'তেকাফ (মান্নতের এ'তেকাফ)-এর মাসায়েল

* এ'তেকাফের মান্নত করলে এ'তেকাফ ওয়াজিব হয়ে যায়। তবে কোন শর্তের ভিত্তিতে মান্নত করলে (যেমন আমার অমুক কাজ হয়ে গেলে এ'তেকাফ করব ইত্যাদি) শর্ত পূরণ হওয়ার পূর্বে ওয়াজিব হয় না।

* ওয়াজিব এ'তেকাফের জন্য রোযা শর্ত-যখনই এ'তেকাফ করবে রোযাও রাখতে হবে।

* ওয়াজিব এ'তেকাফ কমপক্ষে একদিন হতে হবে। বেশী দিনের নিয়ত করলে তা-ই করতে হবে।

* যদি শুধু এক দিনের এ'তেকাফের মান্নত করে তাহলে তার সঙ্গে রাত শামেল হবে না। তবে যদি রাত দিন উভয়ের নিয়ত করে বা একত্রে কয়েক দিনের মান্নত করে তাহলে রাতও শামেল হবে। দিন বাদে শুধু রাতে এ'তেকাফের মান্নত হয় না।

* উপরোল্লিখিত মাসায়েল ব্যতীত সুনাত এ'তেকাফের ক্ষেত্রে যে সব মাসায়েল বর্ণনা করা হয়েছে, ওয়াজিব এ'তেকাফের ক্ষেত্রেও সেগুলো প্রযোজ্য।

মোস্তাহাব/নফল এ'তেকাফের মাসায়েল

* সুনাত এ'তেকাফ (রমযানের পূর্ণ শেষ দশক) ও ওয়াজিব এ'তেকাফ ব্যতীত অন্যান্য যে কোন সময়ের এ'তেকাফের জন্য কোন পরিমাণ সময় নির্ধারিত নেই- সামান্য সময়ের জন্যেও তা হতে পারে।

* যে সব জিনিস দ্বারা এ'তেকাফ ফাসেদ হয়ে যায় এবং কাযা করতে হয় সেসব দ্বারা মোস্তাহাব এ'তেকাফও নষ্ট হয়ে যাবে। তবে মোস্তাহাব এ'তেকাফের জন্য যেহেতু সময়ের পরিমাণ নির্ধারিত নেই, তাই তার কাযাও নেই।

যাকাতের মাসায়েল

কোন কোন অর্থ/সম্পদ কি পরিমাণ থাকলে যাকাত ফরয হয়ঃ

* যদি কারও নিকট শুধু সোনা থাকে- রূপা, টাকা-পয়সা ও ব্যবসায়িক পণ্য কিছুই না থাকে, তাহলে সাড়ে সাত তোলা বা তার বেশী (সোনা) থাকলে বৎসরান্তে তার উপর যাকাত ফরয হয়।

* যদি কারও নিকট শুধু রূপা থাকে- সোনা, টাকা-পয়সা ও ব্যবসায়িক পণ্য কিছুই না থাকে, তাহলে সাড়ে বায়ান্ন তোলা (রূপা) থাকলে বৎসরান্তে তার উপর যাকাত ফরয হয়।

* যদি কারও নিকট কিছু সোনা থাকে এবং তার সাথে কিছু রূপা বা কিছু টাকা-পয়সা বা কিছু ব্যবসায়িক পণ্য থাকে তাহলে এ ক্ষেত্রে সোনার সাড়ে সাত তোলা বা রূপার সাড়ে বায়ান্ন তোলা দেখা হবে না বরং সোনা, রূপা এবং টাকা-পয়সা ও ব্যবসায়িক পণ্য যা কিছু আছে সবটা মিলে যদি সাড়ে সাত তোলা সোনা বা সাড়ে বায়ান্ন তোলা রূপার যে কোন একটার মূল্যের সমপরিমাণ হয়ে যায়, তাহলে (বৎসরান্তে) তার উপর যাকাত ফরয হবে।

* যদি কারও নিকট শুধু টাকা-পয়সা থাকে-সোনা, রূপা ও ব্যবসায়িক পণ্য কিছু না থাকে, তাহলে সাড়ে সাত তোলা সোনা বা সাড়ে বায়ান্ন তোলা রূপার যে কোন একটার মূল্যের সমপরিমাণ (টাকা-পয়সা) থাকলে বৎসরান্তে তার উপর যাকাত ফরয হবে।

* কারও নিকট সোনা, রূপা ও টাকা-পয়সা কিছুই নেই শুধু ব্যবসায়িক পণ্য রয়েছে, তাহলে উপরোক্ত পরিমাণ সোনা বা রূপার যে কোন একটার মূল্যের সমপরিমাণ থাকলে বৎসরান্তে তার উপর যাকাত ফরয হবে।

* কারও নিকট সোনা, রূপা নেই শুধু টাকা-পয়সা ও ব্যবসায়িক পণ্য রয়েছে, তাহলে টাকা-পয়সা ও ব্যবসায়িক পণ্যের মূল্য মিলিয়ে যদি উক্ত পরিমাণ সোনা বা রূপার যে কোন একটার মূল্যের সমপরিমাণ হয় তাহলে বৎসরান্তে তার উপর যাকাত ফরয হবে।

যাকাত ফরয হওয়ার শর্তসমূহ :

* আকেল (বুদ্ধিমান) বালেগ, ছাহেবে নেছাব মুসলমানের উপর বৎসরে একবার যাকাত আদায় করা ফরয। যে পরিমাণ অর্থের উপর যাকাত ফরয হয় তাকে বলে 'নেছাব' আর এ পরিমাণ অর্থের মালিককে বলা হয় 'ছাহেবে নেছাব'। গরীব, পাগল ও না-বালেগের সম্পত্তিতে যাকাত ফরয হয় না।

* নেছাব পরিমাণ অর্থের উপর পূর্ণ এক বৎসর অতিবাহিত হলে যাকাত ফরয হয়। এক বৎসর অতিবাহিত হওয়ার পূর্বে যাকাত ফরয হয় না। যাকাতের ক্ষেত্রে ইংরেজী বা বাংলা নয় বরং চান্দ্র বৎসরের হিসাব করতে হবে।

* অর্থ সম্পদের প্রত্যেকটা অংশের উপর পূর্ণ এক বৎসর অতিবাহিত হওয়া শর্ত নয় বরং শুধু নেছাব পরিমাণের উপর বৎসর অতিবাহিত হওয়া শর্ত। কাজেই বৎসরের শুরুতে যে পরিমাণ ছিল (নেছাবের চেয়ে কম না হওয়া চাই) বৎসরের শেষে যদি তার চেয়ে পরিমাণ বেশী দেখা দেয় তাহলে ঐ বেশী পরিমাণের উপরও যাকাত ফরয হবে। এখানে দেখা গেল ঐ বেশী পরিমাণ যেটা বৎসরের মাঝে যোগ হয়েছে, তার উপর পূর্ণ এক বৎসর অতিবাহিত না হওয়া সত্ত্বেও তার উপর যাকাত আসছে।

* কেউ যদি বৎসরের শুরুতে মালিকে নেছাব হয় এবং বৎসরের শেষেও মালিকে নেছাব থাকে, মাঝখানে কিছু কম হয়ে যায় (নেছাবের ন্যূনতম পরিমাণের চেয়ে কমে গেলেও) তাহলে বৎসরের শেষে তার নিকট যে পরিমাণ থাকবে তার উপর যাকাত ফরয হবে। তবে মাঝখানে যদি এমন হয়ে যায় যে, মোটেই অর্থ সম্পদ না থাকে, তাহলে পূর্বের হিসাব বাদ যাবে। পুনরায় যখন নেছাবের মালিক হবে তখন থেকে নতুন হিসাব ধরা হবে এবং তখন থেকেই বৎসরের শুরু ধরা হবে।

যে সব অর্থ/সম্পদের যাকাত আসে না :

* ব্যবসায়িক পণ্য ছাড়া ঘরে যে সব আবসাবপত্র, কাপড়-চোপড়, থালা-বাসন, হাড়ি-পাতিল, ফ্রিজ, আলমারি, শোকেজ, পড়ার বই ইত্যাদি থাকে তার উপর যাকাত আসে না।

* থাকা বা ভাড়া দেয়ার উদ্দেশ্যে যে ঘর-বাড়ী নির্মাণ করা হয় বা ক্রয় করা হয় কিংবা অনুরূপ উদ্দেশ্যে যে জমি ক্রয় করা হয় সে ঘর-বাড়ী ও জমির মূল্যের উপর যাকাত আসে না। তবে ব্যবসা/বিক্রয়ের উদ্দেশ্যে ক্রয়কৃত বাড়ী ও জমির মূল্যের উপর যাকাত আসে।

* কারও কারখানা থাকলে এবং উক্ত কারখানায় কোন উৎপাদন হলে সে উৎপাদনের কাজে যে মেশিন যন্ত্রপাতি ও আসবাবপত্র ব্যবহৃত হয়, মিল-ফ্যাক্টরীতে যে গাড়ী ও যানবাহন ব্যবহৃত হয় তার মূল্যের উপর যাকাত আসে না বরং যাকাত আসে উৎপাদিত মালামাল ও ক্রয়কৃত কাঁচামালের উপর।

* রিকশা, বেবী, টেক্সি, বাস, ট্রাক, লঞ্চ, স্টীমার ইত্যাদি যা ভাড়া খাটানো হয় অথবা যা দিয়ে উপার্জন করা হয় তার মূল্যের উপর যাকাত আসে না। অবশ্য এসব যানবাহনই যদি কেউ ব্যবসার (বিক্রয়ের) উদ্দেশ্যে ক্রয় করে থাকে তাহলে তার মূল্যের উপর যাকাত আসবে।

* পেশাজীবীরা তাদের পেশার কাজ চালানোর জন্য যে সব যন্ত্রপাতি ও আসবাব পত্র ব্যবহার করে থাকে তার মূল্যের উপর যাকাত আসে না। যেমন কৃষকের ট্রাক্টর, ইলেকট্রিশিয়ানদের ড্রিল মেশিন ইত্যাদি।

* যদি কারও নিকট ব্যবহারের উদ্দেশ্যে হীরা, মনি, মুক্তা, ডায়মণ্ড ইত্যাদির অলংকার থাকে, তাহলে তার মূল্যের উপর যাকাত আসে না। তবে এরূপ নিয়তে রাখা হলে যে, এটা একটা সঞ্চয়-প্রয়োজনের মুহূর্তে বিক্রি করে নগদ অর্থ অর্জন করা যাবে- এরূপ হলে তাতে যাকাত ওয়াজিব হবে।

(جواهر الفتاوى ج ١ / ١)

* প্রভিডেন্ট ফাণ্ডের অর্থ হাতে পাওয়ার পূর্বে তার উপর যাকাত আসে না। তবে যে টাকাটা কর্তৃপক্ষ বাধ্যতামূলক নয় বরং চাকুরিজীবী স্বেচ্ছায় কর্তন করায় তার উপর যাকাত আসবে। এটা হল সরকারী চাকুরীর প্রভিডেন্ট ফাণ্ডের মাসআলা। আর প্রাইভেট কোম্পানীর প্রভিডেন্ট ফাণ্ডের টাকা হাতে পাওয়ার পূর্বেও তার যাকাত দিতে হবে। এমনভাবে সরকারী চাকুরীর ক্ষেত্রেও

চাকুরিজীবী যদি প্রভিডেন্ট ফাণ্ডের টাকায় কোন ইস্যুরেস কোম্পানীতে অংশ নেয় তাহলেও তার যাকাত দিতে হবে। (الحسن الفتاوى ج ১/ ৬)

* না-বালগ ও পাগল-এর অর্থ/সম্পত্তিতে যাকাত আসে না।

যাকাত হিসাব করার তরীকা ও মাসায়েল :

* যে অর্থ/সম্পদে যাকাত আসে সে অর্থ/সম্পদের ৪০ ভাগের ১ ভাগ যাকাত আদায় করা ফরয। মূল্যের আকারে নগদ টাকা দ্বারা বা তা দ্বারা কোন আসবাব পত্র ক্রয় করে তা দ্বারাও যাকাত দেয়া যায়।

* যাকাতের ক্ষেত্রে চন্দ্র মাসের হিসেবে বৎসর ধরা হবে। যখনই কেউ নেছাব পরিমাণ অর্থ/সম্পদের মালিক হবে তখন থেকেই তার যাকাতের বৎসর শুরু ধরতে হবে।

* সোনা রূপার মধ্যে যদি ব্রঞ্জ, রাং, দস্তা, তামা ইত্যাদি কোন কিছু মিশ্রণ থাকে আর সে মিশ্রণ সোনা রূপার চেয়ে কম হয় তাহলে পুরোটাকেই সোনা রূপা ধরে যাকাতের হিসেব করা হবে- মিশ্রিত দ্রব্যের কোন ধর্তব্য হবে না। আর যদি মিশ্রিত দ্রব্য সোনা রূপার চেয়ে অধিক হয়, তাহলে সেটাকে আর সোনা রূপা ধরা হবে না। বরং ঐ মিশ্রিত দ্রব্যই ধরা হবে।

* যাকাত হিসেব করার সময় অর্থাৎ, ওয়াজিব হওয়ার সময় সোনা, রূপা, বাবসায়িক পণ্য ইত্যাদির মূল্য ধরতে হবে তখনকার (ওয়াজিব হওয়ার সময়কার) বাজার দর হিসেবে এবং সোনা রূপা ইত্যাদি যে স্থানে রয়েছে সে স্থানের দাম ধরতে হবে। (الحسن الفتاوى ج ১/ ৬)

* শেয়ারের মূল্য ধরার ক্ষেত্রে মাসআলা হলঃ যারা কোম্পানীর লভ্যাংশ (Dividend) অর্জন করার উদ্দেশ্যে নয় বরং শেয়ার ক্রয় করেছেন শেয়ার বেচা-কেনা করে লাভবান হওয়া (Capital Gain)-এর উদ্দেশ্যে, তারা শেয়ারের বাজার দর (Market Value) ধরে যাকাত হিসেব করবেন। আর শেয়ার ক্রয় করার সময় যদি মূল উদ্দেশ্য থাকে কোম্পানী থেকে লভ্যাংশ (Dividend) অর্জন করা এবং সাথে সাথে এ উদ্দেশ্যও থাকে যে, শেয়ারের ভাল দর বাড়লে বিক্রিও করে দিব, তাহলে যাকাত হিসেব করার সময় শেয়ারের বাজার দরের যে অংশ যাকাত যোগ্য অর্থ/সম্পদের বিপরীতে আছে তার উপর যাকাত আসবে, অবশিষ্ট অংশের উপর যাকাত আসবেনা। উদাহরণ স্বরূপ-শেয়ারের মার্কেট ভ্যালু (বাজার দর) ১০০ টাকা, তার মধ্যে ৬০ ভাগ কোম্পানীর বিল্ডিং, মেশিনারিজ ইত্যাদির বিপরীতে, আর ৪০ ভাগ কোম্পানীর

নগদ অর্থ, কাঁচামাল ও তৈরী মালের বিপরীতে, তাহলে যাকাতের হিসেব করার সময় শেয়ারের বাজার দর অর্থাৎ, ১০০ টাকার ৬০ ভাগ বাদ যাবে। কেননা সেটা এমন অর্থ/সম্পদের বিপরীতে যার উপর যাকাত আসে না। অবশিষ্ট ৪০ ভাগের উপর যাকাত আসবে। (نفسه ماله)

* যাকাত দাতার যে পরিমাণ ঋণ আছে সে পরিমাণ অর্থ বাদ দিয়ে বাকীটার যাকাত হিসেব করবে। ঋণ পরিমাণ অর্থ বাদ দিয়ে যদি যাকাতের নেছাব পূর্ণ না হয় তাহলে যাকাত ফরয হবে না। তবে হযরত মাওলানা মুফতী তাকী উছমানী সাহেব বলেছেনঃ যে লোন নিয়ে বাড়ি করা হয় বা যে লোন নিয়ে মিল ফ্যাক্টরী তৈরি করা হয় বা মিল ফ্যাক্টরীর মেশিনারিজ ক্রয় করা হয়, এমনভাবে যে সব লোন নিয়ে এমন কাজে নিয়োগ করা হয় যার মূল্যের উপর যাকাত আসে না -যেমন বাড়ি ও ফ্যাক্টরী বা ফ্যাক্টরীর মেশিনারিজের মূল্যের উপর যাকাত আসে না- এসব লোন যাকাতের জন্য বাধা নয় অর্থাৎ, এসব লোনের পরিমাণ অর্থ যাকাতের হিসাব থেকে বাদ দেয়া যাবে না। হাঁ যে লোন নিয়ে এমন কাজে নিয়োগ করা হয় যার মূল্যের উপর যাকাত আসে; যেমন লোন নিয়ে ফ্যাক্টরীর কাচামাল ক্রয় করল (এখানে কাঁচামালের মূল্যের উপর যাকাত আসে) এরূপ ক্ষেত্রে এ লোন পরিমাণ অর্থ যাকাতের হিসাব থেকে বাদ যাবে। মুফতী তাকী উছমানী সাহেব এ মাসআলাটিকে শক্তিশালী যুক্তি দ্বারা প্রমাণিত করেছেন, অতএব তার মতটি গ্রহণ করার মধ্যেই সতর্কতা রয়েছে।

* কারও নিকট যাকাত দাতার টাকা পাওনা থাকলে সে পাওনা টাকার যাকাত দিতে হবে। পাওনা তিন প্রকার (এক) কাউকে নগদ টাকা ঋণ দিয়েছে কিংবা ব্যবসায়ের পণ্য বিক্রি করেছে এবং তার মূল্য বাকী রয়েছে। এরূপ পাওনা কয়েক বৎসর পর উসূল হলে যদি পাওনা টাকা এত পরিমাণ হয় যাতে যাকাত ফরয হয়, তাহলে অতীত বৎসর সমূহের যাকাত দিতে হবে। যদি একত্রে উসূল না হয়- ভেঙ্গে ভেঙ্গে উসূল হয়, তাহলে ১১ তোলা রূপার মূল্য পরিমাণ হলে যাকাত দিতে হবে। এর চেয়ে কম পরিমাণ উসূল হলে তার যাকাত ওয়াজিব হবে না- তবে অল্প অল্প করে সেই পরিমাণে পৌঁছে গেলে তখন ওয়াজিব হবে। আর যখনই ওয়াজিব হবে তখন অতীত সকল বৎসরের যাকাত দিতে হবে। আর যদি এরূপ পাওনা টাকা নেছাবের চেয়ে কম হয় তাহলে তাতে যাকাত ওয়াজিব হবে না। (দুই) নগদ টাকা ঋণ দেয়ার কারণে বা ব্যবসায়ের পণ্য বাকীতে বিক্রি করার কারণে পাওনা নয় বরং ঘরের

প্রয়োজনীয় আসবাব পত্র, কাপড়-চোপড়, চাষাবাদের গরু ইত্যাদি বিক্রয় করেছে এবং তার মূল্য পাওনা রয়েছে- এরূপ পাওনা যদি নেছাব পরিমাণ হয় এবং কয়েক বৎসর পর উসূল হয় তাহলে ঐ কয়েক বৎসরের যাকাত দিতে হবে। আর যদি ভেঙ্গে ভেঙ্গে উসূল হয় তাহলে যতক্ষণ পর্যন্ত সাড়ে বায়ান্ন তোলা রূপার মূল্য পরিমাণ না হবে ততক্ষণ যাকাত ওয়াজিব হবে না। যখন উক্ত পরিমাণ উসূল হবে তখন বিগত বৎসর সমূহের যাকাত দিতে হবে। (তিন) মহরের টাকা, পুরস্কারের টাকা, খোলা তালাকের টাকা, বেতনের টাকা ইত্যাদি পাওনা থাকলে এরূপ পাওনা উসূল হওয়ার পূর্বে যাকাত ওয়াজিব হয় না। উসূল হওয়ার পর ১ বৎসর মজুদ থাকলে তখন থেকে তার যাকাতের হিসাব শুরু হবে। পাওনা টাকার যাকাত সম্পর্কে উপরোল্লিখিত বিবরণ অনুযায়ী হিসাব শুরু হবে। পাওনা টাকার যাকাত সম্পর্কে উপরোল্লিখিত বিবরণ শুধু তখনই প্রযোজ্য হবে যখন এই টাকা ব্যতীত তার নিকট যাকাত যোগ্য অন্য কোন অর্থ/সম্পদ না থাকে। আর অন্য কোন অর্থ/সম্পদ থাকলে তার মাসআলা উলামায়ে কেরাম থেকে জেনে নিবেন।

* যে ঋণ ফেরত পাওয়ার আসা নেই-এরূপ ঋণের উপর যাকাত ফরয হয় না। তবে পেনে বিগত সমস্ত বৎসরের যাকাত দিতে হবে।

। * যৌথ কারবারে অর্থ নিয়োজিত থাকলে যৌথভাবে পূর্ণ অর্থের যাকাত হিসাব করা হবে না বরং প্রত্যেকের অংশের আলাদা আলাদা হিসাব হবে। (ইসলামী ফিকাহঃ ১ম)

* যে সব সোনা রূপার অলংকার স্ত্রীর মালিকানায় দিয়ে দেয়া হয় সেটাকে স্বামীর সম্পত্তি ধরে হিসাব করা হবে না বরং সেটা স্ত্রীর সম্পত্তি। আর যে সব অলংকার স্ত্রীকে শুধু ব্যবহার করতে দেয়া হয়, মালিক থাকে স্বামী, সেটা স্বামীর সম্পত্তির মধ্যে ধরে হিসাব করা হবে। আর যেগুলোর মালিকানা অস্পষ্ট রয়েছে তা স্পষ্ট করে নেয়া উচিত। যে সব অলংকার স্ত্রীর নিজস্ব সম্পদ থেকে তৈরী বা যেগুলো বাপের বাড়ি থেকে অর্জন করে সেগুলো স্ত্রীর সম্পদ বলে গণ্য হবে। মেয়েকে যে অলংকার দেয়া হয় সেটার ক্ষেত্রেও মেয়েকে মালিক বানিয়ে দেয়া হলে সেটার মালিক সে। আর শুধু ব্যবহারের উদ্দেশ্যে দেয়া হলে মেয়ে তার মালিক নয়। নাবালেগা মেয়েদের বিবাহ-শাদী উপলক্ষে তাদের নামে যে অলংকার বানিয়ে রাখা হয় বা নাবালেগা ছেলে কিংবা মেয়ের বিবাহ-শাদীতে ব্যয়ের লক্ষ্যে তাদের নামে ব্যাংকে বা ব্যবসায় যে টাকা

লাগানো হয় সেটার মালিক তারা। অতএব এগুলো পিতা/মাতার সম্পত্তি বলে গণ্য হবে না এবং পিতা/মাতার যাকাতের হিসাবে এগুলো ধরা হবে না। আর বালেগ সন্তানের নামে শুধু অলংকার তৈরী করে রাখলে বা টাকা লাগালেই তারা মালিক হয়ে যায় না যতক্ষণ না সেটা সে সন্তানদের দখলে দেয়া হয়। তাদের দখলে দেয়া হলে তারা মালিক, অন্যথায় সেটার মালিক পিতা/মাতা।

(جواهر الفتاوى ج ۱ / وغيره)

* হিসাবের চেয়ে কিছু বেশী যাকাত দিয়ে দেয়া উত্তম। যাতে কোন রূপ কম হওয়ার সম্ভাবনা না থাকে। প্রকৃত পক্ষে সেটুকু যাকাত না হলেও তাতে দানের ছওয়াবতো হবেই।

গরু, ছাগল, হাঁস, মুরগি প্রভৃতি প্রাণীর যাকাত

* গরু, বলদ, মহিষ, ঘোড়া, খচ্ছর প্রভৃতি প্রাণী ক্ষেত খামারের কাজে বা গাড়ী টানার জন্য অথবা বোঝা বহনের নিমিত্তে প্রতিপালন করা হলে তার উপর যাকাত ওয়াজিব হয় না।

* গরু, ছাগল, মহিষ প্রভৃতি চতুষ্পদ প্রাণী ব্যবসার নিয়তে ক্রয় করলে অর্থাৎ, ক্রয় করার সময় স্বয়ং ঐ প্রাণী বিক্রয়ের উদ্দেশ্যে ক্রয় করলে সেগুলো ব্যবসায়িক পণ্য বলে গণ্য হবে এবং সেগুলোর মূল্য যাকাতের হিসাবে আসবে। যাকাত আদায় করার দিন তার যে মূল্য সেই মূল্য ধরা হবে। ক্রয় করার সময় যদি বিক্রয়ের নিয়ত না থাকে পরে বিক্রয়ের নিয়ত হয় কিংবা মূলটা রেখে তার বাচ্চা বিক্রয়ের নিয়ত থাকে বা পরে এরূপ নিয়ত হয়, সে সব ক্ষেত্রে সেগুলো বাণিজ্যিক পণ্য বলে গণ্য হবে না এবং তার উপর যাকাত আসবে না।

* গরু, ছাগল, ভেড়া, মহিষ যদি দুধের জন্য অথবা বংশ বৃদ্ধির জন্য কিংবা শখ বশতঃ পালন করা হয়, তাহলে তাতে যাকাত আসে; তবে সেগুলোতে যাকাত আসার শর্ত হল সেগুলো 'সায়েরমা' হতে হবে অর্থাৎ, সেগুলোর বেশীর ভাগ সময়ের খাদ্য বা বেশীর ভাগ খাদ্য নিজেদের দিতে হয় না বরং ময়দান জংগল ও চারণভূমির ঘাসপাতা ও তৃণলতা খেয়ে জীবন ধারণ করে, তাহলে তার উপর যাকাত আসে। তবে এরূপ ছাগল, ভেড়া অন্ততঃ ৪০টা এবং গরু, মহিষ ৩০টার কম হলে তার উপর যাকাত আসে না। সাধারণতঃ আমাদের দেশে এরূপ গরু ছাগল ইত্যাদি পাওয়া যায় না, তাই

তার যাকাতের পরিমাণ ও বিস্তারিত বিবরণ পেশ করা থেকে বিরত রইলাম। আমাদের দেশের গরু মহিষের ফার্মে গরু মহিষকে নিজেরা খাদ্য দিতে হয় তাই সেগুলো সায়েমা নয়। অতএব দুধের উদ্দেশ্যে বা বংশ বৃদ্ধির জন্য সেগুলো পালন করলেও তার উপর যাকাত আসবে না।

* হাঁস, মুরগি যদি ডিমের উদ্দেশ্যে বা তার বাচ্চা বিক্রয়ের উদ্দেশ্যে পালন করা হয়, তাহলে সেই হাঁস মুরগির উপর যাকাত আসে না। তবে হাঁস মুরগি বা তার বাচ্চা ক্রয়ের সময় যদি স্বয়ং সেটাকেই বিক্রি করার নিয়তে ক্রয় করা হয় তাহলে সেটা বাণিজ্যিক পণ্য বলে গণ্য হবে এবং তার মূল্যের উপর যাকাত আসবে।

* বিক্রয়ের উদ্দেশ্যে মাছ চাষ করা হলে সেই মাছ বাণিজ্যিক পণ্য বলে গণ্য হবে এবং তার মূল্যের উপর যাকাত আসবে।

(ما تَوْزَأُ احْسَنُ الْفَتَاوَى ج ٤ / ١)

কোন্ কোন লোকদেরকে বা কোন্ কোন খাতে যাকাত দেয়া যায় না

নিম্নলিখিত লোকদেরকে বা নিম্নলিখিত খাতে যাকাত দেয়া যায় না, দিলে যাকাত আদায় হয় না।

১। যার নিকট নেছাব পরিমাণ অর্থ/সম্পদ আছে।

২। যারা সাইয়েদ অর্থাৎ, হাসানী, হুসাইনী, আলাবী, জা'ফরী ইত্যাদি।

৩। যাকাত দাতার মা, বাপ, দাদা, দাদী, পরদাদা, পরদাদী, পরনানা, পরনানী ইত্যাদি উপরের সিঁড়ি।

৪। যাকাত দাতার ছেলে, মেয়ে, নাতি, নাতনি পোতা, পৌত্রী, ইত্যাদি নীচের সিঁড়ি।

৫। যাকাত দাতার স্বামী বা স্ত্রী।

৬। অমুসলিমকে যাকাত দেয়া যায় না।

৭। যার উপর যাকাত ফরয হয়-এরূপ মালদার লোকদের নাবালেগ সন্তান।

৮। মসজিদ, মাদ্রাসা বা স্কুল, কলেজ, হাসপাতাল প্রভৃতি নির্মাণ কাজের জন্য।

৯। মৃত ব্যক্তির দাফন-কাফনের জন্য বা মৃত ব্যক্তির ঋণ ইত্যাদি আদায়ের জন্য যাকাতের অর্থ ব্যয় করা যায়না।

১০। রাস্তা-ঘাট, পুল ইত্যাদি নির্মাণ ও স্থাপন কার্যে- যেখানে নির্দিষ্ট কাউকে মালিক বানানো হয় না- সেখানে যাকাতের অর্থ ব্যয় করা যায়না।

- ১১। সরকার যদি যাকাতের মাসআলা অনুযায়ী সঠিক খাতে যাকাতের অর্থ ব্যয় না করে, তাহলে সরকারের যাকাত ফাওে যাকাত দেয়া যাবে না।
- ১২। যাকাত দ্বারা মসজিদ মাদ্রাসার স্টাফকে (গরীব হলেও) বেতন দেয়া যায়না।

যে লোকদেরকে যাকাত দেয়া যায়

- ১। ফকীর অর্থাৎ, যাদের নিকট সন্তান-সন্ততির প্রয়োজন সমাধা করার মত সম্বল নেই অথবা যাদের নিকট যাকাত ফেৎরা ওয়াজিব হওয়ার পরিমাণ অর্থ সম্পদ নেই।
- ২। মিসকীন অর্থাৎ, যারা সম্পূর্ণ রিক্ত হস্ত অথবা যাদের জীবিকা অর্জনের ক্ষমতা নেই।
- ৩। ইসলামী রাষ্ট্র হলে তার যাকাত তহবিলের দায়িত্বে নিয়োজিত ব্যক্তিগণ।
- ৪। যাদের উপর ঋণের বোঝা চেপেছে।
- ৫। যারা আল্লাহর রাস্তায় শত্রুদের বিরুদ্ধে জিহাদে লিপ্ত।
- ৬। মুসাফির ব্যক্তি (বাড়িতে সম্পদশালী হলেও) সফরে রিক্ত হস্ত হয়ে পড়লে।
- ৭। যাকাত দাতার ভাই-বোন, ভাতিজা-ভাতিজী, ভগ্নিপতি, ভাগনা-ভাগনী, চাচা-চাচী, খালা-খালু, ফুপা-ফুফী, মামা-মামী, শ্বাশুড়ী, জামাই, সৎ বাপ ও সৎ মা ইত্যাদি (যদি এরা গরীব হয়)।
- ৮। নিজের গরীব চাকর-নওকর বা কর্মচারীকে দেয়া যায়। তবে এটা বেতন বাবদ কর্তন করা যাবে না।

যাদেরকে যাকাত দেয়া উত্তম

- ১। দ্বীনী ইল্ম পড়নেওয়ালা এবং পড়ানেওয়ালা যদি যাকাতের হকদার হয়, তাহলে এরূপ লোককে যাকাত দেয়া সবচেয়ে উত্তম। (জাৱে ফতৱী ১/১)
- ২। তারপর যাকাত পাওয়ার সবচেয়ে যোগ্য নিজের আরীয়-স্বজনের মধ্যে যারা যাকাত পাওয়ার যোগ্য তারা।
- ৩। তারপর বন্ধু-বান্ধব ও প্রতিবেশীর মধ্যে যারা যাকাত পাওয়ার যোগ্য তারা।
- ৪। তারপর যাকাতের অন্যান্য প্রকার হকদারগণ।

যাকাত আদায় করার তরীকা ও মাসায়েল

* বৎসর পূর্ণ হওয়ার সাথে সাথে যাকাত আদায় করতে হবে। বিনা ওজরে বিলম্ব করলে পাপ হবে।

* যাকাত আদায় করার সময় নিয়ত করতে হবে যে, এ সম্পদ আল্লাহর ওয়াস্তে যাকাত হিসেবে প্রদান করা হচ্ছে, নতুবা যাকাত আদায় হবে না।

* নেছাবের মালিক হওয়ার পর বৎসর পূর্ণ হওয়ার পূর্বেও অর্থাৎ, যাকাত ওয়াজিব হওয়ার পূর্বেও অগ্রিম প্রদান করা যায়।

* যাকাত প্রদানের সময় গ্রহণকারীকে একথা জানানো প্রয়োজন নেই যে, এটা যাকাতের টাকা। আপনজনকে যাকাত দিলে তাকে একথা না বলাই শ্রেয়, কেননা বললে তার খারাপ লাগতে পারে।

* যে পরিমাণ টাকা থাকলে কারও উপর যাকাত ফরয হয়- এত পরিমাণ যাকাতের টাকা একজনকে দেয়া মাকরুহ। তবে ঋণী ব্যক্তির ঋণ মুক্তির জন্য বা অধিক সন্তান-সন্ততি ওয়ালাকে এত পরিমাণ দিলেও ক্ষতি নেই।

* যাকাত দেয়ার নিয়তে কোন টাকা পৃথক করে রাখলে পরে দেয়ার সময় যাকাতের নিয়তের কথা মনে না আসলেও যাকাত আদায় হয়ে যাবে।

* যাকে যাকাত দিবে অন্ততঃ এত পরিমাণ দিবে যেন ঐ দিনের খরচের জন্য সে আর অন্যের মুখাপেক্ষী না হয়। কম পক্ষে এত পরিমাণ দেয়া মোস্তাহাব, এর চেয়ে কম দিলেও যাকাত আদায় হয়ে যাবে।

* কারও নিকট টাকা পাওনা থাকলে যাকাতের নিয়তে সেই পাওনা মাফ করে দিলে যাকাত আদায় হবে না বরং তার নিকট যাকাতের টাকা দিয়ে পরে তার নিকট থেকে ঋণ পরিশোধ বাবদ সে টাকা নিয়ে নিলে যাকাতও আদায় হবে ঋণও উসূল হবে।

* যাকাতের টাকা নিজের হাতে গরীবদেরকে না দিয়ে অন্য কাউকে উকীল বানিয়ে তার দ্বারা দিলেও যাকাত আদায় হবে।

* যাকাত ওয়াজিব হওয়ার পর কেউ নিজের সমস্ত মাল দান করে দিলে তার যাকাত মাফ হয়ে যায়।

* যাকাত দাতার অনুমতি ছাড়া অন্য কেউ তার পক্ষ থেকে যাকাত দিয়ে দিলে যাকাত আদায় হবে না।

* যাকাত দাতা কাউকে পুরস্কার বা ঋণের নামে কিছু দিল আর অন্তরে নিয়ত রাখল যে, যাকাত হতে দিলাম, তবুও যাকাত আদায় হয়ে যাবে। মুখে যাকাত কথাটা বলার আবশ্যিকতা নেই।

সদকায়ে ফিতর/ফিতরা-এর মাসায়েল

* ঈদুল ফিতরের দিন সুব্হে সাদেকের সময় যার নিকট যাকাত ওয়াজিব হওয়া পরিমাণ অর্থ/সম্পদ থাকে তার উপর সদকায়ে ফিতর বা ফিতরা ওয়াজিব। তবে যাকাতের নেছাবের ক্ষেত্রে ঘরের আসবাবপত্র বা ঘরের মূল্য

ইত্যাদি হিসেবে ধরা হয় না কিন্তু ফিতরার ক্ষেত্রে অত্যাৱশ্যকীয় আসবাবপত্র ব্যতীত অন্যান্য আসবাবপত্র সৌখিন দ্রব্যাদি, খালিঘর বা ভাড়া ঘর (যার ভাড়ার উপর জীবিকা নির্ভরশীল নয়) এসব কিছু মূল্য হিসেবে ধরা হবে।

* রোযা না রাখলে বা রাখতে না পারলে তার উপরও ফিতরা দেয়া ওয়াজিব। এ কথা নয় যে, রোযা না রাখলে ফিতরাও দিতে হয়না।

* সদকায়ে ফিতর/ফিতরা নিজের পক্ষ থেকে এবং পিতা হলে নিজের না-বালেগ সন্তানের পক্ষ থেকে দেয়া ওয়াজিব। বালেগ সন্তান, স্ত্রী, স্বামী, চাকর-চাকরানী, মাতা-পিতা প্রমুখের পক্ষ থেকে দেয়া ওয়াজিব নয়। তবে বালেগ সন্তান পাগল হলে তার পক্ষ থেকে দেয়া পিতার উপর ওয়াজিব।

* একান্নভুক্ত পরিবার হলে বালেগ সন্তান, মাতা, পিতার পক্ষ থেকে এবং স্ত্রীর পক্ষ থেকে ফিতরা দেয়া মোস্তাহাব-ওয়াজিব নয়। (বেহেশতী জেওর বাংলা)

* সদকায়ে ফিতর ওয়াজিব না হলেও সঙ্গতি থাকলে দেয়া মোস্তাহাব এবং অনেক সওয়াবের কাজ। (প্রাপ্ত)

* ফিতরায় ৮০ তোলা সেরের হিসেবে ১ সের সাড়ে বার ছটাক (১ কেজি ৬৬২ গ্রাম) গম বা আটা কিংবা তার মূল্য দিতে হবে। পূর্ণ দুই সের (১ কেজি ৮৬৬ গ্রাম) বা তার মূল্য দেয়া উত্তম।

* ফিতরায় যব দিলে ৮০ তোলা সেরের হিসেবে ৩ সের নয় ছটাক (প্রায় ৩ কেজি ৫২৩ গ্রাম) দিতে হবে। পূর্ণ ৪ সের (৩ কেজি ৭৩২ গ্রাম) দেয়া উত্তম।

* গম, আটা ও যব ব্যতীত অন্যান্য খাদ্যশস্য যেমন ধান, চাউল, বুট, কলাই, মটর ইত্যাদি দ্বারা ফিতরা আদায় করতে চাইলে বাজার দরে উপরোক্ত পরিমাণ গম বা যবের যে মূল্য হয় সেই মূল্যের ধান চাউল ইত্যাদি দিতে হবে।

* ফিতরায় গম, যব ইত্যাদি শস্য দেয়ার চেয়ে তার মূল্য-নগদ টাকা পয়সা দেয়া উত্তম।

* ফিতরা ঈদুল ফিতরের দিন ঈদের নামাযের পূর্বেই দিয়ে দেয়া উত্তম। নামাযের পূর্বে দিতে না পারলে পরে দিলেও চলবে। ঈদের দিনের পূর্বে রমযানের মধ্যে দিয়ে দেয়াও দোরস্ত আছে।

* যাকে যাকাত দেয়া যায় তাকে ফিতরা দেয়া যায়।

* একজনের ফিতরা একজনকে দেয়া বা একজনের ফিতরা কয়েকজনকে দেয়া উভয়ই দুরস্ত আছে। কয়েকজনের ফিতরাও একজনকে দেয়া দুরস্ত আছে

কিন্তু তার দ্বারা যেন সে মালেকে নেহাব না হয়ে যায়। অধিকতর উত্তম হল একজনকে এই পরিমাণ ফিতরা দেয়া, যার দ্বারা সে ছোট-খাট প্রয়োজন পূরণ করতে পারে বা পরিবার পরিজন নিয়ে দু'তিন বেলা খেতে পারে।

কুরবানী

কুরবানীর ফযীলত :

* কুরবানীর জন্তুর শরীরে যত পশম থাকে, প্রত্যেকটা পশমের পরিবর্তে এক একটি নেকী পাওয়া যায়।

* কুরবানী-র দিনে কুরবানী করাই সবচেয়ে বড় ইবাদত।

কাদের উপর কুরবানী দেয়া ওয়াজিব :

* ১০ই যিলহজ্জের ফজর থেকে ১২ই যিলহজ্জের সন্ধ্যা পর্যন্ত অর্থাৎ, কুরবানীর দিনগুলোতে যার নিকট সদকায়ে ফিতর/ফিতরা ওয়াজিব হওয়া পরিমাণ অর্থ/সম্পদ থাকে তার উপর কুরবানী করা ওয়াজিব।

* মুসাফিরের উপর (সফরের হালতে থাকলে) কুরবানী করা ওয়াজিব হয়না।

* কুরবানী ওয়াজিব না হলেও নফল কুরবানী করলে কুরবানীর ছওয়াব পাওয়া যাবে।

* কুরবানী শুধু নিজের পক্ষ থেকে ওয়াজিব হয়-সন্তানাদি, মাতা-পিতা ও স্ত্রীর পক্ষ থেকে ওয়াজিব হয় না, তবে তাদের পক্ষ থেকে করলে তা নফল কুরবানী হবে।

* যার উপর কুরবানী ওয়াজিব নয় সে কুরবানীর নিয়তে পশু ক্রয় করলে সেই পশু কুরবানী করা তার উপর ওয়াজিব হয়ে যায়।

* কোন মকসূদের জন্য কুরবানীর মান্নত করলে সেই মকসূদ পূর্ণ হলে তার উপর (গরীব হোক বা ধনী) কুরবানী করা ওয়াজিব হয়ে যায়।

* যার উপর কুরবানী ওয়াজিব সে কুরবানী না করলে কুরবানীর দিনগুলো চলে যাওয়ার পর একটা বকরীর মূল্য সদকা করা ওয়াজিব।

কোন কোন জন্তু দ্বারা কুরবানী করা দুরস্ত আছে :

* বকরী, পাঠা, খাসী, ভেড়া, ভেড়ী, দুগ্ধা গাভী, ষাড়, বলদ, মহিষ, উট এই কয় প্রকার গৃহপালিত জন্তু দ্বারা কুরবানী করা দুরস্ত।

কুরবানী-র জন্তুর বয়স প্রসঙ্গ :

* বকরী, খাসী, ভেড়া, ভেড়ী, দুধা কম পক্ষে পূর্ণ এক বৎসর বয়সের হতে হবে। তবে ভেড়া, ভেড়ী ও দুধার বয়স যদি কিছু কমও হয় কিন্তু একরূপ মোটা তাজা হয় যে, এক বৎসর বয়সীদের মধ্যে ছেড়ে দিলেও তাদের চেয়ে ছোট মনে হয় না, তাহলে তার দ্বারা কুরবানী দূরস্ত আছে; তবে অন্ততঃ ছয় মাস বয়স হতে হবে। বকরীর ক্ষেত্রে একরূপ ব্যতিক্রম নেই। বকরী কোন অবস্থায় এক বৎসরের কম বয়সের হতে পারবে না।

* গরু ও মহিষের বয়স কম পক্ষে দুই বৎসর হতে হবে।

* উট-এর বয়স কম পক্ষে পাঁচ বৎসর হতে হবে।

কুরবানীর জন্তুর স্বাস্থ্যগত অবস্থা প্রসঙ্গ :

* কুরবানীর পশু ভাল এবং হুস্ট-পুস্ট হওয়া উত্তম।

* যে প্রাণী লেংড়া অর্থাৎ, যা তিন পায়ে চলতে পারে -এক পা মাটিতে রাখতে পারে না বা রাখতে পারলেও তার উপর ভর করতে পারে না- একরূপ পশু দ্বারা কুরবানী জায়েয নয়।

* যে পশুর একটিও দাঁত নেই তা দ্বারা কুরবানী দূরস্ত নয়। তবে দাঁত না থাকা সত্ত্বেও ঘাস খেতে সক্ষম হলে তা দ্বারা কুরবানী দূরস্ত আছে। (العالمگیری ج/ ৫)

* যে পশুর কান জন্ম থেকেই নেই তা দ্বারা কুরবানী দূরস্ত নয়। তবে কান ছোট হলে অসুবিধা নেই।

* যে পশুর শিং মূল থেকে ভেঙ্গে যায় তা দ্বারা কুরবানী দূরস্ত নয়। তবে শিং ওঠেইনি বা কিছু পরিমাণ ভেঙ্গে গিয়েছে একরূপ পশুর কুরবানী দূরস্ত আছে।

* যে পশুর উভয় চোখ অন্ধ বা একটি চোখ পূর্ণ অন্ধ বা একটি চোখের দৃষ্টি শক্তি এক তৃতীয়াংশের বেশী নষ্ট তা দ্বারা কুরবানী দূরস্ত নয়। (العالمگیری ج/ ৫)

* যে পশুর একটি কান বা লেজের এক তৃতীয়াংশের চেয়ে বেশী কেটে গিয়েছে তা দ্বারা কুরবানী দূরস্ত নয়। (العالمگیری ج/ ৫)

* অতিশয় কশকায় ও দুর্বল পশু যার এতটুকু শক্তি নেই যে, জবেহের স্থান পর্যন্ত হেটে যেতে পারে তা দ্বারা কুরবানী দূরস্ত নয়।

* ভাল পশু ক্রয় করার পর এমন দোষ ক্রটি দেখা দিয়েছে যার কারণে কুরবানী দূরস্ত হয় না-একরূপ হলে ঐ জন্তুটি রেখে আর একটি ক্রয় করে কুরবানী করতে হবে। তবে ক্রেতা গরীব হলে সেটিই কুরবানী দিতে পারবে।

* গর্ভবতী পশু কুরবানী করা জায়েয। যদি পেটের বাচ্চা জীবিত পাওয়া যায় তবে সে বাচ্চাও জবেহ করে দিবে। তবে প্রসবের নিকটবর্তী হলে সেরূপ গর্ভবতী পশু কুরবানী দেয়া মাকরুহ।

* বন্ধা পশু কুরবানী করা জায়েয।

শরীকের মাসায়েল এবং একটা পশুতে কয়জন শরীক হতে পারে?

* বকরী, খাসী, পাঠা, ভেড়া, ভেড়ী ও দুম্বায় এক জনের বেশী শরীক হয়ে কুরবানী করা যায় না। এগুলো একটা একজনের নামেই কুরবানী হতে পারে।

* একটা গরু, মহিষ ও উটে সর্বোচ্চ সাতজন শরীক হতে পারে। সাতজন হওয়া জরুরী নয়-দুইজন বা তিনজন বা চারজন বা পাঁচজন বা ছয়জন কুরবানী দিতে পারে, তবে কারও অংশ সাত ভাগের এক ভাগের চেয়ে কম হতে পারবে না।

* মৃতের নামেও কুরবানী হতে পারে।

* রাসূলুল্লাহ সাল্লাল্লাহু আলাইহি ওয়াসাল্লাম, তাঁর বিবিগণ ও বুয়ুর্গদের নামেও কুরবানী হতে পারে।

* যে ব্যক্তি খাঁটি অন্তরে আল্লাহর উদ্দেশ্যে কুরবানী করে না বরং গোশত খাওয়া বা লোক দেখানো ইত্যাদি নিয়তে কুরবানী করে, তাকে অংশীদার বানিয়ে কোন পশু কুরবানী করলে সকল অংশীদারের কুরবানী-ই নষ্ট হয়ে যায়। তাই শরীক নির্বাচনের সময় খুবই সতর্ক থাকা দরকার।

* কুরবানীর পশু ক্রয় করার সময় শরীক রাখার এরাদা ছিল না, পরে শরীক গ্রহণ করতে চাইলে ক্রেতা গরীব হলে তা পারবে না, অন্যথায় পারবে।

* যার সমস্ত উপার্জন বা অধিকাংশ উপার্জন হারাম, তাকে শরীক করে কুরবানী করলে অন্যান্য সকল শরীকের কুরবানী অশুদ্ধ হয়ে যাবে।

(إسن الفتاوى ج ٥)

কুরবানীর পশু জবেহ করা প্রসঙ্গ :

* নিজের কুরবানীর পশু নিজেই জবেহ করা উত্তম। নিজে জবেহ না করলে বা করতে না পারলে জবেহের সময় সামনে থাকা ভাল। মেয়েলোকের পর্দার ব্যাঘাত হওয়ার কারণে সামনে না থাকতে পারলে ক্ষতি নেই।

* কুরবানীর পশুকে মাটিতে গুইয়ে তার মুখ কেবলামুখী করে নিজের দুআ পাঠ করা উত্তম-

إِنِّي وَجَّهْتُ وَجْهِيَ لِلدِّينِ فَطَرَ السَّمَوَاتِ وَالْأَرْضِ حَنِيفًا وَمَا أَنَا مِنَ الْمُشْرِكِينَ - إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ لَا شَرِيكَ لَهُ وَبِذَلِكَ أُمِرْتُ وَأَنَا مِنَ الْمُسْلِمِينَ اللَّهُمَّ مِنْكَ وَلَكَ -

অতঃপর بِسْمِ اللَّهِ اللَّهُ أَكْبَرُ বলে জবেহ করবে। কেউ দুআ পড়তে না পারলে শুধু ‘বিসমিল্লাহি আল্লাহু আকবার’ বলে জবেহ করলেও চলবে।

অতঃপর এই দুআ পড়া উত্তম-

اللَّهُمَّ تَقَبَّلْهُ مِنِّي كَمَا تَقَبَّلْتَ مِنْ حَبِيبِكَ مُحَمَّدٍ وَخَلِيلِكَ إِبْرَاهِيمَ عَلَيْهِمَا الصَّلَاةُ وَالسَّلَامُ -

জবেহকারী যদি উক্ত পশুর কুরবানী দাতা না হয় তাহলে مِنْنِ এর স্থলে مِنْهُ পড়বে। আর কুরবানী দাতা একাধিক হলে مِنْنِ এর স্থলে مِنْهُ বা مِنْهُ এর স্থলে مِنْهُمْ হবে।

* কুরবানী দাতা বা কুরবানী দাতাগণের নাম মুখে উচ্চারণ করা বা কাগজে লিখে পড়া জরুরী নয়। আল্লাহ পাক জানেন এটা কার কুরবানী। সে অনুযায়ীই সে কুরবানী গৃহীত হবে।

বিঃ দ্রঃ জবেহ করার মাসায়েল সম্পর্কে জানার জন্য দেখুন ৫৬১ পৃষ্ঠা।

* কুরবানীর পশু রাতের বেলায়ও জবেহ করা জায়েয তবে ভাল নয়।

* ঈদের নামাযের পূর্বে কুরবানী করা জায়েয নয়। তবে যেখানে জুমুআ ও ঈদের নামায দূরস্ত নয় সেখানে সুব্হে সাদেকের পর থেকেই কুরবানী করা দূরস্ত আছে।

গোশত বন্টনের তরীকা :

* অংশীদারগণ সকলে একান্নভুক্ত হলে গোশত বন্টনের প্রয়োজন নেই। অন্যথায় বন্টন করতে হবে।

* অংশীদারগণ গোশত অনুমান করে বন্টন করবে না বরং বাটখারা দিয়ে ওজন করে বন্টন করতে হবে। অন্যথায় ভাগের মধ্যে কমবেশ হয়ে গেলে গোনাহগার হতে হবে। অবশ্য কোন অংশীদার মাথা, পায়া ইত্যাদি বিশেষ কোন অংশ গ্রহণ করলে তার ভাগে গোশত কিছু কম হলেও তা দূরস্ত হবে।

কিন্তু যে ভাগে গোশ্ত বেশী সেভাগে মাথা পায়া ইত্যাদি বিশেষ অংশ দেয়া যাবে না।

* অংশীদারগণ সকলে যদি সম্পূর্ণ গোশত দান করে দিতে চায় বা সম্পূর্ণটা রান্না করে বিলাতে বা খাওয়াতে চায় তাহলে বন্টনের প্রয়োজন নেই।

কুরবানীর গোশ্ত খাওয়া ও দান করার মাসায়েল :

* কুরবানীর গোশত নিজে খাওয়া, পরিবারবর্গকে খাওয়ানো, আত্মীয়-স্বজনকে দেয়া এবং গরীব মিসকীনকে দেয়া সবই জায়েয। মোস্তাহাব ও উত্তম তরীকা হল তিনভাগ করে একভাগ নিজেদের জন্য রাখা, একভাগ আত্মীয়-স্বজনকে দেয়া এবং একভাগ গরীব মিসকীনকে দান করা।

* মানুষের কুরবানীর গোশত হলে নিজে খেতে পারবে না এবং মালদারকেও দিতে পারবে না বরং পুরোটাই গরীব মিসকীনদেরকে দান করে দেয়া ওয়াজিব।

* যদি কোন মৃত ব্যক্তি মৃত্যুর পূর্বে কুরবানীর জন্য ওছিয়াত করে গিয়ে থাকে তবে সেই কুরবানীর গোশতও মানুষের কুরবানীর গোশতের ন্যায় পুরোটাই খয়রাত করা ওয়াজিব।

* কুরবানীর গোশত বা বিশেষ কোন অংশ (যেমন মাথা) পারিশ্রমিক রূপে দেয়া জায়েয নয়।

* কুরবানীর গোশত শুকিয়ে (বা ফ্রীজে রেখে) দীর্ঘ দিন খাওয়াতে কোন অসুবিধা নেই। (نَاوَى مُرَوِّدَةٍ - ১/৬)

কুরবানীর পশুর চামড়া সম্পর্কিত মাসায়েল :

* কুরবানীর পশুর চামড়া শুকিয়ে বা প্রক্রিয়াজাত করে নিজেও ব্যবহার করা জায়েয।

* কুরবানীর চামড়া খয়রাতও করা যায় তবে বিক্রি করলে সে পয়সা নিজে ব্যবহার করা যায় না- খয়রাতই করা জরুরী এবং ঠিক ঐ পয়সাটাই খয়রাত করতে হবে। ঐ পয়সাটা নিজে খরচ করে অন্য পয়সা দান করলে আদায় হবে বটে, তবে অন্যায় হবে।

* কুরবানীর চামড়ার দাম মসজিদ মাদ্রাসার নির্মাণ কাজে বা বেতন বাবত বা পারিশ্রমিক বাবত বা অন্য কোন নেক কাজে খরচ করা দুরন্ত নয়। খয়রাতই করতে হবে।

আকীকার মাসায়েল

* আকীকা করা সুন্নাত ।

* ছেলে বা মেয়ে জন্মের পর সপ্তম দিবসে আকীকা করা মোস্তাহাব । সপ্তম দিবসে না করতে পারলে যখনই করুক না কেন যে বারে সন্তান জন্ম নিয়েছে তার আগের দিন করবে । যেমন শনিবার সন্তান হয়ে থাকলে শুক্রবার আকীকা করবে, তাহলেও এক রকম সপ্তম দিবসে আকীকা করা হবে; এটাই উত্তম । এ ছাড়াও যে কোন দিন ইচ্ছা আকীকা করা যায় ।

* সন্তান বালেগ হওয়ার পরও আকীকা করা দুরস্ত আছে, তবে মৃত্যুর পর আকীকা নেই ।

* আকীকা করা দ্বারা সন্তানের বালা-মুসীবত দূর হয় এবং সন্তান যাবতীয় বিপদ-আপদ থেকে নিরাপদ থাকে ।

* ছেলে হলে আকীকায় দুইটি বকরী বা ভেড়া উত্তম, আর মেয়ে হলে একটি বকরী বা ভেড়া । কিংবা কুরবানীর গরু ইত্যাদি বড় পশুর মধ্যে ছেলের জন্য দুই অংশ নেয়া উত্তম আর মেয়ের জন্য এক অংশ । ছেলের পক্ষ থেকে একটি বকরী বা কুরবানী-র এক অংশ দ্বারা আকীকা করলেও চলবে । আর আকীকা না করলেও কোন দোষ নেই । তবে আকীকা করা সুন্নাত ।

* যে জন্তু দ্বারা কুরবানী দুরস্ত তার দ্বারাই আকীকা দুরস্ত ।

* সন্তানের মাথা মুগানোর জন্য মাথায় খুর/ব্লেন্ড রাখার সাথে সাথে আকীকার পশু জবেহ করতে হবে- এরূপ ধারণা ভুল এবং এটা বেহুদা রহম ।

* আকীকার প্রাণী জবেহ করার সময় (জবেহ করার পূর্বে) এই দুআ পড়বে :

اَللّٰهُمَّ هَذِهِ عَقِيْقَةُ فُلَانٍ بِنِ فُلَانٍ فَتَقَبَّلْهُ -

(অর্থাৎ, হে আল্লাহ! এই আকীকা অমুকের সন্তান অমুকের, তুমি তা কবুল কর ।) প্রথম فُلَان শব্দের স্থলে সন্তানের নাম বলবে আর দ্বিতীয় فُلَان শব্দের স্থলে তার পিতার নাম বলবে । আর পিতা নিজে জবেহ করলে বলবে এটা আমার অমুক সন্তানের আকীকা ।

* আকীকার গোশত মাতা, পিতা, দাদা, দাদী, নানা, নানী সহ সকলেই ভক্ষণ করতে পারে ।

* আকীকার গোশত কাঁচা ভাগ করে দেয়া বা রান্না করে ভাগ করে দেয়া বা দাওয়াত করে খাওয়ানো সবই দুরস্ত আছে ।

* কোন কোন ফকীহ বলেছেন আকীকার পশুর চামড়া বিক্রি করলে তার মূল্য দান করেই দেয়া উচিত। যদিও এ ব্যাপারে কুরবানীর চামড়ার অর্থের ন্যায় অত কড়াকড়ি নেই। (২/১৬৮)

মান্নতের মাসায়েল

* কোন ইবাদত জাতীয় মান্নত মানলে যদি যে উদ্দেশ্যে মান্নত করেছে সে উদ্দেশ্য পূর্ণ হয় তাহলে ঐ মান্নত পূরা করা ওয়াজিব। উদ্দেশ্য পূর্ণ না হলে মান্নত আদায় করা ওয়াজিব হয় না। আর কোন উদ্দেশ্য ব্যতীত এমনিতেই আল্লাহর নাম নিয়ে কোন কিছুর মান্নত করলে তা পূর্ণ করা ওয়াজিব।

* শরী'আতের খেলাফ মান্নত মানলে তা পূর্ণ করা যাবে না, যেমন মাযারে কোন কিছু দেয়ার মান্নত করলে বা নাচ গানের মান্নত করলে ইত্যাদি।

* মীলাদের মান্নত মানলে সে মান্নত বাতিল-তা পূরা করার দরকার নেই। (১/১৬৮)

* নির্দিষ্ট গরু, বকরী বা মুরগি মান্নত করলে সেটাই দিতে হবে। আর যদি নির্দিষ্ট করে না বলে, তাহলে কুরবানীর উপযুক্ত যে কোন গরু বা খাশী দিতে হবে।

* নির্দিষ্ট কোন স্থানে দেয়ার মান্নত করলে সেখানেই দেয়া জরুরী নয়, যেমন মক্কা শরীফে বা মদীনায় দেয়ার মান্নত করলে সেখানেই দেয়া জরুরী নয়- অন্য স্থানেও দেয়া যাবে।

* নির্দিষ্ট কোন দিনে বা নির্দিষ্ট কোন মিসকীনকে দেয়ার মান্নত করলে সেই নির্দিষ্ট দিনে বা সেই নির্দিষ্ট মিসকীনকে দেয়া জরুরী নয়- অন্য যে কোন দিন বা অন্য যে কোন মিসকীনকে দিলেও চলবে।

* নির্দিষ্ট কোন মসজিদে নামায পড়ার মান্নত করলে সে মসজিদেই নামায পড়া জরুরী নয়, বরং যে কোন মসজিদে নামায পড়লে মান্নত আদায় হয়ে যাবে।

* যদি কেউ মান্নত করে যে, দশ জন হাফেজ বা দশজন আলেমকে খাওয়াব, তাহলে হাফেজ বা আলেমকে খাওয়ানো জরুরী নয়-দশজন মিসকীনকে খাওয়ালেও চলবে।

* যে কয়জন মিসকীনকে খাওয়ানোর মান্নত করবে সে ক্ষেত্রে দেখতে হবে তার নিয়ত কি ছিল; যদি এক ওয়াক্ত খাওয়ানোর নিয়ত থাকে তাহলে

এক ওয়াক্ত খাওয়ালেই চলবে। আর যদি দুই ওয়াক্ত খাওয়ানোর নিয়ত থাকে বা কিছু নিয়ত ঠিক করে না বলে থাকে তাহলে দুই ওয়াক্ত পেট ভরে খাওয়াতে হবে।

* যদি এক বা আকাধিক মিসকীনকে কোন পরিমাণ নির্দিষ্ট না করেই চাউল ডাউল ইত্যাদি দেয়ার মান্নত করে থাকে, তাহলে প্রত্যেক মিসকীনকে একটি সদকায়ে ফিতর-এর পরিমাণ দিতে হবে।

* যদি রোযার মান্নত করে থাকে তাহলে এ সম্পর্কে জানার জন্য দেখুন ২৫৬ নং পৃষ্ঠা।

* এক আল্লাহ ব্যতীত অন্য কারও নামে মান্নত মানা দুরন্ত নয়।

কহ্মের মাসায়েল

* বিনা প্রয়োজনে কথায় কথায় কহ্ম খাওয়া (শপথ করা) অন্যায় কাজ।

* কহ্মের খেলাফ করলে বা খেলাফ হলে কাফ্ফারা দেয়া ওয়াজিব।

* যদি কেউ বলে আল্লাহর কহ্ম বা খোদার কহ্ম বা আল্লাহর বুয়ুর্গী ও বড়ত্বের কহ্ম আমি অমুক কাজ করব বা করব না, তাহলে কহ্ম হয়ে যাবে- তার খেলাফ করা কিছুতেই জারায় হবে না।

* যদি কেউ আল্লাহর গুণবাচক নাম উচ্চারণ করে কহ্ম খায় তবুও কহ্ম হয়ে যাবে।

* যদি কেউ আল্লাহর নাম উচ্চারণ না করে শুধু বলে কহ্ম খাচ্ছি, অমুক কাজ করব বা করব না, তবুও কহ্ম হয়ে যাবে।

* যদি কেউ বলে আল্লাহ স্বাক্ষী বা খোদা স্বাক্ষী বা আল্লাহকে হাজির নাযির জেনে বলছি, তবুও কহ্ম হয়ে যাবে।

* কুরআন বা আল্লাহর কালামের কহ্ম করলেও কহ্ম হয়ে যায়। কিন্তু শুধু কুরআন হাতে নিয়ে বা কুরআন ছুয়ে যদি কিছু বলে কিন্তু কহ্ম না খায় তাহলে কহ্ম হবে না।

* যদি কেউ বলেঃ আমি যদি অমুক কাজ করি বা না করি, তাহলে যেন বেঈমান হয়ে যাই বা মৃত্যুর সময় যেন ঈমান নহীব না হয় বা অমুক কাজ করলে আমি মুসলমান নই, তাহলেও কহ্ম হয়ে যাবে। তার খেলাফ করলে কাফ্ফারা দিতে হবে, তবে ঈমান যাবে না।

* যদি কেউ বলে অমুক কাজ করলে আমার উপর যেন আল্লাহর গযব পড়ে বা খোদার অভিশাপ হয়, বা বলেঃ যদি অমুক কাজ করি তাহলে আমি

শুক্র খাই বা তাহলে যেন আমার অঙ্গহানি হয় বা কুষ্ঠরোগ হয়- ইত্যাদি কথায় কছম হয় না।

* আল্লাহ ব্যতীত অন্য কারও কছম খেলে কছম হয় না। যেমন রাসূলের কছম কা'বা শরীফের কছম বা মাতা-পিতার কছম বা সন্তানের কছম বা যে কোন মানুষের কছম। তবে আল্লাহ ব্যতীত অন্য কারও কছম খাওয়া শেরেকী পর্যায়ের শক্ত গোনাহ।

* যদি কেউ বলে তোমার ঘরের ভাত পানি আমার জন্য হারাম বা অমুক জিনিস আমি আমার জন্য হারাম করে নিয়েছি, তাহলে কছম হয়ে যাবে- সে জিনিস খেলে কাফ্ফারা দিতে হবে।

* যদি কেউ অন্যকে কছম দেয় যে, তোমার আল্লাহর কছম তুমি অমুক কাজটা করে দাও বা কর না, তাহলে কছম হয় না- সেই অন্য ব্যক্তির জন্য তার খেলাফ করা দুরস্ত আছে।

* আল্লাহর কছম খেয়ে অতীত বা বর্তমানের কোন বিষয়ে কোন মিথ্যা তথ্য দিলে বা মিথ্যা বললে কঠিন পাপ হয়; তবে তাতে কোন কাফ্ফারা দিতে হয় না। ভবিষ্যতের কোন বিষয়ে কছম সহকারে কিছু বললে যদি তার খেলাফ করে বা খেলাফ হয় তাহলে কাফ্ফারা দিতে হবে।

* কোন কাজ করার কছম খেলে তা করা তার উপর ওয়াজিব হয়ে যায়, না করলে গোনাহ হবে এবং কাফ্ফারা দিতে হবে। পক্ষান্তরে কোন কাজ না করার কছম খেলে সেটা করা তার জন্য হারাম হয়ে যায়, করলে গোনাহ হবে এবং কাফ্ফারা দিতে হবে। তবে কোন গোনাহর কছম করলে তার জন্য কছম ভঙ্গ করা ওয়াজিব, কছম ভেঙ্গে কাফ্ফারা দিবে, নতুবা গোনাহগার হবে।

* বিগত কোন ঘটনার বা কথার উপর এই ভেবে কছম দেয়া যে, সে ঠিক বলছে অথচ বাস্তব তার বিপরীত, এরূপ কছমের কোন কাফ্ফারা নেই।

কছমের কাফ্ফারা :

* কছম ভঙ্গ করলে তার কাফ্ফারা হল দশজন মিসকীনকে দু'বেলা পেট ভরে খাওয়ানো অথবা প্রত্যেক মিসকীনকে এক সের সাড়ে বার ছটাক (১ কেজি ৬৬২ গ্রাম) আটা বা তার মূল্য দেয়া। (পূর্ণ দুই সের দেয়া উত্তম। আর ধান চাউল দিলে গমের মূল্য হিসেবে দিতে হবে)। অথবা প্রত্যেক মিসকীনকে এই পরিমাণ কাপড় দিবে যার দ্বারা শরীরের অধিকাংশ ঢাকতে পারে যেমন

জামা ও পায়জামা বা লুঙ্গি। মহিলাকে কাপড় দিলে এত পরিমাণ দিবে যার দ্বারা সে সমস্ত শরীর ঢেকে নামায পড়তে পারে।

* যদি কেউ দশ মিসকীনকে খাওয়ানো বা কাপড় দেয়ার মত সঙ্গতি না রাখে, তাহলে তাকে এক সঙ্গে (বিরতি না দিয়ে) তিনটি রোযা রাখতে হবে।

* কছম ভঙ্গ করার আগেই কাফফারা দিলে সেটা কাফফারা বলে গণ্য হবে না- পরে কছম ভঙ্গ হলে আবার কাফফারা দিতে হবে।

* একটা বিষয়ে একাধিক বার কছম খেলে তার কাফফারা একটাই।

* কয়েকটা কছমের কাফফারা ওয়াজিব হলে সব কাফফারাই পৃথক পৃথক আদায় করতে হবে।

* যারা যাকাত গ্রহণ করার উপযুক্ত কাফফারা শুধু তাদেরকেই দেয়া যাবে। (বেহেশতী জেওর থেকে গৃহীত)

হজ্জ

হজ্জ ও উমরার ফযীলত :

* রাসূল সাল্লাল্লাহু আলাইহি ওয়াসাল্লাম ইরশাদ করেছেনঃ যে হজ্জ গোনাহ এবং খারাবী থেকে পবিত্র হয়, জান্নাতই হল তার পুরস্কার। (বোখারী ও মুসলিম)

* রাসূল সাল্লাল্লাহু আলাইহি ওয়াসাল্লাম ইরশাদ করেছেনঃ এক উমরার পর আর এক উমরা করলে দুই উমরার মধ্যবর্তী সব গোনাহ মোচন হয়ে যায়। (প্রাণ্ডু)

* রাসূল সাল্লাল্লাহু আলাইহি ওয়াসাল্লাম ইরশাদ করেছেনঃ যে আল্লাহর সন্তুষ্টির উদ্দেশ্যে হজ্জ করে এবং হজ্জের প্রাক্কালে অশ্লীল কথা কাজ ও পাপ থেকে বিরত থাকে, সে মায়ের পেট থেকে জন্ম গ্রহণের দিনের ন্যায় নিষ্পাপ হয়ে ফিরে আসে। (প্রাণ্ডু)

* রাসূল সাল্লাল্লাহু আলাইহি ওয়াসাল্লাম ইরশাদ করেছেনঃ একাধারে হজ্জ ও উমরা করতে থাক। এটা পাপ ও দরিদ্রতাকে এমনভাবে মিটিয়ে দেয় যেমন আগুন লোহার ময়লা দূর করে দেয়। (তিরমিযী, নাসায়ী)

কাদের উপর হজ্জ ফরয :

* যার নিকট মক্কা শরীফ থেকে হজ্জ করে ফিরে আসা পর্যন্ত পরিবারের আবশ্যকীয় খরচ বাদে মক্কা শরীফ যাতায়াতের মোটামুটি খরচ পরিমাণ অর্থ

থাকে তার উপর হজ্জ ফরয। ব্যবসায়িক পণ্য এবং প্রয়োজনের অতিরিক্ত জমির মূল্য এ অর্থের হিসেবে গণ্য করতে হবে।

* মেয়েলোকের জন্য নিজ স্বামী বা নিজের কোন বিশ্বস্ত দীনদার মাহরাম পুরুষ ব্যতীত হজ্জে যাওয়া দুরন্ত নয়। শুধু এমন কোন কোন মহিলা থাকা যথেষ্ট নয়, যার সাথে তার মাহরাম পুরুষ রয়েছে।

* অন্ধের উপর হজ্জ ফরয নয় যত ধনই থাকুক না কেন ?

* নাবালেগের উপর হজ্জ ফরয হয় না। নাবালেগ অবস্থায় হজ্জ করলেও নাবালেগ হওয়ার পর সম্মল হলে পুনরায় হজ্জ করতে হবে।

হজ্জ ফরয হওয়ার পর না করা বা বিলম্ব করা :

* হজ্জ ফরয হওয়ার পর সঙ্গে সঙ্গে সেই বৎসরই হজ্জ করা ওয়াজিব-বিনা ওজরে দেরী করা পাপ। ছেলে মেয়ের বিবাহ শাদী দেয়ার জন্যে বা বাড়ি তৈরী করার জন্যে বিলম্ব করা কোন গ্রহণযোগ্য ওজর নয়। শেষ বয়সে হজ্জ করব- একরূপ ধারণাও ভুল। বয়স বয়স থাকতে হজ্জ করতে গেলেই হজ্জের ত্রিফাতি ভালভাবে আদায় করা সহজ হয়।

* হজ্জ ফরয হওয়ার পর আলস্য করে বিলম্ব করলে এবং পরে গরীব বা শক্তিহীন হয়ে গেলেও ঐ ফরয তার যিম্মায় থেকে যাবে-মাফ হবে না, যে কোন উপায়ে তাকে হজ্জ করতে হবে বা মৃত্যুর পূর্বে বদলী হজ্জের ওছিয়াত করে যেতে হবে।

* মাতা-পিতার হজ্জের পূর্বে সন্তান হজ্জ করতে পারে না- এই ধারণা ভুল। অতএব এ ধারণার বশবর্তী হয়ে হজ্জ বিলম্ব করা গ্রহণযোগ্য ওজর নয়।

* হজ্জ ফরয হওয়া সত্ত্বেও যে হজ্জ না করে মৃত্যুবরণ করে, তার জন্য ভীষণ আযাবের সংবাদ দেয়া হয়েছে। একরূপ লোক সম্পর্কে হাদীছে বলা হয়েছেঃ সে ইয়াহুদী হয়ে মরুক বা নাছারা হয়ে মরুক।

হজ্জের সফরের আদবসমূহঃ

১. নিয়ত খালেছ করে নিবেন অর্থাৎ, একমাত্র আল্লাহকে রাজি খুশি করার নিয়ত রাখবেন। নাম শোহরত, দেশ ভ্রমণ, আবহাওয়া পরিবর্তন, হাজী উপাধি অর্জন ইত্যাদি নিয়ত রাখবেন না।
২. খাঁটি অন্তরে তওবা করতে হবে। অর্থাৎ, কৃত গোনাহের জন্য অনুতাপ হতে হবে, এখনই গোনাহ বর্জন করতে হবে এবং ভবিষ্যতে গোনাহ না করার পাকাপোক্ত নিয়ত করতে হবে। কারও টাকা-পরস্যা বা সম্পদের হুক নষ্ট

করে থাকলে তার ক্ষতিপূরণ দিয়ে দিতে হবে। পাওনাদার জীবিত না থাকলে তাদের উত্তরাধীকারীদের থেকে তার নিষ্পত্তি করে নিতে হবে। সরুপ কারও সন্ধান না পেলে পাওনাদারের সওয়াবের নিয়তে পাওনা পরিমাণ অর্থ তার পক্ষ থেকে দান করে দিতে হবে। কাউকে কষ্ট দিয়ে থাকলে তার থেকে মাফ করিয়ে নিতে হবে।

৩. মাতা-পিতা জীবিত থাকলে এবং তাদের খেদমতে থাকার প্রয়োজন থাকলে তাদের এজায়ত ব্যতীত নফল হজ্জে গমন করা মাকরুহ। খেদমতের প্রয়োজন থাকলে ফরয হজ্জে এজায়ত ব্যতীত যাওয়া মাকরুহ নয়, যদি পথ ঘাট নিরাপদ থাকে। মাতা পিতারও উচিত এজায়ত দিয়ে দেয়া।
৪. সফর থেকে ফিরে আসা পর্যন্ত সময়ের জন্য পরিবার পরিজন ও অধীনস্থদের প্রয়োজনীয় খরচাদির ব্যবস্থা করে যেতে হবে।
৫. কোন ঋণ নগদ আদায় করার থাকলে পাওনাদারের অনুমতি গ্রহণ করবেন। তার অনুমতি ব্যতীত হজ্জে গমন করা মাকরুহ। তবে যদি কাউকে ঋণ আদায়ের দায়িত্ব অর্পণ করে যাওয়া যায়, এবং পাওনাদারগণ তাতে সম্মত থাকে, তাহলে অনুমতি ব্যতীতও যাওয়া মাকরুহ হবে না। আর ঋণ যদি নগদ আদায় করার না হয়, বরং মেয়াদ বাকী থাকে এবং মেয়াদের পূর্বেই হজ্জ থেকে ফিরে আসার হয়, তাহলে সেই পাওনাদারের অনুমতি গ্রহণ ব্যতীতও হজ্জে গমনে কোন অসুবিধা নেই। তবে পাওনা দাওনা সম্পর্কিত একটি তালিকা তৈরী করে রেখে যাবেন।
৬. নিজের কাছে কারও থেকে ধার করা জিনিস বা কারও আমানত থাকলে তা মালিককে বুঝিয়ে দিয়ে যাওয়া চাই।
৭. সফরে গমনের পূর্বে কোন বিচক্ষণ অভিজ্ঞ ব্যক্তির সাথে সফরের প্রয়োজনীয় বিষয়াদি সম্পর্কে পরামর্শ করে নিন।
৮. উত্তম সফরসঙ্গী নির্বাচন করুন। পূর্ব অভিজ্ঞতা সম্পন্ন আলেম হলে উত্তম হয়, যার কাছে প্রয়োজনে হজ্জের মাসায়েল ইত্যাদি জেনে নেয়া যাবে। আলেম না পেলে অন্ততঃ একজন অভিজ্ঞ দ্বীনদার হাজীকে সফরসঙ্গী বানানোর চেষ্টা করবেন।
৯. হজ্জের মাসায়েল শিক্ষা করে নিবেন। হজ্জের মাসায়েল শিক্ষা করাও ফরয। দুআ কালামের ফযীলত আছে, তবে দুআ কালামের উপর জোর দিতে যেয়ে জরুরী মাসায়েল থেকে অমনোযোগী ও উদাসীন হওয়া চাইনা। হজ্জ ও উমরা সম্পর্কিত নির্ভরযোগ্য মাসায়েলের কিতাবও সাথে রাখা চাই।

যাতে প্রয়োজনের মুহূর্তে কিতাব দেখে নেয়া যায়। অনেকে তওয়াফ, সায়ী ইত্যাদির দুআ মুখস্ত করতে পারেননা বলে হতাশ হন। হতাশ হওয়ার কিছু নেই, একান্ত মুখস্ত করতে না পারলে এসব দুআ ব্যতীতও হজ্জ হয়ে যাবে। তবে এসব দুআ সুন্নাত বা মুস্তাহাব, তাই সম্ভব হলে হিম্মত করে আমল করার চেষ্টা করুন।

১০. হজ্জ উমরার সফর একটি বরকতময় সফর। এ সফরে সফরের যাবতীয় সুন্নাত আদব ইত্যাদি আমল করা চাই। সফরের সুন্নাত ও আদব সমূহ সম্পর্কে জানার জন্য দেখুন ৪৯১-৪৯৫ পৃষ্ঠা।

উমরাতে যা যা করতে হয়ঃ

* সাধ্য থাকলে জীবনে একবার উমরা করা সুন্নাতে মুয়াক্কাদা। (৬৬/১)

* তিনটা আমলের সমষ্টিকে উমরা বলা হয়। যথাঃ

১। এহ্রাম বাধা। এহ্রামের মাসায়েল সম্পর্কে জানার জন্য দেখুন ২৮৭ পৃষ্ঠা।

২। বায়তুল্লাহর তওয়াফ করা। এটাকে তওয়াফে উমরা বলা হয়। তওয়াফের নিয়ম কানুন সম্পর্কে জানার জন্য দেখুন ২৯৪ পৃষ্ঠা।

৩। সাফা ও মারওয়া পাহাড়দ্বয়ের মাঝে সায়ী করা। সায়ী সম্পর্কিত মাসায়েল জানার জন্য দেখুন ২৯৮ পৃষ্ঠা।

৪। সায়ী করার পর হলক (মাথা মুগুন) করে বা কছর (চুল ছোট) করে এহ্রাম খুলতে হয়। হলক বা কছর-এর মাসায়েল সম্পর্কে বিস্তারিত জানার জন্য দেখুন ৩০০ পৃষ্ঠা।

কোন প্রকার হজ্জ করা উত্তম :

* হজ্জ তিন প্রকার (১) হজ্জে ইফরাদ (২) হজ্জে কেরান (৩) হজ্জে তাযাত্তু। এর মধ্যে সবচেয়ে উত্তম হজ্জে কেরান, তারপর হজ্জে তাযাত্তু, তারপর হজ্জে ইফরাদ। উল্লেখ্য, হজ্জে কেরানে দীর্ঘ দিন এহ্রাম বাধা অবস্থায় থাকতে হয় এবং দীর্ঘ দিন এহ্রামের বিধি-নিষেধ মেনে চলা বেশ কঠিন, তাই অধিকাংশ হাজীকেই হজ্জে তাযাত্তু করতে দেখা যায়। তবে এহ্রাম বাধা থেকে নিয়ে হজ্জ পর্যন্ত সময়টুকু কম হলে যেমন যিলহজ্জ মাসে মক্কা পৌছা হলে তখন হজ্জে কেরান করাই সমীচীন।

বিঃ দ্রঃ বিভিন্ন প্রকার হজ্জের মাসায়েল পড়ে মনে রাখতে অসুবিধে বোধ করলে আপনি যে প্রকার হজ্জ করতে চান শুধু সে সম্পর্কেই পড়ুন। প্রত্যেক প্রকার হজ্জে যা যা করতে হয় তা ভিন্ন ভিন্ন ভাবে বর্ণনা করা হল।

ইফরাদ হজ্জে যা যা করতে হয়

(হজ্জের মাস সমূহের মধ্যে শুধু মাত্র হজ্জের এহরাম বেধে হজ্জ সমাপন করাকে হজ্জে ইফরাদ বা ইফরাদ হজ্জ বলে)

- ১। হজ্জের এহরাম বাধতে হবে। এটা ফরয। এহরাম সম্পর্কিত মাসায়েল জানার জন্য দেখুন ২৮৭ পৃষ্ঠা।
- ২। বায়তুল্লাহর তওয়াফ করতে হবে। এটাকে তওয়াফে কুদুম বলে। এটা সুন্নাত। তওয়াফের মাসায়েল জানার জন্য দেখুন ২৯৪ পৃষ্ঠা।
- ৩। ৮ই যিলহজ্জ যোহর থেকে ৯ই যিলহজ্জ ফজর পর্যন্ত মিনায় অবস্থান ও পাঁচ ওয়াক্ত নামায সেখানে আদায় করা সুন্নাত। মিনায় গমন ও অবস্থান সম্পর্কে জানার জন্য দেখুন ৩০১ পৃষ্ঠা।
- ৪। ৯ই যিলহজ্জ আরাফায় অবস্থান করতে হবে। এটা হজ্জের তরাদ্দ মাস ফরয। আরাফায় অবস্থানের মাসায়েল সম্পর্কে জানার জন্য দেখুন ৩০২ পৃষ্ঠা।
- ৫। ৯ই যিলহজ্জ দিবাগত রাত মুযদালিফায় অবস্থান করতে হবে। এই অবস্থান ওয়াজিব। এ সম্পর্কে বিস্তারিত জানার জন্য দেখুন ৩০৩ পৃষ্ঠা।
- ৬। ১০ই যিলহজ্জ মিনায় এসে জামরায়ে আকাবায় (বড় শয়তানে) কংকর নিষ্ক্ষেপ করতে হবে। এটাও ওয়াজিব। কংকর নিষ্ক্ষেপের মাসায়েল সম্পর্কে জানার জন্য দেখুন ৩০৫ পৃষ্ঠা।
- ৭। তারপর কুরবানী করা। ইফরাদ হজ্জকারীর জন্য কুরবানী ওয়াজিব নয় ঐচ্ছিক; কুরবানী না করলেও চলবে।
- ৮। মাথা মুগুন করে এহরাম খুলতে হবে। মাথা মুগুন বা চুল খাটো করে ছাঁটা ওয়াজিব। এ সম্পর্কিত মাসায়েল জানার জন্য দেখুন ৩০০ পৃষ্ঠা।
- ৯। তওয়াফে যিয়ারত করতে হবে। এটা ফরয। তওয়াফে যিয়ারত সম্পর্কে বিস্তারিত জানার জন্য দেখুন ৩০৬ পৃষ্ঠা।
- ১০। তওয়াফে যিয়ারতের পর সায়ী করা ওয়াজিব। ইফরাদ হজ্জকারীর জন্য এই সায়ী তওয়াফে যিয়ারতের পর করা উত্তম। তওয়াফে কুদুমের পরও এই সায়ী করে নেয়া যায়। তওয়াফে কুদুমের পর এই সায়ী করে থাকলে তওয়াফে যিয়ারতের পর আর করতে হবেনা। সায়ী সম্পর্কে বিস্তারিত জানার জন্য দেখুন ২৯৮ পৃষ্ঠা।

- ১১। ১১ ও ১২ই জিলহজ্জ মিনায় প্রতিদিন তিন জামরায় কংকর নিক্ষেপ করতে হবে। এটাও ওয়াজিব। এ সম্পর্কে বিস্তারিত জানার জন্য দেখুন ৩০৫ পৃষ্ঠা।
- ১২। সর্বশেষে মক্কা থেকে বিদায় নেয়ার সময় বিদায়ী তওয়াফ করলে হজ্জে ইফরাদের কার্যাবলী শেষ হবে। এই বিদায়ী তওয়াফ করা ওয়াজিব। এ সম্পর্কে বিস্তারিত জানার জন্য দেখুন ৩০৮ পৃষ্ঠা।

কেরান হজ্জে যা যা করতে হয়

(হজ্জের মাস সমূহে এক সাথে উমরা ও হজ্জ উভয়টির এহরাম বেধে প্রথমে উমরা পালন করে এহরাম না খুলে ঐ একই এহরামে হজ্জ সমাপন করাকে হজ্জে কেরান বা কেরান হজ্জ বলে।

- ১। প্রথমে উমরা ও হজ্জ উভয়টার নিয়তে এহরাম বাধবে। এহরাম বাধা ফরয। এহরামের মাসায়েল জানার জন্য দেখুন ২৮৭ পৃষ্ঠা।
- ২। বায়তুল্লায় প্রবেশ করে তওয়াফে উমরা বা উমরার তওয়াফ আদায় করবে। এই তওয়াফ ফরয। তওয়াফ সম্পর্কিত মাসায়েলের জন্য দেখুন ২৯৪ পৃষ্ঠা।
- ৩। তওয়াফের পর উমরার সাযী করবে। এই সাযী ওয়াজিব। সাযী সম্পর্কে বিস্তারিত মাসায়েল জানার জন্য দেখুন ২৯৮ পৃষ্ঠা।
- ৪। তারপর তওয়াফে কুদূম করবে। মীকাতের বাইরে থেকে মক্কায় প্রবেশকারীদের জন্য এই তওয়াফ সুন্নাত।
- ৫। তারপর সাযী করবে। এই সাযী ওয়াজিব। কেরানকারীর জন্য এই সাযী এখানেই করে নেয়া উত্তম। না করলে তওয়াফে যিয়ারতের পর এই ওয়াজিব সাযী আদায় করতে হবে।
- ৬। ৮ই যিলহজ্জ যোহর থেকে ৯ই যিলহজ্জ ফজর পর্যন্ত পাঁচ ওয়াক্ত নামায মিনায় থেকে আদায় করবে। এটা সুন্নাত। এ সম্পর্কে বিস্তারিত জানার জন্য দেখুন ৩০১ পৃষ্ঠা।
- ৭। ৯ই যিলহজ্জ সূর্য ঢলা থেকে সূর্য অস্ত যাওয়া পর্যন্ত উকূফে আরাফা (আরাফায় অবস্থান) করবে। এটা হজ্জের অন্যতম ফরয। উকূফে আরাফার বিস্তারিত মাসায়েলের জন্য দেখুন ৩০২ পৃষ্ঠা।
- ৮। ৯ই যিলহজ্জ দিবাগত রাত উকূফে মুযদালিফা (মুযদালিফায় অবস্থান) করবে। এটা ওয়াজিব। উকূফে মুযদালিফার মাসায়েল সম্পর্কে জানার জন্য দেখুন ৩০৩ পৃষ্ঠা।

- ৯। ১০ই যিলহজ্জ মিনায় এসে জামরায় আকাবায় (বড় শয়তানে) কংকর নিক্ষেপ করবে। এই কংকর নিক্ষেপ করা ওয়াজিব। কংকর নিক্ষেপের মাসায়েল সম্পর্কে জানার জন্য দেখুন ৩০৫ পৃষ্ঠা।
- ১০। তারপর কুরবানী করা ওয়াজিব।
- ১১। তারপর মাথা মুণ্ডিয়ে বা চুল ছোট করে এহরাম খুলবে। এই মাথা মুণ্ডানো বা চুল ছোট করা ওয়াজিব। এ সম্পর্কিত মাসায়েল জানার জন্য দেখুন ৩০০ পৃষ্ঠা।
- ১২। তওয়াফে যিয়ারত করা ফরয। তওয়াফে যিয়ারতের মাসায়েল সম্পর্কে জানার জন্য দেখুন ৩০৬ পৃষ্ঠা।
- ১৩। ১১ ও ১২ যিলহজ্জ প্রতিদিন তিন জামরাতে কংকর নিক্ষেপ করবে। এ কংকর নিক্ষেপ করা ওয়াজিব। এ সম্পর্কে বিস্তারিত জানার জন্য দেখুন ৩০৫ পৃষ্ঠা।
- ১৪। বিদায়ী তওয়াফ করবে। এই বিদায়ী তওয়াফ ওয়াজিব। মক্কা থেকে বিদায় নেয়ার সময় বিদায়ী তওয়াফ করলে হজ্জের করানের কার্যাবলী শেষ হবে। বিদায়ী তওয়াফ সম্পর্কিত মাসায়েল জানার জন্য দেখুন ৩০৮ পৃষ্ঠা।

তামাত্তু হজ্জে যা যা করতে হয়

(হজ্জের মাস সমূহে প্রথমে শুধু উমরার এহরাম বেধে উমরা পালন করে এহরাম খুলে ফেলা। তারপর হজ্জের সময় পুনরায় হজ্জের এহরাম বেধে হজ্জ পালন করা-একে বলে হজ্জে তামাত্তু বা তামাত্তু হজ্জ।)

- ১। প্রথমে শুধু উমরার নিয়তে এহরাম বাধতে হবে। এই এহরাম ফরয। এহরামের মাসায়েল সম্পর্কে জানার জন্য দেখুন ২৮৭ পৃষ্ঠা।
- ২। বায়তুল্লায় প্রবেশ করে উমরার তওয়াফ করতে হবে। এই তওয়াফ উমরার ফরয। তওয়াফের মাসায়েল সম্পর্কে জানার জন্য দেখুন ২৯৪ পৃষ্ঠা।
- ৩। তারপর উমরার সায়ী করতে হবে। এই সায়ী ওয়াজিব। সায়ীর মাসায়েল সম্পর্কে জানার জন্য দেখুন ২৯৮ পৃষ্ঠা।
- ৪। তারপর মাথা মুণ্ডন করে চুল ছোট করে উমরার এহরাম খুলতে হবে। এই মাথা মুণ্ডন বা চুল ছোট করা ওয়াজিব। এ সম্পর্কিত মাসায়েল জানার জন্য দেখুন ৩০০ পৃষ্ঠা।
- ৫। তারপর ৮ই যিলহজ্জ হজ্জের উদ্দেশ্যে এহরাম বাধতে হয়। এহরাম বাধা হজ্জের একটি ফরয। এই এহরাম মক্কা শরীফে থেকেই বাধা হবে।

- ৬। ৮ই যিলহজ্জ মিনায় গমন করে সেখানে থেকে যোহর, আসর, মাগরিব, ইশা এবং ৯ই যিলহজ্জের ফজর সর্বমোট এই পাঁচ ওয়াক্ত নামায পড়া সুন্নাত।
- ৭। ৯ই যিলহজ্জ উকুফে আরাফা বা আরাফার ময়দানে অবস্থান করতে হবে। এই উকুফে আরাফা হজ্জের একটি অন্যতম ফরয। আরাফায় গমন ও অবস্থান সম্পর্কে বিস্তারিত মাসায়েল জানার জন্য দেখুন ৩০২ পৃষ্ঠা।
- ৮। ৯ই যিলহজ্জ দিবাগত রাত উকুফে মুয়দালিফা বা মুয়দালিফায় অবস্থান করতে হবে। এটা ওয়াজিব। উকুফে মুয়দালিফার বিস্তারিত মাসায়েল জানার জন্য দেখুন ৩০৩ পৃষ্ঠা।
- ৯। ১০ই যিলহজ্জ মিনায় এসে জামরায়ে আকাবায় (বড় শয়তানে) কংকর নিষ্ক্ষেপ করতে হবে। এটা ওয়াজিব। কংকর নিষ্ক্ষেপের বিস্তারিত মাসায়েল জানার জন্য দেখুন ৩০৫ পৃষ্ঠা।
- ১০। তারপর কুরবানী করতে হবে। এটা ওয়াজিব।
- ১১। তারপর মাথা মুগুনো বা চুল ছোট করতে হবে। এটা ওয়াজিব। এ সম্পর্কিত মাসায়েল জানার জন্য দেখুন ৩০০ পৃষ্ঠা।
- ১২। তওয়াফে যিয়ারত করতে হবে। এটা ফরয। তওয়াফে যিয়ারতের মাসায়েল সম্পর্কে জানার জন্য দেখুন ৩০৬ পৃষ্ঠা।
- ১৩। তওয়াফে যিয়ারত-এর সাযী করতে হয়। এই সাযী ওয়াজিব।
- ১৪। ১১ ও ১২ই যিলহজ্জ মিনায় প্রত্যেক দিন তিন জামরায় কংকর নিষ্ক্ষেপ করতে হবে। এটা ওয়াজিব। দেখুন ৩০৫ পৃষ্ঠা।
- ১৫। সর্বশেষে বিদায়ী তওয়াফ করতে হবে। এই বিদায়ী তওয়াফ করা ওয়াজিব। মক্কা থেকে বিদায় নেয়ার সময় এই বিদায়ী তওয়াফ করার মাধ্যমেই তামাত্তু হজ্জের কার্যাবলী সমাপ্ত হবে। বিদায়ী তওয়াফের মাসায়েল সম্পর্কে জানার জন্য দেখুন ৩০৮ পৃষ্ঠা।

এহ্রামের মাসায়েল

* এহ্রামের জন্য নির্দিষ্ট পোশাক পরিধান পূর্বক (পুরুষের জন্য) হজ্জ অথবা উমরা কিংবা হজ্জ ও উমরা উভয়টির নিয়ত করে তালবিয়া পড়া এবং বায়তুল্লাহ শরীফের তওয়াফ ও সাফা-মারওয়া সাযী করার পর মাথা মুগুন করে বা চুল ছোট করে মুক্ত হওয়া পর্যন্ত অবস্থাকে এহ্রাম বলে।

কোথা থেকে এহ্রাম বাধবেন :

হজ্জ বা উমরার উদ্দেশ্যে রওয়ানা হলে মীকাত অর্থাৎ, শরী'আত কর্তৃক এহ্রাম বাধার নির্ধারিত সীমা অতিক্রম করার পূর্বেই এহ্রাম বেধে নেয়া জরুরী। বাংলাদেশ, ভারত ও পাকিস্তান প্রভৃতি পূর্বাঞ্চলীয় লোকদের জন্য এই নির্ধারিত স্থানটি হল ইয়ালামলাম (মক্কা থেকে দক্ষিণপূর্বে অবস্থিত একটি পাহাড়ের নাম)। সামুদ্রিক জাহাজযোগে হজ্জ যাত্রীগণ এ স্থান বরাবর অতিক্রম করার পূর্বে অবশ্যই এহ্রাম বেধে নিবেন। প্লেন এ স্থান বরাবর রেখা কখন অতিক্রম করে তা টের পাওয়া কঠিন; তাই প্লেন যোগে হজ্জ বা উমরার উদ্দেশ্যে মক্কা গমনকারীর জন্য প্লেনে আরোহণের পূর্বেই এহ্রাম বেধে নেয়া উচিত। বিমানবন্দরে যেয়ে বা হাজী ক্যাম্প থেকে বা বাসা থেকে রওয়ানা হওয়ার পূর্বে বাসায় বা মসজিদে যে কোন স্থানে এহ্রাম বাধা যায়।

* যারা মদীনা শরীফ আগে যাওয়ার ইচ্ছা করবেন তারা বিনা এহরামেই রওয়ানা হবেন। মদীনা যিয়ারতের পর যখন মক্কা শরীফ-এর উদ্দেশ্যে রওয়ানা হবেন, তখন মদীনা শরীফ থেকে মক্কা শরীফ গমনকারীদের মীকাত যেহেতু যুলহুলাইফা তাই যুলহুলাইফা নামক স্থান (বর্তমানে “বীরে আলী” নামে পরিচিত) থেকে বা মদীনায় থেকেই এহ্রাম বেধে মক্কা শরীফ রওয়ানা হবেন।

* যারা মক্কা শরীফে থেকে নফল উমরা করতে চান এহ্রাম বাধার জন্য তাদেরকে হারামের সীমানার বাইরে যেয়ে এহ্রাম বেধে আসতে হবে। এর জন্য সবচেয়ে উত্তম স্থান হল তানয়ীম। বর্তমানে সেখানে মসজিদে আয়েশা নামক একটি মসজিদ আছে। তাই মসজিদে আয়েশায় গিয়ে এহ্রাম বেধে এসে নফল উমরা করবেন। জে'রানা নামক স্থান থেকেও এহ্রাম বেধে আসা যায়।

এহ্রাম বাধার তরীকা :

* এহ্রাম বাধার ইরাদা হলে প্রথমে ক্ষৌরকার্য করে নিন-নখ কাটুন, বগল ও নাভির নীচের পশম পরিষ্কার করুন। এগুলো মোস্তাহাব। মাথা মুগুনোর অভ্যাস থাকলে মাথা মুণ্ডিয়ে নিন অন্যথায় চুল আঁচড়িয়ে নিন। স্ত্রী সন্ডোগও মোস্তাহাব।

* তারপর এহরামের নিয়তে গোসল করুন, না পারলে উযু করে নিন। এটা সুন্নাত। ভালভাবে শরীরের ময়লা দূর করবেন।

* তারপর সেলাই বিহীন (ফাড়া) লুঙ্গি পরিধান করুন অর্থাৎ, একটা চাদর পরিধান করুন এবং একটা চাদর গায়ে জড়িয়ে নিন। এখন ডান বগলের

নীচে দিয়ে পরবেন না। এহ্রামের কাপড় সাদা রংয়ের হলে উত্তম। পুরুষের জন্য এহ্রামের অবস্থায় শরীরের পরিমাপে সেলাই করা হয়েছে-এমন কাপড় পরিধান করা নিষিদ্ধ। মহিলাগণ যে কোন পোশাক পরিধান করতে পারেন। এহ্রামের কাপড় নতুন বা পরিষ্কার হওয়া উত্তম।

* তারপর সুগন্ধি লাগিয়ে নিন। এটা সুন্নাত।

* তারপর এহ্রামের নিয়তে দুই রাকআত নফল নামায পড়ে নিন। এটা সুন্নাত। এই দুই রাকআতের মধ্যে প্রথম রাকআতে সূরা কাফিরুন এবং দ্বিতীয় রাকআতে সূরা এখলাস পড়া উত্তম। এই নামায মাথায় টুপি সহকারে (বা মাথা ঢেকে)ই পড়তে হয়। নামাযের নিষিদ্ধ বা মাকরুহ ওয়াজে এহ্রাম বাধতে হলে এহ্রামের নামায না পড়েই এহ্রাম বাধতে হয়।

* নামাযের পর টুপি খুলে রেখে কেবলামুখী থেকেই এহ্রামের নিয়ত করতে হবে। বসে বসেই নিয়ত করা উত্তম এবং নিয়ত মুখেও উচ্চারণ করা উত্তম।

* শুধু উমরার এহ্রাম হলে এভাবে নিয়ত করুন-

আরবীতে : **اَللّٰهُمَّ اِنِّیْ اُرِیْدُ الْعُمْرَةَ فِیْسِرُهَا لِیْ وَتَقَبَّلْهَا مِنِّیْ**

বাংলায় : হে আল্লাহ, আমি উমরা করতে চাই, তুমি আমার জন্য তা সহজ করে দাও এবং কবূল কর।

* শুধু হজ্জের এহ্রাম হলে এভাবে নিয়ত করুন-

আরবীতে : **اَللّٰهُمَّ اِنِّیْ اُرِیْدُ الْحَجَّ فِیْسِرُهُ لِیْ وَتَقَبَّلْهُ مِنِّیْ**

বাংলায় : হে আল্লাহ, আমি হজ্জ করতে চাই, তুমি আমার জন্য তা সহজ করে দাও এবং আমার থেকে তা কবূল কর।

* উমরা ও হজ্জ উভয়টার এহ্রাম হলে এভাবে নিয়ত করুন-

আরবীতে : **اَللّٰهُمَّ اِنِّیْ اُرِیْدُ الْحَجَّ وَالْعُمْرَةَ فِیْسِرُهُمَا لِیْ وَتَقَبَّلَهُمَا مِنِّیْ**

বাংলায় : হে আল্লাহ, আমি হজ্জ ও উমরা উভয়টার নিয়ত করছি, তুমি সহজ করে দাও এবং কবূল কর।

* তারপর তালবিয়া পড়ুন। তালবিয়া পড়া সুন্নাত, তবে নিয়তের সাথে একবার তালবিয়া বা যে কোন যিকির থাকা শর্ত। তালবিয়া জোর আওয়াজে পড়া সুন্নাত এবং তিনবার পড়া সুন্নাত। মহিলাদের জন্য তালবিয়া জোর

আওয়াজে পড়া নিষিদ্ধ, তারা এতটুকু শব্দে পড়বে যে নিজের কানে শোনা যায়। তালবিয়া আরবীতেই পড়া উত্তম।

তালবিয়া এই :

لَبَّيْكَ اللَّهُمَّ لَبَّيْكَ
لَبَّيْكَ لَا شَرِيكَ لَكَ لَبَّيْكَ
إِنَّ الْحَمْدَ وَالنِّعْمَةَ لَكَ وَالْمُلْكُ
لَا شَرِيكَ لَكَ -

(লব্বাইকা আল্লাহুম্মা লাব্বাইক,
লাব্বাইকা লা শারীকা লাকা লাব্বাইক,
ইন্না'ল হাম্দা ওয়ান্নি'মাতা লাকা ওয়াল মুল্ক,
লা শারীকা লাক)

অর্থাৎ, আমি হাজির হে আল্লাহ, আমি হাজির। আমি হাজির, কোন শরীক নেই তোমার, আমি হাজির। নিশ্চয়ই সকল প্রশংসা ও নেয়ামত তোমারই, আর সকল সাম্রাজ্যও তোমার, কোন শরীক নেই তোমার।

বিঃ দ্রঃ নিয়ত ও তালবিয়া পাঠ করার পর এহ্রাম বাধা সম্পন্ন হয়ে গেল।

* তারপর দুরূদ শরীফ পড়ুন এবং যা ইচ্ছা আল্লাহর কাছে প্রার্থনা করুন, তবে এই দুআ করা উত্তম-

اللَّهُمَّ إِنِّي أَسْأَلُكَ رِضَاكَ وَالْجَنَّةَ وَأَعُوذُ بِكَ مِنْ غَضَبِكَ وَالنَّارِ -

অর্থাৎ, হে আল্লাহ! আমি তোমার নিকট চাই তোমার সন্তুষ্টি এবং জান্নাত। আর তোমার অসন্তোষ ও জাহান্নাম থেকে তোমার কাছে পানাহ চাই।

* মহিলাগণ হায়েয নেফাসের অবস্থায় থাকলে নামায না পড়ে শুধু নিয়ত করে এবং তালবিয়া পড়ে নিলেই এহ্রাম শুরু হয়ে যাবে।

এহ্রামের অবস্থায় যা যা করা উত্তম :

* এহ্রামের অবস্থায় অধিক পরিমাণে তালবিয়া পড়তে থাকা উত্তম। বিশেষতঃ গাড়ীতে উঠতে, গাড়ী থেকে নামতে, কোন উঁচু স্থানে উঠতে, নীচু স্থানে নামতে, প্রত্যেক নামাযের পর ইত্যাদি মুহূর্তে তালবিয়া পড়া মোস্তাহাব।

তালবিয়া পুরুষগণ জোর আওয়াজে পড়বেন, তবে এত জোরে নয় যেন নিজের বা কোন নামাযীর বা ঘুমন্ত মানুষের অসুবিধা হয়।

* ঘর থেকে বের হওয়ার সময়, প্রবেশের সময়, সাক্ষাতের সময়, বিদায়ের সময়, উঠতে-বসতে, সকাল-সন্ধ্যায়, মোট কথা যে কোন ভাবে অবস্থার পরিবর্তন হলে সে সময়ে তালবিয়া পড়া মোস্তাহাব।

* তালবিয়ার স্থলে **اللَّهُ أَكْبَرُ** বা **لَا إِلَهَ إِلَّا اللَّهُ** বাক্যগুলোও বলা যায়, তবে তালবিয়ার শব্দগুলো বলাই সুন্নাত।

এহরাম অবস্থায় যা যা নিষিদ্ধ :

* পুরুষের জন্য শরীরের পরিমাপে বানানো হয়েছে- এমন সেলাই যুক্ত পোশাক নিষিদ্ধ। যেমন জামা, পায়জামা, টুপি, গেঞ্জি, মোজা, সোয়েটার ইত্যাদি। মহিলাদের জন্য হাত মোজা, পা মোজা, অলংকার পরিধান করা জায়েয, তবে না করা উত্তম।

* ইচ্ছাকৃত হোক বা অনিচ্ছাকৃত পুরুষের জন্য মাথা ও চেহারা এবং মহিলাদের জন্য শুধু চেহারা ঢাকা নিষিদ্ধ। মহিলাদের জন্য মাথা ঢাকা রাখা ওয়াজিব। পুরুষগণ কান ও গলা ঢাকতে পারেন।

* এমন জুতা/স্যাগেল পরিধান করা নিষিদ্ধ, যাতে পায়ের মধ্যবর্তী উঁচু হাড় ঢাকা পড়ে যায়। মহিলাগণ একরূপ জুতা/স্যাগেল পরিধান করতে পারেন।

* সর্ব প্রকার সুগন্ধি ব্যবহার করা নিষিদ্ধ। সুগন্ধি যুক্ত সাবান ব্যবহার করাও নিষিদ্ধ।

* নখ, চুল, পশম কাটা ও কাটানো নিষিদ্ধ।

* স্থল ভাগের প্রাণী শিকার করা বা সে কাজে কোন রূপ সহযোগিতা করা নিষিদ্ধ। তবে মশা, মাছি, ছারপোকা, সাপ, বিছু ইত্যাদি কষ্টদায়ক প্রাণী মারা জায়েয।

* স্ত্রী সহবাস বা এতদসম্পর্কিত কোন আলোচনা, চুমু দেয়া এবং শাহওয়াত (উত্তেজনা) সহকারে স্পর্শ করা নিষিদ্ধ।

* ঝগড়া বিবাদ করা বা কোন গোনাহের কাজ করা নিষিদ্ধ। এগুলো এমনিতেও নিষিদ্ধ; এহরামের অবস্থায় আরও কঠোরভাবে নিষিদ্ধ।

* উকুন মারা নিষিদ্ধ।

বিঃ দ্রঃ মহিলাদের জন্য চেহারা ঢাকা নিষিদ্ধ-এর অর্থ এই নয় যে, চেহারা সম্পূর্ণ খোলা রাখতে হবে যাতে পর পুরুষে চেহারা দেখতে পায়, বরং

এর অর্থ হল চেহারার সাথে নেকাব বা কোন কাপড় লাগিয়ে রাখা নিষিদ্ধ। তাদের জন্য এহ্রামের অবস্থায় পর্দাও করা জরুরী, আবার চেহারায় কোন কাপড় বা নেকাব লাগানোও নিষিদ্ধ। এর উপায় হল তারা চেহারার সাথে লাগতে না পারে এমন কিছু কপালের উপর বেধে তার উপর নেকাব ঝুলিয়ে দিবে। মহিলাগণ এ ব্যাপারে গাফিলতি করে থাকেন, এরূপ করা চাইনা।

এহ্রাম অবস্থায় যা যা মাকরুহ :

* শরীরের ময়লা পরিষ্কার করা মাকরুহ।

* চুল বা দাড়ি বা শরীরে সাবান লাগানো মাকরুহ।

* চুল বা দাড়িতে চিরুনি করা মাকরুহ।

* এমন ভাবে চুলকানো মাকরুহ যাতে চুল, পশম বা উকুন পড়ে যাওয়ার আশংকা থাকে। এরূপ আশংকা হয় না- এমন আশু চুলকানো জায়েয।

* এমন ভাবে দাড়ি খেলাল করা মাকরুহ যাতে দু'একটা দাড়ি খসে পড়ার আশংকা হয়।

* এহ্রামের কাপড় সেলাই করে বা গিরা কিংবা পিন ইত্যাদি দিয়ে আঁটকানো মাকরুহ, তবে কোমরে বেল্ট বাধা জায়েয। টাকার খলি রাখাও জায়েয।

* বালিশের উপর মুখ দিয়ে উপুড় হয়ে শয়ন করা মাকরুহ।

* সুগন্ধিযুক্ত খাদ্য যদি পাকানো না হয় তাহলে তা খাওয়া মাকরুহ। পাকানো হলে মাকরুহ নয়।

* শাহওয়াতের (উত্তেজনার) সাথে স্ত্রীর লজ্জাস্থান দেখা মাকরুহ।

* নাক গাল কাপড় দিয়ে ঢাকা মাকরুহ, তবে হাত দিয়ে ঢাকা যায়।

* ইচ্ছাকৃত ভাবে কোন সুগন্ধির ঘ্রাণ নেয়া মাকরুহ।

* এলাচি, লঙ্গ বা সুগন্ধিযুক্ত তামাক/জর্দা সহকারে পান খাওয়া মাকরুহ।

(معلم الحج)

মক্কা ও হারাম শরীফে প্রবেশের সুন্নাত ও আদব সমূহ

জেদ্দার পথে মক্কা শরীফে আসতে গেলে মক্কা শরীফের প্রায় দশ মাইল দূরে হুদায়বিয়া নামক স্থান (বর্তমান নাম শুমাইসিয়া) অবস্থিত, সম্ভব হলে এখানে দুই রাকআত নামায পড়ে দুআ করুন। এখনই আপনি মক্কার সীমানায় অর্থাৎ, আল্লাহর দরবারের বিশেষ সীমানায় প্রবেশ করতে যাচ্ছেন; তাই অত্যন্ত

বিনয় ও আদবের সাথে তওবা ইস্তেগফার করতে করতে এবং তালবিয়া পড়তে পড়তে প্রবেশ করুন।

* মসজিদে হারামের উত্তর দিক অর্থাৎ, জান্নাতুল মুআল্লাহর দিক থেকে প্রবেশ করা মোস্তাহাব।

* মক্কা মুকাররমায় প্রবেশের পূর্বে গোসল করা মোস্তাহাব। তবে আজকাল গাড়ী ড্রাইভারগণ পশ্চিমধ্যে সময় দেন না, তাই জেদ্দার থেকেই সম্ভব হলে এ গোসল সেরে নেয়া যেতে পারে।

* মক্কা মুকাররমায় এসে মাল-সামান বন্দোবস্ত করা ইত্যাদি জরুরী কাজ থাকলে তা সেরে যথা সম্ভব দ্রুত মসজিদে হারামে হাজির হওয়া মোস্তাহাব।

* মসজিদে হারামের যে কোন দরজা দিয়ে প্রবেশ করা যায়, তবে “বাবুস সালাম” নামক দরজা দিয়ে প্রবেশ করা মোস্তাহাব। এ দরজাটি সাফা মারওয়ার মাঝে অবস্থিত। প্রবেশের সময়, এমনিভাবে ভিতরে গিয়ে মসজিদে প্রবেশের ও মসজিদে অবস্থানের যে সুন্নাত ও আদব রয়েছে (দেখুন ১৭২-১৭৫ পৃষ্ঠা) তার প্রতি খেয়াল রাখতে হবে।

* প্রবেশ করার সময় তালবিয়া পড়তে পড়তে আল্লাহর আজমত ও বড়ায়ী মনে জাগ্রত রেখে অত্যন্ত বিনয় ও খুশি খুশুর সাথে প্রবেশ করুন।

* প্রবেশের সময় কা'বা শরীফ প্রথমে নজরে আসলেই তখন তিনবার পড়ুন **اللَّهُ أَكْبَرُ لَا إِلَهَ إِلَّا اللَّهُ** এরপর দাঁড়িয়ে বুক পর্যন্ত হাত তুলে আপনার আবেগ থেকে যে দু'আ আসে আল্লাহর কাছে তা প্রার্থনা করুন। এ মুহূর্ত দু'আ কবুল হওয়ার একটি বিশেষ মুহূর্ত। এ মুহূর্তে এ দু'আটি পড়াও মোস্তাহাব-

أَعُوذُ بِرَبِّ الْبَيْتِ مِنَ الدَّيْنِ وَالْفَقْرِ وَمِنْ ضَيْقِ الصَّدْرِ وَعَذَابِ الْقَبْرِ۔

অর্থাৎ, আমি এই গৃহের রবের কাছে পানাহ চাই ঋণী হওয়া, দরিদ্র হওয়া, মন সংকুচিত হওয়া এবং কবরের আযাব থেকে।

* বায়তুল্লাহ (কা'বা শরীফ) প্রথমে নজরে আসার সময় পারলে এ দু'আটিও পড়ুন-

اللَّهُمَّ زِدْ هَذَا الْبَيْتَ تَشْرِيفًا وَتَعْظِيمًا وَتَكْرِيمًا وَمَهَابَةً ، وَزِدْ مِنْ شَرَفِهِ وَكَرَمِهِ مِمَّنْ حَجَّهَ وَاعْتَمَرَهُ تَشْرِيفًا وَتَكْرِيمًا وَتَعْظِيمًا وَبِرًّا ، اللَّهُمَّ أَنْتَ السَّلَامُ وَمِنْكَ السَّلَامُ فَحَيِّنَا رَبَّنَا بِالسَّلَامِ ۔

* মসজিদে হারামে প্রবেশ করে সুন্নাতে মুয়াক্কাদা পড়তে হলে পড়ুন নতুবা তওয়াফ শুরু করুন। এখানে দুখূলুল মসজিদ (দুই রাকআত) পড়া নিয়ম নয়। তবে তওয়াফ করতে গেলে ফরয নামায কাযা হওয়ার বা জামা'আত ছুটে যাওয়ার বা মোস্তাহাব ওয়াক্ত চলে যাওয়ার আশংকা হলে তওয়াফের স্থলে দুই রাকআত দুখূলুল মসজিদ পড়ে নেয়া চাই, যদি মাকরুহ ওয়াক্ত না হয়।

তওয়াফের তরীকা ও মাসায়েল

* তওয়াফ শুরু করার পূর্ব মুহূর্তে চাদরের ডান অংশকে ডান বগলের নীচে দিয়ে নিয়ে বাম কাঁধের উপর রেখে দিন। এরূপ করাকে 'এজতেবা' বলে। সম্পূর্ণ তওয়াফে এরূপ রাখতে হবে। এই এজতেবা করা সুন্নাত। তওয়াফ অবস্থা ব্যতীত অন্য কোন সময় এজতেবা' করবেন না। যে তওয়াফের পর সায়ী নেই সে তওয়াফেও এজতেবা' করবেন না। নফল তওয়াফের পর যেহেতু সায়ী নেই, তাই নফল তওয়াফেও এজতেবা' হবে না।

* অতঃপর কা'বা শরীফের দিকে ফিরে হাজরে আসওয়াদকে ডান দিকে রেখে দাঁড়ান অর্থাৎ, হাজরে আসওয়াদ বরাবর মসজিদে হারামের গায়ে যে সবুজ বাতি আছে সেটাকে পিছনে ডান পার্শ্বে রেখে এমনভাবে দাঁড়ান, যেন হাজরে আসওয়াদ ডান কাঁধ বরাবর থাকে এবং এ পর্যন্ত যে তালবিয়া পড়ে আসছিলেন তা পড়া বন্ধ করুন। এই এহ্রাম শেষ হওয়া পর্যন্ত আর তালবিয়া পড়বেন না। তবে কেব্রান ও ইফরাদ হজ্জকারী তওয়াফ সায়ীর পর থেকে আবার তালবিয়া চালু করবেন।

* তারপর তওয়াফের নিয়ত করুন। নিয়ত করা শর্ত। শুধু এতটুকু নিয়ত করলেই যথেষ্ট যে, হে আল্লাহ! আমি তোমার ঘর তওয়াফ করার নিয়ত করছি, তুমি তা সহজ করে দাও এবং কবুল কর। তবে কোন্ তওয়াফ-উমরার তওয়াফ, না তওয়াফে যিয়ারত না বিদায়ী তওয়াফ না নফল তওয়াফ? ইত্যাদি নির্দিষ্ট করে নিয়ত করা উত্তম।

* আরবীতে নিয়ত করতে চাইলে এভাবে করা যায়-

اللَّهُمَّ إِنِّي أُرِيدُ طَوَافَ بَيْتِكَ الْحَرَامِ فَيَسِّرْهُ لِي وَتَقَبَّلْهُ مِنِّي -

অর্থাৎ, হে আল্লাহ! আমি তোমার ঘরের তওয়াফ করার নিয়ত করছি, তুমি সহজ করে দাও এবং কবুল করে নাও।

* নিয়ত করার পর বায়তুল্লাহর দিকে ফেরা অবস্থায়ই ডান দিকে এতটুকু চলুন যেন হাজ্জের আসওয়াদ ঠিক আপনার বরাবর হয়ে যায়। অতঃপর নামাযের তাকবীরে তাহরীমার ন্যায় দুই হাত কান পর্যন্ত (মহিলাগণ সিনা পর্যন্ত) উঠিয়ে হাজ্জের আসওয়াদের দিকে মুখ করে পড়ুন-

بِسْمِ اللَّهِ اللَّهُ أَكْبَرُ لَا إِلَهَ إِلَّا اللَّهُ وَلِلَّهِ الْحَمْدُ ، وَالصَّلَاةُ وَالسَّلَامُ عَلَى رَسُولِ اللَّهِ - أَللَّهُمَّ إِيْمَانًا بِكَ ، وَتَصَدِيقًا بِكِتَابِكَ ، وَوَفَاءً بِعَهْدِكَ ، وَاتِّبَاعًا لِسُنَّةِ نَبِيِّكَ مُحَمَّدٍ صَلَّى اللَّهُ تَعَالَى عَلَيْهِ وَسَلَّمَ -

* তারপর হাত নামিয়ে ফেলুন।

* তারপর ধাক্কাধাক্কি করে কাউকে কষ্ট দেয়া ছাড়া সম্ভব হলে হাজ্জের আসওয়াদকে চুমু দিন। এই চুমু দেয়া সুন্নাত। তিনবার চুমু দেয়া মোস্তাহাব। চুমুতে যেন শব্দ না হয়। প্রতিবার চুমু দেয়ার পর মাথা হাজ্জের আসওয়াদের উপর রাখাও মোস্তাহাব। ভিড়ের কারণে চুমু দেয়া সম্ভব না হলে হাত দ্বারা হাজ্জের আসওয়াদ স্পর্শ করে হাতে চুমু দিন। তাও সম্ভব না হলে কোন লাঠি থাকলে তা দ্বারা স্পর্শ করে তাতে চুমু দিন। তাও সম্ভব না হলে দুই হাতের তালু দিয়ে হাজ্জের আসওয়াদের দিকে ইশারা করে দুই হাতেই চুমু খান। হাত দ্বারা ইশারা করার সময় হাত এতটুকু উঠাবেন যে, হাতের তালু হাজ্জের আসওয়াদের দিকে থাকবে এবং হাতের পিঠ চেহারার দিকে থাকবে। এ সময় নিম্নোক্ত দু'আ পড়ুন-

اللَّهُ أَكْبَرُ لَا إِلَهَ إِلَّا اللَّهُ وَالْحَمْدُ لِلَّهِ ، وَالصَّلَاةُ عَلَى سَيِّدِ الْمُصْطَفَى صَلَّى اللَّهُ عَلَيْهِ وَسَلَّمَ -

তবে উল্লেখ্য যে, আজকাল অনেকে হাজ্জের আসওয়াদ, মূলতায়াম, রুক্‌নে ইয়ামানী প্রভৃতি স্থানে সুগন্ধি মেখে গিয়ে থাকেন তাই এহরামের অবস্থায় যে তাওয়াফ হয় তাতে সরাসরি এ সব স্থান স্পর্শ করা থেকে বিরত থাকা উচিত। আরও মনে রাখা দরকার যে, হাজ্জের আসওয়াদের চতুর্পার্শ্বে যে রূপার বেষ্টনী রয়েছে তাতে চুমু দেয়া বা মাথা কিংবা হাত রাখা জায়েয নয়।

* চুমু দেয়ার পর পা শক্ত রেখে একটু ডান দিকে ঘুরুন। এখন কা'বা শরীফ আপনার বাম দিকে হয়ে যাবে। এভাবে কা'বা শরীফ বাম দিকে রেখে তওয়াফ আরম্ভ করতে হবে+কখনও যেন বুক কা'বা শরীফের দিকে ফিরিয়ে

তওয়াফ না হয়। দুই এক কদমও যেন এমন না হয়। এমন হলে সেই পরিমাণ জায়গা পিছে এসে কা'বা শরীফকে বাম দিকে রেখে পুনরায় সামনে অগ্রসর হবেন। তওয়াফের সময় কা'বা শরীফের দিকে দৃষ্টিও ফেরাবেন না। তওয়াফের সাত চক্করের মধ্যে প্রথম তিন চক্করে বীরের ন্যায় বুক ফুলিয়ে কাঁধ দুলিয়ে ঘন ঘন কদম ফেলে কিছুটা দ্রুত গতিতে চলতে হবে। এরূপ করাকে 'রমল' বলা হয়। রমল করা সুন্নাত। তবে যে তওয়াফের পর সায়ী নেই সে তওয়াফে রমলও নেই। রমল ও এজতেবা শুধু পুরুষের জন্য-মহিলাদের জন্য নয়।

* তওয়াফ হাতীমের বাইরে দিয়ে করা ওয়াজিব।

* ভিড় না থাকলে এবং কাউকে কষ্ট দেয়া না হলে পুরুষের জন্য যথা সম্ভব বায়তুল্লাহর কাছাকাছি দিয়ে তওয়াফ করা উত্তম। মহিলাদের জন্য পুরুষদের থেকে দূরে থেকে, এমনভাবে তাদের জন্য রাতে তওয়াফ করা উত্তম।

* প্রথম চক্করে রুকনে ইয়ামানীতে (কা'বা শরীফের দক্ষিণ পশ্চিম কোণে) পৌঁছার পূর্বে বিভিন্ন দু'আ পড়া হয়ে থাকে; রসূলুল্লাহ সাল্লাল্লাহু আলাইহি ওয়াসাল্লাম থেকে সে সব দু'আ বর্ণিত নেই- তবে সে সব দু'আ পড়া যায় বা অন্য যে কোন দু'আ করা যায়, যে কোন যিকির করা যায়। সাত চক্করে এরকম বিভিন্ন দু'আ বর্ণিত আছে, সবগুলো সম্পর্কেই এ কথা। দু'আ কিতাব দেখেও পড়া যায়।

* রুকনে ইয়ামানীতে পৌঁছে সম্ভব হলে দুই হাতে কিংবা শুধু ডান হাতে রুকনে ইয়ামানী স্পর্শ করা মোস্তাহাব। চুমু খাবেননা বা হাতের দ্বারা স্পর্শ করে তাতে চুমু খাবেননা বা স্পর্শ করা সম্ভব না হলে দূর থেকে ইশারাও করবেননা।

* তারপর রুকনে ইয়ামানী থেকে হাজ্জের আসওয়াদের কোণে যাওয়া পর্যন্ত নিম্নোক্ত দু'আ পড়া মোস্তাহাব। প্রত্যেক চক্করেই এই স্থানে এ দু'আটি পড়তে হয়।

رَبَّنَا إِنَّا فِي الدُّنْيَا حَسَنَةٌ وَفِي الْآخِرَةِ حَسَنَةٌ وَقَدْ آذَابَ النَّارِ يَا عَزِيزُ يَا غَفَّارُ يَا رَبَّ الْعَالَمِينَ -

* তারপর হাজ্জের আসওয়াদ বরাবর পৌঁছলে এক চক্কর পূর্ণ হয়ে গেল। এখন সম্ভব হলে بِسْمِ اللَّهِ اللَّهُ أَكْبَرُ বলে আবার পূর্বের নিয়মে হাজ্জের আসওয়াদে চুমু খাবেন বা হাতে স্পর্শ করে বা ইশারা করে হাতে চুমু খাবেন। প্রত্যেক চক্করের শুরুতেই এভাবে চুমু খাবেন, তবে প্রথম বারের-ন্যায়-হাত

কান পর্যন্ত উঠাবেন না, এটা শুধু তওয়াফ শুরু করার সময়েই করতে হয়। তবে চুমু খাওয়ার জন্য হাত দ্বারা ইশারা করতে হলে পূর্বের নিয়মে তা করবেন। চুমু খাওয়ার পর দ্বিতীয় চক্র শুরু করবেন এবং পূর্বের ন্যায় রুক্নে ইয়ামানীতে সম্ভব হলে হাত দ্বারা স্পর্শ করবেন। তারপর রক্বানা আতিনা ... পড়তে পড়তে হাজ্জের আসওয়াদ বরাবর পৌঁছবেন, এভাবে দ্বিতীয় চক্র পূর্ণ হয়ে গেল, এভাবে সাত চক্র শেষ হওয়ার পর আবার হাজ্জের আসওয়াদে পূর্বের মত চুমু খাবেন। এটা হবে অষ্টম বার চুমু খাওয়া। এখন আপনার তওয়াফ শেষ হল। এখন চাদরের এজতেবা খুলে ডান কাঁধ ঢেকে নিন।

* সম্পূর্ণ তওয়াফ উযু অবস্থায় হতে হবে। প্রথম চার চক্র পর্যন্ত উযু ছুটে গেলে উযু করে আবার প্রথম থেকে তওয়াফ শুরু করতে হবে। আর যদি চার চক্রের পর উযু ছুটে, তাহলে উযু করে আবার প্রথম থেকেও তওয়াফ শুরু করা যায়, কিংবা যেখান থেকে উযু ছুটেছে সেখান থেকেও বাকীটা পূর্ণ করে নেয়া যায়। তওয়াফে হায়েয নেফাস অবস্থা থেকেও পবিত্র হতে হবে।

* তওয়াফ শেষ করার পর যদি বেশী ভীড় ও ধাক্কাধাক্কি না হয়, তাহলে হাজ্জের আসওয়াদ ও কা'বা ঘরের দরজার মধ্যবর্তী স্থানকে (এ স্থানকে 'মুলতায়াম' বলা হয়।) আঁকড়ে ধরবেন, বুক এবং চেহারা দেয়ালের সাথে লাগাবেন এবং উভয় হাত উপরে উঠিয়ে দেয়ালে স্থাপন করে খুব কাকুতি মিনতি সহকারে দুআ করবেন। এটা দুআ কবুলের স্থান। এ স্থানে একরূপ দুআ করা সুন্নাত।

* তারপর কা'বা শরীফের দরজা মোবারকের চৌকাঠ ধরে খুব দুআ করুন। সম্ভব হলে গেলাফ আঁকড়ে ধরে খুব কান্নাকাটি করুন। তবে এহরাম অবস্থায় থাকলে এসব স্থানে সতর্ক থাকতে হবে যেন কা'বা শরীফের গেলাফ মাথায় না লাগে। এমনিভাবে এসব সুন্নাত আদায় করতে গিয়ে ধাক্কাধাক্কি করে কাউকে কষ্ট দেওয়া অন্যায়, কেননা কাউকে কষ্ট দেয়া হারাম। একরূপ কষ্ট পাওয়ার আশংকা থাকলে এসব ছেড়ে দিতে হবে। মহিলাদের পর্দা ও শালীনতা রক্ষার স্বার্থেও এ থেকে এবং কা'বা শরীফের দরজা মোবারকের চৌকাঠ ধরে দুআ করা থেকে বিরত থাকা উচিত। কারণ মোস্তাহাব আদায় করার চেয়ে পর্দার ফরয রক্ষা করা বেশী গুরুত্বপূর্ণ।

* তারপর দুই রাকআত নামায পড়া ওয়াজিব, এটাকে সালাতুত্তওয়াফ বা তওয়াফের নামায বলে। এই নামায 'মাকামে ইবরাহীম'-এর পিছনে পড়া মোস্তাহাব। ভীড়ের কারণে সেখানে পড়া সম্ভব না হলে আশে পাশে পড়ে নিবেন তাও সম্ভব না হলে দূরবর্তী যেখানে সম্ভব পড়ে নিবেন। তখন নিষিদ্ধ বা

মাকরুহ ওয়াক্ত না হলে তওয়াফ শেষ হওয়ার সাথে সাথে এ নামায পড়ে নেয়া সুন্নাত। আর তখন নিষিদ্ধ ওয়াক্ত বা মাকরুহ ওয়াক্ত হলে তখন পড়বেননা বরং পরে সহীহ ওয়াক্তে পড়ে নিতে হবে। মাকামে ইবরাহীমের দিকে যাওয়ার সময় এই পড়তে পড়তে যাবেন-

وَاتَّخِذُوا مِنْ مَّقَامِ إِبْرَاهِيمَ مُصَلًّى -

এই নামাযে প্রথম রাকআতে সূরা কাফিরুন এবং দ্বিতীয় রাকআতে সূরা এখলাস পড়ুন। এই নামাযের পরও দুআ কবুল হয়ে থাকে। 'মাকামে ইবরাহীম' একটি বেহেশতী পাথরের নাম, যার উপর দাঁড়িয়ে হযরত ইবরাহীম (আঃ) কা'বা শরীফের উঁচু দেয়াল নির্মাণ করেছিলেন। তখন প্রয়োজন অনুসারে এ পাথরটি আপনা আপনি উপরে নীচে উঠানামা করত। এ পাথরের গায়ে হযরত ইবরাহীম (আঃ)-এর কদম মুবারকের চিহ্ন রয়েছে। পাথরটি কা'বা শরীফের পূর্ব দিকে একটি পিতলের জালির মধ্যে রাখা অবস্থায় সংরক্ষিত আছে।

* তওয়াফের দুই রাকআত নামায পড়ার পর যমযম কুয়ার নিকট গিয়ে যমযমের পানি পান করা এবং দুআ করা মোস্তাহাব। এটাও দুআ কবুল হওয়ার স্থান। (উল্লেখ্যঃ আজকাল যমযম কুয়ার নিকটে যাওয়া যায়না, সেক্ষেত্রে আশপাশ থেকেই যমযমের পানি পান করে নিন।)

* যমযমের পানি কা'বা শরীফের দিকে মুখ করে পান করা মোস্তাহাব। এ পানি দাঁড়িয়ে বসে উভয় ভাবে পান করা যায় (أى ج/ ۱)। যমযমের পানি পান করার সময় নিম্নোক্ত দুআ পড়তে হয়-

اَللّٰهُمَّ اِنِّىْ اَسْأَلُكَ عِلْمًا نَافِعًا وَرِزْقًا وَاسِعًا وَشِفَاءً مِنْ كُلِّ دَاءٍ -

অর্থঃ হে আল্লাহ, আমি তোমার নিকট চাই উপকারী জ্ঞান এবং প্রশস্ত রিযিক, আর সব রোগ-ব্যাদি থেকে শেফা।

এ পর্যন্ত তওয়াফ ও তার আনুষঙ্গিক কার্যাবলী সম্পন্ন হল।

সায়ীর তরীকা ও মায়েল

(সাফা ও মারওয়া নামক দু'টি পাহাড়ের মাঝে বিশেষ নিয়মে সাতটা চক্রর দেয়াকে সায়ী বলা হয়।)

* তওয়াফ ও তার আনুষঙ্গিক কার্যাবলী শেষ করার পর সায়ী করার উদ্দেশ্যে ছাফা পাহাড়ের দিকে অগ্রসর হওয়ার পূর্বে হাজরে আসওয়াদকে তওয়াফে বর্ণিত নিয়ম অনুযায়ী চুমু দিয়ে যাবেন। এটা মোস্তাহাব। এটা হবে নবম চুমু দেয়া।

* তওয়াফের পর বিলম্ব না করেই সাযী করা সুন্নাত।

* সাযী করার জন্য 'বাবুস সাফা' অর্থাৎ, সাফা দরজা দিয়ে বের হওয়া মোস্তাহাব। অন্য যে কোন দরজা দিয়ে বের হওয়া জায়েয। মনে রাখতে হবে এখান থেকে বের হওয়ার সময় মসজিদ থেকে বের হওয়ার নিয়ম ও দুআগুলোও আমল করতে হবে। তার জন্য দেখুন ১৭৫ পৃষ্ঠা।

* তারপর সাফা পাহাড়ের নিকটবর্তী গিয়ে এই দু'আ পড়া মোস্তাহাব-

أَبْدَأُ بِمَا بَدَأَ اللَّهُ بِهِ إِنَّ الصُّفَا وَالْمَرْوَةَ مِنْ شَعَائِرِ اللَّهِ -

* সাফা পাহাড়ের এতটুকু উঁচুতে উঠবেন যেন বাবুস সাফা দিয়ে কা'বা শরীফ নজরে আসে, এর চেয়ে বেশী উপরে উঠা নিয়মের খেলাফ বরং এতটুকুই উপরে উঠা সুন্নাত।

* কা'বা শরীফ নজরে আসলে কা'বার দিকে নজর করে দু'আ করার সময় যে রকম হাত উঠানো হয় সে রকম করে দুই হাত কাঁধ বরাবর উঠিয়ে (কান পর্যন্ত হাত উঠানো ভুল এবং সুন্নাতের খেলাফ) তিন বার আওয়াজ সহকারে নিম্নোক্ত দু'আ পড়ুন। এটা মোস্তাহাব।

الْحَمْدُ لِلَّهِ اللَّهُ أَكْبَرُ لَا إِلَهَ إِلَّا اللَّهُ -

তারপর আস্তে দুরুদ শরীফ পাঠ করে নিজের জন্য এবং সকলের জন্য দু'আ করুন। এটাও দু'আ কবুল হওয়ার স্থান।

* সাযীর নিয়ত করে নেয়াও উত্তম।

* অতঃপর দু'আ কালাম পাঠ করতে করতে মারওয়ার দিকে অগ্রসর হোন। যথাসম্ভব মধ্যবর্তী জায়গা দিয়ে সাযী করার চেষ্টা করবেন। স্বাভাবিক গতিতে চলতে থাকুন। মাঝখানে সবুজ দুই স্তম্ভ নজরে পড়বে, এই স্তম্ভদ্বয়ের মধ্যবর্তী স্থানটুকু পুরুষের জন্য কিছুটা দ্রুত গতিতে চলা সুন্নাত-একেবারে দৌড়ে নয়। নারীগণ এ স্থানেও স্বাভাবিক গতিতে চলবেন। এ সময় নিম্নোক্ত দু'আ পড়ুন-

رَبِّ اغْفِرْ وَارْحَمْ أَنْتَ الْأَعَزُّ الْأَكْرَمُ -

অর্থাৎ, হে আমার রব, তুমি ক্ষমা কর এবং রহমত দান কর, তুমিতো সবচেয়ে বেশী মর্যাদাশালী। সবচেয়ে বড় মেহেরবান!

পুরুষগণ ভীড়ের কারণে দ্রুত চলা সম্ভব না হলে ভীড় কমান অপেক্ষা করবেন। এই মধ্যবর্তী স্থানটুকু পার পাওয়ার পর আবার স্বাভাবিক গতিতে

চলতে চলতে মারওয়া পাহাড়ে পৌঁছান। মারওয়া পাহাড়ের সামান্য উঁচুতে উঠে কা'বামুখী হয়ে পূর্বের ন্যায় হাত উঠিয়ে তিনবার নিম্নোক্ত দুআ পড়ুন এবং অন্যান্য দুআ করুন। এই মারওয়া পাহাড়েও বেশী উপরে উঠা নিষেধ।

اَلْحَمْدُ لِلّٰهِ اَللّٰهُ اَكْبَرُ لَا اِلٰهَ اِلَّا اللّٰهُ -

* সাফা থেকে এই মারওয়া পর্যন্ত আপনার এক চক্রর হয়ে গেল। আবার এখান থেকে সাফা পর্যন্ত পূর্বের নিয়মে যাবেন তাতে দ্বিতীয় চক্রর হয়ে যাবে। এভাবে সাত চক্রর দিবেন, তাতে মারওয়ার উপর এসে আপনার সপ্তম চক্রর শেষ হবে। সাফা থেকে আবার সাফা পর্যন্ত এক চক্রর হিসেব করবেন না, তাতে চৌদ্দ চক্রর হয়ে যাবে- সেটা ভুল।

* মহিলাগণ মাসিক অবস্থায় সাযী করতে পারেন। তবে পবিত্র হওয়ার পরই সাযী করা সুন্নাত।

* সাযীর চক্রর কয়টা হল এ নিয়ে সন্দেহ হলে কমটা ধরে নিয়ে বাকীটা পূর্ণ করতে হবে।

* উপরে দ্বিতীয় তলায় এবং ছাদেও সাযীর জন্য ব্যবস্থা রয়েছে, সেখানেও সাযী করা যেতে পারে।

* সাযীর সপ্তম চক্রর শেষ হওয়ার পর মসজিদে হারামের ভিতর এসে দুই রাকআত নফল নামায পড়া মোস্তাহাব, যদি মাকরুহ ওয়াজু না হয়।

এ পর্যন্ত আপনার সাযীর কার্যাবলী শেষ হল। যদি এটা আপনার উমরার সাযী হয়ে থাকে তাহলে এখন আপনি মাথা মুগুন করে বা চুল ছেঁটে এহরাম খুলতে পারেন।

মাথা মুগুন করা বা চুল ছাঁটার মাসায়েল

* এহরাম খোলার জন্য মাথা মুগুনো বা চুল ছাঁটা ওয়াজিব। মাথা মুগুনোকে 'হলক' এবং চুল ছাঁটাকে 'কছর' বলা হয়। চুল ছাঁটার চেয়ে মাথা মুগুনো উত্তম।

* মাথার কম পক্ষে এক চতুর্থাংশ চুল মুন্ডালে বা ছাঁটালে ওয়াজিব আদায় হয়ে যাবে তবে তা মাকরুহ তাহরীমী। বরং পুরো মাথা মুন্ডানো বা পুরো মাথার চুল ছাঁটাই মোস্তাহাব বা উত্তম।

* মহিলাদের জন্য মাথা মুন্ডানো হারাম। তারা কছর করবেন অর্থাৎ, চুল ছাঁটাবেন।

* চুল ছাঁটার ক্ষেত্রে চুলের লম্বার দিক থেকে আঙ্গুলের এক কড়া পরিমাণ ছাঁটা জরুরী; সাবধানতার জন্য একটু বেশী ছেঁটে নিতে হবে। পুরুষের চুল যদি এত ছোট হয় যে, আঙ্গুলের এক কড়া পরিমাণ ছাঁটা যায় না, তাহলে মুভানো জরুরী। মাথায় চুল একেবারে না থাকলে মাথার উপর দিয়ে ক্ষুর বা ব্লেড শুধু চালিয়ে নিতে হবে।

* মাথা মুভানো বা চুল ছাঁটার সময় কেবলামুখী হয়ে বসে নিজের ডান দিক থেকে মুভানো বা ছাঁটানো শুরু করতে বা করাতে পারলে উত্তম।

* নাপিত দ্বারা বা নিজেই চুল মুভানো বা ছাঁটা যায়। আপনার মত যার এখন মাথা মুন্ডিয়ে বা চুল ছেঁটে হালাল হওয়ার মুহূর্ত, তার দ্বারাও মুভানো বা ছাঁটানো যায়।

* হলক বা কছুর করা হলেই এহরাম শেষ হয়ে যাবে। এখন এহরামের অবস্থায় যা নিষিদ্ধ ছিল তা হালাল হয়ে যাবে।

৮ই যিলহজ্জ মিনায় গমন ও তথায় অবস্থানের মাসায়েলঃ

৭ই যিলহজ্জ জোহর বা জুমুআর নামাযের পর হারাম শরীফে হজ্জের নিয়মাবলীর উপর খুতবা দেয়া হলে তা গুনুন এবং মর্ম বুঝতে না পারলে কারও থেকে বুঝে নিন।

* ৮ই যিলহজ্জ থেকে হজ্জের প্রস্তুতি শুরু হবে। হজ্জের এহরাম বাধা না থাকলে এহরাম বাধতে হবে। এহরাম বাধার নিয়ম পূর্বে বর্ণিত হয়েছে। মসজিদে হারামে গিয়ে এই এহরাম বাধা মোস্তাহাব। এহরাম বেধে মিনায় যেতে হবে। আজকাল ৭ই যিলহজ্জ দিবাগত রাতেই মুআল্লিমের গাড়ীতে হাজীদেরকে মিনায় পৌঁছানোর কাজ শুরু হয়, তাই যারা মুআল্লিমের গাড়ীতে মিনায় যাবেন তারা ৭ই তারিখেই এহরাম বেধে নিবেন। এহরামের পর তালবিয়া শুরু হবে। তওয়াফে যিয়ারত-এর পর (ওয়াজিব) সায়ী করার সময় প্রচণ্ড ভীড় হতে পারে, সেই ভীড়ে সায়ী করতে না চাইলে এখন এহরামের পর একটি নফল তওয়াফ করে সেই সায়ী অগ্রিম করে নিতে পারেন। একরূপ করলে পুরুষদের জন্য এই নফল তওয়াফে রমল ও এজতেবাবও করতে হবে। তবে তামাত্তু ও ইফরাদ হজ্জকারীর জন্য তওয়াফে যিয়ারতের সায়ী অগ্রিম না করে তওয়াফে যিয়ারতের পরেই করা উত্তম।

* ৮ই যিলহজ্জের জোহর, আসর মাগরিব, ইশা এবং ৯ই যিলহজ্জের ফজর সর্বমোট এই পাঁচ ওয়াক্ত নামায মিনায় পড়া মোস্তাহাব এবং এ সময়ে

মিনায় অবস্থান করা সুন্নাত। মিনায় যথাসম্ভব মসজিদে খায়েফের কাছাকাছি অবস্থান করা উত্তম।

* ৮ই যিলহজ্জের পূর্বে যদি আপনি মক্কা শরীফে মুকীম হিসেবে অন্ততঃ ১৫ দিন অবস্থান করে থাকেন তাহলে মিনায় এমনভাবে আরাফায় এবং মুয়দালিফায়ও পুরা নামায পড়বেন, আর তা না হলে এসব স্থানেও কছরের বিধান চলবে।

৯ই যিলহজ্জ আরাফায় গমন ও উকুফে আরাফার মাসায়েল

* ৯ই যিলহজ্জ পূর্বের আকাশ বেশ উজালা হওয়ার পর ফজরের নামায পড়ে সূর্যোদয়ের সামান্য কিছু পর আরাফার উদ্দেশ্যে রওয়ানা হতে হবে। এখানে আরও একটি মাসআলা স্মরণ রাখতে হবে- ৯ই যিলহজ্জ থেকে ১৩ই যিলহজ্জের আসর পর্যন্ত সর্বমোট ২৩ ওয়াক্ত ফরয নামাযের পর তাকবীরে তাশরীক বলা ওয়াজিব। এ সম্পর্কিত বিস্তারিত মাসায়েল জানার জন্য দেখুন ৩৪৫ পৃষ্ঠা। নামাযের পর প্রথম তাকবীরে তাশরীক বলবেন তারপর তালবিয়া পড়বেন।

* আরাফায় যাওয়ার পথে তালবিয়া পড়তে পড়তে, দুআ ও যিকির করতে করতে, অত্যন্ত খুশি খুশুর সাথে চলতে থাকুন।

* আরাফার ময়দানে অবস্থিত জাবালে রহমতের উপর দৃষ্টি পড়তেই এই দুআ পড়া মোস্তাহাব-

اَللّٰهُمَّ اِنِّیْ تَوَجَّهْتُ اِلَیْكَ ، وَعَلَيْكَ تَوَكَّلْتُ ، وَوَجَّهْتُ اَرَدْتُ ، اَللّٰهُمَّ
اغْفِرْ لِّیْ وَتُبْ عَلَیَّ ، وَاَعْظِیْ سُوْلَیَّ ، وَوَجِّهْ لِّیْ الْخَیْرَ حَیْثُ تَوَجَّهْتُ ،
سُبْحَانَ اللّٰهِ وَالْحَمْدُ لِلّٰهِ وَلَا اِلٰهَ اِلَّا اللّٰهُ وَاللّٰهُ اَكْبَرُ -

* এ সময় দুআ করুন। এটা দুআ কবুল হওয়ার সময়।

* তারপর তালবিয়া পড়তে পড়তে আরাফার ময়দানে প্রবেশ করুন।

* আরাফার ময়দানে জাবালে রহমত পাহাড়ের কাছাকাছি অবস্থান করতে পারলে ভাল, তবে পাহাড়ে আরোহণ করবেন না। ‘বাতনে উরনা’ (আরাফার ময়দানের একটি অংশের নাম, যার কিছু অংশ মসজিদে নামিয়ার ভিতর কেবলার দিকে পড়েছে) ব্যতীত আরাফার যে কোন স্থানে অবস্থান করা যায়।

* সূর্য ঢলা থেকে উকূফে আরাফা শুরু এবং সূর্য অস্ত গেলে উকূফে আরাফা শেষ হবে। উকূফে আরাফা হজ্জের অন্যতম ফরয।

* আরাফায় পৌছার পর তালবিয়া, দুআ ও দুরূদ শরীফ পাঠ বেশী বেশী করতে থাকবেন, সূর্য ঢলার পূর্বেই খানা পিনা থেকে ফারেগ হয়ে যাবেন। সূর্য ঢলার পর গোসল করা উত্তম, না পারলে অন্ততঃ উযু করে নিবেন।

* যারা তাবুতে নামায পড়বেন তারা জোহরের ওয়াক্তে জোহর এবং আসরের ওয়াক্তে আসরের নামায পড়বেন। মসজিদে নামিরায জোহরের এবং আসরের নামায একত্রে জোহরের ওয়াক্তে পড়ে নেয়া হয়, কতিপয় শর্ত সাপেক্ষে একরূপ করা জায়েয। তবে আজকাল মিনা, আরাফা ও মুযদালিফায় সৌদি সরকার কর্তৃক নির্ধারিত ইমাম মুকীম হওয়া সত্ত্বেও কসর পড়ে থাকেন, একরূপ অবস্থায় হানাফী মাযহাব অনুসারীদের নামায তাদের পিছনে সহীহ হবে না।

* উকূফে আরাফার সময় যথা সম্ভব দাঁড়িয়ে থাকা এবং দাঁড়িয়ে দাঁড়িয়ে তালবিয়া, তাসবীহ-তাহলীল, দুরূদ পাঠ ও দুআ করতে থাকা মোস্তাহাব। না পারলে বসে বসে বা শুয়ে শুয়ে এগুলো করলেও চলবে। নিদ্রা এসে গেলেও অসুবিধা নেই, তবে বিনা ওজরে নিদ্রা যাওয়া মাকরুহ।

* মহিলাগণ হায়েয/নিফাস অবস্থায় থাকলেও উকূফে আরাফা করে নিবেন, এতে কোন অসুবিধা নেই।

* সূর্যাস্তের পূর্বে কোনক্রমেই আরাফা ময়দানের সীমানা ত্যাগ করা যাবে না। তাহলে দম দিতে হবে।

* সূর্যাস্ত গেলে মাগরিবের নামায না পড়ে যথাসম্ভব বিলম্ব না করেই মুযদালিফার উদ্দেশ্যে রওয়ানা হতে হবে। বিনা ওজরে রওনা দিতে বিলম্ব করা মাকরুহ। এই মাগরিবের নামায মুযদালিফায় গিয়ে ইশার ওয়াক্তে পড়তে হবে।

মুযদালিফায় গমন ও উকূফে মুযদালিফার মাসায়েল

* (৯ই যিলহজ্জ) সূর্যাস্ত যাওয়ার পর আরাফায় বা রাস্তায় কোথাও মাগরিবের নামায না পড়ে সোজা মুযদালিফার দিকে চলুন। তালবিয়া, গকবীর, দুরূদ ও দুআ পাঠ করতে করতে চলুন।

* ধাক্কাধাক্কিতে কারও কষ্ট হওয়ার আশংকা না থাকলে কিছু দ্রুত গতিতে লা উত্তম। গাড়ীতেও যাওয়া যায়।

* মুযদালিফার নিকটবর্তী যেয়ে গাড়ীতে এসে থাকলে নেমে পায়ে হেটে মুযদালিফায় প্রবেশ করা মোস্তাহাব। সম্ভব হলে মুযদালিফায় প্রবেশের পূর্বে

গোসল করে নেয়া মোস্তাহাব। মুযদালিফায় পৌছে ইশার ওয়াজ্ঞ হলে এক আযান ও এক ইকামতে প্রথমে মাগরিবের ফরয তারপর ইশার ফরয পড়ুন তারপর মাগরিবের ও ইশার সুন্নাত এবং বেতর পড়ুন। (প্রত্যেক ফরয নামাযের পর তাকবীরে তাশরীক পড়ার কথাও স্মরণ রাখবেন) এখানে মাগরিবের নামায ইশার ওয়াজ্ঞে পড়া হলেও কাযার নিয়ত নয় বরং ওয়াজ্জিয়ার নিয়ত করবেন। এখানে উভয় ওয়াজ্ঞের নামায জামা'আত সহকারে পড়া উত্তম।

* মাগরিব ও ইশার নামায পড়ার পর সুব্হে সাদেক পর্যন্ত মুযদালিফায় অবস্থান করা সুন্নাতে মুআক্কাদা। এ রাতে জাগরণ করা এবং নামায, তিলাওয়াত, দুআ ইত্যাদিতে মশগুল থাকা মোস্তাহাব। কারও কারও মতে এ রাতে শবে কদর অপেক্ষাও শ্রেষ্ঠ।

* সুব্হে সাদেক থেকে সূর্য উদয় হওয়া পর্যন্ত অন্ততঃ কিছু সময় মুযদালিফায় অবস্থান করা ওয়াজিব। (মহিলা, বৃদ্ধ ও মা'যুরদের জন্য ওয়াজিব নয়।)

* সুব্হে সাদেক হওয়ার পর উকূফে মুযদালিফার জন্য গোসল করা মোস্তাহাব।

* সুব্হে সাদেক হওয়ার পর আওয়াল ওয়াজ্ঞে ফজরের নামায পড়ে নেয়া উত্তম এবং জামা'আত সহকারে পড়া উত্তম। নামাযের পর যিকির এস্তেগফার ও মুনাজাতে মশগুল থাকবেন। সূর্যোদয়ের ২/৪ মিনিট পূর্বে মুযদালিফা থেকে মিনার উদ্দেশ্যে রওয়ানা হতে হবে।

* পুরুষগণ সুব্হে সাদেকের পূর্বে মুযদালিফা ত্যাগ করলে ওয়াজিব তরক হওয়ার কারণে গোনাহ হবে এবং দম্বও দিতে হবে।

* মুযদালিফা থেকে ছোলা-বুটের সমান ৭০টি কংকর সংগ্রহ করে নিয়ে যাবেন, এগুলো মিনায় জামরাতে নিক্ষেপ করা হবে। এ কংকর মিনা থেকেও সংগ্রহ করা যায়, তবে কংকর নিক্ষেপের জায়গা থেকে নেয়া নিষেধ।

১০ই যিলহজ্জ থেকে ১৩ই যিলহজ্জ পর্যন্ত সময়ের আহকাম

* ১০ই যিলহজ্জ সূর্যোদয়ের কিছু পূর্বে মুযদালিফা থেকে রওনা হয়ে মিনায় এসে সামান্যপত্র সাথে থাকলে তা হেফাযতে রেখে বড় জামরায় (যা মসজিদে খায়েফ থেকে দূরবর্তী এবং মক্কা শরীফের দিকে নিকটবর্তী) ৭টি কংকর নিক্ষেপ করতে হবে। এই কংকর নিক্ষেপ করার সুন্নাত সময় হল ১০ই

ফিলহজ্জ সূর্যোদয় থেকে সূর্য ঢলার পূর্ব পর্যন্ত, আর সূর্য ঢলার পর থেকে সূর্য অস্ত যাওয়া পর্যন্ত হল জায়েয সময় এবং সূর্যাস্ত যাওয়ার পর থেকে পরবর্তী সুব্হে সাদেক পর্যন্ত মাকরুহ সময়, তবে মহিলা ও মায়ূরদের জন্য মাকরুহ নয়।

* কংকর নিষ্ক্ষেপের মোস্তাহাব তরীকা হল : কংকর নিষ্ক্ষেপের সময় যে স্তম্ভে কংকর নিষ্ক্ষেপ করা হবে তার দক্ষিণ দিকে দাঁড়িয়ে মিনাকে ডান দিকে এবং কা'বা শরীফকে বাম দিকে রেখে স্তম্ভের অন্ততঃ পাঁচ হাত দূরে দাঁড়িয়ে (এর চেয়ে কাছে দাঁড়িয়ে কংকর মারা মাকরুহ) ডান হাতের শাহাদাত ও বৃদ্ধাঙ্গুলী দ্বারা এক একটি কংকর ধরে হাত এতটুকু উঁচু করে নিষ্ক্ষেপ করবেন যেন বগল দেখা যায়। প্রতিটি কংকর নিষ্ক্ষেপের সময় 'বিসমিল্লাহি আল্লাহ আকবার' বলবেন। পারলে আরও কয়েকটি বাক্য যোগে নিম্নোক্ত দু'আ পড়বেন-

بِسْمِ اللَّهِ اللَّهُ أَكْبَرُ رَغْمًا لِلشَّيْطَانِ وَرِضًى لِلرَّحْمَنِ اللَّهُمَّ اجْعَلْهُ حَجًّا مَبْرُورًا وَذَنْبًا مَغْفُورًا وَسَعْيًا مَشْكُورًا -

অর্থ : মহান আল্লাহর নামে কংকর মারছি। শয়তানকে অসন্তুষ্ট এবং আল্লাহকে সন্তুষ্ট করার জন্য এটা করছি। হে আল্লাহ! আমার এই হজ্জ কবুল কর, গোনাহ মাফ কর এবং চেষ্টাকে সাফল্যমণ্ডিত কর।

* প্রথম কংকর নিষ্ক্ষেপের পূর্ব মুহূর্ত থেকে তালবিয়া পড়া বন্ধ করে দিতে হবে। এরপর আর তালবিয়া নেই।

* কংকর নিষ্ক্ষেপের সময় সতর্ক থাকতে হবে যেন স্তম্ভের নীচের দিকে চারপাশে কিছুটা উঁচু করে দেয়াল দিয়ে যে ঘেরা আছে কংকরটি তার বাইরে না পড়ে বা সজোরে স্তম্ভে লেগে বাইরে ছিটকে না যায়। যে কংকরটি এ ঘেরার মধ্যে না পড়বে সেটি বাদ বলে গণ্য হবে।

* উপর থেকে বা যে কোন দিক থেকে কংকর নিষ্ক্ষেপ করলেও জায়েয হবে।

* ভীড়ের ভয়ে বা কিছুটা কষ্টের ভয়ে অন্যের মাধ্যমে কংকর নিষ্ক্ষেপ করালে ওয়াজিব আদায় হবে না। তাহলে দম দিতে হবে। অন্যের দ্বারা কংকর নিষ্ক্ষেপ করানো কেবল তখনই সহীহ হবে, যখন কংকর নিষ্ক্ষেপের স্থানে যাওয়ার মত শক্তি সামর্থ্য না থাকে অর্থাৎ, এমন পর্যায়ে অক্ষম যে,

শরী'আতের দৃষ্টিতে বসে নামায পড়া তার জন্য জায়েয হয়। এ পর্যায়ের অপারগ ব্যতীত অন্য কারও পক্ষে অপরের দ্বারা কংকর নিষ্ক্ষেপ করানোর অনুমতি নেই। কংকর নিষ্ক্ষেপের পর জামরার নিকট বিলম্ব না করেই নিজ স্থানে চলে আসবেন।

* কংকর নিষ্ক্ষেপের পর দমে শোকর বা হজ্জের শোকর স্বরূপ কুরবানী করা ওয়াজিব। কুরবানী নিজে গিয়েও করা যায়, কাউকে পাঠিয়েও করানো যায়। তবে ১০ই যিলহজ্জ বড় জামরায় কংকর নিষ্ক্ষেপের পূর্বে কুরবানী করা যায় না, করলে দম ওয়াজিব হবে। ইফরাদ হজ্জকারীদের জন্য এই কুরবানী ওয়াজিব নয় বরং মুস্তাহাব। কুরবানীর অন্যান্য মাসায়েল সাধারণ ঈদুল আযহার কুরবানীর ন্যায়। এর জন্য দেখুন ২৭১-২৭৩ পৃষ্ঠা।

উল্লেখ্য যে, ৭ বা ৮ তারিখ মিনায় রওনা হওয়ার পূর্বে কেউ যদি মক্কায় ১৫ দিন বা তার বেশী অবস্থানের কারণে মুকীম হয়ে গিয়ে থাকে এবং সে ছাহেবে নেছাব হয়, তাহলে হজ্জের কুরবানী ব্যতীত ঈদুল আযহার কুরবানীও তার উপর ওয়াজিব হবে।

* দমে শোকর বা হজ্জের কুরবানী করার পর হলক (মাথা মুগানো) বা কছর করা (চুল ছাঁটা) ওয়াজিব। এই হলক বা কছর বড় জামরায় কংকর নিষ্ক্ষেপ ও কুরবানী করার পরে করা ওয়াজিব, পূর্বে করা যাবে না, করলে দম দিতে হবে। এই হলক বা কছর করার পর এহরামের পোশাক খোলা যাবে এবং এহরামের অবস্থায় যা যা নিষিদ্ধ ছিল তা জায়েয হয়ে যাবে। শুধু তওয়াফে যিয়ারত করার পূর্বে স্ত্রী সম্ভোগ হালাল হবে না। হলক বা কছর সম্পর্কে বিস্তারিত মাসায়েল জানার জন্য দেখুন ৩০০ পৃষ্ঠা।

* তওয়াফে যিয়ারত করা ফরয। ১০ই যিলহজ্জ সুব্হে সাদেক থেকে ১২ই যিলহজ্জ সূর্য অস্ত যাওয়া পর্যন্ত এই তওয়াফ করা যায়। তার পরে করলে মাকরুহ তাহরীমী হবে এবং দম দিতে হবে। তবে মহিলাগণ এই সময়ের মধ্যে হায়েয অবস্থায় থাকার কারণে তওয়াফ করতে না পারলে পরে করবেন, তাতে তাদেরকে দম দিতে হবে না। এই তওয়াফ ১০ই যিলহজ্জেই করে নেয়া উত্তম। তওয়াফের তরীকা ও অন্যান্য মাসায়েল পূর্বে যা বর্ণিত হয়েছে এ তওয়াফের বেলায়ও তা চলবে।

* তওয়াফে যিয়ারতের সায়ী করা ওয়াজিব। তবে পূর্বে তামাত্তুকারী নফল তওয়াফ করে বা ইফরাদ ও কেৱানকারী তওয়াফে কুদূমের পর এই

সায়ী অগ্রিম করে থাকলে আর এখন সায়ী করতে হবে না। যদি পূর্বে এই সায়ী করা হয়ে থাকে তাহলে তওয়াফে যিয়ারতের পর সায়ী থাকবে না, তাই তখন তওয়াফে যিয়ারতে রমলও করতে হবে না। আর তওয়াফে যিয়ারতের পূর্বে এহ্রামের কাপড় খুলে থাকলে এজতেবাও নেই। সায়ীর অন্যান্য মাসায়েল পূর্বে বর্ণিত হয়েছে। দেখুন ২৯৮ পৃষ্ঠা।

* ১০ই যিলহজ্জ দিবাগত রাত মিনায় থাকা সুন্নাত। তাই এই রাতে তওয়াফে যিয়ারত করলে তওয়াফ সেরে মিনায় ফিরে যাবেন।

* ১১ই যিলহজ্জ পর্যায়ক্রমে ছোট জামরা (সর্ব পূর্বের জামরা) তারপর মধ্যম জামরা, তারপর বড় জামরায় ৭টি করে কংকর নিক্ষেপ করবেন। এই কংকর নিক্ষেপ করা ওয়াজিব। ছোট জামরা ও মধ্যম জামরায় কংকর নিক্ষেপের পর ভীড় থেকে একটু দূরে সরে কেবলামুখী হয়ে সুবহানাল্লাহ, আলহামদুলিল্লাহ, লাইলাহা ইল্লাল্লাহু, আল্লাহু আকবার ইত্যাদি পড়বেন এবং দুআ করবেন। তবে বড় জামরায় নিক্ষেপের পর এরূপ করবেন না।

* ১১ই যিলহজ্জ কংকর নিক্ষেপের সময় শুরু হবে সূর্য ঢলার পর থেকে, এর পূর্বে করলে আদায় হবে না। সূর্য ঢলার পর থেকে সূর্য অস্ত যাওয়া পর্যন্ত হল সুন্নাত সময়, আর সূর্য অস্ত যাওয়ার পর থেকে সুবহে সাদেক পর্যন্ত মাকরুহ সময়। তবে দুর্বল, মা'যূর ও মহিলাদের জন্য মাকরুহ নয়। কংকর নিক্ষেপের তরীকা ও মাসায়েল পূর্বে বর্ণিত হয়েছে। ১১ই যিলহজ্জ দিবাগত রাতও মিনায় থাকবেন।

* ১২ই যিলহজ্জ তারিখও ১১ই যিলহজ্জের ন্যায় তিন জামরায় কংকর নিক্ষেপ করা ওয়াজিব। অনেকেই ১২ই যিলহজ্জ তারিখে জলদি জলদি মক্কায় ফিরে যাওয়ার জন্য সূর্য ঢলার পূর্বেই কংকর নিক্ষেপ করে ফেলেন, অথচ এটা না জায়েয। এরূপ করলে পুনরায় সূর্য ঢলার পর তাদেরকে কংকর নিক্ষেপ করতে হবে, নতুবা দম দিতে হবে।

* ১২ই যিলহজ্জ কংকর নিক্ষেপ করে মক্কায় ফিরে যাওয়া জায়েয, তবে ১৩ই যিলহজ্জ কংকর নিক্ষেপ করে তারপর মক্কায় ফিরে যাওয়া উত্তম। ১২ই যিলহজ্জ কংকর নিক্ষেপ করে মক্কায় ফিরতে চাইলে সূর্যাস্তের পূর্বেই মিনা থেকে বের হয়ে যাবেন। সূর্যাস্তের পর ফিরা মাকরুহ। তবে দুর্বল, মা'যূর ও মহিলাগণ সুবহে সাদেকের পূর্ব পর্যন্ত কারাহাত ছাড়াই ফিরতে পারেন। আর যদি মিনার সীমানাতেই সুবহে সাদেক হয়ে যায়, তাহলে সকলেরই জন্যে ১৩ তারিখেও তিন জামরায় কংকর নিক্ষেপ করা ওয়াজিব হয়ে যায়- না করলে দম দিতে হবে।

* ১৩ই যিলহজ্জ যদি সূর্য ঢলার পূর্বেই কংকর নিষ্ক্ষেপ করে মক্কায় ফিরতে চান তা করতে পারেন, কিন্তু তা উত্তম নয় মাকরুহ। এ তারিখেও কংকর নিষ্ক্ষেপ করার সুন্নাত সময় হল সূর্য ঢলার পর থেকে সূর্য অস্ত যাওয়া পর্যন্ত। এ দিন সূর্য অস্ত যাওয়ার পর সময় একেবারেই শেষ হয়ে যায়। অতএব এ দিনের কংকর অবশ্যই সূর্য অস্ত যাওয়ার পূর্বেই করে নিতে হবে।

* ১২ বা ১৩ই যিলহজ্জ কংকর নিষ্ক্ষেপের পর মক্কায় ফেরার সময় সুন্নাত হল ‘মুহাস্সাব’ নামক স্থানে (বর্তমান নাম মু‘আবাদ) কিছুক্ষণ অবস্থান করা। বরং পূর্ণ সুন্নাত হল সেখানে জোহর, আসর, মাগরিব ও ইশার নামায পড়া। অনন্তর কিছুক্ষণ শুয়ে বা নিদ্রা যেয়ে তারপর মক্কায় ফিরে যাওয়া। মক্কায় পৌঁছার পর বিদায়ী তওয়াফ ছাড়া হজ্জের আর কোন জরুরী কাজ বাকী নেই।

* বিদায়ী তওয়াফ করা ওয়াজিব। হায়েয নেফাস সম্পন্ন মহিলাদের জন্য ওয়াজিব নয়, তবে মক্কা থেকে বের হওয়ার পূর্বে পবিত্র হয়ে গেলে ওয়াজিব হয়ে যায়। এ তওয়াফে রমল ও এজতেবা করতে হয় না। এ তওয়াফের পর সাযীও নেই। মক্কা শরীফ থেকে বিদায়ের পূর্ব মুহূর্তে এ তওয়াফ করতে হয়। তওয়াফ শেষে মুল্তাযাম, কা‘বা শরীফের দরজা, হাতীম প্রভৃতি স্থানে দুআ ও যমযমের পানি পান করে সর্বশেষ মুহূর্তে বিরহের বেদনা নিয়ে দুআ করুন, বিশেষভাবে এটাই যেন বায়তুল্লাহর শেষ যিয়ারত না হয়-আবারও যেন আসার তওফীক হয় এই মর্মে দুআ করে বিদায় নিন।

মহিলাদের হায়েযের দিনগুলিতে রওয়ানা হতে হলে, বিদায়ী তওয়াফ না করেই রওয়ানা হবে, তাতে দম দিতে হবেনা। এ অবস্থায় তারা মসজিদে হারামে প্রবেশ না করে যে কোন দরজার দিকে বাইরে দাঁড়িয়ে দুআ করে নিবেন। এভাবে দূর থেকেই কা‘বা শরীফের যিয়ারত করে বিদায় নিবে।

* তওয়াফে যিয়ারতের পর কোন নফল তওয়াফ করে থাকলেও বিদায়ী তওয়াফের ওয়াজিব আদায় হয়ে যায়।

* বিদায়ী তওয়াফের পর আর মসজিদে হারামে যাওয়া যায় না- এ কথাটি ভুল বরং নামাযের সময় হলে সেখানে গিয়ে নামায আদায় করা, সময় সুযোগ হলে আরও নফল তওয়াফ করা জায়েয। অথথা নিজেই এই বরকত থেকে বঞ্চিত রাখা ঠিক নয়। তবে বিদায়ী তওয়াফের পর রওয়ানা করতে বিলম্ব হয়ে গেলে রওয়ানা হওয়ার পূর্ব মুহূর্তে আবার বিদায়ী তওয়াফ করে নেয়া মোস্তাহাব ও উত্তম।

বদলী হজ্জের মাসায়েল

* হজ্জ ফরয হওয়ার পর যে হজ্জ করেনি বা দরিদ্র হয়ে যাওয়ার কারণে বা পঙ্গু, অন্ধ, লেংড়া প্রভৃতি রোগ কিংবা যানবাহনে বসতে অক্ষম হওয়ার মত বৃদ্ধ হওয়ার কারণে বা পথ নিরাপদ না থাকার কারণে বা মহিলার মাহরাম না পাওয়ার কারণে হজ্জ করতে পারেনি মৃত্যুর পূর্বে তার পক্ষ থেকে বদলী হজ্জ করানোর ওছিয়াত করে যাওয়া ওয়াজিব। ওছিয়াত না করলে পাপ হবে। সামান্য অর্থের মায়ায় পড়ে হজ্জ ত্যাগ করা বা ওছিয়াত ত্যাগ করা বড়ই বোকামী।

* মৃত ব্যক্তির পরিত্যক্ত সম্পত্তির এক তৃতীয়াংশের মধ্যে যদি বদলী হজ্জ করানো সম্ভব হয়, তাহলে ওয়ারিছদের উপর ওছিয়াত মোতাবেক বদলী হজ্জ করানো ওয়াজিব। আর এর চেয়ে বেশী অর্থের প্রয়োজন হলে ওয়ারিছগণ রাজী খুশী হয়ে সে পরিমাণ দিতে পারে।

* মৃত ব্যক্তি ওছিয়াত না করে গেলেও যদি তার পক্ষ থেকে তার ওয়ারিছ বা কেউ স্বেচ্ছায় নিজের অর্থ দিয়ে বদলী হজ্জ করায় তবুও আশা করা যায় মৃত ব্যক্তির হজ্জ আদায় হয়ে যাবে।

* বদলী হজ্জ পুরুষদের দ্বারা করানো উত্তম এমন আলেম দ্বারা করানো উত্তম যার আমল ভাল, যিনি হজ্জের মাসায়েল সম্পর্কে ভাল অবগত এবং যিনি নিজের ফরয হজ্জ পূর্বে আদায় করেছেন।

* মৃত ব্যক্তির পক্ষ থেকে নফল হজ্জ বা নফল উমরা অন্যের দ্বারা করানো যায়। এমনকি জীবিত সক্ষম ব্যক্তির পক্ষ থেকেও নফল হজ্জ বা উমরা অন্যের দ্বারা করানো যায়।

* বদলী হজ্জে ইফরাদ হজ্জ করতে হবে। হজ্জ করানোওয়ালা অনুমতি দিলে কেরান হজ্জও করতে পারবে। কিন্তু কেরান হজ্জ করলে কুরবানী (দমে শোকর) হজ্জকারীর নিজের অর্থ থেকে করতে হবে। হজ্জওয়ালা অনুমতি দিলে তার অর্থ থেকেও করা যায়। হজ্জ করানোওয়ালা অনুমতি দিলে বদলী হজ্জে তামাত্তু হজ্জও করা যায়। দলীলের ভিত্তিতে এমতটিই প্রাধান্য পাওয়ার যোগ্য। তবে এ ব্যাপারে ভিন্ন মতও রয়েছে বিধায় এহরাম লম্বা হওয়া জনিত পরিস্থিতি সহিতে পারা যাবে না- এমন না হলে তামাত্তু করা থেকে বিরত থাকাই শ্রেয়।

(جواهر الفقه ج ১/)

* বদলী হজ্জে এহরাম বাঁধার সময় কার পক্ষ থেকে হজ্জের এহরাম বাধা হচ্ছে মুখে সেটা বলে নেয়া উত্তম, যদিও শুধু অন্তরে নিয়ত থাকলেও যথেষ্ট।

নফল উমরা ও নফল তওয়াফের মাসায়েল

* বৎসরের পাঁচ দিন ব্যতীত যে কোন উমরার এহ্রাম বাধা যায়। উক্ত পাঁচ দিন হল ৯ই যিলহজ্জ থেকে ১৩ই যিলহজ্জ।

* রমযানে উমরা করা মোস্তাহাব ও উত্তম। হাদীছ শরীফে এসেছেঃ রমযানে উমরা করা হজ্জের সমতুল্য।

* তামাত্তু হজ্জকারী ব্যক্তি ওয়াজিব উমরা থেকে ফারেগ হওয়ার পর হজ্জের পূর্বে নফল উমরা করতে পারেন।

* এহ্রাম মুক্ত অবস্থায় যত বেশী সম্ভব নফল তওয়াফ করা উত্তম বরং হাজীদের জন্য নফল উমরার চেয়ে নফল তওয়াফ করা অধিক উত্তম।

* নফল তওয়াফে রমল ও এজতেবা নেই এবং তওয়াফের পর সায়ীও নেই। তবে তওয়াফের পর সালাতুত্তওয়াফ দুই রাকআত নামায পড়তে হবে।

* নিজের জন্য বা জীবিত কিংবা মৃত পিতা-মাতা, আরীয়-স্বজন, উস্তাদ, পীর বুয়ুর্গ বা যে কোন ব্যক্তিকে ছওয়াব পৌছানোর জন্য উমরা ও তওয়াফ করা যেতে পারে। রাসূল সাল্লাল্লাহু আলাইহি ওয়াসাল্লাম ও তাঁর বিবিদের নামেও নফল উমরা বা নফল তওয়াফ করা যেতে পারে।

বিঃ দ্রঃ উমরা ও তওয়াফের অন্যান্য মাসায়েল পূর্বে বর্ণিত হয়েছে।

যেসব কারণে দম বা সদকা দিতে হয়

হজ্জ বা উমরার মধ্যে কিছু এমন ভুল-ত্রুটিও হতে পারে যার কারণে দম দেয়া ওয়াজিব হয়ে যায়। আবার এমন কিছু ভুল-ত্রুটিও হয় যার কারণে দম ওয়াজিব হয় না তবে সদকা ওয়াজিব হয়। “দম” বলতে সাধারণভাবে একটা পূর্ণ বকরী বা ভেড়া বা দুগ্ধা, কিংবা গরু, মহিষ ও উটের এক সপ্তমাংশ বোঝায়। আর “সদকা” বলতে সাধারণভাবে একটা ফিতরা পরিমাণ (দেখুন ২৬৯ পৃষ্ঠা)। দান করাকে বোঝায় এবং একজন ফকীরকে এই পরিমাণের চেয়ে কম দেয়া যাবে না। এই দম-এর প্রাণী হারামের সীমানার মধ্যে জবাই হওয়া জরুরী এবং কুরবানীর যোগ্য হয়ে যাওয়া জরুরী।

* এহ্রাম অবস্থায় মাথা, চেহারা, দাড়ি, হাত, হাতের তালু, পায়ের গোছা, রান ইত্যাদি বড় অঙ্গের পূর্ণ স্থানে খুশরু লাগালে দম ওয়াজিব হয়। নাক, কান, গৌপ, আঙ্গুল প্রভৃতি ছোট অঙ্গেও বেশী পরিমাণ খুশরু লাগালে দম ওয়াজিব হয়। তবে ছোট অঙ্গে অল্প পরিমাণ খুশরু লাগালে দম নয় বরং সদকা ওয়াজিব হয়।

* শরীরের বিভিন্ন স্থানে খুশবু লাগালে দেখতে হবে যদি তা একত্রিত করলে বড় অঙ্গের সমপরিমাণ হয়ে যেত বলে মনে হয়, তাহলেও দম দিতে হবে।

* যদি কাপড়ে খুশবু লাগায় বা খুশবু লাগানো কাপড় পরিধান করে, তাহলে খুশবুর পরিমাণ এক বর্গবিঘত বা তার বেশী হলে এবং পূর্ণ এক রাত বা পূর্ণ একদিন পরিধান করলে দম ওয়াজিব হবে। আর খুশবুর পরিমাণ তার চেয়ে কম হলে বা পূর্ণ একরাত কিংবা পূর্ণ একদিনের চেয়ে কম সময় পরিধান করলে সদকা ওয়াজিব হবে।

* জাফরান বা কুসুম রঙ্গের কাপড় পূর্ণ একদিন বা পূর্ণ একরাত পরিধান করলে দম ওয়াজিব হবে। আর তার চেয়ে কম সময় পরিধান করলে সদকা ওয়াজিব হবে।

* এহরাম অবস্থায় মহিলাগণ হাতে মেহেদি লাগালে দম ওয়াজিব হয়। পুরুষগণ পূর্ণ হাতের তালু বা সমস্ত দাড়িতে মেহেদি লাগালে দম ওয়াজিব হবে।

* পুরুষগণ শরীরের পরিমাপে বানানো হয়েছে এমন সেলাইযুক্ত পোশাক এহরামের সময় স্বাভাবিক নিয়মে পূর্ণ একদিন বা পূর্ণ একরাত পরিমাণ সময় বা তার চেয়ে বেশী সময় পরিধান করলে দম ওয়াজিব হবে। তার চেয়ে কম সময় (সর্বনিম্ন এক ঘন্টা) পরিধান করলে সদকা ওয়াজিব হবে। আর এক ঘন্টার চেয়ে কম সময় পরিধান করলে নিয়মিত সদকা নয় বরং এক মুষ্টি গম সদকা করলে (অর্থাৎ, সামান্য কিছু পয়সা দান করলে) চলবে।

* পুরুষগণ এহরাম অবস্থায় পায়ের মধ্যবর্তী উঁচু হাড় ঢাকা পড়ে-এমন জুড়া, বুট বা মোজা পূর্ণ একদিন বা পূর্ণ একরাত পরিমাণ সময় পরিধান করে থাকলে দম ওয়াজিব হবে। তার চেয়ে কম সময় হলে সদকা ওয়াজিব হবে।

* এহরাম অবস্থায় পূর্ণ একদিন বা পূর্ণ একরাত কিংবা তার চেয়ে বেশী পরিমাণ সময় পুরো মাথা বা পুরো চেহারা কিংবা অন্ততঃ চার ভাগের একভাগ কোন কাপড় দ্বারা ঢেকে রাখলে দম ওয়াজিব হবে। আর তার চেয়ে কম সময় হলে সদকা ওয়াজিব হবে। মহিলাদের চেহারায় কাপড় লাগানোর ক্ষেত্রেও অনুরূপ মাসআলা, তবে বরতন টুকরি ইত্যাদি- যা দ্বারা স্বাভাবিক ভাবে ঢাকা হয় না- এরূপ কিছু দ্বারা ঢাকলে (পূর্ণ মাথা, চেহারা ঢাকুক বা কম) কিছু ওয়াজিব হবে না।

* এহ্রাম অবস্থায় (এহ্রাম খোলার সময় হওয়ার পূর্বে) মাথা বা দাড়ির চুলের এক চতুর্থাংশ কিংবা তার চেয়ে বেশী পরিমাণ মুন্ডন করলে বা কাটলে বা উপড়ালে বা কোন কিছু দ্বারা দূর করলে দম ওয়াজিব হবে। আর তার চেয়ে কম পরিমাণ হলে সদকা ওয়াজিব হবে।

* পূর্ণ ঘাড় বা পূর্ণ একটা বগল বা নাভির নীচের পশম দূর করলে দম ওয়াজেব হবে। আর তার চেয়ে কম পরিমাণ হলে সদকা ওয়াজিব হবে।

* উয়ূ করতে যেয়ে বা কোন ভাবে মাথা কিংবা দাড়ির তিনটি চুল পড়ে গেলে এক মুষ্টি গম (পরিমাণ) সদকা করবে, আর ইচ্ছাকৃত উপড়ালে প্রত্যেক চুলের বিনিময়ে এক মুষ্টি পরিমাণ দিতে হবে। আর তিনের অধিক চুল উপড়ালে পূর্ণ সদকা দিতে হবে।

* পূর্ণ সীনা বা পূর্ণ পায়ের নলার চুল মুন্ডালে সদকা ওয়াজিব হয়।

* রান্না করতে গিয়ে কিছু চুল জ্বলে গেলে সদকা করবে।

* রোগের কারণে চুল পড়ে গেলে বা ঘুমন্ত অবস্থায় জ্বলে গেলে কিছু ওয়াজিব হয় না।

* এহ্রামের অবস্থায় হালাল ব্যক্তির মাথা মুন্ডন করে দিলে মুহ্রিম (এহ্রাম রত) ব্যক্তি যৎ সামান্য কিছু দান করবে।

* কোন মুহ্রিম (এহ্রাম রত ব্যক্তি) অন্য কোন মুহ্রিম বা হালাল ব্যক্তির গোঁপ মুন্ডন করে বা কেটে দিলে কিংবা নখ কেটে দিলেও কিছু পরিমাণ (যা ইচ্ছা হয়) সদকা করে দিবে।

* এহ্রাম অবস্থায় এক হাত বা এক পা, কিংবা দুই হাত বা দুই পা, অথবা চার হাত পায়ের নখ একই মজলিসে কাটলে একটা দম ওয়াজিব হয়। চার মজলিসে চার অঙ্গের নখ কাটলে চারটা দম ওয়াজিব হয়। দুই মজলিসে দুই হাতের নখ কাটলে দুটো দম ওয়াজিব হয়।

* পাঁচ আঙ্গুলের কম নখ কাটলে বা পাঁচ আঙ্গুলের নখ ভিন্ ভিন্ মজলিসে কাটলে বা বিচ্ছিন্ন ভাবে চার হাত পায়ের ষোলটা নখ কাটলে প্রত্যেকটা নখের বদলে এক একটা সদকা দিতে হবে। অবশ্য সবগুলো সদকার মূল্য একত্রে একটা দমের মূল্যের সমপরিমাণ হয়ে গেলে কিছুটা কম করে দিবে।

* ভাঙ্গা নখ কাটলে কিছু দেয়া ওয়াজিব হয় না।

* শাহওয়াত (উত্তেজনা) সহকারে কোন নারী বা বালককে চুমু দিলে কিংবা পরস্পরে লজ্জাস্থান মিলিত করলে দম ওয়াজিব হয়, বীর্যপাত হোক বা না হোক। তবে হজ্জ ফাসেদ হয় না।

* শাহওয়াত (উত্তেজনা) সহকারে কোন নারীর প্রতি দৃষ্টি দেয়ার কারণে বা মনে মনে কল্পনা করার কারণে বীর্যপাত হলে বা স্বপ্নদোষ হলে কিছু ওয়াজিব হয় না। তবে গোসল ওয়াজিব হয়।

* হস্তমৈথুন করে বীর্যপাত ঘটালে কিংবা কোন প্রাণী কিংবা শাহওয়াতের অযোগ্য ছোট মেয়ের সাথে সঙ্গম করলে এবং বীর্যপাত হলে দম ওয়াজিব হবে। বীর্যপাত না হলে কিছু ওয়াজিব হবে না। তবে গোনাহতো হবেই।

* উকূফে আরাফা-র পূর্বে সঙ্গম করলে বীর্যপাত হোক বা না হোক দম ওয়াজিব হবে। নারী পুরুষ উভয়ে মুহর্রিম হলে উভয়ের উপর পৃথক পৃথক দম ওয়াজিব হবে। এমতাবস্থায় হজ্জ ফাসেদ হয়ে যাবে। তবে এ বৎসরও অবশিষ্ট হজ্জের ক্রিয়াদি যথারীতি আদায় করতে হবে। পরবর্তী বৎসর হজ্জের কাযা আদায় করতে হবে।

* উকূফে আরাফা-র পর মাথা হলক বা কছর ও তওয়াফে যিয়ারত করার পূর্বে সঙ্গম করলে হজ্জ ফাসেদ হবে না তবে পূর্ণ একটা গরু বা উট দম দিতে হবে। মাথা হলক বা কছর করার পর এবং তওয়াফে যিয়ারতের পূর্বে সঙ্গম হলেও মুহাক্কিক উলামায়ে কেরামের মতে অনুরূপ পূর্ণ একটা গরু বা উট দম দিতে হবে।

* জানাবাত বা হায়েয নেফাস অবস্থায় তওয়াফে যিয়ারত করলে পূর্ণ গরু বা উট দম দিতে হবে।

* কারেন (কেরান হজ্জকারী) ব্যক্তি উমরা-র তওয়াফ এবং উকূফে আরাফা-র পূর্বে সঙ্গম করলে হজ্জ উমরা উভয়টা ফাসেদ হয়ে যাবে এবং দুটো দম ওয়াজিব হবে। আর আগামীতে হজ্জ উমরা উভয়টা কাযা করতে হবে।

* উমরা করনেওয়ালা তওয়াফের পর সায়ীর পূর্বে কিংবা তওয়াফ ও সায়ীর পর মাথা হলক বা কছর করার পূর্বে সঙ্গম করলে উমরা ফাসেদ হয় না তবে দম দিতে হয়।

* এহরাম অবস্থায় একটা উকুন মারলে রুটির এক টুকরা অথবা একটা খেজুর দান করবে এবং দুটো বা তিনটা উকুন মারলে এক মুষ্টি গম (এর

পরিমাণ) দান করবে। আর তিনের অধিক উকুন মারলে পূর্ণ একটা সদকা দিতে হবে। উকুন মারার জন্য কাপড় রৌদ্রে দিলে বা উকুন মারার উদ্দেশ্যে কাপড় ধৌত করলে এবং উকুন মারা গেলেও একই মাসায়েল। অন্যের দ্বারা উকুন মারানো বা ধরে মাটিতে জীবিত ছেড়ে দেয়াও অনুরূপ।

* ৯ই যিলহজ্জ সূর্যাস্তের পূর্বে আরাফা ময়দানের সীমানা ত্যাগ করলে দম দিতে হবে।

* পুরুষগণ সুব্হে সাদেক হওয়ার পূর্বে মুযদালেফা ময়দান ত্যাগ করলে দম দিতে হবে।

* যদি কেউ সব কয়দিনের রমী (কংকর নিষ্ক্ষেপ) পরিত্যাগ করে অথবা এক দিনের রমী পূর্ণ পরিত্যাগ করে কিংবা এক দিনের রমী-র অধিকাংশ পরিত্যাগ করে (যেমন দশ তারিখে ৪টা কংকর কম নিষ্ক্ষেপ করল কিংবা অন্য যে কোন দিন ১১টা কংকর কম নিষ্ক্ষেপ করল) তাহলে এ সকল অবস্থায় দম ওয়াজিব হবে। আর যদি এক দিনের রমী থেকে অল্প সংখ্যক কংকর কম থেকে যায় তাহলে প্রত্যেক ছুটে যাওয়া কংকরের বদলায় একটা পূর্ণ সদকা ওয়াজিব হবে। তবে সব সদকা একত্রে একটা দম-এর সমমূল্যের হয়ে গেলে কিছুটা কম করে দিবে।

* কেরান ও তামাত্ত হজ্জকারীদের জন্য দমে শোকর বা হজ্জের কুরবানী করা ওয়াজিব। না করলে দম দিতে হবে।

* কেরান ও তামাত্ত হজ্জকারীদের জন্য ১০ই যিলহজ্জ প্রথম বড় জামরায় কংকর নিষ্ক্ষেপ, তারপর কুরবানী ও তারপর মাথা মুভানো-এই তারতীব রক্ষা করা ওয়াজিব এবং ইফরাদ হজ্জকারী-র জন্য প্রথমে কংকর নিষ্ক্ষেপ তারপর মাথা মুভানো-এই তারতীব রক্ষা করা ওয়াজিব। এই তারতীবের মধ্যে ওলট পালট হলে দম ওয়াজিব হবে।

* ১১ও ১২ই যিলহজ্জ সূর্য ঢলার পূর্বেই কংকর নিষ্ক্ষেপ করলে পুনরায় সূর্য ঢলার পর কংকর নিষ্ক্ষেপ করতে হবে। না করলে দম দিতে হবে।

* মীনার সীমানাতেই ১৩ই যিলহজ্জের সুব্হে সাদেক হয়ে গেলে ১৩ই তারিখেও তিন জামরায় কংকর নিষ্ক্ষেপ করা ওয়াজিব হয়ে যায়। না করলে দম দিতে হবে।

* বিদায়ী তওয়াফ করা ওয়াজিব। না করলে দম দিতে হবে।

* এহরাম অবস্থায় হারামের সীমানার ভিতরে বা বাইরে যে কোন স্থানে স্থলভাগে জন্মগ্রহণকারী প্রাণী শিকার করা হারাম। আর এহরাম অবস্থায় না থাকলে শুধু হারামের সীমানার ভিতরে একরূপ প্রাণী শিকার করা হারাম। একরূপ (হারাম) শিকার করলে উক্ত প্রাণীর স্থানীয় মূল্য (যা শিকারী ব্যতীত অন্য দু'জন বা একজন ন্যায়পরায়ণ ব্যক্তি তখনকার বাজার দর হিসেবে নির্ধারণ করবে।) গরীব মিসকীনদেরকে দান করবে অথবা তা দ্বারা প্রাণী ক্রয় করে হারামের সীমানার ভিতরে জবাই করে দিবে কিংবা তা দ্বারা গম ক্রয় করে মিসকীনদেরকে দিবে। এই টাকা বা গম দেয়ার ক্ষেত্রে একজনকে এক ফিতরা পরিমাণ দিবে। অবশিষ্ট কিছু এক ফিতরা পরিমাণের চেয়ে কম রয়ে গেলে বা শিকারকৃত প্রাণীর মূল্যই এত কম হলে তা-ই একজনকে দিবে। একজন মিসকীনকে দেয় পরিমাণের বদলে একটা করে রোযা রাখলেও চলবে। এ রোযা যে কোন স্থানে রাখা চলে।

* যে সমস্ত গাছ সাধারণতঃ কেউ রোপন করেনা- এমন কোন গাছ হারাম শরীফের সীমানার মধ্যে আপনা আপনি জন্মালে তা কাটা বা ভাঙ্গা নিষেধ। কাটলে বা ভাঙ্গলে তার মূল্য দান করা ওয়াজিব।

বিঃ দ্রঃ যে সব ভুল-ত্রুটির কারণে দম ওয়াজিব হওয়ার কথা বর্ণনা করা হয়েছে তা যদি কোন ওজর বশতঃ হয়, তাহলে দম-এর পরিবর্তে ছয়টা ফিতরা পরিমাণ অর্থ ছয়জন মিসকীনকে দান করলে বা তিনটা রোযা রাখলেও চলবে। তবে বিনা ওজরে হলে দমই দিতে হবে। আর যেসব ভুল-ত্রুটির কারণে সদকা ওয়াজিব হওয়ার বর্ণনা করা হয়েছে তা যদি ওজর বশতঃ হয়, তাহলে 'সদকা'-এর পরিবর্তে তিনটা রোযা রাখলেও চলবে, তবে বিনা ওজরে হলে সদকাই দিতে হবে। ওজর বলতে বোঝানো হয়েছে :

- (১) যে কোন ধরনের জ্বর,
- (২) প্রচন্ড গরম বা প্রচন্ড শীত,
- (৩) জখম,
- (৪) পূর্ণ মাথায় বা অর্ধেক বেদনা,
- (৫) মাথায় খুব বেশী উকুন হওয়া,
- (৬) ঢুস লাগানো,
- (৭) রোগ বা শীতের কারণে মৃত্যুর প্রবল ধারণা হয়ে যাওয়া এবং
- (৮) যুদ্ধের জন্য অন্ত্রসজ্জিত হওয়া।

মক্কা মুকাররমায় যিয়ারতের বিশেষ কয়েকটি স্থান

১. জান্নাতুল মুআল্লা :

এটি মক্কার কবরস্থান। এ কবরস্থান যিয়ারত করা মোস্তাহাব। এখানে সাহাবী, তাবেয়ী ও বুযুর্গদের কবর রয়েছে। হযরত খাদীজা (রাযিঃ), হযরত আব্দুল্লাহ বিন যুবায়ের (রাযিঃ)-এর কবরও এখানে রয়েছে। এ কবরস্থানটি হারাম শরীফ থেকে উত্তর পূর্ব দিকে অবস্থিত। এর পাশে রয়েছে মসজিদে জিন। এ সম্পর্কে পরে আলোচনা করা হয়েছে।

* কবরস্থানে প্রবেশ করে সমস্ত কবরবাসীর উদ্দেশ্যে নিম্ন বাক্যে সালাম করবে-

الْسَّلَامُ عَلَيْكُمْ دَارَ قَوْمٍ مُّؤْمِنِينَ ، وَإِنَّا إِن شَاءَ اللَّهُ بِكُمْ لَاحِقُونَ ،
وَنَسْأَلُ اللَّهَ لَنَا وَلَكُمْ الْعَافِيَةَ - (احسن الفتاوى ج ১/৬)

অর্থঃ হে মু'মিন সম্প্রদায়ের আবাস স্থলের অধিবাসীগণ! তোমাদের প্রতি শান্তি বর্ষিত হোক, আমরাও আল্লাহ চাহেতো তোমাদের সাথে মিলিত হব। আমরা আল্লাহর কাছে আমাদের জন্য এবং তোমাদের জন্য শান্তির আবেদন করছি।

* অতঃপর যথাসম্ভব কুরআন শরীফ পড়ে মাইয়েতকে ছওয়াব পৌছে দিবে। বিশেষভাবে সূরা-বাকারার শুরু থেকে মুফলিহুন পর্যন্ত, আয়াতুল কুরছী, সূরা বাকারার শেষ তিন আয়াত অর্থাৎ الرُّسُولُ থেকে শেষ পর্যন্ত, সূরা-ফাতেহা, সূরা-ইয়াসীন, সূরা-মূলক, সূরা-তাকাহুর বা সূরা এখলাস ১০/১১/১২ বার কিংবা ৭ বার বা যে পরিমাণ সহজে পড়তে পারেন পড়ে দুআ করবেন। মাইয়েতের মাগফিরাতের জন্যও দুআ করবে। (مناسك ملا على الفاروى)

২. রাসূল (সাঃ)-এর জন্মস্থানঃ

এটি হারাম শরীফের পূর্ব দিকের চত্বরের পূর্বে অবস্থিত। বর্তমানে এটিকে একটি পাঠাগার বানিয়ে রাখা হয়েছে।

৩. জাবালে ছওর :

এটি মক্কা শরীফ থেকে তিন মাইল দক্ষিণ পূর্বে অবস্থিত একটি পাহাড়। হিজরতের সময় নবী কারীম সাল্লাল্লাহু আলাইহি ওয়া সাল্লাম হযরত আবু বকর সিদ্দীক (রাযিঃ)-কে সহ তিন রাত এ পাহাড়ের চূড়ায় একটি গুহায় অবস্থান করেছিলেন। যে গুহাকে 'গারে ছওর' বলা হয়।

৪. জাবালে নূর ও গারে হেরা :

মক্কা শরীফ থেকে তিন মাইল উত্তর-পূর্ব দিকে অবস্থিত একটি পাহাড়ের নাম জাবালে নূর। এই পাহাড়ের চূড়ায় অবস্থিত একটি গুহাকে বলা হয় 'গারে হেরা' বা হেরা গুহা। নবুওয়াত লাভের পূর্বে নবী কারীম সাল্লাল্লাহু আলাইহি ওয়া সাল্লাম এই গুহায় ইবাদতে মগ্ন থাকতেন। এখানেই সর্বপ্রথম ওহী নাযেল হয়েছিল।

৫. মুযদালিফার ময়দানঃ

এটি একটি ময়দান। এর এক প্রান্তে মসজিদে মাশআরুল হারাম রয়েছে। যাকে মুযদালিফার মসজিদ বলা হয়। মুযদাফিলা শব্দের অর্থ নিকটবর্তী বা রাতের অংশ। জাহিলী যুগের লোকেরা এখানে জড় হয়ে বংশীয় গৌরবগাথা ও বীরত্ব বর্ণনায় লিপ্ত হত। ইসলাম তার পরিবর্তে এখানে জড় হয়ে যিকুর তথা আল্লাহর বড়ায়ী বর্ণনা করার শিক্ষা দিয়ে সেই কুসংস্কারের মূলোৎপাঠন করেছে। (الحجۃ الاسلامیة علی نظرہ)

৬. আরাফাত ময়দান :

এখানে মসজিদে নামিয়া রয়েছে। আরাফাত শব্দের অর্থ পরিচিতি। এক বর্ণনা মতে হযরত আদম ও হাওয়া (আঃ)-এর জান্নাত থেকে পৃথিবীতে ভিন্ন ভিন্ন স্থানে অবতরণের পর এ ময়দানে দুজনের মধ্যে সাক্ষাত ও পরিচিতি ঘটেছিল বলে এ ময়দানকে আরাফার ময়দান বলা হয়। আর এক বর্ণনা মতে হযরত জিব্রাইল (আঃ) হযরত ইব্রাহীম (আঃ)কে হজ্জের যাবতীয় বিষয় শিক্ষা দেয়ার পর এখানে এসে জিজ্ঞাসা করেছিলেন হজ্জ সংক্রান্ত যাবতীয় বিষয়ের পরিচিতি লাভ করেছেন কি? এ থেকেই এখানের নাম হয় আরাফাত। (القاموس المحيط)

৭. মিনা :

এখানে মসজিদে খায়েফ রয়েছে, যাতে বহু নবী ইবাদত বন্দেগী করেছেন। বর্ণিত আছে এখানে ৭০ জন নবীর কবর রয়েছে। (معالم الحجاج) এ ময়দানের পূর্ব দিকে কুরবানীর স্থান।

৮. মসজিদে জিন :

এখানে জিনগণ হাজির হয়ে কুরআন তিলাওয়াত শুনেছিল। আর এক বর্ণনা মতে রাসূল সাল্লাল্লাহু আলাইহি ওয়া সাল্লাম জিনদের প্রতিনিধি দলের সাথে

সাক্ষাত করতে যাওয়ার সময় হযরত ইবনে মাসউদ (রাযিঃ)কে এখানে রেখে যান। (ماسك ملا على الفاري) এটি জান্নাতুল মুআল্লাহর গেট থেকে সামান্য দক্ষিণ পূর্বে অবস্থিত।

৯. মসজিদে তানঈম/মসজিদে আয়েশা :

হযরত আয়েশা (রাঃ) এখান থেকে উমরার এহরাম বেধে উমরা করেছিলেন। হাজীগণ সাধারণতঃ এখানে গিয়ে এহরাম বেধে এসে উমরা করে থাকেন।

১০. মসজিদুর রায়্যাহ :

রাসূল সাল্লাল্লাহু আলাইহি ওয়া সাল্লাম মক্কা বিজয়ের সময় এখানে ঝান্ডা স্থাপন করেছিলেন। এটি হারাম শরীফ থেকে জান্নাতুল মুআল্লায় যেতে গাজ্জা মার্কেট এলাকা পার হওয়ার পর রাস্তার পূর্ব পার্শ্বে অবস্থিত।

১১. মুআবাদা :

এটি মক্কার একটি স্থান। এখানে কুরায়শ ও বনু কিনানা গোত্রের লোকেরা রাসূল সাল্লাল্লাহু আলাইহি ওয়া সাল্লাম সহ বনু মুত্তালিব ও বনু হাশেমকে মক্কা থেকে বের করে আনার জন্যে অঙ্গীকারাবদ্ধ হয়েছিল। অবশেষে রাসূল সাল্লাল্লাহু আলাইহি ওয়া সাল্লাম ও বনু মুত্তালিব এবং বহু হাশেম শিআবে আবী তালিবে (বর্তমান নাম শিআবে আলী) অন্তরীণ হয়ে পড়েন। মুআবাদা নামক বর্তমান এ স্থানটির প্রাচীন অনেকগুলো নাম ছিল। তা হল- আব্বাতাহ, বাত্হা, বাত্হনে মুহাস্সাব ও খায়ফে বনী কিনানা। রাসূল সাল্লাল্লাহু আলাইহি ওয়া সাল্লাম বিদায় হজ্জে মিনা থেকে মক্কা ফেরার পথে এখানে অবস্থান করেছিলেন।

১২. জাবলে আবী কুবায়েছ :

এটি একটি পাহাড়। এ পাহাড়টি মসজিদে হারামের দক্ষিণ পূর্ব পাশে অবস্থিত, যার কিছু অংশ কেটে পূর্বের চত্বরের অন্তর্ভুক্ত করা হয়েছে, আর অবশিষ্ট অংশের উপর রাজপ্রাসাদ রয়েছে। হযরত নূহ (আঃ)-এর তুফানের সময় থেকে হাজারে আসওয়াদ এ পাহাড়ের উপর রাখা ছিল। প্রসিদ্ধ তাবিয়ী ‘মুজাহিদ’-এর বর্ণনা মতে আল্লাহ তাআলা পৃথিবীতে পাহাড়ের মধ্যে সর্ব প্রথম এ পাহাড়টি সৃষ্টি করেন।

মদীনা মুনাওয়ারা-র যিয়ারত

* মদীনা মুনাওয়ারা যিয়ারত করা হজ্জের অংশ নয় তবে একটা শ্রেষ্ঠতম ছওয়াবের কাজ এবং বরকত, মর্যাদা ও উন্নতি লাভের একটা শ্রেষ্ঠ ও বড় মাধ্যম। বড়ই সৌভাগ্যবান সেই ব্যক্তি, যে এই মোবারক যিয়ারতে মদীনার তওফীক লাভ করে। তত্ত্বজ্ঞানী আলেমদের মতে সজ্জতি সম্পন্ন লোকদের জন্য এই যিয়ারত ওয়াজিব।

* রাসূলুল্লাহ সাল্লাল্লাহু আলাইহি ওয়াসাল্লাম বলেছেন : আমার মৃত্যুর পর যে আমার কবর যিয়ারত করল, সে যেন জীবদ্দশায়ই আমার যিয়ারত করল। (مشكوة عن شعب الإيمان للبيهقي) রাসূল সাল্লাল্লাহু আলাইহি ওয়াসাল্লাম আরও বলেছেন: যে ব্যক্তি আমার কবর যিয়ারত করল, তার জন্য শাফাআত করা আমার উপর ওয়াজিব হয়ে গেল। (رواه ابن خزيمة والدارقطني والبيهقي. قال البيهقي استاده حسن)

* মদীনা সফরের সময় রাসূল সাল্লাল্লাহু আলাইহি ওয়াসাল্লাম-এর যিয়ারত ও মসজিদে নববীর যিয়ারত উভয়টার নিয়ত করবেন।

* মদীনার পানে রওয়ানা হওয়ার পর থেকেই বেশী বেশী দুরুদ শরীফ ও এস্তেগফার পড়তে থাকা আদব এবং খুব বেশী আগ্রহ, ভালবাসা ও ভক্তি সহকারে অগ্রসর হতে থাকবেন।

* মদীনার নিকট পৌঁছে গেলে যওক শওক ও দুরুদ শরীফ পাঠ আরও বৃদ্ধি করবেন।

* মদীনার শহর দৃষ্টি গোচর হলে দুরুদ সালাম পাঠ এবং দুআ করতে থাকবেন। সম্ভব হলে যানবাহন থেকে নেমে খালি পায়ে হেটে মদীনায় প্রবেশ করতে পারলে উত্তম।

* মদীনায় প্রবেশের পূর্বে না পারলে প্রবেশের পর গোসল করে নেয়া উত্তম। অন্ততঃ উযু করে নিবেন। তারপর উত্তম পোশাক পরিধান করে (নতুন কাপড় হলে ভাল) খুশবু মেখে শহরে প্রবেশ করবেন।

* রাসূল সাল্লাল্লাহু আলাইহি ওয়াসাল্লাম-এর রওয়ার উপরে অবস্থিত সবুজ গম্বুজ দৃষ্টি গোচর হলে ভক্তি ভালবাসা মনে জাগরুক করবেন।

* মদীনায় প্রবেশের পর থাকার জায়গা ঠিক করে মাল-সামান রেখে ও বিশেষ জরুরত থাকলে তা সেরে যথাসম্ভব দ্রুত মসজিদে নববীতে গমন করবেন। মহিলাদের জন্য রাতে যিয়ারত করা উত্তম।

* মসজিদে নববীর যে কোন দরজা দিয়ে প্রবেশ করা যায় তবে 'বাবে জিব্রীল' দিয়ে প্রবেশ করা উত্তম।

* মসজিদে প্রবেশ করার সময় ডান পা প্রথমে প্রবেশ করাবেন এবং পড়বেন-

اَللّٰهُمَّ صَلِّ عَلٰى مُحَمَّدٍ وَصَحْبِهِ وَسَلِّمْ ، اَللّٰهُمَّ اغْفِرْ لِيْ ذُنُوْبِيْ وَافْتَحْ لِيْ
اَبْوَابَ رَحْمَتِكَ -

* প্রবেশ করার পর রিয়াযুল জান্নাত (বেহেশতের বাগান) নামক স্থানে পৌঁছে মাকরুহ ওয়াস্ত না হলে এবং জামা'আত ছুটে যাওয়ার আশংকা না হলে দুই রাকআত তাহিয়াতুল মসজিদ নামায আদায় করবেন। সম্ভব হলে মেহরাবে নবীর কাছে এই দুই রাকআত নামায পড়া সবচেয়ে উত্তম। অতপর শৌকর আদায় করবেন এবং যিয়ারত কবুল হওয়ার জন্য পূর্বেই দুআ করে নিবেন।

* অতঃপর অত্যন্ত আদব ও তায়ীমে রওয়ার সামনে পৌঁছে রাসূল সাল্লাল্লাহু আলাইহি ওয়াসাল্লাম-এর চেহারা মোবারকের বরাবর দাঁড়াবেন। রওয়ার সামনের দেয়ালে জালির মাঝে এ সোজা একটি বড় ছিদ্র আছে। (এ ছিদ্রটি রওয়ার সামনে দাঁড়ালে বাম দিক থেকে তিন নম্বর ছিদ্র।) একেবারে কাছে গিয়ে নয় বরং একটু দূরে দাঁড়ানো আদব। দৃষ্টি নত রাখবেন এবং মধ্যম আওয়াজে সালাম পেশ করবেন। সালাম পেশ করার সময় এই খেয়াল রাখবেন যে, রাসূল সাল্লাল্লাহু আলাইহি ওয়াসাল্লাম কেবলামুখী হয়ে শুয়ে আরাম করছেন এবং সালাম কালাম শ্রবণ করছেন। নিম্নোক্ত বাক্যে সালাম পেশ করা যায়-

اَلسَّلَامُ عَلَيْكَ يَا رَسُوْلَ اللّٰهِ
اَلسَّلَامُ عَلَيْكَ يَا نَبِيَّ اللّٰهِ
اَلسَّلَامُ عَلَيْكَ يَا حَبِيْبَ اللّٰهِ
اَلسَّلَامُ عَلَيْكَ يَا خَيْرَ خَلْقِ اللّٰهِ
اَلسَّلَامُ عَلَيْكَ يَا سَيِّدَ وُلْدِ اٰدَمَ
اَلسَّلَامُ عَلَيْكَ يَا اَيُّهَا النَّبِيُّ وَرَحْمَةُ اللّٰهِ وَبَرَكَاتُهُ

* পারলে এ জাতীয় আরও বাক্য যোগ করা যায়। পারলে বা বেশী সময় না পেলে যতটুকু সম্ভব বলবেন, অন্ততঃ প্রথম বাক্যটা বলবেন। অন্য কেউ

সালাম পাঠিয়ে থাকলে তার পক্ষ থেকেও সালাম পেশ করবেন। অন্যের পক্ষ থেকে আরবীতে এভাবে সালাম পেশ করা যায়-

السَّلَامُ عَلَيْكَ يَا رَسُولَ اللَّهِ مِنْ فُلَانٍ بْنِ فُلَانٍ يَسْتَشْفِعُ بِكَ إِلَى رَبِّكَ -

এখানে প্রথম فُلَان -এর স্থলে সালাম প্রেরণকারী এবং দ্বিতীয় فُلَان -এর স্থলে তার পিতার নাম বলবেন।

* অনেকে সালাম পেশ করে থাকলে এবং সকলের নাম মনে না থাকলে বা এত বেশী সময় না পেলে সকলের পক্ষ থেকে একযোগে এভাবে সালাম পেশ করবেন-

السَّلَامُ عَلَيْكَ يَا رَسُولَ اللَّهِ مِنْ جَمِيعٍ مَنْ أَوْصَانِي بِالسَّلَامِ عَلَيْكَ -

* অতঃপর রাসূল সাল্লাল্লাহু আলাইহি ওয়াসাল্লাম-এর ওহীলা দিয়ে দুআ করবেন এবং শাফাআতের দরখাস্ত করবেন। আরবীতে নিম্নোক্ত বাক্যে এটা করা যায়-

يَا رَسُولَ اللَّهِ أَسْأَلُكَ الشَّفَاعَةَ وَأَتَوَسَّلُ بِكَ إِلَى اللَّهِ فِي أَنْ أَمُوتَ مُسْلِمًا عَلَى مِلَّتِكَ وَسُنَّتِكَ -

* অতঃপর কিছুটা ডান দিকে সরে আর একটি হিদ্দের মুখোমুখী হয়ে দাঁড়ান। এবার আপনি হযরত আবু বকর সিদ্দীক (রাঃ)-এর চেহারা মোবারকের বরাবর দাঁড়িয়েছেন। তাঁর উদ্দেশ্যে এভাবে সালাম পেশ করুন-

السَّلَامُ عَلَيْكَ يَا خَلِيفَةَ رَسُولِ اللَّهِ وَثَانِيَهُ فِي الْغَارِ وَرَفِيقَهُ فِي الْأَسْفَارِ وَأَمِينَهُ عَلَى الْأَسْرَارِ أَبَا بَكْرٍ الصِّدِّيقِ جَزَاكَ اللَّهُ عَنْ أُمِّةٍ مُحَمَّدٍ صَلَّى اللَّهُ عَلَيْهِ وَسَلَّمَ خَيْرًا -

* অতঃপর আর কিছুটা ডান দিকে সরে হযরত উমর (রাঃ)-এর চেহারা মোবারকের বরাবর দাঁড়িয়ে এভাবে সালাম পেশ করুন। এ সোজাও জালিতে একটি হিদ্দ আছে।

السَّلَامُ عَلَيْكَ يَا أَمِيرَ الْمُؤْمِنِينَ عُمَرَ الْفَارُوقِ الَّذِي أَعَزَّ اللَّهُ بِهِ الْإِسْلَامَ إِمَامَ الْمُسْلِمِينَ مَرْضِيًّا حَيًّا وَمَيِّتًا جَزَاكَ اللَّهُ عَنْ أُمِّةٍ مُحَمَّدٍ صَلَّى اللَّهُ عَلَيْهِ وَسَلَّمَ خَيْرًا -

* তারপর আবার রাসূল সাল্লাল্লাহু আলাইহি ওয়াসাল্লাম-এর রওয়া মোবারকে সালাম পেশ করে তাঁর ওছীলা দিয়ে শাফাআতের জন্য দুআ করুন। সবশেষে কেবলামুখী হয়ে হাত তুলে প্রাণ ভরে নিজের জন্য এবং সকলের জন্য দুআ করুন। এ নিয়মে সময় সুযোগ পেলেই যিয়ারত করুন।

* রাসূল সাল্লাল্লাহু আলাইহি ওয়াসাল্লাম-এর হজ্জরা (যেখানে রাসূল সাল্লাল্লাহু আলাইহি ওয়াসাল্লাম-এর রওয়া মোবারক অবস্থিত) এবং রাসূল সাল্লাল্লাহু আলাইহি ওয়াসাল্লাম-এর মিম্বরের মধ্যবর্তী স্থানটি রিয়াযুল জান্নাত বা বেহেশতের বাগান নামে পরিচিত। এ স্থানটির বিশেষ ফযীলত রয়েছে। এখানে নফল পড়ুন ও তিলাওয়াত করুন। তবে নামাযের জামা'আতে প্রথম কাতারের ফযীলত অগ্রগণ্যতা রাখে।

* রিয়াযুল জান্নাত অংশের মধ্যে সাতটি উস্তুওয়ানা বা স্তম্ভ রয়েছে, এগুলোকে রহমতের স্তম্ভ বলা হয়। মাকরুহ ওয়াক্ত না হলে এবং কাউকে কষ্ট না দিয়ে সম্ভব হলে এগুলোর পার্শ্বে নফল নামায পড়ুন। স্তম্ভ সাতটি এইঃ

১। উস্তুওয়ানা হান্নানাহ : মিম্বরে নববীর ডান পার্শ্বে অবস্থিত খেজুর বৃক্ষের গুড়ির স্থানে নির্মিত স্তম্ভটি। যে গুড়িটি নবী করীম সাল্লাল্লাহু আলাইহি ওয়াসাল্লামের মিম্বার স্থানান্তরের সময় উচ্চস্বরে ক্রন্দন করেছিল।

২। উস্তুওয়ানা হারীর : এখানে রাসূল সাল্লাল্লাহু আলাইহি ওয়াসাল্লাম এ'তেকাফ করতেন এবং রাতে আরামের জন্য তাঁর বিছানা এখানে স্থাপন করা হতো। এ স্তম্ভটি হজ্জরা শরীফের পশ্চিম পার্শ্বে জালি মোবারকের সাথে রয়েছে।

৩। উস্তুওয়ানা উফুদ : বাইরে থেকে আগত প্রতিনিধি দল এখানে বসে রাসূল সাল্লাল্লাহু আলাইহি ওয়াসাল্লাম-এর হাতে ইসলাম গ্রহণ করতেন এবং হযূর সাল্লাল্লাহু আলাইহি ওয়াসাল্লাম তাদের সাথে এখানেই বসে কথা বলতেন। এ স্তম্ভটিও জালি মোবারকের সাথে রয়েছে।

৪। উস্তুওয়ানা হারুহ : রাসূল সাল্লাল্লাহু আলাইহি ওয়াসাল্লাম যখন হজ্জরা শরীফে তাশরীফ নিয়ে যেতেন, তখন কোন না কোন সাহাবী পাহারার জন্য এখানে বসতেন। এ স্তম্ভটিও জালি মোবারক ঘেঁষে রয়েছে।

৫। উস্তুওয়ানা আয়েশা : (রাঃ) রাসূল সাল্লাল্লাহু আলাইহি ওয়াসাল্লাম বলেছেন : আমার মসজিদে এমন একটি জায়গা রয়েছে, লোকজন যদি সেখানে নামায পড়ার ফযীলত জানতো, তবে সেখানে স্থান পাওয়ার জন্য লটীরীর প্রয়োজন দেখা দিতো। স্থানটি চিহ্নিত করার জন্য সাহাবায়ে কেরাম চেষ্টা করতেন। হযূর সাল্লাল্লাহু আলাইহি ওয়াসাল্লাম-এর ইন্তেকালের পর

হযরত আয়েশা (রাঃ) তাঁর ভাগ্নে আব্দুল্লাহ ইবনে যুবায়র (রাঃ) কে সেই জায়গাটি চিনিতে দেন। এটিই সেই স্তম্ভ। এটি উস্তুওয়ানা উফুদের পশ্চিম পার্শ্ব রওযায়ে জান্নাতের ভিতর অবস্থিত।

৬। উস্তুওয়ানা আবু লুবা (রাযিঃ) : হযরত আবু লুবা (রাঃ) থেকে একটি ভুল সংঘটিত হওয়ার পর তিনি নিজেকে এই স্তম্ভের সাথে বেধে বলেছিলেন, যতক্ষণ পর্যন্ত রাসূল সাল্লাল্লাহু আলাইহি ওয়াসাল্লাম নিজে না খুলে দিবেন ততক্ষণ পর্যন্ত আমি এর সাথে বাধা থাকব। হযরত সাল্লাল্লাহু আলাইহি ওয়াসাল্লামও বলেছিলেন, যতক্ষণ পর্যন্ত আল্লাহ তা'আলা আমাকে আদেশ না করবেন, ততক্ষণ পর্যন্ত খুলবো না। এভাবে দীর্ঘ ৫০ দিন পর হযরত আবু লুবা (রাঃ)-এর তওবা কবুল হলো। অতঃপর রাসূল সাল্লাল্লাহু আলাইহি ওয়াসাল্লাম নিজ হাতে তাঁর বাঁধন খুলে দিলেন। এটি উস্তুওয়ানা উফুদের পশ্চিম পার্শ্ব রওযায়ে জান্নাতের ভিতর অবস্থিত।

৭। উস্তুওয়ানা জিব্রীল (আঃ) : হযরত জিব্রীল (আঃ) যখনই হযরত দেহইয়া কাল্বী (রাঃ)-এর আকৃতি ধারণ করে ওহী নিয়ে আসতেন, তখন অধিকাংশ সময় তাঁকে এখানেই উপবিষ্ট দেখা যেতো।

* মসজিদে নববীতে একাধারে কেউ ৪০ ওয়াক্ত নামায আদায় করলে তার জন্য দোযখ থেকে মুক্তি এবং আযাব ও মুনাফেকী থেকে মুক্তির ছাড়পত্র লিখে দেয়া হবে বলে এক হাদীসে বর্ণিত হয়েছে। (فَالْهَيْثُمَى : رَوَاهُ أَحْمَدُ وَالطَّبْرَانِيُّ فِي) (الْأَوْسَطُ. وَرَجَالُهُ ثَقَاتٌ - مَجْمَعُ الزَّوَالِدِ ج ১/ ৪০) তাই সম্ভব হলে মসজিদে নববীতে একাধারে ৪০ ওয়াক্ত নামায জামাআতের সাথে পড়ার বিশেষ চেষ্টা করতে হবে।

মদীনা মুনাওওয়ারায় যিয়ারতের বিশেষ কয়েকটি স্থান

১. জান্নাতুল বাকী :

মদীনা শরীফের কবরস্থানের নাম 'জান্নাতুল বাকী'। মসজিদে নববীর সন্নিহিতে পূর্ব দিকে অবস্থিত। সাহাবায়ে কেরাম, তাবৈঈন, আহলে বায়ত (নবী সাল্লাল্লাহু আলাইহি ওয়াসাল্লাম-এর পরিবার), আযওয়াজে মুতাহহারাত (নবী সাল্লাল্লাহু আলাইহি ওয়াসাল্লামের জীগণ খাদীজা ও মায়মূনা ব্যতীত), শোহাদা, আইম্মায়ে কেরাম ও আওলিয়ায়ে কেরাম এই কবরস্থানে সমাধিস্থ রয়েছেন। এখানে হযরত উসমান (রাঃ)-এর মাযার থেকে যিয়ারত শুরু করুন। অনেকের মত হল হযরত আব্বাস (রাঃ)-এর কবর থেকে যিয়ারত শুরু করা।

২. শোহাদায়ে উহুদ :

এটি উহুদ পাহাড়ের পাদদেশে একটি কবরস্থান। বৃহস্পতিবার সকালে উহুদের শহীদগণের যিয়ারতের উদ্দেশ্যে এখানে যান। প্রথমে কবরস্থানের পাশে অবস্থিত মসজিদে হামযায় দুই রাকআত নামায আদায় করুন। অতঃপর হযরত হামযা (রাঃ)-এর মাযার যিয়ারত করুন। পার্শ্বেই হযরত আব্দুল্লাহ ইবনে জাহ্‌শ (রাঃ) এবং হযরত মুসআব ইবনে উমাইর (রাঃ)-এর মাযার রয়েছে, তাঁদেরকেও সালাম পেশ করুন। ৭০জন শহীদ সাহাবায়ে কেলাম এখানে সমাধিস্থ রয়েছেন। সম্ভব হলে পাহাড়ে আরোহণ করুন। রাসূল সাল্লাল্লাহু আলাইহি ওয়া সাল্লাম ইরশাদ করেছেন, “তোমরা উহুদ পাহাড়ে আগমন করলে এখানকার বৃক্ষ থেকে কিছু খাও, এমনকি কাঁটাদার বৃক্ষ হলেও।” (رواه الطبرانی فی الاوسط)

৩. মসজিদে কোবা :

হিজরতের পর রাসূল সাল্লাল্লাহু আলাইহি ওয়াসাল্লাম নিজ হস্তে এই মসজিদ নির্মাণ করেছেন। এটিই মুসলমানদের প্রথম মসজিদ। যেদিন সুযোগ হয় এই মসজিদের যিয়ারত করুন, তবে শনিবার দিন উত্তম। রাসূলুল্লাহ সাল্লাল্লাহু আলাইহি ওয়া সাল্লাম ইরশাদ করেছেনঃ যে ব্যক্তি মসজিদে কোবায় এসে দুই রাকআত নামায আদায় করবে, তার একটি উমরার সমতুল্য হওয়াব হবে। (نسائي)

৪. মসজিদে জুমুআ :

এ মসজিদটি কোবার পথের সন্নিকটবর্তী। রাসূলুল্লাহ সাল্লাল্লাহু আলাইহি ওয়া সাল্লাম সর্বপ্রথম এই মসজিদে জুমুআর নামায আদায় করেন।

৫. মসজিদে কেবলাতাইন :

এই মসজিদের মুসল্লীগণ বায়তুল মুকাদ্দাসের দিকে নামায পড়তে থাকা অবস্থায় কেবলা পরিবর্তনের কথা জানতে পেরে তৎক্ষণাত নামাযের মধ্যেই কা'বা শরীফের দিকে ফিরে যান। একই নামাযে দুই কেবলার দিকে ফিরে নামায পড়ার কারণে এটাকে মসজিদে কেবলাতাইন বলা হয়।

৬. মাসাজিদে সাবআঃ

সালা' পাহাড়ের পশ্চিম প্রান্তে মসজিদে ফাতাহ অবস্থিত। এই মসজিদের নিকটেই পাশাপাশি মসজিদে সালমান ফাসী, মসজিদে আবু বকর, মসজিদে

ওমর, মসজিদে আলী, মসজিদে সাআদ ইবনে মুআয নামক মসজিদ সমূহ ছিল। অতীতের মত এখনও এগুলোকে ‘মাসাজিদে সাবআ’ বা সাত মসজিদ বলা হয়। যদিও মসজিদে ফাতাহ সহ মোট মসজিদের সংখ্যা ছিল ৬টি। বর্তমানে (২০০৬ সালে) রয়েছে মাত্র তিনটি (মসজিদে ফাতাহ, মসজিদে ওমর এবং মসজিদে সা‘দ ইবনে মুআয। ২০০৩ সালের হজ্জের পর মসজিদে সালমান ফার্সী ও মসজিদে আবু বকর ভেঙ্গে তদস্থলে একটি বড় মসজিদ নির্মাণ করা হয়েছে।)। যিয়ারতের গাড়ী হাজীদেরকে সাধারণতঃ এসব মসজিদের স্থানে নিয়ে যেয়ে থাকে। নিম্নে ছয়টি মসজিদ সম্পর্কে সংক্ষিপ্ত বিবরণ প্রদান করা হল।

মসজিদে ফাতাহঃ এটি সাল্লা’ পাহাড়ে’র পশ্চিমাংশে অবস্থিত। মসজিদটি ভূমি থেকে প্রায় সাড়ে চার মিটার উঁচু। খন্দক যুদ্ধের সময় রাসূল সাল্লাল্লাহু আলাইহি ওয়া সাল্লাম এখানে তিন দিন- সোম, মঙ্গল ও বুধবার দুআ করেছিলেন, আল্লাহ পাক দুআ কবুল করেন এবং মুসলমানগণ বিজয়ী হন। সর্ব প্রথম হযরত ওমর ইবনে আব্দুল আজীজ এ মসজিদটি নির্মাণ করেন।

মসজিদে সালমান ফার্সীঃ এটি মসজিদে ফাতাহ থেকে দক্ষিণে নীচে অবস্থিত। খন্দক যুদ্ধের খন্দকের পরিকল্পনাকারী সাহাবী হযরত সালমান ফার্সীর নামে মসজিদটির নামকরণ করা হয়। খন্দক যুদ্ধের সময় এখানেও রাসূল সাল্লাল্লাহু আলাইহি ওয়াসাল্লাম নামায পড়েছেন। এ মসজিদটিও সর্ব প্রথম হযরত ওমর ইবনে আব্দুল আজীজ নির্মাণ করেন। ২০০৩ সালে মসজিদটি ভেঙ্গে ফেলা হয়।

মসজিদে আলীঃ মসজিদে সালমান ফার্সী থেকে দক্ষিণ পশ্চিমে অবস্থিত ছিল। সর্বশেষ ১৮৫১ খৃষ্টাব্দ মোতাবেক ১২৬৮ হিজরীতে সুলতান আব্দুল মজীদ (১ম) এ মসজিদটির সংস্কার করেছিলেন। এ মসজিদে পাঁচ ওয়াক্ত নামাযের জামাআত হত। ১৪১৪ হিজরীতে মসজিদটি ভেঙ্গে ফেলা হয়।

মসজিদে আবু বকরঃ এ মসজিদটি মাসাজিদে সাবআ এলাকার সর্ব দক্ষিণে অবস্থিত। অনেকগুলো সিড়ি ঘেঁটে উপরে উঠতে হয়। কেউ কেউ এটাকে “মসজিদে আলী” নামে অভিহিত করে থাকেন, কিন্তু এটা ঐতিহাসিকভাবে সঠিক নয়। ২০০৩ সালে মসজিদটি ভেঙ্গে ফেলা হয়।

মসজিদে ওমরঃ এটি মসজিদে সালমান ফার্সী থেকে দক্ষিণ পশ্চিমে অবস্থিত। এ মসজিদে পাঁচ ওয়াক্ত নামাযের জামাআত হয়।

মসজিদে সা'দ ইবনে মুআযঃ এটি মসজিদে ওমর থেকে দক্ষিণ পশ্চিমে অবস্থিত। কেউ কেউ এটাকে মসজিদে ফাতেমা নামে অভিহিত করে থাকেন, কিন্তু এটা ঐতিহাসিকভাবে সঠিক নয়।

৭. মসজিদে বনী হারাম :

মসজিদে ফাতাহের নিকটবর্তী এই মসজিদেও রাসূল সাল্লাল্লাহু আলাইহি ওয়াসাল্লাম নামায পড়েছেন। সাল্লা' পাহাড়ের পিছনে অবস্থিত জাবালে যুবাব (বর্তমানে বিলুপ্ত)-এর পাশ দিয়ে মসজিদে বনী হারামে যাওয়ার রাস্তা রয়েছে।

৮. মসজিদে গামামাহ :

এ মসজিদটি মসজিদে নববীর দক্ষিণ পশ্চিমে অবস্থিত। রাসূলুল্লাহ সাল্লাল্লাহু আলাইহি ওয়াসাল্লাম দুই ঈদের নামায এখানে আদায় করতেন।

৯. মসজিদে আবু বকর :

মসজিদে গামামাহ-র নিকট উত্তর দিকে অবস্থিত। হযরত আবু বকর সিদ্দীক (রাঃ) এখানে ঈদের নামায আদায় করেছিলেন বিধায় এর নাম মসজিদে আবু বকর হয়ে থাকবে।

১০. মসজিদে আলী :

এই মসজিদও মসজিদে গামামাহ-র নিকট অবস্থিত। হযরত উছমান (রাঃ) যখন গৃহে অন্তরীণ ছিলেন, তখন হযরত আলী (রাঃ) এখানে ঈদের নামায আদায় করেছিলেন। সম্ভবতঃ এ কারণেই এর নাম হয়ে থাকবে মসজিদে আলী।

১১. মসজিদে ওমর :

এখানে হযরত ওমর (রাঃ) কখনও কখনও নামায পড়েছেন। রাসূল সাল্লাল্লাহু আলাইহি ওয়া সাল্লামও এখানে ঈদের নামায পড়েছেন বলে কেউ কেউ বর্ণনা করেছেন। মসজিদে ওমর মসজিদে গামামাহ-র সামান্য দক্ষিণে অবস্থিত।

১২. মসজিদু'স সাজদাহ :

এখানে রাসূল সাল্লাল্লাহু আলাইহি ওয়া সাল্লাম সাজদারে শোকর আদায় করেছিলেন। দীর্ঘ সাজদা থেকে মাথা তুলে তিনি উপস্থিত হযরত আব্দুর রহমান ইবনে আউফ (রাঃ)-কে বলেছিলেন, জিব্রীল (আঃ) এসে আমাকে

বললেন, আল্লাহ তা'আলা বলেছেন : যে ব্যক্তি আপনার প্রতি দুরুদ পাঠ করে আমি তার প্রতি রহমত করি, যে ব্যক্তি আপনাকে সালাম করে আমি তাকে সালাম করি। তাই আমি শোকর আদায় করণার্থে সাজিদা করলাম। মসজিদটি বর্তমানে “মসজিদে আবু যর” নামে পরিচিত। এ মসজিদটি মসজিদে নববীর পূর্ব পাশ দিয়ে উত্তর দিকে যে রাস্তাটি গিয়েছে তার কিছুটা সামনে গিয়ে চৌরাস্তা পার হয়ে সামনে ডান দিকে রাস্তা মোড় নেয়ার সময় ডান দিকে অবস্থিত।

১৩. মসজিদুল-ইজাবাহ :

এখানে রাসূল সাল্লাল্লাহু আলাইহি ওয়া সাল্লাম দুই রাকআত নামায পড়ে তিনটি দুআ করেছিলেন, যার দুটো কবুল হয়। দুআ তিনটি ছিল এই (এক) আল্লাহ তা'আলা যেন এই উম্মতকে দুর্ভিক্ষ দিয়ে ধ্বংস না করেন। এটি কবুল হয়। (দুই) আল্লাহ তা'আলা যেন এই উম্মতকে নিমজ্জিত করে ধ্বংস না করেন। এটিও কবুল হয়। (তিন) এই উম্মত পারস্পরিক যুদ্ধবিগ্রহে যেন লিপ্ত না হয়। এটি কবুল হয়নি। এ মসজিদটি মসজিদে নববীর পূর্ব পাশ এবং জান্নাতুল বাকী'র উত্তর পাশ দিয়ে যে রাস্তাটি পূর্ব দিকে গিয়েছে সে রাস্তা দিয়ে অগ্রসর হয়ে জান্নাতুল বাকী'র উত্তর পূর্ব কোণে চৌরাস্তায় দাঁড়িয়ে বাঁ দিকে (উত্তর দিকে) তাকালেই দৃষ্টিগোচর হয়।

১৪. মসজিদুল মুহতারাহ :

এটাকে পূর্বে মসজিদে বানু হারেছা বলা হত। বানু হারেছা নামক আনছারী গোত্র এখানে বসবাস করত। রাসূল সাল্লাল্লাহু আলাইহি ওয়া সাল্লাম উহুদ যুদ্ধ থেকে প্রত্যাবর্তনকালে এখানে আরাম গ্রহণ করেছিলেন। মসজিদটি গাড়ীতে উহুদ পাহাড়ে যাওয়ার সময় উহুদ পাহাড়ের কিছু পূর্বেই রাস্তার বাম পাশে রাস্তা সংলগ্ন অবস্থিত। এটাকে মসজিদুল এছতেরাহা-ও বলা হয়।

১৫. মসজিদুশ শায়খাইন :

রাসূল সাল্লাল্লাহু আলাইহি ওয়া সাল্লাম উহুদ যুদ্ধে গমন কালে শুক্রবার আসর, মাগরিব ও ইশার নামায এখানে আদায় করণ এবং রাত্র্যাপন করে শনিবার সকালে এখান থেকে উহুদ প্রান্তরে গমন করেন। এখানেই রাসূল সাল্লাল্লাহু আলাইহি ওয়া সাল্লাম সৈনিক নির্বাচন করেন এবং ছোট সাহাবীদেরকে ফেরত পাঠান। এ মসজিদটি মসজিদুল-মুহতারাহ থেকে ৩০০ মিটার দক্ষিণে চৌরাস্তা থেকে ২০ মিটার পূর্বে অবস্থিত। এ মসজিদকে

মসজিদুল উদুয়া, মসজিদুল বাদায়ে', মসজিদুদ্দিরয়ে প্রভৃতি নামেও ঐতিহাসিকগণ উল্লেখ করেছেন।

১৬. মসজিদুর রায়া :

এটাকে 'মসজিদে যুবাব'-ও বলা হয়। এ মসজিদটি যুবাব নামক একটি ছোট পাহাড়ের উপর অবস্থিত, যে পাহাড়ে খন্দক খননের কাজ পরিদর্শনের জন্য রাসূল সাল্লাল্লাহু আলাইহি ওয়া সাল্লাম-এর তাবু স্থাপন করা হয়েছিল এবং তিনি এখানে নামাযও পড়েছেন। তরীকুল উয়ূন-এর শুরুতে বাম পাশে মসজিদটি অবস্থিত।

১৭. মসজিদুল-ফাযীখ :

এটাকে 'মসজিদে শাম্স' বা 'মসজিদে বানু নাযীর'-ও বলা হয়। বানু নাযীর গোত্রের সাথে যুদ্ধের সময় নবী কারীম সাল্লাল্লাহু আলাইহি ওয়া সাল্লাম এখানে নামায পড়েছিলেন। মসজিদটি কোবার পাশে 'আওয়ালী' নামক এলাকায় অবস্থিত।

১৮. মাশরাবাহ উম্মে ইবরাহীম :

এখানে রাসূল সাল্লাল্লাহু আলাইহি ওয়া সাল্লাম-এর পুত্র ইবরাহীমের মাতা মারিয়া কিব্তিয়া বসবাস করতেন। এখানেই ইবরাহীম জন্মগ্রহণ করেছিলেন। রাসূল সাল্লাল্লাহু আলাইহি ওয়া সাল্লাম এখানে যাতায়াত করতেন এবং বিবিদের সঙ্গে ঈলা করার সময় দীর্ঘ একমাস এখানে তিনি অবস্থান করেছিলেন। পরবর্তীতে এখানে একটি মসজিদ নির্মাণ করা হয়েছিল, যাকে 'মসজিদে মাশরাবাহ উম্মে ইবরাহীম' বলা হত। বর্তমানে এখানে কোন মসজিদ নেই। এটি একটি কবরস্থান। যা আওয়ালী নামক এলাকাতে মুছতাশ্ফা ঝাহরা (مستشفى الزهراء) ও মুছতাশ্ফা ওয়াতানী (مستشفى الوطنى)-এর মাঝে অবস্থিত।

১৯. মসজিদুল ফাছ্হ :

বর্ণিত আছে যে, নবী কারীম সাল্লাল্লাহু আলাইহি ওয়া সাল্লাম উহুদ যুদ্ধের পর এখানে জোহর ও আসরের নামায পড়েছিলেন। এ মসজিদটি এখন (২০০০ইং) ভগ্ন অবস্থায় রয়েছে। এ স্থানটি মাকবারাভূশ শুহাদা-এর উত্তর দিক দিয়ে কিছু দূর অগ্রসর হয়ে উহুদ পাহাড়ের পাদদেশে (যাওয়ার সময় ডান দিকে) অবস্থিত।

এর উত্তরে উহুদ পাহাড়ে কিছুটা উঁচুতে ওহাব ন্যায় একটি ফাটল রয়েছে; বলা হয় নবী কারীম সাল্লাল্লাহু আলাইহি ওয়া সাল্লাম উহুদ যুদ্ধে আহত হয়ে এখানে অবস্থান নিয়েছিলেন।

বিঃ দ্রঃ এ সব মসজিদ যিয়ারতে গেলে সেখানে অন্ততঃ দু' রাকআত নামায পড়ে নিবেন-শুধু ঘুরে আসবেন না।

মদীনা মুনাওওরায় যিয়ারত সম্পর্কিত স্থানসমূহের সিংহভাগ তথ্য নিম্নোক্ত দুটি গ্রন্থ থেকে গৃহীত :

১. المساجد الاثرية في المدينة المنورة : محمد الباس عبد الغنى

২. الذر الثمين في معالم دار الرسول الامين : غالى محمد الامين الشنقيطى

পর্দার আহকাম

* শরী'আতে গায়রে মাহরাম পুরুষ বা নারীর সাথে পর্দা করা ওয়াজিব।

* কোন বেগানা নারীর প্রতি দৃষ্টিপাত করা পুরুষের জন্য হারাম। এমনভাবে নারীর পক্ষেও কামভাব নিয়ে কোন বেগানা পুরুষের প্রতি দৃষ্টিপাত করা হারাম। তবে অনিচ্ছাকৃতভাবে হঠাৎ যে দৃষ্টি পড়ে যায় তা মাফ; তবে সে দৃষ্টিকে দীর্ঘায়িত করা যাবে না। নারীদের চেহারাও পর্দার হুকুমের অন্তর্ভুক্ত।

* দাড়ি বিহীন বালকের প্রতিও বদনियত ও কামভাব সহকারে দৃষ্টিপাত করা হারাম।

* কোন পুরুষ কোন পুরুষের গোপন অঙ্গ দেখতে পারবে না। তেমনি কোন নারী অপর কোন নারীর গোপন অঙ্গ দেখতে পারবে না। তবে চিকিৎসা ইত্যাদি বিশেষ প্রয়োজনের ক্ষেত্রে হলে ভিন্ন কথা। সে ক্ষেত্রেও অন্তর থেকে যথাসম্ভব শাহওয়াত দূর করার চেষ্টা করবে এবং এ ক্ষেত্রেও প্রয়োজনের অতিরিক্ত অংশ দেখা জায়েয হবে না। পুরুষের নাভি থেকে হাট পর্যন্ত গোপন অঙ্গ (সতর), আর নারীর গোপন অঙ্গ (সতর) বলতে বুঝায় তার মুখমণ্ডল ও হাতের তালু ব্যতীত সমস্ত শরীর।

* চলা ফেরা ও কাজ কর্মের সময় বা লেন-দেনের সময় প্রয়োজন হলে নারীর জন্য মুখমণ্ডল, হাতের তালু, আঙ্গুল ও পদযুগল খোলারও অনুমতি রয়েছে। কিন্তু পুরুষের জন্য বিনা প্রয়োজনে নারীর এগুলোর প্রতি দৃষ্টিপাত করা জায়েয নয়। (معارف القرآن وبيان القرآن)

* যাদের সঙ্গে নারীকে পর্দা করতে হয় না অর্থাৎ, যাদের সামনে নারীগণ যেতে পারেন তাদের একটি তালিকা নিম্নে প্রদান করা হল।

নারীর মাহরাম :

- ১। নিজ স্বামী (যার নিকট স্ত্রীর কোন অঙ্গের পর্দা নেই। তবে বিনা প্রয়োজনে বিশেষ অঙ্গ দেখা অনুত্তম)।
- ২। পিতা (আপন হোক বা সৎ। দুধ পিতাও এর অন্তর্ভুক্ত)।
- ৩। দাদা (দাদার পিতা বা আরও যত উপরে যাক এর অন্তর্ভুক্ত)।
- ৪। নানা (নানার পিতা বা আরও যত উপরে যাক এর অন্তর্ভুক্ত)।
- ৫। চাচা (আপন হোক বা সৎ)।
- ৬। ভাই (আপন হোক বা বৈমাত্রেয় বা বৈপিত্রৈয়) তবে চাচাত মামাত খালাত ফুফাতো ভাইয়ের সঙ্গে পর্দা করতে হবে। দুধ ভাইয়ের সঙ্গে দেখা দেয়া যায়।
- ৭। ভ্রাতুষ্পুত্র (আপন ভাইয়ের পুত্র হোক বা বৈমাত্রেয় ভাইয়ের বা বৈপিত্রৈয় ভাইয়ের)।
- ৮। ভাগিনা (আপন বোনের ছেলে হোক বা সৎ বোনের)।
- ৯। ছেলে (আপন হোক বা সৎ)।
- ১০। আপন শ্বশুর, আপন দাদা শ্বশুর ও আপন নানা শ্বশুর ব্যতীত অন্য সকল প্রকার শ্বশুরের সঙ্গে পর্দা করতে হবে।
- ১১। মামা (আপন হোক বা সৎ)।
- ১২। নাতী (আপন ছেলের ঘরের হোক বা মেয়ের ঘরের হোক)।
- ১৩। জামাই (আপন মেয়ের জামাই)।

* নির্বোধ, ইন্দ্রিয় বিকল ধরনের লোক বা ঐসব বালক যারা বিশেষ কাজ কারবারের দিক দিয়ে নারী পুরুষের মধ্যে কোন পার্থক্য বোঝে না, তাদের সাথে পর্দা করা জরুরী নয়- তারাও পর্দার হুকুম থেকে ব্যতিক্রম।

* পূর্বের পরিচ্ছেদ থেকে বোঝা গিয়েছে- পুরুষ কোন্ কোন্ নারীর সঙ্গে দেখা করতে পারবে অর্থাৎ, কোন্ কোন্ নারীর সঙ্গে পর্দার হুকুম নেই; তবে সহজে বোঝার জন্য তারও একটি তালিকা নিম্নে পেশ করা হল।

পুরুষের মাহরাম :

- ১। মা (আপন হোক বা সৎ। দুধ মা-ও এর অন্তর্ভুক্ত)।
 - ২। মেয়ে (আপন হোক বা সৎ অর্থাৎ, স্ত্রীর পূর্বের ঘরের মেয়ে হোক)।
 - ৩। বোন (আপন হোক বা বৈমাত্রেয় বা বৈপিত্রৈয়) দুধবোনও এর অন্তর্ভুক্ত।
- মামাত, খালাত, ফুফাত বোনদের সাথেও পর্দা করতে হবে।

- ৪। ফুফু (আপন হোক বা সৎ)।
- ৫। খালা (আপন হোক বা সৎ)।
- ৬। ভাতিজি (আপন হোক বা সৎ)।
- ৭। ভাগ্নি (আপন হোক বা সৎ)।
- ৮। শাওড়ী (আপন শাওড়ী বা দাদী শাওড়ী বা নানী শাওড়ী)।
- ৯। আপন দাদী।
- ১০। আপন নানী।
- ১১। পুত্র-বধু।
- ১২। নিজ স্ত্রী।
- ১৩। নাতিনী (ছেলের ঘরের হোক বা মেয়ের ঘরের)।

* উল্লেখ্য, পুরুষ তার মাহরাম মহিলার শুধু মাথা, চেহারা, গর্দান দুই বাহু ও পায়ের নলা দেখতে পারে, তাও যদি শাহওয়াত না থাকে। পেট পিঠ দেখা জায়েয নয়। একজন নারী অপর নারীর এতটুকু অংশই দেখতে পারে, যতটুকু একজন পুরুষ অপর পুরুষের দেখতে পারে- তার বেশী নয়।

* যেখানে নারীর আওয়াজের কারণে অনর্থ সৃষ্টি হওয়ার আশংকা থাকে সেখানে পর্দার অন্তরালে থেকেও বেগানা পুরুষকে আওয়াজ শুনানো এবং পর্দার সাথে কথা-বার্তা বলা নিষেধ। যেখানে একরূপ আশংকা নেই সেখানে জায়েয কিন্তু বিনা প্রয়োজনে পর্দার অন্তরালে থেকেও বেগানা পুরুষদের সঙ্গে কথা-বার্তা না বলার মধ্যেই সাবধানতা নিহিত। প্রয়োজনের মুহূর্তে বলতে হলেও নারীকে মিহি সুরে না বলার পরামর্শ দেয়া হয়েছে। ফিতনার সম্ভাবনা থেকে বাঁচার জন্য এটাই সতর্কতামূলক ব্যবস্থা।

* নারীদের জন্য বেগানা পুরুষকে অলংকারের আওয়াজ শোনানোও জায়েয নয়।

* সুশোভিত রঙ্গিন কারুকার্য খচিত বোরকা পরিধান করে বের হওয়াও নিষিদ্ধ। (معارف القرآن نقلاً عن الجصاص)

* যে ব্যক্তি স্বীয় স্ত্রী বা পরিবারের (অধীনস্ত) কোন মহিলাকে বেগানা পুরুষের সাথে মেলা মেশা করতে দেয়, শক্তি সত্ত্বেও তাতে কোন প্রকার বাধা না দেয় অর্থাৎ, শরী‘আতের পর্দা বিধান লংঘন করতে দেয় তাকে দাইয়ুস বলা হয়। আর হাদীছে এসেছে দাইয়ুস ব্যক্তির জন্য আল্লাহ তা‘আলা জান্নাত হারাম করে দিয়েছেন।

খতনার আহকাম

* ছেলেদের খতনা (মুসলমানী) করানো সুন্নাত। খতনা ইসলামের একটি বৈশিষ্ট্য, তাই এটি অত্যন্ত গুরুত্বপূর্ণ সুন্নাত।

* খতনা করানোর কোন বয়স নির্ধারিত নেই। বাল্যে হওয়ার পূর্বে যে কোন বয়সে যে কোন সময় করে নিবে। (ماثبت بالسنة)

* যদি বাল্যে হওয়ার পূর্বে কারও খতনা না হয়ে থাকে বা কোন অমুসলিম বাল্যে হওয়ার পর মুসলমান হয় এবং পূর্বে তার খতনা না হয়ে থাকে, তাহলেও (বাল্যে হওয়া সত্ত্বেও) খতনা করার হুকুম বলবৎ থাকবে, যদি তার মধ্যে খতনার কষ্ট সহন করার ক্ষমতা থাকে। (امداد الفتاوى ج ١/٤ وغيره)

* খতনা উপলক্ষে আড়ম্বর করা, দূর-দূরান্ত থেকে আত্মীয়-স্বজনকে ডেকে আনা এবং তাদেরও ছেলের জন্য কাপড়-চোপড় ও হাদিয়া তোহফা নিয়ে আসা- এটা সুন্নাত পরিপন্থী। (ইসলামী ফিকাহ)

গোঁপ, দাড়ির মাসায়েল

* পুরুষের জন্য দাড়ি রাখা ওয়াজিব এবং অন্ততঃ এক মুষ্টি লম্বা রাখা ওয়াজিব। দাড়ি মুন্ডানো বা এক মুঠের চেয়ে কম রেখে ছাঁটা বা উপড়ানো হারাম। এক মুঠের চেয়ে লম্বা হলে তা ছেঁটে ফেলানো দোরস্ত আছে। এরূপ চতুর্দিক থেকে সমান করার জন্য কিছু কিছু ছেঁটে ফেলা দোরস্ত আছে।

(إزالة الشك في مسائل)

* দাড়ি এক মুঠের চেয়ে খুব বেশী লম্বা রাখা সুন্নাতের খেলাফ।

(نواوى رحمیه ج ٢/٢)

* গোঁপ দুই দিক থেকে লম্বা করা জায়েয আছে কিন্তু যেন ঠোঁটের উপর না পড়ে- এভাবে ছোট রাখা সুন্নাত।

* গোঁপ মুণ্ডানো জায়েয কি-না এ ব্যাপারে মতভেদ রয়েছে- কোন কোন আলেম বিদআত বলেছেন। অতএব না মুণ্ডানো ভাল। গোঁপ ছেঁটে এত ছোট করে রাখবে যেন মুণ্ডানোর ন্যায় হয়ে যায়, এরূপ করা উত্তম।

* মহিলার গোঁপ দাড়ি হলে মুণ্ডানো জায়েয বরং দাড়ি হলে মুণ্ডিয়ে ফেলা মোস্তাহাব। কোনভাবে মূল থেকে তুলে ফেলতে পারলে আরও উত্তম।

(نواوى رحمیه ج ٢/٢)

* ভাল দেখানোর জন্য পাকা দাড়ি উপড়ে ফেলা নাজায়েয।

* গালের উপরের পশম দাড়ি নয়। এরূপ পশম মুণ্ডন করে রেখার ন্যায় বানানো জায়েয, তবে খেলাফে আওলা। (نواوى رحمیه)

* হলকুমের পশম কামানো চাইনা, তবে হযরত ইমাম আবু ইউসুফ (রহঃ) জায়েয বলেন।

* নীচের ঠোঁটের নিম্নের পশম (বাচ্চা দাড়ি) কামানোকে ফকীহগণ বিদআত বলেছেন, অতএব তা কামানো চাইনা। (ছাফাইয়ে মোআমলাত)

* দাড়ির কলপ/খেযাব সম্পর্কিত মাসায়েল জানার জন্য দেখুন ৪৭৬ পৃষ্ঠা।

চুল ও শরীরের অন্যান্য পশমের মাসায়েল

* সমস্ত মাথায় কানের মধ্য পর্যন্ত বা কানের লতি পর্যন্ত বা কাঁধ পর্যন্ত চুল রাখা (অর্থাৎ, বাবরি রাখা) এবং হজ্জ ও উমরার সময় সমস্ত মাথা মুণ্ডিয়ে ফেলা সুন্নাত। সব স্থানে সমান করে ছেঁটে ফেলা জায়েয। বাবরি রাখলে তার যত্ন নেয়া কর্তব্য।

* মাথার কিছু অংশ কামানো আর কিছু অংশে চুল রাখা নাজায়েয। রোগ ব্যাধির কারণে হলেও জায়েয নয়। মুণ্ডাতে হলে সমস্ত মাথায় চুল মুণ্ডিয়ে ফেলবে। (تاوى رشيدية)

* মাথায় টিকি রাখা বা কোন দরগায় মান্নত মেনে জন্মচুল রাখা নাজায়েয। (صفائى معاملات)

* মহিলাদের ন্যায় পুরুষের চুল রেখে খোপা বাধা বা বেণী বাধা জায়েয নয়। (ايضا)

* মাথা না মুণ্ডিয়ে শুধু গর্দানের পশম মুণ্ডানো জায়েয, তবে উত্তম নয়।

(تاوى رشيدية)

* মহিলাদের মাথা মুণ্ডানো বা চুল ছাঁটা হারাম। হাদীছ শরীফে এরূপ মহিলাদের প্রতি লা'নত এসেছে।

* ভাল দেখানোর জন্য পাকা চুল উঠিয়ে ফেলা নাজায়েয। অবশ্য জেহাদের ময়দানে কাফেরদের অস্ত্রের ভীতি সঞ্চারের জন্য এরূপ করা জায়েয আছে।

* দাড়িতে কলপ/খেযাব লাগানোর যা মাসায়েল, চুলের কলপ/খেযাব লাগানোর মাসআলাও অনুরূপ। দেখুন ৪৭৬ পৃষ্ঠা।

* নাভির নীচের পশম পুরুষের জন্য কামিয়ে ফেলা উত্তম। কোন রকম লোম নাশকের দ্বারা উপড়ে ফেলাও জায়েয আছে। মেয়েদের জন্য উপড়ে ফেলাই সুন্নাতের মোয়াফেক।

* নাভির নীচের পশম কামানোর সময় নাভির দিক থেকে শুরু করা নিয়ম। অভ্যকোষ, তার নীচে ও মলদ্বারে পশম থাকলে সবই কামিয়ে ফেলবে।

* নাকের মধ্যের পশম না উপড়িয়ে কাঁচির দ্বারা কাটা উত্তম।

* বগলের পশম উপড়ে ফেলাই উত্তম, তবে কামানোও জায়েয।

* কানের মধ্যে পশম থাকলে তাও কেটে ফেলবে।

* বুক ও পিঠের পশম কামানো জায়েয আছে তবে ভাল নয়।

* উপরে উল্লেখিত স্থানসমূহ ব্যতীত শরীরের অন্যান্য স্থানের পশম যেমন পায়ের নলা, রান ও হাত ইত্যাদির পশম রাখা এবং কাটা উভয়ই দোরস্ত আছে।

* বগলের পশম, নাভির নীচের পশম, গোঁপ ইত্যাদি প্রত্যেক সপ্তাহে একবার পরিষ্কার করা মোস্তাহাব। শুক্রবার জুমুআর নামাযের আগেই এসব থেকে পাক সাফ হয়ে মসজিদে যাওয়া উত্তম। দু' সপ্তাহে একবার করলেও জায়েয। একেবারে শেষ সীমা চল্লিশ দিন। এ সব থেকে পাক সাফ না হওয়া অবস্থায় চল্লিশ দিন অতিবাহিত হয়ে গেলে গোনাহ হবে।

* জানাবাতের অবস্থায় অর্থাৎ, যখন গোসল ফরয হয়, তখন চুল বা এসব পশম কাটা ছাঁটা মাকরুহ।

* বিনা অপারগতায় অন্যের দ্বারা বগলের পশম সাফ করানো ভাল নয়।

* হু যদি বিশৃংখল থাকে তাও কিছু কিছু কেটে-ছেঁটে সমান করে দেয়া দুরস্ত আছে। তবে মহিলাগণ বর্তমানে যেভাবে হু তুলে একেবারে সরু করে রাখে, এটা আল্লাহর দেয়া গঠনে এক ধরনের বিকৃতি। এ থেকে বিরত থাকাই জরুরী।

* কাটা চুল মটির নীচে দাফন করে দেয়া উত্তম। কোন ভাল জায়গায় ফেলে দেয়াও দুরস্ত আছে, কিন্তু নাপাক ও খাবার স্থানে ফেলা চাই না।

* চুলের কলপ/খেঁষাব, চুলে তেল লাগানো, চিরুনি করা, মহিলাদের জন্য আলগা চুলের খোঁপা লাগানো ইত্যাদি বিষয়ে জানার জন্য দেখুন ৪৭৩-৪৭৬ পৃষ্ঠা।

নখ কাটার মাসায়েল

* হাত পায়ের নখ কেটে ফেলা সুন্নাত। প্রতি সপ্তাহে একবার কাটা মোস্তাহাব। জুমুআর নামাযের পূর্বেই এ থেকে পাক সাফ হয়ে মসজিদে যাওয়া উত্তম। অন্ততঃ দু সপ্তাহে একবার কাটলেও চলবে। চল্লিশ দিনের বেশী না কাটা অবস্থায় অতিবাহিত হলে গোনাহ হবে।

* দাঁত দিয়ে নখ কাটা মাকরুহ। এতে শ্বেত রোগ হওয়ার আশংকা আছে।

* জানাবাতের অবস্থায় অর্থাৎ, গোসল ফরয থাকা অবস্থায় নখ কাটা মাকরুহ।

* কেউ কেউ শামী গ্রহের বরাত দিয়ে নিম্নোক্ত তারতীবে নখ কাটাকে সুন্নাত বলেছেন- হাতের নখ কাটতে প্রথমে ডান হাতের শাহাদাৎ (তর্জনী) আঙ্গুল হতে শুরু করে কনিষ্ঠ আঙ্গুল পর্যন্ত কাটবে। তারপর বাম হাতের কনিষ্ঠ আঙ্গুল হতে শুরু করে বাম হাতের বৃদ্ধাঙ্গুল পর্যন্ত কাটবে, সব শেষে ডান হাতের বৃদ্ধ আঙ্গুলের নখ কাটবে। আর পায়ের নখ কাটতে প্রথমে ডান পায়ের কনিষ্ঠ আঙ্গুল থেকে শুরু করে বৃদ্ধাঙ্গুল পর্যন্ত তারপর বাম পায়ের বৃদ্ধাঙ্গুল থেকে শুরু করে কনিষ্ঠ আঙ্গুলে শেষ করবে।

তবে উল্লেখ্য যে, দূররে মুখতার গুহ্কার হাফেয ইবনে হাজারের বরাত দিয়ে এবং স্বয়ং স্বামী গ্রহ্কারও আল্লামা সুয়ুতী ও ইবনে দাক্কীকুল ঈদ-এর বরাত দিয়ে উপরোক্ত তারতীব সুন্নাত হওয়া সম্পর্কিত বর্ণনা ও রেওয়ায়েত গ্রহণযোগ্য নয় বলে উল্লেখ করেছেন। অতএব যে কোন ভাবে সম্ভব কেটে নিবে। তবে প্রথমে ডান হাতের তারপর বাম হাতের নখ কাটা সুন্নাত হবে এতে কোন সন্দেহ নেই। (২/১৬৮)

* কাটা নখ মাটির নীচে দাফন করে দেয়া উত্তম। অন্ততঃ কোন ভাল জায়গায় ফেলে দেয়াও দূরস্ত আছে। নাপাক ও খারাপ জায়গায় ফেলা চাইনা।

* নখে মেহেদী লাগানো সম্পর্কে জানার জন্য দেখুন ৪৭৫-৪৭৬ পৃষ্ঠা।

**বিশেষ কয়েকটি দিন/রাত ও বিশেষ কয়েকটি সময়ের আমলসমূহ
জুমুআর দিনের বিশেষ কয়েকটি আমল :**

জুমুআর দিন নিম্নোক্ত ৭টি আমল করলে প্রতি কদমে এক বৎসর নফল রোযা ও এক বৎসর নফল নামাযের ছওয়াব পাওয়া যায়।

১. অন্য দিনের তুলনায় ফজরের সময় ঘুম থেকে আগে উঠা।
২. গোসল করা। (মেসওয়াকও করবে।)
৩. উত্তম ও পরিষ্কার কাপড় পরিধান করা।
৪. পায়ে হেঁটে মসজিদে যাওয়া।
৫. ইমাম সাহেবের কাছাকাছি বসা।
৬. মনোযোগ সহকারে খুতবা শোনা।
৭. খুতবার সময় কোনরূপ কাজ না করা বা কথা না বলা। (نسائی و ترمذی)
৮. আতর বা খুশবু লাগানো। (بخاری - كتاب الجمعة)
৯. সূরা কাহাফ তিলাওয়াত করা। (জুমুআর নামাযের আগে হোক বা পরে।)

এরূপ করলে এক রেওয়ায়েতের বর্ণনা অনুযায়ী তার জন্য তার থেকে কা'বা শরীফ পর্যন্ত দীর্ঘ নূর প্রকাশ পাবে। (شعب الإيمان رقم ২৫৫৫) অন্য এক রেওয়ায়েতের বর্ণনা অনুযায়ী তার জন্য এক জুমুআ হতে অন্য জুমুআ পর্যন্ত নূর চমকাতে থাকবে। (مشكاة عن الدعوات الكبير للبيهقي)

১০. জুমুআর দিন বেশী বেশী দুরূদ শরীফ পাঠ করা ও বেশী বেশী যিকির করা মোস্তাহাব। হাদীছ শরীফে জুমুআর দিন ও জুমুআর রাত (বৃহস্পতিবার দিবাগত রাত) হলে বিশেষভাবে নবী সাল্লাল্লাহু আলাইহি ওয়াসাল্লামের প্রতি বেশী বেশী দুরূদ শরীফ পাঠের কথা বর্ণিত হয়েছে। এমনিতেও যে কোন সময় একবাদ দুরূদ শরীফ পাঠ করলে আল্লাহ তাআলা তাকে দশটা রহমত দান করেন এবং ফেরেশতারা তার জন্য দশবার রহমতের দুআ করেন। (القول البديع)
১১. দুই খুতবার মাঝখানে হাত উঠানো ব্যতীত দিলে দিলে দু'আ করা।
১২. সূর্য ডোবার কিছুক্ষণ পূর্ব হতে সূর্যাস্ত পর্যন্ত গুরুত্বের সাথে যিকির, তাসবীহ ও দু'আয় লিপ্ত থাকা।
১৩. জুমুআর দিন চুল কাটা, নখ কাটা, বগল ও নাভির নীচের পশম সাফ করা। এ সম্পর্কে আলোচনা করা হয়েছে।
১৪. জুমুআর দিন জুমুআর নামাযের জন্য যত শীঘ্র মসজিদে যাবে তত বেশী ছওয়াব হবে। সর্বপ্রথম যে যাবে একটা উট কুরবানীর ছওয়াব পাবে। তারপরের জন একটা গাভী কুরবানীর, তারপরের জন দুখা কুরবানীর, তারপরের জন একটা মুরগি দানের এবং তারপরের জন একটা ডিম দানের ছওয়াব পাবে। (مسلم - كتاب الجمعة)
১৫. যে ব্যক্তি জুমুআর দিন ফজর নামাযের পূর্বে তিনবার নিম্নোক্ত এস্তেগফারটি পাঠ করবে তার সমস্ত গোনাহ মাফ করে দেয়া হবে-

أَسْتَغْفِرُ اللَّهَ الَّذِي لَا إِلَهَ إِلَّا هُوَ الْحَيُّ الْقَيُّومُ وَأَتُوبُ إِلَيْهِ - (كتاب الاذكار)

সকাল সন্ধ্যার বিশেষ কয়েকটি আমল ৪

- ১। যে ব্যক্তি সকাল বেলা তিনবার اَعُوْذُ بِاللّٰهِ السَّمِيعِ الْعَلِيمِ مِنَ الشَّيْطَانِ الرَّجِيمِ পড়ে (বিসমিল্লাহ পড়বে না) সূরা হাশরের শেষ তিন আয়াত পাঠ করবে, আল্লাহ তা'আলা তার জন্য সত্তর হাজার ফেরেশতা নিযুক্ত করবেন, যারা তার জন্য সন্ধ্যা পর্যন্ত রহমতের দু'আ করতে থাকবে এবং ঐ দিন তার

মৃত্যু হলে সে শাহাদাতের মৃত্যুবরণ করবে। আর সন্ধ্যায় অনুরূপ পাঠ করলে পরবর্তী সকাল পর্যন্ত ঐ মর্তবা হাছিল হবে। (ترمذی - کتاب فضائل القرآن)

২। যে ব্যক্তি সকাল ও সন্ধ্যায় নিম্নোক্ত দুআ তিনবার পাঠ করবে, আল্লাহ তা'আলা কিয়ামতের দিন (পুরস্কার ও ছওয়ার দিয়ে) তাকে অবশ্যই রাজী খুশী করে দিবেন। দুআটি এই-

رَضِيتُ بِاللَّهِ رَبًّا وَبِالْإِسْلَامِ دِينًا وَبِمُحَمَّدٍ صَلَّى اللَّهُ عَلَيْهِ وَسَلَّمَ نَبِيًّا
وَرَسُولًا - (کتاب الاذکار)

অর্থঃ আমি সন্তুষ্ট রব হিসেবে আল্লাহর প্রতি, দ্বীন হিসেবে ইসলামের প্রতি এবং নবী ও রাসূল হিসেবে মুহাম্মাদ সাল্লাল্লাহু আলাইহি ওয়াসাল্লাম-এর প্রতি।

৩। যে ব্যক্তি সকাল সন্ধ্যা (ফজর ও মাগিবের নামাযের পর কথা বলার পূর্বে) সাতবার পাঠ করবে اللَّهُمَّ اجْرِنِي مِنَ النَّارِ তাহলে ঐ দিন বা রাতে তার মৃত্যু হলে তার জন্য জাহান্নাম থেমে মুক্তি লিখে দেয়া হবে। এ দুআটির অর্থ হল হে আল্লাহ, আমাকে জাহান্নামের আগুন থেকে রক্ষা কর। (مشکوٰۃ عن ابی داؤد)

৪। আল্লাহর সন্তুষ্টি ও জান্নাত চেয়ে সকাল সন্ধ্যায় আটবার পাঠ করবেন-

اللَّهُمَّ إِنِّي أَسْأَلُكَ رِضَاكَ وَالْجَنَّةَ -

অর্থঃ হে আল্লাহ, আমি তোমার নিকট কামনা করি তোমার সন্তুষ্টি এবং জান্নাত।

৫। যে ব্যক্তি সকাল সন্ধ্যায় তিনবার নিম্নোক্ত দুআ পাঠ করবে, ঐ দিন ঐ রাতে তার কোন আকস্মিক বিপদ মুছিবত বা নোকহান ঘটবে না। দুআটি এই-
بِسْمِ اللَّهِ الَّذِي لَا يَضُرُّ مَعَ اسْمِهِ شَيْءٌ فِي الْأَرْضِ وَلَا فِي السَّمَاءِ وَهُوَ السَّمِيعُ الْعَلِيمُ - (رواه الترمذی فی ابواب الدعوات وقال حدیث حسن صحیح غریب)

অর্থঃ আল্লাহর নাম নিয়ে (আমি সকাল/সন্ধ্যা বেলায় পৌছলাম) যার নামের উপর থাকলে আসমান ও জমিনের কেউ ক্ষতি করতে পারে না, তিনি সব কিছু শোনেন ও সব কিছু জানেন।

৬। নবী কারীম সাল্লাল্লাহু আলাইহি ওয়াসাল্লাম সকাল বেলায় পাঠ করতেন-

اللَّهُمَّ بِكَ أَصْبَحْنَا وَبِكَ أَمْسَيْنَا وَبِكَ نَحْيَى وَبِكَ نَمُوتُ وَإِلَيْكَ النُّشُورُ -

অর্থঃ হে আল্লাহ, তোমার কুদরতেই আমি সকাল বেলায় প্রবেশ করলাম, তোমার কুদরতেই আমি সন্ধ্যাবেলায় প্রবেশ করি। তোমার কুদরতেই আমি বেঁচে থাকি এবং মৃত্যুবরণ করি। আর তোমার দিকেই পুনঃ উত্থান করতে হবে। (আবু দাউদ - كتاب الادب)

সন্ধ্যা বেলায় পাঠ করতেন-

اَللّٰهُمَّ بِكَ اَمْسَيْنَا وَبِكَ اَصْبَحْنَا وَبِكَ نَحْيٰى وَبِكَ نَمُوْتُ وَاِلَيْكَ النُّشُوْرُ۔
(আবু দাউদ - كتاب الادب)

অর্থঃ পূর্বের দুআর মতই।

৭। যে ব্যক্তি সকাল সন্ধ্যায় নিম্নোক্ত দুআ পাঠ করবে তার একটা গোলাম আযাদ করার ছওয়াব হবে, দশটা নেকী লেখা হবে, দশটা পাপ মোচন হবে এবং দশটা দরজা বুলন্দ হবে।

لَا اِلٰهَ اِلَّا اللّٰهُ وَحْدَهُ لَا شَرِيْكَ لَهٗ لَهٗ الْمُلْكُ وَلَهٗ الْحَمْدُ وَهُوَ عَلٰى كُلِّ شَيْءٍ قَدِيْرٌ - (আবু দাউদ - كتاب الادب)

অর্থঃ আল্লাহ ব্যতীত কোন মা'বুদ নেই। তিনি একক- তাঁর কোন শরীক নেই। রাজত্ব তাঁরই এবং তাঁরই জন্য সকল প্রশংসা, আর তিনি সর্ব বিষয়ে ক্ষমতাবান।

৮। সকাল সন্ধ্যায় কেউ সাযিয়্যুদুল এস্তেগফার পাঠ করলে ঐ দিন বা রাতে যদি তার মৃত্যু হয় তাহলে সে জান্নাতে যাবে। সাইয়্যেদুল এস্তেগফারটি এই-

اَللّٰهُمَّ اَنْتَ رَبِّىْ لَا اِلٰهَ اِلَّا اَنْتَ خَلَقْتَنِىْ وَاَنَا عَبْدُكَ ، وَاَنَا عَلٰى عَهْدِكَ وَوَعْدِكَ مَا اسْتَطَعْتُ ، اَعُوْذُ بِكَ مِنْ شَرِّ مَا صَنَعْتُ - اَبُوْءُ لَكَ بِنِعْمَتِكَ عَلٰى وَاَبُوْءُ بِذَنْبِىْ ، فَاغْفِرْ لِىْ فَاِنَّهٗ لَا يَغْفِرُ الذُّنُوْبَ اِلَّا اَنْتَ - (بخارى - كتاب الدعوات)

অর্থঃ হে আল্লাহ! তুমি আমার প্রতিপালক, তুমি ছাড়া কোন মা'বুদ নেই। তুমি আমাকে সৃষ্টি করেছ, আমি তোমার বান্দা। আমার সাধ্য অনুযায়ী আমি তোমার সাথে কৃত অঙ্গীকার ও ওয়াদার উপর (অর্থাৎ, তোমার আদেশ-নিষেধের উপর) অটল রয়েছি। আমার কৃতকর্মের অনিষ্ট থেকে আমি তোমার কাছে পানাহ চাই। আমি তোমার কাছে আমার প্রতি প্রদত্ত তোমার নেয়ামত

সমূহের কথা স্বীকার করছি এবং আমার পাপ স্বীকার করছি। অতএব, আমাকে ক্ষমা করে দাও। তুমি ছাড়াতো আর কেউ ক্ষমা দানকারী নেই।

৯। যে ব্যক্তি সকালে সূরা ইয়াসীন পাঠ করবে সে সন্ধ্যা পর্যন্ত সুখে স্বস্থিতে থাকবে, আর সন্ধ্যায় পাঠ করলে সকাল পর্যন্ত সুখে স্বস্থিতে থাকবে। (معارف القرآن نقلاً عن المظهری) সূরা ইয়াসীন পাঠের আরও বহু ফযীলত রয়েছে। তন্মধ্যে একটি হল একবার সূরা ইয়াসীন পাঠ করলে দশ খতম কুরআনের ছওয়াব পাওয়া যায়। (رواه الترمذی وقال : حديث غریب)

১০। যে ব্যক্তি প্রতি রাতে সূরা ওয়াকেরা পাঠ করবে, সে অনাহারে থাকবেনা, আল্লাহ তাআলা তার রিয়িকের অভাব দূর করে দিবেন। (শুআবুল ঈমান)

১১। আরবী মাসের ২৯ তারিখ হলে সন্ধ্যায় পরবর্তী মাসের চাঁদ তালাশ করা কর্তব্য। কেননা আরবী মাসের হিসাব রাখা মুসলমানদের দায়িত্ব। নতুন চাঁদ দেখলে পড়বে-

اَللّٰهُمَّ اِهْلِلْهُ عَلَيْنَا بِالْاَمْنِ وَالْاِيْمَانِ وَالسَّلَامَةِ وَالْاِسْلَامِ رَبِّیْ وَرَبُّكَ اللّٰهُ۔
(ترمذی- ابواب الدعوات)

অর্থ : হে আল্লাহ, এই চাঁদকে আমার উপর বরকত, ঈমান, শান্তি, নিরাপত্তা ও ইসলাম তথা ধর্মীয় কার্যাবলীর সুযোগ হিসেবে উদ্ভিত করে রাখ। হে চাঁদ, আমার ও তোমার প্রতিপালক হলেন আল্লাহ।

১২। সন্ধ্যার সময় বাচ্চা ও শিশুদেরকে ঘরে নিয়ে যাবে- বাইরে রাখবে না। কেননা এ সময় দুষ্ট জিনেরা চলাফেরা করে।

১৩। সূর্য উদ্ভিত হলে পড়বে-

اَلْحَمْدُ لِلّٰهِ الَّذِیْ وَهَبَ لَنَا هَذَا الْیَوْمَ وَاَقْلَنَا فِیْهِ عَثْرَاتِنَا۔ (ابن السنی)

অর্থ : সমস্ত প্রশংসা আল্লাহর জন্য, যিনি আজ আমাদেরকে ক্ষমা করেছেন এবং পাপের কারণে আমাদেরকে ধ্বংস করেননি।

১৪। মাগরিবের আযান হওয়ার সময় পড়বে-

اَللّٰهُمَّ هَذَا اِقْبَالُ لَیْلِکَ وَاَذْبَارُ نَهَارِکَ وَاَصْوَاتُ دُعَاتِکَ فَاعْفِرْ لِیْ - (ابو داود)

অর্থ : হে আল্লাহ, এটা তোমার রাতের আগমন ও দিনের বিদায় গ্রহণের সময় এবং তোমার পক্ষ থেকে আহবানকারীদের আহবান ধ্বনিত হচ্ছে। সুতরাং তুমি আমাকে ক্ষমা করে দাও।

প্রত্যেক ফরয নামাযের পরের বিশেষ কয়েকটি আমল :

* প্রত্যেক ফরয নামাযের সালাম ফিরানোর পর- **أَسْتَغْفِرُ اللَّهَ - أَسْتَغْفِرُ اللَّهَ - أَسْتَغْفِرُ اللَّهَ** (এভাবে নিতবার) পড়া সুন্নাত।

* প্রত্যেক ফরয নামাযের পর ৩৩ বার সোবহানাল্লাহ, ৩৩ বার আলহামদু লিল্লাহ এবং ৩৪ বার আল্লাহ আকবার পড়লে তার বহু ফযীলত রয়েছে। সুন্নাত শেষ করে এগুলো পড়লেও চলবে। ১০০ বার উপরোক্ত তাসবীহ পড়ার পর নিম্নোক্ত দু'আটি পড়ে নিলে আরও উত্তম। (মুসলিম)

لَا إِلَهَ إِلَّا اللَّهُ وَحْدَهُ لَا شَرِيكَ لَهُ لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ - (মসলম - كتاب الصلوة)

অর্থ : ৩৩৮ পৃষ্ঠা দ্রঃ।

* নবী কারীম সাল্লাল্লাহু আলাইহি ওয়াসাল্লাম প্রত্যেক ফরয নামাযের পর যে সব দু'আ (মুনাজাত) পড়তেন তার কয়েকটি নিম্নে পেশ করা হল।

(১) **اللهم انت السلام ومنك السلام تباركت يا ذا الجلال والاكرام** :

অর্থ : হে আল্লাহ, তুমি শাস্তিময় এবং তোমার পক্ষ থেকে শাস্তি প্রদত্ত হয়। তুমি মহান হে মহিমাময়, মহানুভব! (মুসলিম ও আবু দাউদ)

(২) **اللهم اعننى على ذكرك وشكرك وحسن عبادتك** . (ابو داود)

অর্থ : হে আল্লাহ, তুমি আমাকে সাহায্য কর তোমার যিকির করা, তোমার শোকর আদায় করা ও উত্তম ভাবে তোমার ইবাদত করার জন্য।

(৩) **اللَّهُمَّ إِنِّي أَعُوذُ بِكَ مِنَ الْجُبْنِ وَأَعُوذُ بِكَ مِنَ الْبُخْلِ، وَأَعُوذُ بِكَ**

مِنْ أَنْ أُرَدَّ إِلَى أَرْدَلِ الْعُمُرِ، أَعُوذُ بِكَ مِنْ فِتْنَةِ الدُّنْيَا وَعَذَابِ الْقَبْرِ - (بخارى)

অর্থ : হে আল্লাহ, আমি তোমার কাছে পানাহ চাই কাপুরুষতা হতে, তোমার কাছে পানাহ চাই হীন বয়সে উপনীত হওয়া থেকে, তোমার কাছে পানাহ চাই দুনিয়ার ফেতনা থেকে এবং তোমার কাছে পানাহ চাই কবরের আযাব থেকে।

(৪) **اللَّهُمَّ إِنِّي أَعُوذُ بِكَ مِنَ الْكُفْرِ وَالْفَقْرِ وَالْعَذَابِ الْقَبْرِ** . (نسائي)

অর্থ : হে আল্লাহ, আমি তোমার কাছে পানাহ চাই কুফর থেকে, অভাব-অনটন থেকে এবং কবরের আযাব থেকে।

(৫) **أَشْهَدُ أَنْ لَا إِلَهَ إِلَّا اللَّهُ الرَّحْمَنُ الرَّحِيمُ اللَّهُمَّ أَذْهِبْ عَنِّي الْهَمَّ وَالْحُزْنَ** .

অর্থ : আমি সাক্ষ্য দিচ্ছি যে, আল্লাহ ব্যতীত ইবাদতের কেই নেই। তিনি অত্যন্ত দয়ালু, করুণাময়। হে আল্লাহ, তুমি আমার দুঃশিক্ষিত ও দুঃখ দূরীভূত করে দাও।

(৬) اَللّٰهُمَّ اجْعَلْ خَيْرَ عُمْرِيْ خَيْرَ الْخِرَةِ وَخَيْرَ عَمَلِيْ خَوَاتِمَهُ وَاجْعَلْ خَيْرَ اَيَّامِيْ يَوْمَ الْقَاكَ -

অর্থ : হে আল্লাহ, তুমি বানাও আমার জীবনের শেষ অংশকে শ্রেষ্ঠ অংশ, আমার শেষ আমলকে শ্রেষ্ঠ আমল এবং সেই দিনকে আমার শ্রেষ্ঠ দিন যেদিন তোমার সাথে আমার সাক্ষাৎ হবে।

* তাবারানী ও সহীহ ইবনে হিব্বানের হাদীছে আছে, প্রত্যেক ফরয নামাযের পর যে ব্যক্তি আয়াতুল কুরছী নিয়মিত পাঠ করে, তার জন্য বেহেশতে প্রবেশের পথে একমাত্র মৃত্যু ছাড়া আর কোন অন্তরায় থাকে না অর্থাৎ, মৃত্যুর সাথে সাথেই সে বেহেশতের ফলাফল ও আয়েশ ভোগ করতে শুরু করবে। আয়াতুল কুরছী হল তৃতীয় পারার শুরুতে اَللّٰهُ لَا اِلَهَ اِلَّا هُوَ الْحَيُّ শুরু করবে। আয়াতুল কুরছী হল তৃতীয় পারার শুরুতে اَللّٰهُ لَا اِلَهَ اِلَّا هُوَ الْحَيُّ থেকে শুরু করে وَهُوَ الْعَلِيُّ الْعَظِيْمُ পর্যন্ত।

আইয়্যামে বীযের আমল (রোযা) :

‘আইয়্যামে বীয’ অর্থ উজ্জ্বল রাতের দিনগুলো। চান্দ্র মাসের ১৩শ, ১৪শ ও ১৫শ তারিখকে আইয়্যামে বীয বলা হয়।

* নবী কারীম সাল্লাল্লাহু আলাইহি ওয়াসাল্লাম বলেছেনঃ প্রতি মাসে তিনটা রোযা রাখ, কেননা, সব নেকী দশ গুণ দেয়া হয়। সেমতে সারা বৎসর রোযা রাখার ছওয়াব হবে। (বোখারী ও মুসলিম) অন্য এক হাদীছে নবী কারীম সাল্লাল্লাহু আলাইহি ওয়াসাল্লাম হযরত আবু যর গিফারী (রাঃ)কে বলেছিলেন প্রতি মাসে তিন দিন নফল রোযা রাখতে চাইলে ১৩শ, ১৪শ ও ১৫শ দিন রাখবে। (তিরমিযী ও নাসায়ী) অন্য রেওয়াজে থেকে বোঝা যায় আইয়্যামে বীয ব্যতীত অন্য যে কোন তিন দিন নফল রোযা রাখলেও ঐ ফযীলত হাছিল হয়ে যাবে।

* নফল রোযার নিয়ত ইত্যাদির সম্পর্কে জানার জন্য দেখুন ২৫৫ পৃষ্ঠা।

আশুরা উপলক্ষে করণীয় আমলসমূহ :

মুহাব্বরম মাসের ১০ম তারিখকে ‘আশুরা’ বলা হয়। আশুরা উপলক্ষে সর্বমোট ৪টি আমল করার রয়েছে।

১। ১০ই মুহাররম তারিখে নফল রোযা রাখা মোস্তাহাব। এর দ্বারা পিছনের এক বৎসরের গোনাহ মাফ হয়। এই রোযা রাখলে ১০ তারিখের সাথে ৯ তারিখ বা ১১ তারিখ মিলিয়ে মোট ২টি রোযা রাখবে। ৯ বা ১১ তারিখ বাদে শুধু ১০ই মুহাররমের রোযা (অর্থাৎ, শুধু ১টা রোযা রাখা) মাকরুহ তাহরীমী। (২/১০) আশুরার দিন কাযা রোযা রাখা দ্বারা আশুরার রোযার ফযীলত অর্জিত হবেনা। (১/১০)

২। আশুরায় পরিবার পরিজনকে উত্তম পানাহারের ব্যবস্থা করলে আল্লাহ তা'আলা সারা বৎসর উত্তম পানাহারের ব্যবস্থা করে দিবেন বলে হাদীছে উল্লেখ এসেছে, হাদীছটি আমলযোগ্য (حسن لغيره) পর্যায়ে। তবে বাড়াবাড়ি ও রহমে পরিণত করা ঠিক নয়। (ماثبت بالسنة واحسن الفتاوى)

৩। আশুরার দিনে আল্লাহ তা'আলা ফেরআউনের বাহিনীকে সমুদ্রে ডুবিয়ে এবং বানী ইসরাঈলকে তাঁর কুদরতে সমুদ্র পার হওয়ার তওফীক দিয়ে একটা বড় নিয়ামত দান করেছিলেন। প্রকারান্তরে এটা আমাদের জন্যেও নিয়ামত। তাই এই নিয়ামতের কথা স্মরণ করে আল্লাহর শোকর আদায় করা যায়। এই দিনে আল্লাহ তা'আলা আরও বহু কিছু ঘটিয়েছেন, বহু কিছু পয়দা করেছেন বলে যে সব বর্ণনা পাওয়া যায় তার অধিকাংশই ভিত্তিহীন বা মাউযু। (ماثبت بالسنة)

৪। এই দিনে কারবালায় হযরত হুসাইন (রাঃ) মর্যাদাসিক ভাবে শাহাদাত বরণ করেছিলেন-এই দুঃখ ও মুছীবতের কথা স্মরণ হলে ইন্না লিল্লাহি ওয়া ইন্না ইলাইহি রাজিউন পড়া যায়।

* উল্লেখ্য, এই আশুরার দিনে উপরোক্ত ৪টি আমল ব্যতীত আর যা কিছু করা হয়ে থাকে যেমন খিচুড়ি বস্টন, শরবত পান করানো, তায়িয়া বের করা, বুক চাপড়ানো, হায় হোসেন বলে মাতম করা, শোক মিছিল করা ইত্যাদি- এগুলো ভিত্তিহীন- রহম ও বিদআত, এগুলো গোনাহের কাজ, এগুলো পরিত্যাজ্য।

শবে বরাত-এর আমলসমূহ :

‘বরাত’ শব্দের অর্থ মুক্তি এবং ‘শব’-এর অর্থ রাত। অতএব ‘শবে বরাত’-এর অর্থ মুক্তির রাত। এই রাতে আল্লাহ তা'আলা অভাব-অনটন, রোগ-শোক ও বিপদ-আপদ থেকে মুক্তি চাওয়ার জন্য মানুষকে আহ্বান জানান এবং তাঁর নিকট চাইলে তিনি এসব থেকে মুক্তি দিয়ে থাকেন, তাই এ রাতকে শবে বরাত বা মুক্তির রাত বলা হয়। শাবান মাসের ১৫ই রাত অর্থাৎ,

১৪ই শাবান দিবাগত রাতই হল এই শবে বরাত। হাদীছ শরীফের আলোকে এবং ফেকাহুর কিতাবে বর্ণিত তথ্য অনুযায়ী শবে বরাত উপলক্ষে ৬টি আমলের কথা প্রমাণিত হয় :

১। ১৪ই শাবান দিবাগত রাতে জাগরণ করে নফল ইবাদত-বন্দেগী, যিকির-আযকার ও তিলাওয়াতে লিপ্ত থাকা। এ রাতে যে কোন নফল নামায পড়ুন, যে কোন সূরা দিয়ে পড়তে পারেন- কোন নির্দিষ্ট সূরা দিয়ে পড়া জরুরী নয়। যত রাকআত ইচ্ছা পড়তে পারেন। আরও মনে রাখবেন নফল নামায ঘরে পড়াই উত্তম। একান্ত যদি ঘরে নামায পড়ার পরিবেশ না থাকে তাহলে মসজিদে পড়তে পারেন। বর্তমানে শবে বরাত ও শবে ক্বদর উপলক্ষ্যে ইবাদত করার জন্য মসজিদে ভীড় করার একটা রহম হয়ে গিয়েছে- এর ভিত্তিতে কোন কোন মুফতী শবে বরাত ও শবে ক্বদরে ইবাদত করার জন্য মসজিদে একত্রিত হওয়াকে মাকরুহ ও বিদআত বলে ফতুয়া দিয়েছেন। (দেখুন। فتاوى مؤيدية ج) তাই যথাসম্ভব ঘরেই ইবাদত করা উত্তম হবে।

২। এ রাতে বেশী বেশী দুআ করা। কেননা আল্লাহ তা'আলা সূর্যাস্তের পর থেকে সুব্হে সাদেক পর্যন্ত দুনিয়ার আসমানে এসে মানুষকে ক্ষমা চাওয়ার জন্য, রিযিক চাওয়ার জন্য, রোগ-শোক, বিপদ-আপদ থেকে মুক্তি ও বিভিন্ন মাকছূদ চাওয়ার জন্য আত্মান করতে থাকেন, তদুপরি আর এক হাদীছের বর্ণনা অনুযায়ী এই রাতে মানুষের সারা বৎসরের হায়াত মওত ও রিযিক দৌলত ইত্যাদি লেখা হয়ে থাকে। অতএব এ রাতে আল্লাহর কাছে বেশী বেশী করে দুআ করা চাই।

৩। হাদীছ শরীফে আছে, এই রাতে নবী কারীম সাল্লাল্লাহু আলাইহি ওয়াসাল্লাম কবরস্থানে গিয়েছিলেন এবং মৃত মুসলমানদের জন্য মাগফিরাতের দুআ করেছিলেন। তাই এই রাতে কবর যিয়ারতে যাওয়া যায়। তবে নবী কারীম সাল্লাল্লাহু আলাইহি ওয়াসাল্লাম কবরস্থানে একাকী গিয়েছিলেন- কাউকে সাথে নিয় আড়ম্বর সহকারে যাননি। তাই এ রাতে দলবল নিয়ে সমারোহ না করে আড়ম্বরের সাথে না করে নীরবে কবর যিয়ারতেও যাওয়া যায়।

৪। নবী কারীম সাল্লাল্লাহু আলাইহি ওয়াসাল্লাম মৃত মুসলমানদের জন্য মাগফিরাতের দুআ করেছিলেন। এটা ঈছালে ছওয়াবের অন্তর্ভুক্ত। তাই এ রাতে মৃতদের জন্য দুআ করা ছাড়াও অন্যান্য পদ্ধতিতেও ঈছালে ছওয়াব করার অবকাশ রয়েছে। যেমন কিছু দান-খয়রাত করে বা কিছু নফল ইবাদত-বন্দেগী করে তার ছওয়াব মৃতদেরকে বখশে দেয়া। এরূপ করাও উত্তম হবে।

৫। পরের দিন অর্থাৎ, ১৫ই শাবান নফল রোযা রাখা উত্তম।

৬। শবে বরাতে (১৪ই শাবান দিবাগত রাতে) গোসল করাও মোস্তাহাব।^১

* উপরোল্লিখিত ৬টি বিষয় ব্যতীত শবে বরাত উপলক্ষ্যে আর বিশেষ কোন আমল কুরআন সুন্নাহ দ্বারা প্রমাণিত নয়। শবে বরাত উপলক্ষ্যে হালুয়া রুটি তৈরী করা, মোমবাতি জ্বালানো, আতশবাজী ও পটকা ফোটানো ইত্যাদি নিষিদ্ধ। এগুলো রহম, বিদআত ও গোনাহের কাজ।

(শবে বরাত-এর উপরোক্ত আমলসমূহ সম্পর্কিত হাদীছগুলো ماثبت بالسنة গ্রন্থে بیہقی ও ابن ماجہ প্রভৃতি এর বরাত দিয়ে উল্লেখ করা হয়েছে।)

শবে কদর-এর ফযীলত ও করণীয় :

‘শবে কদর’ কথাটি ফারসী। এর আরবী হল ‘লাইলাতুল কদর’। শব ও লাইলাত শব্দের অর্থ রাত। আর কদর শব্দের অর্থ মাহার্য ও সম্মান। এ রাতের মাহার্য ও সম্মানের কারণেই একে শবে কদর বা লাইলাতুল কদর বলা হয়। কিংবা কদর শব্দের অর্থ তাকদীর ও আদেশ। এ রাতে যেহেতু পরবর্তী এক বৎসরের হায়াত, মওত, রিযিক প্রভৃতি যাবতীয় বিষয়ের তাকদীর লেখা হয় (অর্থাৎ, লওহে মাহফুজ থেকে তা নকল করে সংশ্লিষ্ট ফেরেশতাদের কাছে সোপর্দ করা হয়) তাই এ রাতকে শবে কদর বা লাইলাতুল কদর বলা হয়।

* লাইলাতুল কদর-এর ইবাদত হাজার মাস ইবাদত করার চেয়েও শ্রেষ্ঠ। (সূরা কদর)

* রমযান মাসের শেষ দশকের মধ্যে যে কোন বেজোড় রাতে শবে কদর হতে পারে, যেমন ২১, ২৩, ২৫, ২৭ ও ২৯ তারিখের রাত। ২৭শে রাতের কথা বিশেষভাবে হাদীছে বর্ণিত হয়েছে।

* শবে কদরে নফল নামায, তিলাওয়াত, যিকির ইত্যাদি যে কোন ইবাদত করা যায়। কত রাকআত নফল বা কি কি সূরা দিয়ে পড়তে হবে নির্দিষ্ট নেই- যত রাকআত ইচ্ছা, যে সূরা দিয়ে ইচ্ছা পড়া যায়। শবে কদরে নামাযের বিশেষ কোন নিয়ত নেই- ইশার পর সুব্হে সাদেক পর্যন্ত যে নফল পড়া হয় তাকে তাহাজ্জুদ বলে, তাই নফল বা তাহাজ্জুদের নিয়তে নামায পড়লে চলে।

* নফল নামায যেহেতু ঘরে পড়া উত্তম, তাই এ রাতেও ঘরে থেকে নামায পড়লে উত্তম হবে। একান্তই ঘরে নামাযের পরিবেশ না থাকলে তিনি

قال في الدر المختار (ج/ ١ مطلب سنن الفضل -) وندب (ای الفضل) في ليلة براءة . ١
وقدر اذا راهما وفي رد المحتار اي يقينا او عملا باتباع ما ورد في وقتها .

মসজিদে গিয়ে পড়বেন। তবে বর্তমানে শবে বরাত ও শবে কদরে ইবাদত করার জন্য মসজিদে ভীড় করার একটা রহম হয়ে গিয়েছে। এর ভিত্তিতে কোন কোন মুফতী শবে কদর ও শবে বরাতে ইবাদত করার জন্য মসজিদে একত্রিত হওয়াকে মাকরুহ ও বিদআত বলে ফতুয়া দিয়েছেন। (দেখুন ১/১৭১) তাই যথা সম্ভব ঘরেই ইবাদত করা উত্তম হবে।

* শবে কদরে বিশেষভাবে দুআ কবুল হয়ে থাকে, তাই এ রাতে বেশী বেশী দুআ করা চাই।

* রাসূল সাল্লাল্লাহু আলাইহি ওয়াসাল্লাম হযরত আয়েশা (রাঃ)-কে শবে কদরে বিশেষভাবে এই দুআ পড়তে শিক্ষা দেন-

اللَّهُمَّ إِنَّكَ عَفْوٌ تُحِبُّ الْعَفْوَ فَاعْفُ عَنِّي. (رواه الترمذی واحمد)

অর্থাৎ, হে আল্লাহ! তুমি তো অত্যন্ত ক্ষমাশীল, তুমি ক্ষমা করতে ভালবাস; অতএব আমাকে ক্ষমা করে দাও।

* যে ব্যক্তি শবে কদর চিনতে পারবে তার জন্য শবে কদরে গোসল করা মোস্তাহাব।^১

দুই ঈদের রাত :

* হাদীছে আছে, যে ব্যক্তি ঈদুল ফিতর ও ঈদুল আযহার রাতে জাগরিত থেকে আল্লাহর ইবাদত-বন্দেগীতে মশগুল থাকবে, তাহলে যে দিন অন্যান্য দিল মরে যাবে সেদিন তার দিল মরবে না অর্থাৎ, কিয়ামতের দিনের আতংকের কারণে অন্যান্য লোকের অন্তর ঘাবড়ে গিয়ে মৃতপ্রায় হয়ে যাবে, কিন্তু দুই ঈদের রাতে জাগরণকারীর অন্তর তখন ঠিক থাকবে- ঘাবড়াবে না।

(رواه ابن ماجه ، واسناده ضعيف الا انه يقوى برواية الطبرانی فی الكبير والاولی)

৯ই যিলহজ্জ থেকে ১৩ই যিলহজ্জ পর্যন্ত

তাকবীরে তাশরীকের বিধান :

* ৯ই যিলহজ্জের ফজর থেকে ১৩ই যিলহজ্জের আসর নামায পর্যন্ত সর্বমোট ২৩ ওয়াক্তে প্রত্যেক ফরয নামাযের পর তাকবীরে তাশরীক বলা ওয়াজিব। জামা'আতে নামায হোক বা একাকী সর্বাবস্থায় বলতে হবে। পুরুষ হোক বা নারী সকলকে বলতে হবে।

১. قال فی الدر المختار (ج ۱/ ۱) مطلب سنن الغسل (وندب ای الغسل) فی ليلة براءة . وقد إذا راهاه . وفي رد المحتار ای یقینا او عملاً بانباع ما ورد فی وقتها لاحتیائها .

* তাকবীরে তাশরীক এই-

اللَّهُ أَكْبَرُ اللَّهُ أَكْبَرُ لَا إِلَهَ إِلَّا اللَّهُ وَاللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ -

* এই তাকবীর জোর আওয়াজে বলা ওয়াজিব। তবে মহিলাগণ আন্তে আন্তে বলবে।

* নামাযের সালাম ফিরানোর সাথে সাথে এই তাকবীর বলতে হবে। ইমাম বলতে ভুলে গেলে মুক্তাদীগণ সাথে সাথে বলবে- ইমামের বলার অপেক্ষা করবে না।

* কারও কারও মতে ঈদুল আযহার নামাযের পরও এই তাকবীর পড়ে নেয়া চাই। (رد المحتار ج ۳/۲ فی صلاة العیدین)

* তাকবীরে তাশরীক একবার বলা ওয়াজিব। তিনবার বলা সুন্নাত নয়। তিনবার বলা সুন্নাতের মত অনুযায়ী ফতুয়া দেয়া হয় না। (فتاویٰ رضویہ ج ۳/۲)

ঈদের দিনগুলো :

* ঈদুল ফিতরের দিন, ঈদুল আযহার দিন এবং ঈদুল আযহার পরের তিন দিন সর্বমোট এই ৫দিন যে কোন প্রকারের রোযা রাখা হারাম।

* উপরোক্ত ৫দিন পানাহারের মধ্যে কিছু অতিরিক্ত জাঁকজমক করার অবকাশ রয়েছে এবং তা শরী'আতের কাম্য।

* ঈদুর ফিতরে ১৩টা জিনিস সুন্নাত।

১. ভোরে খুব তাড়াতাড়ি ঘুম থেকে উঠা।

২. মেসওয়াক করা।

৩. গোসল করা।

৪. যথাসাধ্য উত্তম পোশাক পরিধান করা।

৫. শরী'আত সম্মতভাবে সাজ-সজ্জা করা।

৬. খুশবু লাগানো।

৭. ঈদগাহে যাওয়ার পূর্বে কোন মিষ্ট দ্রব্য খেয়ে যাওয়া।

৮. আগে ঈদগাহে যাওয়া।

৯. ঈদগাহে যাওয়ার পূর্বে সদকায়ে ফিতির (ফেতরা) না দিয়ে থাকলে দিয়ে যাওয়া।

১০. ঈদগাহে যেয়ে ঈদের নামায পড়া। বিনা ওজরে মসজিদে না পড়া।

১১. পায়ে হেটে ঈদগাহে যাওয়া।

১২. যাওয়ার সময় এই তাকবীর আন্তে আন্তে পড়তে পড়তে যাওয়া-

اللَّهُ أَكْبَرُ اللَّهُ أَكْبَرُ لَا إِلَهَ إِلَّا اللَّهُ وَاللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ -

১৩. এক রাস্তায় যাওয়া, অন্য রাস্তা দিয়ে প্রত্যাবর্তন।

* ঈদুল আযহার দিনও উপরোক্ত বিষয়গুলো সুন্নাত। পার্থক্য হল (১) ঈদুল আযহায় ঈদগাহে যাওয়ার পূর্বে কিছু না খাওয়া সুন্নাত। (২) ঈদুল আযহায় ঈদগাহে যাওয়ার সময় উপরোক্ত তাকবীর আন্তে আন্তে নয় বরং জোরে জোরে বলা সুন্নাত। (৩) ঈদুল ফিতরের তুলনায় ঈদুল আযহার নামায সকাল সকাল পড়া সুন্নাত। (৪) ঈদুল আযহায় ফিতরা-র বিধান নেই বরং এখানে নামাযের পর কুরবানী রয়েছে।

* যেখানে ঈদের নামায পড়া হবে সেখানে ঐ দিন অন্য কোন নফল নামায পড়া মাকরুহ, চাই ঈদের নামাযের পূর্বে হোক বা পরে। আর ঈদের নামাযের পূর্বে ঘরেও কোন নফল নামায পড়া মাকরুহ। হ্যাঁ ঈদের নামাযের পর ঘরে নফল নামায পড়া যায়- মাকরুহ হবে না।

১লা এপ্রিলে এপ্রিল ফুল পালন করা :

* এপ্রিল ফুল পালন করার মধ্যে যেহেতু মিথ্যা ও ধোঁকার আশ্রয় নেয়া হয়, তাই তা হারাম ও গোনাহে কবীরা। কেননা ধোঁকা দেয়া ও মিথ্যা বলা হারাম-গোনাহে কবীরা। (فتاوى ربيع ج ১/ ১)

শাওয়ালের ছয় রোযা :

* শাওয়াল মাসে (১লা শাওয়াল-ঈদুল ফিতরের দিন বাদে) ছয়টা নফল রোযা রাখলে এক বৎসর নফল রোযার ছওয়াব পাওয়া যায়। (মুসলিম শরীফ) সাধারণ্যে এটাকে ছয় রোযা বলা হয়।

* ছয় রোযা একধারে রাখা যায় আবার মধ্যে মধ্যে বিরতি দিয়ে ভেঙ্গে ভেঙ্গেও রাখা যায়। এটাই উত্তম। (الدر المختار)

* শাওয়াল মাসে কোন কাযা রোযা রাখলে তার দ্বারা ছয় রোযার ফযীলত অর্জিত হবেনা। (اصن الفتاوى ج ১/ ১৩)

৯ই যিলহজ্জের রোযা :

* যিলহজ্জ মাসের নবম তারিখ (আরাফার দিন) রোযা রাখার অনেক ফযীলত রয়েছে। এর দ্বারা পিছনের এক বৎসর এবং সামনের এক বৎসর-এর গোনাহ মাফ হয়ে যায়। তবে হজ্জের অবস্থায় দুর্বল হয়ে যাওয়ার আশংকা

বোধ করলে এ রোযা রাখা মাকরুহ। (الفقه على المذاهب الأربعة ، وامداد الفتاوى)
(ج ২ / نفلا عن رد المحتار .

* কেউ যদি যিলহজ্জ মাসের শুরু থেকে একাধারে নয়টা রোযা রাখে, তাহলে তা অনেক উত্তম। (نَهْيُ زَيْدٍ بِحَوْلِ عَالِمِي ج ১)

শবে মেরাজ :

সাধারণভাবে প্রসিদ্ধ আছে যে, রজব মাসের ২৭শে রাতে রাসূল সাল্লাল্লাহু আলাইহি ওয়াসাল্লাম মেরাজে গিয়েছিলেন। যদিও কোন্ মাসে এবং কোন্ তারিখে মেরাজ হয়েছিল তা নিয়ে বিজ্ঞ মুহাদ্দিহদের মধ্যে প্রচুর মতভেদ রয়েছে। যাহোক রজব মাসের ২৭ তারিখে মেরাজ মেনে নিলেও এরাতটাকে একটি বিশেষ বরকতময় রাত বলা যায় মাত্র, কিন্তু এ রাতে নফল ইবাদত করলে বিশেষ অতিরিক্ত ছওয়াব পাওয়া যাবে বা পরবর্তী দিন নফল রোযা রাখলে বিশেষ ফযীলত পাওয়া যাবে- এরূপ মনে করা ঠিক নয়। এ সম্পর্কে যে সব রেওয়ায়েত ও বর্ণনা পাওয়া যায় তা সহীহ নয়। (ماثبات بالسنة) অতএব এ রাতকে উৎসবের রাত বা এ দিনের রোযা রাখাকে বিশেষ ফযীলতের মনে করা যাবে না। কেউ যদি বিশেষ ছওয়াবের বিশ্বাস না রেখে এ রাতে ইবাদত করে বা পরের দিন রোযা রাখে, তার অবকাশ রয়েছে।

১২ই রবিউল আউয়াল :

১২ই রবিউল আউয়াল রাসূল সাল্লাল্লাহু আলাইহি ওয়াসাল্লাম-এর জন্ম দিবস হিসেবে পরিচিত। তাই এ দিনে কেউ কেউ ঈদে মিলাদুন্নবী পালন করেন। আবার কেউ কেউ জশ্নে জুলূসে ঈদে মিলাদুন্নবী করেন বা বিভিন্ন জন বিভিন্ন ভাবে এই দিনে রাসূল সাল্লাল্লাহু আলাইহি ওয়াসাল্লাম-এর জন্ম বার্ষিকী পালন করেন। ‘ঈদে মিলাদুন্নবী’ অর্থ নবীর জন্ম উপলক্ষে খুশি বা নবীর জন্ম দিবসের উৎসব। আর ‘জশ্নে জুলূসে ঈদে মিলাদুন্নবী’ অর্থ নবীর জন্ম উৎসব উপলক্ষে বর্ণাঢ্য মিছিল। ১২ই রবিউল আউয়ালে রাসূল সাল্লাল্লাহু আলাইহি ওয়াসাল্লাম-এর জন্ম বার্ষিকী পালন এবং এসব উৎসব ও অনুষ্ঠান করা হবে কি-না এ ব্যাপারে নিম্নোক্ত কয়েকটি বিষয় সামনে রাখা যেতে পারে।

১। ১২ই রবিউল আউয়াল রাসূল সাল্লাল্লাহু আলাইহি ওয়াসাল্লাম-এর জন্ম তারিখ কি-না বিষয়টি বিতর্কিত বরং অধিকাংশ মুহাক্কিক আলেমের মতে রাসূল সাল্লাল্লাহু আলাইহি ওয়াসাল্লাম-এর জন্ম তারিখ হল ৮ই রবিউল আউয়াল। অতএব মুহাক্কিক উলামায়ে কেরাম এর মত অনুসারে ১২ই রবিউল আউয়াল রাসূল সাল্লাল্লাহু আলাইহি ওয়াসাল্লাম-এর জন্ম দিবসের উৎসব করা হবে তা হবে বাস্তবতা বিরোধী এবং অসঙ্গত।

২। ১২ই রবিউল আউয়াল রাসূল সাল্লাল্লাহু আলাইহি ওয়াসাল্লাম-এর জন্ম তারিখ কি-না তা নিয়ে প্রচুর মতবিরোধ রয়েছে। পক্ষান্তরে এ তারিখটি রাসূল (সাঃ)-এর ওফাতের তারিখ এরূপ অনেকের মত রয়েছে। অতএব যে তারিখটি রাসূল সাল্লাল্লাহু আলাইহি ওয়াসাল্লাম-এর ওফাতের তারিখ, সে তারিখ মুসলিম উম্মাহর জন্য এক বেদনাবহ স্মৃতি বিজড়িত তারিখ হতে পারে-উৎসবের নয়। তাহলে এদিনে উৎসব করাও অসঙ্গত হবে বৈকি ?

৩। যদি মেনেও নেয়া হয় যে, ১২ই রবিউল আউয়াল রাসূল সাল্লাল্লাহু আলাইহি ওয়াসাল্লাম-এর জন্ম তারিখ, তবুও ইসলামে জন্মদিবস বা মৃত্যুদিবস; জন্মবার্ষিকী বা মৃত্যুবার্ষিকী পালনের কোন নীতি রাখা হয়নি-এগুলো মানুষের সৃষ্টি রহম। স্বয়ং সাহাবায়ে কিরামও রাসূল সাল্লাল্লাহু আলাইহি ওয়াসাল্লাম-এর জন্মবার্ষিকী, তাঁর মৃত্যুবার্ষিকী পালন করেননি। যদি তাঁরা পালন করতেন তাহলে রাসূল সাল্লাল্লাহু আলাইহি ওয়াসাল্লাম-এর জন্ম তারিখ নিয়ে তাদের মধ্যে বিরোধ হওয়ার কোন অবকাশ ছিল না।

৪। রাসূল সাল্লাল্লাহু আলাইহি ওয়াসাল্লাম-এর সীরাত মোবারক নিয়ে আলোচনা করা এবং এরূপ আলোচনার মজলিস অত্যন্ত বরকতময়। রাসূল (সাঃ)-এর প্রতি মহব্বত এবং যওক শওক নিয়ে এরূপ আলোচনা করা ও তাতে শরীক হওয়া রাসূল সাল্লাল্লাহু আলাইহি ওয়াসাল্লাম-এর প্রেমের এক অপরিহার্য দাবী। অতএব ১২ই রবিউল আউয়াল তারিখে এরূপ মজলিস না করে অন্য যে কোন দিন ও যে কোন মাসে করা হলে একদিকে যেমন রহমত ও বরকত লাভ করা যাবে, অপরদিকে অসঙ্গতি ও রহমের অনুসরণ থেকেও নিষ্কৃতি পাওয়া যাবে।

৫। রাসূল সাল্লাল্লাহু আলাইহি ওয়াসাল্লাম-এর সীরাত সারা বৎসর আলোচনার বিষয়, কুরআন সুন্নাহ বর্ণিত সমুদয় আদর্শইতো রাসূলের সীরাত। অতএব সারা বৎসরই রাসূল সাল্লাল্লাহু আলাইহি ওয়াসাল্লাম-এর সীরাত নিয়ে আলোচনার মজলিস হওয়া বাঞ্ছনীয়। শুধু রবিউল আউয়াল মাসেই এরূপ মজলিস মাহফিল হওয়া বাঞ্ছনীয় নয়। শুধু রবিউল আউয়াল মাসেই এরূপ মজলিস মাহফিল করা হয় অন্য মাসে করা হয় না- এটাও এক রহম হয়ে দাঁড়িয়েছে। এ রহমও ভেঙ্গে দিয়ে সারা বৎসরের সব সময় সীরাত নিয়ে আলোচনার মোবারক মাহফিলের ব্যবস্থা করতে হবে।

ফাতেহা ইয়াযদহম :

‘ফাতেহা’ বলতে বুঝানো হয় কোন মৃত্যুর জন্য দুআ করা, ঈছালে ছওয়াব করা। ‘ইয়াযদহম’ ফার্সী শব্দটির অর্থ একাদশ। ৫৬১ হিজরী মোতাবেক ১১৮২ খৃষ্টাব্দের ১১ই রবিউলসানী তারিখে বড়পীর শায়খ আব্দুল

কাদের জিলানী (রহঃ) ইন্তেকাল করেন। তাঁর মৃত্যু উপলক্ষে রবিউল সানীর ১১ই তারিখে যে মৃত্যুবার্ষিকী পালন, উরস ও ফাতেহাখানী হয় তাকে বলা হয়ে থাকে “ফাতেহা ইয়াযদহম”।

পূর্বের পরিচ্ছেদে আলোচনা করা হয়েছে যে, ইসলামে জন্মবার্ষিকী বা মৃত্যু বার্ষিকী পালনের কোন নিয়ম রাখা হয়নি। রাসূল (সাঃ), সাহাবা ও তাবিয়ীনদের যুগে তথা আদর্শ যুগে জন্মবার্ষিকী, মৃত্যুবার্ষিকী, উরস ইত্যাদি পালন করা হত না। এগুলো পরবর্তীতে সৃষ্টি হয়েছে। অতএব ইসলামের নামে এসব অনুষ্ঠান রহম ও বিদআত। তাই ফাতেহা ইয়াযদহম নামে শায়খ আব্দুল কাদের জিলানী (রহঃ)-এর মৃত্যুবার্ষিকী পালন ও উরস করা শরী‘আত সমর্থিত অনুষ্ঠান নয়। তবে তিনি অনেক উঁচু দরের ওলী ও বুযুর্গ ছিলেন, তাই এ নির্দিষ্ট তারিখের অনুসরণ না করে অন্য যে কোন দিন তাঁর জন্য দুআ করলে এবং জায়েয তরীকায় তাঁর জন্য ঈছালে ছওয়াব করলে তাঁর রুহানী ফয়েয ও বরকত লাভের ওহীলা হবে এবং তা ছওয়াবের কাজ হবে।

আখেরী চাহার শোমবাহ :

‘আখেরী চাহার শোমবাহ’ কথাটি ফার্সী। এর অর্থ শেষ বুধবার। সাধারণ পরিভাষায় আখেরী চাহার শোমবাহ বলে ছফর মাসের শেষ বুধবারকে বোঝানো হয়ে থাকে। বলা হয়- রাসূল সাল্লাল্লাহু আলাইহি ওয়াসাল্লাম যে অসুস্থতার মধ্যে রবিউল আউয়াল মাসের শুরু ভাগে ইন্তেকাল করেন সে অসুস্থতা থেকে ছফর মাসের শেষ বুধবারে অর্থাৎ, আখেরী চাহার শোমবায় কিছুটা সুস্থতা বোধ করেছিলেন, তাই এ দিবসটিকে খুশির দিন হিসেবে উদযাপন করা হয়। অথচ এ তথ্য সহীহ নয়। বরং সহীহ ও বিশ্বস্ত তথ্য হল এ বুধবারেই তাঁর অসুস্থতা বেড়ে যায়। কাজেই যে দিন রাসূল সাল্লাল্লাহু আলাইহি ওয়াসাল্লাম-এর অসুস্থতা বেড়ে যায় সেদিন ইয়াহুদী প্রমুখদের জন্য খুশির দিন হতে পারে- মুসলমানদের জন্য নয়। অতএব ছফর মাসের শেষ বুধবার অর্থাৎ, আখেরী চাহার শোমবাহ-কে খুশির দিন হিসেবে উদযাপন করা এবং এ হিসেবে ঐ দিন ছুটি পালন করা জায়েয হবে না। (১/ ۱۰۷۱-۱۰۷۲)

মসজিদের অর্থ কড়ি, মসজিদ নির্মাণের পদ্ধতি ও আনুষঙ্গিক বিষয়ের মাসায়েল

* হারাম উপায়ে অর্জিত অর্থ মসজিদের কাজে ব্যয় করা জায়েয নয়। হালাল অর্থ দ্বারাই মসজিদ নির্মাণ করতে হবে। (فتاوى مؤيد ج ۱/ ۱۰۷)

* অমুসলিমদের অর্থ মসজিদে গ্রহণ করা যায় দুইটি শর্তে। (১) তাদের ধর্মে যদি এরূপ কাজকে পূণ্যের মনে করা হয়ে থাকে। (২) অমুসলিমদের অর্থ গ্রহণ করলে যদি কোন ফেতনা ফাসাদের আশংকা না থাকে, যেমন পরবর্তীতে আবার তারা ফেরত নেয়ার দাবী করতে পারে বা এর জন্যে মুসলমানদের খোঁটা দিতে পারে এরূপ আশংকা না থাকলে। (নতায়ী মুরীহ জ-১/১)

* মসজিদের আকৃতি, ডিজাইন চিরাচরিত যেভাবে হয়ে আসছে সেভাবেই হওয়া জরুরী। এমন আকৃতি ও এমন ডিজাইনের মসজিদ নির্মাণ করা, যেটাকে সাধারণ লোক দূর থেকে দেখলে মসজিদ মনে করবে না, সেরূপ করা মাকরুহ ও গর্হিত। আর অমুসলিমদের উপসনালয়ের আকৃতি ও ডিজাইনে মসজিদ নির্মাণ করা সম্পূর্ণ হারাম। এরূপ আকৃতির মসজিদ ভেঙ্গে দেয়া বা তাতে সংযোজন সাধন করে মসজিদের চিরাচরিত রূপের সাথে সাদৃশ্যপূর্ণ করে দেয়া ওয়াজিব। (জুআহর ফুহ জ-১/১)

* নাম শোহরতের উদ্দেশ্যে পাথরে খোদাই করে মসজিদ নির্মাণকারীর নাম লাগানো দুরন্ত নয়। তবে যদি এই উদ্দেশ্যে লাগানো হয় যে, এটা দেখে নির্মাণকারীর কথা মানুষের স্মরণ হবে এবং তার জন্য দুআ করা হবে, তাহলে তা জায়েয। (নতায়ী মুরীহ জ-১/১)

* মসজিদের সাথে সংশ্লিষ্ট কোন ক্রম থাকলে তাতে যাওয়ার জন্য পৃথক রাস্তা রাখতে হবে। মসজিদকে রাস্তা হিসেবে ব্যবহার করা অনুচিত হবে। তবে এরূপ হয়ে গেলে ভিন্ন ব্যবস্থা না হওয়া পর্যন্ত ব্যবহার করার অনুমতি রয়েছে। (নতায়ী মুরীহ জ-১/১)

* মসজিদের ভিতরে কেবলার দিকের দেয়ালে নকশা ইত্যাদি করা মাকরুহ। ভিতরে অন্য দিকের দেয়ালে বা বাইরে করা যায়, যদি কেউ এই উদ্দেশ্যেই অর্থ দিয়ে থাকেন। সামনের দেয়ালেও নামাযের সময় মুসল্লীর নজরে আসে না-এ রকম উপরে করা যায়। (নতায়ী মুরীহ জ-১/১ ও আসন ফতাবী জ-১/১)

* মসজিদের ইনকামের জন্যে মসজিদের কম্পাউণ্ডে মেছ বা ভাড়ার বাসা তৈরী করা যায়, যদি তাতে মসজিদের ভাবগান্ধীর্ষ ও হৈ চৈ-এর কারণে মসজিদের পরিবেশ নষ্ট হওয়ার আশংকা না থাকে।

* মসজিদের আয় উপার্জনের স্বার্থে অতিরিক্ত স্থানে দোকান ঘর তৈরী করে তা ভাড়া দেয়া জায়েয। তবে যে স্থানে একবার মসজিদ হয়েছে তা ভেঙ্গে সেখানে দোকান/ঘর তৈরী করা জায়েয নয়।

* বেতনভুক্ত মুদাররিহের জন্য মসজিদে (কুরআন/কিতাব-এর) তালীম দেয়া জায়েয নয়। তবে বাইরে কোন জায়গা না থাকলে নিম্নোক্ত শর্তাবলী সাপেক্ষে পড়ানো জায়েয। (১) মুদাররিহ বেতনের লোভের পরিবর্তে জীবিকা নির্বাহের জন্য প্রয়োজনীয় বেতন/ভাতা নেয়ার উপর ক্ষান্ত করবে। (২) উক্ত তালীম নামায, যিকির, তিলাওয়াত ইত্যাদি ইবাদতের ব্যাঘাত ঘটাতে পারবে না। (৩) মসজিদের আদব ও পরিষ্কার-পরিচ্ছন্নতার প্রতি লক্ষ্য রাখতে হবে। (৪) অবুঝ বাচ্চাদের মসজিদে আনবে না। (আসন الفتاوى ج ১/৭)

মসজিদের ব্যবস্থাপনা ও সংরক্ষণ সম্পর্কিত মাসায়েল

* ওয়াক্ফের জন্য রেজিস্ট্রেশন জরুরী নয়। (আসন الفتاوى ج ১/৭)

* মসজিদের ব্যবস্থাপনার জন্য বেতন/ভাতার কথা ওয়াক্ফ নামায উল্লেখ থাকলে এবং বিনা বেতন/ভাতায় শুধু আল্লাহর ওয়াস্তে করার মত কোন লোক বা ট্রাস্টি বোর্ড না থাকলে ব্যবস্থাপনাকারীদের জন্য বেতন/ভাতা নির্ধারণ করার অনুমতি রয়েছে। (আসন الفتاوى ج ১/৭)

* মুতাওয়াল্লী/মসজিদ কমিটির দায়িত্ব ইমাম মুয়াজ্জিনদেরকে প্রয়োজন ও যোগ্যতা অনুসারে বেতন/ভাতা প্রদান করা। এ দায়িত্বে ত্রুটি করলে খোদার নিকট তাদেরকে জবাবদিহী করতে হবে। (আসন الفتاوى ج ১/৭)

* ওয়াক্ফ সম্পত্তি বদল করা জায়েয নয়। (আসন الفتاوى ج ১/৭)

* ওয়াক্ফ সম্পত্তি বিক্রয় করা জায়েয নয়। তবে সাময়িক প্রয়োজনে কোন আসবাব ক্রয় করে থাকলে প্রয়োজন পূর্ণ হওয়ার পর তা বিক্রয় করা জায়েয। (আসন الفتاوى ج ১/৭)

* মসজিদের ওয়াক্ফ সম্পত্তি প্রয়োজনে ভাড়া দেয়া বা জমি হলে তাতে চাষাবাদ করা জায়েয।

* এক ওয়াক্ফের সম্পত্তি অন্য ওয়াক্ফে দান করা জায়েয নয়। তবে ওয়াক্ফনামায় উল্লেখ থাকলে জায়েয।

* ওয়াক্ফনামায় উল্লেখ থাকলে বা ওয়াক্ফ/দানকারীর অনুমতি থাকলে এবং এখানে প্রয়োজন না থাকলে এক ওয়াক্ফের অর্থ অন্য ওয়াক্ফের ঋণ দেয়া যায়।

* ওয়াক্ফ সম্পত্তির অর্থ স্কুল কলেজ প্রভৃতি দুনিয়াবী শিক্ষায় ব্যয় করা জায়েয নয়। (আসন الفتاوى ج ১/৭)

* মসজিদের লোটা (বালতি ইত্যাদি) মসজিদের বাইরে ঘরে নিয়ে যাওয়া বা উযু, ইস্তেন্জা, গোসল ব্যতীত ব্যক্তিগত অন্য কাজে ব্যবহার করা জায়েয নয়। (فتاوى حرمية ج ১/ ১০)

* মুতাওয়াল্লী বা কমিটি মসজিদের টাকা-পয়সা ইত্যাদি হক মাফ করার অধিকার রাখে না।

* ওয়াক্ফকারী/দানকারীর স্পষ্ট বর্ণনা বা অনুমতি ব্যতীত ওয়াক্ফ/দানকৃত সম্পদ থেকে মেহমানদেরকে আপ্যায়ন করা বৈধ নয়।

* ই'তেকাফকারী ও এমন মুসাফির, যার কোন ঠিকানা নেই তারা মসজিদে শয়ন ও পানাহার করতে পারে। জরুরত হলে অন্যদের জন্যও শয়ন এবং পানাহার করা জায়েয। তবে মুসাফির ও অন্যরা (নফল) ইতেকাফের নিয়ত করে নিবে। (فتاوى حرمية ج ১/ ১১، امداد الفتاوى)

* মসজিদে কেরোসিন তেল বা দুর্গন্ধযুক্ত কিছু জ্বালানো নিষেধ। এমনকি ম্যাচ জ্বালানোও নিষেধ। দুর্গন্ধযুক্ত মশার কয়েল জ্বালানোও মাকরুহ।

* স্বাভাবিক নামাযের সময় ব্যতীত অন্য সময় বিশ্রাম গ্রহণের উদ্দেশ্যে মসজিদের পাখা চালানো উচিত নয়।

* মসজিদের কুরআন শরীফ বিক্রি করা জায়েয নয়, আবার তিলাওয়াত বিহীন ফেলে রাখাও ঠিক নয়। এজন্যে অতিরিক্ত কুরআন শরীফ মসজিদে রাখবে না। যদি দানকারীকে বলা হয় যে, এখানে কুরআন শরীফ দান করলে প্রয়োজনের অতিরিক্তগুলো বিক্রি করে দেয়া হবে। এরপরও সে দান করে তাহলে সেরূপ অতিরিক্তগুলো বিক্রি করে দেয়া জায়েয হবে। (فتاوى حرمية ج ১/ ১২)

* মসজিদ অনাবাদ/বিরান হয়ে গেলেও কিয়ামত পর্যন্ত সে স্থান মসজিদের হুকুমে থাকবে এবং মসজিদের ন্যায় তার সম্মান ও আদব রক্ষা করা ওয়াজিব থাকবে।

বিঃ দ্রঃ মসজিদের অন্যান্য সুন্নাত, আদব ও বিধি-নিষেধ সম্পর্কে জানার জন্য দেখুন ১৭২-১৭৫ পৃষ্ঠা।

মাদ্রাসা সম্পর্কিত নীতিমালা ও মাসায়েল

* মাদ্রাসার গঠনতন্ত্র রচিত হয়ে থাকলে সে অনুযায়ী মাদ্রাসা পরিচালনা করা জরুরী। অন্যথায় অন্যান্য মাদ্রাসার প্রচলিত নিয়ম অনুযায়ী মাদ্রাসা চালানো হবে। (امداد الفتاوى ج ৩/ ১)

* মাদ্রাসা ওয়াক্ফ সম্পত্তি হলে ওয়াক্ফ সম্পত্তির মাসায়েল অনুযায়ী মাদ্রাসা পরিচালনা করতে হবে।

* মাদ্রাসার টাকা কর্জ দেয়া জায়েয নয়। মুহতামিম একরূপ করলে তিনি ফাসেক, তাকে পদচ্যুত করা ওয়াজিব এবং ঐ টাকার দায়-দায়িত্ব তার।

(احسن الفتاویٰ ج ۶ فتاویٰ محمودیہ ج ۱)

* মাদ্রাসার টাকা/পয়সা নিজের জন্য কর্জ নেয়াও জায়েয নয়।

(امداد الفتاویٰ ج ۲)

* দানকারী/ওয়াক্ফকারীর স্পষ্ট বর্ণনা বা অনুমতি ব্যতীত মাদ্রাসার টাকা-পয়সা দ্বারা মেহমানদেরকে আপ্যায়ন করানোর শরী'আতে অনুমতি নেই। মাদ্রাসার জলসা প্রভৃতিতে আপ্যায়নের ক্ষেত্রেও এই মাসআলা। আপ্যায়নের প্রয়োজন পূর্ণ করার জন্য এই নামে স্বতন্ত্রভাবে কালেকশন করে নেয়া যেতে পারে। (فتاوى رضى ج ٦، العلم والعلماء)

* মুসাফিরখানার ন্যায় মাদ্রাসার বস্তু, মাদ্রাসার গোসলখানা প্রভৃতি ব্যবহার করা বৈধ নয়। যারা দুই এক দিনের জন্য মেহমান হিসেবে আসেন তারা ব্যবহার করতে পারেন। (১৫৮)

* মসজিদের নামে ওয়াক্ফকৃত স্থানে মাদ্রাসা বানানোর অনুমতি শরী'আতে নেই, তবে ওয়াক্ফকারী/দানকারীর নিয়ত থাকলে এবং তার অনুমতি থাকলে বানানো যায়, কিংবা মসজিদের অর্থে ইমারত নির্মাণ করে মাদ্রাসার নিকট ভাড়া দেয়া যায়। (ایضاً)

* মসজিদে অমুসলিমদের চাঁদা গ্রহণের যে শর্ত, মাদ্রাসায় অমুসলিমদের চাঁদা গ্রহণের বেলায়ও সে শর্ত। দেখুন ৩৫১ পৃষ্ঠা। (العلم والعلماء)

* সরকার যদি প্রতিশ্রুতি দেয় যে, আমরা সাহায্য করে কোনভাবে মাদ্রাসায় হস্তক্ষেপ করব না, তাহলে মাদ্রাসার জন্য সরকারী সাহায্য গ্রহণ করা জায়েয। (العلم والعلماء نقلاً عن امداد الفتاوى ج ۳)

* যাকাতের অর্থ দ্বারা ইমারত নির্মাণ করা বা মুদাররিহদের বেতন/ভাতা প্রদান করা জায়েয নয়। নিতান্ত ঠেকাবশতঃ এ অর্থ দ্বারা বেতন/ভাতা দিতে হলে হীলা (عطی) করে নিতে হবে।

* সাধারণতঃ যে পদ্ধতিতে হীলা হয়ে থাকে যে, একজন গরীব ছাত্র বা কর্মচারীকে ডেকে বলা হয় যে, আমি তোমাকে কিছু যাকাতের টাকা প্রদান করছি। তুমি সেটা মাদ্রাসায় দান করে দিবে। সে বলে আচ্ছা। এরপর তাকে

যাকাতের টাকা দেয়া হয় এবং সে তা মাদ্রাসায় দান করে দেয়। হযরত থানবী (রহঃ) বলেছেন এতে হীলা সহীহ হয় না, কেননা এভাবে সে নিজেকে উক্ত টাকার মালিকই মনে করে না, সে উক্ত টাকা রেখে দেয়ার অধিকারই বোধ করে না বরং সে উক্ত টাকা ফেরত দিতে নিজেকে বাধ্য মনে করে-নিজেকে স্বাধীন মনে করতে পারে না। তাহলে তাকে উক্ত টাকার মালিক বলা যায় না। আর মালিক না হলে হীলায়ে তামলীক হবে কি ছাই! হযরত থানবী (রহঃ) বলেছেন : কাউকে বলা হবে : তুমি কারও থেকে এত টাকা ঋণ নিয়ে মাদ্রাসায় দান কর, আমরা তোমার ঋণ পরিশোধের জন্য তোমাকে (যাকাতের) অর্থ প্রদান করব। তারপর সে ঋণ করে মাদ্রাসায় দান করলে মাদ্রাসার যাকাতের অর্থ থেকে তাকে উক্ত পরিমাণ প্রদান করা হবে এবং তা দ্বারা সে ঋণ পরিশোধ করবে। টাকা হাতে পেয়ে সে ঋণ পরিশোধ করতে না চাইলে তার থেকে জোর পূর্বকও ঋণদাতা নিয়ে নিতে পারবেন। (العلم والعلماء) এরূপ ঋণ দেয়ার জন্য স্বতন্ত্র কিছু টাকা রাখা যেতে পারে।

* ওয়াক্ফকারী/দানকারী নির্দিষ্টভাবে কোন মাদ্রাসার জন্য কুরআন/কিতাব ওয়াক্ফ/দান করে থাকলে তা স্থানান্তরিত করা জায়েয নয়।

(إسْنِ الْفَتَاوى ج ১/৬)

* এক মাদ্রাসার মাল-সামান অন্য মাদ্রাসায় স্থানান্তরিত করা জায়েয নয়।

(إسْنِ الْفَتَاوى ج ১/৬)

* মাদ্রাসার মুহ্তামিম/কমিটির দায়িত্ব মুদাররিছদের যোগ্যতা ও প্রয়োজনের প্রেক্ষিতে তাদেরকে বেতন/ভাতা প্রদান করা। এ দায়িত্বে ত্রুটি করলে খোদার নিকট তাদেরকে জবাবদিহী করতে হবে। (إسْنِ الْفَتَاوى ج ১/৬)

* মাদ্রাসার মুদাররিছ রমযান মাসে মাদ্রাসার কাজ না করলেও রমযানে যে বন্ধ থাকে তাতে সে বেতন/ভাতা পাবে, যদি শাবান মাসেই সে চাকুরীচ্যুত না হয়ে থাকে এবং শাওয়াল মাসে মাদ্রাসার কাজ করে। (إسْنِ الْفَتَاوى ج ১/৬)

* অসুস্থতা এবং ছুটি কাটানোর দিনগুলোতে বেতন পাবে কি-না এ সম্পর্কে মাসআলা হলঃ যদি চাঁদা দাতাদের স্পষ্ট বিবরণ বা লক্ষণ থেকে এ ব্যাপারে সম্মতি বুঝা যায়, তাহলে চাঁদার অর্থ থেকে উক্ত দিনগুলোর বেতন দেয়া জায়েয। অন্যথায় জয়েয নয়। চাঁদা দাতাগণ যদি মুহ্তামিমকে কিছু অধিকার দিয়ে থাকেন (স্পষ্টভাবে হোক বা হাবভাবে) এবং সে অধিকার বলে তিনি এরূপ মুহ্তের বেতন/ভাতার ব্যাপারে কিছু শর্ত আরোপ করেন, তাহলে

সেই শর্ত অনুযায়ী এরূপ মুহূর্তের বেতন/ভাতা গ্রহণ করা জায়েয। যদি স্পষ্ট সম্মতি না পাওয়া যায় কিংবা যদি শর্ত নিরূপিত না হয়ে থাকে কিন্তু মাদ্রাসার নিয়মাবলী লিপিবদ্ধ ও সুবিদিত থাকে, তাহলে সে নিয়মাবলী অনুযায়ী কাজ হবে। আর যদি স্পষ্ট সম্মতি বা নিয়মাবলী রচিত ও সুবিদিত না থাকে তাহলে অন্যান্য মাদ্রাসার সুবিদিত নিয়মাবলীর অনুসরণ করা হবে। আর যদি এই আমদানী কোন ওয়াক্ফ সম্পত্তির থেকে হয়ে থাকে তাহলে তার হুকুম ভিন্ন।

(المدار الفتاوى ج ১/ ৩)

* মাদ্রাসার মুদাররিছ বিশেষ কর্মচারী (مدير), অতএব চাকুরীজীবীদের প্রসঙ্গে এবং শ্রমনীতি সম্পর্কে যে সব মাসায়েল বর্ণনা করা হয়েছে, মুদাররিছদের বেলায়ও সেগুলো প্রযোজ্য হবে। (দেখুন পৃষ্ঠা ৩৬৬ ও পৃষ্ঠা ৩৭৮)

মসজিদ মাদ্রাসা প্রভৃতি ধর্মীয় প্রতিষ্ঠান বা ধর্মীয় কাজের জন্য চাঁদা কালেকশনের মাসায়েল

* কমিশনের ভিত্তিতে চাঁদা কালেকশন করা বা করানো জায়েয নয়।^১

(احسن الفتاوى ج ১/ ৬ - فتاوى محمودية ج ১/ ১ اور العلم والعلماء)

* লোকজনের সামনে নির্দিষ্ট করে সম্বোধনপূর্বক কারও নিকট চাঁদা চাওয়া হলে বাহ্যতঃ সে চাপের মুখে বা লজ্জায় পড়ে দিয়ে থাকে- স্বেচ্ছায় খুশি মনে দেয় না। আর খুশি মনে না হলে কারও নিকট থেকে চাঁদা নেয়া জায়েয নয়। (العلم والعلماء) লজ্জায় ফেলে চাঁদা উসূল করা গোনাহ। (احسن الفتاوى ج ১/ ৬)

* চাঁদা চাওয়ার সহীহ তরীকা হল- নির্দিষ্টভাবে সম্বোধন করা ব্যতীত সাধারণভাবে উৎসাহিত করা হবে; এতে যে দিবে তার থেকেই নেয়া হবে।

(احسن الفتاوى ج ১/ ৬)

* হারাম মাল বা হারাম টাকা/পয়সা চাঁদায় গ্রহণ করা যাবে না।

* চাঁদা উসূল করার একটা শর্ত হল নিজেকে অপমানিত হতে হয় এমন পন্থায় চাঁদা উসূল করা যাবে না। অপমানিত হওয়ার সম্ভাবনা থাকলে সেরূপ পন্থায় চাঁদা করা জায়েয নয়। (العلم والعلماء)

* চাঁদা প্রদানের জন্য উৎসাহিত করা জায়েয কিন্তু চাপ সৃষ্টি করা বা নাছোড় হয়ে চাওয়া জায়েয নয়। (العلم والعلماء)

১. সাম্প্রতিক কোন কোন মুফতী সাহেব বর্তমানে এই পদ্ধতির কালেকশনে পূর্বসূরী মুফতিয়ানে কেরাম কথিত الى المنازعة পাওয়া যায়না বিধায় এই পদ্ধতিতে কালেকশনকে জায়েয বলে ফতুয়া দিচ্ছেন।

* চাঁদা উসূলকারী যদি বুঝতে পারেন যে, তার চাপাচাপির কারণেই চাঁদা দেয়া হচ্ছে, তাহলে তার জন্য সে চাঁদা গ্রহণও জায়েয নয় এবং দাতার জন্যও দেয়া জায়েয নয়। (العلم والعلماء)

* ওয়াজ বয়ান ও কথার যাদুতে মানুষ যখন অনেকটা বেহুঁশের মত হয়ে চাঁদা প্রদান করে, সে মুহূর্তের চাঁদা গ্রহণও জায়েয নয় এবং দাতার জন্য দেয়া জায়েয নয়। (العلم والعلماء)

* ওয়াজ বয়ান ও কথার জাদুতে মানুষ যখন অনেকটা বেহুঁশের মত হয়ে চাঁদা প্রদান করে, সে মুহূর্তে চাঁদা গ্রহণ করা ঠিক নয়। তার স্বাভাবিক অবস্থা হওয়ার পর যা দিবে তা গ্রহণ করবে। (العلم والعلماء)

* চাঁদা উসূলকারী চাঁদা প্রদানকারীর জন্য দু'আ করে দিবে, তবে চাঁদা প্রদানকারী দু'আর জন্য আবেদন করবে না। (العلم والعلماء)

* চাঁদা চাওয়ার ক্ষেত্রে এস্তেগনা তথা আরমর্যাদা রক্ষা করে চাওয়া উচিত। (العلم والعلماء)

* মুতাওয়াল্লী/ব্যবস্থাপক কোন দ্বীনী মাসলেহাতের ভিত্তিতে কারও চাঁদা গ্রহণ নাও করতে পারেন। (احسن الفتاوى ج ১/ ২)

কবরস্থান সম্পর্কিত মাসায়েল

* কবরস্থানের শুদ্ধ ঘাস কাটা জায়েয আছে। কাঁচা ও তাজা ঘাস কাটা মাকরুহ; তবে রাস্তা ঘাট পরিষ্কার রাখার প্রয়োজনে কাটা যায়।

* ওয়াক্ফকৃত কবরস্থানের অপ্রয়োজনীয় গাছপালা কেটে তা কাউকে বিনামূল্যে দিয়ে দেয়া জায়েয নয় বরং তা বিক্রি করে কবরস্থানের উন্নয়ন ও পরিচ্ছন্নতার কাজে লাগাতে হবে। এ কবরস্থানে প্রয়োজন না থাকলে পার্শ্ববর্তী অন্য কবরস্থানে লাগানো হবে।

* গাছ ব্যতীত শুধু জমি কবরস্থানের জন্য ওয়াক্ফ করলে গাছের মালিক ওয়াক্ফদাতা। আর কেউ গাছ লাগালে তার মালিক সে। আপনা আপনি যে গাছ জন্মায় তা ওয়াক্ফ সম্পত্তির।

* যে স্থানে কবর নেই সেখানে জুতা/স্যাঙেল পায়ে দিয়ে হাঁটতে কোন অসুবিধা নেই। কবরের উপর দিয়ে জুতা/স্যাঙেল পরে চলা দ্বারা কবরের বেহ্রমতী (অমর্যাদা) হয়ে থাকে।

ঈদগাহ সম্পর্কিত মাসায়েল

* ঈদগাহ প্রায় মসজিদের ন্যায় হুকুম রাখে। মসজিদের ন্যায় ঈদগাহের আদব, এহতেরাম রক্ষা করা চাই।

- * ঈদগাহে খেলা-ধূলা করা উচিত নয়।
- * ঈদগাহে স্কুল বানানো জায়েয নয়।
- * ঈদগাহের জন্য ওয়াক্ফকৃত জমিতে মাদ্রাসা বানানো জায়েয নয়।

(حسن الفتاوى ج ১/ ১)

মুতাওয়াল্লী, মুহতামিম এবং মসজিদ/মাদ্রাসা কমিটির গুণাবলী ও দায়িত্ব কর্তব্য

* মুতাওয়াল্লী/ব্যবস্থাপককে মুসলমান হতে হবে। কোন অমুসলিমকে এ পদে নিয়োগ করা জায়েয নয়। (سارف القرآن)

* মসজিদ মাদ্রাসার মুহতামিমকে ধীনদার, আমানতদার, বিশ্বস্ত ও শরী'আতের পাবন্দ হতে হবে। অন্যথায় তাকে মুতাওয়াল্লী বা মুহতামিম বানানো ঠিক নয়। (জীবন্ত মসজিদ ও ২/ ১)

* বে নামাযী বা ফাসেককে মুতাওয়াল্লী বানানো জায়েয নয়।

(فتاوى محمودیه ج ২/ ১)

* মুতাওয়াল্লী-র মধ্যে প্রশাসনিক দক্ষতা ও ব্যবস্থাপনা সম্পর্কে অভিজ্ঞতা থাকা জরুরী। (فتاوى محمودیه ج ২/ ১)

* মুতাওয়াল্লী-র জন্য আকেল ও বালেগ হওয়া শর্ত। পুরুষ হওয়া বা অন্ধ না হওয়া শর্ত নয়। (জীবন্ত মসজিদ)

* মুতাওয়াল্লীর ক্ষমতা শরী'আতের আইনের সীমার দ্বারা সীমাবদ্ধ-শরী'আতের বাইরে যথেষ্ট ব্যবহার করার বা যথেষ্ট খরচ করার অধিকার তার নেই। (জীবন্ত মসজিদ)

* মাদ্রাসার মুহতামিম আলেম হওয়া চাই। শুধু আলেম নয় আলেমে বা-আমল হওয়া চাই। আলেম না হলেও অন্ততঃ আলেমে বা-আমলের সুহবত প্রাপ্ত হওয়া চাই। (العلم والعلماء)

* মাদ্রাসার প্রতিষ্ঠাতার বংশে কোন যোগ্য আলেম থাকলে সে-ই পরবর্তীতে মুহতামিম হওয়ার অধিক হকদার। (العلم والعلماء)

* ওয়াক্ফ সম্পত্তিতে নাজায়েয হস্তক্ষেপ করনেওয়ালা (মুতাওয়াল্লী, মুহতামিম ও কমিটি)-কে পদ থেকে বরখাস্ত করা ওয়াজিব-না করা গোনাহ।

(حسن الفتاوى ج ১/ ১)

দ্বিতীয় অধ্যায় সমাপ্ত

لَا يَدْخُلُ الْجَنَّةَ مَنْ نَبَتْ لَحْمُهُ مِنْ سُحْتٍ، النَّارُ أَوْلَى بِهِ. الْحَدِيثُ -

(رواه البيهقي واحمد)

অর্থাৎ, যার শরীরের মাংস হারামের দ্বারা উৎপন্ন, সে জান্নাতে যাবে না, জাহান্নামের আগুনই তার জন্য উপযুক্ত। (গুআবুল ঈমান ও মুসনাদে আহমদ)

بِسْمِ اللَّهِ الرَّحْمَنِ الرَّحِيمِ

তৃতীয় অধ্যায়

মুআমালাত

(পারস্পরিক লেন-দেন, কায়-কায়বার ও আয়-উপার্জন সম্পর্কিত)

অর্থনীতি

সম্পদ উপার্জনের নীতিমালা :

১. সম্পদ হালাল ও পবিত্র হতে হবে।
২. হারাম, মাকরুহ ও সন্দেহপূর্ণ (অর্থাৎ, যেখানে জায়েয বা নাজায়েয হওয়ার কোন দিক স্পষ্ট নয়-এরূপ) পন্থায় সম্পদ উপার্জন করা থেকে বিরত থাকতে হবে।
৩. সম্পদ উপার্জনের কাজে লিপ্ত হয়ে কোন ফরয বা ওয়াজিব বা সুন্নাত কাজে কোন বিঘ্ন ঘটতে যেন না পারে।
৪. সম্পদ উপার্জন করতে হবে সম্পদের মোহ বা ভোগ বিলাসিতার উদ্দেশ্যে নয় বরং নিজের দায়িত্ব পালন ও ছওয়াব অর্জনের কাজে ব্যয় করার নিয়তে। তাহলে এটা ইবাদত বলে গণ্য হবে।

সম্পদ ব্যয়ের নীতিমালাঃ

১. সম্পদের উপর শরী'আত যে সব দায়িত্ব অর্পন করেছে, সম্পূর্ণ ইখলাসের সাথে তা আদায় করা। যেমন যাকাত, ফেতরা, কুরবানী, হজ্জ ইত্যাদি।
২. নিজের এবং নিজের পরিবারের ভরণ-পোষণ ও অন্যান্য হক আদায়ের কাজে ব্যয় করা।
৩. অস্বীয়-স্বজন, প্রতিবেশী, মেহমান, মুসাফির, এতীম-মিসকীন, বিধবা প্রভৃতি শ্রেণীর লোকদের প্রয়োজন সাধ্যানুযায়ী পূরণ করা।
৪. অপব্যয় না করা অর্থাৎ, যে সব স্থানে শরী'আত ব্যয় করতে নিষেধ করেছে সেখানে ব্যয় না করা। অপব্যয় করা হারাম।
৫. অতিরিক্তব্যয় না করা অর্থাৎ, বৈধ স্থানেও প্রয়োজনের অতিরিক্ত ব্যয় না করা। এটাও শরী'আতে নিষিদ্ধ।
৬. অপব্যয় না করা অর্থাৎ, বৈধ স্থানে ও প্রয়োজনের স্থানে মোটেই ব্যয় না করা বা প্রয়োজন অনুপাতে ব্যয় না করা বরং কমী করা। এটাকে বুখল বা অপব্যয় বলা হয়। এটা নিন্দনীয়।
৭. ব্যয়ের ক্ষেত্রে কমও নয় বেশীও নয় বরং মধ্যমপন্থা অবলম্বন করা জরুরী।
৮. ঈন ইসলামের হেফাযত এবং দাওয়াত, তাবলীগ ও ধর্ম প্রচারের কাজে আন্তরিকভাবে উদার মনে ব্যয় করা।
৯. দফল ও ছওয়াবের কাজে প্রয়োজনের অতিরিক্ত সম্পূর্ণ সম্পদ ব্যয় করে দেয়ার ক্ষেত্রে নীতি হলঃ যিনি এরকম মজবুত ঈমান ও মজবুত অন্তরের অধিকারী যে, সম্পদ একেবারে না থাকলেও তিনি হা হুতাশ করবেন না বা হারাম পথে ধাবিত হবেন না, তার জন্য এভাবে প্রয়োজনের অতিরিক্ত সম্পূর্ণ সম্পদ ব্যয় করে দেয়ার অনুমতি রয়েছে বরং তা উত্তম। আর যার ঈমান ও অন্তর এরকম মজবুত নয়, তার জন্য সম্পূর্ণ সম্পদ এভাবে ব্যয় করার অনুমতি নেই। কেননা, এভাবে পরে তার ঈমান হারা হওয়ার সম্ভাবনা দেখা দিতে পারে।
১০. সাধারণ অবস্থায় আয়ের চেয়ে ব্যয় বৃদ্ধি করা অনুচিত।

(المعاشرة و النظام থেকে গৃহীত।)

সম্পদ সঞ্চয় ও সংরক্ষণের মাসায়েল

১. জরুরী দায়িত্ব আদায় করার পর সাধারণ অবস্থায় নিজের এবং নিজের সন্তানাদি ও পরিবারের জন্য কিছুটা সঞ্চয় রাখা উত্তম, যাতে পরে নিজেকে

- ও নিজের সন্তানাদিকে অন্যের কাছে হাত পাততে না হয়। (اسلام اقتصادى)
- (نظام رعيه المسلمين)
২. সুদ ভিত্তিক ব্যাংকে টাকা রাখা জায়েয নয়। কারণ, এতে সুদ ভিত্তিক কারবারের অন্যায়ে সহযোগিতা করা হয়। তবে আইনগত বাধ্যবাধকতা থাকলে বা অনন্যোপায় অবস্থায় সম্পদ সংরক্ষণের স্বার্থে রাখার অনুমতি রয়েছে। (فتاوى رعيه)
 ৩. ব্যাংকের সুদের টাকা ব্যাংকে ছেড়ে দিয়ে আসা অন্যায়। কেননা ব্যাংক কর্তৃপক্ষ এটাকে সঠিক খাতে এবং মাসআলা অনুযায়ী ব্যয় করবে না বরং নিয়ম হল এ টাকা তুলে এনে গরীব মিসকীনদের মধ্যে (ছওয়াবের নিয়ত ছাড়া) বন্টন করে দিবে। (احسن الفتاوى)
 ৪. ব্যাংকের সুদের টাকা জনকল্যাণ মূলক কাজে ব্যয় করা যায় না। (যেমন রাস্তা-ঘাট নির্মাণ, মুসাফিরখানা নির্মাণ ইত্যাদি) বরং গরীব-মিসকীনকে প্রদান করতে হবে।
 ৫. বর্তমানে প্রচলিত 'বীমা' সুদ ও জুয়ার সমষ্টি বিধায় তা করানো জায়েয নয়। তবে আইনগত বাধ্যবাধকতা থাকলে ভিন্ন কথা। জীবন বীমা করানো হলে বীমার মূল অর্থ মালিক বা তার ওয়ারিছগণ ভোগ করবে। বাকীটা সুদের অর্থের ন্যায় সদকা করে দেয়া ওয়াজিব।
- (فتاوى رعيه ج ২/ ২ و فتاوى محموديه ج ৩/ ৮)
৬. সম্পদ সংরক্ষণের স্বার্থে চোর, ডাকাত প্রভৃতির নিকট সম্পদের কথা অস্বীকার করা জায়েয, এতে মিথ্যার গোনাহ হবে না। তবে একরূপ ক্ষেত্রে সরাসরি মিথ্যা না বলে ঘুরিয়ে ফিরিয়ে বলাই শ্রেয়।
 ৭. সম্পদ রক্ষার স্বার্থে কেউ নিহত হলে সে শাহাদাতের ছওয়াব লাভ করবে।

ব্যবসা-বাণিজ্য করতে টাকা দেয়ার মাসায়েল

যদি কেউ ব্যবসা-বাণিজ্য করার জন্য অন্যকে টাকা দেয় এবং যাকে টাকা দেয়া হল তার কোন অর্থ উক্ত ব্যবসায় না লাগে বরং সে শুধু শ্রম দেয়, তাহলে একরূপ কারবারকে ইসলামী ফেকাহর পরিভাষায় 'মুযারাবাত' বলা হয়। আর উক্ত ব্যবসায় তার টাকা/অর্থও যদি লাগে তাহলে তাকে 'শেরকাত' (কোম্পানি ব্যবসা) বলা হয়। নিম্নে মুযারাবাত-এর মাসায়েল বর্ণনা করা হল :

* অর্থদাতা/মহাজন ও বেপারীর মুনাফার হার নির্দিষ্ট করে নিতে হবে। অর্থাৎ, লাভের কত অংশ কে পাবে তা নির্দিষ্ট করে নিতে হবে। উদাহরণ স্বরূপ

মহাজনের অর্ধেক বা এক চতুর্থাংশ, বাকীটা বেপারীর ইত্যাদি। যদি এরূপ কথা হয় যে, মোটের উপর মহাজনকে এত টাকা দিতে হবে বা মাসিক এত টাকা দিতে হবে তাহলে নাজায়েয ও সুদ হয়ে যাবে।

* যদি এরূপ কথা হয় যে, যা লাভ হবে তা আমরা বিবেচনা মত বন্টন করে নিব, তাহলে চুক্তি ফাসেদ হয়ে যাবে।

* কারবার শুরু হওয়ার পর যে পর্যন্ত হিসাব বুঝিয়ে দিয়ে কারবার ক্ষান্ত না করবে, সে পর্যন্ত যদি কোন বারে লাভ কোন বারে লোকসান হয়, তাহলে লোকসান লাভের উপর থেকে কাটা যাবে-বেপারীর উপরও ফেলানো হবে না বা মহাজনের উপরও ফেলানো হবে না।

* হিসাব চুকিয়ে কারবার বন্ধ করার সময় যদি দেখা যায় মোট হিসেবে লাভও দাঁড়ায়নি লোকসানও হয়নি- সমান সমান রয়েছে, তাহলে মহাজন আসল টাকা নিয়ে যাবে আর বেপারীর শ্রম বৃথা যাবে- সে তার শ্রমের পরিবর্তে মহাজনের নিকট কিছু দাবী করতে পারবে না।

* হিসাব চুকানোর সময় যদি দেখা যায় লাভতো হয়ইনি বরং উল্টো লোকসান হয়েছে, তাহলে সেই লোকসান বেপারীর উপর ফেলানো যাবে না বরং সে লোকসান মহাজনের যাবে। বেপারীর পরিশ্রমই তো বৃথা গেল, সেই লোকসানই তার জন্য যথেষ্ট।

* যদি এরূপ শর্ত করা হয় যে, মূল টাকায় লোকসান গেলে বেপারীকেও হারাহারি মতে সে টাকার অংশ দিতে হবে বা কারবারে লাভ না হলে বা লোকসান গেলে মহাজনকে বেপারীর শ্রমের মজুরী দিতে হবে তাহলে এ উভয় রকম শর্ত করা ফাসেদ ও নাজায়েয।

* যদি এরূপ শর্ত করা হয় যে, মুনাফা থেকে একটা নির্দিষ্ট অংক যে কোন এক জনের, বাকীটা অন্যের বা একটা নির্দিষ্ট অংক প্রথমে এক জনের জন্যে পৃথক করে নিয়ে বাকীটা উভয়ের মধ্যে বন্টন হবে, তাহলে মুযারাবাত ফাসেদ হয়ে যায়।

* অর্থদাতা কারবারের জন্য নির্দিষ্ট মেয়াদ বা নির্দিষ্ট এলাকা বা নির্দিষ্ট বিষয় নির্ধারণ করে দিতে পারে।

* কারবারের মেয়াদ নির্ধারিত না থাকলে কত দিন পর পর হিসাব নিকাশ করে পরস্পরের মাঝে মুনাফা বন্টন হবে তা স্থির করে নিতে হবে।

* বেপারী মহাজনের অনুমতি ব্যতীত অন্যের নিকট ব্যবসার জন্যে মহাজনের টাকা দিতে পারবে না।

* ব্যবসা করতে গিয়ে মাল উঠানামা করানো, যাতায়াত, সফরে হলে খাওয়া দাওয়া ইত্যাদির খরচ মূলধন থেকে যাবে।

* মুযারাবাতের শর্তাবলী ও চুক্তি লিখিতভাবে নিজেদের কাছে রাখা উত্তম।

* মহাজন যে কোন সময় বেপারীকে বরখাস্ত করার ও টাকা তুলে নেয়ার অধিকার রাখে। তবে বেপারীর নিকট সংবাদ পৌঁছার পূর্বে সে কোন মাল ক্রয় করে থাকলে তা বিক্রয় না করা পর্যন্ত সে বরখাস্ত হবে না।

* মহাজন বা বেপারীর যে কোন একজনের মৃত্যুতে মুযারাবাতের চুক্তি ভঙ্গ হয়ে যায়। ওয়ারিছদেরকে (চাইলে) আবার চুক্তির নবায়ন (জবহবি) করে নিতে হবে।

(বেহেশতী জেওর, ইসলামী ফেকাহঃ ওয়, ছাফাইয়ে মো'আমালাত এবং ৩/ ٣٠٠
থেকে গৃহীত।)

কোম্পানি বা যৌথ কারবারের মাসায়েল

দুই বা ততোধিক ব্যক্তি পারস্পরিক চুক্তি সম্মতি সাপেক্ষে নিজেদের পুঁজি বিনিয়োগ করে যৌথভাবে কোন কারবার করতে চাইলে তার নীতিমালা ও মাসায়েল নিম্নরূপ :

১. যথারীতি যৌথ কারবারের চুক্তি অঙ্গীকার হওয়া চাই। লিখিত হওয়াই উত্তম। মৌখিক হলেও জায়েয হবে।
২. সকলের পুঁজি ও মুনাফা সমান হওয়া জরুরী নয় বরং কারও পুঁজি কম কারও বেশী এবং সে অনুপাতে মুনাফাও অল্প বা অধিক হতে পারে।
৩. মুনাফা বন্টনের হার পরিষ্কারভাবে বর্ণনা করতে হবে অর্থাৎ, কে কত অংশ হারে পাবে সে বর্ণনা থাকতে হবে।
৪. মুনাফার সম্পর্ক কেবল পুঁজির সাথে নয় বরং শ্রম, সাধনা, কৌশলগত যোগ্যতা, বুদ্ধির প্রখরতা প্রভৃতির প্রভাব রয়েছে মুনাফার ক্ষেত্রে। তাই কারও মধ্যে এসব গুণাবলী অধিক থাকার কারণে তার পুঁজি কম হওয়া সত্ত্বেও তাকে মুনাফার হার অধিক দেয়া যেতে পারে। তবে পারস্পরিক সম্মতির ভিত্তিতেই তা নির্ধারিত হতে হবে।
৫. প্রত্যেকের স্বয়ং অথবা প্রতিনিধির মারফত কার্যে অংশ গ্রহণ আবশ্যকীয়। তবে কোন কারণবশতঃ অংশ গ্রহণে অসমর্থ হলেও মুনাফায় অংশীদার থাকবে, কেননা ক্ষতি হলে তাকেও তা বহন করতে হবে।

৬. কারবারের প্রারম্ভে যদি কোন অংশীদার বলে যে, আমি কাজে অংশ গ্রহণ করব না, তাহলে এ কারবার তার জন্য ফাসেদ হয়ে যাবে।
৭. যে বিষয়ের যৌথ কারবার চলে তা ক্রয়-বিক্রয়ের ক্ষেত্রে সকলের অধিকার সমান। এমনভাবে যে কোন অংশীদারের হাতে কারবারের ক্ষতি হলে সকলকেই তার দায়িত্ব বহন করতে হবে। অবশ্য কোন অংশীদার তাকে কোন দ্রব্য ক্রয় করতে বাধা দেয়া সত্ত্বেও যদি সে ক্রয় করে এবং ক্ষতি হয় তাহলে তার দায়িত্ব একা তাকেই বহন করতে হবে। এমনভাবে কেউ কোন দ্রব্য ক্রয় করতে গিয়ে অসম্ভব প্রকারের প্রতারণিত হয়ে থাকলে সে দায়িত্ব তারই উপর বর্তাবে।
৮. কোন শরীক স্বেচ্ছায় ক্ষতি করলে বা ক্ষতিগ্রস্ত হয়ে থাকলে সে দায়িত্ব তারই ঘাড়ে বর্তাবে।
৯. সকল অংশীদারের অনুমতি ছাড়া কোন অংশীদার কাকেও যৌথ মূলধন থেকে ঋণ প্রদান করতে পারবে না।
১০. লাভ ক্ষতিতে সকল অংশীদারকে ভাগী ধরতে হবে, কোন অংশীদার ক্ষতির ভাগ থেকে মুক্ত থাকার শর্ত আরোপ করলে বা কোন অংশীদার ক্ষতির দায়িত্ব পুরোটা নিজে নিতে চাইলে এ যৌথ কারবার নাজায়েয হবে।
১১. নিজের ব্যক্তিগত মালামালের সাথে যৌথ কারবারের মালামালকে একত্রিত করে রাখা অথবা উভয় কারবার মিশ্রিত করে রাখা জায়েয নয়। তবে সকল অংশীদারের অনুমতি থাকলে জায়েয।
১২. সকল অংশীদারের সম্মতি ব্যতীত নতুন কোন অংশীদারকে শরীক করা যাবে না।
১৩. যে যৌথ কারবারের কোন পুঁজি বিনিয়োগ করা হল, কোন অংশীদার ঐ কাজে ব্যক্তিগত অর্থ বিনিয়োগ করে পৃথক কারবার করলেও তা যৌথ কারবারের অন্তর্ভুক্ত বলে গণ্য হবে। যেমন কতিপয় লোক যৌথভাবে একটা কাপড়ের দোকান দিল, এমতাবস্থায় এদের কেউ ব্যক্তিগতভাবে দ্বিতীয় পৃথক কোন কাপড়ের দোকান দেয়ার অনুমতি পাবে না।
১৪. যদি কোন অংশীদার বা অংশীদারগণ অপর কোন অংশীদার বা অংশীদার-গণকে বলে যে, এ কারবার এ স্থানে করলে ভাল হবে; এমতাবস্থায় অন্য স্থানে কারবার করলে যদি ক্ষতি হয় তাহলে নিজেদের মতে যারা সেটা করবে ক্ষতির দায় তাদেরকেই বহন করতে হবে। অবশ্য মুনাফা হলে চুক্তি অনুযায়ী সকলেই তার অংশ পাবে।

১৫. যদি কোন কারণে যৌথ কারবার বাতিল হয়ে যায় অথবা কেউ নিজেই স্বেচ্ছায় চুক্তি বাতিল করে, তাহলে মুনাফা পুঁজি অনুপাতেই বন্টিত হবে। যদিও কারবারের প্রারম্ভে মুনাফা বেশ-কম গ্রহণের শর্তও হয়ে থাকে কিন্তু ভঙ্গের সময় তা কার্যকরী হবে না।
১৬. অংশীদারদের কেউ ইন্তেকাল করলে চুক্তি এমনিতেই বাতিল হয়ে যাবে। অবশ্য উত্তরাধিকারীগণ ইচ্ছা করলে চুক্তি নবায়ন (Renew) করতে পারবে। (ইসলামী ফেকাহঃ ৩য় থেকে গৃহীত।)

যৌথ ফার্মের মাসায়েল

একাধিক সমপেশার লোক কোন পুঁজি ছাড়াই শ্রম বিনিয়োগ ও তার মুনাফা বন্টনের চুক্তিতে যে যৌথ ফার্ম গঠন করে, তাকে ফেকাহর পরিভাষায় ‘শিরকাতে আমল’ বা ‘শিরকাতে সানায়ে’ বলে। যেমন কয়েকজন ঠিকাদার বা কয়েকজন ইঞ্জিনিয়ার বা কয়েকজন দর্জি বা কয়েকজন স্বর্ণকার একত্রে কাজ করার ও তার মুনাফা চুক্তির ভিত্তিতে বন্টন করে নেয়ার চুক্তিতে আবদ্ধ হল। এরূপ যৌথ কারবারের প্রয়োজনীয় কয়েকটি মাসায়েল নিম্নরূপ :

১. এতে মুসলিম অমুসলিম নির্বিশেষে সকলকে অংশীদার বানানো যায়।
২. এ ধরনের যৌথ কারবারে সকলের কাজ সমান সমান হওয়া এবং মুনাফায় সকলের সমান অংশীদার হওয়া শর্ত নয় বরং পারস্পরিক সম্মতির ভিত্তিতে এতে বেশ কমও হতে পারে।
৩. অংশীদারদের যে কেউ কোন কাজ বা কাজের অর্ডার নিলে তার দায়-দায়িত্ব সকলের উপর এসে যাবে এবং কাজদাতা যে কোন অংশীদার থেকে কাজ বুঝে নেয়ার অধিকার রাখবে।
৪. যে কোন অংশীদার কাজের অর্ডারদাতা থেকে পুরা মজুরী চেয়ে নিতে পারবে এবং এরূপ ক্ষেত্রে অন্যান্য অংশীদার আর কাজদাতা থেকে কিছু চাইতে পারবে না। অবশ্য নির্দিষ্ট কোন এক জনের হাতে মজুরী পরিশোধ করতে বলা হয়ে থাকলে কাজদাতার পক্ষে অন্য কাউকে মজুরী দেয়া ঠিক হবে না।
৫. অংশীদারদের একজন কাজ করল অন্যজন করল না, তাহলে এতে কাজ দাতার কিছু বলার থাকবে না। অবশ্য কাজ দেয়ার সময় কাজ দাতার পক্ষ থেকে যদি নির্দিষ্ট কারও কাজে থাকার শর্ত আরোপিত হয়ে থাকে, তাহলে সে অনুযায়ী কাজ হতে হবে।

৬. কোন অংশীদার অসুস্থতা বা এরূপ অনিবার্য কোন কারণ বশতঃ যদি কাজে অংশগ্রহণ করতে না পারে, তাহলেও সে লাভ ও মজুরীতে অংশীদার থাকবে।
৭. কোন কাজে ক্ষতি বা লোকসান হয়ে গেলে প্রত্যেক অংশীদারকে সে ক্ষতি বহন করতে হবে। যে যে হারে লাভের অংশ গ্রহণ করে থাকে, ক্ষতির অংশও সে হারে বহন করবে।
৮. বৃদ্ধায়তনে এ কাজে পরিচালনার প্রয়োজনে কোন ব্যবস্থাপনা পরিষদ গঠন করতে হলে নিজেদের মধ্য থেকে করা যায় বা বাইরে থেকেও করা যায়। ব্যবস্থাপনা পরিষদের সদস্যের জন্য হয় নির্ধারিত বেতন থাকবে বা মুনাফার একটা হারাহারি অংশ থাকবে। একদিকে নির্ধারিত বেতন নিবে অপরদিকে মুনাফার একটা হারও পাবে-তা হতে পারবে না।
৯. কাজ শুরুর পূর্বে চুক্তি অঙ্গীকার হওয়া চাই। লিখিত হোক বা মৌখিক। লিখিত হওয়াই উত্তম।
১০. মুনাফা বন্টনের হার পরিস্কারভাবে নির্ধারিত হওয়া চাই।

মিল/ফ্যাক্টরীর সাথে সম্পর্কিত মাসায়েল ও শ্রমনীতি

* মিল/ফ্যাক্টরীর দু'টো পক্ষ থাকে (১) মালিক পক্ষ (২) শ্রমিক পক্ষ ও কর্মচারী পক্ষ। মালিকের জন্য শ্রমিকের কি করণীয় এবং শ্রমিক কর্মচারীদের জন্য মালিকের কি করণীয় সে সম্পর্কে ৪৩৯ ও ৪৩৭ পৃষ্ঠায় আলোচনা করা হয়েছে। এখানে তন্মধ্যে বিশেষ কয়েকটি মাসআলা এবং মিল/ফ্যাক্টরীর সাথে সম্পর্কিত অন্যান্য আনুষঙ্গিক মাসায়েল বর্ণনা করা হল।

* মালিক শ্রমিক মজুরদেরকে নিজের ভাইয়ের মত মনে করবে।

* তাদের মজুরীর মান হবে নিয়োগকর্তার জীবন যাত্রার মানের সমকক্ষ; উভয়ের মাঝে যেন আকাশ পাতাল পার্থক্য না হয়। এমন কি কৃপণতা বশতঃ কোন মালিক নিম্নমানের জীবনযাত্রায় অভ্যস্ত হলে মজুরদেরকে সে মান গ্রহণের জন্য বাধ্য করার অধিকার তার নেই।

* তাদের দ্বারা এমন কঠোর কাজ করাবে না, যাতে তারা অবসন্ন হয়ে পড়ে বা সত্ত্বর ভগ্নস্বাস্থ্য হয়ে যায়। কখনো এরূপ করার প্রয়োজনীয়তা দেখা দিলে তাদের বাস্তব ও আর্থিক সহায়তা করতে হবে।

* মালিক ও শ্রমিকের মধ্যে একবার কর্মচুক্তি সম্পাদিত হওয়ার পর কাজ করা বা নেয়া অসম্ভব হওয়ার মত পরিস্থিতি সৃষ্টি না হলে (অর্থাৎ, ওজর বা

বাধ্যবাধকতা না দেখা দিলে) সেই চুক্তি বাতিল করার অধিকার কোন পক্ষের নেই।

* উপরে বর্ণিত প্রকৃত ওজর ছাড়া যখনই ইচ্ছা একটা অজুহাত দাঁড় করিয়ে মালিক মিল/ফ্যাক্টরী লক আউট করতে পারবে না বা শ্রমিকরা কাজ বন্ধ/ধর্মঘট করতে পারবে না।

* মাসিক বেতনের ভিত্তিতে বা দৈনিক ভিত্তিতে (Daily basis) বা কাজের পরিমাণের ভিত্তিতে সব ভাবে শ্রমিক নিয়োগ করা যায়।

* শ্রমিককে মাসিক বেতনের ভিত্তিতে নিয়োগ করে থাকলে কাজ না নেয়ার দিনের বা ছুটির দিনেরও মজুরী তাকে দিতে হবে।

* মালিক মজুরী পরিশোধ করার যে সময় নির্ধারণ করেছে সে সময়েই মজুরী প্রদান করা আবশ্যিক। ঘটনাক্রমে কোন দিন বা কোন মাসে পিছিয়ে গেলে দোষ নেই, তবে এরূপ অভ্যস্ত হওয়া অন্যায্য।

* মালিক যদি অনুভব করে যে, কোন শ্রমিক ন্যায্য কাজের ক্ষতি করছে অথবা সে মনোযোগের সাথে কাজ করছে না, তাহলে তাকে কর্মচ্যুত করার অধিকার মালিকের আছে। কিন্তু কর্মচ্যুত করার পূর্বে দুটো কথা জানা দরকার। (১) শ্রমিকদের দৈহিক অসুবিধার কারণে এরূপ হয়ে থাকলে তাদেরকে কোনরূপ চার্জ করা যাবে না। (২) মজুরীর স্বল্পতাই যদি তার অমনোযোগিতার কারণ হয়ে থাকে, তাহলে তার মজুরী প্রচলিত মজুরীর চেয়ে কম হয়ে থাকলে তাকে প্রচলিত মজুরীর সমান মজুরী অবশ্যই দিতে হবে। এ দু'টোর কোনটা কারণ না হলে মালিক তাকে কর্মচ্যুত বা অধিক কাজ করতে আইনতঃ বাধ্য করতে পারবে।

* মালিক শ্রমিককে তাগিদ করতে পারবে কিন্তু গালাগালি বা মার-পিট করতে পারবে না।

* শ্রমিকের দ্বারা ওজরবশতঃ অথবা ঘটনাক্রমে অনিচ্ছায় তার ব্যবহারে বা চার্জে দেয়া মেশিন যন্ত্রাংশ বা কোন আসবাবপত্রের ক্ষতি সাধন হলে মালিক তার থেকে কোন ক্ষতিপূরণ নিতে পারবে না। কিন্তু যদি সে স্বেচ্ছায় ক্ষতিসাধন করে, যেমন মেশিন সোজা না চালিয়ে বিপরীত দিকে চালায় অথবা তার ঠাণ্ডা গরম তারতম্য না করে তা চালায় আর ক্ষতি হয় অথবা ম্যাচের কাঠি ধরাতে গিয়ে মেশিনে আগুন লেগে গেল কিংবা গ্লাস বরতন বা এ জাতীয় আসবাবপত্র এমন স্থানে রাখল, যেখানে ছেলে মেয়ে বা বিড়াল পৌছতে পারে,

ফলে তা ভেসে গেল, এরূপ হলে মালিক তার থেকে ক্ষতিপূরণ নিতে পারে। ঘরের চাকর নওকরের ক্ষেত্রেও এ নিয়ম প্রযোজ্য হবে।

* মালিকের পরামর্শের বিপরীত কাজ করার ফলে ক্ষতি হলে সে জন্য শ্রমিককে ক্ষতিপূরণ দিতে হবে।

* মিল/ফ্যাক্টরীর উৎপাদিত পণ্যের যে মান দেখে গ্রাহকরা তার প্রতি আকৃষ্ট হয়, পরবর্তীতে সে মান কম করে দেয়া গ্রাহকদের প্রতারিত করার শামিল বিধায় তা পাপ ও অন্যায়।

* মালিক যদি কোন কাজের ব্যাপারে শর্ত আরোপ করে যে, এ কাজ তুমি নিজেই করবে, তাহলে শ্রমিক সে কাজ অন্যকে দিয়ে করাতে পারবে না। করালে যদি ক্ষতি হয় তাহলে তাকে ক্ষতিপূরণ দিতে হবে।

* যে সংস্থার মালিক ব্যক্তি বিশেষ, সেক্ষেত্রে তিনি বা যে সংস্থার মালিক কোন ব্যক্তি বিশেষ নয় বরং সরকার বা জনগণ, সে ক্ষেত্রে তার নিয়োগকর্তা যদি অনুমোদন দান করে, তাহলে সে সংস্থার শ্রমিক কর্মচারীদেরকে ছুটি বা অসুস্থতার বেতন/ভাতা দেয়া হবে।

* নিয়োগকর্তাদের পক্ষ থেকে যে টাকা পুরস্কার, অনুদান, বোনাস, প্রভিডেন্ট ফাণ্ড ইত্যাদি স্বরূপ দেয়া হয় তাকে কখনো মজুরীর মাঝে গণ্য করা যায় না।

* বেতন দেয়ার সময় নির্ধারিত থাকলে তার পূর্বে বেতন দাবী করার অধিকার বর্তায় না। তবে মালিক ইচ্ছা করলে অগ্রিম দিতে পারে। সে ক্ষেত্রে বাকী সময় বা বাকী দিনগুলোর কাজ করে দেয়া শ্রমিকের যিম্মাদারী হয়ে দাঁড়ায়। (ইসলামী ফিকাহঃ ৩য় খণ্ড থেকে গৃহীত।)

পেশাজীবী শ্রমিক/ব্যবসায়ী শ্রমিকদের মাসায়েল

যে সব পেশাধারী লোক কিছু কলা কৌশল জানে এবং বিশেষ কোন ব্যক্তি/প্রতিষ্ঠানের অধীনস্থ হয়ে চাকুরী করে না বরং তারা অনেকের কাজ করে দিয়ে থাকে, তাকে বলা হয় 'আজীরে মুশতারাক' বা ব্যবসায়ী শ্রমিক। পেশাজীবী শ্রমিক। যেমন ঘড়ির মেকার, কুলি, মুচি, রং মিস্ত্রি, কামার, স্বর্ণকার, দর্জি, নাপিত, ধোপা প্রভৃতি। এই শ্রেণীর শ্রমিকদের সাথে সম্পর্কিত বিশেষ কয়েকটি মাসায়েল নিম্নরূপ :

* তাদের অবহেলার দরুণ কোন জিনিস নষ্ট হয়ে গেলে তাদেরকে সে জিনিসের ক্ষতিপূরণ দিতে হবে। অবশ্য কেউ ক্ষতিপূরণ দাবী না করলে সেটা তার অনুগ্রহ।

* মজুরী পূর্বেই নির্ধারিত করতে হবে। নগদ না বাকী তা-ও পূর্বেই ফয়সালা করে নিতে হবে। কাজের ধরন ও বিবরণও পূর্বে স্পষ্ট হতে হবে।

* তারা কাজ শেষ করার পূর্বে পারিশ্রমিক পাওয়ার অধিকারী হয় না। তবে স্বেচ্ছায় কেউ পরিশোধ করলে তা ভিন্ন কথা। এজাতীয় পেশাজীবীরা বায়না/এডভান্স স্বরূপ কিছু যদি এই শর্তে গ্রহণ করে যে, কাজ না নিলে সে টাকা ফেরত দেয়া হবে না, তাহলে এরূপ করা জায়েয হবে না। এরূপ শর্ত ছাড়া এডভান্স নিতে পারে।

* তারা যদি কাজ ডেলিভারীর সময় নির্ধারিত করে দেয়, তাহলে অনুরূপ করা আবশ্যকীয় নয়। কেননা তারা আইনের জন্য দায়ী- সময়ের জন্য নয়। অবশ্য নৈতিক দৃষ্টিতে ওয়াদা ভঙ্গ করা অনুচিত। তবে সে যদি কোন কিছু আর্জেন্ট দেয়ার কথা বলে কিছু অতিরিক্ত টাকা গ্রহণ করে, তাহলে সময় মত তা দেয়া আবশ্যকীয়।

* তারা পারিশ্রমিক পাওয়া পর্যন্ত তাদের দায়িত্বে দেয়া দ্রব্য আঁটক রাখতে পারে। যদি এরূপ আঁটক রাখা দ্রব্য আঁটক রাখার মেয়াদে নষ্ট হয়ে যায়, তাহলে তারা সে জন্য দায়ী নয়। (ইসলামী ফেকাহঃ ৩য়)

ক্রয়-বিক্রয়ের সাধারণ মাসায়েল

* অবৈধ বস্তু ক্রয় করা বা কোন ভাবে অবৈধ বস্তুর মালিক হয়ে গেলে এমন লোকের নিকট তা বিক্রয় করা যার জন্য তা অবৈধ, এটা জায়েয নয়।

* যে সব দ্রব্য বিক্রি করা হবে তা সামনে থাকতে হবে অথবা তার নমুনা (sample) সামনে থাকতে হবে। অদেখা দ্রব্য দেখার পর চূড়ান্ত সিদ্ধান্ত নেয়ার শর্তে ক্রয় করলেও তার অনুমতি রয়েছে।

* বিক্রিত দ্রব্যের সমস্ত অবস্থা (দোষ-ত্রুটি থাকলে তা সহ) ক্রেতাকে খুলে বলতে হবে, অন্যথায় বিক্রয় শুদ্ধ হবে না এবং ক্রেতার তা ফেরত দেয়ার অধিকার থাকবে। দ্রব্যের দোষ না বলে ধোকা দিয়ে বিক্রি করা হারাম।

* বিক্রেতা দ্রব্যের যে গুণ বৈশিষ্ট্য বর্ণনা করেছিল পরে তার বিপরীত প্রমাণিত হল, যেমন বণ্ণেছিল রং পাকা বা অমুক কোম্পানীর, অথচ তা মিথ্যা প্রমাণিত হল, এ ক্ষেত্রে ক্রেতা সেটা ফেরত দেয়ার অধিকার রাখে।

* দাম স্পষ্ট ভাষায় ব্যক্ত করতে হবে। কেউ তা অস্পষ্ট বা ব্যাখ্যা সাপেক্ষ রাখলে বিক্রয় শুদ্ধ হবে না।

* ক্রয়ের সময় ক্রেতা যদি বলে দু তিন দিনের মধ্যে (তিন দিনের বেশী নয়) দ্রব্যটি গ্রহণ বা বর্জনের কথা জানাব অথবা ঘরে দেখিয়ে পরে বলব, তাহলে উক্ত মেয়াদের মধ্যে ক্রেতার তা ফেরত দেয়ার অধিকার থাকবে যদি ক্রেতা দ্রব্যটি ব্যবহার করে না থাকে কিংবা যে সব দ্রব্য ব্যবহার করা ব্যতীত সিদ্ধান্ত নেয়া যায় না, সেগুলো ব্যবহারের ফলে দ্রব্যটির মাঝে কোন দোষ-ত্রুটি সৃষ্টি না হয়ে থাকে।

* বিক্রেতা কোন দ্রব্যের বিশেষ গুণাগুণ বর্ণনা করল, কিন্তু অন্ধকারের কারণে ক্রেতা ভাল করে তা দেখে নিতে পারল না। কিংবা কেবল বিক্রেতার বর্ণনার ভিত্তিতে সে ক্রয় করল, কিন্তু পরে নেয়ার পরে পরীক্ষা করে বিক্রেতার বর্ণনা মত পেল না তাহলে ক্রেতার সেটা ফেরত দেয়ার অধিকার থাকবে। নমুনা (sample) দেখে অর্ডার দেয়ার পর নমুনা মত না পেলেও তা ফেরত দেয়ার অধিকার থাকবে। অবশ্য দ্রব্যটি ব্যবহার করলে বা অন্যের কাছে বিক্রি করলে পরে আর তা ফেরত দেয়ার অধিকার থাকে না।

* কোন দ্রব্য না দেখে ক্রয় করে থাকলে দেখার পর তা রাখা বা না রাখার অধিকার থাকবে।

* যে সব বস্তুর নমুনা দেখে সে সম্পর্কে অনুমান করা যায় না, সেরূপ দ্রব্যের নমুনা দেখে অর্ডার দিলে দ্রব্যটি পাওয়ার পর তা ক্রয় করা না করার অধিকার থাকবে। আর যে দ্রব্যের নমুনা দেখে সে সম্পর্কে অনুমান করা যায় সে ক্ষেত্রে নমুনার অনুরূপ না পেলে উপরোক্ত অধিকার থাকবে, কিন্তু নমুনার অনুরূপ পেলে সে অধিকার থাকবে না।

* বিক্রেতা যদি দ্রব্যের সে পরিমাণ দাম নিয়ে থাকে, যা কোন স্বচ্ছ নির্দোষ দ্রব্যের বিনিময়ে নেয়া হয়ে থাকে, আর পরে তাতে কোন দোষ প্রকাশ পায় তাহলে ক্রেতার তা ফেরত দেয়ার অধিকার থাকবে। যদি ক্রেতা দোষ-ত্রুটি সত্ত্বেও রাখতে চায় তাহলে তার দাম কম দেয়ার অধিকার থাকবে না। অবশ্য বিক্রেতা স্বেচ্ছায় কিছু কম নিলে তা তার ইচ্ছা। তবে দোকানদার পণ্যের দোষ-ত্রুটি বলা সত্ত্বেও কেউ সে দ্রব্য ক্রয় করলে উক্ত দোষ-ত্রুটির কারণে তার ফেরত দেয়ার অধিকার থাকবে না।

* ক্রেতার হাতে এসে কোন ত্রুটি হলে সে দ্রব্য ফেরত দেয়ার অধিকার নষ্ট হয়ে যায়।

* ক্রটি প্রকাশ পাওয়ার পর কিছু (ভালটা) রেখে বাকীটা (খারাপগুলো) ফেরত দেয়ার অধিকার নেই। রাখলে পুরাটা রাখতে হবে কিংবা পুরাটা ফেরত দিতে হবে। অবশ্য বিক্রেতা সম্মত হলে সব রকমই করা যেতে পারে।

* যে সব দ্রব্য ভাঙ্গার পর (যেমন ডিম) বা কাটার পর (যেমন তরমুজ) তার ভাল মন্দ বোঝা যায়, সে সব দ্রব্য ভাঙ্গা বা কাটার পর যদি সম্পূর্ণ ফেলে দেয়ার মত অবস্থা দেখা যায়, তাহলে পুরা দাম ফেরত নেয়ার অধিকার থাকবে। যদি অন্য কোন কাজে ব্যবহার করার উপযোগী থাকে (যেমন তরমুজ বা কোন তরকারী জন্তুকে খাওয়ানোর যোগ্য থাকে) তাহলে সেগুলো ফেরত না দিলে কিছু দাম কমানোর অধিকার থাকে।

* ক্রয় বিক্রয়ের সময় প্রথমে দাম পরিশোধ এবং পরে পণ্য হস্তান্তর হবে। ক্রেতা এরূপ দাবী করতে পারবে না যে, প্রথমে পণ্য দিন পরে দাম নিন। অবশ্য বিক্রেতা চাইলে প্রথমে পণ্য দিতে ও পরে দাম নিতে পারে।

* বিক্রেতা কোন দ্রব্য বিক্রি করলে ক্রেতাকে তা এমনভাবে হস্তান্তর করতে হবে যাতে দ্রব্যটি তার আয়ত্তে নিতে কোন প্রকার বেগ পেতে না হয়।

* বিক্রেতা যদি স্বেচ্ছায় কোন দ্রব্য অধিক পরিমাণে দিয়ে থাকে অথবা ক্রেতা মূল্য কিছু বেশী দিয়ে থাকে তাহলে কারবার চূড়ান্ত হওয়ার পর কাউকে তা ফেরত দেয়ার জন্য বাধ্য করা যাবে না।

* দাম পরিশোধ সংক্রান্ত যাবতীয় ব্যয়ভার ক্রেতাকে বহন করতে হবে, যেমন মানিঅর্ডার খরচ (এমনভাবে পে অর্ডার ও পোস্টাল অর্ডার খরচ) ইত্যাদি।

* এভাবে ক্রয়-বিক্রয়ের লেখা পড়া সংক্রান্ত খরচ যেমন জমির দলিল রেজিস্ট্রি ব্যয় ইত্যাদি ক্রেতাকে বহন করতে হবে।

* ক্রেতাকে পণ্য বুঝিয়ে দিতে যে সব খরচ হয়ে থাকে সে সব খরচ বিক্রেতাকে বহন করতে হবে। যেমন মাপ বা ওজন করার ব্যয়, সম্পত্তি সংক্রান্ত কাগজপত্র না থাকলে সেগুলো সংগ্রহের ব্যয় ইত্যাদি।

* ক্রেতার নিকট মালামাল পৌছানোর পরিবহন ব্যয়, ভিপি খরচ ইত্যাদি ক্রেতাকে বহন করতে হবে, অবশ্য বিক্রেতা স্বেচ্ছায় বহন করলে তা হবে তার বদান্যতা। কিন্তু বিক্রেতাকেই তা বহন করতে হবে- এরূপ শর্ত আরোপ করলে বাণিজ্য ফাসেদ হয়ে যাবে।

* ভিপি যোগে মাল পাঠালে তা যদি নষ্ট হয়ে যায় তাহলে তার দায়-দায়িত্ব বিক্রেতাকেই বহন করতে হবে।

* কাউকে কোন মাল তৈরী করার অর্ডার দিলে তার পূর্ণ বিবরণ, দাম দস্তুর, সরবরাহের স্থান, সরবরাহের দিন তারিখ, দাম পরিশোধের সময় ইত্যাদি পরিষ্কারভাবে নির্দিষ্ট হওয়া জরুরী।

* যে কারবার ফাসেদ হয়ে যায় তা ভেঙ্গে দেয়া উচিত। অথবা অন্ততঃ বিক্রেতা দাম ও ক্রেতা পণ্য ব্যবহার থেকে নিজেদেরকে বিরত রাখবে আর তা কোন দরিদ্র অভাবীকে দিয়ে দিবে।

* শরী'আতে যে সব ক্রয়-বিক্রয় জায়েয নয় সেসকল কোন ক্রয়-বিক্রয় সংঘটিত হলেও তা মলিককে ফেরত দেয়া জরুরী- কোনভাবে তাতে হস্তক্ষেপ করা বা নিজের কাজে ব্যবহার করা জায়েয নয়।

* ফল আসার পূর্বে বা পরিপক্ব হওয়ার পূর্বে আম কাঁঠাল প্রভৃতির বাগান বিক্রি করার যে প্রচলন রয়েছে তা জায়েয নয়।

* যে ব্যক্তি খালেহ্ হারাম উপায়ে কোন মাল উপার্জন করেছে তার থেকে সেটা ক্রয় করা জায়েয নয়। (نَدْوَى مَحْمُودِيہ - ۴/)

(বেহেশতী জেওর ও ইসলামী ফেকাহঃ ওয় প্রভৃতি থেকে গৃহীত।)

বিঃ দ্রঃ ক্রেতার অধিকার ও বিক্রেতার অধিকার সম্পর্কে জানার জন্য দেখুন ৪৪০ ও ৪৪১ পৃষ্ঠা।

বাকীতে ক্রয়-বিক্রয়ের মাসায়েল

* ধারে কারবার করতে বিক্রেতার সম্মতি আবশ্যিক, তার সম্মতি ছাড়া দাম বাকী রাখা জায়েয নেই।

* বাকীতে কোন বস্তু ক্রয় করলে মূল্য পরিশোধের দিন বা তারিখ নির্দিষ্ট করে বলতে হবে।

* ক্রেতা কোন একটি দ্রব্য বাকীতে ক্রয় করল অথচ দাম পরিশোধের কোন মেয়াদ নির্দিষ্ট করল না-এমনিই দ্রব্য নিয়ে চলে গেল, তাহলে সে মেয়াদ এক মাস বলে ধরা হবে। এক মাস অতিবাহিত হলেও যদি মূল্য পরিশোধ না করে, তাহলে বিক্রেতা তার বিক্রয়ে আইনানুগ ব্যবস্থা নিতে পারবে।

(اسلامی فقہ بحوالہ المجلہ)

* হিসাব নিকাশের সময় মূল্য নিয়ে মতবিরোধের আশংকা থাকলে মাল্য নির্ধারণের পরেই পণ্য নেয়া উচিত।

* ধারে বিক্রি করার পর বিক্রেতার পণ্য ফেরত নেয়ার অধিকার থাকেনা।

* বিক্রেতা যদি দাম পরিশোধের কিস্তি নির্দিষ্ট করে দেয়, তাহলে তার পুরো দাম একত্রে দাবী করার অধিকার থাকবে না।

* বাকীতে বিক্রি করলে নগদের তুলনায় কিছুটা বেশী দামে বিক্রি করতে পারবে।

* ধারের মেয়াদ বৃদ্ধি করার অধিকার বিক্রেতার, সে চাইলে মেয়াদ বৃদ্ধিও করতে পারে আবার মেয়াদ অতিক্রান্ত হওয়ার পর দাম দাবী করতে পারে এবং কঠোরতা সহকারেও দাম আদায় করার অধিকার তার রয়েছে।

* বাকীতে ক্রয় করলে মেয়াদ পূর্ণ হওয়ার পর মূল্য পরিশোধ করা ওয়াজিব-বিনা অপারগতায় টালবাহানা করা জায়েয নয়।

(ইসলামী ফেকাহ, ৩য় ও বেহেশতী জেওর থেকে গৃহীত।)

দাম এখন পণ্য পরে-এরূপ ক্রয়-বিক্রয়ের মাসায়েল

যদি ক্রেতা থেকে দাম এখনই নেয়া হয় আর পণ্য পরে দেয়ার অঙ্গীকার হয়-এরূপ বিক্রয়কে বলে 'বাইয়ে সালাম'। এ প্রকার ক্রয়-বিক্রয় জায়েয হওয়ার জন্য ছয়টি শর্ত রয়েছে। যথা :

১. যে পণ্যটি নেয়া হবে তার পূর্ণ বিবরণ জানা থাকতে হবে। এর জন্য কিছু নমুনা (sample) দেখে নেয়া উত্তম। যে সব পণ্য নির্দিষ্ট করা সম্ভব নয় তাতে বাইয়ে সালাম জায়েয নয়। যেমন জন্তুর বেলায়।
২. দাম দস্তুর চূড়ান্ত করে নিতে হবে।
৩. পণ্য হস্তান্তরের দিন সময় নির্দিষ্ট করে নিতে হবে।
৪. পণ্য যদি সহজে হস্তান্তর যোগ্য না হয় (যেমন দশ বিশ মণ খাদ্য শস্য বা দু'চার গাইট কাপড় ইত্যাদি) তাহলে সে পণ্য কোন স্থান থেকে ক্রেতাকে বুঝিয়ে দেয়া হবে তা নির্দিষ্ট থাকতে হবে। এরূপ ক্ষেত্রে ক্রেতা বিক্রেতাকে বলতে পারে যে, অমুক স্থানে আমাদের এ সব দ্রব্য পৌছে দিতে হবে।
৫. এরূপ কারবারের কথা-বার্তা চলার প্রাক্কালে সম্পূর্ণ টাকা পরিশোধ করতে হবে। যদি কথা-বার্তা চলে আজ আর টাকা দেয়া হবে পরের দিন, তাহলে বিক্রেতা গতকালের দাম আজ মেনে নিতে বাধ্য নয় বরং আজ নতুন করে কারবার চুক্তি করা বা অঙ্গীকার করার অধিকার থাকবে তার।
৬. যে মেয়াদের জন্য কারবার চুক্তি হল, সে মেয়াদের মধ্যে কখনও যদি পণ্যটি বাজার থেকে উধাও হয়ে যায়-মণ্ডুদ না থাকে, তাহলে বিক্রেতা টাকা ফেরত দিতে পারবে। (ইসলামী ফেকাহ : ৩য় থেকে গৃহীত।)

আধুনিক কিছু ব্যবসা-বাণিজ্য ও ক্রয়বিক্রয় সম্পর্কে শরী'আতের বিধান

* গ্রন্থস্বত্ব/প্রকাশনা স্বত্ব বিক্রয় করা ও তার বিনিময় গ্রহণ করা জায়েয। (فتاوى ريميه ج ২/ ২) তবে পূর্বকার অনেক মুফতী এটাকে জায়েয বলতেন না।

* বিনা অনুমতিতে অন্য প্রকাশকের বই প্রকাশ করা জায়েয নয়।

(فتاوى ريميه ج ২/ ২)

* রক্ত বিক্রয় করা জায়েয নয়। তবে দুই অবস্থায় রক্ত দেয়া জায়েয। (১) যদি রক্ত দেয়া ব্যতীত রোগীর জীবনের আশংকা দেখা দেয় এবং অভিজ্ঞ ডাক্তারের দৃষ্টিতে রক্ত দেয়া ব্যতীত তার জীবন বাঁচানোর আর কোন পথ না থাকে। (২) কিংবা অভিজ্ঞ ডাক্তারের দৃষ্টিতে রক্ত দেয়া ব্যতীত সুস্থ হওয়ার সম্ভাবনা না থাকে। এরূপ রোগীকে রক্তদান করা জায়েয এবং রোগীর জন্যও এরূপ অবস্থায় রক্ত নেয়া জায়েয এবং প্রথম অবস্থায় তাকে বিনামূল্যে রক্ত দেয়ার মত কেউ না থাকলে তার জন্য রক্ত ক্রয় করাও জায়েয। তবে রক্ত বিক্রয় করা কারও জন্যেই জায়েয নয়। (جواهر الفقه ج ২/ ২)

* মানুষের কোন অঙ্গ-প্রত্যঙ্গ (যেমন চোখের কর্নিয়া, কিডনি ইত্যাদি) বিক্রয় করা জায়েয নয়। চক্ষু দান করা (জীবদশায় হোক বা মরণোত্তর) জায়েয নয়। এ সম্পর্কে বিস্তারিত যুক্তি প্রমাণ জওয়াহেরুল ফেকাহ, ২য় খণ্ডে বর্ণিত হয়েছে। অন্যের চক্ষু ব্যবহার করাও জায়েয নয়।

(جواهر الفقه ج ২/ ২ و فتاوى محموديه ج ৫/ ১)

* বোনাস ভাউচার বিক্রয় করা জায়েয নয়। (حسن الفتاوى ج ১/ ১)

* পেনশন বিক্রয় করা জায়েয নয়, তবে সরকারের কাছে বিক্রি করা জায়েয। (حسن الفتاوى ج ১/ ১)

* গোবর বিক্রি করা জায়েয। (حسن الفتاوى ج ১/ ১)

* পায়খানা বিক্রি করা জায়েয নয়, তবে মাটি হয়ে গেলে এবং মাটি প্রবল হয়ে গেলে বিক্রি করা জায়েয। (حسن الفتاوى ج ১/ ১)

* কিস্তিতে (অধিক মূল্যে হলেও) ক্রয় বিক্রয় করা জায়েয, তবে পূর্ণ কিস্তি পরিশোধ না করলে বিক্রিত দ্রব্য ফেরত গ্রহণ ও বিগত প্রদত্ত কিস্তির টাকা বাজেয়াপ্ত করার শর্ত আরোপ করা হলে সেরূপ বিক্রয় নিষিদ্ধ।

(حسن الفتاوى ج ১/ ১)

* ক্রেতা ক্রয় করতে অস্বীকার করলে জমি ইত্যাদির বায়নার টাকা ফেরত দেয়া জরুরী। তবে বায়না করার পর বিক্রেতার সম্মতি ছাড়া ক্রেতার ক্রয় করতে অস্বীকার করার অধিকার নেই। (আসন الفتاوى ج ১/১)

* রেডিও, টেপরেকর্ডার ক্রয়-বিক্রয়ের ব্যাপারে মাসআলা হল- যদি গান বাজনা ইত্যাদি গোনাহের কাজে ব্যবহার করার উদ্দেশ্যে হয় তাহলে ক্রয় করা জায়েয নয় এবং এরূপ ক্রেতার নিকট বিক্রয় করাও জায়েয নয়। অন্যথায় জায়েয। (আসন الفتاوى ج ১/১)

* টেলিভিশন ক্রয়-বিক্রয় মাকরুহ তাহরীমী (যা হারামের কাছাকাছি)।

(আসন الفتاوى ج ১/১)

* মদ, গাজা, হেরোইন প্রভৃতি ক্রয়-বিক্রয় জায়েয নয়। আফিম যেহেতু ঔষধে ব্যবহৃত হয় তাই বিক্রয় করা জায়েয, তবে যে এটা দ্বারা নেশা করবে বলে প্রবল ধারণা হয় তার নিকট বিক্রয় করা মাকরুহ তাহরীমী ও নাজায়েয।

(আসন الفتاوى ج ১/১)

* ব্লাক করা আইনত অপরাধ। (ফতায় মুরীদে ج ১/১)

* বিড়ি সিগারেট বিক্রয় করা জায়েয, তবে বিড়ি সিগারেট সেবন যেহেতু মাকরুহ তাই এগুলো বিক্রি করা মাকরুহ কাজে সহযোগিতা করার নামাস্তর। অতএব এ থেকে বিরত থাকাই শ্রেয়।

* ছেঁড়া ফাটা টাকা (নোট)-এর বদলায় ভাল টাকা (নোট) কম বেশী করে বদলানো দুরস্ত নয়। (ফতায় মুরীদে ج ১/১)

* বাদ্যযন্ত্র ক্রয়-বিক্রয় না জায়েয। (আসন الفتاوى ج ১/১)

* বিধর্মীদের বইপত্র, বাতিলপন্থীদের বই পত্র বিক্রয় করা জায়েয নয়।

(আসন الفتاوى ج ১/১)

* এল, সি খুলে ব্যাংকের মাধ্যমে বিদেশ থেকে যে মাল আমদানী করা হয় সেই মাল পৌঁছার পূর্বে যে ইনভয়েস ও বিল অফ লেডিং হস্তগত হয় তার ভিত্তিতে মাল পৌঁছার পূর্বেই মাল বিক্রয় করা জায়েয। (আসন الفتاوى ج ১/১)

* খেলাধুলা সাজ-সরঞ্জাম বিক্রয় করা জায়েয নয়।

* সরকার স্মাগলিং বা চোরাই ভাবে আমদানীকৃত মালামাল আঁটক পূর্বক সেগুলো নিলামে বিক্রয় করলে সেগুলো ক্রয় করা জায়েয নয়। কারণ সরকার সেগুলোর মালিক নয়। (আসন الفتاوى ج ১/১)

* ডিপো হোস্টারের পক্ষে সরকার নির্ধারিত মূল্যের চেয়ে অধিক মূল্য গ্রহণ করা জায়েয নয়। (আসন الفتاوى ج ১/১)

* বর্তমানে প্রচলিত কোটা ও প্যাকেটে বিভিন্ন মালের যে ওজন লেখা থাকে সেই ওজন ধরে নিয়ে ঐ মাল উক্ত ওজনের মূল্যে বিক্রয় করা জায়েয। গ্রাহককে মেপে দেয়া জরুরী নয়। (السن الفلوى ১/৭)

* লটারির টিকিট ক্রয়-বিক্রয় জায়েয নয়।

* প্রাইজবণ্ড ক্রয় করা জায়েয নয়।

* সুদ ভিত্তিক ব্যাংক কর্তৃক পরিচালিত ফিক্সড ডিপোজিট, ডিপোজিট পেনশন স্কিম, এমনিভাবে প্রতিরক্ষা সঞ্চয়পত্র পদ্ধতিতে অর্থ বিনিয়োগ করা বৈধ নয়, কারণ এগুলো সুদের হিসাবে পরিচালিত।

* আইনতঃ নিষিদ্ধ না হলে ব্যাংকের বাইরে ডলার, পাউণ্ড ইত্যাদি বেশী মূল্যে ক্রয় করা জায়েয, যদি তাতে মুসলমানদের ক্ষতি না হয়। (تأوى محمودى ১/৭)

* বৈদেশিক মুদ্রা যেমন ডলার, পাউণ্ড ইত্যাদি সরকার নির্ধারিত মূল্যের বেশী মূল্যে ক্রয়-বিক্রয় করা জায়েয। (نفى مالات)

* যখন কোন কোম্পানির শেয়ার প্রাথমিকভাবে ইস্যু (Subscribe) হয় তখন তা ক্রয় করা জায়েয এই শর্তে যে, সে কোম্পানির মূল কারবার হারাম হতে পারবে না। যেমন ইস্যুরেন্স কোম্পানি বা সুদ ভিত্তিক ব্যাংক বা মদের ফ্যাক্টরী ইত্যাদি হতে পারবে না। (نفى مالات)

* স্টক মার্কেট থেকে শেয়ার ক্রয়-বিক্রয় ও শেয়ার ব্যবসা চারটি শর্তে জায়েয। যথা :

১. যে কোম্পানির শেয়ার ক্রয়-বিক্রয় করা হবে সেটা মৌলিকভাবে হারাম কারবার করে না।

২. কোম্পানির কিছু স্থায়ী সম্পত্তি (Fixed Assets) থাকতে হবে, যেমন বিল্ডিং ভূমি ইত্যাদি। যার সম্পূর্ণ পুঁজি এখনও তরল সম্পদে (Liquid Assets) রয়ে গেছে তার শেয়ার ফেস ভ্যালু (Face Value) থেকে কম বা বেশীতে বিক্রি করা জায়েয নয়।

৩. কোম্পানি কোন সুদী লেন-দেনের সাথে জড়িত থাকলে বাৎসরিক সিটিংয়ে সুদের বিরুদ্ধে আওয়াজ তুলতে হবে, যদিও তার আওয়াজ Overrule (অগ্রাহ্য) হয়ে যায়।

৪. মুনাফা বন্টন হওয়ার সময় যতটুকু সুদী ডিপোজিট থেকে অর্জিত হবে ততটুকু সদকা করে দিতে হবে- তা ভোগ করতে পারবে না। মুনাফা (Dividend)-এর কত হার সুদী ডিপোজিট থেকে অর্জিত হয় তা কোম্পানির ইনকাম স্টেটমেন্ট (Income Statement) থেকে জানা যায়।

* স্টক এক্সচেঞ্জে অনেক সময় শেয়ারের লেন-দেনের উদ্দেশ্যে নয় বরং পারস্পরিক ডিফারেন্স (Difference) দূর করার উদ্দেশ্যে শেয়ার ক্রয়-বিক্রয় হয়ে থাকে, এরূপ ক্ষেত্রে শেয়ার ডেলিভারীও করা হয় না এবং সেটা উদ্দেশ্যও থাকে না বরং শুধু উদ্দেশ্য থাকে ডিফারেন্স দূর করা। এরূপ উদ্দেশ্যে শেয়ার ক্রয়-বিক্রয় বনাম জুয়া খেলা সম্পূর্ণ হারাম। (فقہی مقالات)

* কারও নামে শেয়ার বরাদ্দ হওয়ার পর শেয়ার সার্টিফিকেট ডেলিভারী পাওয়ার পূর্বেও তা ক্রয়-বিক্রয় জায়েয। (فقہی مقالات)

* ডিবেঞ্চার ক্রয়-বিক্রয় জায়েয নয়। কারণ তা সুদ ভিত্তিক।

* বাণিজ্যিক নাম ও ট্রেডমার্ক বিক্রি করা জায়েয তিন শর্তে:

১. উক্ত নাম ও ট্রেডমার্ক সরকারী আইনে রেজিস্টার্ড হতে হবে।
২. উক্ত নাম ও ট্রেডমার্ক ক্রয়কারীকে ঘোষণা দিতে হবে যে, এখন থেকে এই নাম ও ট্রেডমার্কে পূর্বের অমুক ব্যক্তি ও অমুক প্রতিষ্ঠান দ্রব্য তৈরী ও বাজারজাত করবে না বরং অন্যরা করবে।
৩. উক্ত নাম ও ট্রেডমার্ক ক্রয়কারী যথাসাধ্য পণ্যের সাবেক মান রক্ষা করার কিংবা আরও অধিক মানসম্পন্ন দ্রব্য উৎপাদন করার চেষ্টা করবে।

(فقہی مقالات)

* ইমপোর্ট এক্সপোর্ট লাইসেন্স ও যে কোন বাণিজ্যিক লাইসেন্স বিক্রি করা জায়েয, যদি রাষ্ট্রীয় আইনে উক্ত লাইসেন্স হস্তান্তর করাতে কোন নিষেধাজ্ঞা না থাকে। (فقہی مقالات)

* ইনডেটিং বিজনেস বা কমিশন এজেন্সি কারবার বৈধ। এটা দু' ধরনের হতে পারে।

১. এজেন্ট মূল কোম্পানি থেকে মাল ক্রয় করে বিক্রি করবে এবং কোম্পানি থেকে শতকরা পারসেনটিজ গ্রহণ করবে। এটা জায়েয এই শর্তে যে, প্রথমে এজেন্টকে মাল হস্তগত করতে হবে তারপর ক্রেতাকে বুঝিয়ে দিতে হবে। নিজের গাড়ি, লরি, ট্রাক ইত্যাদিতে মাল বুঝিয়ে নেয়াও হস্তগত করার শামিল। হস্তগত করার পূর্বে বিক্রি করা বৈধ নয়, যেমন ক্রেতা প্রস্তুত করে ক্রেতাকে কোম্পানির গোড়াউনে নিয়ে যাওয়া হল আর ক্রেতা তার নিজস্ব গাড়িতে/বাহনে মাল বুঝে তুলে নিয়ে আসল। এ ক্ষেত্রে যেহেতু এজেন্ট মাল হস্তগত করার পূর্বেই বিক্রি করল, তাই এটা জায়েয নয়। এল, সি খুলে বিদেশ থেকে মাল আনা হলে সংশ্লিষ্ট ব্যাংকের বিদেশস্থ শাখা কর্তৃক মাল বুঝে গ্রহণ করা নিজের হস্তগত করার শামিল।

২. কখনও এরকম হয় যে, এজেন্ট শুধু ক্রেতাদেরকে উৎসাহিত ও প্রস্তুত করে এবং সেই ক্রেতাগণ সরাসরি মূল কোম্পানির সাথে ক্রয়ের চুক্তি করে। আর ক্রেতাদেরকে এই উৎসাহিত করার বিনিময়ে কোম্পানি এজেন্টকে শতকরা হারে কিছু বেনিফিট দিয়ে থাকে। এ পদ্ধতিও বৈধ।

(جدید فقہی مسائل ج ۱ / احسن الفتاویٰ ج ۶)

* টিকিট কেটে বড়শি দিয়ে মাছ ধরার যে পদ্ধতি বর্তমানে দেখা যায় তা বৈধ নয়। (ایضاً)

চাকুরীজীবীদের বিষয়ে কয়েকটি মাসআলা

* কোন পদে লোক নিয়োগের জন্য ইসলামের সুনির্দিষ্ট নীতিমালা রয়েছে। এ সম্পর্কে জানার জন্য দেখুন ৫৭৫ পৃষ্ঠা।

* অমুসলিম/কাফের সরকারের অধীনে চাকুরী করার বিধান সম্পর্কে জানার জন্য দেখুন ৫৭৬ পৃষ্ঠা।

* যে সব প্রতিষ্ঠানে অবৈধ কাজকর্ম হয় সেখানে চাকুরী করা বৈধ নয় এবং সেখান থেকে অর্জিত বেতন/ভাতাও হালাল নয়। যেমন সিনেমা-বাইস্কোপ, পূর্ণ সুদ ভিত্তিক ব্যাংক, বীমা প্রতিষ্ঠান ইত্যাদি। তবে ফোকাহায়ে কেরাম বলেছেন, যার হালাল উপায়ে জীবিকা নির্বাহের কোনই উপায় নেই অনন্যোপায় অবস্থায় বিকল্প হালাল ব্যবস্থা না হওয়া পর্যন্ত তার জন্য ব্যাংক বীমা ইত্যাদি প্রতিষ্ঠানে চাকুরী করা এবং সেখান থেকে বেতন/ভাতা গ্রহণ করা জায়েয হবে। (احسن الفتاویٰ ج ۱ - فتاویٰ رحیمیہ ج ۲ - جدید فقہی مسائل ج ۱ / وغیرہ)

* প্রভিডেন্ট ফাণ্ডের অর্থ (মূল ও বর্ধিত অংশসহ) গ্রহণ করা জায়েয। তবে চাকুরীজীবী স্বেচ্ছায় যে অংশ কর্তৃত্ব করাবে, সে ক্ষেত্রে তাকওয়া হল তার উপর অর্জিত বর্ধিত অংশ ভোগ না করা।

* কোন চাকুরী গ্রহণের উদ্দেশ্যে উলঙ্গ হয়ে মেডিকেল করানো বৈধ নয়।

(فتاویٰ محمودیہ ج ۶)

* চাকুরী ঠিক রাখার জন্য বা চাকুরীতে কোন সুযোগ-সুবিধা লাভ করার জন্য ভ্যাসেকটমি/লাইগেশন করা নাজায়েয ও হারাম। (فتاویٰ محمودیہ ج ۶)

* চাকুরী প্রদানকারী প্রতিষ্ঠানে যদি এই নিয়ম থাকে যে, চাকুরী ছাড়তে হলে এক মাস বা এরকম কোন নির্দিষ্ট সময় পূর্বে মৌখিক/লিখিতভাবে প্রতিষ্ঠানকে অবহিত করতে হবে, তাহলে নিয়ম ভঙ্গ করলে চাকুরীজীবির পাপ হবে, তবে প্রতিষ্ঠান এর জন্য চাকুরীজীবী থেকে কোন ক্ষতিপূরণ আদায়

করতে পারবে না কিংবা চাকুরীজীবিকে উক্ত এক মাসের বেতন ফেরত দিতে হবে না। (আসন الفتاوى ج ১/৮)

* চাকুরী প্রদানকারী প্রতিষ্ঠান যদি শর্ত আরোপ করে যে, অন্ততঃ এক বৎসর/বা নির্দিষ্ট এত সময় পূর্ণ হওয়ার পূর্বে চাকুরী ছাড়তে পারবে না, তাহলে শরী'আত সম্মত ওজর ব্যতীত সে মেয়াদ পূর্ণ হওয়ার পূর্বে চাকুরী ছাড়লে শক্ত গোনাহগার হবে, তবে যতদিন চাকুরী করেছে, তার বেতন/ভাতা সে পাবে।

(আসন الفتاوى ج ১/৮)

* নির্দিষ্ট মেয়াদ পূর্ণ হওয়ার পূর্বে নিছক অযোগ্যতার কারণে কোন চাকুরীজীবিকে বরখাস্ত করা হলে অবশিষ্ট সময়ের বেতন/ভাতা সে পাবে না।

(আসন الفتاوى ج ১/৮)

* চাকুরীজীবী নির্ধারিত ছুটির বাইরে যে কয়দিন ছুটি কাটাবে তার বেতন/ভাতা সে পাবে না। প্রতিষ্ঠান কর্তৃক ছুটির দিন নির্দিষ্ট করা না থাকলে অনুরূপ অন্যান্য প্রতিষ্ঠানের স্বাভাবিক রেওয়াজ কি তা দেখা হবে।

* এক বৎসর নির্ধারিত ছুটি না কাটালে বা কম কাটালে পরবর্তী বৎসর বিগত বৎসরের বকেয়া ছুটি ভোগ করার দাবী করতে পারবে না।

(আসন الفتاوى ج ১/৮)

* নির্ধারিত ছুটি ভোগ না করে সে ছুটির সময় ডিউটি পালন করার জন্যে অতিরিক্ত বেতন/ভাতা দাবী করা যায় না। (ایضا)

* অফিস টাইমে ব্যক্তিগত কাজ করা এমন কি একটি ব্যক্তিগত চিঠি-পত্র লেখাও জায়েয নয়। তবে অফিসের কোন কাজ না থাকলে ভিন্ন কথা।

(إمداد الفتاوى ج ১/৮)

* মাদ্রাসার মুদাররিছ (বা স্কুল কলেজের শিক্ষক) যে ঘন্টায় তার ক্লাশ নেই তখন ব্যক্তিগত কাজ করতে পারে বা অন্যের কোন কাজ করে দিতে পারে। (العلم العلماء)

চাকুরী বা বসবাসের জন্য বিদেশ গমনের মাসায়েল

* নিজের দেশে এবং নিজের শহরে অন্যান্য লোকের ন্যায় জীবন জীবিকা চালানোর মত আয় উপার্জনের ব্যবস্থা থাকলে শুধু মাত্র জীবনের ষ্টান্ডার্ড বৃদ্ধির জন্য এবং বিলাসী জীবন যাপনের উদ্দেশ্যে কোন অমুসলিম দেশে গমন করা মাকরুহ।

* সমাজে সম্মান বৃদ্ধির উদ্দেশ্যে বা অন্যান্য মুসলমানের উপর বড়ত্ব প্রদর্শনের উদ্দেশ্যে বা বিজাতীয় কৃষ্টি সভ্যতার সঙ্গে নিজেকে খাপ খাওয়ানোর উদ্দেশ্যে কোন অমুসলিম দেশে বসতি গ্রহণ করা হারাম।

* নিজের দেশে থেকে ন্যূনতম জীবন জীবিকার ব্যবস্থাও করতে না পারলে যদি কোন অমুসলিম দেশে কোন বৈধ চাকুরী পাওয়া যায় তাহলে সেখানে যাওয়া ও থাকা জায়েয দুইটি শর্তে : (১) সেখানে গেলে ঈমান আমল রক্ষা পাওয়ার ব্যাপারে এতমীনান থাকতে হবে। (২) সেখানে প্রচলিত অন্যায় ও অশ্রীলতা থেকে নিজেকে রক্ষা করা সম্ভব হবে বলে নিশ্চয়তা থাকতে হবে।

* কোন অপরাধ ছাড়া নিজের দেশে জেল জরিমানা বা সম্পদ বাজেয়াপ্ত হওয়ার মত পরিস্থিতির সন্মুখীন হলেও অমুসলিম দেশে বসবাস করতে যাওয়া জায়েয উপরোক্ত দুইটি শর্তে।

* অমুসলিমদেরকে দাওয়াত ও তাবলীগের উদ্দেশ্যে হলে অমুসলিমদের দেশে বসবাস করতে যাওয়া জায়েয বরং উত্তম। (فتاوى مقالات)

কয়েকটি আনুশিক পেশা সম্পর্কে শরী'আতের বিধান

* উকালতির পেশা জায়েয, তবে শর্ত এই যে, সত্য মামলা গ্রহণ করবে অর্থাৎ, যে মক্কেল ন্যায়ের উপর রয়েছে তার মামলা পরিচালনা করবে। মিথ্যা মোকদ্দমা পরিচালনা করা জায়েয নয় এবং তার বিনিময়ে কিছু গ্রহণ করাও হারাম। (امداد الفتاوى ج ৩/ ৩)

* আইনজীবীদের জন্য আইন বিষয়ক পরামর্শ দিয়ে অর্থ গ্রহণের পেশা বৈধ। (جدید فتاوى مسائل ج ১/ ১)

* ফটোগ্রাফারের পেশা বৈধ নয়, কারণ প্রাণীর ছবি তোলা জায়েয নয়।

(جدید فتاوى مسائل ج ১/ ১)

* ঔষধ দেয়া ছাড়াও শুধু ব্যবস্থা বলে দিয়ে বা প্রেসক্রিপশন লিখে দিয়ে রোগী থেকে অর্থ গ্রহণের পেশা বৈধ। (جدید فتاوى مسائل ج ১/ ১)

* নাচ, গান, বাদ্য-বাজনা, অভিনয় ইত্যাদির পেশা বৈধ নয়।

* টেলিভিশন ও গান বাদ্যের উপকরণ মেরামতের পেশা বৈধ নয়। রেডিও মেরামতের ব্যাপারে মাসায়েল হল : যদি জানা থাকে রেডিও মালিক রেডিওকে খবর শোনার কাজে ব্যবহার করেন-গানবাদ্য শোনার কাজে ব্যবহার করেন না, তাহলে তার রেডিও মেরামত ও তার বিনিময় গ্রহণ করা বৈধ।

(امداد الفتاوى ج ৩/ ৩ واحسن الفتاوى ج ১/ ৮)

* ভিসিআর, ভিসিপি, ক্যামেরা প্রভৃতির মাসআলা টেলিভিশনের ন্যায়, আর মাইকের মাসআলা রেডিওর ন্যায় হওয়া যুক্তিসংগত। (লেখক)

* ঘড়ি ও চশমা মেরামতের পেশা বৈধ।

* সাংবাদিকতার পেশা বৈধ, তবে সাংবাদিক তথা পত্র পত্রিকার কর্মকর্তাদেরকে নিম্নোক্ত নীতিমালা মেনে চলতে হবে, অন্যথায় পাপী হতে হবে।

১. শরয়ী প্রমাণ ব্যতীত এমন কোন ঘটনা ছাপা যাবে না যাতে কারও দোষ প্রকাশ পায়, কারও বিপদের কারণ ঘটে। কেননা কোন কাকের সম্পর্কেও মিথ্যা অপবাদ আরোপ করা জায়েয নয়।

২. কোন ঘটনা প্রমাণিত হওয়ার জন্য শুধু লোক মুখের রটনা বা কোন পত্র পত্রিকা বা প্রচার মাধ্যমে প্রকাশিত ও প্রচারিত হওয়াকে যথেষ্ট মনে করবে না। তবে সে ঘটনায় যদি কারও কোন দোষ বদনাম না থাকে তাহলে এতটুকু প্রমাণকে যথেষ্ট মনে করা যায়।

৩. কারও কোন দোষ বদনাম বিষয়ক সংবাদ ছাপা জায়েয নয়, যদিও তা শরয়ী প্রমাণ দ্বারা প্রমাণিত হয় বরং কারও কোন দোষ সম্পর্কে অবগত হলে গোপনে সংশোধনের নিয়তে তাকে বলে দিতে হবে- সে সংবাদ প্রচার করে তাকে লাক্ষিত করা অন্যায়। তবে হ্যাঁ, কেউ মাজলুম হলে মাজলুমের দুরাবস্থা তুলে ধরা এবং জালেমের বিরুদ্ধে বলা জায়েয এবং তাও এই নিয়তে যেন মাজলুমের সাহায্য হয়।

৪. মানুষকে উপদেশ প্রদান ও সতর্ক করার নিয়তে কোন দোষ বদনামের কথা বলা যায়।

৫. পত্র-পত্রিকায় কারও নামে তার লেখা প্রতিবাদযোগ্য কোন বিষয় প্রকাশিত হলে, তার ব্যক্তির উপর আক্রমণ না করে শুধু বিষয়টার প্রতিবাদ বা জওয়াব দিয়ে দিতে হবে। কেননা কারও নামে কোন লেখা শুধু প্রকাশিত হওয়াই প্রকৃতপক্ষে এটা তার লেখা-এর প্রমাণ হিসেবে যথেষ্ট নয়।

৬. যে সংবাদে কারও কোন দোষ বদনাম নেই বা যেটা কারও জন্য ক্ষতিকর নয় এরূপ বিষয় এই শর্তে ছাপা জায়েয যে, তা কোন মুসলমান ব্যক্তি বিশেষ বা মুসলমান জাতির স্বার্থ ও কল্যাণ বিরোধী হতে পারবে না।

৭. শরী‘আত বিরোধী বা বাতিলপন্থীদের চিন্তাধারা সম্বলিত কোন লেখা প্রকাশ করা যাবে না। বিশেষ প্রয়োজনে ছাপা হলেও সেই দিন এবং সেই

সংখ্যাতেই তার প্রতিবাদ ও জওয়াব ছাপতে হবে। পরের কোন সংখ্যার অপেক্ষা করা যাবে না এ জন্য যে, হতে পারে কেউ শুধু এ সংখ্যাটিই পড়বে-পরের সংখ্যা পড়বে না। তাহলে এ সংখ্যার লেখা তার গোমরাহীর কারণ হতে পারে। আর এর জন্য দায়ী হবে এই পত্রিকার কর্মকর্তাগণ।

৮. শরয়ী দলিলে যদি মুসলমানদের উপর কাফেরদের জুলুম অত্যাচার প্রমাণিত হয়, তাহলে সে সংবাদ এমনভাবে প্রচার করতে হবে যাতে সেই মুসলমানদের সাহায্য সহযোগিতার (বৈধ পদ্ধতিতে) আহ্বান থাকবে।

৯. পত্র পত্রিকার সম্পাদক সর্বদা এমন ব্যক্তিকে নিযুক্ত করতে হবে যিনি ইসলামী জ্ঞান বিজ্ঞান সম্পর্কে পারদর্শী অথবা অন্ততঃ উলামায়ে কেরাম থেকে জেনে নেয়ায় অভ্যস্ত এবং ধর্মের প্রতি অনুরক্ত।

১০. ধর্মের জন্য ক্ষতিকর বই পত্র ও ধর্মীয় দৃষ্টিকোণ থেকে হারাম ঔষুধ বা যে কোন ভাবে শরী'আতে নিষিদ্ধ কোন বিষয়ের বিজ্ঞাপন বা এশতেহার প্রকাশ করা যাবে না। (جواهر الفقه ج ১) ও গীবত গ্রন্থ থেকে গৃহীত।)

* ইলেকট্রিক কাজের পেশা বৈধ। তবে সিনেমা, সুদ ভিত্তিক ব্যাংক, বীমা কোম্পানি প্রভৃতি অবৈধ প্রতিষ্ঠানে ইলেকট্রিকের কাজ করা বা যে কোন স্থানে অবৈধ সংযোগ লাগিয়ে দেয়া বৈধ নয়।

বাড়ী/গৃহ নির্মাণ সম্পর্কিত নীতিমালা ও মাসায়েল

* উত্তম প্রতিবেশী দেখে তার পাশে বাড়ী/গৃহ নির্মাণ করতে হবে। তাহলে সে বাড়ীতে বসবাস শান্তিদায়ক হবে।

* হারাম অর্থে বাড়ী/গৃহ বানাবে না। হারাম অর্থে নির্মিত বাড়ী/গৃহে বসবাস করা মাকরুহ তাহরীমী। (فتاوى رشيدية)

* সুদ ভিত্তিক লোন নিয়ে বাড়ী/গৃহ নির্মাণ করা নাজায়েয, তাহলে সে বাড়ী/গৃহে বরকত হবে না। (فتاوى رشيدية ج ২)

* গৃহ নির্মাণের সময় নিয়ত রাখতে হবে যে, এতে আল্লাহর ইবাদত করা যাবে এবং শীত গ্রীষ্ম থেকে রক্ষা ও ইজ্জত আবরু ইত্যাদি হেফাযত করা যাবে।

* ঘর বা বিল্ডিংয়ের প্রতি তলা যতটুকু উঁচু হলে প্রয়োজন সম্পন্ন হয় তার চেয়ে বেশী উঁচু না করা সুন্নাত। (شرعة الاسلام)

* ঘর/বিল্ডিংয়ে কোন প্রাণীর ছবি/মূর্তি বানানো নিষেধ।

* বাড়ী/গৃহে পেশাব-পায়খানা, গোসলখানা ও উযুখানা বানানো সুন্নাত।

(مفاتيح الجنان)

* পেশাব-পায়খানার স্থান এমনভাবে বানাতে যেন বসতে গিয়ে কেবলার দিকে মুখ বা পিঠ না হয় এবং যেন বসে পেশাব করা যায়।

* বাথরুমে পেশাব পায়খানার স্থান ও উযু গোসলের স্থানের মধ্যে দেয়াল বা পার্টিশন দিয়ে আলাদা করে নিবে, যাতে উযু গোসলের সময় দুআগুলি পড়া যায়। আলাদা না থাকলে উযু গোসলের স্থানকেও পেশাব পায়খানার ঘরের অন্তর্ভুক্ত ধরা হবে এবং সেখানে দুআ দুরুদ পড়া বা আল্লাহর নাম উচ্চারণ করা যাবে না।

* উযুর স্থান এমনভাবে বানাতে যেন উযুর জন্য উঁচুতে কেবলামুখী হয়ে বসে উযু করা যায়।

* কোন রুমের পশ্চিম দেয়ালে বেসিন লাগাবে না। কেননা বেসিনে কফ, থুথুও ফেলা হয়ে থাকে; তাই পশ্চিম দেয়ালে বেসিন লাগালে কেবলামুখী হয়ে কফ থুথু ফেলানো হবে, যা বেআদবী। থুকদানী রাখার ব্যাপারেও এদিকে খেয়াল রাখবে। একান্তই যদি পশ্চিম দেয়ালে এগুলো থাকে তাহলে কফ থুথু ফেলার সময় মাথা নীচু করে নিবে, তাহলে বে-আদবী থেকে রক্ষা পাওয়া যাবে।

* বাড়ী/গৃহে মেহমানখানা বা গেষ্টরুম রাখাও সুন্নাত।

* মেহমানখানা যথাসম্ভব এমনস্থানে বা এমন পার্শ্বে রাখবে, যেখানে গায়র মাহরাম পুরুষেরা ঘরের মহিলাদের স্বাভাবিক আওয়াজ শুনতে না পায় বা মহিলাদের পর্দার ব্যাঘাত না ঘটে।

* যথাসম্ভব গৃহ বা দেয়াল এমনভাবে বানানো, যাতে অহেতুক প্রতিবেশীর বাতাস বন্ধ হয়ে না যায়।

ঘর/বাড়ি/ দোকান ইত্যাদি ভাড়া দেয়ার মাসায়েল

* কোন মুসলমানদের পক্ষে অমুসলিম/কাফেরের নিকট বাড়ি/ঘর/অফিস/দোকান ভাড়া দেয়া মাকরুহ তানযীহী। (الحسن الفتاوى ج ১/৮)

* কোন অবৈধ কারবার চালানোর জন্য বাড়ি/ঘর ইত্যাদি ভাড়া দেয়া মাকরুহ তাহরীমী, যা হারামের নিকটবর্তী। যেমন সুদ ভিত্তিক ব্যাংক, বীমা প্রতিষ্ঠান, সিনেমা ইত্যাদির জন্য ভাড়া দেয়া। (الحسن الفتاوى ج ১/৮)

* যাদের উপার্জন অবৈধ, তাদের নিকট বাড়ি ভাড়া দেয়া মাকরুহ। এরূপ অবস্থায় ভাড়াটে তার হারাম অর্থ থেকে যে ভাড়া পরিশোধ করবে, তা

ব্যবহার করা বাড়ীর মালিকের জন্য জায়েয হবে না। এরূপ অর্থ ছদকা করে দেয়া ওয়াজিব। (আসন ফতাবী ১/৮৫)

* ভাড়ার মেয়াদ একত্রে নির্ধারণ করতে পারে বা ভেঙ্গে ভেঙ্গে সপ্তাহ বা মাস বা বৎসর এভাবেও নির্ধারণ করতে পারে, উভয় পদ্ধতিই জায়েয।

* ভাড়ার মেয়াদ নির্ধারিত থাকলে সেই নির্ধারিত মেয়াদের মধ্যে ভাড়া বৃদ্ধি করা জায়েয নয়; যদিও মালিক ইতিমধ্যে মেরামত ইত্যাদি কাজে অর্থ ব্যয় করে থাকে। আর ভাড়ার মেয়াদ নির্ধারিত না থাকলে প্রতি মাসের শুরুতে মালিক বর্ধিত ভাড়া প্রদান বা ঘর/বাসা/দোকান ইত্যাদি খালি করে দেয়ার জন্য দাবী জানাতে পারে এবং এই অতিরিক্ত ভাড়ায় গ্রহণ করার মত অন্য ভাড়াটে পাওয়া গেলে তখন মালিকের দাবীকৃত অতিরিক্ত ভাড়া প্রদান করা পুরাতন ভাড়াটের উপর ওয়াজিব হয়ে যায়। সে এই অতিরিক্ত ভাড়া না দিতে পারলে ঘর/বাসা/দোকান ইত্যাদি খালি করে দিবে। (আসন ফতাবী ১/৮৫)

* ভাড়ার মেয়াদ নির্ধারিত থাকলে সেই মেয়াদ পূর্ণ হওয়ার পূর্বে ভাড়াটেকে বাসা/ঘর/দোকান খালি করে দেয়ার জন্য বাধ্য করতে পারবে না। (হাদীয়া) তবে শরী'আত সম্মত ওজর থাকলে তা পারবে। (আয়ু)

* ভাড়া দেয়া ঘর/দোকান ইত্যাদির সংস্কার ও মেরামত, পথের সুবিধা প্রদান এবং ভাড়াটিয়ার অন্যান্য অসুবিধাসমূহ দূর করা মালিকের কর্তব্য। (ইসলামী ফিকাহঃ ৩য়)

* ভাড়ার চুক্তি হওয়ার পর কিছু অগ্রিম বা বায়না গ্রহণ করলে এবং পরে ভাড়াটিয়া ভাড়া নিতে না চাইলে গৃহীত অগ্রিম/বায়নার টাকা ফেরত দিতে হবে।

* পজেশন (Possession) ক্রয় বিক্রয় করা জায়েয।

(الفقه الاسلامى وادلته)

* ভাড়ার মেয়াদ শেষ হওয়ার পর দখল বুঝে নেয়া মালিকের দায়িত্ব।

* মাসে মাসে বা পর্যায়ক্রমে ভাড়া থেকে কেটে দেয়া হবে এই শর্তে এডভান্স (Advance) গ্রহণ করা জায়েয। (আল-মুসলিম ১/৮৫)

ঘর/বাড়ি/দোকান ইত্যাদি ভাড়া নেয়ার মাসায়েল

* অবৈধ অর্থে নির্মিত ঘর/বাড়ি ভাড়া নিয়ে তাতে বসবাস করা মাকরুহ তাহরীমী। (নতী'রশীদা)

* মাস ভিত্তিক ভাড়া নেয়ার পর মাস পূর্ণ হওয়ার পূর্বেই যদি বাড়ী/ঘর ছেড়ে দেয় এমতাবস্থায় দেখতে হবে যদি শরী'আতসম্মত ওজর ব্যতীত সে

ছেড়ে দেয় তাহলে পূর্ণ মাসের ভাড়া তাকে দিতে হবে। আর যদি শরী'আত সম্মত কোন নির্ভরযোগ্য ওজর বশতঃ ছাড়ে, তাহলে ছাড়ার পূর্বে মালিকের সাথে কৃত চুক্তি ভঙ্গ করে নিবে এবং মালিক উক্ত ভাড়াটিয়া থেকে যে কয়দিন সে দখলে রেখেছে তার ভাড়াই নিতে পারবে- পূরা ভাড়া নিবে না। ভাড়ার মেয়াদ নির্দিষ্ট থাকলে সেই নির্ধারিত মেয়াদের পূর্বে ঘর খালি করে দিলেও এই হুকুম। (امداد الفتاوى ج ۲ / احسن الفتاوى ج ۷)

* ভাড়াটিয়া নিজের পক্ষ থেকে ভাড়ার ঘর/দোকানে কোন সংযোজন/নির্মাণ কাজ করলে মালিকের প্রাপ্য ভাড়া থেকে সেটা কেটে দিতে পারবে না। এরূপ হলে ঘর/দোকান ছেড়ে দেয়ার সময় তার সংযোজনকৃত অংশগুলো সে বিচ্ছিন্ন করে নিয়ে যেতে পারবে। আর মালিকের অনুমতিক্রমে এরূপ করলে ভাড়া থেকে কেটে নিতে পারবে।

* ভাড়াটিয়ার জন্য মালিকের অনুমতি ব্যতীত অন্যের কাছে ভাড়া দেয়া বা অন্যকে দখল দেয়া জায়েয নয়। (فتاوى ربيع ج ۲)

* বাড়ি/দোকান ইত্যাদির দখল মালিককে ফিরিয়ে দেয়ার জন্য কোন বিনিময় গ্রহণ করা জায়েয নয়।

* ভাড়া নেয়া বাড়ী/দোকান নষ্ট করে ফেললে অথবা অত্যাধিক দুর্গন্ধময় ও ময়লাযুক্ত করে ফেললে মালিক উক্ত ভাড়াটিয়াকে তুলে দিতে পারবে। (ইসলামী ফেকাহঃ ৩য়)

* বাড়ি/দোকান ভাড়া নিয়ে ব্যবহার না করলেও যতদিন দখলে রাখবে তত দিনের ভাড়া দিতে হবে। (প্রাপ্ত)

* ভাড়াটিয়া বা মালিকের কেউ মারা গেলে পূর্বের ভাড়া চুক্তির পরিসমাপ্তি ঘটবে এবং ওয়ারিছদের নতুনভাবে কারবার চুক্তি সম্পাদন করতে হবে। (هداية)

* বাসা ভাড়া নেয়ার পর যদি এমন কোন অসুবিধা দেখতে পায় যাতে থাকার অসুবিধা, তাহলে সে চুক্তি বাতিল করতে পারে। (هداية ج ۳)

যানবাহনের ভাড়া/নেয়া সম্পর্কিত মাসায়েল

* কোন যানবাহন ভাড়া (রিজার্ভ) নিয়ে তার স্বাভাবিক ক্যাপাসিটির বাইরে লোক/মাল বোঝাই করা যাবে না। তবে মালিক যদি চায় বা সম্মত হয় তাহলে তার সে অধিকার আছে। (ইসলামী ফেকাহঃ ৩য়)

* কোথাও যাতায়াতের জন্য রিক্সা মোটর বা অন্য কোন যানবাহন ভাড়া নেয়ার পর মতের পরিবর্তন হলে রিক্সা বা মোটর ফেরত দেয়া যায়। কিন্তু রিক্সার প্রচুর সময় ব্যয় করে থাকলে অথবা মোটরে কিছু পথ অতিক্রম করে থাকলে ঐ সময়ের মজুরী/জ্বালানীর দাম দিতে হবে।

* যে পর্যন্ত যাওয়ার ভাড়া করা হয়েছে অথবা টিকেট নেয়া হয়েছে যাত্রী তার চেয়ে বেশী গেলে তাকে আনুপাতিক হারে জরিমানা (অতিরিক্ত ভাড়া) দিতে হবে।

* যানবাহন কোন নির্দিষ্ট স্থানে পৌঁছে দেয়ার শর্তে ভাড়া নেয়ার পর পথে তা নষ্ট/অকেজো হয়ে পড়লে ওয়াদাকৃত স্থানে পৌঁছে দেয়া মালিকের দায়িত্ব। যদি যাত্রীদের বিলম্ব/অপেক্ষা করার অবকাশ না থাকে, তাহলে যে পরিমাণ পথ সে অতিক্রম করেছে তার ভাড়া পরিশোধ করে অন্য যানবাহনে যেতে পারবে। মালিক ভাড়া অগ্রিম নিয়ে থাকলে তার কর্তব্য বাকীটুকু ফেরত দেয়া। (ইসলামী ফেকাহঃ ৩য়)

* কেউ মোটর, রিক্সা বা কোন যানবাহন ভাড়া নিলে কি কাজের জন্য, কি মাল বহন করার জন্য এবং তা কত সময় বা কত দূরত্বের জন্য তা পরিষ্কার ভাবে বলে নিতে হবে। যাতে পরে কোন বিরোধ/সংঘর্ষ দেখা না দেয়। (প্রাণ্ডক্ত)

* ভাড়াটিয়া শেষ পর্যন্ত ভাড়া না নিলে অথবা যানবাহন ব্যবহার না করলে গৃহীত অগ্রিম টাকা মালিকের হবে-এই শর্তে ভাড়ার অগ্রিম লেন-দেন জায়েয নেই। (প্রাণ্ডক্ত)

* রেলগাড়ী, ট্রাক, ঠেলাগাড়ী প্রভৃতিতে যে ধরনের ও যে পরিমাণ মালামাল বোঝাই করার অর্ডার নেয়া হয়েছে বা যার চুক্তি হয়েছে, তার চেয়ে বেশী পরিমাণ দ্রব্য বোঝাই করা জায়েয নয়। এমনিভাবে যাত্রীর সাথে যে পরিমাণ মাল নেয়ার সুযোগ কর্তৃপক্ষ দেয়, চুরি করে তার চেয়ে বেশী নেয়া জায়েয নয়। (প্রাণ্ডক্ত)

* কারও মালামাল নির্দিষ্ট স্থানে পৌঁছে দেয়ার অর্ডার নিলে সেখানে পৌঁছে দেয়া এবং পৌঁছানো পর্যন্ত ভাঙ্গাচোরা ও নষ্ট হওয়ার যাবতীয় দায়িত্ব যানবাহনওয়ালার উপর বর্তায়। আর কোন জীবজন্তু পাঠালে তার খাদ্য, মাছ পাঠালে তাতে বরফ দেয়া অথবা ডিম পাঠালে তা শীতল রাখার ব্যবস্থা করা মালিকের উপর বর্তাবে। মোটকথা-মালামালের নিরাপত্তার দায়িত্ব যানবাহন কর্তৃপক্ষের এবং সংরক্ষণের দায়িত্ব মালিকের। (প্রাণ্ডক্ত)

* নির্দিষ্ট সময় বা নির্দিষ্ট স্থানে পৌছার জন্য কোন যানবাহন রিজার্ভ করলে বা ট্রেনের সিট রিজার্ভ করলে উক্ত সময়ের মধ্যে বা সে দূরত্বের মধ্যে অন্য কাউকে চড়তে না দেয়ার অধিকার এসে যায়। (ইসলামী ফেকাহঃ ৩য়)

হক্কে শোফআর মাসায়েল

* কোন জমিতে শরীক বা তার পাশ-আলিয়া প্রতিবেশীকে বলা হয় “শফী”। যেমন হামেদ যায়েদ-এর সাথে একই জমিতে শরীক বা তার পাশ আলিয়া প্রতিবেশী। তাহলে হামেদ হল যায়েদের ‘শফী’। এমতাবস্থায় যায়েদ যদি ঐ জমি বিক্রি করতে চায় তাহলে হামেদ তা ক্রয় করতে চাইলে অন্য কেউ তা নিতে পারবে না। এই যে হামেদের দাবী, এই দাবীকে বলা হয় ‘হক্কে শোফআ’ (Pre-emption) বা অগ্রক্রয়াদিকার।

* শফী যদি ‘হক্কে শোফআর’ দাবী চায় তাহলে তাকে এতটুকু করতে হবে যে, বিক্রয় সংবাদ শোনা মাত্রই অবিলম্বে মুখ দিয়ে তাকে বলতে হবে যে, “আমি ঐ জমি ক্রয় করব।” যদি কিছু মাত্র দেরী করে বলে তাহলে তার দাবী অগ্রাহ্য হবে অর্থাৎ, ‘হক্কে শোফআর’ দাবী করা তার জন্য জায়েয হবে না। এমনকি কোন একটা চিঠির শুরুতে যদি জমি বিক্রয়ের কথা থাকে এবং সে চিঠিখানা শেষ করা পর্যন্ত অপেক্ষা করে বলে যে, ‘আমি ঐ জমি ক্রয় করব বা নিব, তবুও তার দাবী অগ্রাহ্য হবে।

* শফী যদি বলে যে, আমাকে এত টাকা দাও আমি আমার ‘হক্কে শোফআর’ দাবী ছেড়ে দেই, তাহলে হক্কে শোফআর দাবীতো সে আর করতে পারবেই না, অধিকন্তু টাকাও পাবে না; এভাবে টাকা নিলে তা রেশওয়াত (ঘুষ) বলে গণ্য হবে।

* আদালতের রায় হওয়ার পূর্বেই শফী মারা গেলে শফীর ওয়ারেছরা ‘হক্কে শোফআর’ দাবী করতে পারবে না; কিন্তু ক্রেতা মারা গেলে শফীর হক্ক বাতিল হয় না।

* শফী প্রথমে শুনল যে, জমি এত টাকায় (উদাহরণ স্বরূপ এক হাজার টাকায়) বিক্রি হয়েছে, এই শুনে সে চুপ করে থাকল, পরে শুনল যে, কমে বিক্রি হয়েছে (উদাহরণ স্বরূপ পাঁচশত টাকায় বিক্রি হয়েছে), তাহলে তার ‘হক্কে শোফআ’ বাতিল হয়নি।

* শফী প্রথমে শুনল যে, অমুকে জমিটি ক্রয় করেছে, সে সময় দাবী করলনা, পরে জানতে পারল যে, অন্য লোক ক্রয় করেছে তাহলে তার দাবী করার অধিকার থাকবে।

* শরী প্রথমে শুনল যে, অর্ধেক জমি বিক্রি হয়েছে তখন শোফআর দাবী করলনা, পরে জানতে পারল যে, সমস্ত জমি বিক্রি হয়েছে তাহলে সে শোফআর দাবী করতে পারবে।

(হক্কে শোফআ সম্পর্কিত যাবতীয় মাসায়েল ছাফাইয়ে মোআমালাত গ্রন্থ থেকে গৃহীত।)

জমি বর্গা দেয়ার মাসায়েল

* জমি বর্গা বা ভাগা দেওয়া জায়েয আছে, কিন্তু যখন কথা-বার্তা অর্থাৎ, ইজাব কবুল হয় তখনই নিম্নলিখিত শর্তগুলো পরিষ্কার হওয়া চাই।

১. কতদিন যাবৎ বর্গা করবে তা পরিষ্কার বলে দেওয়া চাই।

২. বীজ কে দিবে তা পরিষ্কার হওয়া চাই।

৩. কোন ফসল করবে তা পরিষ্কার বলে দেওয়া চাই।

৪. অংশ হিসেবে ভাগ করা চাই এবং সে অংশ প্রথমেই পরিষ্কার হয়ে যাওয়া চাই; যেমন অর্ধা-অর্ধি বা তিন ভাগের এক ভাগ এবং দুই ভাগ ইত্যাদি।

৫. জমি খালি করে বর্গাতির হাতে দেওয়া চাই।

৬. জমি এবং বীজ গৃহস্তের এবং গরু, লাঙ্গল ও মেহনত বর্গাতির বা শুধু জমীন গৃহস্তের অন্য সব বর্গাতির এরূপ ঠিক হওয়া চাই।

৭. জমি কৃষির যোগ্য হওয়া চাই।

৮. জমির মালিক এবং বর্গাদার উভয়ের বালেগ ও স্বজ্ঞানী হওয়া চাই।

* শরীআত নির্ধারিত শর্তগুলো পালন না করে যদি কেউ জমি বর্গা দেয় তবে তা নাজায়েয হবে, এমতাবস্থায় সমস্ত ফসল বীজওয়ালা পাবে, অপর পক্ষ যদি জমিওয়ালা হয় তাহলে সে দেশাচার অনুসারে জমির ভাড়া পাবে এবং যদি বর্গাতি হয় তাহলে দেশাচার অনুসারে তার মেহনতের মজুরী পাবে; কিন্তু এই ভাড়া এবং মজুরী প্রত্যেকের জন্য নির্ধারিত অংশের মূল্য অপেক্ষা অধিক হতে পারবে না।

* জমি বর্গার কথা-বার্তা (অর্থাৎ, ইজাব-কবুল) ঠিক হয়ে যাওয়ার পর উভয় পক্ষের যে কেউ কোন একটি শর্ত অমান্য করতে চাইলে কাজী (বিচারক)-এর নিকট নালিশ করে তাঁর দ্বারা জোরপূর্বক মানানো হবে; কিন্তু কাজী বীজওয়ালাকে বাধ্য করতে পারবে না।

* জমি মালিক বা বর্গাতি-এর কেউ মারা গেলে জমি বর্গা ছুটে যায়।

* অনেকে আগে বলে না যে, পাট বুনাও, আমন বুনাও কি আউশ বুনাও, শেষে আপোষে ঝগড়া হয়; এ রকম করা চাই না, আগে সব কথা পরিষ্কার করে বলা চাই।

* অনেক জায়গায় ধান কে কাটবে, পাট কে উঠাবে বা খড়-পাটখড়ি কে নিবে তা নিয়ে বাদানুবাদ হয়; এ রকম হওয়া চাই না, আগেই কথা পরিকার করে নেয়া চাই, যাতে পারে দুই কথা হতে না পারে বরং সাক্ষী করে লিখে রাখলে আরও ভাল হয়, যাতে সহজেই স্মরণ থাকতে পারে।

* অনেক জায়গায় ধান ধার্য করে জমি লাগানো হয়। যেমন বলে যে, চাই ধান কর, চাই পাট কর, ফসল হোক বা না হোক, চাই এ জমির উৎপন্ন দ্রব্য হতে দাও, চাই অন্য কোথা থেকে দাও, এই জমি খানায় বা বিঘা প্রতি পাঁচ মণ ধান আমাকে দিতে হবে, এরূপ জায়েয আছে।

* আজকাল গভর্নমেন্টের আইনের বলে অনেকে জমি বর্গা নিয়ে বা জমায় নিয়ে বার বৎসর উত্তীর্ণ হয়ে গেলে বা রেকর্ড হয়ে গেলে পরে আর মালিককে ফেরত দিতে চায় না। কিন্তু নিশ্চিত জেনে রেখ, মালিকের বিনা খুশীতে ঐ জমি রাখা কিছুতেই জায়েয নয়। যদি কেউ রাখে তবে একেতো তা রাখা হারাম, দ্বিতীয়তঃ ঐ জমি চাষাবাদ করা হারাম। তৃতীয়তঃ ঐ জমিতে যা কিছু ফসল হবে তা তার জন্য হারাম ও পলীদ (নাপাক) হবে।

(জমি বর্গা দেয়া সম্পর্কিত যাবতীয় মাসায়েল ছাফাইয়ে মোআমালাত গ্রন্থ থেকে গৃহীত।)

গরু, ছাগল, হাস, মুরগি রাখালী দেয়ার মাসায়েল

গরু, ছাগল, হাঁস, মুরগি, ইত্যাদি জীবজন্তু রাখালী দেয়া এই শর্তে যে, এর যে বাচ্চা হবে তা আমরা আধা-আধি (বা চারআনা বা তিনআনা বা এরূপ কোন হারে) ভাগ করে নিব বা মুরগীর ডিম এভাবে ভাগ করে নিব, এরূপ রাখালী বা ভাড়া দেয়া জায়েয নয়। গ্রামাঞ্চলে এরূপ প্রচলিত থাকলেও তা জায়েয নয়। তবে নির্দিষ্ট সময় লালন-পালন করলে তার বিনিময়ে এত টাকা দেয়া হবে, বা এত পারিশ্রমিক দেয়া হবে- এরূপ চুক্তি করা জায়েয।

বন্ধকের মাসায়েল

যদি কারও নিকট থেকে টাকা-পয়সা কর্জ নিয়ে বিশ্বাসের জন্য তার নিকট কোন জিনিস রাখা হয় এই শর্তে যে, যখন কর্জ পরিশোধ করব তখন আমার জিনিস নিয়ে যাব- একে রেহেন বা বন্ধক বলে। এ সম্পর্কিত মাসলা সমূহ নিম্নরূপঃ

* কর্জ পূর্ণ পরিশোধ না হওয়া পর্যন্ত বন্ধকী জিনিস ফেরত নেয়ার বা দখল নেয়ার অধিকার থাকে না।

* কোন জিনিস বন্ধক রাখলে বন্ধক গ্রহীতা কোন রূপে তা ব্যবহার করলে নাজায়েয হবে। মালিক অনুমতি দিলেও বন্ধকী জিনিস দ্বারা কোন রূপেই লাভবান হওয়া জায়েয নয়। যেমন বাগান বন্ধক রেখে তার ফল খাওয়া, জমি বন্ধক রেখে তার ফসল খাওয়া, ঘর বন্ধক রেখে তাতে বসবাস করা, অলংকার থালা-বাটি বন্ধক রেখে তা ব্যবহার করা ইত্যাদি।

* গরু, ছাগল, বকরী, ঘোড়া ইত্যাদি বন্ধক রাখলে তার খোরাক ইত্যাদির খরচ মালিককে দিতে হবে। গাভী, বকরীর দুধ ও বাছুর সবই মালিক পাবে। দুধ খেয়ে থাকলে ঋণ পরিশোধ হওয়ার সময় দুধের মূল্য ফেরত দিতে হবে; অবশ্য কিছু খরচ হয়ে থাকলে সে খরচের টাকা কেটে রাখতে পারবে।

* বন্ধকী স্বত্ত্ব বিক্রি করা জায়েয নয়। বন্ধকী জিনিস খোঁয়া গেলে এবং ঋণের চেয়ে তার মূল্য কম হলে বাকীটুকু পাওনাদার (অথবা বন্ধকী জিনিসের মালিক) থেকে নিয়ে নিতে পারবে এবং বন্ধকী জিনিসের মূল্য পরিমাণ ঋণ পরিশোধ ধরা হবে। আর বন্ধকী জিনিসের মূল্য ঋণের চেয়ে বেশী হলে মালিক ঐ বেশী পরিমাণটুকু বন্ধক গ্রহীতার কাছে দাবী করতে পারবে না।

* তুমি কারও নিকট টাকা চাইলে, সে টাকা দিতে না পেরে কোন জিনিস দিল যা অন্য কারও নিকট বন্ধক রেখে তুমি টাকা আনলে, পরে ঐ জিনিসের মূল মালিক টাকা দিয়ে বন্ধক গ্রহীতার নিকট থেকে তার মাল ছাড়িয়ে নিল, এমতাবস্থায় মূল মালিককে তুমি টাকা দিতে বাধ্য।

* বন্ধকের মেয়াদ শেষ হওয়ার পরও মালিক অর্থ পরিশোধ করে বন্ধকী জিনিস ফেরত না নিলে তা বিক্রি করে নিজের অর্থ আদায় করার অধিকার এসে যায়। ইসলামী জজ (কাজী) থাকলে তার নিকট মামলা দায়ের করে বিক্রির অনুমোদন নিয়ে নিবে।

(বেহেশতী জেওর, ইসলামী ফিকাহঃ ৩য় এবং ছাফাইয়ে মোআমালাত থেকে গৃহীত।)

আরিয়াত বা কোন বস্তু ধার দেয়া নেয়ার মাসায়েল

(বিনা ভাড়ায় ফেরত দেয়ার শর্তে কোন বস্তু দেয়া বা চেয়ে আনাকে 'আরিয়াত' বলে। যেমন পাকানোর জন্য কারও ডেগ চেয়ে নেয়া হল কিংবা পড়ার জন্য কারও বইপত্র আনা হল ইত্যাদি।)

* আরিয়াত যিনি আনবেন তিনিই ব্যবহার করতে পারবেন। অবশ্য পরিষ্কার ভাষায় মালিকের অনুমতি থাকলে অন্যকেও ব্যবহার করতে দেয়া যায় বা এমন লোককেও দেয়া যায় যার ব্যাপারে একীন থাকে যে, মালিক নিশ্চয়

তার ব্যাপারে অনুমতি দিবেন কিংবা বস্তুটা যদি এমন হয় যা সকলেই সমানভাবে ব্যবহার করে থাকে-কারও ব্যবহারে কোন তারতম্য ঘটে না, তাহলেও অন্যদেরকে ব্যবহার করতে দেয়া যায়। তবে মালিক যদি পরিষ্কার ভাষায় অন্য কাউকে ব্যবহার করতে দিতে নিষেধ করে তাহলে অন্য কাউকে ব্যবহার করতে দেয়া কোন অবস্থাতেই দুরস্ত হবে না।

* আরিয়াত দাতা (অর্থাৎ, বস্তুর মালিক) যদি উক্ত বস্তু ব্যবহারের জন্য বিশেষ কোন নিয়ম বা নির্দিষ্ট সময় বলে দিয়ে থাকে, তাহলে তার খেলাফ করা জায়েয নয়।

* আরিয়াতের বস্তু আমানতের মত, নিজের বস্তুর চেয়ে অধিক যত্ন ও হেফাজতের সাথে তা রাখা কর্তব্য। আরিয়াতের বস্তু পূর্ণ সতর্কতা অবলম্বন ও হেফাজত করা সত্ত্বেও যদি কোন প্রকারে নষ্ট হয়ে যায়, তাহলে তার ক্ষতিপূরণ নেয়া যায় না। তবে সতর্কতা অবলম্বন না করলে বা হেফাজতে গাফিলতী করে থাকলে ক্ষতিপূরণও দিতে হবে।

* ফসল করে খাওয়ার জন্য কাউকে জমি আরিয়াত দিলে ফসল পাকার পূর্বে জমি ফেরত চাইতে পারবে না। চাইলেও জমি ফেরত পাবে না। অবশ্য ইচ্ছা করলে সে দিন থেকে (যে দিন থেকে সে ফেরত চেয়েছে) ফসল পাকা পর্যন্ত দেশ রেওয়াজ অনুসারে জমির ভাড়া নিতে পারে। কেউ কারও ক্ষতি করতে পারবে না।

* আরিয়াতের বস্তু ওয়াদা মত ফেরত দেয়া কর্তব্য। অন্যথায় নষ্ট হয়ে গেলে ক্ষতিপূরণ দিতে হবে।

(ছাফাইয়ে মোআমালাত ও বেহেশতী জেওর থেকে গৃহীত।)

আমানতের মাসায়েল

* টাকা-পয়সা বা মাল-সামান আমানত রাখলে আমানতদারের উপর তার পূর্ণ হেফাজত করা ওয়াজিব।

* কেউ টাকা-পয়সা আমানত রাখলে অবিকল সেই টাকা-পয়সাই পৃথকভাবে হেফাজত করে রাখা ওয়াজিব- নিজের টাকার সঙ্গে মিশানো এবং ঐ টাকা থেকে খরচ করা জায়েয নয়। এরূপ করতে হলে মালিক থেকে অনুমতি নিতে হবে।

* আমানতের মাল পূর্ণ হেফাজত করা সত্ত্বেও নষ্ট হয়ে গেলে তার ক্ষতিপূরণ দিতে হয় না। আর হেফাজতে ত্রুটি করার কারণে নষ্ট হলে বা চুরি হলে কিংবা খোয়া গেলে ক্ষতিপূরণ দিতে হয়।

* কেউ কাপড়-চোপড়, হাড়ি-পাতিল, থালা-বাসন, বই-পত্র অলংকার ইত্যাদি আমানত রাখলে মালিকের বিনা অনুমতিতে আমানতদারের পক্ষে তা ব্যবহার করা জায়েয নয়। গাভী আমানত রাখলে তার দুধ খাওয়া বা বলদ আমানত রাখলে তার দ্বারা জমি চাষ করানো মালিকের অনুমতি ব্যতীত জায়েয নয়।

* কেউ যদি বলে ভাই! এই মালটা দেখুন আমি আসছি, আর আপনি বলেন আচ্ছা ঠিক আছে, কিংবা চুপ থাকেন বা হাত দ্বারা সে বস্তুটা সামলে নেন, তাহলে আমানত রাখার হুকুম এসে যায়। যদি আমানত রাখতে অসুবিধা থাকে তাহলে একরূপ মুহূর্তে পরিস্কারভাবে তাকে গুনিয়ে বলে দিতে হবে যে, না ভাই আমার ওজর আছে, আমি দেখতে/রাখতে পারব না।

* আমানতকারী যখনই তার মাল ফেরত চাইবে তখনই তার মাল তার নিকট ফেরত দেয়া ওয়াজিব, বিনা ওজরে ফেরত দিতে বিলম্ব করা জায়েয নয়।

* আমানতকারী নিজে না এসে অন্য কোন লোককে মাল ফেরত নেয়ার জন্য পাঠালে তাকে নিজের দায়িত্বে দেয়া যায়। পরে যদি মালিক অস্বীকার করে যে সে তাকে পাঠায়নি, তাহলে মালিক আপনার কাছ থেকে মাল আদায় করে নিতে পরবে। একরূপ মুহূর্তে একথাও বলা যায় যে, মালিক নিজে না আসলে আমি অন্য কারও কাছে দিব না।

* কেউ আমানত রাখলে সেটা লিখে রাখা আদব।

* যে অভাবী, তার জন্য কারও আমানত না রাখা উচিত। কেননা অভাব আমানতে খেয়ানতের বা অনিয়মের কারণ ঘটতে পারে।

* আমানতদার নিজেই মালের হেফাজত করবে, নিজের কাছেই রাখবে কিংবা পরিবারের মধ্যে স্ত্রীর কাছে, মায়ের কাছে, মেয়ের কাছে বা একরূপ অন্য কারও কাছে যাদের উপর তার পূর্ণ আস্থা আছে এবং যাদের কাছে সে নিজের টাকা-পয়সা সচরাচর রাখে এদের কাছেও আমানতের মাল রাখতে পারবে। এতদ্ব্যতীত অন্য কারও নিকট মালের মালিকের বিনা অনুমতিতে রাখতে পারবে না। রাখলে খোয়া গেলে ভর্তুকি দিতে হবে। বিশ্বস্ত বন্ধু-বান্ধব যাদের কাছে সে নিজের মালামাল রেখে থাকে তাদের কাছেও মালিকের বিনা অনুমতিতে রাখতে পারবে।

* মালিকের অনুমতি নিয়ে আমানতের মাল দ্বারা ব্যবসা করা যেতে পারে।

বিঃ দ্রঃ হেফাজতের সঙ্গে আমানত রেখে অন্যের উপকার করা অনেক ছওয়াবের কাজ। কিন্তু আমানতে খেয়ানত করলে কবীরা গোনাহ হবে।

(বেহেশতী জেওর, ইসলামী ফিকাহঃ ওয়, ছাফাইয়ে মোআমালাত ও آداب العاشرت থেকে গৃহীত।)

পড়ে পাওয়া জিনিসের মাসায়েল

* কোথাও পথে কোন পড়ে পাওয়া টাকা/পয়সা বা জিনিস পেলে যদি আশংকা হয় যে, সে না উঠালে কোন দুষ্টলোক পেলে তা আত্মসাৎ করে ফেলবে এবং মালিককে দিবে না, তাহলে তা উঠানোও ওয়াজিব এবং মালিককে খুঁজে পৌঁছে দেয়াও ওয়াজিব।

* কোন পড়ে পাওয়া টাকা/পয়সা বা বস্তু উঠানোর পর ঐ পরিমাণ টাকা/পয়সা বা বস্তুর জন্য মালিকের যতদিন বা যতক্ষণ তালাশ করার সম্ভাবনা থাকে ততদিন বা ততক্ষণ পর্যন্ত সাধ্য অনুসারে লোক সমাগমের স্থলে ঘোষণা দিতে থাকবে। মালিককে পাওয়া গেলে বা তার ওয়ারিশদেরকে পাওয়া গেলে এবং মালের পরিচয় বলতে পারলে তৎক্ষণাৎ দিয়ে দিবে। আর না পাওয়া গেলে এবং পাওয়ার কোন আশা না থাকলে ঐ টাকা/পয়সা বা বস্তু কোন গরীব দুঃখীকে দান করে দিবে। তবে সে নিজে গরীব হলে নিজেও তা ব্যবহার ও ভোগ করতে পারবে। কিন্তু গরীবকে দেয়ার পর বা নিজের গরীব হওয়ার কারণে নিজেই ব্যবহার করার পর যদি মালিক এসে দাবী করে তাহলে মালিক সেই টাকা/পয়সা বা বস্তুর মূল্য ফেরত নিতে পারবে। অবশ্য সে যদি দাবী পরিত্যাগ করে তাহলে খয়রাতের ছওয়াব সে-ই পাবে।

* পড়ে পাওয়া জিনিস উঠানোর পর মালিককে তালাশ করা কষ্টকর মনে করে আবার যেখানকার জিনিস সেখানে ফেলে আসা জায়েয হবে না; বরং উঠানোর পর মালিককে তালাশ করা ওয়াজিব হয়ে যায়।

* বাগানের মধ্যে নারিকেল, সুপারী, আম, তাল ইত্যাদি পড়ে থাকলে মালিকের বিনা অনুমতিতে তা উঠানো এবং ভক্ষণ করা হারাম। অবশ্য যদি একটা বরই বা বুট ছোলা ইত্যাদি এমন কোন সামান্য জিনিস হয়, যা কেউ নিলে বা খেয়ে ফেললে মালিক মনে কোন কষ্ট পায় না- এরূপ জিনিস উঠিয়ে নেয়া, খাওয়া বা ব্যবহার করা জায়েয আছে।

* হাঁস মুরগি বা কোন পালিত পাখী যদি কারও বাড়ীর মধ্যে এসে পড়ে এবং সে তা ধরে রাখে, তাহলে মালিককে তালাশ করে দিয়ে দেয়া ওয়াজিব।

ঋণ সম্পর্কিত আদব ও মাসায়েল

* যথাসম্ভব ঋণ গ্রহণ করা থেকে বিরত থাকা উচিত।

* এমন ব্যক্তির নিকট ঋণ চাওয়া ঠিক নয়, যার ব্যাপারে বোঝা যায় যে, - অনিচ্ছা সত্ত্বেও সে ভক্তি বা লজ্জা বা চাপ ইত্যাদির কারণে অস্বীকার করতে পারবে না। যার ব্যাপারে নিশ্চিত জানা আছে যে, অনিচ্ছা হলে স্বাধীনভাবে সে অস্বীকৃতি জানিয়ে দিতে কুণ্ঠিত হবে না- এরূপ লোকের নিকট ঋণ চাওয়াতে দোষ নেই।

* ঋণ গ্রহণ করলে সেটা পরিশোধের সময় নির্দিষ্ট করে নিবে।

* ঋণ নিলে সেটা স্মরণ রাখার জন্য লিখে রাখবে।

* যতদ্রুত সম্ভব ঋণ পরিশোধ করে দেয়া প্রয়োজন, কেননা ঋণ পরিশোধ না করে মৃত্যুবরণ করলে তার রুহ ঝুলন্ত অবস্থায় থাকে-জান্নাতে প্রবেশ করতে পারে না।

* পাওনাদার নির্দিষ্ট সময়ের পূর্বেও চাওয়ার অধিকার রাখে।

* পাওনাদার শক্ত কিছু বললেও তা সহ্য করতে হবে।

* সাধ্য থাকা সত্ত্বেও ঋণ পরিশোধ না করা বা আজ-কাল বলে টালবাহানা করা জুলুম।

* ঋণ গ্রহণকারী ব্যক্তি অস্বচ্ছল হলে তাকে সময় সুযোগ দেয়া উচিত-পেরেশান করা উচিত নয়। পারলে ঋণ পুরোটা বা তার কিয়দংশ মাফ করে দিবে। তাহলে আল্লাহ তা'আলাও কিয়ামতের কষ্ট থেকে মুক্তি দিবেন।

* ঋণ গ্রহণকারী যদি ঋণ পরিশোধের ভার এমন কোন লোকের উপর ন্যস্ত করতে চায় যার থেকে উসূল করা যাবে বলে আশা করা যায়, তাহলে সেটা মেনে নিবে। অহেতুক জিদ ধরা ঠিক নয়।

* খারাব মাল দ্বারা ঋণ পরিশোধ করবে না বরং ভালটার দ্বারা পরিশোধ করা উত্তম।

* পাওনাদার ঋণ বুঝে পাওয়ার সময় ঋণ গ্রহণকারীকে দুআ দিবে এবং তার শোকর আদায় করবে।

* ঋণ পরিশোধ করলে তাও লিখে রাখবে।

* বিশ্বাস ও ভক্তির সাথে নিম্নের দুআটি পড়লে ইনশাআল্লাহ ঋণ আদায় হয়ে যাবে-

اَللّٰهُمَّ اَكْفِنِيْ بِحَلَالِكَ عَنْ حَرَامِكَ وَاَغْنِنِيْ بِفَضْلِكَ عَمَّنْ سِوَاكَ -

অর্থ : হে আল্লাহ, হারাম হতে বাঁচিয়ে তোমার হালাম রুখী দ্বারা আমার অভাব পূরণ কর এবং তোমার অনুগ্রহ দ্বারা অন্যের মুখাপেক্ষী হওয়া থেকে আমাকে রক্ষা কর। (তিরমিযী ও মুত্তাদরকে হাকিম)

* সামর্থ্য থাকা সত্ত্বেও ঋণ পরিশোধ না করলে মামলা করে বা প্রকাশ্যে কিংবা গোপনে যে কোনভাবে পাওনা উসূল করে নেয়া পাওনাদারের জন্য জায়েয। এরূপ অবস্থায় দেনাদারকে শক্ত কথা বলাও জায়েয।

(بهشتی ریورآداب المعاشرت) থেকে গৃহীত।)

বিবাহ

যাদের সাথে বিবাহ হারামঃ

১. নিজের সন্তানের সাথে। যেমন ছেলে, পোতা, পরপোতা, নাতি, নাতির ছেলে ইত্যাদি যতই নীচের দিকে যাক না কেন।
২. বাপ, দাদা, পরদাদা, নানা, পরনানা, ইত্যাদি যতই উর্ধ্বে যাক না কেন।
৩. ভাই। (আপন বা বৈমাত্রেয় বা বৈপিত্রিয়)। মাতা ও পিতা উভয়ে ভিন্ন হলে সেরূপ ভাইয়ের সাথে বিবাহ জায়েয।
৪. ভতিজা।
৫. ভাগিনা।
৬. মামা, অর্থাৎ, মায়ের আপন বা বৈমাত্রেয় বা বৈপিত্রিয় ভাই।
৭. চাচা, অর্থাৎ, পিতার উপরোক্ত তিন প্রকার ভাই।
৮. জামাই, অর্থাৎ, মেয়ের সাথে যার বিবাহের আক্দ্ হয়েছে। (চাই সহবাস তার সাথে হোক বা না হোক)
৯. মায়ের স্বামী, অর্থাৎ, পিতার মৃত্যুর পর মা যদি দ্বিতীয় স্বামী গ্রহণ করে এবং তার সাথে সহবাস হয়।
১০. সন্তানের পুত্র।
১১. আপন স্বশুর, তার পিতা, তার দাদা, তার পরদাদা ইত্যাদি।
১২. ভগ্নির স্বামীর সাথে, যে পর্যন্ত ভগ্নি তার বিবাহে থাকে।
১৩. ফুফা এবং খালু, যে পর্যন্ত ফুফু ফুফার এবং খালা খালুর বিবাহে থাকে।
১৪. নসবের দিক দিয়ে অর্থাৎ, জন্ম ও জাতিগত দিক দিয়ে যে সব আরীয় ও আপনজনের সাথে বিবাহ হারাম (যেমন বাপ, দাদা, ছেলে, চাচা, মামা ইত্যাদি, দুধের দিক দিয়েও সেসব আরীয়ের সাথে বিবাহ হারাম। যেমন দুধবাপ, দুধ ভাই, দুধ পোতা ইত্যাদি।

১৫. অন্য কোন ধর্মাবলম্বী পুরুষের সাথে।
১৬. কারও স্ত্রী থাকা অবস্থায় বা তালাকের পর ইদতের সময় অন্য পুরুষের সাথে বিবাহ হারাম।
১৭. কোন পুরুষ কোন নারীর সাথে যেনা করলে ঐ নারীর মা ও মেয়ে (বা মেয়ের মেয়ে অর্থাৎ, নিম্নদিকের যে কোন মেয়ে)-এর সাথে ঐ পুরুষের বিবাহ দূরন্ত নয়।
১৮. কোন নারী কামভাবের সাথে বদ নিয়তে অপর কোন পুরুষের শরীর স্পর্শ করলেও উপরোক্ত হুকুম। তদ্রূপ কোন পুরুষ কামভাব সহ বদ নিয়তে কোন নারীকে স্পর্শ করলেও ঐ পুরুষের সন্তানগণ ঐ নারীর জন্য হারাম হয়ে যায়।
১৯. ভুলবশতঃ কামভাবের সাথে কন্যা বা শাশুড়ীর গায়ে হাত দিলে স্ত্রী (অর্থাৎ, ঐ কন্যার মা) বা ঐ শাশুড়ীর মেয়ে চিরতরে হারাম হয়ে যায়। তাকে তালাক দিয়েই দিতে হবে।
২০. কোন ছেলে কুমতলবে বিমাতার শরীরে হাত লাগালে বা বিমাতা কুমতলবে বিপুত্রের শরীরে হাত লাগালে ঐ নারী তার স্বামীর জন্য একেবারে হারাম হয়ে যায়।

(বেহেশতী জেওর থেকে গৃহীত।)

যাদের সাথে বিবাহ জায়েয

যাদের সাথে বিবাহ হারাম তারা ব্যতীত অন্য সব পুরুষের সাথে বিবাহ জায়েয, অতএব যে সব পুরুষের সাথে বিবাহ জায়েয তাদের তালিকা বলে শেষ করার নয়। কিন্তু যাদের সাথে বিবাহ জায়েয তা সত্ত্বেও সমাজে অনেকে সেটাকে জায়েয মনে করে না বা খারাব মনে করে, এরূপ কয়েকজনের কথা নিম্নে উল্লেখ করা হল।

১. এরূপ ভাই যার মা ও বাপ উভয়ে ভিন্ন।
২. মার চাচাত, মামাত, ফুফাত, খালাত ভাইয়ের সাথে বিবাহ জায়েয।
৩. বাপের চাচাত, মামাত ভাইয়ের সাথে বিবাহ জায়েয।
৪. চাচা শ্বশুর, মামা শ্বশুর, খালু শ্বশুরের সাথে বিবাহ জায়েয।
৫. ননদের স্বামী, ভগ্নিপতি (যখন ভগ্নি তার ববিাহে না থাকে) বিবাহি অর্থাৎ, ভাইয়ের শ্যালক, ছেলের শ্বশুর, মেয়ের শ্বশুর প্রভৃতির সাথে।

৬. ফুফার সাথে যখন ফুফু তার বিবাহে না থাকে ও খালুর সাথে যখন খালা তার বিবাহে না থাকে।

৭. পালকপুত্র, ধর্মছেলে, ধর্মবাপ, ধর্ম ভাইয়ের সাথে বিবাহ জায়েয।

পাত্র-পাত্রী নির্বাচনের তরীকা

* সং ও খোদাতীক পাত্র-পাত্রীর সন্ধান করতে হবে।

* পাত্র/পাত্রীর জন্য বংশ, মুসলমান হওয়া ধর্মপরায়ণতা, সম্পদশালীতা ও পেশায় সমমানের পাত্র/পাত্রী নির্বাচনের বিষয়টি শরী'আতে অত্যন্ত গুরুত্বপূর্ণ। সম্পদশালীতায় সমপর্যায়ের হওয়ার দ্বারা বুঝানো হয়েছে ধনবতী মহিলার জন্য একেবারে নিঃস্ব কাঙ্গাল পুরুষ সমমানের নয়; তবে মহরের নগদ অংশ প্রদানে এবং ভরণ-পোষণ প্রদানে সক্ষম হলে তাকে সমমানের ধরা হবে। উভয় পক্ষের সম্পদ একই পরিমাণে বা কাছাকাছি হতে হবে তা বোঝানো হয়নি।

* পাত্র/পাত্রীর ধর্মপরায়ণতার দিকটাকে অগ্রাধিকার ভিত্তিতে বিবেচনা করতে হবে।

* পাত্র/পাত্রীর বয়সের মধ্যে সামঞ্জস্য থাকা সংগত, পাত্রীর চেয়ে পাত্রের বয়স কিছু বেশী হওয়া উত্তম; তবে খুব বেশী বেশ কম হওয়া সংগত নয়।

(اصلاح الروم)

বিবাহের পয়গাম/প্রস্তাব দেয়ার তরীকা

* বিবাহের পয়গাম বা প্রস্তাব দেয়ার পূর্বে নিম্নোক্ত বাক্যটি বলে নিবে-

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ
وَرَسُولُهُ. (كتاب الاذكار)

অতঃপর বলবে আমি অমুকের ব্যাপারে এই আত্মহ নিয়ে এসেছি।

* অপর কেউ প্রস্তাব দিয়ে থাকলে এবং উভয় পক্ষের সে প্রস্তাবে রেজামন্দীভাব দেখা গেলে সেটা নিস্পত্তি না হওয়া পর্যন্ত অন্য প্রস্তাব দেয়া নিষেধ।

পাত্রী দেখা প্রসঙ্গ

* বিবাহের পূর্বে পাত্রী দেখে নেয়া সুন্নাত। নিজে না দেখলে বা সম্ভব না হলে কোন মহিলাকে পাঠিয়েও দেখার ব্যবস্থা করা যায়।

* পাত্রীর চেহারা এবং হাত দেখার অনুমতি রয়েছে।

* যে পুরুষ যে নারীকে বিবাহ করতে চায় একমাত্র সে পুরুষ ব্যতীত অন্য কোন গায়র মাহরামের পক্ষে উক্ত নারীকে দেখা বৈধ নয়।

মহর সম্পর্কিত মাসায়েল

* মহর পরিশোধ করা ওয়াজিব। তাই নাম শোহরতের জন্য সাধের অতিরিক্ত মহর ধায়া করা অপছন্দনীয়।

* রাসূল সাল্লাল্লাহু আলাইহি ওয়াসাল্লাম তাঁর কন্যা ফাতেমার জন্য যে মহর ধার্য করেছিলেন, তাকে 'মহরে ফাতিমী' বলা হয়। বর্তমানের হিসাবে তার পরিমাণ কি এ ব্যাপারে তিনটি উক্তি পাওয়া যায়- (১) ১৩১ $\frac{১}{৪}$ তোলা রূপার সমপরিমাণ। (২) ১৪৫ $\frac{৩}{৪}$ তোলা পরিমাণ রত্তি রূপার সমপরিমাণ। (৩) ১৫০ তোলা রূপার সমপরিমাণ। সতর্কতা স্বরূপ ১৫০ তোলার মতটি গ্রহণ করা যায়। বর্তমানে প্রচলিত গ্রাম-এর ওজন হিসেবে ১৫০ তোলা = ১৭৪৯.৬০০ গ্রাম। খুচরা বাকীটুকু পূর্ণ করে দিয়ে ১৭৫০ গ্রাম ধরা চলে।

(তাউরত্বিঃ ১/১)

* কমেয় পক্ষে মহরের পরিমাণ দশ দেহরাম (অর্থাৎ, প্রায় পৌণে তিন তোলা পরিমাণ রূপার সমপরিমাণ) বেশীর কোন সীমা নেই। তবে খুব বেশী মহর ধার্য করা ভাল নয়।

* বিবাহের সময় মহর ধার্য হলে এবং বাসর ঘর অতিবাহিত হলে ধার্যকৃত পূর্ণ মহর দেয়া ওয়াজিব হয়ে যায়। আর বাসর ঘর হওয়ার পূর্বে তালাক হলে ধার্যকৃত মহরের অর্ধেক দেয়া ওয়াজিব হয়।

* বিবাহের সময় মহরের উল্লেখ না হলে 'মহরে মেছেল' বা খান্দানী মহর ওয়াজিব হয় আর একরূপ ছুরতে বাসর ঘর হওয়ার পূর্বেই তালাক হয়ে গেলে সে মেয়েলোকটি মহর পাবে না- শুধু একজোড়া কাপড় পাবে। একজোড়া কাপড়ের অর্থ লম্বা হাতা ওয়ালা একটা জামা, একটা উড়না বা ছোট চাদর বা একটা পায়জামা। অথবা একটা শাড়ী ও একটা বড় চাদর যার দ্বারা আপাদ মস্তক ঢাকা যায়।

* 'মহরে মেছেল' বা খান্দানী মহর বিবেচনার ক্ষেত্রে বাপ দাদার বংশের মেয়েদের যেমন বোন, ফুফু, ভাতিজী, চাচাত বোন প্রমুখের মহর দেখতে হবে এবং এই খান্দানী মহর নিরূপণের ক্ষেত্রে যুগের পরিবর্তনে, স্থানের পরিবর্তনে,

রূপ, গুণ, বয়স, পাত্র, দ্বিতীয় এবং প্রথম বিবাহের তারতম্যে মহরের যে তারতম্য হয়ে থাকে তাও বিবেচনায় আনতে হবে।

* স্বামী যদি মহরের নিয়তে (খোরাক, পোশাক ও বাসস্থান ব্যতিরেকে) কিছু টাকা বা অন্য কোন মাল জিনিস দেয়, তাহলে তা মহর থেকেই কাটা যাবে।

* স্বামী যদি স্ত্রীকে ধমক দিয়ে বা ভয় দেখিয়ে বা লজ্জায় ফেলে বা অন্য কৌশলে ও অসুদপায়ে স্ত্রীর আন্তরিক ইচ্ছা না থাকা সত্ত্বেও তার দ্বারা মহর মাফ করিয়ে নেয় তবে তাতে মহর মাফ হয়ে যায় না।

ওলীর বর্ণনা

* ছেলে/মেয়েকে যে বিবাহ দেয়ার ক্ষমতা রাখে তাকে ‘ওলী’ বলে। ওলীর জন্য আকেল বালেগ এবং মুসলমান হওয়া শর্ত।

* ছেলে/মেয়েদের সর্ব প্রথম ওলী তাদের পিতা, না থাকলে দাদা, তারপর পরদাদা। তাদের কেউ না থাকলে আপন ভাই, তারপর বৈমাত্রেয় ভাই, তারপর আপন ভাইয়ের ঘরের ভাতিজা, তারপর বৈমাত্রেয় ভাইয়ের ঘরের ভাতিজা। ভাতিজারা কেউ না থাকলে ভাতিজার ছেলে, তারপর তাদের ছেলে (উপরোক্ত তারতীব অনুযায়ী)। তারপর আপন চাচা, তারপর সতাল চাচা, তারপর চাচাত ভাই, তারপর চাচাত ভাইয়ের ছেলে, তারপর চাচাত ভাইয়ের পোতা (উপরোক্ত তারতীব অনুযায়ী)। তারা কেউ না থাকলে পিতার চাচা, সে না থাকলে তার আওলাদ। তারা না থাকলে দাদার চাচা, তারপর তার ছেলে, তারপর তার পোতা ও পরপোতাগণ তারতীব অনুযায়ী ওলী হবে। এসব পুরুষ ওলীগণ না থাকলে মা ওলী হবে। তারপর দাদী, তারপর নানী, তারপর নানা, তারপর আপন বোন, তারপর বৈমাত্রেয় বোন, তারপর বৈপিত্রেয় ভাই-বোন, তারপর ফুফু, তারপর মামা, তারপর চাচাত বোন।

* এক শ্রেণীর কয়েকজন ওলী থাকলে বড়জন অন্যদের সাথে পরামর্শ ক্রমে কাজ করবে। বড়জনের অনুমতি নিয়ে অন্যরাও কাজ করতে পারে।

* মেয়ে বালেগা হলে তার বিনা অনুমতিতে কোন ওলী বা অন্য কেউ তাকে বিবাহ দিতে পারে না। দিলে মেয়ের অনুমতির উপর সে বিবাহ মওকুফ থাকবে। অনুমতি না দিলে সে বিবাহ বাতিল হয়ে যাবে।

* মেয়ে বালেগা হলে ওলীর বিনা অনুমতিতে সে সমান ঘরে বিবাহ বসতে পারে, কিন্তু সমান ঘরে বিবাহ না বসে নীচ ঘরে বিবাহ বসলে এবং ওলী তাতে মত না দিলে সে বিবাহ দূরস্ত হবে না।

এয়েন নেয়ার তরীকা ও মাসায়েল

* মেয়ে যদি ছেলেকে পূর্বে থেকে না চিনে তাহলে এয়েন (অনুমতি/সম্মতি) নেয়ার সময় মেয়ের সামনে ছেলের নাম-ধাম, পরিচয় ও মহরের কথা তুলে ধরে বলতে হবে 'আমি তোমাকে বিবাহ দিচ্ছি বা বিবাহ দিলাম বা বিবাহ দিয়েছি। তুমি রাজি আছ কি-না ?

* সাবালেগা অবিবাহিতা মেয়ের নিকট এয়েন চাওয়ার পর সে (অসম্মতি সূচক কোন ভাব প্রকাশ না করে সম্মতি সূচক ভাব প্রকাশ করে অর্থাৎ, গম্ভীর ভাব ধারণ করে) চুপ থাকলে বা মুচকি হেসে দিলে বা (মা বাপের বাড়ী ছেড়ে যাওয়ার মন বেদনায়) চোখের পানি ছেড়ে দিলে তার এয়েন আছে ধরা হবে। জবরদস্তী তার মুখ থেকে 'রাজি আছি' কথা বের করার চেষ্টা নিষ্প্রয়োজন ও অন্যায়।

* মেয়ে পূর্বে থেকে ছেলেকে না চিনলে এবং তার সামনে ছেলের নাম/ধাম, পরিচয় সুস্পষ্টভাবে তুলে না ধরলে তার চুপ থাকাকে এয়েন বা সম্মতি ধরা যাবে না।

* শরী'আত অনুসারে যে ওলীর হক অগ্রগণ্য, তিনি বা তার প্রেরিত লোক ব্যতীত অন্য কেউ এয়েন আনতে গেলেও সে ক্ষেত্রে মেয়ের চুপ থাকাটা এয়েন বলে গণ্য হবে না। বরং সে ক্ষেত্রে স্পষ্ট অনুমতির শব্দ উল্লেখ করলেই এয়েন ধরা যাবে।

* যদি মেয়ে বিধবা কিংবা তালাক প্রাপ্তা হয় তাহলে তার চুপ থাকাটা এয়েন বলে গণ্য হবে না বরং মুখ দিয়ে স্পষ্ট কথা (যেমন 'রাজি আছি') বলতে হবে।

* না বালেগা ছেলে/মেয়ের বিবাহ যদি বাপ দাদা করায় তাহলে সে বিবাহ দূরস্ত আছে এবং বালেগা হওয়ার পর তাদের সে বিবাহ ভঙ্গ করার কোন ক্ষমতা থাকবে না। বাপ, দাদা ব্যতীত অন্য কেউ করলে যদি সমান ঘরে করায় এবং মহরও ঠিকমত হয় তাহলে বর্তমানে তাদের বিবাহ দূরস্ত হয়ে যাবে, তবে বালেগ হওয়ার সময় মুসলমান হাকিমের আশ্রয় গ্রহণ করে তারা সে বিবাহ ভেঙ্গে দিতে পারবে। আর বাপ, দাদা ব্যতীত অন্যরা নীচ ঘরে বা অনেক কম মহরে বিবাহ দিলে সে বিবাহ দূরস্ত হবে না।

বিবাহের দিন, সময় ও স্থান সম্পর্কে কথা

* বিবাহ শাওয়াল মাসে এবং জুমুআর দিনে এবং মসজিদে সম্পন্ন করা উত্তম। এছাড়াও যে কোন মাসে, যে কোন দিনে, যে কোন সময়ে বিবাহ হওয়াতে কোন অসুবিধা নেই। অমুক অমুক দিন বিবাহ করা ঠিক নয়- এ জাতীয় কথা কুসংস্কার এবং এগুলো হিন্দুয়ানী ধ্যান ধারণা থেকে বিস্তার লাভ করেছে।

আকদ সম্পন্ন করা বা বিবাহ পড়ানোর তরীকা

* এ'লান বা ঘটা করে (অর্থাৎ, বিবাহের খবর প্রচার করে) বিবাহের আকদ সম্পন্ন করা সুন্নাত। বিনা ওজরে এ'লান ছাড়া গোপনে বিবাহ পড়ানো সুন্নাতের খেলাফ। (فتاوى رحمیه ج ۲/ ۲)

* আকদ করতে চাইলে পূর্বে মহর ধার্য না হয়ে থাকলে প্রথমে মহর ধার্য করবে। (সামর্থ অনুযায়ী) কম মহর ধার্য করার মধ্যেই বরকত নিহিত।

* উকীল পাত্রী থেকে অনুমতি/সম্মতি নিয়ে আসবে। পাত্রী নিজেও মজলিসে এসে সরাসরি প্রস্তাব/কবুল করতে পারে- সে ক্ষেত্রে উকীলের প্রয়োজন হয় না। উকীলের অনুমতি/সম্মতি আনার সময় সাক্ষীদের উপস্থিত থাকা জরুরী নয়। ইজাব কবুলের সময় সাক্ষীদের উপস্থিত থাকা জরুরী।

* গায়রে মাহরামকে উকীল বানানো ঠিক নয়।

* অতঃপর বিবাহের নিম্নোক্ত খুতবা পাঠ করবে। এই খুতবা পাঠ করা মোস্তাহাব। এই খুতবা ইজাব কবুলের পূর্বে হওয়া সুন্নাত।

(فتاوى محمودیه ج ۸/ ۸ و فتاوى رحمیه ج ۲/ ۶)

* এ খুতবা মৌলিকভাবে দাঁড়িয়ে পড়াই নিয়ম। বসেও পড়া জায়েয। (فتاوى رحمیه)

খুতবাটি এই-

الْحَمْدُ لِلّٰهِ نَسْتَعِيْنُهُ وَنَسْتَغْفِرُهُ وَنَعُوْذُ بِاللّٰهِ مِنْ شُرُوْرِ اَنْفُسِنَا وَمِنْ سَيِّئَاتِ اَعْمَالِنَا، مَنْ يَّهْدِ اللّٰهُ فَلَا مُضِلَّ لَهُ وَمَنْ يُّضِلِلْ فَلَا هَادِيَ لَهُ، وَاشْهَدُ اَنْ لَا اِلٰهَ اِلَّا اللّٰهُ وَاشْهَدُ اَنْ مُحَمَّدًا عَبْدُهُ وَرَسُوْلُهُ، اَرْسَلَهُ بِالْحَقِّ بَشِيْرًا وَنَذِيْرًا مَّبِيْنٍ يَدِي السَّاعَةِ - مَنْ يُطِيعِ اللّٰهَ وَرَسُوْلَهُ فَقَدْ رَشَدَ - وَمَنْ يَعْصِهِمَا فَاِنَّهٗ لَا يَضُرُّ اِلَّا نَفْسَهٗ وَلَا يَضُرُّ اللّٰهَ شَيْئًا - يٰٓاَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَّاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا

رَجَالًا كَثِيرًا وَنِسَاءً، وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا - يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ - يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا يُصْلَحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا - (كتاب الاذکار)

* এই খুতবার সঙ্গে নিম্নোক্ত বাক্যও যোগ করা উত্তম-

أَزَوَّجَكَ عَلَى مَا أَمَرَ اللَّهُ بِهِ مِنْ إِمْسَاكِ بِمَعْرُوفٍ أَوْ تَسْرِيحٍ بِإِحْسَانٍ - (كتاب الاذکار)

* এ খুতবা চুপচাপ শ্রবণ করা ওয়াজিব। (احسن الفتاوى ج ১/ ৫)

* খুতবা পাঠ করার পর দুজন সাক্ষীর সম্মুখে তাদেরকে শুনিয়ে উকীল (বা পাত্রী) পাত্রকে (বা তার নিযুক্ত প্রতিনিধিকে) পাত্রীর পরিচয় প্রদানপূর্বক বিবাহের প্রস্তাব পেশ করবে এবং পাত্র (বা তার প্রতিনিধি তার পক্ষ হয়ে) আমি কবুল করলাম বা আমি গ্রহণ করলাম বা ইত্যাকার কোন বাক্য বলে সে প্রস্তাব গ্রহণ করবে। ব্যস, বিবাহ সম্পন্ন হয়ে গেল।

* অতঃপর নব দম্পতির উদ্দেশ্যে উপস্থিতরা বা পরবর্তীতে যে জানবে সে নিম্নোক্ত দুআ পড়বে-

بَارَكَ اللَّهُ لَكُمَا وَلَبَّارَكَ عَلَيْكُمَا وَجَمَعَ بَيْنَكُمَا فِي خَيْرٍ -

* বিবাহের পর খেজুর ছিটিয়ে দেয়া বা বন্টন করা সুন্নাতে যায়েদা। হযরত থানবী (রহঃ) বর্তমান যুগে ছিটানো নয় বরং বন্টন করাই সঙ্গত বলে মত প্রকাশ করেছেন। কারণ, খেজুর ছিটানো সম্পর্কিত হাদীস কারও কারও মতে যযীফ, তদুপরি বর্তমান যুগে খেজুর ছিটানো ও তা আহরণকে কেন্দ্র করে মনোমালিন্য হয়ে থাকে, তাই ছিটানোর পদ্ধতি পরিত্যাগ করা সঙ্গত।

(اصلاح الرسوم)

* টেলিফোনে বিবাহ জায়েয। এর সুরত এই হতে পারে যে, ছেলে বা মেয়ে টেলিফোনে একজনকে উকীল নিযুক্ত করবে যে, আপনি এত মহরের বিনিময়ে অমুক মেয়ের সাথে/অমুক ছেলের সাথে আমার বিবাহ সম্পন্ন করে দিন। অতঃপর উক্ত উকীল বিবাহের মজলিসে ছেলের পক্ষ থেকে/মেয়ের পক্ষ থেকে কবুল করবে। (فتاوى دارالعلوم دہلی)

বিবাহ মজলিসের কয়েকটি রহম ও কুপ্রথা

* বিবাহের গেটে টাকা ধরা নাজায়েয। (فتاوى محمودية ج ۳/ ۳)

* বিবাহের আক্দ্ সম্পন্ন হওয়ার পর বর দাঁড়িয়ে হাজিরীনে মজলিসকে যে সালাম দিয়ে থাকে, এটা রহম-এটা পরিত্যাজ্য। (فتاوى محمودية ج ۳/ ۳)

* বিবাহের পর বর গুরুজনদের সাথে যে মুসাহাফা করে থাকে এটা ভিত্তিহীন ও বিদআত। (فتاوى محمودية ج ۳/ ۳)

* বিবাহের পর বধূর মুখ দেখানো রহম ও (পর পুরুষকে দেখানো) না জায়েয। (فتاوى محمودية ج ۳/ ۳)

বাসর রাতের কতিপয় বিধান

* নববধূ মেহেদি ব্যবহার করবে, অলংকার এবং উত্তম পোশাক-পরিচ্ছদে সজ্জিত হবে।

* পুরুষ বাসর ঘরে প্রবেশ করতঃ নববধূকে সহ দুই রাকআত (শুকরানা) নামায পড়বে। (شرعة الاسلام)

অতঃপর স্ত্রীর কপালের উপরিস্থিত চুল ধরে বিসমিল্লাহ বলে এই দুআ পাঠ করা সুন্নাত-

اللَّهُمَّ إِنِّي أَسْأَلُكَ خَيْرَهَا وَخَيْرَ مَا جُبِلَتْ عَلَيْهِ ، وَأَعُوذُ بِكَ مِنْ شَرِّهَا
وَشَرِّ مَا جُبِلَتْ عَلَيْهِ - (امداد الفتاوى ج ۲/ ۲)

* সহবাস সংক্রান্ত বিধানের জন্য দ্রষ্টব্য পৃঃ ৪৮৪।

ওলীমা বিষয়ক সুন্নাত ও নিয়ম সমূহ

* বাসর ঘর হওয়ার পর (তিন দিনের মধ্যে বা আক্দের সময়) আপন বন্ধু-বান্ধব, আত্মীয়-স্বজন এবং গরীব মিসকীনদেরকে ওলীমা অর্থাৎ, বৌ-ভাত খাওয়ানো সুন্নাত। কেউ কেউ বাসর হওয়ার পর এবং আক্দের সময় উভয় সময়েই এরূপ আপ্যায়ন উত্তম বলেছেন।

* ওলীমায় অতিরিক্ত ব্যয় করা কিংবা খুব উঁচু মানের খানার ব্যবস্থা করা জরুরী নয় বরং প্রত্যেকের সামর্থানুযায়ী খরচ করাই সুন্নাত আদায়ের জন্য যথেষ্ট।

* যে ওলীমায় শুধু ধনী ও দুনিয়াদার লোকদের দাওয়াত করা হয় এবং দীনদার ও গরীব মিসকীনদের দাওয়াত করা হয় না, হাদীসের বর্ণনা অনুযায়ী

তা হল সর্ব নিকৃষ্ট ওলীমা। অতএব ওলীমায় দীনদার ও গরীব মিসকীনদেরকেও দাওয়াত করা উচিত।

* আমাদের দেশে যে বরযাত্রী যাওয়ার নিয়ম চালু হয়েছে এবং কনের পরিবারের পক্ষ থেকে ভোজের ব্যবস্থা করার নিয়ম চালু হয়েছে। এভাবে সমাজে বিবাহের উপযুক্ত কন্যার পিতাদেরকে কন্যাদায়গ্রস্ত বানিয়ে তোলা হয়েছে। এটা শরী‘আত সম্মত অনুষ্ঠান নয়- এটা রহম, অতএব তা পরিত্যাজ্য।

তালাক

তালাক দেয়ার মাসায়েলঃ

* নিতান্ত অপারগতা ছাড়া তালাক দেয়া জুলুম ও অন্যায়।

* নিতান্ত ঠেকা ব্যতীত স্বামীর নিকট তালাক চাওয়া মহাপাপ।

* কোন কল্যাণ ও প্রয়োজনে তালাক দেয়া মোবাহ বা জায়েয।

* স্ত্রী যদি স্বামীর জন্য কষ্টদায়ক হয় বা স্ত্রী নামায সম্পূর্ণ পরিত্যাগ-কারিণী হয় বা স্বামীর অবাদ্য হয় তাহলে সে স্ত্রীকে তালাক দেয়া মোস্তাহাব বা উত্তম। বোঝানো সত্ত্বেও যে স্ত্রী অশ্লীল কাজে লিপ্ত হয় তাকেও তালাক দেয়া মোস্তাহাব। (إسن المتأوی ح- ৫)

* স্বামীর পক্ষ থেকে স্ত্রীর হক আদায় করতে অক্ষমতা দেখা দিলে তালাক দেয়া ওয়াজিব। তবে স্ত্রী তার হক মাফ করে দিলে ওয়াজিব থাকে না।

* নিজের কানে শোনা যায় এতটুকু শব্দে তালাক দিলেই তালাক হয়ে যায়, স্ত্রীর বা অন্য কারও শোনা যাওয়া জরুরী নয়।

* হাসি ঠাট্টা করে বা রাগের মুহূর্তে বা নেশা পান করে মাতাল অবস্থায় তালাক দিলেও তালাক হয়ে যায়।

* তালাক দেয়ার ক্ষমতা স্বামী ব্যতীত অন্য কারও নেই। অবশ্য স্বামী কাউকে (স্ত্রীকে বা অন্য কাউকে) তালাক দেয়ার ক্ষমতা দিলে সে তালাক দিতে পারে।

* হায়েয নেফাসের অবস্থায় তালাক দিলে তালাক হয়ে যায়। তবে হায়েয নেফাসের অবস্থায় তালাক দেয়া গোনাহ।

* এক সঙ্গে তিন তালাক দেয়া হারাম ও গোনাহে কবীরা। তবে এক সঙ্গে তিন তালাক দিলেও তিন তালাক হয়ে যাবে এবং স্ত্রী তার জন্য সম্পূর্ণ হারাম হয়ে যাবে। এমতাবস্থায় নিয়ম মাস্কিক অন্য স্বামীর ঘর হয়ে ঘুরে না আসলে আর তাকে স্ত্রী হিসেবে রাখার বা বিবাহ করার উপায় থাকবে না।

* কারও চাপ, জোর-জবরদস্তী বা হুমকির মুখে তালাক দিলেও তালাক হয়ে যাবে।

বিঃ দ্রঃ তালাকের বিভিন্ন শব্দ এবং তালাকের বিভিন্ন প্রকার রয়েছে। তালাকের শব্দ ও প্রকারের পার্থক্যের ভিত্তিতে হুকুমেরও পার্থক্য হয়ে থাকে। তাই তালাক সম্পর্কিত কোন ঘটনা ঘটলে মুফতী সাহেবদের নিকট থেকে সমাধান জেনে নিতে হবে।

তালাক দেয়ার তরীকাঃ

তালাক দেয়ার তিনটি তরীকা, যথাঃ (১) অতি উত্তম, (২) উত্তম এবং (৩) বিদআত ও হারাম।

১। তালাক দেয়ার অতি উত্তম তরীকা হলঃ স্ত্রী যখন হায়েয থেকে পাক হবে তখন (অর্থাৎ, তহুর বা পাকীর সময়ে) এক তালাক দিবে এবং শর্ত এই যে, এ তহুরের মধ্যে তার সাথে সহবাস হতে পারবে না। এর পরবর্তী হায়েয থেকে তার ইদত শুরু হবে এবং তিন হায়েয অতিবাহিত হলে তার ইদত শেষ হবে। এই ইদতের মধ্যে আর কোন তালাক দিবে না। ইদত শেষ হলে বিবাহ ভঙ্গে যাবে।

২। তালাক দেয়ার উত্তম তরীকা হলঃ স্ত্রী হায়েয থেকে পাক হলে তহুরের মধ্যে এক তালাক দিবে। তারপর হায়েয গিয়ে দ্বিতীয় তহুর এলে তাতে আর এক তালাক দিবে। তারপর তৃতীয় তহুরে আর এক তালাক দিবে। এভাবে তিন তহুরে তিন তালাক দিবে এবং ঐ সময়ের মধ্যে ঐ স্ত্রীর সাথে সহবাস করবে না।

৩। তালাকের বিদআত ও হারাম তরীকা হলঃ উপরোক্ত তরীকাদ্বয়ের বিপরীত নিয়মে তালাক দেয়া। যেমন এক সঙ্গে তিন তালাক দেয়া বা হায়েযের সময় তালাক দেয়া বা যে তহুরে সহবাস হয়েছে সেই তহুরে তালাক দেয়া। এ সব অবস্থায় তালাক দিলে তালাক হয়ে যায়, তবে গোনাহ হয়।

ইদতের মাসায়েল

স্ত্রী তালাক প্রাপ্তা হলে বা তার স্বামীর মৃত্যু হলে যে সময়ের জন্য উক্ত স্ত্রীকে এক বাড়ীতে থাকতে হয়, অন্যত্র যেতে পারে না বা অন্য কোথাও বিবাহ বসতে পারে না তাকে “ইদত” বলে। ইদতের মাসায়েল নিম্নরূপঃ

* স্ত্রী তালাক প্রাপ্তা হলে তালাকের তারিখের পর পূর্ণ তিন হায়েয অতিবাহিত না হওয়া পর্যন্ত উক্ত স্ত্রীর পক্ষে অন্যত্র বিবাহ বসা হারাম।

* উক্ত ইদ্দতের সময়ে তাকে স্বামীর বাড়ীতেই নির্জন বাসস্থানে থাকতে হবে।

* উক্ত স্ত্রী বয়স কম হওয়ার কারণে বা বৃদ্ধ হওয়ার কারণে হায়েয না আসলে তিন হায়েযের পরিবর্তে পূর্ণ তিন মাস উপরোক্ত নিয়মে ইদ্দত পালন করতে হবে।

* গর্ভাবস্থায় তালাক হলে সন্তান প্রসব হওয়া মাত্রই ইদ্দত শেষ হয়ে যাবে, চাই যত তাড়াতাড়ি প্রসব হোক কেন।

* হায়েযের অবস্থায় তালাক হলে সে হায়েযকে ইদ্দতের মধ্যে ধরা যাবে না। সে হায়েয বাদ দিয়ে পরবর্তী পূর্ণ তিন হায়েয ইদ্দত পালন করতে হবে।

* যদি কোন স্ত্রীর সাথে স্বামীর সহবাস বা নির্জনবাস হওয়ার পূর্বেই স্বামী তাকে তালাক দিয়ে দেয়, তাহলে তাকে ইদ্দত পালন করতে হয় না।

* তালাকে বায়েন হলে ইদ্দত পালন করার সময় (পূর্ব) স্বামী থেকে সতর্কতার সাথে পূর্ণ মাত্রায় পর্দা রক্ষা করে চলতে হবে। তবে স্বামী কর্তৃক অবৈধভাবে আক্রান্ত হওয়ার প্রবল আশংকা থাকলে সেখান থেকে সরে অন্যত্র গিয়ে ইদ্দত পালন করাই সমীচীন হবে।

* কোন বিবাহ যদি অবৈধ হয় এবং সহবাসও হয় তাহলে ঐ পুরুষ যখন তাকে পরিত্যাগ করবে তখন থেকে ইদ্দত পালন করতে হবে।

* যে স্ত্রীর স্বামী মারা যায় তার ইদ্দত হল চার মাস দশ দিন আর গর্ভবতী হলে তার ইদ্দত সন্তান প্রসব হওয়া পর্যন্ত।

* স্বামীর মৃত্যু হলে মৃত্যুকালে স্ত্রী যে বাড়ীতে ছিল ইদ্দত পালন করার সময় দিবারাত্রি সে বাড়ীতেই থাকতে হবে। অবশ্য গরীব হলে এবং বাইরে গিয়ে কাজকর্ম ব্যতিরেকে খাওয়া পরার ব্যবস্থা না থাকলে দিনের বেলায় কাজের জন্য বাইরে যেতে পারবে, কিন্তু রাতের বেলায় সে বাড়ীতেই থাকতে হবে। বাড়ীতে নিজেদের একাধিক ঘর বা একাধিক কামরা থাকলে যে কোন ঘর বা যে কোন কামরায় থাকতে পারবে। নির্দিষ্ট একটি স্থানেই আবদ্ধ থাকা জরুরী নয়। বাড়ির বারান্দা বা উঠানেও বের হতে পারবে।

* স্বামীর মৃত্যু চাঁদের প্রথম তারিখে হলে চাঁদের হিসেবে চার মাস দশ দিন ধরা হবে। আর চাঁদের প্রথম তারিখ ছাড়া অন্য যে কোন তারিখে মৃত্যু হলে ৩০ দিনের চার মাস এবং তারপর ১০ দিন অর্থাৎ, ১৩০ দিন ইদ্দত পালন করবে। স্ত্রী ঋতুবতী বা গর্ভবতী না হলে যদি তাকে তালাক দেয়া হয়,

তাহলে চাঁদের ১ম তারিখে তালাক হলে চাঁদের হিসেবে তিন মাস আর অন্য তারিখে তালাক হলে ৩০ দিনের তিন মাস অর্থাৎ, ৯০ দিন ইদ্দত ধরা হবে।

* স্বামীর মৃত্যু সংবাদ পেতে দেৱী হলে সংবাদ পাওয়ার পূর্বে যে সময় অতিবাহিত হয়েছে সেটাও ইদ্দতের ভিতর অতিবাহিত হয়েছে ধরা হবে আর ইদ্দতের পূর্ণ সময় অতিবাহিত হওয়ার পর সংবাদ পেলে আর তাকে ইদ্দত পালন করতে হবে না- তার ইদ্দত ইতিমধ্যে পূর্ণ হয়ে গেছে ধরা হবে।

* স্বামীর মৃত্যু হলে বা তালাকে বায়েন হলে স্ত্রীকে শোক পালন করতে হয়। এ সম্পর্কে জানার জন্য ৫১০ পৃষ্ঠা।

ওয়াক্ফ/সদকায়ে জারিয়ার মাাসায়েল

* জায়গা-জমি, বাড়ি, বাগান ইত্যাদি আল্লাহর নামে এই মর্মে ওয়াক্ফ করা যে, এতে মসজিদ/মাদ্রাসা প্রভৃতি ধর্মীয় প্রতিষ্ঠান হবে কিংবা এতে গরীব দুঃখীরা, ইসলামের সেবকরা থাকবে কিংবা এর আয় থেকে তারা ভোগ করবে-এরূপ করাকে ‘সদকায়ে জারিয়া’ বলে। অন্যান্য সব ইবাদত বন্দেগীর ছাওয়াব মৃত্যুর সঙ্গে সঙ্গে বন্ধ হয়ে যায় কিন্তু সদকায়ে জারিয়ার ছাওয়াব যতদিন ঐ সম্পত্তি থাকবে এবং যতদিন গরীব দুঃখীর উপকার ও ইসলামের খেদমত হতে থাকবে কিয়ামত পর্যন্ত দাতার আমলনামায় ছাওয়াব লেখা হতে থাকবে।

* ওয়াক্ফ সম্পত্তিতে যেন কোনরূপ খেয়ানত না হয় বা বে-জায়গায় খরচ না হয় সে জন্য একজন মুতাওয়াল্লী নিযুক্ত করা দরকার, যদিও মুতাওয়াল্লী নিযুক্ত করা ছাড়াও ওয়াক্ফ করা সহীহ। মুতাওয়াল্লীর গুণাবলী ও যোগ্যতা সম্পর্কে ৩৫৮ পৃষ্ঠায় বর্ণনা করা হয়েছে।

* ওয়াক্ফকারী যদি নিজের জীবিত কাল পর্যন্ত নিজেই মুতাওয়াল্লী থাকতে চায় তাও জায়েয আছে।

* ওয়াক্ফকারী যদি এই শর্ত করে যে, যত দিন আমি জীবিত থাকব, ততদিন এই সম্পত্তির রক্ষণাবেক্ষণ আমি নিজেই করব এবং এর আয়ের এক চতুর্থাংশ বা অর্ধেক বা আমার প্রয়োজন পরিমাণ আমি রাখব (অবশিষ্ট অমুক অমুক দ্বীনী কাজে ব্যয় হবে) তবে এরূপ ওয়াক্ফ করা এবং শর্ত অনুযায়ী আয়ের অংশ গ্রহণ করাও দুরন্ত আছে।

* ওয়াক্ফকারী যদি শর্ত করে যে, এই ওয়াক্ফ সম্পত্তির আয় থেকে এত অংশ বা এত টাকা আগে আমার আওলাদ পাবে, (বাকী যা কিছু থাকবে

তা অমুক অমুক দ্বীনী কাজে ব্যয় হবে) তবে তাও দুরন্ত আছে। আওলাদকে উক্ত পরিমাণই দেয়া হবে।

* মাদ্রাসা মসজিদে টাকা-পয়সা বা মাল-আসবাব দান করা এবং তালিবে ইলমদেরকে সাহায্য সহযোগিতা করাও সদকায়ে জারিয়ার অন্তর্ভুক্ত।

বিঃ দ্রঃ ওয়াক্ফ সম্পত্তির অন্যান্য মাসায়েল ৩৫২-৩৫৪ পৃষ্ঠায় বর্ণিত হয়েছে।

ওছিয়াত

* নিজের মাল বা সম্পত্তির এক তৃতীয়াংশের অধিক ওছিয়াত করা যাবে না। এক তৃতীয়াংশের অধিকের জন্য ওছিয়াত করলেও তার ওছিয়াত এক তৃতীয়াংশের মধ্যে সীমাবদ্ধ রাখা হবে, ওছিয়াত সম্পূর্ণ হোক বা না হোক।

* নিজের ওয়ারিছ (যে তার পরিত্যক্ত সম্পত্তি থেকে অংশ পাবে)-এর জন্য ওছিয়াত করা যায় না। অবশ্য যদি অন্যান্য ওয়ারিছরা এতে সম্মত থাকে তাহলে উক্ত ওয়ারিছ ওছিয়াত দ্বারা অংশ পেতে পারে অথবা যদি উক্ত ওয়ারিছ হকদার হওয়ার সত্ত্বেও অন্য কোন কারণে মীরাছ থেকে বঞ্চিত হয়ে গিয়ে থাকে, তাহলেও সে ওছিয়াত অনুযায়ী অংশ পাবে, যেমন দাদা জীবিত থাকাকালীন অবস্থায় পিতা ইন্তেকাল করলে নাতি দাদার সম্পত্তি থেকে অংশ পায় না কিন্তু দাদা ওছিয়াত করে গেলে তখন উক্ত নাতি ওছিয়াত অনুযায়ী অংশ পাবে।

* কোন মাকরুহ বা হারাম কাজের জন্য ওছিয়াত করে গেলে তা পূরণ করা হবে না।

* ওয়াছিয়াতকারীর মৃত্যুর পর কাফন-দাফনের ব্যয় ও ঋণ পরিশোধের পর অবশিষ্ট অর্থ থেকে ওছিয়াত পূর্ণ করা হবে। দাফন-কাফনের ব্যয় ও ঋণ পরিশোধের পর অবশিষ্ট না থাকলে ওছিয়াত পূরা করা হবে না।

* কেউ কোন দ্রব্য বা শস্য সদকা করার ওছিয়াত করলে সে দ্রব্যের দামও সদকা করা যায়।

* কাউকে নিজের বাড়িতে বিনা ভাড়ায় থাকতে দেয়ার ওছিয়াত করলে সে ওছিয়াত জায়েয আছে কিন্তু যদি একটি মাত্র বাড়ি রেখে যায় তাহলে সে ওছিয়াত এক তৃতীয়াংশের মধ্যে বাস্তবায়িত হবে অর্থাৎ, তাকে উক্ত বাড়ীর এক তৃতীয়াংশের মধ্যে থাকতে দেয়া হবে, বাকী অংশ ওয়ারিছদের জন্য।

* যতদিন কোন লোক জীবিত থাকবে, তার নিজের ওছিয়াত ফিরিয়ে নেয়ার অধিকারও বাকী থাকবে।

* যদি কেউ ওছিয়াত করে যে, অমুক ব্যক্তি আমার জানাযা পড়াবে বা আমাকে অমুক স্থানে দাফন করবে, তাহলে এসব ওছিয়াত পূরণ করা ওয়াজিব নয়, তবে অন্য কোন শরী'আত সম্মত বাধা না থাকলে পূরণ করাতে কোন অসুবিধা নেই।

* কারও অনাদায়ী যাকাত, অনাদায়ী হজ্জ থাকলে তা আদায় করার বা নামায রোযা বাকী থাকলে তার ফেদিয়া আদায় করার ওছিয়াত করে যাওয়া ওয়াজিব। একরূপ ওছিয়াত করে গেলে তার দাফন-কাফন ও ঋণ পরিশোধের পর যে পরিমাণ সম্পদ উদ্ধৃত থাকবে তার এক তৃতীয়াংশের মধ্য হতে তা আদায় করা হবে। যদি এক তৃতীয়াংশের মধ্যে তা আদায় না হয় তাহলে তা আদায় করা না করা ওয়ারিছদের ইচ্ছাধীন থাকবে। 'নামাযের ফেদিয়া', 'রোযার ফেদিয়া', 'বদলী হজ্জ' ইত্যাদি পরিচ্ছেদে এসব সম্পর্কে পৃথক পৃথক ভাবে বিস্তারিত আলোচনা করা হয়েছে।

মীরাছ বা উত্তরাধিকার বন্টনের মাসায়েল

(মীরাছে কার কি অংশ সে সম্পর্কে আমি এ গ্রন্থে আলোচনা করব না, উত্তরাধিকারীদের প্রকার ও সংখ্যার কম বেশী হওয়াতে তার মধ্যে পার্থক্যও হয়ে থাকে। এ ক্ষেত্রে ফারায়য সম্পর্কে অভিজ্ঞ ওলামায়ে কেরামের নিকট প্রত্যেকে তাদের অবস্থা জানিয়ে সমাধান জেনে নিতে পারবেন। এখানে মীরাছ বন্টনের পূর্বে কি করণীয় আছে সে সম্পর্কিত মাসায়েল বর্ণনা করেই এ প্রসঙ্গ শেষ করা হবে।)

* মৃত ব্যক্তির পরিত্যক্ত সম্পত্তি থেকে তিন প্রকারের খরচ সমাধা করার পূর্বে মীরাছ বা মৃতের পরিত্যক্ত সম্পত্তি বন্টন করা যায় না। উক্ত তিন প্রকার খরচ সমাধা করার পর কিছু উদ্ধৃত না থাকলে ওয়ারিছ বা উত্তরাধিকারীগণ কিছুই পাবে না- থাকলে পাবে। সে খরচ তিনটি হল- (১) মৃতের কাফন-দাফন, (২) মৃতের ঋণ, (৩) মৃতের ওছিয়াত। ওছিয়াত সম্পর্কে পূর্বের পরিচ্ছেদে আলোচনা করা হয়েছে। কাফন-দাফন ও ঋণ সম্পর্কে নিম্নে আলোচনা পেশ করা হল।

* মৃত ব্যক্তি যা কিছু রেখে যায়, তন্মধ্য থেকে সর্ব প্রথমে তার দাফন-কাফনের খরচ বহন করা হবে। অবশ্য যদি অন্য কেউ ছুওয়াবেল নিয়তে বা মহক্বতে দাফন-কাফনের খরচ বহন করতে চায় তাহলে তা নির্ভর করবে ওয়ারিছদের মর্জির উপর; তারা ইচ্ছা করলে তা গ্রহণ বা প্রত্যাখ্যান

করতে পারে। স্ত্রীর কাফন-দাফনের খরচ সর্ব প্রথম স্বামীর উপর বর্তায়, স্বামীর অনুপস্থিতিতে স্ত্রীর পরিত্যক্ত সম্পত্তি থেকে বহন করতে হবে। যে মৃত ব্যক্তি পরিত্যক্ত সম্পত্তি রেখে যায়নি তার দাফন-কাফনের খরচ সেসব লোকেরা বহন করবে যারা পরিত্যক্ত সম্পত্তি থাকলে তার ওয়ারিছ হতো- যে যে অনুপাতে মীরাছ পেতো সে অনুপাতেই সে এ খরচ বহন করবে। আর যে লাওয়ারিছ অর্থাৎ, যার কোন ওয়ারিছ বা আত্মীয়-স্বজন না থাকে, তার কাফন-দাফনের দায়িত্ব ইসলামী সরকারের। ইসলামী সরকার না থাকলে সেই লাওয়ারিছ মৃত ব্যক্তির মহল্লা বা লোকালয়ের লোকদের উপর তার কাফন-দাফনের খরচ বহন করা ওয়াজিব।

* দাফন-কাফনের পর এবং মীরাছ বন্টনের পূর্বে দ্বিতীয় জরুরী খরচ হল মৃত ব্যক্তির ঋণ পরিশোধ করা (যদি ঋণ থাকে)। ঋণ দুই ধরনের। (এক) সুস্থ অবস্থার ঋণঃ অর্থাৎ, সুস্থাবস্থায় যদি কারও থেকে নগদ টাকা ঋণ নিয়ে থাকে বা সুস্থ অবস্থার কারও থেকে কিছু ক্রয় করে থাকে এবং তার দাম বাকী থাকে বা সুস্থ অবস্থায় সে তার এসব ঋণের কথা প্রকাশ করে থাকে বা অন্যরা এমনিতেই সে বিষয়ে অবগত ছিল। স্ত্রীর অনাদায়ী মহরও এই প্রকার ঋণের অন্তর্ভুক্ত। (দুই) এমন ঋণ যা সে অন্তিম রোগ (মারাদুল মাওত)-এর সময় স্বীকার করেছিল যা অন্য কারও জানা ছিল না বা কোন সাক্ষীও ছিল না। অন্তিম রোগ বা মারাদুল মাওত বলতে বোঝায় যে রোগে তার ইতিকাল হয়। উক্ত উভয় প্রকার ঋণের হুকুম-আহকাম নিম্নরূপঃ

১. যদি মৃতের দায়িত্বে এক প্রকার বা উভয় প্রকারের ঋণ থাকে তাহলে কাফন-দাফন সম্পন্ন করার পর উভয় প্রকার ঋণ পরিশোধ করা হবে। তার পরে মীরাছ বন্টন করা হবে।
২. পরিত্যক্ত সম্পত্তির চেয়ে ঋণের পরিমাণ অধিক হলে দেখতে হবে- যদি সে ঋণ এক প্রকার এবং প্রাপক এক ব্যক্তি হয় তাহলে কাফন-দাফনের পর যে পরিমাণ উদ্ধৃত থাকবে তা তাকে দিয়ে দেয়া হবে। বাকীটুকু প্রাপক মাফ করে দিবে। সে মাফ করতে না চাইলেও তার সে অধিকার রয়েছে তবে আইনতঃ ওয়ারিছদের উপর তা পরিশোধের যিম্মাদারী নেই। অবশ্য তারা অবস্থা সম্পন্ন হয়ে থাকলে বাকী ঋণটুকুও পরিশোধ করা তাদের নৈতিক দায়িত্ব। আর যদি প্রাপক একাধিক ব্যক্তি হয় তাহলে তারা সবাই কাফন-দাফনের পর উদ্ধৃতটুকু নিজেদের মধ্যে ঋণের অনুপাতে বন্টন করে নিবে।

৩. যদি মৃত ব্যক্তির উভয় প্রকারের ঋণ থাকে এবং পরিত্যক্ত সম্পত্তি (কাফন-দাফনের ব্যয় বহন করার পর) সেসব ঋণ পরিশোধে যথেষ্ট না হয় তাহলে প্রথমে পরিশোধ করতে হবে প্রথম প্রকারের ঋণ। তারপর অবশিষ্ট থাকলে দ্বিতীয় প্রকারের পাওনাদাররা তাদের ঋণের অনুপাতে যা থাকে সেটা বন্টন করে নিবে। অর্থাৎ, তারা সে অনুপাতেই অংশ পাবে। আর প্রথম প্রকারের ঋণ পরিশোধ করার পর কিছু অবশিষ্ট না থাকলে তারা ওয়ারিছদেরকে আইনত বাধ্য করতে পারবে না। অবশ্য নৈতিক দায়িত্ব ভেবে ওয়ারিছগণ নিজেদের অর্থ থেকে দিয়ে দিলে ভিন্ন কথা, এর জন্য ওয়ারিছগণ ছওয়াবও লাভ করবে।

* মীরাছের আইন অনুযায়ী যেসব আপনজন অংশ পায় না, তারা যদি মীরাছ বন্টনের সময় মজলিসে উপস্থিত থাকে বিশেষতঃ তাদের মধ্যে যারা এতীম, মিসকীন ও অভাবগ্রস্ত হয়, তাদেরকে অংশীদারগণ স্বেচ্ছায় কিছু দিয়ে তাদেরকে খুশি করা উত্তম। এটা অংশীদারদের আইনগত দায়িত্ব নয়- নৈতিক দায়িত্ব। এটাও এক প্রকার সদকা ও নেক কাজ।

মামলা-মোকদ্দমা, সাক্ষ্য ও বিচার সংক্রান্ত মাসায়েল

* মিথ্যা মামলা-মোকদ্দমা করা, মিথ্যা সাক্ষ্য দেয়া কঠোর ভাবে নিষিদ্ধ। মিথ্যা মামলা-মোকদ্দমা করে অর্জিত সম্পদ নিজের হয়ে যায় না- তা ভোগ করা নাজায়েয ও হারাম।

* যখন কোন ব্যাপারে কাউকে সাক্ষ্য দেয়ার জন্য ডাকা হয়, তখন সে বিষয় সম্পর্কে তার বিশুদ্ধভাবে জানা থাকলে সে সাক্ষ্য দিতে অস্বীকার করবে না- শরী‘আত সম্মত ওজর ব্যতীত সাক্ষ্য দিতে অস্বীকার করা গোনাহ। পক্ষান্তরে সাক্ষীকে বার বার ডেকে বা সে যাতায়াত বা খরচ চাইলে তা না দিয়ে বা অন্য কোন ভাবে তাকে বিরত করাও গোনাহ।

* কোন নারীকে বিচারক নিয়োগ করা জায়েয নয়। তবে হযরত ইমাম আবু হানীফা (রহঃ)-এর মতে যে ক্ষেত্রে নারীর সাক্ষ্য জায়েয শুধু সেরূপ ক্ষেত্রের জন্য নারীকে বিচারক নিয়োগ করা যায়।

* বিচারকের জন্য বাদী/বিবাদী থেকে বা অধীনস্ত আমলাদের থেকে কোন হাদিয়া-তোহফা গ্রহণ করা বৈধ নয়। সংশ্লিষ্ট মোকদ্দমা নিষ্পত্তি হওয়ার পূর্বে বাদী/বিবাদীর দাওয়াত গ্রহণ থেকেও বিচারককে বিরত থাকতে হবে।

* বিচারকের জন্য মাতা-পিতা বা সন্তানের পক্ষে কোন রায় দেয়ার অনুমতি নেই, কেননা এতে পক্ষপাতিত্বের অভিযোগ উঠতে পারে। তবে তাদের বিপক্ষে ন্যায়সঙ্গত ভাবে রায় দিতে পারবে।

* বিচারকের জন্য বিনা ওজরে কোন মামলার রায় প্রদানে বিলম্ব করা জায়েয নয়।

* বিবাদী উপস্থিত থাকলে তার বক্তব্য না শুনে রায় প্রদান করা বৈধ নয়।

* বাদী বিবাদী কোন পক্ষের বক্তব্য শ্রবণে কোনরূপ পক্ষপাতিত্ব করা বৈধ নয়- উভয় পক্ষের বক্তব্যই সমান আন্তরিকতার সাথে শ্রবণ করা দায়িত্ব।

* রাগের অবস্থায় বিচার করা ও রায় প্রদান করা নিষিদ্ধ।

(إحکام السلطانية و معارف القرآن) প্রভৃতি থেকে গৃহীত।

তৃতীয় অধ্যায় সমাপ্ত

الْمُسْلِمُ مَنْ سَلِمَ الْمُسْلِمُونَ مِنْ لِسَانِهِ وَيَدِهِ. (مسلم)

সত্যিকার মুসলমান সেই, যার জবান ও হাত দ্বারা কোন মুসলমান কষ্ট পায়না।
(মুসলিম)



চতুর্থ অধ্যায়

মু'আশারাত

নামায রোযা ইত্যাদি ইবাদত যেমন ফরয, তেমনিভাবে মু'আশারাত তথা পারস্পরিক আচার-আচরণ ও সমাজ সামাজিকতা দূরস্ত করা এবং আদব-কায়দা ও শিষ্টাচার রক্ষা করাও ফরয। (اسلامی تہذیب)

মানবাধিকার

মাতা-পিতার জন্য সন্তানের করণীয়

তথা

মাতা-পিতার অধিকার

১. যদি মাতা-পিতার প্রয়োজন হয় এবং সন্তান তাঁদের ভরণ-পোষণ দিতে সক্ষম হয়, তাহলে মাতা-পিতার ভরণ-পোষণ দেয়া সন্তানের উপর ওয়াজিব। এমনকি পিতা-মাতা কাফের হলেও তাঁদের ভরণ-পোষণ দেয়া ওয়াজিব।
২. প্রয়োজন হলে মাতা-পিতার খেদমত করা দায়িত্ব। খেদমত নিজে করতে পারলে করবে নতুবা খেদমতের জন্য লোকের ব্যবস্থা করা দায়িত্ব। উল্লেখ্য যে, খেদমতের ক্ষেত্রে পিতার তুলনায় মাতাকে প্রাধান্য দিতে হবে।

৩. পিতা-মাতা ডাকলে তাদের ডাকে সাড়া দেয়া এবং হাজির হওয়া। এমনকি পিতা-মাতা যদি কোন অসুবিধায় পড়ে বা অসুবিধার ভয়ে সহযোগিতার জন্য ডাকেন আর অন্য কেউ তাদের সহযোগিতা করার মত না থাকে, তাহলে ফরয নামায়ে থাকলেও তা ছেড়ে দিয়ে তাদের সাহায্যে এগিয়ে যাওয়া ওয়াজিব। তবে জরুরত ছাড়া যদি ডাকেন তাহলে ফরয নামায় ছাড়া জায়েয হবে না। আর নফল বা সুন্নাত নামায়ে থাকা অবস্থায় বিনা জরুরতে পিতা-মাতা ডাকলে তখনকার মাসআলা হল-যদি সে নামায়ে আছে একথা না জেনে ডেকে থাকেন তাহলে নামায় ছেড়ে তাদের ডাকে সাড়া দেয়া ওয়াজিব। আর যদি নামায়ে আছে একথা জেনেও বিনা জরুরতে ডাকেন, তাহলে সেরূপ ক্ষেত্রে নামায় ছাড়বে না। দাদা-দাদী, নানা-নানীর ক্ষেত্রেও মাসআলা অনুরূপ।
৪. মাতা-পিতার হুকুম মান্য করা ওয়াজিব, যদি কোন পাপের বিষয়ে হুকুম না হয়। কেননা, পাপের বিষয়ে হুকুম হলে তা মান্য করা নিষেধ। মোস্তাহাব পর্যায়ের ইল্ম হাছিল করার জন্য সফর করতে হলে তাদের অনুমতি প্রয়োজন। তবে ফরযে আইন ও ফরযে কেফায়া পরিমাণ ইল্ম হাছিল করার জন্য সফর করাটা তাদের অনুমতির উপর নির্ভরশীল নয়। এ সম্পর্কে অত্র গ্রন্থের শুরুতে বিস্তারিত আলোচনা করা হয়েছে।
৫. পিতা-মাতার সঙ্গে সম্প্রীতি ও ভক্তির সাথে নম্রভাবে কথা বলা আদব। রুঢ়ভাবে ও ধমকের স্বরে কথা বলা নিষেধ।
৬. কথায়, কাজে ও আচার-আচরণে পিতা-মাতার আদব-সম্মান রক্ষা করা। এ জন্যেই তাঁদের নাম ধরে ডাকা নিষেধ, চলার সময় তাঁদের পশ্চাতে চলা উচিত, তাঁদের সামনে নিম্ন স্বরে কথা বলা উচিত, তাঁদের দিকে তেজ দৃষ্টিতে তাকানো অনুচিত। উল্লেখ্য যে, সম্মানের ক্ষেত্রে মাতার তুলনায় পিতাকে প্রাধান্য দিতে হবে।
৭. কোনভাবে তাঁদেরকে কষ্ট দেয়া হারাম। মাতা-পিতা অন্যায়ভাবে কষ্ট দিলেও তাঁদেরকে কষ্ট দেয়া যাবে না। এমনকি মৃত্যুর পরও তাঁদেরকে কষ্ট দেয়া নিষেধ, এ জন্যেই তাঁদের মৃত্যুর পর চিৎকার করে কাঁদা নিষেধ। কারণ তাতে তাঁদের রুহের কষ্ট হয়।
৮. নিজের জন্য যখনই দু'আ করা হবে, তখনই পিতা-মাতার মাগফেরাতের জন্য, তাঁদের প্রতি আল্লাহর রহমতের জন্য এবং তাঁদের মুশকিল আছান ও কষ্ট দূর হওয়ার জন্য দু'আ করা কর্তব্য। তাঁদের মৃত্যুর পরও আজীবন

তাদের জন্য এরূপ দু'আ করতে হবে। জৈনৈক তাবিঈ বলেছেন, যে প্রতিদিন অন্ততঃ পাঁচ বার পিতা-মাতার জন্য দু'আ করল, সে পিতা-মাতার হক (অর্থাৎ, দু'আ বিষয়ক হক) আদায় করল। পিতা-মাতার জন্য দু'আ করার বিশেষ বাক্যও আল্লাহ শিক্ষা দিয়েছেন। তা হল- **رَبِّ ارْحَمْهُمَا كَمَا رَبَّيَانِي صَغِيرًا** এ দু'আর মধ্যে পিতা-মাতার প্রতি আল্লাহর রহমত কামনা করা হয়। তবে এখানে উল্লেখ্য যে, পিতা-মাতা অমুসলমান হলে তাঁদের জীবদ্দশায় এ রহমতের দু'আ এই নিয়তে জায়েয হবে যে, তারা পার্থিব কষ্ট থেকে মুক্ত থাকুন এবং ঈমানের তাওফীক লাভ করুন। মৃত্যুর পর তাঁদের জন্য রহমতের দু'আ করা জায়েয নয়।

৯. পিতা-মাতার খাতিরে পিতা-মাতার বন্ধু-বান্ধব ও প্রিয়জনের সাথে এবং পিতা-মাতার ঘনিষ্ঠজনদের সাথে ভাল ব্যবহার করা, সম্মানের ব্যবহার করা এবং সাধ্য অনুযায়ী তাদের উপকার ও সাহায্য করা কর্তব্য।
১০. পিতা-মাতার ঋণ পরিশোধ করা এবং তাঁদের জায়েয ও ছিয়াত পালন করাও তাঁদের অধিকারের অন্তর্ভুক্ত।

বিঃ দ্রঃ দুধ মাতার সাথেও সদ্ব্যবহার করতে হবে। তাঁর আদব তায়ীম রক্ষা এবং যথাসাধ্য তাঁর ভরণ-পোষণ করতে হবে। আর বিমাতা নিজের আপন মাতা না হলেও যেহেতু সে পিতার প্রিয়জনের মধ্যে একজন, তাই তাঁর সাথে সদ্ব্যবহার এবং যথাসাধ্য তার জানে মালে খেদমত করতে হবে।

تعليم و معارف القرآن، حقوق العباد، تنبيه الغافلين، احسن الفتاوى ج ۱، مفاتيح الجنان (الدين প্রতি গ্রন্থ থেকে গৃহীত।)

সন্তানের জন্য পিতা-মাতার করণীয়

তথ্য

সন্তানের অধিকার

১. সুসন্তানের জন্য একজন সুন্দর মাতার ব্যবস্থা করাঃ অর্থাৎ, শরীফ ও নেককার নারীকে বিবাহ করা, তাহলে তার গর্ভে সু-সন্তানের আশা করা যায়। কেননা সন্তান গর্ভে থাকা অবস্থাতেই মাতার চিন্তা-ভাবনা, মন-মানসিকতা ও স্বভাব-চরিত্রের প্রভাব সন্তানের উপর পড়া শুরু হয় এবং মাতৃকোলে লালন-পালন অবস্থাতেও এই প্রভাব পড়তে থাকে।
২. সন্তানের জীবন রক্ষা করা : ইসলাম জাহেলী যুগের সন্তান হত্যা করার রহমকে তাই হারাম করেছে। সন্তানের জীবন রক্ষার সম্ভাব্য সব ব্যবস্থা

গ্রহণ করা মাতা-পিতার দায়িত্ব। সন্তানের উপর থেকে বালা-মুসীবত যেন দূর হয়ে যায়- এ উদ্দেশ্যে সন্তানের আকীকা করাকে সুন্নাত করা হয়েছে।

৩. সন্তানকে লালন-পালন করাও মাতা-পিতার দায়িত্ব। এজন্য মাতার উপর দুধপান করানোকে ওয়াজিব করা হয়েছে। মাতার বর্তমানে বা তাঁর অপারগতার অবস্থায় দুধমাতার মাধ্যমে সন্তানকে দুধ পান করানো হলে তার ব্যয়ভার বহন করা সন্তানের পিতার উপর ওয়াজিব। উল্লেখ্য যে, দুধমাতা নির্বাচনের ক্ষেত্রে সূচরিত্রবান ও দ্বীনদার মহিলাকে নির্বাচন করা কর্তব্য। কারণ, বাচ্চার চরিত্রে দুধের একটা বিরাট প্রভাব রয়েছে। এমনভাবে সন্তানের লালন-পালন হালাল সম্পদ দ্বারা হওয়া চাই, নতুবা সন্তান বড় হওয়ার পর তার মধ্যে হালাল-হারাম-এর পার্থক্য করার প্রবৃত্তি থাকবে না।

৪. সন্তানকে আদর সোহাগের সাথে লালন-পালন করা কর্তব্য। কেননা আদর সোহাগ থেকে বঞ্চিত হলে সন্তানের স্বভাব-চরিত্রে বিরূপ প্রভাব পড়তে পারে।

৫. সন্তানের ভাল নাম রাখা মাতা-পিতার দায়িত্ব এবং এটা সন্তানের অধিকার। এর দ্বারা বরকত হাছিল হবে। এ সম্পর্কে বিস্তারিত জানার জন্য দেখুন ৫৪৬ পৃষ্ঠা।

৬. সন্তানকে সুশিক্ষা প্রদান করা : সন্তান ভূমিষ্ঠ হওয়ার সাথে সাথেই এ শিক্ষা প্রদান শুরু হবে। তাই সন্তান-ছেলে হোক বা মেয়ে ভূমিষ্ঠ হওয়ার সাথে সাথেই তার ডান কানে আযানের শব্দগুলো এবং বাম কানে ইকামতের শব্দগুলো শোনানো সুন্নাত করা হয়েছে। বলাবাহুল্য, এ শব্দগুলোর একটা সুপ্রভাব তার মধ্যে পড়বে। সন্তানকে সর্বপ্রথম যে কথাটা শেখানো উত্তম তা হল “লাইলাহা ইল্লাল্লাহ”। সন্তানকে কুরআন শিক্ষা দেয়া এবং ইল্মে দ্বীন শিক্ষা দেয়া কর্তব্য করে দেয়া হয়েছে। সন্তানদের দুনিয়াবী হকের মধ্যে রয়েছে তাদেরকে সাঁতার কাটা, জীবিকা উপার্জনের জন্য কোন বৈধ পেশা প্রভৃতি প্রয়োজনীয় বিষয় শিক্ষা দেয়া।

৭. সন্তানকে আদব, আমল ও সূচরিত্র শিক্ষা দেয়া। দুধের শিশু অবস্থা থেকেই তার আদব ও চরিত্র শিক্ষা শুরু হয়ে যায়। তাই ইসলামী নীতিতে বলা হয়েছে দুধপোষ্য শিশুর জাগ্রত থাকা অবস্থায়ও তার সামনে মাতা-পিতা যৌন আচরণ থেকে বিরত থাকবে, নতুবা ঐ সন্তানের মধ্যে নির্লজ্জতার

স্বভাব জন্ম নিতে পারে। সন্তানের সাত বৎসর বয়স হলে তাকে নামাযের নির্দেশ প্রদান এবং দশ বৎসর হলে মারপিট ও শাসনপূর্বক তার দ্বারা নামায পড়ানো- এগুলো সন্তানকে আমল শিক্ষা দেয়ার অংশ বিশেষ। সন্তানকে লালন-পালন, সুশিক্ষা প্রদান এবং আদব, আমল ও সূচরিত্র শিক্ষা দেয়া প্রসঙ্গে ৫৫০-৫৫৩ পৃষ্ঠায় বিস্তারিত বিবরণ দেখুন।

৮. সন্তানদের মধ্যে ইনসাফ রক্ষা করা : সন্তানদেরকে ধন-সম্পদ দান প্রভৃতি ক্ষেত্রে তাদের মধ্যে সমতা রক্ষা করা ভাল। তবে কোন সন্তান তালিবে ইল্ম হলে সে যেহেতু দ্বীনের কাজে নিয়োজিত থাকার দরুণ জীবিকা উপার্জনে স্বাভাবিকভাবে পিছিয়ে থাকবে, তাই তাকে কিছু বেশী দান করে গেলে কোন অন্যায় হবে না। এমনি ভাবে কোন সন্তান রোগের কারণে বা স্বাস্থ্যগত কারণে উপার্জন করতে অপারগ হলেও তাকে কিছু বেশী দেয়া যায়।

৯. বিবাহের উপযুক্ত হলে বিবাহ দেয়া। তবে বিবাহের খরচ বহন করা পিতা/মাতার দায়িত্ব নয়। (حسن الفتاوى ج ১/ ৫)

১০. কন্যা বিধবা কিংবা স্বামী পরিত্যক্তা হলে পুনঃবিবাহ পর্যন্ত তাকে নিজেদের কাছে রাখা এবং তার প্রয়োজনীয় ব্যয়ভার বহন করা পিতা-মাতার দায়িত্ব।

(تبيين الغفلين، تربيت اولاد، حقوق العباد، حسن الفتاوى ج ১/ ৫ مفاتيح الجنان) ও সন্তানের হক' প্রভৃতি গ্রন্থ থেকে গৃহীত।)

উস্তাদের জন্য ছাত্রের করণীয়

তথা

উস্তাদের হক

১. উস্তাদের আদব রক্ষা করা : কথা-বার্তা, শব্দ প্রয়োগ, আচার-আচরণ, উঠা-বসা, চলা-ফেরা ইত্যাদি সব ক্ষেত্রেই আদব রক্ষা করতে হবে। যেমন উস্তাদের আগে বেড়ে কথা না বলা, উস্তাদের সামনে প্রয়োজনের অতিরিক্ত জোরে কথা না বলা, তাঁদের দিকে পিছন দিয়ে না বসা, এক সাথে চলার সময় তাঁদের সামনে না চলা, তাঁদের সামনে বেশী না হাসা, বৃথা কথা না বলা ইত্যাদি।

২. উস্তাদের প্রতি ভক্তি রাখা : উস্তাদের সাথে ভক্তি সহকারে কথা বলা, ভক্তি সহকারে তাঁদের দিকে দৃষ্টি দেয়া এবং হাবভাবে ভক্তি প্রকাশ করা কর্তব্য।

৩. উস্তাদকে আজমত ও শ্রদ্ধা করা : পরিস্কার-পরিচ্ছন্ন পোশাক পরিধান করে শ্রদ্ধা ও আজমতের সাথে তাঁদের সামনে হাজির হওয়া কর্তব্য।
৪. উস্তাদের সামনে তাওয়াজু' ও বিনয়ের সাথে থাকা : কথা-বার্তা ও আচার-আচরণ সব কিছুতেই বিনয় থাকতে হবে। দুনিয়ার সব ক্ষেত্রেই খোশামোদ তোষামোদ নিন্দনীয়; একমাত্র উস্তাদের সাথে তা প্রশংসনীয়।
৫. উস্তাদের খেদমত করা : এই খেদমতের মধ্যে উস্তাদ অভাবী এবং ছাত্র স্বচ্ছল হলে উস্তাদের বৈষয়িক সহযোগিতা করা এবং তাঁদেরকে হাদিয়া-তোহফা প্রদান করাও অন্তর্ভুক্ত।
৬. উস্তাদের হক অনেকটা পিতার মত। বস্তুতঃ উস্তাদ হল রুহানী পিতা, তাই পিতার ন্যায় উস্তাদের হকও তাঁর মৃত্যুর পরেও বহাল থাকে। এ জন্যেই উস্তাদের মৃত্যুর পরও সর্বদা তাঁর জন্যে দু'আ করা কর্তব্য। উস্তাদের নিকটাত্মীদের প্রতি সম্মান প্রদর্শন করা, তাঁদের খেদমত করা, এমনি ভাবে উস্তাদের বন্ধু-বান্ধব ও সমসাময়িক অন্যান্য শিক্ষকদের প্রতিও শ্রদ্ধাশীল হওয়া এবং প্রয়োজনে তাঁদের খেদমত করা কর্তব্য।
৭. উস্তাদের খেদমতে লিপ্ত হলে আদব হল তাঁর অনুমতি ব্যতীত চলে না যাওয়া। (অনুমতি প্রকাশ্য হোক বা লক্ষণ থেকে বোঝা যাক।)
৮. কোন কারণে উস্তাদ অসন্তুষ্ট হলে বা উস্তাদের মেজাজের পরিপন্থী কোন কথা বলে ফেললে সাথে সাথে নিজের ত্রুটির জন্য ওজরখাহী করা এবং উস্তাদকে সন্তুষ্ট করা জরুরী।
৯. ছাত্রের কোন অসংগত প্রশ্ন বা অসংগত আচরণের কারণে উস্তাদ রাগ করলে, বকুনি দিলে বা মারধর করলে ছাত্রের কর্তব্য সেটা সহ্য করা। এমনকি অন্যায়ভাবে কিছু বললেও তার নিন্দা-শেকায়েত না করা এবং মন খারাপ না করা উচিত।
১০. ছাত্রের কর্তব্য মনোযোগের সাথে উস্তাদের বক্তব্য ও ভাষণ শ্রবণ করা, অন্যমনস্ক না হওয়া এবং উস্তাদের কথা ভাল করে ইয়াদ/মুখস্থ করা।
১১. উস্তাদ কোন বিষয়ে প্রশ্ন করতে নিষেধ করলে তা মান্য করা উচিত এবং কখনো তাকে অসুবিধায় ফেলতে চেষ্টা না করা উচিত। কোন বিভ্রান্তিমূলক প্রশ্ন করাও নিষেধ। নিজেদের মেধার গৌরব প্রদর্শনের জন্য প্রশ্ন করা বা অস্পষ্ট কিংবা অর্থহীন প্রশ্ন করাও উচিত নয়।

১২. উস্তাদের কোন বক্তব্য বোধগম্য না হলে সে জন্য উস্তাদের প্রতি কুধারণা পোষণ করবে না বরং বুঝতে না পারাকে নিজের বোধশক্তির ত্রুটি মনে করবে।
১৩. উস্তাদের মতের বিপরীত অন্য কারও মত তাঁর সামনে বয়ান করবে না।
১৪. পাঠ দানের সময় সম্পূর্ণ নিরব থাকা উচিত। এদিক সেদিক তাকানো, কথা-বার্তা বলা বা হাসি তামাশায় লিপ্ত হওয়া সম্পূর্ণ বর্জনীয়।
১৫. নিজের কোন ত্রুটি হলে উস্তাদের সামনে অকপটে তা স্বীকার করে নেয়া কর্তব্য। অপব্যাক্যার আশ্রয় নিয়ে নিজেকে নির্দোষ প্রমাণিত করার অপচেষ্টায় লিপ্ত না হওয়া উচিত।
১৬. উস্তাদের কোন ত্রুটি পরিলক্ষিত হলে সে জন্য উস্তাদের প্রতি ভক্তি হারিয়ে না বসা বরং তার এমন কোন সুব্যাক্যার বের করা, যাতে উস্তাদ রক্ষা পান। অবশ্য স্পষ্টতঃই উস্তাদ থেকে কোন অন্যায় সংঘটিত হলে তার সমর্থন না করা চাই।
১৭. মাঝে মধ্যে চিঠিপত্র যোগাযোগ ও হাদিয়া-তোহফা দ্বারা তাঁদের মন খুশি করতে থাকা কর্তব্য। সারা জীবন এটা করতে থাকবে। ছাত্রজীবন শেষ হয়ে গেলেই উস্তাদের হক বন্ধ হয়ে যায় না।
১৮. নিজের দ্বারা উস্তাদের আসবাব পত্রের ক্ষতি সাধন হলে আদবের সাথে সেটা জানিয়ে দেয়া জরুরী। গোপন রেখে উস্তাদকে কষ্ট দেয়া অনুচিত।
১৯. উস্তাদ রোগাক্রান্ত হলে অথবা দুর্বল হয়ে পড়লে কিংবা অসুবিধাজনক অবস্থায় থাকলে সবকিছু পাঠ বন্ধ রাখা।
২০. শাগরিদকে উস্তাদের খেদমতে হাজির হয়ে ইল্ম শিক্ষা করতে হবে। শাগরিদের নিকট পড়াবার জন্য আসার কষ্ট উস্তাদকে না দেয়াই আদব।
২১. উস্তাদ যা পড়াবেন পূর্বাঙ্কে তা মুতাল্লা করা (পড়ে আসা)-ও উস্তাদের হকের অন্তর্ভুক্ত। এতে করে তাকে বোঝানোর জন্য উস্তাদকে অতিরিক্ত বেগ পেতে হবে না বা বাড়তি কোন প্রশ্নের জওয়াব দেয়ার পেরেশানী উস্তাদকে সহিতে হবে না।
২২. উস্তাদ কোন ছাত্রের জন্য কোন বিশেষ বিষয় বা বিশেষ কিতাব/বই পড়া ক্ষতিকর মনে করে নিষেধ করলে ছাত্রের পক্ষে তা থেকে বিরত থাকা উচিত।

বিশেষ দ্রষ্টব্য : যাদের থেকে দ্বীনী মাসআলা-মাসায়েল শিক্ষা করা হয় তারাও শিক্ষক বলে গণ্য। এমনকি যাদের প্রণীত দ্বীনী কিতাব পত্র দ্বারা কেউ

উপকৃত হয়, এ নিয়ম অনুযায়ী তাঁরাও তার উস্তাদ এবং সে তাঁদের ছাত্র বা শাগরিদ বলে গণ্য। উস্তাদের ন্যায় তাঁদেরও হক রয়েছে, তবে কিছুটা হকের মধ্যে কমী বেশি তো থাকবেই, যা সহজে বোধগম্য।

(ادب الدنيا والدين এবং اصلاح انقلاب امت، آداب العاثرات، فروع الايمان থেকে গৃহীত।)

ছাত্রের জন্য উস্তাদের করণীয়

তথা

ছাত্রের হক

১. ছাত্রদের সাথে কল্যাণকর, কোমল, সহজ, স্নেহপূর্ণ ও ভাল আচার-আচরণ করা কর্তব্য।
২. ভুল না পড়ানো : ভুল পড়ানো, ভুল ব্যাখ্যা দেয়া অথবা ভুল মাসআলা বলা সম্পূর্ণ হারাম। নিজের মূর্খতা গোপন করার জন্য এরূপ না করা উচিত।
৩. কোন বিষয় না জানা থাকলে বলবে জানি না। নিজের পক্ষ থেকে আন্দাজে কিছু না বলা উচিত।
৪. ছাত্রদের রুচি, যোগ্যতা এবং মেজাজের প্রতি লক্ষ্য রেখে কথা বলা।
৫. ছাত্রদের মেধাগত ধারণ ক্ষমতার প্রতি লক্ষ্য রেখে তাদের জন্য বিষয়বস্তু নির্বাচন ও উপস্থাপন করা কর্তব্য। বক্তৃকের ভাষা, অলংকার প্রয়োগ ও সবকের পরিমাণ নির্ধারণ এ নীতি অনুসারেই হতে হবে; নতুবা বিষয় তাদের বোধগম্য হবে না কিংবা মেধা স্ববির হয়ে পড়বে, আর এভাবে তারা লেখা পড়ায় উৎসাহ হারিয়ে ফেলবে।
৬. ছাত্রদের দেহমানে সজীবতা ও অনুপ্রেরণা বহাল রাখার জন্য বৈধ পন্থায় তাদেরকে কিছু সময় আনন্দ ফুটির সুযোগ দিতে হবে এবং তাদের পানাহার ও আরাম বিশ্রামের প্রতি লক্ষ্য রাখতে হবে।
৭. ছাত্রদেরকে শুধু কিতাবী ইল্ম শিক্ষা দেয়াই যথেষ্ট নয় বরং তাদের আমল আখলাকের প্রতিও লক্ষ্য রাখতে হবে।
৮. উস্তাদের বক্তব্য যেন ছাত্ররা শুনতে পায়- এতটুকু উচ্চস্বরে ভাষণ দেয়া (বা আওয়াজ পৌছানোর ব্যবস্থা করা) উস্তাদের কর্তব্য এবং এটা ছাত্রদের হক।
৯. এক বারে ছাত্ররা বুঝতে বা উপলব্ধি করতে না পারলে দ্বিতীয়বার বা তৃতীয়বার ভাষণ দিয়ে, ব্যাখ্যা করে পড়ানো উস্তাদের কর্তব্য এবং ছাত্রদের হক।

১০. মাঝে মধ্যে ছাত্রদের পরীক্ষা নেয়া এবং ছাত্রদের জ্ঞানের উন্নতি ও বিশুদ্ধতা যাচাই-বাছাই করা প্রয়োজন।
১১. কোন বিষয় বা কোন বিশেষ কিতাব কোন ছাত্রের পক্ষে ক্ষতিকর হলে তা থেকে তাদেরকে বিরত রাখা।
১২. ছাত্রদের ফলপ্রসূ ইল্ম দানের জন্য আল্লাহর কাছে দুআ করা।
১৩. রাগান্বিত অবস্থায় কোন কথা বলায় ছাত্রের উপকার হবে বুঝতে পারলে সেভাবেই বলা।
১৪. কোন এক ব্যাপারে রাগ করলে অন্য ব্যাপারে সে রাগের প্রতিক্রিয়া প্রকাশ করা উচিত নয়। এমনি ভাবে এক জনের উপর রাগ হলে সকলের উপর সে রাগ ঝাড়াও ঠিক নয়।
১৫. ছাত্রের কোন প্রশ্নের জওয়াবে প্রয়োজনীয় ও উপকারী বিষয় থাকলে তার যথাসম্ভব জওয়াব দেয়া এবং জওয়াবের সাথে আনুষঙ্গিক কোন জরুরী বিষয় থাকলে সেগুলোও বলে দেয়া।
১৬. অযোগ্য, বদমেজাজী বা স্নেহশীল নয়-এমন ব্যক্তির উস্তাদ হওয়া বা এমন ব্যক্তিকে উস্তাদ বানানো উচিত নয়। এরূপ করলে ছাত্রদের হক নষ্ট হবে।
১৭. উস্তাদের নিজের মধ্যে আদব ও আমল আখলাক থাকা বাঞ্ছনীয়। কেননা, তাঁর আদব ও আমল আখলাকের প্রভাব ছাত্রের উপর পড়বে।
১৮. ছাত্রকে পড়ানোর পূর্বে উস্তাদের ভালভাবে পড়ে যাওয়া উচিত।
১৯. ছাত্রদের মেধা ও স্মৃতি বর্ধনের কোন কৌশল ও পন্থা জানা থাকলে তাদেরকে তা অবহিত করা উচিত।
২০. উস্তাদ বড় এবং ছাত্র তার ছোট; অতএব ছোটদের প্রতি বড়দের যা যা করণীয় উস্তাদকে ছাত্রের জন্য সেগুলো করতে হবে (দ্রষ্টব্য ৪৩১ পৃষ্ঠা)।

(إصلاح الصفات، آداب المعلمة)

স্বামীর জন্য স্ত্রীর করণীয়

তথ্য

স্বামীর অধিকারসমূহ

১. স্বামীর আনুগত্য ও খেদমত করা স্ত্রীর উপরওয়াজিব। আল্লাহ ও আল্লাহর রাসূলের পরে স্ত্রীর প্রতি স্বামীর অধিকারই সবচেয়ে বেশী। তবে স্ত্রী কোন পাপ কাজে স্বামীর আনুগত্য করবে না। যেমন- নামায না পড়া, যাকাত না দেয়া, পর্দায় না থাকা বা পেছনের রাস্তায় যৌন সংগম করতে দেয়া

ইত্যাদির ব্যাপারে স্বামী হুকুম দিলে তা মান্য করা হারাম হবে। সেসব ব্যাপারে (নম্রভাবে এবং কৌশলে ও হেকমতের সাথে) স্বামীর বিরোধিতা করা ফরয। এমনভাবে স্বামী যে কোন ফরয, ওয়াজিব বা সুন্নাতে মুয়াক্কাদা লংঘনের ব্যাপারে তথা হারাম বা মাকরুহ তাহরীমী করার ব্যাপারে হুকুম দিলে বা বললে তার বিরোধিতা করতে হবে। আর কোন মোস্তাহাব ও নফল কাজের ব্যাপারে না করার হুকুম দিলে সে ব্যাপারে স্বামীর কথা মেনে চলা ওয়াজিব। স্ত্রী এমন কোন মোবাহ কাজে লিপ্ত হতে পারবে না যাতে স্বামীর খেদমতের ব্যাপারে ক্রটি হয়। স্বামীর যে হুকুম না মানলে স্বামীর কষ্ট হবে- এরূপ হুকুম মানতে হবে (যদি সেটা পাপের হুকুম না হয়)। স্বামী কাছে থাকা অবস্থায় নফল নামায ও নফল রোযা স্বামীর অনুমতি ব্যতীত করবে না, তবে স্বামী সফরে বা বাইরে থাকলে তার অনুমতি ব্যতীত করায়ও ক্ষতি নেই।

২. স্বামীর নিকট তাঁর সাধ্যের বাইরে কোন খাদ্য-খাবার বা পোশাক-পরিচ্ছদের আবদার করবে না বরং স্বামীর সাধ্য থাকলেও নিজের থেকে কোন কিছু ফরমায়েশ না করাই উত্তম। স্বামী নিজের থেকেই তার খাহেশ জিজ্ঞেস করে সে মোতাবেক ব্যবস্থা করবে- এটাই সুন্দর পন্থা।
৩. স্বামী অপছন্দ করে- এরূপ কোন পুরুষ বা নারীকে স্বামীর অনুমতি ব্যতীত ঘরে আসতে দিবে না, নিজের নিকট আনবে না এবং নিজের কাছে রাখবে না।
৪. স্বামীর অনুমতি ব্যতীত বাড়ি বা ঘর থেকে বের হবে না।
৫. স্বামীর টাকা-পয়সা ও মাল-সামান হেফাজত এবং সংরক্ষণ করা স্ত্রীর দায়িত্ব। স্ত্রী স্বামীর অনুমতি ব্যতীত স্বামীর টাকা-পয়সা ও মাল-সামান থেকে কাউকে (মা-বাপ, ভাই বোন হলেও) কোন কিছু দিবে না। এমনকি স্বামীর অনুমতি ব্যতীত তার টাকা-পয়সা থেকে ঘরের আসবাব পত্রও ক্রয় করতে পারবে না। স্বামীর টাকা-পয়সা থেকে গোপনে কিছু কিছু নিজে সংরক্ষণ করা এবং নিজেকেই সেটার মালিক মনে করা এবং সেভাবে সে অর্থ অন্যত্র পাচার করা বা ব্যবহার করাও জায়েয নয়। সন্তানদের ভবিষ্যতের জন্যও এরূপ করতে পারবে না, করতে চাইলে তার জন্য স্বামীর অনুমতি নিতে হবে। এমনি ভাবে স্বামীর স্পষ্ট অনুমতি বা অনুমতি দেয়ার প্রবল ধারণা না হওয়া পর্যন্ত স্বামীর মাল-দৌলত থেকে কাউকে চাঁদা প্রদান বা

দান-খয়রাতও করতে পারবে না। অবশ্য দুই চার পয়সা যা ফকীরকে দেয়া হয় বা একরূপ যৎসামান্য বিষয়- যে ব্যাপারে স্বামীর অনুমতি হওয়ার প্রবল সম্ভাবনা- সেরূপ বিষয় ভিন্ন কথা, সেটা অনুমতি ছাড়াও জায়েয। স্ত্রীর নিজস্ব সম্পদ ব্যয় করার ক্ষেত্রেও স্বামীর সাথে পরামর্শ করে নেয়া প্রয়োজন এবং সেটাই উত্তম।

৬. স্বামী যৌন চাহিদা পূরণ করার জন্য আহবান করলে স্ত্রীর পক্ষে তাতে সাড়া দেয়া কর্তব্য, ফরয। অবশ্য শরী'আত সম্মত ওজর থাকলে ভিন্ন কথা; যেমন- হায়েয নেফাসের অবস্থা থাকলে।
৭. স্বামী অস্বচ্ছল, দরিদ্র বা কুৎসিত হলে তাঁকে তুচ্ছ না জানা।
৮. স্বামীর মধ্যে শরী'আতের খেলাফ কোন কিছু দেখলে আদবের সাথে তাঁকে সংশোধনের চেষ্টা করা এবং স্বামীকে দ্বীনদার বানানোর চেষ্টা চালানো স্ত্রীর কর্তব্য। এর জন্য প্রথমে স্ত্রীকে শরী'আতের অনুগত ও দ্বীনদার হতে হবে, তাহলে তার প্রচেষ্টা বেশী সফল হবে।
৯. স্বামীর নাম ধরে না ডাকা। এটা বে-আদবী। তবে প্রয়োজনের সময় স্বামীর নাম মুখে উচ্চারণ করা যায়।
১০. কারও সম্মুখে স্বামীর সমালোচনা না করা।
১১. স্বামীর আপনজন ও আত্মীয়-স্বজনের সাথে ঝগড়া-বিবাদ ও কথা কাটাকাটি না করা। সকলের সাথে মিলে মিশে থাকার চেষ্টা করা।
১২. স্বামীর উদ্দেশ্যে সেজে-গুজে পরিপাটি হয়ে এবং হাসি খুশি থাকা কর্তব্য। এটা স্বামীর অধিকার।
১৩. স্বামীর মেজাজ ও মানসিক অবস্থা বুঝে চলা জরুরী।
১৪. স্বামী সফর থেকে এলে বা বাইরে থেকে কর্মক্লান্ত হয়ে এলে তার তাৎক্ষণিক যত্ন নেয়া, সুবিধা অসুবিধা দেখা ও খোঁজ খবর নেয়া জরুরী। শুধু সফর থেকে ফিরলেই নয় সর্বদাই স্বামীর স্বাস্থ্য শরীরের প্রতি খেয়াল রাখা ও যত্ন দেয়া স্ত্রীর দায়িত্ব।
১৫. স্বামীর ঘরের রান্না বান্না করা, কাপড় ধোয়া ইত্যাদি আইনগত ভাবে স্ত্রীর দায়িত্ব নয়, তবে এটা তার নৈতিক কর্তব্য। অবশ্য স্বামীর স্বচ্ছলতা থাকলে এর জন্য স্ত্রী চাকর-নওকর চেয়ে নেয়ার অধিকার রাখে। স্ত্রী চাকর নওকরের কাজ তত্ত্বাবধান করবে এবং নিজেও তাদের সাথে কাজ করবে। এমনি ভাবে স্বামীর কোন আত্মীয়-স্বজন বা শ্বশুর-শাশুড়ীর খেদমত করাও স্ত্রীর আইনগত দায়িত্ব নয়, তবে নৈতিক কর্তব্য। প্রয়োজনে এর জন্য স্বামী

নিজে না পারলে চাকর নওকর নিয়োগ করবে। অবশ্য স্বামী যদি অস্বচ্ছল হয় এবং নিজেও ঘরের বা মা-বাপ আপনজনের এসব খেদমত আঞ্জাম দিতে না পারে আর অনন্যোপায় অবস্থায় স্ত্রীকে এসব কাজের জন্য হুকুম দেয়, এমতাবস্থায় স্বামীর সে হুকুম না মানলে স্বামীর কষ্ট হবে বিধায় তখন স্ত্রীর পক্ষে সে হুকুম মান্য করা কর্তব্য হয়ে দাঁড়ায়। ঘরের কাজ করার মধ্যে স্ত্রীর সম্মান নিহিত রয়েছে, অসম্মান নয় এবং এর জন্য স্ত্রী ছওয়াবও লাভ করবে- স্ত্রী এসব কথা মনে রাখলেই এভাবে চলা তার জন্য সহজ লাগবে।

১৬. স্বামীর না শুকরি করবে না। যেমন কোন এক সময় তাঁর আনীত কোন দ্রব্য অপছন্দ হলে এরূপ বলবে না যে, কোন দিন তুমি একটা পছন্দসই জিনিস দিলে না ... ইত্যাদি।

১৭. স্বামীর আদব এহুতেরাম ও সম্মান রক্ষা করে চলা। চড়া গলায় কাঁঝালো স্বরে স্বামীর সাথে কথা না বলা, তাকে শক্ত কথা না বলা। স্বামী কখনও স্ত্রীর হাত পা দাবিয়ে দিতে গেলে স্ত্রী সেটা করতে দিবে না। ভেবে দেখুন তো মাতা-পিতা বা যাদের সাথে আদব রক্ষা করে চলতে হয় তারা এরূপ করতে চাইলে তখন কিরূপ করা হয়। অবশ্য অনন্যোপায় অবস্থার কথা ভিন্ন। মোটকথা কথা-বার্তায়, উঠা-বসায়, আচার-আচরণে সর্বদা স্বামীর আদব রক্ষা করে চলা কর্তব্য। ভালবাসা ও আদব উভয়টার সমন্বয় করে চলা কর্তব্য।

১৮. সন্তানাদি লালন-পালন করা : এটা স্ত্রীর দায়িত্ব। সন্তানকে দুধ পান করানো স্ত্রীর উপর ওয়াজিব। (সারফ القرآن)

১৯. সতীত্ব রক্ষা করা : এটা স্বামীর সম্পদ, অতএব সতীত্ব রক্ষা না করলে সতীত্বহীনতার অপরাধতো রয়েছেই, সেই সাথে রয়েছে স্বামীর অধিকার লংঘনের অপরাধ।

(১। থেকে গৃহীত) ہشتی زیور و تحفہ زوجین، مفاتیح الجنان)

স্ত্রীর জন্য স্বামীর করণীয়

তথ্য

স্ত্রীর অধিকারসমূহ

১. হালাল মাল দ্বারা স্ত্রীর ভরণ-পোষণ দেয়া স্বামীর উপর ওয়াজিব। পোষণ বা পোশাকের মধ্যে প্রয়োজনের অতিরিক্ত প্রদান করা বা প্রতি ঈদে কিংবা বিবাহ-শাদী ইত্যাদি উপলক্ষে থাকা সত্ত্বেও নতুন পোশাক দেয়া স্বামীর

কর্তব্য নয়। দিলে তার অনুগ্রহ। স্বামীর স্বচ্ছলতা যেরূপ সেই মানের ভরণ-পোষণ দেয়া কর্তব্য। স্ত্রীর হাত খরচার জন্যেও পৃথকভাবে কিছু দেয়া উচিত, যাতে সে তার ছোটখাট এমন সব প্রয়োজন পূরণ করতে পারে যেগুলো সব সময় ব্যক্ত করা সম্ভব নয়। তবে অবাধ্য হয়ে স্বামীর ঘর ছেড়ে অন্যত্র চলে গেলে তার ভরণ-পোষণ পাওয়ার অধিকার থাকে না।

২. স্বামীর স্বচ্ছলতা থাকলে স্ত্রীর জন্য চাকর নওকরের ব্যবস্থা করা স্বামীর উপর ওয়াজিব। অবশ্য স্বচ্ছলতা না থাকলে তখন স্ত্রীকেই রান্না-বান্না (নিজের জন্য এবং স্বামীর সন্তানাদির জন্যেও) ইত্যাদি কাজ করতে হবে, এটা তখন তার দায়িত্ব হয়ে দাঁড়ায়। আর যদি স্ত্রী অসুস্থতার কারণে বা আমীর-উমরা প্রভৃতি বড় ঘরের কন্যা হওয়ার কারণে নিজে করতে সক্ষম না হয়, তহলে স্বামীর দায়িত্ব প্রস্তুত খাবার ক্রয় করে আনা বা অন্য কোন স্থান থেকে বা অন্য কারও মাধ্যমে পাকানোর ব্যবস্থা করা।

৩. স্ত্রীর বসবাসের জন্য প্রয়োজন অনুযায়ী পৃথক ঘর বা অন্ততঃ পৃথক রুম পাওয়া স্ত্রীর অধিকার। স্ত্রী যদি পৃথক থাকার কথা বলে এবং স্বামীর মাতা-পিতা বা আত্মীয়-স্বজনের সাথে একই ঘরে থাকতে খুশি খুশি রাজী না থাকে, তাহলে তার ব্যবস্থা করা স্বামীর উপর ওয়াজিব। অন্ততঃ একটা পৃথক কামরা তাকে দিতে হবে, যেখানে সে তার মাল-আসবাব তালাবদ্ধ রেখে হেফাজত করতে পারে বেং স্বাধীনভাবে একান্তে স্বামীর সাথে মনোরঞ্জন করতে পারে। উল্লেখ্য যে, শ্বশুর-শাশুড়ীর খেদমত করা স্ত্রীর উপর আইনতঃ ওয়াজিব নয়, করলে তার ছওয়াব আছে। বরং এ খেদমতের দায়িত্ব তার স্বামীর; সে নিজে করতে না পারলে লোক দ্বারা করাবে। তাও না পারলে এবং একান্ত অনন্যোপায় অবস্থায় স্ত্রীর মাধ্যমে করাতে চাইলে তখন স্ত্রীর সেটা করার দায়িত্ব এসে যায়। নতুবা স্বাভাবিক অবস্থায় স্ত্রী আন্তরিক ভাবে না চাইলেও জবরদস্তী তাকে স্বামীর মাতা-পিতার অধীন করে রাখা, জোর জবরদস্তী মাতা-পিতার সাথে একান্নভুক্ত রাখা এবং জোর জবরদস্তী তার দ্বারা মাতা-পিতার খেদমত করানো উচিত নয়। এটা স্ত্রীর প্রতি জুলুম। (اصلاح النكاح المست) তবে স্ত্রীরও মনে রাখা উচিত যে, একান্ত ঠেকা অবস্থা না হলে স্বামীকে তার মাতা-পিতা ও ভাই-বোন থেকে পৃথক করে নিয়ে তাদের মনে কষ্ট দেয়াও উচিত নয়। (تدوين)

৪. স্ত্রীর সঙ্গে সদ্যবহার করা।

৫. স্ত্রীর চরিত্রের ব্যাপারে অহেতুক সন্দেহ বা কুধারণা না রাখা। (আবার একেবারে অসতর্কও না থাকা উচিত।)
৬. হায়েয নেফাস প্রভৃতির বিধান ও দ্বীনী মাসায়েল শিক্ষা করে স্ত্রীকে তা শিক্ষা দেয়া, নামায রোযা প্রভৃতি ইবাদত করা ও দ্বীনের উপর চলার জন্য স্ত্রীকে তাগিদ দেয়া এবং বিদআত, রহম প্রভৃতি শরী'আত বিরুদ্ধ কাজ থেকে তাকে বাধা দেয়া স্বামীর কর্তব্য।
৭. প্রয়োজন অনুপাতে স্ত্রীর সাথে সংগম করা। প্রতি চার মাস অন্ততঃ একবার স্ত্রীর সাথে যৌন সংগম করা স্বামীর উপর ওয়াজিব।
৮. স্ত্রীর অনুমতি ব্যতীত তার সাথে আয়ল না করা। (অর্থাৎ, যৌন সংগম কালে যোনির বাইরে বীর্যপাত না করা।)
৯. স্ত্রীর মাতা-পিতা, ভাই, বোন প্রভৃতি রক্ত সম্পর্কীয় আত্মীয়-স্বজনের সাথে তাকে দেখা সাক্ষাত করতে যাওয়ার অনুমতি প্রদান করা। তবে যাতায়াতের ভাড়া দেয়া স্বামীর আইনতঃ কর্তব্য নয়, দিলে সেটা তার অনুগ্রহ বলে বিবেচিত হবে। মাতা-পিতার সঙ্গে সপ্তাহে একবার সাক্ষাৎ করতে চাইলেও দিবে এবং অন্যান্য মাহরাম আত্মীয়দের সঙ্গে বৎসরে একবার। তবে মাতা-পিতা যদি কন্যার কাছে আসতে পারার মত হয় কিংবা মাতা-পিতা বা কোন আত্মীয়দের সঙ্গে দেখা করতে যাওয়ার মধ্যে বেপর্দা হওয়ার বা অন্য কোন রকম ফেতনার আশংকা থাকে তাহলে এরূপ অবস্থায় স্বামী স্ত্রীকে যেতে বাধা দিতে পারে (المراعات الفقهية ২/১) এরূপ ক্ষেত্রে মাতা-পিতা ও আপনজন এসে তাকে দেখে যাবে। তাতেও কোন অকল্যাণের সম্ভাবনা থাকলে তাদেরকে স্ত্রীর কাছে আসতে না দেয়ার অধিকার রয়েছে স্বামীর। সেরূপ ক্ষেত্রে তারা দূর থেকে দেখে ও কথা বলে যেতে পারে। (প্রাণ্ডক)
১০. স্ত্রীর সাথে কৃত যৌন সংগম প্রভৃতি গুপ্ত বিষয় অন্যত্র প্রকাশ না করা। এটাও স্ত্রীর অধিকারের অন্তর্ভুক্ত।
১১. পারিবারিক শান্তি শৃংখলা রক্ষার স্বার্থে যে ক্ষেত্রে স্ত্রীকে সংশোধনমূলক কিছুটা প্রহার করার অনুমতি স্বামীকে দেয়া হয়েছে, সে ক্ষেত্রেও স্বামী সীমালংঘন করতে পারবে না। অর্থাৎ, প্রকাশ্য স্থানে দাগ পড়ে যাবে এমনভাবে স্ত্রীকে মারতে পারবে না বা প্রচণ্ডভাবে মারপিট করতে পারবে না। এ সম্পর্কে আরও বিস্তারিত জানার জন্য দেখুন ৫৩১ পৃষ্ঠা।

১২. বিনা কারণে স্ত্রীকে তালাক না দেয়া। স্ত্রীর যেনা, মিথ্যা, বাতিল মতবাদে বিশ্বাস, ফাসেকী প্রভৃতি কারণে তালাক দেয়া হলে স্বামীর অন্যায় হয় না। পক্ষান্তরে অনন্যোপায় অবস্থা ব্যতীত স্ত্রীরও স্বামীর কাছ থেকে তালাক চেয়ে নেয়া অন্যায়।
১৩. স্ত্রীর মনোরঞ্জননের জন্য অন্ততঃ কিছুক্ষণ নির্জনে তাকে সময় দেয়া, তার সঙ্গে হাসিফুর্তি করা স্বামীর কর্তব্য। যাতে সেও মনোরঞ্জন করতে পারে, মনের কথা বলতে পারে সুবিধা-অসুবিধার কথা জানাতে পারে এবং একাকিত্বের কষ্ট লাঘব করতে পারে। এরূপ সময় দিতে না পারলে তার সমমনা কোন নারীকে তার নিকট আসা-যাওয়া বা রাখার ব্যবস্থা করবে। মোটকথা, ঘরে পর্দার মধ্যে থেকেও যেন স্ত্রী তার মনের খোরাক পায় তার জন্য শরী'আতের গণ্ডির মধ্যে থেকে ব্যবস্থা করতে হবে।
১৪. রাত্রে স্ত্রীর নিকট শয়ন করাও স্ত্রীর অধিকার।
১৫. স্ত্রীদের নায-নখরা এবং মান-অভিমান করারও অধিকার রয়েছে।
১৬. স্ত্রীর ভুল-ত্রুটি হলে ক্ষমা সুন্দর দৃষ্টিতে দেখা, যতক্ষণ সীমালংঘনের পর্যায়ে না যায় এবং তার পক্ষ থেকে কষ্ট পেলে ছবর করা এবং নীরব থাকা। তবে এক্ষেত্রে ভারসাম্যতা রক্ষা করতে হবে অর্থাৎ, প্রয়োজন বোধে স্ত্রীকে মোনাছেব মত তদ্বীহ করতে হবে।
১৭. স্ত্রীর সঙ্গে কথা-বার্তা বলা এবং তাকে খুশি রাখাও স্বামীর কর্তব্য এবং এটাও স্ত্রীর অধিকার।
১৮. মহর স্ত্রীর অধিকার। স্বামীর উপর মহর প্রদান করা ফরয। স্বামী মহর প্রদান করা ব্যতীত মৃত্যু বরণ করলে তার পরিত্যক্ত সম্পত্তি থেকে স্ত্রীর মহর আদায় করা হবে।
১৯. স্ত্রীর প্রতি অবিচার না করা। পুরুষ তার কর্তৃত্ব সুলভ ক্ষমতার অপব্যবহার করে কোন ভাবেই স্ত্রীর প্রতি জুলুম অবিচার করতে পারবে না।
২০. একাধিক স্ত্রী থাকলে ভরণ, পোষণ, রাত্রি যাপন প্রভৃতি বিষয়ে তাদের মধ্যে সমতা রক্ষা করা ওয়াজিব। তবে মনের টান কারও প্রতি কম বেশী থাকলে সেটার জন্য স্বামী দায়ী নয়, কেননা সেটা তার এখতিয়ার বহির্ভূত বিষয়।

(১। থেকে গৃহীত) تحفة زوجين، احسن الفتاوى واداء الفتاوى

পীর মুরশিদ বা শায়খে তরীকতের সাথে মুরীদের করণীয়

তথা

পীরের হক

১. পীর বা শায়খে তরীকত এক প্রকার উস্তাদ, কাজেই উস্তাদের যেসব হক পীর মুরশিদেরও সেসব হক। তদুপরি পীর মুরশিদ বা শায়খে তরীকতের অন্য যেসব হক রয়েছে তা নিম্নে বর্ণনা করা হল।
২. অন্তরে এই একীন রাখা যে, এই মুরশিদ থেকেই আমার মকছূদ হাছিল হবে, অন্যদিকে মন দিলে ফয়েয ও বরকত থেকে বঞ্চিত হয়ে যাবে এবং যা কিছু ফয়েয বরকত হাছিল হয় সবই পীরের ফয়েয বরকতে হয়েছে মনে করবে।
৩. পীরের সব কথা (যদি শরী'আতের খেলাফ না হয়) ভক্তি সহকারে পালন করা।
৪. পীরের অনুমতি না নিয়ে তাঁর কাজের অনুসরণ না করা। কারণ তাঁর মর্তবা বড়, তিনি যা করেন মুরীদের হয় তো তা সাজে না।
৫. পীর যা কিছু দুরূদ ওযীফা বা যিকির বাতাবেন তাই পড়া, অন্য কোন ওজীফা নিজে গুরু করে থাকলে বা অন্য কেউ বলে থাকলে তা ছেড়ে দেয়া। ছেড়ে দিতেও পীরের নিকট বলে নিবে।
৬. পীরের সামনে থাকা কালে সম্পূর্ণ মনোযোগ তাঁর দিকে রাখবে। এমনকি ফরয সুন্নাত ব্যতীত নফল নামায বা কোন ওজীফাও তাঁর এজায়ত না নিয়ে তাঁর সামনে থেকে পড়বে না। পড়লে আড়ালে গিয়ে পড়বে।
৭. মুরীদ এমন স্থানে দাঁড়াবে না, যাতে তার ছায়া পীর মুরশিদের ছায়ার উপর বা তাঁর শরীরের উপর পড়তে পারে।
৮. তাঁর মুসল্লার উপর পা রাখবে না।
৯. তাঁর লোটা, বদনা, রেকাবী ইত্যাদি ব্যবহার করবে না।
১০. পীরের সামনে পানাহার বা উযু গোসল করবে না। অবশ্য যদি তিনি হুকুম করেন তাহলে হুকুম পালন করবে।
১১. পীরের সাক্ষাতে কারও সাথে কথা বলবে না। এমন কি কারও দিকে মুখও ফিরাবে না।
১২. পীর সাহেব উপস্থিত না থাকলেও তাঁর বসার জায়গার দিকে পা লম্বা করবে না এবং
১৩. খুথু ফেলবে না।

১৪. পীর সাহেবের কোন কথা বা কাজের ব্যাপারে প্রশ্ন তুলবে না, কেননা হতে পারে তিনি সেটা এল্‌হাম দ্বারা বলছেন বা করছেন। অবশ্য শরী'আতের স্পষ্ট বিধানের বরখেলাফ হলে তা মান্য করা যাবে না এবং হক্কানী পীর সে রকম কিছু বলতে বা করতেও পারেন না।

১৫. পীরের কারামত দেখার ইচ্ছা করবে না।

১৬. (বিশেষ কিছু) স্বপ্নে দেখলে পীরের নিকট জানাবে।

১৭. বিনা জরুরিতে এবং বিনা অনুমতিতে তাঁর ছোহবত ছেড়ে অন্যত্র যাবে না।

১৮. নিজের পীরের কথা অন্যের কাছে তখনই বলবে যখন বুঝবে যে, সে কথার মর্ম উপলব্ধি করবে এবং কদর করবে।

১৯. নিজের কথা বাহ্যতঃ সহীহ হলেও পীরের কথা রদ করবে না এই ভেবে যে, আমার বুঝ ভুলও হতে পারে।

২০. নিজের অন্তরের ভাল মন্দ সব অবস্থা পীরকে অবগত করে যথাযথ ব্যবস্থা জেনে নিবে। তিনি কাশ্‌ফের দ্বারা জেনে নিবেন- এই ভরসায় বসে থাকবে না। পীর ব্যতীত অন্য কাউকে যিকির আয়কারের অবস্থা এবং হালত সম্পর্কে বলবে না, তাহলে বরকত নষ্ট হয়ে যাবে।

(بصار عظیم الامت و فروع الايمان থেকে গৃহীত।)

বিঃ দ্রঃ কামেল পীরের আলামত সম্পর্কে দেখুন ৬১৯ পৃষ্ঠা।

উলামায়ে কেরাম, মাশায়েখ ও বুয়ুর্গদের সাথে করণীয়

১. উলামায়ে কেরাম ও বুয়ুর্গানে দ্বীনের আগে বেড়ে কোন কথা না বলা আদব। অবশ্য যদি তাঁরা কাউকে কোন কথার উত্তর দিতে বলেন তাহলে ভিন্ন কথা।

২. তাঁদের আগে বেড়ে কোন কাজ না করা। যেমন খাওয়ার মজলিস হলে তাঁদের আগে খাওয়া শুরু না করা, চলার সময় তাঁদের সম্মুখে না চলা, অবশ্য যদি তাঁরা কাউকে আগে করতে বা চলতে নির্দেশ দেন তাহলে ভিন্ন কথা। উল্লেখ্য, একজনের বয়স বেশী আর একজনের ইল্ম বেশী- এ দুজনের মধ্যে যার ইল্ম বেশী তিনি আদব সম্মানে প্রাধান্য পাওয়ার যোগ্য।

৩. তাঁদের সামনে তাঁদের চেয়ে জোর আওয়াজে কথা না বলাই আদব।

৪. তাঁদের নাম ধরে গোঁয়ার-এর ন্যায় তাঁদেরকে না ডাকাই আদব।

৩. মৌখিকভাবে অথবা লিখিত আকারে ফতুয়া জিজ্ঞাসাকারীদেরকে জওয়াব প্রদান করা।
৪. আল্লাহর নির্দেশ অনুসারে মানুষকে সার্বিক বিষয়ে হেদায়েত ও দিক নির্দেশনা দান করা।

ছোটদের প্রতি বড়দের করণীয়

১. ছোটদেরকে স্নেহ করা।
২. খুব বেশী নাজুক মেজাজ না হওয়া উচিত এবং কথায় কথায় ছোটদেরকে ধমক-ধামক ও তিরস্কার না করা উচিত। ছোটদের ভুল-ত্রুটি কিছুটা ক্ষমা সুন্দর দৃষ্টিতেও দেখা উচিত। প্রাথমিক পর্যায়ে দু' একবার নম্রভাবে বুঝিয়ে দেয়ার পর তাতে কাজ না হলে তখন কঠোরতা গ্রহণ করলে তাতে ক্ষতি নেই।
৩. যার সম্পর্কে লক্ষণ দেখে বোঝা যায় যে, সে নির্দেশ মান্য করবে না, তাকে নির্দেশ দিয়ে সরাসরি বে-আদব প্রমাণিত না করাই ভাল। অবশ্য শরী'আতের কোন ওয়াজিব বিষয় হলে ভিন্ন কথা।
৪. বিনা নির্দেশে কেউ খেদমত করতে উদ্বুদ্ধ হলেও তার সাধ্য এবং আরামের প্রতি লক্ষ্য রাখা চাই। তার সাধের বাইরে তার থেকে হাদিয়া নেয়া ঠিক নয়। তার আরাম, নিদ্রা প্রভৃতির রেয়ায়েত করা চাই। দাওয়াত করলে সাধ্যাতীত আপ্যায়ন করতে বাধা দেয়া উচিত।
৫. কখনও ছোটদের প্রতি অতিরিক্ত রাগ বা ক্ষোভ প্রকাশ বা শাসন করলে পরবর্তীতে তাদের মন খুশি করে দেয়া দরকার। কিয়ামতের দিন সকলেইতো সমান হবে; কি জানা আছে তখন কে ছোট আর কে বড় হয়! কাজেই নিজের পক্ষ থেকে অন্যায় হয়ে থাকলে খোলাখুলি ওজরখাহী করে নেয়া ভাল।
৬. কোন ছোটকে এতটা নৈকট্য প্রদান করবে না বা এতটা প্রশ্রয় দিবে না কিংবা তার সুপারিশ ও তার কথায় এতটা আমল দিবে না, যাতে সে মাথায় চড়ে যায় কিংবা অন্যরা তাকেই বড়দের থেকে স্বার্থ বা কাজ হাছিলের মাধ্যম মনে করে বসে এবং তার সঙ্গে সম্পর্ক গড়ে তোলার জন্য নানাভাবে ব্যবস্থা গ্রহণ করতে সচেষ্ট হয়।
৭. ছোটদেরও বড়দেরকে হক কথা বলার অধিকার রয়েছে, কাজেই ছোটদের কেউ কোন ন্যায় কথা বললে তাকে খারাপ মনে করার অবকাশ

নেই। অবশ্য আদব রক্ষা করে না বললে তার জন্য স্বতন্ত্র তস্বীহ করা যেতে পারে।

৮. ছোটদের তুচ্ছ না জানা। কেননা ছোট হওয়া সত্ত্বেও তার মধ্যে এমন কোন বৈশিষ্ট্য থাকতে পারে, যা তার (বড়র) মধ্যে নেই।
৯. অনিয়ম বা নীতিহীন কোন কিছু ছোটদের সাথেও করবে না।
১০. ছোটদের বে-আদবীর কারণে সরাসরি তাদের সাথে কথা বলতে খুব বেশী ক্রোধ এসে যেতে থাকলে অন্য কারও মাধ্যমে তাদেরকে যা বলার বলে দিবে।
১১. ছোট যদি অধীনস্ত হয় তাহলে তাকে শরী'আত মোতাবেক গড়ে তোলা এবং চালানো বড়দের দায়িত্ব।

(১। آداب المعاشرة) প্রভৃতি থেকে গৃহীত।

ইমামের জন্য মুসল্লী/মুজ্তাদীগণের করণীয়

১. মুসল্লী ও মুজ্তাদীগণ ইমামের আদব ও সম্মান রক্ষা করবে। তাই আদব হল ইমাম নামাযের জন্য দাঁড়িয়ে গেলে মুসল্লীগণও সাথে সাথে দাঁড়িয়ে যাবেন। ইমাম যে কাতার বরাবর পৌঁছবেন সে কাতারের লোকজন দাঁড়িয়ে যাবেন।
২. ইমামের মধ্যে শরী'আত সম্মত দোষ না দেখা দিলে তার পেছনে নামায পড়তে নারায়ী দেখাবে না।
৩. কখনও নির্দ্ধারিত সময়ে ইমাম উপস্থিত হতে না পারলে তাঁর জন্য চার পাঁচ মিনিট পর্যন্ত অপেক্ষা করবে, এর কারণে কোন উচ্চবাক্য বা ইমামের নিন্দা সমালোচনা করবে না, এটাকে তাঁর মানবিক ওজর বলে গণ্য করবে।
৪. ইমাম উপস্থিত থাকা অবস্থায় তাঁর সম্মতি ব্যতীত অন্য কাউকে ইমাম বানাবে না।
৫. নামায বা কেরাতে ইমামের কোন ভুল হলে তার কারণে ইমামের প্রতি ভক্তি নষ্ট করা অনুচিত। কেননা, মানুষের পক্ষে নামাযে ভুল-চুক হয়ে যাওয়া স্বাভাবিক।
৬. ইমাম উলামা ও মাশায়েখদের অন্তর্ভুক্ত, এ হিসেবেও তাঁর জন্য অন্যদের কিছু করণীয় রয়েছে। এ প্রেক্ষিতে উলামা মাশায়েখ ও বুয়ুর্গদের জন্য যা করণীয়, ইমামের জন্যও তা করণীয়। দেখুন ৪২৯ পৃষ্ঠা।

(১। فتاوى دارالعلوم ج ২، احسن الفتاوى ج ৩) প্রভৃতি থেকে গৃহীত।

মুসল্লী/মুক্তাদীদের জন্য ইমামের করণীয়

১. ইমাম সমস্ত গোনাহ থেকে তওবা না করে নামায শুরু করবেন না, যেহেতু তিনি মুক্তাদীদের জন্য সুপারিশকারী। অতএব সর্বাত্মে তাকে পরিষ্কার হতে হবে।
২. সালাম ফিরানোর পর ইমাম যখন দুআ করবেন, তখন শুধু একার জন্য নয় বরং সকলের জন্য দুআ করবেন; অন্যথায় তাদের প্রতি খেয়ানত হয়ে যাবে।
৩. নির্ধারিত সময়ে নামায পড়ানো ইমামের দায়িত্ব। তবে মানবিক জরুরকায় বশতঃ মাঝে মধ্যে দুই চার মিনিট বিলম্ব হলে তা অন্যায় নয়।
৪. জামাআতের নির্ধারিত সময় হয়ে যাওয়ার পর কারও আগমনের অপেক্ষার এতখানি বিলম্ব করা যাবে না, যাতে উপস্থিত মুসল্লীদের কষ্ট হয়। তবে এমন কোন লোক যদি হয় যার জন্য অপেক্ষা না করলে উৎপাত ও ফ্যাসাদ ঘটবে, তাহলে ভিন্ন কথা।
৫. ইমাম মুসল্লীদের সন্তুষ্টি ব্যতীত নামায এতখানি লম্বা করবেন না, যাতে তাদের কষ্ট হয়। এ জন্যই মুসল্লীদের প্রতি লক্ষ্য রাখতে গিয়ে স্বাভাবিকভাবে তিনি সুন্নাত পরিমাণ কেরাতের চেয়ে কেরাত লম্বা করবেন না, আবার সুন্নাত পরিমাণের চেয়ে কম পড়াও মাকরুহ। ইমাম রুকু সাজদায় তাসবীহ এভাবে পড়বেন যেন মুক্তাদীগণ এতমীনানের সাথে তিনবার পড়তে পারেন। এজন্যেই কারও কারও মতে ইমামের জন্য উত্তম হল রুকু সাজদার তাসবীহ পাঁচবার পড়া।
৬. মুসল্লীদের সন্তুষ্টি ব্যতীত অস্বাভাবিকভাবে নামায পড়ানো থেকে অনুপস্থিত থাকবেন না।
৭. ইমামের মধ্যে প্রকৃতপক্ষে শরী'আত সম্মত কোন দোষ থাকার কারণে তার পেছনে নামায পড়তে মুসল্লীগণ অসম্মত হলে তাঁর পক্ষে তাদের ইমামতী করা মাকরুহ। একরূপ অবস্থায় তিনি তাদের ইমামতী করবেন না। শরীয়ত সম্পর্কিত কারণ ছাড়া ব্যক্তিগত কোন পছন্দ অপছন্দ থাকার অভিযোগ ধর্তব্যে আনা হবেনা।

(১। تنبيه الغافلين و تاديب دارالعلوم ج ৩/ ৩، احسن الفتاوى ج ৩/ ৩)

বিঃ দ্রঃ ইমাম একজন আলেম ও মাশায়েখদের অন্তর্ভুক্ত হওয়ার প্রেক্ষিতে তার উপর আরও কিছু দায়িত্ব বর্তায়। তার জন্য দেখুন ৪৩০ পৃষ্ঠা।

আত্মীয় স্বজনের সাথে করণীয়

তথা

আত্মীয়-স্বজনের অধিকার

* আনুগত্য, খেদমত, সদ্ব্যবহার এবং আদব তা'জীমের ক্ষেত্রে দাদা-দাদী এবং নানা-নানীর হক পিতা-মাতার তুল্য। চাচা এবং ফুফুর হক পিতার তুল্য। ছোট ভাইয়ের কাছে বড় ভাই পিতৃতুল্য। হাদীছের বর্ণনা ও ইংঙ্গিত অনুসারে এরূপই প্রমাণিত হয়। এছাড়া ভাতিজা, ভাতিজী, ভাগিনা, ভাগ্নী প্রমুখ আত্মীয়-স্বজন, যাদের সাথে জন্মগতভাবেই আরীয়াত হয় সাধারণভাবে তাদের সকলের হক বা অধিকার নিম্নরূপঃ

১. তাদেরকে ভালবাসা।
২. তাদের সাথে সদ্ব্যবহার করা।
৩. তাদের মধ্যে কারও ভরণ-পোষণের কষ্ট থাকলে সঙ্গতি অনুসারে তাদের আর্থিক ও বৈষয়িক সাহায্য করা।
৪. মাঝে-মাঝে তাদের সাথে দেখা-সাক্ষাৎ করা।
৫. তাদের দ্বারা কোন কষ্ট পেলে তা সহ্য করা।
৬. তাদের সাথে আত্মীয়তা ও সম্পর্ক ছেদন না করা।
৭. সালাম, কালাম ও হাদীয়া আদান-প্রদান অব্যাহত রাখা। উল্লেখ্য যে, উপরোক্ত বিষয়গুলো আমল করাকে বলা হয় 'ছেলায়ে-রেহ্মী' অর্থাৎ, আত্মীয়তার সুসম্পর্ক বজায় রাখা। এই ছেলায়ে-রেহ্মী ওয়াজিব।

* শ্বশুর-শাশুড়ী, শালা, ভগ্নীপতি, জামাই, পুত্রবধূ, স্ত্রীর আগের ঘরের সন্তান, স্বামীর অন্য পক্ষের সন্তান ইত্যাদি যাদের সাথে বৈবাহিক সম্পর্কের কারণে আত্মীয়তা হয়, তাদের হকও সাধারণ মুসলমানের চেয়ে বেশী। অর্থাৎ, সাহায্য সহযোগিতার ক্ষেত্রে সাধারণ মুসলমান ও এতীম-মিসকীনের চেয়ে তাদেরকে প্রাধান্য দেয়া উচিত। অনেক আলেমের মতে রক্ত সম্পর্কের আত্মীয়দের ন্যায় বৈবাহিক সম্পর্কের আরীয়াতের সাথেও ছেলায়ে-রেহ্মী তথা আত্মীয়তার সু সম্পর্ক রক্ষা করা ওয়াজিব। এ ক্ষেত্রে উভয় শ্রেণীরই হুকুম এক পর্যায়ে।

تعليم الدين، حقوق العباد، مفاتيح الجنان) এবং মা-বাপ ও সন্তানের হক গ্রন্থাদি থেকে গৃহীত।)

প্রতিবেশীর সাথে করণীয় (প্রতিবেশীর অধিকার)

হাদীছে প্রতিবেশীর বহু অধিকার বর্ণিত হয়েছে। এক রেওয়ায়েতের বর্ণনা অনুযায়ী বাড়ীর চতুর্দিকে চল্লিশ বাড়ী পর্যন্ত সকলেই প্রতিবেশীর আওতাভুক্ত। তাছাড়া শহরে বা গ্রামে বাড়ীর পার্শ্ববর্তীগণ যেমন প্রতিবেশী, তদ্রূপ বাড়ী থেকে যার সাথে একত্রে সফরে যাওয়া হয় বা বিদেশে গিয়ে এক সঙ্গে সফর করা হয় এসব সফরসঙ্গী এবং মাদ্রাসা, স্কুল, কলেজ, অফিস, আদালত বা যে কোন কর্মস্থলে এক সঙ্গে যারা কিছুক্ষণের জন্য হলেও থাকে তারাও প্রতিবেশী, হোক সাময়িক প্রতিবেশী তবুও ততক্ষণের জন্য প্রতিবেশীর নির্দ্ধারিত অধিকার তাদের প্রাপ্য। বিভিন্ন হাদীছে বর্ণিত প্রতিবেশীর অধিকার সমূহ নিম্নরূপঃ

১. সাহায্য সহযোগিতা চাইলে তা করা।
২. ঋণ চাইলে তা প্রদান করা।
৩. অসুস্থ হলে গুশ্রুশা করা।
৪. অভাবী হলে আর্থিকভাবে তার উপকার করা।
৫. কোনরূপ কষ্ট পেলে (যেমন গরু-বাছুর, হাঁস-মুরগি বা ছেলে-মেয়ে দ্বারা কোন কিছু নষ্ট বা ক্ষতি হলে) ছবর করা।
৬. প্রতিবেশীর বিবি, সন্তানাদি ও জীব-জন্তুর হেফাজত করা।
৭. প্রতিবেশীর খুশির বিষয়ে খুশি প্রকাশ করা।
৮. প্রতিবেশীর কোন দুঃখের বিষয় হলে সমবেদনা প্রকাশ করা।
৯. বিশেষ কোন রান্না-বান্না বা ফল-ফুটের ব্যবস্থা হলে প্রতিবেশীকেও তা থেকে কিছু হাদিয়া দেয়া। সম্ভব না হলে গোপনে সেগুলো বাড়ির মধ্যে ঢুকানো এবং নিজের সন্তানেরা যেন তা নিয়ে বাইরে না আসে, যাতে প্রতিবেশীর সন্তানাদি তা দেখে মনক্ষুন্ন না হয়।
১০. মৃত্যুবরণ করলে তার জানাযায় অংশ নেয়া।
১১. প্রতিবেশীর সাথে সমঝোতা ব্যতীত উঁচু দেয়াল বা ইমারত বানিয়ে তার বাতাস বন্ধ করে না দেয়া।
১২. প্রতিবেশীর অনুমতি ব্যতীত তার বাড়ির আশ-পাশে ময়লা আবর্জনা ফেলে তাকে দুর্গন্ধের কষ্ট না দেয়া।

(أَقْرَبُ النَّاسِ إِلَيْكَ مَنْ لَمْ يَكُنْ لَكَ فِيهِ عَدَاوَةٌ أَوْ بَغْضَاءٌ أَوْ كِبْرٌ) থেকে গৃহীত।

সাধারণ মুসলমানের অধিকার

১. কোন মুসলমান পীড়িত হলে তার গুশ্রুশা করা। এ প্রসংগে বিস্তারিত জানার জন্য দেখুন ৫০৪ পৃষ্ঠা।

২. কোন মুসলমানের মৃত্যু হলে তার কাফন-দাফনে শরীক হওয়া।
৩. মহস্বত করে দাওয়াত দিলে তা গ্রহণ করা (যদি দাওয়াত গ্রহণে অন্য কোন বাধা না থাকে)। কোন মুসলমান ডাকলে তার ডাকে সাড়া দেয়া কর্তব্য।
৪. কোন হাদিয়া-তোহফা দিলে তা গ্রহণ করে তার মনস্তৃষ্টি করা। (বিস্তারিত জানার জন্য দেখুন ৪৬৮ পৃষ্ঠা।
৫. হাঁচি দিয়ে 'আলহামদু লিল্লাহ' বললে তার জওয়াব দেয়া। (বিস্তারিত জানার জন্য দেখুন ৪৫৯ পৃষ্ঠা।
৬. কোন মুসলমানকে দেখলে সালাম দেয়া। (বিস্তারিত জানার জন্য দেখুন ৪৪৪-৪৪৫ পৃষ্ঠা।
৭. কোন মুসলমান কোন কাজে আঁটকে গেলে সকলে মিলে তার কাজ উদ্ধার করে দেয়া।
৮. মুসলমানদের বিবি এবং সন্তানাদির জীবন ও সম্মান রক্ষা করা।
৯. কোন মুসলমান যদি কোন বিষয়ে ন্যায্য কছম খেয়ে বসে, তাহলে তা পূর্ণ করা ও রক্ষা করার জন্য সকলে চেষ্টা করা।
১০. মজলুম মুসলমানের সাহায্যে এগিয়ে আসা এবং জালেমকে বাধা দেয়া।
১১. মুসলমানকে ভালবাসা।
১২. নিজের জন্য যা ভালবাসা হয় প্রত্যেক মুসলমানের ব্যাপারে অনুরূপ কামনা করা এবং তদ্রূপ ব্যবহার করা।
১৩. কোন কারণে কোন মুসলমানের সাথে দ্বন্দ্ব-কলহ হয়ে গেলে তিন দিনের বেশী তা টিকিয়ে না রাখা বরং আপোষ মীমাংসা করে ফেলা।
১৪. দুইজন মুসলমানের মধ্যে দ্বন্দ্ব-কলহ হয়ে গেলে তা মিটিয়ে দেয়া সকলের উপর ওয়াজিব।
১৫. কোন মুসলমান কোন সুপারিশ করলে যথাসম্ভব তা গ্রহণ করা এবং কোন আশা করে এলে যথাসম্ভব তাকে নিরাশ বা বঞ্চিত না করা।

অমুসলমানের হক বা অধিকার

হিন্দু, বৌদ্ধ, ইহুদী, খৃষ্টান প্রভৃতি অমুসলমানগণ ইসলাম ধর্মের অনুসারী না হলেও তারাও মানুষ এবং মানুষ হিসেবে তাদের কিছু হক রয়েছে। যেমনঃ

১. অন্যায় ভাবে কারও জানে কষ্ট না দেয়া।
২. কারও সম্পদের ক্ষতি না করা।
৩. অন্যায় ভাবে কারও মন্দ না বলা, গালি-গালাজ না করা।
৪. সমালোচনার ক্ষেত্রে ভারসাম্যতা রক্ষা করা।

৫. তাদের জীবন বিপন্ন হতে দেখলে তা থেকে রক্ষা করা।
৬. অভাব-অনটন, রোগ-শোক ও বিপদ আপদে সহযোগিতা করা।
৭. শরী'আতের আইন অনুসারে কেউ শাস্তির উপযুক্ত হলে ন্যায্য বিচার করা।

দুঃস্থ মানুষের জন্য করণীয়

তথা

দুঃস্থদের অধিকার

এতীম, মিসকীন, বিধবা, অন্ধ, পঙ্গু, আতুর, চিররোগা, ভিক্ষুক, মুসাফির প্রভৃতি দুঃস্থ ও নিরাশ্রয়ী মানুষেরও অনেক অধিকার রয়েছে এবং তাদের জন্যও অনেক কিছু করণীয় রয়েছে। যেমনঃ

১. তাদের প্রতি দয়া প্রদর্শন করা।
২. টাকা-পয়সা বা খাদ্য পোশাক দিয়ে তাদের সাহায্য করা। তবে এমনভাবে সাহায্য করা ঠিক নয়, যাতে ভিক্ষাবৃত্তি প্রশ্রয় পায়। কেননা, ভিক্ষাবৃত্তিকে ইসলাম ঘৃণার দৃষ্টিতে দেখে। এ জন্যেই যার নিকট এক দিনের খাবারের ব্যবস্থা রয়েছে, তার পক্ষে খোরাকীর জন্য হাত পাতা জায়েয নেই এবং জেনে শুনে এরূপ ব্যক্তিকে দান করাও নিষেধ। এমনভাবে অন্যান্য প্রয়োজনীয় বিষয়ের ক্ষেত্রেও প্রয়োজন পরিমাণ থাকা সত্ত্বেও সওয়াল করা হারাম। (الحسن الفتاوى ج ১/ ৮) এ ছাড়া যে ব্যক্তি উপার্জন করে খাওয়ার ক্ষমতা রাখে তার জন্য হাত পাতা নিষেধ এবং এরূপ হাত পাতা ব্যক্তিকে দান করাও নিষেধ।

৩. তারা কাজ করতে অক্ষম হলে তাদের কাজ করে দেয়া।
৪. কথা দ্বারা তাদেরকে সান্ত্বনা দেয়া এবং তাদের সাথে ভাল কথা বলা।
৫. যথাসাধ্য তাদের আকাংখা ও আবদার রক্ষা করা।
৬. তাদের সাথে সদ্যবহার করা, নম্র ব্যবহার করা এবং রুঢ় ব্যবহার না করা।

বিঃ দ্রঃ সরকারেরও দায়িত্ব দুঃস্থ মানুষের ভরণ-পোষণ এবং যাবতীয় বিষয়ের দায়িত্বভার গ্রহণ করা।

শ্রমিকের প্রতি মালিকের করণীয়

তথা

শ্রমিকের অধিকার

১. শ্রমিকের যুক্তি সংগত মজুরী নির্ধারণ করা : এই মজুরী নির্ধারণের ক্ষেত্রে পুঁজিবাদীদের যে নীতি- অর্থাৎ, চাহিদা বেশী হলে মজুরী বেশী হবে কিন্তু

চাহিদার তুলনায় শ্রমিক বেশী পাওয়া গেলে মজুরী কমে যাবে, কিংবা সমাজতন্ত্রের যে নীতি- অর্থাৎ, প্রত্যেকেরই দক্ষতা অনুযায়ী তার থেকে কাজ নেয়া হবে কিন্তু মজুরী দেয়ার সময় শুধু তার প্রয়োজনের প্রতি লক্ষ্য রেখে তাকে মজুরী দেয়া হবে, তার দক্ষতার মূল্যায়ন করা হবে না- এর কোনটাই গ্রহণযোগ্য নয় বরং ইসলামী নীতিতে এমন মজুরী দিতে হবে, যা দ্বারা পরিবেশ, চাহিদা ও জীবন যাত্রার স্বাভাবিক মান অনুযায়ী শ্রমিকের প্রয়োজন পূর্ণ হয়, সেই সাথে সাথে তার দক্ষতার মূল্যায়নও করতে হবে।

২. দ্রুত মজুরী পরিশোধ করা : ইসলামের দৃষ্টিতে শ্রমিক কাজ করা মাত্রই পারিশ্রমিক দাবী করতে পারে। তবে অগ্রিম বা অন্য কোন রকম শর্ত থাকলে সে শর্তানুসারেই কাজ হবে।
৩. কাজের সময় নির্ধারিত থাকতে হবে : মালিক যতক্ষণ ইচ্ছা শ্রমিকদের দ্বারা খেয়াল খুশি মত কাজ করিয়ে নিতে পারবে না।
৪. কাজের প্রকৃতি নির্ধারণ করতে হবে : যে কাজের জন্য কোন শ্রমিককে নিয়োগ করা হবে, তার সম্মতি ছাড়া তাকে অন্য কাজে নিয়োগ করা যাবে না। করতে হলে তার সম্মতি পূর্বশর্ত।
৫. অধিকতর সুবিধার জন্য অন্য স্থানে চলে যাওয়ার অধিকার থাকবে শ্রমিকের এবং শ্রম সম্পর্কীয় চুক্তি বিশেষ অসুবিধার জন্য সে বাতিল করতে পারবে।
৬. শ্রমিককে এমন স্থানে রাখা যাবে না, যাতে তার স্বাস্থ্যহানি ঘটবে। মালিককে শ্রমিকের স্বাস্থ্যের প্রতি লক্ষ্য রাখতে হবে।
৭. শ্রমিকের শিক্ষা-দীক্ষা লাভের অধিকার রয়েছে। তবে এর দায়িত্ব মালিকের নয় বরং ইসলামের দৃষ্টিভঙ্গি অনুযায়ী শিক্ষা সাধারণতঃ অবৈতনিক এবং রাষ্ট্রই তার সকল ব্যয়ভার বহন করবে।
৮. ক্ষতির বোঝা শ্রমিকের ঘাড়ে চাপানো যাবে না। পারিশ্রমিকের বিনিময়ে যে শ্রমিক নিয়োগ করা হয় উৎপাদনের ঘটতির কারণে সে শ্রমিকের সম্মতি ব্যতীত তার মজুরীতে কোন প্রকার কমতি করা যাবে না।
৯. শ্রমিকের চাকুরীর নিরাপত্তা থাকতে হবে। কোন কারণে তার চাকুরী চলে গেলে তার প্রতি অবিচার করা হয়েছে কি-না তা দেখে ন্যায় ভিত্তিক পদক্ষেপ নেয়ার জন্য ইসলাম প্রশাসকদেরকে নির্দেশ দিয়েছে। এরূপ ক্ষেত্রে শ্রমিক আইনের আশ্রয় গ্রহণ করার অধিকার রাখে।

১০. ইসলামী সরকার বৃদ্ধ, পঙ্গু, অসুস্থ নিঃসহায় প্রভৃতি দুঃস্থ শ্রেণীর লোকদের ভরণ-পোষন ও তাদের যাবতীয় দায়িত্বভার গ্রহণ করে থাকে। এভাবে ইসলামে শ্রমিকদের বৃদ্ধ বা অসুস্থকালীন ভাতা ও সামাজিক নিরাপত্তা বিধান করা হয়েছে।

(حقوق العباد) ইসলামী ফিকাহ ও ইসলামে শ্রমিকের অধিকার গ্রন্থসমূহ থেকে গৃহীত।

মালিকের জন্য শ্রমিকের করণীয়

তথা

মালিকের অধিকার

১. শ্রমিক নির্ধারিত পূর্ণ সময় আমানতদারীর সাথে শ্রমে নিয়োগ করবে। অন্যথায় যতটুকু সময় সে ফাঁকি দিবে সেই পরিমাণ মজুরী গ্রহণ করা তার জন্য বৈধ হবে না।
 ২. দক্ষতার সাথে কাজ আঞ্জাম দিবে।
 ৩. কাজের এবং উৎপাদনের পরিবেশ বজায় রাখবে।
 ৪. ধর্মঘট করবে না।
 ৫. মালিক বা নিয়োগকারী মারাত্মক অসুবিধায় পড়লে সে শ্রমিকের সঙ্গে কৃত চুক্তি বা অঙ্গীকার বাতিল করতে পারে; এটা শ্রমিককে মেনে নিতে হবে। অবশ্য সেটা ন্যায় ভিত্তিক হচ্ছে কি-না তা বিচারের জন্য প্রয়োজন বোধে শ্রমিক আইন ও প্রশাসনের আশ্রয় গ্রহণ করতে পারে।
- (حقوق العباد) ইসলামী ফিকাহ ও ইসলামে শ্রমিকের অধিকার গ্রন্থসমূহ থেকে গৃহীত।

পশুপাখী ও জীবজন্তুর হক বা অধিকার

১. অযথা কোন পশুপাখীকে কষ্ট দেয়া অন্যায্য। যেমনঃ বাসা থেকে শাবকদের ধরে নিয়ে এসে তাদের মা-বাপকে কষ্ট দেয়া। এটা নিষ্ঠুরতার শামিল।
২. যে সব পশুপাখী দ্বারা মানুষের কোন কাজ হয় না, তাদেরকে আবদ্ধ করে রেখে তাদের জন্মগত স্বাধীনতাকে নষ্ট করা বৈধ নয়।
৩. যে সব পশুপাখী খাওয়ার উপযুক্ত নয়, তাদেরকে শুধু মনের আনন্দের জন্য বা হাতের নিশানা ঠিক করার জন্য বধ করা নিষেধ।
৪. গৃহপালিত পশু পাখীদের থাকা খাওয়ার সুবন্দোবস্ত করে রাখা কর্তব্য-পানাহার ও থাকায় কষ্ট দেয়া উচিত নয়।
৫. যে সব পশুর দ্বারা কাজ নেয়া হয়, তাদের শক্তির চেয়ে অতিরিক্ত কাজ তাদের দ্বারা না নেয়া।

১. নিষ্ঠুরভাবে জীব জন্তুকে প্রহার না করা। জীবজন্তুর প্রতি নিষ্ঠুরতা নয় বরং আল্লাহর মাখলুক হিসেবে তাদের প্রতিও ভালবাসা থাকা চাই।
৭. যে সব জীবজন্তু খাওয়ার জন্য জবেহ করা হয় বা মানুষের কষ্টদায়ক হওয়ার কারণে বধ করে ফেলা হয়, তাদেরকে ধারালো অস্ত্র দ্বারা কাজ সম্পন্ন করা উচিত। ভোঁতা অস্ত্র দ্বারা কষ্ট দেয়া নিষেধ।
৮. জীব-জন্তুকেও গালি-গালাজ করা নিষেধ।
৯. নাপাক খাদ্য-খাবার জীব জন্তুকে খাওয়ানো নিষেধ। (نفع المفتى والسائل)

চাকর-নওকরদের সাথে করণীয়

১. নিজেরা যা খাবে চাকর-নওকরকে অনুরূপ খাওয়াবে।
২. নিজেরা যা পরিধান করবে চাকর-নওকরকে সেরূপ পোশাক দিবে।
৩. তাদের দ্বারা সাধ্যাতীত কাজ নিবেনা।
৪. কোন কাজ তাদের কষ্টসাধ্য হলে ঐ কাজে তাদের সহায়তা করবে।
৫. তাদের সাথে উত্তম ব্যবহার করবে অর্থাৎ, কঠোর ব্যবহার ও কঠোর বাক্য প্রয়োগ করবেনা।
৬. তারা রোগাক্রান্ত হলে কিংবা কোন কষ্টে পড়লে তাদেরকে সমবেদনা জানাবে।
৭. তাদেরকে দ্বীন ও শরী'আত মোতাবেক চালাতে হবে। কেননা অধীনস্তকে দ্বীনের উপর চালানো কর্তব্য।

বিঃ দ্রঃ শ্রমিকদের অধিকার অধ্যায়ে বর্ণিত বিষয়গুলোর অনেকটা চাকর নওকরদের বেলায়ও প্রযোজ্য।

ব্যবসায়ী/বিক্রেতার করণীয় তথা ক্রেতার অধিকার

১. মাপ, ওজন, পরিমাণ ও সংখ্যায় ইনসাফ রক্ষা করা অর্থাৎ, যতটুকু ক্রেতার প্রাপ্য অন্ততঃ ততটুকু অবশ্যই দিয়ে দেয়া- তার চেয়ে কম না করা বরং তার চেয়ে একটু বেশী দিয়ে দেয়া উত্তম।
২. প্রতারণা না করা; যেমন ভেজাল ও নকল মালকে আসল বলে, নিম্নমানের মালকে উন্নতমানের বলে কিংবা ভাল মালের সাথে খারাপটাকে মিশ্রিত করে দিয়ে বা যে কোনভাবে যে কোন রকমে ক্রেতাকে প্রতারিত না করা।
৩. দ্রব্যের দোষ-ত্রুটি থাকলে ক্রেতাকে সে সম্পর্কে অবহিত করা। ক্রেতাকে বুঝতে না দিয়ে মাল চালিয়ে না দেয়া। যেমন অন্ধকারে খারাপ মাল বিক্রি

করা হ'ল বা ছোঁড়া ফাটা ও ক্রটিপূর্ণ অংশ ভাঁজের মধ্যে বা তলে রেখে চালিয়ে দেয়া হ'ল ইত্যাদি। এগুলো প্রতারণার শামিল এবং অন্যায়।

৪. দ্রব্যের অতিরঞ্জিত বা অবাস্তব প্রশংসা না করা।

৫. প্রয়োজনীয় দ্রব্য গুদামজাত না করা। অবশ্য কারও গুদামজাত করণের ফলে যদি শহরে/দেশে দ্রব্যমূল্যের উপর কোন প্রভাব না পড়ে, তার গুদামজাত করণ দেশে/শহরে দুর্ভিক্ষের কারণ না হয়ে দাঁড়ায়, তাহলে তার গুদামজাত করণে কোন পাপ হবে না।

৬. অঙ্গীকার রক্ষা করা।

৭. বাজার দরের চেয়ে অতিরিক্ত মূল্য না নেয়া, যদিও ক্রেতা সম্মত হলে যে কোন মূল্যে তার নিকট দ্রব্য বিক্রি করা যায়। কিন্তু ক্রেতা অজ্ঞ বা সে ঠেকায় পড়েছে, যে কোন মূল্যে সে নিতে বাধ্য- এরূপ অবস্থায় বিক্রেতার নৈতিক কর্তব্য হলো স্বাভাবিক বাজার দরের চেয়ে অতিরিক্ত না নেয়া।

ক্রেতার করণীয় তথা ব্যবসায়ী/বিক্রেতার অধিকার

১. ক্রটিপূর্ণ বা অচল মুদ্রা না দেয়া। ফোকাহায়ে কেরাম বলেছেন একটা অচল টাকা চালানো চল্লিশ টাকা চুরি করার চেয়ে জঘন্য অপরাধ।

২. দ্রব্য পাওয়ার পর নগদে ক্রয় হয়ে থাকলে সাথে সাথে বা বাকীতে ক্রয় করে থাকলে নির্ধারিত সময়ে মূল্য পরিশোধ করা। কোনরূপ টাল-বাহানা বা গড়িমসি না করা।

৩. বাকীতে ক্রয় করলে মূল্য পরিশোধের সময় নির্ধারিত করা জরুরী।

৪. দ্রব্যের মূল্য নির্ধারণ করা নিয়ে বা দ্রব্যের অন্য কোন বিষয় নিয়ে বিক্রেতার সঙ্গে অহেতুক কথা বাড়াবাড়ি না করা।

৫. ঠেকা ও অনন্যোপায় অবস্থায় পেয়ে কোন ব্যবসায়ী/বিক্রেতাকে তার দ্রব্যের মূল্য বাজার দরের চেয়ে কম না দেয়া। নৈতিক ভাবে এটা অন্যায়।

৬. মূল্য নির্ধারণ হওয়ার পর তার চেয়ে কম না দেয়া।

আদব, শিষ্টাচার ও সংস্কৃতি

সাক্ষাত ও মূল্যাকাতের সুন্নাত এবং আদব সমূহ

সাক্ষাত প্রার্থীর করণীয় :

* কারও নিকট সাক্ষাতের জন্য এমন সময় যাবে না, যখন গেলে তার ঘুম, ওজীফা কিংবা বিশেষ কোন কাজ বা আমলের ব্যাঘাত ঘটবে।

* কারও কাছে পূর্বে ইত্তে'লা (Information) দেয়া ব্যতীত নাস্তা বা খাওয়ার ওয়াজে যাবে না। গেলে খেয়ে যাবে এবং গিয়েই সে খেয়ে এসেছে- একথা জানিয়ে দিবে। এ সম্পর্কে “মেহমানের করণীয় বিশেষ আমলসমূহ” শীর্ষক পরিচ্ছেদ পৃষ্ঠা নং ৪৬৫ দেখুন।

* অনুমতি প্রার্থনা করবে। অনুমতি চাওয়ার তরীকা সম্পর্কে বিস্তারিত জানার জন্য দেখুন ৪৮৭ পৃষ্ঠা।

* অনুমতি না হলে বা বিশেষ কোন কাজে তিনি লিপ্ত রয়েছেন, ফলে এ মুহূর্তে সাক্ষাৎ প্রদান করতে গেলে তার কষ্ট বা ক্ষতি হবে- এরূপ অবস্থা হলে চলে আসা বাঞ্ছনীয় কিংবা এমন স্থানে বসে তার অপেক্ষা করতে থাকবে যেন তিনি জানতে না পারেন। অতঃপর স্বাধীনভাবে যখন তিনি কাজ থেকে ফারোগ হবেন, তখন সাক্ষাৎ, প্রার্থনা করবে। এমন স্থানে অপেক্ষায় থাকবে না যেন তিনি বুঝতে পারেন এবং ব্যস্ততার কারণে সাক্ষাৎ প্রদান করতে না পেরে বা সময় দিতে না পেরে লজ্জিত হন।

* দেখা হওয়ার পর সালাম দিবে। (সালাম সম্পর্কে বিস্তারিত জানার জন্য দেখুন ৪৪৪-৪৪৫ পৃষ্ঠা।) আর মুসাফাহা ও মু'আনাকার জন্য অগ্রসর হওয়া অপর পক্ষের কাজ, সে স্বেচ্ছায় অগ্রসর না হলে বা কোন বিশেষ কাজে লিপ্ত থাকলে মুসাফাহা মু'আনাকা করতে গিয়ে তাকে বিব্রত করবে না বা তার ব্যাঘাত ঘটাবে না। (مسائل آداب ملاقات)

* যদি তার সাথে পরিচয় অনেক পুরাতন হয় কিংবা এত হালকা পরিচয় হয় যে, তার ভুলে যাওয়ার সম্ভাবনা রয়েছে, তাহলে নিজের পরিচয় বলে দিয়ে তার দ্বিধা দূর করবে। এ কথা বলে তাকে লজ্জা দিবে না যে, আমাকে চিনতে পারেননি ? ইত্যাদি।

* দীর্ঘ কথা বলতে হলে তার এত কথা শোনার সময় হবে কি-না তা জেনে নিতে হবে। তার ইচ্ছার বাইরে দীর্ঘক্ষণ বসে থেকে বা দীর্ঘ কথা বলে তাকে বিব্রত করবে না।

* মুরব্বী ও গুরুজনদের নিকট সাক্ষাতের জন্য যেতে হলে যদি তাদের সাক্ষাতের জন্য সময় নির্ধারিত থাকে তাহলে সেই নির্ধারিত সময়ে যাবে। অন্য সময়ে যাবেনা। যেতে হলে অনুমতি নিয়ে যাবে।

* সাক্ষাৎ হওয়ার পর মজলিসের সুন্নাত, আদব ও কথা বলার সুন্নাত, আদব-এর প্রতি লক্ষ্য রাখতে হবে। এর জন্য দেখুন ৪৫০-৪৫২ পৃষ্ঠা।

যার সাক্ষাৎ প্রার্থনা করা হয় তার কর্তব্য :

* কোন বিশেষ ওজর বা একান্ত অসুবিধা না থাকলে সাক্ষাৎ প্রদান করতে গড়িমসি না করা।

* বিশেষ সাক্ষাৎ প্রার্থী হলে পরিপাটি হয়ে তার সাথে সাক্ষাৎ প্রদান করা উত্তম। (شرعة الاسلام)

* সাক্ষাৎ প্রার্থীর জন্য বসা বা স্থান গ্রহণের জায়গা করে দিবে বা মজলিসে স্থান না থাকলে অন্ততঃ একটু নড়ে চড়ে বসে তার প্রতি আগ্রহ প্রকাশ করবে, এতে সাক্ষাৎ প্রার্থী প্রীত হবে। অন্যথায় সে মনে করবে তাকে অবহেলা করা হচ্ছে।

* সাক্ষাৎ প্রার্থী অপরিচিত হলে তার পরিচয় ও আগমনের উদ্দেশ্য জানতে চেয়ে তার দ্বিধা সংকোচকে দূর করবে।

টেলিফোনে কথা বলার সুন্নাত ও আদব সমূহ

সাক্ষাৎ মুলাকাতের সুন্নাত ও আদব সমূহে যা যা উল্লেখ করা হয়েছে, কারও সাথে টেলিফোনে যোগাযোগ ও কথা-বার্তার ক্ষেত্রেও সেগুলোর প্রতি লক্ষ্য রাখতে হবে। অর্থাৎ-

১. এমন সময় কারও কাছে টেলিফোন করবে না যখন তার ঘুম, ওজীফা কিংবা বিশেষ কোন কাজ বা আমলের ব্যাঘাত ঘটবে।
২. টেলিফোন করার সময় নির্ধারিত থাকলে তখনই করবে।
৩. টেলিফোন রিসিভ করার পর প্রথমেই সালাম দিতে হবে। সালাম যে কোন কথা বলার পূর্বেই হওয়া নিয়ম।
৪. তার সাথে পরিচয় না থাকলে কিংবা আওয়াজে সে টের না পেলে বা অনেক পুরাতন বা এত হালকা পরিচয় যে, তার ভুলে যাওয়ার সম্ভাবনা-এরূপ ক্ষেত্রে নিজের পরিচয় বলে দিয়ে তার দ্বিধা দূর করবে। এ কথা বলে তাকে লজ্জা দিবে না যে, আমাকে চিনতে পারেননি? দেখেনতো চিনতে পারেন কি-না. ইত্যাদি ইত্যাদি।
৫. দীর্ঘ কথা বলতে হলে তার এত কথা শোনার সময় আছে কি-না জেনে নিতে হবে, তার সম্মতির বাইরে দীর্ঘ কথা বলে তাকে বিব্রত করবে না।
৬. কথা বলার সময় কথা বলার সুন্নাত ও আদব সমূহের প্রতি লক্ষ্য রাখতে হবে। (বিস্তারিত জানার জন্য দেখুন ৪৫২ পৃষ্ঠা।)

সালামের সুনাত ও আদব সমূহ

সালাম প্রদান সংক্রান্ত :

* আগে সালাম দিবে। এটাই উত্তম, কেননা যে প্রথমে সালাম প্রদান করবে যে অধিক ছওয়াবের অধিকারী হবে।

* পরিচিত-অপরিচিত, ছোট-বড় নির্বিশেষে সকলকে সালাম দিবে। মাতা-পিতা, স্ত্রী, পুত্র পরিজন সকলকেই সালাম করবে।

* সওয়ারী ব্যক্তি পায়ে চলা ব্যক্তিকে, চলনেওয়ালা বসা বা দাঁড়ানো ব্যক্তিকে, আগন্তুক অবস্থানকারীকে, কম সংখ্যক লোক অধিক সংখ্যকদেরকে এবং কম বয়সী অধিক বয়সীকে অগ্রে সালাম করা উত্তম। জামা'আতের মধ্য থেকে একজন সালাম করলে সকলের পক্ষ থেকে তা যথেষ্ট হবে।

* সালামের সময় হাত দিয়ে ইশারা করবে না বা হাত কপালে ঠেকাবে না কিংবা মাথা ঝুঁকাবে না। তবে দূরবর্তী লোককে সালাম করলে-যার পর্যন্ত আওয়াজ না পৌঁছার সম্ভাবনা রয়েছে- সেরূপ ক্ষেত্রে শুধু বোঝানোর জন্য হাত দিয়ে ইশারা করা যে পারে। (اسلامی تہذیب)

* মাতা-পিতা বা গুরুজন ও বড়কে সালাম করার সময় আওয়াজ এবং ভাব-ভঙ্গির মধ্যে আদব ও সম্মান ফুটে ওঠা উচিত। এমনভাবে ছোট ও স্নেহভাজনকে সালামের ক্ষেত্রে স্নেহ ব্যক্ত হওয়া সংগত। (اسلامی تہذیب)

* অমুসলিমকে সালাম করবে না। তবে বিশেষ স্বার্থে বা তার অনিষ্টতা থেকে রক্ষার প্রয়োজনে একান্ত কিছু বলে যদি তাকে অভিবাদন জানাতেই হয়, তাহলে 'গুডমর্নিং', 'গুডইভিনিং' বা 'গুড-সকাল' 'গুড সন্ধ্যা' ইত্যাদি কিছু বলে অভিবাদন করা যায়। (کتاب الادب)

* কোন মজলিসে মুসলিম অমুসলিম উভয় প্রকারের লোক থাকলে মুসলমানদের নিয়তে সালাম দিবে কিংবা নিম্নরূপ বাক্যেও সালাম দেয়া যায়-

السَّلَامُ عَلَى مَنْ اتَّبَعَ الْهُدَى۔

অর্থ : যারা হেদায়েত তথা ইসলামের অনুসরণ করেছে, তাদের প্রতি সালাম।

* নিম্নোক্ত ব্যক্তিদেরকে সালাম দেয়া নিষিদ্ধ (মাকরুহ) এরূপ ব্যক্তিদেরকে সালাম প্রদানকারী সালামের উত্তর পাওয়ার হকদার হয় না।

ক. কোন পাপ কাজে রত ব্যক্তি/ব্যক্তিগণকে; যেমন জুয়া বা দাবা খেলায় রত ব্যক্তিকে।

খ. পেশাব-পায়খানায় রত লোককে।

গ. পানাহার রত ব্যক্তিকে (অর্থাৎ, তার মুখে খাদ্য/পানীয় থাকা অবস্থায়)।

ঘ. ইবাদত যেমন নামায, তিলাওয়াত, আযান ও ইকামত প্রদানে এবং দ্বীনী কিতাব আলোচনায় রত ব্যক্তি বা যিকির ওজীফায় রতদেরকে।

ঙ. কোন মজলিসে বিশেষ কথা-বার্তা বলার মুহূর্তে কথা-বার্তায় ব্যাঘাত ঘটান সম্ভাবনা থাকলেও সালাম করা উচিত নয়।

চ. গায়র মাহরাম নারী-পুরুষের মধ্যে যেসব ক্ষেত্রে ফেতনার আশংকা থাকে সেখানে সালাম আদান প্রদান নিষিদ্ধ। (كتاب الاذکار)

* কোন খালি ঘরে প্রবেশ করলে সেখানেও সালাম দিবে। তবে নিম্নোক্ত বাক্যে ^১ اَلْسَلَامُ عَلَیْكَ اَوْ عَلَیْ عِبَادِ اللّٰهِ অথবা ^২ اَلْسَلَامُ عَلَیْكَ اَوْ عَلَیْ عِبَادِ اللّٰهِ বা ^৩ اَلْسَلَامُ عَلَیْكَ اَوْ عَلَیْ عِبَادِ اللّٰهِ

* ছাত্রদেরকে কুরআন বা দ্বীনী কিতাব তালীম দানে রত উস্তাদকে কেউ সালাম করলে তিনি জওয়াব দেয়া না দেয়া উভয়টার অবকাশ রাখেন। (৫৮)

সালামের জওয়াব প্রদান সংক্রান্ত :

* সালামের জওয়াব দেয়া ওয়াজিব। জামাআতের মধ্য থেকে একজন জওয়াব দিলে সকলের পক্ষ থেকে যথেষ্ট হবে।

* সালামের জওয়াব শুনিয়া দেয়া জরুরী। (যদি সালাম দাতা নিকটে থাকেন) আর যদি সালাম দাতা দূরে থাকেন, তাহলে মুখে জওয়াব দেয়ার সাথে সাথে ইশারা দ্বারাও তাকে অবহিত করবে, বিনা প্রয়োজনে ইশারা করবে না, মাথা ঝুঁকাবে না।

* সালাম দাতা ^১ اَلْسَلَامُ عَلَیْكَ (আসসালামু আলাইকুম) বললে তার জওয়াবে “ওয়া লাইকুমুস সালাম ওয়া রহমাতুল্লাহ” বলা উত্তম। বরং “ওয়া বারাকাতুহ” বৃদ্ধি করে দিলে আরও উত্তম। আর সালামদাতা ওয়া রহমাতুল্লাহসহ সালাম দিলে তার জওয়াবে ওয়া বারাকাতুহ বৃদ্ধি করে দেয়া উত্তম।

* আওয়াজ ও ভাব-ভঙ্গির ক্ষেত্রে পূর্বোক্ত নিয়ম প্রযোজ্য হবে।

* কেউ অন্য কারও সালাম পৌঁছালে তার জওয়াবে বলবে-

وَعَلَيْكَ وَعَلَيْهِ السَّلَامُ অথবা وَعَلَيْكَ وَعَلَيْهِ السَّلَامُ

১. অর্থ : হে গৃহবাসী, তোমাদের প্রতি শান্তি বর্ষিত হোক। ॥

২. অর্থ : সালাম আমাদের উপর এবং আল্লাহর নেক বান্দাদের উপর। ॥

* চিঠি-পত্রের সালাম ও তার জওয়াব প্রসঙ্গে বিস্তারিত জানার জন্য দেখুন ৪৪৯ পৃষ্ঠা।

* কোন অমুসলিম আস্‌সালামু আলাইকুম বলে সালাম দিলে তার জওয়াবে শুধু বলবে “ওয়া আলাইকুম” অথবা শুধু ইশারা করে দিলেও যথেষ্ট।

* একই সঙ্গে দুই জন একে অপরকে সালাম দিলে প্রত্যেককেই আবার জওয়াব দিতে হবে। তবে আগে পরে হলে পরেরটা জওয়াব এবং আগেরটা সালাম বলে গণ্য হবে এবং কাউকেই আর জওয়াব দিতে হবে না।

(১) গ্রন্থাবলী থেকে গৃহীত। (২) كتاب الاذكار، معارف القرآن، اسلامی تہذیب، شرعة الاسلام)

মুসাফাহার সুন্নাত ও আদব সমূহ

* মুসাফাহা করা সুন্নাত। সাফাতের প্রাক্কালে মুসাফাহা করতে হয়। বিদায়ের সময়ও মুসাফাহা হতে পারে।

* উভয় হাত যোগে মুসাফাহা করা সুন্নাত। অনন্যোপায় অবস্থায় ব্যতীত এক হাতে মুসাফাহা করা সুন্নাতের খেলাফ এবং তাকাস্বুর তথা অহংকারের আলামত।

* মুক্ত হাতে মুসাফাহা করা সুন্নাত অর্থাৎ, মুসাফাহার সময় হাতের মাঝে কাপড় প্রভৃতির অন্তরায় থাকতে পারবে না।

* মুসাফাহার মধ্যে হাদিয়ার টাকা হাতে গুঁজে দেয়া পছন্দনীয় নয়।

* মুসাফাহার পর নিজের হাতে চুমু দেয়া বা নিজের হাত বুকের উপর ফিরানো সুন্নাতের খেলাফ ও বিদআত।

* কারও সঙ্গে এমন সময় মুসাফাহার জন্য হাত বাড়াবে না, যখন তার কোন ব্যস্ততা বা লিগুতার কারণে মুসাফাহার জন্য হাত অবসর করতে সে বিব্রতবোধ করতে পারে।

* কোন মজলিসে যেয়ে সকলের সঙ্গে একাধারে মুসাফাহা করতে গিয়ে মজলিসের ধারাবাহিকতায় বিঘ্ন ঘটানো অনুচিত। এরূপ ক্ষেত্রে একজনের সাথে বা যার উদ্দেশ্যে সে গিয়েছে তার সাথে মুসাফাহা করার উপরই ক্ষান্ত করবে।

* মুসাফাহা করতে গিয়ে কাউকে কষ্ট দেয়া অনুচিত; কেননা মুসাফাহা করা সুন্নাত আর কাউকে কষ্ট দেয়া হারাম। সুন্নাত আদায় করতে যেয়ে হারাম করার অনুমতি নেই।

* মুসাফাহা হল সালামের পরিপূরক, অতএব যেসব লিগুতার সময় সালাম থেকে বিরত থাকার নিয়ম, মুসাফাহার ক্ষেত্রেও সে নিয়ম প্রযোজ্য।
(ماخوذ از اسلامی تہذیب تعلیم الدین جواہر الفقہ واز آداب العاشرت نفلان البحر والفتاویٰ الہندیۃ والشامی)

মু'আনাকার মাসায়েল

* বড়দের প্রতি আজমত এবং ছোটদের প্রতি শফকত ও মহব্বতের সাথে মু'আনাকা অর্থাৎ, গলাগলি বা কোলাকুলি করা যেতে পারে, এটা জায়েয বরং সুন্নাত।

* সাধারণ ভাবে তিন ক্ষেত্রে মু'আনাকা করা জায়েয নয় (১) যেখানে নিজের মধ্যে শাহওয়াত থাকে কিংবা নিজের মধ্যে বা অপর পক্ষের মধ্যে শাহওয়াত এসে যাওয়ার আশংকা থাকে (তবে বিবির ক্ষেত্রে ভিন্ন কথা)। (২) মু'আনাকা করতে গেলে যদি কাউকে কষ্ট দেয়া হয়। (৩) ঈদের দিন মু'আনাকা করা। এটা বিদআত।

* মু'আনাকাকারী উভয়ে প্রথমে ডান গলা মিলাবে।

* মু'আনাকা শুধু এক দিকেই যথেষ্ট, তিনবার করা জরুরী নয়।

(فتاویٰ محمودیہ ج ۵)

* মু'আনাকা করার দুআ এই- اَللّٰهُمَّ زِدْ مَحَبَّتِيْ لِلّٰهِ وَرَسُوْلِهِ

অর্থ : হে আল্লাহ, আমার মহব্বত বৃদ্ধি কর আল্লাহ ও তাঁর রাসূলের খাতিরে।

(ماخوذ از جواہر الفقہ ج ۱، تعلیم الدین دعا لکیر یہ وغیرہ)

কারও আগমনে দাঁড়িয়ে যাওয়া (কেয়াম করা)

কারও আগমনে দাঁড়িয়ে যাওয়া তিন ধরনের :

১. সম্মানার্থে দাঁড়ানো : কোন বুয়ুর্গ বা সম্মানিত ব্যক্তির প্রতি আন্তরিক সম্মান প্রদর্শনের উদ্দেশ্যে তাঁর আগমনে দাঁড়িয়ে যাওয়া জায়েয। তবে তাঁর বসে পড়ার পর সকলে বসে পড়বে। তিনি বসে পড়বেন আর সকলে দাঁড়িয়ে থাকবে-হাদীছে এরূপ করতে নিষেধ করা হয়েছে। অতএব সেরূপ করা নিষিদ্ধ ও হারাম।
২. স্নেহার্থে দাঁড়ানো : কোন স্নেহ ভাজন ও অন্তরঙ্গ কেউ আগমন করলে তার ভালবাসায় বা স্নেহে দাঁড়িয়ে যাওয়াও জায়েয।
৩. আত্মরক্ষার্থে দাঁড়ানো : আগমনকারী ব্যক্তি প্রথম শ্রেণীর অন্তর্ভুক্ত নয়, কিন্তু তার আগমনে না দাঁড়ালে সে রুষ্ঠ হবে বা মনঃক্ষুণ্ণ হবে কিংবা

আগমনকারী তার উপরস্থ, ফলে এভাবে দাঁড়িয়ে সম্মান প্রদর্শন না করলে উক্ত অধীনস্থের ক্ষতির ঝুঁকি রয়েছে অথবা তার সম্মানার্থে দাঁড়ালে সে প্রীত হয়ে হেদায়েত গ্রহণ করতে পারে- এরূপ আশা থাকলে এসব ক্ষেত্রেও দাঁড়ানো জায়েয তবে এরূপ ক্ষেত্রেও তার বসে পড়ার পর অন্যরাও বসে পড়বে।

বিঃ দ্রঃ হযরত রাসূল সাল্লাল্লাহু আলাইহি ওয়াসাল্লাম তাওয়াজু, বিনয় ও লৌকিকতা মুক্ত থাকার জন্য তাঁর উদ্দেশ্যে সাহাবীদের দাঁড়িয়ে যাওয়াকে তিনি অপছন্দ করতেন। অতএব নফস-প্রীতির এই যুগে অনুসরণীয় ব্যক্তিবর্গের পক্ষে হযরত রাসূল সাল্লাল্লাহু আলাইহি ওয়াসাল্লাম-এর এই আদর্শ অনুসরণে তার উদ্দেশ্যে অন্যদের দাঁড়িয়ে যাওয়াকে অপছন্দ করাই নিরাপদ ও পছন্দনীয় পন্থা।

(এর আলোকে) اسلامی تہذیب و تعلیم الدین امداد الفتاویٰ ج ۲/ ۴ - احسن الفتاویٰ ج ۱/ ۱)

মুরব্বী ও গুরুজনের কদমবুছী এবং হাত, কপালে চুমু দেয়া প্রসঙ্গে

কদম বুছী :

* কারও পা ছুয়ে সেই হাতে চুমু দেয়া মাকরুহ। আর যদি পা ছুয়ে সেই হাতে চুমু দেয়া না হয় বরং শুধু চেহারার উপর মর্দন করা হয় তাহলে কোন মুত্তাকী পরহেযগার ও বরকতময় ব্যক্তির পা ছুয়ে এরূপ করার অনুমতি রয়েছে, যদি এরূপ করনেওয়ানো ব্যক্তি সুনাতের পাবন্দ এবং সহীহ আকীদা সম্পন্ন হয়ে থাকে। অন্যথায় এরূপ করা জায়েয হবে না। (امداد الفتاویٰ ج ۲/ ۴)

* কদম বুছী মাঝে মধ্যে ঘটনাক্রমে জায়েয স্থানে করা যেতে পারে, তবে এটাকে নিয়ম বানানো ঠিক নয়। (جوابہ الفقه ج ۱/ ۱)

* শ্বশুর-শাশুড়ী বা গুরুজনের পায়ে হাত দিয়ে সালাম না করলে বে-আদবী হয়- এটা মনগড়া ধারণা। সালাম করলে শুধু মুখে করবে।

* আজমত সম্মানের ভিত্তিতে সরাসরি মুখ দিয়ে বুয়ুর্গ ও আলেম ব্যক্তির পায়ে চুমু দেয়ার অবকাশও রয়েছে, তবে প্রয়োজনের অতিরিক্ত মাথা বুকানো জায়েয নয় এবং এটা নিয়ম বানানোর মত বিষয়ও নয়। (তাই রহম প্রীতির এই যুগে এ থেকে বিরত থাকাই শ্রেয়।) তাছাড়া তাকাবুর (অহংকার) প্রকাশ পায় বিধায় ফোকাহায়ে কেরাম আলেম ও বুয়ুর্গদেরকে এরূপ চুমু (কদম-বুছী) অর্জন করার জন্য পা বাড়িয়ে দিতে নিষেধ করেছেন। (جوابہ الفقه ج ۱/ ۱)

হাতে চুমু দেয়া :

* কোন আলেমের হাতে তাঁর ইল্মের খাতিরে কিংবা কোন ন্যায় পরায়ণ বাদশাহর হাতে তার ন্যায় পরায়ণতার খাতিরে যদি চুমু দেয়া হয়, তবে তাতে কোন দোষ নেই। এ ছাড়া অন্য কারও হাতে বা অন্য কোন উদ্দেশ্যে সাক্ষাতের সময় যে চুমু খাওয়ার রেওয়াজ রয়েছে, শরী'আতে তার অনুমতি নেই। (عين الهداية نقلا عن الغيانية والعالمغيرية) তবে কারও পক্ষেই এরূপ খাহেশ রাখা পছন্দনীয় নয় যে, অন্য কেউ তার হাতে চুমু দিয়ে তাকে সম্মান প্রদর্শন করুক। (أحسن الفتاوى ج ১/ ১)

* কদম বৃহীর ন্যায় হাতে চুমু দেয়াকেও নিয়ম বানানো ঠিক নয়। মাঝে মধ্যে ঘটনাক্রমে করা যেতে পারে। (جواهر الفقه ج ১/ ১)

চেহারা, কপালে ও মাথায় চুমু দেয়া :

* কোন আলেম, বুয়ুর্গ ও পরহেয়গার ব্যক্তিকে সম্মান ও আজমত স্বরূপ তাঁর চেহারা, কপাল ও মাথায় চুমু দেয়া জায়েয আর খাহেশাত বা প্রবৃত্তির তাড়নায় এরূপ করা হলে তা জায়েয নয়।

(عين الهداية نقلا عن القاضيين والعالمغيرية)

* সাক্ষাৎ বা বিদায়ের সময় যদি কেউ কারও গালে বা মুখে চুমু খায় বা স্বামী স্ত্রীর মধ্যে একে অপরকে যে চুমু দেয় তা সর্বাস্থায় জায়েয।

চিঠি-পত্রের সুন্নাত ও আদব সমূহ

* চিঠি-পত্রে প্রেরক ও প্রাপক উভয়ের নাম/পরিচয় উল্লেখ থাকা সুন্নাত।

(مرقاة ج ১/ ৮)

* বিসমিল্লাহ দিয়ে পত্র শুরু করা সুন্নাত।

* চিঠি-পত্রে আসসালামু আলাইকুম ... না লিখে শুধু যদি লেখা হয় “সালাম মাসনুন” কিংবা “সালাম বাদ” তাহলে তা শরী'আত সম্মত সালাম বলে গণ্য হবে না এবং তার জওয়াব দেয়াও ওয়াজিব হবে না। (اسلامی تہذیب)

* পত্রের সালামেরও জওয়াব দেয়া ওয়াজিব। এই জওয়াব পত্রের মাধ্যমে লিখিত ভাবেও হতে পারে কিংবা মুখেও হতে পারে। জবাবী পত্রে “ওয়াআলাইকুমুস সালাম ... লিখলেও জওয়াব হবে, আবার আসসালামু আলাইকুম ... লিখলেও জওয়াব হয়ে যাবে। (ثانی اسلامی تہذیب)

* বিসমিল্লাহ, সালাম ও ভূমিকার পর اما بعد লেখা অর্থাৎ, পর সংবাদ বা অতঃপর কথা হল- এ জাতীয় কোন শব্দ লেখা মোস্তাহাব। (مرقاة ج ১/ ৮)

* প্রেরক তার পূর্ণ ঠিকানা লিখবে, কেননা প্রাপক তার ঠিকানা ভুলে যেতে পারে বা ঠিকানা লেখা কাগজ খুঁজতে তার পেরেশানী হতে পারে।

* নিজের প্রয়োজনে পত্রের উত্তর পাওয়ার দরকার থাকলে ফেরত খাম পাঠিয়ে দেয়া আদব। অনেক সময় খামের মূল্যের জন্য নয় বরং খাম যোগাড়েই পেরেশানী হয়।

* পত্রের ভাষা প্রাপকের জানা ভাষায় হওয়া চাই।

* পত্রের লেখা পরিষ্কার হওয়া চাই। অন্যথায় প্রাপকের পাঠ উদ্ধার করতে গিয়ে কষ্ট হবে এবং এ কষ্ট দেয়ার জন্য পত্র লেখকই দায়ী হবে।

* পত্রের সম্বোধনগুলোর মধ্যে ভারসাম্য থাকা চাই।

* বিয়ারিং পত্র লেখা অনুচিত।

* মুরব্বীদের নিকট একনলেজমেন্ট পত্র প্রেরণ করা বে-আদবী, এতে তার প্রতি অনাস্থা প্রদর্শন করা হয় এই মর্মে যে, তিনি হয়ত এই প্রমাণ না থাকলে ভবিষ্যতে পত্র-প্রাপ্তির বিষয় অস্বীকার করতে পারেন।

* কারও আঁটকানো পত্র প্রাপক ব্যতীত বা তার অনুমতি ব্যতীত অন্যের জন্য দেখা জায়েয নয়, যদি তাতে প্রেরক/প্রাপকের গোপনীয়তা ফাঁস হওয়ার বা প্রেরক কিংবা প্রাপকের ক্ষতি হওয়ার আশংকা থাকে কিংবা অহেতুকই পত্র খুলে দেখা হয়। এরূপ কারণ না থাকলে সেখানে দেখা অনুমতি আছে; যেমন মাতা-পিতা, উস্তাদ, মুরব্বীগণ অনেক সময় ছেলে/মেয়ে, ছাত্র-ছাত্রী বা অধীনস্থের নেগরানীর জন্য করতে পারেন।

মজলিসের সুনাত ও আদব সমূহ

* কোন পাপের মজলিস হলে সেখানে যাবে না। অনন্যোপায় অবস্থায় গেলে কিংবা যাওয়ার পর জানলে বা যাওয়ার পর পাপ কাজ শুরু হলে চলে আসবে। সম্ভব না হলে মনে মনে যিকির আযকারে লিপ্ত হবে- উক্ত পাপ কাজে বা কথায় মনোযোগ দিবে না। এ নিয়ম ঐ সময় প্রযোজ্য, যখন পাপ কথা বা কাজ খাস ঐ মজলিসে হয়। আর যদি পাপ কাজ খাস ঐ মজলিসে না হয়- দূরে হয়, তবুও অনুসরণীয় ব্যক্তির পক্ষে সেখান থেকে চলে আসা উত্তম।

* উত্তম পোশাক পরিধান করে পরিষ্কার-পরিচ্ছন্ন হয়ে মজলিসে গমন করা উত্তম।

* মজলিসে পৌঁছে সালাম করবে, যদি মজলিসের লোকেরা দ্বীনী তা'লীম ও যিকির তিলাওয়াতে লিপ্ত না থাকেন কিংবা এমন কথা ও কাজে লিপ্ত না থাকেন যে সময় সালাম দিলে ব্যাঘাত ঘটবে।

* বয়স, ইল্ম, ও বুয়ুগীতে অগ্রসরদেরকে মজলিসে সামনে বসতে দেয়া সুন্নাত। বয়স এবং ইল্ম- এ দুয়ের মধ্যে ইল্ম অধিক মর্যাদার হকদার। অতএব আলেম নন- এরূপ বয়সী লোকের চেয়ে কম বয়সী অথচ আলেম- তাকেই মজলিসে বসা, পথ চলা, কথা বলা সব ক্ষেত্রে প্রাধান্য দিতে হবে।

* বয়স ও ইল্মে কম- এরূপ লোকেরা মজলিসে বয়স বা ইল্মে বড়দের চেয়ে আগে বেড়ে কথা বলবে না।

* মজলিসে পৌঁছে যেখানেই স্থান হয় সেখানেই বসে যাওয়া। লোকদেরকে ঠেলে মধ্যে বা সামনে গিয়ে বসা কিংবা অপরকে তার স্থান থেকে সরিয়ে সেখানে বসা মাকরুহ। অবশ্য মজলিসের লোকেরা যদি তাকে এরূপ আগে বাড়িয়ে দেয় তাহলে তা মাকরুহ হবে না।

* অনুমতি ব্যতীত দু'জন ব্যক্তিকে বিচ্ছিন্ন করে দিয়ে তাদের মাঝখানে না বসা। কেননা তাদের মধ্যে বিশেষ আন্তরিকতা বা কোন গোপন কথা থাকতে পারে।

* যখন মজলিসে কোন ব্যক্তি আগমন করে এবং তার বসার স্থান সংকুলান না হয়, তখন সেখানে বসা লোকদের উচিত একটু চেপে বসে জায়গা প্রশস্ত করে আগন্তুক ব্যক্তির জন্য স্থান করে দেয়া।

* আগন্তুক ব্যক্তি প্রকৃত সম্মানার্থ্য ব্যক্তি হলে তার সম্মানার্থে কিংবা আগন্তুকের উদ্দেশ্যে না দাঁড়ালে কোন ক্ষতি হওয়ার বা হাজত পূর্ণ না হওয়ার আশংকা থাকে এরূপ প্রয়োজনে দাঁড়ানোর অনুমতি আছে। আগন্তুক স্নেহভাজন ব্যক্তি হলেও স্নেহ প্রদর্শনার্থে দাঁড়ানো যায়।

* কেউ মজলিস থেকে উঠে গেলে এবং পুনরায় তার উক্ত স্থানে ফিরে আসার সম্ভাবনা থাকলে তার স্থানে অন্য কেউ বসবে না।

* ওয়াজ-নছীহত ও বয়ানের মজলিস হলে সকলে খুব মিলে মিশে বসবে।

* মজলিস কেবলামুখী হওয়া উত্তম।

* কোন মজলিসে তিনজন লোক থাকলে একজনকে বাদ দিয়ে অপর দুজনে একান্তে কোন কথা বলবে না, কেননা এতে তৃতীয়জন এই ভেবে মনে ব্যথা পেতে পারে যে, তাকে তাদের কথা শোনার অযোগ্য ভাবা হচ্ছে।

* মজলিসে কারও দিকে পা বাড়িয়ে বসা বে-আদবী।

* কোন মোবারক মাহফিলে যাওয়ার জন্য গোসল করে নেয়া উত্তম।

* মশওয়ারার মজলিস হলে প্রথমে এই দুআ পড়ে নিবে-

اَللّٰهُمَّ اَلِهِيْمَنَا مَرٰشِدًا اُمُوْرِنَا وَاَعِزَّنَا مِنْ شُرُوْرٍ اَنْفُسِنَا وَمِنْ سَيِّئَاتِ اَعْمَالِنَا -

অর্থ : হে আল্লাহ, আমাদের জন্য সঠিক বিষয়টি আমাদের অন্তরে উদিত করে দাও এবং নফসের ধোঁকা হতে ও কুকর্ম হতে আমাদেরকে রক্ষা কর।

* মজলিস শেষে নিম্নোক্ত দুআ পড়ে নিলে উক্ত মজলিসে সংঘটিত পাপ-ক্রটির কাফ্ফারা হয়ে যায়।

سُبْحَانَكَ اَللّٰهُمَّ وَبِحَمْدِكَ اَشْهَدُ اَنْ لَا اِلٰهَ اِلَّا اَنْتَ اَسْتَغْفِرُكَ وَاَتُوْبُ اِلَيْكَ -

(মাখুজুদা আদাবুল কাশরত, ইসলামী তহذীব, তালিমুদ্দিন ও গিরে)

কথা বলার সুন্নাত, আদব ও নিয়ম কানুন

* কথা কম বলা উত্তম।

* যা বলবে সত্য বলা ওয়াজিব, মিথ্যা বলা হারাম।^১

* সাধারণভাবে আস্তে কথা বলাই উত্তম। তবে বড় মজলিসের প্রয়োজনে প্রয়োজন অনুপাতে জোরে কথা বলতে হবে। প্রয়োজনের অতিরিক্ত জোরে বলা ভাল নয়।

* নিজের চেয়ে অধিক বয়স এবং অধিক ইল্ম সম্পন্ন লোকদেরকে কথা বলতে অগ্রাধিকার দেয়া আদব।

* আলেম ও জ্ঞানী ব্যক্তির পক্ষে মূর্খদের ভঙ্গিতে কথা না বলা উচিত।

১. সর্বমোট চার ক্ষেত্রে মিথ্যা বলা জায়েয এবং এক ক্ষেত্রে ওয়াজিব। যেসব ক্ষেত্রে মিথ্যা বলা জায়েয তা হল- (১) যুদ্ধ ক্ষেত্রে যুদ্ধের কৌশল হিসেবে। (২) দুজন বিবদমান লোকের মধ্যে ঝগড়া, শত্রুতা ও বিরোধ নিষ্পত্তির জন্য। (৩) স্বামী তার স্ত্রীকে সন্তুষ্ট করার জন্য। (৪) নিজের প্রকৃত হক উদ্ধারের জন্য কিংবা নিজের অথবা অপরের বড় ধরনের ক্ষতি ঠেকানোর জন্যেও মিথ্যা বলার অনুমতি রয়েছে। এ নীতির অধীনেই চোর ডাকাতের কাছে নিজের টাকা-পয়সা ও মালের কথা অস্বীকার করা যায়, অন্য ভাইয়ের গুণ্ডা ভেদ কেউ জানতে চাইলে তা অস্বীকার করা যায়। আর যে ক্ষেত্রে মিথ্যা বলা ওয়াজিব তা হল- সত্য বললে খুব মারাত্মক ক্ষতি হওয়ার সম্ভাবনা দেখা দিলে এবং মিথ্যা বলা দ্বারা সে ক্ষতি থেকে রক্ষা পাওয়ার সম্ভাবনা বোধ হলে সেরূপ ক্ষেত্রে মিথ্যা বলা ওয়াজিব হয়ে যায়। তাই কোন ক্ষেত্রে সত্য বলা দ্বারা অন্যায়ভাবে নিজের বা অন্যের জীবন হানির সম্ভাবনা দেখা দিলে সে ক্ষেত্রে মিথ্যা বলে জীবন রক্ষা করা সম্ভব হলে তা করা ওয়াজিব। (مَجْمَعُ الْفَتَاوَى) ১

* বানাওটি করে কথা না বলা ।

* কথার মধ্যে ছন্দ সৃষ্টির কসরৎ করা অন্যায় ।

* তাহকীক-তদন্ত ব্যতীত কথা বলা অন্যায় । যে কোন কথা শুনেই তাহকীক-তদন্ত ব্যতীত তা বর্ণনা করা মিথ্যার শামিল । তবে নির্ভরযোগ্য ব্যক্তি বা নির্ভরযোগ্য কিতাব থেকে কিছু জানলে তা তাহকীক ছাড়াই বলা যায় ।

* ঝগড়া এবং তর্ক সৃষ্টিকারী কথা বলা অন্যায় ।

* মিথ্যা কছম না খাওয়া উচিত । মিথ্যা কছম করা কবীরা গোনাহ ।

* সত্য হলেও আল্লাহ ব্যতীত অন্য কিছুর কছম করা নিষেধ । যেমন পিতা-মাতার কছম, কারও জীবনের কছম, কা'বার কছম ইত্যাদি ।

* গীবত করা নিষেধ । এ সম্পর্কে বিস্তারিত জানার দেখুন ৬০৬ পৃষ্ঠা ।

* চোগলখুরী করা নিষেধ । এ সম্পর্কে বিস্তারিত জানার জন্য দেখুন ৬০৭ পৃষ্ঠা ।

* নিজের পক্ষ থেকে ভবিষ্যতের ব্যাপারে কোন খবর বা প্রতিশ্রুতিমূলক কথা বললে “ইনশাআল্লাহ” বলবে ।

* বড় লোদেরকে সম্মানজনক সম্বোধন পূর্বক কথা বলা আদব ।

* বড়দের আদব রক্ষা করে কথা বলা আদব ।

* কথার ভাষা হিসেবে আরবী ভাষাকে পছন্দ করবে ।

* গালি গালাজ করা হারাম ।

* অশ্লীল কথা বলা নিষেধ । এটা গোনাহে কবীরা ।

* আল্লাহর কোন সৃষ্টিকে লা'নত করা পাপ ।

* কাউকে লা'নত করে ফেললে তার জন্য কল্যাণের দু'আ সম্বলিত নিম্নোক্ত দু'আ পড়বে-

اللَّهُمَّ اجْعَلْهَا لَهُ قُرْبَةً وَرَحْمَةً - (شرعة الاسلام)

অর্থঃ হে আল্লাহ, এটাকে তুমি তার জন্য নৈকট্য ও রহমতের ওহীলা বানাও ।

* কারও উপর অপবাদ না লাগানো । এটা মহাপাপ ।

* কাউকে কাস্ফের, ফাসেক, মালউন, আল্লাহর দুশমন, বেঈমান ইত্যাদি বলে সম্বোধন করা নিষেধ ।

* নিজের ভাঙ্গা ভাঙ্গা অভিজ্ঞতার কথা বলবে না, এতে শ্রোতাদের মনে বিরক্তির উদ্রেক হয় ।

* আত্মপ্রশংসা না করা । এটা গোনাহ ।

* কোন ফাসেক বা পাপীর প্রশংসা না করা। এটা গোনাহ।

* যার মধ্যে অহংকার দেখা দেয়ার সম্ভাবনা আছে এরূপ ব্যক্তির সম্মুখে তার প্রশংসা না করা।

* অতিরিক্ত ঠাট্টা মজাক না করা। এতে প্রভাব, লজ্জা-শরম ও পরহেজগারী হ্রাস পায়।

* যে শব্দ বা যে ভাষা বাতিলপন্থীরা খারাপ উদ্দেশ্যে এবং খারাপ অর্থে ব্যবহার করে থাকে সেটা পরিহার করা কর্তব্য।

* যে শব্দটা ভাল-মন্দ উভয় অর্থে ব্যবহৃত হয়ে থাকে, এরূপ শব্দকে ভাল অর্থেও ব্যবহার না করা উচিত।

* চিন্তা করে কথা বলবে।

* কথা এত সংক্ষেপ করবে না যাতে বক্তব্য অস্পষ্ট থাকে, আবার এত দীর্ঘ করবে না যাতে বিরক্তি সৃষ্টি হয়।

* চাটুকারিতামূলক কথা বলবে না।

* কোন প্রয়োজনের কথা কারও নিকট পূর্বে বলে থাকলে আবার সেটা পুনরাবৃত্তি করার ক্ষেত্রে পূর্ণ কথা বলবে। শুধু ইংগিত করাই যথেষ্ট নয়। কারণ হতে পারে তিনি পূর্বের কথা ভুলে গিয়ে থাকবেন এবং এখন পূর্ণ কথা না হওয়ায় বিভ্রান্তির শিকার হবেন।

* কারও বক্তব্য শেষ হওয়ার পূর্বেই তার কথা কেটে মাঝখানে কথা না বলা আদব। দু'জনে কথা বলতে থাকলে তাদের সম্মতি ব্যতীত তাদের কথায় ফোঁড়ন কাটবে না।

* শ্রোতাদের ধারণ ক্ষমতা লক্ষ্য রেখে কথা বলা; যে কথা তাদের বুঝে আসার মত নয়- এরূপ কথা না বলা।

* নিজের কথায় ভুল হলে সেটা স্বীকার করে নেয়া, অপব্যাখ্যায় না যাওয়া।

আমর বিল মা'রুফ ও নাহী আনিল মুনকার তথা দাওয়াত, তাবলীগ এবং ওয়াজ-নছীহত ও বয়ান করার সুনাত, আদব ও শর্ত সমূহ

* আমল বিল মা'রুফ ও নাহী আনিল মুনকার তথা দাওয়াত প্রদান এবং ওয়াজ-নছীহত ও বয়ান করার পূর্বে নিয়ত সহীহ করে নিবে অর্থাৎ, এ'লায়ে কালিমা তুল্লাহ বা আল্লাহর হুকুম আহকাম চালু করার, আল্লাহর দ্বীন যিন্দা করার এবং ছওয়াব হাছিল করার নিয়তে করবে।

* আল্লাহর কথা এবং হক কথা বলার কারণে যে অসুবিধা দেখা দিতে পারে তার উপর ধৈর্য ধারণের জন্য মনকে প্রস্তুত করে নিবে।

* শ্রোতাদেরকে তাদের কাজ থেকে এবং কথা-বার্তা থেকে ফারোগ করে নিবে।

* আউযু বিল্লাহ, বিসমিল্লাহ পড়ে নিবে।

* ওয়াজ-নছীহত ও বয়ানের পূর্বে আল্লাহর হাম্দ ও দুরুদ শরীফ পড়ে নিবে। তবে ওয়াজের মজলিসে সকলের সম্মিলিত ভাবে সমন্বরে দুরুদ শরীফ পাঠ করাটা রহমে পরিণত হয়েছে, তাই এটা পরিত্যজ্য।

* যে বিষয় বিগুন্ধভাবে জানা আছে একমাত্র সেটাই বলবে। নির্ভরযোগ্য ব্যক্তি বা নির্ভরযোগ্য কিতাব থেকে যেটা জানা হয়নি, তাহকীক ছাড়া সেটা বর্ণনা করা মিথ্যা বয়ান করার শামিল।

* হেকমত, যুক্তি ও বুদ্ধিমত্তার সাথে কথা বলা জরুরী।

* নরমীর সাথে কলা বলা কঠোরতা পরিহার করা। মোস্তাহাব পর্যায়ের বিষয় হলে সর্বদাই নরমীর সাথে বলা, আর ওয়াজিব ও ফরয পর্যায়ের বিষয় হলে প্রথমে নরমীর সাথে তারপর কঠোরতার সাথে বলবে।

* অন্যকে যে বিষয়ের দাওয়াত ও নছীহত প্রদান করবে, প্রথমে নিজে সেটার উপর আমল শুরু করতে পারলে উত্তম। অন্যথায় মানুষের মনে তার দাওয়াত ও নছীহতের আছর কম হবে।

* এত ঘন ঘন বা এত দীর্ঘ সময় ওয়াজ-নছীহত না করা, যাতে শ্রোতাদের মনে বিরক্তির উদ্বেক হয়।

* শ্রোতাদের ধারণ ক্ষমতা লক্ষ্য রেখে কথা বলা জরুরী।

* তারগীব (উৎসাহমূলক কথা), তারহীব (ভয় ও সতর্কতামূলক কথা), ফাযায়েল ও আহকাম সব বিষয়ের সমন্বয়ে বয়ান করা। এমনিভাবে ঈমান ও ইবাদতের বিষয়ের সাথে ইসলামের মু'আমালাত, মুআ'শারাত এবং আখলাক-চরিত্র সম্পর্কেও বয়ান রাখা জরুরী।

* শ্রোতাদের মন-মেজাজ লক্ষ্য রেখে কথা বলা জরুরী।

* যে বিষয় শ্রোতাদের জন্য বেশী প্রয়োজনীয় সে বিষয়ের বয়ানকে অগ্রাধিকার দেয়া জরুরী।

* দাওয়াত ও নছীহতের বিনিময়ে পার্থিব বিনিময় গ্রহণ না করা নবীগণের সুন্নাত।

* শ্রোতাদের খায়ের খাহীর জয্বা নিয়ে দাওয়াত দিবে ও বয়ান করবে।

* পরকালমুখী করে বয়ান করা অর্থাৎ, মুখ্যতঃ আল্লাহ্‌র হুকুম ও দীন মানা না মানার পরকালীন লাভ ক্ষতিকে তুলে ধরেই বয়ান করা। কখনও কখনও পার্থিব লাভ-লোকসানকেও গৌণভাবে উল্লেখ করা যায়।

* দ্বীনকে সহজভাবে পেশ করা নিয়ম, যেন শ্রোতারা দ্বীনকে কঠিন মনে করে না বসে।

* পর্যায়ক্রমে জরুরী হুকুম-আহকামের চাপ দেয়া, যাতে এক সঙ্গে অনেকগুলো বিষয়ের চাপ মনে করে শ্রোতাগণ বিগড়ে না যায়।

* দোষ-ত্রুটির নেছবত নিজের দিকে করা, যেমন বলা যে, আমরা কেন ইবাদত করব না? আমরা এই পাপ পরিত্যাগ করি ইত্যাদি। এরূপ না বলা যে, আপনারা কেন ইবাদত করেন না? আপনারা এই পাপ পরিহার করুন ইত্যাদি।

* দায়ী (দাওয়াত দানকারী) নিজের অবস্থানকে পরিষ্কার রাখবে। এমন কোন কাজ করবে না যা প্রকৃতপক্ষে তার জন্য বৈধ হলেও বাহ্যিকভাবে সেটা দেখে তার ব্যাপারে কেউ সন্দেহান হয়ে পড়তে পারে। অন্যায়ভাবে তার উপর কোন অপবাদ আরোপিত হলে সমাজের সামনে সে তার সঠিক অবস্থান ব্যাখ্যা করে দিবে।

* বয়ান এবং ওয়াজের মধ্যে কোন নির্দিষ্ট ব্যক্তিকে উদ্দেশ্য করে নছীহত না করা। এতে উক্ত ব্যক্তি লজ্জিত হয়ে বক্তার প্রতি মনে মনে ক্ষীণ হয়ে উঠতে পারে এবং হিতে বিপরীত হতে পারে।

(مفاتيح الجنان ودعوت کے قرآنی اصول) اصلاح انقلاب امت، معارف القرآن، شرح السلام، مفتاح الجنان ودعوت کے قرآنی اصول থেকে গৃহীত।)

কথা শ্রবণ করার আদব তরীকা

* কথা পূর্ণ মনোযোগ সহকারে শুনতে হবে। কোন কথা বোধগম্য না হলে জিজ্ঞেস করার পরিবেশ থাকলে বক্তার নিকট জিজ্ঞেস করে ভালভাবে বুঝে নিতে হবে।

* দ্বীনী কথা-বার্তা আমলের এবং হেদায়েতের নিয়তে শুনতে হবে।

* কেউ আড়াল থেকে ডাকলে তার ডাকে সাড়া দিতে হবে। শুধু নীরবে তার আহ্বানে চলে আসা যথেষ্ট নয়।

* কেউ কোন কাজের কথা বললে হ্যাঁ বা না স্পষ্ট উত্তর দিতে হবে, যেন বক্তা নিশ্চিত হতে পারে। ডাকে সাড়া না দিয়ে শুধু নীরবে কাজ সম্পন্ন করে দেয়াই যথেষ্ট নয়।

* উস্তাদের কথা বুঝে না আসলে (উস্তাদের ক্রটি নয় বরং) নিজের বোধ ক্ষমতা বা মনোযোগের ক্রটি আছে মনে করতে হবে।

* উস্তাদের কথা, এমনি ভাবে শিক্ষার উদ্দেশ্যে কেউ কোন কথা বললে কথা শেষ না হওয়া পর্যন্ত সেখান থেকে সরে যাওয়া বে-আদবী।

* উস্তাদের দোষ-ক্রটি কাউকে বলতে শুনলে যথাসম্ভব সেটা প্রতিহত করবে। আর সম্ভব না হলে সেখান থেকে সরে যাবে।

* গান-বাদ্য, পর নারীর আওয়াজ বা পর পুরুষের আওয়াজ ইত্যাদি অবৈধ শব্দ কানে এলে সে দিকে মনোযোগ না দেয়া।

* কোন মজলিসে কথা চলতে থাকলে সেদিকেই মনোযোগ নিবদ্ধ করতে হবে- অন্য কারও সাথে কথা বলা বে-তমীজী।

* মুরব্বী বা উস্তাদ কোন কথা বলার পর বুঝে এসেছে কি না জিজ্ঞেস করলে স্পষ্টভাবে হ্যাঁ বা না বলা উচিত, নীরব থাকা ঠিক নয়; এতে উস্তাদ বা মুরব্বীর পেরেশানী হয়। মুরব্বীদের কথার জওয়াব না দেয়া বে-আদবী।

* ওয়াজ-নছীহতের কথা হলে কথা শোনার পূর্বেই ওয়াজকারী ব্যক্তি নির্ভরযোগ্য এবং সহীহ মায়হাবের লোক কি-না তা কোন হক্কানী আলেম থেকে জেনে নিয়ে তারপর তার ওয়াজ শোনা উচিত। এই সতর্কতা অবলম্বনের পরও কোন ওয়ায়েজের কোন কথা অস্পষ্ট বা সন্দেহমূলক মনে হলে কোন বিজ্ঞ হক্কানী আলেম থেকে সে সম্পর্কে ভালভাবে জেনে না নিয়ে তাতে আস্থা স্থাপন করা বা তার উপর আমল করা ঠিক হবে না।

(১। آداب العاشر، صلاح الطلاب، مفاتيح الجنان)

তর্ক-বিতর্কের ক্ষেত্রে করণীয়

তর্ক-বিতর্ক দুই ধরনের হয়ে থাকে (এক) পারস্পরিক কথা-বার্তার সময় ঘটনাক্রমে লেগে যাওয়া তর্ক-বিতর্ক। (দুই) দ্বীনী দাওয়াতের কাজে যে বাহাছ মোবাহাছা বা তর্ক-বিতর্ক হয়ে থাকে। উভয় প্রকার তর্ক-বিতর্কের সময় যে নিয়ম নীতিগুলো মেনে চলা আবশ্যিক তা হল :

১. কথা-বার্তায় নম্রতা ও কমণীয়তা অবলম্বন করা।

২. রাগ হয়ে কোন কটু কথা না বলা।

৩. এমন যুক্তি প্রমাণ পেশ করা, যা প্রতিপক্ষ বুঝতে সক্ষম হয়।

৪. বহুল প্রচলিত, প্রসিদ্ধ ও সুবিদিত ব্যাখ্যাবলীর মাধ্যমে প্রমাণ দেয়া, যাতে প্রতিপক্ষের সন্দেহ দূরীভূত হয় এবং সে হটকারিতার পথ পরিহার করে।

৫. প্রতিপক্ষ হক কথা মানে না, বা বুঝে না, কিংবা বুঝতে চায় না- একরূপ হলে নিজেই চূপ হয়ে যাওয়া নিয়ম।
৬. ভুল সমর্থনের জন্য দলীল প্রমাণ পেশ না করা।
৭. নিজের কথার মধ্যে কোন ভুল বুঝে আসলে তৎক্ষণাৎ তা স্বীকার করে নেয়া উচিত। ভুল স্বীকার না করা গুরুতর অপরাধ।

(ماخوذ از معارف القرآن وعلوم الدين)

হাসি-ফুর্তি ও রসিকতা সম্পর্কে বিধি-বিধান

* শরী'আতের সীমানা লংঘন করে হাসি-ঠাট্টা করলে অন্তর শক্ত হয়ে যায়, গাঙ্গীর্ষ হ্রাস পায়, আল্লাহর যিকির ও গুরুত্বপূর্ণ কাজ থেকে গাফলত পয়দা হয় এবং লজ্জা-শরম ও পরহেয়গারী কমে যায়।

* কোন শোকাভূত বা বিপদগ্রস্তের দিল খোশ করার জন্য হাসি-ফুর্তির কথা বলা জায়েয বরং উত্তম। এমনিভাবে দ্বীনের কাজ ও ইবাদতের জন্য মনকে সতেজ করার উদ্দেশ্যে এবং মনবিক অবসাদ দূর করার জন্য হাসি-ফুর্তি ও রসিকতা করা হলে তাও উত্তম।

* হাসি-ঠাট্টা ও রসিকতা করার সময় নিম্নোক্ত বিষয়াবলী লক্ষ্য রাখতে হবে:

ক. যেন মিথ্যা না হয়।

খ. যেন কারও মনে বা ইজ্জতে আঘাত না লাগে।

গ. যেন অতিরিক্ত না হয়।

ঘ. যেন সারাক্ষণ যেন এতে লেগে থাকা না হয়। এ শর্তগুলো না পাওয়া গেলে তখনই সে হাসি-ঠাট্টা শরী'আতের সীমানা লংঘন করেছে বলে আখ্যায়িত হবে।

প্রশংসা বিষয়ক বিধি-বিধান

* কারও সম্মুখে তার প্রশংসা করা নিষেধ। এতে তার মধ্যে অহংকার বা আত্মস্তুতি সৃষ্টি হতে পারে। তবে কেউ যদি অহংকার বা আত্মস্তুতির শিকার হবে না বলে বোঝা যায়, তাহলে তার উৎসাহ বৃদ্ধি এবং গুণাগুণের স্বীকৃতি স্বরূপ তার কিছুটা প্রশংসা তার সম্মুখেও করে দেয়া যেতে পারে।

* কারও প্রশংসা করতে হলে তিনটি বিষয়ের প্রতি লক্ষ্য রাখতে হবে।

১. গুণ যতটুকু তার থেকে বাড়িয়ে বলা যাবে না। অর্থাৎ, প্রশংসার ক্ষেত্রে অতিরঞ্জন করা যাবে না।

২. যে বিষয় নিশ্চিত করে জানা নেই তা নিশ্চিত করে বলা যাবে না। যেমন একরূপ বলা যাবে না যে, অমুক নিশ্চিত আল্লাহর অলী। কারণ, কে আল্লাহর অলী তা নিশ্চিত করে কেউ বলতে পারে না। তবে হ্যাঁ, এভাবে বলা যাবে যে, আমার জানা মতে তিনি আল্লাহর অলী, বা আমি তাকে আল্লাহর অলী মনে করি, ইত্যাদি ইত্যাদি।

৩. প্রকৃত প্রস্তাবে সে যেমন, মুখে তার অন্যরকম বলা যাবে না।

* কোন ফাসেক বে-দ্বীনের প্রশংসা করা নিষেধ। তবে প্রকৃত যোগ্যতার স্বীকৃতি দেয়া ভিন্ন কথা।

* আত্মপ্রশংসা করা নিষেধ অর্থাৎ, নিজের প্রশংসা নিজে করা নিষেধ। এটা গোনাহে কবীরা।

হাঁচি সম্পর্কিত বিধি-বিধান

* হাঁচি আসলে **اَلْحَمْدُ لِلّٰهِ** (আলহামদু লিল্লাহ) পড়ে আল্লাহর শোকর আদায় করবে।

* যে উক্ত **اَلْحَمْدُ لِلّٰهِ** শুনবে তার জন্য **يَرْحَمُكَ اللّٰهُ** (ইয়ারহামুকাল্লাহ) বলে জওয়াব দেয়া সুন্নাত। এবং হাঁচি দাতা এর জওয়াবে বলবে-

يَهْدِيْكُمْ اللّٰهُ وَيُصْلِحْ بِاَلْكُم -

অর্থঃ আল্লাহ তোমাদেরকে হেদায়েত করেন এবং তোমাদের অবস্থাকে সংশোধন করে দেন।

* যখন শ্রোতা ব্যস্ততার মধ্যে বা কোন লিপ্ততার মধ্যে থাকবে, তখন হাঁচি দাতার জন্য **اَلْحَمْدُ لِلّٰهِ** আস্তে বলা উত্তম, যাতে **يَرْحَمُكَ اللّٰهُ** বলে জওয়াব দিতে গিয়ে শ্রোতার ব্যাঘাত না ঘটে।

* হাঁচি দেয়ার সময় আদব হল হাত বা কাপড় দ্বারা মুখ বন্ধ করে রাখবে, যাতে শব্দ কম হয় এবং মুখ ও নাকের ময়লা কারও গায়ে ছুটে গিয়ে না লাগে।

* বার বার হাঁচি দিলে বার বার **يَرْحَمُكَ اللّٰهُ** বলার দরকার নেই, বুঝতে হবে যে তার সর্দি হয়েছে বা হবে।

১. অর্থঃ সমস্ত প্রশংসা আল্লাহর জন্য। ॥

২. অর্থঃ আল্লাহ তোমাকে রহমত দান করুন। ॥

হাই সম্পর্কিত বিধি-বিধান

* হাই আসলে যথাসাধ্য তা ঠেকাতে চেষ্টা করবে। যদি একান্ত না পারা যায় তাহলে মুখ ঢেকে নিবে।

* হাই আসলে হাত দিয়ে মুখ ঢাকার নিয়ম হল- বাম হাতের পিঠ মুখের সাথে আর পেট অপর দিকে থাকবে। নামাযে এবং নামাযের বাইরে সব স্থানেই একই হুকুম, তবে নামাযে হাত বাঁধা অবস্থায় থাকলে ডান হাতের পিঠ মুখের দিকে আর পেট বাইরের দিকে রেখে মুখ ঢাকবে।

* হাই আসলে হা হা করে জোরে শব্দ করবে না।

* হাই আসলে পড়বে- لَا حَوْلَ وَلَا قُوَّةَ إِلَّا بِاللَّهِ

পান করার সুন্নাত ও আদব সমূহ

১. বসে পান করা সুন্নাত।

২. ডান হাতে পান করা সুন্নাত।

৩. পাত্রের ডান্মা স্থানে মুখ লাগিয়ে পান না করা আদব।

৪. তিন শ্বাসে পান করা সুন্নাত।

৫. পানির পাত্রের মধ্যে শ্বাস না ছাড়া এবং ফুঁক না দেয়া। (তিরমিযী)

৬. শুরুতে বিসমিল্লাহ এবং শেষে আলহামদু লিল্লাহ বলা সুন্নাত।

৭. অন্য মুসলমান ভাইয়ের বিশেষভাবে পরহেযগার ও বুয়ুর্গদের পান করার পর থেকে যাওয়া অবশিষ্ট পানি বরকত মনে করে পান করা।

৮. পানি পান শেষে এই দুআ পড়বে-

الْحَمْدُ لِلَّهِ الَّذِي جَعَلَهُ عَذْبًا فَرَاتًا وَلَمْ يَجْعَلْهُ مَلْحًا أَحَاَجًا - (شرعة الاسلام)

অর্থঃ সমস্ত প্রশংসা আল্লাহর জন্য, যিনি এটাকে বানিয়েছেন সুমিষ্ট ও সুপেয় এবং এটাকে বানাননি লবণাক্ত ও বিষাদ।

৯. দুধ, চা, কফি, মাঠা পান করার সময় নিম্নোক্ত দুআ পড়বে।

اللَّهُمَّ بَارِكْ لَنَا فِيهِ وَزِدْنَا مِنْهُ - (رواه الترمذی وقال حديث حسن)

অর্থঃ হে আল্লাহ, আমাদের জন্য এতে বরকত দাও এবং আমাদেরকে এটা আরও বেশী করে দাও।

১০. যমযমের পানি কেবলামুখী হয়ে পান করা মোস্তাহাব। এ পানি দাঁড়িয়ে বসে উভয় ভাবে পান করা যায়। (১৭১)

১১. যমযমের পানি পান করার সময় নিম্নোক্ত দুআ পড়বে।

اللَّهُمَّ إِنِّي أَسْأَلُكَ عِلْمًا نَافِعًا وَرِزْقًا وَاسِعًا وَشِفَاءً مِنْ كُلِّ دَاءٍ -

অর্থঃ হে আল্লাহ, আমি তোমার নিকট চাই উপকারী ইল্ম প্রচুর রিযিক এবং সব রোগ-ব্যাধি থেকে শেফা। (মুস্তাদরকে হাকিম)

১২. পান করার পর অন্যকে দিতে হলে আদব হল ডান পাশের জনকে অগ্রাধিকার দেয়া। তার অনুমতি সাপেক্ষে বাম পাশের জনকেও দেয়া যায়।

১৩. যে পাত্রের ভিতর দেখা যায় না বা যে পাত্র থেকে এক সঙ্গে অনেক পানি পড়ার সম্ভাবনা- এরূপ পাত্রে মুখ লাগিয়ে পান না করা আদব।

১৪. যিনি পান করাবেন তিনি সর্বশেষে পান করবেন।

খাওয়ার সুন্নাত ও আদব সমূহ

১. খাওয়ার পূর্বে জুতা খুলে নেয়া আদব।

২. উভয় হাত কবজি পর্যন্ত ধৌত করা সুন্নাত।

৩. কুলি করা সুন্নাত, যদি প্রয়োজন হয়। (সলাই হুজিব)

৪. খানা সামনে আসলে এই দুআ পড়বে।

اللَّهُمَّ بَارِكْ لَنَا فِيْمَا رَزَقْتَنَا وَقِنَا عَذَابَ النَّارِ - (কتاب الاذكار)

অর্থঃ হে আল্লাহ, তুমি আমাদেরকে যে রিযিক দান করেছ তাতে আমাদেরকে বরকত দাও এবং জাহান্নামের আগুন থেকে আমাদেরকে রক্ষা কর।

৫. বিনয়ের সাথে, বিনয়ের ভঙ্গিতে বসা' আদব।

১. এক হাদীছ থেকে জানা যায় যে, রাসূল সাল্লাল্লাহু আলাইহি ওয়াসাল্লাম ডান পায়ের হাঁটু গেড়ে অন্য পায়ের পেট মাটিতে রেখে (খাড়া করে) বসতেন। (মরফা ৮/১) অন্য এক হাদীছে উভয় হাঁটু খাড়া রেখে নিতম মাটিতে লাগিয়ে বসার কথা বর্ণিত হয়েছে। (মুসলিম ৮/১) উপরোক্ত দুটি পদ্ধতি ছাড়াও উলামায়ে কেরাম খাওয়ার সময় বসার আদবের মধ্যে আরও দুই প্রকার বসার কথা উল্লেখ করেছেন।

ক. উভয় হাঁটু গেড়ে এবং উভয় কদমের পিঠ মাটিতে রেখে বসা।

খ. ডান পা খাড়া রেখে বাম পায়ের উপর বসা। (মুসলিম ৮/১) এই সবগুলো বর্ণনার সার কথা হল বিনয়ের ভঙ্গিতে বসা। আসন গেড়ে বসা বেশী খাওয়ার নিয়তে বা তাকাক্বুরের জন্যে হলে মাকরুহ, অন্যথায় জায়েয। ৥

৬. সামনের দিকে ঝুঁকে নত হয়ে বসা।

৭. দস্তর খানা বিছানো সুন্নাত।

৮. জমীনের উপর বসা^১ এবং বসার বরাবর খাদ্যের বরতন রাখা।

৯. হেলান দিয়ে না খাওয়া (এমনকি হাতে ভর করেও না)।

১০. খাওয়ার শুরুতে ^২بِسْمِ اللَّهِ وَعَلَىٰ بَرَكَاتِهِ اللَّهُ (বিসমিল্লাহি ওয়ালা বারাকাতিল্লাহ) পড়া সুন্নাত এবং এটি জোরে পড়া মোস্তাহাব, যাতে অন্যরাও শুনতে পারে। (তকমিলে জ/৩) শুরুতে পড়তে ভুলে গেলে এবং খাওয়ার মাঝে স্মরণ হলে পড়বে ^৩بِسْمِ اللَّهِ أَوْلَهُ وَالْآخِرَةُ (বিসমিল্লাহি আওয়ালাহু ওয়া আখিরাহু)। (ترمذی)

১১. ডান হাতে খাওয়া সুন্নাত। প্রয়োজনে বাম হাতের সহযোগিতা নেয়া যায়।

১২. নিজের শরীরের ইছলাহ এবং আল্লাহর নির্দেশ পালনের নিয়তে খেতে হবে।

১৩. তিন আঙ্গুলের (বৃদ্ধ, তর্জানী ও মধ্যমা) দ্বারা খাওয়া সুন্নাত। প্রয়োজনে তিনের অধিকও ব্যবহার করা যেতে পারে।

১৪. এক পদের খানা হলে নিজের সম্মুখ থেকে খাওয়া- অন্যের সম্মুখ থেকে না নেয়া।

১৫. প্রথমেই খানা দিয়েই আরম্ভ করবে। কেউ কেউ নেমক (লবণ) দ্বারা খানা শুরু এবং শেষ করাকে সুন্নাত বলেছেন, কিন্তু যে হাদীছের ভিত্তিতে তা বলা হয়েছে সে হাদীছটি মাওযু' বা ভিত্তিহীন। (امداد الفتاوى ج/৩)

১৬. প্রথমে পাত্রের মাঝখান থেকে খানা নিবে না বরং পাশ থেকে নিতে থাকবে, কেননা মাঝখানে বরকত নাযিল হয়।

১৭. খেজুর বা এ জাতীয় খাদ্য যেমন বিস্কুট মিষ্টান্ন একটা একটা করে খাওয়া, এক সঙ্গে একাধিক সংখ্যক করে না খাওয়া।

১৮. এক লোকমা গলাধকরণ করার পূর্বে আরেক লোকমা না উঠানো। এতে লোভ প্রকাশ পায়।

১. বর্তমান যুগে চেয়ার টেবিলে খাওয়ার ব্যাপক প্রচলন ঘটায় এতে تشبه بالكفار বা বিধর্মীদের বৈশিষ্ট্যের অনুকরণের বিষয়টি আর অবশিষ্ট থাকেনি। এই দৃষ্টিকোণ থেকে চেয়ার-টেবিলে খাওয়া নিষিদ্ধ না হলেও যেহেতু চেয়ার টেবিলে খাওয়াতে অনেকগুলো সুন্নাত ও আদব বর্জিত হয়, অতএব তা পরিত্যাজ্য ॥

২. অর্থাৎ, আল্লাহর নামে আল্লাহর বরকতের উপর খাওয়া শুরু করছি। ॥

৩. অর্থাৎ, আমি এর প্রথমে ও শেষে আল্লাহর নাম নিলাম। ॥

১৯. খুব গরম খাবার না খাওয়া।

২০. গরম খাদ্য/পানীয় ফুঁক দিয়ে ঠান্ডা না করা।

(مفاتيح الجنان نقلا عن العوارف)

২১. খাদ্য দ্রব্য পড়ে গেলে তা উঠিয়ে (প্রয়োজনে পরিষ্কার করে) খাওয়া সুন্নাত।

২২. খাদ্য দ্রব্যের মধ্যে কোন দোষক্রটি না লাগানো উচিত। উল্লেখ্য যে, রান্নার দোষ বলা খাদ্য দ্রব্যের দোষ বলার অন্তর্ভুক্ত নয়।

২৩. খাওয়ার সময় এমন সব কথা বা আচরণ থেকে বিরত থাকা উচিত, যাতে অন্যের মনে ভয় বা ঘৃণার উদ্বেক হতে পারে। (شرح شرعة الاسلام)

২৪. খাওয়ার মাঝে অন্য কোন কাজ না করাই খাওয়ার আদব।

২৫. পেটে কিছু ক্ষুধা থাকা অবস্থায়ই খানা শেষ করা উত্তম।

২৬. খাবারের বর্তন, পেয়ালা ইত্যাদি ছাফ করে খাওয়া এবং আঙ্গুল সমূহ ভাল করে চেটে খাওয়া সুন্নাত। আঙ্গুল চাটার সুন্নাত তারতীব হল- প্রথমে মধ্যমা, তারপর তর্জনী, তারপর বৃদ্ধা। আর খাওয়ার মধ্যে পাঁচ আঙ্গুল ব্যবহৃত হলে তারপর অনামিকা, তারপর কনিষ্ঠা। (২/ نکملة ج ৪ نقلا عن مجمع الزوائد ج ২)

২৭. খানা শেষ হলে এই দুআ পড়বে-

الْحَمْدُ لِلَّهِ الَّذِي أَطْعَمَنَا وَسَقَانَا وَجَعَلَنَا مُسْلِمِينَ - (سنن اربعة)

অর্থঃ সমস্ত প্রশংসা আল্লাহর জন্য যিনি আমাদেরকে খাওয়ালেন, পান করালেন এবং মুসলমানদের অন্তর্ভুক্ত করেছেন।

২৮. দস্তরখানা উঠানোর পূর্বে সকলে উঠে যাবে না। এটাই আদব।

২৯. দস্তরখানা উঠানোর দুআ-

الْحَمْدُ لِلَّهِ حَمْدًا كَثِيرًا طَيِّبًا مُبَارَكًا فِيهِ غَيْرَ مَكْفِيٍّ وَلَا مُوَدِّعٍ وَلَا مُسْتَغْنَى عَنْهُ رَبَّنَا - (رواه الترمذی وقال حديث حسن صحيح)

অর্থঃ আল্লাহর জন্য সমস্ত প্রশংসা; এমন প্রশংসা যা অশেষ, পবিত্র ও বরকতময়। হে আমার প্রভু! এই খাবারকে অপ্রচুর মনে করে বা চিরদিনের জন্য বিদায় দিয়ে বা এর প্রতি বিমুখ হয়ে উঠলাম না।

৩০. খাওয়ার শেষে উভয় হাত কব্জিসহ ধৌত করা সুন্নাত। সাবান, বেশন ইত্যাদি ব্যবহার করে হাত পরিষ্কার করাতেও ক্ষতি নেই। (اللاخيره)

৩১. খাওয়ার শেষে কুলি করা সুন্নাত।

৩২. দাঁতে খেলাল করা সুন্নাত।

৩৩. নবী (সাঃ) খাওয়ার শেষে হাত এবং মাথায় ভিজা হাত বুলিয়ে নিতেন। রুমাল ইত্যাদি দ্বারা হাত মুছে নেয়াতেও দোষ নেই। (خزاة المفتين)

৩৪. খাওয়া শেষে সামান্য কিছু তিলাওয়াত ও যিকির করবে।

(كتاب الاذكار)

৩৫. খাওয়ার শেষে সাথে সাথে ঘুমাবে না, তাহলে অন্তর শক্ত হয়ে যাবে। (كتاب الاذكار)

পাত্র ও বরতনের সাথে সংশ্লিষ্ট বিধি-বিধান

* সোনা ও রূপার পাত্র/বরতন ব্যবহার করা হারাম।

* তামা ও পিতলের পাত্র/বরতন ব্যবহার করা মাকরুহ। তবে নিকেল করা থাকলে মাকরুহ নয়। (امداد الفتاوى ج ১/ ৬)

* সোনা, রূপা, তামা ও পিতল ব্যতীত অন্যান্য ধাতুর পাত্র/বরতন ব্যবহার করা জায়েয।

* সোনা রূপার পানি লাগানো পাত্র/বরতন ব্যবহার করা বৈধ।

(هداية ج ১/ ৬)

* রূপা দ্বারা জড়োয়া করা বা সোনা রূপা দ্বারা জোড়ানো ও বাঁধানো পাত্র/বরতন ইত্যাদি ব্যবহার করা ইমাম আবু হানিফা (রহঃ)-এর মতে বৈধ, যদি ব্যবহারের সময় সোনা রূপায় স্পর্শ না লাগে। (هداية ج ১/ ৬)

* পাত্রের ভাঙ্গা স্থানে মুখ লাগিয়ে পান করবে না।

* পাত্র/বরতন ঢেকে রাখা সুন্নাত, বিশেষ ভাবে ঘুমানোর পূর্বে।

* বড় পাত্র- যা থেকে এক সাথে অনেক পানি পড়ার সম্ভাবনা বা যার ভেতর দেখা যায় না-এমন পাত্র হলে তাতে মুখ লাগিয়ে পান করবে না বরং তার থেকে অন্য পাত্রে ঢেলে পান করবে।

মজলিসে খানার সুন্নাত ও আদব সমূহ

* পূর্ববর্তী পরিচ্ছেদে বর্ণিত খানার আমল সমূহ ছাড়াও মজলিসে খাওয়া হলে অতিরিক্ত আরও কয়েকটি আমল রয়েছে, যথা :

* প্রথমে ছোটদেরকে হাত ধোয়ানো তারপর গুরুজনদেরকে হাত ধোয়ানো আদব, যাতে গুরুজনদেরকে ছোটদের জন্য অপেক্ষা করতে না হয়।

(مفاتيح الجنان نقلا عن الظهيرية)

* খানা পরিবেশনকারী তার ডান দিক থেকে বাম দিকে পর্যায়ক্রমে খানা পরিবেশন করবে।

* ইল্ম, আমল, পরহেয়গারী ও বয়সে যারা বড়, তাদের দ্বারা প্রথমে খাওয়া আরম্ভ হওয়া আদব।

* কারও লোকমার দিকে নজর না করা আদব।

* যেখান থেকে খানা বন্টন করা হয় সেখানে নজর না করা আদব। এতে লোভ প্রকাশ পায়।

* নিজের খাওয়া শেষ হলেও উঠে না যাওয়া বরং হাত নাড়া-চাড়া করতে থাকা, যেন অন্য সাথীরা লজ্জায় তৃপ্ত হওয়ার পূর্বেই খানা শেষ করে না বসে।

* অসুস্থ ব্যক্তির সঙ্গে এক সাথে খেলে এই দু'আ পড়া সুন্নাত-

بِسْمِ اللَّهِ تَقَةَ بِاللَّهِ وَتَوَكَّلًا عَلَيْهِ - (رواه الحاكم في المستدرک وقال صحيح الاسناد)

অর্থঃ আল্লাহ্র নামে, আল্লাহ্র প্রতি ভরসা রেখে এবং আল্লাহ্র উপর তাওয়াক্কুল করে আরম্ভ করলাম।

মেহমানের করণীয় বিশেষ আমল সমূহ

* কেউ নিঃস্বার্থভাবে দাওয়াত দিলে তা কবুল করবে। এটা সুন্নাত। তবে দাওয়াত দাতার সম্পূর্ণ বা অধিকাংশ সম্পদ হারাম উপায়ে অর্জিত হলে তার দাওয়াত কবুল করা উচিত নয়।

* সুন্নাতের অনুসরণ ও মুসলমানদের মন খুশি করার নিয়তে দাওয়াত কবুল করতে হবে।

* একই সময়ে একাধিক ব্যক্তি দাওয়াত দিলে যার ঘর অধিক নিকটে তার দাওয়াত কবুল করা সুন্নাত। (مُغْرَارِسَتْ)

* দাওয়াত বা পূর্ব এন্টেল্লা (Infotmation) ছাড়াই খাওয়ার সময় কারও নিকট মেহমান হিসেবে উপস্থিত হওয়া উচিত নয়। একান্তই এরূপ সময় যেতে হলে বাইরে থেকে খেয়ে যাবে, যাতে অসময়ে মেজবানকে খানা পাকানোর/খানার ব্যবস্থা করার বিড়ামনা পোহাতে না হয়। কিংবা তাদের খাবার মেহমানকে দিয়ে তাদেরকে অভুক্ত থাকতে না হয়। আর বাইরে থেকে খেয়ে গেলে যেয়েই মেজবানকে তা অবহিত করা আদব। অন্যথায় মেহমানের খানার প্রয়োজন ভেবে মেজবান খাবারের ব্যবস্থা করবে তারপরে দেখা যাবে মেহমানের প্রয়োজন নেই। এতে করে খাবার নষ্ট হবে কিংবা অন্ততঃ মেজবান বিব্রতবোধ করবেই। (آدابُ المَأْثَرِ) তবে বিশেষ কারও ব্যাপারে যদি জানা

থাকে যে, পূর্ব এত্তে'লা ছাড়া মেহমান হলেও তিনি কোনরূপ বিব্রতবোধ করবেন না, তাহলে তার ব্যাপারটা ভিন্ন।

* দাওয়াত দেয়া হয়নি- এমন কাউকে মেহমান সাথে আনবে না। আনলে মেজবানের অনুমতি গ্রহণ করবে। তবে মেজবানের কোনই আপত্তি থাকবে না- এমন বুঝতে পারলে অনুমতির প্রয়োজন নেই।

* মেহমান মেজবান কর্তৃক নির্ধারিত স্থানে বসবে এবং থাকবে।

* মেহমান মেজবানের অনুমতি বা সম্মতি ব্যতীত কাউকে ডেকে খানায় শরীক করবে না বা কাউকে খানা থেকে কিছু প্রদান করবে না।

* মেহমান খাওয়ার মজলিসে এমন কিছু আবদার করবে না, যা যোগাড় করা মেজবানের জন্য মুশকিল হতে পারে।

* খাওয়ার ব্যাপারে মেহমানের কোন বাছ-বিচার থাকলে কিংবা বিশেষ কোন অভ্যাস বা রুটিন থাকলে পূর্বেই তা মেজবানকে অবহিত করা উচিত। দস্তরখানে এসে এরূপ কিছু উত্থাপন করে মেজবানকে বিব্রত করা উচিত নয়।

(اسلامی تہذیب)

* কোন বিশেষ অসুবিধা না থাকলে মেজবান কর্তৃক উপস্থিত সব রকম খাবার থেকে কিছু কিছু গ্রহণ করে তাকে খুশি করা উচিত।

* মেহমান মেজবানের নিকট এত বেশী সময় বা এত বেশী দিন অবস্থান করবে না, যাতে মেজবানের কষ্ট, ক্ষতি বা বিরক্তি হতে পারে। এরূপ করা নিষিদ্ধ।

* কারও নিকট দাওয়াত খেলে খানা শেষে (খানা শেষের পঠিতব্য সাধারণ দুআ পড়ার পর) এই দুআ পড়বে-

اَللّٰهُمَّ اَطْعِمْنَا مِنْ اَطْعَمَنِيْ وَاَسْقِنِيْ مِنْ سَقَانِيْ - (رواه مسلم فى كتاب الاشرية)

অর্থঃ হে আল্লাহ, যে আমাকে আহার করাল তুমি তাকে আহার করাও এবং যে আমাকে পান করাল তুমি তাকে পান করাও।

* বিদায় গ্রহণের সময় মেজবান থেকে অনুমতি নিয়ে বিদায় নেয়া আবদ।

* মেজবানের ঘর থেকে বিদায় নেয়ার সময় মেহমান পড়বে-

اَللّٰهُمَّ بَارِكْ لَهُمْ فِيمَا رَزَقْتَهُمْ وَاغْفِرْ لَهُمْ وَاَرْحَمْهُمْ - (رواه مسلم فى كتاب الاشرية)

অর্থঃ হে আল্লাহ, তুমি তাদেরকে যে রিযিক দান করেছ তাতে বরকত দাও, তাদেরকে ক্ষমা কর এবং তাদের উপর রহম কর।

মেজবানের করণীয় বিশেষ আমল সমূহ

* মেহমানকে সাদর অভ্যর্থনার সাথে, সম্মানের সাথে ও সন্তুষ্ট চিত্তে গ্রহণ করবে।

* প্রত্যেক মেহমানকে তার মর্যাদা অনুসারে গ্রহণ করবে এবং সে হিসেবে তার খাতের যত্ন করবে। সকলকে এক পাল্লায় মাপা ঠিক নয়।

(اسلامی تہذیب)

* খাওয়ার সময় হয়ে গেলে যথাশীঘ্র মেহমানের সামনে খাবার উপস্থিত করা আদব। (شرح شرعة السلام)

* মেজবান মেহমানের সাথে এমন কাউকে খানায় একত্রে বসাবে না, যার মন মানসিকতা, রুচি ও মেজাজ ভিন্ন হওয়ার কারণে মেহমানের খাওয়ার রুচি নষ্ট হয়ে যেতে পারে। (এর আলোকে - اسلامى تہذیب)

* মেজবান অতিরিক্ত খাওয়ানোর জন্য মেহমানকে পীড়াপীড়ি করবে না।

* সম্ভব হলে মেহমানের রুচির প্রতি লক্ষ্য রেখে সে অনুযায়ী খাদ্য প্রস্তুত করবে। (اسلامى تہذیب)

* সাধ্য এবং প্রচলন অনুযায়ী মেহমানের জন্য অস্তুতঃ একদিন আড়ম্বরের সাথে খাবারের আয়োজন করা সুন্নাত।

* বিদায়ের সময় মেহমানকে ঘর থেকে দরজা পর্যন্ত পৌঁছানো সুন্নাত। (তা'লীমুদ্দীন)

হাদিয়া প্রদান করার আদব-তরীকা

* হাদিয়া শুধু মাত্র কোন মুসলমানের মন জয় করার উদ্দেশ্যে এবং মহব্বত থেকে হতে হবে- অন্য কোন প্রকার দুনিয়াবী বা উখরাবী উদ্দেশ্য থাকবে না।

* হাদিয়া পেশ করার পূর্বে বা পরক্ষণে নিজের কোন মতলবের কথা না বলা আদব, এতে হাদিয়ার উদ্দেশ্য সম্পর্কে সন্দেহ সৃষ্টি হবে।

* হাদিয়া গোপনে প্রদান করা আদব।

* নগদ অর্থ হাদিয়া দিলে মুসাফাহার সময় দেয়া ঠিক নয়।

* নগদ অর্থ ব্যতীত অন্য কিছু হাদিয়া দিলে এমন বস্তু বা এত পরিমাণ দেয়া ঠিক নয়, যা তার পক্ষে গন্তব্যস্থানে বহন করে নিয়ে যাওয়া কষ্টকর হবে। এক্রপ করতে হলে তার গন্তব্য স্থানে সেটা পৌঁছে দিয়ে আসবে।

* নগদ অর্থ ব্যতীত অন্য কোন বস্তু হাদিয়া দিলে যাকে দেয়া হবে তার আগ্রহ কিসের প্রতি তা জেনে সেটা দেয়া উত্তম।

* মোনাছাবাত ও সুসম্পর্ক সৃষ্টি হওয়ার পর হাদিয়া দিবে, অন্যথায় গ্রহণকারীর পক্ষে সংকোচ শরমের কারণ হতে পারে।

* বুয়ুর্গদের কাছে যেতে হলে হাদিয়া নিয়েই যেতে হবে- এরূপ বাধ্যবাধকতার পেছনে না পড়া চাই। (آداب العاشر)

হাদিয়া গ্রহণ করার নিয়ম-পদ্ধতি

* হাদিয়া গ্রহণ করা সুন্নাত। এই সুন্নাতের উপর আমল করার নিয়তে হাদিয়া গ্রহণ করবে।

* যার সম্পূর্ণ বা অধিকাংশ উপার্জন হারাম, তার হাদিয়া গ্রহণ করা জায়েয নয়। আর নির্দিষ্ট ভাবে যদি জানা থাকে যে, হারাম মাল থেকেই হাদিয়া দেয়া হচ্ছে তাহলেও গ্রহণ করা জায়েয নয়।

* হাদিয়া গ্রহণ করার সাথে সাথে প্রদানকারীর সামনেই সেটা অন্যকে প্রদান করবে না। তাহলে হাদিয়া প্রদানকারীর অন্তরে আঘাত লাগবে।

* যে বস্তু হাদিয়া প্রদান করা হল তার মূল্য জিজ্ঞাসা করবে না। এতে বস্তুর মূল্য কম হলে হাদিয়া প্রদানকারী তার হাদিয়াকে তুচ্ছ মনে করা হতে পারে ভেবে সংকোচ বোধ করতে পারেন।

* হাদিয়ার বদলা প্রদান করবে। অন্ততঃ তার জন্য তৎক্ষণাৎ মুখে দুআ করে দিবে। নিম্নোক্ত বাক্যে দুআ করা যায়- **بَارَكَ اللَّهُ فِيْكُمْ** অথবা **حَزَاكَ اللَّهُ** ২
خَيْرًا

* যার মধ্যে হাদিয়ার বদলা পাওয়ার আগ্রহ আছে বোঝা যায়- এরূপ ব্যক্তির হাদিয়া গ্রহণ করবে না। যেমন প্রচলিত বিবাহ-শাদীতে উপটোকনের বেলায় এরূপ বোঝা যায়। (ماخوذ از آداب العاشر و ثلثادى رشيدية)

পোশাক-পরিচ্ছদের সুন্নাত, আদব ও বিধি-নিষেধ সমূহ

পোশাকের কাট-ছাঁট বিষয়ক :

* জামা পায়জামা নেছ্ফে ছাকু অর্থাৎ, পায়ের নলার অর্ধেক পর্যন্ত হওয়া সুন্নাত। টাখনু গিরার উপর পর্যন্ত জায়েয। (مرقاة ج ৮/ ৮ و جمع الفوائد)

১. আল্লাহ তোমাদের মধ্যে বরকত দান করুন। ॥

২. আল্লাহ তোমাকে উত্তম বদলা দান করুন। ॥

* গোল জামা অধিক সতর রক্ষার সহায়ক বিধায় তা-ই উত্তম।

* নবী কারীম সাল্লাল্লাহু আলাইহি ওয়াসাল্লাম-এর জামার হাতা হাতের কবজি পর্যন্ত ছিল। (ترمذی) অতএব জামা, শেরওয়ানী ইত্যাদির হাতা কবজি পর্যন্ত হওয়া সুন্নাত।

* পুরুষের জন্য মহিলাদের কাট-ছাঁটের পোশাক পরিধান করা এবং তাদের বেশ ধারণ করা, তদ্রূপ মহিলাদের জন্য পুরুষের কাট-ছাঁটের পোশাক পরিধান করা এবং তাদের বেশ ধারণ করা হারাম ও নিষিদ্ধ। (امداد الفتاوى ج ۴/ ۴)

* মহিলাদের জন্য শাড়ি পরিধান করা জায়েয। (فتاوى دارالعلوم)

* প্রাণীর ছবি যুক্ত কাপড় ব্যবহার করা নাজায়েয, ছবি যে কোন ভাবেই তৈরী হোক না কেন। (فتاوى موديه ج ۵/ ۵)

* এত টাইট-ফিট পোশাক পরিধান করা নিষিদ্ধ, যাতে শরীরের গোপন অঙ্গ ফুটে ওঠে। (احسن الفتاوى)

* পাগড়ীর পরিমাণের ব্যাপারে হযরত রাসূল সাল্লাল্লাহু আলাইহি ওয়াসাল্লাম কোন বিশেষ নির্দেশ দিয়ে যাননি। প্রত্যেকেই তার অভ্যাস অনুসারে পরিমাণ বেছে নিতে পারেন। রাসূল সাল্লাল্লাহু আলাইহি ওয়াসাল্লাম-এর বার হাত ও সাত হাত দুই রকমের পাগড়ী ছিল বলে জানা যায়। (فتاوى دارالعلوم ج ۴/ ۴)

* কোট, প্যান্ট, শার্ট বর্তমান যুগে মুসলমান অমুসলমান নির্বিশেষে সর্বস্তরের কর্মজীবী ও শ্রমজীবী মানুষের পোশাকে পরিণত হওয়ায় এগুলো ব্যবহার করা না জায়েয হবে না। যেমন খানবী (রহঃ) তার যুগে বলেছেনঃ লভনে কোট, প্যান্ট ব্যবহার নিষিদ্ধ হবে না, কেননা সেখানে এগুলোর ব্যাপক প্রচলন ঘটায় এখন আর এরকম মনে হয় না যে, এগুলো বিশেষ কোন ভিন্ন ধর্মের লোকদের পোশাক। আর شبه বা ভিন্ন জাতির অনুকরণইতো এগুলো নিষিদ্ধ হওয়ার ভিত্তি। অতএব ভিন্ন জাতির বৈশিষ্ট্য হিসেবে অবশিষ্ট না থাকলে তা নিষিদ্ধও থাকবে না। (فتاوى كرام الله) তবে এগুলো নেককার পরহেযগার লোকদের পোশাক নয় বিধায় এগুলো ব্যবহার করা অনুত্তম হবে নিঃসন্দেহে।

* বিজাতীয় লেবাস-পোশাক বর্জনীয়।

পোশাকের রং বিষয়ক :

* সাদা রংয়ের কাপড় হযরত রাসূল সাল্লাল্লাহু আলাইহি ওয়াসাল্লাম বেশী পছন্দ করতেন। তাই সাদা রংয়ের পোশাকই সর্বোত্তম পোশাক।

* হযরত রাসূল সাল্লাল্লাহু আলাইহি ওয়াসাল্লাম কাল এবং সবুজ রংয়ের কাপড়ও ব্যবহার করেছেন, তাই সর্বদা শুধু সাদাই নয় বরং নিষিদ্ধ রংগুলো ব্যতীত অন্যান্য রংয়ের কাপড়ও মাঝে মধ্যে ব্যবহার করা মোস্তাহাব।

(مفاتيح الجنان نقلا عن شرح النقاية)

* পুরুষের জন্য কুসুম-লাল, হলুদ, জাফরান এবং গোলাব রং নিষিদ্ধ আর নিরেট লাল অনুত্তম। (فتاوى رشيدية وتعليم الدين) মহিলাদের জন্য সব রং-এর পোশাক জায়েয।

* পাগড়ী কাল রংয়ের হওয়া মোস্তাহাব।

(حاشية فتاوى دارالعلوم ج ১/ ৪ نقلا عن الدوا المختار)

পোশাকের সুতা ও বুনন বিষয়ক :

* পুরুষের জন্য রেশমের পোশাক ব্যবহার করা বৈধ নয়। তবে যে কাপড়ের দৈর্ঘ্যের সুতা রেশম কিন্তু প্রস্থের সুতা রেশম নয়- সেটা ব্যবহার করা বৈধ। আর মহিলাদের জন্য সব ধরনের রেশমের কাপড় বৈধ। (هداية ج ১/ ৩)

* যে কাপড়ে শরীর দেখা যায় এমন পাতলা কাপড় পরিধান করা না করারই হুকুম রাখে।

* হারাম উপায়ে অর্জিত পোশাক বা হারাম উপায়ে অর্জিত সম্পদ দ্বারা ক্রয় করা পোশাক পরিধান করা হারাম। (الفقه على المذاهب الاربعه)

উচ্চমান ও নিম্নমানের পোশাক বিষয়ক :

* অহংকার প্রদর্শন বা বিলাসিতার নিয়তে উচ্চমানের পোশাক পরিধান করা শরী'আতের দৃষ্টিতে নিন্দনীয়।

* তাওয়াযু' বা বিনয়ের উদ্দেশ্যে নিম্নমানের পোশাক, পুরাতন পোশাক কিংবা ছেঁড়া ফাটা ও তালিযুক্ত পোশাক পরিধান করা উত্তম। তবে এরূপ পোশাক দেখে লোকে দরবেশ বা আরভোলা বলবে কিংবা বিনয়ী ও দুনিয়া-ত্যাগী মনে করবে- এরূপ রিয়া বা লোক দেখানোর নিয়ত থাকলে সেটাও এক প্রকার অহংকার বিধায় তা নিন্দনীয়।

* আল্লাহ সম্পদ দিয়েছেন সেই সম্পদের বহিঃপ্রকাশ ঘটানোর এবং শোকর আদায়ের নিয়তে উত্তম পোশাক পরিধান করা প্রশংসনীয়।

* কাপড় যেমন মানেরই হোক তা সর্বদা পরিষ্কার-পরিচ্ছন্ন রাখা শরী'আতের কাম্য।

পোশাক পরিধানের তরীকা বিষয়ক :

* সতর ঢাকা, শারীরিক দোষ-ত্রুটি ঢাকা ও সৌন্দর্য লাভের নিয়তে পোশাক পরিধান করবে। অহংকারের উদ্দেশ্যে পোশাক পরা হারাম।

* কামিজ, জামা, কোর্তা, ছদরিয়া ইত্যাদি পরিধান করতে প্রথমে ডান হাত তারপর বাম হাত ঢুকানো সুন্নাত। এমনিভাবে পায়জামা পরিধান করতে প্রথমে ডান পা পরে বাম পা ঢুকানো সুন্নাত এবং খোলার সময় এর বিপরীত বাম দিক থেকে খোলা সুন্নাত। মোজা, জুতা, স্যাভেল ইত্যাদির ক্ষেত্রেও এরূপ তরীকা সুন্নাত।

* একই সময়ে জামা ও পায়জামা উভয়টি পরিধান করতে হলে আগে জামা পরে পায়জামা পরিধান করা উত্তম। (فقه الحديث)

* পাগড়ীর নীচে টুপি পরা সুন্নাত। টুপি ব্যতীত শুধু পাগড়ী পরিধান করা সুন্নাতের পরিপন্থী। নামাযের সময় মাথার মাঝখান খোলা রাখা মাকরুহ।

(فقه الحديث)

* পাগড়ী গোল করে বাঁধা অথবা শামলা (বর্ধিত অংশ) ছেড়ে বাঁধা উভয় রকমই সুন্নাত। শামলা ডানে বা পেছনের দিকে অথবা একই সাথে উভয় দিকে ছেড়ে দেয়া যায়। বাম দিকে শামলা ছাড়ার প্রমাণ নেই বিধায় উলামায়ে কেরাম সেটাকে বিদআত বলেছেন। শামলা এক বিঘত, এক হাত বা তার চেয়ে বেশী পরিমাণ রাখা যায়। (فتاوى دارالعلوم ج ৪, ৮ ও ৯)

* পায়জামা বসে পরিধান করা ভাল, অন্যথায় স্বাস্থ্যগত অসুবিধা হতে পারে। (تطهير الجنان) লুঙ্গি মাথার উপর দিক থেকে এবং পাগড়ী দাঁড়িয়ে পরিধান করবে।

* পুরুষের জন্য লুঙ্গি, পায়জামা, জামা, জুকা, আবা ইত্যাদি অহংকার বশতঃ টাখনু গিরার নীচে ঝুলিয়ে পরা কবীরা গোনাহ। অহংকার বশতঃ না হলেও এরূপ পরা ঠিক নয়। কারণ এতে অহংকার বশতঃ যারা করে তাদের সাথে সাদৃশ্য হয়ে যায়। মহিলাদের জন্য পুরো পা চেঁকে মাটি পর্যন্ত কাপড় ঝুলিয়ে পরা উত্তম।

* নতুন কাপড় পরিধান করার দুআ-

الْحَمْدُ لِلَّهِ الَّذِي كَسَانِي مَا أُوَارِي بِهِ عَوْرَتِي وَأَتَجَمَّلُ بِهِ فِي حَيَاتِي۔

অর্থঃ সমস্ত প্রশংসা আল্লাহর জন্য, যিনি আমাকে কাপড় পরিধান করিয়েছেন, যার দ্বারা আমি লজ্জাস্থান আবৃত করি এবং তার দ্বারা জীবনকে সৌন্দর্য মণ্ডিত করি। (رواه الترمذی وقال حسن غريب)

* পুরাতন কাপড় পরিধান করার দুআ-

الْحَمْدُ لِلَّهِ الَّذِي كَسَانِي هَذَا الثَّوْبَ وَرَزَقَنِيهِ مِنْ غَيْرِ حَوْلٍ مِنِّي وَلَا قُوَّةَ -

অর্থঃ সমস্ত প্রশংসা আল্লাহর জন্য, যিনি আমাকে এই পোশাক পরিধান করালেন এবং এটা আমার চেষ্টা ও শক্তি ছাড়া নহীবে রাখলেন। (আবু দাউদ)

* কাপড় খোলার সময় পড়বে-

بِسْمِ اللَّهِ الَّذِي لَا إِلَهَ إِلَّا هُوَ - (ابن السني رقم ২৭২)

উল্লেখ্য যে, কাপড় খোলার সময় বিস্মিল্লাহ বলার দরুন শয়তান লজ্জাস্থানের দিকে নয়র দিতে পারে না।

* কাপড় খোলার পর আদব হল সেটাকে গুছিয়ে রাখা, এলোমেলো না রাখা।

* নতুন কাপড় পরিবর্তন করলে পুরাতন কাপড় গরীব-মিসকীনকে দিয়ে দেয়া উত্তম।

জুতা/স্যাভেল সম্পর্কিত বিধি-বিধান

* পুরুষের জন্য মহিলাদের স্টাইলের জুতা/স্যাভেল বা মহিলাদের জন্য পুরুষের স্টাইলের জুতা/স্যাভেল পরিধান করা হারাম ও নিষিদ্ধ।

(امداد الفتاوى ج ১/ ৩)

* জুতা/স্যাভেল পরিধান করার সময় প্রথমে ডান পায়ে পরে বাম পায়ে পরিধান করা এবং খোলার সময় প্রথমে বাম পায়েরটা পরে ডান পায়েরটা খোলা সুন্নাত।

* নতুন জুতা/স্যাভেল পরিধান করে এই দুআ পড়তে হয়-

اللَّهُمَّ لَكَ الْحَمْدُ أَنْتَ كَسَوْتَنِيهِ، أَسْأَلُكَ خَيْرَهُ وَخَيْرَ مَا صُنِعَ لَهُ وَأَعُوذُ بِكَ مِنْ شَرِّهِ وَشَرِّ مَا صُنِعَ لَهُ - (رواه في كتاب الاذكار وقال حديث صحيح)

অর্থ : হে আল্লাহ, আমি তোমার কাছে কামনা করি এটার কল্যাণ এবং এর সদুদ্দেশ্য। আর তোমার নিকট পানাহ চাই এটার অনিষ্ট ও অসদুদ্দেশ্য থেকে।

* জুতা/স্যাভেল খোলার সময় পড়বে-

بِسْمِ اللَّهِ الَّذِي لَا إِلَهَ إِلَّا هُوَ - (كتاب الاذكار عن ابن السني)

* জুতা/স্যাভেল সম্ভব হলে একাধিক রাখা ভাল। (تعليم الدين)

* জুতা পায়ে দেয়ার সময় হাত লাগানোর দরকার হলে বসে পায়ে দিবে। (فروع الايمان نقلا عن ابي داود)

* কোন মজলিসে বা মসজিদে যে স্থানে কেউ জুতা/স্যাভেল রেখেছে সেখান থেকে তার জুতা/স্যাভেল সরিয়ে সেখানে নিজের জুতা/স্যাভেল রাখবে না, এটা অন্যায়, কেননা সেখানে তার জুতা/স্যাভেল না পেয়ে সে পেরেশান হবে। অতএব নিজের জুতা/স্যাভেল যেখানে খালি আছে সেখানে বা ভিন্ন স্থানে রাখুন।

* জুতা/স্যাভেল এমন ভাবে রাখুন যেন তা উক্ত স্থানকে নাপাক বা গাঙ্গা ময়লাযুক্ত করে না ফেলে। প্রয়োজনে জুতার অতিরিক্ত আলগা ময়লা বাইরে ঝেড়ে ফেলুন।

* জুতা/স্যাভেল একখানা পায়ে দিয়ে হাটা নিষেধ।

* মাঝে মধ্যে খালি পায়ে চলতে অসুবিধা নেই, তবে হযরত রাসূল সাল্লাল্লাহু আলাইহি ওয়াসাল্লাম অধিকাংশ সময় জুতা/স্যাভেল বা মোজা পরিধান করে চলতেন। (টীকা: رشيدية)

আয়না-চিরুনির বিধি-বিধান

* আয়না দেখা জায়েয।

* আয়না দিনে রাতে যে কোন সময় দেখা যায়। রাতে আয়না দেখা ঠিক নয়-এরূপ একটি কথা প্রসিদ্ধ আছে, যার কোন ভিত্তি নেই। (امداد الفتاوى ج ১/ ৩)

* চুল পরিপাটি করার জন্য চিরুনি করা সুন্নাত। তবে খুব বেশী এর ধাক্কা না পড়া উচিত।

* চুল আঁচড়ানোর সময় প্রথমে ডান দিক তারপর বাম দিক আঁচড়ানো সুন্নাত।

* চিরুনি করার জন্য অথবা অন্য কোন প্রয়োজনে আয়না দেখার সময় নিম্নোক্ত দু'আ পড়তে হয়-

اللَّهُمَّ أَنْتَ خَسَنْتَ خَلْقِي فَحَسِّنْ خَلْقِي - (كتاب الاذكار عن ابن السني)

অর্থঃ হে আল্লাহ, তুমি যেমন আমার চেহারাকে সুন্দর করেছ, তেমন আমার চরিত্রকেও সুন্দর করে দাও।

* একই চিরুনি দিয়ে একাধিক ব্যক্তির চুল আঁচড়ানোতে কোন অসুবিধা নেই।

তেল, প্রসাধনী ও সাজ গোছের বিধি-বিধান

* হযরত নবী কারীম সাল্লাল্লাহু আলাইহি ওয়াসাল্লাম মাথায় তেল ব্যবহার করতেন, তাই তেল ব্যবহার করা সুন্নাত।

* তেল ব্যবহার করার ইচ্ছা করলে বাম হাতের তালুতে তেল নিয়ে প্রথমে দ্রুত উপর, তারপর চেখে তারপর মাথায় লাগানো সুন্নাত।

(رسول الله صلى الله عليه وسلم کی سنتیں)

* মাথায় তেল লাগাতে মুখমন্ডলের দিক থেকে শুরু করা সুন্নাত। (ایضا)

* ক্রিম, স্নো, পাউডার ব্যবহার করাতে কোন দোষ নেই, যদি এগুলোতে কোন নাপাক বস্তু মিশ্রিত না থাকে। (آپ کے مسائل اور احکام ج ২)

* নেল পালিশ (নখ পালিশ) প্রভৃতি যা ব্যবহার করলে একটা শজ আবরণ সৃষ্টি হয়ে যায়, যার নীচে পানি পৌঁছে না-এরূপ বস্তু সহকারে উয়ূ গোসল সহীহ হয় না। আর উয়ূ গোসল সহীহ না হলে নামাযও সহীহ হয় না এবং প্রত্যেক উয়ূর সময় নেল পালিশ দূর করাও মুশকিল, তাই নেল পালিশ থেকে বিরত থাকাই জরুরী। (ایضا)

* নেল পালিশ ব্যতীত অন্যান্য যেসব মেকআপ দ্বারা আল্লাহর সৃষ্টি করা গঠনে কোন বিকৃতি ঘটে না, তা ব্যবহার করা জায়েয। (ایضا)

* মহিলাগণ চুলের আলগা খোপা বা আলগা চুল ব্যবহার করতে পারেন, যদি সেটা কৃত্রিম চুলের হয়। আর যদি সেটা মানুষের চুল হয় তাহলে তা ব্যবহার করা জায়েয নয়।

* শরীরে গুদানী দিয়ে কিছু অংকন করা হারাম। (تعظیم الدین)

সুরমা, আতর ও সেন্ট ব্যবহারের বিধি-বিধান

* পুরুষ মহিলা সবার জন্য সুরমা ব্যবহার করা সুন্নাত।

* সুরমা বিশেষ ভাবে রাতের বেলায় শোয়ার পূর্বে লাগানো উত্তম।

* প্রত্যেক চোখে তিনবার করে সুরমা লাগানো সুন্নাত।

* আতর ব্যবহার করা সুন্নাত। তবে যে আতরের খুশবু বাইরে ছড়ায়-এরূপ আতর ব্যবহার করে মহিলাগণ বাইরে যাবে না।

* সেন্ট এর মধ্যে স্পিরিট ব্যবহার করা হয়, এই স্পিরিট খেজুর, কিশমিশ বা আঙ্গুর থেকে তৈরি করা হলে সেরূপ স্পিরিট নাপাক, অতএব সেরূপ স্পিরিটযুক্ত সেন্টও নাপাক হবে এবং তা ব্যবহার করাও নিষিদ্ধ। তবে আহ্‌ছানুল ফাতাওয়া ২য় খন্ডে উল্লেখ করা হয়েছে যে, তদন্ত করে জানা গেছে

বর্তমান যুগের স্পিরিটে এবং এ্যালকোহলে (শরাবে) খেজুর, আঙ্গুর ব্যবহার করা হয় না। (১/১৮৫) অতএব বর্তমানে স্পিরিট নাপাক নয়, ফলে সেন্ট ব্যবহারেও কোন দোষ থাকছে না। কিন্তু সন্দেহের ক্ষেত্রে বিরত থাকাই শ্রেয়।

* মাঝে মাঝে আতর লাগানো ভাল। বিশেষভাবে জুমুআর দিন ঈদের দিন প্রভৃতি সময়।

অলংকারের বিধি-বিধান

* মহিলাদের জন্য কাঁচ বা যে কোন ধাতুর চুড়ি পরিধান করা জায়েয।

(নতওয়ী শিদ্দীহ)

* মহিলাদের কান ফুটানো জায়েয। নাক ফুটানো অধিকাংশের মতে জায়েয, কেউ কেউ ভিন্ন মত পোষণ করেছেন। (ইয়া)

* মহিলাদের জন্য সোনা, রূপা, পিতল, তামা ইত্যাদি সব রকম ধাতুর সব রকম অলংকার ব্যবহার করা জায়েয। তবে বিধর্মীদের অনুকরণ যেন না হয়। (ইয়া)

* যেসব অলংকারে বাজনা হয়, সেগুলো গায়র মাহরাম পুরুষের সামনে পরা জায়েয নয়। (ইয়া)

* পুরুষের জন্য সোনার আংটি বা সোনার অন্য যে কোন অলংকার ব্যবহার করা সম্পূর্ণ হারাম। তবে সাড়ে চার মাশা অর্থাৎ, এক সিকি পরিমাণ (৩.৩৮০ গ্রাম) রূপার আংটি ব্যবহার করা জায়েয। এর অধিক ওজনের রূপার আংটিও ব্যবহার করা নিষিদ্ধ। অন্যান্য ধাতুর আংটি যেমন তামার আংটি, অষ্ট ধাতুর আংটি ইত্যাদি পুরুষের জন্য নাজায়েয। সোনা রূপা ব্যতীত অন্যান্য ধাতুর আংটি মহিলাদের জন্য জায়েয তবে মাকরুহ। (১/১৮৫)

* লোহা, পিতল, তামা, কাঁশা, পাথর ইত্যাদি ধাতুর আংটি ব্যবহার করা পুরুষের জন্য জায়েয নয় অর্থাৎ, যখন আংটির হলকা বা বৃত্তটা এসব ধাতু দ্বারা তৈরী হবে। আর বৃত্তটা যদি সিকি পরিমাণ রূপার মধ্যে হয় আর নাগীনা বা মণিটা এসব ধাতুর হয় তাহলে তা জায়েয। (১/১৮৫)

মেহেদী ও খেয়াব (কলপ) সম্পর্কিত বিধি-বিধান

* নারীদের জন্য হাতে এবং পায়ে মেহেদী লাগানো মোস্তাহাব। কেউ কেউ পায়ে মেহেদী লাগানোকে খারাপ মনে করেন এই যুক্তিতে যে, নবী

কারীম সাল্লাল্লাহু আলাইহি ওয়াসাল্লাম দাড়িতে মেহেদী লাগাতেন, অতএব তা পায়ে লাগানো বে-আদবী- এ যুক্তি ঠিক নয়। নবী কারীম সাল্লাল্লাহু আলাইহি ওয়াসাল্লাম দাড়িতে তেল লাগাতেন, তাই বলে কি পায়ে তেল লাগানো বে-আদবী হবে ?

* অন্ততঃ হাত পায়ে নখে মেহেদী লাগালেও চলবে।

* পুরুষদের হাতে পায়ে মেহেদী লাগানো নিষেধ। তবে চিকিৎসা হিসেবে লাগানো জায়েয আছে।

* পুরুষের জন্য দাড়ি ও চুলে খেযাব লাগানো মোস্তাহাব। কাল ব্যতীত যে কোন রংয়ের খেযাব (কলপ) লাগানো যায়, তবে মেহেদী দিয়ে লাল রংয়ের খেযাব করা সুন্নাত। চুলের কাল রংয়ের সাথে মিলে যায় এমন কাল রংয়ের কলপ লাগানো মাকরুহ, কারণ এতে মানুষকে নিজের বয়স সম্পর্কে ধোঁকা দেয়া হয়। তবে যুদ্ধ ক্ষেত্রে শত্রুর মনে ভীতি সৃষ্টির জন্য এরূপ করা প্রশংসনীয়। হযরত ইমাম আবু ইউসুফ (রহঃ)-এর মতে স্ত্রীর কাছে নিজেকে আকর্ষণীয় করে তোলার উদ্দেশ্যেও কাল রংয়ের কলপ লাগানো যায়।

(رد المحتار ج ১، فتح الباری، جواهر الفقہ ج ২، تعلیم الدین)

ভালবাসা ও বন্ধুত্বের নীতিমালা

* কোন অমুসলিমের সাথে আন্তরিক বন্ধুত্ব গড়ে তোলা জায়েয নয়।

* সব মুসলমানের সাথে দ্বীনী বন্ধুত্বের সম্পর্ক রাখতে হবে।

* কোন মুসলমান ভাইয়ের সাথে খালেস আল্লাহর ওয়াস্তে বন্ধুত্ব ও ভালবাসা সৃষ্টি হলে তাকে জানিয়ে দিবে যে, আমি আপনাকে মহব্বত করি, ভালবাসি, তাহলে তারও তোমার সাথে মহব্বত সৃষ্টি হবে।

* ভালবাসা ও বন্ধুত্বের ক্ষেত্রে ভারসাম্য বজায় রাখা জরুরী। কাউকে ভালবেসে তার কাছে নিজেকে এতখানি উন্মুক্ত করে দেয়া ঠিক নয়, তার কাছে নিজের গোপনীয়তা এতখানি ফাঁস করে দেয়া ঠিক নয়, যাতে কোন দিন সে শত্রু হয়ে গেলে ক্ষতি করতে সক্ষম হয়।

* মহব্বত (ভালবাসা) ও শাহওয়াত (কাম রিপূর তাড়না) এক কথা নয়। বেগানা নারী ও শূশ্রূহীন বালকের প্রতি যে আকর্ষণকে মহব্বত বলে মনে হয়, তা প্রায়শঃ প্রকৃত পক্ষে মহব্বত নয় বরং শাহওয়াত থেকে উৎপন্ন হয়ে থাকে। এরূপ আকর্ষণ পাপ পথে ধাবিত করে থাকে বিধায় তা পাপ ও গর্হিত।

* ভালবাসার বুনিয়াদ হতে হবে দ্বীনদারী ও পরহেযগারী। অতএব যে যত বেশী দ্বীনদার ও পরহেযগার, তার সাথেই ততবেশী ভালবাসা ও বন্ধুত্বের সম্পর্ক গড়ে তুলতে হবে। দোস্তী মহব্বত করার আগে তার আমল-আখলাক দেখে নিতে হবে।

* স্বার্থের জন্য মহব্বত করা ভাল নয়, মহব্বত করতে হবে নিঃস্বার্থ ভাবে শুধু আল্লাহর উদ্দেশ্যে।

অমুসলিমদের সাথে কোন ধরনের সম্পর্ক রাখতে হবে

* মানুষে মানুষে পারস্পরিক সম্পর্ক চার ধরনের হতে পারে; এর মধ্যে অমুসলিম তথা কাফেরদের সাথে শর্ত সাপেক্ষে তিন ধরনের সম্পর্ক রাখা যায়। এক ধরনের সম্পর্ক কোন অবস্থাতেই রাখা যায় না। যথাঃ

১. বন্ধুত্ব ও আন্তরিকতার সম্পর্ক : এ পর্যায়ে সম্পর্ক একমাত্র মুসলমানদের সাথেই হবে। কোন কাফেরের সাথে কোন মুসলমানের বন্ধুত্ব বা আন্তরিকতার সম্পর্ক হতে পারে না।

২. সহানুভূতি ও সমবেদনার সম্পর্ক : এ পর্যায়ে সম্পর্ক অমুসলিমদের সাথেও থাকবে। অমুসলিমদের প্রতিও সহানুভূতি প্রদর্শন করা, সমবেদনা জ্ঞাপন করা এবং তাদের উপকার করার শিক্ষা ইসলাম দিয়েছে। তবে যুদ্ধরত অমুসলিমদের সাথে এ পর্যায়ে সম্পর্ক রাখা জায়েয নয়।

৩. সৌজন্য ও আতিথেয়তার সম্পর্ক : ধর্মীয় কল্যাণ সাধনের লক্ষ্যে অথবা আত্মরক্ষার স্বার্থে অমুসলিমদের সাথেও এ পর্যায়ে সম্পর্ক রাখা যাবে। অর্থাৎ, যদি অমুসলিমদেরকে ধর্মের প্রতি আকৃষ্ট করা, ইসলামের শিক্ষা সম্পর্কে তাদেরকে অবহিত করা, তাদেরকে হেদায়াত করা বা এ ধরনের কোন ধর্মীয় উপকারিতা লাভের উদ্দেশ্যে কিংবা তাদের অনিষ্ট থেকে আত্মরক্ষার উদ্দেশ্যে তাদের সাথে বাহ্যিক বন্ধুত্বপূর্ণ ব্যবহার ও সৌহার্দমূলক আচরণ করা হয় এবং তাদের আতিথেয়তা করা হয় তবে তা জায়েয, অন্য কোন উদ্দেশ্যে তাদের সাথে এরূপ সম্পর্ক রাখা জায়েয নয়।

৪. লেন-দেনের সম্পর্ক : অর্থাৎ, ব্যবসা-বাণিজ্য, ইজারা, চাকুরী, শিল্প ও কারিগরী ক্ষেত্রে সম্পর্ক স্থাপন করা। এ ধরনের সম্পর্ক প্রতিষ্ঠা অমুসলমানদের সাথে জায়েয, তবে এতে যদি মুসলমানদের ক্ষতি হয় তাহলে জায়েয নয়। এ কারণে মুসলমানদের সাথে যুদ্ধরত কাফেরদের হাতে সামরিক অস্ত্র-শস্ত্র

বিক্রয় করা নিষিদ্ধ। একরূপ মুহূর্তে তাদের সাথে শুধু মাত্র স্বাভাবিক ব্যবসা-বাণিজ্যের অনুমতি রয়েছে।

(ماخوذ از مسرّف القرآن وبيان القرآن)

অমুসলিমদের সাথে একত্রে পানাহার এবং তাদের হাতের তৈরী ও তাদের রান্না করা খাদ্য-খাবারের মাসায়েল

* অমুসলিমদের জবেহ করা প্রাণীর গোশত খাওয়া জায়েয নয়। অমুসলিমদের তৈরী ও রান্না করা খাদ্য খাবার, মিষ্টি ইত্যাদি ক্রয় করা এবং খাওয়া জায়েয, যদি বাহ্যিকভাবে তাতে কোন নাপাক বস্তুর মিশ্রণ বোঝা না যায়। তবে মুসলমান ভাইয়ের উপকারের উদ্দেশ্যে মুসলমানের দোকান থেকে ক্রয় করলে উত্তম হবে। (امداد الفتاوى ج ১/ ৩)

* অমুসলিমদের সাথে একত্রে বসে বা তাদের বরতনে খাওয়া মাকরুহ, তবে ঠেকা বশতঃ হলে জায়েয। আর যদি জানা থাকে যে, তাদের বরতন নাপাক তাহলে জায়েয নয়। (فتاوى محمودية ج ১/ ৫)

সুপারিশ সম্পর্কে নীতিমালা

কারও কার্যোদ্ধার করে দেয়ার জন্য যে সুপারিশ করা হয়, তার মধ্যে এক প্রকার সুপারিশ হল বৈধ ও ভাল সুপারিশ। একরূপ সুপারিশ করলে ছওয়াব লাভ হয়। যে কার্য উদ্ধারের জন্য সুপারিশ করা হবে উক্ত কার্য যে করবে সে যে পরিমাণ ছওয়াব লাভ করবে, সুপারিশকারী ব্যক্তিও সে পরিমাণ ছওয়াব লাভ করবে; চাই তার সুপারিশ কার্যকরী ও সফল হোক বা না হোক। আর এক প্রকার সুপারিশ হল অবৈধ ও মন্দ সুপারিশ। একরূপ সুপারিশ করলে পাপ হয়। যে অবৈধ কাজের জন্য সুপারিশ করা হবে সে কাজ করলে যে পাপ হবে অবৈধ সুপারিশেও সে পরিমাণ পাপ হবে।

বৈধ ও ভাল সুপারিশের জন্য শর্ত হলঃ

১. যার পক্ষে সুপারিশ করা হবে তার দাবী সত্য ও বৈধ হতে হবে।
২. যার নিকট সুপারিশ করা হবে, সুপারিশকারী তার উপর নিজের প্রভাব-প্রতিপত্তি খাটিয়ে চাপ ও জবরদস্তী প্রয়োগ করতে পারবে না। সারকথা-বৈধ বিষয়ের জন্য বৈধ পন্থায় সুপারিশ করা হল ভাল সুপারিশ।

সুপারিশ মন্দ এবং অবৈধ হয়ে যায় নিম্নোক্ত কারণেঃ

১. কোন অবৈধ এবং অসত্য দাবী আদায়ের জন্য সুপারিশ করলে।

২. সুপারিশের পছন্দ অবৈধ হলে। সুপারিশকারী ব্যক্তি যদি নিজের প্রভাব প্রতিপত্তি ও পদবলের ভিত্তিতে যার নিকট সুপারিশ করা হবে তার উপর চাপ সৃষ্টি করে তার স্বাধীনতায় হস্তক্ষেপ করে, যার ফলে অনিচ্ছা সত্ত্বেও তাকে কাজ করতে বাধ্য হতে হয়, তাহলে এরূপ পছন্দ সুপারিশ করা হল অবৈধ পছন্দ সুপারিশ। এভাবে কার্যোদ্ধার করা হারাম।

(ماخوذ از آداب العاشره وسارف القرآن)

শোয়া এবং ঘুমের সুন্নাত, আদব ও বিধি-নিষেধ সমূহ

১. ইশার নামাযের পর গল্প-গুজব বা দুনিয়াবী কাজ-কর্ম কিংবা দুনিয়াবী কথা-বার্তায় লিপ্ত না হয়ে যথাশীঘ্র সম্ভব ঘুমানোর প্রস্তুতি নেয়া সুন্নাত। এ সুন্নাত পালন করলে শেষ রাতে তাহাজ্জুদের জন্য উঠা সহজ হয় কিংবা অন্ততঃ ফজরের নামাযের জন্য সহজেই ঘুম ভাঙ্গে। ইশার পর ঘুমানোর পূর্বে অপ্রয়োজনীয় দুনিয়াবী কথা-বার্তা বলা মাকরুহ। দুনিয়াবী প্রয়োজনীয় কথা বা দ্বীনী কথা বলা যায়।
২. ঘুম পড়ার পূর্বে পেশাব-পায়খানার জরুরত থেকে ফারোগ হয়ে নেয়া উত্তম।
৩. ঘুমানোর পূর্বে চেরাগ/বাতি ও আগুন নিভিয়ে দেয়া সুন্নাত। বিশেষ প্রয়োজন না হলে ডিম লাইটও জ্বালিয়ে ঘুমানো ঠিক নয়। (গুৱারিস্ত)
৪. ঘুমানোর পূর্বে খাদ্য-খাবার ও পানির পাত্র ঢেকে দেয়া সুন্নাত। ঢাকার জন্য কোন পাত্র না পেলে অন্ততঃ একটা লাঠি দিয়ে হলেও ঢেকে রাখবে।
৫. মেসওয়াক করে ঘুমানো সুন্নাত।
৬. উযু অবস্থায় ঘুমানো সুন্নাত।
৭. উভয় চোখে তিনবার করে সুরমা লাগানো সুন্নাত।
৮. পূর্বে থেকেই বিছানো রয়েছে (যাতে ধুলা-বালি থাকার সম্ভাবনা) এমন বিছানা হলে তিনবার সে বিছানা ঝেড়ে নেয়া সুন্নাত।
৯. শোয়ার আগে কাপড় পাল্টানো সুন্নাত। (زاد المعاد)
১০. খুব বেশী নরম বিছানায় না ঘুমানো উত্তম।
১১. দরজার চৌকাঠের উপর কিংবা যে ছাদে রেলিং বা ঘেরা নেই তাতে শোয়া নিষেধ।
১২. সূরা-আলিফ লাম মীম সাজদা (২১ পারা দ্রঃ) তিলাওয়াত করা সুন্নাত।
১৩. সূরা-মূলক তিলাওয়াত করা সুন্নাত।
১৪. আয়াতুল কুরছী পাঠ করা সুন্নাত।

১৫. সূরা-বাকারার শেষ দুই আয়াত (أَمَّنَ الرَّسُولُ) থেকে শেষ পর্যন্ত পাঠ করা সুন্নাত।

১৬. তাসবীহে ফাতেমী অর্থাৎ ৩৩ বার সুবহানাল্লাহ, ৩৩ বার আল-হামদুলিল্লাহ এবং ৩৩ বা ৩৪ বার আল্লাহু আকবার পড়া সুন্নাত।

১৭. কালিমায়ে তইয়্যেবা পড়া সুন্নাত।

১৮. দুরুদ শরীফ পড়া সুন্নাত।

১৯. তিনকুল (সূরাঃ এখলাস, ফালাক ও নাছ) পড়ে হাতে ফুঁক দিয়ে সমস্ত শরীরে বুলানো। এভাবে তিনবার করা সুন্নাত। (ترمذی-ابواب الدعوات)

২০. সূরা কাফিরুন পড়া সুন্নাত। (ابو داود والترمذی)

২১. তিনবার এস্তেগফার পড়া এবং গোনাহ থেকে তওবা করা।

২২. ঘূমানোর পূর্বে ওছিয়াতের প্রয়োজন থাকলে তা করা।

২৩. মূর্দার মাথা কবরে যে দিকে রাখা হয় সে দিকে মাথা রেখে শোয়া (যেমন আমাদের দেশের জন্য উত্তর দিকে মাথা দিয়ে শোয়া) সুন্নাত।

২৪. প্রথমে অন্ততঃ কিছুক্ষণ ডান হাত ডান গালের নীচে রেখে ডান কাতে শোয়া সুন্নাত। (ابو داود)

২৫. ডান হাত গালের নীচে রেখে এই দুআ পড়বে-

اللَّهُمَّ قِنِي عَذَابَكَ يَوْمَ تَبْعُ عِبَادَكَ - (رواه الترمذی وقال حديث حسن صحيح)

অর্থঃ হে আল্লাহ, যেদিন তোমার বান্দাদেরকে তুমি পুনরুত্থিত করবে, সেদিন তোমার আযাব থেকে আমাকে রক্ষা কর।

২৬. এই দুআ পড়ে শোয়া সুন্নাত-

اللَّهُمَّ بِاسْمِكَ أَمُوتُ وَأَحْيَى - (رواه البخاری فی کتاب الدعوات)

অর্থঃ হে আল্লাহ, আমি তোমারই নামে বাঁচি ও মরি।

অথবা

بِاسْمِكَ رَبِّي وَضَعْتُ جَنِيَّ وَبِكَ أَرْفَعُهُ إِنْ أَمْسَكَتْ نَفْسِي فَاعْفِرْ لَهَا وَإِنْ أَرْسَلْتَهَا فَاحْفَظْهَا بِمَا تَحْفَظُ بِهِ عِبَادَكَ الصَّالِحِينَ - (بخاری ومسلم)

অর্থঃ হে আমার প্রতিপালক, আমি তোমার নামে আমার পার্শ্বদেশ রাখলাম এবং তোমার কুদরতে আবার তা উঠাব। আর এ অবস্থায় যদি আমার

আরাকে ধরে রাখ (অর্থাৎ, মৃত্যু ঘটানো), তাহলে আরার মাগফেরাত কর। আর যদি তাকে ছেড়ে দাও (অর্থাৎ, জীবিত রাখ), তাহলে তার তত্ত্বাবধান করো যেভাবে তোমার নেক বান্দাদের ক্ষেত্রে তুমি তার তত্ত্বাবধান করে থাক।

২৭. সর্বশেষে এই দুআ পড়বে। তাহলে ঐ ঘূমে মৃত্যু হলে ঈমানের সাথে মৃত্যু হবে।

اللَّهُمَّ إِنِّي أَسْلَمْتُ نَفْسِي إِلَيْكَ، وَفَوَّضْتُ أَمْرِي إِلَيْكَ، وَوَجَّهْتُ وَجْهِي إِلَيْكَ، وَالْجَأْتُ ظَهْرِي إِلَيْكَ، رَغْبَةً وَرَهْبَةً إِلَيْكَ، لَا مَلْجَأَ وَلَا مَنْجَى مِنْكَ إِلَّا إِلَيْكَ، أَمُنْتُ بِكِتَابِكَ الَّذِي أَنْزَلْتَ وَبِنَبِيِّكَ الَّذِي أَرْسَلْتَ -
(بخاری ومسلم)

অর্থঃ হে আল্লাহ, আমি আমার আরাকে তোমার কাছে সোপর্দ করলাম, আমার মনোযোগ তোমার প্রতি নিবদ্ধ করলাম, আমার বিষয় তোমার উপর ন্যাস্ত করলাম এবং তোমার প্রতি আশ্রয় ও তোমার ভয় সহকারে আমার পৃষ্ঠদেশ তোমার আশ্রয়ে রাখলাম, তুমি ছাড়া কোন আশ্রয়ের স্থান নেই, কোন পরিত্রাণ লাভের জায়গা নেই। আমি ঈমান আনলাম তোমার কিতাবের প্রতি যা তুমি নাযিল করেছ; আর তোমার নবীর প্রতি, যাকে তুমি রাসূল রূপে প্রেরণ করেছ।

২৮. উপুড় হয়ে শোয়া নিষেধ। (تعليم الدين)

২৯. এক পা খাড়া করে তার উপর অপর পা রেখে চিত হয়ে এমন ভাবে শয়ন করবে না, যাতে সতর খুলে যাওয়ার সম্ভাবনা থাকে। সতর না খুললে ক্ষতি নেই। (تعليم الدين)

৩০. যিকির করতে করতে ঘুমানো উত্তম।

৩১. শোয়ার পর ঘুম না আসলে পড়বে-

أَعُوذُ بِكَلِمَاتِ اللَّهِ التَّامَّةِ مِنْ غَضَبِهِ وَعِقَابِهِ وَشَرِّ عِبَادِهِ وَمِنْ هَمْزَاتِ الشَّيَاطِينِ وَأَنْ يَحْضُرُونِ - (رواه الترمذی وقال حديث حسن غريب)

অর্থঃ আল্লাহর সমস্ত কালামের ওহীলা দিয়ে আমি তাঁর ক্রোধ, তাঁর শাস্তি, তাঁর বান্দাদের অনিষ্টকারিতা, শয়তানদের উস্কানী এবং আমার কাছে তাদের হাজির হওয়া থেকে আশ্রয় প্রার্থনা করছি।

অথবা পড়বে-

اللَّهُمَّ غَارِبِ النُّجُومُ ، وَهَدَاتِ الْعُيُونُ ، أَنْتَ حَتَّى قَيُّومٌ ، لَا تَأْخُذُكَ سِنَةٌ وَلَا نَوْمٌ ، يَا حَتَّى يَا قَيُّومُ ! اهْدِيْ لَيْلِيْ وَأَنْمِ عَيْنِيْ - (تنبيه الغافلين)

অর্থঃ হে আল্লাহ! নক্ষত্র দূরে চলে গিয়েছে, চোখগুলো আরাম লাভ করেছে, আর তুমি চিরজীব, স্ব-প্রতিষ্ঠ ও সবকিছু সংরক্ষণকারী, তোমাকে তন্দ্রা ও নিদ্রা স্পর্শ করে না। হে চিরজীব, হে আত্মপ্রতিষ্ঠ সংরক্ষণকারী! এই রাতে আমাকে আরাম দাও, আমার চোখে ঘুম দাও।

৩২. ঘুম থেকে উঠে হস্তদ্বয় দ্বারা মুখমণ্ডল ও চক্ষুদ্বয় হালকাভাবে মর্দন করবে, যাতে ঘুমের প্রভাব কেটে যায়।

৩৩. ঘুম থেকে উঠে তিনবার আল-হামদু লিল্লাহ বলা সুনাত।

৩৪. ঘুম থেকে উঠে তিনবার কালিমায়ে তইয়োবা পড়া সুনাত।

৩৫. ঘুম থেকে উঠে এই দুআ পড়া সুনাত-

الْحَمْدُ لِلَّهِ الَّذِي أَحْيَانَا بَعْدَ مَا أَمَاتَنَا وَإِلَيْهِ النُّشُورُ - (بخاری)

অর্থঃ সমস্ত প্রশংসা আল্লাহর জন্য, যিনি আমাদেরকে মৃত্যু (অর্থাৎ, নিদ্রা) দানের পর আবার জীবিত (অর্থাৎ, জাগ্রত) করেছেন এবং তাঁর কাছেই আমাদেরকে ফিরে যেতে হবে।

* তাহাজ্জুদের জন্য উঠলে এই দুআ পড়বে-

اللَّهُمَّ لَكَ الْحَمْدُ أَنْتَ قَيِّمُ السَّمُوتِ وَالْأَرْضِ وَمَنْ فِيهِنَّ ، وَلَكَ الْحَمْدُ أَنْتَ نُورُ السَّمُوتِ وَالْأَرْضِ وَمَنْ فِيهِنَّ ، وَلَكَ الْحَمْدُ أَنْتَ مَلِكُ السَّمُوتِ وَالْأَرْضِ وَمَنْ فِيهِنَّ ، وَلَكَ الْحَمْدُ أَنْتَ الْحَقُّ وَوَعْدُكَ الْحَقُّ وَلِقَائُكَ حَقٌّ وَقَوْلُكَ حَقٌّ وَالْجَنَّةُ حَقٌّ وَالنَّارُ حَقٌّ وَالنَّبِيُّونَ حَقٌّ وَمُحَمَّدٌ حَقٌّ وَالسَّاعَةُ حَقٌّ - اللَّهُمَّ لَكَ أَسْلَمْتُ وَبِكَ أَمَنْتُ وَعَلَيْكَ تَوَكَّلْتُ وَإِلَيْكَ أَنَبْتُ وَبِكَ خَاصَمْتُ وَإِلَيْكَ حَاكَمْتُ ، فَاعْفِرْ لِي مَا قَدَّمْتُ وَمَا أَخَّرْتُ وَمَا أَسْرَرْتُ وَمَا أَعْلَنْتُ - أَنْتَ الْمُقَدِّمُ وَأَنْتَ الْمُؤَخِّرُ ، لَا إِلَهَ إِلَّا أَنْتَ وَلَا إِلَهَ غَيْرُكَ - (بخاری ومسلم)

তাহাজ্জুদের জন্য উঠলে নিম্নোক্ত আয়াত সমূহও পাঠ করবে-

إِنَّ فِي خَلْقِ السَّمُوتِ وَالْأَرْضِ وَاخْتِلَافِ اللَّيْلِ وَالنَّهَارِ لَآيَاتٍ لِأُولِي

الْأَلْبَابِ - الَّذِينَ يَذْكُرُونَ اللَّهَ قِيَامًا وَقُعُودًا وَعَلَىٰ جُنُوبِهِمْ وَيَتَفَكَّرُونَ فِي خَلْقِ السَّمَوَاتِ وَالْأَرْضِ رَبَّنَا مَا خَلَقْتَ هَذَا بَاطِلًا سُبْحَنَكَ فَقِنَا عَذَابَ النَّارِ - رَبَّنَا إِنَّكَ مَنْ تَدْخِلِ النَّارَ فَقَدْ أَخْرَجْتَهُ وَمَا لِلظَّالِمِينَ مِنْ أَنْصَارٍ - رَبَّنَا إِنَّا سَمِعْنَا مُنَادِيًا يُنَادِي لِلْإِيمَانِ أَنْ آمِنُوا بِرَبِّكُمْ فَآمَنَّا ، رَبَّنَا فَاغْفِرْ لَنَا ذُنُوبَنَا وَكَفِّرْ عَنَّا سَيِّئَاتِنَا وَتَوَفَّنَا مَعَ الْأَبْرَارِ - رَبَّنَا وَآتِنَا مَا وَعَدْتَنَا عَلَىٰ رُسُلِكَ وَلَا تُخْزِنَا يَوْمَ الْقِيَمَةِ إِنَّكَ لَا تُخْلِفُ الْمِيعَادَ -
(بخارى فى كتاب التفسير)

৩৬. ঘুম থেকে উঠে মেসওয়াক করা সুন্নাত ।

৩৭. ঘুম থেকে উঠে উযু করা উত্তম ।

৩৮. ইশার নামাযের পূর্বে ঘুমানো নিষেধ । তবে একান্ত অসুবিধা বশতঃ ঘুমাতে হলে ইশার নামাযের জন্য জাগ্রত করার লোক নির্ধারিত করে নিয়ে ঘুমানো যেতে পারে ।

৩৯. আসরের পরও ঘুমাবে না । (شرعة الاسلام)

৪০. সুযোগ হলে দুপুরে খাওয়ার পর কায়লুলাহ করা অর্থাৎ, কিছুক্ষণ শুয়ে থাকা সুন্নাত, ঘুম আসুক বা না আসুক ।

৪১. এক কাপড়ের (এক কাঁথা বা এক লেপের) নীচে দুইজন পুরুষ বা দুই জন মেয়ে লোক শয়ন করা বড়ই খারাপ এবং লজ্জার কথা । (تعليم الدين)

স্বপ্ন বিষয়ক বিধি-নিষেধ সমূহ

* পছন্দ মত খাব (স্বপ্ন) দেখলে এবং তা বর্ণনা করতে চাইলে মহক্বাত রাখে- এমন লোকের নিকট বা কোন আলেমের নিকট বর্ণনা করা সুন্নাত ।

* দিনের শুরু ভাগে দুনিয়ার কামেলায় মশগুল হওয়ার পূর্বে রাতের স্বপ্ন সম্পর্কে ব্যাখ্যা জেনে নিতে পারলে উত্তম । (مفاتيح الجنان نقلًا عن شرح المصابيح)

* কোন দুঃস্বপ্ন অর্থাৎ, অপছন্দনীয় বা ভয় ভীতির খাব দেখলে হেটা আমল করবে, তাহলে কোন ক্ষতি হবে না ইনশাআল্লাহ ।

১. স্বপ্ন দেখে চক্ষু খোলার সাথে সাথে তিনবার বাম দিকে থুথু ফেলবে ।

২. তিনবার (أَعُوذُ بِاللَّهِ مِنَ الشَّيْطَانِ الرَّجِيمِ وَشَرِّ هَذِهِ الرُّؤْيَا) (আউযু বিল্লাহি মিনাশ শায়তানির রজীম ওয়া শাররি হাযিহির রুইয়া) পড়বে । এর অর্থ হলঃ বিতাড়িত শয়তান হতে এবং এই স্বপ্নের অপকারিতা হতে আমি আল্লাহর কাছে পানাহ চাই ।

৩. পার্শ্ব পরিবর্তন করে শোবে।

৪. এই স্বপ্নের অপকারিতা থেকে পানাহ চাওয়ার জন্য নিম্নোক্ত দুআ পড়বে-

اَللّٰهُمَّ اِنِّىْ اَسْأَلُكَ خَيْرَ هَذِهِ الرُّؤْيَا وَخَيْرَ مَا فِيْهَا ، وَاَعُوْذُبِكَ مِنْ شَرِّ هَذِهِ الرُّؤْيَا وَشَرِّ مَا فِيْهَا ۔

অর্থঃ হে আল্লাহ, আমি তোমার কাছে এই স্বপ্ন এবং এর অন্তর্নিহিত যা কিছু রয়েছে তার মঙ্গলটা কামনা করি। আর এই স্বপ্ন ও তার মধ্যকার অনিষ্ট থেকে তোমার কাছে পানাহ চাই।

৫. এরূপ দুঃস্বপ্ন কারও নিকট বর্ণনা করবে না।

* কেউ স্বপ্ন বর্ণনা করলে ব্যাখ্যা ভাল মনে হলে তাই বলবে, নতুবা শ্রবণকারী ও ব্যাখ্যাদাতা উভয়েই বলবে 'خَيْرًا رَّأَيْتَ وَخَيْرًا يُكُونُ' অর্থাৎ, ভাল দেখেছেন, ভালই হবে। (كتاب الاذكار)

সহবাসের সুন্নাত, আদব ও বিধি-নিষেধ সমূহ

১. সংগম শুরু করার পূর্বে নিয়ত সহীহ করে নেয়া; অর্থাৎ, এই নিয়ত করা যে, এই হালাল পছন্দ যৌন চাহিদা পূর্ণ করা দ্বারা হারামে পতিত হওয়া থেকে রক্ষা পাওয়া যাবে, তৃপ্তি লাভ হবে এবং তার দ্বারা কষ্ট সহিষ্ণু হওয়া যাবে, ছওয়াব হাছেল হবে এবং সন্তান লাভ হবে।

২. কোন শিশু বা পশুর সামনে সংগমে রত না হওয়া।

৩. পর্দা ঘেরা স্থানে সংগম করা।

৪. সংগম শুরু করার পূর্বে শৃঙ্গার (চুম্বন, স্তন মর্দন ইত্যাদি) করবে।

৫. বীর্য, যৌনাস্রের রস ইত্যাদি মোছার জন্য এক টুকরা কাপড় রাখা।

৬. বিসমিল্লাহ বলে কার্য শুরু করা।

৭. শয়তান থেকে পানাহ চাওয়া।

উভয়টিকে একত্রে এভাবে বলা :

بِسْمِ اللّٰهِ اَللّٰهُمَّ جَنِّبْنَا الشَّيْطَانَ وَجَنِّبِ الشَّيْطَانَ مَا رَزَقْتَنَا - (متفق عليه)

অর্থঃ আমি আল্লাহর নাম নিয়ে এই কাজ আরম্ভ করছি। হে আল্লাহ, শয়তানকে আমাদের থেকে দূরে রাখ এবং যে সন্তান তুমি আমাদেরকে দান করবে তার থেকেও শয়তানকে দূরে রাখ।

৮. সংগম অবস্থায় বেশী কথা না বলা। (شرعة الاسلام)
৯. সংগম অবস্থায় স্ত্রী-যোনির দিকে নজর না দেয়া। (شرح النقاية) হয়রত ইবনে ওমর (রাঃ) সংগম অবস্থায় স্ত্রী-যোনির দিকে দৃষ্টি দেয়া উত্তেজনা বৃদ্ধির সহায়ক বিধায় এটাকে উত্তম বলতেন।
১০. বীর্যপাতের সময় নিম্নোক্ত দুআ পড়বে-

اَللّٰهُمَّ لَا تَجْعَلْ لِلشَّيْطَانِ فَيِّمًا رَزَقْتَنِيْ نَصِيْبًا -

অর্থঃ হে আল্লাহ, যে সন্তান তুমি আমাদেরকে দান করবে তার মধ্যে শয়তানের কোন অংশ রেখ না।

১১. বীর্যের প্রতি দীর্ঘ দৃষ্টি না দেয়া।
১২. বীর্যপাতের পরই স্বামীর নেমে না যাওয়া বরং স্ত্রীর উপর অপেক্ষা করা, যেন স্ত্রীও তার খাহেশ পূর্ণ মাত্রায় মিটিয়ে নিতে পারে। (مجمع الزوائد)
১৩. সংগম শেষে পেশাব করে নেয়া জরুরী। (شرعة الاسلام)
১৪. সংগমের পর সাথে সাথে গোসল করে নেয়া উত্তম। অন্ততঃ উষু করে নেয়া।
১৫. স্বপ্নদোষের পর সংগম করতে হলে পেশাব করে নিবে এবং যৌনাস্র ধুয়ে নিবে।
১৬. এক সংগমের পর পুনর্বীর সংগমে লিপ্ত হতে চাইলে যৌনাস্র এবং হাত ধুয়ে নিতে হবে।
১৭. সংগমের পর অন্ততঃ কিছুক্ষণ ঘুমানো উত্তম।
১৮. জুমুআর দিন সংগম করা মোস্তাহাব।
১৯. সংগমের বিষয় কারও নিকট প্রকাশ করা নিষেধ। এটা একদিকে নির্লজ্জতা, অন্যদিকে স্বামী/স্ত্রীর হক নষ্ট করা।

হায়েয নেফাস অবস্থায় সংগম ইত্যাদির বিধি-নিষেধ

* হায়েয নেফাস অবস্থায় যৌন সংগম থেকে বিরত থাকা ফরয এবং যৌন সংগমে লিপ্ত হওয়া হারাম।

* হায়েয অবস্থায় স্বামীর সঙ্গে একত্রে শয়ন ও একত্রে পানাহার অব্যাহত রাখা সুন্নাত। (এতে মাজুসী বা অগ্নিপূজকদের বিরুদ্ধাচরণ করা হয়।)

* পুরাতন আকর্ষণহীন কাপড়-চোপড় পরিহিত থাকবে, যাতে তাকে দেখলে স্বামীর উত্তেজনা হ্রাস পায়, বৃদ্ধি না ঘটে।

* হায়েয নেফাস অবস্থায় নামায পড়বে না।

* নামাযের সময়ে উযু করে নামাযের স্থানে নামায আদায় পরিমাণ সময় বসে থেকে সুবহানাল্লাহ, লা-ইলাহা ইল্লাল্লাহ পড়তে থাকবে, যেন ইবাদতের অভ্যাস বজায় থাকে। এটা মোস্তাহাব। (سراجية)

* হয়েয অবস্থায় মহিলা প্রতি নামাযের ওয়াক্তে সত্তর বার এস্তেগফার পাঠ করবে।^১

জানাবাত (বে-গোসল) অবস্থার বিশেষ বিধি-নিষেধ সমূহ

* জানাবাত অবস্থায় নখ, কাটা বা নাভির নীচের হাজামত (ক্ষৌরকার্য) বানানো মাকরুহ। (عائيرى)

* জানাবাত অবস্থায় মসজিদে গমন করা, কাবা শরীফ তওয়াফ করা, কুরআন শরীফ স্পর্শ করা বা তিলাওয়াত করা এবং নামায পড়া নিষেধ। তবে দুআ হিসেবে কোন আয়াত পড়তে পারে।

* জানাবাত অবস্থায় কালিমা, দুরুদ শরীফ, যিকির, এস্তেগফার বা কোন ওজীফা পাঠ করতে নিষেধ নেই।

* জানাবাত অবস্থায় কুলি করা ব্যতীত পানি পান করা মাকরুহ তানযীহী।

* জানাবাত অবস্থায় হাত ধোয়ার পূর্বে কিছু পানাহার করা মাকরুহ তানযীহী। (أحسن التاوى ج ২/ ২)

ঘরে প্রবেশের ওয়াজিব, সুন্নাত ও আদব সমূহ

১. ঘরে প্রবেশের পূর্বে ঘরবাসীর অনুমতি গ্রহণ করা ওয়াজিব। এমনকি পিতা-মাতা, ভাই-বোন ও পুত্র-কন্যার ঘর হলেও অনুমতি গ্রহণ করা জরুরী। একমাত্র যে ঘরে শুধু মাত্র প্রবেশকারীর স্ত্রী বা স্বামী থাকে সেখানে উক্ত প্রবেশকারীর জন্য অনুমতি গ্রহণ করা ওয়াজিব নয়, তবে সেখানেও কাশি দিয়ে, জুতার শব্দ করে বা যে কোন ভাবে সাড়া দিয়ে প্রবেশ করা মোস্তাহাব ও উত্তম। আবার স্ত্রীর সাথে অন্য কেউ রয়েছে বলে নিশ্চিত জানা থাকলে বা তার প্রবল ধারণা হলেও অনুমতি নেয়া জরুরী।

* দোকান-পাট, কোট-কাচারি, অফিস-আদালত, হোটেল, পার্ক ইত্যাদি যেসব স্থানে গণমানুষের প্রবেশ করার সাধারণ অনুমতি থাকে, সেখানে

১. এতে এক হাজার রাকআত নামাযের ছওয়াব হবে, সত্তরটা গোনাহ মাফ হবে এবং দরজা বুলন্দ হবে ইত্যাদি। (عائيرى ৫৫) ॥

প্রবেশের জন্য অনুমতির প্রয়োজন নেই। তবে যেসব অফিস দপ্তর প্রাইভেট, সেখানে সংশ্লিষ্ট ব্যক্তিবর্গ ব্যতীত অন্যদেরকে প্রবেশের জন্য অনুমতি গ্রহণ করতে হবে।

* অনুমতি গ্রহণের সুন্নাত-তরীকা হলঃ দরজার বাইরে থেকে সালাম দিবে কিংবা সালাম দিয়ে বলবে আসতে পারি? ভিতর থেকে সাড়া না পেলে আবার সালাম দিবে। এভাবে তিনবার করবে। তারপরও যদি ভিতর থেকে কোন সাড়া না আসে, তাহলে যেখান থেকে চলে আসবে। উল্লেখ্য যে, এই সালামকে বলা হয় ‘সালামে ইস্তীযান’ বা অনুমতি গ্রহণের সালাম। এই সালামের উত্তর ওয়ালাইকুমুস সালাম ... নয় বরং এর উত্তর হল প্রবেশের অনুমতি দেয়া বা না দেয়া। প্রবেশের অনুমতি দিলে দেখা সাক্ষাৎ হওয়ার সময় স্বাভাবিক সালাম জওয়াব আদান-প্রদান করতে হবে।

* অনুমতি চাওয়ার জন্য দরজায় করাঘাত করা, কড়া নাড়ানো কিংবা বর্তমানে প্রচলিত কলিং বেল বাজানো, ভিজিটিং কার্ড বা আইডেন্টি কার্ড প্রেরণ পূর্বক অনুমতি চাওয়া-এগুলো দ্বারাও অনুমতি চাওয়ার হুকুম আদায় হয়ে যাবে।

* অনুমতি চেয়ে এমন স্থানে দাঁড়াবে, যাতে গায়র মাহরাম কেউ দরজা/জানালা খুললে বা পর্দা সরালে নজরে না পড়ে কিংবা কোনভাবে গোপন কিছু নজরে না আসে।

* ভিতর থেকে যদি জিজ্ঞেস করা হয় কে? তাহলে এরূপ বলবে না যে, “আমি” বরং পরিষ্কার নিজের নাম বলবে যে, আমি অমুক এমনকি প্রয়োজনে নিজের পরিচয়ও বলবে।

২. ‘বিসমিল্লাহ’ বলে ঘরে প্রবেশ করা সুন্নাত।

৩. ডান পা দিয়ে প্রবেশ করবে।

৪. প্রবেশকালে নিম্নোক্ত দুআ পড়বে-

اَللّٰهُمَّ اِنِّیْ اَسْأَلُكَ خَیْرَ الْمَوْلَجِ وَخَیْرَ الْمَخْرَجِ بِسْمِ اللّٰهِ وَلَجْنَا وَبَسْمِ اللّٰهِ
خَرَجْنَا وَعَلِی اللّٰهِ رَبَّنَا تَوَكَّلْنَا - (ابو داود - کتاب الادب)

অর্থঃ হে আল্লাহ, আমি গৃহে প্রবেশ করতে এবং বের হতে তোমার কাছে মঙ্গল প্রার্থনা করি। আমি আল্লাহর নাম নিয়ে গৃহে প্রবেশ করি এবং আল্লাহর নাম নিয়ে গৃহ থেকে বের হই। আর আল্লাহর উপরই আমি ভরসা রাখি।

৫. ঘরবাসীকে সালাম দিবে।

৬. ঘরে কোন লোক না থাকলে এই বলে সালাম দিবে- (যা'আরেফুল কুরআন)

السَّلَامُ عَلَيْكُمْ يَا أَهْلَ الْبَيْتِ -

অর্থঃ হে গৃহবাসী, তোমাদের উপর শান্তি বর্ষিত হোক।

৭. কেউ ঘুমন্ত এবং কেউ জাগ্রত থাকলে জাগ্রতদেরকে এমনভাবে সালাম দিবে যেন ঘুমন্তদের ঘুমের ব্যাঘাত না হয়।

৮. ঘরের দরজা বন্ধ করতে হলে বিসমিল্লাহ বলে বন্ধ করবে।

৯. তারপর আয়াতুল কুরছী পাঠ করবে।

(১। তারপর আয়াতুল কুরছী পাঠ করবে। (شرعة الاسلام، مسائل وآداب ملاقات، থেকে গৃহীত।)

ঘর থেকে বের হওয়ার সুন্নাত ও আদব সমূহ

১. বিসমিল্লাহ বলে দরজা খুলবে।

২. নিম্নোক্ত দুআ পড়বে-

بِسْمِ اللَّهِ تَوَكَّلْتُ عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ -

(আবুদাউদ - كتاب الادب)

অর্থঃ আমি আল্লাহর নাম নিয়ে বের হলাম। আল্লাহরই উপর ভরসা করলাম। শক্তি সামর্থ কেবল আল্লাহর কাছ থেকেই আসে।

৩. ডান পা দিয়ে বের হবে। (যদি নেক কাজের উদ্দেশ্যে বের হয়।)

৪. সব রকম ভুলভ্রান্তি ও পদস্থলন থেকে মুক্তি চাওয়া বিষয়ক নিম্নোক্ত দুআ পড়বে-

اللَّهُمَّ إِنِّي أَعُوذُ بِكَ أَنْ أَضِلَّ أَوْ أَضَلَّ أَوْ أَزِلَّ أَوْ أَزَلَّ أَوْ أَظْلِمَ أَوْ أُظْلِمَ أَوْ أَجْهَلَ أَوْ يُجْهَلَ عَلَيَّ -

(আবুদাউদ - كتاب الادب)

অর্থঃ হে আল্লাহ, আমি নিজে বা অন্য কর্তৃক বিভ্রান্ত হওয়া, নিজে বা অন্য কর্তৃক বিচ্যুত হওয়া, জালেম হওয়া বা মাজলুম হওয়া, নাদানী করা বা নাদানীর স্বীকার হওয়া (এই সবকিছু) থেকে তোমার কাছে পানাহ চাই।

৫. বের হয়ে আয়াতুল কুরছী পড়বে। (شرعة الاسلام)

* মসজিদে যাওয়ার উদ্দেশ্যে বের হলে আরও বিশেষ কয়েকটি আমল রয়েছে। তার জন্য দেখুন ১৭২ পৃষ্ঠা।

চলার সুনাত ও আদব সমূহ

- * বড় রাস্তা হলে ডান দিক দিয়ে চলবে।
- * দৃষ্টি নত করে চলবে।
- * কিছুটা সনুখ পানে ঝুঁকে চলবে। নবী কারীম (সাঃ) এরূপ চলতেন।
- * হাত পা ছুড়ে ছুড়ে অহংকারের সাথে চলবে না।
- * রাস্তা অতিক্রম করার সময় যথাসম্ভব দ্রুত চলবে।
- * নারীদের জন্য রাস্তার কিনারা ছেড়ে দিবে।
- * প্রয়োজনে চলার পথে কোথাও থামতে এবং অবস্থান করতে হলে এমন জায়গায় অবস্থান করবে, যাতে অন্যদের চলা ফেরা ইত্যাদির ব্যাঘাত না ঘটে।
- * পথে কষ্টদায়ক কিছু পেলে তা সরিয়ে দিবে।
- * মুসলমানদেরকে সালাম দিবে এবং তাদের সালামের উত্তর দিবে।
- * প্রয়োজন ও সুযোগ অনুসারে আম্র বিল মারুফ ও নাহি আনিল মুনকার (ভাল কাজের আদেশ ও মন্দ কাজে বারণ) করবে।
- * কোন অন্ধকে দেখলে প্রয়োজনে (ডান হাত দিয়ে তার বাম হাত ধরে) তাকে যতটুকু সে চায় এগিয়ে দিবে।
- * পথ হারাকে পথের সন্ধান বলে দিবে। তবে কোন কাফেরকে তাদের উপাসনালয়ের সন্ধান বলে দিবে না।
- * নেতৃস্থানীয় ব্যক্তি হলেও তার জন্য লোকদেরকে পথ থেকে ধাক্কা দেয়া বা সরানো ঠিক হবে না। নবী কারীম (সাঃ)-এর জন্য এরূপ করা হত না।
- * বৃদ্ধ লোকদের জন্য চলার সময় লাঠি নেয়া সুনাত।
- * উপর দিকে উঠার সময় ডান পা আগে বাড়ানো এবং ‘আল্লাহ্ আকবার’ বলা সুনাত।
- * নীচের দিকে নামার সময় বাম পা আগে বাড়ানো এবং ‘সুবহানাল্লাহ’ বলা সুনাত।
- * সমতল স্থান দিয়ে চলার সময় ‘লাইলাহা ইল্লাল্লাহ’ বলা সুনাত।
- * ইয়াহুদী নাছারাদেরকে দেখলে তাদের জন্য পথ সংকুচিত করে দিবে-প্রশস্ত করে দিবে না; যাতে তাদের সম্মান প্রকাশ না পায়।
- * যাদের বয়স এবং ইল্ম বেশী, তাঁদেরকে সামনে চলার জন্য অগ্রাধিকার দেয়া আদব। উল্লেখ্য, বয়স এবং ইল্ম- এ দুটোর মধ্যে ইল্ম অধিক মর্যাদার হকদার, অতএব অধিক বয়সী ব্যক্তি অধিক ইল্মের

অধিকারীকে (যদিও তার বয়স কম হয়) সামনে চলার জন্য অগ্রাধিকার দিবেন।

যানবাহনের সুন্নাত, আদব ও আমল সমূহ

* বিসমিল্লাহ বলে যানবাহনে আরোহন করা সুন্নাত।

* প্রথমে ডান পা যানবাহনে রাখা সুন্নাত। বিসমিল্লাহ বলতে বলতে পা রাখবে।

* ভালভাবে আসন গ্রহণের পর আলহামদু লিল্লাহ বলবে।

* তারপর (যানবাহন চলতে শুরু করলে) নিম্নোক্ত দুআ পড়া সুন্নাত-

سُبْحَانَ الَّذِي سَخَّرْنَا هَذَا وَمَا كُنَّا لَهُ مُقَرَّنِينَ وَإِنَّا إِلَىٰ رَبِّنَا لَمُنْقَلِبُونَ - (ترمذی)

অর্থঃ পবিত্র ঐ আল্লাহ, যিনি একে আমাদের আয়ত্বাধীন করে দিয়েছেন, অথচ একে আমরা নিজেদের অধীন করতে পারতাম না। আর নিশ্চয় আমরা আপন প্রভুর কাছে ফিরে যাব।

* তারপর তিনবার “আলহামদু লিল্লাহ” বলবে।

* তারপর তিনবার “আল্লাহু আকবার” বলবে।

* তারপর নিম্নোক্ত দুআ পড়বে-

سُبْحَانَكَ إِنِّي ظَلَمْتُ نَفْسِي فَاغْفِرْ لِي فَإِنَّهُ لَا يَغْفِرُ الذُّنُوبَ إِلَّا أَنْتَ. (ترمذی)

অর্থঃ হে আল্লাহ! তুমি পবিত্র, আমি তো আমার নিজের উপর অবিচার করেছি। অতএব তুমি আমাকে ক্ষমা কর। কেননা, তুমি ছাড়া আর কেউ পাপরাশি ক্ষমা করার নেই।

বিঃ দ্রঃ নবী কারীম (সাঃ) এই দুআটি পড়ে মুচকি হেসেছিলেন এবং কারণ জিজ্ঞেস করা হলে বলেছিলেন, আল্লাহ তা'আলা বান্দার এরূপ দুআ করায় খুশি হয়ে বলেন, আমার বান্দা জানে যে, আমি ছাড়া গোনাহ ক্ষমা করার আর কেউ নেই। উল্লেখ্য, দুআটির মধ্যে এই বলা হয়েছে যে, তুমি আমাকে ক্ষমা করে দাও, অবশ্যই তুমি ব্যতীত আর কেউ ক্ষমা করার নেই।

* নৌকা, জাহাজ, পুল ইত্যাদিতে চড়লে পড়বে-

بِسْمِ اللَّهِ مَجْرَهَا وَمُرْسُهَا إِنَّ رَبِّي لَغَفُورٌ رَحِيمٌ - (كتاب الاذكار عن ابن السني)

অর্থঃ আল্লাহর নামেই এর চলা ও থামা। নিশ্চয়ই আমার প্রতিপালক অত্যন্ত ক্ষমাশীল ও দয়ালু।

* গাড়ীর মালিককে গাড়ীর সামনে এবং সওয়ারীর মালিককে সওয়ারীর সামনে বসতে দিবে, এটা তার হক। অবশ্য মালিক কাউকে সামনে বসার অনুরোধ করলে তিনি সামনে বসতে পারেন।

সফরে যাওয়ার সুন্নাত, আদব ও বিধি-নিষেধ সমূহ

* নবী কারীম সাল্লাল্লাহু আলাইহি ওয়াসাল্লাম বৃহস্পতিবার সফরে যাওয়াকে অধিক পছন্দ করতেন। সোমবার সফর করাও সুন্নাত। (مفاتيح الجنان) এ ছাড়া যে কোন দিন সফর করা যায়। ইসলামে অমুক অমুক দিন বা অমুক অমুক সময় যাত্রা নাস্তি-এরূপ কোন ধারণা নেই।

* সফরের ইচ্ছা হলে নিম্নোক্ত দুআ পড়বে-

اللَّهُمَّ بِكَ أَصُولٌ وَبِكَ أَحُولُ وَبِكَ أَسِيرُ -

অর্থঃ হে আল্লাহ, তোমার সাহায্যেই আমি (শত্রুর উপর) আক্রমণ করি, তোমার সাহায্যেই তাদের প্রতিরোধের চেষ্টা করি এবং তোমার সাহায্যেই সফর করি।

* যথাসম্ভব একাধিক ব্যক্তি সফরে যাওয়া উত্তম; একাকী সফরে না যাওয়া উচিত। কমপক্ষে তিনজনে সফর করার প্রতি নবী কারীম সাল্লাল্লাহু আলাইহি ওয়াসাল্লাম উৎসাহিত করেছেন (بخاری) চারজন হওয়া খুবই ভাল।

(ابوداؤد)

* তিনজনের (বা আরও অধিক হলে তাদের) মধ্যে এক জনকে আমীর বানিয়ে নিবে। (ابوداؤد)

* সফরে কুকুর এবং ঘন্টা সাথে রাখা নিষেধ। (مسلم)

* রওয়ানা হওয়ার সময় নিম্নোক্ত দুআ পড়বে-

اللَّهُمَّ إِنَّا نَسْأَلُكَ فِي سَفَرِنَا هَذَا الْبِرَّ وَالتَّقْوَى وَمِنَ الْعَمَلِ مَا تَرْضَى -
اللَّهُمَّ هَوِّنْ عَلَيْنَا سَفَرَنَا هَذَا وَاطْوِعْنَا بُعْدَهُ - اللَّهُمَّ أَنْتَ الصَّاحِبُ فِي
السَّفَرِ وَالْخَلِيقَةُ فِي الْأَهْلِ - اللَّهُمَّ إِنِّي أَعُوذُ بِكَ مِنْ وَعْثَاءِ السَّفَرِ وَكَآبَةِ
الْمَنْظَرِ وَسُوءِ الْمُنْقَلَبِ فِي الْمَالِ وَالْأَهْلِ - (مسلم - كتاب الحج)

অর্থঃ হে আল্লাহ, এই সফরে তোমার কাছে আমি নেকী ও পরহেযগারীর প্রার্থনা করি এবং ঐসব কাজের তাওফীক চাই যাতে তুমি সন্তুষ্ট হও। হে

আল্লাহ, আমার এই সফর সহজ কর এবং ভ্রমণ পথের দূরত্ব কমিয়ে দাও (অর্থাৎ, সহজে অতিক্রম করিয়ে দাও)। হে আল্লাহ, তুমিই আমার সফরের সাথী এবং আমার অবর্তমানে আমার পরিবারের তত্ত্বাবধায়ক। হে আল্লাহ, সফরের যাবতীয় কষ্ট-ক্লেশ থেকে তোমার কাছে পরিত্রাণ চাই এবং পানাহ চাই এই সফরের সমস্ত কুদৃশ্য হতে, ঘরে প্রত্যাবর্তন করে মাল ও পরিবারের দুরাবস্থা দর্শন হতে। আর তোমার কাছে পানাহ চাই গৃষ্ঠিত হওয়ার পর ভাঙ্গন হতে এবং মাজলুমের বদ-দুআ হতে।

* সফরে রওয়ানা হওয়ার সময় দুই বা চার রাকআত নফল নামায পড়ে নেয়া উত্তম। (شرعة الاسلام)

* রওয়ানা হওয়ার সময় এই বলে পরিবার থেকে বিদায় নেয়া সুন্নাত-

أَسْتَوْدِعُكُمُ اللَّهَ الَّذِي لَا يَضِيعُ وَدَائِعُهُ - (شرعة الاسلام و كتاب الاذكار)

অর্থঃ তোমাদেরকে আল্লাহর কাছে আমানত রেখে গেলাম, যার আমানত নষ্ট হয় না।

* বিদায় দানকারীগণ বলবেন :

أَسْتَوْدِعُ اللَّهَ دِينَكُمْ وَأَمَانَتَكُمْ وَخَوَاتِيمَ أَعْمَالِكُمْ - (رواه الترمذی وقال حسن صحيح غريب)

অর্থঃ তোমাদের ধীন, তোমাদের আমানতদারীর গুণাবলী এবং তোমাদের কাজের ফলাফল আল্লাহর উপর সোপর্দ করলাম।

* বিদায় দেয়ার সময় অনেকে “খোদা হাফেজ” বলে বিদায় দেন, এ ব্যাপারে মাসআলা হল- যদি সালামের স্থলে খোদা হাফেজ বলা হয়, তাহলে এতে শরী‘আতের বিকৃতি ঘটানো হয়, কেননা শরী‘আত বিদায়ের সময় সালাম ও উপরোক্ত দু‘আর তা‘লীম দিয়েছে। আর যদি সালাম এবং উক্ত দু‘আর সাথে অতিরিক্ত এই “খোদা হাফেজ” কথাটা বলা হয়, তাহলে তা শরী‘আতের একটি আমলের মধ্যে বৃদ্ধি ঘটানো হয়। অতএব এ সবে প্রেক্ষিতে খোদা হাফেজ বলা জায়েয নয়। আর যদি দু‘আ হিসেবে এ কথাটি মাঝে মাঝে বলা হয় এবং কখনও অন্য বাক্যও দু‘আ হিসেবে বলা হয়, তাহলে নাজায়েয হওয়ার কথা নয়, তবে বর্তমানে খোদা হাফেজ বলাটা একটা রহম ও নিয়মে পরিণত হয়েছে বিধায় এটা পরিত্যাগ করা উচিত। (بضوء احسن الفتاوى ج ۱)

* ঘর থেকে বের হওয়ার সময় এবং পথ চলার সময় সংশ্লিষ্ট আমল সমূহ করবে। এমনভাবে সওয়ারীতে আরোহণের সময় সংশ্লিষ্ট আমল সমূহ করবে।

* কোন মঞ্জিল বা স্টেশনে নামলে পড়বে-

أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ - (মসলম ও তرمذী)

অর্থঃ আল্লাহ্র পরিপূর্ণ বাণীসমূহের ওহীলা দিয়ে আমি তাঁর সৃষ্টির অনিষ্ট থেকে পানাহ কামনা করছি।

* যে শহর বা গ্রামে যাবে, যখন দূর থেকে ঐ শহর বা গ্রাম নজরে পড়বে তখন এই দু'আ পড়বে-

اَللّٰهُمَّ رَبَّ السَّمٰوٰتِ السَّبْعِ وَمَا اَظْلَلْنَ، وَرَبَّ الْاَرْضَيْنِ السَّبْعِ وَمَا اَقْلَلْنَ، وَرَبَّ الشَّيَاطِيْنِ وَمَا اَضْلَلْنَ، وَرَبَّ الرِّيَّاحِ وَمَا ذَرَيْنِ، فَاِنَّا نَسْأَلُكَ خَيْرَ هَذِهِ الْقَرْيَةِ وَخَيْرَ اَهْلِهَا، وَنَعُوْذُ بِكَ مِنْ شَرِّهَا وَشَرِّ اَهْلِهَا وَشَرِّ مَا فِيْهَا - (حسن حسین)

অর্থঃ আল্লাহ- যিনি সপ্ত আকাশ ও তার ছায়াতলে যা কিছু রয়েছে তার প্রভু, সপ্ত জমীন ও তার অভ্যন্তরস্থ সবকিছুর প্রভু, শয়তানের এবং তারা যাদেরকে গোমরাহ করে তাদের প্রভু, বাতাসের এবং যা কিছু বাতাস উড়িয়ে নেয় তার প্রভু- সেই আল্লাহ্র কাছে আমরা এই গ্রাম/শহরের যাবতীয় কল্যাণ কামনা করছি। আর এখানকার অধিবাসী এবং এখানকার সবকিছুর অনিষ্ট থেকে পানাহ চাচ্ছি।

* উক্ত শহর/গ্রামে প্রবেশ করার সময় প্রথমে তিনবার পড়বে-

اَللّٰهُمَّ بَارِكْ لَنَا فِيْهَا . (حسن حسین)

অর্থঃ হে আল্লাহ, তুমি আমাদের জন্যে এর মধ্যে বরকত দাও।

* অতঃপর পড়বে-

اَللّٰهُمَّ ارْزُقْنَا جَنَّاها وَحَبِيْبَنَا اِلَى اَهْلِهَا وَحَبِيْبُ صَالِحِيْ اَهْلِهَا اِلَيْنَا . (حسن حسین)

অর্থঃ হে আল্লাহ, এখানকার ফল-ফলাদি আমাদের নসীব কর, এখানকার বাসিন্দাদের অন্তরে আমাদের ভালবাসা সৃষ্টি কর এবং এখানকার সৎ লোকদের ভালবাসা আমাদের অন্তরে দান কর।

* সফরের মধ্যে ভোর বেলায় পড়বে-

سَمِعَ سَامِعٌ بِحَمْدِ اللَّهِ وَنِعْمَتِهِ وَحُسْنِ بَلَاءِهِ عَلَيْنَا، اللَّهُمَّ صَاحِبِنَا
فَافْضِلْ عَلَيْنَا عَائِذَا بِاللَّهِ مِنَ النَّارِ - (ابو داود - كتاب الادب)

অর্থঃ শ্রবণকারী (আল্লাহ) আমাদের কৃত আল্লাহর প্রশংসা এবং তাঁর নেয়ামত ও আমাদেরকে উৎকৃষ্ট অবস্থায় রাখার স্বীকৃতির কথা শুনেছেন। হে আমাদের প্রতিপালক, তুমি আমাদের সঙ্গী হও এবং আমাদের প্রতি অনুগ্রহ কর। আল্লাহর কাছে পানাহ চাই জাহান্নামের আগুন থেকে।

* সফরে চার রাকআত বিশিষ্ট ফরয নামাযকে দুই রাকআত পড়বে। একে কছর বলে। তবে ইমাম যদি চার রাকআত পড়েনওয়াল্লা হন, তবে তার পেছনে এজেদা করলে নামায পূর্ণই পড়তে হবে। বিশেষ ওজর না থাকলে সুন্নাত পড়তে হবে এবং পূর্ণ পড়তে হবে। নিজের এলাকা বা স্টেশন ছেড়ে গেলেই কছরের হুকুম আরম্ভ হয় এবং ৪৮ মাইল (সোয়া সাতাশের কিলোমিটার) বা তার অধিক পথ সফরের এরাদায় রওয়ানা হলেই তখন পথিমধ্যে কছরের এই নিয়ম প্রযোজ্য হয়। আর গন্তব্য স্থানে পৌছার পর নিজের বাড়ী না হলে সেখানে ১৫ দিনের কম থাকার এরাদা হলে কছর করতে হবে। আর ১৫ দিন বা তার চেয়ে বেশী থাকার এরাদা হলে কছর নয় বরং নামায পূর্ণ পড়তে হবে। এ সম্পর্কে বিস্তারিত জানার জন্য দেখুন ২২৬ পৃষ্ঠা।

* সফরে সাথী-সঙ্গীদের সুবিধা-অসুবিধার প্রতি এবং সঙ্গীদের মাল-সামানের প্রতি খুব খেয়াল রাখতে হবে। শরী'আতে সফরসঙ্গীদের হক প্রতিবেশীর হকের মত। তাই এদিকে খুব খেয়াল রাখা কর্তব্য।

* সফরে দু'আ কবুল হয়, তাই দু'আর প্রতি এহতেমাম রাখতে হবে।

সফর থেকে প্রত্যাবর্তনের আমল সমূহ

* সফরের প্রয়োজন পূর্ণ হয়ে গেলে যথাসম্ভব দ্রুত আপন স্থানে প্রত্যাবর্তন করবে। প্রয়োজনের অতিরিক্ত সফরে থাকা ভাল নয়।

* সফর থেকে পরিবার ও আত্মীয়-স্বজনের জন্য কিছু হাদিয়া নিয়ে আসবে, এতে তার জন্য অপেক্ষমান লোকদের মহব্বত বৃদ্ধি পাবে।

(شرح شرعة الاسلام)

* প্রত্যাবর্তনকালে নিজ শহর বা এলাকায় প্রবেশকালে পড়বে-

أَتُبُونَنَّا تَائِبُونَ عَابِدُونَ لِرَبِّنَا حَامِدُونَ - (رواه الترمذی وقال حسن صحيح)

অর্থঃ আমরা প্রত্যাবর্তনকারী, তওবাকারী, ইবাদতকারী, এবং আমাদের প্রভুর প্রশংসাকারী।

* দূর-দূরান্তের সফর থেকে অনেক দিন পর বাড়িতে আসলে ঘরে প্রবেশের পূর্বে পরিবারকে সংবাদ দিয়ে কিছুক্ষণ পরে ঘরে প্রবেশ করবে, যাতে স্ত্রী স্বামীর জন্য পরিপাটি হয়ে নিতে পারে।

* আর অনেক রাত হলে উত্তম হল সকালে ঘরে আসবে। অবশ্য ঘরবাসীরা যদি তার অপেক্ষায় থাকে তাহলে তখনই ঘরে প্রবেশ করাতে অসুবিধা নেই।

* সফর থেকে প্রত্যাবর্তনকারীর জন্য সুন্নাত হল ঘরে প্রবেশের পূর্বে দুই রাকআত নফল নামায আদায় করে নেয়া।

* ঘরে পৌঁছে পড়বে-

أَوْبًا أَوْبًا لِرَبِّنَا تَوْبًا لَا يُغَادِرُ عَلَيْنَا حَوْبًا . (حسن)

অর্থঃ ফিরে এলাম ফিরে এলাম, আমাদের রবের কাছে এমন তওবা করলাম যার ফলে আমাদের কোন গোনাহ আর বাকী থাকবে না।

* সফর থেকে ফিরে এসে সফরের মধ্যে যেসব বিপদ-আপদ বা কষ্ট ঘটেছে তার বর্ণনা পরিহার করতঃ তার প্রতি আল্লাহর যেসব নেয়ামত ও অনুগ্রহ ঘটেছে তা বর্ণনা করবে। এটাই উত্তম। (সারণ القرآن)

বিপদ-আপদ ও বালা-মুছীবতের সময় যা যা করণীয়

* মানুষের উপর বিপদ-আপদ ও বালা-মুছীবত কখনও তার পাপের কারণে এসে থাকে। এটা এ জন্যে এসে থাকে যেন সে ভবিষ্যতে পাপের ব্যাপারে সতর্ক হয়ে যায়। অতএব এ বিপদ-আপদ তার প্রতি এক প্রকার রহমত। আবার কখনও বিপদ-মুছীবত তার পরীক্ষা স্বরূপ এবং তার দরজা বুলন্দ করার জন্যও এসে থাকে। এটাও তার প্রতি আল্লাহর রহমত। তবে বিপদ-আপদ আসলে এটা নিজের পাপের কারণেই এসেছে তাই মনে করতে হবে এবং সে প্রেক্ষিতে বিনয়ী হতে হবে এবং আল্লাহর কাছে ক্ষমা চাইতে হবে আর বিপদ থেকে পরিত্রাণ চাইতে হবে। এ কথা বলা যাবে না কিংবা মনে করা যাবে না যে, আমার পরীক্ষা চলছে, কেননা একরূপ বলা বা মনে করার দ্বারা এটা প্রতীয়মান হতে পারে যে, আমার পাপ নেই। অতএব পাপের কারণে আমার এ বিপদ ঘটেনি বরং আমি পরীক্ষা দিয়ে মর্যাদা বুলন্দ হওয়ার পর্যায়ে

পৌছে গেছি। এটা এক ধরনের বড়ায়ী বা অহংকারের শামিল হয়ে যেতে পারে। সারকথা-

(ক) বিপদ-আপদকে আল্লাহর রহমত মনে করতে হবে।

(খ) তা নিজের পাপের কারণে ঘটেছে ভেবে আল্লাহর কাছে বিনয়ী হতে হবে।

(গ) পরিত্রাণের জন্য দুআ করতে হবে। আল্লাহর নিকট বিপদ চেয়ে নেয়া ঠিক নয়।

(ঘ) সবার করতে হবে, বে-সবরী ও হাহুতাশ করা যাবে না।

* যে কোন সমস্যা ও বিপদ মুছীবত দেখা দিলে দুই রাকআত সালাতুল হাজত নামায পড়ে আল্লাহর নিকট তা থেকে পরিত্রাণের জন্য দুআ করা সুন্নাত। বিপদ-আপদ বা সমস্যা দেখা দিলে সেই পেরেশানীতে পড়ে আল্লাহ থেকে বিমুখ হওয়া এবং ইবাদত ও আল্লাহর স্মরণ থেকে পিছিয়ে পড়া অন্যায়।

* ছোট-বড় যে কোন ধরনের বিপদ দেখা দিলে এমনকি শরীরে কাঁটাবিদ্ধ হলেও নিম্নোক্ত দোয়া পাঠ করবে-

إِنَّا لِلَّهِ وَأَنَا إِلَيْهِ رَاجِعُونَ - اَللّٰهُمَّ اَجِرْنِيْ فِيْ مُصِيبَتِيْ وَاَخْلِفْ لِيْ خَيْرًا مِّنْهَا - (মসলম - كتاب الجنائز)

অর্থঃ আমরা তো আল্লাহরই, আমরা তাঁরই কাছে ফিরে যাবো। হে আল্লাহ, এই মুছীবতে তুমি আমাকে প্রতিদান দিও এবং তার স্থলে তার চেয়ে উত্তম বদলা দান কর।

* কোন কিছু হারিয়ে গেলে ৪১ বার ইন্না লিল্লাহি অইন্না ইলাইহি রাজিউন পড়া অত্যন্ত ফলদায়ক এবং এটা পরীক্ষিত আমল।

* কোন রোগ-ব্যাদি হলে চিকিৎসা করাবে। চিকিৎসা করা মোস্তাহাব। এ সম্পর্কে বিস্তারিত জানার জন্য দেখুন ৫০০ পৃষ্ঠা।

* কোন বিষয়ে মনে দুশ্চিন্তা বা পেরেশানী থাকলে কিংবা অশান্তির মধ্যে পড়লে পাঠ করবে-

حَسْبِيَ اللّٰهُ وَنِعْمَ الْوَكِيْلُ - (আবু দাউদ - كتاب الاذكار)

অর্থঃ আল্লাহই আমার জন্য যথেষ্ট এবং তিনিই উত্তম তত্ত্বাবধায়ক।

অথবা পড়বে-

يَا حَيُّ يَا قَيُّوْمُ بِرَحْمَتِكَ اَسْتَغِيْثُ - (মস্তদرك হাকম)

অর্থঃ হে চিরঞ্জীব, হে সবকিছু ধারণকারী, আমি তোমার রহমতের ওহীলা দিয়ে তোমার কাছে ফরিয়াদ করছি।

অথবা পড়বে-

لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِيْنَ - (ترمذی و مستدرك حاکم)

অর্থঃ হে আল্লাহ, তুমি ছাড়া কোন মা'বুদ নেই, তুমি অতি পবিত্র। আর আমি অবশ্যই গোনাহগারদের অন্তর্ভুক্ত।

* শত্রুর বা কোন দুষ্ট লোকের দ্বারা ক্ষতির ভয় হলে এই দুআ পড়বে-

اَللّٰهُمَّ اِنَّا نَجْعَلُكَ فِيْ نُحُوْرِهِمْ وَنَعُوْذُ بِكَ مِنْ شُرُوْرِهِمْ - (ابو داود - كتاب الصلوة)

অর্থঃ হে আল্লাহ, আমি তোমাকে তাদের মোকবিলায় দাঁড় করাচ্ছি এবং তাদের অনিষ্ট থেকে তোমার কাছে পানাহ চাচ্ছি।

* শত্রু ঘিরে ফেললে পড়বে-

اَللّٰهُمَّ اسْتَرْعُوْرَاتِنَا وَاٰمِنْ رُّوْعَاتِنَا - (حسن مصين)

অর্থঃ হে আল্লাহ, আমাদের ইজ্জত-আব্রু রক্ষা কর এবং ভয়ভীতি থেকে আমাদেরকে নিরাপত্তা দান কর।

* কোন আপনজন মারা গেলে তখন কি করণীয় সে সম্পর্কে বিস্তারিত জানার জন্য দেখুন ৫১০ পৃষ্ঠা।

* প্রচণ্ড মেঘ দেখলে পড়বে-

اَللّٰهُمَّ اِنِّيْ اَعُوْذُ بِكَ مِنْ شَرِّهَا، اَللّٰهُمَّ صَيِّبًا نَّافِعًا - (ابو داود - كتاب الادب)

অর্থঃ, হে আল্লাহ, এই মেঘের সাথে যে অনিষ্টকারিতা রয়েছে তা থেকে আমরা তোমার কাছে পানাহ চাই। হে আল্লাহ! আমাদের জন্য উপকারী বৃষ্টি বর্ষণ কর।

* বিদুৎ চমকতে দেখলে বা বজ্রপাতের শব্দ শুনে পড়বে-

اَللّٰهُمَّ لَا تَقْتُلْنَا بِغَضَبِكَ وَلَا تُهْلِكْنَا بِعَذَابِكَ وَعَافِنَا قَبْلَ ذٰلِكَ - (رواه

الحاكم فى المستدرك وقال صحيح الاسناد وقره عليه الذهبى فى التلخيص)

অর্থঃ, হে আল্লাহ! তোমার গজব দিয়ে আমাদেরকে মেরে ফেল না, তোমার আযাব দিয়ে আমাদেরকে ধ্বংস করে দিও না। তার আগে আমাদেরকে শান্তি দাও।

* ভয়ংকর তুফান ও ঘূর্ণিবার্তা আসলে সে দিকে মুখ করে দু হাটু ফেলে বসে এই দুআ পড়বে-

اَللّٰهُمَّ اجْعَلْهَا رَحْمَةً وَلَا تَجْعَلْهَا عَذَابًا اَللّٰهُمَّ اجْعَلْهَا رِيًا حَا وَلَا تَجْعَلْهَا رِيْحًا۔

অর্থঃ, হে আল্লাহ! এই বাতাসকে রহমত বানাও, আঘাব বানিও না, এবং একে উপকারী বাতাস বানাও, অপকারী বাতাস বানিও না। (মশকুহ)

* অতিরিক্ত বৃষ্টিপাত হতে থাকলে পড়বে-

اَللّٰهُمَّ حَوَالَيْنَا وَلَا عَلَيْنَا، اَللّٰهُمَّ عَلَيَّ الْاَكَامِ وَالظَّرَابِ وَبُطُونِ الْاَوْدِيَةِ وَمَنَابِتِ الشَّجَرِ - (মফক্‌ এলিহ)

অর্থঃ হে আল্লাহ, এই বৃষ্টি আমাদের আশে পাশে বর্ষণ কর, আমাদের উপর বর্ষণ করো না। হে আল্লাহ! উচ্চস্থান, বনজঙ্গল, পাহাড় প্রণালী ও বৃক্ষ উৎপাদনের স্থান সমূহের উপর বর্ষণ কর।

* কোন জায়গায় অগ্নিকাণ্ড হতে দেখলে পড়বে “আল্লাহ আকবার” (كتاب الاذكار عن ابن السني) অথবা পড়বে-

يَنَارُ كُوْنِيْ بَرْدًا وَسَلَامًا عَلَيَّ اِبْرَاهِيْمَ - (الانباء : ٦٩)

অর্থঃ হে আগুন, তুমি ইব্রাহীমের জন্য ঠান্ডা এবং শান্তিদায়ক হয়ে যাও।

অন্যকে বিপদ-আপদ ও মুছীবতগ্রস্ত দেখলে যা যা করণীয়

* কোন মুসলমানের বিপদ-মুছীবতে খুশি নয় বরং সমবেদনা প্রকাশ করতে হবে।

* কাউকে বিপদগ্রস্ত দেখলে তাকে সাভুনা দেয়া সুন্নাত।

* কাউকে বিপদগ্রস্ত দেখলে তার সাহায্যে এগিয়ে যাওয়া কর্তব্য।

* কাউকে কোন মুছীবত, পেরেশানী বা খারাপ অবস্থায় দেখলে পড়বে-

اَلْحَمْدُ لِلّٰهِ الَّذِيْ عَافَانِيْ مِمَّا ابْتَلَاكَ بِهِ وَفَضَّلَنِيْ عَلَيَّ كَثِيْرٍ مِّمَّنْ خَلَقَ تَفْضِيْلًا - (رواه الترمذی وقال حديث حسن غريب)

অর্থঃ সমস্ত প্রশংসা আল্লাহর জন্য, যিনি আমাকে ঐ অবস্থা থেকে রক্ষা করেছেন, যে অবস্থায় তোমাকে ফেলেছেন।

তবে দুআটি এমনভাবে পড়বে না যে, উক্ত মুছীবতগ্রস্ত ব্যক্তি বুঝতে পারে।

* কেউ রোগগ্রস্ত হলে তার শুশ্রূষা করা সুন্নাত। এ সম্পর্কে বিস্তারিত বিবরণ দেখুন ৫০৪ পৃষ্ঠায়।

* কারও আপন জন মারা গেলে তাকে সাত্বনা জানাবে এবং শোক প্রকাশ করবে। এ সম্পর্কে বিস্তারিত জানার জন্য দেখুন ৫১০ পৃষ্ঠা।

নিজের ভাল অবস্থায় বা সুখের অবস্থায় যা যা করণীয়

* সুখের অবস্থায় আল্লাহকে ভুলে যাওয়া, বে-পরোয়া হয়ে যাওয়া এবং ইবাদতে গাফেল হওয়া চরম না শুকরী। বরং সুখের অবস্থায় নেয়ামতের শোকর স্বরূপ বেশী বেশী আল্লাহর ইবাদতে মগ্ন হওয়া উচিত।

* কোন বিশেষ সুসংবাদ প্রাপ্ত হলে বা সুখের কিছু ঘটলে সাজদায়ে শোকর বা নামায়ে শোকর আদায় করার নিয়ম রয়েছে। দেখুন ২৩০ পৃষ্ঠা।

* ধন-সম্পদ, জ্ঞান-বুদ্ধি, মান-সম্মান প্রভৃতি যে কোন নেয়ামত প্রাপ্ত হলে সেটা আল্লাহর অনুগ্রহে ঘটেছে মনে করতে হবে। নিজের বাহু বলে হয়েছে ভেবে অহংকার বোধ করা অন্যায়।

* কেউ কোন সুসংবাদ নিয়ে এলে তাকে এনআম (পুরস্কার) দেয়া নবীদের সুন্নাত। (معارف القرآن ج ৫)

* খুশির কিছু ঘটলে বন্ধু-বান্ধব প্রভৃতি লোকদেরকে দাওয়াত করে খাওয়ানো সুন্নাত। হযরত ওমর ফারুক (রাঃ) সূরা বাকারা পড়ে শেষ করার পর খুশিতে উট জবাই করে লোকদেরকে খাওয়ান। (معارف القرآن)

* কোন পছন্দনীয় জিনিস দেখলে পড়বে-

الْحَمْدُ لِلَّهِ الَّذِي بِنِعْمَتِهِ تَتِمُّ الصَّالِحَاتِ - (رواه الحاكم في المستدرک وقال صحيح الاسناد)

অর্থঃ সমস্ত প্রশংসা আল্লাহর জন্য, যার দানে যাবতীয় সৎকর্ম পূর্ণত্ব লাভ করে।

* নতুন ফসল দেখলে পড়বে-

اللَّهُمَّ بَارِكْ لَنَا فِيهِ وَلَا تَضُرَّهُ -

অর্থঃ, হে আল্লাহ! তুমি এতে বরকত দান কর এবং একে নষ্ট কর না।

অন্যের ভাল অবস্থা দেখলে যা যা করণীয়

* কোন মুসলমানের সুখের কিছু দেখলে কিংবা ভাল কিছু হলে তাতে নিজেকেও সুখী বোধ করা এবং সেটা প্রকাশ করা উচিত।

* কোন মুসলমানের ভাল কিছু হলে সেটা ধ্বংস হওয়ার কামনা করা অন্যায়। বরং এরূপ চেতনা ভিতরে এলে তার নেয়ামত আরও বৃদ্ধি পাক এরূপ দু'আ করতে হবে, তাহলে সে চেতনা দূরীভূত হয়ে যাবে।

* কোন মুসলমানকে নতুন পোশাক পরিহিত দেখলে পড়বে-

تُبْلِي وَيُخْلِفُ اللَّهُ - (حسن حسين)

অর্থাৎ, তুমি যেন এই কপড় পুরাতন করতে পার। (আল্লাহ তোমাকে এতটুকু হায়াত দরাজ করুন) এবং তারপর যেন আল্লাহ তোমাকে এ স্থলে নতুন কাপড় দান করেন।

* কোন মুসলমানকে হাসতে দেখলে পড়বে-

أَضْحَكَ اللَّهُ سِنَّكَ - (ابو داود - كتاب الادب)

অর্থাৎ, আল্লাহ তোমাকে হাস্যোজ্জ্বল রাখুন।

চিকিৎসা বিষয়ক বিধি-বিধান

* রোগ-ব্যাদিতে চিকিৎসা করানো এবং ঔষধ সেবন করা মোস্তাহাব। (মরফা জ-৮/১) কেউ কেউ বলেন চিকিৎসা করানো সুন্নাত। চিকিৎসা করাতে থাকবে, কিন্তু রোগ নিরাময়ের ব্যাপারে আল্লাহর উপর ভরসা রাখতে হবে।

* ঔষধে হারাম জিনিস ব্যবহার করবে না। কোন হারাম বস্তুকে ঔষধ হিসেবে সেবন করা বা হারাম বস্তু মিশ্রিত ঔষধ সেবন করা জায়েয নয়। তবে কখনও যদি এমন অনন্যোপায় অবস্থা হয় যে, উক্ত ঔষধ ব্যতীত জীবন রক্ষা করা মুশকিল, তাহলে জরুরত পূর্ণ হয়- এতটুকু পরিমাণ উক্ত ঔষধ সেবন করা জায়েয হবে। আর যদি জীবনের আশংকা দেখা না দেয়, শুধু চিকিৎসার জন্য অনুরূপ ঔষধের প্রয়োজন হয়, সে ক্ষেত্রে অভিজ্ঞ ডাক্তার যদি উক্ত ঔষধ ব্যতীত রোগ থেকে আরোগ্য লাভ করা সম্ভব নয় বলে সিদ্ধান্ত দেন, তাহলে তা ব্যবহার করা জায়েয হবে। (মুদাওয়াদ জ-৮/৩৭৩ ও রুজু তরুদী জ-৮/১)

* শরী'আতের বরখেলাপ তাবীয-তুমার, ঝাড়-ফুক ব্যবহার করা জায়েয নয়। শরী'আত সম্মত তাবীয ও ঝাড় ফুক হলে তা করা যায়, তবে উত্তম নয়। (তলিম الدین) এ সম্পর্কে বিস্তারিত জানার জন্য দেখুন ৮৪ পৃষ্ঠা।

* শরীরে যদি অস্বাভাবিকতা থাকে (যেমন আঙ্গুল বেশী আছে) তাহলে প্লাস্টিক সার্জারি করা জায়েয। নিছক সৌন্দর্য বৃদ্ধির জন্য জায়েয নয়।

* কারও উপর বদ নজর লাগলে তখন কি করণীয় সে সম্পর্কে জানার জন্য দেখুন ৮৫ পৃষ্ঠা।

* কালজিরা এবং মধুর মধ্যে আল্লাহ তা'আলা বহু রোগ নিরাময়ের শক্তি রেখেছেন বলে হাদীছে বর্ণিত রয়েছে।

* চিকিৎসা অবস্থায় রোগের জন্য ক্ষতির বস্তু থেকে বেঁচে থাকা আবশ্যিক। (رسول الله صلى الله عليه وسلم کی سنتیں)

* শরীরে রক্ত প্রদান এবং চক্ষু ও কিডনী সংযোজন সম্পর্কে জানার জন্য দেখুন ৩৭৪ পৃষ্ঠা।

খতমে ইউনুস/খতমে শেফা

* উলামায়ে কেরামের অভিজ্ঞতায় দেখা গেছে সোয়া লক্ষ বার দুআয়ে ইউনুস পাঠ করে দুআ করা হলে রোগ-ব্যাধি ও বিপদ-আপদ থেকে রক্ষা পাওয়া যায়। এটাকে খতমে ইউনুস বা খতমে শেফা বলা হয়। উল্লেখ্য যে, হযরত ইউনুস (আঃ) মাছের পেটে আঁটকা পড়ে এই দুআটি পাঠ করলে আল্লাহ তা'আলা তাকে মাছের পেট থেকে উদ্ধার করেন। দুআয়ে ইউনুস এইঃ

لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ -

অর্থঃ হে আল্লাহ, তুমি ছাড়া কোন মা'বুদ নেই। তুমি পবিত্র, আমি পাপীদের অন্তর্ভুক্ত।

* উল্লেখ্য যে, এই দুআটি সোয়া লক্ষ বার পাঠ করে দু'আ করলে বিপদ-আপদ বা রোগ-ব্যাধি থেকে মুক্তি লাভ হবে এ বিষয়টি কুরআন সুন্নাহ দ্বারা প্রমাণিত নয়- এটা অভিজ্ঞতায় প্রমাণিত। অতএব খতমে ইউনুস/খতমে শেফা-কে শরীয়ত-নির্ধারিত পদ্ধতি মনে করা যাবে না, একরূপ মনে করলে তা বিদআত হয়ে যাবে।

* বিপদ-আপদ বা রোগ-ব্যাধি থেকে মুক্তির উদ্দেশ্যে খতমে ইউনুস পাঠ করা হলে পাঠকারীকে বিনিময় বা পারিশ্রমিক প্রদান করা ও পাঠকারীর জন্য তা গ্রহণ করা জায়েয।

খতমে জালালী

* কোন পার্শ্ব উদ্দেশ্যে এক লক্ষ বার কালিমায়ে তইয়্যেবা পাঠ করলে সে উদ্দেশ্য হাছিল হয়ে থাকে। এটাকে জালালী খতম বা লাখ কালিমা পাঠ বলা হয়ে থাকে। এটা অভিজ্ঞতায় প্রমাণিত বিষয়- কুরআন হাদীছ দ্বারা

প্রমাণিত নয়। অতএব এটাকে সুন্নাত মনে করলে তা বিদআত হয়ে যাবে। কোন পার্থিব উদ্দেশ্যে এ খতম পাঠ করা হলে তার পারিশ্রমিক দেয়া ও নেয়া উভয়ই জায়েয।

খতমে বোখারী

* বোখারী শরীফ খতম করে দু'আ করা হলে দু'আ কবুল হয়ে থাকে এবং কোন পার্থিব উদ্দেশ্যে বোখারী খতম করে দু'আ করা হলে সে উদ্দেশ্য পূর্ণ হয়ে থাকে। এটা ওলামা ও বুয়ুর্গদের অভিজ্ঞতা দ্বারা প্রমাণিত- কুরআন হাদীছ দ্বারা প্রমাণিত নয়।

* পার্থিব কোন উদ্দেশ্যে বোখারী খতম করলে পাঠকারীকে তার বিনিময় প্রদান ও পাঠকারীর জন্য তা গ্রহণ উভয়টি জায়েয।

খতমে খাজেগান

* খাজেগান অর্থ সাহেবগণ অর্থাৎ, মনীষী ও বুয়ুর্গানে দীন। বুয়ুর্গানে দীন যে খতম পড়ে দু'আ করতেন সে খতমকে 'খতমে খাজেগান' বলে। খতমে খাজেগান পাঠ করে দু'আ করা হলে কবুল হয়ে থাকে- এ ব্যাপারে বুয়ুর্গানে দ্বীনের অভিজ্ঞতা রয়েছে। তবে এটা কুরআন হাদীছ দ্বারা প্রমাণিত নয়। অতএব এটাকে শরীয়ত-নির্ধারিত পদ্ধতি মনে করলে বিদআত হয়ে যাবে।

* পার্থিব কোন উদ্দেশ্যে খতমে খাজেগান পাঠ করা হলে তার বিনিময় প্রদান ও গ্রহণ উভয়টি জায়েয। যেমন খতমে ইউনুস ও খতমে বোখারী ইত্যাদির ক্ষেত্রে মাসায়েল বর্ণনা করা হয়েছে।

খতমে দুরুদে নারিয়া

দুরুদে নারিয়া কি এবং খতমে দুরুদে নারিয়া কি এ সম্পর্কে জানার জন্য দেখুন ৬২৪ পৃষ্ঠা।

আসবাব গ্রহণ বা বর্জন সম্পর্কে মাসায়েল

* পার্থিব কষ্ট-ক্লেশ ও বিপদ-মুছীবত দূর করার জন্য বা পার্থিব কোন উদ্দেশ্যে হাছিল করার জন্য যে আসবাব বা উপায় উপকরণ গ্রহণ কিংবা যে চেষ্টা তদবীর করা হয়ে থাকে তা তিন প্রকার এবং এই তিন প্রকারের হুকুম এক রকম নয় বরং ভিন্ন ভিন্ন। যথাঃ

(১) আসবাব যদি স্বাভাবিকভাবে নিশ্চিত পর্যায়ের হয়ে থাকে তাহলে তা গ্রহণ করা জরুরী। যেমন ক্ষুধা বা পীপাসা দূর করার নিশ্চিত আসবাব বা উপায় হল খাদ্য পানীয় গ্রহণ করা। এরকম আসবাব গ্রহণ করা তাওয়াক্কুলের

পরিপত্নী নয় বরং এ রকম আসবাব পরিত্যাগ করা নাজায়েয। যদি কেউ তাওয়াক্কুলের দোহাই দিয়ে জীবনের আশংকা দেখা দেয়ার মুহূর্তেও এরূপ আসবাব বর্জন করে অর্থাৎ, খাদ্য-পানীয় গ্রহণ না করে, তাহলে এই আসবাব বর্জনটা হারাম হবে। এ পর্যায়ে আসবাব গ্রহণ না করা তাওয়াক্কুল নয়- বরং এ পর্যায়ে তাওয়াক্কুল হল আসবাব গ্রহণ করবে এবং সেই সাথে এই বিশ্বাসও রাখবে যে, খাদ্য-পানীয় এবং তা গ্রহণের শক্তি আল্লাহর দেয়া- তিনি ইচ্ছা করলে এই খাদ্য-পানীয় ধ্বংস হয়ে যেতে পারে কিংবা তা গ্রহণের শক্তি আমার রহিত হয়ে যেতে পারে, কাজেই ভরসা চূড়ান্তভাবে আল্লাহরই প্রতি।

(২) যদি আসবাব এমন পর্যায়ে হয় যা দ্বারা উদ্দেশ্য অর্জিত হওয়া নিশ্চিত নয় তবে অর্জিত হওয়ার প্রবল ধারণা করা যায়, যেমনঃ রোগ-ব্যাধি থেকে মুক্তি পাওয়ার উদ্দেশ্যে ডাক্তার বা হেকীমদের ঔষধপত্র গ্রহণ কিংবা সফরে গেলে পানাহার ও অন্যান্য প্রয়োজন পূরা করার উদ্দেশ্যে পাথেয় গ্রহণ, জীবিকা নির্বাহের উদ্দেশ্যে আয় উপার্জনের কোন পন্থা গ্রহণ ইত্যাদি। এ ধরনের আসবাব বর্জন করা তাওয়াক্কুলের জন্য শর্ত নয়। এ ধরনের আসবাব গ্রহণ তাওয়াক্কুলের পরিপত্নী নয় বরং এ ধরনের আসবাব গ্রহণই পূর্ববর্তীদের সুনাত। তবে কেউ যদি এমন মজবূত অন্তরের অধিকারী হন যিনি এসব আসবাব গ্রহণ না করার ফলে কোন কষ্ট দেখা দিলে তখন পূর্ণ হবর করতে পারবেন- কোনরূপ হাহুতাশ করবেন না এবং ঈমান হারা হবেন না বা পাপ পথে অগ্রসর হবেন না, তাহলে তার জন্য এসব আসবাব বর্জন করা জায়েয হবে। আর এরূপ মজবূত অন্তরের অধিকারী না হলে তার জন্য এসব আসবাব পরিত্যাগ করা উচিত হবে না, বরং তার জন্য এ ধরনের আসবাব গ্রহণ করাই উত্তম।

(৩) যদি আসবাব এমন পর্যায়ে হয়, যা দ্বারা উদ্দেশ্য অর্জিত হওয়াটা নিতান্তই ধারণা মাত্র, যেমনঃ লোহা পুড়িয়ে দাগ দিলে কোন রোগ-ব্যাধি দূর হওয়াটা নিতান্তই ধারণা মাত্র। এমনভাবে জীবিকা বৃদ্ধির জন্য আয় উপার্জনের রকমারি পন্থায় ডুবে থাকা ইত্যাদি। এ পর্যায়ে আসবাব গ্রহণ না করার হুকুম রয়েছে। এ ধরনের আসবাব গ্রহণ করা তাওয়াক্কুলের পরিপত্নী।

উল্লেখ্য যে, এতদ্বারা পর্যন্ত আসবাব গ্রহণ বা বর্জন সম্পর্কে যা কিছু বলা হল তা পার্থিব বিষয়ের ক্ষেত্রে প্রযোজ্য। আর যদি দ্বীনী বিষয় হয় তাহলে সে বিষয়টা যদি ফরয পর্যায়ে হয় তাহলে তার আসবাব গ্রহণ করাও ফরয,

ওয়াজিব পর্যায়ের হলে তার আসবাব গ্রহণও ওয়াজিব হবে এবং মোস্তাহাব পর্যায়ের হলে তার আসবাব গ্রহণ করা মোস্তাহাব হবে। পক্ষান্তরে বিষয়টি হারাম বা মাকরুহ হলে তার আসবাব গ্রহণ করাও হারাম বা মাকরুহ হবে।

(ماخوذ از بيان القرآن وحاشية كوكب الدرر بحواله عالمگیری واربعة للعزالي وغيرها)

রোগী গুশ্ফার সুনাত ও আদব সমূহ

* গুশ্ফা করার জন্য প্রতিদিন যাবে না, দুই একদিন বিরতি দিয়ে দিয়ে যাবে। রোগীর সাথে গুশ্ফাকারীর সম্পর্কের ভিত্তিতে এটার মধ্যে তারতম্য হবে।

* খুব জাঁক-জমকের পোশাক বা ছেড়া-ফাটা ও নোংরা পোশাক পরে গুশ্ফা করতে যাবে না বরং স্বাভাবিক পরিষ্কার পোশাক পরিধান করে যাবে।

* দিনে রাত্রে সব সময় গুশ্ফার জন্য গমন করা যায়।

* রোগীর হাটুর পাশে বসবে, মাথার দিকে নয়।

* রোগীর নিকট দীর্ঘ সময় থাকবে না, যাতে রোগীর কষ্ট না হয় বরং তাড়াতাড়ি চলে আসা সুনাত।

* রোগীর দিকে তীক্ষ্ণ দৃষ্টিতে তাকাবে না বরং কোমল দৃষ্টিতে তাকাবে।

* হাসি মুখে থাকবে; চেহারা মলিন করবে না।

* রোগী অচিরেই রোগ মুক্ত হয়ে যাবে, সে দীর্ঘজীবী হবে ইত্যাদি আশা ব্যাঞ্জক কথা রোগীকে শুনাবে- কোন হতাশা ব্যাঞ্জক কথা তাকে শোনাবে না।

* রোগীর কপালে বা হাতে হাত রেখে জিজ্ঞেস করবে সে কেমন আছে ?

* রোগীকে সান্ত্বনা দেয়ার জন্য বলবে- **لَا بَأْسَ طُهُورٌ إِنْ شَاءَ اللَّهُ** অর্থাৎ, কোন অসুবিধা নেই, আল্লাহ চাহেতো অচিরেই পবিত্রতা (সুস্থতা) লাভ হবে।

* রোগীর রোগ মুক্তির জন্য দুআ করা সুনাত।

* রোগীর কাছে থেকে তার রোগ আরোগ্যের জন্য সাতবার নিম্নোক্ত দুআ পড়বে-

أَسْأَلُ اللَّهَ الْعَظِيمَ رَبَّ الْعَرْشِ الْعَظِيمِ أَنْ يَشْفِيكَ - (ابو داود - كتاب الجنائز)

অর্থঃ মহান আরশের মালিক আল্লাহর কাছে তোমার রোগমুক্তি কামনা করছি।

* গুশ্ফাকারী তার জন্য রোগীকে দুআ করতে বলবে। কেননা, রোগীর দুআ কবুল হয়।

* রোগী কিছু খেতে চাইলে এবং সেটা তার জন্য ক্ষতিকর না হলে রাসূল (সাঃ) তাকে তা দিতে বলেছেন। তবে রোগীকে কোন কিছু খাওয়ার জন্য পীড়াপীড়ি করা ঠিক নয়। (১৮মিত ৮১)

* রোগীর কাছে থেকে সাতবার নিম্নোক্ত দুআ পড়বে-

أَعُوذُ بِعِزَّةِ اللَّهِ وَقُدْرَتِهِ مِنْ شَرِّ مَا أَحْذِرُ وَمِنْ شَرِّ مَا أُحَازِرُ - (১৮মিত)

অর্থঃ আল্লাহর মাহার ও কুদরতের কাছে পানাহ চাচ্ছি- যে কষ্টে আমি আছি তার অনিষ্ট থেকে এবং যার ভয় আমি পাচ্ছি তার অনিষ্ট থেকে।

রোগ অবস্থায় রোগীর যা যা করণীয়

* রোগকে আল্লাহর নেয়ামত মনে করবে; কেননা, আল্লাহ পাক যাকে ভালবাসেন তাকেই কোন বিপদ দিয়ে থাকেন। তবে রোগ মুক্তির জন্য চিকিৎসা করা বা দুআ করা এ ধারণার পরিপন্থী নয়। কারণ, রোগমুক্তি এবং নিরাপদ থাকাও আল্লাহর একটি নেয়ামত। দুর্বল বান্দার পক্ষে এই প্রকারের নেয়ামতই আছান।

* রোগকে গোনাহ মোচনের ওহীলা মনে করবে।

* মৃত্যুকে বেশী বেশী স্মরণ করবে। তবে মৃত্যু কামনা করা নিষেধ। একান্তই কষ্ট যন্ত্রণায় অপারগ হয়ে গেলে নিম্নোক্ত দুআ করা যায়-

اللَّهُمَّ أَحْيِنِي مَا كَانَتِ الْحَيَاةُ خَيْرًا لِي وَتَوَفَّنِي إِنْ كَانَتِ الْوَفَاةُ خَيْرًا لِي -

অর্থঃ, হে আল্লাহ! যতক্ষণ আমার জন্য বেঁচে থাকা কল্যাণকর, ততক্ষণ তুমি আমাকে জীবিত রাখ। আর যদি মৃত্যুই আমার জন্য কল্যাণকর হয়, তাহলে (ঈমানের সাথে) আমার মৃত্যু ঘটো।

* অসুস্থ অবস্থায় সমস্ত গোনাহ থেকে তওবা করবে।

* ধৈর্য ধারণ করবে।

* নিম্নোক্ত দুআ করতে পারে-

اللَّهُمَّ ارْزُقْنِي شَهَادَةً فِي سَبِيلِكَ وَاجْعَلْ مَوْتِي بِلَدِ رَسُولِكَ -

অর্থঃ হে আল্লাহ, আমাকে তোমার রাস্তায় শাহাদাত নসীব এবং তোমার রাসূলের দেশে আমার মৃত্যু ঘটো।

* চিকিৎসা করাবে। চিকিৎসা করানো সুন্নাত।

* যিকির, দুআ, নামায ও তিলাওয়াত পূর্বক শেফা কামনা করবে।

* কোন কুলক্ষণ গ্রহণ করবে না।

* মিথ্যা বলবে না, যেমনঃ রোগ যতটুকু আছে তার চেয়ে বাড়িয়ে বলা ইত্যাদি।

* রোগের মাত্রা অধিক করে প্রকাশ করবে না, যেমনঃ কেউ এলে বসা থেকে শুয়ে যাওয়া কিংবা কাতরাতে থাকা ইত্যাদি।

* যত্ন-সেবাকারীদের প্রতি রাগান্বিত হবে না বা খাদ্য খাবারের প্রতি রাগ প্রকাশ করবে না।

* লোভ করবে না, যেমন : কিছু সাহায্য পাওয়ার আশায় আগন্তুক শুশ্রূষাকারীর পকেটের দিকে তাকানো। এরূপ করলে লোভ প্রকাশ পায়। অতএব এটা করবে না।

* রোগ যন্ত্রণায় কাতরালে যদি কষ্ট লাঘব হওয়া বোধ হয়, তাহলে তা করা যেতে পারে। তবে তা যেন আল্লাহর প্রতি অভিযোগ ও অস্থিরতা প্রকাশের রূপ না নেয়।

* অসুস্থ অবস্থায় চারশত বার দুআয়ে ইউনুস পড়বে। তাহলে ঐ রোগে মৃত্যু হলে শহীদের সমান ছওয়াব পাওয়া যাবে, আর সুস্থ হলে সমস্ত গোনাহ মাফ হয়ে যাবে। (১৮মিত)

* অসুস্থ অবস্থায় নিম্নোক্ত দুআ পাঠ করলে এবং উক্ত রোগে তার মৃত্যু হলে জাহান্নামের আগুন তাকে স্পর্শ করবে না-

لَا إِلَهَ إِلَّا اللَّهُ وَاللَّهُ أَكْبَرُ - لَا إِلَهَ إِلَّا اللَّهُ وَحْدَهُ - لَا إِلَهَ إِلَّا اللَّهُ وَحْدَهُ لَا شَرِيكَ لَهُ - لَا إِلَهَ إِلَّا اللَّهُ لَهُ الْمُلْكُ وَلَهُ الْحَمْدُ - لَا إِلَهَ إِلَّا اللَّهُ وَلَا حَوْلَ وَلَا قُوَّةَ إِلَّا بِاللَّهِ - (رواه الترمذی فی ابواب الدعوات وقال حدیث حسن)

* রোগ মুক্তির পর গোসল করা মোস্তাহাব। (مفتاح الجنان)

মুমূর্ষ অবস্থায় রোগীর যা যা করণীয়

* মুমূর্ষ অবস্থায় উপনীত হলে মনে আল্লাহর রহমত লাভের আশা প্রবল করা সুন্নাত।

* মুমূর্ষ ব্যক্তি জীবনের ভাল-মন্দ কার্যাবলী সম্পর্কে মনে মনে হিসাব নিকাশ ও পর্যালোচনা করবে না। কেননা, এতে মন্দের পরিমাণের আধিক্য দেখে আল্লাহর রহমত পাওয়ার আশা দুর্বল হয়ে পড়তে পারে।

* ঋণ থাকলে তা পরিশোধ এবং নামায রোযার ফেদিয়া প্রদান বা যে কোন মালী ইবাদত অনাদায়ী থাকলে তা আদায় করার ওছিয়াত করবে। সে যদি এতটুকু সম্পদ রেখে যায় যা দ্বারা এসব আদায় করা সম্ভব, তাহলে মৃত্যুর পূর্বে এ ওছিয়াত করা ওয়াজিব। (الحکمیت از زرقلی)

* মৃত্যুর পর জানাযা, কবর নির্মাণ, দাফন-কাফন, ঈছালে ছওয়াব ইত্যাদির ক্ষেত্রে যে সব অনিয়ম, বিদআত ও রহম পালন করা হয়, তা থেকে ওয়ারিছ ও আপনজনকে বিরত থাকার ওছিয়াত করে যাওয়া ওয়াজিব।

(الحسن القدوسی ج ১/ ২)

* পরিত্যক্ত সম্পত্তির এক তৃতীয়াংশের মধ্যে মাদ্রাসা, মসজিদ, গরীব আত্মীয়-স্বজন ইত্যাদির জন্য ওছিয়াত করে যাওয়া মোস্তাহাব, যদি তার ওয়ারিছগণ এমনিতেই সম্পদশালী হয়ে থাকে বা এমন হয় যে, তার পরিত্যক্ত সম্পত্তির মাধ্যমে তারা অনেক ধনবান হয়ে যাবে- এরূপ ক্ষেত্রেই এরকম ওছিয়াত করে যাওয়া মোস্তাহাব। অন্যথায় এরকম ওছিয়াত না করাই উত্তম।

(الحکمیت)

* মৃত্যুকে ভাল মনে করবে। কেননা, মৃত্যু দ্বারা পাপ থেকে রক্ষা ও পৃথিবীর এই কারাগার থেকে মুক্তি পাওয়া যায় এবং মৃত্যু আল্লাহর কাছে তার পৌছে যাওয়ার মাধ্যম।

* বেশী বেশী আল্লাহর যিকিরে মশগুল থাকা সুন্নাত।

* মৃত্যুর জন্য মনকে প্রস্তুত করে নিবে।

* ঝাঁটি অন্তরে এখলাসের সাথে মৃত্যুর সময় ঈমানের উপর টিকে থাকার জন্য আল্লাহর কাছে দুআ করতে থাকবে।

* হত্যা করা হবে বা ফাঁসী দেয়া হবে জানলে দু'রাকআত নামাযে কতল বা নিহত হওয়াকালীন নামায (দেখুন ২২৪ পৃষ্ঠা) পড়ে নেয়া সুন্নাত।

* মৃত্যুর সময় আসন্ন বুঝলে পড়বে-

اللَّهُمَّ اغْفِرْ لِيْ وَارْحَمْنِيْ وَالْحَقْنِيْ بِالرَّحْمَةِ الْاَعْلَى - (رواه الترمذی وقال حسن صحيح)

অর্থঃ হে আল্লাহ! আমাকে মাফ কর, আমার প্রতি রহম কর এবং সর্বশ্রেষ্ঠ বন্ধুর সাথে আমাকে মিলিত কর।

এবং আরও পড়বে-

اللَّهُمَّ اَعِنِّيْ عَلَى غَمَرَاتِ الْمَوْتِ وَسَكْرَاتِ الْمَوْتِ - (ترمذی - ابواب الجنائز)

অর্থঃ হে আল্লাহ, মৃত্যুর বিভীষিকা এবং মৃত্যু যন্ত্রণায় এই পর্যায়ে তুমি আমাকে সাহায্য কর।

মুমূর্ষ ব্যক্তির নিকট যারা উপস্থিত থাকে তাদের যা যা করণীয়

* মুমূর্ষ রোগীর পাশে সূরা ইয়াসীন পাঠ করা মোস্তাহাব। এতে মৃত্যু যন্ত্রণাহ্রাস পায়। রোগী ছোট হোক বা বড় উভয়ের ক্ষেত্রে এটা করা মোস্তাহাব।

(إِسْنِ الْقَادِي ج ১/৫)

* মুমূর্ষ রোগীকে আল্লাহর রহমত লাভের সুসংবাদ প্রদান করতে হবে, যাতে তার মনে আল্লাহর রহমত লাভের আশা প্রবল হয়।

* তার পাশে অনুচ্চস্বরে লা ইলাহা ইল্লাল্লাহ পড়তে থাকবে, যেন সে এটা শুনে নিজেও মুখে বা মনে মনে তা পড়তে উদ্বুদ্ধ হয়। তাকে এই কালেমা পড়ার নির্দেশ দিবে না, কেননা যন্ত্রণা এবং কষ্ট বশতঃ পড়তে অস্বীকার করে বসলে হিতে বিপরীত হয়ে যেতে পারে।

* মুমূর্ষ রোগীর নিকট থেকে হায়েয নেফাছ ওয়ালী মহিলা এবং যার উপর গোসল ফরয- এরূপ ব্যক্তিদেরকে সরিয়ে দিবে।

* মুমূর্ষ রোগীকে কেবলা মুখী করে শুইয়ে দেয়া সুন্নাত। এই কেবলামুখী দুভাবে করা যায়-

(১) চিত শোয়া অবস্থায় পা কেবলার দিকে করে এবং মাথা উঁচুতে রেখে।

(২) উত্তর দিকে মাথা রেখে ডান কাতে শুইয়ে।

তবে কেবলামুখী করতে গিয়ে রোগীর খুব বেশী কষ্ট হলে তাকে নিজের অবস্থায়ই থাকতে দিবে।

* তার নিকট সুগন্ধি উপস্থিত করবে এবং আশপাশ সুগন্ধিযুক্ত করবে। কেননা, মৃত্যুর সময় ফেরেশতাগণ উপস্থিত হন।

* নেককার লোকদেরকে পাশে সমবেত করবে।

* রুহ কব্জ হওয়া পর্যন্ত তার নিকট কুরআন পাঠ করতে থাকবে।

মৃত্যু হওয়ার পর করণীয়

* নিজের সামনে কারও মৃত্যু হলে বা কারও মৃত্যু সংবাদ শুনলে পড়তে হয়- **إِنَّا لِلَّهِ وَأَنَا لِلَّهِ رَاجِعُونَ** -

এতদসঙ্গে নিম্নোক্ত দুআও যোগ করা উত্তম-

وَأَنَا إِلَىٰ رَبِّنَا لَمُنْقَلِبُونَ ، اَللّٰهُمَّ اَكْتُبْهُ عِنْدَكَ فِي الْمُحْسِنِينَ ، وَاجْعَلْ كِتَابَهُ فِي عِلِّيِّينَ ، وَاخْلُفْهُ فِي اَهْلِهِ فِي الْغَابِرِينَ ، وَلَا تَحْرِمْنَا اَجْرَهُ وَلَا تَفْتِنَّا بَعْدَهُ - (كتاب الاذكار)

অর্থঃ নিশ্চয়ই আমরা আল্লাহ্র জন্য এবং নিশ্চয়ই আমরা তাঁরই কাছে ফিরে যাব। হে আল্লাহ! তুমি তাকে তোমার কাছে নেককারদের তালিকাভুক্ত করে নাও, তার আমলনামা ইল্লিয়ীনে রাখ এবং তার পরিবারের যারা অবশিষ্ট রয়েছে তাদের মধ্যে তার উত্তম বদলা দান কর। আর তার প্রতিদান থেকে আমাদেরকে বঞ্চিত করো না এবং তার চলে যাওয়ার পর আমাদেরকে ফেতনায় ফেলোনা।

* মৃত্যু হয়ে গেলে একটা চওড়া পট্টি দ্বারা মৃতের চিবুকের নীচ দিক থেকে নিয়ে মাথার উপর গিরা দিয়ে বেঁধে দিবে।

* মৃতের চক্ষু বন্ধ করে দিবে।

* মৃতের দুই পায়ের দুই বৃদ্ধ আঙ্গুল একত্রে মিলিয়ে বেঁধে দিবে।

(মুশ্টি-জিওর)

* মৃতের উভয় হাত ডানে বামে সোজা করে রাখবে, সিনার উপর রাখবেনা।

* একটা চাদর দিয়ে ঢেকে রাখবে। (১৮ম সিত)

* কোন চৌকি বা খাটের উপর মাইয়েতকে রাখবে; মাটির উপর রাখবে না। (১৮ম সিত)

* মৃতের পেটের উপর কোন লম্বা লোহা বা ভারি বস্তু দ্বারা চাপা দিয়ে রাখবে, যাতে পেট ফুলে যেতে না পারে। (১৮ম সিত)

* হয়েয নেফাহ ওয়ালী মহিলাকে মাইয়েতের কাছে আসতে দিবে না।

(১৮ম সিত)

* সম্ভব হলে খুশবু (আগরবাতি প্রভৃতি) জ্বালিয়ে মৃতের কাছে রাখবে।

(১৮ম সিত)

* যথাসম্ভব লোকদেরকে মৃত্যুর সংবাদ অবগত করাবে। (মুশ্টি-জিওর)

* মাইকেও মৃত্যুর সংবাদ প্রচার করা যায়। তবে মসজিদের মাইকে বাইরের লোকদের সংবাদ দেয়া যায় না। অবশ্য উক্ত মাইয়েতের জানাযা নামাযের প্রস্তুতি নেয়ার জন্য মসজিদের মাইকে মসজিদে এ'লান করাতে বাঁধা নেই। (কাফন-দাফনের মাসলা মাসায়েল)

* মাইয়েতের জন্য এস্টেগফার করতে থাকবে। (১৮মিত)

* দ্রুত দাফন-কাফন সম্পন্ন করবে। এটাই উত্তম। জানাযার নামায়ে অধিক লোক হওয়ার আশায় জানাযায় বিলম্ব করবে না। এরূপ করা মাকরুহ ও অনুচিত। (আসন الفتاوى)

* মৃতকে গোসল দেয়ার পূর্বে তার নিকট কুরআন শরীফ পাঠ করা নিষেধ। (বেহেশতী জেওর)

* আপনজনের মৃত্যু হলে এরূপ পড়বে-

إِنَّا لِلَّهِ وَإِنَّا إِلَيْهِ رَاجِعُونَ - اَللّٰهُمَّ اَجِرْنِيْ فِيْ مُصِيبَتِيْ وَآخِلِفْ لِيْ خَيْرًا مِنْهَا - (মসলম-কিতাব الجنائز)

অর্থঃ নিশ্চয় আমরা আল্লাহরই জন্য এবং অবশ্যই আমরা তাঁরই নিকট ফিরে যাব। হে আল্লাহ, আমার এই মুসীবতে তুমি আমাকে প্রতিদান নসীব কর এবং তার স্থলে তার চেয়ে উত্তম বদলা আমাকে দান কর।

* কোন ইসলামের শত্রুর মৃত্যু সংবাদে নিম্নোক্ত দুআ পড়বে-

اَلْحَمْدُ لِلّٰهِ الَّذِيْ نَصَرَ عَبْدَهُ وَاَعَزَّ دِيْنَهُ - (কিতাব الاذكار عن ابن السني)

অর্থঃ সমস্ত প্রশংসা আল্লাহর জন্য, যিনি তাঁর বান্দাকে সাহায্য করলেন এবং তাঁর দীনকে শক্তিশালী করলেন।

* আপনজনের মৃত্যুতে যে কষ্ট হয় তার জন্য ছওয়াব হবে- এই আশা রাখতে হবে।

* কারও মৃত্যুতে মাতম করা, জামা কাপড় ফাড়া চেরা করা, বুক চাপড়ানো, ইনিye বিনিye কাঁদা, চিৎকার করে কাঁদা জায়েয নেই। মনের দুঃখে স্বাভাবিক যে চোখের পানি বা রোদন এসে যায় তা নিষিদ্ধ নয়।

* স্বামীর মৃত্যু হলে স্ত্রী “ইদ্দত” পালন করবে। তার গর্ভ থাকলে সন্তান ভূমিষ্ট হওয়া পর্যন্ত, অন্যথায় চার মাস দশ দিন পর্যন্ত এই ইদ্দত পালন করবে। এ সময়ে সে সাজ-সজ্জা এবং রূপ চর্চা থেকে বিরত থেকে শোক পালন করবে। স্বামীর মৃত্যুর সময় সে যে ঘরে বসবাস করত সেখানেই থাকবে, সেখান থেকে বের হবে না। ভাড়ার বাসা হলে ভাড়া দেয়ার ক্ষমতা থাকলে সেখানেই থাকবে। তবে নিরাপত্তার অভাব হলে নিকটতম স্থানে স্থানান্তরিত হয়ে ইদ্দত পালন করবে। এ সময়ের মধ্যে সে কারও সঙ্গে বিবাহ বসতে পারবে না।

কাফন-দাফন

কবর খননের নিয়মাবলীঃ

* কবর মাইয়েত-এর সমপরিমাণ লম্বা হবে।

* যতটুকু লম্বা তার অর্ধেক পরিমাণ চওড়া হবে।

* মাইয়েত-এর দেহ যত লম্বা, কবর ততপরিমাণ গভীর হওয়া সবচেয়ে উত্তম, অন্ততঃ তার অর্ধেক গভীর করলেও চলে। এরূপ কবরকে সিন্দুক কবর বলে।

* আর এরূপ খনন করার পর কবরের নীচে কেবলার দিকে আর একটি ছোট কুঠরির ন্যায় খনন করে তার মধ্যে মুরদারকে রাখা হলে তাকে বলে বুগলী কবর বা লাহ্দ। সিন্দুকের চেয়ে এরূপ কবর করা উত্তম।

(نَدْوَى دَارِ الْعُلُوم ج ১/৫)

* কবরের উপরিভাগ অন্ততঃ এক ফুট গভীরতা সহকারে একটু অধিক প্রশস্ত করে খনন করতে হবে। এ স্থানে বাঁশ, কাঠ বা পিপার দিয়ে তার উপর মাটি দেয়া হবে। (১৮৮/১)

কাফনের কাপড় সংক্রান্ত বিষয় সমূহঃ

* মাইয়েতকে কাফনের কাপড় দেয়া ফরযে কেফায়া।

* মাইয়েত জীবনে সাধারণতঃ যে মানের কাপড় পরিধান করত, তার কাফনও উক্ত মানের হওয়া উচিত।

* কাফন সাদা রংয়ের হওয়া উত্তম। নতুন বা পুরাতন উভয়টিই সমান।

* কাফনের কাপড় পবিত্র হতে হবে।

* পুরুষের কাফনে তিনটা কাপড় হওয়া সুন্নাত। যথাঃ

১। ইজার : এটা মাথা থেকে পা পর্যন্ত লম্বা হয়।

২। লেফাফা/চাদর : এটা ইজার থেকে ৪ গিরা (৯ইঞ্চি) লম্বা হয়।

৩। কুর্তা/জামা : (হাতা ও কল্লী বিহীন) এটা গর্দান থেকে পা পর্যন্ত লম্বা হয়।

* মহিলাদের কাফনে পাঁচটা কাপড় হওয়া সুন্নাত। উপরোক্ত তিনটা এবং

৪। সীনা বন্দ : এটা বগল থেকে রান পর্যন্ত হওয়া উত্তম। নাভি পর্যন্ত হলেও চলে।

৫। সারবন্দ/উড়না : এটা তিনহাত লম্বা হয়।

কাফনের কাপড়ের পরিমাণ ও তৈরির বিবরণ :

| ক্রমিকনং | নাম | লম্বা | চওড়া | পরিমাণ |
|----------|---------------|---------------------------|----------------------------|--------------------------------------|
| ১ | ইজার | আড়াই গজ | সোয়া ১ গজ থেকে দেড় গজ | মাথা থেকে পা পর্যন্ত |
| ২ | লেফাফা | পৌনে ৩ গজ | সোয়া ১ গজ থেকে দেড় গজ | ইজার থেকে চার গিরা (৯ ইঞ্চি) বেশী |
| ৩ | কুর্তা/জামা | আড়াই থেকে পৌনে তিন গজ | ১ গজ | গর্দান থেকে পা পর্যন্ত |
| ৪ | সীনাবন্দ | ১ গজ | সোয়া ১ গজ | বগলের নীচ থেকে রান পর্যন্ত |
| ৫ | সারবন্দ/উড়না | দেড় গজ | ১২ গিরা (২৭ ইঞ্চি) | যতদূর পৌঁছে |

(উপরোক্ত পরিমাণটা সাধারণতঃ বড় মানুষের জন্য, ছোটদের জন্য তার সাইজ অনুসারে কেটে নিতে হবে।)

* সর্বমোট কাফনের কাপড় পুরুষের জন্য, ৭ $\frac{১}{৪}$ গজ (পৌনে আট গজ) থেকে ৮ গজ এবং মহিলাদের জন্য ১১ $\frac{১}{৪}$ (সোয়া এগার) গজ থেকে ১১ $\frac{১}{২}$ (সাড়ে এগার গজ)। মহিলাদের গোছল ও দাফনের সময় পর্দা রক্ষার জন্য যে কাপড়ের প্রয়োজন সেটা এ হিসাবের বাইরে।

মাইয়েতকে গোসল প্রদানের তরীকা :

* পুরুষ মাইয়েতকে পুরুষ এবং নারী মাইয়েতকে নারী গোসল করাবে। আপনজন আপনজনকে গোসল করানো উত্তম।

* গোসলের স্থান পর্দা ঘেরা হতে হবে।

* যে খাটিয়ায় গোসল দেয়া হবে প্রথমে তিন পাঁচ বা সাতবার সেটায় আগরবাতি ইত্যাদির ধোঁয়া দিবে।

* মাইয়েতকে এমন ভাবে খাটিয়ায় শোয়াবে, যেন কেবলা তার ডান দিকে থাকে, সম্ভব না হলে যে কোন ভাবে শোয়ানো যায়।

* একটা লম্বা মোটা কাপড় দিয়ে মাইয়েতের সতর ঢেকে তার ভিতর থেকে তার শরীরের কাপড় (প্রয়োজনে কেটে) খুলে নিবে।

* মাইয়েতের সতর দেখবে না, সতরের মধ্যে সরাসরি হাত লাগাবে না।

* বাম হাতে দস্তানা পরিধান করে বা কোন কাপড় পেঁচিয়ে তা দ্বারা মাইয়েতকে তিন বা পাঁচটা ঢিলা দ্বারা ইস্তেন্জা করাবে, তারপর পানি দ্বারা ইস্তেন্জার স্থান ধৌত করবে।

* অতঃপর তুলা ভিজিয়ে তা দ্বারা ঠোট, দাঁত ও দাঁতের মাটি মুছে দিবে এবং উক্ত তুলা ফেলে দিবে। এভাবে তিনবার করবে।

* অতঃপর অনুরূপভাবে তিনবার নাকের দুই ছিদ্র পরিষ্কার করবে। তবে গোসলের প্রয়োজন (ফরয) অবস্থায় মৃত্যু হলে বা মহিলার হায়েয নেফাস অবস্থায় মৃত্যু হলে মুখে এবং নাকে পানি দেয়া জরুরী। পানি দিয়ে কাপড় বা তুলা দ্বারা উক্ত পানি তুলে নিবে। (২৮১)

* অতঃপর মুখ এবং নাক ও কানের ছিদ্রে তুলা দিয়ে দিবে, যেন পানি ভেতরে প্রবেশ করতে না পারে।

* অতঃপর উয়ূর ন্যায় মুখ ও উভয় হাত ধৌত করাবে, মাথায় মাসেহ করাবে এবং উভয় পা ধৌত করাবে।

* অতঃপর সাবান বা এজাতীয় কিছু দ্বারা মাথা (পুরুষ হলে দাড়িও) পরিষ্কার করাবে।

* অতঃপর মাইয়েতকে বাম কাতে শুইয়ে বরই এর পাতা জ্বালানো (অপারগতায় সাধারণ) কুসুম গরম পানি দ্বারা মাথা থেকে পা পর্যন্ত ডান পার্শ্বে তিনবার এতটুকু পানি ঢালবে যেন নীচের দিকে বাম পার্শ্ব পর্যন্ত পৌঁছে যায়।

* অতঃপর অনুরূপ ভাবে ডান কাতে শুইয়ে বাম পার্শ্বে তিনবার পানি ঢালবে।

* অতঃপর গোসলদাতা মাইয়েতকে তার শরীরের সাথে টেক লাগিয়ে বসাবে এবং পেটকে উপর দিক থেকে নীচের দিকে আস্তে আস্তে মর্দন করবে এবং চাপ দিবে। এতে কিছু মল-মুত্র বের হলে তা মুছে ফেলে ধুয়ে দিবে।

* অতঃপর মাইয়েতকে বাম কাতে শুইয়ে কপূর মিলানো পানি ডান পার্শ্বে মাথা থেকে পা পর্যন্ত এমনভাবে ঢালবে, যেন নীচে বাম পার্শ্ব পর্যন্ত পৌঁছে যায়।

* অতঃপর আর একটি দস্তানা পরিধান করে বা কাপড় হাতে পেঁচিয়ে সমস্ত শরীর কোন কাপড় দ্বারা মুছে শুকিয়ে দিবে। এরপর মাইয়েতকে কাফনের কাপড় পরিধান করাবে।

এ হল মাইয়েতকে গোসল দেয়ার সুন্নাত তরীকা।

* মাইয়েতকে গোসল দেয়ার পর গোসলদাতার নিজেরও গোসল করে নেয়া মোস্তাহাব। (৬৬)

* গোসলদাতা মাইয়েতের কোন দোষ (যেমন চেহারা বিকৃত হওয়া, কাল হয়ে যাওয়া ইত্যাদি) দেখলে তা অন্যের কাছে বর্ণনা করবে না। পক্ষান্তরে তার কোন ভাল কিছু দেখতে পেলে তা অন্যের কাছে বর্ণনা করা মোস্তাহাব।

কাফন পরিধান করানোর নিয়ম (পুরুষের):

* কাফনের কাপড়ে সর্বপ্রথম তিন পাঁচ বা সাতবার আগরবাতি প্রভৃতির ধোঁয়া দিবে।

* তারপর প্রথমে লেফাফা বিছাবে, তার উপর ইজার, তার উপর কোর্তা/জামার নীচের অর্ধাংশ বিছাবে এবং অপর অর্ধাংশ মাথার দিকে গুটিয়ে রাখবে। তারপর মাইয়েতকে এই বিছানো কাফনের উপর চিত করে শোয়াবে এবং কোর্তা/জামার গুটানো অর্ধাংশ মাথার উপর দিয়ে পায়ের দিকে এমনভাবে টেনে আনবে যেন কোর্তার/জামার ছিদ্র (গলা) মাইয়েতের গলায় এসে যায়। এরপর গোসলের সময় মাইয়েতকে যে কাপড় পরানো হয়েছিল সেটা বের করে নিবে এবং নাক, কান ও মুখ থেকে তুলা বের করে নিবে। তারপর মাথা ও দাড়িতে আতর প্রভৃতি খুশবু লাগাবে। অতঃপর কপাল, নাক, উভয় হাতের তালু, উভয় হাটু ও উভয় পায়ে (সাজদার অঙ্গসমূহে) কর্পূর লাগাবে। তারপর ইজারের বাম পাশ উঠাবে অতঃপর ডান পাশ (ডান পাশ উপরে থাকবে) তারপর লেফাফার বাম পাশ অতঃপর ডানপাশ উঠাবে। অতঃপর কাপড়ের লম্বা টুকরা বা সুতা দিয়ে মাথা এবং পায়ের দিকে এবং মধ্যখানে (কোমরের নীচে) বেঁধে দিবে, যেন বাতাসে বা নড়াচড়ায় কাফন খুলতে না পারে।

কাফন পরিধান করানোর নিয়ম (মহিলার) :

* কাফনের কাপড়ে সর্বপ্রথম তিন, পাঁচ বা সাতবার আগরবাতি প্রভৃতির ধোঁয়া দিবে।

* প্রথমে লেফাফা বিছাবে, তারপর ইজার, তারপর সীনাবন্দ, তারপর কুর্তা/জামার নীচের অর্ধাংশ। তারপর মাইয়েতকে কাফনের উপর চিত করে শোয়াবে। অতঃপর পূর্ব বর্ণিত নিয়মানুযায়ী প্রথমে কোর্তা/জামা পরিধান করাবে, অতঃপর মাইয়েতের শরীরের থেকে গোসলের কাপড় বের করে নিবে এবং নাক, কান ও মুখ থেকে তুলা বের করে নিবে। অতঃপর পূর্বোক্ত নিয়মে খুশবু এবং কর্পূর লাগাবে (মহিলাকে খুশবুর স্থলে জাফরানও লাগানো যায়) অতঃপর মাথার চুল দুই ভাগ করে জামার উপর সীনার পরে রেখে দিবে- একভাগ ডান দিকে আরেক ভাগ বাম দিকে। অতঃপর সারবন্দ বা উড়না মাথা এবং চুলের উপর রেখে দিবে (বাঁধবে না বা পেঁচাবে না) অতঃপর সীনাবন্দ বগলের নীচে দিয়ে প্রথমে বাম দিকে অতঃপর ডান দিক জড়াবে। অতঃপর ইজারের বাম দিক তারপর ডান দিক এমন ভাবে উঠাবে যেন সারবন্দ তার

ভিতর এসে যায়। তারপর লেফাফা অনুরূপ ভাবে প্রথমে বাম পাশে তারপর ডান পাশে উঠাবে এবং সবশেষে পূর্বোক্ত নিয়মে তিন স্থানে বেঁধে দিবে। উল্লেখ্য, সীনাবন্দ ইজার ও লেফাফার মধ্যে বা সব কাপড়ের উপর বাইরেও বাঁধা যায়।

জানাযা নামাযের বিবরণ

* জানাযা নামাযে মাইয়েত সামনে থাকা শর্ত। গায়েবানা জানাযা নামায হানাফী মাযহাবে জায়েয নেই। (الْحَامِيَةُ لِقَاعِ الشَّامِ وَالْحَرَوِيَّةِ)

* কেবলামুখী হয়ে এবং দাঁড়িয়ে জানাযার নামায পড়তে হবে। (এ দু'টো ফরয)

* ইমামের জন্য মাইয়েতের সীনা বরাবর দাঁড়ানো সুন্নাত। মুক্তাদীগণের কাতার তিনটা হওয়া মুস্তাহাব।

* নিয়ত করা ফরয। কারও কারও মতে নিয়তের মধ্যে মাইয়েত পুরুষ না মহিলা, ছেলে না মেয়ে তা-ও নির্ধারিত করা জরুরী।

* আরবীতে নিয়ত এভাবে করা যায়ঃ

نَوَيْتُ أَنْ أَصَلِّيَ الْجَنَازَةَ لِلَّهِ تَعَالَى وَدُعَاءَ لِلْمَيِّتِ - (ইশ্টিগাহ)

* বাংলায় নিয়ত এভাবে করা যায়ঃ আল্লাহর ওয়াস্তে এই মাইয়েতের জন্য দুআ করার উদ্দেশ্যে জানাযা নামাযের নিয়ত করছি।

* নিয়ত করার পর নামাযের তাকবীরে তাহরীমার ন্যায় হাত উঠাবে।

* তারপর আল্লাহ্ আকবার বলবে (এটা ফরয)। ইমাম আল্লাহ্ আকবার ও সালাম জোরে এবং মুক্তাদী আস্তে বলবে। অন্যান্য সবকিছু সকলেই আস্তে পড়বে।

* আল্লাহ্ আকবার বলে নামাযের ন্যায় উভয় হাত বাঁধবে।

* অতঃপর ছানা পড়বে (এটা সুন্নাত)।

* ছানা পড়া শেষে আল্লাহ্ আকবার বলবে হাত উঠানো ব্যতীত। (এই তাকবীর বলা ফরয।)

* অতঃপর দুরূদ শরীফ পড়বে (এটা সুন্নাত)। নামাযের দুরূদ পড়া উত্তম।

* অতঃপর পূর্বের ন্যায় আল্লাহ্ আকবার বলবে। (এই তাকবীরও ফরয)

* অতঃপর দুআ পড়বে (এটা সুন্নাত)।

* মাইয়েত বালেগ পুরুষ বা বালেগা নারী হলে নিম্নোক্ত দুআ পড়বে-

اللَّهُمَّ اغْفِرْ لِحَيِّنَا وَمَيِّتِنَا وَشَاهِدِنَا وَغَائِبِنَا وَصَغِيرِنَا وَكَبِيرِنَا وَذَكَرْنَا
وَأُنْثَانَا۔ اللَّهُمَّ مَنْ أَحْيَيْتَهُ مِنَّا فَاحْيِهِ عَلَى الْإِسْلَامِ ، وَمَنْ تَوَفَّيْتَهُ مِنَّا فَتَوَفَّهُ
عَلَى الْإِيمَانِ۔

এর সাথে নিম্নোক্ত দুআটি পড়াও উত্তম। এ দুআটিও হাদীছে বর্ণিত হয়েছে।

اللَّهُمَّ اغْفِرْ لَهُ وَارْحَمْهُ وَعَافِهِ وَاعْفُ عَنْهُ وَأَكْرِمْ نُزُلَهُ وَوَسِّعْ مَدْخَلَهُ
وَاعْسِلْهُ بِالْمَاءِ وَالتَّلَجِ وَالْبَرَدِ، وَنَقِّهِ مِنَ الْخَطَايَا كَمَا يُنْقَى الثَّوْبُ
الْأَبْيَضُ مِنَ الدَّنَسِ، وَأَبْدِلْهُ دَارًا خَيْرًا مِنْ دَارِهِ وَأَهْلًا خَيْرًا مِنْ أَهْلِهِ
وَزَوْجًا خَيْرًا مِنْ زَوْجِهِ، وَأَدْخِلْهُ الْجَنَّةَ وَأَعِذْهُ مِنْ عَذَابِ الْقَبْرِ وَعَذَابِ
النَّارِ۔

* মাইয়েত নাবালেগ ছেলে হলে নিম্নোক্ত দুআ পড়বে-

اللَّهُمَّ اجْعَلْهُ لَنَا فَرَطًا وَاجْعَلْهُ لَنَا أَجْرًا وَذُخْرًا وَاجْعَلْهُ لَنَا شَافِعًا وَمُشَفَّعًا۔

* আর মাইয়েত নাবালেগা মেয়ে হলে নিম্নোক্ত দুআ পড়বে-

اللَّهُمَّ اجْعَلْهَا لَنَا فَرَطًا وَاجْعَلْهَا لَنَا أَجْرًا وَذُخْرًا وَاجْعَلْهَا لَنَا شَافِعَةً
وَمُشَفَّعَةً۔

* দুআ পড়ার পর পূর্বের ন্যায় আল্লাহ্ আকবার বলবে (এটা ফরয)।

* অতঃপর উভয় হাত ছেড়ে দিয়ে প্রথমে ডান দিকে তারপর বাম দিকে
সালাম ফিরাবে। (احسن التداوى ج ২/ ২৮৩)

* উভয় সালাম ফিরানোর পর হাত ছাড়া যায় কিংবা ডান দিকের
সালামের পর ডান হাত এবং বাম দিকের সালামের পর বাম হাত ছাড়া যায়।

* নামাযে জানাযার পর সাথে সাথে সম্মিলিতভাবে হাত উঠিয়ে দুআ করা
(احكام ميت، خلاصة الفتاوى، نفع المفتى والسائل واحسن الفتاوى ج ১)। মাকরুহ ও বিদআত।

* জুতা খুলে মাটিতে দাঁড়িয়ে নামাযে জানাযা পড়া উত্তম। অবশ্য
দাঁড়ানোর স্থান এবং জুতা পাক হলে জুতা পরেও নামায পড়া যায়। আর জুতা
খুলে জুতার উপর দাঁড়িয়ে নামায পড়ার ইচ্ছা হলে জুতার উপরিভাগ পাক
হওয়া শর্ত। (কাফন-দাফনের মাসলা মাসায়েল)

* জানাযার জন্য একাধিক লাশ একত্রিত হলে প্রত্যেকের জানাযা পৃথক পৃথক আদায় করা উত্তম। সে ক্ষেত্রে যাকে অধিক নেককার বলে মনে হয় তার জানাযা আগে পড়া ভাল। একত্রেও আদায় করা যায়। সেক্ষেত্রে বিভিন্ন ধরনের লাশ থাকলে পুরুষের লাশ ইমামের সন্মুখে, তারপর ছোট বাচ্চাদের, তারপর বয়স্ক মহিলাদের, তারপর নাবালেগা মেয়েদের- এই তারতীবে লাশ রাখবে।

(কাফন-দাফনের মাসলা মাসায়েল)

* যদি ওলীর অনুমতি এবং শিরকাতে জানাযার জামা'আত অনুষ্ঠিত হয়ে থাকে তাহলে পুনর্বীর জানাযার নামায পড়া মাকরুহ এবং তা শরী'আত সম্মত নয়। ওলীর অনুমতি ও শিরকাত ব্যতীত প্রথমে জানাযা হয়ে থাকলে ওলী দ্বিতীয় বার জামা'আত করতে পারে। সেক্ষেত্রেও প্রথমবার যারা জানাযায় শরীক হয়েছে দ্বিতীয়বার তারা শরীক হতে পারবে না। (প্রাপ্ত)

* কোন কোন স্থানে লাশ সম্মুখে রেখে লোকটা কেমন ছিল প্রশ্ন করা হয় আর উপস্থিত লোকেরা বলে ভাল ছিল, শরী'আতে এরূপ বলার কোন ভিত্তি নেই। (প্রাপ্ত)

জানাযা বহন করার নিয়ম সমূহ

* মাইয়েত দুধের শিশু বা হাতে হাতে বহনযোগ্য ছোট হলে পর্যায়ক্রমে হাতে হাতে তাকে বহন করে নিয়ে যাবে। আর বড় হলে কোন খাটিয়া প্রভৃতিতে শুইয়ে নিয়ে যাবে, মাথা সামনের দিকে থাকবে।

* খাটিয়ার চার পায়ে চার জনে উঠাবে।

* খাটিয়ার পায়ে হাত দ্বারা উঠিয়ে কাঁধের উপর রাখবে।

* কবরস্থান দূর ইত্যাদি কোন ওজর না থাকলে জানাযা গাড়ী বা সওয়ারীতে উঠিয়ে নেয়া মাকরুহ।

জানাযা বহন করার মোস্তাহাব তরীকা :

* প্রথমে মাইয়েতের ডান দিকের সম্মুখ পায়া হাত দিয়ে নিজের ডান কাঁধে উঠিয়ে কমপক্ষে দশ কদম চলবে। অতঃপর ঐদিকের পিছনের পায়া ডান কাঁধে রেখে কম পক্ষে দশ কদম চলবে। তারপর মাইয়েতের বাম দিকের সম্মুখের পায়া বাম কাঁধে রেখে দশ কদম, তারপর পশ্চাতের পায়া অনুরূপ বাম কাঁধে রেখে দশ কদম চলবে।

* জানাযা নিয়ে দ্রুত কদমে চলা সুন্নাত। তবে দৌড়ে নয় কিংবা খুব দ্রুত নয়।

* সঙ্গীরা জানাযার ডানে বায়ে নয় বরং পশ্চাতে চলবে।

* সঙ্গীদের পায়ে হেটে চলা মোস্তাহাব। কোন বাহনে থাকলেও জানাযার পশ্চাতে চলবে।

* জানাযা বহনকারী ও সঙ্গীগণ কোন দু'আ, যিকির শব্দ করে পড়বে না। শব্দ করা মাকরুহ।

* জানাযা কাঁধ থেকে রাখার পূর্বে কেউ বসবে না।

* জানাযার সাথে চলার সময় কোন কথা বলবে না। রাসূল সাল্লাল্লাহু আলাইহি ওয়াসাল্লাম এ সময় খামূশ থাকতেন। (১৮মিত)

* দাফন হওয়ার পূর্বে মাইয়েত ওয়ালাদের অনুমতি ব্যতীত কেউ ফিরে আসবে না।

* জানাযা মহিলা হরে খাটিয়া ঢেকে নেয়া মোস্তাহাব।

* জানাযার ইমামত ও দাফন সম্পর্কে মাইয়েতের কোন ওছিয়াত থাকলে সে সম্পর্কে জানার জন্য দেখুন ৪০৯ পৃষ্ঠা।

দাফনের নিয়ম-পদ্ধতি

* সাধারণ কবরস্থানে দাফন করা সুন্নাত।

* যেখানে যার মৃত্যু হয় সে এলাকার সাধারণ কবরস্থানে তাকে দাফন করা সুন্নাত। অন্যত্র (দুই তিন মাইলের অধিক দূরে) লাশ স্থানান্তর করা সুন্নাতের খেলাফ।

* প্রয়োজনে কবরের জন্য জমি ক্রয়ের অনুমতি রয়েছে।

* কেবলামুখী হয়ে দাঁড়িয়ে মাইয়েতকে সতর্কতার সাথে উঠিয়ে কবরে নামাবে। (১৯মিত)

* মাইয়েতকে কবরে রাখার সময় নিম্নোক্ত দু'আ বলা মোস্তাহাব।

بِسْمِ اللَّهِ وَعَلَى مِلَّةِ رَسُولِ اللَّهِ - (الدَّر الْمَخْتَار - باب صلاة الجنازة)

অর্থঃ আল্লাহর নামে এবং আল্লাহর রাসূলের ধর্মের উপর তাকে রাখলাম।

* মাইয়েতকে কেবলামুখী করে ডান কাতে শুইয়ে দেয়া সুন্নাত। চিত করে শুইয়ে শুধু মুখ কেবলামুখী করে দেয়া যথেষ্ট নয়।

(২০মিত গৌহর ওয়াসলাহ অন্তাবামত)

* কবরে রাখার পর খুলে যাওয়ার আশংকায় কাফনে যে গিরা দেয়া ছিল তা খুলে তিতে হবে। (২১মিত)

* মহিলাকে কবরে রাখার সময় পর্দা করে নেয়া মোস্তাহাব। আর মাইয়েতের শরীর প্রকাশ হয়ে যাওয়ার আশংকা থাকলে পর্দা করা ওয়াজিব। (বৈশিষ্ট্যগুহা)

* বুগলী (লাহুদ) কবর হলে কাঁচা ইট, বাঁশ প্রভৃতি দ্বারা বন্ধ করবে আর সিন্দুক কবর হলে কাঠ, বাঁশ বা পিপার দিয়ে ঢেকে দিবে এবং ফাকগুলো বন্ধ করে দিবে।

* তারপর মাটি ফেলবে। মাইয়েতের মাথার দিক থেকে মাটি ফেলতে শুরু করা মোস্তাহাব। (বৈশিষ্ট্যগুহা)

* প্রত্যেক ব্যক্তি উভয় হাতে মাটি নিয়ে তিনবার মাটি ফেলবে। প্রথমবার ফেলার সময় وَمِنْهَا وَفِيهَا نُعِيدُكُمْ مِنْهَا خَلَقْنَاكُمْ এবং তৃতীয়বার وَمِنْهَا (رد المحتار ج ৩ - باب صلاة الجنابة) পড়বে।

* কবরের পিঠ উটের পিঠের ন্যায় এক বিঘৎ বা তার চেয়ে কিছু বেশী পরিমাণ উঁচু করে বানানো মোস্তাহাব। (বৈশিষ্ট্যগুহা)

* মাটি দেয়া সম্পন্ন হওয়ার পর সর্বশেষে কবরের মাটি জমানোর জন্য কবরের উপর পানি ছিটিয়ে দেয়া মোস্তাহাব। (আসন الفتاوى ج ৩)

* নিতান্ত অপারগতা ছাড়া এক কবরে একাধিক লাশ দাফন করবে না।

* কবরের দু পাশে খেজুরের ডাল বা যে কোন ডাল পুতে দেয়ার সাথে গলদ আকীদা জড়িত হওয়ার কারণে এ থেকে বিরত থাকই উত্তম।

(فتاوى دارالعلوم ج ২ / ১ / ২ / ৩)

* যত তাড়াতাড়ি সম্ভব দাফন কাফন সারা উত্তম। এমনকি জানাযায় অধিক লোক হবে এজন্যেও বিলম্ব করা সুন্নাতের খেলাফ।

দাফনের পর যা যা করণীয়

* দাফন সম্পন্ন হওয়ার পর কবরের নিকট কিছুক্ষণ অবস্থান করতঃ মৃতের ক্ষমার জন্য দুআ করবে অথবা কুরআন শরীফ পাঠ করে ছওয়াব পৌছে দিবে। এরূপ করা মোস্তাহাব। (আহকাম মিত)

* মৃত যেন মুনকার নাকীরের প্রশ্নের উত্তর দিতে সক্ষম হয় তার জন্য দুআ করবে। এরূপ করা সুন্নাহ। (আহকাম মিত)

* দাফনের পর কবরের মাথার দিকে দাঁড়িয়ে সূরা বাকারার শুরু থেকে مُفْلِحُونَ পর্যন্ত এবং পায়ের দিকে দাঁড়িয়ে সূরা-বাকারার শেষ আয়াত সমূহ (أَمَّنَ الرَّسُولُ) আন্তে আন্তে পাঠ করা মোস্তাহাব।

(فتاوى دارالعلوم ج ১ / ১ / ২ / ৩)

মাইয়েতের পরিবারের সাথে অন্যদের যা যা করণীয়

* প্রতিবেশী এবং আরীয়-স্বজনদের জন্য মোস্তাহাব হল মৃতের পরিবারের জন্য এক দিনের খাবার তৈরী করে পাঠাবে এবং দুঃখের কারণে তারা খেতে না চাইলে পীড়াপীড়ি করে খাওয়াবে। (الحکم میت از شای و ورثار)

* মৃতের পরিবারকে তিন দিনের মধ্যে (এক বার) সান্ত্বনা জানানো মোস্তাহাব। দূরের লোকেরা শোকবার্তা প্রেরণের মাধ্যমে অর্থাৎ, পত্রের মাধ্যমেও এ মোস্তাহাব আদায় করতে পারেন। শরী'আতের পরিভাষায় এটাকে তায়িয়াত বলা হয়।

* প্রচলিত শোক প্রস্তাব অনুমোদন ও নীরবতা পালনের কোন শরঈ ভিত্তি নেই। এটা বিধর্মীদের অনুকরণ বিধায় পরিত্যাজ্য। শরীয়তের দৃষ্টিতে এতে কোন ফায়দা নেই।

* স্বতন্ত্র ভাবে একাকী তায়িয়াত করা সুন্নাহ। তবে ঘটনাক্রমে যদি একাধিক লোক একত্রিত হয়ে যায় তাতে কোন অসুবিধা নেই। (احسن الفتاوى)

* তায়িয়াতের মধ্যে নিম্নোক্ত বিষয়াবলী অন্তর্ভুক্ত থাকবে।

(ক) সান্ত্বনা বাণী।

(খ) হুবর ও ধৈর্যের ফযীলত বর্ণনা এবং ধৈর্যের প্রতি উৎসাহ প্রদান।

(গ) আপনজনের মৃত্যুজনিত কষ্টের জন্য তারা ছওয়ার লাভ করবে— একথার উল্লেখ।

(ঘ) তায়িয়াতের সময় হাত উঠানো ব্যতীত নিম্নোক্ত দু'আ পড়া—

أَعْظَمَ اللَّهُ أَجْرَكَ وَأَحْسَنَ عَزَاكَ وَغَفَرَ لِمَيِّتِكَ - (احسن الفتاوى ج ১/৩)

* তিন দিন অতিবাহিত হয়ে গেলে তায়িয়াত করা মাকরুহ, তবে সফরে থাকার কারণে এ সময়ের মধ্যে তায়িয়াত করতে না পারলে এরপরও করতে পারেন।

* তায়িয়াতকারীগণ মৃতের পরিবারের উপর তাদেরকে আপ্যায়ন করানোর বোঝা চাপাবে না। তাদের উপর এক বোঝা চাপানো অমানবিকতা এবং সুন্নাহের পরিপন্থী। (الحکم میت)

* শোকসভা করা এমনিতে খারাপ নয়। তবে এখন এটা রহমে পরিণত হয়েছে। তদুপরি পত্র-পত্রিকায় নাম আসবে এরূপ গলদ নিয়তও থাকে, তাই এটা পরিত্যাজ্য। (فتاوى محمودية ج ২/২)

কবরের সাথে সংশ্লিষ্ট বিধি বিধি-নিষেধ

* কবরের উপর দিয়ে চলা, বসা এবং কবরের সাথে হেলান দেয়া থেকে বিরত থাকা সুন্নাত। (১৮ম মিত)

* কবরের দেয়াল পাকা করা, কবরের উপর গম্বুজ বানানো বা যে কোন ধরনের ইমারত বানানো থেকে বিরত থাকবে। সৌন্দর্যের উদ্দেশ্যে একরূপ করা হারাম এবং মজবুত বানানোর উদ্দেশ্যে হলে তা মাকরুহ তাহরীমী, যা হারামের নিকটবর্তী। (১৮ম মিত)

* কবর বসে গেলে তাতে দ্বিতীয়বার মাটি দেয়া যায়।

* কবরে বাতি জ্বালানো নিষিদ্ধ। (১৮ম মিত ও زاد المعاد)

* কবরে ফুল দেয়া নিষিদ্ধ ও বিদআত। (১৮ম মিত)

* চেনার জন্য কবরের উপরে কোন পাথর ইত্যাদি আলামত হিসেবে রাখা যায়। (১৮ম মিত)

* প্রয়োজনে নাম ফলক স্থাপন করা যায়, তবে তাতে কুরআনের কথা লেখা নাজায়েয। (১৮ম মিত)

* কবর বা বুয়ুর্গদের মাযারে চাদর চড়ানো নিষিদ্ধ ও হারাম।

(১৮ম মিত از سنت و بدعت)

* কোন মাযারে মান্নত মানা ও নযর প্রদান করা হারাম। (প্রাঙক্ত)

* মাযারে টাকা-পয়সা প্রদান করা হারাম।

কবর যিয়ারতের আহকাম

* পুরুষদের জন্য কবর যিয়ারত করা মোস্তাহাব। নারী যুবতী হলে তার জন্য কবরস্থানে যাওয়া জায়েয নেই। তবে বৃদ্ধা হলে কান্নাকাটি, মাতম ইত্যাদি শরীআত বিরোধী কাজ করবে না- একরূপ একীন থাকলে সাজসজ্জা না করে খুশবু না মেখে পর্দার সাথে যাওয়ার অনুমতি রয়েছে।

(১৮ম মিত بحوالہ شامی، امداد الفتاوی و امداد الاحکام)

* প্রতি সপ্তাহে অন্ততঃ একবার কবর যিয়ারত করা মোস্তাহাব। (১৮ম মিত)

* শুক্রবার কবর যিয়ারত করা অধিক উত্তম। বৃহস্পতিবার, শনিবার এবং সোমবারও কবর যিয়ারত করা উত্তম। (১৮ম মিত)

* কবরস্থানে প্রবেশ করে সমস্ত কবরবাসীর উদ্দেশ্যে নিম্ন বাক্যে সালাম করবে-

السَّلَامُ عَلَيْكُمْ دَارَ قَوْمٍ مُؤْمِنِينَ وَأَنَا إِن شَاءَ اللَّهُ بِكُمْ لَاحِقُونَ ، وَنَسْأَلُ
اللَّهُ لَنَا وَلَكُمْ الْعَافِيَةَ - (احسن الفتاوى ج ২/৩)

অর্থঃ হে মু'মিন সম্প্রদায়ের আবাসস্থলের অধিবাসীগণ! তোমাদের প্রতি শান্তি বর্ষিত হোক, আমরাও আল্লাহ চাহেতো তোমাদের সাথে মিলিত হব। আমরা আল্লাহর কাছে আমাদের জন্য এবং তোমাদের জন্য শান্তির আবেদন করছি।

* অতঃপর উদ্দিষ্ট মাইয়েতের পায়ের দিক থেকে চেহারার (কেবলার) দিক যেয়ে দাঁড়াবে বা বসবে। বসলে জীবদশায় তার সাথে যেকোন সম্পর্ক ছিল সে অনুযায়ী নিকটে বা দূরে বসবে। (احسن الفتاوى ج ২/৩)

* সালামের পর কেবলার দিকে পিঠ এবং মাইয়েতের (কবরের) দিকে মুখ করে যথাসম্ভব কুরআন শরীফ পড়ে মাইয়েতকে ছওয়াব পৌছে দিবে। বিশেষভাবে সূরা-বাকারার শুরু থেকে মুফলিহুন পর্যন্ত, আয়াতুল কুরহী, সূরা-বাকারার শেষ দুই আয়াত অর্থাৎ, آمَنَ الرَّسُولُ থেকে শেষ পর্যন্ত, সূরা-ফাতেহা, সূরা-ইয়াসীন, সূরা-মূলক, সূরা-তাকাহুর বা সূরা এখলাস ১১/১২ বার কিংবা ৭ বার বা যে পরিমাণ সহজে পড়তে পারে পড়ে দুআ করবে। মাইয়েতের মাগফিরাতের জন্যও দুআ করবে। (احسن الفتاوى ج ২/৩ و احكام ميت)

* তিলাওয়াত ও দুআ দুরুদ পড়ার পর কেবলামুখী হয়ে (অর্থাৎ, মাইয়েতের দিকে পিঠ করে দুআ করবে। (جواهر الفقه از ائصال ثواب للتهاوى))

ঈছালে ছওয়াব ও তার তরীকা

* নফল ইবাদত (যেমনঃ নফল নামায, নফল রোযা, নফল হজ্জ ইত্যাদি) তিলাওয়াত, যিকির-আযকার ও দান-সদকা করে তার ছওয়াব (মৃত বা জীবিতকে) পৌছে দেয়া এবং মাইয়েতের জন্য দুআ করাকে ঈছালে ছওয়াব বলে। ঈছালে ছওয়াব দ্বারা আমলকারীর ছওয়াব কমে না বরং আল্লাহ তা'আলা নিজ অনুগ্রহে আমলকারী ও মাইয়েত উভয়কেই পূর্ণ পরিমাণ ছওয়াব দিয়ে থাকেন। কোন আমলের ছওয়াব একাধিক মাইয়েতকে পৌছানো হলে আল্লাহর রহমতের ব্যাপকতার ভিত্তিতে আশা করা যায় যে, সে ছওয়াব ভাগাভাগি করে নয় বরং প্রত্যেককেই আল্লাহ তা'আলা পূর্ণ পরিমাণ দান করবেন, যদিও যুক্তি অনুযায়ী তা ভাগাভাগি হওয়ারই কথা।

* ইবাদতে মালিয়া অর্থাৎ দান সদকা দ্বারা ঈছালে ছওয়াব করা উত্তম। এর মধ্যে কয়েকটি স্তর রয়েছে। যথাঃ

(ক) নগদ অর্থ প্রদান করা সবচেয়ে ভাল। এরূপ অর্থ সদকায়ে জারিয়ার কাজে (অর্থাৎ, এমন নেক কাজে যা অব্যাহতভাবে চালু থাকবে) ব্যয় করলে আরও উত্তম হবে।

(খ) তারপর কাঁচা খাবার (পাকানো ছাড়া) প্রদান করা।

(গ) আর সর্বনিম্ন স্তর হল খাদ্য-খাবার রান্না করে তা খাওয়ানো।

* ঈছালে ছওয়াবের একটি আদব এই যে, অন্ততঃ কিছু পাঠ করে হলেও (যেমনঃ তিনবার সূরা এখলাস পাঠ করে) রাসূল সাল্লাল্লাহু আলাইহি ওয়াসাল্লাম-এর রুহ মোবারকে তার ছওয়াব স্বতন্ত্র ভাবে পৌঁছে দিবে।

* মাইয়েতের আপনজন, বন্ধু-বান্ধব ও আত্মীয়-স্বজন সকলেই স্বতন্ত্রভাবে নিজ নিজ স্থানে থেকে তিলাওয়াত ও যিকির-আযকার পূর্বক কিংবা দু'আর মাধ্যমে ঈছালে ছওয়াব করতে পারে। এর জন্য সকলে একত্রিত হয়ে সম্মিলিত ভাবে খতম পড়ার অবশ্যকতা নেই। তদুপরি আজকাল সম্মিলিতভাবে খতম পড়াটা রেওয়াজে পরিণত হয়েছে। তাই এই রেওয়াজ পরিত্যাগ করা উচিত।

* টাকা-পয়সার বিনিময়ে কুরআন-খানী বা কোন খতম করালে তার কোন ছওয়াব পাওয়া যাবে না। অতএব সেরূপ কুরআন খানী ও খতমের দ্বারা ঈছালে ছওয়াবও হবে না বরং এরূপ বিনিময় গ্রহণ পূর্বক খতম ও কুরআন খানী করা এবং করানো উভয়টা হারাম।

* ঈছালে ছওয়াবের জন্য কোন দিন তারিখ (যেমন- ৪ঠা, চল্লিশা, বার্ষিকী ইত্যাদি) নির্ধারণ করা বিদআত। অতএব তা পরিত্যাজ্য। এসব নির্দিষ্ট দিনের অনুসরণ ছাড়াই ঈছালে ছওয়াব করা উচিত।

(প্রভৃতি থেকে গৃহীত।) (سنن الفوائد ج ১، جواهر الفقه والاحكام)

পরিবার নীতি

পরিবারে অশান্তি সৃষ্টি হওয়ার কারণ ও তার প্রতিকার :

পরিবারে বিভিন্ন কারণে অশান্তি সৃষ্টি হয়ে থাকে। এসব কারণগুলো গুরু থেকেই যদি এড়িয়ে চলা যায়, তাহলে একটা সুখী ও আনন্দময় পরিবার গড়ে তোলা সম্ভব এবং সেই সুখ ও আনন্দকে ধরে রাখা সম্ভব। সাধারণতঃ যে সব

কারণে পরিবারে অশান্তি দেখা দিয়ে থাকে নিম্নে সেগুলো প্রতিকার ব্যবস্থাসহ উল্লেখ করা হল।

(১) স্বশুর-শাশুড়ী ও পুত্র-বধূর মাঝে সুসম্পর্ক না থাকা : সাধারণতঃ স্বশুর শাশুড়ী পুত্রের উপর অধিকার থাকার সুবাদে পুত্রবধূর উপরও কর্তৃত্ব করতে চায় এবং পুত্রের ন্যায়-পুত্রবধূকেও বাধ্যগত পেতে এবং রাখতে চায়। তারা পুত্র থেকে যে রকম আনুগত্য ও খেদমত পাওয়ার, পুত্রবধূ থেকেও সে রকম পেতে চায়। এর ফলে পুত্র-বধূর সাথে কর্তৃত্ব সুলভ আচরণ ও ক্ষেত্র বিশেষে বাদী সুলভ ব্যবহারও করে থাকে। অনেক সময় পুত্রবধূ প্রফুল্ল চিন্তে না চাইলেও জবরদস্তী তার থেকে স্বশুর শাশুড়ী কাজ ও খেদমত নিয়ে থাকেন এবং জবরদস্তী পুত্রবধূকে একান্নভুক্ত রাখা হয়। এসব কারণে পুত্রবধূর স্বাধীন চেতনা আঘাতগ্রস্ত হয়, কখনও কখনও সে আত্মমর্যাদায় আঘাতবোধ করে এবং এ সংসারকে সে আপন বলে মেনে নিতে পারে না, ফলে স্বশুর-শাশুড়ীর সাথে গুরু হয় তার সম্পর্কের টানাপোড়েন এবং তখনই পুত্রবধূ তাদের থেকে বিচ্ছিন্ন হয়ে যেতে চায়। পুত্রবধূর আপনজন ও আত্মীয়-স্বজনকে ভিন্ন দৃষ্টিতে দেখা এবং তাদের আতিথেয়তা ও আপ্যায়নকে গুরুত্ব না দেয়ার কারণেও অনেক সময় স্বশুর-শাশুড়ীর প্রতি পুত্রবধূ ক্ষিপ্ত হয়ে ওঠে।

এর প্রতিকারের জন্য মনে রাখা দরকার যে, স্বশুর-শাশুড়ীর খেদমত করা মৌলিকভাবে পুত্রবধূর দায়িত্ব নয়, করলে সেটা তার অনুগ্রহ। বরং এ খেদমতের দায়িত্ব তাদের পুত্রের উপর বর্তায়। পুত্রের পক্ষ থেকে তার বধূ যদি সে খেদমতের দায়িত্ব আঞ্জাম দেয় তাহলে সেটা তার অনুগ্রহ। স্বশুর শাশুড়ী যদি পুত্র-বধূর খেদমতকে এ দৃষ্টিভঙ্গীতে মূল্যায়ন করেন, তাহলে পুত্র-বধূর প্রতি তারা প্রীত হবেন এবং তার প্রতি তাদের বাদী সুলভ মনোভাব সৃষ্টি হবে না। এ সম্পর্কে, 'স্ত্রীর অধিকার সমূহ' শিরোনামে (৪২৪ পৃষ্ঠা দ্রঃ) বিস্তারিত আলোচনা করা হয়েছে।

(২) যৌথ পরিবার থাকা : অনেক সময় একান্নভুক্ত পরিবার থাকার কারণেও সংসারের শান্তি বিনষ্ট হয়। বিশেষভাবে যদি স্ত্রীর জন্য থাকার ঘরও পৃথক করে দেয়া না হয়। স্বাভাবিকভাবে প্রত্যেক নারীই এ কামনা করবে যে, স্বামীকে নিয়ে সে স্বাধীনভাবে নিজের মত করে একটা সংসার গড়ে তুলবে, তার থাকার জন্য একটা ভিন্ন ঘর থাকবে যেখানে সে তার মাল-সামান সুষ্ঠুভাবে সংরক্ষণ করতে পারবে, যেখানে সে স্বাধীনভাবে স্বামীর সাথে

বিনোদন করতে পারবে। যৌথ পরিবার ও একান্নভুক্ত সংসার অনেক ক্ষেত্রেই এ কামনায় বাঁধা সৃষ্টি করে। ফলে শ্বশুর-শাশুড়ী, ননদ, দেবর প্রমুখদের সাথে পুত্র-বধূর বনিবনা হয়ে ওঠে না।

অনেক পিতা-মাতাই মনে করে থাকেন তাদের পুত্রের ভিন্ন সংসার গড়ে উঠলে তারা অবহেলিত হবেন, তারা বঞ্চিত হবেন। কিন্তু পুত্রকে যদি তারা যথাযথভাবে গড়ে তুলতে পারেন, তাহলে পুত্রের সংসার ভিন্ন হলেও পুত্র তাদের অধিকার ও খেদমতে ক্রটি করবে না- এটাও বাস্তব সত্য। তদুপরি জোর জবরদস্তী কিছুদিন একান্নভুক্ত রাখা হলেও চরম অবনিবনা সৃষ্টি হওয়ার পর এক সময়তো পৃথক হতেই হবে, সেই পৃথক হওয়াটা আগে ভাগে করে ফেললেইতো ভাল। মনে রাখা দরকার- যৌথ পরিবার সাময়িক বিচারে ভাল হলেও স্থায়ী সুসম্পর্কটা বড় কথা। তদুপরি স্ত্রীর অধিকার আছে পৃথক হয়ে যেতে চাওয়ার, অন্ততঃ একটা থাকার ভিন্ন ঘর পাওয়া স্ত্রীর অধিকার। এ সম্পর্কে “স্ত্রীর অধিকার সমূহ” অধ্যায়ে বিস্তারিত আলোচনা করা হয়েছে। (দেখুন ৪২৪ পৃষ্ঠা) হযরত থানবী (রহঃ) বলতেন, দু চুলার আগুন থেকেই সংসারের শান্তিতে আগুন লাগে। অতএব এই যুগে শুরু থেকেই চুলা পৃথক করে দেয়া সমীচীন। (عَنْ ثَابِتٍ) তবে স্ত্রীরও মনে রাখা দরকার বিনা প্রয়োজনে স্বামীকে তার মাতা-পিতা ও ভাই-বোন থেকে পৃথক করে নিয়ে তাদের মনে কষ্ট দেয়া উচিত নয়।

(৩) আয়-ব্যয়ের মাঝে ভারসাম্য থাকা : প্রত্যেক মানুষেরই উচিত তার আয় অনুযায়ী ব্যয় করা। অনেকেই সংসার জীবনের প্রথম দিকে আবেগের বশবর্তী হয়ে সাধ্যের বাইরেও অনেক বেশী ব্যয় করে থাকে। সব ক্ষেত্রেই সে তার স্টাণ্ডার্ড ছাড়িয়ে চলে যায়। এভাবে তার স্ত্রী ও সন্তানাদির স্টাণ্ডার্ড বেড়ে যায় এবং এভাবে চলতে চলতে হয়তো এক সময় সে ঋণী হয়ে পড়ে কিংবা এভাবে চলা তার পক্ষে আর সম্ভব হয়ে ওঠে না। তখন পূর্বের স্টাণ্ডার্ড বজায় রাখার জন্য তাকে অবৈধ আয়ের পথে পা বাড়াতে হয় কিংবা স্ত্রী পুত্র পরিজনের কাছে হেয় হতে হয়, তাদের মন রক্ষা করা সম্ভব হয় না, ফলে মানসিক শান্তি বিনষ্ট হয়। কুরআনে কারীমে একদিকে যেমন কার্পণ্য করতে নিষেধ করা হয়েছে, অপর দিকে এত বেশী হাত খোলা হতেও নিষেধ করা হয়েছে, যাতে পরবর্তীতে গিয়ে নিঃশ্ব হয়ে যেতে হয় এবং হেয় হতে হয়। সুতরাং আয় ব্যয়ের মধ্যে ভারসাম্য রক্ষা করে চলা উচিত। বিশৃংখল ব্যয় করা

নিষিদ্ধ। বিশৃংখল ব্যয় করা বলতে বোঝায়-যা কিছু হাতে আছে তৎক্ষণাৎ তা ব্যয় করে ফেলা এবং ভবিষ্যতে শরী‘আত সম্মত প্রয়োজন দেখা দিলে তা পূরণ করতে অক্ষম হয়ে পড়া। এতে বোঝা গেল কিছুটা সঞ্চয়ের নীতিতে চলা কর্তব্য। (ما غرزا من معارف القرآن و الإسلام في الاقتصادی نظام)

(৪) স্ত্রীকে সংসার চালানো শিখিয়ে না দেয়া : কোন গাড়ীর আরোহীগণ যদি গাড়ীর চালককে সহযোগিতা না করে, তাহলে চালক সে গাড়ি নির্বিঘ্নে চালাতে সক্ষম হয়না। তদ্রূপ সংসার জীবনে পুরুষ হল গাড়ী চালকের ন্যায় আর স্ত্রী হল সে গাড়ীর আরোহী এবং কিছুটা সে চালকও বটে। তাই স্ত্রীকে সংসার চালানো শিখিয়ে দেয়া উচিত, যাতে পুরুষের আয়ের সাথে সঙ্গতি রেখে সংসার পরিচালনায় সে সহযোগিতা করতে পারে এবং যাতে স্বামীর আয়ের সাথে সঙ্গতিহীনভাবে সংসার চালিয়ে তাকে বিব্রতকর অবস্থায় না ফেলে।

স্ত্রীর মধ্যে স্টার্গার্ড বৃদ্ধি করার এবং আরও জাঁকজমকের সাথে চলার মনোবৃত্তি যেন সৃষ্টি হতে না পারে সে জন্য নিজের চেয়ে ধনবান পরিবারের বাড়িতে স্ত্রীকে বেড়াতে নিয়ে যাওয়ার বা পাঠানোর এবং তাদের সাথে উঠা-বসা করানোর ব্যাপারে সতর্কতার সাথে পদক্ষেপ নিতে হবে। শুধু স্ত্রী নয় বরং সংসারের অন্যান্য সদস্যদের প্রতিও এ ব্যাপারে সতর্ক দৃষ্টি রাখতে হবে।

এতসব সতর্ক পদক্ষেপ নেয়ার পরও কখনও যদি স্ত্রী বা সংসারের অন্য সদস্যদের মধ্যে সাধ্যের বাইরে জাঁকজমকের সাথে এবং আড়ম্বরের সাথে চলার মনোবৃত্তি সৃষ্টি হয়ে যায়, তাহলে তাদেরকে দুনিয়া ত্যাগের ওয়াজ নছীহত শুনাতে হবে, দুনিয়াত্যাগী বুয়ুর্গ অলী-আউলিয়াদের জীবনী ও কাহিনী শুনাতে হবে যা এতদসম্পর্কিত পুস্তক পুস্তিকা পাঠ করাতে হবে এবং গরীবদের সাথে উঠা-বসার ব্যবস্থা করতে হবে। আর যে পরিবেশে যাওয়ার ফলে উক্ত মনোবৃত্তি সৃষ্টি হয়েছে সে পরিবেশ থেকে তাদেরকে যথাসম্ভব দূরে রাখতে হবে।

(৫) স্বামী স্ত্রীর পারস্পরিক সন্দেহ : স্বামী স্ত্রী একে অপরের চরিত্রের ব্যাপারে সন্দেহান হয়ে পড়লে এ থেকে সংসারে চরম অশান্তি দেখা দিতে পারে। এর থেকে পরিত্রাণ লাভের জন্য প্রথমতঃ উভয়কেই মনে রাখতে হবে যে, দলীল প্রমাণ ছাড়া কারও ব্যাপারে কু-ধারণা করা অন্যায় এবং পাপ। অতএব দলীল-প্রমাণ ছাড়া নিছক সন্দেহ হয়ে থাকলে মন থেকে সে সন্দেহ ঝেড়ে ফেলতে হবে। যদি মন থেকে সন্দেহ না যায় তাহলে, যে কারণে সন্দেহ

সৃষ্টি হয় সে কারণ উল্লেখ করে তাকে স্পষ্ট বলতে হবে যে, এ কারণে আমার মনে সন্দেহ সৃষ্টি হচ্ছে তুমি এ থেকে বিরত হও, আর বিরত হতে না পারলে আমার জন্য দুআ কর যেন আমার মন থেকে এ সন্দেহ দূর হয়ে যায় এবং নিজেও মন থেকে কু-ধারণা দূর হওয়ার জন্য আল্লাহর নিকট দুআ করতে থাকবে। এভাবে ইনশাআল্লাহ মন পরিষ্কার হয়ে যাবে। অন্যথায় মনে মনে সন্দেহ, ক্ষোভ চাপা রাখলে সেটা খারাপ পরিণতি ডেকে আনতে থাকবে।

আর বাস্তবিকই যদি দলীল প্রমাণের ভিত্তিতে জানা যায় যে, স্ত্রীর চরিত্র নষ্ট হচ্ছে, তাহলে যে কারণে সেটা ঘটছে সেটা প্রতিহত করবে। এর জন্য সবচেয়ে উত্তম পন্থা হল স্ত্রীকে শরী‘আত সম্মত পর্দার মধ্যে রাখা। পর্দা ব্যবস্থাই হল চরিত্র ও সতীত্ব সংরক্ষণের সবচেয়ে নিশ্চিত ব্যবস্থা। আর যদি স্বামীর চরিত্র নষ্ট হতে থাকে, তাহলে স্ত্রী যেহেতু জোরপূর্বক স্বামীকে কোন কিছু মানাতে বাধ্য করতে পারবে না এবং এজন্য বকাঝকা করলে স্বামীর জিদ বেড়ে গিয়ে আরও হিতে বিপরীত হতে পারে, তাই স্ত্রীর তখন করণীয় হলঃ

(এক) স্বামীর মতি ভাল হওয়ার জন্য আল্লাহর কাছে দুআ করবে।

(দুই) যখন স্বামী নির্জনে তার সঙ্গে ঘনিষ্ঠ মুহূর্তে থাকবে এবং ঠাণ্ডা মাথায় থাকবে তখন খুব নরম ভাষায় তাকে বুঝাতে থাকবে।

(তিন) স্বামীর মনোরঞ্জননের জন্য আগের চেয়ে বেশী নিজেকে নিবেদিত করবে। এভাবে হয়ত স্বামীর সংশোধন হয়ে যেতে পারে। এ না করে স্ত্রী যদি এরূপ মুহূর্তে স্বামীকে জব্দ করতে চায়, প্রকাশ্যে হেয় করতে চায় এবং স্বামীর মনোরঞ্জে পূর্বের চেয়ে পিছিয়ে থাকে, তাহলে ক্ষতির সম্ভাবনাই বেশী।

(৬) একাধিক বিবাহ : ইসলাম বিভিন্ন প্রয়োজনের ভিত্তিতে একাধিক বিবাহ (এক সঙ্গে সর্বোচ্চ চারজন) পুরুষের জন্য জায়েয রেখেছে। তবে শর্ত হল পুরুষ তার সকল স্ত্রীর মধ্যে ইনসাফ ও সমতা বজায় রাখবে। স্বামী আরও স্ত্রী ঘরে আনুক, আরও একটা বিবাহ করুক সাধারণভাবে স্ত্রী তা মেনে নিতে চায় না এবং এ জন্য মনোমালিন্য ও সংসারে অশান্তি লেগে যায়। এ অশান্তির প্রতিকারের জন্য স্বামী ও স্ত্রী উভয়েরই কিছু করণীয় রয়েছে। স্বামীর করণীয় হল-যদি একান্তই তাকে আবার বিবাহ করতে হয় তাহলে যে কারণে আগের স্ত্রী পরবর্তী বিবাহকে মেনে নিতে পারছে না অর্থাৎ, সে আশংকা করছে যে, অন্য স্ত্রীকেই বেশী আদর সোহাগ করা হবে এবং তার আদর সোহাগ কমে যাবে, তার সন্তানাদি অবহেলিত হবে ইত্যাদি- স্বামীর কর্তব্য কার্যতঃভাবে এ

আশংকাকে দূর করা অর্থাৎ, সে সকল স্ত্রীর মধ্যে পূর্ণভাবে সমতা রক্ষা করবে, সকলকেই এক দৃষ্টিতে দেখবে, সকলের সাথে এক রকম আদর সোহাগের আচরণ করবে, তাহলে আস্তে আস্তে পূর্বের স্ত্রী স্বাভাবিক হয়ে আসবে। আর স্ত্রীর কর্তব্য হল প্রথমতঃ সে মনকে বুঝাবে যে, পুরুষের জন্য একাধিক বিবাহ করা যখন জায়েয, তখন আমার সেটা মেনে নিতে বাঁধা কোথায়। দ্বিতীয়তঃ সে জিদ ধরে স্বামীর খেদমত ও মনোরঞ্জে ক্রটি করবে না; তাহলে এই অবসরে পরবর্তী স্ত্রীর দিকে স্বামী বেশী ঝুঁকে পড়বে বরং তার জন্য উচিত হল স্বামীকে আরও বেশী আকৃষ্ট করার চেষ্টা করা, যাতে স্বামীকে ভারসাম্যতার পর্যায়ে রাখা যায়। তৃতীয়তঃ সতীনকে প্রকাশ্যে সন্তুষ্ট চিন্তে মেনে নেয়া। যদি সতীনের সাথে প্রকাশ্যে শত্রুতার আচরণ করা হয়, তাহলে সেও তাকে শত্রু ভাববে। এভাবে শুরু থেকেই অমিল লেগে গেলে ভবিষ্যতে তাকে আপন করে নেয়া কঠিন হবে। মনে রাখতে হবে- নতুন সতীনকে আপন করে নিতে না পারলে সংসারে যে অশান্তি আসবে, সে অশান্তি শুধু নতুন সতীনই ভোগ করবে না, তাকেও ভোগ করতে হবে। তাই জিদ ধরা নয় বরং বুদ্ধিমত্তা হল শুরু থেকেই সতীনকে আপন করে নিয়ে মিলেমিশে থাকার চেষ্টা করা। আর নতুন স্ত্রীকেও মনে রাখতে হবে যে, তার স্বামীর পুরাতন স্ত্রীরও অধিকার রয়েছে, যেমন তার অধিকার রয়েছে। অতএব পুরাতন স্ত্রী থেকে স্বামীকে বিচ্ছিন্ন করে নিজের কুক্ষিগত রাখার প্রচেষ্টা অত্যন্ত অন্যায়। নতুন স্ত্রী যদি স্বামীকে সব স্ত্রীদের মধ্যে সমতা রক্ষার ব্যাপারে উদ্বুদ্ধ করে, তাহলে এক দিকে স্বামী অন্যায় থেকে রক্ষা পাবে অপর দিকে আগের স্ত্রীও তাহলে নতুনের মুক্তি হবে এবং সর্বোপরি সংসারের শান্তি রক্ষা হবে।

(৭) তালাক সম্পর্কিত কুসংস্কার : তালাক দেয়া বা না দেয়া উভয় ক্ষেত্রেই সমাজে বাড়াবাড়ি ও প্রান্তিকতা রয়েছে। কিন্তু লোক কথায় স্ত্রীকে তালাক দিয়ে দেয়, নিতান্ত ঠেকা ছাটাই সামান্য সামান্য কারণে রাগের মাথায় তালাক দিয়ে দেয় এবং তিন তালাক দিয়ে বসে, যাতে করে পরে হুঁশ ফিরে এলেও আর স্ত্রীকে রাখা তার জন্য জায়েয থাকে না, তখন সে নানান ভাবে পারিবারিক অশান্তিতে পড়ে যায়। মনে রাখতে হবে অত্যন্ত প্রয়োজন ছাড়া বা নিতান্ত ঠেকা ব্যতীত তালাক দেয়া স্ত্রীর প্রতি জুলুম এবং অন্যায়। আর কখনও তালাক দিতে হলেও এক তালাক দেয়া সমীচীন, যাতে পরে সম্বিত ও হুঁশ ফিরে এলে প্রয়োজন বোধে আবার স্ত্রীকে ফিরিয়ে নেয়া যায়। সারকথা- রাগের মাথায় তালাক দেয়া পরিবারে অশান্তি ডেকে আনতে পারে।

আবার কতক লোক সমাজের নিন্দা সমালোচনার ভয়ে, পরিবারের তথাকথিত ঐতিহ্য বজায় রাখার জন্য নিতান্ত ঠেকায় পড়েও স্ত্রীকে তালাক দিতে পারে না। স্ত্রীর সাথে কোন ভাবেই তার বনিবনা হচ্ছে না, কোন ভাবেই তারা মিলেমিশে চলতে পারছে না, দাম্পত্য জীবন দুর্বিষহ হয়ে উঠেছে, তবুও তালাক দিতে পারছে না, ফলে সারাটা জীবন তাদের অশান্তিতে কাটছে। এটাও এক ধরনের কুসংস্কার। হিন্দুয়ানী কুসংস্কারের ফলেই তালাককে এত জঘন্য মনে করা হয়। ইসলামে তালাক দেয়াটা অত্যন্ত গর্হিত বটে, কিন্তু তা সব সময়ে এবং সব পরিস্থিতিতে নয় বরং কোন কোন পরিস্থিতিতে তালাক দেয়াটা মোস্তাহাব এবং উত্তম হয়ে দাঁড়ায়। এমনকি কোন কোন পরিস্থিতিতে তালাক দেয়া ওয়াজিব ও জরুরী হয়ে পড়ে। ফোকাহায়ে কেরাম বলেছেন : স্ত্রী যদি স্বামীকে কষ্ট দেয় বা নির্যাতন করে, কিংবা মোটেই নামায না পড়ে, বা বোঝানো সত্ত্বেও অশ্লীল কাজে লিপ্ত হয়, তাহলে উক্ত স্ত্রীকে তালাক দিয়ে দেয়াটাই মোস্তাহাব ও উত্তম। আর স্বামী-স্ত্রীর মধ্যকার ব্যাপারটা যদি এমন পর্যায়ে গিয়ে দাঁড়ায় যে, স্বামী স্ত্রীর অধিকার আদায় করতে পারে না, তাহলে স্ত্রীকে তালাক দেয়া ওয়াজিব হয়ে পড়ে। (অবশ্য যদি স্ত্রী তার অধিকার ছেড়ে দেয় তাহলে ভিন্ন কথা।) অতএব কোনক্রমেই যে স্ত্রীর সঙ্গে বনিবনা হচ্ছে না নিন্দা সমালোচনার ভয়ে কিংবা বংশে কেউ তালাক দেয়নি কাজেই তালাক দেয়া যাবে না- এই ঐতিহ্য রক্ষা করতে গিয়ে উক্ত স্ত্রীকে রেখে জীবনকে দুর্বিষহ করার কোন অর্থ নেই। যখন পারম্পরিক অনৈক্যের কোনই সমাধান করা সম্ভব হয় না, তখন তালাক দিয়ে দেয়াই সমীচীন।

(ماخوذ از تحفہ زوجین و احسن الفتاویٰ ج ۵)

(৮) অত্যধিক মহর ধার্য করা : অনেক সময় স্বামী-স্ত্রীর মাঝে সম্প্রীতি না থাকা সত্ত্বেও স্বামী স্ত্রীকে ত্যাগ করতে পারে না শুধু এ কারণে যে, তার ঘাড়ে চেপে আছে বিরাট অংকের মহর, যেটা পরিশোধ করার সাধ্য তার নেই। আবার এই মহরের অংক বড় থাকার সুবাদে অনেক স্ত্রীও স্বামীর অবাধ্য হওয়ার বা স্বামীকে যথাযথভাবে তোয়াক্কা না করার দুঃসাহস পায় এই ভেবে যে, সে যতই করুক স্বামী তাকে ছাড়ার সাহস পাবে না মহর পরিশোধ করার ভয়ে। সাধারণ বাইরে অত্যধিক মহর ধার্য করলে এভাবে সেটা সংসারের অশান্তির কারণ হয়ে দাঁড়ায়, মহরটাই তখন হয়ে দাঁড়ায় জীবনের জন্য কাল, অশান্তি দূর করার পথে অন্তরায়। ইসলামের দৃষ্টিতে মহর পরিশোধযোগ্য

একটি ঋণ, অন্যান্য ঋণের ন্যায় এ ঋণও পরিশোধ করা ওয়াজিব- এই চিন্তা থাকলে কোন স্বামীই শুধু নাম শোহরতের জন্য তার সাধ্যের বাইরে মহর ধার্য করত না। কিংবা করে থাকলেও ক্রমান্বয়ে তা পরিশোধ করে দিলে পরবর্তীতে তার জন্য সেটা কোন সমস্যা হয়ে দাঁড়াতে পারত না। মূলতঃ সমাজ মহরকে শুধু ধার্য করার বিষয় মনে করে, এটা যে পরিশোধ করা জরুরী তা মনে করে না, যার ফলেই সাধ্যের বাইরে মোটা অংকের মহর বাঁধা হয় এবং এটা কোন এক সময় সমস্যা হয়ে দাঁড়াতে পারে।

(৯) যৌতুক প্রথা : আমাদের বর্তমান সমাজে যৌতুক একটা বিরাট পারিবারিক অশান্তির কারণ। এই যৌতুকের অভিশাপে বহু নারীকে নির্যাতনের শিকার হতে হয়, বহু নারীকে জীবন দিতে হয় এবং বহু পরিবারে শান্তি বিনষ্ট হয়। যৌতুক একটা সামাজিক অভিশাপ এবং এটা সমাজের এক রকম মানসিক সংক্রামক ব্যাধি। এই ব্যাধি থেকে সমাজকে মুক্ত করা অপরিহার্য। যৌতুক চাওয়া যে অবৈধ, এটা একটা ঘৃণিত পন্থা, এটা অনধিকার চর্চা, এর কারণে যে স্ত্রীর কাছে হীন ও নীচ বলে প্রতিপন্ন হতে হয়-এসব কথাগুলো ব্যাপকভাবে প্রচার হওয়া আবশ্যিক, তাহলে হয়ত ধীরে ধীরে এই ব্যাধি সমাজের মন-মানসিকতা থেকে দূর করা সম্ভব হতে পারে। অগ্রীম প্রতিরোধ ব্যবস্থা হিসেবে ব্যক্তিগত ভাবে যারা যৌতুক চায় বা যৌতুক পাওয়ার লালসা রাখে তাদের সাথে বৈবাহিক সম্পর্ক স্থাপন না করাই উচিত। একরূপ সামাজিক অপরাধ প্রতিহত করার জন্য ইসলামের আলোকে কোন কঠোর আইনও প্রণয়ন করা যেতে পারে। যৌতুক সম্পর্কিত মাসায়েল এবং আরও কিছু কথা জানার জন্য দেখুন ৫৪৯-৫৪০ পৃষ্ঠা।

(১০) সন্তানাদির দ্বীনদার না হওয়া : সন্তানাদি যদি পিতা-মাতার অবাধ্য হয়, খারাপ পথে চলে, এক কথায় সন্তানাদি যদি দ্বীনদার ও ভাল না হয়, তাহলে সংসারে সেটা বিরাট অশান্তির কারণ হয়ে দাঁড়ায়। এর প্রতিকার হল সন্তানাদিকে দ্বীনদার বানানো। সন্তানাদিকে দ্বীনদার বানানো ও ভাল করে গড়ে তোলার পদ্ধতি সম্পর্কে দেখুন ৫৫০-৫৫৪ পৃষ্ঠা।

(১১) পারস্পরিক অধিকার আদায় না করা : পরিবারের মাতা-পিতা, স্বামী-স্ত্রী, ভাই-বোন ও ছেলে-মেয়ের মধ্যে একের প্রতি অপরের যে অধিকার তা আদায় না করলে, যার যা করণীয় তা না করলে পরস্পরে অমিল এবং এই অমিল থেকে অশান্তির সূত্রপাত ঘটতে পারে। এসব অধিকার সম্পর্কে জানার জন্য দেখুন ৪১৩-৪১৭, ৪২১-৪২৭ এবং ৪৩৪ পৃষ্ঠা।

উপরোক্ত কারণগুলো ছাড়াও আরও বিভিন্ন কারণে পরিবারে অশান্তি দেখা দিতে পারে, বিজ্ঞ উলামায়ে কেরাম থেকে তার ইসলামী সমাধান জেনে নেয়া যেতে পারে।

স্ত্রী অবাধ্য হলে তখন যা যা করণীয়

* স্ত্রী যদি স্বামীর অবাধ্য হয়ে যায় বা এমন আশংকা দেখা দেয় কিংবা স্বামীর আনুগত্যের ব্যাপারে শৈথিল্য প্রদর্শন করে, তাহলে সে স্ত্রীকে সংশোধনের জন্য স্বামীকে যথাক্রমে পাঁচটি উপায় বলে দেয়া হয়েছে :

১. প্রথম পর্যায়ে ধৈর্য ধারণ করবে।
২. তাকে বুঝিয়ে শুনিয়ে, উপদেশ দিয়ে সংশোধনের চেষ্টা করবে।
৩. তাতেও কাজ না হলে তৃতীয় পর্যায়ে স্ত্রীকে সতর্ক করার জন্য স্ত্রী থেকে ভিন্ন বিছানায় শয়ন করবে বা এক বিছানায় থেকেও ভিন্ন দিকে পাশ ফিরিয়ে শুয়ে থাকবে। এই ভদ্র জনোচিত শাস্তির পরও যদি সে দুষ্কর্ম থেকে এবং অবাধ্যতা থেকে ফিরে না আসে তাহলে চতুর্থ পর্যায়ে-
৪. তাকে সাধারণ ভাবে হালকা মারধর করার অনুমতি রয়েছে অর্থাৎ, এমন মারধর, যাতে তার শরীরে মারধরের প্রতিক্রিয়া বা জখম না হয়। এ সম্পর্কে বিস্তারিত জানার জন্য পরবর্তী পরিচ্ছেদ দেখুন।
৫. উপরোক্ত পদ্ধতিগুলো গ্রহণ করার পরও যদি স্ত্রী মানতে আরম্ভ না করে এবং মনোমালিন্য ও বিবাদ দীর্ঘায়িত হয়ে যায়-চাই তা স্ত্রীর স্বভাবের জটিলতা বা অবাধ্যতার কারণে হোক বা পুরুষের অহেতুক কড়াকড়ির কারণে হোক- তাহলে পঞ্চম পর্যায়ে সরকার বা উভয় পক্ষের মুরব্বী, অভিভাবক কিংবা মুসলমানদের কোন শক্তিশালী সংস্থা তাদের (স্বামী-স্ত্রীর) মধ্যে আপোষ করে দেয়ার জন্য দু'জন সালিস নির্ধারণ করে দিবেন- একজন পুরুষের পরিবার থেকে আর একজন স্ত্রীর পরিবার থেকে। তারা যদি আন্তরিকতার সাথে সৎ নিয়তে উভয়ের মধ্যে সমঝোতা সৃষ্টি ও সমস্যার সমাধান করতে আগ্রহী হয়ে কাজ করেন, তাহলে আল্লাহ তা'আলা তাদের কাজে সহায়তা দান করবেন এবং স্বামী স্ত্রীর মধ্যে সদ্ভাব সৃষ্টি করে দিবেন। (سارف القرآن وتحف زوجين)

স্ত্রীকে শাসন করার পদ্ধতি ও মাসায়েল

* হাদীছের বর্ণনা অনুযায়ী নারীগণ বক্র স্বভাবের হয়ে থাকে। তাদেরকে একেবারে ছেড়ে দিলে বক্রই থেকে যাবে, আবার অতিরিক্ত কড়া শাসন পূর্বক

সম্পূর্ণ সোজা করতে চাইলে ভেঙ্গে যাবে। তাই নারীদেরকে শাসনও করতে হবে এবং শাসনের ক্ষেত্রে মধ্যপন্থা অবলম্বন করতে হবে। তাদেরকে সংশোধনের প্রচেষ্টা অব্যাহত রাখতে হবে, তবে পূর্ণ সংশোধন হবে- এমন আশা রাখা যায় না।

* স্ত্রী অবাধ্য হলে বা যথাযথ আনুগত্য না করলে তাকে সংশোধনের জন্য পূর্বের পরিচ্ছেদে বর্ণিত ধারায় পদক্ষেপ নিতে হবে। অর্থাৎ, প্রথমে তাকে বুঝিয়ে শুনিয়ে এবং উপদেশ দিয়ে সংশোধনের চেষ্টা করতে হবে। এ উদ্যোগ ব্যর্থ হলে বিছানায় তাকে ত্যাগ করতে হবে। এ পন্থায়ও সংশোধন না হলে তারপর তাকে কিছুটা হালকা মারধর করেও সংশোধনের উদ্যোগ নেয়া যেতে পারে। অনেক মুফাসসিরের মতে এ তিনটি পন্থার মধ্যে ধারাবাহিকতা রক্ষা করা ওয়াজিব। অর্থাৎ, বুঝানো এবং উপদেশ প্রদানের পূর্বেই বিছানায় ত্যাগ করা জায়েয নয় বা বুঝানো ও বিছানায় ত্যাগ করার পন্থাদ্বয় গ্রহণ না করে প্রথমেই মারধর করে সংশোধন করতে যাওয়া বৈধ নয়।

* স্ত্রীকে মারধর করার ব্যাপারে যে অনুমতি দেয়া হয়েছে সে ক্ষেত্রে মনে রাখতে হবে- এ মারধর অর্থ নির্যাতন করা নয়, তাকে কষ্ট দেয়া নয়, তাকে লালিত করা নয় বরং তার আত্মমর্যাদায় আঘাত দিয়ে সঠিক পথে ফিরিয়ে আনা। এ জন্যেই ফোকাহায়ে কেরাম শর্ত করেছেন, শরীরে প্রতিক্রিয়া দেখা দেয়-এমন ভাবে মারা যাবে না, চেহারা মারা যাবে না, কোন কোন মুফাসসির বলেছেনঃ এক স্থানে একাধিক বার আঘাত করা যাবে না এবং কোন কোন মুফাসসির বলেছেনঃ মারবে রুমাল বা কাপড় পেঁচিয়ে তা দ্বারা বা মেসওয়াক দ্বারা। তদুপরি এই যতটুকু মারধর করার অনুমতি দেয়া হয়েছে তাও সব ক্ষেত্রে নয় বরং ফোকাহায়ে কেরাম বলেছেনঃ সাধারণ ভাবে চার কারণে মারা যেতে পারে। (এক) স্বামী যৌন চাহিদা পূরণ করতে আহ্বান করার পরও স্ত্রী যদি অমান্য করে। (দুই) শরী'আত সম্মত ওজর ছাড়া স্বামীর বিনা অনুমতিতে বাড়ি থেকে বের হলে। (তিন) স্বামীর বলা সত্ত্বেও যদি স্ত্রী সাজসজ্জা ও রূপচর্চা না করে (চার) শরী'আতের ফরয কর্ম পরিত্যাগ করলে; যেমন নামায না পড়লে, ফরয গোসল না করলে ইত্যাদি।

* সর্বপরি কথা হল-মারধর করাটার অনুমতি রয়েছে বটে, কিন্তু সেটা পছন্দনীয় পন্থা নয়। হযরত রাসূল সাল্লাল্লাহু আলাইহি ওয়াসাল্লাম এ পর্যায়ে শাস্তি দানকে পছন্দ করেননি বরং তিনি বলেছেন, ভাল লোক এমন করে না।

(ا. গৃহীত থেকে معارف القرآن এবং المشاكل الزوجية وحلولها)

* স্ত্রীকে শাসন ও সংশোধন করার জন্য বকাঝকা করা, গালমন্দ করা বা মারধর করার ক্ষেত্রে অনেকেই রাগের বশে আত্মনিয়ন্ত্রণ হারিয়ে ফেলেন এবং বাড়াবাড়ি করে ফেলেন। যার ফলে একদিকে শাসনের ফায়দা নষ্ট হয়ে যায়, আবার পরে নিজের বাড়াবাড়ির জন্য নিজেকেই লজ্জিত হতে হয়। এর থেকে বাঁচার উপায় হল। (এক) ঠিক রাগের মুহূর্তে কিছুই বলবে না বা কিছুই করবে না। (দুই) কি কি শব্দ বলে তাকে গালমন্দ করতে হবে কিংবা কিভাবে কোন স্থানে কতটুকু প্রহার করবে তা আগে চিন্তা করে স্থির করে নিবে। (তিন) গালমন্দ বা প্রহার করার পূর্বে চিন্তা করে নিবে যে, পরে আবার তার সাথে ঘনিষ্ঠ হয়ে কত কিছু করা হবে, তখন যেন শরম পেতে না হয়। এ তিনটি পন্থা গ্রহণ করলে শাসনের ক্ষেত্রে বাড়াবাড়ি থেকে বেঁচে থাকা সম্ভব হবে ইনশাআল্লাহ।

* স্ত্রীকে শাসনের ক্ষেত্রে মনে রাখতে হবে স্বামী শাসক আর স্ত্রী শাসিত নয়। স্বামী-স্ত্রীর মধ্যে শাসক শাসিতের সম্পর্ক নয় বরং তাদের মধ্যে সম্পর্কটা হল ভালবাসার সম্পর্ক, প্রেমিক-প্রেমিকার সম্পর্ক। অতএব কোন শাসনই যেন ভালবাসার চেতনা বাদ দিয়ে নিছক রাগ ও ক্ষোভ চরিতার্থ করার জন্য না হয়।
(بضوء تحف زوجين)

স্ত্রীর প্রতি স্বামী রাগান্বিত হলে স্ত্রীর যা যা করণীয়

কোন কারণে স্বামী যদি স্ত্রীর প্রতি রাগান্বিত হয়ে যায় তখন স্বামীর রাগকে প্রশমিত করার জন্য এবং নিজেকে নিয়ন্ত্রণ করার জন্য স্ত্রীর চারটা কাজ করণীয়। যথা :

১. স্ত্রীকে মনে করতে হবে যে, সে স্বামীর অধীনস্থ ও স্বামীর কর্তৃত্বাধীন এবং এই অধীনস্থ ও কর্তৃত্বাধীন থাকার মধ্যেই সাংসারিক ও পারিবারিক কল্যাণ এবং শৃংখলা নিহিত। প্রাকৃতিক নিয়ম অনুযায়ীও এরকমই হওয়া বাঞ্ছনীয়। অতএব স্বামীর রাগ সময়িক ভাবে তাকে সহ্য করে নিতে হবে, তার পক্ষেও উল্টা রাগ হওয়াটা সমীচীন হবে না।
২. স্বামী যদি রাগান্বিত হয় আর প্রকৃত পক্ষে স্ত্রীর কোন অন্যায় নাও থাকে, তবুও সেই মুহূর্তে স্ত্রীর চুপ থাকা বাঞ্ছনীয়-স্বামীর সাথে তর্ক জুড়ে দেয়া ঠিক নয়। তর্ক শুরু করলে স্বামীর রাগ আরও বেড়ে যেতে পারে এবং শেষ পর্যন্ত কোন অঘটন ঘটে যেতে পারে; যেমন মারধরের দিকে যেতে পারে বা খোদা নাখাস্তা তালাকের দিকেও যেতে পারে। রাগের মুহূর্তেই এসব

ঘটে থাকে। অতএব রাগ বৃদ্ধি না করে তা প্রশমিত করা উচিত। স্ত্রীর যদি কোন অন্যায় না থাকে আর সে স্বামীর অন্যায় রাগের মুহূর্তেও চুপ থাকে- কথা কাটাকাটি না করে, তাহলে পরে স্বামীর যখন রাগ ঠাণ্ডা হবে তখন সে নিজের অন্যায় রাগের জন্য অনুতপ্ত হবে এবং স্ত্রীর প্রতি মুগ্ধ হবে, তার অনুগত হয়ে পড়বে আর ভবিষ্যতে রাগ করতে গেলেও ভেবে চিন্তে রাগ করবে।

৩. স্বামীর রাগের পেছনে স্ত্রীর অন্যায় থাকুক বা না থাকুক স্ত্রীর উচিত খোশামোদ তোশামোদ করে হলেও স্বামীর রাগ ভাঙ্গানো। স্ত্রীর যদি অন্যায় থাকে তাহলে তো তার জিদ ধরা চরম অন্যায় হবে বরং সে মুহূর্তে তার ক্ষমা চেয়ে নেয়া উচিত। যদি তার অন্যায় নাও থাকে, তবুও সে জিদ ধরলে হয়তবা স্বামীকে নত করা সম্ভব হবে না। তাহলে তার সামান্য জিদের কারণে পরিণতি খারাপ হয়ে পড়তে পারে। স্ত্রীর একথা মনে করা উচিত নয় যে, আমার অন্যায় নেই, অতএব খোশামোদ করতে যাওয়া আমার জন্য অপমানজনক বরং এই খোশামোদের ফলে স্বামীকে স্বাভাবিক করতে পারলে পরে স্বামীর হুশ ফিরে আসার পর সে উজ্জ্বল স্ত্রীর প্রতি মুগ্ধ এবং তার অনুগত হয়ে যাবে। এভাবেই তার মান বেড়ে যাবে।
৪. চুপ থেকে, তর্ক না করে, খোশামোদ-তোশামোদ করেও যদি স্বামীর রাগ ভাঙ্গানো না যায়, তাহলে নির্জনে ঘনিষ্ঠ মুহূর্তে তার কাছে সত্যিকার অবস্থা তুলে ধরবে এবং নিজের অন্যায় থাকলে ক্ষমা চেয়ে নিবে। ইনশাআল্লাহ স্বামীর রাগ প্রশমিত হবে।

স্ত্রীর প্রতি স্বামীর রাগ এলে স্বামীর যা যা করণীয়

কোন দোষ-ত্রুটির কারণে স্ত্রীর প্রতি রাগ এসে গেলে তখন স্বামীর করণীয় হলঃ

১. স্বামীর চিন্তা করা উচিত যে, প্রাকৃতিক নিয়মে এবং আইনগত ভাবে স্ত্রী তার কর্তৃত্বাধীন ও অধীনস্থ হলেও সেও স্ত্রীর ভালবাসা ও খেদমতের ঋণে তার কাছে দায়বদ্ধ। এ হিসেবে সেও স্ত্রীর অনুগ্রহের অধীন। স্ত্রীর প্রতি তার অনুগ্রহ থাকলে তার প্রতিও স্ত্রীর অনুগ্রহ রয়েছে। স্ত্রীর যেমন স্বামীকে প্রয়োজন, স্বামীরও স্ত্রীকে প্রয়োজন, উভয়েই উভয়ের কাছে ঠেকা। অতএব একতরফা ভাবে কর্তৃত্ব সুলভ মনোভাব নিয়ে কথায় কথায় স্ত্রীর প্রতি রাগ করা তার পক্ষে ঠিক নয়।

২. স্বামীর সব সময়ই স্ত্রীর অসহায়ত্ব এবং তার জন্য স্ত্রীর আপনজন ছেড়ে চলে আসার কথা স্মরণ রাখা দরকার, তাহলে স্ত্রীর প্রতি রাগ নয় বরং সহানুভূতি জাগ্রত হবে এবং রাগের মুহূর্তে এটা স্মরণ করলে রাগ প্রশমিত হবে।
৩. কোন একটা দোষের কারণে রাগ এসে গেলে তার অন্য অনেক গুণ রয়েছে সেগুলো স্মরণ করে তার প্রতি প্রীতি হওয়ার চেষ্টা জাগ্রত করবে।
৪. উপরোক্ত পন্থায় রাগ প্রশমিত না হলে রাগ দমন করার স্বাভাবিক যে পদ্ধতিগুলো রয়েছে তার উপর আমল করবে। এর জন্য দেখুন ৫৯৭ পৃষ্ঠা।

স্ত্রীর কোন কিছু অপছন্দ লাগলে তার প্রতিকার

দোষ-গুণে মানুষ। প্রত্যেকের মধ্যেই কিছু না কিছু দোষ থাকে, আবার তার অনেক গুণও থাকে। স্ত্রীর মধ্যেও এমন কিছু পরিলক্ষিত হতে পারে যা স্বামীর কাছে অপছন্দ লাগবে। যদি স্ত্রীর মধ্যে এমন কিছু পরিলক্ষিত হয় যা স্বামীর কাছে অপছন্দ লাগে এবং তার কারণে স্ত্রীর সাথে দুর্ব্যবহার করতে মনে চায় বা তাকে ছেড়ে দিতে মনে চায় কিংবা তার প্রতি ভালবাসা হ্রাস পাওয়ার সম্ভাবনা বোধ হয়, সে মুহূর্তে তার প্রতিকারের জন্য স্বামীকে নিম্নোক্ত বিষয়গুলো চিন্তায় আনতে হবে-

১. তার অন্যান্য গুণাবলীর কথা চিন্তা করা এবং এভাবে তার প্রতি মুগ্ধ হওয়ার চেষ্টা করা।
২. এই চিন্তা করা যে, এ সব দোষ দেখেও যদি ছবর করা হয়, তাহলে ছওয়াব হবে এবং মর্যাদা বৃদ্ধি পাবে। অতএব আল্লাহ আমাকে এ স্ত্রী দান করে আমার প্রতি অনুগ্রহই করেছেন- আমার ছওয়াব লাভ ও মর্যাদা বৃদ্ধির সুযোগ করে দিয়েছেন।
৩. নিজের কিছু দোষ-ত্রুটির কথা স্মরণ করে ভাববে যে, আমার এসব দোষ-ত্রুটি সত্ত্বেও তো স্ত্রী আমাকে ভালবেসে যাচ্ছে, সে ছবর করে যাচ্ছে, তাহলে আমি কেন তার দোষ-ত্রুটি দেখে ছবর করতে পারব না, আমি কেন এসব সত্ত্বেও তাকে ভালবাসতে পারব না?
৪. একান্ত তাকে ছেড়ে দিতে মনে চাইলে এই চিন্তা করবে যে, আমি তাকে ছেড়ে দিলে সে অন্য কোন মুসলমান ভাইয়ের ঘরে যাবে এবং তার কষ্টের কারণ হবে। অতএব তাকে রেখে দিলে অন্য ভাইকে কষ্ট পাওয়া থেকে রক্ষা করার ছওয়াব পাওয়া যাবে। অন্যথায় অন্য আর এক ভাইকে কষ্ট দেয়ার জন্য আমিও দায়ী হয়ে যাই কি না?

৫. স্ত্রীর এমন কোন কিছু কারণে যদি তাকে অপছন্দ লাগে, যা তার এখতিয়ার বহির্ভূত; যেমন স্বামী ছেলে কামনা করে অথচ স্ত্রীর গর্ভে শুধু কন্যাই জন্ম নেয় বা তার সন্তানই হয় না। কিংবা স্ত্রীর একের পর এক রোগ-ব্যাদি লেগে থাকে ইত্যাদি, আর এ কারণে যদি স্ত্রীকে স্বামীর অপছন্দ লাগে, তাহলে স্বামীর ভেবে দেখতে হবে যে, এ অপছন্দ লাগার জন্য স্ত্রী দায়ী নয়, এতে স্ত্রীর কোন দোষ নেই। এ ক্ষেত্রে রাগ করা হলে এ রাগ মূলতঃ তাকদীরের উপর এবং আল্লাহর ফায়সালার উপর গিয়ে পড়ে, যা মারাত্মক অন্যায়। তাকদীরের উপর সন্তুষ্টি এবং তাকদীরের উপর যথার্থ বিশ্বাস স্থাপন করার মাধ্যমেই এরকম অপছন্দ লাগাকে দূর করা সম্ভব।
৬. এই চিন্তা করবে যে, আমরা আল্লাহর কত নাফরমানী করি, আল্লাহর অপছন্দ লাগার কত কাজ করি, তারপরও আল্লাহ আমাদের সাথে করুণার আচরণ করেন। আল্লাহর এ চরিত্রে চরিত্রবান হয়ে আমারও উচিত করুণার আচরণ করা।

স্বামীর কোন কিছু অপছন্দ লাগলে তার প্রতিকার

স্ত্রীর কোন কিছু অপছন্দ লাগলে তার প্রতিকারের জন্য স্বামীকে যে সব বিষয় চিন্তা করে দেখতে হবে- যা পূর্বের পরিচ্ছেদে বর্ণনা করা হয়েছে, তদ্রূপ স্বামীর কোন কিছু অপছন্দ লাগলে মন থেকে সে অপছন্দ লাগাকে দূর করার জন্য স্ত্রীকেও সে বিষয়গুলো চিন্তা করতে হবে। পূর্ববর্তী পরিচ্ছেদ দেখে নিন।

স্বামীকে বশীভূত করার পদ্ধতি ও মাসায়েল

* স্বামীকে বশীভূত করার অর্থ যদি এই হয় যে, স্বামী স্ত্রীর বাধ্যগত হয়ে থাকবে, তার কথায় স্বামী উঠা-বসা করবে এবং স্ত্রী স্বামীর নাকে রশি লাগিয়ে ঘুরাতে পারবে, এরকম বশীভূত করতে চাওয়া ঠিক নয়। এরকম বশীভূত করার জন্য কোন তাবীজ তুমার করাও হারাম। কেননা, এটা শরী'আতের উদ্দেশ্যের পরিপন্থী। শরীয়ত চায় স্বামী স্ত্রীর উপর কর্তৃত্ব করবে এবং স্ত্রী স্বামীর অনুগত ও বাধ্যগত থাকবে। তবে হ্যাঁ স্বামী যদি স্ত্রীর প্রতি অসন্তুষ্ট হয়, তাকে যথাযথ ভাল না বাসে, তার হুক আদায়ে ত্রুটি করে, তাহলে তাকে বশীভূত করতে চাওয়া এই অর্থে যে, সে স্ত্রীর প্রতি যেন সন্তুষ্ট হয়ে যায়, স্ত্রীকে যেন যথার্থ ভালবাসে, তার হুকসমূহ যেন আদায় করে, এরূপ বশীভূত করতে চাওয়া অন্যায় নয়। স্বামীকে এরূপ বশীভূত করার সবচেয়ে উত্তম পন্থা হল স্ত্রী স্বামীর সাথে খোশামোদ-তোশামোদ করে চলবে, স্বামীর কল্যাণ ও স্বামীর

খেদমতের জন্য নিজেকে সম্পূর্ণ নিবেদিত করে দিবে। একথা মনে রাখা দরকার যে, জোরপূর্বক স্বামীকে বশীভূত করা যায় না। কোন স্ত্রী জোর জবরদস্তী করে রাগারাগি করে, জিদ ধরে, তর্কাতর্কি করে, ঝগড়া ফ্যাসাদ করে স্বামীকে স্থায়ীভাবে বশীভূত করতে পারে না। একমাত্র খোশামোদ-তোশামোদ করেই স্বামীকে অনুগত করা যায়। তবে হ্যাঁ, এভাবেও যদি স্বামীকে সন্তুষ্ট করতে না পারে, তখন কুরআন হাদীছের যে কোন ঝড়-ফুক বা তাবীজ ব্যবহার করলে করতে পারে। যেমন নিম্নোক্ত আয়াত পাঠ পূর্বক কোন মিষ্টান্ন দ্রব্যে দম করে স্বামীকে খাওয়ানো হলে ইনশাআল্লাহ স্বামী স্ত্রীর প্রতি মেহেরবান হয়ে যাবে।

وَمِنَ النَّاسِ مَن يَتَّخِذُ مِنْ دُونِ اللَّهِ أَندَادًا يُحِبُّونَهُمْ كَحُبِّ اللَّهِ وَالَّذِينَ آمَنُوا أَشَدُّ حُبًّا لِلَّهِ - وَلَوْ يَرَى الَّذِينَ ظَلَمُوا إِذْ يَرُونَ الْعَذَابَ أَنَّ الْقُوَّةَ لِلَّهِ جَمِيعًا وَأَنَّ اللَّهَ شَدِيدُ الْعَذَابِ - (সূরা বাকারাহ: ১৬৫)

তবে উল্লেখ্য যে, অবৈধ স্থানে এরকম করলে কোন আছর হবে না।

(تَحْفَظُونَ থেকে গৃহীত।)

শ্বশুর বাড়ীতে বসবাস ও সকলের সাথে মিলে মিশে থাকার নীতি

শ্বশুর বাড়ীতে বসবাসের কতিপয় আদব ও নীতি রয়েছে, যা মেনে চললে শ্বশুর বাড়ীতে সকলের সাথে মিলে মিশে থাকা যায় এবং সকলের কাছে প্রিয় হওয়া যায়। এ নীতিগুলো অমান্য করলেই বিবাদ ও ঝগড়া কলহের সূত্রপাত ঘটে এবং অশান্তি সৃষ্টি হয়। নীতিগুলো নিম্নরূপঃ

১. স্বামীর হক যথাযথভাবে আদায় করা। স্বামীর হক সম্পর্কে জানার জন্য দেখুন ৪২১ পৃষ্ঠা।
২. যত দিন শ্বশুর-শাশুড়ী জীবিত থাকবেন তাদের খেদমত ও আনুগত্যকে ফরয বলে জানবে এবং সে মতে তাদের খেদমত ও আনুগত্য করবে। তাদের সাথে কথা-বার্তা ও উঠা-বসায় আদব-সম্মানের প্রতি খুব লক্ষ্য রাখবে। শ্বশুর-শাশুড়ীর খেদমত করা আইনতঃ ফরয না হলেও নৈতিক ফরয।
৩. শ্বশুর-শাশুড়ী, ননদ প্রমুখদের থেকে স্বামীকে বিচ্ছিন্ন করে নিয়ে ভিন্ন সংসার গড়ার জন্য ব্যস্ত হয়ে উঠবে না। যদিও স্ত্রীর অধিকার রয়েছে ভিন্ন হতে চাওয়ার, কিন্তু সে এরূপ দাবী করলে, এর জন্য পীড়াপীড়ি করলে

শ্বশুর-শাশুড়ী যখন জানবে তখন তারা এই ভেবে ক্ষিপ্ত হয়ে উঠবে যে, পুত্রবধূ আমাদের পুত্রকে আমাদের থেকে বিচ্ছিন্ন করতে চায়। এখন থেকেই ফ্যাসাদের সূত্রপাত ঘটবে। এ সম্পর্কে বিস্তারিত জানার জন্য দেখুন ৪২৫ পৃষ্ঠা।

৪. শ্বশুর বাড়ীর কোন দোষ ত্রুটি মা-বাপের কাছে বলবে না বা শ্বশুরালয়ের কারও সম্পর্কে কোন গীবত শেকায়েত বাপের বাড়ীতে করবে না। এ থেকেই ক্রমান্বয়ে উভয় পক্ষের মন খারাপ হয়ে নানান জটিলতার সৃষ্টি হয়ে থাকে।
৫. শ্বশুর-শাশুড়ী জীবিত থাকা অবস্থায় যদি একান্নভুক্ত সংসার হয় তাহলে স্বামী সংসার চালানোর টাকা-পয়সা স্ত্রীর হাতে দিতে চাইলে সে স্বামীকে বলবে শ্বশুর-শাশুড়ীর কাছে দেয়ার জন্য; যাতে শ্বশুর-শাশুড়ীর মন পরিষ্কার থাকে এবং তারা এই ভাবতে না পারে যে, পুত্রবধূ আমাদের পুত্রকে কুক্ষিগত করে ফেলেছে।
৬. শ্বশুর বাড়ীর সকল বড়দেরকে আদব-সম্মান এবং ছোটদেরকে স্নেহ করবে।
৭. শাশুড়ী, ননদ প্রমুখরা যে কাজ করবে তা করতে লজ্জাবোধ করবে না। তাদের কাজে সহযোগিতা করবে বরং তারা করার পূর্বেই সম্ভব হলে তাদের কাজ করে দিবে, তাহলে তাদের ভালবাসা লাভ করা যাবে।
৮. নিজের কাজ কারও জন্য ফেলে রাখবে না এই ভেবে যে, অমুক করে দিবে। নিজের সব কিছুকে নিজেই সাজিয়ে গুছিয়ে ও পরিপাটি করে রাখবে।
৯. দুই চারজনে কোন গোপন কথা বলতে থাকলে সেখান থেকে সরে যাবে, তারা কি বলছিল সেটা জানার জন্য খোঁজ লাগাবে না। অহেতুক এই সন্দেহ করবে না যে, তারা হয়ত আমার কোন দোষ বলাবলি করছিল।
১০. শ্বশুর বাড়ীতে প্রথম প্রথম মন না বসলেও মনকে বোঝানোর চেষ্টা করবে, কান্না জুড়ে দিবে না। এসে পারলে না- এরই মধ্যে আবার যাওয়ার জন্য পীড়াপীড়ি শুরু করবে না। এভাবে কিছুদিন পর মন ঠিক হয়ে যাবে।

(عن عائشة رضى الله عنها থেকে গৃহীত।)

পুত্র-বধূর প্রতি শ্বশুর-শাশুড়ীর যা যা করণীয়

১. পুত্র-বধূ এলেই শাশুড়ী মনে করবে না যে, এখন থেকে হাঁপ ছেড়ে বাঁচলাম, ঘরের কোন কাজ আর আমাকে করতে হবে না, এখন কাজের

মানুষ এসে গেছে। পুত্র-বধূ ঘরের বাঁদী বা চাকরানী নয় বরং পুত্রবধূ ঘরের শোভা, পুত্রবধূকে চাকরানী মনে করবে না এবং চাকরানী সুলভ আচরণ তার সাথে করবে না।

২. শ্বশুর-শাশুড়ীর খেদমত করা পুত্রবধূর আইনতঃ দায়িত্ব নয়, করলে সেটা তার অনুগ্রহ। অতএব শ্বশুর-শাশুড়ীর যতটুকু খেদমত/সেবা সে করবে তার জন্য শ্বশুর-শাশুড়ী প্রীত হবেন এবং সেটাকে তার অনুগ্রহ মনে করবেন। আর যতটুকু সে করবে না তার জন্য তাকে জবরদস্তী করতে পারবেন না। কিংবা তার কারণে তার সাথে খারাপ আচরণ করতে পারবেন না।

৩. পুত্র-বধূর অধিকার রয়েছে শ্বশুর-শাশুড়ীর সাথে একান্নভুক্ত না থেকে পৃথক হয়ে যাওয়ার। অতএব পুত্রবধূ যদি পৃথক হতে চায় তাহলে তাতে বাঁধা দিতে পারবে না। বরং হযরত আশরাফ আলী থানবী (রহঃ) বলেছেনঃ এই যমানায় একান্নভুক্ত থাকার কারণেই পরিবারে অশান্তি সৃষ্টি হয়ে থাকে। কাজেই শুরুতেই ফ্যাসাদ লাগার আগেই পুত্র ও বধূকে পৃথক করে দেয়া সমীচীন। তাতে মহব্বত ভাল থাকবে। অন্যথায় যখন ফ্যাসাদ লাগবে তখন পৃথকও করে দিতে হবে আবার মহব্বত ও সুসম্পর্ক নষ্ট হয়ে যাবে।

(عَنْ زَيْنِ)

৪. পুত্রের সাথে পুত্রবধূর অত্যাধিক ভালবাসা হতে দেখলে ঈর্ষাবোধ করবে না এবং অহেতুক এই সন্দেহ করবে না যে, বধূ আমাদের পুত্রের মাথা খেয়ে ফেলবে কিংবা আমাদের থেকে বৃষ্টি তাকে বিচ্ছিন্ন করে ফেলবে। স্বামী-স্ত্রীর মধ্যে প্রগাঢ় ভালবাসা হয়ে যাওয়াইতো শরী'আতের কাম্য। তাদের মধ্যে মহব্বত হতে দেখলে ঈর্ষাবোধ করবে, আবার অমিল হয়ে গেলে মিল করানোর জন্য তাবীজের সন্ধানে ছুটাছুটি করবে- এই বিপরীতমুখিতার কোন অর্থ হয় না।

৫. পুত্রবধূকে স্নেহ করবে, আদর সোহাগ করবে এবং তার আরাম ও সুবিধার প্রতি খেয়াল রাখবে, যেন পুত্রবধূ শ্বশুর-শাশুড়ীকে স্নেহময়ী পিতা-মাতার মত পেয়ে তাদেরকে আপন মনে করে নিতে পারে এবং তাদের জন্য সব রকম কষ্ট ও ত্যাগ স্বীকার করাকে নিজের গৌরব মনে করে নিতে পারে।

৬. পুত্রবধূর কাছে নিজেদেরকে তার কল্যাণকামী হিসেবে প্রমাণিত করতে হবে, যাতে তাদের প্রতি পুত্র-বধূর আজমত ভক্তি বৃদ্ধি পায়।

৭. যৌতুকের জন্য পুত্রবধূকে কোন রকম চাপতো দূরের কথা ইশারা ইঙ্গিতেও কিছু বলবে না। এমনকি পুত্রবধূ তার বাপের বাড়ী থেকে কি কি

মাল সামান এনেছে, কি কি আনেনি বা কেন আনেনি-এ প্রসঙ্গে কোন আলোচনাই তুলবে না। মনে রাখতে হবে যৌতুক চাওয়া হারাম এবং এই যৌতুকের কারণে পরিবারে অশান্তি সৃষ্টি হয়ে থাকে। এখন কোন পিতা-মাতা যৌতুকের কথা তুলে পুত্রের সংসারে অশান্তি সৃষ্টি করতে চাইবে কি না, সেটা পিতা-মাতার উচিত হবে কি না, তা তাদের বিবেচনা করে দেখতে হবে। অনেক সময় পুত্র স্ত্রীকে এসব কথা কিছুই বলে না, পিতা-মাতাই নিজেদের থেকে এসব আলোচনা তুলে থাকে, কিন্তু পুত্রবধূ মনে করে স্বামীর ইশারাতেই এগুলো বলা হচ্ছে। এভাবে পিতা-মাতার এসব আলোচনা দ্বারা পুত্র ও পুত্রবধূর মধ্যে মন কষাকষি এবং ভুল বুঝাবুঝি শুরু হয়ে যেতে পারে।

৮. পুত্রবধূকে সংসার চালানো শিখিয়ে দিবে।

৯. পুত্রবধূকে এই নতুন সংসারে এবং নতুন পরিবেশে খাপ খাইয়ে নেয়ার জন্য প্রয়োজনীয় দিক নির্দেশনা দান করবে।

১০. পুত্রবধূ এক হিসেবে স্বশুভ-শাশুড়ীর অধীনস্থ। অতএব পুত্রবধূর দ্বীনদারী, ইবাদত বন্দেগী ও তার ইজ্জত আক্কেস প্রতি খেয়াল রাখতে হবে।

সন্তান লালন-পালন

শিশুর শারীরিক ও স্বাস্থ্যগত পরিচর্যা :

* সন্তান জন্মলাভ করার পরপরই তাকে গোসল দিবে। প্রথমে লবণ পানি দিয়ে তারপর খালেস পানি দিয়ে গোসল করাবে, তাহলে ফোড়া, গোটা ইত্যাদি অনেক ব্যাধি থেকে শিশু মুক্ত থাকবে। এরপর শরীরে বেশী ময়লা থাকলে কয়েক দিন পর্যন্ত এরূপ লবণ পানি দিয়ে গোসল করাবে; অন্যথায় শুধু খালেস পানি দিয়ে গোসল করাবে।

* গোসলের পর অন্ততঃ চার/পাঁচ মাস পর্যন্ত তেল মালিশ করা শিশুর স্বাস্থ্যের জন্য খুবই উপকারী।

* ভেজা কাপড় দিয়ে শিশুর নাক, কান, গলা, মাথা ভালভাবে পরিষ্কার করবে।

* মায়ের বুকের দুধ শিশুর জন্য খুবই উপকারী।

* দুধমায়ের দুধ খাওয়াতে হলে সুস্থ, সবল ও জওয়ান দুধমাতা নির্বাচন করতে হবে। যে মায়ের বাচ্চার বয়স ছয় সাত মাসের বেশী হয়নি- এরূপ মহিলার দুধ তাজা হয়ে থাকে, এরূপ মহিলাকে দুধমাতা নির্বাচন করা ভাল।

* শিশুকে খারাপ দুধ খাওয়াবে না। যে দুধ এক ফোটা নখের উপর রাখলে সাথে সাথে প্রবাহিত হয় বা মোটেই প্রবাহিত হয় না বা যে দুধের উপর মাছি বসে না সেটাই খারাপ দুধ। আর যে দুধ সামান্য প্রবাহিত হয়ে থেমে যায় সেটা ভাল দুধ।

* দুধ পান করানোর পূর্বে মধু বা চিবানো খেজুর প্রভৃতি মিষ্ট দ্রব্য আঙ্গুলে লাগিয়ে শিশুর গালে লাগিয়ে দিয়ে তারপর দুধপান করানো ভাল।

* শিশুদেরকে প্রয়োজনের অতিরিক্ত খাওয়ালে তাদের স্বাস্থ্য খারাব হবে।

* শিশুদেরকে নিজে বা কোন সমঝদার ও নির্ভরযোগ্য ব্যক্তির দ্বারা খাওয়াবে, যাতে বে আন্দাজ খেয়ে তাদের রোগ-ব্যাদি দেখা না দেয়, কিংবা পাকস্থলী দুর্বল হয়ে না যায়।

* ছোট শিশুদেরকে বার বার এ পাশ ওপাশ করে শোওয়াবে, যাতে এক দিকে বেশীক্ষণ দৃষ্টি নিবদ্ধ হয়ে ট্যারা হয়ে না যায়, কিংবা এক পাশে বেশীক্ষণ শুয়ে মাথা বাঁকা হয়ে না যায়।

* শিশুদেরকে সকলের কোলে যাওয়ার অভ্যাস করাবে, যাতে শিশু একজনের উপর নির্ভরশীল হয়ে না পড়ে। অন্যথায় তার অবর্তমানে শিশুর অসুবিধা হতে পারে।

* পেশাব পায়খানার পর শিশুকে শুধু মুছে দেয়া যথেষ্ট নয় বরং পেশাব পায়খানার পর তৎক্ষণাৎ পানি দিয়ে ধুয়ে মুছে দিতে হবে। প্রয়োজনে হালকা গরম পানি ব্যবহার করতে হবে।

* বাচ্চাকে বেশী কোলে রাখবে না, তাতে বাচ্চা দুর্বল হয়ে যেতে পারে বরং সম্ভব হলে কিছু কিছু দোলনায় বুলানো ভাল।

* শোয়ানো বা কোলে নেয়ার সময় শিশুর মাথা কিছুটা উঁচুতে রাখবে।

* শিশুদেরকে নির্দিষ্ট সময় খাওয়ানোর অভ্যাস করানো ভাল, তাতে স্বাস্থ্য ভাল থাকবে।

* শিশুদেরকে বিশেষ কোন এক ধরনের খাদ্যের প্রতি অভ্যস্ত করে তুলবে না বরং মৌসুমী সব ধরনের খাদ্য খাওয়াবে, তাহলে অভ্যাস ভাল হবে।

* টক দ্রব্য বেশী খাওয়াবে না।

* একবার খাওয়ানোর পর হজম হওয়ার পূর্বে অন্য খাবার দিবে না। কিংবা এত বেশী খাওয়াবে না যা হজম হতে পারবে না।

* সক্ষম হওয়ার পর শিশুদেরকে নিজের হাতে নিজের খাবার খেতে অভ্যস্ত করে তুলবে।

* খাওয়ার পূর্বে ভালভাবে হাত পরিষ্কার করে দিবে।

* শিশুদেরকে তাকিদ করবে যেন কেউ কোন খাবার দিলে মাতা-পিতাকে না দেখিয়ে তারা না খায়।

* শিশুদেরকে ঢিলে ঢালা পোশাক পরিধান করাবে।

* দুধ ছাড়ানোর সময় হলে এবং দুধের বাইরে বাড়তি খাবার গুরু করলে খেয়াল রাখতে হবে যেন শক্ত কিছু না চিবায়, অন্যথায় দাঁত উঠতে মুশকিল হবে এবং দাঁত চিরতরে দুর্বল হয়ে যাবে।

* বাচ্চাদের অভ্যাস গড়ে তুলতে হবে যেন নিজের কাজ নিজে করে।

* বাচ্চাদেরকে কিছুটা হালকা ব্যায়াম যেমন হাঁটা-চলা করা, দৌড়া-দৌড়ি করা ইত্যাদিতে অভ্যস্ত করা হবে, তাহলে স্বাস্থ্য ভাল থাকবে এবং অলসতা আসবে না।

* কিছুটা খেলাধুলা ও ফুর্তির সুযোগ দিবে, তাহলে মন ও স্বাস্থ্য উভয়টার উপকার হবে।

* বাচ্চাদেরকে মাজন মেসওয়াক ব্যবহারে অভ্যস্ত করে তুলবে।

* বাচ্চাদেরকে পরিষ্কার পরিচ্ছন্ন রাখবে।

* ভাল খাবার ও মস্তিষ্কের জন্য উপকারী খাদ্য খাবার দিবে, তবে বিলাসিতায় যেন অভ্যস্ত হয়ে না পড়ে।

* বদ নজর লাগলে নিম্নোক্ত আয়াত পাঠ করে বাচ্চাকে ফুক দিবে কিংবা লিখে বেঁধে দিবে।

وَأَنْ يَكْذِبَ الَّذِينَ كَفَرُوا لَيُزْلِقُونَكَ بِأَبْصَارِهِمْ لَمَّا سَمِعُوا الذِّكْرَ وَيَقُولُونَ
إِنَّهُ لَمَجْنُونٌ وَمَا هُوَ إِلَّا ذِكْرٌ لِلْعَالَمِينَ -

* বদ নজর থেকে বাঁচার আর একটি পদ্ধতি ৮৫ পৃষ্ঠায় বর্ণনা করা হয়েছে।

* শিশুদেরকে দু'বছরের বেশী দুধ পান করানো যাবে না। শিশুর দুর্বলতার ক্ষেত্রে ইমাম আবু হানীফার মতে আড়াই বৎসর বয়স পর্যন্ত দুধ পান করানো যেতে পারে, তারপর অবশ্যই দুধ ছাড়াতে হবে। এরপরও দুধ পান করানো সকলের ঐক্যমতে হারাম।

* বাচ্চার দুধ ছাড়ানো মুশকিল হলে সুরা বুরুজ লিখে বেঁধে দিলে সহজেই দুধ ছেড়ে দিবে।

* সময় মত শিশুর দাঁত না উঠলে সূরা ক্বাফ (২৬ পারা)-এর শুরু থেকে (اعمال قرآنی) পর্যন্ত লিখে তা ধুয়ে পানি পান করালে সহজে দাঁত উঠবে।

* মেয়েলোকের দুধ কমে গেলে সূরা হুজুরাত (২৬ পারা) লিখে তা ধুয়ে পান করালে দুধ বৃদ্ধি পাবে।

(إعمال القرآن و تربیت اولاد থেকে গৃহীত।)

শিশুর মানসিক পরিচর্যা :

* শিশু কিশোরদের সামনে বা তাদের সাথে কথাবার্তা ও আচার-আচরণ এমন হওয়া উচিত যাতে তাদের মনে খারাপ প্রতিক্রিয়া না হয় বরং ভাল প্রতিক্রিয়া হয়। মনে রাখতে হবে শিশু অবুঝ হলেও, তারা কোন কথা ও আচরণ পূর্ণ উপলব্ধি করতে না পারলেও তার ভাল বা মন্দ প্রতিক্রিয়া তাদের মনে পড়বে এবং তাদের মন-মানসিকতা গঠনে সেটা ভূমিকা রাখবে। শিশুর মন ভিডিও-র ন্যায়, যা কিছুই তার সামনে বলা হবে বা করা হবে তার একটা চিত্র শিশুর মনে অংকিত হয়ে যাবে। যদিও সে এখন তা প্রকাশ করতে সক্ষম নয়, কিন্তু ভবিষ্যতে যখন সে প্রকাশ করতে সক্ষম হবে তখন দেখা যাবে শিশুকালে যেসব চিত্র তার মনে অংকিত হয়ে ছিল এখন তারই বহিঃপ্রকাশ ঘটছে। তাই শিশুর সামনে অবলিলায় সব কিছু বলা বা করা যাবে না বরং শধু এমন সব কিছুই তার সামনে বলতে বা করতে হবে যাতে তার মন-মানসিকতা ভাল এবং উন্নত হয়ে উঠে। এ পর্যায়ে উদাহরণ স্বরূপ কয়েকটি বিষয় তুলে ধরা হল।

* জন্মের সময় শিশুর (ছেলে হোক বা মেয়ে হোক উভয়ের) কানে আযান ও ইকামতের শব্দগুলো বলবে (ডান কানে আযানের শব্দাবলী এবং বাম কানে ইকামতের শব্দাবলী); তাহলে একটা ফায়দা এ-ও হবে যে তার মনে ঈমানের শক্তি সৃষ্টি হবে।

* অবুঝ শিশুর জাগ্রত থাকা অবস্থায় তার সামনেও মাতা-পিতা অশ্লীল কথা-বার্তা ও যৌন আচরণে লিপ্ত হবে না। সেরূপ করলে শিশুর মধ্যে নির্লজ্জতা সৃষ্টি হতে পারে।

* শিশুর সাথে অনাদর ও অবহেলার আচরণ করবে না, তাহলে তাদের মন নিষ্ঠুর ও বিকারগ্রস্ত হয়ে যেতে পারে।

* শিশুকে আদর সোহাগ করতে করতে হবে পরিমিত। মাত্রাহীন আদর সোহাগ করলে তারা লাগামহীন হয়ে যেতে পারে।

* শিশুদেরকে পরিষ্কার পরিচ্ছন্ন রাখলে এবং পরিষ্কার পরিচ্ছন্ন পোশাক পরিধান করলে তাদের পরিচ্ছন্ন মানসিকতা গঠিত হবে। অন্যথায় তাদের মধ্যে নোংরা থাকার মানসিকতা সৃষ্টি হবে।

* শিশু কিশোরদেরকে যতদূর সম্ভব নিজের কাজ নিজের হাতে করতে অভ্যস্ত করাবে, তাহলে তারা আত্মনির্ভরশীল মনোভাবাপন্ন হয়ে গড়ে উঠবে।

* শিশু কিশোরদেরকে অতি বেশী জাঁকজমক ও বিলাসিতায় লালন-পালন করলে তাদের মধ্যে বিলাসী মনোভাব সৃষ্টি হয়।

* শিশুদের সব জিদ ও সব দাবী পূরণ করতে নেই, তাহলে তাদের মধ্যে একগুঁয়েমি ও হটকারিতার মনোভাব সৃষ্টি হয়। তাই তাদের সব জিদ ও সব দাবী পূরণ করতে নেই। বিশেষ ভাবে অন্যায় জিদ ও অন্যায় দাবী পূরণ করা থেকে বিরত থাকা উচিত। আবার তাদের কোন দাবীই যদি পূরণ করা না হয়, তাহলে তাদের মন ছোট হয়ে যাবে এবং তারা সংকীর্ণ মানসিকতার অধিকারী হবে। তাই তাদের দাবী পূরণ করার ক্ষেত্রে খুব ভেবে চিন্তে কাজ করতে হবে।

* অবাধ্য ও দুশ্চরিত্র শিশুদের সঙ্গে খেলাধুলা করতে দিবে না। অন্যথায় তাদের চরিত্রের কুপ্রভাব ওদের মনে প্রভাব ফেলতে পারে। তাই শিশুদের খেলার সাথী নির্বাচনের বিষয়েও সতর্ক থাকতে হবে।

* ছেলেদেরকে মেয়েদের সংগে একত্রে খেলাধুলা করতে দিলে ছেলেদের মধ্যে মেয়েলিপনা বা পর্দাহীনতার মনোভাব দেখা দিতে পারে।

* শিশুদেরকে বাঘের ভয়, শিয়ালের ভয়, ভূতের ভয় ইত্যাদি দেখাবে না, তাহলে তারা ভীর্ণ প্রকৃতির হয়ে যেতে পারে।

* শিশুরা অন্যায় করলে আল্লাহর ভয় দেখাবে, জাহান্নামের আযাবের ভয় দেখাবে, তাহলে তাদের মনে খোদাভীর্ণতা সৃষ্টি হবে। আর তাদের অন্যায় কাজে বাধা না দিলে অন্যায়কে তারা ন্যায় বলে ভাবতে শিখবে।

* ভাল কাজের জন্য আল্লাহর খুশি হওয়ার কথা এবং জান্নাতের নেয়ামত লাভের কথা শোনাতে তাদের মনে পরকালের চিন্তা গড়ে উঠতে সহায়ক হবে।

* প্রত্যেকটা পদে পদে আল্লাহ সব কিছুই দেখেন ও জানেন-এ বিষয়টা তাদের সামনে তুলে ধরলে তাদের মধ্যে খোদামুখী চেতনা গড়ে উঠবে।

* শিশুদেরকে নেককার লোকদের কাহিনী শুনাতে তাদের মধ্যে নেককার হওয়ার চেতনা সৃষ্টি হবে এবং বীর বাহাদুরের কাহিনী শুনাতে তাদের মধ্যে বীরত্বের মনোভাব জাগ্রত হবে।

* শিশুদেরকে তাগিদ সহকারে অভ্যস্ত করাবে তারা যেন মুরব্বী ছাড়া কারও নিকট কিছু না চায় কিংবা কেউ কিছু দিলে মুরব্বীর অনুমতি ব্যতীত যেন গ্রহণ না করে। একরূপ না করলে তাদের মনে লোভ-লালসা জন্ম নিবে।

* গরীব মিসকীনকে দান-সদকা করতে হলে শিশুদের হাত দ্বারা সেটা দেওয়াবে, তাহলে শিশুদের মধ্যে দানশীলতা সৃষ্টি হবে।

* শিশুরা ভাল কাজ করলে বা ভাল লেখা পড়া করলে তাদেরকে সামান্য পুরস্কার প্রদান করবে এবং সাবাসী প্রদান করবে, তাহলে ভাল কাজের প্রতি তাদের উৎসাহ সৃষ্টি হবে। এর বিপরীত মন্দ কাজ করলে অবস্থা অনুযায়ী সামান্য তিরস্কার ও সামান্য শাস্তি প্রদান করবে, তাহলে তাদের মনে বদ্ধমূল হয়ে যাবে যে, এটা মন্দ। তবে মনে রাখতে হবে খুব বেশী সাবাসী দেয়া বা খুব বেশী পুরস্কৃত করা ঠিক নয়, তাহলেও বিরূপ প্রতিক্রিয়া হতে পারে। পক্ষান্তরে খুব বেশী শাস্তি দিলে তারা খিটখিটে বা জেদী হয়ে যেতে পারে বা বেশী তিরস্কৃত করলে নিজের ব্যাপারে তার অনাস্থা জাগতে পারে। বস্তুতঃ সাবাসী বা পুরস্কার দান, কিংবা তিরস্কার ও শাস্তি প্রদানের বিষয়টি অত্যন্ত নাজুক- এ ব্যাপারে খুব বিবেচনা সহকারে মেপে মেপে পদক্ষেপ নিতে হবে।

* শিশুদেরকে কোন খাদ্য খাবার দিলে তারা যেন সকলের মধ্যে বন্টন করে দিয়ে সকলে মিলে খায়- একরূপ অভ্যস্ত করে তুলতে হবে। তাহলে তাদের মধ্যে স্বার্থপরতার মনোভাব সৃষ্টি হবে না।

* শিশুদের জন্য আদর্শ শিক্ষক নির্বাচন করতে হবে, তাহলে তারা আদর্শবান হওয়ার চেষ্টা লাভ করবে।

শিশুদের আদর সোহাগ প্রসঙ্গ :

* বাচ্চাদের আদর সোহাগ করা সুন্নাত। পরিমিত আদর সোহাগ থেকে বঞ্চিত হলে বাচ্চাদের মানসিকতা বিকৃত হয়ে যেতে পারে।

* বাচ্চাদেরকে আদর সোহাগ খুব বেশী করা তাদের জন্য ক্ষতিকর। এতে তারা লাগামহীন হয়ে যেতে পারে।

* আদর করে ছেলেকে আঁকু ডাকা এবং মেয়েকে আঁমু ডাকা জায়েয, এতে কোন ক্ষতি নেই। (امداد الفتاوى)

* আদর সোহাগ করতে গিয়ে শিশুদেরকে খোঁচা দেয়া, আঁচড় দেয়া বা কোনরূপ উতাজক করা হলে প্রকৃত পক্ষে এর দ্বারা যদি শিশুর মানসিক কষ্ট হয় বলে বোঝা যায়, তাহলে একরূপ করা জায়েয নয়। (حسن العري)

* আদর সোহাগ করে নাম বিকৃত করে ডাকা ঠিক নয়।

সন্তানের নাম রাখা :

* ভাল অর্থপূর্ণ নাম রাখা উচিত, কারণ নামের অর্থের আছর হয়ে থাকে।

* সব চেয়ে উত্তম নাম আব্দুল্লাহ, তারপর আব্দুর রহমান। যে সকল নামের শুরুতে আব্দ এবং শেষে আল্লাহ তা'আলার নামসমূহের যে কোন একটি থাকে এই প্রকারের নাম রাখাও উত্তম। আব্দুল্লাহ তা'আলার নাম সমূহের জন্য দেখুন ৫৬-৭১ পৃষ্ঠা।

* আফিয়া, সাহাবা এবং ওলী আউলিয়া ও বুয়ুর্গদের নামের অনুরূপ নাম রাখাও উত্তম।

* মেয়েদের নাম হজুর (সাঃ)-এর বিবি, হজুর সাল্লাল্লাহু আলাইহি ওয়াসাল্লাম-এর কন্যা এবং অন্যান্য নেককার বিবিদের নামের অনুরূপ রাখবে।

* কারও নাম অপছন্দনীয় রাখা হলে তার নাম বদলে ভাল নাম রাখবে। হযরত রাসূল সাল্লাল্লাহু আলাইহি ওয়াসাল্লাম কারও নাম অপছন্দনীয় হলে তার নাম বদলে ভাল নাম রেখে দিতেন।

* একাধিক নাম রাখা জায়েয। তবে ভাল নামটি কাগজে কলমে রেখে বাজে অর্থহীন আর একটি ডাক নাম রেখে সেই নামে ডাকার যে প্রচলন আজকাল দেখা যায় তা কাম্য নয়। একাধিক নাম রাখলে প্রত্যেকটি নামই ভাল নাম হওয়া উচিত।

* সপ্তম দিবসে সন্তানের নাম রাখা মোস্তাহাব। (سنة زيار)

সন্তানকে কাপড়-চোপড়, খাদ্য-খাবার ও টাকা-পয়সা ইত্যাদি প্রদান করা সম্পর্কে কতিপয় নীতিঃ

* সন্তানকে কাপড়-চোপড় দিবে তাদেরকে মালিক বানানোর নিয়তে নয় বরং তারা শুধু ব্যবহার করবে এই নিয়তে। মালিক নিজে থাকবে। কেননা অপ্রাপ্ত বয়স্ক সন্তান যার মালিক হয়ে যায় সেটা আর কাউকে দেয়া যায় না, নিজে মালিক থাকলে পুরাতন হওয়ার পর অন্য কাউকে দিয়ে দেয়া যাবে। ছোট ছেলে মেয়েরা যার মালিক হয়ে যায় তা অন্য কাউকে একেবারে দিয়ে দেয়া বা কর্জ স্বরূপ দেয়াও জায়েয নয়।

* ছোট ছেলে মেয়েকে দেখে আত্মীয়-স্বজন বা বন্ধু-বান্ধবরা যে টাকা দিয়ে থাকে মাতা-পিতাই তার মালিক। অবশ্য যদি কেউ স্পষ্টতঃই বাচ্চাকে দেয়া উদ্দেশ্য বলে উল্লেখ করে বা বাচ্চার ব্যবহারের জিনিস দেয় তাহলে বাচ্চাই তার মালিক।

* প্রাপ্ত বয়স্কদের জন্য যে পোশাক ব্যবহার করা নিষিদ্ধ অপ্রাপ্ত বয়স্কদেরকেও সেরূপ পোশাক প্রদান করা নিষিদ্ধ।

* ছেলেদেরকে সাদা পোশাক পরিধান করার প্রতি উদ্বুদ্ধ করবে এবং রং চংয়ের পোশাকের প্রতি অনুৎসাহিত করবে এই বলে যে, এরূপ পোশাক মেয়েলী পোশাক, তুমি মাশাআল্লাহ পুরুষ ছেলে ইত্যাদি।

* সন্তানকে খাদ্য খাবার প্রদানের বিষয়ে পূর্বে শিশুদের স্বাস্থ্যগত পরিচর্যা শীর্ষক অধ্যায়ে বর্ণনা পেশ করা হয়েছে। দেখুন ৫৪০-৫৪১ পৃষ্ঠা।

* সন্তানকে অতিরিক্ত বিলাসী খাদ্য খাবার ও বিলাসী পোশাক প্রদান করবে না, এতে তাদের অভ্যাস খারাপ হয়ে যাবে।

* সন্তানদেরকে অবৈধ বস্তু ক্রয়ের জন্য টাকা-পয়সা প্রদান করা জায়েয নয়; যেমন পটকা ও আতসবাজী ক্রয়ের জন্য।

* সব সন্তানকেই একই মানের জিনিস ও কাপড় চোপড় দেয়া কর্তব্য, বিনা কারণে বৈষম্য করা মাকরুহ।

* সন্তানদেরকে টাকা-পয়সা, জায়গা-জমি ইত্যাদি হাদিয়া দিলে সকলকে সমান দেয়া কর্তব্য (উত্তম)। তবে কোন সন্তান যদি তাগেবে ইল্ম হয়, দ্বীনের খাদেম হয় বা উপার্জনে অক্ষম হয়, তাহলে তাকে কিছু বেশী দেয়া হলে তাতে কোন দোষ নেই।

* সন্তানদের যদি নিজস্ব সম্পদ থাকে, তাহলে তার ভরণ-পোষণ ও ব্যয়ভার তার সম্পদ থেকে হতে পারে। এমতাবস্থায় মাতা-পিতার উপর উক্ত সন্তানের ভরণ-পোষণ ও ব্যয়ভার বহন করা ওয়াজিব নয়। অনুরূপভাবে সন্তান বালগ এবং উপার্জন করতে সক্ষম হলে তার ভরণ-পোষণও আইনতঃ মাতা-পিতার উপর ওয়াজিব নয়। আর সন্তান যদি নাবালগ হয় এবং তার নিজস্ব কোন সম্পদ না থাকে কিংবা বালগ হলেও সে আয় উপার্জন করতে সক্ষম না হয় এবং তার নিজস্ব সম্পদ না থাকে, এমতাবস্থায় পিতা জীবিত থাকলে উক্ত সন্তানের ভরণ-পোষণ শুধু পিতার উপর ওয়াজিব, মাতার উপর ওয়াজিব নয়। আর পিতা জীবিত না থাকলে মাতার উপর ওয়াজিব এবং রক্ত সম্পর্কের নিকট আত্মীয় থাকলে সকলের উপর এ দায়িত্ব বন্টিত হবে।

* সন্তানকে দূধ পান করানোর মাসায়েল সম্পর্কে জানার জন্য দেখুন 'সন্তানের অধিকার' পৃষ্ঠা নং ৪১৬।

(ماخوذ از تربیت اولاد و پیشگی زیور)

সন্তান ও শিশুদের শিক্ষা বিষয়ক নীতি ও মাসায়েল :

* শিশুকে সর্বপ্রথম কালিমায়ে তাইয়েয়া শিক্ষা দিবে।

* নিয়মিত লেখা-পড়া শুরু করানোর পূর্বেও সময় সুযোগে তার ধারণ ক্ষমতা অনুযায়ী ঈমানের কথা এবং ভাল মন্দ সম্পর্কে শিক্ষা দিবে এবং মৌখিকভাবে দু'আ দুরুদ ইত্যাদি শিখাবে।

* শিশুদেরকে মাতা-পিতা ও দাদার নাম এবং বাড়ির ঠিকানা অবশ্যই শিক্ষা দিবে। যাতে খোদা নাখাস্তা হারিয়ে গেলে অন্যরা তাকে সেই পরিচয় অনুযায়ী পৌঁছে দিতে পারে।

* সর্বপ্রথম প্রয়োজনীয় দ্বীনী শিক্ষা দেয়া এবং কুরআন পাঠ শিক্ষা দেয়া কর্তব্য।

* কত বয়স থেকে নিয়মতান্ত্রিক ভাবে লেখাপড়া শুরু করাতে হবে- এ ব্যাপারে কুরআন হাদীছে স্পষ্ট কোন বর্ণনা পাওয়া যায় না। তবে সাত বৎসর বয়স থেকেই সন্তানকে নামায পড়ার নির্দেশ দিতে বলা হয়েছে। হযরত আশরাফ আলী থানবী (রহঃ) বলেনঃ সবচেয়ে গুরুত্বপূর্ণ বিষয়ের জন্য অর্থাৎ, নামাযের জন্য যখন সাত বৎসর বয়সকে নির্ধারণ করা হয়েছে এর থেকে আমার মনে হয় এ বয়সটাই নিয়মতান্ত্রিক লেখা পড়া করানোর উপযুক্ত সময়।

* স্কুল কলেজে পড়ানো এবং আধুনিক জ্ঞান-বিজ্ঞান শিক্ষা দেয়ার শর্ত ও প্রয়োজন অপ্রয়োজন সম্বন্ধে জানার জন্য দেখুন ৪২ পৃষ্ঠা।

* শিশুদের শিক্ষা দানের জন্যও আদর্শ ও নেককার শিক্ষক নির্বাচন করা উত্তম।

* যতদূর সম্ভব বিজ্ঞ, দক্ষ ও পারদর্শী শিক্ষকদের মাধ্যমে শিক্ষাদান করানো প্রয়োজন, তাহলে সন্তানও তদ্রূপ বিজ্ঞ হয়ে গড়ে উঠবে। শুধু সন্তা শিক্ষক খোঁজা হলে শুরু থেকেই শিশুর শিক্ষার মান বিগড়ে যাবে, তারপর সংশোধন করা কঠিন হয়ে পড়বে।

* নিয়মতান্ত্রিক লেখা-পড়া শুরু হওয়ার পর মামুলী ছুটি ব্যতীত বারবার ছুটি দেয় চলবে না। তবে নিতান্ত জরুরত হলে ভিন্ন কথা।

* কঠিন পাঠগুলো সকালের দিকে এবং সহজ পাঠগুলো বিকালের দিকে পড়াবে। কেননা বিকালে মস্তিষ্ক ক্লান্ত হয়ে পড়ে, তখন কঠিন পাঠ দেয়া হলে তার মধ্যে জটিলতা দেখা দিতে পারে।

* শিশুদের পড়ার সময় ও পাঠের পরিমাণ আন্তে আন্তে বৃদ্ধি করবে। যেমন প্রথম দিকে এক ঘণ্টা করে তারপর দুই ঘণ্টা করে। এমনভাবে তার

স্বাস্থ্য ও শক্তি অনুসারে সময় ও পাঠের পরিমাণ বৃদ্ধি করতে থাকবে, এক সঙ্গেই সারা দিন লেখা-পড়ার চাপ দিলে একদিকে ক্লান্তিবশতঃ সে পড়া চুরি করতে শুরু করবে, অপরদিকে ধারণ ক্ষমতার উপর অতিরিক্ত চাপ পড়লে তার স্মৃতি শক্তি ও মেধায় বিরূপ প্রতিক্রিয়া পড়তে পারে।

* সন্তানদেরকে আয় উপার্জন করার মত একটা জ্ঞান ও কারিগরী বিদ্যা অবশ্যই শিক্ষা দিবে। এটা সন্তানের হক। (تریت اولاد)

* শিশুদেরকে কথা-বার্তা, চলা-ফেরা, উঠা-বসা, পান-আহার, সালাম-কালাম ইত্যাদির আদব-কায়দা ও চরিত্র শিক্ষা দেয়া মাতা-পিতার দায়িত্ব।

সন্তানের দাবী দাওয়া ও জিদ পূরণ করার বিষয়ে কতিপয় নীতি ও মাসায়েল :

* সন্তানের বৈধ দাবী দাওয়া কিছু কিছু পূরণ করতে হয়, অন্যথায় তাদের মন ছোট হয়ে যায়।

* সন্তানের সব জিদ পূরণ করতে নেই, তাহলে তাদের মধ্যে একগুঁয়েমী ও হঠকারিতার মনোভাব সৃষ্টি হয়। বিশেষতঃ সন্তান যদি কোন অবৈধ বিষয়ের জন্য দাবী করে বা জিদ ধরে তাহলেও তা করা জায়েয নয়- হারাম। এরূপ জিদ থেকে বিরত না হলে প্রয়োজনে তাকে শাসন করতে হবে।

* যেটা দেয়ার ইচ্ছা নেই, সন্তানকে ভুলানোর জন্য বা থামানোর জন্য এরূপ কোন বিষয়ের ওয়াদা করা নিষেধ। এটাও মিথ্যার শামিল। এরূপ কোন ওয়াদা করে ফেললে তা পূরণ করা জরুরী হয়ে পড়ে, যদি কোন অবৈধ বিষয়ের ওয়াদা না হয়ে থাকে।

শিশুদের শাসন করার পদ্ধতি ও মাসায়েল :

* অনেক সময় নম্র কথায় এবং নম্র আচরণে শিশুর সংশোধন নাও হতে পারে। এরূপ মুহূর্তে কঠোরতা অবলম্বন ও শাসনের প্রয়োজনীয়তা দেখা দেয়। প্রয়োজনের মুহূর্তে কঠোরতা অবলম্বন পূর্বক শাসন না করা খেয়ানত।

* শাসন ও শাস্তি প্রদানের কয়েকটা পদ্ধতি হতে পারে যথা :

(১) তিরস্কার করা (২) ধমক দেয়া (৩) কড়া কথা বলা। (৪) হাত বা লাঠি দ্বারা মারা (৫) আঁটক করে রাখা (৬) কান ধরে উঠা-বসা করানো (৭) ছুটি বন্ধ করে দেয়া। এই শেষোক্ত শাস্তিই সবচেয়ে উত্তম পদ্ধতি। শিশুদের মনে এর যথেষ্ট প্রভাব পড়ে। (تریت اولاد)

* মারধর অতিরিক্ত করা হলে, উঠতে বসতে লাগি জুতা করতে থাকলে শিশুরা নির্ভঙ্ক হয়ে যায় এবং মারের ভয় তাদের অন্তর থেকে উঠে যায়। তারপর তাকে শাসন করা কঠিন হয়ে পড়ে। এই মারধর-এর ক্ষেত্রে সীমা অতিক্রম করা অন্যায়। ফোকাহায়ে কেরাম স্পষ্টভাবে বলেছেনঃ যে মারপিট দ্বারা হাত ভেঙ্গে যায়, চামড়া ফেটে যায় বা চামড়ায় দাগ পড়ে যায়, সেরূপ মারপিট করা নিষিদ্ধ। কোন পিতা বা উস্তাদ এরূপ মারধর করলে তিনি শাস্তির যোগ্য। (ترتيب اولاد عن رد المحتار ج ১/ ৩) মনে রাখতে হবে- অতিরিক্ত শাস্তি প্রদান করা জুলুম।

* মারধরের ক্ষেত্রে সীমা অতিক্রম করা থেকে বাঁচার উপায় হল রাগের মুহূর্তে মারধর না করা। কেননা রাগের মুহূর্তে ব্যালেন্স ঠিক থাকে না। রাগ ঠান্ডা হওয়ার পর কতটুকু অন্যায় এবং তার জন্য কতটুকু কিভাবে শাস্তি দেয়াটা উপযোগী তা চিন্তা-ভাবনা করে শাস্তি দিতে হবে। হাদীছেও রাগাম্বিত অবস্থায় বিচার করতে নিষেধ করা হয়েছে। খুব বেশী রাগ এসে গেলে রাগ দমন করার পদ্ধতি সমূহের উপর আমল করবে। তার জন্য দেখুন পৃষ্ঠা নং ৫৯৭।

* কখনও অতিরিক্ত শাস্তি দেয়া হয়ে গেলে শাস্তি দেয়ার পর তাকে আদর সোহাগ করে, অনুগ্রহ করে খুশি করে দিবে।

* বকাবকি ও ভর্ৎসনা করার ক্ষেত্রেও সীমা অতিক্রম করবে না, লাগামহীন ভাবে মুখে যা আসে বলবে না, বরং পূর্বে চিন্তা করে নিবে কি কি শব্দ প্রয়োগ করা সমীচীন।

সন্তানকে সু-চরিত্রবান ও দীনদার বানানোর তরীকা :

* একটা সু-সন্তান লাভ করার জন্য এবং সন্তানকে সু-চরিত্রবান ও দীনদার বানানোর জন্য মাতা-পিতার অনেক কিছু করণীয় রয়েছে। সন্তানের জন্মের পূর্বে থেকেই শুরু করতে হবে সন্তানকে ভাল বানানোর ফিকির ও প্রচেষ্টা, আর সেই ফিকির ও প্রচেষ্টা অব্যাহত রাখতে হবে মৃত্যু পর্যন্ত। এই ফিকির ও প্রচেষ্টার একটা মোটামুটি রূপরেখা নিম্নে প্রদান করা হলঃ

* একটা সু-সন্তান পেতে হলে একটা সং ও ভাল নারীকে বিবাহ করতে হবে। ভাল নারীর গর্ভেই ভাল সন্তানের আশা বেশী করা যায়।

* মাতা-পিতা উভয়কেই হালাল খাবার গ্রহণ করতে হবে। কেননা হারাম খাদ্য থেকে সৃষ্ট বীর্যের মধ্যে খারাপ আছর হতে পারে, আর তার থেকে সৃষ্ট সন্তানের মধ্যেও তার প্রভাব থেকে যেতে পারে।

* স্ত্রী সহবাসের সময় সহবাসের সুন্নাত ও আদব সমূহের প্রতি লক্ষ্য রাখবে। এর জন্য দেখুন ৪৮৪ পৃষ্ঠা।

* সু-সন্তানের জন্য আল্লাহর কাছে নিম্নোক্ত দু'আ করবে-

رَبِّ هَبْ لِي مِنْ لَدُنْكَ ذُرِّيَّةً طَيِّبَةً إِنَّكَ سَمِيعُ الدُّعَاءِ -

অর্থ : হে আমার প্রতিপালক, তুমি আমাকে নিজ অনুগ্রহে পবিত্র বংশধর দান কর। অবশ্যই তুমি দু'আ শ্রবণকারী। (সূরা আলে ইমরানঃ ৩৮)

* সন্তান গর্ভে আসার পর মায়ের চিন্তা-ভাবনা, মায়ের মন-মানসিকতা ও মায়ের আচার-আচরণ সবকিছুর প্রভাব পড়ে থাকে গর্ভস্থ সন্তানের উপর। তাই সন্তান গর্ভে আসার পর মাকে সব কু-চিন্তা ও পাপের চিন্তা পরিহার করতে হবে এবং নেক চিন্তা ও ভাল চিন্তা ভাবনা রাখতে হবে, তাহলে সন্তানের উপর তার সু-প্রভাব পড়বে।

* সন্তান জন্ম নেয়ার পর তাকে গোসল দিয়ে পরিষ্কার পরিচ্ছন্ন করে তার ডান কানে আযানের শব্দগুলো এবং বাম কানে ইকামতের শব্দগুলো শুনাবে। এতে করে গুরু থেকেই তার মনে আল্লাহ, আল্লাহর রাসূলের নাম ও কালিমা ইবাদতের সু-প্রভাব পড়বে। যদিও সে তখন আযান ইকামতের মর্ম বুঝতে সক্ষম নয় তবুও তার সু-প্রভাব পড়বে।

* অতঃপর কোন দ্বীনদার বুয়ুর্গ দ্বারা খেজুর বা কোন মিষ্টান্ন দ্রব্য চিবিয়ে তার সামান্যটা নব জাতকের তালুতে লাগিয়ে দিবে। (এটাকে বলা হয় 'তাহনীক'।) এটা করা সুন্নাত। এতে করে বুয়ুর্গের মুখের লালার মাধ্যমে বুয়ুর্গীর সু-প্রভাব নবজাতকের মধ্যে প্রবেশ করবে।

* শিশুর একটা সুন্দর নাম রাখবে। এ সম্পর্কে জানার জন্য দেখুন ৫৪৬ পৃষ্ঠা।

* শিশুকে মা ব্যতীত অন্য কোন দুধমাতার দুধ পান করালে দ্বীনদার পরহেযগার ও সু-স্বভাবের অধিকারী মহিলার দুধ পান করাবে। কেননা, দুধের মাধ্যমে দুধদাত্রীর স্বভাব, চরিত্র, মন-মানসিকতা ও চিন্তা-চেতনার প্রভাব ছড়িয়ে থাকে।

* শিশুর মন-মানসিকতা ও মেজাজ প্রকৃতি যেন ভাল হয়ে ওঠে তার জন্য পূর্বে “শিশুর মানসিক পরিচর্যা” শীর্ষক পরিচ্ছেদে (৫৪৩-৫৪৫ পৃষ্ঠায়) যা কিছু বর্ণনা করা হয়েছে সেগুলোর উপর আমল করতে হবে।

* শিশুকে সুশিক্ষা প্রদান করতে হবে। এর জন্য পূর্বে সন্তান ও শিশুর শিক্ষা বিষয়ক যে নীতিমালা বর্ণনা করা হয়েছে তার উপর আমল করতে হবে। দেখুন ৫৪৮-৫৪৯ পৃষ্ঠা।

* শিশুকে প্রয়োজনে শাসন করতে হলে শাসন করার সুষ্ঠু পদ্ধতি ও মাসায়েল অনুযায়ী শাসন করতে হবে। এ জন্য দেখুন ৫৪৯-৫৫০ পৃষ্ঠা।

* কিছুটা বুঝ হওয়ার পর থেকেই প্রত্যেকটা পদে পদে ধীরে ধীরে শিশুকে আদব-কায়দা শিক্ষা দিতে থাকতে হবে এবং অন্যায় ক্রটি হলে সংশোধন করে দিতে হবে। প্রয়োজনে তস্বীহ ও মুনাছেব শাস্তিও দিতে হবে।

* সাত বৎসর বয়স থেকেই শিশুকে নামাযের হুকুম দিবে এবং পুরুষ ছেলে হলে জামআতের সাথে নামায পড়তে অভ্যস্ত করাবে। দশ বৎসর বয়স হলে প্রয়োজনে মারপিট করে হলেও নামায পড়াতে হবে।

* শিশুদেরকে রোযা রাখানোর ক্ষেত্রে সাত বৎসরের কোন সীমা নির্ধারণ করে দেয়া হয়নি, সে যখন যে কয়টা রোযা রাখতে সক্ষম হবে তখন তার দ্বারা তা রাখতে হবে। শিশুর নামায, রোযা ইত্যাদি ইবাদত ও আখলাক-চরিত্র গঠনের ব্যাপারে জননীকেই বেশী খেয়াল রাখতে হবে, কেননা তার কাছেই সন্তানরা বেশী সময় কাটায়।

* প্রতিদিন ঘরে একটা নির্ধারিত সময়ে দ্বীনী কথা-বার্তা আলোচনার বা দ্বীনী কিতাব তালীমের সিলসিলা জারী রাখতে হবে। এতে সন্তানদের সাথে সাথে পরিবারের অন্য সদস্যদেরও উপকার হতে থাকবে। রাতে শুতে যাওয়ার পূর্বে এর জন্য সময় নির্ধারণ করা যেতে পারে, তখন সকলের সময় অবসর থাকে। প্রথম দিকে সকলে তালীম শুনতে না চাইলেও তালীম করে যেতে হবে, আস্তে আস্তে সকলে শুনতে অভ্যস্তও হবে এবং আছরও হতে থাকবে।

* গুরু থেকেই সতর্ক থাকতে হবে, যেন খারাপ সাথীদের সঙ্গে সন্তানের সম্পর্ক গড়ে উঠতে না পারে। অধিকাংশতঃ কুসংসর্গ থেকেই সন্তানরা কুপথে ধাবিত হয়।

* সন্তানদেরকে মুসলমানদের সাথে, বিশেষভাবে গরীব সং মুসলমানদের সাথে উঠা-বসা করতে অভ্যস্ত করাবে।

* সন্তানকে অভ্যস্ত করাবে তারা যেন কোন কাজ গোপনে না করে। কেননা গোপনে সে এমন কাজই করবে যেটাকে সে অন্যায় বলে মনে করে, এভাবে গোপনে কাজ করতে অভ্যস্ত হওয়ার অর্থ অন্যায় কাজে অভ্যস্ত হয়ে যাওয়া।

* হালাল সম্পদ দ্বারা সন্তানের ভরণ-পোষণ করবে। হারাম সম্পদের দ্বারা কুস্বভাব ও শরী'আত বিরুদ্ধ চেতনা জন্ম নেয়। পক্ষান্তরে হালাল সম্পদের দ্বারা সৎ স্বভাব ও নেক চরিত্রের বুনியাদ গঠিত হয়।

* সন্তানকে যৌন বিষয়ক ও প্রেম প্রীতি বিষয়ক বই পত্র ও নভেল নাটক পড়তে বা দেখতে দিবে না।

* মনে রাখতে হবে- সন্তানের প্রথম বয়সই তার এছলাহের উপযুক্ত সময়। প্রথমে নষ্ট হয়ে গেলে পরে তার এছলাহ অত্যন্ত দুর্কর হয়ে পড়ে। প্রথম দিকে অবুঝ সন্তান বলে অবহেলা করে ছেড়ে দিলে পরবর্তীতে অন্ততঃ হতে হয়।

* সন্তানদের সংশোধনের ক্ষেত্রে প্রথম সন্তানকেই অধিক গুরুত্ব দেয়া প্রয়োজন। কেননা পরবর্তী সন্তানরা প্রায়শঃই প্রথম জনের অনুকরণ করে থাকে।

* সন্তানের অধিকার পূর্ণ মাত্রায় আদায় করবে। এর জন্য দেখুন ৪১৫ পৃষ্ঠা।

* সন্তান যেন নেককার হয়- অসৎ না হয়, তার জন্য আল্লাহর কাছে প্রার্থনা ও দু'আ করতে থাকবে। কুরআন ও হাদীছ থেকে এরূপ কয়েকটি দু'আ নিম্নে পেশ করা হলঃ

(১) رَبِّ اجْعَلْنِي مُقِيمَ الصَّلَاةِ وَمِنْ ذُرِّيَّتِي رَبَّنَا وَتَقَبَّلْ دُعَاءِ -

অর্থঃ হে আল্লাহ, আমাকে এবং আমার বংশধরকে নামায কালিমা করনে ওয়ালা বানাও। হে আমার রব, আমার দু'আ কবুল কর। (সূরা ইব্রাহীমঃ ৪০)

(২) رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا -

অর্থঃ হে আমাদের রব, আমাদের বিবি ও সন্তানদেরকে আমাদের জন্য সুখের বানাও এবং আমাদেরকে মুত্তাকীদের অগ্রণী বানাও। (সূরা ফুরকানঃ ৭৪)

(৩) اللَّهُمَّ أَصْلِحْ لِي فِي ذُرِّيَّتِي إِنِّي تُبْتُ إِلَيْكَ وَإِنِّي مِنَ الْمُسْلِمِينَ -

অর্থঃ হে আল্লাহ আমার সন্তানদের এছলাহ করে দাও। আমি তোমার দিকে ধাবিত হয়েছি এবং আমি আনুগত্যকারীদের অন্তর্ভুক্ত।

(৪) اللَّهُمَّ بَارِكْ لَنَا فِي أَزْوَاجِنَا وَذُرِّيَّتِنَا وَتُبْ عَلَيْنَا إِنَّكَ أَنْتَ التَّوَّابُ الرَّحِيمُ -

অর্থঃ হে আল্লাহ, আমাদের বিবি ও সন্তানদের মধ্যে বরকত দান কর এবং আমাদের তওবা কবুল কর। তুমিই তো তওবা কবুলকারী, অতি দয়ালু।

اللَّهُمَّ إِنِّي أَسْأَلُكَ مِنْ صَالِحٍ مَا تُؤْتِي النَّاسَ مِنَ الْمَالِ وَالْأَهْلِ وَالْوَلَدِ غَيْرِ (৫)
صَالٍ وَلَا مُضِلٍّ -

অর্থঃ হে আল্লাহ, তুমি মানুষকে যে ভাল সন্তান, সম্পদ ও বিবি দান করে থাক, আমি তোমার নিকট তদ্রূপের প্রার্থনা করছি, বিভ্রান্ত বা অন্যকে বিভ্রান্তকারী সন্তান ও বিবি নয়।

اللَّهُمَّ إِنِّي أَعُوذُ بِكَ مِنْ وَلَدٍ يَكُونُ عَلَيَّ وَبَالًا - (৬)

অর্থঃ হে আল্লাহ, আমি তোমার নিকট এমন সন্তান থেকে পানাহ চাই যা আমার জন্য বিপদের কারণ হবে।

কোন ক্রমেই সন্তানকে সুপথে আনতে না পারলে তখন কি করণীয় :

* সন্তানকে সুপথে আনার চেষ্টা করা মানুষের আয়ত্বের মধ্যে, কিন্তু সে চেষ্টার ফলাফল মানুষের আয়ত্বাধীন নয়। অনেক সময় হাজার চেষ্টা সত্ত্বেও সন্তান সুপথে না আসতে পারে এবং তার কারণে মাতা-পিতার পেরেশানীর অন্ত না থাকতে পারে। এরূপ মুহূর্তে পিতা-মাতার করণীয় হল :

১. চেষ্টা অব্যাহত রাখবে, কিন্তু ফলাফল লাভের অপেক্ষায় থাকবে না; অর্থাৎ, তারা যেমন চায় সন্তান তেমনই হয়ে যাবে- এই অপেক্ষায় থাকবে না, তাহলে পেরেশানী কমে যাবে।
২. সন্তান সুপথে আসছে না এ জন্য স্বভাবতঃ যে কষ্ট ও দুঃখ হবে তার কারণে ছওয়াব হবে- এই বিশ্বাস রাখবে, তাহলেও মনে একটু তৃপ্তি পাওয়া যাবে। মনে রাখবে যে, এভাবেও হয়ত আল্লাহ আমার গোনাহ মোচন ও ছওয়াব লাভের পথ করে দিয়ে আমার প্রতি অনুগ্রহ করছেন।
৩. সন্তানের সুমতি ও হেদায়েত হোক এ জন্য সর্বদা দু'আ করতে থাকবে।
৪. এরূপ সন্তানের কপাল ধরে الشَّهِيد শব্দটি পাঠ করবে কিংবা এক হাজার বার পড়ে সন্তানকে দম করবে, আল্লাহর ইচ্ছা হলে সন্তান ফরমাবরদার হয়ে যাবে।

(إِثْبَاتُ تَرْبِيَةِ أَوْلَادٍ وَأَعْمَالُ قُرْآنِي) থেকে গৃহীত।)

যার সন্তান মারা যায় তার জন্য কিছু কথা

যার সন্তান মারা যায় তার সন্তান লাভের জন্য নিম্নোক্ত কয়েকটি বিষয় চিন্তা করতে হবে-

১. যে সন্তান মারা গিয়েছে তার মরে যাওয়াই ভাল ছিল, সে বেঁচে থাকাটা তার জন্য খারাপ ছিল। এটা তার বুঝে না আসলেও আল্লাহ তা'আলা সব কিছু জানেন ও বুঝেন, তিনি অত্যন্ত হেকমতওয়ালা।
২. এই সন্তানের কারণে মানুষ কত রকম পেরেশানী ও মুসীবতের সম্মুখীন হয় সেগুলো চিন্তা করে মনে করবে যে, আল্লাহ আমাকে সে সব পেরেশানী থেকে মুক্তি দেয়ার জন্যই হয়ত আমার সন্তানের মৃত্যু ঘটিয়েছেন, কাজেই এটা আমার প্রতি আল্লাহর এক অনুগ্রহ।
৩. সন্তানের মৃত্যুর কারণে যে কষ্ট হয় তার বিনিময়ে ছওয়াব অর্জিত হয়। বিশেষ করে নাবালেগ সন্তানের মৃত্যু হলে সে সন্তান পরকালে তার নাজাতের ওহীলা হয়ে দাঁড়াবে, সে সন্তান জাহান্নাম ও তার মাঝে আঁড় হয়ে দাঁড়াবে। এক হাদীছের বর্ণনা অনুযায়ী বড় সন্তানের মৃত্যু হলেও সে কারণে যে কষ্ট হবে তার বিনিময়ে আল্লাহ তা'আলা জান্নাত দান করবেন।

যার কোন সন্তান হয় না তার জন্য কিছু কথা

যার ছেলে মেয়ে কোন সন্তানই হয় না তাকে নিম্নোক্ত বিষয়গুলো চিন্তা করতে হবে-

১. সন্তান না হওয়াই তার জন্য ভাল। আল্লাহ পাক প্রত্যেকেরই কল্যাণ চান এবং সব কিছুর রহস্য তাঁর জানা আছে। সে মতে তার সন্তান না হওয়ার মধ্যেই কল্যাণ রয়েছে, যা আল্লাহ অবগত আছেন।
২. সন্তান থাকলে যে সব পেরেশানী হয় সেগুলো চিন্তা করে মনে করবে যে, আল্লাহ আমাকে সে সব পেরেশানী থেকে মুক্তি দিতে চেয়েছেন। বস্তুতঃ সন্তান দেয়া যেরকম আল্লাহর নেয়ামত, সন্তান না দেয়াও এক একম নেয়ামত। সুতরাং সন্তান না হওয়ার জন্য গুণকরির মনোভাব রাখতে হবে- না গুণকরির মনোভাব নয়।
৩. সন্তান না হওয়ার কারণে স্ত্রীর প্রতি অসন্তুষ্ট হওয়া অন্যায। কারণ এটা স্ত্রীর এখতিয়ারভুক্ত বিষয় নয়, এটা স্ত্রীর কোন অন্যায নয়। এজন্য আল্লাহর প্রতিও নারাজ হওয়া যাবে না। কেননা আল্লাহ হয়ত এরই মধ্যে তার কল্যাণ নিহিত রেখেছেন।

৪. একথা মনে করবে না যে, সন্তান ও বংশধর না থাকলে আমার নাম টিকে থাকবে না। মূলতঃ আল্লাহর প্রিয় বান্দা হতে পারলেই নাম টিকে থাকে, সন্তান দ্বারা নয় বরং সন্তান হয়ে যদি খারাপ হয় তাহলে উল্টা বদনামী হয়ে থাকে।

৫. সন্তান লাভের জন্য নিম্নোক্ত আমলগুলো করা যায়-

(ক) এই দু'আ করবে- رَبِّ لَا تَذَرْنِي فَرْدًا وَأَنْتَ خَيْرُ الْوَارِثِينَ

অর্থাৎ, হে আমার প্রতিপালক, তুমি আমাকে বংশধরহীন রেখ না, তুমিই উত্তম উত্তরাধিকারী। (সূরা আশিয়াঃ ৮৯)

(খ) উঠতে বসতে সর্বক্ষণ পাঠ করবে اَلْبَارِئُ الْمُصَوِّرُ

(গ) প্রত্যেক নামাযের পর তিনবার পড়বে-

رَبِّ هَبْ لِي مِنْ لَدُنْكَ ذُرِّيَّةً طَيِّبَةً إِنَّكَ سَمِيعُ الدُّعَاءِ -

অর্থাৎ, হে আমার প্রতিপালক! তুমি নিজ অনুগ্রহে আমাকে উত্তম আওলাদ দান কর। অবশ্যই তুমি দু'আ শ্রবণকারী। (সূরা আলে ইমরানঃ ৩৮)

(ঘ) বন্ধা মহিলা সাত দিন পর্যন্ত রোযা রাখবে এবং পানি দ্বারা ইফতার করবে এবং ইফতার করার পর ২১ বার নিম্নোক্ত আয়াত পাঠ করবে, তাহলে আল্লাহ চাহেতো গর্ভ সঞ্চার হবে।

أَوْ كَظُلُمَاتٍ فِي بَحْرٍ لَجِيٍّ يَغْشَاهُ مَوْجٌ مِنْ فَوْقِهِ مَوْجٌ مِنْ فَوْقِهِ سَحَابٌ،
ظُلُمَاتٌ بَعْضُهَا فَوْقَ بَعْضٍ، إِذَا أَخْرَجَ يَدَهُ لَمْ يَكْدِ يَرَاهَا، وَمَنْ لَمْ
يَجْعَلِ اللَّهُ لَهُ نُورًا فَمَا لَهُ مِنْ نُورٍ -

যার পুত্র সন্তান হয় না তার জন্য কিছু কথা

১. পুত্র না হওয়ার মধ্যেই তার কল্যাণ- এথা চিন্তা করবে।

২. পুত্র সন্তানের কারণে মানুষ যেসব পেরেশানীর সম্মুখীন হয় সেগুলো চিন্তা করবে, তাহলে সন্তান পাবে এবং আল্লাহর প্রতি শোকর আসবে এই ভেবে যে, আল্লাহ আমাকে সে সব পেরেশানী থেকে হয়ত নাজাত দিতে চান। বাস্তবেও দেখা যায় পুত্র সন্তানই বেশীর ভাগ ক্ষেত্রে মাতা-পিতার অবাধ্য হয়ে থাকে, পক্ষান্তরে কন্যা সন্তান মাতা-পিতার অনুগত ও ফরমাবরদার হয়ে থাকে।

৩. পুত্র সন্তান না হওয়ার কারণে স্ত্রীর প্রতি অসন্তুষ্ট হওয়া এবং তার সাথে দুর্ব্যবহার করা অন্যায়। কারণ এটা স্ত্রীর অখতিয়ারভুক্ত বিষয় নয়, সে চাইলেই তার গর্ভে পুত্র সন্তান আনতে পারে না। এর জন্য আল্লাহর প্রতিও নারাজ হওয়া যাবে না। কেননা আল্লাহ হয়ত এরই মধ্যে তার কল্যাণ নিহিত রেখেছেন, যা হয়ত তার জানা নেই, তার বুঝে আসছে না, কিন্তু আল্লাহ সব জানেন, সব বুঝেন, তিনি অত্যন্ত হেকমতওয়ালা!
৪. শাহ ওয়ালীউল্লাহ (রহঃ) বলেছেনঃ যে মেয়েলোকের কন্যা ব্যতীত ছেলে না হয় তার পেটের উপর হাতের আঙ্গুল দিয়ে একটা গোল বেষ্টনী আঁকবে, তারপর আঙ্গুল দিয়ে সেই বেষ্টনীর মধ্যে مَبْنِيٌّ ۞ শব্দটি সত্তর বার লিখবে এবং মুখেও বলতে থাকবে, তাহলে আল্লাহ চাহেতো পুত্র সন্তান লাভ হবে।

সতীনের সন্তান বা স্ত্রীর ভিন্ন ঘরের সন্তানের জন্য যা করণীয়

সতীনের সন্তান বা স্ত্রীর ভিন্ন ঘরের সন্তান বৈবাহিক সম্পর্কের আত্মীয়দের অন্তর্ভুক্ত। কাজেই আত্মীয়দের যা হক ও অধিকার রয়েছে তাদের বেলায়ও তা পালন করতে হবে। বরং অনেক আলেমের মতে বৈবাহিক সম্পর্কের আত্মীয় আর রক্ত সম্পর্কের আত্মীয়দের হক একই রকম। এমতে নিজের সন্তানের জন্য যা যা করণীয় সতীনের সন্তান বা স্ত্রীর ভিন্ন ঘরের সন্তানের জন্যও তা-ই করণীয়। বিশেষতঃ সতীন যদি মারা যায় তাহলে সৎ মাকে এ কথা চিন্তা করে দেখতে হবে যে, আমি সতীনের সন্তানের সাথে দুর্ব্যবহার করলে খোদা নাখাস্তা আমার সন্তান ছোট থাকা অবস্থায় আমার মৃত্যু হলে অন্য সতীন ঘরে এসে আমার সন্তানের প্রতিও দুর্ব্যবহার করতে পারে। স্ত্রীর ভিন্ন ঘরের সন্তানের বেলায় স্বামীকেও অনুরূপ ভেবে দেখতে হবে। এরূপ ভাবনা মনে উপস্থিত রাখলে সতীনের সন্তান ও স্ত্রীর ভিন্ন ঘরের সন্তানকে নিজের সন্তানের মত বরণ করে নেয়া সহজ হবে এবং দুর্ব্যবহারের মনোভাব জাগ্রত হবে না বরং করুণার মনোভাব জাগ্রত হবে।

জন্মনিয়ন্ত্রণ ব্যবস্থা সম্পর্কে মাসায়েল

জন্মনিয়ন্ত্রণের জন্য প্রচলিত তিনটি ব্যবস্থা রয়েছে। যথাঃ

১. স্থায়ী ব্যবস্থা : যেমন পুরুষের জন্য ভ্যাসেকটমি ও মহিলাদের জন্য লাইগেশন। এ ব্যবস্থায় অপারেশনের মাধ্যমে পুরুষ বা নারীর সন্তান দেয়ার ও নেয়ার ব্যবস্থা চিরতরে বন্ধ করে দেয়া হয়।

২. মেয়াদী ব্যবস্থা : যেমন নির্ধারিত মেয়াদের জন্য ইনজেকশন, নিরাপদকাল মেনে চলা এবং আই, ইউ, ডি (এক ধরনের প্লাষ্টিক কয়েল) ব্যবহার করা ইত্যাদি।

৩. সাময়িক ব্যবস্থা : যেমন কনডম ব্যবহার করা, জন্মনিরোধক পিল/বডি ব্যবহার করা ইত্যাদি।

* জন্মনিয়ন্ত্রণের স্থায়ী ব্যবস্থা গ্রহণ করা কোন অবস্থাতেই জায়েয নয় বরং হারাম, উদ্দেশ্য বা কারণ যাই হোক না কেন। কেননা, এর মাধ্যমে আল্লাহর দেয়া একটা ক্ষমতা (প্রজনন ক্ষমতা)কে নষ্ট করা হয় এবং আল্লাহর সৃষ্টিকে বিকৃত করে দেয়া হয়, যা সম্পূর্ণ হারাম।

* জন্মনিয়ন্ত্রণের দ্বিতীয় পদ্ধতি (মেয়াদী ব্যবস্থা) গ্রহণ করা মাকরুহ তাহরীমী। আর মাকরুহ তাহরীমী হারামের কাছাকাছি।

* জন্মনিয়ন্ত্রণের তৃতীয় পদ্ধতি (সাময়িক ব্যবস্থা) গ্রহণের পেছনে যদি উদ্দেশ্য এই থাকে যে, এতে করে পৃথিবীর লোক সংখ্যা নিয়ন্ত্রিত থাকবে, খাদ্যের সংকট হবে না, বাসস্থানের সংকট হবে না ইত্যাদি, তাহলে এটা ঈমান বিরোধী চেতনা থেকে হওয়ার কারণে জায়েয নয়। মনে রাখতে হবে- আল্লাহর পরিকল্পনা সকলের পরিকল্পনার চেয়ে উত্তম, তিনি ভূত ভবিষ্যত এমনভাবে জানেন যা কেউ জানে না, তিনি সৃষ্টি করেছেন এবং সৃষ্টি জীবের রিয়কের দায়িত্বও গ্রহণ করেছেন।

* আর তৃতীয় পদ্ধতি যদি স্ত্রী বা সন্তানের স্বাস্থ্য রক্ষার প্রয়োজনে অভিজ্ঞ দ্বীনদার ডাক্তারের পরামর্শক্রমে গ্রহণ করা হয় তাহলে তা জায়েয।

* আর তৃতীয় পদ্ধতি যদি বিলাসিতার উদ্দেশ্যে গ্রহণ করা হয় এই ভেবে যে, সন্তান কম হলে ঝামেলা কম হবে, ছিমছাম থাকা যাবে ইত্যাদি, তাহলে স্ত্রীর অনুমতি সাপেক্ষে তা গ্রহণ করা জায়েয, তবে এটা খেলাফে আওলা বা অনুত্তম। কেননা এটা ধর্মীয় চাহিদা বিরোধী। ধর্ম চায় রাসূলের উম্মত বৃদ্ধি পাক, রাসূলের উম্মত বৃদ্ধি পেলে রাসূল (সাঃ) কিয়ামতের দিন এ নিয়ে গর্ব করবেন বলে হাদীছে উল্লেখ এসেছে।

(জন্মনিয়ন্ত্রণ সম্পর্কিত উপরোক্ত মাসায়েল মুফতী মুহাম্মদ শফী সাহেবের ফতওয়া এবং দারুল উলুম দেওবন্দ-এর স্বনামধন্য মুহাদ্দিস ও মুফতী হযরত মাওলানা সাঈদ আহমদ পালনপুরী [দামাত বারাকাতুল্হম]-এর বয়ান থেকে গৃহীত।)

* উল্লেখ্য যে, হাদীছে কোন কোন সাহাবী ব্যক্তিগতভাবে অনুমতি প্রার্থনা করার পর হযরত রাসূল সাল্লাল্লাহু আলাইহি ওয়াসাল্লাম আযল (সঙ্গমকালে

বীর্য স্ত্রী যোনির বাইরে স্থালন করা)-এর অনুমতি দিয়েছেন বলে পাওয়া যায়। তবে অনুমতি দেয়ার সময় রাসূলসাল্লাল্লাহু আলাইহি ওয়াসাল্লাম ঈমানও দূরন্ত করে দিয়েছেন এই বলে যে, জেনে রেখ কিয়ামত পর্যন্ত যত সন্তান দুনিয়াতে আসার তারা আসবেই। তাছাড়া রাসূল সাল্লাল্লাহু আলাইহি ওয়াসাল্লাম এ অনুমতি প্রদানের সময় এটা না করার জন্য উৎসাহিত করেছেন এই বলে যে, না করলে তোমাদের ক্ষতি কি? সারকথা- রাসূল সাল্লাল্লাহু আলাইহি ওয়াসাল্লাম আযল (একটা সাময়িক ব্যবস্থা) সম্পর্কে অনুমতি দিয়েছেন ঈমান দূরন্ত করে- নষ্ট করে নয়, আবার তার জন্য অনুৎসাহিত করেছেন এবং এই অনুমতি প্রদান ছিল ব্যক্তিগত পর্যায়ে। এখন এই আযলের অনুমতি দেখে (যা সাময়িক ব্যবস্থা) জন্ম নিয়ন্ত্রণের স্থায়ী ব্যবস্থাকে জায়েয বলা ঠিক হবে না। তাছাড়া বর্তমানে প্রচলিত মেয়াদী ও সাময়িক অন্যান্য পদ্ধতিগুলোকেও এই আযলের উপর ঢালাওভাবে কেয়াহ বা অনুমান করা ঠিক নয়। কেননা বর্তমানে প্রচলিত এসব পদ্ধতিগুলোকে ব্যক্তিগত ব্যাপারে সীমাবদ্ধ রাখা হয়নি বরং তাকে সামাজিক আন্দোলনে রূপ দেয়া হয়েছে। আর বর্তমানে এর জন্য অনুৎসাহিত করা নয় বরং উৎসাহ দেয়া হচ্ছে, অধিকন্তু বাধ্যতামূলক করার চিন্তা ভাবনা চলছে। সর্বোপরি এসব পদ্ধতি গ্রহণের জন্য উৎসাহিত করা হচ্ছে এমন সব বক্তব্য দিয়ে যা ঈমানী চেতনা বিরোধী। অতএব দেখা গেল- হাদীছে আযলের অনুমতি দেয়া হয়েছিল যে আঙ্গিকে এবং যে মানসিকতার ভিত্তিতে, প্রচলিত জন্মনিয়ন্ত্রণ পদ্ধতিতে তার সম্পূর্ণ ভিন্ন আঙ্গিক ও ভিন্ন মানসিকতা গ্রহণ করা হয়েছে। তাই হাদীছের আযলের অনুমতি থেকে বর্তমানে প্রচলিত জন্মনিয়ন্ত্রণ পদ্ধতি সমূহকে ঢালাওভাবে অনুমোদন দেয়ার কোনই অবকাশ নেই।

রান্না-বান্না সম্পর্কিত মাসায়েল

* মহিলাদের জন্য ঘরের কাজ করা, রান্না-বান্না করা বা চাকর নওকর থাকলে এসব কাজে তাদের সহযোগিতা করা বা তত্ত্বাবধান করাও ইবাদতের শামিল এবং এতে তাদের ছওয়াব হয়ে থাকে। মহিলাদের এসব কাজ ছওয়াব মনে করে করা উচিত। স্বামীর চাকর-নওকরের ব্যবস্থা করার সঙ্গতি না থাকলে এবং স্ত্রী রান্না-বান্না করতে সক্ষম হলে রান্না-বান্না করা তার উপর নৈতিক ওয়াজিব।

* রান্না-বান্না করার জন্য চাউল, আটা ইত্যাদি মেপে নিবে। তবে মূল পাত্রের পরিমাণ অবশিষ্ট থাকলে সেটা মেপে দেখবে না, তাহলে বরকত কমে যাবে।

* যখন গোসল ফরয সে অবস্থায়ও রান্না-বান্না করাতে কোন দোষ নেই।

(إحسان الفتاوى ج ۲/ ۷)

* বিসমিল্লাহ বলে রান্না-বান্না শুরু করবে।

* গোবরের জ্বালানী দিয়ে রান্না-বান্না করা জায়েয। (فتاوى محمودیه ج ۵/ ۵)

* গোবর বা মনুষ্য মল থেকে তৈরী গ্যাস দ্বারা রান্না করা জায়েয।

(فتاوى رشیدیه ج ۶/ ۷)

* রান্না শেষ হওয়ার পর চুলার আগুন নিভিয়ে রাখবে, যাতে করে অন্য কিছুতে আগুন লাগতে না পারে। গ্যাসের চুলা হলেও নিভিয়ে রাখবে। একটা ম্যাচের শলাকা বাঁচানোর জন্য গ্যাস জ্বালিয়ে রাখলে অপব্যয়ের গোনাহ হবে। অপব্যয় করা কবীরা গোনাহ।

* রান্না শেষ হওয়ার পর খাদ্য-খাবার ঢেকে রাখবে।

যে সব পশু পাখী খাওয়া জায়েয ও হালাল

যে সব পশু পাখী পাঞ্জা দ্বারা শিকার ধরে খায়না তা (জবাই করে) খাওয়া জায়েয ও হালাল। যেমন পশুর মধ্যে গরু, মহিষ, উট, ছাগল, ভেড়া, হরিণ, উভয় প্রকারের খরগোস, বন্য গরু এবং পাখীর মধ্যে হাঁস, মুরগি, বন্যহাস, বন্যমুরগি, ময়না, টিয়াপাখী, বক, সারস, চড়ুই, পানকৌড়ি, কবুতর ইত্যাদি। ঘোড়া খাওয়া জায়েয তবে মাকরুহ। যে সব মুরগি খোলা থাকে এবং নাপাক খেয়ে বেড়ায় তাদেরকে তিনদিন না বেঁধে রেখে খাওয়া মাকরুহ। (فتاوى رشیدیه ج ۶/ ۷)

যেসব পশু পাখী খাওয়া জায়েয নয়

যে সব পশু পাখী পাঞ্জা দ্বারা শিকার ধরে খায় বা যাদের খাদ্য শুধু নাপাক বস্তু, সেসব পশু পাখী খাওয়া জায়েয নয়। যেমন বাঘ, সিংহ, চিতাবাঘ, শিয়াল, কুকুর, বিড়াল, বানর, বেজী, গাধা, খুঁচর, সজারু কচ্ছপ, গুইসাপ, বাজ, চিল, শিকরা, শকুন, ঈগল, কাল কাক ইত্যাদি। (বেহেশতী জেওর)

হালাল পশু পাখীর যা যা খাওয়া নাজায়েয

হালাল পশু পাখীর নিম্নোক্ত জিনিসগুলো খাওয়া জায়েয নয়ঃ পেশাব, পায়খানা, প্রবাহিত রক্ত, পিত্ত, মূত্রথলি, অণ্ডকোষ, পুরুষাঙ্গ, স্ত্রী লিঙ্গ, পায়খানার রাস্তা, শরীরের অতিরিক্ত মাংসগ্রন্থি যেমন টিউমার ইত্যাদি ও মেরুদণ্ডের হাড়ের মগজ। কোন কোন আলেমের মতে মেরুদণ্ডের হাড়ের মগজ মাকরুহ তানযীহী আবার কেউ কেউ বলেছেন এটা মাকরুহ হওয়ার

কোন কারণ নেই। তবে সতর্কতা হল তা না খাওয়া। কোন কোন রেওয়ায়েত অনুযায়ী গুর্দা খাওয়া মাকরুহ তানযীহী। হালাল জানোয়ারের নাড়ীভুঁড়ি খাওয়া জায়েয। (نَدَى رَشِيدِيَّة وَغَيْرِهِ)

মাছ ও পানির অন্যান্য প্রাণী সম্পর্কিত মাসায়েল

* পানির প্রাণীর মধ্যে মাছ (সব ধরনের মাছ) খাওয়া জায়েয।

* মাছ খাওয়া হালাল হওয়ার জন্য জবেহ করা শর্ত নয়।

* যে মাছ আপনা আপনি মরে চিং হয়ে ভেসে ওঠে তা খাওয়া জায়েয নয়। তবে গরমের কারণে, আঘাতের কারণে, চাপাচাপির কারণে, ঔষধ দেয়ার কারণে বা কিছু খাওয়ার কারণে যদি মরে ভেসেও ওঠে, তবুও তা খাওয়া জায়েয। কিংবা স্বাভাবিকভাবে মরে ভেসে উঠেছে কিন্তু চিং হয়নি বরং পিঠ এখনও উপরের দিকে রয়েছে তাহলেও খাওয়া জায়েয। (أَيُّ وَاسْنِ الْفَتَاوَى ج ১/৮)

* ছোট মাছ হলেও তার পেটের মল আবর্জনা ইত্যাদি পরিষ্কার করা ব্যতীত খাওয়া জায়েয নয়। (أَيُّ وَاسْنِ الْفَتَاوَى ج ১/৮)

* গুটিকি মাছ খাওয়া জায়েয।

* কোন কোন আলেম চিংড়ি মাছকে পানির পোকা আখ্যায়িত করে তা খাওয়াকে মাকরুহ বলেছেন। আবার অনেকের মতে মাকরুহ নয়। আমাদের দেশে সমাজে এটাকে মাছ বলা হয় এবং মাছ মনে করা হয় তাই আমাদের ফতওয়া মতে তা খাওয়া মাকরুহ নয়।

* কচ্ছপ, কাঁকড়া, ঝিনুক, শামুক, বেঙ ইত্যাদি খাওয়া জায়েয নয়।

* পানির প্রাণীর মধ্যে মাছ ব্যতীত অন্য প্রাণী যেমন কুমির, গুগুক জলহস্তি, সিন্ধুঘোটক ইত্যাদি খাওয়া জায়েয নয়। হাঙ্গর খাওয়া বিতর্কিত, অতএব তা পরিহার করাই শ্রেয়।

* পানির কোন পোকা মাকড় খাওয়া জায়েয নয়।

জবাই করার মাসায়েল

* জবাইকারীর মুসলমান হওয়া শর্ত- কাফেরের জবাই করা জত্ব খাওয়া হারাম।

* মুসলমান পুরুষ হোক বা মহিলা উভয়ের জবাই খাওয়া হালাল।

* নাবালগ ছেলে মেয়ে জবাই করতে জানলে এবং বিসমিল্লাহ (আল্লাহর নাম) বললে তার জবাই খাওয়া হালাল।

* জবাই করার সময় জন্তু ও জবাইকারী উভয়ের মুখ কেবলার দিকে থাকা সুন্নাতে মুআক্কাদা।

* জবাই করার সময় জবাইকারী কর্তৃক আল্লাহর নাম উচ্চারণ করা শর্ত। বিসমিল্লাহি আল্লাহ আকবার বলে সাধারণতঃ এ শর্ত পূরণ করা হয়। ইচ্ছাকৃত বিসমিল্লাহ না বললে বা অন্য কোন বাক্যে আল্লাহর নাম না নিলে সে জন্তু খাওয়া হারাম হয়ে যায়। তবে ভুলে ছুটে গেলে খাওয়া দুরস্ত আছে।

* জবাইর মধ্যে জানোয়ারের চারটা রগ কাটতে হবে। তিনটা রগ কাটলেও দুরস্ত আছে। তিনটার কম কাটলে সে জন্তু মৃত বলে গণ্য এবং হারাম হয়ে যাবে। রগ চারটি এইঃ শ্বাসনালী, খাদ্য নালী ও দুইটা শাহরগ।

* ধারাল ছুরি দ্বারা জবাই করা উত্তম। ভোঁতা বা কম ধারাল ছুরি দ্বারা জবাই করা মাকরুহ।

* ছুরির অভাবে ধারাল পাথর, বাঁশ বা আখের ধারাল বাকলা দ্বারা জবাই করা দুরস্ত আছে।

* পাথরের আঘাতে, বন্ধুকের গুলিতে মারা গেলে খাওয়া দুরস্ত নয়। তবে বন্ধুকের গুলি বা পাথরের আঘাত লাগার পর মরে যাওয়ার পূর্বে জবাই করতে পারলে তা খাওয়া জায়েয।

* দাঁত বা নখ দ্বারা জবাই করা দুরস্ত নয়।

* জবাই করার সময় জানোয়ারের মাথা সম্পূর্ণ আলাদা হয়ে গেলেও তা খাওয়া দুরস্ত আছে। তবে ইচ্ছাকৃতভাবে এরূপ কেটে আলাদা করে দেয়া মাকরুহ। তবে এরূপ জানোয়ার খাওয়া মাকরুহ নয়।

* জবাই করার পর জানোয়ার ঠাণ্ডা হওয়ার পূর্বে চামড়া খসানো, হাত পা কাটা বা ভাজা কিংবা সমস্ত গলা কেটে দেয়া মাকরুহ।

* গোসল ওয়াজিব বা উযু নেই- এমন অবস্থায়ও জবাই করা যায়।

(শায় ওাসন الفتاوى ج ১)

* হাঁস, মুরগি ইত্যাদির পালক ছাড়ানোর জন্য ফুটন্ত পানিতে হাস মুরগিকে যদি এতক্ষণ রাখা হয় যাতে তার পেটের নাপাকী গোশতের মধ্যে ভেদ করার প্রবল ধারণা হয়, তাহলে তার গোশত নাপাক হয়ে যায়- পাক করার আর কোন উপায় থাকে না। অবশ্য পানি যদি ফুটতে না থাকে শুধু গরম হয় তাহলে তাতে দীর্ঘক্ষণ চুবিয়ে রাখলেও অসুবিধা নেই কিংবা ফুটন্ত পানিতে চুবিয়ে সাথে সাথে উঠিয়ে ফেললেও অসুবিধা নেই। (শায় ওাসন الفتاوى ج ১)

* জবাই করার পূর্বে প্রাণীকে ক্ষুধার্ত রাখা জুলুম।

ঘর সাজানো গোছানো ও পরিষ্কার পরিচ্ছন্নতার মাসায়েল

* ঘর এবং ঘরের আশপাশ পরিষ্কার পরিচ্ছন্ন রাখা সুন্নাত। (১৭/১)

* বিনা প্রয়োজনে মাকড়সা মারা অনুচিত, তবে তার জাল ভেঙ্গে ঘর পরিষ্কার করা যাবে। (১৭/১)

* পিপড়া, ছারপোকা ইত্যাদি কোন প্রাণী আগুন দ্বারা পুড়িয়ে মারা নিষেধ। একান্ত ঠেকা অবস্থায় গরম পানি দিয়ে ছারপোকা তাড়ানো যায়।

* টিকটিকি ও গিরগিটি মারা ছওয়াবের কাজ। (১৭/১)

* ঘরের জিনিসপত্রগুলো যথাস্থানে গুছিয়ে রাখা সাংসারিক সুব্যবস্থার অন্যতম কাজ।

* প্রাণীর ফটো বা মূর্তি রাখা হারাম। কোন বুয়ুর্গ বা গুরুজনের ফটোর বেলায়ও একই হুকুম। যে ঘরে ফটো বা মূর্তি থাকে সে ঘরে রহমতের ফেরেশতা প্রবেশ করে না।

* রাতের বেলায় ঘর ঝাঁট দেয়ায় কোন দোষ নেই। (১৭/১)

* আয়না বা কোন প্লেটে লিখিত আল্লাহ, রাসূলের নাম, কালিমা, আয়াত সৌন্দর্যের নিয়তে রাখা বে-আদবী। তবে বরকতের নিয়তে রাখাতে অসুবিধা নেই। (১৭/১)

* ঘরের দরজা জানালায় পর্দা দিবে শরী'আতের পর্দার হুকুম পালন করার নিয়তে, সৌন্দর্যের নিয়তে নয়।

সমাজনীতি

সমাজ সংসার ও নতুন সমাজ গঠনের জন্য যা যা করণীয় :

১. সমাজের কুসংস্কার, বেদআত, রহম ও প্রচলিত অনৈসলামিক ধ্যান-ধারণার প্রতি সমাজ সদস্যদের বীতশ্রদ্ধ করে তুলতে হবে।
২. সেই সাথে সাথে ইসলামের নির্ভেজাল ও শাস্বত আদর্শ এবং ইসলামী মূল্যবোধ সমাজের সামনে তুলে ধরতে হবে।
৩. বিজাতীয় সভ্যতা সংস্কৃতির প্রভাব থেকে সমাজকে দূরে রাখার সর্বপ্রযত্ন ব্যবস্থা গ্রহণ করতে হবে।
৪. ইসলামী মূল্যবোধ ও আদর্শের আলোকে ব্যক্তি গঠন পূর্বক তাদেরকে আদর্শের নমুনা হিসেবে সমাজের সামনে দাঁড় করাতে হবে। তাহলে নমুনা সামনে পেয়ে সমাজ সদস্যগণ অনুরূপ হওয়াকে সহজবোধ করবে এবং অনুরূপ হওয়ার বাস্তব অনুপ্রেরণা লাভ করবে।

সমাজে শান্তি শৃংখলা প্রতিষ্ঠার জন্য যা যা করণীয় :

শান্তি মূলতঃ অশান্তি দূর হওয়ার নাম, আর বিশৃংখলা দূর করার নাম হল শৃংখলা বিধান। অতএব সামাজিক অশান্তি ও বিশৃংখলার কারণ যা যা, তার প্রতিকার করলেই সমাজে শান্তি ও শৃংখলা প্রতিষ্ঠিত হবে। নিম্নে এই সামাজিক অশান্তি ও বিশৃংখলার কারণ কি কি এবং তার প্রতিকার ব্যবস্থা কি তার একটি সংক্ষিপ্ত বিবরণ পেশ করা হল। (এ সম্পর্কে বিস্তারিত জানার জন্য আমার রচিত 'ইসলামী মনোবিজ্ঞান' গ্রন্থের সমাজ মনোবিজ্ঞান অধ্যায় পাঠ করা যেতে পারে।)

১. প্রত্যেকের যা দায়িত্ব সে দায়িত্ব পালনে অবহেলা করে শুধু অধিকার আদায়ে সোচ্চার হলে পারস্পরিক সংঘর্ষ ও অশান্তির সূচনা হয়। এর প্রতিকারের জন্য সকলকে দায়িত্ব সচেতন করে তুলতে হবে এবং নিজের অধিকারের চেয়ে অন্যের অধিকারকে প্রাধান্য দেয়ার মনোভাব এবং নিজের অধিকার আদায় না হওয়ার ক্ষেত্রে ধৈর্য ও সহনশীল হওয়ার মনোভাব জাগ্রত করতে হবে।

২. সুষ্ঠু নেতৃত্বের অভাব : মানুষে মানুষে স্বার্থ নিয়ে সংঘাত লাগলে তা নিরসনের জন্য এবং সমাজকে সুষ্ঠু লক্ষ্যে সম্মিলিতভাবে পরিচালনার জন্য সুষ্ঠু নেতৃত্বের প্রয়োজন। অন্যথায় সামাজিক অশান্তি ও বিশৃংখলা রোধ করা সম্ভব হয় না। তাই এমন নেতার প্রয়োজন যার মধ্যে নেতৃত্বের সব গুণাবলী বিদ্যমান থাকবে এবং যিনি তার দায়িত্ব ও কর্তব্য পালন করবেন। নেতার গুণাবলী এবং দায়িত্ব ও কর্তব্য কি কি এ সম্পর্কে পরবর্তী পরিচ্ছেদে আলোচনা করা হয়েছে।

৩. নৈতিক অবক্ষয়ের ফলেও সমাজে অশান্তি ও বিশৃংখলা দেখা দেয়। এর প্রতিকারের জন্য সমাজ শিক্ষায় নৈতিকতাকে গুরুত্ব সহকারে স্থান দিতে হবে।

৪. সামাজিক অপরাধ : চুরি, ডাকাতি, মদ, জুয়া, নেশা প্রভৃতি সামাজিক অপরাধের মোকাবিলা ও তা প্রতিহত করতে না পারলে সমাজে শান্তি ও শৃংখলা প্রতিষ্ঠা করা সম্ভব নয়। এ সম্পর্কে পরবর্তীতে আলোচনা করা হয়েছে।

৫. শ্রেণী বৈষম্য এবং তার ফলে সৃষ্ট দাঙ্গা-হাঙ্গামা ও সংঘাত সামাজিক অশান্তির একটি অন্যতম কারণ। এর প্রতিকারের জন্য ইসলামের বৈষম্যহীন সামাজিক ও রাষ্ট্রীয় আইনের আশ্রয় গ্রহণের কোন বিকল্প নেই।

৬. ইসলামের দেয়া সামাজিক রীতি-নীতি, মানবাধিকার প্রভৃতি লংঘন করলে সমাজে অশান্তি দেখা দেয়। এক কথায় মানুষের কৃতকর্মের দরুণই সমাজে অশান্তি দেখা দেয়।

নেতার গুণাবলী

নেতৃত্বের জন্য যেসব গুণ অপরিহার্য, নেতাকে যেসব গুণাবলী অর্জন করতে হবে, তার একটি সংক্ষিপ্ত তালিকা পেশ করা হল-

১. নেতার মধ্যে নেতৃত্বের মোহ থাকতে পারবে না। সে কাজ করবে দেশ ও জাতির স্বার্থে, ব্যক্তি স্বার্থে নয়। নেতৃত্বের প্রতি মোহ থাকলে মানুষ ব্যক্তি স্বার্থ ত্যাগ করে বৃহত্তর স্বার্থ রক্ষার তাগিদে কাজ করতে পারে না।
২. নেতার মধ্যে বিনয় থাকতে হবে। কথা-বার্তা, আচার-আচরণে বিনয় না থাকলে বরং অহংকার থাকলে সেরূপ নেতাকে কেউ মনে প্রাণে গ্রহণ করতে চায় না।
৩. সমস্যা ও সংকটের মুহূর্তে নেতাকে অগ্রণী ভূমিকা পালন করতে হবে, যাতে দলীয় সদস্যরা নেতাকে স্বার্থপর বা ভীর্ণ ভাবে না পারে কিংবা নিজেদেরকে যেন তারা অসহায় না ভাবে।
৪. অনুসারী ও দলীয় সদস্যদের প্রতি সহানুভূতি থাকতে হবে এবং তাদের সুবিধা-অসুবিধা ও আশা-আকাংখার খোঁজ-খবর রাখতে হবে।
৫. ভালবাসা দিতে ও ভালবাসা নিতে পারার গুণ থাকতে হবে। এরূপ হলে নেতার উপস্থিতি কর্মী ও দলীয় সদস্যদের কাছে কাম্য হবে এবং নেতা কর্মীদের মন জয় করতে পারবেন।
৬. নেতার মধ্যে বুদ্ধিমত্তা এবং সমস্যা ও তার সমাধান সম্বন্ধে পরিজ্ঞান থাকতে হবে, যাতে তিনি পরিবেশ, পরিস্থিতি ও সমস্যার নানা দিক বিশ্লেষণ পূর্বক যথাযথ সিদ্ধান্ত নিতে পারেন।
৭. নেতাকে আদর্শস্থানীয় হতে হবে, যাতে তার স্বভাব-চরিত্র ও নীতি নৈতিকতা দেখে তার প্রতি শ্রদ্ধাবোধ জাগ্রত হয় এবং অনুসারীরা আদর্শচ্যুত হওয়ার দুঃসাহস না পায়। কেননা এরূপ নেতার নিকট আদর্শহীনতা প্রশ্রয় পাবে না।
৮. নেতা চরমপন্থী হবেন না, নিজস্ব মতামত চাপিয়ে দেয়ার জন্য গোঁ ধরবেন না বরং প্রয়োজনের তাগিদে মূল আদর্শ বহাল রেখে নীতি নির্ধারণ ও পদক্ষেপ গ্রহণের ক্ষেত্রে আপোষের মনোভাব নিয়ে চলবেন।

নেতার দায়িত্ব ও কর্তব্য

১. দলীয় সদস্যদের ঐক্য বজায় রাখা। যাতে দলীয় সদস্য ও সমাজ সভ্যগণ ঐক্যহীনতার ফলে বিপন্ন হয়ে না যায়।
২. নেতা তার কাজকে এগিয়ে নেয়ার জন্য কর্মীদেরকে কাজের অনুপ্রেরণা যোগাবেন এবং তাদের মনোবল বৃদ্ধি করবেন।
৩. নেতাকে বাস্তবমুখী কর্মসূচী প্রণয়ন করতে হবে, যাতে দল ও সমাজের আশা-আকাংখার প্রতিফলন ঘটে এবং পরিবেশ ও পরিস্থিতির সাথে অঙ্গতিপূর্ণ না হয়।
৪. নেতাকে শুধু প্রতিভার অধিকারী হলে চলবে না বরং সেই সাথে সাথে সযত্নে দায়িত্ব পালন করতে হবে।
৫. নেতাকে যোগ্য উত্তরসূরী গড়ে যেতে হবে, যেন তার অবর্তমানেও কাজের ধারা অক্ষুণ্ণ থাকে এবং অব্যাহত গতিতে এগিয়ে যেতে থাকে।
৬. নেতৃত্ব যেহেতু জনগণের আমানত, তাই নেতাকে জবাবদিহিতার চেতনা নিয়ে কাজ করতে হবে।
৭. বহুমুখী লোকদেরকে নিয়ে নেতাকে চলতে হয়, অনেক অবাস্তব ও উল্টাপাল্টা সমালোচনার সম্মুখীনও তাকে হতে হয়, নেতাকে তাই ধৈর্য ও সহনশীলতার সাথে এবং ক্ষমা সুন্দর দৃষ্টির সাথে চলতে হবে।

সামাজিক অপরাধ প্রতিকারের জন্য যা যা করণীয়

১. ইসলামী আইনে বিভিন্ন অপরাধের যে শাস্তি রয়েছে, যথাযথ কর্তৃপক্ষের মাধ্যমে তার যথার্থ প্রয়োগের ব্যবস্থা করতে হবে।
২. আইন মানার জন্য মানসিকতা গঠন করতে হবে এবং আইন মানার জন্য মানুষকে উদ্বুদ্ধ করতে হবে।
৩. জনসমক্ষে শাস্তি প্রয়োগ করতে হবে। যাতে অনুরূপ অপরাধ সংঘটনে জনগণের মনে ভীতির সঞ্চার হয় এবং এভাবে অপরাধ হ্রাস পেতে থাকে।
৪. তড়িৎ আইন প্রয়োগ করতে হবে। আইন প্রয়োগে বিলম্ব বা দীর্ঘসূত্রিতা অন্যান্য অনেক ক্ষতির পাশাপাশি অপরাধ বিরোধী চেতনা সৃষ্টির ক্ষেত্রে শাস্তির ভূমিকাকে হ্রাস করে দেয়।
৫. অপরাধীদেরকে সং ও ভাল মানুষের সাহচর্যে এবং নীতি-নৈতিকতার পরিবেশে রাখার ব্যবস্থা করতে হবে।

৬. অপরাধের ক্ষতিকর দিকগুলো তুলে ধরে অপরাধবিরোধী মানসিকতা গঠন করতে হবে।

৭. কেউ নেশা জাতীয় অপরাধে জড়িত হলে ক্রমান্বয়ে ধীরে ধীরে তার সে অভ্যাস ছাড়াতে হবে। এ সম্পর্কে বিস্তারিত জানার জন্য দেখুন ৬০২ পৃষ্ঠা।

বিঃ দ্রঃ সমাজনীতি অধ্যায়ে বর্ণিত বিষয়াবলীর দলীল প্রমাণ আমার রচিত ইসলামী মনোবিজ্ঞান গ্রন্থে সবিস্তারে বর্ণিত হয়েছে।

পঞ্চায়েত কোন সামাজিক অপরাধের কি শাস্তি দিতে পারেন

* শরী'আতে যেনা, চুরি, ডাকাতি ইত্যাদি বিভিন্ন অপরাধের বিভিন্ন শাস্তির বিধান রয়েছে, তবে আইনত : এই শাস্তি প্রয়োগ করতে পারে ইসলামী কাজী বা হাকিম। যেখানে ইসলামী আদালত নেই সেখানে পঞ্চায়েত বা বেসরকারীভাবে নির্বাচিত বিচারকমণ্ডলী শরী'আত নির্ধারিত শাস্তি প্রয়োগ করার অধিকার রাখেন না। তারা সমীচীন মনে করলে অপরাধীকে তম্বীহ স্বরূপ সমাজ থেকে এক ঘরে করে রাখতে পারেন অর্থাৎ, অপরাধীর সাথে ক্রয়-বিক্রয়, উঠা-বসা, চলা-ফেরা ও মেলা-মেশা বন্ধ রাখার শাস্তি প্রয়োগ করতে পারেন কিংবা তম্বীহ স্বরূপ কিছু চড় থাপ্পড় বা দু' চারটা বেত্রাঘাতও করতে পারেন। কিন্তু তারা শরী'আত নির্ধারিত শাস্তি ৮০/১০০ দৌররা মারা কিংবা রজম (প্রস্তুরাঘাত) করার অধিকার রাখেন না। (فتاوى دارالعلوم ج ১/ ১২)

* কোন অপরাধের কারণে আর্থিক জরিমানা করা জায়েয নয়। করলে সে অর্থ তাকে ফেরত দিতে হবে কিংবা তার মর্জি ও সন্তুষ্টি অনুযায়ী সে অর্থ ব্যয় করতে হবে। (فتاوى دارالعلوم ج ১/ ১২)

রাজনীতি ও রাষ্ট্রনীতি

রাজনীতি করা ও রাজনৈতিক দলে যোগ দেয়ার বিধান :

* দ্বীনের হেফাজত ও ইসলামী শাসন ব্যবস্থা সংরক্ষণের জন্য সাধ্য থাকলে ইসলামী খেলাফত স্থাপন তথা খলীফা/ইমাম/আমীরুল মু'মিনীন নিযুক্ত করা ফরযে কেফায়া। কোন খলীফা/ইমাম/আমীরুল মু'মিনীন না থাকলে আলেম, বুদ্ধিমান ও কর্তৃপক্ষীয় লোকগণ সাধ্য থাকলে অনতিবিলম্বে খলীফা নিযুক্ত করবেন এবং খলীফা হওয়ার যোগ্য কোন ব্যক্তি এ দায়িত্ব গ্রহণ করার

জন্য নিজেকে পেশ করবেন। কোন একজন খলীফা/ইমাম নিযুক্ত হয়ে গেলে সকলেই দায়িত্ব থেকে অব্যাহতি লাভ করবেন। আর কাউকেই দায়িত্বশীল না বানাতে সকলেই দায়ী হবেন। (শায়, الاحكام السلطانية والمدار الفتاوى ج ১/৮)

* ইসলামী খেলাফত প্রতিষ্ঠার মাধ্যম হিসেবে এবং ইসলামী খেলাফত প্রতিষ্ঠার উদ্দেশ্যে রাজনীতি করা হলে সেরূপ রাজনীতি করাও ফরযে কেফায়া হবে। অন্ততঃ কিছু লোক এ দায়িত্ব পালন না করলে সকলেই দায়ী থাকবেন। তবে রাজনীতি করতে গিয়ে নিজের দীন ও ঈমান বাঁচানো সম্ভব না হলে সেরূপ রাজনীতি থেকে বিরত থাকাই জরুরী। কেননা রাজনীতি মূল উদ্দেশ্য নয়- মূল উদ্দেশ্য হল দীন ও ঈমান আমল।

* আলেম নন-এরূপ লোকদের নেতৃত্বে পরিচালিত রাজনৈতিক দলগুলোর নেতৃত্বদের কর্তব্য হল উলামায়ে কেরাম থেকে দিক নির্দেশনা ও পরামর্শ গ্রহণ করে দলীয় কর্মকাণ্ড পরিচালনা করা এবং উলামায়ে কেরামের দায়িত্ব হলো তাদেরকে রাহনুমায়ী করা। তবে অন্যান্য নেতৃত্ব যদি উলামায়ে কেরামের রাহনুমায়ীতে পরিচালিত না হন সেরূপ ক্ষেত্রে সহীহ রাজনীতি করার জন্য বা-হিন্মত (সাহসী) উলামায়ে কেরামকে এগিয়ে আসতে হবে।

(عظیم الامت حضرت تھانویؒ کے سیاسی افکار والعلم والعلماء)

* যে সব রাজনৈতিক দল ইসলামী খেলাফত প্রতিষ্ঠার জন্য নয় বরং ক্ষমতার মোহে বা পার্থিব কোন স্বার্থে কিংবা কুফর প্রতিষ্ঠার জন্য পরিচালিত হয় তাতে যোগদান করা বা তাদের সহযোগিতা করা জায়েয নয়।

হরতাল ও অবরোধ সম্পর্কিত বিধি-বিধানঃ

* হরতাল ও অবরোধ ডাকা জায়েয কি না, এ সম্পর্কে সাম্প্রতিক কালের উলামায়ে কেরামের মধ্যে দুটো মত লক্ষ্য করা যায়। কেউ কেউ শর্ত সাপেক্ষে হরতাল অবরোধ ডাকা জায়েয বলতে চান। তাদের বক্তব্য হলঃ জনগণ যদি স্বতঃস্ফূর্তভাবে হরতাল অবরোধ পালন করে এবং অবরোধ পালন করার সময় কারও জান-মালের ক্ষতি সাধন করা না হয়, তাহলে এরূপ হরতাল অবরোধ ডাকা অবৈধ হওয়ার কোন কারণ নেই।

উলামায়ে কেরামের অপর একপক্ষ হরতাল অবরোধ ডাকা জায়েয নয় বলে মত পোষণ করেন। তারা বলেন, সাধারণতঃ নির্দিষ্ট কোন হরতাল অবরোধের ব্যাপারে সমস্ত জনগণ একমত হয় না এবং একমত না হওয়া সত্ত্বেও জানমাল ও ইজ্জত আত্মার ভয়ে হরতাল পালন করতে হয় অর্থাৎ,

অনিচ্ছা সত্ত্বেও গাড়ী ঘোড়া, দোকান-পাঠ ও যানবাহন বন্ধ রাখতে হয় এবং এতে করে বহু লোকের আয় উপার্জন বন্ধ থাকায় তাদেরকে আর্থিক ক্ষতির সম্মুখীন হতে হয়। এভাবে কাউকে ক্ষতিগ্রস্ত করা যেহেতু জায়েয নয়, অতএব যে হরতালের কারণে এটা হয় তাও অনিবার্য কারণেই নাজায়েয হবে।

আমাদের সমাজে হরতাল অবরোধের ডাক দেয়া হলে স্বাভাবিক ভাবেই জোর পূর্বক সকলকে হরতাল মানতে বাধ্য করা হয়, অন্যথায় জান-মাল ও ইজ্জত আক্ৰম ক্ষতির সম্মুখীন হতে হয়, জ্বালাও পোড়াও এবং ভাঙ্গচূরের সম্মুখীন হতে হয়। এ হল সমাজের প্রচলিত অবস্থা। আর ফতওয়া হয়ে থাকে প্রচলিত অবস্থার আলোকেই। অতএব ফতওয়ার নীতি হিসেবে হরতাল অবরোধ সম্পর্কে শেযোক্ত মতটিই গ্রহণযোগ্য বলে মনে হয়। (والله اعلم بالصواب)

* হরতালের সময় কারও জান-মালের ক্ষতি সাধন করা বা ইজ্জত আক্ৰম হানি করা হারাম ও কবীরা গোনাহ।

* জোরপূর্বক কাউকে হরতাল মানতে বাধ্য করা বা অবরোধ করা তার স্বাধীনতায় হস্তক্ষেপ করার নামান্তর। আর এভাবে কারও স্বাধীনতায় হস্তক্ষেপ করা জায়েয নয়। অন্যায় করবে একজন, আর সেই অন্যায়ের প্রতিবাদের নামে অন্যকে ক্ষতিগ্রস্ত করা হবে, এটা শরী'আতের নীতি হতে পারে না।

অনশন ধর্মঘট প্রসঙ্গ :

* রাজনৈতিক কর্মসূচী হিসেবে হোক বা এমনিতেই কোন দাবী-দাওয়া আদায়ের উদ্দেশ্যে হোক, অনশন ধর্মঘট করা শরী'আত সম্মত নয়। অনশন ধর্মঘট আরহত্যার সমার্থবোধক। এভাবে মৃত্যু হলে হারাম মৃত্যু হবে এবং আরহত্যার পাপ হবে। (حكيم الامت حضرت تھانوی کے سیاسی انکار)

সরকারের আনুগত্য বা সরকার উৎখাতের

আন্দোলন সম্পর্কে বিধি-বিধান :

* যতক্ষণ পর্যন্ত সরকার/রাষ্ট্রপ্রধান কোন পাপ কাজের জন্য বাধ্য না করে ততক্ষণ পর্যন্ত তার আনুগত্য করা ওয়াজিব। কোন পাপ কাজে তার আনুগত্য করা যাবে না।

* সরকার/রাষ্ট্রপ্রধান কোন পাপ কাজের জন্য জনগণকে বাধ্য না করলে তাকে উৎখাতের জন্য আন্দোলন করা বৈধ নয়। তবে ধর্মের প্রতি তাচ্ছিল্য এবং পাপ প্রীতির কারণে কোন পাপ কাজের জন্য বাধ্য করলে তাকে

উৎখাতের জন্য আন্দোলন করা বৈধ এই শর্তে যে, উৎখাতকারীগণ সরকার/রাষ্ট্রপ্রধানকে উৎখাত করার পর দেশ ও দেশের শাসন ব্যবস্থাকে সুসংহত রাখতে সক্ষম হবেন। (حضرت تھانویؒ کے سیاسی انکار وغیرہ)

বিবদমান পক্ষসমূহের যা যা করণীয় ও যা যা বর্জনীয় :

* মানুষে মানুষে বা দলে দলের মধ্যে মতানৈক্য, মত বিরোধ বা বিবাদ প্রায়শঃই ঘটে থাকে এবং সাধারণতঃ এরূপ ক্ষেত্রে প্রত্যেক পক্ষই কিছু বাড়াবাড়ি করে ফেলেন ও ব্যালেন্স হারিয়ে বসেন। ফলে যা করার তা বর্জন করেন এবং যা বর্জন করার তা করে বসেন। এ জাতীয় ক্ষেত্রে প্রত্যেক পক্ষেরই নিম্নোক্ত বিষয়গুলো মান্য করা উচিত-

১. প্রতিপক্ষের বক্তব্য, তাদের যুক্তি প্রমাণ ও তাদের অবস্থানকে সত্যিকারভাবে না বুঝেই তাদের প্রতি বদগোমামী করা অন্যায়। এরূপ না করা উচিত।
২. এরূপ ক্ষেত্রে অনেক কথাই সত্য মিথ্যা মিশ্রিত হয়ে বা অতিরঞ্জিত হয়ে কানে এসে থাকে। তাই নির্ভরযোগ্য মাধ্যম ছাড়া কোন কিছু কানে আসলে তাহকীক তদন্ত করা ব্যতীত তা বিশ্বাস না করা উচিত এবং তাহকীক তদন্ত ব্যতীত সে ব্যাপারে মুখ খোলা অনুচিত। অন্যথায় অনেক সময় পরবর্তীতে অনুতপ্ত হতে হয়।
৩. প্রতিপক্ষের সমালোচনা ও প্রতিপক্ষের ব্যাপারে মন্তব্য করতে গিয়ে ব্যালেন্স রক্ষা করে চলা উচিত- লাগামহীন হওয়া ঠিক নয়। যাতে পরবর্তীতে দুপক্ষের মধ্যে মিল মহব্বত হয়ে গেলে অতীতের কর্মকাণ্ড বা অতীতের অতিরঞ্জিত বক্তব্য স্মরণ করে লজ্জিত হতে না হয়। জবান সংযত না রাখা অনেক ক্ষেত্রেই পরবর্তীতে লজ্জিত হওয়ার কারণ ঘটে।
৪. প্রতিপক্ষের ভালকে ভাল বলার উদারতা থাকা চাই। তাদের ভালকেও বিকৃত করে দেখা উচিত নয়।
৫. অন্য যে কেউ কোন দোষ করলে সেটার জন্য প্রতিপক্ষকে অভিযুক্ত করে তাদেরকে ঘায়েল করার অপচেষ্টা একটা জঘন্য মনোবৃত্তি এবং মিথ্যাচারের শামিল বিধায় তা মহাপাপ।
৬. এরূপ ক্ষেত্রে দেখা যায়, একপক্ষের সকলেই অন্যপক্ষের সকলের ব্যাপারে সমালোচনায় মুখর হয়ে উঠেন এবং প্রতিপক্ষের সকলের ব্যাপারে বেধড়ক মন্তব্য শুরু করেন। এটা লক্ষ্য করা হয় না যে, আমি প্রতিপক্ষের যার ব্যাপারে মুখ খুলছি তিনি আমার চেয়ে জ্ঞানে, গুণে, আমল আখলাকে

অনেক উর্ধ্বে, আমি তার সমপর্যায়ের নই। অতএব তার ব্যাপারে আমার মুখ খোলা শোভা পায় না। তার ব্যাপারে তিনিই মুখ খুলতে পারেন যিনি তার সমপর্যায়ের। তবে হ্যাঁ স্পষ্টতঃই কেউ কোন অন্যায় করলে তার বিরোধিতা করতে হবে, তাই তিনি বড়ই হোন না কেন। তবে তিনি উত্তাদ/গুরুজন হলে এবং বিরোধিতা করার প্রয়োজন হলে আদব রক্ষাপূর্বক বিরোধিতা করতে হবে।

বিবাদ নিরসন ও ঐক্য সংহতি সৃষ্টির জন্য যা যা করণীয় :

* কয়েকজন বা কয়েক পক্ষের মধ্যে মতবিরোধ দেখা দিলে সে ক্ষেত্রে কেউ বা কোন পক্ষ যদি স্পষ্টতঃ কুরআন সুন্নাহ-র উপর এবং ন্যায়ের উপর আর অন্যজন বা অন্যপক্ষ স্পষ্টতঃ কুরআন সুন্নাহ-র বিপক্ষে এবং অন্যায়ে থাকেন, তাহলে তাদের মধ্যে ঐক্য সংহতি সৃষ্টির একটাই মাত্র পদ্ধতি, আর তা হল যিনি বা যে পক্ষ কুরআন সুন্নাহ-র বিরুদ্ধে রয়েছেন। তিনি বা সে পক্ষ নিজের মত পরিত্যাগ করে কুরআন-সুন্নাহকে গ্রহণ করবেন। আর মতবিরোধ যদি ইজতিহাদগত বিষয়কে কেন্দ্র করে বা পারস্পরিক ভুল বুঝাবুঝির দরুণ হয়ে থাকে, তাহলে সেরূপ ক্ষেত্রে পারস্পরিক ঐক্য সংহতি সৃষ্টির জন্য নিম্নোক্ত পদ্ধতিসমূহ গ্রহণ করতে হবে।

১. উভয়পক্ষকেই তাওয়াযু' বা বিনয় অবলম্বন করতে হবে এবং অহংকার বর্জন করতে হবে। অন্যথায় নিজের মত পরিত্যাগ করা সম্ভব হবে না এবং ঐক্যও সৃষ্টি হবে না। কোন এক পক্ষ যদি গোঁ ধরেন বা অন্যের মত মেনে নিতে তার অহংকার বাঁধা হয়ে দাঁড়ায়, তাহলে তাদের মধ্যে ঐক্য সৃষ্টি হতে পারে না।

২. বিবাদমান লোক বা পক্ষসমূহের মধ্যে আপোষ ও ঐক্য সৃষ্টি করে দেয়ার জন্য উভয় পক্ষের নিকট গ্রহণযোগ্য একজন যোগ্য সালিশ বা তৃতীয় ব্যক্তিকে নিযুক্ত করতে হবে, যিনি সকল পক্ষের বক্তব্য, সকল পক্ষের দলীল যুক্তি শুনবেন এবং সকল পক্ষের প্রকৃত অবস্থান অনুধাবন করবেন, তারপর যে পক্ষের অবস্থানকে অধিকতর সঠিক মনে করবেন তাদের অনুকূলে অন্যপক্ষকে মানার জন্য উদ্বুদ্ধ করবেন এবং সে পক্ষ তা মেনে নিবে।

৩. উভয়পক্ষের মধ্যে যে বিষয় নিয়ে কোন বিরোধ নেই তাকে কেন্দ্র করে ঐক্য গড়ে উঠতে পারে, যদি তাতে শরী'আতের বিধিবদ্ধ কোন বিষয় পরিত্যাগ করা অপরিহার্য হয়ে না দাঁড়ায়। (الاعتماد في مراتب الرجال وغيره)

নির্বাচনে পদপ্রার্থী হওয়া সম্পর্কে শরীয়তের বিধান :

* সাধারণ ভাবে নির্বাচনে পদপ্রার্থী হওয়া বা কোন পদের জন্য নিজে দাঁড়ানো জায়েয নয়-মাকরুহ। তবে নিম্নোক্ত শর্তাবলী সাপেক্ষে বিশেষ কোন পদ চাওয়া ও তার জন্য নিজেকে পেশ করা জায়েয। শর্তগুলো এই :

১. যদি বিশেষ কোন পদ সম্পর্কে জানা থাকে যে, অন্য কোন ব্যক্তি এর সুষ্ঠু ব্যবস্থা করতে সক্ষম হবে না এবং নিজে ভালরূপে তা সম্পাদন করতে পারবে বলে দৃঢ় আশ্বিনাস থাকে।

২. যদি উক্ত পদে গিয়ে কোন গোনাহে লিপ্ত হওয়ার আশংকা না থাকে।

৩. যদি প্রভাব-প্রতিপত্তি ও অর্থকড়ির মোহে না হয় বরং জনগণের বিশুদ্ধ সেবা ও ইনসাফের সাথে তাদের অধিকার সংরক্ষণের উদ্দেশ্যে পদ চাওয়া হয়।

বিঃ দ্রঃ মানুষের উচিত যোগ্য ও সৎলোক জানা থাকলে তাকে ডেকে এনে পদ দান করা।

(صاف القرآن) ও ভোট সম্পর্কে শরীআতের নির্দেশ গ্রন্থ থেকে গৃহীত।)

ভোটের ক্যানভাস ও নির্বাচনী প্রচারকার্য সম্পর্কে বিধি-বিধান :

* অসৎ ও অবিশ্বস্ত লোক এবং যাদের জন্য পদপ্রার্থী হওয়া বৈধ নয় তাদের পক্ষে কারও থেকে ভোট দেয়ার ওয়াদা বা প্রতিশ্রুতি নেয়া দুরন্ত নয়। এরূপ ওয়াদা বা প্রতিশ্রুতি দেয়াও উচিত নয়। ভুলবশতঃ বা লজ্জায় পড়ে বা চাপের মুখে ওয়াদা দিয়ে থাকলেও সে ওয়াদা পালন করা উচিত নয়। তবে দেশের কোন স্বীনদার ও প্রভাবশালী ব্যক্তি যদি তার ভোট কোন যোগ্য ও বিশ্বস্ত লোককে দেয়ার কথা প্রকাশ করেন এবং তার অনুসরণ করে অন্য লোকও সেদিকে ঝুঁকে পড়ে, তাহলে এরূপ ক্ষেত্রে যোগ্য ও বিশ্বস্ত লোককে ভোট দেয়ার জন্য মত প্রকাশ করা উচিত।

* মিথ্যা সাক্ষ্য দেয়া হারাম ও গোনাহে কবীরা। অতএব অযোগ্য ও অসৎ প্রার্থীর পক্ষে প্রচার করতে গিয়ে তাকে যোগ্য ও সৎ বলে প্রচার করা মিথ্যা সাক্ষ্য দেয়ার শামিল হিসেবে গোনাহে কবীরা ও হারাম।

* জালেম ও ফাসেকের প্রশংসা করা গোনাহে কবীরা এবং পাপ কাজে উদ্বুদ্ধ করা গোনাহে কবীরা। অতএব নির্বাচন প্রার্থী যদি ফাসেক বা জালেম হয়, তাহলে প্রচারকালে তার প্রশংসা করাও গোনাহে কবীরা হবে। প্রার্থী যদি এমন হয় যাকে ভোট দেয়া অন্যায়, তাহলে তার পক্ষে প্রচার করাও অন্যায় কাজে উদ্বুদ্ধ করার শামিল এবং গোনাহে কবীরা হবে।

* নিজের প্রশংসা নিজে করা গোনাহে কবীরা। অতএব নির্বাচনী প্রচারকালে নিজের প্রশংসা নিজে করলে গোনাহে কবীরা হবে। তবে কারও অন্যায় অভিযোগ থেকে নিজেকে নির্দোষ প্রমাণ করে নিজের সঠিক অবস্থানকে মানুষের সামনে তুলে ধরার উদ্দেশ্যে বা মানুষকে ভাল কাজের প্রতি উদ্বুদ্ধ করার প্রয়োজনে যদি নিজের কোন ভাল বিষয়কে তুলে ধরা হয় তাহলে তার অনুমতি রয়েছে।

* নির্বাচনী প্রচার উপলক্ষে বক্তৃতা বিবৃতি দিতে গিয়ে প্রায়শঃই অন্য প্রার্থীদের দোষ চর্চা বা গীবত করা হয়ে থাকে। মনে রাখতে হবে রাজনৈতিক দোষ চর্চাও গীবতের অন্তর্ভুক্ত এবং গীবত করা হারাম ও কবীরা গোনাহ। তবে সত্যি সত্যিই কেউ যদি কাউকে হেয় করার উদ্দেশ্যে বা কাউকে হেয় করে নিজেকে বড় করে দেখানোর বা অহংকার প্রদর্শনের উদ্দেশ্যে নয় বরং মানুষকে কারও সম্পর্কে সতর্ক করার উদ্দেশ্যে তার সামনে অন্যের দোষের কথা আলোচনা করে, তাতে পাপ হবে না। তবে মনে রাখতে হবে, মনের গোপনতম কথাও আল্লাহ জানেন-আল্লাহর কাছে কোন লুকোচুরি চলবে না।

ভোট প্রদান সম্পর্কে শরী'আতের বিধান :

১. যদি ইসলামের দাবী এবং জনগণের ন্যায্য দাবী পেশ করার বিশ্বস্ত, যোগ্য একজন মাত্র লোক থাকেন এবং তিনি কোন অনৈসলামিক দলভুক্ত না হন, তাহলে তাকে প্রতিনিধিত্বের পদে বরণ করে নেয়ার জন্য ভোট দেয়া ওয়াজিব।
২. যদি অনুরূপ একাধিক ব্যক্তি পাওয়া যায়, তাহলে যিনি অধিক ইসলাম দরদী, অধিক গরীব দরদী হবেন তাকে সমর্থন করা মোস্তাহাব।
৩. অরীয়তার খাতিরে বা দলপুষ্টির খাতিরে বা দেশী খেশী হওয়ার খাতিরে অযোগ্য, অসৎ বা দুর্নীতি পরায়ণ বা ধর্মদ্রোহীকে প্রতিনিধিত্বের পদের জন্য ভোট দেয়া মহাপাপ-হারাম।
৪. যদি কেউ একবার অবিশ্বস্ত প্রমাণিত হয়ে থাকে অথচ আগামীতে বিশ্বস্ত দলভুক্ত হয়ে বিশ্বস্ত থাকার অঙ্গীকার করে এবং তার চেয়ে অধিক বিশ্বস্ত লোক পাওয়া না যায় তাহলে তাকে ভোট দেয়া মাকরুহ।
৫. যদি কারও অবিশ্বস্ত হওয়া প্রমাণিত না হয়ে থাকে অথচ সে বিশ্বস্ত থাকার অঙ্গীকার করে এবং তার চেয়ে অধিক বিশ্বস্ত বলে প্রমাণিত লোক মওজুদ না থাকে, তাহলে তাকে ভোট দেয়া মোবাহ।

৬. অসৎ, অবিশ্বস্ত লোককে ভোট দেয়ার জন্য প্রতিশ্রুতি দেয়া উচিত নয়। ভুলবশতঃ বা লজ্জায় পড়ে বা চাপে পড়ে প্রতিশ্রুতি দিয়ে থাকলেও সে প্রতিশ্রুতি পালন করা উচিত নয়।
৭. যারা ভোটপ্রার্থী হয়েছে তাদের মধ্যে যদি কাউকে বিশ্বস্ত, ধার্মিক ও সৎকর্মী বলে অনুমিত না হয় এবং ইসলাম ও কুফরের মোকাবিলা না হয় তাহলে কাউকেই ভোট না দিয়ে ভোট প্রদান থেকে বিরত থাকা উচিত। ভোটটাকে কেন নষ্ট করব? এই যুক্তিতে অপাত্রে ভোট দেয়া উচিত নয়। কেননা এরূপ ক্ষেত্রে ভোট না দিলে পাপ হবে না, পক্ষান্তরে সে ভোটের দ্বারা জয়ী হয়ে গেলে সে জনগণের রক্ত শোষণ, ইসলামী শরী'আতের বিরুদ্ধে ভোট দিয়ে আইন পাশ ইত্যাদি করে যত পাপ অর্জন করবে, তাকে ভোট প্রদানকারীগণও সে পাপের অংশীদার হবে।
৮. ইসলামের পক্ষ থেকে দাবী তুলে ধরার মত যোগ্য প্রার্থী আছে, কিন্তু তার একার কথায় কোন কাজ হবে না এ কথাও জানা আছে, এরূপ ক্ষেত্রেও তাকে সমর্থন করতে হবে, সে জয়ী হতে পারবে না- মনে হলেও। হকের সমর্থনের স্বার্থে, হকের আওয়াজ যেন মরে না যায় এ স্বার্থে তাকে সমর্থন করতে হবে। তার বিপক্ষে যাওয়া হারাম হবে।
৯. কোন প্রার্থী যদি এমন হন যিনি ব্যক্তিগত ভাবে সৎ ও দীনদার, কিন্তু তিনি এমন একটি দলের অন্তর্ভুক্ত হয়েছেন, যে দল ইসলাম বিরোধী আইন পাশ করেছে বা করার প্রবল আশংকা আছে, যেহেতু তাদের দলে শরী'আত মান্যতার কোন বাধ্যবাধকতা নেই বা শরী'আত বিরোধিতারও কোন নিষেধ নেই, এরূপ সৎ লোককেও ভোট দেয়া জায়েয নয়।
১০. যারা সাধারণতঃ ভোট আদায়ের সময় টাকা পয়সা ছড়িয়ে, দাওয়াত যিয়াফত খাইয়ে, স্কুল মসজিদ মাদ্রাসায় দান সাহায্য করে ভোট আদায় করে থাকে, তারা সাধারণতঃ যত টাকা ব্যয় করে তার চেয়ে বেশীগুণ জাতীয় সম্পদ খেয়ানত করে আদায় করার উদ্দেশ্যে করে থাকে, এরূপ প্রার্থীকে সমর্থন করা জায়েয নয়। এরূপ ক্ষেত্রে সমর্থনকারীগণ আমানতের খেয়ানতকারীদের দলভুক্ত হবে এবং পাপী হবে।
- (হযরত মাওলানা শামসুল হক ফরীদপুরী রচিত “ভোটারের দায়িত্ব ও ভোট সম্পর্কে শরীয়তের নির্দেশ” গ্রন্থ থেকে গৃহীত।)

খলীফা/রাষ্ট্র প্রধানের দায়িত্ব ও কর্তব্য

খলীফা/রাষ্ট্রপ্রধানের দায়িত্ব ও কর্তব্য মৌলিকভাবে দশটি যথাঃ

১. শরী‘আতের প্রতিষ্ঠিত নীতি ও পূর্বসূরীদের ঐক্যমত অনুসারে দ্বীনের হেফাজত করা, বিদআত প্রতিহত করা, ফরয ওয়াজিবের উপর মানুষকে টিকিয়ে রাখা ও নিষিদ্ধ বিষয় থেকে সকলকে দূরে রাখা।
২. বিবদমান লোকদের মধ্যে ইনসাফের সাথে ফয়সালা করে দেয়া।
৩. রাষ্ট্রের সংরক্ষণ করা এবং মানুষের জান-মালের নিরাপত্তা বিধান করা।
৪. রাষ্ট্রের সীমানা সংরক্ষণ করা এবং সীমান্ত প্রহরার ব্যবস্থা করা, যাতে সীমান্তের বাইরে থেকে কেউ অনুপ্রবেশ করে দেশের লোকদের জান-মালের ক্ষতিসাধন করতে না পারে।
৫. শরী‘আত নির্ধারিত হুদূদ বা শাস্তির বিধানাবলী যথাযথভাবে প্রয়োগ করা।
৬. ইসলামের দাওয়াত প্রদান করা। দাওয়াত গ্রহণ না করলে ইসলামের জেহাদের নীতি অনুসারে জেহাদ পরিচালনা করা।
৭. কোনরূপ জুলুম অবিচার না করে শরী‘আতের বিধান ও ফেকাহর মাসায়েল অনুসারে খারাজ (রাজস্ব/খাজনা/ট্যাক্স) ও যাকাত উসূল করা।
৮. বায়তুল মাল বা রাষ্ট্রীয় কোষাগার থেকে বেতন ভাতা নির্ধারণ করা এবং যথাযথভাবে (প্রয়োজনের চেয়ে কমও নয় বেশীও নয়) নির্দিষ্ট সময়ে তা পরিশোধ করা।
৯. দ্বীনদার, আমানতদার, যোগ্য ও নির্ভরযোগ্য লোকদেরকে মন্ত্রী, গভর্নর, প্রতিনিধি ইত্যাদি দায়িত্বশীল পদে নিযুক্ত করা।
১০. নিজে সমস্ত রাজ্যের সবকিছুর তত্ত্বাবধান করা এবং খোঁজ-খবর রাখা।

(الاحكام السلطانية থেকে গৃহীত।)

কোন পদে লোক নিয়োগের নীতিমালা

কোন পদে লোক নিয়োগের ক্ষেত্রে প্রধানতঃ যে যে নীতিমালা রয়েছে তা নিম্নরূপ :

১. যে পদের জন্য লোক নিয়োগ করা হবে, সে পদের দায়িত্ব পালন করার মত প্রয়োজনীয় জ্ঞান ও বিদ্যা তার মধ্যে থাকতে হবে।
২. যাকে যে পদের জন্য নিয়োগ করা হবে তার মধ্যে উক্ত পদের দায়িত্ব পালন করার মত আমানতদারী ও সততা থাকতে হবে।
৩. উক্ত পদের জন্য যে সব শর্ত ও যোগ্যতার প্রয়োজন রয়েছে তার মধ্যে সেসব শর্ত ও যোগ্যতা বিদ্যমান থাকতে হবে। যেমন কোন কোন পদের

জন্য পুরুষ হওয়া শর্ত, কোন কোন পদের জন্য আলেম হওয়া শর্ত, কোন কোন পদের জন্য বিচক্ষণতা ও ইজতেহাদের ক্ষমতা থাকা আবশ্যিক ইত্যাদি।

৪. শ্রমের সময়, পারিশ্রমিক ও বেতন-ভাতা ইত্যাদি নির্ধারিত হওয়া আবশ্যিক।
৫. চাকুরি এক ধরনের লেন-দেন, অতএব বাকীতে লেনদেনের বিষয়ের ন্যায় চাকুরি সংক্রান্ত বিষয়েরও একটি লিখিত চুক্তিনামা থাকা উত্তম।
৬. যোগ্যতা ও শর্তাবলী পূরণ হওয়ার ভিত্তিতে কোন আপনজন বা আরীয়েকে নিয়োগ প্রদান করা স্বজনপ্রীতি ও অন্যায় নয়। যোগ্যতা ও শর্তাবলীর দিকটাকে উপেক্ষা করে নিছক আরীয়তার বা আপনজন হওয়ার ভিত্তিতে নিয়োগ দেয়া অন্যায়।

(১। الاحكام السلطانية و معارف القرآن) প্রভৃতি থেকে গৃহীত।

অমুসলিম রাষ্ট্রে সরকারী পদ গ্রহণ সম্পর্কে বিধান

* কারও অধীনে পদ গ্রহণ করা তাকে সাহায্য সহযোগিতা করারই নামান্তর। আর অমুসলিমকে যেহেতু সাহায্য সহযোগিতা করা অবৈধ, তাই সাধারণ ভাবে অমুসলিম/কাফের সরকারের অধীনে সরকারী পদ গ্রহণ করা জায়েয নয়। তবে নিম্নোক্ত শর্তাবলী পাওয়া গেলে অমুসলিম/কাফের সরকারের অধীনে সরকারী পদ গ্রহণ করা জায়েয :

১. যদি এমন হয় যে, উক্ত পদ গ্রহণ না করলে জনগণের অধিকার খর্ব হওয়ার অথবা নিজের অত্যাচার উৎপীড়নের শিকার হওয়ার আশংকা রয়েছে আর উক্ত সরকারকে উৎখাত করারও ক্ষমতা নেই।
২. যদি এরূপ বোঝা যায় যে, সে সরকার তাকে শরী'আত বিরোধী কোন আইন জারী করতে বা মান্য করতে বাধ্য করবে না।

জেহাদ প্রসঙ্গ

জেহাদের সংজ্ঞাঃ

কাফেরদেরকে সত্য দ্বীনের দিকে আহ্বান করতে হবে, না মানলে তাদেরকে জিয্যা কর দিতে সম্মত করতে হবে। যদি তারা এতে অসম্মত হয় এবং তাদের সাথে শান্তি চুক্তি না থাকে, তাহলে শান্তি প্রতিষ্ঠা ও নিরপদ্রব ইসলামী কার্যক্রম পরিচালনার স্বার্থে লড়াই করে তাদেরকে অবদমিত করতে হবে। সাধারণ ভাবে একে বলা হয় 'জেহাদ'। (كشاف اصطلاحات و قواعد الفقه) প্রভৃতি অবলম্বনে)

জেহাদের উদ্দেশ্যঃ

জেহাদের উদ্দেশ্য এ'লায়ে কালিমা তুল্লাহ (إعلاء كلمة الله) অর্থাৎ, আল্লাহর দীনকে বুলন্দ করা তথা ইসলাম ধর্মের পক্ষে বাঁধাকে অপসারণ করা।

কাদের বিরুদ্ধে জেহাদ হয়ঃ

১. কাফের শক্তির বিরুদ্ধে জেহাদ হবে; যদি তারা মুসলমানদের বশ্যতা স্বীকার করে জিয়্যা কর দিতে প্রস্তুত না হয়। তবে কোন কাফের শক্তি বা কোন কাফের রাষ্ট্রের সাথে শান্তি চুক্তিতে আবদ্ধ হলে চুক্তির মেয়াদ শেষ না হওয়া পর্যন্ত বা প্রতিপক্ষ কর্তৃক চুক্তি লংঘন না করা পর্যন্ত জেহাদ মূলত বি থাকবে। কোন কাফের ব্যক্তি/গোষ্ঠি মুসলিম রাষ্ট্রের নিয়মতান্ত্রিক নাগরিক হলে বা ভিসা গহণ পূর্বক কোন মুসলিম রাষ্ট্রে অবস্থান করলে তাদের বিরুদ্ধে জেহাদ চলবে না।
২. কোন মুসলমান গোষ্ঠি সম্মিলিতভাবে নামায পড়তে বা যাকাত দিতে অস্বীকার করলে তাদের বিরুদ্ধে জেহাদ হবে।
৩. কোন মুসলমান গোষ্ঠি ইসলামের কোন শে'আর (বৈশিষ্ট্য) সম্মিলিত ভাবে বর্জন করলে তাদের বিরুদ্ধে জেহাদ হবে। যেমন কোন গোষ্ঠি সম্মিলিত-ভাবে আযান প্রদান বন্ধ করলে তাদের বিরুদ্ধে জেহাদ হবে।
৪. ইসলামী রাষ্ট্রের বিরুদ্ধে বাগাওয়াত বা বিদ্রোহ করলে বিদ্রোহকারীদের বিরুদ্ধে জেহাদ হবে। (انعام الباری. نفی عثمانی)

জেহাদের হুকুমঃ

সাধারণভাবে জেহাদ করা ফরযে কেফায়া। অর্থাৎ, কিছু লোক জেহাদের দায়িত্ব পালন করলে সকলে দায়িত্ব থেকে অব্যাহতি লাভ করবে। তবে কখনও (বহিঃশক্তি কর্তৃক মুসলিম রাষ্ট্র আক্রান্ত হলে বা আক্রান্ত হওয়ার প্রবল সম্ভাবনা দেখা দিলে খলীফা তথা ইসলামী রাষ্ট্র প্রধান কর্তৃক) জেহাদের সাধারণ ডাক দেয়া হলে তখন জেহাদ ফরযে আইন হয়ে দাঁড়ায়। তখন সকল আকেল বালেগ সক্ষম পুরুষদের উপর জেহাদের আহবানে সাড়া দেয়া ফরযে আইন হয়ে দাঁড়ায়। (شرعة الاسلام وشرحه مفتاح الجنان)

জেহাদের শর্তঃ

১. পরিবার সন্তানাদি ও মাতা-পিতার খেদমতের প্রয়োজন থেকে ফারোগ না হলে জেহাদে বের হবেনা। (شرعة الاسلام)
২. (প্রতিপক্ষ অমুসলিম হলে তাদেরকে) ইসলামের দিকে আহবান না জানিয়ে জেহাদ শুরু করবেনা। (شرعة الاسلام)

জেহাদের সুন্নাত ও আদবসমূহঃ

১. প্রথমে ইবাদত-বন্দেগীতে নিজের নফসের সাথে মুজাহাদা করা তারপর শত্রুর সাথে ময়দানে অবতীর্ণ হওয়া।
২. তীরন্দাজী শিক্ষা করা (অর্থাৎ, অস্ত্র প্রশিক্ষণ গ্রহণ করা)।
৩. বৃহস্পতিবার জেহাদে বের হওয়া মোস্তাহাব।
৪. জেহাদে বের হওয়ার পর যাবতীয় কষ্ট-ক্লেশকে ছাড়িয়ে মনে করা।
৫. যুদ্ধ তথা হত্যা হত্যার ব্যাপারে অত্যধিক আগ্রহী না থাকা। বরং আল্লাহর কাছে শান্তি কামনা করা। কেননা যুদ্ধ বিপদজনক। তবে শত্রু মোকাবেলায় দাঁড়িয়ে গেলে অবিচলতার সাথে মোকাবেলা চালিয়ে যাওয়া এবং শাহাদাতের তামান্না (আকাংখা) রাখা।
৬. শত্রুর মোকাবেলায় স্থিরপদ থাকা ও সঙ্গের বিরুদ্ধে সাহায্য পাওয়ার ব্যাপারে আল্লাহর কাছে দুআ করা।
৭. যুদ্ধের সময় বেশী বেশী যিকির করতে থাকা।
৮. যুদ্ধের সময় স্ত্রী পুত্র পরিজন, ধন-সম্পদ ও বাড়ি ঘরের কথা স্মরণ করা থেকে বিরত থাকা।
৯. মনের মধ্যে এই চিন্তা জাগরুক রাখা যে, নির্ধারিত সময়ের পূর্বে কারও মৃত্যু বা অন্য কোন বিপদ ঘটেনা। আল্লাহ তাআলা ইরশাদ করেনঃ

قُلْ لَنْ يُصِيبَنَا إِلَّا مَا كَتَبَ اللَّهُ لَنَا

অর্থাৎ, হে নবী! তুমি বলে দাও, আল্লাহ আমাদের জন্য যা নির্ধারিত করে রেখেছেন, তার বাইরে আমাদের আদৌ কোন কোন বিপদ ঘটবেনা। (সূরা তাওবাঃ ৫০)

১০. জেহাদের ইমাম (সেনাপতি/আমীর) মুজাহিদদেরকে বিভিন্ন অনুমোদিত কৌশলে জেহাদের প্রতি উদ্বুদ্ধ করবে।

(انعام البارئ ও مفتاح الجنان , شرعة الاسلام)

কয়েকটি বিশেষ রাষ্ট্রনীতি

* অন্যান্য ক্ষেত্রের ন্যায় রাষ্ট্রনীতিতেও মিথ্যা এবং ধোকার আশ্রয় গ্রহণ করা হারাম।

* ইসলাম সরকার-নির্বাচনের জন্য কোন পদ্ধতি নির্দিষ্ট করে দেয়নি। তবে হযরত রাসূল সাল্লাল্লাহু আলাইহি ওয়াসাল্লাম ও খোলাফায়ে রাশেদীনের আমল থেকে কয়েকটি নমুনা পাওয়া যায়। যথা :

১. খলীফা/রাষ্ট্রপ্রধান পরবর্তী খলীফা/রাষ্ট্রপ্রধান নির্বাচনের বিষয়টি উম্মতের উপর ছেড়ে দিয়ে যাবেন। যেমন হযরত আবু বকর সিদ্দীক (রাঃ)-এর ক্ষেত্রে করা হয়েছিল।
২. খলীফা/রাষ্ট্রপ্রধান পরবর্তী খলীফা/রাষ্ট্রপ্রধান নির্বাচনের জন্য নির্দিষ্ট নির্বাচকমণ্ডলী নির্ধারণ করে যাবেন। যেমন হযরত ওমর (রাঃ) করে গিয়ে ছিলেন।
৩. খলীফা/রাষ্ট্রপ্রধান পরবর্তী খলীফা/রাষ্ট্রপ্রধানের নাম ঘোষণা করে যাবেন। যেমন হযরত আবু বকর সিদ্দীক (রাঃ) বিশিষ্ট ব্যক্তিবর্গের সাথে মাশওয়ারা পূর্বক হযরত ওমর (রাঃ)-এর নাম ঘোষণা করে যান।

* জনগণের মতের ভিত্তিতে খলীফা/রাষ্ট্রপ্রধান নিযুক্ত করতে হলে এ ব্যাপারে ইসলাম দায়িত্বজ্ঞানশীল ও বিশ্বস্ত লোকদের মত গ্রহণের পক্ষপাতী। ইসলাম দায়িত্বজ্ঞানহীন, অবিশ্বস্ত, বিকৃত বা বিকৃতদের মত গ্রহণের পক্ষপাতী নয়।

* ইসলামের দৃষ্টিতে সার্বভৌমত্ব আল্লাহর, জনগণ বা সর্বহারাদের নয়।

* ইসলামের দৃষ্টিতে আইনের উৎস আল্লাহ, জনগণ নয়। ইসলাম মানুষকে আইন প্রণয়নের অধিকার দেয়নি। তবে যার মূলধারা কুরআন সুন্নাহ বর্ণিত হয়েছে কিন্তু উপধারা বর্ণিত হয়নি-এরূপ ক্ষেত্রে দায়িত্ব জ্ঞানশীল ইজতেহাদের ক্ষমতা সম্পন্ন আলেমদেরকে আইনের উপধারা রচনা করার অধিকার দিয়েছে। কিন্তু সে উপধারা সমূহের ঠিকমত হওয়ার জন্য প্রধান শর্ত এই যে, কুরআন সুন্নাহর খেলাফ যেন না হয়। সারকথা ইসলাম জনগণকে Final authority বা Sovereign power বলে বিশ্বাস করে না।

* কুরআন সুন্নাহর কোন ধারাকে ৯৯% ভোটের দ্বারাও বাতিল করা যাবেনা।

* রাষ্ট্র পরিচালিত হবে মাশওয়ারা বা পরামর্শের ভিত্তিতে- কারও একক সিদ্ধান্তের ভিত্তিতে নয়।

(معارف القرآن - الاحكام السلطانية) ও সংক্ষেপে ইসলাম প্রভৃতি গ্রন্থ থেকে গৃহীত।)

মাশওয়ারা বা পরামর্শ বিষয়ক নীতিমালা

* যে ব্যাপারে কুরআন সুন্নাহ স্পষ্ট বিধান বর্ণিত নেই বা যে সব বিষয় করতেই হবে তা নয়- এমন সব বিষয়ে নীতি নির্ধারণ ও কর্মপদ্ধতি গ্রহণের ক্ষেত্রে মাশওয়ারা বা পরামর্শ করে নেয়া সুন্নাহ।

* মাশওয়ারা শুরু করার পূর্বে এই দু'আ পড়ে নিবে-

اَللّٰهُمَّ اَلْهِمَّنَا مَرٰشِدَ اُمُوْرِنَا وَاَعِزَّنَا مِنْ شُرُوْرٍ اَنْفُسِنَا وَمِنْ سَيِّئَاتِ اَعْمَالِنَا -

অর্থঃ হে আল্লাহ, সঠিক বিষয়টি আমাদের অন্তরে উদিত করে দাও এবং আমাদের নফসের ধোঁকা ও কৃতকর্মের অনিষ্ট থেকে আমাদেরকে রক্ষা কর।

* মাশওয়ারা মজলিসে একজন আমীর বা মাশওয়ারা শেষে সিদ্ধান্ত প্রদানকারী থাকতে হবে।

* মত সংগ্রহের বেলায় ইসলাম দায়িত্বজ্ঞানশীল বিশ্বস্তদের মত গ্রহণের পক্ষপাতী। তবে নিয়মতান্ত্রিক মাশওয়ারা গ্রহণের মত যোগ্য ব্যক্তি না থাকলে বা নিয়মতান্ত্রিক বড়রা না থাকলেও ছোট এবং সঙ্গীদের থেকে মাশওয়ারা গ্রহণও ফায়দা থেকে খালি নয়।

* মাশওয়ারা বা পরামর্শ ও মত প্রদানকারীকে কুরআন হাদীছের মূলনীতির আলোকে পরামর্শ ও মত দিতে হবে।

* মত গ্রহণের পর সিদ্ধান্ত সংখ্যাগরিষ্ঠের মতের ভিত্তিতে দিতে হবে, না আমীর যেটা ভাল মনে করেন সেটার ভিত্তিতে সিদ্ধান্ত হবে- এ ব্যাপারে উলামায়ে কিরামের মধ্যে দু'ধরনের মত পাওয়া যায়। অনেকে বলেন সংখ্যাগরিষ্ঠের মতের ভিত্তিতে সিদ্ধান্ত হতে হবে। আবার অনেকে বলেন আমীর যেটা ভাল মনে করেন সেটাই হবে সিদ্ধান্ত, চাই সেটা সংখ্যাগরিষ্ঠের মত হোক বা অল্প সংখ্যকের মত হোক বা সেটা একান্তভাবে আমীরের একারই মত হোক। তবে এই অধিকার বলে আমীর গোঁ ধরে অন্যদের উপযুক্ত রায়কেও উপেক্ষা করে নিজের মতকে চালিয়ে দিয়ে মাশওয়ারাকে প্রহসনে পরিণত করতে পারবেন না।

* কোন পরামর্শদাতা তার পরামর্শ গ্রহণ করা হল না কেন এ জন্য অভিযোগ তুলতে পারবেন না বা তার পরামর্শ গ্রহণ হল না বিধায় গৃহীত সিদ্ধান্তের বিরোধিতা করতে বা মন খারাপ করতে পারবেন না।

* পরামর্শের পর সিদ্ধান্ত গ্রহণপূর্বক আল্লাহর উপর তাওয়াক্কুল করে কাজ শুরু করতে হবে।

* মাশওয়ারার মজলিসে মজলিসের অন্যান্য যে সব সুন্নাহ, আদব ও নীতিমালা রয়েছে সে দিকেও লক্ষ্য রাখবে। এ সম্পর্কে জানার জন্য দেখুন ৪৫০ পৃষ্ঠা।

চতুর্থ অধ্যায় সমাপ্ত

فَذَافْلَحَ مَنْ رَزَّكَهَا وَقَدْ خَابَ مَنْ دَسَّهَا-

অর্থাৎ, যে আত্মশুদ্ধি করে সে সফলকাম হয়। আর যে আরাকে কলুষিত করে সে ব্যর্থ হয়। (সূরাঃ আশ্-শামস- ৯)



পঞ্চম অধ্যায়

আখলাকিয়াত

(চরিত্র এবং আত্মশুদ্ধি তথা তায়কিয়া/তাসাওউফ বিষয়ক)

নামায, রোযা-প্রভৃতি শরী'আতের জাহিরী বিধানের উপর আমল করা যেমন জরুরী, তদ্রূপ এখলাস, তাকওয়া, হবর, শোকর প্রভৃতি কলবের গুণাবলী অর্জন এবং রিয়া, তাকাব্বুর প্রভৃতি অন্তরের ব্যাধি দূর করা তথা শরী'আতের বাতিনী বিধানাবলীর উপর আমল করাও জরুরী ও ওয়াজিব। এই বাতিনী বিধানাবলীর উপর আমল করাকে বলা হয় তায়কিয়া বা আত্মশুদ্ধি। আত্মশুদ্ধির এই সাধনাকে আধ্যাত্মিক সাধনাও বলা হয়। আর এই শাস্ত্রকে বলা হয় তাসাওউফ বা সূফীবাদ।

কয়েকটি আত্মিক গুণ ও তা অর্জনের পন্থা

এখলাস ও সহীহ নিয়ত :

ইবাদত একমাত্র আল্লাহকে রাজী খুশী করার নিয়তে করা এবং আল্লাহ ব্যতীত অন্য কাউকে রাজী খুশী করার ইচ্ছা বা নিজের নফসের কোন খাহেশকে মিশ্রিত না করার নাম হল এখলাস তথা খাঁটি নিয়ত। কোন কোন ইবাদতে কিছু কিছু পার্থিব ফায়দাও হাছেল হয়ে থাকে, তবে সেটাকে উদ্দেশ্য বানিয়ে ইবাদত করা ঠিক নয়। এই এখলাস ও খাঁটি নিয়ত না হলে কোন ইবাদতের ছওয়াব পাওয়া যায় না।

নিয়ত খাঁটি করা তথা এখলাস হাছিল করার পদ্ধতি হল :

১. ইবাদত করার পূর্বে আল্লাহর উদ্দেশ্যে করছি এই চিন্তা করে নেয়া এবং দেলের মধ্য থেকে অন্যান্য বাজে উদ্দেশ্য দূরে নিক্ষেপ করা।
২. অন্তর থেকে 'রিয়্য' দূর করার পদ্ধতি গ্রহণ করা। (৫৯২ পৃষ্ঠায় দেখুন) বস্তুতঃ রিয়্য দূর করাই হল এখলাস।

তাকওয়া ও খোদাভীতি :

“তাকওয়া” কথাটি দুই অর্থে ব্যবহৃত হয়। (১) ভয়। (২) বিরত থাকা। বস্তুত ভয় আসলেই মানুষ কোন কিছু থেকে বিরত থাকে; তাই ভয় হল বিরত থাকার কারণ আর বিরত থাকা (অর্থাৎ গোনাহ থেকে বিরত থাকা) হল আসল উদ্দেশ্য। তাকওয়ার কয়েকটি স্তর রয়েছে। যথাঃ

- ক. কুফর ও শির্ক থেকে বিরত থাকা।
- খ. হারাম ও গোনাহে কবীরা থেকে বিরত থাকা।
- গ. গোনাহে ছগীরা থেকে বিরত থাকা।
- ঘ. যেখানে হালাল না হারাম-এই সন্দেহ থাকে সেখান থেকে বিরত থাকা।
- ঙ. অনর্থক কাজ থেকে বিরত থাকা।
- চ. যে সব মোবাহ কাজ গোনাহের দিকে টেনে নিয়ে যেতে পারে তা থেকে বিরত থাকা।

তাকওয়া অর্জনের পন্থা হল :

১. আল্লাহর আযাব গযবের কথা, পরকালের আযাবের কথা চিন্তা করা এবং স্মরণ করা।
২. বুয়ুর্গদের সোহবত গ্রহণ করা।

৩. ওলী-আউলিয়াদেরকে কষ্ট না দেয়া।

৪. সঠিক কথা বলা।

(ساریت اور طریقت এবং معارف القرآن প্রতি থেকে গৃহীত।)

ছবর :

ছবর অর্থ মনকে মজবুত রাখা, মনকে ধরে রাখা। ছবর কয়েক প্রকার :

(ক) ইবাদতের সময় ছবর, অর্থাৎ, ইবাদত ও নেক কাজের উপর মনকে পাবন্দির সাথে ধরে রাখা এবং ধৈর্য সহকারে সহীহ তরীকায় তা আদায় করা।

(খ) গোনাহের সময় ছবর, অর্থাৎ, মনকে গোনাহ থেকে দূরে ধরে রাখা।

(গ) কষ্ট ও বিপদ-আপদের সময় সছবর, অর্থাৎ, কেউ কোন কষ্ট দিলে প্রতিশোধ না নেয়া এবং রোগ-ব্যাধি হলে বা জান মালের ক্ষতি হলে বে-ছবর হয়ে শরী'আতের খেলাফ কোন কথা মুখ থেকে বের না করা বা বয়ান করে ক্রন্দন না করা।

এই ছবর হাছিল করার পন্থা হল :

১. খাহেশাতে নফসানীকে দুর্বল করা।

২. ইবাদত করলে, গোনাহ থেকে বিরত থাকলে এবং কষ্ট ও বিপদ-আপদে ধৈর্য ধারণ করলে আল্লাহ তা'আলা যে ছওয়াবের ওয়াদা করেছেন তা স্মরণ করা।

৩. রোগ-ব্যাধি ও জান মালের ক্ষয়-ক্ষতি হলে মনকে এই বলে বুঝানো যে, এ সবই আমার কোন না কোন মঙ্গলের জন্য হচ্ছে, যদিও আমি বুঝছি না। তাছাড়া ধৈর্য ধরলে এতে আমার পাপ মোচন হয়ে দরজা বুলন্দ হবে। তদুপরি আমি ছবর না করলেও তাকদীরে যা আছে তাতো হবেই, আমি বে-ছবরী করে অহেতুক ছওয়াব হারাব কেন ?

হিল্ম বা সহনশীলতা :

রাগ দমন করার গুণটি যখন স্বভাবে পরিণত হয় এবং স্থায়িত্ব লাভ করে, তখন সে গুণটিকে বলা হয় হিল্ম বা সহনশীলতা। যেমন- রাগের মুহূর্তে উত্তেজনাকে বলপূর্বক দমন করে রাখলে সেটা হবে রাগ দমন আর সর্বক্ষণ এরূপ করতে করতে যখন রাগ দমন করাটা তার স্বভাবে পরিণত হবে তখন সেটা সহনশীলতা বলে আখ্যায়িত হবে।

রাগ-দমন করার যে সব পন্থা বর্ণনা করা হয়েছে, উপর্যুপরি সেগুলো অবলম্বন করতে থাকলে সহনশীলতার গুণ অর্জিত হবে। বিশেষ ভাবে

সহনশীলতার গুণ আল্লাহর নিকট পছন্দনীয়- একথাও স্মরণে রাখতে হবে। রাসূল সালাল্লাহু আলাইহি ওয়াসাল্লাম সহনশীলতা ও গাম্ভীর্য গুণের প্রশংসা করেছেন।

তাফবীয বা নিজেকে আল্লাহর উপর সোপর্দ করা :

মানুষ তার সাধ্য অনুযায়ী চেষ্টা এবং পদক্ষেপ গ্রহণ করবে, তারপর তার জাহিরী, বাতিনী, শারীরিক, মানসিক বা কিছু অনুকূল বা প্রতিকূলে ঘটবে সেটাকে সে আল্লাহর হস্তক্ষেপ মনে করবে। এভাবে সে নিজেকে আল্লাহর সোপর্দ করবে। মানুষ চেষ্টা করবে কিন্তু ফলাফল আল্লাহর হাতে সোপর্দ করবে। এটাকে বলা হয় তাফবীয। কেউ এরূপ করলে ব্যর্থতা আসলেও তার মনে কষ্ট আসবে না- সর্ববস্থায় আরাম বোধ হবে। তবে আরামের নিয়তে তাফবীয করা দীন নয় বরং দুনিয়া। এতে তাফবীযের ছওয়াব নষ্ট হয়ে যাবে বরং তাফবীয করা কর্তব্য এবং এটা আল্লাহর হুক- এই নিয়তে তাফবীয করতে হবে।

এটা হাছিল করার তরীকা হল কোন অযাচিত বা অপছন্দনীয় বিষয় ঘটলে সেটাকে আল্লাহর হস্তক্ষেপ মনে করা।

রেয়া-বিল কাযা বা আল্লাহর ফয়সালায় রাজী থাকা :

আল্লাহর ফয়সালায় সন্তুষ্ট থাকা এবং আল্লাহর ফয়সালার উপর অভিযোগ পরিত্যাগ করাকে বলা হয় 'রেয়া বিল কাযা'। মানুষ আসবাব গ্রহণ করবে, চেষ্টা চরিত্র করবে, দু'আ করবে সুন্নাত এবং আনুগত্য হিসেবে। তারপর আল্লাহর পক্ষ থেকে যে ফয়সালা ঘটবে তাতে সন্তুষ্ট থাকবে এবং মুখে বা অন্তরে কোন অভিযোগ আনবে না। স্বয়ং চেষ্টা এবং দু'আ করার সময়ও মনের এই অবস্থা রাখবে যে, উদ্দেশ্য মোতাবেক না ঘটলেও তাতে আমি সন্তুষ্ট। এটাই হল রেয়া বিল কাযা। এটা হাছিল করার তরীকা হল:

১. আল্লাহর মহক্বত হাছিল হলেই রেয়া বিল কাযা হাছিল হয়ে যাবে। অতএব এর জন্য আল্লাহর মহক্বত হাছিল করার পন্থা গ্রহণ করতে হবে। (দেখুন ৫৮৮ পৃষ্ঠা)
২. বিশেষভাবে এই চিন্তা করা যে, আল্লাহ ভাল, তাঁর সব কাজই ভাল, তিনি পরম দয়ালু, বিন্দুমাত্র নিষ্ঠুর নন; অতএব তিনি যা করেন তাতেই মঙ্গল নিহিত।

তাওয়াক্কুল (আল্লাহর উপর ভরসা):

আল্লাহর ইচ্ছা ব্যতীত কোন কিছু হতে পারে না- এই বিশ্বাস রাখা ঈমানের অংশ। যেহেতু তাঁর ইচ্ছা ব্যতীত কোন কিছু হতে পারে না, তাই শরী'আতের নিয়মানুযায়ী যে কোন চেষ্টা-তদবীর গ্রহণ করার পর কামিয়াবী-র জন্য মনে মনে আল্লাহর উপর ভরসা রাখতে হবে। এরূপ ভরসা রাখাকে বলা হয় তাওয়াক্কুল। উল্লেখ্য যে, চেষ্টা তদবীর না করে হাত পা গুটিয়ে অকর্মণ্য হয়ে বসে থাকা বা চেষ্টা না করে ফলের আশা করা শরী'আতের বিধান নয় এবং এটাকে তাওয়াক্কুলও বলা হয় না। বরং নিয়ম মত চেষ্টা তদবীর করে, নিয়ম মত আসবাব গ্রহণ করে তার ফলের জন্য এবং কামিয়াবী-র জন্য মনে মনে আল্লাহর উপর ভরসা রাখাকেই বলা হয় তাওয়াক্কুল।

(বিঃ দ্রঃ আসবাব গ্রহণ করা না করার বিস্তারিত নীতি সম্পর্কে জানার জন্য দেখুন ৫০২ পৃষ্ঠা)

তাওয়াক্কুল হাছিল করার পন্থা হল :

১. কিছুক্ষণ সময় নির্ধারিত করে এই চিন্তা করা যে, আল্লাহ তা'আলা সর্বশক্তিমান, আল্লাহ দয়াময়, তিনিই মঙ্গলময়, তাঁর ইচ্ছা ব্যতীত কারও কিছু করার ক্ষমতা নেই।
২. অতীতে আল্লাহর অনুগ্রহে যে সব কামিয়াবী হাছিল হয়েছে সে গুলোকে স্মরণ ও চিন্তা করা।

শোকর :

নেয়ামতকে আল্লাহর পক্ষ থেকে মনে করতে হবে। আর যে ব্যক্তি নেয়ামতকে আল্লাহর পক্ষ থেকে মনে করবে, স্বাভাবিকভাবে তার ফলশ্রুতি স্বরূপ সে আল্লাহর প্রতি মনে মনে প্রফুল্ল হবে এবং সর্বগ্রহে সেই অনুগ্রহ দানকারী আল্লাহর ইবাদতে লিপ্ত হবে, তাঁর নির্দেশ পালনে তৎপর হবে এবং তাঁর দেয়া নেয়ামতকে তাঁর নাফরমানীর কাজে লাগাবে না। এটাকেই বলা হয় শোকর বা নেয়ামতের কৃতজ্ঞতা।

শোকর হাছিল করার তরীকা হল :

১. আল্লাহর নেয়ামত ও অনুগ্রহ সমূহকে স্মরণ করা এবং চিন্তা করা।
২. সব নেয়ামতকে আল্লাহর পক্ষ থেকে মনে করা।

উল্লেখ্য-আল্লাহর কোন নেয়ামতের ভিত্তিতে শুধু মুখে “আলহামদু লিল্লাহ” বললেই শোকর আদায় হয়ে যায় না; বরং প্রকৃত শোকর হল নেয়ামতের

ভিত্তিতে মনে মনে আল্লাহর প্রতি প্রফুল্ল হওয়া এবং অঙ্গ-প্রত্যঙ্গের মাধ্যমে নেয়ামত দাতা আল্লাহর হুকুম পালনে তৎপর হওয়া। তবে এর সাথে সাথে খুশিতে যবান থেকে “আলহামদু লিল্লাহ” বের হলে সেটাও ইবাদত বলে গণ্য হবে এবং ছওয়াবের হবে।

তাওয়াযু’ (বিনয়/নম্রতা):

তাওয়াযু’ অর্থাৎ, বিনয় বা নম্রতা। তাওয়াযু’ বলা হয় নিজেকে ছোট মনে করাকে, নিজের অহমিকাবোধ বিলীন করাকে। সমস্ত মুসলমানের চেয়ে নিজেকে ছোট মনে করতে হবে। যদিও আপাতঃ ও বাহ্যিক দৃষ্টিতে কাউকে নিজের চেয়ে অধিক পাপী ও অপরাধী বলে মনে হয় তবুও তার থেকে নিজেকে ছোট মনে করতে হবে এই ভেবে যে, হতে পারে তার মধ্যে এমন কোন গুণ রয়েছে যার ভিত্তিতে আল্লাহর নিকট সে আমার চেয়ে অনেক বেশী পছন্দনীয়, কিংবা ভবিষ্যতে সে আমার চেয়ে অধিক গুণাবলীর অধিকারী হবে এবং সে অবস্থায়ই সে আল্লাহর নিকট হাজির হবে। পক্ষান্তরে আমার পরিণতি কি হবে তা আমার জানা নেই। পরিণামের দিকে নজর দিয়ে একজন কাকের থেকেও নিজেকে বড় মনে করার উপায় নেই, কেননা মৃত্যুর পূর্বে তারও ঈমান নসীব হতে পারে। পক্ষান্তরে ঈমানের সাথে আমার মৃত্যু হওয়ার কোন গ্যারান্টি আমার কাছে নেই। তবে বর্তমান অবস্থায় একজন কাকেরের যেহেতু ঈমান নেই আমার ঈমান নসীব হয়েছে, তাই বর্তমানের বিচারে আমি তার চেয়ে শ্রেষ্ঠ- এই বোধ রাখতে হবে। এটা তাওয়াযু’ বা বিনয়ের পরিপন্থী অর্থাৎ, অহংকার নয়, বরং এটা হল দ্বীনী আত্মমর্যাদাবোধ এবং আল্লাহ আমাকে ঈমানের মত বড় নেয়ামত দান করেছেন সেই নেয়ামতের প্রতি বড়ত্ববোধ। মনে রাখতে হবে তাওয়াযু’ প্রকাশ করতে গিয়ে যেন আল্লাহর কোন নেয়ামতের না-শুকারি প্রকাশ হয়ে না পড়ে।

এখানে আরও মনে রাখতে হবে যে, ধন-সম্পদ বা পদ পাওয়ার লালসায় কোন ধনী বা পদস্থ লোকের সামনে বিনয়ভাব প্রকাশ করাও বিনয় নয় বরং সেটা হল হীনতাবোধ।

তাওয়াযু’ হাছিল করার পন্থা হলঃ

১. তাকাব্বুর দূর করার পন্থাই হল তাওয়াযু’ হাছিল করার পন্থা। (দেখুন পৃষ্ঠা নং ৫৯৫)
২. অন্তরে আল্লাহর ভয় সৃষ্টি করলে তাওয়াযু’ পয়দা হয়। (আল্লাহর ভয় সৃষ্টি করার পন্থার জন্য দেখুন ৫৮৭ পৃষ্ঠা।)

খুশু' খুযু' : (স্থিরতা ও একাগ্রতা)

দেহ মন স্থির করে ইবাদত করা, একাগ্রতা সহকারে ইবাদত করা এবং চলা-ফেরা, উঠা-বসায় উগ্রতা পরিহার করাকে বলা হয় 'খুশু' খুযু'। ইবাদতের মধ্যে দেহ স্থির করার অর্থ হল অপ্রয়োজনীয় নড়াচড়া না করা। আর মন স্থির করার অর্থ হল ইচ্ছাকৃত ভাবে অন্তরে আল্লাহ ব্যতীত অন্য কিছুকে উপস্থিত না করা এবং ইবাদতের সাথে সংশ্লিষ্ট বিষয় ছাড়া অন্য কিছু সম্পর্কে চিন্তা-ভাবনা না করা। অনিচ্ছাকৃত ভাবে যেটা মনে এসে যায়, বান্দা তার জন্য দায়ী নয়।

এই 'খুশু' খুযু' হাছিল করার তরীকা হল :

১. এই চিন্তা করবে যে, আমি আল্লাহর সামনে উপস্থিত, আল্লাহ আমার সব কিছু শুনছেন এবং দেখছেন আর আল্লাহর কাছে আমাকে ফিরে যেতে হবে।
২. আল্লাহর ভয় অন্তরে বসানো। (এর জন্য পরবর্তী পরিচ্ছেদে বর্ণিত অন্তরে আল্লাহর ভয় সৃষ্টির পদ্ধতি গ্রহণ করতে হবে। বিশেষভাবে নামাযে মন স্থির করার পদ্ধতির জন্য দেখুন ১৯৪ পৃষ্ঠা।)

খাওফ বা আল্লাহর ভয় :

শরী'আতে খাওফ বা ভয় বলতে নিজের ব্যাপারে আল্লাহর আযাবের ভয়-ভীতির সম্ভাবনা বোধ করাকে বুঝানো হয়। এই ভয় এত উত্তম জিনিস যে, এটা এসে গেলে মানুষ থেকে কোন গোনাহ হতে পারে না।

খাওফ বা আল্লাহর ভয় অর্জন করার উপায় হল আল্লাহর আযাব গণ্যের কথা স্মরণ করা এবং চিন্তা করা।

রজা বা আল্লাহর রহমতের আশা :

আল্লাহর আযাবের ভয় যেমন রাখতে হবে তেমনিভাবে আল্লাহর রহমত, মাগফেরাত, জান্নাত এবং আল্লাহর অনুগ্রহ লাভের আশাও মনে থাকতে হবে- নিরাশ হওয়া যাবে না। ভয় এতটা কাম্য নয় যে, আল্লাহর রহমতের ব্যাপারে হতাশা জন্মাবে। আবার আল্লাহর রহমতের আশাও এতটা প্রবল হওয়া ঠিক নয় যাতে আল্লাহর বিধান লংঘন করার মত দুঃসাহস দেখা দেয়, এই ভেবে যে, আল্লাহ তাআলা রহমত করবেন। বরং ভয় ও আশা এতদূতয়ের মধ্যে ব্যালেন্স ও ভারসাম্য থাকতে হবে। এই রজা হাছিলের উপায় হল আল্লাহর অসীম ও অপার রহমতের কথা চিন্তা করা।

উল্লেখ্য, কেউ যদি শুধু আল্লাহর রহমত, মাগফেরাত ও জান্নাত লাভের আশা করে আর তা লাভের পদ্ধতি অর্থাৎ, নেক আমল, তওবা প্রভৃতি অবলম্বন না করে, তাহলে সেটাকে রজা বা আশা বলা হবে না বরং সেটা হবে বীজ বপন না করে ফসল অর্জনের আশা করার মত অলীক কল্পনা।

আল্লাহর মহক্বত ও শওক :

আল্লাহর সঙ্গে মহক্বত বা ভালবাসার অর্থ হল আল্লাহর সন্তুষ্টিকে অন্য সকলের সন্তুষ্টির উপর প্রাধান্য দেয়া। একরূপ মহক্বত রাখা ওয়াজিব। একরূপ মহক্বতের সর্বনিম্ন স্তর হল কুফর-এর উপর ঈমান-কে প্রাধান্য দেয়া। এটা না হলে মানুষ মুমিনই থাকে না। তারপরের স্তর হল আল্লাহর বিধানকে অন্যের বিধানের উপর প্রাধান্য দেয়া। বিধান যে পর্যায়ের, তার প্রতি ভালবাসা বা সেটাকে প্রাধান্য দেয়ার হুকুমও সেই পর্যায়ের- ওয়াজিব হলে ওয়াজিব, মোস্তাহাব হলে মোস্তাহাব। উপরোক্ত ভালবাসাকে বলা হয় মহক্বতে আক্বলী বা বুদ্ধিজাত ভালবাসা। আর এক প্রকারের ভালবাসা রয়েছে যাকে মহক্বতে তাব্বী বা স্বভাবজাত ভালবাসা বলে। তা হল আল্লাহর সঙ্গে প্রাণের টান হয়ে যাওয়া, তাঁর কথা শুনলে তা মানার জন্য মন উদ্বেল হয়ে ওঠা এবং তাঁর নাফরমানী ছেড়ে তাঁর আনুগত্য শুরু করে দেয়া। প্রথম প্রকারের ভালবাসা মানুষের এখতিয়ারভুক্ত এবং তার উপর টিকে থাকলে ধীরে ধীরে দ্বিতীয় পর্যায়ের ভালবাসা মনে সৃষ্টি হয়ে যায়।

কুরআন ও হাদীছের আলোকে আল্লাহর মহক্বত সৃষ্টির জন্য বুয়ুর্গানে দ্বীন নিম্নোক্ত পন্থা সমূহ গ্রহণের কথা বলেছেন :

১. দ্বীনের ইল্ম শিক্ষা করা।
২. হিম্মত সহকারে শরী'আতের জাহিরী বাতিনী সব ধরনের আমলের পাবন্দী করা, জাহের এবং বাতেন উভয়কে শুদ্ধ ও পবিত্র করা।
৩. আমলের মধ্যে যে দিকটি আরামের সে দিকটি গ্রহণ করা। (যদি তা গ্রহণে শরী'আতের কোন বাঁধা না থাকে)।
৪. আল্লাহর হুকুম-আহকাম পুরাপুরি মেনে চলা। ফরযসমূহকে পুরাপুরি আদায় করার সাথে সাথে বেশী বেশী নফলে লিপ্ত হওয়া। সাথে সাথে আল্লাহর মাহবুব হযরত রাসূল সাল্লাল্লাহু আলাইহি ওয়াসাল্লাম-এর পূর্ণ পায়রবী করা।
৫. আল্লাহর মহক্বত বৃদ্ধি করার নিয়তে নেক আমলে অটল থাকা।
৬. কিছুক্ষণ নির্জনে বসে 'আল্লাহ আল্লাহ' করা।

৭. আল্লাহর সঙ্গে যাদের মহব্বত সৃষ্টি হয়েছে এরূপ বুয়ুর্গদের সাথে সম্পর্ক সৃষ্টি করা, তাঁদের সাহচর্য গ্রহণ করা, তাঁদের কাছে যাতায়াত করা, সম্ভব না হলে অন্ততঃ চিঠি-পত্রের মাধ্যমে সম্পর্ক রাখা।
৮. নিজে কি করছি এবং তা সত্ত্বেও আল্লাহর কত দয়া এবং নিয়ামত তা স্মরণ করা। (নির্জনে বসে কিছুক্ষণ এটা চিন্তা করবে।)
৯. দু'আ করবে যেন আল্লাহ তা'আলা তাঁর সাথে মহব্বত বৃদ্ধি করে দেন।
১০. এই মোরাকাবা (ধ্যান) করা যে, আল্লাহ তা'আলা আমাকে ভালবাসেন, তিনি আমাকে চান। এর দ্বারা বান্দার অন্তরেও ভালবাসা সৃষ্টি হবে।
১১. আল্লাহর আছমায়ে হুছনা (উত্তম নামসমূহ)-এর সাথে মহব্বত পয়দা করা এবং বেশী বেশী সেগুলো পাঠ করা। (দেখুন ৫৬-৭০ পৃষ্ঠা)
১২. বেশী বেশী তওবা করা।

হুব্ব ফিল্লাহ ও বুগ্য ফিল্লাহ :

ঈমান পূর্ণ করার জন্য যেমন আল্লাহকে ভালবাসতে হবে, আল্লাহর প্রতি ভক্তি রাখতে হবে, তদ্রূপ আল্লাহ যে ব্যক্তিকে, যে বস্তুকে বা যে কাজ ও যে গুণকে ভালবাসেন তাকেও ভালবাসতে হবে। একে বলা হয় হুব্ব ফিল্লাহ অর্থাৎ, আল্লাহর জন্য দুস্তী রাখা বা আল্লাহর ভালবাসার পাত্রকে ভালবাসা। এর বিপরীত আল্লাহ যে ব্যক্তিকে, যে বস্তুকে বা যে কাজ ও যে দোষকে ঘৃণা করেন, না পছন্দ করেন, তাকে অন্তর থেকে ঘৃণা করতে হবে। একে বলে বুগ্য ফিল্লাহ অর্থাৎ, আল্লাহর উদ্দেশ্যে ঘৃণা ও শত্রুতা পোষণ করা বা আল্লাহর দূশমনের সঙ্গে দূশমনী রাখা। এমনিভাবে রাসূলের প্রিয় যারা তাঁদেরকে ভালবাসা এবং রাসূলের দূশমন যারা অন্তর থেকে তাদের সাথে দূশমনী রাখাও ঈমানের জন্য জরুরী।

দেশাত্মবোধ বা দেশপ্রেম :

নিজের জন্মভূমির প্রতি ভালবাসা ও প্রেমাত্মকিতিকে বলা হয় দেশাত্মবোধ। শরী'আতের দৃষ্টিতে দেশাত্মবোধ একটি প্রশংসনীয় গুণ। তিরমিযী শরীফের হাদীছে বর্ণিত আছে- রাসূল সাল্লাল্লাহু আলাইহি ওয়াসাল্লাম যখন মক্কা থেকে হিজরত করে মদীনা রওয়ানা হন, তখন বার বার মক্কাভূমির দিকে তাকিয়ে দেখছিলেন এবং বলছিলেনঃ হে মক্কার মাটি, আমার গোত্র যদি আমাকে দেশ ত্যাগে বাধ্য না করত, তাহলে কখনো তোমায় আমি ছেড়ে যেতাম না। এখানে একথাও উল্লেখ্য যে, দেশ প্রেমের এই প্রেরণা ততক্ষণ পর্যন্ত প্রশংসনীয় যতক্ষণ তা জাতীয় গৌড়ামী ও বিদ্বেষে পরিণত না হয় এবং মানবীয় ভ্রাতৃত্বের

সাথে তার সংঘাত না ঘটে, যেমনটি ঘটেছিল হিটলার ও নাজিবাদের আধুনিক ইউরোপীয় দেশাত্মবোধের ফলশ্রুতিতে এবং যা সূচনা করেছিল দ্বিতীয় বিশ্বযুদ্ধের।

দেশাত্মবোধ একটি স্বভাবজাত প্রেরণা। জন্মভূমির প্রতি ভালবাসা ও আকর্ষণকে গভীরতর পর্যায়ে নিয়ে গেলেই তা দেশাত্মবোধে পরিণত হয়। আল্লাহ যে ভূখণ্ডকে আমার জন্মভূমি বানিয়েছেন আমার জীবন কর্মময়তায় মণ্ডিত হবে সেখানে, সে-ই আমার আপনভূমি- একরূপ চিন্তা থেকে দেশাত্মবোধ জন্ম নিয়ে থাকে।

গায়রত বা আত্মমর্যাদা বোধ :

শ্রদ্ধেয় ব্যক্তি বা শ্রদ্ধেয় বস্তুর নিন্দা বা অবমাননা দেখলে স্বাভাবিকভাবেই মানুষের মধ্যে একটা ক্রোধভাবের উদ্বেক হয়, এই ক্রোধভাবকে বলা হয় গায়রত বা আত্মমর্যাদা বোধ। যেমন মাতা-পিতাকে কেউ গালি দিলে বা নিন্দা করলে আত্মমর্যাদা বোধে আঘাত লেগে থাকে। একরূপ আল্লাহ, আল্লাহর রাসূল, কুরআন, কা'বা, ইসলাম, দ্বীন, ঈমান প্রভৃতির অবমাননা বা তিরস্কার ও তুচ্ছ তাচ্ছিল্য হতে দেখলে মুসলমানদের অন্তরে এই গায়রত জাগ্রত হওয়া উচিত। এই গোস্বা দুষ্ণীয় নয় বরং প্রশংসনীয় এবং ঈমানের পরিচায়ক। আর এই চেতনা না থাকা ঈমানহীনতার পরিচায়ক। নিজের সম্মান, পরিবার-পরিজন ও বন্ধু-বান্ধবের সম্মান এবং দেশ ও জাতির সম্মান সংরক্ষণের জন্য সৃষ্ট ক্রোধের অনুপ্রেরণা এই আত্মমর্যাদা বোধের পরিধিভুক্ত।

যুহুদ বা দুনিয়ার মোহ ত্যাগ :

বৈধ আসবাব ও সম্পদ বর্জন করা নয় বরং সম্পদের মোহ বর্জন করার নাম যুহুদ। সম্পদ পেলেও খুব আনন্দিত নয়, আবার না পেলেও বা পেয়ে হাতছাড়া হলেও দুঃখিত নয়- মনের এই অবস্থাই হল যুহুদের উচ্চ স্তর। একজন যাহেদ বা দুনিয়ার মোহত্যাগকারী ব্যক্তি সম্পদ উপার্জনের জন্য চেষ্টা করবে সম্পদের প্রতি মোহের কারণে নয় বা প্রবৃত্তির চাহিদা পূরণের উদ্দেশ্যে নয় বরং প্রয়োজন পূরণ করার এবং আল্লাহর হুকুম পালনের উদ্দেশ্যে। তার নজর থাকবে আল্লাহ ও আল্লাহর নিকট যে পুরস্কার রয়েছে তার প্রতি-পার্থিব সম্পদের প্রতি নয়।

যুহুদ হাছিল করার উপায় হল এই চিন্তা করা যে, দুনিয়া ক্ষণস্থায়ী এবং আখেরাত চিরস্থায়ী, দুনিয়ার সব কিছুই ক্রটিপূর্ণ ও দোষযুক্ত আর পরকারের সবকিছু ক্রটি ও দোষমুক্ত।

মোরাকাবা (আল্লাহর ধ্যান):

প্রত্যেকটা কথা এবং কাজের সময় আল্লাহকে স্মরণ রাখা যে, তিনি আমাকে দেখছেন এবং শুনছেন। তাই কোন মন্দ কথা বা মন্দ কাজ হলে এই ভাবা যে, আল্লাহ এতে অসন্তুষ্ট হবেন এবং শাস্তি দিবেন; দুনিয়াতেই শাস্তি দিবেন না হয় পরকালেতো দিবেনই। পক্ষান্তরে কোন ভাল কথা বা ভাল কাজের ব্যাপারে এই ভাবা যে, আল্লাহ এতে সন্তুষ্ট হবেন এবং পুরস্কৃত করবেন। এরূপ মোরাকাবা বা আল্লাহর ধ্যান অমূল্য রতন। এটা হাছিলের তরীকা হল :

১. প্রথম দিকে বার বার জোর করে মনে এই চিন্তা টেনে আনা। পরে এটা করা সহজ হয়ে যাবে।

২. মুখে অনবরত আল্লাহর যিকির করতে থাকা।

৩. আল্লাহ ওয়ালাদের সাহবতে থাকা।

(إِذْ يَرْفَعُ الرُّوحُ مِنْ رَبِّهِ لِيُنْزِلَ إِلَيْكَ مِنْ رَبِّهِ خَبْرًا وَأَنْ تُنْذِرَ نَارَ الْآلَمِينَ، شَرِيعَتِ اور طریقت)

ক্বানায়াত (অশ্লেষত্ব):

অশ্লেষ তুষ্ট থাকাকে বলে ক্বানায়াত। জীবিকার ব্যাপারে, অর্থ উপার্জনের ব্যাপারে সদুপায়ে চেষ্টা করতে হবে, কিন্তু সীমাহীন দুরাকাংখাকে মনে স্থান দেয়া যাবে না বরং বৈধ উপায়ে স্বাভাবিক চেষ্টা সাধনার পর যা পাওয়া যাবে তাতেই তুষ্ট থাকতে হবে। এতেই প্রকৃত শান্তি। অন্যথায় কোটি কোটি টাকার উপর শুয়ে থেকেও মনে শান্তি জুটবে না। দুনিয়ার মহব্বত ও সম্পদের মোহ অন্তর থেকে দূরীভূত করতে পারলে এই অশ্লেষত্বের গুণ অর্জিত হয়।

ফিক্র (চিন্তা-ভাবনা) ও মুহাছাবা (হিসাব-নিকাশ) :

ফিক্র বা চিন্তা-ভাবনা হচ্ছে আরসংশোধনের একটি মৌলিক বুনিয়াদ। প্রত্যেকটা কথা এবং কাজের শুরুতে চিন্তা-ভাবনা করে নিতে হবে যে, এর পরিণাম কি হবে, এটা করা উচিত হবে কি-না, এতে আল্লাহ সন্তুষ্ট হবেন না অসন্তুষ্ট। এমনি ভাবে আরও চিন্তা করা উচিত যে, দিন দিন আমার আমলের উন্নতি হচ্ছে না অবনতি। এর জন্য প্রতি দিন নিজের আমলের মুহাছাবা অর্থাৎ, হিসাব-নিকাশ নিতে হবে এবং যা কিছু নেক কাজ হয়েছে তার জন্য আল্লাহর শোকর আদায় করতে হবে, আর যা গোনাহ হয়েছে তার জন্য তওবা করতে হবে এবং আগামীতে তা না করার সংকল্প করতে হবে। বিশেষভাবে ফিক্রে আখিরাত বা পরকালের চিন্তা মানুষকে গোনাহ থেকে বিরত রাখে এবং নেক কাজে উদ্বুদ্ধ করে।

ফিকর হাছেল করার পস্থা হল :

১. দুনিয়া এবং আখেরাত উভয় জগতের স্বরূপ নিয়ে চিন্তা-ভাবনা করা।
২. বিশেষ ভাবে ফিকরে আখেরাত আসবে মৃত্যুকে স্মরণ করলে।

কয়েকটি মনের রোগ এবং তা থেকে পরিত্রাণের উপায়

রিয়া বা লোক দেখানোর মনোভাব :

ইবাদত ও আল্লাহর আনুগত্যের কাজে এই উদ্দেশ্য রাখা যে, এতে মানুষের চোখে আমার সম্মান বৃদ্ধি পাবে- একে বলে রিয়া বা লোক দেখানো। এটা মহাপাপ। রিয়া নানা ভাবে হয়ে থাকে- কখনও মুখে বলে, কখনও অঙ্গ-প্রত্যঙ্গের মাধ্যমে, কখনও হাটা, চলা, ভাব-ভঙ্গি, আওয়াজ ইত্যাদির মাধ্যমে, কখনও পোশাক-পরিচ্ছদের মাধ্যমে, কখনও ইবাদত সুন্দর ও দীর্ঘভাবে আদায়ের মাধ্যমে ইত্যাদি। মোটকথা- ইবাদত ও আনুগত্যের কাজে যে কোন ভাবে মাখলূকের প্রতি নজর রাখা হল রিয়া। এমনকি লোকে দেখবে- এজন্য ইবাদত গোপনে করার প্রতি জোর দেয়াও রিয়া। কেননা গোপনে ইবাদত করার প্রতি জোর সে-ই দিবে যার নজর মাখলূকের প্রতি রয়েছে। কেউ দেখবে কি দেখবে না এই চিন্তা থেকে সম্পূর্ণ মুক্ত হওয়াই হচ্ছে পূর্ণ রিয়া থেকে মুক্তি এবং এটাই হল পূর্ণ এখলাস।

এখানে উল্লেখ্য যে, আমার নেক কাজ দেখে অন্য কেউ তা করতে উদ্বুদ্ধ হবে- এরূপ চেতনা থেকে নেক কাজ প্রকাশ্যে করলে তা রিয়া বলে গণ্য হবে না। এমনভাবে আমাকে কেউ নেক কাজ করতে দেখলে স্বভাবত : আমার মন যে খুশি হয় এই ভেবে যে, আলহামদু লিল্লাহ লোকটা আমাকে ভাল অবস্থায় দেখেছে- এটাও রিয়া নয় বরং রিয়া হল এই চিন্তা এবং এই খুশি যে, প্রকাশ্যে ইবাদত করলে মানুষের কাছে আমার সুনাম হবে, আমার প্রতি লোকদের ভক্তি বৃদ্ধি পাবে ইত্যাদি।

এই রিয়া অত্যন্ত সাংঘাতিক রোগ, এতে আল্লাহর সন্তুষ্টির স্থলে মানুষের সন্তুষ্টিকে স্থান দেয়া হয়। তাই রিয়াকে এক ধরনের শির্ক (শিরকে আছগর বা ছোট শির্ক) বলা হয়।

রিয়া থেকে মুক্তির উপায় হল :

১. হুব্বে জাহ বা সম্মান- প্রীতি অন্তর থেকে বের করতে হবে।
২. রিয়ার চেতনা এসে গেলেও তার প্রতি ক্রক্ষেপ করবে না বরং সহীহ নিয়ত অন্তরে উপস্থিত করে কাজ করে যেতে থাকবে, এভাবে আস্তে আস্তে

সেটা আদত বা অভ্যাসে পরিণত হবে এবং আদত থেকে ইবাদত ও এখলাসে পরিণত হবে।

৩. যে ইবাদত প্রকাশ্যে করার বিধান, তাতো প্রকাশ্যেই করতে হবে, এ ছাড়া অন্যান্য ইবাদত প্রকাশ করারও নিয়ত রাখবে না, গোপন করারও উদ্যোগ নিবে না।

হুকের জাহ (প্রশংসা ও যশ-প্রীতি):

প্রশংসা, সুনাম ও সম্মানের লোভকে বলা হয় হুকের জাহ। এ লোভ মনে এলে অন্যের প্রশংসা, সুখ্যাতি ও সম্মান দেখে মনে আগুন জ্বলে উঠে এবং হিংসা লাগে আর অন্যের অপমান বা পরাজয়ের কথা শুনে মনে আনন্দ জন্মে। এমনি ভাবে অনেক খারাবী এ রোগের কারণে দেখা দেয়। এ রোগের প্রতিকার হল :

১. এই চিন্তা করা যে, আমি যাদের নিকট ভাল হতে চাই তারাও থাকবে না আমিও থাকব না। অতএব, এমন অসার জিনিসের প্রতি মন লাগানো নির্বুদ্ধিতা বৈ কি?
২. এমন কোন কাজ করা, যা শরী'আতের খেলাফ নয় কিন্তু লোক চোখে সেটা লজ্জাজনক, যেমন বাড়ির কোন নগন্য জিনিস বিক্রি করা ইত্যাদি।

দুনিয়া এবং মালের মহব্বত :

টাকা-পয়সার লোভ এত বড় খারাপ জিনিস যে, একবার তা মনে ঢুকলে সেখানে আল্লাহর মহব্বত ও আল্লাহর স্মরণ থাকতে পারে না। এমনি ভাবে ঘর-বাড়ি, বাগ-বাগিচা, আসবাব-পত্র, কাপড়-চোপড়, ইত্যাদির মহব্বত এক কথায় দুনিয়ার মহব্বত তথা আল্লাহ ব্যতীত অন্যান্য সব কিছুর মহব্বত এমন এক জঞ্জাল, যার মধ্যে আল্লাহর মহব্বত থাকতে পারে না। এই দুনিয়ার মহব্বতের কারণে মানুষ হক-নাহক, হালাল-হারাম ও সত্য-মিথ্যার বিচার হারিয়ে ফেলে। এমনকি মৃত্যুর সময় আল্লাহর প্রতি অসন্তুষ্ট হয়ে ঈমান হারা অবস্থায়ও মৃত্যুবরণ করতে পারে। নাউযুবিল্লাহি মিন যালিকা। তবে উল্লেখ্য যে, ধন-সম্পদ, মাল-আসবাব ইত্যাদির প্রতি স্বভাবগত ভাবে মানুষের কিছু আকর্ষণ থাকে। এটা শরী'আতে নিন্দনীয় নয়। এমনিভাবে শরী'আত সম্মত পদ্ধতিতে (দ্রঃ ৩৫৯ পৃষ্ঠা) সম্পদ উপার্জন করাও নিন্দনীয় নয় বরং নিন্দনীয় হল যদি কেউ সম্পদের প্রতি মনের আকর্ষণকে এতটা বলাহীন ছেড়ে দেয় বা

এমন ভাবে সম্পদ উপার্জনে মত্ত হয় যে, আল্লাহর হুকুম-আহকামের পরোয়া থাকে না এবং আল্লাহ ও আল্লাহর রাসূলের আদর্শের চেয়ে সেটাকে প্রাধান্য দেয়া হয়।

এ রোগের প্রতিকার হল :

১. এ সব কিছু একদিন ছেড়ে যেতে হবে এবং মৃত্যুবরণ করতে হবে- একথা বেশী বেশী স্মরণ করা।
২. ব্যবসা-বাণিজ্য, জায়গা-জমি, আসবাবপত্র, মানুষের সঙ্গে দুস্তী-মহব্বত, আলাপ-পরিচয় জরুরতের চেয়ে বেশী না করা।
৩. অপব্যয় না করা। কেননা অপব্যয় থেকে আয় বৃদ্ধির লোভ জন্মে।
৪. সাধারণ খাওয়া পরার অভ্যাস করা।
৫. দরিদ্রদের সংসর্গ গ্রহণ ও ধনীদের সংসর্গ বর্জন করা।
৬. দুনিয়াত্যাগী বুয়ুর্গদের জীবনী পাঠ করা।
৭. যে জিনিসের প্রতি মন বেশী লেগে যায়, তা হয় কাউকে দিয়ে দেয়া (দান স্বরূপ দিতে মনে না চাইলে অন্ততঃ যাকাত সদকা স্বরূপ হলেও দিয়ে দেয়া) কিংবা বিক্রি করে দেয়া।

বুখল বা কৃপণতা :

শরী'আতের আলোকে যেখানে ব্যয় করা জরুরী বা মানবিক কারণে যেখানে ব্যয় করা জরুরী, সেখানে ব্যয় করতে সংকীর্ণতা করাকে বলা হয় বুখল বা কার্পণ্য। প্রথম স্থানে ব্যয় না করা গোনাহ আর শেষোক্ত স্থানে ব্যয় না করা গোনাহ নয় তবে খেলাফে আওলা বা অনুত্তম। এই কৃপণতা এত খারাপ জিনিস যে, এর কারণে অনেক ফরয ওয়াজিব পর্যন্ত আদায় হয় না। যেমন যাকাত দেয়া, কুরবানী করা, অভাবীকে সাহায্য করা, গরীব আত্মীয়-স্বজনের উপকার করা ইত্যাদি আদায় না হওয়া। এগুলো হল দ্বীনী ক্ষতি। আর কৃপণকে সকলে ঘৃণার দৃষ্টিতে দেখে এটা হল পার্থিব একটা বড় ক্ষতি।

এ রোগের প্রতিকার হল :

১. দুনিয়ার মহব্বত ও মালের মহব্বত অন্তর থেকে বের করতে হবে। (দেখুন এই পৃষ্ঠার উপরিভাগ।)
২. প্রয়োজনের অতিরিক্ত জিনিস মনে না চাইলেও মনের উপর জোর দিয়ে সেটা কাউকে দিয়ে দেয়া। কৃপণতা দূর না হওয়া পর্যন্ত এরূপ করতে থাকা।

হিরুছ বা লোভ-লালসা :

অর্থ-সম্পদ, মান-সম্মান ইত্যাদির প্রতি মনের লোভকে বলা হয় হিরুছ। প্রশংসা ও যশ-প্রীতি এবং দুনিয়া ও মালের মহব্বত পরিচ্ছেদে বর্ণিত চিকিৎসাই এ রোগের চিকিৎসা। এছাড়া এই চিন্তা করতে হবে যে, লোভী ব্যক্তি সর্বদা লাঞ্চিত ও অপমানিত হয়ে থাকে। এখানে উল্লেখ্য যে, শরী'আতের দৃষ্টিতে পছন্দনীয় জিনিসের প্রতি লোভ বা আগ্রহ নিন্দনীয় নয় বরং তা পছন্দনীয়।

এশ্রাফে নফুছ :

কারও থেকে কিছু পাওয়ার আশায় এমনভাবে অপেক্ষায় থাকা যে, তা না পেলে মন খারাপ হয়ে যায় এবং যার থেকে পাওয়ার অপেক্ষায় ছিল তার প্রতি রাগ জন্মে, এটাকে বলা হয় এশ্রাফে নফুছ। এ-ও এক প্রকারের হিরুছ বা লোভ এবং এটা তাওয়াক্কুল পরিপন্থী হওয়ার কারণে নিন্দনীয়। তবে শুধু যদি পাওয়ার চিন্তা মনে উদয় হয় কিন্তু না পেলে মনে কষ্ট আসে না বা তার প্রতি রাগ জন্মে না, তাহলে এতটুকু গর্হিত নয়। এমনভাবে কোন পেশাদার যে গ্রাহকের অপেক্ষায় থাকে তাও এশ্রাফে নফুছের অন্তর্ভুক্ত নয়। যেমন ডাক্তার রোগীর অপেক্ষায় থাকে ইত্যাদি। হিরুছ বা লোভ-লালসার প্রতিকার যা, এ রোগের প্রতিকারও তাই।

তাকাক্বুর বা অহংকার :

জ্ঞান-বুদ্ধি, ইবাদত-বন্দেগী, মান-সম্মান, ধন-দৌলত ইত্যাদি যে কোন দ্বীনী বা দুনিয়াবী গুণে নিজেকে বড় মনে করা এবং সেই সাথে অন্যকে সে ক্ষেত্রে তুচ্ছ মনে করাকে বলে তাকাক্বুর বা অহংকার। অহংকার গোনাহে কবীরা। কেউ এ রোগে আক্রান্ত হলে সে কারও উপদেশ গ্রহণ করে না, কারও সংপরামর্শও গ্রহণ করে না। এ রোগ হক ও সত্য গ্রহণের পথে সবচেয়ে বড় বাঁধা। এ হল দ্বীনী ক্ষতি। আর অহংকারীকে মনে প্রাণে সকলে ঘৃণা করে এবং সময় সুযোগে তার থেকে প্রতিশোধ নেয়ার চেষ্টা করে, এভাবে দুনিয়াতেও সে ক্ষতিগ্রস্ত হয়ে থাকে। এ সব কিছুর প্রেক্ষিতে তাকাক্বুর বা অহংকারকে সর্বরোগের মূল বলা হয় এবং তাকাক্বুর হারাম ও বড় গোনাহ।

এ রোগ থেকে পরিত্রাণের উপায় হল :

১. নিজের অতীত, বর্তমান ও ভবিষ্যত সম্পর্কে চিন্তা-ভাবনা করা যে, আমি নাপাক পানি থেকে তৈরী এবং বর্তমানেও আমার পেটে নাপাক ভরা, চোখে

মুখে ও নাকের ভিতর ময়লা ভরা। আর মৃত্যুর পর আমার সব কিছু পড়ে গলে দুর্গন্ধময় হয়ে যাবে। ইত্যাদি।

২. এ কথা চিন্তা করা যে, সমস্ত গুণ মূলতঃ আল্লাহরই একান্ত দান, আমার বুদ্ধি বা বাহ বলে তা অর্জিত হয়নি, নতুবা আমার চেয়ে কত বুদ্ধিমান বা শক্তিশালী ব্যক্তি এ গুণ অর্জন করতে পারেনি। অতএব আল্লাহর অনুগ্রহে যা অর্জিত হয়েছে তার জন্য আমার অহংকার বা বড়ত্ববোধ করা বোকামী বৈ কি? বরং এর জন্য আল্লাহর সামনে আমার বিনয়ী হওয়া উচিত।
৩. যাকে ক্ষুদ্র ও তুচ্ছ মনে হবে, মনে না চাইলেও জোর জবরদস্তী তার সাথে নম্র ব্যবহার করতে হবে।
৪. অভাবী ও গরীব শ্রেণীর লোকদের সঙ্গে বেশী উঠা-বসা রাখবে।
৫. মৃত্যুকে বেশী বেশী স্মরণ করবে।
৬. নিজের দোষ-ত্রুটি, নিন্দা-অপবাদ শুনেও প্রতিবাদ না করা।
৭. ক্রোধ প্রকাশ পেলে ক্ষমা চেয়ে নেয়া (ছোটদের থেকে হলেও)।
৮. একান্ত প্রয়োজন ছাড়া নিজের ছোট খাট কাজ নিজেই করা, মজদুর বা চাকর-নওকর না লাগানো।
৯. সকলকে আগে সালাম দেয়া।
১০. তাকাব্বুর দূর করার সবচেয়ে উত্তম পন্থা হল তাকাব্বুরের ধরন ও বিবরণ জানিয়ে হক্কানী পীর ও শায়খে তরীকত থেকে উপযুক্ত ব্যবস্থা জেনে সে অনুযায়ী আমল করা।

উজ্ব বা আত্মগর্ব :

“অহংকার”-এর সংজ্ঞায় নিজেকে বড় মনে করার সাথে সাথে অন্যকে ক্ষুদ্র ও তুচ্ছ মনে করার কথা উল্লেখ করা হয়েছে। কেউ যদি কোন বিষয়ে অন্যকে তুচ্ছ মনে না করে শুধু নিজেকে বড় মনে করে গর্ববোধ করে, তাহলে সেটাকে বলা হয় উজ্ব বা আত্মগর্ব। আত্মগর্ব করাও গোনাহে কবীরা।

উজ্ব বা আত্মগর্ব রোগের প্রতিকার হল :

১. নিজের দোষ-ত্রুটি চিন্তা করে দেখা।
২. গুণকে আল্লাহর দান মনে করা।
৩. উজ্ব দানের জন্য আল্লাহর শোকর আদায় করা।
৪. এই আশংকা রাখা যে, আল্লাহর শক্তি আছে যে কোন সময় তিনি এটা ছিনিয়ে নিতে পারেন।

৫. দু'আ করা যেন আল্লাহ উক্ত দান থেকে মাহরুম না করেন, সেটা যেন ছিনিয়ে না নেন।

রাগ বা গোস্বা :

প্রতিশোধ গ্রহণের জন্য রক্তের মধ্যে যে উত্তেজনা সৃষ্টি হয় তাকে বলে রাগ (غضب) বা গোস্বা। এই রাগকে নিয়ন্ত্রণ করতে না পারলে মানুষের বুদ্ধি ঠিক থাকে না, তখন মুখ দিয়েও অনেক অন্যায কথা বের হয়ে যায়। আবার অনেক অন্যায কাজও করে ফেলে এবং পরিণামে অনেক ক্ষতি ও লজ্জার সম্মুখীন হতে হয়। রাগ স্বভাবগত বিষয়, এর জন্য মানুষ দায়ী নয়। তবে রাগ চরিতার্থ করা না করা মানুষের ইচ্ছার অধীন, তাই এর জন্য সে দায়ী।

রাগ দমনের পন্থা হল :

১. রাগ হলেই আউযুবিলাহি মিনাশ শাইতানির রজীম পড়ে নেয়া।

২. لَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ পড়া।

৩. যার উপর রাগ হয় তাকে সম্মুখ থেকে সরিয়ে দেয়া বা নিজে অন্যত্র সরে যাওয়া।

৪. তারপর এ চিন্তা করা যে, সে আমার নিকট যতটুকু অপরাধী, আমি আল্লাহর নিকট তার চেয়ে বেশী অপরাধী। আমি যেমন চাই আল্লাহ আমাকে ক্ষমা করুন আমারও তেমন উচিত তাকে ক্ষমা করা।

৫. এতেও রাগ না গেলে দাঁড়ানো থাকলে বসে পড়বে, বসে থাকলে শুয়ে পড়বে।

৬. তাতেও রাগ না গেলে ঠাণ্ডা পানি পান করবে বা উষু কিংবা গোসল করে নিবে।

৭. এই চিন্তা করবে যে, আল্লাহর ইচ্ছা ব্যতীত কিছুই হয় না। অতএব আমি আল্লাহর ইচ্ছার বিরুদ্ধে সংঘর্ষ করার কে?

৮. স্বভাবগতভাবে যিনি বেশী রাগী, তার রাগ দমনের পন্থা হল- যার উপর রাগ হয় রাগ ঠাণ্ডা হওয়ার পর জনসমক্ষে তার হাত পা ধরে ক্ষমা প্রার্থনা করবে, তার জুতা সোজা করে দিবে। দু একবার এরূপ করলেই রাগের হুশ ফিরে আসবে।

বিঃ দ্রঃ রাগ সব স্থানেই নিন্দনীয় নয় বরং কোন কোন ক্ষেত্রে জায়েয বরং জরুরী হয়ে পড়ে। অন্যায ও জুলুমের বিরুদ্ধে রাগ শক্তির ব্যবহার করা অনেক সময় ওয়াজিব হয়ে দাঁড়ায়। আর রাগ দমন করার গুণটি যখন স্বভাবে পরিণত

হয় এবং স্থায়িত্ব লাভ করে তখন সেটাকে বলা হয় সহনশীলতা। আল্লাহর নিকট এই সহনশীলতার গুণ অনেক পছন্দনীয়।

বুগ্য (বিদ্বেষ/মনোমালিন্য) ও স্বভাব সংকোচন :

রাগ চরিতার্থ করতে না পারলে রাগ দমনের দ্বারা মনের মধ্যে ক্ষোভ, মনস্তাপ ও বিদ্বেষ সৃষ্টি হয় এবং অন্য ভাবে তার প্রতিশোধ নেয়ার চিন্তা-ভাবনা ও অন্য ভাবে তাকে কষ্ট দেয়ার প্রয়াস জাগে। এই প্রয়াস বা মনোভাবকে বলা হয় বুগ্য বা কীনা। আর অন্য ভাবে প্রতিশোধ গ্রহণের মনোভাব যদি জাগ্রত না হয় কিংবা সেরূপ উদ্যোগ গ্রহণের চিন্তা ভাবনা না আসে বরং রাগের কারণে মনের মধ্যে শুধু একটা সংকীর্ণতা সৃষ্টি হয় এবং যার উপর রাগ হয় তার সাথে দেখা সাক্ষাৎ করতে মন চায় না, তাহলে সেটাকে বলে ইন্কিবায়ে তব্বী বা ‘স্বভাব সংকোচন’, সেটা নিন্দনীয় নয়। কারণ সেটা স্বভাবগত বিষয়, যা ইচ্ছার অধীন নয়। তবে কারও ব্যাপারে স্বভাবের মধ্যে সংকোচন ভাব আসলে সেটা দূর করার জন্য কখনও কখনও এই ব্যবস্থা নেয়া যেতে পারে যে, তাকে বলে দিবে আপনার এই কথা বা আচরণে আমার কষ্ট লেগেছে। এতে অন্তর পরিস্কার হয়ে যাবে। উল্লেখ্য যে, বিদ্বেষ ও শত্রুতা যদি পার্থিব কোন বিষয়ের কারণে হয় তবেই তা নিন্দনীয় ও গর্হিত। পক্ষান্তরে কোন মুসলমান দ্বীনের কারণে আল্লাহর ওয়াস্তে যদি কারও সাথে বিদ্বেষ বা শত্রুতা রাখে তবে তা নিন্দনীয় নয় বরং প্রশংসনীয় ও উত্তম।

বুগ্য বা কীনা রোগের প্রতিকার হল :

১. যার প্রতি বিদ্বেষ হয় তাকে ক্ষমা করে দেয়া।
২. মনে না চাইলেও তার সাথে মেলামেশা অব্যাহত রাখা।

হাছাদ (হিংসা বা পরশ্রীকাতরতা) ও গেবতা :

কারও জ্ঞান, বুদ্ধি, সম্পদ, মান-ইজ্জত, সুখ-স্বাচ্ছন্দ ইত্যাদি ভাল কিছু দেখে মনে কষ্ট লাগা এবং আকাংখা হওয়া যে, সেটা না থাকুক বা ধ্বংস হয়ে যাক এবং তা হলেই মনে আনন্দ লাগা- এই মনোবৃত্তিকে বলা হয় হাছাদ (হিংসা বা পরশ্রীকাতরতা)। সাধারণতঃ তাকাবুর (নিজের বড়ত্ববোধ) বা শত্রুতা থেকে এই মনোভাব সৃষ্টি হয় কিংবা কারও মন যদি খবীছ হয় তাহলেও এই মনোবৃত্তি জাগতে পারে। হাছাদের কারণে নেক আমল নষ্ট হয়ে যায় এবং আল্লাহর ক্রোধের পাত্র হতে হয়। হিংসুক ব্যক্তি চিরকাল মনের কষ্টে কাল যাপন করতে থাকে, জীবনে কখনও মনে শান্তি পায় না।

এখানে উল্লেখ্য যে, কারও ভাল কিছু দেখে সেটা ধ্বংসের কামনা না করে শুধু নিজের জন্য অনুরূপ হয়ে যাওয়ার কামনা করা গর্হিত নয় বরং এরূপ কামনা করার ক্ষেত্রে মাসআলা হল সেটা ওয়াজিব পর্যায়ের বিষয় হলে এরূপ কামনা করা ওয়াজিব, মোস্তাহাব পর্যায়ের হলে মোস্তাহাব আর মোবাহ পর্যায়ের হলে মোবাহ। এটাকে হাছাদ নয় বরং গেবতা বলা হয়।

হাছাদ রোগের প্রতিকার হল :

১. যার প্রতি হাছাদ বা হিংসা হয়, মনে না চাইলেও লোক সমাজে তার প্রশংসা করা।
২. যার যে নেয়ামতের কারণে হাছাদ হয়, সেটা তার জন্য আরও বৃদ্ধি পাক আল্লাহর কাছে এই দু'আ করতে থাকা।
৩. মনে না চাইলেও দেখা হলে তাকে সালাম করা, তার প্রতি ভক্তি শ্রদ্ধা দেখানো এবং নম্র ব্যবহার করা।
৪. মাঝে মধ্যে তাকে হাদিয়া প্রদান করা।

বিঃ দ্রঃ কোন কাফের, মুর্তাদ, ফাসেক ও বেদআতী লোকের কোন বিষয় সম্পদ ও নেয়ামত অর্জিত হলে এবং সে তা দ্বারা ফেতনা ফাসাদ ও দ্বীনের ক্ষতি করতে থাকলে তার সে সম্পদ ও নেয়ামত ধ্বংস হওয়ার কামনা করা নিন্দনীয় নয় বরং কোন কোন অবস্থায় তা উত্তম ইবাদত বলে গণ্য হবে।

বদগোমানী বা কু-ধারণা রোগ :

যে সব মুসলমান বাহ্যিক অবস্থার দিক দিয়ে সৎকর্মপরায়ণ ও নেককার বলে মনে হয়, তার সম্পর্কে কোন প্রমাণ ব্যতীত কুধারণা পোষণ করা হারাম ও গোনাহে কবীরা।

বদগোমানী রোগের প্রতিকার হল :

১. নির্জনে বসে এই চিন্তা করা যে, কু-ধারণা পোষণ করতে আল্লাহ পাক নিষেধ করেছেন। এটা করলে আল্লাহর আযাবের আশংকা রয়েছে। হে নফস, তুমি কিভাবে আযাব বরদাশ্ত করবে?
২. তওবা করবে।
৩. আল্লাহর নিকট অন্তর সাফ হয়ে যাওয়ার জন্য দু'আ করবে।
৪. যার প্রতি কু-ধারণা হয়েছে তার উভয় জগতের কামিয়াবী ও সুখ-শান্তির জন্য দু'আ করবে।
৫. প্রতিদিন তিনবার উপরোক্ত আমল সমূহ একাধারে তিন দিন করার পরও যদি মন থেকে কু-ধারণা না যায়, তাহলে যার প্রতি কু-ধারণা হয়েছে তাকে

যেয়ে বলবে যে, অহেতুক আপনার প্রতি আমার বদগোমানী হয়েছে, আমাকে ক্ষমা করুন এবং আমার জন্য দু'আ করুন যেন আমার মন থেকে এটা দূর হয়ে যায়।

গোনাহের প্রতি আকর্ষণ :

তাকওয়া বা পরহেযগারীর স্বাদ এবং নূর ভেতরে না থাকার কারণে গোনাহের প্রতি আকর্ষণ সৃষ্টি হয়- বিকর্ষণ সৃষ্টি হয় না। তাকওয়ার স্বাদ অর্জিত হলে গোনাহের প্রতি বিকর্ষণবোধ সৃষ্টি হবে এবং গোনাহ করতে তখন খারাপ লাগবে। অতএব গোনাহের প্রতি আকর্ষণ-রোগের চিকিৎসা হল তাকওয়া অর্জনের পছন্দ গ্রহণ করা। (দেখুন পৃষ্ঠা ৫৮২) গান বাদ্যের প্রতি আকর্ষণ থাকলে তার প্রতিকারের জন্য দেখুন ৬০১ পৃষ্ঠা। অশ্লীল নভেল নাটক, খেলাধুলা ইত্যাদির প্রতি আকর্ষণ থাকলে তার জন্য দেখুন ৬০২ ও ৬১১ পৃষ্ঠা। (مازى القرآن و الفرقان، بصائر كليم الله جودى بههشائى شريعت و طريقت)

অবৈধ প্রেম :

কোন নারী বা বালকের অবৈধ প্রেমে পড়লে তা থেকে পরিত্রাণের জন্য যা যা করতে হবে :

১. প্রথমতঃ বুঝতে হবে যে, সাহস কষ্ট ও ত্যাগ স্বীকার করা ব্যতীত কোন সহজ কাজও হয় না। শরীরের সামান্য রোগ-ব্যাদি থেকে মুক্তি পেতে গেলেও তিক্ত ঔষধ সেবন করতে হয়। জাহিরী রোগের যখন এই অবস্থা, তখন অভ্যন্তরীণ রোগের ক্ষেত্রেতো আরও বেশী ত্যাগ ও কষ্ট স্বীকারের জন্য মনকে প্রস্তুত করতে হবে।
২. তার সাথে কথা-বার্তা, দেখা-শুনা, আসা-যাওয়া সম্পূর্ণ বন্ধ করে দিতে হবে। অন্য কেউ তার আলোচনা করলে তাকে বাধা দিতে হবে এবং লৌকিকভাবে হলেও যার প্রেমে পড়েছে পরিকল্পিতভাবে এক এক বাহানায় তার সমালোচনা করতে থাকবে।
৩. একটা নির্জন সময়ে গোসল করে পরিষ্কার কাপড় পরিধান করে আতর ও সুগন্ধি মেখে দুই রাকআত তওবার নামায (২২৪ পৃষ্ঠা দেখুন) পড়বে এবং কেবলামুখী অবস্থায় বসে খুব তওবা এস্তেগফার করে এই বিপদ থেকে মুক্তির জন্য আল্লাহর নিকট দু'আ করবে এবং পাঁচশত থেকে এক হাজার বার লা-ইলাহা-ইল্লাল্লাহ এর যিকির করবে। লা-ইলাহা বলার সময় ঘাড় ডান দিকে ঘুরাবে এবং এই ধ্যান করবে যে, আল্লাহ ব্যতীত সবকিছুকে

অন্তর থেকে বের করে দিলাম। অতঃপর ইল্লাল্লাহ বলার সময় বাম স্তনের সামান্য নীচের দিকে খেয়াল করে মাথা সেদিকে স্বজোরে ঝুকাবে আর ধ্যান করবে যে, আল্লাহর মহব্বত অন্তরে গেঁথে দিলাম।

৪. যে বুয়ুর্গের প্রতি ভক্তি আছে তাঁর সম্পর্কে এই কল্পনা করবে যে, তিনি আমার অন্তরের মধ্যে বসে আমার অন্তর থেকে সব জঞ্জাল ধীরে ধীরে বাইরে নিক্ষেপ করছেন।
৫. দোযখের বর্ণনা এবং আল্লাহর নাফরমানীর কারণে আল্লাহ কিরূপ অসন্তুষ্ট হন-এ জাতীয় বর্ণনা যে কিতাবে আছে এমন কোন কিতাব বা হাদীছের গ্রন্থ পাঠ করবে।
৬. একটা নির্দিষ্ট সময়ে নির্জনে বসে এ চিন্তা করবে যে, আমি কিয়ামতের ময়দানের আল্লাহর সামনে দণ্ডায়মান রয়েছি আর আল্লাহ আমাকে ধমক দিয়ে বলছেন, “হে বেহায়া, বেশরম! তোমার লজ্জা হয় না, আমাকে ছেড়ে একটা মুরদার দিকে ঝুঁকে পড়লে? এর জন্য তোমাকে আমি পয়দা করে ছিলাম? বেহায়া, আমার দেয়া চোখ আমার দেয়া অন্তরকে তুমি আমার নাফরমানীর কাজে ব্যবহার করলে? তোমার শরম হয় না? ইত্যাদি ইত্যাদি।

বিঃ দ্রঃ এ সব আমল করতে থাকবে, ফল পেতে দেবী হলেও পেরেশান হবে না। চেষ্টাতেও তো ছওয়াব পাওয়া যাবে।

কয়েকটি বদ অভ্যাস ও পাপ এবং তা বর্জনের উপায়

গান-বাদ্য শ্রবণ :

আবু দাউদ, ইবনে মাজা, ইবনে হিব্বান, মুসনাদে আহমদ প্রভৃতি হাদীছের কিতাবে বর্ণিত নির্ভরযোগ্য হাদীছে গান-বাদ্য হারাম হওয়া সম্পর্কে স্পষ্ট উল্লেখ এসেছে। কুরআন শরীফেও এরূপ বর্ণনা এসেছে। কেবল সুললিত কণ্ঠে যদি কোন কবিতা পাঠ করা হয় এবং পাঠক কোন নারী বা কিশোর না হয়, সাথে সাথে কবিতার বিষয়বস্তু অশ্লীল বা অন্য কোন পাপ পঙ্কিলযুক্ত না হয় তাহলে তা জায়েয। (গান-বাদ্য হারাম হওয়া সম্বন্ধে বিস্তারিত দলীল-প্রমাণ জানার জন্য দেখুন আমার রচিত “ইসলামী আকীদা ও ভ্রান্ত মতবাদ” গ্রন্থ।

যদি কেউ গান-বাদ্য শ্রবণের বদ অভ্যাসে আক্রান্ত হয়ে পড়ে তাহলে তার থেকে পরিত্রাণের উপায় হল :

১. গান-বাদ্যের প্রতি স্বভাবগত আকর্ষণ থেকে থাকে, এ আকর্ষণ সম্পূর্ণ বিলীন করে দেয়া স্বাভাবিকভাবে অসম্ভব। তবে মনে চাইলেই ইচ্ছাকৃত ভাবে মনের চাহিদার বিরুদ্ধে তা থেকে বিরত থাকতে হবে। এতে কষ্ট হলেও কারও তাড়াতাড়ি বা কারও ধীরে ধীরে সেই চাহিদা দুর্বল হয়ে যাবে।
২. গান-বাদ্যের উপকরণ ও পরিবেশ থেকে দূরে থাকতে হবে।

অশ্লীল উপন্যাস, কবিতা ও নভেল নাটক পাঠ :

অনেক যুবক-যুবতী অশ্লীল উপন্যাস, নভেল, নাটক, পেশাদার অপরাধীদের কাহিনী অথবা অশ্লীল কবিতা পাঠের বদ অভ্যাসে অভ্যস্ত। এসব বিষয়ও নিষিদ্ধ। এ সবেবর বদ অভ্যাস থেকে মুক্তি পাওয়ার জন্য পূর্ববর্তী পরিচ্ছেদে বর্ণিত পন্থাসমূহ গ্রহণ করতে হবে। অর্থাৎ, ইচ্ছাকৃতভাবে মনের চাওয়ার বিরুদ্ধে তা থেকে বিরত থাকতে হবে এবং এসবেবর উপকরণ থেকে দূরে থাকতে হবে। কিছু দিন এরূপ করলেই মনের এসব চাহিদা দুর্বল হয়ে যাবে।

সিনেমা, বাইস্কোপ ও অশ্লীল ছায়াছবি দর্শন :

এগুলোর মধ্যে পাঁচ রকমের পাপ রয়েছে। (১) সময় নষ্ট (২) সম্পদ নষ্ট (৩) স্বভাব-চরিত্র নষ্ট (৪) স্বাস্থ্য নষ্ট (৫) ঈমান ও আমল নষ্ট। যদি নারী চরিত্র ও অশ্লীলতাকে বাদ দিয়ে শিক্ষামূলক ফিল্ম তৈরী করা হয়, তাহলে তার মধ্যে এতগুলো পাপ থাকবে না শুধু জীবের ছবি তোলার পাপ থাকবে। আর জীবের ছবিও বাদ দিয়ে শুধু সু-শিক্ষামূলক ফিল্ম তৈরি করা হলে তাতে কোন পাপ থাকবে না। সিনেমার পার্ট ও প্লে করা, এর ব্যবসা করা এবং এডভারটাইজ করা সবই কবীরা গুনাহ। সিনেমা বাইস্কোপ দেখার বদ অভ্যাস থেকে পরিত্রাণের জন্য পরবর্তী পরিচ্ছেদে বর্ণিত পন্থাসমূহ গ্রহণ করতে হবে।

মদ, গাজা, ভাং, আফিম, হেরোইন প্রভৃতির নেশা :

শরী‘আতে এসব নেশাকর দ্রব্য সম্পূর্ণ হারাম, অল্ল হোক চাই বেশী হোক। এ সবেবর শারীরিক, আর্থিক, নৈতিক, আর্থিক ও জাগতিক বিভিন্ন প্রকারের ক্ষতির কারণেই শরী‘আত এগুলোকে নিষিদ্ধ করেছে। এ সবেবর বদ-অভ্যাসে কেউ জড়িত হয়ে পড়লে তা ছাড়ানো কঠিন ও কষ্টকর। তবে নিম্নোক্ত পদ্ধতি সমূহ গ্রহণ করলে ফল পাওয়া যাবে।

১. প্রথমতঃ এসব নেশার মন্দ ও ক্ষতিকর দিকগুলো নেশাগ্রস্ত ব্যক্তির মনে বদ্ধমূল করাতে হবে এবং তার মনে এর প্রতি ভয়, আতংক ও ঘৃণা জাগিয়ে তুলতে হবে।
২. যে কোন নেশাজনিত অভ্যাস হঠাৎ ত্যাগ করা মানুষের পক্ষে অত্যন্ত কষ্টকর, তাই ধীরে মত্তর গতিতে অল্প অল্প করে তাকে তা থেকে বেরিয়ে আনতে হবে।
৩. তার কাছ থেকে নেশার উপকরণ এবং পাত্র, তৈজসপত্র ইত্যাদি দূরে সরিয়ে দিতে হবে বা তাকে নেশাটির উপকরণ থেকে দূরে সরিয়ে রাখতে হবে, যতদিন পর্যন্ত তার মন থেকে নেশার ঘোর সম্পূর্ণ কেটে না যায়।
৪. সবচেয়ে বড় কথা মানুষ ইচ্ছা ও সাহস করলে অনেক কঠিন কিছুও করে ফেলতে পারে- নেশাখোর ব্যক্তির মনে এরূপ ইচ্ছা ও সাহস জাগিয়ে তুলতে হবে। (بشوء معارف القرآن وفتح الملهم)

বিড়ি, সিগারেট, হুকা ও তামাক সেবন :

বিড়ি, সিগারেট, হুকা ইত্যাদি ধূমপান ও তামাক সেবন মাকরুহ তানযীহী। আর এগুলোর দুর্গন্ধ মুখে থাকা অবস্থায় মসজিদে গমন করা হারাম। (تأوى رشيدية) ফাতাওয়া মাহমুদিয়া ৫ম খণ্ডে বলা হয়েছেঃ তামাক যদি নেশা যুক্ত হয় তাহলে নিষিদ্ধ, দুর্গন্ধযুক্ত হলে মাকরুহ, অন্যথায় জায়েয।

বিড়ি সিগারেট প্রভৃতির বদ অভ্যাস পরিত্যাগ করার জন্য পূর্ববর্তী পরিচ্ছেদে বর্ণিত নিয়মাবলী প্রযোজ্য। যথা :

১. প্রথমতঃ এ সব নেশার মন্দ ও ক্ষতিকর দিকগুলো নেশাখোর ব্যক্তির মনে বদ্ধমূল করাতে হবে এবং তার মনে এর প্রতি ভয়, আতংক ও ঘৃণা জাগিয়ে তুলতে হবে।
২. যে কোন নেশাজনিত অভ্যাস হঠাৎ ত্যাগ করা মানুষের পক্ষে অত্যন্ত কষ্টকর, তাই ধীরে মত্তর গতিতে অল্প অল্প করে তাকে তা থেকে মুক্ত করতে হবে।
৩. তার কাছ থেকে নেশার উপকরণ এবং পাত্র, তৈজসপত্র ইত্যাদি দূর করে দিতে হবে বা তাকে নেশার উপকরণ থেকে দূরে সরিয়ে রাখতে হবে, যত দিন তার মন থেকে নেশার ঘোর সম্পূর্ণ কেটে না যায়।
৪. সবচেয়ে বড় কথা মানুষ ইচ্ছা ও সাহস করলে অনেক কঠিন কিছুও করে ফেলতে পারে- নেশাখোর ব্যক্তির মনে এরূপ ইচ্ছা ও সাহস জাগিয়ে তুলতে হবে।

অপব্যয় (تذير) :

শরী'আতের আলোকে যে ক্ষেত্রে ব্যয় করা নিষেধ সে ক্ষেত্রে ব্যয় করাকে বলা হয় তাবযীর বা অপব্যয়। কুরআন অপব্যয়কারীকে 'শয়তানের ভাই' বলে আখ্যায়িত করেছে। অপব্যয় করা গোনাহে কবীরা।

অমিতব্যয় (اسراف) :

যেসব ক্ষেত্রে ব্যয় করা জায়েয সে সব ক্ষেত্রেও প্রকৃত প্রয়োজনের অতিরিক্ত ব্যয় করাকে বলা হয় এছরাফ বা অমিতব্যয়। এটা শরী'আতে নিষিদ্ধ। এটাকে ব্যয়ের ক্ষেত্রে সীমালংঘন বা অতিরিক্ত ব্যয় বলেও আখ্যায়িত করা যায়। 'প্রয়োজন' বলতে বুঝায় এতটুকু পরিমাণ, যা না হলে কোন দ্বীনের কাজ বা দুনিয়ার কাজ করা সম্ভব হয় না বা অত্যন্ত কষ্ট ও পেরেশানীর সম্মুখীন হতে হয়। অনেক সময় কল্পিত প্রয়োজনকে আমরা জরুরত বা প্রয়োজন মনে করে বসি; অথচ সেটা জরুরত বা প্রয়োজন নয় বরং তা হল খাহেশাত বা লোভ। প্রয়োজন ও খাহেশাতের মধ্যে পার্থক্য বোধ রাখতে হবে।

দুনিয়ার মহব্বত এবং লোভ প্রতিকারের জন্য যে ব্যবস্থা, অমিতব্যয়ের বদ অভ্যাস প্রতিকারের জন্যও তাই গ্রহণ করতে হবে। (৫৩৯ পৃষ্ঠা)

যেনা (ব্যভিচার) :

যেনা অর্থাৎ, নারীর সতীত্ব নষ্ট করা এবং পুরুষের চরিত্র নষ্ট করা। এটা অতি জঘন্য কবীরা গোনাহ। বিবাহিত অবস্থায় যেনা করলে এবং তা স্বীকার করলে অথবা চারজন সত্যবাদী চাক্ষুস সাক্ষীর দ্বারা প্রমাণিত হলে তার শাস্তি পাথর মেরে প্রাণ বধ করে ফেলানো। আর অবিবাহিত অবস্থায় অনুরূপ ভাবে যেনা প্রমাণ হলে তার শাস্তি একশত বেত্রাঘাত। তবে উল্লেখ্য যে, একমাত্র শরঈ কাজীই এ শাস্তি প্রয়োগ করতে পারে, অন্য কেউ নয়।

যেনা থেকে বেঁচে থাকার জন্য যা যা করতে হবে :

১. যেনার উপসর্গ যেমন প্রেমলাপ, গোপন যোগাযোগ, গায়র মাহরামের সাথে নির্জন বাস, পর্দা লংঘন ইত্যাদি থেকে বেঁচে থাকা।
২. যেনার কারণে জাহান্নামের যে কঠিন শাস্তি হবে তা স্মরণ করা।
৩. একথা স্মরণ করা যে, আল্লাহ সব কিছুই দেখেন, আমার এ অবস্থাও তিনি দেখবেন এবং কোন মানুষ এখন না দেখলেও কিয়ামতের ময়দানে সকলের সামনে এটা প্রকাশ করে দেয়া হবে। তখন শরমের অন্ত থাকবে না।

৪. বিবাহ না করে থাকলে বিবাহ করা, না পারলে রোযা রাখা। আর স্ত্রী থাকার পরও কোন নারীর প্রতি খাহেশ হলে এই চিন্তা করা যে, তার যা আছে আমার স্ত্রীরওতো তা আছে, তাহলে অহেতুক কেন তার প্রতি ঝুঁকতে হবে?
৫. যেনার খাহেশ প্রবল হলে নিম্নোক্ত আয়াত তিনবার পড়ে শরীরে ফুক দিবে-

يُثَبِّتُ اللَّهُ الَّذِينَ آمَنُوا بِالْقَوْلِ الثَّابِتِ فِي الْحَيَاةِ الدُّنْيَا وَفِي الْآخِرَةِ،
وَيُضِلُّ اللَّهُ الظَّالِمِينَ وَيَفْعَلُ اللَّهُ مَا يَشَاءُ -

৬. যে নারীর সাথে যেনার কামনা জাগে বা যে পরিবেশে যেনার সুযোগ সৃষ্টি হয় সেখান থেকে দূরে সরে যাওয়া।
৭. যে বুয়ুর্গের প্রতি ভক্তি আছে তার সম্পর্কে নির্জনে কিছুক্ষণ বসে এই কল্পনা করবে যে, তিনি আমার অন্তরের মধ্যে বসে আমার অন্তর থেকে সব জঞ্জাল ধরে ধরে বাইরে নিষ্ক্ষেপ করছেন।
৮. যে সব কথা শুনলে, যেখানে গেলে বা যা দেখলে কিংবা যা পড়লে অথবা যা চিন্তা করলে যৌন উত্তেজনা সৃষ্টি হয় বা যেনার মনোভাব জাগ্রত হয় তা থেকে বিরত থাকা।

হস্তমৈথুন :

হস্তমৈথুন করা মহাপাপ। এ থেকে পরিত্রাণের জন্য পূর্বের পরিচ্ছেদে বর্ণিত ২, ৩, ৭, ও ৮ নং পন্থা গ্রহণ করতে হবে।

বালক মৈথুন :

বালকের সাথে কুকর্ম করা যেনার চেয়েও বড় পাপ। এ জন্যেই বালকের সাথে কুকর্মকারীর শাস্তি বলা হয়েছে আগুন দিয়ে জ্বালিয়ে দেয়া।

যেনা থেকে বেঁচে থাকার জন্য যে সব পন্থা গ্রহণীয়, বালক মৈথুন থেকে পরিত্রাণের জন্যেও সে সব পন্থা গ্রহণীয়।

বদ নজর :

গায়র মাহরাম মহিলার দিকে নজর করা বা শাশ্রুবিহীন বালকের দিকে খাহেশাতের দৃষ্টিতে তাকানো হল বদ নজর। বদ নজর দ্বারা কলব অঙ্গকার হয়ে যায়, ইবাদতের নূর নষ্ট হয়ে যায়। এতে নজরের যেনা হয়। আবার তাকে নিয়ে কোন পাপের চিন্তা করলে মনের যেনা হয়। অনিচ্ছাকৃত হঠাৎ যে দৃষ্টি

পড়ে যায় তাতে কোন পাপ নেই, কিন্তু তারপর ইচ্ছাকৃত ভাবে দৃষ্টিকে দীর্ঘায়িত করলে বা বারবার দেখলে পাপ হবে। এই বারবার কিংবা দীর্ঘক্ষণ দেখতে চাওয়া আসলে মনের একটা রোগ বিশেষ।

বদ নজর রোগ থেকে পরিত্রাণের উপায় হল :

১. এ চিন্তা করা যে, আল্লাহ আমার মনের অবস্থা দেখছেন এবং কিয়ামতের দিন এ নিয়ে তিনি জিজ্ঞাসাবাদ করবেন, তখন সবার সামনে লজ্জিত হতে হবে এবং এই পাপের দরুণ জাহান্নামের আযাব হবে।
২. এই চিন্তা করবে যে, আমার আপনজনকে কেউ এভাবে দেখলেতো আমার অপছন্দ লাগে, তাহলে আমার দেখাটা কি তাদের অপছন্দনীয় নয়?
৩. এরপরও তাকে সুন্দর মনে হলে এবং নজর দিতে মনে চাইলে তাকে কুৎসিত কল্পনা করবে।
৪. হিম্মত এবং এরাদা করা যে, এ থেকে বিরত থাকব। আর হঠাৎ নজর পড়ে গেলে তার থেকে নজর ফিরিয়ে নিলে কলবে নূর পয়দা হয়- এই ফিকির রাখা।

গীবত (অপরের দোষ চর্চা):

হেয় করে তোলার উদ্দেশ্যে পশ্চাতে কারও প্রকৃত দোষ-ত্রুটি বর্ণনা করাকে গীবত বলে। আর প্রকৃতপক্ষে সে দোষ তার মধ্যে না থাকলে সেটাকে বলে বুহতান, যা গীবতের চেয়েও বড় অপরাধ। জ্ঞান, বুদ্ধি, বিবেক, পোশাক-পরিচ্ছদ, শারীরিক গঠন, বংশ ইত্যাদি যে কোন বিষয়ের দোষ বর্ণনাই গীবতের অন্তর্ভুক্ত। মুখে বলা দ্বারা যেক্রপ গীবত হয়, তদ্রূপ অঙ্গভঙ্গী এবং ইশারা ইঙ্গিতেও গীবত হয়। গীবত যেমন জীবিত মানুষের হয় তেমনি মৃত মানুষেরও হয়। ছোট-বড় মুসলিম-অমুসলিম নির্বিশেষে সকলের দোষ চর্চাই গীবত।

গীবত করা হারাম, যেনার চেয়েও গুরুতর কবীরা গোনাহ। অবশ্য ন্যায্য বিচার প্রার্থনা করতে গিয়ে বিচারকের নিকট প্রতিপক্ষের যে দোষ বর্ণনা করতে হয়, কিংবা কাউকে অপরের দ্বীনী বা দুনিয়াবী ক্ষতি থেকে সাবধান করার উদ্দেশ্যে বা গুরুজনের নিকট অধীনস্তদেরকে শাসন করানোর জন্য যে দোষ-ত্রুটি উল্লেখ করা হয় তা গীবতের অন্তর্ভুক্ত নয়।

স্বেচ্ছায় এবং মনোযোগ সহকারে গীবত শ্রবণ করাতেও গীবতের গোনাহ হয়। কারও গীবত করে ফেললে নিজের এস্তেগফার করা, যার গীবত করা

হয়েছে তার জন্য এস্তেগফার করা এবং সম্ভব হলে ও সংগত মনে করলে তার নিকট ওজরখাহী করা উচিত। এভাবেই গীবতের পাপ থেকে মুক্তি লাভ করা যায়। কাউকে গীবত করতে শুনলে তাকে বাধা দাও, না পারলে সে মজলিস ত্যাগ কর, না পারলে সে কথা থেকে মনোযোগ হটিয়ে মনে মনে অন্য কিছু ভাবতে বা পড়তে থাক।

গীবত শোনার পর কয়েকটা কাজ করা উচিত।

১. এ শোনা কথা অন্যের কাছে বর্ণনা না করা।
২. যার দোষ শোনা হল তার দোষ খুঁজতে শুরু না করা।
৩. তার উপর বদগোমামী না করা।
৪. গীবতকারীকে পারলে এই গীবতের অভ্যাস পরিত্যাগ করার পরামর্শ দেয়া।
৫. প্রয়োজন মনে করলে আসল ব্যক্তির থেকে জেনে নেয়া যে, ব্যাপারটা কতদূর সত্য। অবশ্য এ ক্ষেত্রে গীবতকারীর নাম উল্লেখ করা উচিত নয়।

গীবতের বদ অভ্যাস পরিত্যাগের জন্য করণীয় হল :

১. কারও গীবত করে ফেললে তার প্রশংসা করা।
২. তার জন্য দু'আ ও এস্তেগফার করা।
৩. তাকে এ বিষয়টা জানিয়ে দিয়ে তার নিকট ক্ষমা প্রার্থনা করা। তবে হিতে বিপরীত হওয়ার আশংকা থাকলে তাকে জানাবে না।
৪. কারও সম্পর্কে কিছু বলতে মনে চাইলেও চিন্তা করে নেয়া যে, এটা গীবত হয়ে যাচ্ছে না তো? যদি গীবতের পর্যায়ভুক্ত হয় তাহলে তা না বলা।
৫. গীবত হয়ে গেলে নিজে তওবা এস্তেগফার করা এবং ভবিষ্যতে আর গীবত না করার প্রতিজ্ঞা করা।
৬. গীবত কখনো ক্রোধ থেকে করা হয়, কখনও অহংকারের কারণে হয়, কখনও সম্মানের মোহ থেকে হয়, আবার কখনও হিংসা-বিদ্বেষ চরিতার্থ করার জন্যে হয়ে থাকে। যে কারণে গীবত হয় সে কারণের চিকিৎসা করা দরকার।

চোগলখোরী (কোটনাগিরি) :

চোগলখোরী অর্থ কারও এমন কথা বা কাজ সম্পর্কে অন্যকে অবহিত করে দেয়া, যা সে তার কাছে গোপন করতে ও গোপন রাখতে চায় এবং তার

শ্রুতিগোচর হওয়াকে অপছন্দ করে। এটা কোন দোষের কথা বা দোষের কাজ হলে চোগলখোরীর সাথে সাথে গীবতও হয়ে যাবে, তাহলে তা একই সাথে দুটো পাপের হবে। আর প্রকৃত পক্ষে সে দোষ তার মধ্যে না থাকলে বৃহতান বা মিথ্যা অপবাদে গোনাহও হবে। চোগলখোরী করা কবীরা গোনাহ, যা মানুষের পারস্পরিক বন্ধুত্বের সম্পর্ককে ধ্বংস করে দেয় এবং সামাজিক ফ্যাসাদ ঘটায়।

তোষামোদ বা চাটুকারিতা :

তোষামোদ বা চাটুকারিতা হল নিজের স্বার্থ উদ্ধারের উদ্দেশ্যে অন্যকে খুশী করার জন্য নিজের ধারণা ও বিশ্বাসের বিপরীতে তার প্রশংসা করা। এটা এক ধরনের ধোঁকা ও প্রতারণা। পক্ষান্তরে পক্ষ-বিপক্ষ নির্বিশেষে সকলের সাথে স্বচ্ছ ও খোলা মন নিয়ে বাস্তবতার নিরিখে মনের কথা যথাযথ ভাবে প্রকাশ করাকে বলা হয় বাস্তববাদিতা বা স্বচ্ছতা। তবে স্বচ্ছতা বা বাস্তববাদিতার অর্থ আদৌ এই নয় যে, সব সত্য কথা সব স্থানে প্রকাশ করে দিতে হবে। বরং অনেক স্থানে বলার চেয়ে চুপ থাকাটাই শ্রেয় হতে পারে। বিনা প্রয়োজনে অন্যের অনুভূতিতে আঘাত হানবে বা অন্যকে বিব্রত করবে- এরূপ কথা বলাকে বাস্তববাদিতা আখ্যা দেয়া যাবে না। কিংবা বাস্তববাদিতার দোহাই দিয়ে নিজের কৃতিত্বের কথা গেয়ে বেড়ানো বা আপনজন ও বন্ধু-বান্ধবের গোপন রহস্য প্রকাশ করে দেয়াও সমীচীন নয়। বাস্তববাদিতার অর্থ হল- যতটুকু বলতে হবে তা যেন অবশ্যই বাস্তবানুগ হয় এবং তাতে কোনরূপ কপটতা না থাকে।

তোষামোদ বা চাটুকারিতা যে প্রতারণা, কপটতা ও পাপ-এই চেতনা মনে বদ্ধমূল রাখলে তোষামোদের মনোবৃত্তি অবদমিত হবে।

গালি-গালাজ ও অশ্লীল কথা বলা :

যেটা প্রকাশ করতে মানুষ শরম বোধ করে, এটাকেই পরিষ্কার ভাষায় ব্যক্ত করাকে বলা হয় গালি বা অশ্লীল কথা। আর যদি সেটা অবাস্তব হয় তাহলে মিথ্যা অপবাদে গোনাহও হবে। কাউকে গালি দেয়া হারাম, এমনকি কাকের বা জীবজন্তুকেও। (شریت و طریقت)

মিথ্যা ও বেশী কথা বলার বদ অভ্যাস পরিত্যাগের জন্য যে চিকিৎসা এর চিকিৎসাও অনুরূপ। (দেখুন ৬১০ পৃষ্ঠা।)

রসিকতা ও ব্যঙ্গ-বিদ্রুপ করা :

কারও চলা-ফেরা, উঠা-বসা, বলা, গঠন-আকৃতি ইত্যাদি যে কোন বিষয়ের দোষ এমন ভাবে প্রকাশ করা যে মানুষের হাসির উদ্রেক করে, কিংবা কাউকে লোক সমক্ষে হেয় করাকে বলা হয় ব্যঙ্গ বিদ্রুপ করা। শরী'আতে ব্যঙ্গ বিদ্রুপ করা নিষিদ্ধ। তদ্রূপ এমন রসিকতাও শরী'আতে নিষিদ্ধ যাতে কেউ মনে কষ্ট পায়। রসিকতা শরী'আত জায়েয, যদি রসিকতার মধ্যে অবাস্তব কিছু বলা না হয় এবং শ্রোতার মনে আঘাত না লাগে। যে রসিকতা দ্বারা শ্রোতার অন্তরে আঘাত লাগে নিশ্চিত, সেরূপ রসিকতা সর্বসম্মতিক্রমে হারাম। (شریعت و طریقت)

রসিকতাকে অভ্যাস বানানো ঠিক নয়, মাঝে মধ্যে উপরোক্ত শর্ত সাপেক্ষে করা যেতে পারে। এ রোগের চিকিৎসাও পূর্বে উল্লেখিত রোগের চিকিৎসার ন্যায়।

রুক্ষ কথা বলা :

কথা নরমে এবং মিষ্টভাবে বলা শরী'আতের কাম্য। এমনকি হক কথাও এমন রুক্ষভাবে বলা ঠিক নয় যাতে শ্রোতার মনে আঘাত লাগে। কারণ তাতে হিতে বিপরীত হতে পারে। অনেক সময় রুক্ষ কথা স্বভাবগত কারণে হয়ে থাকে, আবার বদ-অভ্যাসের কারণেও হয়। স্বভাবেরতো পরিবর্তন হয় না, তবে নিম্নোক্ত পদ্ধতিসমূহ গ্রহণ করলে অভ্যাসগত কারণে হয়ে থাকলে তার পরিবর্তন হবে এবং স্বভাবগত কারণে হয়ে থাকলেও কিছুটা মার্জিত হবে।

১. কথা বলার সময় এই অভ্যাসটা ক্ষতিকর- এই ভেবে লৌকিকতা করে হলেও নরমে এবং মিষ্টভাবে বলার চেষ্টা করা।
২. হক কথা কারও কাছে তিজবোধ হলেও বলব- এই মনোভাব যখন আসবে, তখন সে হক কথা তখনই বলার একান্ত প্রয়োজন হলে নিজে না বলে অন্যের দ্বারা বলাবে, আর তখনই বলার আবশ্যিকতা না থাকলে কিছুদিন সে নছীহত করা ও এরূপ কথা বলা বন্ধ রাখবে। এভাবে কিছু দিনের মধ্যে তবীয়তে ভারসাম্য পয়দা হয়ে যাবে ইনশাআল্লাহ।

মিথ্যা বলা :

যেটা বাস্তব নয় এরূপ কথা হল মিথ্যা। মিথ্যা বলা গোনাহে কবীরা। তাহকীক তদন্ত ও যাচাই না করেই কোন কথা বর্ণনা করা বা তাহকীক ছাড়াই যে কোন কথা শুনে তা বলে দেয়াও মিথ্যা বলার মত গোনাহ। তবে নির্ভরযোগ্য ব্যক্তি বা নির্ভরযোগ্য কিতাব থেকে কোন কথা জানলে তা তাহকীক ছাড়াই বলা ও বর্ণনা করা যায়। চারটি ক্ষেত্র ব্যতীত অন্য সব ক্ষেত্রে মিথ্যা বলা

হারাম ও গোনাহে কবীরা এবং হাদীছে মিথ্যাকে গোনাহের মাতা অর্থাৎ, বহু গোনাহের জন্মদাত্রী বলে আখ্যায়িত করা হয়েছে।

যে চারটি ক্ষেত্রে মিথ্যা বা অবাস্তব বলার অনুমতি রয়েছে, তা হল -

১. বিবদমান দুইজন বা দুই পক্ষের মধ্যে বিবাদ নিরসন ও মিল মহক্কত সৃষ্টি করে দেয়ার উদ্দেশ্যে।
২. স্ত্রীকে খুশি করার উদ্দেশ্যে।
৩. যুদ্ধের সময় যুদ্ধের কৌশল হিসেবে। তবে কেউ কেউ এ ক্ষেত্রেও সরাসরি মিথ্যা না বলে প্রকৃত সত্য উহ্য থাকে এমনভাবে কিছু ইংগিত করে দেয়ার কথা বলেছেন।
৪. নিজের হক উদ্ধার বা বড় ধরনের ক্ষতি থেকে বাঁচার জন্য। এ সম্পর্কে বিস্তারিত জানার জন্য দেখুন ৪৫২ পৃষ্ঠা।

মিথ্যা বলার বদ অভ্যাস পরিত্যাগের জন্য একটা জিনিসেরই প্রয়োজন, আর তা হল “ইচ্ছা”। প্রত্যেকটা কথা বলার পূর্বে চিন্তা করা যে, এটা মিথ্যা নয়তো? হলে তা বর্জন করা। এভাবেই মিথ্যা বর্জনের অভ্যাস গড়ে উঠবে।

বেশী কথা বলা :

দ্বীনী ও প্রয়োজনীয় কথা ছাড়া বেশী কথা বলাও একটি বদ অভ্যাস। প্রয়োজনীয় কথা হল : (এক) যা নেকী অর্জনের উদ্দেশ্যে বলা হয়। (দুই) যা গোনাহ থেকে বাঁচার জন্য বলা হয়। (তিন) যা না বললে পার্থিব ক্ষতি হয়।

বেশী কথা বলা দ্বারাও মানুষ শত শত গোনাহে লিপ্ত হয়- যেমন মিথ্যা বলা, গীবত করা, নিজের বড়ায়ী বয়ান করা, কাউকে অভিশাপ দেয়া, কারও সাথে অহেতুক তর্ক জুড়ে দেয়া, অতিরিক্ত হাসি-ঠাট্টা করতে গিয়ে কাউকে কষ্ট দিয়ে ফেলা ইত্যাদি। এর বিপরীত কম কথা বলার অভ্যাস থাকলে বহু পাপ থেকে নিরাপদ থাকা যায়। তাই কম কথা বলা ভাল। বেশী বলার রোগের চিকিৎসা হল :

১. কথা বলার পূর্বে চিন্তা করে নেয়া যে, ছওয়াবের বা দরকারী হলে বলা আর অনুরূপ না হলে বর্জন করা।
২. ভিতর থেকে নফস বলার জন্য খুব বেশী তাগাদা করলে তাকে এই বলে বোঝানো যে, এখন চুপ থাকতে যে কষ্ট, তার চেয়ে বেশী কষ্ট হবে দোযখের আধাবে। একান্ত না বলে থাকতে না পারলে অল্প বলে চুপ হয়ে যাবে। এভাবে কথা কম বলার অভ্যাস গড়ে উঠবে।
৩. একান্ত জরুরত না হলে কারও সাথে দেখা সাক্ষাৎ করবে না।

খেলাধুলা করা ও দেখা :

যে খেলা শারীরিক ব্যায়াম তথা স্বাস্থ্য রক্ষার জন্যে অথবা কোন ধর্মীয় বা পার্থিব উপকারিতা লাভের উদ্দেশ্যে অথবা কমপক্ষে মানসিক অবসাদ দূর করার লক্ষ্যে হয়, সে খেলা শরী'আত অনুমোদন করে, যদি তাতে বাড়াবাড়ি করা না হয়, শরী'আতের কোন হুকুম লংঘন করা না হয় এবং তাতে ব্যস্ত থাকার কারণে প্রয়োজনীয় কাজ-কর্ম বিঘ্নিত না হয়। পক্ষান্তরে যে খেলায় কোন ধর্মীয় বা পার্থিব উপকারিতা নেই, কিংবা যে খেলায় শরী'আতের বিধান লংঘন হয় যেমন সতর খেলা হয়, বা যাতে মত্ত হয়ে নামায রোযা ইত্যাদি ফরয কর্ম বিঘ্নিত হয় অথবা জুয়ার ভিত্তিতে হার জিতে যে সকল প্রকার খেলা হয়ে থাকে সেগুলো শরী'আতে নিষিদ্ধ- কতক পরিষ্কার হারাম আর কতক নিষিদ্ধ।

খেলাধুলা করার ও দেখার বদ অভ্যাসে যারা অভ্যস্ত তাদের এই বদ অভ্যাস পরিত্যাগের জন্য নিম্নোক্ত পন্থাসমূহ গ্রহণ করতে হবে-

১. মনে চাইলেও ইচ্ছাকৃত তা থেকে বিরত থাকতে হবে।
২. খেলাধুলার আলোচনা করা ও আলোচনা শোনা থেকে বিরত থাকতে হবে।
৩. খেলাধুলার উপকরণ ও পরিবেশ থেকে দূরে থাকতে হবে। কিছুদিন একরূপ করলে মন থেকে খেলাধুলার আকর্ষণ হ্রাস পেতে থাকবে।

কয়েকটি খেলা সম্পর্কে স্পষ্ট বর্ণনা

দাবা ও ছক্কা পাঞ্জা :

এ জাতীয় খেলা হারাম। কেননা এসবে অনেক ক্ষেত্রেই টাকা পয়সার বাজি ধরা হয়ে থাকে, ফলে তা জুয়ার অন্তর্ভুক্ত। আর বাজি ধরা না হলেও অনর্থক বিধায় তা নিষিদ্ধ।

তাশ, পাশা, চৌদ্দগুটি ইত্যাদি :

যদি টাকা পয়সার হার জিত শর্ত থাকে তাহলে হারাম। একরূপ শর্ত না থাকলেও তাতে কোন ধর্মগত বা স্বাস্থ্যগত উপকারিতা না থাকায় তা মাকরুহ।

ফুটবল ও ক্রিকেট :

এ খেলা শরীরের ব্যায়ামের উদ্দেশ্যে খেললে জায়েয, যদি সতর খেলা না হয়, অতিরিক্ত সময় বা পয়সা নষ্ট না হয়, যদি নামায ইত্যাদি জরুরী কাজকর্ম ও ইবাদত নষ্ট না হয়। এ খেলাতেও টাকা-পয়সার হার জিত শর্ত

থাকলে তা নিষিদ্ধ হয়ে যাবে। তবে উল্লেখ্য যে, যদি শুধু একদিক থেকে পুরস্কার নির্ধারণ করা হয়, যেমন যে ব্যক্তি অমুক কাজ করবে তাকে পুরস্কার দেয়া হবে আর এতে যদি চাঁদা নেয়া না হয় তাহলে তাতে কোন দোষ নেই।

ক্রিকেট খেলা জায়েয নয় কারণ, এতে শারীরিক ক্ষতি বা অঙ্গহানির আশংকা বিদ্যমান।

কেরাম বোর্ড, ফ্লাস ও ঘোড় দৌড়ঃ

এ সবে মধ্যো বাজি রাখা হলে হারাম, আর তা না হলে মাকরুহ তাহরীমী।

(إهداء ج ১/ ৩) و معارف القرآن - هداية ج ১/ ৩)

বিঃ দ্রঃ বর্তমান যুগে খেলাধুলার জন্য যেকোন অতিরিক্ত আড়ম্বর করা হচ্ছে, সময় ও সম্পদ নষ্ট করা হচ্ছে তা সম্পূর্ণ ইসলাম বিরোধী। (فروع الإسلام)

জুয়া :

জুয়া বলা হয় এমন লেন-দেনকে, যেখানে কোন মালের মালিকানা এমন সব শর্ত নির্ভর হয় যাতে মালিক হওয়া না হওয়ার উভয় সম্ভাবনাই সমান থাকে; যার ফলে পূর্ণলাভ বা পূর্ণ লোকসান উভয় দিকই থাকে- কেউ কেউ প্রচুর সম্পদ পেয়ে যায় এবং অনেকে কিছুই পায় না।

শরী'আতে সব ধরনের জুয়াই হারাম। আজকাল প্রচলিত বিভিন্ন ধরনের লটারী জুয়ার অন্তর্ভুক্ত এবং তা হারাম। কেননা এ সবেও অনেক ক্ষেত্রেই টাকা পয়সার বাজি ধরা হয়ে থাকে, ফলে তা জুয়ার অন্তর্ভুক্ত।

তাশ খেলাতে যদি টাকা পয়সার হার-জিত শর্ত থাকে, অর্থাৎ, বাজি ধরা হয়, তবে তাও হারাম ও জুয়ার অন্তর্ভুক্ত।

খেলাধুলা করা ও দেখার বদ অভ্যাস থেকে পরিত্যাগের যে পন্থা, জুয়ার বদ অভ্যাস থেকে পরিত্যাগের জন্যও সেসব পন্থা গ্রহণীয়। দেখুন পূর্বের পৃষ্ঠা।

কয়েকটি উত্তম চরিত্র

সততা ও সত্যবাদিতা :

ইসলামে সততা ও সত্যবাদিতার গুরুত্ব অপরিমিত। ব্যবসা-বাণিজ্য, লেন-দেন মো'আমালা-মো'আশারা যাবতীয় ক্ষেত্রে সত্য কথা বলা ও সত্যতার উপর টিকে থাকার নির্দেশ দেয়া হয়েছে এবং সত্যবাদী ও সত্যপরায়ণ লোকদের সঙ্গ ও পক্ষ অবলম্বন করতে বলা হয়েছে এবং এর বিপরীত মিথ্যাকে করা হয়েছে হারাম। মিথ্যাচারিতার পরিণাম হল ধ্বংস ও ব্যর্থতা।

আমানতদারী :

আমানতদারী হল সততা ও সত্যবাদিতার একটি বিশেষ অংশ। মানুষ অর্থ-সম্পদ গচ্ছিত রাখলে তা যথাযথ ভাবে আদায় করা যেমন আমানতদারী, তেমনিভাবে কেউ কোন গোপনীয় কথা জানালে বা কোন ভাবে কারও কোন গোপনীয় বিষয় জানতে পারলে তা গোপন রাখাও আমানতদারীর অন্তর্ভুক্ত। ব্যাপক অর্থে আল্লাহ তাআলা আমাদেরকে শরী‘আতের যে বিধি-বিধান দিয়েছেন তা সমুদয় আল্লাহ তাআলার পক্ষ থেকে আমাদের কাছে আমানত। তার হুক আদায় করাও আমাদের উপর ওয়াজিব। টাকা-পয়সার আমানত, কথার আমানত, কাজের আমানত, দায়িত্বের আমানত ইত্যাদি যে কোন আমানতের খেয়ানত করা কবীরা গোনাহ।

সদ্যবহার :

ইসলাম আপন-পর, ছোট-বড় মুসলমান-অমুসলমান নির্বিশেষে সকলের সাথে, এমনকি অবলা প্রাণীর সাথেও সদ্যবহারের নির্দেশ দিয়েছে। কারও সাথে সদ্যবহার করার অর্থ হল তার সাথে যা করণীয় তা করা এবং তার হুক বা অধিকার আদায় করা। তাই মাতা-পিতার অধিকার থেকে শুরু করে জীব-জন্তুর অধিকার পর্যন্ত সব কিছু রক্ষা ও আদায় করা এই সদ্যবহারের অন্তর্ভুক্ত। (দেখুন ৪১৩ পৃষ্ঠা থেকে ৪৩৯ পৃষ্ঠা পর্যন্ত)। মনকে সকলের অধিকার আদায়ের জন্য সচেতন করে তুললেই সদ্যবহার গুণ অর্জিত হবে।

আত্মীয়তা রক্ষা করা :

এর জন্য দেখুন “আত্মীয়-স্বজনের অধিকার” পৃষ্ঠা নং ৪৩৪।

অতিথি পরায়ণতা :

অতিথি পরায়ণতা মূলতঃ একটি মনের চরিত্র। মেহমানকে শুধু পর্যাপ্ত আপ্যায়ন করানোর নাম অতিথি পরায়ণতা নয়, বরং সাধ্য অনুযায়ী মেহমানকে আপ্যায়নতো রয়েছে, সেই সাথে প্রফুল্লচিত্তে এবং বিকশিত মনে মেহমানকে গ্রহণ করা ও তার সাথে সম্মানজনক আচরণ করাই হল সত্যিকার অতিথি পরায়ণতা।

মেহমান এলে আমার পানাহারে শরীক হবে, আর্থিক ক্ষতি হবে, ঝামেলা বাড়বে- এরূপ দুঃশ্চিন্তা মনকে বিকশিত হতে দেয় না, আর এটাই অতিথি পরায়ণত্ব গুণ সৃষ্টি হওয়ার অন্তরায়। পক্ষান্তরে যদি কেউ চিন্তা করে যে,

তাকদীরের বিশ্বাস অনুসারে মেহমান তারই হিস্যা ভোগ করবে- আমার নয়, তদুপরি আমি মেজবানের প্রতি মেহমানের হক বা অধিকার রয়েছে, তাহলে আতিথ্যের জন্য মন আর সংকুচিত হবে না বরং বিকশিত হবে এবং তখনই সৃষ্টি হবে অতিথি পরায়ণতা চরিত্র। হাদীছে ইরশাদ হয়েছেঃ অবশ্যই তোমার প্রতি তোমার মেহমানের হক বা অধিকার রয়েছে।

ভ্রাতৃত্ব ও স্নেহ-মমতা :

ভ্রাতৃত্ব ও স্নেহ-মমতা উত্তম চরিত্রের একটি বিশেষ দিক। হৃদয়ের যে কমনীয়তা, মাধুর্য, আবেগ, অনুরাগ এবং অনুগ্রহ; ক্ষেত্র বিশেষে সেটাকে স্নেহ-মমতা বলা হয় এবং ক্ষেত্র বিশেষে সেটাকে প্রেম ভালবাসা বলে ব্যক্ত করা হয়, আবার গুরুজন ও শ্রদ্ধাভাজন ব্যক্তির প্রতি সেটাকে নিবেদন করা হলে তা ভক্তি শ্রদ্ধা বলে আখ্যায়িত হয়ে থাকে। আর এ সব অনুভূতি যখন আপন জনের গন্ডি ছাড়িয়ে সার্বজনীন মানুষের প্রতি মানুষ হিসাবে নিবেদিত হয় তখন তাকে বলা হয় সার্বজনীন ভ্রাতৃত্ব এবং শুধু মুসলমানদের প্রতি নিবেদিত হলে সেটাকে বলা হয় ইসলামী ভ্রাতৃত্ব।

ইসলামে স্নেহ-মমতা ও ভ্রাতৃত্বের গুরুত্ব এত বেশী যে, কারও মধ্যে এ গুণ উপস্থিত না থাকলে সে যেন মুসলমান বলেই আখ্যায়িত হওয়ার যোগ্য থাকে না। হাদীছে ইরশাদ হয়েছে : যারা ছোটদের প্রতি স্নেহ-মমতা এবং বড়দের প্রতি ভক্তি-শ্রদ্ধা প্রদর্শন করেনা তারা আমাদের দলভুক্ত নয়।

(তিরমিযী)

ইসলামী ভ্রাতৃত্ববোধ সম্পর্কে হাদীছে বলা হয়েছে : সমস্ত মুসলমান একটা দেহের ন্যায়, একটা দেহের কোন অঙ্গ যদি পীড়িত হয় তাহলে অন্যান্য অঙ্গ যেমন তা উপলব্ধি করতে পারে, তদ্রূপ সমস্ত মুসলমানের মধ্যে একের প্রতি অন্যের এরূপ একাত্মতা ও সহমর্মিতা থাকতে হবে।

সমস্ত মানুষ একই পরিবারভুক্ত, সকলেই এক আল্লাহর বান্দা, সকলেই এক আদমের সন্তান- মনের মধ্যে এই উপলব্ধি বদ্ধমূল ও উজ্জীবিত থাকলে পারস্পরিক একাত্মতা ও সহমর্মিতা বোধ উদ্বেলিত হয়ে উঠবে। এক হাদীছে বলা হয়েছে : তোমরা সকলে এক আল্লাহর বান্দা হিসাবে ভাই ভাই হয়ে জীবন যাপন কর। (বোখারী ও মুসলিম)। হাদীছে আরও ইরশাদ হয়েছে : তোমরা সকলেই এক আদমের সন্তান। আর আদমকে মাটি থেকে সৃষ্টি করা হয়েছে। একথা বলে ভ্রাতৃত্ববোধকে উদ্বেলিত করা হয়েছে।

ত্যাগ ও বদান্যতা :

ত্যাগ হল কৃপণতার বিপরীত এবং দানশীলতার চূড়ান্ত পর্যায়। আর বদান্যতা অর্থ দানশীলতা। দানশীলতার তিনটি স্তর রয়েছে। যথাঃ

১. নিজের প্রয়োজন পূরণে যেন কোনরূপ ব্যাঘাত না ঘটে এই পরিমাণ অন্যের জন্য খরচ করা।

২. অন্যকে এই পরিমাণ দান করা যার সমপরিমাণ বা তার চেয়ে কিছুটা কম নিজের কাছে অবশিষ্ট থাকে।

৩. নিজের প্রয়োজনে ব্যয় না করে নিজের প্রয়োজনের চেয়ে অন্যের প্রয়োজনকে প্রাধান্য দেয়া। এই শেষোক্ত পর্যায়টিকে বলা হয় ত্যাগ।

ত্যাগের মানসিকতা সৃষ্টির জন্য আল্লাহর হুক ও বান্দার হকের গুরুত্ব অনুধাবন করতে হবে এবং কৃপণতা বা বখীলীর চেতনা থেকে মনকে নিয়ন্ত্রণ ও কৃপণতার বিপরীত প্রেরণা লাভ করতে হবে এবং সুন্দর চরিত্রের প্রতি আকর্ষণ বোধ সৃষ্টি করতে হবে। (নীতিদর্শন গ্রন্থ থেকে গৃহীত।)

উদারতা :

ব্যক্তি স্বার্থের সংকীর্ণ গণ্ডি পেরিয়ে সার্বজনীন স্বার্থের চিন্তায় মনের বিকশিত হওয়াকে বলা হয় উদারতা। উদারতার বিপরীত চরিত্রকে বলা হয় সংকীর্ণতা। চিন্তার সংকীর্ণতা বহু ধরনের পংকীলতার উৎস হয়ে থাকে। সংকীর্ণ মানসিকতা থেকে উন্নত চরিত্র সৃষ্টি হয় না। এরূপ মানসিকতা মানুষের জ্ঞানকে পক্ষপাতগ্রস্ত ও অনুভূতিহীন করে ফেলে। এই সংকীর্ণ মন-মানসিকতার গণ্ডিতে আবদ্ধ মানুষ আমিত্বকে নিয়েই ব্যস্ত থাকে। ব্যক্তি স্বার্থের বাইরে সে কিছু চিন্তা করতে পারে না। সমাজ, দেশ ও জাতির জন্য কোন বিরাট অবদান রাখতে পারে না। এই উদারতা না থাকার ফলে ক্ষমা, দয়া, আত্মত্যাগ প্রভৃতি বহু গুণ থেকে মানুষ বঞ্চিত হয়ে যায়। এদিক থেকে চিন্তা করলে উদারতা এমন এক চরিত্র যা বহু চরিত্রের উৎসমূল। আমি শুধু আমার জন্য নই, আমার সবকিছু শুধু আমারই জন্য নয়- আমি পূর্ণাঙ্গ সমাজদেহের একটি অংশ মাত্র- এরূপ চিন্তা অর্থাৎ, চিন্তার পরিধিকে বিস্তৃত করা উদারতা সৃষ্টির সহায়ক হয়ে থাকে। তদুপরি- উদার মানুষের সাহচর্য এবং এমন মহামনীষীদের জীবনী পাঠও উদারতার মনোভাব জাগ্রত করে থাকে, যারা আত্মত্যাগ ও সার্বজনীন সেবায় নিজেদেরকে উৎসর্গ করেছেন।

হায়া বা লজ্জাশীলতা :

নিন্দা সমালোচনার ভয়ে কোন দৃশ্যীয় কাজ করতে মানুষের মধ্যে যে জড়ত্ববোধ হয়ে থাকে সেটাকে বলে হায়া বা লজ্জা। এই লজ্জা মানুষকে ভাল কাজের পদক্ষেপ গ্রহণ করতে এবং মন্দ কাজ থেকে বিরত থাকতে উদ্বুদ্ধ করে। এজন্যেই হাদীছে বলা হয়েছে : লজ্জা কেবল সুফল ও কল্যাণই বয়ে আনে। (বোখারী ও মুসলিম)। এর বিপরীত লজ্জা না থাকলে মানুষ যে কোন অন্যায় কাজই করতে পারে। তাই প্রবাদ আছে- যখন তোমার লজ্জা থাকবে না, তখন যা ইচ্ছা তাই কর।

এখানে উল্লেখ্য যে, কোন ভাল কাজ করতে যদি কখনও জড়ত্ববোধ হয় তাহলে সেটা লজ্জা বা প্রশংসনীয় গুণ বলে আখ্যায়িত হবে না। যেমন- পর্দা করতে বা দাড়ি রাখতে বা টুপি মাথায় দিতে জড়ত্ববোধ হল, এটা লজ্জা বা হায়া নয় বরং এটা হল ধর্মীয় হীনমন্যতাবোধ। এমনি ভাবে নিজেকে অত্যন্ত ছোট করে প্রকাশ করা, যেখানে সেখানে চুপ করে থাকা এবং হীনতা প্রকাশ করা এটাও লজ্জা বা হায়া বলে প্রশংসিত হবার নয় বরং এটা হল স্বাভাবিক দুর্বলতা।

যদি কেউ দৈহিক ও আর্থিক শক্তিকে যথাযথ ভাবে সংরক্ষণ ও যথাস্থানে প্রয়োগ করে এবং পানাহারের চাহিদা ও আর্থিক কামনাসমূহকে নিয়ন্ত্রণ ও যথা স্থানে প্রয়োগ করে, তাহলে তার মধ্যে লজ্জার যথার্থ বিকাশ ঘটবে।

(ادب الدنيا والدين)

বড়কে ভক্তি ও শ্রদ্ধা করা : এর জন্য দেখুন ৪২৯ পৃষ্ঠা।

ছোটদের স্নেহ করা : এর জন্য দেখুন ৪৩১ পৃষ্ঠা।

ক্ষমা ও দয়া প্রদর্শন :

বিপদ-আপদে মানুষের প্রতি দয়া করা এবং অপরাধীর অপরাধ ক্ষমা করাও উত্তম চরিত্রের গুরুত্বপূর্ণ অংশ। হাদীছের বর্ণনা অনুযায়ী যে মানুষের প্রতি দয়া করে না তার প্রতিও দয়া করা হবে না, যে মানুষের অপরাধ ক্ষমা করে না আল্লাহও তার অপরাধ ক্ষমা করবেন না। এখানে ক্ষমা করার প্রতি মানুষকে উৎসাহিত করা হয়েছে। যদিও যে পরিমাণ জুলুম কেউ করে ততটুকুর প্রতিশোধ তার থেকে নেয়া জায়েয, তবে উত্তম হল প্রতিশোধ না নিয়ে ক্ষমা করে দেয়া। তবে উল্লেখ্য যে, এই ক্ষমা করার প্রশ্ন ব্যক্তিগত হক নষ্ট করার ক্ষেত্রে। পক্ষান্তরে কেউ দ্বীনের হক নষ্ট করলে যেমন মুরতাদ হয়ে ধর্মের

অবমাননা করলে তা ক্ষমাযোগ্য নয়। এমনি ভাবে বিচারক আইন অনুযায়ী অপরাধের বিচার করবেন, অপরাধীকে ক্ষমা প্রদর্শন করতে পারবেন না। কারণ সেটা তার ব্যক্তিগত হক নষ্ট হওয়ার সাথে জড়িত বিষয় নয়।

দয়া শুধু মুসলমানদের প্রতি নয় বা আপনজনদের প্রতি নয়। আপন-পর, শত্রু-বন্ধু, মুসলিম-অমুসলিম নির্বিশেষে সকলের প্রতি এমনকি অবলা জীব-জন্তুর প্রতিও দয়া প্রদর্শনের আদর্শ ইসলামে রয়েছে। এই দয়া যেমন পার্থিব কষ্ট ক্লেশ দূর করার জন্য হবে, তেমনি পরকালীন কষ্ট ক্লেশ দূর করার জন্যও দয়া প্রদর্শিত হতে হবে। ঈমানহীনের ঈমান এবং আমলহীনের আমল পয়দা করার জন্য মনের পেরেশানীও তাই বড় দয়া বলে গণ্য।

ইনসাফ ও ন্যায্য পরায়ণতা :

যার যা হক ও প্রাপ্য তাকে তা যথাযথ ভাবে দেয়াকে বলা হয় ইনসাফ বা ন্যায্য পরায়ণতা। আর তার চেয়ে কম করা হল জুলুম বা অবিচার। ইসলামে ইনসাফ ও ন্যায্য বিচারের গুরুত্ব এত বেশী যে, অমুসলিমদের সাথেও তা রক্ষা করার হুকুম দেয়া হয়েছে। জুলুম ও অবিচারকে হারাম করা হয়েছে। ফয়সালার ক্ষেত্রে নিজের ও অন্যের মধ্যে ব্যবধান করার তথা পক্ষপাতিত্ব করার ব্যাপারে কঠোর ভাবে নিষেধাজ্ঞা আরোপ করা হয়েছে। ইনসাফ করতে হবে, যদিও তা আপনজনের বিরুদ্ধে চলে যায়।

অঙ্গীকার রক্ষা করা :

অঙ্গীকার রক্ষা করা তথা ওয়াদা খেলাফ না করা সততারই অংশ বিশেষ। অঙ্গীকার রক্ষা করা ওয়াজিব। এমনকি বালক বা শিশুকে সান্ত্বনা দেয়ার জন্য কোন কিছু প্রদানের অঙ্গীকার করলেও তা পূরণ করা জরুরী। পূরণ করার নিয়ত না থাকলে অঙ্গীকার করবে না। তবে কোন পাপ কাজের অঙ্গীকার করলে তা পূরণ করা যাবে না। অঙ্গীকার পূর্ণ করার বিষয়টি এতই গুরুত্বপূর্ণ যে, হযরত রাসূল (সাঃ) তাঁর ভাষণে প্রায়ই বলতেনঃ যে ব্যক্তি নিজ অঙ্গীকার বাস্তবায়নের বিষয়ে যত্নবান নয়, দ্বীন ইসলামের মধ্যে তার কোন অংশ নেই।

পরিষ্কার-পরিচ্ছন্নতা :

পাক-ছাফ ও পরিষ্কার-পরিচ্ছন্ন থাকাকে আল্লাহ পছন্দ করেন। এজন্যই ইসলাম শরীর, কাপড়-চোপড়, ঘড়-বাড়ির আঙ্গিনা ইত্যাদিকে পরিষ্কার-পরিচ্ছন্ন রাখার নির্দেশ দিয়েছে। শরীরের অবাক্ষিত পশম নিয়মানুযায়ী কেটে বা উপড়ে

ফেলা, খতনা, করা, নখ কাটা, মোচ কাটা এসবই পরিষ্কার পরিচ্ছন্নতার আওতাভুক্ত। এসব হল জাহিরী অর্থাৎ, বাহ্যিক পরিচ্ছন্নতা। এর সাথে রয়েছে বাতিনী অর্থাৎ, আভ্যন্তরীণ পরিচ্ছন্নতার দিক। মনের রোগ থেকে নফস ও আত্মাকে এবং কুচরিত্র থেকে আখলাককে পবিত্র করার মাধ্যমেই এ দিকটি অর্জিত হবে।

আমর বিলমা'রুফ ও নাহি আনিল মুনকার : এর জন্য দেখুন ৪৫৪ পৃষ্ঠা।

আধ্যাত্মিক সংশোধন ও আমল আখলাক হাছিলের জন্য পীর বা শায়খে তরীকতের প্রয়োজনীয়তা

নামায, রোযা, হজ্জ যাকাত প্রভৃতি শরী'আতের জাহিরী বিধানের উপর আমল করা যেমন জরুরী তেমনি ভাবে এখলাস, আল্লাহর মহব্বত, রেজা, প্রভৃতি কলবের গুণাবলী হাছিল করা এবং রিয়া, তাকাব্বুর প্রভৃতি অন্তরের ব্যাধি দূর করা তথা বাতিনী বিধানের উপর আমল করাও জরুরী এবং ওয়াজিব। এই বাতিনী বিধানাবলীর উপর আমল করাকে বলা হয় তায্কিয়া, এসলাহে বাতেন বা রুহানী এসলাহ। ফতওয়ার ভাষায় দ্ব্যর্থহীন ভাবে একথা বলা হয় না যে, পীর ধরা ফরয বা ওয়াজিব। তবে তায্কিয়া বা এসলাহে বাতেন ওয়াজিব। সাধারণ ভাবে যেহেতু উস্তাদ বিহনে কোন শাস্ত্র সঠিকভাবে আয়ত্ত্ব করা যায় না এবং পথ প্রদর্শক ছাড়া পথ চলা যায় না বা চলা গেলেও বিপথগামী হওয়ার ও ভুলপথে চলে যাওয়ার সম্ভাবনা থাকে। এমনি ভাবে অভিজ্ঞ চিকিৎসকের সাহায্য ছাড়া রোগ নির্ণয় করা যায় না বা করা সম্ভব হলেও নিজে নিজে চিকিৎসা করতে যাওয়াতে হিতে বিপরীত হওয়ার সম্ভাবনা থেকে যায়। এসবের ভিত্তিতে একজন সঠিক উস্তাদ, একজন সঠিক পথ প্রদর্শক ও একজন অভিজ্ঞ রুহানী চিকিৎসক হিসেবে পীর বা শায়খে তরীকতের সহযোগিতা গ্রহণ করা অত্যন্ত জরুরী।

হযরত মাওলানা আশরাফ আলী খানবী (রহঃ) লিখেছেনঃ হযরত রাসূল (সাঃ) সমস্ত মুসলমানের খায়েরখাহী করা, ধর্ম সম্বন্ধে কারও নিন্দাবাদ গালির পরওয়া না করা, কারও সামনে হাত না পাতা ইত্যাদি বিষয়ের জন্য বায়আত গ্রহণ করেছেন। এসব দলীলের ভিত্তিতে নিঃসন্দেহে প্রমাণিত হয় যে, বায়আতে সুলূক (অর্থাৎ পীরের হাতে বায়আত) সূনাত। এক সময় খেলাফতের বায়আতের সাথে গোলমাল না হয় এই ভয়ে সালাফে সালাহীন (পূর্বসূরীগণ) বায়আতে সুলূক বাদ দিয়ে শুধু ছোহবতের উপর ক্ষ্যান্ত করেন। আবার

বায়আতের পরিবর্তে খেঁকার রহম ও জারী হয়। পরে যখন খেলাফতের বায়আতের সাথে গোলমালের আর কোন ভয় না থাকে, তখন সুফিয়ায়ে কেরাম আবার এই মুরদা সুন্নাত যিন্দা করেন।

পীর বা শায়খে তরীকত মুরীদকে আল্লাহর হুকুম-আহকাম পালন এবং তাঁর জাহিরী বাতিনী ভুল-ত্রুটি সংশোধনের পন্থা বাতলে দিবেন এবং মুরীদ সে অনুযায়ী চলে আল্লাহকে সন্তুষ্ট করবে। এই আল্লাহর সন্তুষ্টি লাভ ও তাঁর রেজামন্দী হাছিল করা তথা আল্লাহকে পাওয়াই হল পীর-মুরীদী ও ফকীরী-দরবেশী শিক্ষা করার আসল উদ্দেশ্য। এছাড়া অন্যান্য উদ্দেশ্যে, যেমন মুরীদ হলে নানা রকম কারামত লাভ করা যাবে বা পীর সাহেব কিয়ামতের দিন পার হওয়ার ব্যবস্থা করবেন বা পীর তাওয়াজ্জুহ দিয়ে সব ঠিক করে দিবেন বা পীরের থেকে নানা রকম তাবীয তদবীর লাভ করা যাবে, অন্তরে জয়বা এসে একেবারে মত্ত দিওয়ানা হয়ে যাবে ইত্যাদি- এসব উদ্দেশ্য ঠিক নয়, এগুলো পীর মুরীদীর উদ্দেশ্য নয়।

সারকথা পীর-বুয়ুর্গের হাতে বায়আত গ্রহণ করা সুন্নাত এবং নফসের এসলাহ করা জরুরী। আর এই জরুরী দায়িত্ব পালনে হক্কানী পীরের ছোহবত ও দিক নির্দেশনা অত্যন্ত উপকারী। তবে স্মরণ রাখা দরকার যে, ভণ্ড ঠকবাজ পীরের হাতে বায়আত হওয়া অত্যন্ত ক্ষতিকর। হক্কানী পীর না পেলে হক্কানী উলামায়ে কেরাম থেকে মাসলা-মাসায়েল জেনে এবং সহীহ দ্বীনী কিতাবাদী পড়ে ও জেনে সে অনুযায়ী আমল করতে থাকবে। হক্কানী বুয়ুর্গের ছোহবত লাভের সুযোগ না পেলে তাদের কিতাব ও মালফূজাত পাঠ করেও বহু ফায়দা পাওয়া যাবে। শায়খে কামেলের অনেকটা বিকল্প হল তাঁদের কিতাব ও মালফূজাত পাঠ করা।

(তাসাউফ তত্ত্ব فروغ الايمان، تعليم الدين، شریعت و طریقت গ্রন্থাদি থেকে গৃহীত।)

কামেল ও ঝাঁটি পীরের আলামতঃ

১. পীর তাফসীর, হাদীছ, ফেকাহ-অভিজ্ঞ আলেম হবেন। অন্ততঃ পক্ষে মেশকাত শরীফ ও জালালাইন শরীফ বুঝে পড়েছেন এতটুকু পরিমাণ ইল্ম থাকা আবশ্যিক।
২. পীরের আকীদা ও আমল শরী'আতের মোয়াফেক হওয়া দরকার এবং স্বভাব-চরিত্র ও অন্যান্য গুণাবলী যেরকম শরী'আত চায় সেরকম হওয়া দরকার।

৩. পীরের মধ্যে টাকা-পয়সার ও সম্মান-সুখ্যাতির লোভ থাকবে না। নিজে কামেল হওয়ার দাবী করবেন না।
৪. তিনি কোন কামেল ও খাঁটি পীরের কাছ থেকে এসলাহে বাতেন ও তরীকত হাছিল করে থাকবেন।
৫. সমসাময়িক পরহেযগার মোত্তাকী আলেমগণ এবং খাঁটি সুন্নাত তরীকার পীর মাশায়েখগণ তাকে ভাল বলে মনে করেন।
৬. দুনিয়াদার অপেক্ষা সমঝদার দ্বীনদার লোকেরাই তার প্রতি বেশী ভক্তি শ্রদ্ধা রাখে-এমন হতে হবে।
৭. তার মুরীদদের অধিকাংশ এমন যে, তারা শরী'আতের পাবন্দী করে এবং দুনিয়ার লোভ-লালসা কম রাখে।
৮. পীর মনোযোগ সহকারে মুরীদদের তালীম তালকীন ও এসলাহে বাতেন করান, তাদের কোন দোষ-ত্রুটি দেখলে সংশোধন করে দেন, তাদের মতলব ও মর্জি মত স্বাধীন ছেড়ে দেন না।
৯. তার ছোহবতে কিছুদিন থাকলে দুনিয়ার মহব্বত কম ও আখেরাতের চিন্তা বেশী হতে থাকে।
১০. পীর নিজেও রীতিমত যেকের শোগল করেন। (অন্ততঃ পক্ষে করার এবাদা রাখেন) কেননা নিজে আমল না করলে তার তালীম তালকীনে বরকত হয় না।

(কছদুছ ছাবীল ও তাসাউফ তত্ত্ব থেকে গৃহীত)

পীরের জন্য মুরীদের করণীয় : (৪২৮ পৃষ্ঠা দেখুন)

মুরীদের জন্য পীরের করণীয় : (৪৩০ পৃষ্ঠা দেখুন)

কয়েকটি বিশেষ আমল, যার প্রতি যত্নবান হলে

অন্যান্য বহু আমলের পথ খুলে যায়

১. ইলমে দ্বীন হাসিল করা : চাই কিতাব পড়ে হোক অথবা উলামাদের ছোহবতে গিয়ে। কিতাবের শিক্ষা সমাপ্ত করার পর উলামাদের ছোহবতে যাওয়া আবশ্যিক। উলামা বলতে বুঝানো হচ্ছে যারা ইল্ম অনুযায়ী আমল করেন এবং শরী'আত ও মারফতের জ্ঞানে প্রাজ্ঞ। এরকম বুয়ুর্গ আলেমদের সোহবত যত বেশী লাভ করা যায় ততই মঙ্গল। যদি প্রতিদিন সম্ভব না হয়, তবে সপ্তাহে অন্ততঃ এক/আধ ঘন্টা বুয়ুর্গদের ছোহবতে থাকা দরকার। এর সুফল কিছু দিন গেলে স্বচক্ষেই দেখতে পাবেন।

২. নামায : যেভাবেই হোক পাঁচ ওয়াক্ত নামায নিয়মিত আদায় করবে। যথা সম্ভব জামাতের পাবন্দী করার চেষ্টা করবে। এতে করে দরবারে এলাহীর সাথে এক বিশেষ সম্পর্ক স্থাপিত হবে। এর বরকতে ইনশাআল্লাহ নিজের হালাত ঠিক থাকবে। অশ্লীল গোনাহের কাজ থেকে বেঁচে থাকতে পারবে।
৩. কম কথা বলা, কম মেলা-মেশা করা এবং যথাসম্ভব ভেবে চিন্তে কথা বলার চেষ্টা করবে। হাজারো বিপদ থেকে নিরাপদ থাকার জন্য এটা একটা বড় উপায়।
৪. মুহাছাবা ও মুরাকাবা : অন্তরে সর্বদা এই খেয়াল রাখবে যে, আমি আমার মালিকের দৃষ্টি সীমার মধ্যে আছি। তিনি আমার সমস্ত কথা-বার্তা, কাজ-কর্ম ও গতি-বিধির প্রতি লক্ষ্য রাখছেন। এটাই মুরাকাবা। আর কোন একটি সময় নির্দিষ্ট করে নির্জনে বসে সারাদিনের আমল স্মরণ করে খেয়াল করবে যে, এখন আমার হিসাব হচ্ছে এবং আমি জবাব দিচ্ছি। এটা হল মুহাছাবা।
৫. তওবা ও ইস্তিগফার : যখনই কোন ভুল-ত্রুটি হয়ে যায়, তখন দেবী না করে সঙ্গে সঙ্গে নির্জন পরিবেশে সাজদায় গিয়ে ক্ষমা চাইবে, কান্না-কাটি করবে। যদি কান্না না আসে, তাহলে কান্নার ছুরত ধারণ করবে। যাহোক এখানে পাঁচটি বিষয় উল্লেখ করা হল। যথাঃ উলামাগণের ছোহবত, পাঞ্জিগান্য নামায, কম কথা বলা ও কম মেলা-মেশা করা, মুহাছাবা মুরাকাবা এবং তওবা ও ইস্তিগফার। ইনশাআল্লাহ এই পাঁচটি বিষয়ের প্রতি যত্নবান হলে- যা মোটেও কঠিন নয়- সমস্ত ইবাদতের দরজা খুলে যাবে।

কয়েকটি বিশেষ গুনাহ যা থেকে বিরত থাকলে প্রায় সকল

গুনাহ থেকে মুক্তি লাভ করা যায়

১. গীবত : সবারই জানা এর দ্বারা দুনিয়া ও আখেরাতের নানা বিপর্যয় সৃষ্টি হয়। আজকাল অনেক লোক এই রোগে আক্রান্ত। এর থেকে বাঁচার সহজ উপায় এই যে, একান্ত প্রয়োজন ছাড়া কারও সম্পর্কে ভাল-মন্দ আলোচনা করবে না, গুনবেও না। নিজের প্রয়োজনীয় কাজ নিয়ে মশগুল থাকবে। আলোচনা করতে হলে নিজের আলোচনাই করবে। নিজের কাজই তো শেষ করা যায় না, অপরের আলোচনা করার অবকাশ কোথায়?
২. জুলুম : অন্যের জান-মালের উপর জুলুম করা, কথার দ্বারা কষ্ট দেয়া, কম হোক বেশী হোক কারও হক নষ্ট করা, কাউকে অন্যায় ভাবে কষ্ট দেয়া অথবা কাউকে বে-ইজ্জত করা এ সবই জুলুম।

৩. নিজেকে বড় মনে করা এবং অন্যদের ছোট মনে করা : এ রোগ থেকেই জুলুম ও গীবত জন্ম নেয়। এছাড়া হিংসা-বিদ্বেষ এবং ক্রোধের মত নিন্দনীয় প্রবৃত্তিও এর থেকেই সৃষ্টি হয়।
৪. ক্রোধ : ক্রোধে আক্রান্ত হলে পরিণামে পস্তাতে হয়। কারণ ক্রোধ অবস্থায় বুদ্ধি-বিবেচনা হারিয়ে যায়। সুতরাং এ সময় সব কাজই হয় বিবেক বুদ্ধির পরিপন্থী। মুখ দিয়ে এমন মারাত্মক কথা বের হয়ে পড়ে, অথবা হাত দিয়ে এমন অশোভন কাজ সংঘটিত হয় যা অনেক সময় মারাত্মক বিপর্যয়ের কারণ হয়ে দাঁড়ায়। ক্রোধ অবদমিত হওয়ার পর তখন আর কিছু করার থাকে না এবং তা সারা জীবন মনোপীড়ার কারণ হয়ে থাকে।
৫. বেগানা নারী-পুরুষের সাথে যে কোন ধরনের (অবৈধ) সম্পর্ক রাখা : দেখা করা, কথা-বার্তা বলা, নির্জনে ঘনিষ্ঠ ভাবে বসা, অথবা তাকে খুশী করার জন্য নিজেকে সাজিয়ে গুছিয়ে রাখা বা মোলায়েম ও মিষ্ট স্বরে কথা বলা এসবই অবৈধ সম্পর্কের অন্তর্ভুক্ত। এই অবৈধ সম্পর্ক খুবই খারাপ পরিণতি ডেকে আনে, বর্ণনাভীত বিপদের সম্মুখীন করে।
৬. হারাম খাওয়া : এর থেকেই সমস্ত পাপ-পঙ্কিলতার জন্ম। কারণ, খাদ্যরস থেকে রক্ত সৃষ্টি হয়ে সমস্ত শরীরে ছড়িয়ে পড়ে। সুতরাং খাদ্য যে রকম হবে, সেই প্রভাব সমস্ত অঙ্গ-প্রত্যঙ্গে সৃষ্টি হবে। এবং সেই ধরনের কাজই অঙ্গ-প্রত্যঙ্গের দ্বারা সংঘটিত হবে। যাহোক ছয়টি গুনাহ উল্লেখ করা হলো। এই গুনাহ সমূহ বর্জন করলে অন্যান্য গুনাহ থেকে দূরে থাকা সহজ হয়ে যাবে বরং আশা করা যায় আপনা আপনিই দূর হয়ে যাবে।

(এ পরিচ্ছেদ ও পূর্বের পরিচ্ছেদ জায়াউল আমাল-গ্রন্থ থেকে গৃহীত।)

যিকিরের সুন্নাত ও আদব সমূহ

১. যিকিরের জন্য উযু থাকা শর্ত নয় তবে উযু-র সাথে যিকির করলে যিকিরের আছর বেশী হয় এবং নূরানিয়্যাত হাছিল হয়।
২. কেবলামুখী হয়ে যিকিরে বসা-উত্তম।
৩. হুজুরে কল্ব বা একাগ্রতার সাথে যিকির করতে হবে।
৪. এই একীনের সাথে যিকির করবে যে, আল্লাহ আমার যিকির শুনছেন, তাই আল্লাহর রহমত ও মহব্বতের সাথে যিকির করতে হবে।
৫. এখলাসের সাথে যিকির করতে হবে।

৬. যিক্‌রে খফী বা অনুচ্চস্বরে যিকির করা উত্তম। তবে রিয়ার সম্ভাবনা না থাকলে এবং কারও নিদ্রা, ইবাদত বা জরুরী কাজে ব্যাঘাত না ঘটলে যিক্‌রে জলী বা উচ্চস্বরে যিকির করাও জায়েয বরং কোন কোন মাশায়েখ উক্ত শর্ত স্বাপেক্ষে সেটাকেই উত্তম বলেছেন। কেননা উচ্চস্বরে যিকির করার মধ্যে মনোযোগ নিবদ্ধ থাকা, ওয়াছওয়াছা-হাস পাওয়া এবং যিকিরের আওয়াজের বরকত ছড়িয়ে পড়া প্রভৃতি বহুবিধ ফায়দা রয়েছে। তবে খুব বেশী উচ্চস্বরে না হওয়া চাই এবং উচ্চস্বরে করাকে ছওয়াবের বা ইবাদতের মনে না করা চাই। (شرعة الاسلام، شریعت و طریقت)
৭. শুধু সংখ্যা পূরণ করার নিয়তে নয় বরং যিকির দ্বারা ফায়দা ও বরকত লাভ হবে এই নিয়তে যিকির করতে হবে, অন্যথায় যিকিরের বরকত লাভ হবে না। (بصائر الصائمات)
৮. যে শব্দের দ্বারা যিকির করবে তার অর্থের দিকে খেয়াল রাখবে।
৯. পীর/মুর্শিদের নির্দেশ মোতাবেক যিকির করবে। আর নিজের থেকে যিকির করলে তার জন্য সময় ও সংখ্যা নির্ধারণ করে নেয়া উত্তম।

কয়েকটি বিশেষ যিকির

১. কুরআন তিলাওয়াত
২. لَا إِلَهَ إِلَّا اللَّهُ
৩. سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ
৪. سُبْحَانَ اللَّهِ وَبِحَمْدِهِ سُبْحَانَ اللَّهِ الْعَظِيمِ
৫. তাসবীহে ফাতেমী (৪৮০ পৃঃ দ্রঃ)
৬. আল্লাহ, আল্লাহ বলা।

দুরূদ শরীফের বিধি-বিধান প্রসঙ্গ

* হযরত রাসূল সাল্লাল্লাহু আলাইহি ওয়াসাল্লাম-এর নাম উচ্চারণ করলে বা শুনেলে দুরূদ শরীফ পাঠ করতে হয়। জীবনে অন্ততঃ একবার দুরূদ শরীফ পাঠ করা ফরয।

* যদি কোন মজলিসে একাধিক বার রাসূল সাল্লাল্লাহু আলাইহি ওয়াসাল্লাম-এর নাম মোবারক উল্লেখ করা হয় তাহলে একবার দুরূদ পাঠ করা ওয়াজিব, অবশিষ্ট বারগুলোতে মোস্তাহাব।

* খতীব খুতবার মধ্যে রাসূল সাল্লাল্লাহু আলাইহি ওয়াসাল্লাম-এর নাম উল্লেখ করলে কিংবা **يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا** আয়াত পাঠ করলে জিহ্বা নাড়ানো ব্যতীরেকে মনে মনে দুরুদ পাঠ করে নিবে।

* দুরুদ শরীফ পাঠ করার জন্য উযু থাকা জরুরী নয়। থাকলে ভাল।

* উঠা-বসা, হাটা-চলা, সর্বাবস্থায় দুরুদ শরীফ পাঠ করা যায়।

* দুরুদ পাঠের সময় শরীরে ঝাঁকুনি দেয়া বা আওয়াজ উচ্চ করা মুখ্যতঃ।

(شرح فيض الكلام والدر المختار)

* ওয়াজের সময় শ্রোতাদের সম্মিলিত ভাবে জোর আওয়াজে দুরুদ শরীফ পাঠ করা মাকরুহ। (فتاوى محمودية ج ১০)

* দুরুদে তাজ হাদীছ দ্বারা প্রমাণিত নয়। অতএব এর ফযীলতে যা লেখা হয় তা ভিত্তিহীন। তদুপরি তার মধ্যে কিছু শিরকপূর্ণ কথা রয়েছে। অতএব তা পরিত্যাজ্য। পড়তে হলে সেই অংশ বাদ দিয়ে পড়া যায়। (فتاوى محمودية ج ২)

* ছোট এবং বড় দুরুদের মধ্যে যেটাই ভাল লাগবে সেটাই পড়বে।

* সাধারণ ভাবে **صَلَّى اللَّهُ عَلَيْهِ وَسَلَّمَ** বা **صَلَّى اللَّهُ عَلَيْهِ وَسَلَّمَ** বললেই দুরুদ ও সালাম হয়ে যায়।

* সংক্ষেপে চাইলে নিম্নের দুরুদ শরীফ পাঠ করা যায়-

اللَّهُمَّ صَلِّ عَلَى مُحَمَّدٍ النَّبِيِّ الْأُمِّيِّ وَآلِهِ

* যে কোন বিপদে বা সমস্যার সম্মুখীন হলে দুরুদে নারিয়া ৪৪৪৪ (চার হাজার চারশত চুয়াল্লিশ বার) একই উযুতে একই বৈঠকে যে কোন সংখ্যক লোক মনোযোগ সহকারে পাঠ করলে আল্লাহ তা'আলা উক্ত বিপদ থেকে মুক্তি দেন ও সমস্যার সমাধান করে দেন। এটা বুয়ুর্গদের পরীক্ষিত আমল, হাদীছ দ্বারা প্রমাণিত নয়। অতএব এটাকে সুন্নাত তরীকা মনে করা যাবে না।

দুরুদে নারিয়া এই :

اللَّهُمَّ صَلِّ صَلَاةً كَامِلَةً وَسَلِّمْ سَلَامًا تَامًّا عَلَى سَيِّدِنَا مُحَمَّدٍ الَّذِي نَحَلُّ بِهِ الْعَقْدَ، وَتَنْفَرِجُ بِهِ الْكُرْبَ، وَتُقْضَى بِهِ الْحَوَائِجُ، وَتُنَالُ بِهِ الرِّغَائِبُ، وَحُسْنُ الْخَوَاتِمِ، وَيُسْتَسْقَى الْغَمَامُ بِوَجْهِهِ الْكَرِيمِ، وَعَلَى آلِهِ وَصَحْبِهِ فِي كُلِّ لَمَحَةٍ وَنَفْسٍ بَعْدَ كُلِّ مَعْلُومٍ لَكَ - (رسول الله صلى الله عليه وسلم يفتي)

(১) ইসলাম ক্রিয়া, শর' ফিয' কলাম থেকে গৃহীত।

তওবা এস্তেগফারের নিয়ম পদ্ধতি

তওবা অর্থ গোনাহ থেকে আনুগত্যের দিকে এবং গাফলত থেকে আল্লাহ্র স্মরণের দিকে ফিরে আসা। আর এস্তেগফার অর্থ ক্ষমা চাওয়া।

* প্রত্যেক বান্দার উপর তার পাপ থেকে তওবা-এস্তেগফার করা ওয়াজিব।

তওবার জন্য মোট পাঁচটি কাজ করতে হবে :

১. খাঁটি অন্তরে তওবা করতে হবে। অর্থাৎ, শুধুমাত্র আল্লাহ্র আযাবের ভয় ও তাঁর নির্দেশের মহত্বকে সামনে রেখে তওবা করতে হবে।
২. অতীত পাপের প্রতি অনুতপ্ত ও লজ্জিত হতে হবে।
৩. উক্ত পাপ থেকে এখনই বিরত হতে হবে।
৪. ভবিষ্যতে উক্ত পাপ না করার জন্য মনে মনে দৃঢ় সংকল্প করতে হবে।
৫. আল্লাহ্র হক বা বান্দার হক নষ্ট হয়ে থাকলে তার সংশোধন ও প্রতিকার করতে হবে। যেমন নামায, রোযা, হজ্জ, যাকাত ইত্যাদি আল্লাহ্র হক আদায় না করে থাকলে তা আদায় করতে হবে। আর বান্দার হকের মধ্যে অর্থ সম্পদ বিষয়ক হক নষ্ট করে থাকলে উক্ত অর্থ বা উক্ত পরিমাণ অর্থ হকদারের নিকট বা তার মৃত্যু হয়ে থাকলে তার উত্তরাধিকারীর নিকট ফেরত দিতে হবে। তা সম্ভব না হলে তাদের থেকে মাফ করিয়ে নিতে হবে। আর অর্থ সম্পদ ব্যতীত অন্য কোন হক নষ্ট করে থাকলে যেমন গীবত বা গালিগালাজ করে থাকলে বা মুখে কিংবা কথায় কষ্ট দিয়ে থাকলে তার থেকে মাফ করিয়ে নিতে হবে। কোন ফিতনার আশংকা না থাকলে উক্ত অন্যায় উল্লেখ পূর্বক ক্ষমা চাইতে হবে, অন্যথায় অন্যায় উল্লেখ করা ছাড়াই ক্ষমা চেয়ে নিতে হবে। তার মধ্যেও ফেতনার আশংকা থাকলে শুধু আল্লাহ্র কাছে ক্ষমা চেয়ে নিবে। নেক কাজ করবে এবং দান সদকা করবে। আর হকদার ব্যক্তি মৃত হলে তার উদ্দেশ্যে কিছু সদকা করে দিবে।

বিঃ দ্রঃ উপরোল্লিখিত পাঁচটি বিষয় পূর্ণ করা ব্যতীত শুধু গতানুগতিক ভাবে মুখে তওবা/এস্তেগফারের বাক্য আওড়ালেই তওবা হয়ে যায় না। যদিও শুধু তওবার বাক্য মুখে আওড়ানোটাও এতাবারে ফায়দা থেকে খালি নয়।

কুরআন তিলাওয়াতের ক্ষেত্রে করণীয় আমল সমূহ

* কুরআন তিলাওয়াতের পূর্বে মিসওয়াক করে নেয়া উত্তম। (التبيان فی)

(آداب حملة القرآن)

* কুরআন তিলাওয়াতের পূর্বে উযু করে নেয়া উত্তম, আর কুরআন শরীফ স্পর্শ করতে হলে উযু করে নেয়া জরুরী। (ایضا)

* ভাল পোশাক পরিধান করে খুশবু মেখে এবং পরিপাটি হয়ে তিলাওয়াতে বসা আদব। (شرعة الاسلام)

* কেবলামুখী হয়ে বসে (হেলান বা টেক না দিয়ে) তিলাওয়াত করা আদব। (التبيان في آداب حملة القرآن وشرعة الاسلام)

* এখলাসের সাথে, আল্লাহর সন্তুষ্টি অর্জনের উদ্দেশ্যে তিলাওয়াত করতে হবে। (التبيان في آداب حملة القرآن)

* তিলাওয়াতের সময় এই মনোভাব জাগ্রত রাখবে যে, সে মহান আল্লাহর কিতাব তিলাওয়াত করা হচ্ছে, আল্লাহর সাথে তার একান্ত কথাবার্তা হচ্ছে, আল্লাহ তাকে দেখছেন। (كتاب الاذكار)

* খুশ-খুশ ও বিনয়ের সাথে তিলাওয়াত করা উত্তম। (التبيان في آداب حملة القرآن وكتاب الاذكار)

* আমলের নিয়তে তিলাওয়াত করবে।

* কুরআনের বিষয়বস্তুর প্রতি খেয়াল ও চিন্তা সহকারে তিলাওয়াত করা উত্তম। তবে কেউ না বুঝে পড়লেও তার তিলাওয়াত অর্থহীন নয়। কেউ যদি বলে যে, না বুঝে পড়লে কোন লাভ নেই, তাহলে সে ব্যক্তি মূর্থ বা বে-দ্বীন। কেননা, কুরআন তিলাওয়াতের দ্বারা নিম্নোক্ত ফায়দাগুলো সর্বাবস্থায় লাভ হয়ে থাকে।

(১) তিলাওয়াতের দ্বারা দেলের জং (গুনাহের কালিমা) মুছে যায়।

(২) কুরআন তিলাওয়াত করলে প্রতি হরফে অন্ততঃ ১০টি নেকী অর্জন হয়।

(৩) কুরআন তিলাওয়াতের দ্বারা আল্লাহর মহক্বত বাড়ে।

* তিলাওয়াতের শুরুতে “আউযুবিল্লাহি মিনাশ শাইত্বানির রজীম” ও “বিসমিল্লাহির রহমানির রহীম” বলা ওয়াজিব। তিলাওয়াতের মধ্যে কোন নতুন সূরা আসলে তার শুরুতে বিসমিল্লাহ বলবে সূরা তাওবা ব্যতীত, তবে তওবা থেকেই তিলাওয়াত শুরু করলে তখন বিসমিল্লাহ বলবে। সূরা তওবার শুরুতে আউযুবিল্লাহি মিনান্নারি ... যে দু’আটি পড়ার রেওয়াজ রয়েছে এ দু’আটির কোন প্রমাণ নেই।

* তাজবীদ ও তারতীল সহকারে তিলাওয়াত করা ওয়াজিব। (التبيان في آداب حملة القرآن) তাজবীদ সম্পর্কে জানার জন্য দেখুন ৩৬০-৩৪৩ পৃষ্ঠা।

* দরদ এবং ওয়াজ্দ (মহক্বত) এর স্বরে তিলাওয়াত করবে।

* রোদন বা রোদনের ভঙ্গি সহকারে তিলাওয়াত করা উত্তম। (كتاب الاذكار)

* সুন্দর আওয়াজে তিলাওয়াত করা উত্তম। সুন্দর আওয়াজ বলতে বুঝায় এমন স্বরে তিলাওয়াত করা যেন শ্রবণকারী বুঝতে পারে যে, তিলাওয়াতকারী আল্লাহর ভয় নিয়ে তিলাওয়াত করছে। (شرعة الاسلام)

* রিয়ার আশংকা থাকলে কিংবা কোন নামাযী বা ঘুমন্ত ব্যক্তি প্রমুখের অসুবিধার আশংকা থাকলে নিম্নস্বরে তিলাওয়াত করা উত্তম। অন্যথায় মধ্যম জোর আওয়াজে তিলাওয়াত করা উত্তম। (كتاب الاذكار)

* কুরআন শরীফ রেহাল/বালিশ প্রভৃতি উঁচু কিছু উপর রেখে তিলাওয়াত করবে।

* কুরআন খতম হলে তখনই আবার শুরু থেকে কিছুটা আরম্ভ করে রাখা সুন্নাত। (رواه الترمذی فی ابواب القراءات)

* কুরআন খতম করার প্রাক্কালে দু'আ করা মোস্তাহাব। (كتاب الاذكار)

* তিলাওয়াতের শুরু বা শেষে কুরআনকে চুমু দেয়া বা চোখে মুখে ছোয়া লাগানো জায়েয। (خير القادى ج ১/১)

(নামাযের বাইরে) কুরআন পাঠের প্রাক্কালে নিম্নোক্ত আয়াতগুলো তিলাওয়াতের পর নিম্নোক্ত বাক্য বলা বা নিম্নরূপ করা সুন্নাত/মোস্তাহাব।

| কুরআনের আয়াত | সূরা | যা বলা/করা মুস্তাহাব |
|---|--------|---------------------------------------|
| সূরা ফাতিহা শেষ করার পর | | বলা أَمِينَ |
| سُبْحَانَكَ بَلِّغْنَاكَ مَا فِي السَّمَوَاتِ وَالْأَرْضِ كُلُّ لَكَ قَانِتُونَ - | বাকারা | উঁচু আওয়াজে পড়া |
| সূরা বাকারা শেষ করার পর | | বলা أَمِينَ |
| أَقَامِينَ أَهْلَ الْقُرَىٰ أَنْ يَأْتِيَهُمْ بَأْسُنَا بَيَاتًا وَهُمْ نَائِمُونَ - | আ'রাফ | উঁচু আওয়াজে পড়বে |
| সূরা বানী ইসরাঈল শেষ করে | | পড়া اللَّهُ أَكْبَرُ كَبِيرًا |
| وَمَا يَنْبَغِي لِلرَّحْمَنِ أَنْ يَتَّخِذَ وَلَدًا - إِنَّ كُلَّ مَنْ فِي السَّمَوَاتِ وَالْأَرْضِ إِلَّا آتَى الرَّحْمَنِ عَبْدًا - | মারযাম | উঁচু আওয়াজে পড়বে |

| | | |
|--|------------|--|
| প্রত্যেকটি এর পর | অবরুদ্ধ | وَلَا يَشِئْ مِنْ نِعَمِكَ رَبَّنَا পড়া نُكَذِّبُ فَلَكَ الْحَمْدُ |
| أَفَرَأَيْتُمْ مَا تُمْنُونَ - ءَ أَنْتُمْ تَخْلِفُونَهُ أَمْ نَحْنُ الْخَالِقُونَ - | আবেয়াহ | بَلَى يَا رَبِّ তিনবার বলা |
| ءَ أَنْتُمْ تَزْرَعُونَهُ أَمْ نَحْنُ الزَّارِعُونَ - | আবেয়াহ | بَلَى يَا رَبِّ তিন বার বলা |
| ءَ أَنْتُمْ أَنْزَلْتُمُوهُ مِنَ الْمُزْنِ أَمْ نَحْنُ الْمُنْزِلُونَ - | আবেয়াহ | بَلَى يَا رَبِّ তিনবার বলা |
| ءَ أَنْتُمْ أَنْشَأْتُمْ شَجَرَتَهَا أَمْ نَحْنُ الْمُنْشِئُونَ - | আবেয়াহ | بَلَى يَا رَبِّ তিনবার বলা |
| সূরা ওয়াকিয়াহ শেষ করে | | سُبْحَانَ رَبِّيَ الْعَظِيمِ পড়া |
| أَلَمْ يَأْنِ لِلَّذِينَ آمَنُوا أَنْ تَخْشَعَ... | হাদীদ | بَلَى يَا رَبِّ বলা |
| সূরা মুল্ক শেষ করে | | إِنَّ اللَّهَ يَأْتِيَنَا وَهَوْرَبُ الْعَالَمِينَ পড়া |
| সূরা হাক্বাহ শেষ করে | | سُبْحَانَ رَبِّيَ الْعَظِيمِ পড়া |
| أَلَيْسَ ذَلِكَ بِقَادِرٍ عَلَى أَنْ يُحْيِيَ الْمَوْتَى - | ক্বিয়ামাহ | بَلَى إِنَّهُ عَلَى كُلِّ شَيْءٍ قَدِيرٌ - |
| هَلْ أَتَى عَلَى الْإِنْسَانِ حِينٌ مِّنَ الدَّهْرِ لَمْ يَكُنْ شَيْئًا مَّذْكُورًا - | দাহর | بَلَى أَيْ وَعِزَّتِكَ |
| فَبِأَيِّ حَدِيثٍ بَعْدَهُ يُؤْمِنُونَ - | মুসল্লাত | بَلَى أَمَّا بِاللَّهِ |
| سَبِّحْ اسْمَ رَبِّكَ الْأَعْلَى - | আ'লা | سُبْحَانَ رَبِّيَ الْأَعْلَى পড়া |
| فَالْهَمَّهَا فَجُورَهَا وَتَقْوَاهَا - | শামস | اللَّهُمَّ اتِ نَفْسِي تَقْوَاهَا وَزَكِّهَا أَنْتَ خَيْرُ مَنْ زَكَّاهَا أَنْتَ وَلِيِّهَا পড়া وَمَوْلَاهَا |

| | | |
|---|-------|---|
| সূরা দোহা থেকে নাহ পর্যন্ত প্রত্যেক সূরা পড়া শেষে | | لَا إِلَهَ إِلَّا اللَّهُ وَأَبْهَرُ اللَّهُ أَكْبَرُ بَلَا اللَّهُ وَاللَّهُ أَكْبَرُ وَلِلَّهِ الْحَمْدُ |
| اَللّٰهُمَّ اِنَّا نَسْتَغْفِرُكَ بِاَحْكَمِ الْحَاكِمِيْنَ - | তীন | بَلَىٰ وَاَنَا عَلَىٰ ذٰلِكَ مِنَ الشّٰهِدِيْنَ |
| قُلْ هُوَ اللَّهُ أَحَدٌ - | এখলাস | بَلَا أَنْتَ اللَّهُ أَحَدٌ |
| قُلْ أَعُوذُ بِرَبِّ الْفَلَقِ - | ফালাক | بَلَا أَعُوذُ بِرَبِّ الْفَلَقِ |
| قُلْ أَعُوذُ بِرَبِّ النَّاسِ - | নাহ | بَلَا أَعُوذُ بِرَبِّ النَّاسِ |

কুরআনের আদব ও আজমত সম্পর্কিত

আরও কয়েকটি বিধান

* পড়ার অযোগ্য ছেড়া ফাটা পুরাতন কুরআন শরীফ পবিত্র কাপড়ে পেঁচিয়ে দাফন করে দেয়া উত্তম। (নতায়ী মুরব্বী জ/১)

* ভুলে কুরআন শরীফ পড়ে গেলে তওবা এস্তেগফার করে নিবে। (ইয়া-যা) এর জন্য কুরআনের ওজনে কোন কিছু দান করা জরুরী বলে যে ধারণা প্রচলিত আছে তা ভুল।

* কুরআন শরীফ বরাবর রাখা থাকলে সেদিকে পা ছড়িয়ে দেয়া যায় না। তবে কুরআন শরীফ উঁচুতে থাকলে সেদিকে পা ছড়িয়ে দেয়াতে অসুবিধা নেই।

(নতায়ী মুরব্বী জ/১)

* প্রামোক্ষণ হল ক্রীড়া কৌতুকের উপকরণ, তাই তাতে কুরআন তিলাওয়াত রেকর্ড করা নিষিদ্ধ। পয়সার বিনিময়ে তিলাওয়াত রেকর্ড করা জায়েয নয়। এরূপ রেকর্ড বিক্রি করাও নিষিদ্ধ। (নতায়ী মুরব্বী জ/১)

* রেকর্ড করার জন্য টেপ রেকর্ডারে তিলাওয়াত বা ওয়াজ করা জায়েয। টেপ রেকর্ডার থেকে তিলাওয়াত বা ওয়াজ শোনাও জায়েয। (আলাত হাদীদে ক'শরী) (ম/১)

* রেডিওতে কুরআন তিলাওয়াত কালামুল্লাহ (আল্লাহর কালাম)-এর আজমতের খেলাফ। (নতায়ী মুরব্বী জ/২)

* মুফতী শফী সাহেব (রহঃ)- রেডিওতে তিলাওয়াতকে জায়েয বলেছেন তবে হাটে-বাজারে হোটেলে, দোকানে ইত্যাদি নানাবিধ ব্যস্ততা ও আমোদ-প্রমোদের মজলিসে- যেখানে কুরআন তিলাওয়াতের প্রতি লক্ষ্য দেয়া হয় না-এরূপ স্থানে রেডিও, টেপের তিলাওয়াত শুনানোকে বে-আদবী ও নাজায়েয বলেছেন। (আলাত হাদীদে ক'শরী ম/১)

তাজবীদের বয়ান

প্রত্যেকটা হরফ-কে সঠিক মাখরাজ থেকে পূর্ণ ছিফাত সহকারে আদায় করাকে 'তাজবীদ' বলে। তাজবীদ রক্ষা করে কুরআন পাঠ করা ফরয। (غنية) (الفارى) হরফের মাখরাজ ও ছিফাত সম্পর্কে নিম্নে বর্ণনা পেশ করা হল।

উল্লেখ্য, শুধু এসব বর্ণনা দেখে কুরআন শরীফ সহীহ শুদ্ধভাবে পাঠ করা সম্ভব নয়। যিনি সহীহ শুদ্ধভাবে কুরআন শরীফ পাঠ করতে পারেন- এরূপ লোকের নিকট মশক করা ব্যতীত কুরআন শরীফ সহীহ শুদ্ধভাবে পাঠ শিক্ষা করা যায় না। এখানে প্রয়োজনে নিয়ম-কানুন দেখে নেয়ার সুবিধার জন্যই প্রয়োজনীয় নিয়ম-কানুন লিখে দেয়া হল।

মাখরাজের বর্ণনাঃ

হরফ উচ্চারণের স্থানকে মাখরাজ বলে। আরবী হরফ ২৯ টি, হরফ উচ্চারণের স্থান তথা মাখরাজ ১৭ টি।

১. নাম্বার মাখরাজ : হলকের শুরু থেকে ه-ء উচ্চারিত হয়।
২. নাম্বার মাখরাজ : হলকের মধ্যখান থেকে ح-ع উচ্চারিত হয়।
৩. নাম্বার মাখরাজ : হলকের শেষ ভাগ থেকে خ-غ উচ্চারিত হয়।
৪. নাম্বার মাখরাজ : জিহ্বার গোড়াকে তার বরাবর উপরের তালুর সাথে লাগিয়ে ق উচ্চারিত হয়।
৫. নাম্বার মাখরাজ : জিহ্বার গোড়া থেকে একটু আগে বেড়ে তার বরাবর উপরের তালুর সাথে লাগিয়ে ك উচ্চারিত হয়।
৬. নাম্বার মাখরাজ : জিহ্বার মধ্যখানকে তার বরাবর উপরের তালুর সাথে লাগিয়ে ج-ش-س উচ্চারিত হয়।
৭. নাম্বার মাখরাজ : জিহ্বার গোড়ার কিনারা উপরের মাড়ীর দাঁতের গোড়ার সাথে লাগিয়ে ض উচ্চারিত হয়।
৮. নাম্বার মাখরাজ : জিহ্বার আগার কিনারা তার বরাবর উপরের দাঁতের গোড়ার সঙ্গে লাগিয়ে ظ উচ্চারিত হয়।
৯. নাম্বার মাখরাজ : জিহ্বার আগাকে তার বরাবর উপরের তালুর সঙ্গে লাগিয়ে ذ উচ্চারিত হয়।
১০. নাম্বার মাখরাজ : জিহ্বার আগার পিঠ তার বরাবর উপরের তালুর সঙ্গে লাগিয়ে ذ উচ্চারিত হয়।

১১. নাম্বার মাখরাজ : জিহ্বার আগাকে সামনের উপরের দুই দাঁতের গোড়ার সঙ্গে লাগিয়ে ط-د-ت উচ্চারিত হয়।
১২. নাম্বার মাখরাজ : জিহ্বার আগাকে সামনের নীচের দুই দাঁতের আগার সঙ্গে লাগিয়ে ص-س-ز উচ্চারিত হয়।
১৩. নাম্বার মাখরাজ : জিহ্বার আগাকে সামনের উপরের দুই দাঁতের আগার সঙ্গে লাগিয়ে ظ-ذ-ث উচ্চারিত হয়।
১৪. নাম্বার মাখরাজ : নীচের ঠেঠের পেটে সামনের উপরের দুই দাঁতের আগা লাগিয়ে ف উচ্চারিত হয়।
১৫. নাম্বার মাখরাজ : দুই ঠোট হতে م. ب. و উচ্চারিত হয়। ব এবং ম উচ্চারণ সময় উভয় ঠোট মিলে যায় আর ও উচ্চারণের সময় দুই ঠোট গোল হয়ে মধ্যখানে ছিদ্র হয়ে যায়।
১৬. নাম্বার মাখরাজ : মুখের খালি জায়গা থেকে মদের হরফ পড়া যায়। যেমন با-بو-بی
১৭. নাম্বার মাখরাজ : নাকের বাঁশী হতে গুল্লাহ উচ্চারিত হয়। যেমন ان-انت

ছিফাতের বর্ণনাঃ

* হরফের গুণাবলী বা উচ্চারণের অবস্থাকে ছিফাত বলে। যেমন উচ্চারণের সময় নরম হওয়া বা শক্ত হওয়া ইত্যাদি। এর মধ্যে কতক ছিফাত এমন আছে যা ছাড়া হরফ হরফই হয়না বা এক হরফ অন্য হরফ থেকে পৃথক হয়না বা আরবদের ন্যায় উচ্চারণ হয় না- এরূপ আবশ্যিকীয় ছিফাত (صفت ذاتیه) ১৮টি। যথা :

১. হাম্ছ : (همس) অর্থাৎ, এমন নরম করে আদায় করা যাতে শ্বাস জারী থাকে এবং আওয়াজে এক ধরনের পল্লী বা দুর্বলতা মনে হয়। হাম্ছের হরফ ১০টি যথা : فَحْطَةُ شَخْصٌ سَكْتُ যে হরফের মধ্যে এই ছিফাত পাওয়া যায় তাকে ‘হাম্ছা’ বলে।

২. জিহ্ব : (جه) এই ছিফাত হল হাম্ছ এর বিপরীত অর্থাৎ, যা এমন শক্তভাবে আদায় করা হয় যে, আওয়াজ ও শ্বাস বন্ধ হয়ে যায়। যে হরফের মধ্যে এই ছিফাত পাওয়া যায় তাকে ‘মাজহুরা’ বলে। হাম্ছের ১০টি হরফ ব্যতীত অন্য হরফগুলোতে এই ছিফাত পাওয়া যায়।

৩. শিদ্দাত : (شدت) অর্থাৎ, এমন শক্তভাবে আদায় করা যাতে হরফে সাকিন করলে আওয়াজ থেমে যায়। এর হরফ ৮টি যথা : أَجْدُ قَطُّ بَكُ যে হরফের মধ্যে এই ছিফাত পাওয়া যায় তাকে 'শাদীদাহ' : উল্লেখ্য, জিহ্ব-এর মধ্যে আওয়াজ বন্ধ হয় স্বয়ং হরফের কারণে আর শিদ্দাত-এর আওয়াজ বন্ধ হয় আওয়াজের শক্তির কারণে।

৪. রিখওয়াত : (رخوت) এই ছিফাত হল শিদ্দাত-এর বিপরীত। অর্থাৎ, যা এমন নরমভাবে আদায় করা হবে যে, হরফে সাকিন করলে আওয়াজ জারী থাকবে। যে হরফে এই ছিফাত পাওয়া যায় তাকে 'রাখওয়া' (رخوه) বলে। শাদীদাহ ও মুতাওয়াচ্ছিতাহ ব্যতীত অন্যান্য হরফে এই ছিফাত পাওয়া যায়।

৫. তাওয়াচ্ছূত : (توسط) শিদ্দাত ও রিখওয়াত-এর মাঝামাঝি হল তাওয়াচ্ছূত। অর্থাৎ, যা উচ্চারণের সময় আওয়াজ একেবারেও বন্ধ হবে না বা বেশীক্ষণ জারীও থাকবে না। যে হরফের মধ্যে এই ছিফাত পাওয়া যায় তাকে 'মুতাওয়াচ্ছিত' বলে। এর হরফ ৫টি যথা : لِنْ عُمَرُ

৬. ইস্তি'লা : (استعلاء) অর্থাৎ, যা আদায় করার সময় জিহ্বার গোড়া তালুর দিকে উঠে যায়- যার কারণে হরফ মোটা হয়ে উচ্চারিত হয়। এর হরফ ৭টি যথা : خُصَّ ضَغُطٌ قِطُ যে হরফে এই ছিফাত পাওয়া যায় তাকে 'মুস্তা'লিয়া' বলে।

৭. ইস্তিফাল : (استفال) এই ছিফাতটি ইস্তি'লা-র বিপরীত অর্থাৎ, যা আদায় করার সময় জিহ্বার গোড়া তালুর দিতে উঠে না। ইস্তি'লার ৭টি হরফ ব্যতীত অবশিষ্ট হরফে এই ছিফাত রয়েছে। যে হরফে এই ছিফাত পাওয়া যায় তাকে 'মুস্তাফিলাহ' বলে।

৮. ইত্বাক্ব : (اطباق) অর্থাৎ, যা আদায় করার সময় জিহ্বার মধ্যখান উপরের তালুর সাথে মিলিত হয়। ص ض ط ظ এই চারটি হরফে এই ছিফাত পাওয়া যায়। যে হরফে এই ছিফাত পাওয়া যায় তাকে 'মুত্বাক্বাহ' বলে।

৯. ইনফিতাহ : (انفتاح) অর্থাৎ, যা আদায় করার সময় জিহ্বার মধ্যখান উপরের তালুর থেকে পৃথক থাকে (ইত্বাক্ব এর বিপরীত)। যে হরফে এই ছিফাত পাওয়া যায় তাকে 'মুনফাতিহাহ' বলে। ইত্বাক্ব-এর ৪টি হরফ ব্যতীত অবশিষ্ট সব হরফে এই ছিফাত পাওয়া যায়।

১০. ইয়্লাক্ব : (اذلاق) অর্থাৎ, জিহ্বা ও ঠোঁটের কিনারা থেকে সহজে দ্রুত আদায় হয়ে যায়। ৬টি হরফের মধ্যে এই ছিফাত পাওয়া যায়। যথা : فَرَمْنُ : لِبْ এই ছিফাতযুক্ত হরফকে 'মুয়্লাক্বাহ' বলা হয়।

১১. ইস্মাত : (اصمات) ইসমাত ইয়লাকের বিপরীত। ইয়লাকের ৬টি হরফ ব্যতীত অবশিষ্ট হরফের মধ্যে ইসমাত ছিফাত পাওয়া যায়। সেগুলোকে 'মুসমাতাহ' বলা হয়।

১২. সফীর : (صفير) অর্থাৎ, সিটির ন্যায় তেজ আওয়াজ বের হওয়া। তিনটি হরফের মধ্যে এই ছিফাত পাওয়া যায়। যথা : زس ص এই হরফগুলোকে 'সাফীরিয়াহ' বলা হয়।

১৩. কুল্‌ক্বালাহ : (قلقله) এর হরফ পাঁচটি। ق ط ب ج د এ সম্পর্কে স্বতন্ত্র পরিচ্ছেদে আলোচনা করা হয়েছে। এই হরফগুলোকে 'হরফে কুল্‌ক্বালাহ' বলা হয়।

১৪. লীন : (لين) অর্থাৎ, মাথরাজ থেকে এমন নরম ভাবে আদায় করা যে, তার উপর মদ করতে চাইলে করা যায়। و সাকিন বা ى সাকিনের পূর্বে যবর থাকলে সে দুটো লীনের হরফ বলে গণ্য হয়। এই হরফগুলোকে 'হরফে লীন' বলা হয়।

১৫. ইনহিরাফ : (انحراف) অর্থাৎ, ঝুঁকে যাওয়া। এর হরফ দুইটি ل এবং ر লাম আদায় করার সময় জিহ্বার কিনারা এবং ر আদায় করার সময় জিহ্বার পিঠের দিকে এবং কিছুটা লামের স্থানের দিকে ঝোক পাওয়া যায়। এই হরফগুলোকে 'মুনহারিফাহ' বলা হয়।

১৬. তাকরীর : (تكرير) অর্থাৎ, উচ্চারণের সময় জিহ্বায় একটা কাঁপুনির মত হওয়া। এক মাত্র ر হরফে এই ছিফাত পাওয়া যায়। ছিফাতটিকে তাকরার (تكرار) ও বলা হয়।

১৭. তাফাশ্শী : (تفشي) অর্থাৎ, উচ্চারণের সময় মুখের ভিতর আওয়াজ ছড়িয়ে পড়া। একমাত্র ش হরফে এই ছিফাত পাওয়া যায়।

১৮. ইস্তিহ্বালাত : (استطالت) অর্থ দীর্ঘ হওয়া। একমাত্র ض হরফে এই ছিফাত পাওয়া যায়। ض উচ্চারণের সময় জিহ্বার পার্শ্বের শুরু থেকে শেষ পর্যন্ত আওয়াজ দীর্ঘায়িত হয়ে থাকে। এই হরফকে 'মুস্তাহ্বালাহ' বলা হয়।

১৮টি ছিফাতের মধ্যে কোন কোন হরফে কি কি ছিফাত পাওয়া যায় তার একটি নকশা

| হরফ | যে যে ফিছাত পাওয়া যায় |
|-----|---|
| ا | জিহর, রিখওয়াত, ইস্তিফাল ও ইনফিতাহ, |
| ب | জিহর, শিদ্দাত, ইস্তিফাল, ইনফিতাহ ও কুলক্বালাহ |
| ت | হাম্ছ, শিদ্দাত, ইস্তিফাল ও ইনফিতাহ |
| ث | হাম্ছ, রিখওয়াত, ইস্তিফাল ও ইনফিতাহ |
| ج | জিহর, শিদ্দাত, ইস্তিফাল, ইনফিতাহ ও কুলক্বালাহ |
| ح | হাম্ছ, রিখওয়াত, ইস্তিফাল ও ইনফিতাহ |
| خ | হাম্ছ, রিখওয়াত, ইস্তিফাল ও ইনফিতাহ |
| د | জিহর, শিদ্দাত, ইস্তিফাল, ইনফিতাহ ও কুলক্বালাহ |
| ذ | জিহর, রিখওয়াত, ইস্তিফাল ও ইনফিতাহ |
| ر | জিহর, তাওয়াচ্ছূত, ইস্তিফাল ইনফিতাহ ও তাকরীর |
| ز | জিহর, রিখওয়াত ইস্তিফাল ও ছফীর |
| س | হাম্ছ, রিখওয়াত, ইস্তিফাল, ইনফিতাহ ও ছফীর |
| ش | হাম্ছ, রিখওয়াত, ইস্তিফাল, ইনফিতাহ ও তাফাশী |
| ص | হাম্ছ, রিখওয়াত, ইস্তি'লা ইতবাক্ ও ছফীর |
| ض | জিহর, রিখওয়াত, ইস্তি'লা, ইতবাক্ ও ইস্তিত্বালাত |
| ط | জিহর, শিদ্দাত, ইস্তি'লা ইতবাক্ ও কুলক্বালাহ |
| ظ | জিহর, রিখওয়াত, ইস্তি'লা ও ইতবাক্ |
| ع | জিহর, তাওয়াচ্ছূত, ইস্তিফাল ও ইনফিতাহ |
| غ | জিহর, রিখওয়াত ইস্তি'লা ও ইনফিতাহ |
| ف | হাম্ছ, রিখওয়াত, ইস্তিফাল ও ইনফিতাহ |
| ق | জিহর, শিদ্দাত, ইস্তি'লা, ইনফিতাহ ও কুলক্বালাহ |
| ك | হাম্ছ, শিদ্দাত, ইস্তিফাল ও ইনফিতাহ |
| ل | জিহর, তাওয়াচ্ছূত, ইস্তিফাল ও ইনফিতাহ |
| م | জিহর, তাওয়াচ্ছূত, ইস্তিফাল ও ইনফিতাহ |
| ن | জিহর, তাওয়াচ্ছূত, ইস্তিফাল ও ইনফিতাহ |
| و | জিহর, রিখওয়াত, ইস্তিফাল ও ইনফিতাহ |
| ه | হাম্ছ, রিখওয়াত, ইস্তিফাল ও ইনফিতাহ |
| ء | জিহর, শিদ্দাত, ইস্তিফাল ও ইনফিতাহ |
| ى | জিহর, রিখওয়াত, ইস্তিফাল ও ইনফিতাহ |

(নকশাটি فوائده থেকে গৃহীত।)

* হরফের আর এক ধরনের ছিফাত রয়েছে যা রক্ষা করলে হরফে সৌন্দর্য ও খুবী রক্ষা করা হয়। এ ধরনের ছিফাতকে “সৌন্দর্যসূচক গুণাবলী” (مغاث طلبة / مزينة الحسن / عارضية) বলে। এ ধরনের ছিফাত সব হরফের মধ্যে নেই বরং আটটি হরফের মধ্যে রয়েছে। যথা :

১. ل

২. ر

৩. সাকিন বা তাশদীদ যুক্ত م

৪. সাকিন বা তাশদীদযুক্ত ن কিংবা তানবীনযুক্ত ن

৫. আলফ; যার পূর্বে যবর থাকে।

৬. و সাকিন' যার পূর্বে পেশ থাকে।

৭. ى সাকিন যার পূর্বে যের থাকে।

৮. ۛ (হামযা)। এই হরফগুলোর প্রকারের ছিফাত কতকটা উস্তাদের নিকট পড়া শিখলেই এসে যায় আর কতকগুলো সামনে বর্ণিত এসব হরফের সাথে সংশ্লিষ্ট গুনাহ, মদ, পূর/বারীক ইত্যাদি সম্পর্কিত নিয়ম-নীতি পালনের মাধ্যমে এসে যাবে।

নূন সাকিন/তানবীনকে পড়ার নিয়মঃ

ن -একে নূন সাকিন বলে। দুই যবর, দুই যের, দুই পেশকে তানবীন বলে।

* নূন সাকিন ও তানবীনকে পড়ার চারটি নিয়ম। যথা :

১. কল্ব/ইক্লাব : কল্ব/ইক্লাব অর্থ পরিবর্তন করে পড়া। কলবের একটি হরফ ب নূন সাকিন বা তানবীনের পর কলবের হরফ আসলে নূন সাকিন ও তানবীন (উচ্চারণ করতে যে নূন হয় সেটা)- কে م দ্বারা পরিবর্তন করে পড়তে হবে এবং গুনাহও হবে। যেমন-

مِنْ بَعْدُ - خَيْرًا بَصِيرًا - حَدِيثٌ بَعْدَهُ - رَجْعٌ بَعِيدٌ -

২. ইদগাম : ইদগাম অর্থ মিলিয়ে পড়া। ইদগামের হরফ ৬টি - ۛ-م-ر-ن-و-ل-এর মধ্যে -و-م-ن-এই চারটি ইদগামে বা-গুনাহ-র হরফ এবং ۛ-এই দুইটি ইদগামে বেগুনাহ-র হরফ। নূন সাকিন বা তানবীনের পর ইদগামে বা-গুনাহ-র হরফ আসলে সেই হরফে তাশদীদ দিয়ে মিলিয়ে পড়তে হবে এবং গুনাহও হবে। যেমন-

مَنْ يَفْجُرْكَ - مِنْ مَّسَدٍ - مِنْ وَرَى - مِنْ نَعْمَةٍ - مَقَامًا مَحْمُودًا -

* তবে একই শব্দে নূন সাকিনের পর ইদগামে বা-গুন্নাহ-র হরফ আসলে গুন্নাহ হবে না এবং সেই হরফে তাশদীদ দিয়েও পড়া হবে না। একে 'এজহারে মুতলাক্ব' বলে। যেমন- دُنْيَا - بُنْيَانٌ - قِنَوَانٌ - صِنَوَانٌ

* আর নূন সাকিন বা তানবীনের পর ইদগামে বেগুন্নাহ-র হরফ আসলে সেই হরফে তাশদীদ দিয়ে মিলিয়ে পড়া হবে তবে গুন্নাহ হবে না।

যেমন: أَنْ لَا إِلَهَ - مِنْ رَبِّهِمْ

৩. ইজহার : ইজহার অর্থ স্পষ্ট করে (গুন্নাহ ছাড়া) পড়া। ইজহারের হরফ ৬টি خ - غ - ح - ع - ه - و নূন সাকিন বা তানবীনের পর ইজহারের হরফ আসলে নূন সাকিন/তানবীনকে স্পষ্ট করে গুন্নাহ ছাড়া পড়তে হয়। একে 'ইজহারে হালক্বী' বলে। যেমন-

مَنْ أَحْيَيْتَهُ - عَنْهُ - أَنْعَمْتَ - لِمَنْ حَمِدَهُ - مِنْ غَيْرٍ - مِنْ خَوْفٍ -
مُحَمَّدًا عَبْدَهُ - غَاسِقٍ إِذَا وَقَبَ - أَجْرٌ غَيْرُ مَمْنُونٍ -

৪. ইখ্ফা : ইখ্ফা অর্থ লুকিয়ে পড়া। ইখ্ফার হরফ ১৫টি

ت . ث . ج . د . ذ . ز . س . ش . ص . ض . ط . ظ . ف . ق . ك .

* নূন সাকিন/তানবীনের পর ইখ্ফার হরফ আসলে নূন সাকিন/তানবীনকে লুকিয়ে পড়তে হয় অর্থাৎ, জিহ্বা উপরের তালুতে না লাগিয়ে গুন্নাহ করে পড়তে হয়। একে 'ইখ্ফায়ে হাক্বীক্বী' বলে। যেমন-

أَمْنْتُ . مِنْ جُوعٍ . عِنْدَكَ - أَنْزَلْنَاهُ . نَارًا ذَاتَ لَهَبٍ . وَفَاكِهَةٍ كَثِيرَةٍ .
كُتِبَ قِيمَةٌ -

মীম সাকীনকে পড়ার নিয়মঃ

(জযম ওয়ালা মীমকে [যেমন م] মীম সাকিন বলে)

* মীম সাকিনকে পড়ার তিনটি নিয়ম। যথা :

১. মীম সাকিনের পরে ب থাকলে মীমকে ইখ্ফা করে (অর্থাৎ, গুন্নাহ সহকারে) পড়তে হয়। একে 'ইখ্ফায়ে শাফাবী' বলে। যেমন-

فَمُ يَأْذُنُ اللّٰهَ . عَلَيْكُمْ بِمُصْطَبِرٍ -

২. মীম সাকিনের পরে ম থাকলে ইদগাম করে পড়তে হয় অর্থাৎ, পরবর্তী মীমে তাশদীদ দিয়ে গুল্লাহ সহকারে পড়তে হয়। একে 'ইদগামে শাফাবী' বলে। যেমন- عَلَيْهِمْ مُّؤَصَّدَةٌ . عَلَيْهِمْ مُّسَجِدًا -

৩. মীম সাকিনের পরে ব এবং ম ব্যতীত অন্য কোন হরফ আসলে ইজহার করে (অর্থাৎ, মীমকে নাকে না নিয়ে গুল্লাহ ছাড়া) পড়তে হয়। একে 'ইজহারে শাফাবী' বলে। যেমন - لَمْ يَلِدْ . وَلَمْ يُولَدْ . وَلَمْ يَكُنْ لَهُ -

ওয়াজিব গুল্লাহর বিবরণঃ

* নূন (ن) বা মীমে (م) তাশদীদ থাকলে ঐ নূন ও মীমকে গুল্লাহ করে পড়তে হয়। এই প্রকার গুল্লাহকে ওয়াজিব গুল্লাহ বলে। গুল্লাহের পরিমাণ এক আলিফ। (واب القرآن وفوائده) এই প্রকারের গুল্লাহ আদায় করার সময় জিহ্বার আগার পিঠ উপরের তালুর সাথে লাগবে।

মদ-এর বিবরণঃ

* 'মদ' অর্থ লম্বা করা, টেনে পড়া। মদের হরফ তিনটি (১) আলিফ খালী; যার পূর্বে যবর থাকে। (২) ওয়াও সাকিন (و) যার পূর্বে পেশ থাকে। (৩) ইয়া সাকিন (ي) যার পূর্বে যের থাকে।

১। মদের হরফের বামে সাকিন ও হামযা না থাকলে সেই মদের হরফকে এক আলিফ টেনে পড়তে হয়। এই প্রকার মদকে 'মদে তুবায়ী' বলে। যেমন نُوحِيْهِ ۖ উল্লেখ্য যে, এক আলিফ টানা অর্থ দুইটা হরকত উচ্চারণ করতে যতক্ষণ সময় লাগে ততক্ষণ টানা। কেউ কেউ বলেছেন একটা বন্ধ আঙ্গুল খুলতে বা একটা খোলা আঙ্গুল বন্ধ করতে যতটুকু সময় লাগে সেটাই হল এক আলিফ-এর পরিমাণ (غاية القارئ وادب القرآن)। যবর, যের ও পেশকে হরকত বলে।

২। খাড়া যবর, খাড়া যের ও উল্টো পেশ-কে এক আলিফ পরিমাণ টেনে পড়তে হয়। যেমন يُبِيْهِ ۖ উল্লেখ্য- খাড়া যবর, খাড়া যের ও উল্টো পেশ মদের হরফ এবং মদে তুবায়ীর জুকুমে।

৩। মদের হরফের পরে আরবী সাকিন (অর্থাৎ, ওয়াক্ফ বা থামার কারণে যে সাকিন হয়) থাকলে তাকে 'মদে আরবী' বলে। এই প্রকার মদকে

এক থেকে তিন আলিফ পরিমাণ টেনে পড়া যায়। সবচেয়ে উত্তম তিন আলিফ টানা, তারপর দুই আলিফ, তারপর এক আলিফ। (جمال القرآن) যেমন-

رَبِّ الْعَلَمِينَ. عَزِيزُ الْغَفَّارُ. سَوْفَ تَعْلَمُونَ

৪। মদের হরফের পরে একই শব্দের মধ্যে হামযা আসলে চার আলিফ বা তিন আলিফ পরিমাণ টেনে পড়তে হয়। একে ‘মদে মুস্তাছিল’ বলে। যেমন- سَوَاءٌ. سُوءٌ. شَاءٌ.

৫। মদের হরফের পরে ভিন্ন শব্দের শুরুতে হামযা আসলে চার আলিফ বা তিন আলিফ টেনে পড়তে হয়; একে ‘মদে মুনফাছিল’ বলে। তবে উক্ত মদের হরফের উপর যদি ওয়াক্ফ করা হয় এবং পরবর্তী শব্দকে পৃথক ভাবে পড়া হয় তাহলে সেটা মদে মুনফাছিল হবে না। (ادب القرآن)

মদে মুনফাছিলের উদাহরণ- أَنَا أَعْطَيْنَا. قَالُوا آمَنَّا.

৬। দুই যবরের বামে ওয়াক্ফ করলে সেখানে এক যবর পড়তে হবে এবং এক আলিফ পরিমাণ টানতে হবে। যেমন- وَالنَّازِعَاتِ غَرْقًا একে ‘মদে এওয়াজ’ বলে।

৭। যবরের বামে و সাকিন বা যবরের বামে ى সাকিন থাকলে ঐ এবং ى কে হরফে লীন বলে। হরফে লীনের পরে আর্যী সাকিন (অর্থাৎ, ওয়াক্ফ বা থামার কারণে যে সাকিন হয় তা) থাকলে তাকে ‘মদে লীন’ বলে। মদে লীনে সবচেয়ে উত্তম এক আলিফ টানা, তারপর দুই আলিফ, তারপর তিন আলিফ। তবে এই তিন পদ্ধতির যেটাই গ্রহণ করবে কুরআনের শেষ পর্যন্ত সে ভাবেই করবে- একেক স্থানে একেক রকম করা ভাল নয়। (ادب القرآن)

মদে লীনের উদাহরণ যেমন- لَا يَلَافِ قَرِيْشٍ. وَأَمْنَهُمْ مِنْ خَوْفٍ

৮। মদের হরফের পরে আসলী সাকিন (অর্থাৎ, আর্যী সাকিন নয়) বা তাশদীদ থাকলে তাকে “মদে লায়েম” বলে। মদে লায়েম-কে চার আলিফ বা তিন আলিফ টেনে পড়তে হয়। মদে লায়েম চার প্রকার যথা :

(ক) মদে লায়েম কাল্মী মুছাক্কাল। অর্থাৎ, যদি মদের হরফের পর তাশদীদ থাকে, যেমন- دَابَّةٌ. تَأْمُرُونَنِي. ضَالًّا.

(খ) মদে লায়েম কাল্মী মুখাফফাফ। অর্থাৎ, যদি মদের হরফের পর সাকিন থাকে। যেমন- أَلَسَنَ.

(গ) মদে লায়েম হরফী মুছাক্কাল, অর্থাৎ, যদি হরফে মুকাত্তাত (সূরার

গুরুতে যেসব বিচ্ছিন্ন হরফ ব্যবহৃত হয়)-এর পর তাশদীদ থাকে। যেমন-

الْم . طَسَمَ

(য) মন্দে লামে হারফী মুখাফাফ। অর্থাৎ, হরুফে মুকাত্তাত-এর শেষে যদি সাকিন হয়। যেমন- يَس . ن . ق - যেমন-

ل এবং الله (আল্লাহ) শব্দ পড়ার নিয়মঃ

১. আল্লাহ (اللَّهُ) শব্দের ডানে যবর বা পেশযুক্ত হরফ থাকলে আল্লাহ শব্দের লামকে পূর করে (অর্থাৎ, মুখকে গোল করে) পড়তে হবে।

যেমন- اللَّهُمَّ . أَرَادَ اللَّهُ . رَفَعَ اللَّهُ -

২. আল্লাহ (اللَّهُ) শব্দের ডানে যেরযুক্ত হরফ থাকলে আল্লাহ শব্দের লামকে বারীক করে (অর্থাৎ, পূর করা ছাড়া) পড়তে হবে। যেমন- بِسْمِ اللَّهِ -

৩. আল্লাহ (اللَّهُ) শব্দের লাম ব্যতীত অন্যান্য যত লাম আছে সব লামকে বারীক করে পড়তে হবে। যেমন- إِنَّ الَّذِينَ . مَا وَلَهُمْ . قُلْ لَهُ -

ر পূর করা কিংবা বারীক পড়ার নিয়মঃ

* -এর উপর যবর বা পেশ থাকলে ر - কে পূর পড়তে হয়। যেমন- رُبَّمَا . رَبُّكَ

* -এর নিচে যের থাকলে ر কে বারীক পড়তে হয়। যেমন- رَجَالٌ

* তাশদীদযুক্ত ر - কেও উপরোক্ত নিয়মে পূর বা বারীক পড়তে হবে, যেমন- سِرًّا কে পূর এবং ضَرِيٍّ কে বারীক পড়তে হবে। তাশদীদযুক্ত ر কে এক র হিসেবে পড়তে হবে। অনেকে তাশদীদযুক্ত ر কে দুই র ধরে প্রথমটা সাকিন এবং দ্বিতীয়টাকে হরকতযুক্ত ধরে পড়ে থাকেন- এটা ভুল। (মাল القرآن)

* -এর উপর সাকিন থাকলে তার পূর্বের হরফকে দেখতে হবে; যদি পূর্বের হরফে যবর বা পেশ থাকে তাহলে ر কে পূর পড়তে হবে। যেমন- بَرَقَ . يُرْرَقُونَ . قُرْآنٌ আর পূর্বের হরফে যের থাকলে ر কে বারীক পড়তে হবে। যেমন- تَنْذِرُهُمْ তবে তিন ক্ষেত্রে এই নিয়মের ব্যতিক্রম হবে-

১. পূর্বের যের ও ر-ভিন্ন ভিন্ন শব্দে হলে ر কে পূর পড়তে হবে। যেমন- رَبِّ ارْجِعُونِ . أَمْ ارْتَابُوا

২. এমনি ভাবে ر সাকিন পূর্বে যের থাকা সত্ত্বেও যদি ر এর পরে خص -এই সাতটি বর্ণের কোন একটি থাকে তাহলেও ر কে পূর পড়তে

হবে। যেমন- (কুরআনে এই নিয়মের মাত্র এই চারটি শব্দই পাওয়া যায়) সূরা শুআরার فَرَقَ শব্দটি উভয় রকম পড়া যায়।

৩. ৱ-সাকিনের পূর্বের যের যদি আসলী না হয়- আরযী হয়, তাহলেও ৱ কে পূর পড়তে হবে যেমন- اِنْ اَرْجِعِي- তবে আরবী গ্রামার জানা ব্যতীত একরূপ যের চেনা মুশকিল, তাই কোথাও সন্দেহ হলে জানা লোকদের থেকে জেনে নিতে হবে।

* ৱ সাকিনের পূর্বের হরফের উপর যদি সাকিন থাকে (একরূপ অবস্থা ওয়াক্ফের সময় থাকে) তাহলে তার পূর্বের হরফের হরকত দেখতে হবে- যদি যবর বা পেশ থাকে তাহলে ৱ - কে পূর পড়তে হবে। আর যের থাকলে ৱ- কে বারীক পড়তে হবে। যেমন- اَلْعُسْرُ- اَلْغَفَارُ শব্দে ৱ পূর এবং اَلذِّكْر শব্দে ৱ বারীক পড়তে হবে। তবে ৱ-সাকিনের পূর্বে যদি ৱ সাকিন হয় তাহলে তখন ৱ-এর পূর্বের হরকত দেখা হবেনা বরং তখন সর্বাবস্থায় ৱ কে বারীক পড়তে হবে, যেমন- خَيْرٌ- بَصِيرٌ আর ৱ সাকিনের পূর্বের সাকিনযুক্ত হরফ ۞ এই সাতটির কোন একটি হলে সেই ৱ - কে পূর বা বারীক উভয় রকম পড়া যায়। তবে ۞ শব্দের ৱ-কে পূর পড়া উত্তম এবং ۞-কে বারীক পড়া উত্তম। (ৱ-এর আলফায)

কুলকুলার আহকামঃ

* ۞ ۞ ۞ ۞ ۞ এই পাঁচটি হরফে সাকিন থাকলে বা এর উপর ওয়াক্ফ করলে কুলকুলা করতে হয়। কুলকুলা অর্থ ধাক্কা লাগা এবং আওয়াজ জোর হওয়া। ওয়াক্ফের অবস্থায় কুলকুলা একটু বেশী প্রকাশ করতে হবে এবং কিছুটা যবরের ভাব প্রকাশ করতে হবে (পুরো যবর উচ্চারণ নয়) যেমন- ۞ ۞ ۞ ۞ ۞ আর মধ্যবর্তী স্থানে সাকিন হওয়ার কারণে হলে কুলকুলা হালকা হবে এবং যবরের ভাব প্রকাশ পাবে না। (ৱ-এর আলফায)

সাক্তাহ-এর বর্ণনাঃ

(পড়ার সময় থামতে হবে কিন্তু শ্বাস ছাড়া যাবে না- একে সাক্তাহ বলা হয়।)

* কুরআন শরীফে ৪ জায়গায় সাক্তাহ করতে হয়। যথা :

১. সূরা কাহফ-এর শুরুতে عَوْجًا শব্দের আলিফ-এর উপর।

২. সূরা ইয়াহীন-এর مِنْ مَّرْقَدِنَا শব্দের আলিফ-এর উপর।
৩. সূরা ক্বিয়ামাহ-এর مَنْ رَاقِي এর مَنْ এর নূন-এর উপর।
৪. সূরা মুতাফ্ফিফীন-এর بَلِّ رَانَ এর بَلِّ শব্দের লামের উপর।

ওয়াক্ফ বা থামার নিয়ম-নীতিঃ

* কুরআন শরীফে যেখানে যে ওয়াক্ফের চিহ্ন রয়েছে সেই চিহ্ন অনুযায়ী আমল করতে হবে। ওয়াক্ফের চিহ্নাদি সম্পর্কে পরবর্তী পরিচ্ছেদ দেখুন।

* যেখানে ওয়াক্ফের কোন চিহ্ন নেই সেখানে শ্বাস নিতে বাধ্য হওয়ার কারণে থামতে হলে শব্দের শেষ হরফে সাকিন দিয়ে থামতে হবে, তারপর আবার পড়ার সময় সেই শব্দ বা আরও দুই এক শব্দ পেছন থেকে মিলিয়ে নিয়ে পড়তে হবে।

* যে শব্দের উপর ওয়াক্ফ করা হবে তার শেষ হরফে গোল তা (ة) ব্যতীত অন্য কোন হরফে দুই যবর থাকলে এক যবর পড়তে হবে এবং শেষে একটা আলিফ যোগ করে (অনেক স্থানে আলিফ লেখা থাকে) এক আলিফ টেনে পড়তে হবে। যেমন: وَأَنْ كُنَّ نِسَاءً -এর উপর ওয়াক্ফ করলে পড়তে হবে: وَأَنْ كُنَّ نِسَاءً

* যে শব্দে ওয়াক্ফ করা হবে তার শেষে গোল তা (ة) থাকলে ওয়াক্ফের সময় ঐ গোল তা-কে (ة) পড়তে হবে।

* হরকতযুক্ত হরফের উপর ওয়াক্ফ করলে একটি নিয়ম হল শেষের হরফকে সাকিন দিয়ে পড়া, যা পূর্বে উল্লেখ করা হয়েছে। আরও দুইটি নিয়ম রয়েছে-

১. শেষ অক্ষরের হরকতকে খুব হালকা ভাবে প্রকাশ করতে হবে অর্থাৎ, সেই হরকতের এক তৃতীয়াংশ উচ্চারণ হবে এবং এমন ভাবে উচ্চারণ হবে যেন শুধু নিকটের লোকেরাই শুনতে পারে। এরূপ করাকে 'রুম' (روم) বলে। শেষ হরফে যের বা পেশ থাকলে এই নিয়ম প্রযোজ্য হবে-যবর থাকলে এই নিয়ম প্রযোজ্য হবে না।

২. শেষ হরফে সাকিন করা হবে তবে আওয়াজ বন্ধ হওয়ার পর চোঁটের ইশারায় শেষ হরকত প্রকাশ করা হবে। এরূপ করাকে এশমাম (إشمام) বলে। শেষ হরফে পেশ থাকলেই কেবল এশমাম করা হয়- যবর বা যের থাকলে এশমাম করা যাবে না।

* তাশদীদযুক্ত হরফের উপর ওয়াক্ফ করলে মাখরাজের উপর একটু বিলম্ব করতে হবে যাতে দুই হরফ বোঝা যায়। যেমন **مُسْتَقَرَّ. وَتَبَّ**

ওয়াক্ফের চিহ্ন সমূহঃ

১. ○ - আয়াতের শেষে এরূপ চিহ্ন থাকে। এ-কে ‘ওয়াক্ফে তাম’ বলে। এরূপ চিহ্নিত স্থানে ওয়াক্ফ করতে হবে। কিন্তু ওয়াক্ফে তাম-এর উপর অন্য কোন চিহ্ন থাকলে (যেমন ط . ج . م . ز . ص ইত্যাদি) সেই চিহ্ন অনুসরণ করতে হবে।
২. م -এই চিহ্নকে ‘ওয়াক্ফে লাযেম’ বলে। এরূপ স্থানে ওয়াক্ফ না করলে অর্থ বিগড়ে যেতে পারে; তাই ওয়াক্ফ করা দরকার।
৩. ط -এই চিহ্নকে ‘ওয়াক্ফে মুতলাক্ক’ বলে। এখানে ওয়াক্ফ করা উত্তম- ওয়াক্ফ না করা ভাল নয়।
৪. ج এই চিহ্নকে ‘ওয়াক্ফে জায়েয’ বলে। এখানে ওয়াক্ফ করা না করা উভয়ই জায়েয তবে ওয়াক্ফ না করা ভাল।
৫. ص -এই চিহ্নকে ‘ওয়াক্ফে মুরাখ্খাছ’ বলে। এরূপ স্থানে পরের শব্দের সাথে মিলিয়ে পড়া ভাল। তবে নিঃশ্বাস শেষ হয়ে গেলে ওয়াক্ফের অনুমতি আছে।
৬. ف -এই চিহ্নকে ‘ওয়াক্ফে আম্র’ বলে। ইহা ওয়াক্ফ করার জন্য নির্দেশ করে।
৭. ق -এই চিহ্নকে ‘ক্বীলা আলাইহি ওয়াক্ফুন’ বলে। অর্থাৎ, কেউ কেউ এখানে ওয়াক্ফ আছে বলেন আবার কেউ কেউ ওয়াক্ফ না করার কথা বলেন। এখানে ওয়াক্ফ না করা ভাল।
৮. لا -একে ‘লা ওয়াক্ফা আলাইহি’ বলে। এখানে ওয়াক্ফ না করার হুকুম।
৯. ص—— -একে ‘ক্বাদ ইউছালু’ বলে। অর্থাৎ, কোন কোন সময় এতে ওয়াক্ফ করা হয় আবার কখনও মিলিয়ে পড়া হয় কিন্তু ওয়াক্ফ করাই উত্তম।
১০. ص—— -একে ‘আল-ওয়াছলু আওলা’ বলে। এখানে মিলিয়ে পড়া উত্তম। ওয়াক্ফ করলেও ক্ষতি নেই।
১১. سكته -একে ‘সাক্তাহ’ বলে। এখানে মিলিয়ে পড়া উত্তম। ওয়াক্ফ করলেও ক্ষতি নেই।

১২. وَفَّهِ এখানে সাক্তার চেয়ে একটু বেশী সময় থামতে হয়, তবে শ্বাস ছাড়া যাবে না।

১৩. ∴ -এই চিহ্নকে 'মু'আনাকা' বলে। এই চিহ্ন শব্দ বা বাক্যের ডানে ও বামে দুই পার্শ্বে আসে। পড়ার সময় প্রথম জায়গায় ওয়াক্ফ করলে অপর জায়গায় মিলিয়ে পড়তে হবে। কুরআন শরীফের পার্শ্বে এরূপ স্থানে مع বা معانقه লেখা থাকে।

১৪. وقف النبي ص -এখানে ওয়াক্ফ করা অতি উত্তম।

১৫. وقف غفران -এখানে ওয়াক্ফ করলে গোনাহ মাফ হয়।

১৬. وقف جبرائيل এখানে ওয়াক্ফ করা বরকতপূর্ণ।

উল্লেখ্যঃ যেখানে একই স্থানে উপর নীচে দুইটি ওয়াক্ফের চিহ্ন থাকে, সেখানে উপরের চিহ্নটা অনুসরণ করা হবে।

যেসব স্থানে লেখা হয় এক রকম পড়তে হয় অন্য রকমঃ

* ১২ শ পারার ৪র্থ রুকুতে যে مَجْرَهَا শব্দটি আছে তাকে মাজরীহা পড়া যাবে না। বরং মাজরেহা পড়তে হবে।

* ২৬শ পারার সূরা হুজুরাতের ২য় রুকুতে যে بِئْسَ الْأَسْمُ রয়েছে তাকে এভাবে পড়তে হবে بِئْسَ لِسْمُ

* কুরআন শরীফে যত স্থানে أَنَا শব্দ আছে (অর্থঃ আমি) সেখানে আলিফ পড়া হবে না অর্থাৎ, নুনে মদ হবে না। তবে চার স্থানে أَنَا -তে মদ হবে।

যথাঃ أَنَا نَسِي . أَنَا مِل . أَنَا بُؤَا . أَنَا بَا

* بَصْطَةٌ ও يَبْصُطُ -এর উপরে সাধারণতঃ একটা ছোট স লেখা থাকে। এই স লেখা থাকুক বা না থাকুক এখানে ص পড়া হবে না বরং س পড়া হবে।

* ৪র্থ পারার أَفَإِنَّ مَاتَ শব্দের ف -এর পরের আলিফ পড়া হবে না পড়তে হবে এরূপ أَفَئِنَّ

* ৪র্থ পারার لَا إِلَى اللَّهِ -এর لَا এর আলিফ পড়া হবে না। পড়তে হবে এরূপ لَا إِلَى اللَّهِ

* ৬ষ্ঠ পারার أَن تَبُوءَ শব্দের হামযার পরের আলিফ পড়া হবে না।

* নবম পারার مَلَأَ শব্দের লামের পরের আলিফ পড়া হবে না। পড়তে হবে এরূপ مَلَأَ

* ১০ম পারার (সূরা-তাওবা) وَلَا أَوْضَعُوا শব্দের লামের পরের আলিফ পড়া হবে না। পড়তে হবে একরূপ وَلَا أَوْضَعُوا

* ১২শ পারার এবং ২৬শ পারার تَمُودَ শব্দের আলিফ পড়া হবে না।

* ১৩ শ পারার لَتَتْلُوا শব্দের আলিফ পড়া হবে না।

* ১৫শ পারার (সূরা কাহ্ফ) لَنْ نَذْعُو শব্দের আলিফ পড়তে হবে না।

* ১৫শ পারার لِسَائِي শব্দের আলিফ পড়া হবে না। পড়া হবে একরূপ لِسَيِّ

* ১৫শ পারার (সূরা কাহ্ফ) لَكِنَّا শব্দের নূনের পরের আলিফ পড়া হবে না।

* ১৯ শ পারার (সূরা নামল) لَا أَذْبَحْنَهُ শব্দের লামের পরের আলিফ পড়া হবে না।

* ২৩শ পারার (সূরা সাফ্ফাত) لَا إِلَى الْجَحِيمِ শব্দের لَا এর আলিফ পড়া হবে না।

* ২৯শ পারার সূরা দাহর-এর سَلَا سَلَا শব্দের শেষ আলিফ পড়া হবে না এবং এই সূরাতে قَوَارِيرًا قَوَارِيرًا শব্দটি পাশাপাশি দুইবার আছে। এর মধ্যে দ্বিতীয় قَوَارِيرًا শব্দের শেষের আলিফ কোন অবস্থাতেই পড়া হবে না, চাই ওয়াক্ফ করা হোক বা না হোক। আর প্রথম قَوَارِيرًا শব্দের শেষের আলিফ ওয়াক্ফ করলে পড়া হবে এবং ওয়াক্ফ না করলে পড়া হবে না।

* কুরআন শরীফে কোন হরফের উপর জযম থাকলে এবং তার পরের হরফে তাশদীদ থাকলে ঐ জযম ওয়ালী হরফকে পড়তে হবে না।

أَجِيتَ دَعْوَتُكُمَا . أَلَمْ نَخْلُقْكُمْ . قَالَتْ طَائِفَةٌ . قَدْ تَبَيَّنَ - يَهْمَنُ

তिलाওয়াতেर सज्दल

* कुरलन शरीफे मोट १४टल सलज्दलर आयात आहे; ँगुलो पलठ करले वल श्रवण करले सलज्दल देयल ँयलजलव हये यलय। ँके सलज्दलये तलललललत वल तलललललतेर सलज्दल वले। उक्त १४टल आयात ँह-

१. सूरल अरलरलफ (९म पलरल)-ँर शेष आयात। आयात नं २०६।

२. सूरल रलद (१३श पलरल)-ँर १५ नं आयात।

३. सूरल नलहल (१४श पलरल)-ँर ५० नं आयात।

४. सूरल वनी इसरलदलल (१५श पलरल)-ँर १०९ नं आयात।

৫. সূরা মারইয়াম (১৬ শ পারা)-এর ৫৮ নং আয়াত ।
৬. সূরা হজ্জ (১৭শ পারা)-এর ১৮ নং আয়াত ।
৭. সূরা ফুরকান (১৯শ পারা)-এর ৬০ নং আয়াত ।
৮. সূরা নামল (১৯শ পারা)-এর ২৬ নং আয়াত ।
৯. সূরা সাজ্দা (২১ তম পারা)-এর ১৫ নং আয়াত ।
১০. সূরা সাদ (২৩ তম পারা)-এর ২৪ নং আয়াত ।
১১. সূরা হা মীম সাজ্দা (২৪ তম পারা)-এর ৩৮ নং আয়াত ।
১২. সূরা নাজ্ম (২৭ তম পারা)-এর শেষ আয়াত (৬২ নং আয়াত) ।
১৩. সূরা ইনশিকাক্ব (৩০ তম পারা)-এর ২১ নং আয়াত ।
১৪. সূরা আলাক্ব (৩০ তম পারা)-এর শেষ আয়াত ।

* সাজদায়ে তিলাওয়াতের নিয়ম এই যে, নামাযের ন্যায় পাক পবিত্র অবস্থায় কেবলামুখী হয়ে আল্লাহ্ আকবার বলে একটি সাজদা করবে, সাজদায় তিনবার সাজদার তাসবীহ পড়ে আবার আল্লাহ্ আকবার বলে উঠবে। হাত উঠাতে বা বাঁধতে হবে না। না দাঁড়িয়ে বসে বসেও এই সাজদা করা যায় বা দাঁড়িয়ে সাজদায় গিয়ে সাজদা করে বসে থাকলেও দুরস্ত আছে। শয্যাশায়ী রোগী নামাযের সাজদায় যেরূপ ইশারা করে এই সাজদাও তদ্রূপ ইশারায় করলেই আদায় হয়ে যাবে।

* সাজদার আয়াত তিলাওয়াত বা শ্রবণের সময় উযু না থাকলে পরে যখন উযু করবে তখন সাজদা করে নিলেও আদায় হয়ে যাবে। উযু থাকলেও পরে আদায় করে নেয়া যায়, তবে উযু থাকলে সাজদার আয়াত তিলাওয়াত বা শ্রবণের সাথে সাথে সাজদা করে নেয়া উত্তম।

* যে সমস্ত তিলাওয়াতের সাজদা আদায় করা হয়নি, মৃত্যুর পূর্বে সেই সমস্ত সাজদা আদায় করে নিতে হবে; নতুবা গোনাহগার হতে হবে।

* হায়েয নেকাস অবস্থায় সাজদার আয়াত শুনলে সাজদা ওয়াজিব হয় না। কিন্তু গোসলের হাজতের অবস্থায় বা হায়েয নেকাস থেকে পাক হয়ে গোসলের পূর্বাবস্থায় সাজদার আয়াত শুনলে সাজদা ওয়াজিব হবে।

* নামাযের মধ্যে সাজদার আয়াত পড়লে সাজদার আয়াত পড়া মাত্র নামাযের মধ্যেই তৎক্ষণাৎ সাজদা করে নিতে হবে। তৎক্ষণাৎ সাজদা না করে এক দুই আয়াত আরও পড়ার পর সাজদা করলেও দুরস্ত আছে। কিন্তু আরও বেশী পড়ার পর সাজদা করলে সাজদা আদায় হবেনা গোনাহগার হতে হবে।

* নামাযের মধ্যে সাজদার আয়াত পড়ে নামাযের মধ্যে সাজদা না করলে নামাযের বাইরে এই সাজদা আদায় করলে আদায় হবে না। চিরকালের জন্য পাপী থাকতে হবে। এর জন্য এস্তেগফার করতে হবে।

* নামাযের মধ্যে সাজদার আয়াত পড়ে তৎক্ষণাৎ যদি রুকূতে চলে যায় এবং রুকূর মধ্যে সাজদায়ে তিলাওয়াতেরও নিয়ত করে, তাতেও সাজদা আদায় হয়ে যাবে। আর রুকূতে অনুরূপ নিয়ত না করলে তারপর যখন সাজদা করবে তখন নিয়ত না করলেও তিলাওয়াতের সাজদা আদায় হয়ে যাবে।

* নামাযের মধ্যে অন্য কারও সাজদার আয়াত পড়তে শুনলে নামাযের মধ্যে সাজদা করবে না, নামাযের পরে সাজদা করবে। নামাযের মধ্যে করলেও তা আদায় হবে না, উপরন্তু পাপ হবে।

* এক জায়গায় বসে একটি সাজদার আয়াত বারবার পড়লে বা শুনলে একটি সাজদাই ওয়াজিব হয়, শর্ত হল মজলিস এক থাকতে হবে- মজলিস পরিবর্তন হলে হুকুম পরিবর্তন হয়ে যাবে। দুনিয়াবী কথাবার্তা বা কাজ দ্বারা মজলিস পরিবর্তন হয়েছে ধরা হবে। এক জায়গায় বসে একাধিক সাজদার আয়াত পড়লে বা শুনলে যত আয়াত তত সাজদা ওয়াজিব হবে।

* রেডিও, টেপরেকর্ডার ও গ্রামোফোনে সাজদার আয়াত তিলাওয়াত শুনলে সাজদায়ে তিলাওয়াত ওয়াজিব হয় না।

(امداد الفتاوى ج ۲ / وآلات جدیدہ کے شرعی احکام)

* সমস্ত সূরা পাঠ করা এবং সাজদা থেকে বাঁচার জন্য শুধু সাজদার আয়াত বাদ দিয়ে যাওয়া মাকরুহ ও নিষিদ্ধ।

◀ সমাপ্ত ▶

তৃতীয় সংস্করণে যা যা পরিবর্তন/পরিবর্ধন করা হয়েছে

আহকামে যিন্দেগীর বর্তমান সংস্করণে (৩য় সংস্করণে) মোট চার ধরনের পরিবর্তন/পরিবর্ধন আনয়ন করা হয়েছে। যথাঃ

১. সংযোজন করা হয়েছে-

- * আল্লাহর ৯৯ নামের সাথে সংশ্লিষ্ট আকীদা সমূহের সংক্ষিপ্ত বিবরণ।
- * অলী, আবদাল, গাউছ, কুতুব ইত্যাদি সম্পর্কিত ধারণা শীর্ষক

আলোচনায় সংযোজন।

- * হায়েয, নেফাস ও ইস্তেহাজার বেশ কিছু নতুন মাসায়েল সংযোজন।
- * “হজ্জের সফরের আদবসমূহ” শীর্ষক আলোচনা সংযোজন।
- * হজ্জের মাসায়েলে সর্বশেষ অবস্থার আলোকে কিছু নতুন বর্ণনা

সংযোজন।

- * মক্কা মুকাররমায় যিয়ারতের স্থানসমূহের আলোচনায় নতুন কিছু তথ্য

সংযোজন।

- * মদীনা মুনাওওরায় যিয়ারতের স্থানসমূহের আলোচনায় নতুন কিছু তথ্য

সংযোজন।

- * “জেহাদ প্রসঙ্গ” শীর্ষক আলোচনা সংযোজন।

* (“তিলাওয়াতের সাজদা” শীর্ষক আলোচনা) ১৪টি সাজদার আয়াতের বিবরণ সংযোজন করে দেয়া হয়েছে।

* “সাজদায়ে সহোর মাসায়েল” শীর্ষক আলোচনার ৫ম মাসআলায় কিছু কথা সংযোজন করা হয়েছে।

- * আরও বহু স্থানে ছোটখাট অনেক মাসআলা সংযোজন।

- * বেশ কিছু স্থানে আরও বরাত সংযোজন করা হয়েছে।

২. বাদ দেয়া হয়েছে-

অধিকতর তাহকীকের ভিত্তিতে অত্র সংস্করণে পূর্বের সংস্করণ থেকে নিম্নোক্ত মাসআলা সমূহ বাদ দেয়া হয়েছেঃ

* (“মসজিদে যাওয়ার সুন্নাহ ও আদবসমূহ” শীর্ষক আলোচনা) মসজিদ নজরে আসলে এই দুআ পড়বেঃ

اَللّٰهُمَّ اغْفِرْ لِيْ ذُنُوْبِيْ وَخَطَايَايَ وَعَمَدِيْ-

* (“নামায পড়ার তরীকা” [পূর্বের শিরোনাম “দুই রাকআত নামাযের আমলসমূহ] শীর্ষক আলোচনা) তাকবীরে তাহরীমাত পূর্বে এই দুআ পড়ে নেয়া উত্তম-

إِنِّى وَجَّهْتُ وَجْهَى لِإِلَهِى فَطَرَ السَّمَوَاتِ وَالْأَرْضَ حَنِيفًا وَمَا أَنَا مِنَ الْمُشْرِكِينَ -

* (“মেজবানের করণীয় বিশেষ আমলসমূহ” শীর্ষক আলোচনা) সম্ভব হলে বিদায়ের সময় মেহমানকে কিছু হাদিয়া উপঢৌকন প্রদান করবে।

৩. বিন্যাসগত পরিবর্তন-

নিম্নোক্ত তিনটি বিষয় চতুর্থ অধ্যায় থেকে দ্বিতীয় অধ্যায়ে “হায়েয নেফাস ও ইস্তেহাযা ইত্যাদি”-এর অধীনে আনা হয়েছে-

- * গর্ভপাত ও এম আর বিষয়ক মাসায়েল
- * প্রসবকালীন সময়ের কয়েকটি মাসআলা
- * প্রসূতি সম্পর্কে কয়েকটি মাসআলা

৪. ভাষাগত পরিবর্তন-

* “হক্কে শোফআর মাসায়েল” শীর্ষক আলোচনার ভাষা সম্পূর্ণ পরিবর্তন করে সাবলীল করে দেয়া হয়েছে।

- * বিভিন্ন স্থানে টুকিটাকি ভাষাগত পরিবর্তন ও পরিমার্জন আনা হয়েছে।

গ্রন্থপঞ্জী

অত্র গ্রন্থে (আহকামে যিন্দেগী-তে) যে সব কিতাবের বরাত উল্লেখ করা হয়েছে তার সিংহভাগের একটি সংক্ষিপ্ত তালিকা (লেখকের নাম সহ) পেশ করা হল।

| লেখকের নাম | গ্রন্থের নাম |
|--|--|
| ابو عبد الله محمد بن يزيد ابن ماجة | ابن ماجة |
| امام ابو داود السجستاني | السنن لابی داود |
| مولانا محمد يوسف لدھیانوی | آپ کے مسائل اور انکاح |
| حضرت مولانا مفتی رشید احمد | احسن الفتاوی |
| امام ابو الحسن علی بن محمد الماوردی | الاحکام السلطانية |
| عارف باللہ مولانا ڈاکٹر محمد عبدالحی | احکام میت |
| حجة الاسلام ابو حامد محمد بن محمد الغزالی | احیاء علوم الدین |
| امام ابو الحسن علی بن محمد الماوردی | ادب الدنيا والدين |
| حضرت مولانا شاہ اشرف علی تھانوی | ادب القرآن |
| حضرت مولانا شاہ اشرف علی تھانوی | آداب المعاشرة |
| حضرت مولانا حفص الرحمن سیدوہاروی | اسلام کا اقتصادی نظام |
| حضرت مولانا محمد منظور نعمانی | اسلام کیا ہے؟ |
| حضرت مولانا قاری محمد طیب صاحب | اسلامی تہذیب و تمدن |
| پروفیسر رفیع اللہ شہاب | اسلامی معاشرہ |
| حضرت مولانا شاہ اشرف علی تھانوی | اصلاح انقلاب امت |
| حضرت مولانا شاہ اشرف علی تھانوی | اصلاح الرسوم |
| شیخ الحدیث حضرت مولانا محمد زکریا | الاعتدال فی مراتب الرجال المعروف باسلامی سیاست |
| ترتیب دادہ از افادات حضرت مولانا شاہ اشرف علی تھانوی | العلم والعلماء |
| حضرت مولانا شاہ اشرف علی تھانوی | اغلاط العوام |
| وہبہ الذحیلی المصری | الفقه الاسلامی وادلتہ |

| লেখকের নাম | গ্রন্থের নাম |
|---|---|
| عبد الرحمن الجزيري | الفقه على المذاهب الاربعة |
| حضرت مولانا شاه اشرف علی تھانوی | امداد الفتاوی |
| الیاس عبد الغنی | المساجد الاثرية |
| محمد عثمان الخشت (مكتبة القرآن . القاهرة) | المشاكل الزوجية وحلولها |
| الامام الشيخ شمس الدين السخاوی | المقاصد الحسنة |
| حضرت مولانا مفتی محمد شفیع صاحب | آلات جدیدہ کے شرعی احکام |
| মূল: মাওঃ কারী আবুল হাছান আজমী (দেওবন্দ) | আখান ইকামাতের ফাযায়েল, মাসায়েল ও তাজবীদ |
| হযরত মাওঃ ফরীদ উদ্দীন মাসউদ | ইসলামে শ্রমিকের অধিকার |
| মূল মাওঃ মুজীবুল্লাহ নদবী | ইসলামী ফিকাহ |
| মূল মাওঃ আশরাফ আলী থানবী | ইংরেজী পড়িব না কেন? |
| হযরত মাওঃ শামসুল হক ফরিদপুরী | ইলমের ফযীলত |
| محمد بن اسماعيل البخاری | الصحيح للبخاری |
| ملك العلماء علاء الدين الكاسانی | بدائع الصنائع |
| مرتبه عارف بالله مولانا ডاک্টর محمد عبدالحی | بصائر حکیم الامت |
| حضرت مولانا شاه اشرف علی تھانوی | بہشتی زیور |
| حضرت مولانا شاه اشرف علی تھانوی | بیان القرآن |
| الیاس عبد الغنی | بیوت الصحابة |
| মূল মাওঃ আশরাফ আলী থানবী | বেহেশতী জেওর |
| হযরত মাওঃ শামসুল হক ফরিদপুরী | ভোট সম্পর্কে শরীয়াতের নির্দেশ |
| ترتيب داده از رسائل اشرف علی تھانوی | تحفہ زوجین |
| ترتيب داده از رسائل اشرف علی تھانوی | ترتیب اولاد اور اسکے تعلقات |
| ابو عيسى محمد بن عيسى الترمذی | السنن للترمذی |

| লেখকের নাম | গ্রন্থের নাম |
|---|---------------------------------------|
| মোলানা محمد منظور نعمانی | تصوف کیا ہے؟ |
| حضرت مولانا محمد اشرف علی تھانوی | تعلیم الدین |
| حضرت مولانا شاہ اسماعیل شہید | تقویۃ الایمان |
| حضرت مولانا محمد تقی عثمانی | تکملة فتح الملهم |
| ابو الیث السمرقندی | تنبيه الغافلین |
| হযরত মাওঃ শামসুল হক ফরিদপুরী | তাসাওউফ তত্ত্ব |
| মূল হযরত মাওঃ শাহ আবরারুল হক সাহেব | তুহফায়ে আবরার |
| মোলানা خالد سیف اللہ رحمانی (فاضل دیوبند) | جدید فقہی مسائل |
| حضرت مولانا شاہ اشرف علی تھانوی | جزاء الاعمال |
| حضرت مولانا شاہ اشرف علی تھانوی | جمال القرآن |
| محمد بن محمد بن سلیمان | جمع الفوائد |
| حضرت مولانا مفتی عبدالسلام چانگای | جواہر الفتاوی |
| حضرت مولانا مفتی محمد شفیع | جواہر الفقہ |
| مولانا خورشید حسن قاسمی | جہیز ایک سماجی لغت |
| হযরত মাওঃ শামসুল হক ফরিদপুরী | জীবন্ত মসজিদ |
| حضرت مولانا شاہ اشرف علی تھانوی | حسن العزیز |
| محمد بن محمد بن محمد الجزری الشافعی | حصن حصین |
| حضرت مولانا محمد تقی عثمانی | حکیم الامت حضرت تھانوی کے سیاسی افکار |
| اوصاف علی | حقوق العباد |
| موفقاتی موصی محمد ابوبکر | ھجج ۛمرآ ۛ ۛیہارآ |
| مূল- ہہرآ ما: آشراف آانی آانہی (رہ:) | ہارآاآل ماسلمیہ |
| الشیخ خیر محمد جاندہری ومفتیان خیر المدارس، ملتان | خیر الفتاوی |

| لکھکےر نام | آھےر نام |
|--|---------------------------------------|
| آھرت مولانا محمد تقی عثمانی | درس ترمذی |
| الشیخ علاء الدین محمد الحصفی | الدر المختار (شرح تنویر الابصار) |
| آھرت مولانا قاری محمد طیب | دینی دعوت کے قرآنی اصول |
| مفتی سعید احمد پالنپوری | ڈاڑھی اور انبیاء کی سنتیں |
| آھرت مولانا محمد سرفراز خان صاحب صفدر | راہ سنت |
| حکیم محمد اختر شاہ | رسول اللہ صلی اللہ علیہ وسلم کی سنتیں |
| مولانا اور لیس کاندھلوی | سیرت مصطفیٰ |
| مول۔ ہررت آاشراف آالی خانوی | آافایہ یمو آامالآت |
| محمد امین الشہیر بابن عابدين الشامی | رد المحتار (شامی) |
| الشیخ ابراهیم الحلبی الحنفی | شرح المنیة (غنیة المتملی) |
| الشیخ عبد الله بن مسعود | شرح الوقایہ |
| امام زاده محمد بن ابی بکر الحنفی البخاری | شرعة الاسلام |
| آھرت مولانا شاہ اشرف علی تھانوی | شریعت وطریقہ |
| آھرت مولانا ریاست علی صاحب بجنوری | شوری کی شرعی حیثیت |
| مول۔ شایخول ہادیہ ماہ یاکارریا | سربروگےر مول |
| ہررت ماوہ شامآول ہک فزریپوری | سংশکےپے اسلام |
| سید احمد الطحطاوی | طحطاوی (علی مراقی الفلاح) |
| الشیخ نظام الدین وجماعة من علماء الهند | عالمگیریہ (الفتاویٰ الہندیہ) |
| ابو جعفر احمد الازدی الطحاوی | عقیدۃ الطحاوی |
| عبدالحی لکھنوی | عمدة الرعاية |
| اکمل الدین محمد بن محمود | عنایہ |
| جٹس سید امیر علی ترجم فتاویٰ عالمگیریہ | عین الہدایہ (شرح اردو ہدایہ) |

| লেখকের নাম | গ্রন্থের নাম |
|---|--------------------------------|
| মোনা কারী منت علی | غنية القارى |
| الشيخ ابراهيم الحلبي الحنفى | غنية المتملى (شرح منية المصلى) |
| مفتيان دارالعلوم ديوبند | فتاوى دارالعلوم |
| مفتى عبدالرحيم لاج پورى | فتاوى رحيمية |
| امام ربانى حضرت مولانا رشيد احمد گنگوہى | فتاوى رشيدية |
| فخر الدين قاضى خان | فتاوى قاضى خان |
| مفتى محمود حسن ديوبند | فتاوى محمودية |
| حضرت مولانا شبير احمد عثمانى | فتح الملهم |
| شيخ السلام حضرت مولانا مشاهد سہڻى | الفرقان |
| حضرت مولانا شاه اشرف على تھانوى | فروع الايمان |
| شيخ الحديث مولانا محمد زكريا | فضائل اعمال |
| حضرت مولانا سيد اصغر حسين | فقد الحديث |
| از افادات حضرت مولانا اشرف على تھانوى | فقه حنفى کے اصول و ضوابط |
| حضرت مولانا قارى عبدالرحمن صاحب کى | فوائد مكية |
| حضرت مولانا مفتى فيض الله | فيض الكلام و شرحه |
| লেখক মণ্ডলী-ইসলামিক ফাউন্ডেশন, ঢাকা | ফাতাওয়া ও মাসায়েল |
| حضرت مولانا سيد اصغر حسين | قصد السبيل |
| محمى الدين ابو زكريا يحيى بن شرف النووى | كتاب الاذكار |
| হযরত মাওলানা মাহমুদুল হাছান | কাফন দাফনের মাসলা মাসায়েল |
| حضرت مولانا سيد اصغر حسين | گلزار سنت |
| شيخ عبدالحق محدث دهلوى | ما ثبت بالسنه |
| الحافظ نور الدين ابو الحسن على بن بكر الهيثمى | مجمع الزوائد |

| লেখকের নাম | গ্রন্থের নাম |
|---|----------------------------------|
| حسن بن عمار الشرنبلالی | مراقی الفلاح |
| ملا علی القاری | مرفقات (شرح مشکوة المصابیح) |
| مولانا محمد رفعت قاسمی | مسائل وآداب ملاقات |
| ابو الحسین مسلم بن حجاج النیسابوری | الصحيح لمسلم |
| ولی الدین ابو عبد الله محمد بن عبد الله | مشکوٰۃ المصابیح |
| العلامة یوسف بنوری | معارف السنن |
| حضرت مولانا مفتی محمد شفیع | معارف القرآن |
| حضرت مولانا سعید احمد صاحب مفتی اعظم مظاہر العلوم | معلم الحجاج |
| يعقوب بن سيد علی | مفاتیح الجنان (شرح شرعة الاسلام) |
| হযরত মাওঃ শামছুল হক ফরিদপুরী | মা বাপ ও সন্তানের অধিকার |
| قاری محمد ابراہیم صاحب نواکھالی | زہۃ القاری |
| ابو عبد الرحمن احمد بن شعيب النسائي | السنن للنسائي |
| عبدالحی لکھنوی | تفہیم المفتی والسرائل |
| صوفی عبدالحمید سواتی | نماز مسنون |
| حسن بن علی الشرنبلالی | نور الايضاح |
| মূলঃ হিফজুর রহমান সিওহারভী | নীতি দর্শন |
| شيخ الاسلام الامام الهمام برهان الدين | هداية |

লেখকের আরও কয়েকখানা কিতাব

১. বয়ান ও খুতবা ১ম, ২য় ও ৩য় খণ্ড

এ গ্রন্থে একজন ইমামের জন্য সারা বৎসর বয়ান করার মত সব ধরনের বয়ান সন্নিবেশিত করা হয়েছে। ঈদুল ফিতর, ঈদুল আযহা, কুরবানী, আশুরা, শবে বরাত, শবে কদর, মেরাজ ইত্যাদি বৎসরের নির্ধারিত বয়ান সহ নামায, রোযা, হজ্জ, যাকাত, ঈমান-আকীদা, আমল-আখলাক এবং মুআমালা ও মুআশারা সম্পর্কিত যাবতীয় বিষয়ের বয়ান সমৃদ্ধ এ গ্রন্থখানা বিশেষ ভাবে ইমাম সাহেবানদের ওয়াজ ও বয়ান কর্মে সহযোগিতার উদ্দেশ্যে রচনা করা হয়েছে। প্রত্যেকটা বয়ানের সাথে রয়েছে এক একটি আরবী খুতবা, যেটি পাঠ করা যেতে পারবে। ওয়ায়েজ ও মুবাল্লিগগণও এ গ্রন্থ থেকে সহযোগিতা নিতে পারবেন। নসীহতের জন্য সর্বস্বরের লোকই পাঠ করতে পারবেন।

২. ফাযায়েলে যিন্দেগী

এ কিতাবখানিতে জীবনের সব রকম আমল ও আখলাকের ফাযায়েল বর্ণিত হয়েছে। আমলের উৎসাহ বৃদ্ধির জন্য এ কিতাবখানি নিজে পাঠ করা ও মসজিদে এবং মজলিসে তা'লীম করা দ্বারা অত্যন্ত উপকার হবে ইনশাআল্লাহ।

৩. আহকামে হজ্জ

এ গ্রন্থে নারী ও পুরুষের জন্য পৃথক পৃথক ভাবে সব প্রকার হজ্জ এবং উমরা ও যিয়ারতের মাসায়েল বর্তমান যুগের পেক্ষাপটে আলোচনা করা হয়েছে। হজ্জ ও যিয়ারতের সাথে সম্পর্কিত স্থানসমূহের মানচিত্র এবং ছবিও সংযুক্ত করে দেয়া হয়েছে।

৪. ইসলামী আকীদা ও ভ্রান্ত মতবাদ

এ গ্রন্থে ইসলামের যাবতীয় সহীহ আকীদা এবং এ সব আকীদা থেকে বিচ্যুত বিভিন্ন বাতিল ফিরকা ও ভ্রান্ত মতবাদ সম্পর্কে আলোচনা পর্যালোচনা পেশ করা হয়েছে। দেশী বিদেশী, নতুন পুরাতন সব ধরনের ভ্রান্ত দল ও ভ্রান্ত মতবাদ সম্পর্কে আলোচনা করা হয়েছে।

৫. ইসলামী মনোবিজ্ঞান

এ গ্রন্থেই সর্ব প্রথম ইসলামী মনোবিজ্ঞানকে শাস্ত্র আকারে রূপ দেয়া হয়েছে। ইসলামী জ্ঞান-বিজ্ঞানের শাখাসমূহের তালিকায় এটি একটি নতুন সংযোজন।

‘ইসলামী মনোবিজ্ঞান’ শীর্ষক এ গ্রন্থে ইসলামী বিধি-বিধান ও নীতিমালার মনোবৈজ্ঞানিক কার্যকারিতা এবং ইসলামে মনোবিজ্ঞানের অবস্থান সম্পর্কিত আলোচনা ও বর্ণনাই এ গ্রন্থে সন্নিবেশিত হয়েছে। ইসলামের শিক্ষানীতি, দাওয়াতের পদ্ধতি, ইবাদত এবং মু‘আমালা, মু‘আশারা সর্বক্ষেত্রের মনস্তত্ত্ব সম্পর্কেই এতে আলোচনা করা হয়েছে।

৬. কুরআন হাদীছ ও ইসলামী ইতিহাসের মানচিত্র

এক পৃষ্ঠার এ মানচিত্রে কুরআন হাদীছ ও ইসলামী ইতিহাসে বর্ণিত স্থানসমূহের বর্তমান অবস্থান ও বর্তমান নাম উল্লেখ সহ সংশ্লিষ্ট স্থানসমূহের প্রাচীন সীমানা ও বর্তমান সীমানা চিহ্নিত করে দেখানো হয়েছে।

৭. কথা সত্য মতলব খারাপ

রম্য রচনায় উগ্র আধুনিকতার সমালোচনা।

৮. চশমার আয়না যেমন

রম্য রচনায় বিভিন্ন ভ্রান্ত মতবাদ ও ভুল দৃষ্টিভঙ্গির সমালোচনা।

৯. তরীকে তা‘লীম ও বাংলা সাহিত্য প্রশিক্ষণ

এতে ইবতিদায়ী থেকে নিয়ে দাওয়ায়ে হাদীছ পর্যন্ত জামাতসমূহের কিতাবাদি তালীমের তরীকা এবং বাংলা সাহিত্য এবং রচনা ও অনুবাদ শেখা ও শেখানোর পদ্ধতি বর্ণনা করা হয়েছে।

১০. দাওয়াত ও তাবলীগের মূলনীতি

এটি হাকীমুল ইসলাম কারী মুহাম্মাদ তাইয়েব সাহেব (রহঃ) রচিত “দ্বীনী দাওয়াত কে কুরআনী উসূল” নামক গ্রন্থের অনুবাদ। অত্র গ্রন্থে কারী মুহাম্মাদ তাইয়েব সাহেব (রহঃ) দাওয়াত সংক্রান্ত কুরআনের একটি মাত্র আয়াত থেকে দাওয়াত সংক্রান্ত প্রায় ৭০টি মূলনীতি ইজতেহাদ করেছেন। এ গ্রন্থখানা পাঠ কুরআন থেকে গবেষণার ব্যুৎপত্তি জাগরণে সহায়ক হবে।

প্রাপ্তিস্থান

মাকতাবাতুল আবরার

ইসলামী টাওয়ার, ১১/১, বাংলাবাজার,

ঢাকা-১১০০

মোবাইল : ০১৭১২-৩০৬৩৬৪